

3
LIBRARY



GEOGRAPHIA.
N. 8. 5.




00050


17


6


Geogr. 1157

Ag. 1. 5









GEOGRAPHIÆ
BLAVIANÆ
VOLUMEN QUINTVM,
QVO
ANGLIA,
QVÆ EST
EUROPÆ
LIBER UNDECIMVS,
CONTINETVR.



AMSTELÆDAMI,
Labore & Sumptibus
IOANNIS BLAEV,
MDC LXII.



M. L.
C. A. C.

GEOGRAPHIE

BLAVIANE

VOLUMEN QUINTUM

QVO


ANNE

EST

UR

INDICIA

CONTINENTIA



3 Atlas.

V

t.5



3.7. AHL.

t.5

IOANNES BLAEV
LECTORI
S. P. D.



N tibi , Lector Benevole , illam
Geographiæ nostræ partem , quæ
continet Angliam ; in qua deli-
neanda secuti sumus accuratissimas
illius regni tabulas , à Ioanne Spead antehac
in lucem editas : his descriptiones Guilielmi
Cambdeni , viri antiquitates Britannicas solide
docti , adjecimus ; ut omni ex parte absolutum
foret hoc volumen. Nec tamen alias dedimus,
quam quæ Angliæ regnum spectarent. Scotiæ
enim , Hiberniæque , in sequentem partem re-
jecimus. His fruiere , laboribusque nostris fa-
ve , & vale. Amstelædami ex Typographejo
meo ipsis Kal. Ianuariis anno M D C L X II.

L E C T O R I ,

G V I L I E L M V S C A M B D E N V S .



*Q*uæ in prima hujus Libri editione ante annos viginti præfatus eram , eadem & iisdem verbis , pauculis adjunctis , in hac postrema editione benevolo Lectori nunc denuo præfari haudquaquam dispudet. Eximius veteris Geographiæ restaurator Abrahamus Ortelius ante annum tricesimum mecum pluribus egit , ut BRITANNIAM nostram , antiquam illam illustrarem : hoc est , ut Britannia antiquitatem , & suæ antiquitati Britanniam restituerem , ut vetustis novitatem , obscuris lucem , dubiis fidem adderem ; & ut veritatem in rebus nostris , quam vel scriptorum securitas , vel vulgi credulitas proscripserant , quoad fieri posset , postliminio revocarem. Opus sane arduum , & plusquam difficile , in quo quantopere sit sudandum ut nemo fere sentit ; sic nemo plane credit , nisi qui ipse aliquando periculum fecit. *A* proposito tamen quantum rei difficultas me deterruit , tantum ad id ipsum aggrediendum charissima patria gloria excitavit. Ita dum simul onus subire metui , & patriæ gloria , quantum in me sit , deesse nolui , res diversissimas , timiditatem & audaciam , quæ nunquam in eundem hominem cadere posse putavi , nescio quo pacto , in me conjuncta animadverti. Verumenimvero DEO auspice , comite INDUSTRIA rem aggressus omni animo , cogitatione , opera , & assidua meditatione in eandem successivis horis totus incubui. In Britannia ETYMON & primos incolas timide inquisivi , nec in re dubia quicquam asseveranter affirmavi. Gentium enim origines vetustate nimia , velut quæ magno loci intervallo vix cernuntur , esse obscuras , imo incertas certo novi ; perinde ac magnorum fluminum noti sunt decursus , nota diverticula , noti confluentes , nota ostia , fontes autem ipsi plerunque latent ignoti. Britannia divisiones antiquas pervestigavi , florentissimique Regni Angliæ , Ordines & Tribunalia compendio memoravi. In singulis horum regionibus qui sunt limites , (non tamen exiliter ad decempedam) quæ terræ dotes , quæ antiquioris memoriæ loca , qui Duces , qui Comites , qui Barones , & quæ familiæ vetustiores & splendidiores (nec sane singulas , quis enim poterit ?) paucis percensui. Quid præstiterim dicant qui recte judicare norunt , nec illi quidem facile dijudicent. Tempus autem testis incorruptus edocebit , cum invidia quæ vivos sectatur , conticescat. Hoc tamen dicam , quæ ad latentem antiquitatis veritatem eruendam imprimis faciant , à me neutiquam fuisse neglecta ; subsidio mihi antiquissima lingua Britannica , & Anglo-Saxonica notitiam qualemcunque comparavi ; Angliam fere omnem peragravi ; versatissimum quemque in sua regione consului. Scriptores patrios , Græcos , Latinos qui vel semel Britannia meminerunt , studiose evolvi. Publica regni Commentaria , sacra scrinia , & archiva , Bibliothecas plures , urbium & Ecclesiarum Tabularia , monumenta , & veteres schedas excussi ; eaque quasi testimonia de cælo omni exceptione majora advocavi , & certe ipsissimis quibus loquuntur verbis licet barbarie infuscatis , ut Veritati suus integer constet honos , in medium , cum res postulare videretur , produxi.

Næ tamen ego parum prudens , & minus modestus videar , qui ex infimo Antiquariorum subsellio , cum bene latere potuerim , in eruditissimi hujus seculi theatrum , inter varios ingeniorum , & judiciorum gustus scriptor prodierim. Sed ut quod res est , libere ac ingenue dicam , patriæ charitas , quæ omnes omnium charitates complectitur , Britannici nominis gloria , amicorum consilium modestiam meam expugnarunt , & velim nolim etiam adversus judi-

cium

L E C T O R I.

cium meum me hoc onus cui impar sum, subire impulerunt, & in publicum protruserunt. Iudicia enim, praesudicia, censuras, obtrectiones, reprehensiones confertim quasi sub signis in pro-cinctu undique me circumsidere prospicio. Alii sunt qui totum hoc rei antiquaria studium ut cu-riosam in praeitum diligentiam omnino aspernantur, & rejiciunt. Quorum auctoritatem ut non penitus totam contemno, ita sane prudentiam non valde admiror. Nec mihi rationes de-sunt, quibus bonis & cordatis hominibus, qui patriam illustratam cupiunt, hoc institutum facile probare, & in his studiis suavisissimam animorum oblectationem, & libero homine non indignam docere possim. Si qui vero sint, qui in urbe sua hospites, in patria sua peregrini, & cognitione semper pueri esse velint, sibi per me placeant, sibi dormiant, non ego illis haec conscripsi, non illis vigilavi. Sunt alii qui mihi tenue dicendi filum, & horridulam, ac incomptam orationem ob-jicient. Agnosco sane, nec enim aurificis statera (quod jubet Varro) verbum unumquodque appendi, nec orationis omnes undique flosculos carpere decrevi. At quid haec objicient, cum ipse eloquentiae parens Cicero hoc argumenti genus ΑΝΘΡΩΠΟΓΡΑΦΕΙΣΘΑΙ posse neget, & ut inquit Pomponius, Facundiae minime fit capax?

Complures etiam vel eo nomine forsitan insultabunt, quod conjecturis subinde antiquorum nominum origines venari, & indagare ausim. Qui si conjecturas omnino pergent porro exclu-dere, vereor ne magna politioris literaturae, atque adeo humana cognitionis pars pulsa tandem exulet. Mentis enim nostra acies ita plerumque est hebes, ut multa in omnibus artibus conje-cturis persequi & explicare cogamur. In re Medica ΣΗΜΕΙΑ, ΤΕΚΜΗΡΙΑ, ΕΙΚΟΤΑ, quae nihil fere aliud sunt quam conjectura, locum obtinent. In Rhetorica, Iure civili, & aliis artibus conjectura suam sedem habent, eamque tuentur. Cum autem conjectura rei latentis sint indicia, & (ut inquit Fabius) rationis ad veritatem directiones, inter antilias quibus ΤΕΜΠΥΣ VERITATEM in Democriti puteo demersam haurire, & subducere solet, ego semper nume-randas existimaui. Quod si animum inducant aliquem conjecturis locum tribuere, ut mihi etiam veniam tribuant, non dubito, quin modestia & moderatio mea in his tractandis facile im-petraverit. Plato in Cratylo jubet ut nominum origines ad Barbaricas linguas, utique anti-quiore revocemus: ego ad Britannicam sive Wallicam (ut jam vocant) linguam, qua pri-maui & antiquissimi hujus regionis incolae usi sunt, in Etymis, & conjecturis semper recurro. Jubet ille ut rei nomen, nomini res consonet: si dissonet, ego minime admitto. In rebus, inquit ille, est ΦΩΝΗ, ΣΧΗΜΑ, ΧΡΩΜΑ: si hac nomine non exprimantur, cum contempta ubi-que rejicio. Etymologias obscuriores, duriusculas, agre detortas, & quae in varias partes duci possint, hisce nostris commentariolis intexere non sum dignatus. Denique in conjecturis adeo parcus, & provide cautus fui, ut (nisi me fallam) a quo Lectori si non ΕΥΤΟΛΜΟΣ, certe ΤΟΛΜΗΡΟΣ videri non potuero. Licet vero semel atque iterum in hac suaui inge-niorum prolusione, unam & alteram conjecturam in una eademque re attulerim; VNITA-TEM tamen VERITATI consecratam esse interim non obliviscor.

Erunt fortasse qui fastidiose & ambitiose succenseant quod hanc vel illam familiam tacitus praterierim, cum instituti minime fuerit mei familias nisi illustriores meminisse, neque eas qui-dem omnes, (volumina enim complerent) sed quae mihi pro suscepti operis methodo se obtulerunt, & alius Deo favente de Nobilitate Britannica bene merendi dabitur locus. Verum qui hoc no-mine maxime succensent, ex eorum fortasse numero sunt quorum in patriam merita sunt mini-ma, & nobilitas nupera.

Iidem illi fortasse quod nonnullos superstites laudibus aspersi me reum postulabunt; at hoc breviter modiceque factum, idque ex veritatis fiducia, ex consentiente bene judicantium de virtute suffragio, & mente nullius adulationis conscia. Ex modicis tamen quas aspersi lau-

L E C T O R I.

dibus, ipsi laudati admoneantur, ut se iisdem non indignos praesent, ut partam gloriam tueantur, indiesque adaugeant. Suum enim cuique decus quicquid Scriptores chartis illinunt, sera rependet posteritas; in quam ego intentus, & non in hoc praesens aevum. Interim meminerint, laudare bonos, est posteris velut è specula lumen, quod sequantur, ostendere. Verum etenim illud est Symmachi: Ornamentis bonorum incitatur imitatio, & virtus aemula alitur exemplo honoris alieni. Si quis unius & alterius mentioni & laudi me dicet locum quaesisse, consistentem habet reum. Neque justus sine mendacio candor apud bonos crimini vertendus, & amicorum virtuti aliquid tribuendum. Quomocunque Virtus & Gloria semper aliquos infensos habet, & homines praesentia invidia, praeterita veneratione prosequantur: absit ut adeo iniqui simus rerum & hominum aestimatores, ut nostra tempora sub laudatissimis Principibus, viris laude dignis effœta esse censeamus. Sed qui bonorum laudibus invident, metuo ne illi ipsi male conscii, etiam malorum vituperationes ob morum similitudinem sibi objectari conquerantur.

Non deerunt qui me hoc vel illud Oppidulum aut Castrum omisisse subaccusent; quasi ego alia quàm celeberrima, & ab antiquis memorata vel nominare instituerim: nec opera pretium quidem nominasse, cum nihil praeter nuda nomina memoriâ dignum occurrat. Hoc enim mihi inprimis propositum susceptumque fuit consilium, ut loca illa quorum Caesar, Tacitus, Ptolemaeus, Antoninus Aug. Provinciarum Notitia, alique vetusti Scriptores meminerunt, & T E M P V S ceca quadam caligine nominibus extinctis, mutatis, aut corruptis jam circumfudit, indagarem & è tenebris eruerem. In his indagandis, ut minus comperta asseveratione non affirmo, ita quæ probabilia haudquaquam subriceo. Quod vero singula non eruerim, etsi operoso & impendioso labore investigaverim, non mihi sit fraudi; ut nec Metallico qui dum grandiores metalli venas invenerit, minutissimas & latentes fibras non vidit: vel ut illud è Columella usurpem: Sicut in magna fylva boni venatoris est feras quamplurimas indaganter capere, nec cuiquam culpæ fuit non omnes cepisse; ita & mihi: Aliqua aliorum diligentia sunt relinquenda: Nec bene docet, inquit vir magnus, qui omnia docet, & nihil aliis inveniendum relinquit. Alia ætas, alii homines alia in lucem indies proferrent. Mihi satis superque incepisse, & in lucro ponam me alios in hanc arenam provocasse, sive denuo scribant, sive mea emendent.

Sunt ut audio qui Monasteria & eorum fundatores à me memorari indignantur; dolenter audio, sed cum bona illorum gratia dixerim: lidem indignentur, imo fortasse oblivisci velint, & majores nostros Christianos fuisse, & nos esse. Cum non alia Christiana eorum pietatis, & in Deum devotionis certiora & illustriora uspiam extiterint monumenta; nec alia fuere plantaria, unde Christiana religio & bona litera apud nos propagata; utcunque seculo corrupto averruncanda filix in illis plus nimio succreverit.

At insimulabunt jam Mathematici, & in crimen vocabunt quasi in Geographicis Longitudinis, & Latitudinis dimensionibus toto calo aberraverim. Audi quaeso, Tabulas Astronomicas, novas, antiquas, manuscriptas, Oxonienses, Cantabrigenses, Regis Henrici Quinti diligenter contuli. In Latitudine à Ptolemaeo plurimum discrepant, inter se fere conspirant: nec tamen terram è suo centro dimotam esse cum Stadio existimo. His igitur usus sum. In Longitudine autem nullus consensus; concentus nullus. Quid igitur facerem? cum recentiores perpendiculum in navigatoria pyxide magnete illitum inter Afores insulas rectà Polum Borealem respicere deprehenderint, inde Longitudinis principium tanquam à primo Meridiano cum illis duxi, quam nec ubique astrolabeis permensus sum.

Ob-

L E C T O R I.

Obscuritatis, fabularum, aut vaga narrationis culpam, non est, ut spero, cur deprecet. Ab obscuritate nullum est periculum, nisi illis, qui literas antiquas, & historias nostras primoribus labris non gustarunt. Fabulis ne tantillum quidem tribui, & ne digressionibus hinc inde vagarer, titulum (quod monet Plinius) sapius legi, & identidem me interrogavi quid scribere inceperim.

Sed ne nimis in proœmio excurrat oratio: Ad hoc opus elimandum omne industria mea curriculum hos aliquot annos pertinaci veritatis studio, & fide sincere antiquâ ad Patriam illustrandam elaboratum est. Gentem nullam in calumniam rapui, nullius famam læsi, nullius in nomen lusi; nullius fidem imminui, ne Galfredi quidem Monumethensis, cujus historia (quam maximopere confirmare velim) inter eruditos habetur sane suspectior; nec aliquam scientiæ persuasione mihi indui, nisi quod scire velim. Nescire igitur, & in plurimis me errare posse libens lubensque fateor, nec erroribus indulgeo. Quis totam diem jaculans semper collineet? multa sunt in his studiis, ut inquit ille, cineri suppôsta dolofo. Errata possint esse multa à memoria. Quis enim in memoria thesauro omnia simul sic complectitur, ut pro arbitratu suo possit expromere? Errata possint esse plura ab imperitia. Quis enim tam peritus, ut cæco hoc Antiquitatis mari cum TEMPORE colluctatus, scopulis non allidatur? Fieri etiam potest, ut ex Scriptorum autoritate & aliorum quos fide dignissimos existimaui, erraverim. Nec quidem, ut habet Plinius, alius pronior fidei lapsus, quam ubi rei falsæ gravis author extitit. Locorum peculiaria alii qui incolunt accuratius observent, si monuerint in quo erraverim, cum gratia corrigam; quod imprudens omiserim, adjiciam; quod minus explicaverim, edoctus plenius edocebo; modo sine livore & contentione studio, quæ candidis & veritatis studiosis sunt indignissima, hoc fiat. Hac tamen interea à te, humanissime Lector, tua humanitas, mea industria, patriæ communis charitas, & Britannici nominis dignitas mihi exorent, ut quid mei sit judicii, sine aliorum præjudicio libere proferam, ut eadem via qua alii in his studiis solent, insistam, & ut erratis, si ego agnoscam, tu ignoscas. Quæ ut ab equis, & bonis magis speranda, quam petenda sentio: ita iniquos & malos, qui omnes in conviviis roduunt, in circulis vellicant, invident, calumniantur, obtrectant, nihil moror. Obtrectationem enim stultorum esse thesaurum, quem in linguis gerunt, è Comico didici; & Invidiam (dicam Invidia adstante) non in alio, quam degeneri, minuto, & jejuno animo domicilium sibi collocare, explore cognovi. Candida & proba ingenia ut invidiam facile contemnunt, ita ne norunt quidem invidere. Me autem & mea scripta omnia piorum & doctorum judicio in singulis, ea qua par est reverentia, demississime submitto & subjicio: quibus professione pietatis in patriam hic labor, si non approbetur, certe, ut spero, excusetur. Vale, fave, & frue.


ALPHABETVM ANGLO-SAXONICVM

hic apponendum curavimus, ut Saxonica nomina quæ passim in libro occurrunt, facilius legantur.

A	a	h	h	p	r	y	y
b	b	i	i	s	s	ſc	Æ
c	c	l	l	r	f	Æ	æ
o	d	m	m	t	t	Ð	Th
e	E	n	n	u	u	ð	th
e	e	o	o	p	w	þ	th
f	f	p	p	x	X	1	and
g	g	q	q	x	x	þ	that

B R I.

B R I T A N N I A.

 I jactare licet magnorum munera divûm ,
Sibique veris fas placere dotibus ;
Cur mihi non videar fortunatissima tellus ?
Digna est malis, bona quæ parum novit sua.

Vltima lanigeris animosa est India lucis ,

Suis superbus est Arabs odoribus.

Thuriferis gaudet Panchaia dives arenis ;

Ibera flumen terra jactat aureum.

Ægypto faciunt animos septem ostia Nili :

Laudata Rheni vina tollunt accolas.

Læta nec uberibus sibi displicet Africa glebis ;

Hæc portubus superbit, illa mercibus :

At mihi nec fontes, nec ditia flumina defunt ,

Sulcive pingues, prata nec ridentia.

Fœta viris, fœcunda feris, fœcunda metallis ;

Ne glorier, quod ambiens largas opes

Porrigit Oceanus, neu quod nec amicius ullâ

Cœlum, nec aura dulcius spirat plagâ.

Serus in occiduas mihi Phœbus conditur undas ,

Sororque noctes blanda ducit lucidas.

Possẽm ego laudati contemnere vellera Bætis.

Vbi villus albis mollior bidentibus ?

Et tua non nequeam miracula temnere Memphi.

Verum illa major, justiorque gloria ,

Quod Latiis, quod sum celebrata BRITANNIA Grajis ,

Orbem Vetustas quod vocarit alterum.

S E R I E S R E G V M A N G L I Æ,

Ex HENRICO SAVILLO,
& IOANNE SPEEDO.



Ostquam Anglo-Saxones nobilissimam Britannia partem invaserant, totam Angliam, ut postea dici coepit, excepta Wallia, in septem regna diviserunt; in quibus multis annis separatim à variis regnatum fuit, donec tandem omnia regna ad unum devenerunt.

Cantii regnum complectebatur Cantium; in quo sequentes regnarunt:

	<i>an. à C. N. an. reg.</i>
Hengistus.	455. ann. 31.
Eska Hengisti fil.	488. ann. 24.
Octa Eskæ fil.	512. ann. 20.
Ymericus Eskæ fil.	532. ann. 29.
Ethelbertus Ymerici fil.	561. ann. 56.

Hic Christianam religionem amplectitur.

Eabaldus Ethelberti fil.	617. ann. 24.
Ercombertus Eabaldi fil.	641. ann. 24.
Egbertus Ercomberti fil.	665. ann. 9.
Lotherus Egberti frater.	673. ann. 11.
Edricus Egberti fil.	686. ann. 6.
Withredus Edrici frat.	693. ann. 33.
Edbertus Withredi fil.	726. ann. 23.
Edelbertus Withredi fil.	749. ann. 11.
Alricus Withredi fil.	760. ann. 34.
Ethelbertus Vsurpator,	794. ann. 3.
Cuthredus Vsurpator,	797. ann. 8.
Baldredus Vsurpator,	805. ann. 18.

Regnatum in Cantio annis 372.

Australium Saxonum regnum complectebatur Suffexiam & Surreyam; in quo sequentes regnarunt:

	<i>an. à C. N. an. reg.</i>
Ella,	488. ann. 32.
Cissa Ellæ fil.	514. ann. 75.
Ethelwolfus Christianus,	595. ann. 25.

Occidentalium Saxonum regnum complectebatur Cornubiam, Devoniam, Dorsetiam, Somersetiam, Wiltoniam, Hantoniam, Berkeriam; in quo regnarunt

	<i>an. à C. N. an. reg.</i>
Cherdicus,	519. ann. 33.
Kenricus Cherdici fil.	534. ann. 26.
Cheaulinus Kenrici fil.	561. ann. 33.
Cearlicus Cuthwolfi fil.	592. ann. 5.
Chelwolfus Kenrici nep.	598. ann. 14.
Kingil Christianus,	612. ann. 31.
Kenwaldus Kingilis fil.	643. ann. 31.
Eskwinus,	675. ann. 2.
Kenwinus Kenwaldi frat.	677. ann. 9.
Ceadwalla Kenrici abnep.	686. ann. 2.
Ina Kenrici pronepos,	688. ann. 37.
Ethelardus,	726. ann. 14.
Cuthredus Ethelardi frat.	740. ann. 14.

Sigebertus, obscuræ famæ, 754. annum unum & dimidium.

Britannia.

Kenwulfus,	755. ann. 29.
Brithricus,	784. ann. 16.
Egbertus,	802. ann. 19.

Hic postquam annos 19 in Occidentali Saxonia regnasset, primus factus est Anglorum monarcha absolutus.

Orientalium Saxonum Regnum complectebatur Effexiam & Middelfexiam; in illo regnarunt

	<i>an. à C. N. an. reg.</i>
Erchenwinus,	527. ann.
Sledda,	587. ann. 9.

Sebert. Sleddæ fil. Christian.	596. ann. 13.
Sexred. Seward. Sigebert.	616. ann. 6.
Sigebertus Parvus,	623. ann. 13.
Sigebertus Bonus,	646. ann. 16.
Switelmus Sigeberti frat.	661. ann. 3.
Sigerus & Sebba fratres,	664. ann. 30.
Sigehard. & Senfrid. frat.	694. ann. 7.
Offa Sigeri fil.	701. ann. 8.
Selredus Sigeberti Boni fil.	709. ann. 38.
Swithredus,	747. ann.

Northumbrorum Regnum complectebatur Eboracensem Provinciam, Dunelmensem, Lancastensem, Westmorlandiam, Cumbriam & Northumbriam: in illo regnarunt

	<i>an. à C. N. an. reg.</i>
Ida,	547. ann. 12.
Ella, vel Alla,	559. ann. 30.
Edelricus Idæ fil.	589. ann. 4.
Athelfridus Edelrici fil.	593. ann. 24.
Edwinus Ellæ fil. Christian.	617. ann. 17.
Oswaldus Ethelfridi fil.	634. ann. 9.
Oswius nothus,	643. ann. 28.
Egfridus Oswii fil.	671. ann. 15.
Alfridus Oswii nothus,	686. ann. 19.
Osredus Alfridi fil.	705. ann. 11.
Kenredus,	716. ann. 2.
Osricus,	718. ann. 11.
Ceolulfus Kenredi frat.	729. ann. 8.
Egbertus Kenredi cognat.	738. ann. 20.
Osulfus Egberti fil.	758. ann. 1.
Ethelwaldus seu Mollo,	759. ann. 6.
Alredus Invafor,	765. ann. 9.
Ethelredus Mollon. fil.	774. ann. 4.
Alfwoldus Alredi frat.	778. ann. 11.
Osredus Alredi fil.	789. ann. 1.
Ethelredus iterum,	790. ann. 4.

Ethelredo interfecto finem accepit regnum Northumbrorum, quod post interregnum 33 annor. occupavit Egbertus West-Saxo, ann. 827. nominantur tamen quidam Reguli Northumbrorum Danicis temporibus.

Mercia regnum complectebatur Huntingdoniam, Rutlandiam, Lincolniam, Northamptoniam, Licesham, Darbiam, Nottinghamiam, Oxonium, Cestriam, Salopiam, Glocestriam, Worcestriam, Staffordiam, Warwicum, Buckinghamiam,

S E R I E S

gamiam, Bedfordiam, Hartfordiam: in eo regnarunt

	an. à C. N.	an. reg.
Crida,	582. ann.	10.
Wibba Cridæ fil.	593. ann.	20.
Ceorl, nepos Wibbæ,	614. ann.	10.
Penda Wib. fil.	626. ann.	30.
Peada Pendæ fil. Christian.	656. ann.	13.
Wulfherus Peadae frat.	659. ann.	16.
Athelredus Pend. fil.	675. ann.	29.
Kenredus Wulfh. fil.	704. ann.	4.
Ceolredus Ethelredi fil.	708. ann.	8.
Ethelbaldus,	716. ann.	41.
Offa,	758. ann.	38.
Egfridus Offæ fil.	796. annum	dimidium.
Kenulphus cognatus,	797. ann.	22.
Kenelmus Kenulphi fil.	819. mens.	5.
Ceolulfus Kenulphi frat.	820. ann.	1.
Bernulfus inuasor,	822. ann.	3.
Ludecanus electus,	824. ann.	2.
Witlafus,	826. ann.	13.
Bertwulfus,	839. ann.	13.
Burkredus,	852. ann.	22.

Tres posteriores West-Saxones tributarii fere fuerunt.

Orientalium Anglorum regnum complectebatur Suffoxiam, Norfoxiā, Cantabrigiam, & Eliensem provincias; in illo regnarunt

	an. à C. N.	an. reg.
Vffa,	575. ann.	7.
Tityllus Vffæ fil.	583. ann.	10.
Redwaldus Titylli fil.	593. ann.	31.
Eorpwaldus Redwaldi fil.	624. ann.	12.
Sigebertus,	636. ann.	3.
Egricus,	638. ann.	4.
Anna Eorpwaldi nep.	642. ann.	13.
Æthelherus Annæ frat.	654. ann.	2.
Edelwaldus Æthelheri fr.	656. ann.	9.
Aldulfus Æthelheri fil.	664. ann.	19.
Elwoldus Æthelheri fil.	683. ann.	7.
Beorna Æthelheri fil.	690. ann.	24.
Ethelredus,	714. ann.	35.
Ethelbrigtus Ethelr. fil.	749. ann.	45.

Hoc occiso ab Offa regnum Orientalium Anglorum unitum est regno Merciorum: vel, ut alii, maxima sui parte possessum à Danis: donec cum cæteris ad Egbertum West-Saxoniam R. devolveretur.

Licet autem in superiorem modum septem regna distincta in Anglia fuerint, tamen inde à primo Anglorum & Saxonum ingressu, fere sem-

per unus aliquis Regum inter cæteros dignitate & auctoritate eminuit, ita ut parum à Monarchæ conditione abesset. Ii à Speedo recensentur hoc ordine:

Hengistus, Cantii Rex.
Ella, Australium Saxonum R.
Cherdicus, West-Saxonum R.
Kenricus, West-Sax. R.
Ceolinus, West-Sax. R.
Ethelbertus, Cantii R.
Redwaldus, Orientalium Angl. R.
Edwinus, Northumbrorum R.
Oswaldus, Northumbrorum R.
Oswyus, eorumdem R.
Wlferus, Merciorum R.
Ethelredus, Merciorum R.
Kenredus, Merciorum R.
Chelredus, eorumdem R.
Ethelbaldus, eorumdem R.
Offa, eorumdem R.
Egfridus, eorumdem R.
Kenwulfus, eorumdem R.

Post hos imperium absolute ad unum pervenit, cæteris regulis superatis. Eorum autem qui toti Angliæ ex Anglo-Saxonum sanguine præfuerunt, series ita se habet:

	an. à C. N.	an. reg.
Egbertus,	800. ann.	37.
Ethelwulfus Egberti fil.	837. ann.	20.
Ethelbaldus Ethelwulfi fil.	857. ann.	5.
Ethelbertus Ethelwulfi fil.	862. ann.	5.
Ethelredus Ethelwulfi fil.	867. ann.	5.
Alfredus Ethelwulfi fil.	872. ann.	29.
Eduard. Senior, Alfr. fil.	901. ann.	23.
Ethelstanus Eduard. fil.	924. ann.	16.
Edmundus Eduardi fil.	940. ann.	6.
Edredus Eduardi fil.	946. ann.	9.
Edwius Edmundi fil.	955. ann.	4.
Eadgarus Edwii frater,	959. ann.	16.
Eduardus martyr, Edg. fil.	975. ann.	4.
Ethelredus Edgari fil.	979. ann.	37.
Edmundus ferreum latus,	1016. ann.	1.

Post hunc Dani in Anglia regnarunt:

	an. à C. N.	an. reg.
Canutus,	1017. ann.	19.
Heraldus Canuti fil.	1036. ann.	4.
Hardicnutus Canuti fil.	1040. ann.	2.
Et rursus ex Anglo-Saxonum genere,		
Eduardus Confessor,	1042. ann.	24.
Haroldus vix anno uno.		

Sequuntur jam Reges è Normannica stirpe.

Wilhelmus I, Conquestor, antea Dux Normanniæ, regnum in Anglia auspicatus fuit anno à C. N. 1066. & tenuit annis 20, mens. 10, dieb. 26, obiit anno 1087, mense Septemb.

Wilhelmus II, dictus Rufus, tertio-genitus Wilhelmi Conquestoris, regnum auspicatus est ann. à C. N. 1087. & tenuit annis 12, mensib. 10, diebus 22. & fortuito ictus à suis discessit annum 1100.

Henricus I, Wilhelmi Conquestoris filius postremogenitus, regnum adiit anno à C. N. 1100; tenuitque annis 35, mens. 3, obiit anno 1135.

Hic duxit in uxorem Mathildem filiam Regis Scotiæ & Margaretæ sororis Edgari Atheling è regio sanguine Anglo-Saxonum. Et Ducatum Normanniæ, superato & excæcato fratre Roberto, Coronæ Angliæ adjunxit. Wallos quoque subjugavit.

Stephanus, ex Adelicia filia Guillelmi Conquestoris, Henrici cognatus, regnum invasit, exclusa Mathilde Henrici I filia & Imperatoris vidua, anno à C. N. 1135; & tenuit annis 18, mens. 9, dieb. 17. obiit anno 1154.

Henricus II, filius Mathildis Imperatricis, & Hen-

R E G V M A N G L I Æ.

Henrici I nepos, regnum adiit ann. à C. N. 1154; tenuitque annis 34, mens. 8, dieb. 12. obiitque anno 1189. Hic possedit præterea Normanniam, Aquitaniam, Andegavensem, Cænomanensem & Turonensem provincias in Gallia; duxerat quippe in uxorem Helionoram Ducis Aquitanie hæredem unicam. Idem & Hiberniam domuit.

Richardus I, dictus Cor Leonis, Henrici II filius tertio-genitus, regnum adiit anno à C. N. 1189. tenuitque ann. 9, mens. 9. obiit anno 1199, sagitta ictus in obsidione castelli in Lemo-vicibus.

Iohannes, filius Henrici II sextogenitus, & ab illo Dominus Hibernie constitutus, regnum Angliæ & cætera dominia in Gallia adiit anno à C. N. 1199; tenuitque annis 17, mens. 7. obiitque anno 1216, intoxicatus à monacho, uti creditur.

Henricus III, Ioannis filius decennis, regnum adiit anno à C. N. 1216; tenuitque annis 56, mens. 0, dieb. 27. obiitque anno 1272. Princeps toto vitæ tempore intestinis bellis & Magnatum suorum factionibus & rebellionibus exercitus.

Eduardus I, Henrici III filius, regnum adiit anno à C. N. 1272; tenuitque annis 35, mens. 7, dieb. 21. obiitque anno 1308. Hic primum Walliam perdomuit, cæso Leolino Principe. Iudæos ex Anglia emisit. Scotiam graviter afflixit, & obtinuit quamdiu vixit.

Eduardus II, Eduardi I filius, regnum adiit anno à C. N. 1308; tenuitque annis 19, mens. 6. dieb. 15. anno 1327 à suis destitutus, & in carcerem conditus, filio suo regnum resignavit; & paulo post insigni parricidio fuit interemptus. Princeps mollis, & degener à virtutibus paternis; quare & Scotia excidit, ingenti prælio à Scotis victus.

Eduardus III, Eduardi II filius, regnum adiit anno à C. N. 1327; tenuitque annis 50, mens. 4, dieb. 15. obiitque anno 1377. Hic ingenti clade afflixit Scotos: Gallie Regnum, ut iure hereditario sibi debitum, armis invasit, & Gallos ingentibus cladibus terra marique afflixit; cepit Caletum, unoque tempore captivos habuit Reges Franciæ & Scotiæ. Princeps omnibus numeris absolutus.

Richardus II, Eduardi III è filio primogenito Eduardo nepos, undecim annorum puer regnum adiit ann. 1377; tenuitque annis 22, mens. 2. regnoque se abdicare coactus, anno 1399 misere periit, fame, uti quidam tradunt, enectus.

Henricus IV, Eduardi III è filio Ioanne Lancastriæ Duce nepos, regnum adiit ann. 1399; tenuitque annis 13, mens. 5, dieb. 21. obiitque anno 1412.

Henricus V, Henrici IV filius, regnum adiit anno 1413, tenuitque annis 9, mens. 4, dieb. 11. obiitque anno 1422. Hic ingenti clade percussit Gallos; Rotomagum & plura Normanniæ oppida recepit, postquam jam 215 annis in potestate hostium fuerant. Dein ducta in uxorem Catharina Caroli VI Franciæ R. filia, & Delphino à parente exhæredato, Coronæ Franciæ successor est declaratus; sed obiit antequam illius plene compos fieret.

Henricus VI, Henrici V filius, patri successit

anno à C. N. 1422, octo mensium puer; tenuitque varia fortuna annis 38, mens. 6. Nam puer publico præconio Francorum Rex denunciatus, & totius pene Gallie compos, annoque 1431 Parisiis in Regem Franciæ fuit inunctus. Sed Burgundo ab ipso deficiente, & Bedfordiæ Duce ipsius patruo decedente, res in Gallia sensim pessum ivere: domi autem res turbata à Richardo Duce Eboracensi: anno 1449 Normannia; sequentibus Aquitania amissa: In Anglia misera rerum facies, Nobilissimo quoque vario fato extincto, & popularium seditione ægre composita: Eboracensis graviores turbas orditur; Dux Sommersetensis cæsus, ipse Rex captus & ad varia atque indigna coactus; tandem Eboracensis aperte regnum affectat; sed illo in prælio occiso anno 1460, filius illius Eduardus, redintegrato bello, Regem in boreales partes Angliæ concedere coëgit anno 1461. In quo anno Henrici VI regnum defuisse creditur. nam eodem anno Parlamentaria autoritate regno fuit abdicatus: & cum anno 1463 clam in Angliam venisset, captus & in turrem Londinensem conclusus; sed Duce Clarencio & Warwicensi ab Eduardo deficientibus, Henricus postliminio fuit restitutus 1470, postquam pene decennium in carcere fuisset detentus. Eduardus profugit ex Anglia, & paulo post reversus aliquot præliis Henricum superat, & rursus turri Londinensi includit; ubi à Richardo Gibbofo misere fuit occisus.

Eduardus IV, Richardi Eboracensis filius, regnum adiit anno à C. N. 1460; tenuitque varia fortuna annis 22, mense uno, obiitque anno 1483.

Eduardus V, Eduardi IV filius, duodecim annorum puer, regnum adiit 1483: sed vix mensibus duobus & paucis diebus tenuit, ab avunculo Richardo insigni parricidio obruncatus.

Richardus III, Richardi Ducis Eboracensis filius, regnum accepit anno à C. N. 1483; tenuitque annis 2, mense uno; in prælio occisus anno 1485.

Henricus VII regnum Angliæ adiit anno à C. N. 1485; ductaque in uxorem Elisabetha, Eduardi IV filia, dissidia inter Lancastrensem & Eboracensem familiam composuit; & feliciter regnavit annis 23, mens. 7. Princeps felix & numeris omnibus absolutus.

Henricus VIII, Henrici VII filius, regnum adiit anno à C. N. 1509; tenuitque annis 37, mens. 7. obiitque anno 1546.

Eduardus VI, Henrici VIII filius, regnare coëpit anno à C. N. 1546; regnavitque annis 6, mens. 5. obiitque anno 1553, septemdecim annos natus.

Maria Henrici VIII filia, regnum adiit anno à C. N. 1553; tenuitque annis 5, mens. 4. obiit anno 1558.

Elisabetha, altera Henrici VIII filia, regnum adiit anno 1558; tenuitque prudentissime ac felicissime annis 44, mens. 4. obiit anno 1602.

Iacobus I, Angliæ, Scotiæ Rex VI, Mariæ Stuartæ filius, anno 1567 natus, Regum sui temporis doctissimus utique & sapientissimus, juvenis admodum, multosque ante matris suæ ex hac vita de-

S E R I E S R E G V M A N G L I Æ.

deceffum, annos, regni habenas moderari occæpit. Anno 1589, Annam, Frederici II, Daniæ Regis filiam, auspiciò uxorem sibi duxit; ex qua filios suscepit, in Scotia natos, Henricum, Strivelingæ luci datum, 1594, summæ spei Principem, & anno 1612 ereptum: Carolum, 1600 natum; in regno deinceps successorem: tres præterea filias, Margaretam, Mariam, pridem extinctas; Elisabetham, Frederico V, Comiti Palatino Rheni, Sacri Imperii Septemviro, Londini, Febr. 13, 1613, nuptam; ubi etiam vitæ satura, laborum dolorumque finem desideratissimum, morte placidissima, consecuta est anno 1662, Febr. 12. sub nomine & titulo Regina Bohemiæ, & adversitatibus suis *mente immota* strenueque latis, toti mundo decantatissima. Anno demum 1603 Angliæ Regina, Elisabetha, vixdum defuncta, Iacobus in Angliæ Regem, sub hoc nomine I, ab ejus regni Ordinibus, unanimi consensu, actum destinatus, proclamatusque successit: Pacem cum omnibus orbis Christiani Regibus, Principibusque & Ordinibus sanctissime coluit: unde & Pacifici nomen indeptus fuit: subditorum suorum animos constrinxit, feliciterque coadunavit: Regna etiam Angliæ & Scotiæ sub uno Magnæ Britanniæ nomine ac titulo connexit, composuitque; unde ejus symbola: *Faciam unam Gentem, & unum populum*. Et, *Henricus Rosas, regna Iacobus*, scilicet conjunxit, copulavit. Conjugi amatissimæ, regisque liberis, Maritus, Paterque benevolentissimus; ministris Dominus Despotesque optimus, & populis suis Princeps benignissimus, Martii 27, anni 1625, placida morte expiravit, ætat. 59, Anglici, Hibernique regni anno 22; cum antea Scotiam, regia & absoluta potestate, complures annos, integerrima felicitate administrasset.

Carolus, Regis Iacobi filius tum unicus, Patri in regno successit. Primam hujus lucis usuram cepit mense Novembri 1600, in Scotiâ quidem Albanæ, in Angliâ vero Eboraci Dux, fratre etiam Henrico defuncto, Walliæ Princeps renunciatus est. Parente adhuc superstite, Principem illustrissimam, Henricam-Mariam, Henrici IV, Galliæ & Navarræ Regis filiam, desponsari sibi quidem fecit; at demum, à Parentis morte, domum duxit. Ex hac filios genuit, Carolum, successorem; Iacobum, Eboracensem, & Henricum, Gloucestriæ, Duces; quorum ultimus, Londini 1660, Septembris 23, obiit: filias, Mariam-Augustam, Guilielmo II Nassovio, Arausionensium Principi, 1641, mense Majo enuptam; Londini etiam, 24 Decemb. 1660 defunctam: Elisabetham, in insula Vecta, 1650, Septembris 16, fato raptam; & natu minimam, Henricam, Philippo, Duci Aurelianensi, Ludovici XIV Regis Gall. fratri unico, anno 1661 vinculo conjugali auspiciatissime sociatam. Rex adeo Carolus primis quindecim regni sui annis, divina benedictione affatim cumulatus, regia sobole felicissime auctus, amore affectuque populi indubio beatissimus, regnorum denique suorum concordia & unione florentissimus, ex omnibus fere Monarchis habitus & celebratus fuit. Cum, en infelicissimarum Erynnidum discordiarumque Lerna teterrima, per intestina dissidia, & plusquam civilia bella,

subditorum suorum fuso sanguine restagnantia tota pene Britannia flumina videre, & horrere dedit. Vnde horribile, omnibusque seculis detestabile Parricidium, in sacratissimum caput, scelestissima carnificis manu, indignissime perpetratum, subsecutum est. Quod quidem sceus uti nostro ævo perspectissimum, atque famigeratissimum, doctorum, fideque dignissimorum ingeniorum monumentis perennaturis, feris Nepotum seculis indubitatissimum transmittendum: scilicet, Regem Religiosissimum, justissimum, continentissimum, & omni virtutum genere longe instructissimum, deploratissimorum Capitum furori victimam innocentissimam immolatum, miserabilem prorsus in modum; dum Ianuarii 30, 1649, ætat. 49, regni sui 24, Londini, loco publico Rex Carolus, Fidei Defensor sacratissimus, Augustissimam cervicem securi præcidendam, nefando plane carnificum contaminatissimorum ausu, præbuit, ut vita sanctus, sic morte ipsa, licet indignissima, martyr constantissimus.

Carolus II, Regnorum patriorum hæres, natus est Maji 29, 1630. Ejus educatio Comiti Neocastrensi commissa, donec, ætatis anno 16, in Hollandiam transfretaret, ubi quidem de Parentis sui cæde deploratissima infelicissimum accepit nuncium: sed necdum hic res steterit: quin novæ, eaque asperrimæ difficultates afflictissimum optimoque excepere Principem: ut cui hæreditate regni legitima, & debita, interdictum ab iis, qui ex Parlamento plurimum perfideque ipsi adversabantur. Scotiæ quidem Proceres Parlamentarii tantam hæredi Regio factam injuriam tulerunt ægerrime, quem ipsis Calendis Ianuarii, anni 1650, in Scotiæ regem coronarunt, inauguraruntque. quo ipso anno, Regiæ copiæ ab Anglis, ductante Præfecto summo Cromwellio, accisæ sunt, plurimi neci dati, multi intercepti: ipse rex in præsentissimum vitæ discrimen incidisset, nisi, post auxiliatrices dexteræ Omnipotentis operas, quercum concavam nactus, in ea aliquot dies delituisse; unde feliciter emergens Gallias petiit; tandemque post annorum 14 tristissimum ac miserabile exilium, gratiæ & auræ faventioris radii illustres, regique salutare illuxere: quando supremus Militiæ Præfectus, Georgius Monck, hodie Albemariæ Dux, sanioris mentis ac judicii Optimatum omnium consensu unanimi, Regiæ Majestati humillimè supplicarunt, ut regnorum suorum administrationem suscepturus, tandem patriæ, per absentiam suam turbatissimæ, reducem se sifteret: cui fini, classem navalem instructissimam transmissere: qua conscensa, Rex Carolus, anno 1660, Iunii die secundo ab ora Hollandica solvens, quarto ejusdem, ex bonorum omnium voto, cumque suorum applausu non vulgari, in Angliam appulit: tandemque 1661, Maji tertio, regni sui anno 13, in Angliæ Regem coronatur. Anno vero 1662, Maji etiam tertio, Catharinam, Ioannis IV, Lusitaniæ Regis filiam, auspiciato matrimonio sibi conjunxit. Faxit æternum Numen, ut tot tandem superatis difficultatibus, à suis amatus, intus & extus Pacificus, quam diutissime, & quam felicissime regat Princeps laudatissimus.

B R I.

BRITANNIA.



Ritannia, quæ & AL-
BION, Græcis ΒΡΕΤΑ-
ΝΙΑ, ΒΡΕΤΑΝΝΙΚΗ,
ΠΡΕΤΑΝΙΣ, ΑΛΒΙΩΝ,
ΑΛΟΤΙΩΝ, Insula to-
tius orbis longe cele-
berrima, interfuso O-
ceano ab Europæ con-
tinente discreta, Ger-
mania & Galliæ figura

triquetra objacet, tribus nimirum in diversa pro-
currentibus promontoriis: BELERIO, quod so-
lem occidentem, CANTIO, quod orientem,
TARVISIO, sive ORCADE, quod Septentrio-
nes prospectat. Ab Occasu, quæ Hibernia sita
est, Verginius Oceanus irrumpit, à Septentrio-
ne, vastissimo & apertissimo Hyperboreo mari
pulsatur, ab Ortu, quæ Germaniæ prætenditur,
Germanico, à Meridie, quæ Galliæ opponitur,
Britannico urgetur. A circumvicinis illis regio-
nibus commodo undique intervallo disjuncta,
patentibus gremiis universi orbis commercio
opportuna, & tanquam ad juvandos mortales
avide in mare omni ex parte se projiciens. Inter
Cantium enim, & Caletum Galliæ, ita in altum
se evehit, & adeo in arctum mare agitur, ut per-
fossas ibi terras antea exclusa admisisse maria
opinentur nonnulli, opinionisque suæ assertores
adferunt Virgilium in illo versu,

Vide in
Cantio in-
fra.

Et penitus toto divisos orbe Britannos:

Quia, inquit Servius Honoratus, olim juncta erat
continenti Britannia; & Claudianum, qui illum
imitatus cecinit:

Nostro diducta Britannia mundo.

Orbis sane terrarum faciem diluvii undis &
aliis de causis fuisse immutatam, montes non-
nullos fuisse exaggeratos, plura loca celsiora in
plana, & convalles subsedisse, aquosa exaruisse,
arida stagnasse, insulasque aliquas à continenti
fuisse abruptas verisimile est. An tamen omnino
verum, & fuerintne insulæ ante diluvium, non
est in animo hîc disputare, nec de divinis operi-
bus sententiam supine ferre libet. Divinam pro-
videntiam diversas res ad unum finem disposuisse
norunt omnes: & sane sparsas in æquore terras,
non minus ad Vniversi ornatum facere, quam
lacus in terra diffusos, & montes sublime extru-
ctos, & Theologi & Philologi semper existima-
verunt.

Panegyri-
cus Con-
stantio di-
ctus & fal-
so Maxi-
miano in-
scriptus.

Livius & Fabius Rusticus oblongæ scutulæ,
sive bipenni hujus formam assimulaverunt. & ea
certe facies est ad Austrum. (ut habet Tacitus)
unde vulgo tota Britannia scutulæ, seu bipenni
assimilatur. Sed ad Arctum enorme spatium pro-
jectarum extremo littore terrarum veluti in cu-
neum tenuatur. Tantam tamque immensam cir-
cuiu crediderunt veteres, ut Cæsar ille, qui eam
primus Romanorum aperuit, Alium se orbem
terrarum scripserit reperisse, tantæ magnitudinis
arbitratus, ut non circumfusa Oceano, sed com-
plexa Oceanum videretur. Iulius Solinus Polyhi-
stor sua amplitudine pene alterius orbis nomea

Britannia.

mereri prodidit. Nostra autem ætas ex multis
multorum itineribus certam quasi totius insulæ
jam tandem deprehendit dimensionem. A Tar-
visio enim circumactis curvatisque littoribus
per Occasum ad Belerium plus minus D CCC XII
mill. pass. numerantur. inde conversa in Au-
strum littoris fronte ad Cantium CCCXX mill. pass.
hinc secundum Germanicum mare angulosis
recessibus per D CC IIII mill. pass. ad Tarvisium
protenditur: ut hac ratione totius insulæ ambi-
tus M D CCC XXXVI mill. colligat. Quæ mensura,
ut Plinii multo, sic etiam Cæsaris aliquanto mi-
nor. Schitinium autem Chium non est cur me-
morem, qui, cum apud Apollonium in Mirabili-
bus fabulatus fuerit, fructus sine nucleis, uvasque
sine acino in Britannia nasci; ejus circuitum
CCCC tantum stadiis definierit. Multo vero me-
lius Dionysius Afer in sua orbis descriptione de
Britannicis insulis, id est Britannia & Hibernia:

* Τάων τοι μέγεθος περιώσιον; & ἡ τις ἀλλή
νήσους ἐν πάσῃσι Βρετανίᾳν ἰσφαιρίζῃ.

Et una cum illo Aristides & alii Græci qui Bri-
tanniam καὶ ἐξελὼ ob magnitudinem * Μεγάλῳ
νήσου, id est, Insulam Magnam verè dixerunt.

Qui vero cœli spacia terræ tractibus accura-
tius compararunt, Britanniam octavo climati
subjecerunt, parallelis decimo octavo, & vice-
simo sexto incluserunt. Diem maximum hora-
rum æquinoctialium XVII cum semisse putant.
At Belerium in convexo terræ situ ab ultimo
Occidente XVI temporibus. Cantium XIX tem-
poribus secundum longitudinem describunt.
Latitudinem in australi ora I grad. x scrupulis.
Tarvisium LX grad: xL scrupulis metiuntur:
usque adeo ut hic situs Britanniam definiat cœ-
lo, & solo juxta felicissimo, & mitissimo. Cœ-
lum ita mite, & temperatum est, ut æstates
minus fervidæ sint: calores enim mitigant pe-
rennes auræ, quæ cum terræ nascentia recreant,
tum homini pecorique saluberrime, & jucun-
dissime adblandiuntur: & hyemes sint clemen-
tissimæ, frigoris etenim vim (ut taceam aërem
crassiusculum) frequentes & sedatæ pluvix sic
dissolvunt, mareque circumfusum ita modera-
to tepore terram fovet, ut multo remissius sit
apud nos frigus quam in nonnullis Galliæ, & Ita-
liæ regionibus. Vnde Minutius Fœlix, cum do-
cet divinum numen sua providentia non solum
Vniversitati, sed & partibus consulere: Britan-
nia, inquit, sibi deficitur, sed circumfluentis maris tepore
recreatur. Nec mireris quod de maris tepore lo-
quitur. Maria, inquit Cicero, agitata ventis ita te-
pescunt, ut intelligi facile possit, in tantis illis humoribus
inclusum esse calorem. Ad temperiem etiam hujus
insulæ spectasse videtur Celsenius Getulicus
poëta in primis vetustus, cum de Britannia ceci-
nerit

Non illic Ariës verno ferit aëra cornu,
Gnosia nec Gemini præcedunt cornua Tauri,
Sicca Lycaonius resupinat plaustra Bootes.

Cæsar etiam, Loca sunt in Britannia temperatiora quam
in Gallia, remissioribus frigoribus. Cor. item Tacitus,

A

Aspe-

* Hanc
sane ma-
gnitudo
precipua:
neque ulla
alia Insulas
inter omnes
Britannicis
æquipollet.

De nativ.
Deor. lib. 2.

Probus in
Virgiliis
Georg.



Asperitas frigorū abest. Addit etiam, Solum præter oleam vitæque & cætera calidioribus terris oriri sueta, patiens frugum, sæcundum, tardè mitescunt, cito proveniunt, eadem utriusque rei causa, multus humor terrarum, cælique. Aër enim (ut habet Strabo) imbribus magis est quàm nivibus obnoxius. Ab omni tamen frugum genere ita beatum, ut Cereris sedem fuisse dixerit Orpheus. Nam de hac nostra insula intelligendum illud est:

* Cereris
regalia sunt
hic ampla
Dea.

Zosimus.
Eunapius
cæli præ-
sæu.

Panegyri-
cus Con-
stantino di-
ctus.

Panegyri-
cus Con-
stantino di-
ctus.

Et occidentalis imperii quasi horreum, & cella penuaria fuerit, unde DCCC navibus, quæ lembis majores erant, magnum frumenti numerum in Germaniam ad limitaneos exercitus alendos quotannis exportaverint Romani. Sed ne in patriæ laudes effusior lascivire videar, audi pro me veterem oratorem ejus laudes pleno ore celebrantem. O fortunata & omnibus beatorum terris Britannia, quæ Constantinum Cæsarem primam vidisti: meritò te omnibus cæli, ac soli bonis natura donavit, in qua nec rigor est nimis hyemis, nec ardor æstatis, in qua segetum tanta sæcunditas, ut muneribus utrisque sufficiat, & Cereris & Liberi: in qua nemora sine immanibus bestiis, terra sine serpentibus noxiis. Contra pecorum mitium innummerabilis multitudo lacte distenta & onusta velleribus: certè, quod propter vitam diligitur, longissimi dies, & nulle sine aliqua luce noctes, tum illa littorum extrema planities non attollit umbras, noctisque metam cæli, & syderum transit aspectus, ut Sol ipse qui nobis videtur occidere, ibi appareat præterire.

Alium item si placet, Constantium Constantini Magni patrem sic alloquentem audi. Et sanè non sicut Britannia nomen unum, ita mediocri jactura erat Reipub. terra, tanto frugum ubere, tanto læta numero pascuorum, tot metallorum fluens rivis, tot vectigalibus questuosa, tot accincta portubus, tanto immensa circuitu.

Singularem etiam & maternam naturæ benevolentiam in hanc insulam sic expressit Poëta satis antiquus, Britanniam hoc epigrammate affatus, quod luce non indignum quidam judicant:

Tu nimio nec stricta gelu, nec sydere fervens,
Clementi cælo, temperieque placēs.
Cum pareret natura parens, varioque favore
Divideret dotes omnibus una locis,
Seposuit potiora tibi, matremque professā,
Insula sis felix, plenaque pacis, ait.
Quicquid amat luxus, quicquid desiderat usus,
Ex te proveniet, vel aliunde tibi.

Insule For-
tunatæ.

In comm.
ad Lycophronem.

1344.

Opulenta hæc Britannia ubertas, & beata amœnitas fidem fecit nonnullis Fortunatas illas, sive Beatorum insulas, in quibus omnia perpetuo vere ridere scribunt Poëtæ, apud nos fuisse. Hoc enim Isacius Tzetzes non minimi inter Græcos nominis affirmat, majoresque nostri ac veritatem credidisse videntur. Cum enim, ut est apud Robertum Avesburiensem, Clemens VI, Pontifex Romanus Lodovicum de Hispania Fortunatarum Insularum Principem designasset, & in ejus subsidium delectus in Gallia & Italia haberet, persuasissimum nostris erat illum Britannia principem designatum fuisse, & in Britanniam, quasi unam de Fortunatis, ut inquit ille, omnem istum apparatus fieri. Ipsique viri prudentissimi,

nostri apud Pontificem legati, ita hanc opinionem imbiberunt, ut statim se Roma subduxerint, & in Angliam, ut suos certiores facerent, advolarint. Nec aliud nunc judicavit, qui fortunatas & beatas Britannia dotes penitus noverit: est enim naturæ gaudentis opus, quam quasi alterum orbem, extra orbem ad delicias humani generis constituisset, & tanquam formam quandam ad eximiam pulchritudinem, & universi ornatum egregiè depinxisset videatur. Ea varietate gemmea, & descriptione amœna oculi quocunque inciderint, reficiuntur. Vt incolæ taceam, optima corporis habitudine, commodissimis moribus, mitissimis ingeniis, & maximis animis, quorum virtus rebus domique bellicæ gestis est universo terrarum orbi testatissima.

Qui verò vetustissimi, adeoque primævi insulæ hujus incolæ fuerint, quæ item Britannia nominis origo, variæ subinde enatæ sunt opiniones, & multos (ut inquit ille) incertos certare hanc rem vidimus. Nec quicquam certi nos hac in re magis sperare possumus, quàm reliquæ gentes quæ (præter eas quibus suas origines asserunt sacra literæ) perinde ac nos, quod ad originem spectat, in magnis tenebris, erroribus, & incertiis versantur. Nec aliter sane fieri potest, cum veritas tot labentium seculorum revolutionibus non poterat non profundè occultari. Primos etenim regionum incolæ aliæ curæ cogitationesque anxierunt quàm suas origines ad posteros transmittendi. Quod etiam si maximè voluissent, minime poterant, cum eorum vita esset inculta, horrida, bellorum plena, & ideo sine literarum præsidio, quæ vitæ civilis, pacis, otiique comites, solummodò rerum memoriam conservare & serâ posteritati transmittere possunt. Præterea Druidæ qui olim Britannorum & Gallorum Sacerdotes, præterita tenuisse credebantur, Bardique rerum strenue gestarum decantatores non fas existimarent quicquam literis librisque mandare. Sin autem quid mandassent, tanto tempore, tot tantisque rerum conversionibus & everfionibus proculdubio intercidisset, cum saxa, pyramides, obelisci, aliaque monumenta quæ ad memoriam conservandam ære perenniora videbantur, diuturni temporis iniquitati jam olim cesserint. Subsequentibus tamen seculis apud plures nationes non defuerunt, qui hæc supplere gestierunt, cumque verum docere non potuissent, saltem ut delectarent, narrationes jucunda quadam varietate ad voluptatem comparatas, & opiniones pro suo quisque captu de gentium originibus nominibusque parturierunt. Quibus multi neglecta veri inquisitione statim conniverunt, plerique fingentis dulcedine deliniti prone crediderunt.

Verum cæteris omissis, inter nos (quem hujus suspitionis affinem non dixerim) Galfredus quidam Arthurius Monumethensis, regnante Henrico Secundo, Historiam Britannicam, è lingua Britannica, ut ipse ait, edidit: in qua prodit Brutum quendam origine Trojanum filium Silvii, nepotem Ascanii, pronepotem Aeneæ illius Magni, cui genus à Iove summo (Dea enim Venus fuit genitrix) qui matrem partu, patrem forte fortuna inter venandum interemit (quod Magi prædixerant) patria profugum Græciam petiisse,

Primi In-
colæ, & no-
minis ra-
tio.

Galfredus.
Ap. Ar-
thur.

ibi

ibi progeniem Heleni filii Priami è servitute vindicasse, Pandrasum Regem debellasse, ejus filiam duxisse, cum reliquiis Trojanorum se mari commisisse, in Insulam Leogetiam delatum Dianæ oraculo admonitum ut hanc occidentem Insulam adiret; Inde per Herculis columnas ubi Sirenas evasit, & postea per Tyrrhenum mare, in Aquitaniam pervenisse, Golfarium Pictum Aquitanix Regem cum duodecim Gallix Principibus collatis signis profligasse, urbeque Turonum, Homero teste, constructa, & Gallia deprædata in hanc insulam à Gigantibus habitatam transmisisse, quibus cum Gogmagog eorum vastissimo devictis, à suo nomine Britannix nomen indidisse anno mundi 2855, ante Olympiadem primam 334, ante Christum natum 1108. hæc Galfredus. Alii tamen aliunde Britannix nomen accersunt. Thomas Eliotta vir equestris dignitatis & singularis eruditionis à Græco fonte *πρωταβία* scilicet, qua dictione suos redditus publicos vocarunt Athenienses repetit: Humfredus Lhuyddus qui in antiquitatis cognitione familiam quodammodo inter nostros ducit, ad Britannicam dictionem PRIDCAIN, id est, *Forma candida*, confidentius refert. Pomponius Lætus Gallo-Britones ex Armorica nomen dedisse prodit: Goropius Becanus Danos hic sedes quævisse & BRIDANIVM, id est *liberam Daniam*, denominasse contendit. Alii à PRVTENIA Germanix regione. Bodinus à BRETIA Hispanorum dictione, quæ terram significaret, nominatam arbitratur: Forcatulus à BRITHIN, quo, ut est apud Athenæum, propotus sunt Græci. Alii à BRVTIIS Italiæ, quos *Brutii* Græci dixerunt, deducunt. Facebant autem Grammaticastri qui à brutis moribus Britanniam dictam blaterant.

Hæ sunt omnes (quod sciam) quæ de Britannix nomine invalere opinionationes. Sed ut in hac re exterorum commenta non possumus non risu excipere, ita nostratium non omnes comprobant. Et facilius sane est in hisce & hujusmodi falsa arguere, quam verum adstruere. Nam præterquam quod absurdum sit hujus nominis rationem ex aliena lingua petere; Lætus conspirans omnium meliorum historicorum consensus refellit, qui docent illos Gallix Britones hinc demigrasse & nomen secum detulisse. Britannia item hoc nomine multis sæculis floruit, ante Danix & Prutenix nomina enata. Quid autem Britannix cum Hispanorum Bretta? quod dubito an sit Hispanicum, & cur magis hæc insula sic dicatur, quam quævis alia terra? *Brithin* in usu nostris fuisse vix doceri possit, & genti nostræ à Græcorum potu nomen facere ridiculum. Brutios vero Italiæ, qui *Brutii* dicti erant à Lucanis, teste Strabone, quasi transfugæ, in Britanniam transfugisse nunquam probari poterit. Quod ad nostratium vero conjecturas attinet: Eliotta *πρωταβία* haud probabile videtur, cum illud fuerit peculiare Atheniensium vocabulum, & Græci hanc insulam *πρωταβία* non *πρωταβία* dixerint. Lhuidi *Prid-Cain* pro Britannia, tum altius repetita, tum duriuscule deducta videtur, ut taceam *Cain* illud ex Latinorum *Candido* in provincialem Britannorum linguam subrepsisse.

Illa autem de Bruto si vera, certa, & explorata Britannia.

essent, non est cur quis ulterius studium & operam in Britannorum origine indaganda infunderet. Res confecta est & antiquitatis studiosi labore molesto & operoso liberantur. Quod ad me, historiolum illam ad quam (veritatem testor) suffulciendam omnes ingenii nervulos subinde intendi, convellere certe consilii non est mei. Illud enim esset *πρόφασις*, & opinioni jam diu vulgo receptæ oblucri. Egone tantillus de re tanta cognoscere & statuere ausim? Rem integram ad Antiquitatis Senatum refero. Suum cuique liberum esto per me iudicium, quicquid existimaverit lector haud equidem in magno ponam discrimine.

Video tamen (quod mihi veritatis indagatori præmonere liceat) homines summo iudicio & præstanti eruditione conari narrationis hujus fidem varie elevare, & in me quoties defendo, hujusmodi argumentis irruere. Primum ex tempore, Fabulosa esse clamitant quæcunque (sacra historica excepta) scribuntur facta fuisse ante Olympiadem primam, annum scilicet ante Christum natum DCC LXX uti hæc quæ de Bruto traduntur sunt trecentis & amplius annis priora. Idque ex Varronis Romanorum doctissimi authoritate qui uti tempus primum ab homine condito ad diluvium *Αδελον*, id est, incertum propter ignorantiam, ita secundum à diluvio ad Olympiadem primam *Μυθον*, id est, fabulosum, nominavit, quia in eo pleraque fabulosa referuntur, etiam apud Græcos & Latinos gentes eruditas; multo magis apud barbaras, & literarum luce destitutas, quales tunc temporis in hoc tractu fuerunt singulæ. Deinde quod autoritas scriptorum idoneorum quæ ad rerum præteritarum scientiam instar omnium, ad hoc confirmandum omnino deficiat. Idoneos scriptores vocant, quorum ut vetustas & eruditio major, ita fides potior; quibus omnibus uti ipsis præcis Britannis Bruti nomen plane ignotum fuisse contendunt. *Cæsar*, inquit, ante annos mille sexcentos, ipso testante, nihil percontationibus reperit, quam interiorem Britanniam partem ab ipsis incolis quos natos in insula dixerunt, maritimas partes, ab iis qui ex Belgio transferunt. Tacitus ante annos mille quadringentos qui in hæc inquisivit, scripsit, *Qui mortales Britanniam initio coluerunt, indigene an advehi, ut inter barbaros parum competentum*. Gildas sapiens & ipse Britannus qui ante mille annos vixit de Bruto isto ne verbum quidem, dubitatque an veteres Britanni aliqua monumenta, vel scripta habuerint, quibus ipsorum originem & historiam ad posteros transmitterent, cum profiteatur se scribere ex transmarina relatione, non ex scriptis patriæ, scriptorumve monumentis, quæ vel si qua fuerint, aut ignibus hostium exusta, aut civium exulum classe longius deportata non compareant. Ninius etiam Eluodugi discipulus ante octingentos annos Chronicon scripturus conqueritur quod Britannix doctores nullam peritiam habuerunt, neque ullam commemorationem posuerunt, & fatetur quod ipse excerptis quæ scripsit ex Annalibus & ex Chronicis Sanctorum patrum. His etiam adjungunt Bedam: Guil. Malmesburiensem, & quotquot ante annum MC LX scripserunt, qui Bruti nomen ne fando audivisse videantur, adeo altum de eo in ipsorum scriptis silentium.

B

Hinc

Brutus Anno mundi 2855, ante Christum natum 1108.

Censorinus.

Tempus fabulosum.

alfredus. sp. Ar.

Hinc adnotarunt Bruti illius nomen non prius mundo auditum, quam barbaro seculo, inter densissimas ignorantiae nubes, Hunibaldus ineptus scriptor Francionem Trojanum Priami regis filium Franciae gentis fuisse conditorem fabulatus esset. Hinc colligunt cum nostri Francos vicinos à Trojanis genus ducere accepissent, deforme existimarunt ab iis origine superari, quos virtute aequarent. Galfredus itaque ille Arturius Monumethensis Brutum ipsum diis genitum, origine etiam Trojanum quasi Britannicae gentis authorem, ante annos quadringentos, Britannis nostris primus, ut isti sentiunt, progeniuit. Antea vero homo plane nemo de Bruto illo, ut ajunt, meminere.

Addunt praeterea sub id quoque tempus Scotticos Scriptores, Scotam Pharonis Aegyptii filiam suae nationis conditricem ementitos fuisse. Tunc etiam quosdam ingenio & otio abutentes, vimque veritati afferentes Hibernis suum Hiberum, Danis suum Danum, Brabantis suum Brabonem, Gothis suum Gothum, Saxonibus suum Saxonem, quasi gentium authores affinxisse. Cum autem nostra aetate quae à fatalibus illis ignorantiae tenebris emerfit, Franci suo Francioni tanquam ementito patri renunciaverint; Quod Franci, inquit literatissimus Turnebus; se stirpe Trojanorum satos praedicant, id emulatione Romanorum faciunt, quos cum eo stemmate, & ea nobilitate inolescere viderint, idem decus sibi voluerunt arrogare; Cumque Scoti fanioris iudicii suam Scotam rejecerint, Hiberum etiam, Danum, Brabonem, & ejus farinae ceteros umbratiles heroas veritas ipsa fugaverit: cur Britannii suo Bruto ut insulae denominatori, & Trojanae origini tantopere adhærescant, demirantur, quasi ante Trojanum excidium quod anno à Diluvio plus minus milleesimo accidit, Britannii hic non fuissent, & ante Agamemnona multi fortes non vixissent.

Adhæc asserunt plurimos è Senatu literatorum, videlicet Boccatium, Vivem, Hadr. Iunium, Polydorum, Buchananum, Vignierum, Genebrardum, Molinæum, Bodinum, & alios magno iudicio viros conjunctis sententiis hunc Brutum in rerum natura extitisse negare, ex nostratibus etiam quamplurimos eruditos, ut supposititium non agnoscere. Inter quos primum produciunt Ioannem de Wheathamsted, Abbatem S. Albani virum summo iudicio, qui olim hac de re in suo Granario sic scripsit: *Iuxta historias alias quibus quorundam iudicio, major adhibenda est fides, totus processus de Bruto isto poeticus est, potius quam historicus, opinativusque magis propter causas varias, quam realis, tum primo quia nec de interfectione patris, nec de generatione, aut de abdicatione prolis fit alicubi mentio in historiis apud Romanos: tum secundo, quia Afcanius juxta varios, nullum talem filium genuit, qui Silvius proprio nomine dictus erat. Solum enim secundum illos filium genuit unicum, videlicet Iulum, à quo posterius familia Iulia sumpsit suum ortum, &c. Tertioque Silvius Posthumus, de quo forsan intelligit Galfredus, Aeneas ex uxore Lavinia filius fuerat, filiumque Aeneam generans in anno sui regiminis 38 morte naturali vite stadium consummabat. Non igitur ut volunt varii, ex Bruto filio Silvii regnum quod jam vocatur Anglia, dudum dicta erat Britannia. Est igitur secundum illos, opus vanitatis, & satis plenum ridiculi vendicare dignitatem sanguinis,*

*& carere vendicationis probabili fundamento. Sola enim virtus facit gentem nobilem, solusque est animus, & ratio perfecta quæ reddunt hominem generosum. Quare è Platone scribit Seneca in suis Epistolis: Neminem regem non ex servis oriundum, neminem non servum ex regibus. Sufficiat igitur Britannis pro nobilitatis suae origine, quod sint fortes, & potentes in praeliis, quodque undique debellant adversarios, nullumque penitus patiantur jugum servitutis. Secundo loco collocant Guilielmum Newbrigensem multo antiquiorem, qui Galfredum Britannicæ historiae scriptorem simul atque prodierit, asperius hisce verbis falsitatis coarguit. Quidam nostris temporibus scriptor emerfit ridicula de Britannis figmenta contexens, eosque longe supra virtutem Macedonum & Romanorum impudenti vanitate attollens. Galfredus hic dictus est agnomen habens Arturii: pro eo quod fabulas de Arturo ex prisca Britonum figmentis sumptus, & ex proprio auctas per superductum Latini sermonis colorem honesto historiae nomine palliavit. Qui etiam majori ausu cujusdam Merlini divinationes fallacissimas, quibus utique de proprio plurimum adjecit dum eas in Latinum transfunderet, tanquam authenticas, & immobili veritate subnixas prophetias vulgavit. Et paulo post, Preterea in libro suo quem Britonum historiam vocat, quam petulanter & impudenter fere omnia mentiatur, nemo nisi veterum historiarum ignarus cum in librum illum incidit ambigere finitur. Nam qui rerum veritatem non didicit, fabularum vanitatem indiscrete admittit. Omitto quanta de gestis Britonum ante Iulii Caesaris imperium & adventum homo ille confinxerit, vel ab aliis conficta tanquam autentica scripserit. Usque adeo ut Giraldus Cambrensis qui eadem aetate vixit & scripsit, Fabulosam Galfredi historiam vocari non dubitaverit. Alii Galfredi hujus ineptam Topographiam in hac narratione & Homerum falso testem adhibitorum rident, totamque ex absonis & absurdis confarcinatam persuadere volunt. Notant insuper illius scripta ab Ecclesia Romana, una cum ipsius Merlini inter prohibitos libros interdicti. Alii observant quomodo isti qui Brutum maxime admirantur, de suo Bruto aestuant, & fluctuant. Ille, inquit, qui Gildæ nomen, & personam induit, & glossulas Ninio assuit, primum Brutum hunc fuisse Consulem Romanum, inde Silvii, & demum Heficionis cujusdam filium comminiscitur. Nec deest (ut audivi) Comes quidam Palatinus qui hunc nostrum Brutum Brotum appellandum contendit, quia scilicet matri partu mortifer erat, quasi *βροτός* idem Græce sonet. Aliorum iudicio magis probabilem, & minus humilem Britannorum originem reliquissent, si vel à Britone Centauro, cujus meminit Higinus, genus ementiti fuissent; vel à Bretano illo, ex cujus filia Celtice, Parthenius Nicæus author inprimis antiquus Herculem, Celtum Celtarum patrem suscepisse prodit, & à quo Britanniam deducit Hefychius.*

Ex his aliorum observationibus & sententiis quas retuli, nemo mihi ingenuo veritatis cultori litem intendat, quod ego illam de Bruto historiam impugnaverim, quandoquidem cuique, ut spero, & sentire quæ velit, & referre quæ alii senserint, in hujusmodi rebus semper licuerit. Quod ad me, habeatur Brutus gentis Britannicae pater & fundator, mihi contra non videbitur, itet Britannis sua à Trojanis origo (in quam se vere

Epistola 44.

Livius.

Augustinus de Civitate Dei. lib. 3. c. 4.

Describe. Cambria. c. 7.

Britannia.

inferere possunt, ut postea docebo) non contraibo. Haud me latet vetustioribus seculis gentes originem suam ad Herculem, posterioribus ad Trojanos retulisse. Detur hæc venia Antiquitati ut miscendo vera falsis, humana divinis primordia gentium & urbium splendidiora & augustiora faciat, cum ut habet Plinius, vel mentiri clarorum imagines sit aliquis virtutum amor. Ego cum Varrone Romanorum doctissimo hujusmodi à Diis repetitas origines utiles esse lubens agnosco, ut viri fortes, etiamsi falsum sit, se ex Diis genitos esse credant, ut eo modo animus humanus veluti divina stirpis fiduciam gerens res magnas aggrediendas presumat audacius, agat vehementius, & ob hæc impleat ipsa securitate felicius. Ex quibus tamen verbis colligit B. Augustinus doctissimum illum Varronem hæc falsa esse quamvis nec audenter, nec fidenter, pene tamen confiteri.

Augustinus de Civitate Dei, lib. 3. c. 4.

Quandoquidem igitur de nominis Britanniae notione & primis incolis non sit una eademque omnium sententia, & male metuo haud quicquam veritatem tot seculorum anfractibus tam profunde demersam eruat: ignoscat etiam mihi inter alios candida lectoris humanitas, si ego modeste sine cuiuspiam præiudicio conjecturam etiam interponam meam, non altercandi animo (procul absit) sed veritatis indagandæ studio, quod me totum occupavit, eoque perduxit, ut malim hac in re culpam (si qua sit) deprecari, quam omnino culpa vacare. Ut tamen facilius & fecilius nominis ratio, si fieri possit, elucescat, primum qui fuerint primi insulæ incolæ quoad potero investigare conabor. Quamquam illi in ultimo Antiquitatis recessu, tanquam in sylva plusquam densissima, ubi nullæ semitæ, ita delitescunt, ut spes sit nulla vel perquam exigua, nostram sedulitatem posse retrahere, quæ à maioribus tanto tempore subduxit oblivio.

Ut vero altius rem repetamus, & Cæsarem cum Diodoro & aliis omittamus, qui Britannos *Αυτοχθόνες*, & Aborigines, id est, non aliunde advectos fuisse voluerunt, hominesque blittarum, & fungorum instar è terra in principio germinasse suspicati sunt; Ex sacra Mosis historia docemur, à diluvio tres Noe filios, Sem, Cham, & Iaphet numerosiore prole adauctos, ab Armeniæ montibus, ubi arca hæserat, in diversos terræ cardines secessisse; & per orbis vastitatem gentes propagasse. Ad nostram etiam insulam, disseminatis paulatim familiis, ex eorum posteris quosdam pervenisse cum ipsa ratio, tum Theophili Antiocheni autoritas comprobatur. Cum, inquit ille, *priscis temporibus pauci forent homines in Arabia & Chaldaea, post linguarum divisionem aucti & multiplicati paulatim sunt: hinc quidam abierunt versus Orientem, quidam concessere ad partes majoris continentis, alii porro profecti sunt ad Septentrionem sedes quaesituri, nec prius deserant terram ubique occupare, quam etiam ad Britannias in Arctoïis climatibus acceperint.* Nec minus disertè hoc docet ipse Moses, cum scribat à Iapheti posteris insulas gentium in regionibus suis divisas fuisse. Insulæ gentium Theologis vocantur, quæ sunt remotissimæ, & Wolphgangus Musculus non infimi ordinis Theologus existimat gentes & familias, quæ à Iapheto profluxerunt, primum occupasse insulas Europæ, quales

sunt, inquit ille, Anglia, Sicilia, &c. Iapheto autem huic & ejus proli Europam cessisse præter Theologos, etiam Iosephus aliique meminerunt. Isidorus enim ex antiquo scriptore, *Gentes de stirpe Iaphet, quæ à Tauro monte ad aquilonem mediam partem Asiæ, & omnem Europam usque ad Oceanum Britannicum possident, nomina & locis, & gentibus relinquentes, de quibus postea immutata sunt plurima, cetera permanent ut fuerunt.* In Europæis etiam illam Noe benedictionem, *Dilatet Deus Iaphet, & habitet in tabernaculis Sem, sitque Chanaan servus ejus*, adimpletam vidimus. Europa enim victoris omnium gentium populi, ut inquit Plinius, altrix, de reliquis orbis partibus, quæ Semo & Chamo obtigerunt, non semel triumphavit, & Iapheti prolapia in hac parte longe lateque se diffudit. Ejus etenim filii Magog Massagetæ, Javan Iones, Thubal Hispanos, Mesech Moschos procreavit. Gomerus vero filius natu maximus Gomeris, qui postea Cimbri & Cimerii dicti, in his ultimis Europæ finibus & originem dedit, & nomen imposuit. Cimbriorum enim five Cimeriorum nomen hanc orbis partem quodammodo opplevit, nec solum in Germania, sed etiam in Gallia latissime patuit. Qui nunc sunt Galli, ut habet Iosephus, & Zonaras, *Gomari, Gomeræi, & Gomeritæ à Gomero vocabantur.* Ab his Galliæ Gomaris, five Gomeris Britannos nostros originem deduxisse, & nomen in originis argumentum detulisse semper existimavi; ipsumque proprium, & peculiare Britannorum nomen idem persuasit. Ipse enim se *Kumero, Cymro, & Kumeri*, mulierem Britannicam *Kumeræes*, & linguam *Kumeræeg* appellant. Nec alia agnoscunt illi nomina, licet ex his scioli quidam *Cambros, & Cambriam* superiori seculo procuderint. Immo Grammaticus ille quem in suis Catalectis Virgil. perstringit & Thucydidem Britannum vocat, Quintilianus Cimbrum fuisse dicit. Et unde quæso hæc nomina profluxisse existimemus, quam à Gomero illo, & Gomeris in proxima Gallia? quæ priscorum Gomerorum sedes. Germanos ab Aschenaz, Turcas à Togorma Gomeri filiis prognatos credunt eruditi, quod hi *Togormath*, illi *Aschenas* hodie Iudæis vocentur. *Thracæ, Iones, Riphæos, Moschos, &c.* à Thirax, Javan, Riphath, & Moschi oriundos nemo inficiatur, propterea quod nomina non discrepent: *Ethiops* item à Chus, *Egyptios* à Misraim Chami filiis profeminatos fuisse, quod iisdem nominibus, sua ipsorum lingua dicantur, nemo non fatetur. Cur ergo non fateamur Britannos, five Cumeros nostros ipsissimos esse Gomeri posteros, & à Gomero nominatos? Nomen enim optime consonat, & in confesso est illos extremos Europæ fines insedisse. Quod etiam ipsum Gomeri nomen non temere, sed divinitus datum innuit. Gomer etenim lingua sancta *Finiens* interpretatur. Nec quis detrahendi studio nostris Cumeris, five Cimbris objiciat quod Cimbro lingua Gallica latrones dici Sextus Pompejus scripserit. Licet enim Cimbri, inter quos, etiam nostros Cumeros fuisse probabile est, in illa *ῥωμαίων* mundi ætate, qua fortitudo bellica excelluit, ab his Europæ finibus errabundi, ut author est Possidonius, ad Paludem usque Mæotidem latrocinando militiam agitarint: non tamen *Cimber*, magis latronem significat, quam *Egyptius* superstitionis sum,

Orig. lib. 9. cap. 2.

Genes. 9.

Gomeri, Cimerii, Cumeri, &c.

Lib. 8. c. 3.

Phil. Melanch.

At Sex-
tum Pom-
pejum.
Berosus.
Censura de
Beroso.

sum, Chaldaus Astrologum, & Sibarita delicatulum. Sed quia tales fuerunt illae nationes, de earum nomine, qui tales sunt vocantur: & in hoc juxta mecum sentit eruditionis lumen Iosephus Scaliger. Nec quis miretur quod Berosum hic in partem non vocem, unde tantum instrumenti scriptores hodie habent. Certe (ut semel dicam) acies autoritatis Berosi illius qui circumfertur, ita apud me hebescit, ut nihil aliud, quam tenebrionis, & impostoris alicujus ridiculum commentum, cum eruditissimis nostri seculi hominibus Volaterrano, Vive, Antonio Augustino, Melchiorre Cano, & in primis cum Gaspare Varerio existimem: qui in sua de Beroso Censura Romae impressa, insitum illum de hoc scriptore errorem facile ex lectorum animis evellere potest.

Hæc mea est de Britannorum ortu opinio, siue potius conjectura: in rebus enim tam antiquis conjecturis facilius est persequi, quam certa ratione in alteram partem pronuntiare. Atque hic ortus à Gomero, & à Gallia, quam à Bruto, & Troja gravior, antiquior, & verior videtur. Imo ad veritatem propendere, nostrosque Britannos veram esse Gallorum propaginem, è nomine, situ, religione, moribus, & lingua comprobare posse videor, quibus omnibus antiquissimi Galli, & Britanni quasi communione quadam conjuncti fuerunt. Hoc ut faciam, liceat mihi quæso, cum bona lectoris gratia liberius paulisper exspatiari.

Nomen.

De Pro-
consul.

Forcatulus
ex Gal. an-
nal. 1235.

Morima-
rusa.

Situs.

De nomine vero, cum superius dictum sit, hoc solummodo repetam, quod, ut prisci Galli *Gomeræi*, *Gomeritæ*, & contra *Cimbri*, sic etiam Britanni nostri *Cumeri*, & *Kimbri* dicuntur. Gallos autem *Gomeros* dictos fuisse Iosephus & Zonaras, ut dixi, comprobant, *Cimbros* etiam appellatos fuisse à Cicerone & Appiano colligi possit; Barbaros quos Marius oppressit, Cicero planè Gallos vocat; *C. Marius*, inquit, *influentes in Italiam Gallorum copias repressit*. At historici omnes *Cimbros* fuisse contestantur, loricaque *BELEI* regis illorum ad *Aquas Sextias*, ubi Marius illos fudit, effossa hoc docuit, peregrinis enim literis inscripta erat *BELEOS CIMBROS*. Qui *Delphos* item Græciæ, duce Brenno diripuerunt, Gallos fuisse una voce & mente scriptores consentiunt omnes; hos tamen *Cimbros* vocatos fuisse testatur in Illyricis Appianus. *Celtæ*, siue Galli, inquit, *quos Cimbros vocant*. Neque hic in partem vocabo Lucanum, qui percussorem ad Marii cædem immisissum *Cimbrum* vocat, quem Livius & alii *Gallum* fuisse asserunt, nec Plutarchum, qui *Cimbros Galloscythas* appellat, nec Reinerum *Reineccium* historicum eximium adducam, qui ex Plutarchi Sertorio Gallos & *Cimbros* eadem lingua usos fuisse constanter affirmat. Nec unicum illud quod superest apud authores *Cimbrorum* vocabulum urgebo, & è *Philemone* protulit Plinius: *Morimarusa*, id est, *Mare mortuum*, licet mere sit Britannicum. *Mor* enim *Britannis Mare*, & *Marus* mortuum significat.

Cum igitur antiquissimo nomine hæ gentes convenerint, unde hoc nomen in hanc insulam enavigavit, nisi cum primis incolis è vicinâ Galliâ exiguo divortio separata? Non enim simul, &

semel orbis cultus, sed regiones, quæ Armeniæ montibus (ubi arca post diluvium requievit, & unde genus humanum propagatum) propiores sunt, prius habitatas fuisse fatendum est; utpote Asiam minorem, & Græciam prius quam Italiam, Italiam quam Galliam, & Galliam quam Britanniam. Quâ in re suavissima est consideratio, summum conditorem ita regiones conjunxisse, & insulas sparsisse, ut inter nullas tantum interjectum sit intervallum, quin, quæ maxime distat è vicina aliqua conspici possit, & quasi oculis signari. Nec alio consilio hoc factum, nisi ut gentes cum exundarent, cernerent, quo se exonerent; donec orbis terrarum universitas incolis ubique ad conditoris gloriam completeretur. Par igitur est ut credamus *Gomeros* antiquos, vel ab aliis insequentibus protrusos, vel multitudinis minuentæ causa ejectos, vel ulteriora visendi innato mortalibus studio incensos in hanc insulam sibi proximam quam è continente dispicere poterant; primum transmisisse. Ratio etiam dicat, unamquamque regionem primos incolas potius è vicinis, quam disjunctissimis locis accepisse. Quis non existimet *Cyprum* è proxima Asia, *Cretam* & *Siciliam* ex vicina Græcia, *Corficam*, ex vicina Italia, & ne longius abeam, *Zelandiam* è proxima Germania, *Islandiam* è Norwegia primos incolas potius habuisse, quam à remotis *Tartariæ* vel *Mauritaniæ* tractibus? Itidem cur non existimemus *Britanniam* nostram potius à vicinis *Gallis*, quam vel à *Trojanis*, *Italibus*, *Albanis*, & *Brutiis* tanto intervallo semotis, primo fuisse occupatam? Nec aliunde quam è vicina *Gallia Britannorum* incunabula accersunt scriptores. *Britannia pars interior*, inquit *Cæsar*, *ab iis incolitur*, quos *natos in insula ipsi memoria proditum dicunt*, *maritima pars ab iis qui belli inferendi causa ex Belgio Gallie transferant*, qui omnes fere ex nominibus civitatum appellantur, quibus orti ex civitatibus eò pervenerunt, & bello illato ibi remanserunt. Fuerunt enim in *Britannia* sicut & in *Gallia Belgæ*, *Atrebatii*, *Parisi*, *Cenomanni*, &c. Tacitus item, *In universum* (inquit) *estimanti Gallos vicinam Britanniam solum occupasse credibile est*. Beda etiam inter omnes nostros scriptores veritatis amicus, *In primis*, inquit, *hæc insula Britones solum*, à quibus nomen accepit, *incolas habuit*, qui de tractu *Armoricano*, ut fertur, *Britanniam advecti*, *australes sibi partes illius vendicarunt*. *Armoricanum tractum* vocat ille *maritimas Galliarum regiones insulæ nostræ oppositas*. In rem etiam præsentem facere videtur, quod *Cæsar* memorat suo tempore *Divitiacum Gallum*, cum magnam partem *Galliæ*, tum etiam *Britanniæ imperium* obtinuisse; & quod maximum est inter *maritimos Galliæ* *populos* ex opposito *Britanniæ* juxta *Bononiensem Comitatum* * *Britannos* numeravit *Plinius*, quique illo antiquior *Dionysius Afer* his verbis,

Τῆς ἡπείρου περὶ τὴν ἑσπέρην γλῶσσαν νέμεται
Ἀρχὴ ἐπὶ τῶν μερῶν τῶν ἐν τῇ Ἰβερῶν,
Μῆτις ἐπὶ τῇ ἐπὶ τοῖς περὶ τὴν ἑσπέρην γλῶσσαν
ὁ καὶ τῶν ἑσπερίων πέχεται ὁ ὅτι, ἐν τῇ Βερβαντῶν,
Ἀδελφὰ τε φῶλα νέμεται δὲ τῶν ἑσπερίων Γερμανῶν.

Ad verbum.

* Hujus videlicet extremum quidem sub angulum degunt
Prope columnas magnanimatorum gens Iberum.

Erasmus
Michaelus
de Re nau-
tica.

Britanni in
Gallia.

* Britanni
tamen in
nonnullis
Plinii ex-
emplaribus.

* Europa.

Secun-

Secundum longitudinem ad continentem versa, ubi Septentrionalis Oceani frigidus fusus est fluxus: ubi Britanni Candidaeque gentes habitant Martiorum Germanorum. Illud enim *ἐν τῇ Βρεταννῇ* respicere videtur *μὴ ἐπὶ ἐπείροιο*, & de Britannis in Gallia intelligit qui in hunc Commentarios edidit Eustathius, τῶν δὲ Βρεταννῶν τῶν πρῶτον αἱ ἀντιπερὶν Βρεταννίδες νῆσοι inquit. Contra tamen sentiunt Avienus, & in suis urbibus Stephanus.

Religio.

Eadem etiam religio utrique genti colebatur. Apud Britannos, inquit Tacitus, Gallorum sacra deprehendas superstitionum persuasione. Galli detestabili sacrorum ritu, inquit Solinus, non ad honorem, sed potius injuriam religionis, humanis litabant sacris. Idem Britannos fecisse praeter alios, author est in Nerone Dio Cassius. Vtramque etiam gentem suos Druidas habuisse Caesar & Tacitus authores sunt locupletissimi. De quibus integrum est Caesare locum percurrere ne pigeat: Druidae rebus divinis intersunt, sacrificia publica ac privata procurant, religiones interpretantur. Ad hos magnus adolescentium numerus disciplina causa concurrat, magnoque ii sunt apud eos honore. Nam fere de omnibus controversiis publicis privatisque constituunt, & si quod est admissum facinus, si caedes facta, si de hereditate, de finibus controversia est, iidem discernunt, premia poenaeque constituunt. Si quis aut privatus aut populus eorum decreto non stetit, sacrificiis interdicunt. Hec poena apud eos est gravissima. Quibus ita est interdictum ii numero impiorum & sceleratorum habentur, ab iis omnes decedunt, aditum eorum sermonemque diffugiunt, ne quid ex contagione incommodi accipiant: Neque iis petentibus jus redditur, neque honos ullus communicatur. His autem omnibus Druidibus praest unus qui summam inter eos habet auctoritatem. Hoc mortuo, si quis ex reliquis excellit dignitate, succedit: at si sunt plures pares, suffragio Druidum adlegitur. Nonnunquam etiam de principatu armis contendunt. Ii certo anni tempore in finibus Carnutum, quae regio totius Galliae media habetur, confidunt in loco consecrato. Huc omnes undique qui controversias habent, conveniunt, eorumque iudiciis decretisque parent. Disciplina in Britannia reperta, atque inde in Galliam translata esse existimatur: & nunc qui diligentius eam rem cognoscere volunt, plerumque illo discendi causa profisciscuntur. Druides à bello abesse consueverunt, neque tributa unà cum reliquis pendunt, militia vacationem, omniumque rerum habent immunitatem. Tantis exciti praeiis, & sua sponte multi in disciplinam conveniunt, & a propinquis, parentibusque mittuntur. Magnum ibi numerum versuum ediscere dicuntur. Itaque nonnullos annos in disciplina permanent, neque fas esse existimant, ea literis mandare, cum in rebus fere reliquis publicis privatisque rationibus Graecis literis utantur. Id mihi duabus de causis instituisse videntur, quod neque in vulgus disciplinam efferré velint, neque eos qui discunt, literis confisos, minus memoriae studere: quod fere plerisque accidit ut praesidio literarum diligentiam in perdiscendo ac memoriam remittant. Inprimis hoc volunt persuadere, non interire animas, sed ab aliis post mortem transire ad alios, atque hoc maxime ad virtutem excitari putant, metu mortis neglecto. Multa praeterea de sideribus atque eorum motu, de mundi ac terrarum magnitudine, de rerum natura, de Deorum immortalium vi ac potestate disputant, & juventuti tradunt. Vnde eos sic affatur Lucanus,

Druidae.

Druidum disciplina in Britannia reperta.

Et vos barbaricos ritus, moremque finistram Sacrorum Druidae positos reperistis ab armis.

Solis nosse deos, & caeli sidera vobis;
Aut solis nescire datum: nemora alta remotis
Incolitis lucis; vobis autoribus, umbra
Non tacitas Erebi sedes, Ditisque profundi
Pallida regna petunt; regit idem spiritus artus
Orbe alio: longa, canitis si cognita, vitæ
Mors media est. certe populi, quos despicit Arctos
Fœlices errore suo, quos ille timorum
Maximus haud urget lethi metus: inde ruendi
In ferrum mens prona viris, animaeque capaces
Mortis: & ignavum est reditura parcere vitæ.

Quocunque nomine hi suis Celtis, & Britannis innotuerint, hoc Druidum nomen à Græco fonte scilicet *δρῦς*, id est Robur sive Quercus, profufluxisse videtur, non solum quod visco è robore nihil illis fuerit sacratius, unde Ovidius,

Robur etiam Britannicè Drw.

At viscum Druidæ, Druidæ clamare solebant.

utique qui roborum lucos incolerent, nec ulla sacra sine ea fronde conficerent. Sed hoc Plinius suis verbis fusius explicabit. Nihil habent Druidæ, ita Galli suos appellant magos, visco, & arbore qua gignatur (si modo sit robur) sacratius. Iam per se roborum eligunt lucos, nec ulla sacra sine ea fronde conficiunt, ut inde appellati quoque interpretatione Græca possint Druidæ videri. Enimvero quicquid adnascatur illis è caelo missum putant, signumque esse electæ ab ipso Deo arboris: Est autem id rarum admodum inventu, & repertum magna religione petitur, & ante omnia sexta luna, quæ principia mensium annorumque his facit, & seculi post tricesimum annum, quia jam virum abunde habeat, nec sit sui dimidia, omnia sanantem appellantes suo vocabulo. Sacrificio epulifque rite sub arbore preparatis duos admovent candidi coloris tauros, quorum cornua tum primum vinciantur. Sacerdos candida veste cultus arborem scandit, falce aurea demetit. Candido id excipitur sago. Tunc demum victimas immolant, precantes ut suum donum deus prosperum faciat his quibus dederint. Fœcunditatem eo poto dari cuiusque animali sterili arbitrantur, contraque venena omnia esse remedio. Tanta gentium in rebus frivolis plerumque religio est.

Lib. 16, Cap. 44.

Huc etiam accedit, quod Diodorus Siculus hos Gallorum sacerdotes eodem sensu *Σαγῶνιδες* Saronide. vocavit, quod vocabulum quercus, sive robora sonare sciunt omnes, qui Græcè sciunt. Maximusque Tyrius prodat Celtas, id est Gallos, Iovem colere, cujus signum altissima quercus. Cæterum ab his Druidibus videatur, quod Saxones nostri, ut apud Africum legimus, Magum Drý Dry. sua lingua vocarint. De his si plura velis, Melam, Lactantium, Eusebium de Præparatione Evangelica, & Pseudo-Plauti Aululariam accedas.

Bardos item inter suos religiosos habuerunt Galli, qui fortia virorum illustrium facta versibus composita lyrae modulis cantitarunt. Vnde ad eos idem ipse Lucanus,

Vos quoque qui fortes animas, belloque preemptas,
Laudibus in longum rates dimittitis ævum,
Plurima securi fudistis Carmina Bardi.

Bardi.

Eosdem etiam eodem nomine, etiamnum Britanni nostri habent; Bard enim indigitant, qui præterquam quod eo munere funguntur, etiam pertexendis Genealogiis operam inprimis studiose navant. An verò Britanni, ut Galli, se à Dite patre prognatos crediderint proditum non est. Quod eam ob causam, spatia omnis temporis non numero dierum, sed noctium finierint

C

Galli,

Galli, ut noctem dies subsequatur: idem plane observarunt nostri Britanni. Quod enim Latini septimam, & duas septimanas, dicunt; Illi *Witnos*, id est, octo noctes, & *Pymthec-nos*, id est, quindecim noctes appellant.

Respublica.

Reipub. formam etiam eandem utraque gens sibi descripsisse videtur. Non enim unius imperio regebantur, sed ut Gallia, sic quoque Britannia plures reges habuit. Utque Galli in rebus difficilioribus publicum gentis concilium egerunt, & unum imperatorem designarunt: idem Britannos praestitisse ex his Cæsaris verbis elici possit, *Summa imperii bellique administrandi communi consilio permixta est* * *Cassivellauno*.

* *Cassibellinus.*
Mores.

Nec dissimiles moribus, & institutis hæ gentes fuerant, nam, ut taceam utranque gentem bellicosissimam fuisse, cædis avidissimam, ad conferenda prælia, deposcendaque pericula eadem audacia, uti ex Strabone, Tacito, Dione, Herodiano; & aliis constat. Moribus, inquit Strabo, *partim Gallis similes sunt Britanni; & statim subjungit, instar Gallorum quorundam in bellis gerendis sunt ut plurimum immanes.* Tacitusque cum eo, *Britanni, qui à Romanis non devicti manent quales Galli fuerunt.* Et alio loco, *Proximi Gallis, & similes sunt Britanni.*

Britannos dimicasse Gallice armatos prodit Mela.

Ad bella effedorum multitudine utuntur Britanni, ut quidam Gallorum, scribit Strabo.

In more fuit utrique genti, in bello ita aciem per nationes struere, ut discreta virtus clarius elucesceret. Hoc Gallos fecisse his verbis testatur Cæsar, *Galli distributi in civitates vada obtinebant.* Quod de Britannis sic confirmat Tacitus in prælio Carataci, *Ceteræ nationum pro munimentis constituerant.*

Galli, inquit Strabo, *ingenio docili, & ad doctrinam prompto fuere, nec minus Britanni, quorum ingenia studiis Gallorum anteferebat apud Tacitum Agricola, ut qui modo linguam Romanam abnuebant, eloquentiam concupiscerent.*

Mente candida & simplici fuisse Gallos tradit Strabo, quod Tacitus de Britannis innuere videtur, cum scribat illos delectum, tributa, & inuncta imperii munera impigre obire, si injuriæ absint.

Mobilitate & animi levitate novis imperiis studuisse Gallos refert Cæsar; Britanni similiter factionibus, & studiis trahebantur, inquit Tacitus.

Ex hac Gallorum mobilitate, quam infirmitatem honestius Cæsar vocat; credulitas tanta in eorum animos irrepsit, ut Gallica credulitas in proverbium cesserit, & Poëta cecinerit:

Et tumidus Galla credulitate fruatur.

Necdum in ea Britanni nostri degenerarunt, qui, vel Milesiis fabulis avidam aurem admovent, & ineptissimis vaticiniis superstitione vel spe, vel sollicitudine statim credunt.

Gallos propinquis, quos violatos viderint, maxime indoluisse legitur apud Strabonem. Eandem sympathiam nostris Britannis præ cæteris gentibus inesse, notius est quam dici possit, & vulgo cantitatum.

Ambacti. Galli, ut est apud Cæsarem, *uti quisque genere, copiusque amplissimis, ita plurimos circum se Ambactos, id*

est servos & clientes habuerunt: hanc unam gratiam, potentiamque noverunt. Nec aliam hodie nobiles nostri Britanni gratiam noverunt, à quibus, ut existimatur, Angli tanta affectantium famulorum agmina secum trahere didicerunt; qua in re Europæis omnibus longè nuper antecelluerunt.

Britannorum ædificia Gallicis fuisse consimilia, & sylvis circumdata docet cum Cæsare Strabo.

Galli, ut testis est Strabo, aureos torques collo gesserunt, & *Bunduica Britanna* (inquit Xiphilinus) *aureum torquem tulit, induta tunica variis coloribus distincta.* Nec alibi hodie illud ornamentum magis est in usu, quam in hac insula, & apud nostros Britannos & Gallos in re medio digito usos fuisse annulo author est Plinius. Gallos comas aluisse, memorat idem Strabo, & Britannos promisso fuisse capillo testatur Cæsar. Apud plures extat authores Gallos vestimentis quibusdam usos fuisse, quæ Brachas patrio sermone dixerunt: hæc & nostris Britannis communia fuisse docet Martialis versiculus,

Quam veteres Brachæ Britonis pauperis.

Omitto quod de Gallis scribit Silius Italicus,

*Quin etiam ingenio fluxi. sed prima feroces,
Vaniloquum Celta genus, ac mutabile mentis:*

quia hæc plurimis gentibus sunt communia. Alia attexerem quibus hæ gentes inter se conveniunt, sed male metuo ne in calumniam à malevolis raperentur. Illudque mihi perplacet, Omnia modice & intra modum, & infirmius forsitan videatur, quod hinc ducitur argumentum.

Nunc ad linguam ventum est, in qua maximum est hujus disputationis firmamentum, & certissimum originis gentium argumentum. Qui enim linguæ societate conjuncti sunt, originis etiam communione fuisse conjunctos homo opinor nemo inficiabitur. Quod si omnes omnium historiæ intercidissent, & nemo literis prodidisset nos Anglos è Germanis, genuinos Schotos ex Hibernis, Britones Armoricanos à nostris Britannis prognatos fuisse: ipsarum linguarum communitas hoc facile evinceret, imo facilius, quam vel gravissimorum historicorum autoritas. Si igitur præcos Gallos, & nostros Britannos eadem usos fuisse lingua docuero, ejusdem etiam originis fuisse, ut fateamur, ipsa vis veritatis extorquebit. Nec moror quod ipsos Gallos lingua discretos scripserit Cæsar. Dialecto tantum discrepasse docet Strabo. *Eadem, inquit, non usque quaque lingua omnes, sed paululum variata.* Cæterum veterum Gallorum linguam eandem cum Britannica fuisse (nisi fortè Dialecti varietate) docet ipse Cæsar, qui scribit moris fuisse, ut Galli qui Druidum disciplinam diligentius cognoscere vellent, in Britanniam ad nostros Druidas proficiscerentur. Cum autem illi libris nullis uterentur, consentaneum est eos eodem, quo Galli, usos fuisse in docendo sermone. Quod Cornelius Tacitus disertius affirmat. *Britannorum, inquit ille, & Gallorum sermo haud multum diversus.* Unde in hanc opinionem concesserunt Beatus Rhenanus, Gesnerus, Hottomannus, Petrus Daniel, Picardus, & omnes qui venerandæ antiquitati litarunt, præter pauculos qui Gallos Germanice loquutos volunt, & contendunt. Sed ne quis hac in re nobis pulverem ob oculos spargat, ex auctori-

Et sumus in his di-
Elionibus
Britannico
Glossario
Gail. Sali-
buri, & a
lio veteri
Ad. S.

Divona.

Tarvanis.

Bracha.

Helius.

Tentatos.

Lingua.

Tenaday.
Lib. I.

Dufsi.

Lenæ.

Gæssata.

Gæssi.

Gæssum.

Caterua.

*Si sumus
in his di-
ctionibus
Britannico
Glossario
Guth. Salis-
burii, & a-
lio veteri
Ad. S.*

thoribus quæ possumus, veterum Gallorum verba, tanquam tabulas è naufragio (cum ea lingua oblivionis fluctibus jam submergatur) colligamus, & conferamus. Plurima enim non ægrè, & violenter, sed facillimè, & nulla fere conversione, cum nostris Britannicis & sono & sensu consonare videbimus.

Divona Deorum fontem Gallica lingua significasse author est Ausonius in illo versu, de fonte apud Burdigalam;

Divona. *Divona* Celtarum lingua fons addite Divis.

Deum vero *Dyw* & fontem *Vonan* vocant Britanni nostri, ex quibus coalescit *Divonan*, & Latina analogia metri gratia *Divona*.

Taranis. Iovem, qui à tonitru Græcis *Βρονχίος*, & Latinis *Tonans*, sub *Taranis* nomine Gallis cultum fuisse non pauci scriptores memorantur. *Taran* autem Britannis tonitru denotat, qua etiam significatione Germani Iovem *Thonder* dixisse videntur. Diem enim Iovis *Thonderdach*, id est Tonantis diem vocant.

Hesum. Deum alium habuerunt Galli *Hesum* Lucano, *Heum* Lactantio dictum, Anubim latrantem author *Queroli* vocavit, quod canina forma pingeretur, & *Huad* canem Britannis nostris significat.

Teutates. Mercurium sub *Teutatis* nomine Gallos ut artium inventorem, & itinerum ducem coluisse certissimum est, & *Dio Taith*, itineris Deum Britannicè sonat. Quodque Mercurius Platoni in Phædro & Philebo *Theut* appellatur, non me latet. Scio tamen esse qui Teutatem eundem esse qui Tacito Germanorum *Tuisco*, Martemque volunt, & nos Germanorum sobolem diem Martis inde *Tuesday* nominare. De his tribus Gallorum Diis, tres habe, si placet, Lucani versiculos:

*Et quibus immitis placatur sanguine divo
Teutates, horrensque feris altaribus Hesus,
Et Taranis Scythicæ non mitior ara Diana.*

Dusii. Dæmonas incubos à Gallis *Dusios* nuncupatos fuisse quia assidue immunditiam illam peragant, authores sunt Divus Augustinus, & Isidorus: quod verò assiduum & diurnum *Dyth* Britannis etiam nunc dicitur.

Lena. Scribit Pomponius Mela, *Antistites* cujusdam Gallici numinis perpetua virginitate sanctas Galli *Senas* vocant. *Lenas*, ego si ausim, legere malim. Virgines enim sacras, quas Moniales, & sanctimoniales nunc dicunt, Britanni (ut est in antiquo Glossario) *Leanes* vocarunt, unde vetustissimum inter Britanno Monialium nonasterium *Lean-minister*, nunc *Lemster* dictum nomen traxit.

Gæssata. Galli, inquit Polybius, milites conductitios *Gæssatas* suâ linguâ nominarunt: servos verò conductitios *Guesin* Britanni nunc appellant.

Gessi. Viri fortes, scribit Servius, Gallis *Gessi* nominabantur, & *Guassdewr* idem Britannis sonat, quod Latinis vir fortis & strenuus.

Gessum. Huc etiam referri potest *Gesum* quod proprium fuit telum Gallorum, ut pilum Romanorum, & framea Germanorum. Sed de hoc statim.

Caterva. Ut Phalanx Macedonum, sic *Caterva* propriè Gallorum legio erat, uti videre est apud Vegetium. Nec hoc Britannis exolevit, qui turmam *Caturfa*, & bellum *Kad*, & belli robur quod in legione positum *Kaderne* vocitant, & *Caterna* in nonnullis Vegetii exemplaribus concipitur.

Ad hoc *Kad* etiam *Cateja* quod teli bellici apud Gallos genus erat, ut habet Isidorus, non incommodè referri potest.

Gessa telum Gallicum, hastam virilem interpretatur Servius, cui affine Britannum *Cethilou* videtur, quod fudes præustas, & semen bellicolum interpretatur Ninnius.

Galli, quos Brennus in Græciam duxit, equestris pugnae institutionem quæ ex tribus equis constabat, *Patriâ* voce, inquit Pausanias, *Trimarcia* nominarunt, equum enim *Marcam* appellarunt: quod purum putum Britannicum est eadem significatione. *Tri* enim tres & *March* equum significat.

Eodem libro prodit Pausanias, Gallos scuta patria *Thireos* vocasse, quæ hodie etiam *Tarian* Britanni nominant.

Cæsar in Ephemeridibus suis scripsit, ut est apud Servium, Cum ab hoste in Gallia raptus equo ejus portaretur armatus, occurrit quidam de hostibus qui eum nosset, & insultans ait, *Cetos* *Cæsar*, quod Gallorum lingua dimitte significat, & *Geduch* idem Britannicè denotat.

Rheda Gallorum vocabulum, inquit Quintilianus, ejusdem est significationis, cujus apud Latinos *Caruca*, id est, *Currus*. Hoc Britannica lingua nunc non agnoscit, in usu tamen Britannis fuisse *Rhediad* pro cursu, *Rhedec* currere, & *Rhedecsa* curriculum demonstrant, quæ ex eadem esse traduce, non est cur quispiam dubitet. Nec absurdum erit *Eporediam* Salafforum civitatem hinc deducere, quam sic dictam ab equorum domitoribus scribit Plinius.

Aliud vehiculi genus utrique genti in usu fuit, quod uno vocabulo *Covinum*, ejusque aurigam *Covinarium* dixerunt. Licet vero hoc nomen cum ipso vehiculo evanuerit, ejus tamen primitivum, ut ita loquar, apud Britanno remanet, quibus *Kowain*, in vehiculo vehere significat.

Essedum item Gallicum erat vehiculum vel potius currus bello accommodatus, quem Proper- tius etiam cum Cæsare Britannis tribuit.

Esseda celatis fiste *Britanna* jugis.

Circius, ventus est nomine notissimus, cui Divus Augustus templum in Gallia & vovit, & fecit. Vocem autem esse Gallicam Phavorinus natione Gallus apud Agellium ostendit. *Nostri*, inquit, Galli ventum ex sua terra flantem, quem sevisimum patiuntur, *Circium* appellant à turbine, opinor, ejus & vertigine. Hunc omnium ventorum impetuosissimum & violentissimum esse constat: *Cyrch* autem impetum & violentiam Britannis significat, ut ex eorum Litania videre est.

Alpibus Penninis, quæ Cæsari summæ sunt Alpes, nomen inditum scribit Livius, non ab Annibale Pæno, sed ab eo quem summo sacratum vertice *Penninum* montani Galli nominarunt; *Pen* vero summitates montium etiamnum Britannis vocantur, unde *Pen-mon maur*, *Pendle*, *Pen*, *Pencob-cloud*, & *Pennigent* montes apud nos editissimi nomen invenerunt, nec aliunde nomen est Appennino Italiæ.

Civitates Galliæ quæ Oceanum attingunt, *Armoricas* Gallorum consuetudine appellari scribit Cæsar, quibuscum Britanni eadem voce eadem in re conspirant; *Ar-mor* enim ad mare, vel

supra mare illis significat, & eodem plane sensu Græce *Απρωσινιδας* vocat Strabo.

Bacanda. Diocletiano imperante, tumultum rusticani in Gallia concitarunt, factionique suæ *Baucadarrum* nomen imposuerunt, & *Beichiad* Britannis subulci, rusticique nominantur.

Varga. Indigenas latrunculos *Vargarum* nomine Galli inquit Sidonius nuncuparunt, & latrones Britannice *Veriad* olim dictos fuisse in Glossario Ecclesiæ Landavenfis inveni.

Allobroges. Ideo dicti sunt *Allobroges*, inquit vetus ille & egregius Iuvenalis Scholiastes, quoniam *Brogæ* Galli agrum dicunt, *Alla* autem aliud. Dicti igitur quia ex alio loco translati. At *Bro* regio, & *Allan* extra, vel externum est Britannis, ut Etymologia in utraque lingua optime constet.

Glastrum. Simile Plantagini *Glastrum* in Gallia vocatur, inquit Plinius, quo Britannos se infecisse testantur scriptores. Hæc herba est quam *Woad* dicimus, & cæruleum efficit colorem, qui color hodie Britannis *Glas* appellatur, *Isatis* hæc fuit Græcis, ut Plinius, & infectoribus *Vitrum*, ut author est Oribasius. Vnde Pomponius Mela facile emendetur si Vitro reponas pro Vltro, ubi ille Britannii incertum ob decorem, an ob quid aliud Vltro corpora infecti.

Coccus. Gallathæ quibus eadem lingua cum Gallis veteribus (teste Beato Hieronymo) fruticem parvum habuerunt *Cocum*, ex quo coccineus ille rubens color efficiebatur, & hunc ipsum colorem *Coch* vocitant Britanni.

Brachæ. Brachas communes fuisse Gallorum & Britannorum vestes ante docuimus, vestes intonsas varique coloris Diodorus Siculus vocat: vestes autem squallidas & laceras *Brati* nunc Britanni appellant.

Laina. Si *Laina* vox fuit Gallica, quod indicare videtur Strabo cum scribit, *Ex lana densa saga texunt Galli, quas Laina vocant*: non longe ab ea abierunt Britanni, qui Lanam sua lingua *Glawn* appellant.

Bardum. *Bardum* Gallice Cantorem significare author est Festus Pompejus, & hoc purum est Britannicum.

Bardocucullus. *Bardocucullum* Bardorum Gallicorum fuisse ex Martiale, & aliis docemur: ut vero *Bard*, sic etiam altera verbi pars integra Britannis manet, quibus pallium *Cucul* dicitur.

Brance. *Gallæ*, inquit Plinius, suum genus farris dedere, quod illi *Brance* vocant, apud nos sandalum nitidissimi generis. Apud Britannos item candidissimi grani far, Guineth vranc nominatur, & in Norfolcia apud nos *Brank*.

Pempedula. Quæ Græcis *Pentaphyllon* à quinque foliis, *Pempedulam* Gallis dictam docet Apulejus. *Pymp* autem Britannis, quinque, & *Deilen* folium denotat.

Petorumum. Ut *Pymp*, quinque, sic *Petor* quatuor, Gallis designasse è Festo dicimus, qui *Petorumum* Gallicum fuisse vehiculum à quatuor rotis sic dictum tradit, & vox *Pedwar* Britannis quatuor significat.

Gurvia. Inter instrumenta lignaria Canterium quod Anglis *A Leaver*, *Gurviam* Gallice dictum scribit Isidorus, & nunc *Gwif* Britannice dicitur.

Betulla. *Betullam* quam nos *Birch* vocamus, Gallicam arborem vocat Plinius. Britannicam etiam jam vocaret: in Britannia enim lætissime provenit, & *Bedw* Britannice nominatur.

Merum cui aqua affusa, ut est apud Athenæum, *Dercoma* nuncuparunt Galli, & *Dwr* Britannis *Dercoma* aquam denotat.

Sic, ne omnia confectet, apud Dioscoridem, quæ Latinis Filix, Gallis priscis *Ratis*, Britannis *Redin*. Quæ Latinis Sambucus, Gallis *Scovies*, Britannis *Iscau*. Quæ Italis *Serratula*, Gallis *Vetonica*, Britannis & nobis *Betany*. Quæ apud Plinium Latinis terræ adeps, Gallis *Marga*, Britannis *Marle*. Quæ Latinis candida *Marga*, Gallis *Glifcomar-ga*, Britannis *Gluyfmarl* dici potuit. *Gluyf* enim illis splendidum sonat. Quæ Latinis *Sellula* tripes, Gallis *Tripetia* apud Sulpitium Severum, Britannis *Tribet*. Quod Latinis centrum pedes, Gallis *Candetum* apud Columellam, Britannis *Cantroed*. Quod Latinis avis rostrum, Gallis apud Suetonium *Becco*, Britannis *Pic*.

Nec Goropii infaniam infanire, si revocarem *Galbam* Suetonii pro præpingui, ad *Gallus* Britannicum, quod prægrandem significat. *Bulgam* Verrii Flacci pro sacco scorteo, ad *Butset* Britannicum, *Soldurios* Cæsaris pro devotis hominibus ad *Sowdiwr*. *Planarat* Plinii, pro aratro ad *Arat*, quod aratrum significat. *Taxeam* Isidori pro lardo ad *Tew*. *Zithum* Diodori Siculi ad *Sider*. *Cervisiam* ad *Keirch*, id est, avenam, è qua potum illum Britanni multis in locis conficiunt, vel potius ad *Cwrwff*, id est, quam *Alam* dicimus.

Hæc omnia Gallorum veterum fuisse verba, ex authoribus illis constat, & vides quam apposite & sono, & sensu cum nostris Britannicis conveniant, & quasi concinant.

Huc accedit, quod cum locorum nomina antiqua apud utramque gentem eadem terminatione clauderentur, scilicet in *Duno*, *Briva*, *Rito*, *Duro*, *Mago*, &c. has gentes minime diversas fuisse colligi possit. Equidem vel hinc argumentum non leve arripere potest nos Anglos à Germanis ortos esse, quod recentiora opidorum nomina designant in *Burrow*, *Berry*, *Ham*, *Sted*, *Ford*, *Thorp*, & *Wich*, quæ Germanorum terminationibus *Burg*, *Berg*, *Heim*, *Stadt*, *Furdt*, *Dorpe*, *Wic*, pariter æqualiterque respondent.

Vicissim nominum quorundam Gallicorum ratio ita commode possit ex Britannica nostra lingua reddi, consentiente rei natura, ut vel à Britannis imposita, vel Britannos Gallice loquutos fuisse necessario fateamur. Sed sufficiat unum & alterum in medium adferre.

Tertiam Gallie partem incolunt, inquit Cæsar, qui ipsorum lingua *Celtæ*, nostra Galli appellantur, à Græcis vero *Gallathæ*. Vnde autem *Celtæ* & *Gallathæ* dicti fuerint eruditissimi Galli nondum dixerint, sed viderint an non à Britannica dictione *Gualt* quæ Britannis etiamnum comam denotat, & *Gualtoc* Comata, unde *Celtica* & *Gallathæ* & Galli varia elatione emollita videatur. *Celtas* vero Comatos dictos fuisse à promissis comis quas studiose aluerunt, in confesso est apud omnes eruditos; & C. K. Q. G. à vi & soni indole quomodo discrimines?

Nobilissimum Gallie flumen *Garumnæ* torrentius, & quasi exasperatis undis ferri notissimum est, unde Poëtis *Validus* *Garumna*, *Equoreus*, *Rapidus*; & hoc *Garry* Britannice designat.

Flumen *Arar* incredibili lenitate fluit, ita ut oculis

Ratis.

Scovies.

Veronica.

Marga.

Glifcomar-

ga.

Tripetia.

Candetum.

Becco.

Galba.

Bulga.

Soldurii.

Planarat.

Taxea.

Zithum.

Cervisia.

Ala potum.

Nominum locorum terminationes.

Celtæ.

Lipsius p.

66 de pro-

nunciatio-

ne.

Garumna.

Arar.

oculis in utram partem fluat, judicari non possit; hinc apud Poetas Araris *Tardior*, & *lentus* Arar; Ara vero Britannis lentum, & tardum significat.

Rhodanus. *Rhodanus*, cui Arar se infert, prærapida celeritate decurrit, unde *incitus*, *celer* & *præceps* dicitur, quod à *Rhedec*, quæ celeriter currendi significationem habet, non multum absonat.

Gebenna. *Gebennas montes* perpetuo dorso longe in Gallia procurrare memorat Strabo cum aliis: *Keven* vero montis dorsum Britannis nostris sonare ex Lexico Britannico constat, & productum montis dorsum juxta *Orteley* in Eboracensi Comitatu vidi, quod accolis *The Kevin* appellatur.

Leuca. Cum lapides, ad viarum intervalla singulis 1500 passibus in Gallia olim erigerentur, atque *Leuca Gallica* (ut habet Iornandes) tot passus contineat, & *Leach* lapidem Britannice significat, dixerint eruditi Galli si *Leuca* non inde nomen invenerit.

Campilapides. Ad littus Galliæ Narbonensis, ubi Herculem, & Albionem concertasse fabulantur, lapides adeo multi passim & late jacent, ut lapides pluvisse credas; unde *Littus lapideum*, & *Campus lapideus* ab authoribus nuncupatur, Gallis hodie *le Craux* dicitur. Nominis tamen rationem nesciunt, at lapides *Craig* Britannica lingua nominantur.

Morini. Qui maritimam Galliæ regionem nobis proximam olim infederunt, *Morini* sua lingua dicebantur: & mare *Mor* Britannice vocatur, unde illud profluxisse videtur. Maritimos enim *Morin-wyr* appellant, ut *Aremorica* olim Gallice, & nunc Britannice ad mare denotat.

Arelate. Sic Arelate celeberrima Galliæ urbs quæ solo uliginoso & humido posita, ab ipso situ nomen sumxisse videatur, *Ar* enim Britannis super, & *Laith* humida significat.

Vxellodunum. *Vxellodunum*, inquit Cæsar, opidum erat undique præruptum & in monte eminenti situm, *Vchell* vero Britannis excelsum significat, & *Dunum* veteribus Gallis eminentem locum vel collem denotare nos docuit ex Clitiphone Plutarchus in libello de Fluminibus, & idem in usu fuit priscis Britannis.

Cytharistes. Cytharisten promontorium in Gallia prope Massiliam ubi nunc *Tolon* opidum cernitur ponit Plinius; si vero Britannos nostros interroges, quid sit in illorum lingua *Cythara*, statim *Telen* audies.

Rursus, ut nullus in hac re scrupulus relinquatur, cum constet recentem linguam Gallicam Latinæ & Germanicæ ita esse propaginem, ut in ea tamen plurima è veteri Gallicâ supersint: accepi ab illis qui utriusque linguæ periti sunt, plurima ex illis Gallicis dictionibus, quæ nec ad Latinam nec Germanicam originem referri possint, & proinde ex antiqua Gallica videantur ætissima affinitate Britannica attingere: exempli gratia, Galli hodie *Guerir*, Britannii *Guerif*, pro sanare, Galli *Guaine*, Britannii *Gwain*, pro vagina, Galli *Derechef*, Britannii *Derchefu*, pro denuo, Galli *Cambre*, Britannii *Cam*, pro incurvo, Galli *Bateau*, Britannii *Bad* pro cimba, Galli *Gourmand* pro nimium edace, Britannii *Gormod*, pro nimis, vel supra modum, Galli *Baston*, Britannii *Pastwn*, pro baculo, Galli *Accabler*, Britannii *Cablu*, pro opprimere, Galli *Havre*, Britannii *Aber* pro portu usur-
Britannia.

pant: & *Comb* utrique genti adhuc in usu pro convalle. Sunt & id genus plurima alia, quæ lectori fortasse minus sapiant, licet ad hanc rem imprimis faciant.

Quod vero Tacitus scribit *Æstiorum gentibus in Germania*, ritus habitusque esse *Suevorum*, linguam autem *Britannicæ propiore*: assertioni nostræ non adversatur. Linguæ enim remotissimæ in nonnullis conveniunt. Et nuper Augerius Busbequius Cæsaris ad Imperatorem Turcicum legatus plurima Germanica & Anglica in Taurica Cher-
Epist. 4.

neso observavit. Hinc concludi possit Gallos veteres & Britannos eadem usos fuisse linguam, & ex necessaria consecutione Britannorum originem ad Gallos referendam. Fatendum enim est Galliam, ut jam diximus, prius habitatam, utpote Armeniæ propiore, utque frugum feracem, sic teste Strabone, hominum feraciorem. Cumque in Italiam, Hispaniam, Germaniam, Thraciam, & Asiam Galli colonias diffuderint, multo magis in Britanniam tam vicinam, nec minus fecundam, par est ut existimemus. Nec honori non summo Britannis esse possit, à priscis illis Gallis originem duxisse, qui bellica fortitudine imprimis excellerunt, quibuscum Romani non de gloria, sed de salute plurimos annos decertarunt, quique, ut Poëtæ potius, quam meis verbis utar,

Per cmmem

Invecti Europam, quasi grando Aquilone, vel Austro Importata, gravi passim sonuere tumultu.

Scit Romanus adhuc, & quam Tarpeja videtis Arx attollentem caput illo in monte superbum, Pannones, Emathii norunt, scit Delphica rupes.

Et paulo post:

Intravere Asiæ fines: prope littora Ponti In gentem crevere novam, quæ tenditur usque Ad juga Hamphiliûm, Garamantica sydera contra, Inter Cappadoces posita, & Bythinica regna.

Nec silentio hic prætermittenda quæ alii ad probandam Britannorum originem à Gallis adduxerunt. Georgius Buc non minus majoribus quam bonis studiis clarus notat ex Mekerco *Walton* Gallum dici Germanis. Cumque Germani Saxones huc venissent, & Britannos Gallice loqui audirent, eos *Wallos*, id est, Gallos appellasse. Buchananus adjicit *Walch* non simpliciter Germanis peregrinum, sed potiore intellectu Gallum significare: simulque innuit Gallos hodie regionem illam, quam nos *Walles*, *Galles* appellare, & veteres Scotos divisisse omnes Britannicas nationes in *Gaol*, & *Galle*, id est, (ut ipse interpretatur) in Gallæcos, & Gallos.


Sin autem Britanni nostri, velit nolit veritas, origine Trojani esse velint, me sane repugnantem non habebunt, per Gallos tamen se commodissime, ut mihi videtur, Trojanis imputabunt. Ajunt enim quidam, ut est apud Ammianum, paucos post excidium Trojæ fugitantes Galliam tunc vacuam occupasse. In hac vero linguarum consideratione non possumus non maxime admirari, & prædicare divinam summi Creatoris benignitatem in nostros Britannos antiqui Gomeri posteros, qui quamvis à Romanis, Saxonibus, & Normannis devicti & triumphati fuerint, avitum tamen nomen, & primigeniam linguam sartam
Lingua Britannica.

Lingua
Britannica.Giraldus in
Topogra-
phica Wal-
sæ.

tectam hætenus conservarunt; quanquam etiam latis legibus abolere studuerunt Normanni. Ut non ab re respondisse videatur nobilis senex Britannus, qui ab Henrico secundo Anglorum rege interrogatus, quid sibi videretur de viribus Britannorum, & regio ejus in eos apparatu, Gravari, inquit, plurimæque ex parte destrui, vel debilitari vestris,

Rex, aliorumque viribus, nunc ut olim, & plures gens ista valebit. Ad plenum autem propter hominis iram, nisi & ira Dei concurrerit, non delebitur. Nec alia, ut arbitror, gens quam Cambrica, id est, Britannica, nec alia lingua pro parte majori in die districti examinis coram supremo Iudice, quicquid de ampliori contingat, pro hoc terrarum angulo respondebit.

B R I T A N N I Æ N O M E N.



Atinques, si Cumero sit primævum incolarum nomen, unde Albion, unde Britannia: quæ ita invaluit, ut illi quodammodo tenebras offuderit. Audi quæso, quod mihi persuasissimum quia verissimum. Et res eadem variis possunt circumstantiis considerari, variisque adeo nominibus designari, ut docet in Cratylo Plato; & si recentia, & antiqua percurras singula, observabis singulas gentes, diversis ac ipsi usi sint nominibus, ab aliis denominari. Sic, qui patria lingua Israëlita vocabantur, Græcis Hebræi, & Iudæi, atque Ægyptiis Huesi (teste Manethone) nominabantur, quod reges pastores habuerint: sic Græci eos Syros, qui se (ut author est Iosephus) Arameos dixerunt; Qui se Chusios, Græci ab atro vultu Æthiopes vocarunt. Qui sibi sua lingua Celta, Græcis Gallatæ dicti, à lacteo candore, ut aliqui volunt, vel à comis promissis, ut modo dixi. Sic qui seipsum sua lingua Teutsch, Numidas, & Hellenas nuncuparunt, à Romanis Germani, Mauri, Græci, appellantur. Sic hodie, ne plura persequar, qui suo ipsorum idiomate Muselmanni, Magier, Czechi, Besermanni dicuntur, ab Europæis omnibus Turcæ, Hungari, Bohemi, & Tartari nuncupantur. Et nos ipsi Angli, qui nobis nostra lingua Englishem vocamur, Britannis, Hibernicis, & sylvestribus Scotis Saffon, id est, Saxones appellamur. Eadem ratione judicandum est, majores nostros, qui se Cumero dixerunt, alia de causa, vel à se, vel ab aliis Britones dictos fuisse, unde Græci ἑρεβίαν confluunt, & quasi per manus Romanis tradiderunt. Hoc posito, in insulæ nostræ nomina nunc inquiramus.

Albion.

De nomine Albion non multum laboro, quod huic insulæ imposuerunt Græci ad differentiam, cum circumvicinæ insulæ omnes Britannicæ & Britannicæ vocarentur. Britannia insula, inquit Plinius, clara Græcis nostrisque monumentis, inter Septentrionem & occidentem jacet Germania, Gallia, Hispania multo maximis Europæ partibus magno intervallo adversa. Albion ipsi nomen, cum Britannia vocarentur omnes. Vnde in Cæsarem Catullus, Hunc Gallie timent, timent Britannia. Qui in eodem etiam carmine vocat hanc ultimam occidentis insulam. A Græcorum vanitate, fabulofitate & desultoria illa in fingendis nominibus levitate, quam ipsi ἄσπετον ὀρεσιλογίαν dixerunt, hoc nomen Albion enatum videatur. Cum enim illi Italiam ab Hespero Atlantis filio Hesperiam, Galliam à Polyphemi filio Gallatiam, &c. fabulose dixerint: non possum non credere, quin hanc insulam ab Albione Neptuni filio Albionem etiam fabulose denominarint, quod Perottus & Lilius Giraldus

prodiderunt. Nisi quis malit ab Ἀλφον deducere, quod teste Festo, album Græcis sonat, unde & Alpes appellata. Albicantibus enim rupibus, quas mirificas moles Cicero vocat, coronatur, unde in Antonini Pii, & Severi nummis Britannia muliebri habitu rupibus insidens figuratur, & ipsa Britannis Poëtis Inis Wen, id est, Insula alba indigitatur: ut taceam Orpheum in Argonauticis (si modo sint Orphei) insulam proxime Hiberniam sive Iernin, quæ necessario sit hæc nostra, Ἀλκαίων χέρον, id est, albicantem terram dixisse, quam ante pauculos versus Νῆσον πρὸς Νηέσσαν pro Ἀλκαίων vocasse videatur. Fracastorius etiam dum pestilentem illam Ephemeram Britannicam (quam Sudorem Britannicum vulgo dicimus) soli ratione quasi gypseum esset, contingere scribit, à gypseo solo insulam hanc Albion appellatam fuisse suspicatur. Fabellam illam, quod ALBION sit dicta ab Albina una è triginta filiabus Dioclesiani Regis Syriæ, quæ in ipsis nuptiis maritos occiderunt, & nave sine remige huc delata, insulam primum occuparunt, dæmonumque compressu prolem Giganteam propagarunt, ut improbi hominis impudentissimum mendacium sine stomacho quis audiat? Nec est cur anxie inquiram qua de causa Britannia Insula Cæculi in Parodia illa antiqua contra Ventidium Bassum dicatur, cum circumfusa sit Oceano, qui Cæculus, & Cæculum Poëtis vocatur; unde de Britannia Claudianus:

—cujus vestigia verrit

Cæculus—

Omitto quod Aristidi Magna & ultima insula appellata fuerit. Quod ROMANIA etiam dicta, innuit quodammodo Gildas, qui scribit Romanis ita subactam fuisse, ut solo nomen Romane servitutis hereret; statimque, Ita ut non Britannia sed Romania censeretur; & post unam & alteram paginam de eadem, Insula Romanum nomen, non tamen morem & legem tenens. Prosperque Aquitanus expresse Insulam Romanam dixit. Huc etiam referri possit quod cum statuæ Imperatorum Taciti & Floriani fulmine essent dejectæ, responderint aruspices, ex eorum familia Imperatorem futurum qui inter cetera Taprobana præfides imponeret, & ad Romanam insulam Proconsulem mitteret. Quod de nostra Britannia intelligunt eruditi, quæ Præsidialis, nunquam Proconsularis fuit Provincia, ut postea dicemus. SAMOTHEAM vero aliquando nominatam fuisse à Samothe sexto Iapheti filio per me credat qui velit. E cujus officina hoc prodit, non me latet; ex Annii scilicet Viterbiensis, qui specioso titulo more subdolorum institutorum sua commenta sub Berosi nomine in lucem credulis obtrusit.

Sed

Britannia
figura.
Inis Wen.Lib. 1 de
morbis con-
tagiosis.Insula Cæ-
culi.

Romania.

Brit.

Vopiscus in
Floriano.

Samothæa.

* In Gallia
autem locu-
pletibus, at-
que Britan-
niis, Oce-
anus multo
resonabit
sanguine
plenus.

Sed de Britanniae nomine & originatione valde dubia pro hominum ingeniis fluctuat veritas. Qua in re, ut mihi meam interponere liceat sententiam, Britannis nostris praefabor, ut linguis animisque faveant, ut dum cognoscere cupiant, ignoscere velint, & non mihi intercludant eam viam qua Elliotta, Lelandus, Lhuiddus, & alii institerunt. Si enim Humfredo Lhuiddo eruditissimo Britanno, sine praedicio Bruti fas fuerit, imo laudi vertitur aliunde quam à Bruto Britanniae nomen deducere, non sit mihi piaculo qui Bruti historiam oppugnare nolo, aliunde si potero, paucis repetere. Nimirum ex ipsa Britannica lingua, quae ut minime permista, & longe vetustissima, ita huic negotio multum instrumenti allatura videtur. Linguae enim antiquae ad origines perscrutandas imprimis necessariae censentur, & prima nomina longo temporis situ obsoleta, in Barbaris linguis ut antiquioribus, conservari docet Plato. Quanquam vero his rebus à memoria propter vetustatem remotis tanta offusa sit caligo, ut vota potius facienda, quam veritas speranda videatur; elaborabo tamen veritatem limare, & quod mei iudicii sit, quam possum brevissime, proferam, nemini quicquam praediciati allaturus, sed si quis probabilius attulerit, libentissimo animo exosculaturus. Non enim in meipso, magis quam alio veritatem amo, complectarque in quocunque videro.

In Cratyl.

Primum, hoc mihi pro concessio & probato cum bona lectoris venia sumam, vetustos populos principio sua nomina habuisse, & ex illis postea in analogiam deflexis Græcos, & Latinos nomina regionibus indidisse, id est, ut planius dicam, populos ante regiones & loca nominibus suis fuisse notos, & à populis regiones denominatas. Quis neget Iudæorum, Medorum, Persarum, Scytharum, Alamannorum, Gallorum, Getulorum, Saxonum, Anglorum, Scotorum, &c. appellationes prius extitisse, quam Iudæa, Media, Persia, Scythia, Alamannia, Gallia, Getulia, Saxonia, Anglia, Scotia, &c. Et hæc vocabula ex illis superioribus enata quis non videt? A Samnitibus, Insubribus, & Belgis, Livium & Cæsarem ipsas regiones *Samnitium*, *Insubrium*, & *Belgium* primum nominasse legimus. A Francis, Constantini Maximi temporibus, ut in ejus nummis videre est, eorum sedes *FRANCIA* primum dicta est, & à Burgundis *Burgundiam* primus efformavit Sidonius Apollinaris. Eadem ratione necessario credamus hanc nostram insulam Britanniam ab incolis vel vicinis Gallis denominatam esse, quos *Brit*, vel *Brith* barbare dictos fuisse persuadent nonnulla; Inprimis ille qui Sibyllæ nomine circumfertur versiculus.

* In Gallis
auro locu-
pletibus, at-
que Britan-
nis, Oceani
multo
resonantis
sanguine
plenus.

* Έσεται εν βρύποντι καὶ εν Γάλλοις πολυζεύσεις
ὁ κεανὲς κελαδῶν, πηλὴν ἔμειθε αἵματι πικρῷ.

Præterea Martialis, Iuvenalis, Ausoniiue authoritas. Procopius etiam cui insula hæc *BRITIA* appellatur; Inscriptiones item veteres ab ipsis Britannis positæ, in quibus leguntur *Brito*, *Britones*, *Brittus*. COH. BRITON. ORDINIS BRITTON, & Romæ ad S. Mariam Rotundam, NATIONE BRITTO. & in hac quæ cernitur Amerbachii in Germania, quam subjungam cum meminert Tripitii ignoti in Britannia loci.

NYMPHISO
NO BRITTON
TRIPVTIENO
SVB CVRA
MO VLPI
MALCHI
* 7. LEG. xxii.
POPOFO.

* Centuri-
nis.

Ipsi etiam Saxones, Britones *Bpiter* sua lingua *Brit* dixerunt & Witichindus Saxo pro Britannis ubique *Britas* concipit, ut proculdubio *BRIT* sit *πρωτότυπον*, unde *Brito* deducitur, & unde lumen huic nomini Britanniae exoriatur.

Quum vero gentes nomina ex eo invenerint, quo reliquis vel præstarent, vel à reliquis internoscerentur; sive pro primi conditoris dignitate, ut *Iones* à Iavan, *Israëlitæ* ab Israële, *Chananæi* à Chanan filio Chami; sive pro naturæ, morum, & studiorum ratione, ut *Iberi* Hebraica origine, quod fossores, *Heneti* quod vagabundi, *Nomades* quod rei pecuariae studerent, *Germani* quod viri strenui censerentur, *Franci* quod liberi, *Pannonæ*, quod manicatis è panno, ut placet Dioni, uterentur tunicis, *Æthiopes* quod atrii essent, *Albani* quod albo crine nascerentur; Vnde, quod animadvertas, inquit *Solinus*, Capillorum color genti nomen dedit; Cumque nostrates, qui communi cum vicinis nomine, *Cimbri* & *Cumeri* dicerentur, nullam notam habuerint, qua internosci & secerni à finitimis melius poterant, quam ritu illo corpora sua pingendi: Britannos enim se *glasto* (*Glast* cæruleum etiamnum illis significat) depinxisse gravissimi quique authores Cæsar, Mela, Plinius, &c. doceant: quid si à depictis corporibus Britones dictos fuisse conjectarim? Quicquid enim depictum & coloratum, *Brith* patria & antiqua lingua appellant. Nec est cur quis hanc duriusculam aut absurdam esse Britannum etymologiam existimet, cum quæ in etymis maxime requiruntur, & voces consonent, & nomen, tanquam rei imago, rem ipsam exprimat. *Brith* etenim & *Brit* optime consonant, & *Brith* illud Britonibus denotat, quod Britones re ipsa erant, id est, picti, depicti, infecti, colorati, ut Latinis Poëtis dicuntur, & *Αιολόνωτοι*, id est, variegatum tergum habentes, ut Oppiano nominantur.

Glast.

Britones
unde dicti.
Brith quid.Lib. i Cui
negetic.

Nec alienumerit, quantulumcunque sit, hic adnotare quod observavi, in vetustissimorum Britannorum fere omnium nominibus aliquam coloris significationem apparere, quæ ab hac pingendi ratione proculdubio sit enata: Ruber color Britannis *Coch* & *Goch* dicitur, quod in his nominibus meo iudicio subest, *Cogidunus*, *Argentocoxus*, *Segonax*. Iisdem ater color *Dû* vocatur, quod se quodammodo ostendit in *Mandubratius*, *Cartimandua*, *Togodumnus*, *Bunduica*, *Cogidunus*. Albus color *Gwyn* appellatur, cuius nominis expressa quasi vestigia videre videor in *Venutius* & *Immanuentius*. *Gwelthw* illis est quod Latinis color aqueus, & hoc in nominibus *Vellocati* & *Carvillii* & *Suella* se ostendit. *Glas* cæruleus Britannice nominatur, quod *Cuniglast* regis nomine cernitur; *Gildas* enim *fulvum*, vel ut alia exemplaria habent, *furvum* lanionem interpretatur. *Aure* quod aureum colorem sonat in *Cungetorix*, *Arviragus* sese prodit. Color floridus illis *Teg* appellatur, quod in *Prasutagus*

Veterum
Britanno-
rum nomi-
na à colori-
bus facta.

tagus & *Carattacus* se subindicat. Si vero mistorum colorum nomina cum ipsis coloribus Britannos desumpsisse à Romanis credamus; certum enim est illos *Werith* pro viridi, & *Melin* pro melino colore à Romanis hausisse; Praefini coloris in *Praefutago*, Minii coloris in *Adiminio* regis Cunobelini filio notationem latere, si puto, nemo ut spero, adversabitur. Rufina etiam Britannia eruditissima à rufo colore nomen retulit, uti Albanus primus Britanniae Martyr ab albo. Si reliqua Britannorum nomina, quæ sunt tantum quatuor vel quinque apud veteres, quispiam ejus linguae veteris peritus excutiat, suspicari licet illum in pauculis illis nominibus aliquam coloris significationem inventurum. Nec omittendum vulgatissima hodie Britannorum nomina, *Gwyn*, *Du*, *Goch*, *Lluid*, ab albedine, nigredine, rubedine, & ravo colore esse imposita. Ut minus mirum videatur gentem ipsam à pingendi ratione nomen traxisse, utique quæ se pinxerit, & incolæ ipsi, cum olim tum nostro tempore, à coloribus sibi nomina imposuerint. Sed ad rem, si hæc præter rem.

In ferm.
Pentecost.

Tania.
Sic hodie
Germani
Landt, re-
gionem no-
minibus
adjungunt.

Certum etiam est Britonem *Brithon* Britanniæ in historiis dici. Aspirationis notam nihil moror, cum Britanni, quibus, ut inquit Chrysostomus, lingua erat sibila, aspirationibus gaudeant, quas Latini studiose vitarunt. Iam ut à *Brith* Brito, sic etiam Britannia, ut mihi videtur promanavit. *Britannia*, inquit Isidorus, à vocabulo *sue gentis cognominata est*. Cum enim Græci vetustissimi (hi namque primi hujus insulæ nomen sic conceperunt) vel piraticam, vel mercaturam exercentes, disjunctissimas regiones, littora legendo, ut ait Eratosthenes, adierint, & hanc gentem vel ab ipsis incolis, vel à Gallis quibus una eademque lingua, *Brith* & *Brithon* appellari acceperant, illi ad *BRITH*, *TANIA* addiderunt. Quod ut est in Glossariis, regionem Græce significat; unde *Βετανία*, id est, *Britonum regio*, conflatum, pro qua *Βετανία* perperam scripserunt, sed rectius Lucretius & Cæsar *Britannia*, qui primi Latinorum ejus meminerunt. Hanc rem ita se habere firmiter credo, quod in spatiosissimo orbis terrarum theatro tria tantum præter nostram Britanniam, majorum regionum nomina reperias, quæ in *TANIA* terminantur, & illæ quidem in Occidua hac orbis plaga, *MAVRITANIA* videlicet, *LV-SITANIA*, & *AQVITANIA*, quæ nomina Græcos fecisse, & Latinis tradidisse minime dubito, utpote qui has terras primi perlustraverunt. A Mauris enim *Mauritaniam* quasi Maurorum regionem fecerunt, quam indigenæ, teste Strabone, Numidiam vocarunt, à Luso Liberi filio *Lusitaniam* quasi Lusi regionem, & *Aquitaniā* forsitan, ut Ivoni Carnotensi videtur, ab aquis, quasi ad aquas regionem, quo sensu, ut habet Plinius, prius *Armorica*, id est, *ad mare* dicebatur. Turditaniam vero & Bastitaniam minorum regionum nomina huc possunt revocari, quæ in hoc etiam tractu occidentali fuerunt, scilicet in Hispania, & Turdorum Bastorumque regiones significare videantur. Nec novum est, vocabulum aliquod ex peregrino & Græco componi: *Componuntur*, inquit Quintilianus, nomina aut ex nostro & peregrino, ut *Biclinium*, contra *Epitogium*, *Anticato*; aut ex duobus peregrinis, ut *Epirrhedum*. Et receptissima est hæc

Lib. 1.

compositionis ratio in regionum nominibus. Nonne *Ireland* ex Hibernica *Erin*, & Anglica *Land*, nonne *Angleterre* ex Anglica dictione, & Gallica, nonne *Franceland* (sic enim Saxones nostri Franciam vocarunt) è Francia, & Saxonica, nonne *Poleland*, è polonica quæ planitiem illis denotat, & Germanica, nonne *Danmarch*, è Danica & Germanica *March* quæ limitem significat, compositione coaluit? Sed in re tam perspicua non pluribus utar. Nec est cur Græcam hanc adjectionem *TANIA* miremur, cum per omnia Europæ littora, & insulas usque ad hanc nostram Græcos fuisse accolos ex antiquissimis authoribus doceat Beatus Hieronymus in Quæstionibus ad Genesim. *Legamus*, inquit, *Varronis de antiquitatibus libros*, & *Sisinnii Capitonis*, & *Græcum Phlegonta*, ceterosque eruditissimos viros, & videbimus pene omnes insulas, & totius orbis littora, terrasque mari vicinas, Græcis accolis occupatas: qui ut supra diximus, ab *Amano* & *Tauro* montibus omnia maritima loca usque ad Oceanum possedere Britannicum.

Græcos
Britanni-
am adisse.

Græcos sane ad nostram hanc regionem appulisse, & situm ejus naturamque explorasse, extra dubium ponetur; si observemus quæ Athenæus scripsit de *Philea Taurominite* (de quo statim) qui fuit in Britannia centesimo sexagesimo ante Cæsaris adventum anno; si aram Græcis literis Vlyssi inscriptam in memoriam revocemus, si quæ Pytheas ante Romanorum tempora, de distantia Thules à Britannia tradidit notemus. Quis enim Græcis Britanniam, Thulen, Belgicas regiones, earumque inprimis littora aperuisset, nisi Græcorum naves Oceanum Britannicum & Germanicum intrassent, & ejus descriptionem ad suos Geographos retulissent? An vero Pytheas navigationem sex dierum ultra Britanniam novisset, nisi Græcorum quisquam eam indicasset? Quis eos docuit, Scandiam, Bergos & Nergon ex qua in Thulen navigetur? quæ nomina Græcis vetustissimis notiora videntur fuisse, quam vel Plinio vel ulli Romanorum. Vnde *Mela Grajis carminibus Thulen celebratam fuisse* testatur, & Plinius *Britannia insula, clara Græcis nostrisque monumentis*. Hac ergo ratione, tam multa Græcorum vocabula in linguam Britannicam & Gallicam irreperunt, simul & Belgicam. Quod si Lazarus Baysius, & Budæus gloriantur suos Gallos ab antiquo *φιλάνθρωπος* fuisse, argumento paucorum vocum ejus idiomatis, quæ Græcæ linguae vestigia conservent, nec minus gaudio gestit Hadrianus Iunius quod in Belgicis vocabulis Græca *ἔτυμα* lateant: etiam Britannis gloriari licet, in quorum lingua plurima sunt nomina à Græcis derivata. Hoc tamē Thomas Smythus Eques auratus Elizabethæ Reginae à Secretis, vir undique doctissimus inde evenisse credit, quod reliqua Europa bello exagitata, Græcorum plurimi huc tanquam in asylum confluxerunt.

Græca ver-
ba in lingua
Britannica.
Libro Or-
thographia
Anglica.

Hæc mea est de Britannorum originatione, & Britanniae nomine, siue error, siue conjectura, cui, si à vero aliena sit, utinam veritas ipsa intercedat. In tortuoso hoc & cæco antiquitatis studio lauducitur nonnihil errare, & meminimus interea quod quæ parum cogitantibus falsa, diu multumque contemplantibus vera sæpe videantur. Si quis me pro veritatis tribunali sisteret, non aliud

aliud est quod respondeam. Britannos autem nostros doctiores, vel precibus omnibus oro, & obtestor, omnem operam, industriam, cogitationem, mentem denique omnem in hac disquisi-

tione tantisper figant: ut veritas tandem aliquando inventa omnes conjecturarum nebulas sua luce discutiat.

B R I T A N N O R V M M O R E S .



Vid verò Britanni primis temporibus gesserint, quam Reipublicæ formam habuerint, quibus institutis vixerint, vir optimus & eruditione ornatissimus D. Daniel Rogerius optimè de me meritis suis scriptis nos docere promisit, sed cum morte immatura præreptus nihil præstiterit, de antiquis ipsorum moribus hæc paucula ipsis antiquorum verbis habeto.

Britanno-
rum mores.

* Alii le-
gunt La-
minis.

Cæsar. Utuntur Britanni nummo æreo, aut * annulis ferreis ad certum pondus examinatis pro nummo: leporem, & gallinam & anserem gustare fas non putant: hæc tamen alunt, animi, voluptatisque causa. Ex his omnibus longè sunt humanissimi qui Cantium incolunt, quæ regio est maritima omnis, neque multum à Gallica differunt consuetudine: interiores plerique frumenta non serunt; sed lacte & carne vivunt: pellibusque sunt vestiti: omnes vero se Britanni luteo inficiunt: quod cæruleum effecit colorem, atque hoc horribiliore in pugna aspectu, capilloque sunt promisso, atque omni parte corporis rafa, præter caput, & labrum superius: uxores habent deni, duodenique inter se communes, & maxime fratres cum fratribus, & parentes cum liberis: sed si qui sunt ex his nati, eorum habentur liberi, à quibus primum virgines quæque ductæ sunt. In præliis plerumque uti consueverunt essedariis. Primo per omnes partes perequitant, & tela conjiciunt, atque ipso terrore equorum & strepitu rotarum ordines plerumque perturbant: & cum se inter equitum turmas insinuavere, ex essedis desiliunt & pedites præliantur. Aurigæ interim paulum è prælio excedunt, atque ita se collocant, ut si illi à multitudine hostium premantur, expeditum receptum habeant. Ita mobilitatem equitum, stabilitatem peditem in præliis præstant, ac tantum usu quotidiano & exercitatione efficiunt, ut in declivi ac præcipiti loco incitatos equos sustinere, & brevi moderari, ac flectere, & per temonem percurrere, & in iugo insistere, & inde se in currus citissime recipere consueverint. Illi etiam consulto plerumque cedunt, & cum paululum à legionibus nostros removissent, ex essedis desiliunt, & pedibus dispari prælio contendunt. Equestris autem prælii ratio & cedentibus, & insequentibus par atque idem periculum inferebat. Accedebant huc ut nunquam conferti, sed rari, magnisque inter vallis præliarentur: stationesque dispositas haberent, atque alii alios deinceps exciperent, & recentes defatigatis succederent.

Luteum.

Essedarii.

Pugna
essedaria.

Strabo. Britanni Gallos proceritate superant, minusque flavos habent crines: laxioribus autem sunt corporibus. Magnitudinis argumentum esto, quod nos ipsi adolescentes Romæ vidimus, qui etiam semisse pedis superarent altissimos homines: erant autem pedibus male suffulti, & reliqua corporis lineamenta constitutionem non elegantem referebant. Ingenio Gallorum partim similes sunt, partim simpliciores, & magis barbari, adeo ut quidam eorum ob imperitiam caseos nullos conficiant, cum tamen lacte abundant: alii hortos colendi, & aliarum partium agricultura ignari sunt. Complures apud eos sunt dominationes. Ad bella essedorum utuntur multitudine, ut &

Britannia.

quidam Gallorum. Urbium loco ipsis sunt nemora. Arboribus enim dejectis ubi amplum circulum seperunt, ipsi casas ibidem sibi ponunt, & pecori stabula condunt, ad usum quidem non longi temporis.

Cæsar item: Opidum Britanni vocant cum sylvas impeditas fossa, valloque munierint, quo incursionis hominum vitanda causa convenire consueverunt.

Diodorus Siculus: Britanni præscorum more vitam degunt, utuntur in pugna curribus velut antiquos Græcorum heroas usos in bello Trojano ferunt. Domos ex calamis vel lignis, ut plurimum, habent compactas, frumenta cum arstis sub tecta reponunt, inde quod satis in diem sit usui terentes. Moribus simplices integrique sunt, longe à nostrorum hominum astutia & versutia remoti, cibo simplici victuque vitam degunt, atque à divitum delitiis alieno. Multitudinis hominum insula plena est.

Pomponius Mela. Fert Britannia populos regesque populorum, sed sunt inculti omnes, atque ut longius à continenti absunt, ita aliarum opum ignari magis, tantum pecore ac finibus dices, incertum ob decorem, an quid aliud, * ultro corpora infecti. Causas autem bellorum ex libidine contrahunt, ac se frequenter invicem infestant, maxime imperitandi cupidine, studioque ea prolatandi quæ possident. Dimicant non equitatu modo, aut pedite, verum & bigis & curribus, Gallice armatis, Corvino vocant, quorum falcatis axibus utuntur.

Glasia vel
vitro. vi-
de pag: 11
& 15.

Cornelius Tacitus. Proximi Gallis, & similes sunt Britanni, seu durante originis vi; seu procurentibus in diversa terris, positio cæli corporibus habitum dedit. In universum tamen æstimanti, Gallos vicinum solum occupasse credibile est. Gallorum sacra deprehendas, superstitionum persuasionem. Sermo haud multum diversus, in deposcendis periculis eadem audacia; & ubi advenere, in detrectandis eadem formido, plus tamen ferocia Britanni præferunt, ut quos nondum longa pax emollierit: nam Gallos quoque in bellis floruisse accepimus, mox segnitia cum otio intravit, amissa virtute pariter ac libertate: quod Britannorum olim evictis evenit, cæteri manent quales Galli fuerunt. In pedite robur, quadam nationes & curru præliantur: honestior auriga, clientes propugnant: olim regibus parebant, nunc per principes factionibus & studiis trahuntur: nec aliud adversus validissimas gentes pro Romanis utilius, quam quod in commune non consulunt. Rarus duabus tribusque civitatibus ad propulsandum commune periculum conventus: ita dum singuli pugnant, universi vincuntur.

Alibi. Solitum Britannis fibris Deos consulere, sceminarum ductu bellare. Neque sexum in imperiis discernunt. Vnde viri docti existimant Aristotelem de Britannis loqui, ubi bellicosas gentes ultra Celtas muliebri imperio subesse scribit.

Polit. 2.
6. 7.

Dio Nicaeus ex Xiphilini epitome de Britannis in Septentrionali insulæ parte: Agros nullos colunt: de præda & venatione, fructibusque arborum vivunt: nam pisces, quorum ibi maxima est & innumeralis copia, non gustant. Degunt in tentoriis nudi & sine calceis: utuntur communibus uxoribus, liberosque omnes alunt. Apud hos populus magna ex parte principatum tenet, latrocinantur libentissime: militant de curribus: equos habent

E

habent parvos & celeres: pedites currunt celerrimè: dum stant, firmissimi sunt. Horum arma sunt scutum, & hasta brevis, in cuius inferiore parte pomum ex are, ut, dum concutitur, hostes sonitu perterrefaciant. Pugiones quoque habent: sed inprimis famem, frigusque, ac labores omnes perferunt. Nam merfi in paludibus capite tenuis, per multos dies inedia sustinent: in sylvis autem, corticibus atque radicibus arborum aluntur. Certum cibi genus parant ad omnia, quem si ceperint, quanta est unius faba magnitudo, minimè esurire aut sitire solent.

Herodianus. Vestis usum non cognoscunt, sed ventrem atque cervicem ferro incingunt, ornamentum id esse, ac divitiarum argumentum existimantes, perinde ut aurum ceteri barbari. Quin ipsa notant corpora pictura varia, & omnifariam formis animalium, quocirca ne induuntur quidem, videlicet picturam corporis ne adoperiant. Sunt autem bellicosissima gens, atque avidissima cadis, tantum scuto angusto, lanceaque contenti, præterea gladio nudis corporibus dependente, lorica ac galea penitus ignorant usum, impedimentum id esse transgrediendis paludibus arbitantes, quarum vaporibus, aestuque cælum ibi semper caliginosum.

Reliqua, quæ paucula sunt hinc inde carpat & delibabo. Plinius de Magia. Sed quid ego hæc commemorem in arte Oceanum quoque transgressa, & ad naturæ inane provecta? Britannia hodieque eam attonite celebrat tantis ceremoniis, ut dedisse Persis videri possit.

Glaſtum. Idem. Simile plantagini glaſtum in Gallia vocatur, quo Britannorum conjuges nurusque toto corpore oblitæ, quibusdam in sacris & nuda incedunt Æthiopicum colorem imitantes. Lautiores epulas non novit Britannia quam Chenerotes. Chenerotes fero anſere minores. Annulos in medio digito gestant Britanni, Marga terras Britannia stercoreant.

Certis notis se inurere, quas Britonum stigmata vocat Tertullianus, docet Solinus. Regionem, inquit, partim tenent Barbari: quibus per artifices plagarum figuras, jam inde à pueris variæ animalium effigies incorporantur, inscriptisque visceribus, hominis incremento pigmenti nota crescunt: nec quicquam magis patientia loco nationes fere ducunt, quam ut per memores cicatrices, plurimum fuci artus bibant.

Andates. Dio. Andatem, id est Victoriæ, & Adraſten Deas colebant.

Cæſar, & Lucanus. Naves habebant quarum carinae ac statumina ex levi fiebant materia: reliquum contextum coriis integebatur. Solinus. Quantocunque tempore cursus tenebat, navigantes esu abſtinebant. Potu ex hordeo utebantur, & nos hodie utimur, ut habet Dioſcorides, qui Curmi perperam vocat pro Κῦρῳ, sic enim Britannis quod nobis Ale dicitur. Plurimi unam tantum uxorem habuere, ut auctor est Eusebius Præparat. 6. Centenos & videnos vixisse annos, quod obrigefacta loca calorem introrsus arceant, prodit Plutarchus.

Tyranni Britannia. Qui fuerint illi vetusti immanium tyrannorum anni, de quibus Gildas, me latet, nisi illos innuat, qui in hac regione imperium sibi contra Romanos arripuerunt, eoque tempore Tyranni vocabantur. Subjungit enim ille ex Hieronymo: Porphyrius ravidus orientalis adversus ecclesiam canis dementiæ suæ, ac vanitatis stylo hoc etiam adnexuit. Britannia, inquiens, fertilis provincia tyrannorum. Nec de prisca eorum religione verba faciam, quæ ne religio quidem, sed tristissimum superstitionum chaos. Cum enim Diabolus cumulata caliginè veram doctrinam demersisset, Britannia portenta

erant, inquit ille Gildas, ipsa Diabolica, pene numero Ægyptiaca vincentia, quorum nonnulla lineamentis adhuc deformibus, intra vel extra deserta mœnia, solito more rigentia torvis vultibus intuemur.

Quod vero Britannos una cum Hercule in Hefiones raptu adfuisse colligatur ex his Cornelii, ut existimant, Nepotis versibus, dum nuptias Telamonis & Hefiones describit,

— & in aurea pocula fusi

Invitant sese pateris plebs mixta, Britanni, &c.

Plane Poëticum est, & illius authorem non fuisse Cornelium Nepotem, ut Germani volunt, sed Iosephum Iscanum, sive Exoniensem dilucide & quasi obſignatis tabulis probare possum. Vtique qui Henrici nostri Secundi & Thomæ Cantuariensis Archiepiscopi meminerit.

An Vlyſſes huc penetrarit, quem in Caledonia appulsum ara Græcis literis inscripta, ut habet Solinus, manifestavit, dubitat Brodæus: & potius in Vlyſſis honorem, quam ab Vlyſſe positam judicari: etiamſi Vlyſſem illum Elizzam Iapheti nepotem fuisse contendat. Ex historiis enim liquet, & jam diximus, Græcos antiquissimos peregrinationes longinquas terra marique suscepisse: unde mirum videri non debet, si nomina quædam & monumenta eorum variis locis reperiantur. Sæpe autem ea nomina, non tam de suis derivarunt, quam de heroum nomenclaturis, quorum apud eos vel par, vel major erat reverentia, quam apud Christianos aut Confessorum aut Martyrum. Sicut igitur à S. Iohanne, à S. Dominico, à S. Francisco, & aliis innumeris Divis nomina regionibus recens inventis imponuntur; ita quoque olim apud Græcos contigisse, quis volet negare? At quis inter omnes heroas pelagi erroribus, aut pluribus, aut diuturnioribus fuit exercitus quam Vlyſſes? Non igitur mirum frequentissimum navigantes illi votum nuncupasse, & locis quibus appellebant nomina votiva ab illo accepta consecrasse; Hinc Vlyſſipo super Tagi fl. ostiis. Hinc alibi, alia Vlyſſis, Laertæ, & sociorum monumenta, quæ non ad Vlyſſem, ut conditorem sunt referenda, sed existimandum à Græcis peregrinas oras explorantibus, honori Herois, qui plurima inter omnes perlustrasset, dedicata fuisse.

Quod Ioannes Tzetzes in variis historiis scripserit Reges nostros Britannicos Catonem illum majorem, qui cum Populi Romani moribus bellum gessit, muneribus virtutis ergo affecisse, longe antequam Britannia nomen Romanis innotuerit: fidem ipse suam liberet, quam fabulosus sit scriptor, norunt eruditi.

Nec credas Alexandrum Magnum ex India Orientali ad Gades & Britanniam pervenisse, quamvis scribat Cedrenus reſfragantibus Historicis. Εὐκρίτης ὁ πρὸς Ἀφασιν καὶ Γάδερα, καὶ τὰ Βρετανήσια ἐδύνη σφόδρα, καὶ λίσσας ὀκνάδας καὶ ἀσπίδας ἐβύρα. Ejusdem est farina quod ex Hunibaldo Trithemius refert Bassanum regem filiam Orcadum regis repudiasset anno ante Christum natum 284. eumque regis Britannorum auxiliis bellum Bassano intulisse.

Nec quis putet Hannibalem in Britannia militasse, quod apud Polybium undecimi libri eclogis legatur, τῶτο ὃ ἐστὶν ἐν ὀλίγῳ συγκαταλέγετο τῇ Βρετανίᾳ εἰς

Brodæus
lib. 3. cap.
4. Miscel.
Vlyſſes
nunquam
in Britan-
nia.

Navis Hi-
eronis.

Britones in
expeditio-
nem cum
Cambris.
Triadum
liber.

Brennus.

Britomaru.
Bruto.

Lib. 2. cap.
13.

Britannia
serius Gra-
cis & Ro-
manis co-
gnita.

Alexander
Magnus
nunquam
in Britan-
nia.

Hannibal
nunquam
in Britan-
nia.

Magia
Britanno-
rum.

Glaſtum.

Chenerotes.

Pingendi
russio.

Andates.

Navigatio
Britanno-
rum.

Curmi.

Tyranni
Britannia.

Religio
Britanno-
rum.

eis πάλιν βαρβαρὶς τὸν αὐτὸν ἀντίθετος. Mendosus etenim est locus, & pro Βρετανίας Βρετανίης legendum, ut etiam apud Dionem lib. 42. Agitur enim utrobique de Brutiis in Italia : Græcos tamen circa hæc tempora insulam nostram adiisse non diffitear. Dum enim Athenæus navem illam Hieronis, cuius magnitudo & artificium cunctis miraculo fuit, ἐ Μοσχίονε vetustissimo authore descripsit, præcipuum ejus navis malum difficulter in Britannia montibus à subulco inventum, & à Philea Tauromenite mechanico in Siciliam deductum prodit. Sed vereor ne Critici etiam Βρετανίης hîc pro Βρετανίας legendum censeant & ad montes Brutiorum in Italia itidem referant.

Navis Hieronis.

Britones in expeditionibus cum Cimbris. Triadum liber.

Brennus.

Britomarus Brito.

Lib. 2. cap. 13.

Britannia ferius Græcis & Romanis cognita.

Britannos autem cum Cimbris & Gallis permixtos fuisse in expeditionibus illis in Italiam & Græciam videtur. Nam præter nomen commune, in Britannico Triadum libro vetustissimo, ubi tres maximi exercitus, qui è Britannis conscripti erant, memorantur, proditum est, exterum quandam ducem longe maximum exercitum hinc contraxisse, qui, populata magna Europæ parte, tandem ad Græcum mare (forfitan Gallatiam innuit) confederit. Brennumque illum Græcis & Latinis scriptoribus Regem celeberrimum Britannum fuisse facile sunt qui credunt se posse comprobare. Ego hoc tantum scio quod nomen illud necdum apud Britannos exolevit qui sua lingua regem Brennin appellant.

Britomarus certe ducem inter illos militarem, cuius meminit Florus & Appianus, Britonem fuisse nomen evincit, quod Britonem Magnum significat. Nec torquebo illud Strabonis, qui Brennum natione Prausum fuisse scribit, ut natione Britonem faciam. Nec quod Ottho Frisingensis tradit ad Draviscaturiginem Cimbrorum prolem Briones sedisse, in Britones convertere auserim, etsi quid non audeant temporis nostri Critici?

Verum enimvero, ut semel dicam, quod sentio. Ut Romani qui in eam potentiam emicuerunt, nec Herodoto nec Græcis antiquioribus innotuerunt, Gallique & Iberi diu priscis Historicis planè fuerint ignotissimi : sic Britannorum nomen ferius Græcis & Romanis auditum fuisse semper existimavi. Libellus enim ille de Mundo qui Aristotelis nomine circumfertur, meminitque Britanniarum, Albionis, & Hiernæ, non est ab ævo Aristotelis, sed multò recentior, ut eruditissimi judicarunt. Polybio certe historico illi maximo qui magni Scipionis socius magnam Europæ partem circa annum ante Christum natum 370 perlustravit, hæc orbis terrarum plaga minime innotuit. Quod inquit ille, inter Tanaiam atque Narbonem ad septentrionem vergit usque in præsentem diem ignoratur, somniantque si qui de eo vel loquuntur aliquid, vel scribunt. Ut illi hodie somnare videntur qui Himilconem à Carthaginensibus iustum occidua Europæ littora explorare, hanc insulam pluribus antè annis aperuisse fide prodiga crediderunt, cum nihil de hac naviga-

tione in literas relatum præter unum & alterum apud Festum Avienum versiculum. Quod vero Britannia ferius innotuerit, in causa videatur cum disjunctior insulæ situs, tum quod veteres illi Britanni tunc barbari, ut reliquæ in hoc tractu gentes, sibi que viventes non magna commercia cum aliis gentibus habuerint. Et hac quidem in re Dio juxta sentit. *Primis Græcorum, inquit, Romanorumque ne esse quidem Britanniam compertum fuit, posteriores in controversiam adduxerunt, Continens ne ea terra, an vero insula esset, multaque de utraque opinione conscripta sunt ab iis qui certi quidem nihil noverant, (quippe qui nec viderent, nec ab indigenis qualis esset, acceperant) sed conjecturis tantum, quantum vel ocii vel studii singulis aderat, niterentur.* Latino- rum autem primus, quod sciam, Britannia meminit Lucretius his versiculis de aëris differentiis.

Nam quid Britannum cælum differre putamus, Et quod in Ægypto est, qua mundi claudicat axis.

Lucretium autem Cæsare paulo antiquiorem fuisse in confesso est, quo tempore Divitiacum Sueffionum Regem totius Galliæ potentissimum Britannia imperium obtinuisse ab ipso Cæsare edocemur. Sed hoc de ora maritima intelligendum. Cæsar enim ipse attestatur nihil Britannia præter oram maritimam, atque eas regiones quæ sunt contra Galliam, Gallis notum fuisse. Diodorus tamen Siculus scribit, *Britanniam nullius advena imperium expertam, neque enim Dionysium, neque Herculem, neque heroa aut Deum quempiam accepimus eos bello tentasse. Nunc C. Cæsar qui propter res gestas Divus est appellatus, primus omnium Britannis subactis certum eos dare tributum coëgit.*

Hinc nostro historico futuro principia ducenda, & non altius repetenda, si cum judicio penderit quod Varro ille doctissimus olim tradidit & jam antea innui. Tria nimirum esse temporum discrimina, primum ab hominum principio ad Cataclysmum sive diluvium, quod propter ignorantiam vocatur ΑΔΗΛΟΝ: secundum à diluvio ad Olympiadem primam; annum scilicet mundi 3189. quod quia multa in eo fabulosa referuntur, ΜΥΘΙΚΟΝ nominatur; tertium à prima Olympiade ad nos, quod dicitur ΙΣΤΟΡΙΚΟΝ, quia res in eo gestæ veris historiis continentur. Me tamen minimè latet, quamvis eruditæ gentes præter Hebræos nihil altius compertum habeant, historiam Britannicam Galfredi tercentum triginta annis ante primam Olympiadem sæculo illo in his partibus rudi & ignaro quod fabulosum ille vocavit exordiri. Hinc, ne male ponam initia, & sic cætera sequerentur, quia & locus exigere videtur, & sequenti narrationi lux maxima inde exoritur, liceat mihi Romanorum in Britannia historiam non è fabellis quas vani esset scribere, & imperiti credere; sed ex incorruptis priscæ antiquitatis monumentis summatim, & carptim perstringere; nec ego gloria segetem illis præcidam, qui hoc argumentum plenius molientur.

Censorinus de Die natali.

Tria tempora.

Ignoratum.

Fabulosum.

Historicum.

R O M A N I I N B R I T A N N I A.



Jul. Caesar.

*Pomponius
Sabinus ex
Seneca.*

Cum Virtus & Fortuna ita convenissent, aut potius divinum statuisset consilium, ut Roma jugum omnibus terris imponeret; Cajus Julius Cæsar Gallias jam victoriis emensus, ut quas natura diremerat, victoriis committeret, terra marique captis, Oceanum respexit, quasi orbis Romanis non sufficeret: annoque ante Christum natum quinquagesimo quarto in Britanniam proficisci contendit. Vel quod in omnibus Gallicis bellis inde auxilia subministrata fuissent, vel quod Bellovacos profugos suscepissent Britanni, vel ut Suetonius scribit, Margaritarum Britannicarum spe illectus, quarum magnitudinem & pondus manu exigere solebat, vel potius gloriæ cupiditate flagrans, quod facillime credamus, cum rejecerit legatos Britannorum, qui cognito ejus consilio eum adierunt, obsidesque dare & populi Romani imperio obtemperare promiserunt.

Sed ipsius ingressum suis ipsius verbis compendio proponam, Cum Britannia loca, portus, aditus Cæsari minus essent cognita, C. Volusenum cum navi longa præmittit, qui exploratis omnibus quæ quinque diebus poterat, revertitur. Britanni perlato per mercatores Cæsaris consilio, plures civitates ad eum legatos in Galliam mittunt, qui polliciti & se obsides daturos, & imperio P. R. obtemperaturos. Hos hortatus ut in sententia permanerent, domum remittit una cum Como Atrebatensi, cujus autoritas his regionibus magna erat, (Atrebates enim jam antea è Gallis profecti hic sedes posuerant) ut civitatibus fidem populi Romani sequi persuaderet. Verum illum è navi egressum in vincula conjecerunt Britanni. Contractis interim navibus circiter LXXX onerariis ad duas legiones transportandas, aliisque XVIII quas equitibus distribuit, è Morinis tertia vigilia solvit, & hora circiter diei quarta Britanniam attingit, loco ad egrediendum minus idoneo: montibus enim angustis ita mare continebatur, ut è superioribus locis telum in littus adigi posset. Ventum itaque & æstum uno tempore nactus, sublatiis anchoris circiter mill. pass. VIII progressus, aperto ac plano littore naves constituit. At Britanni consilio Romanorum cognito, præmisso equitatu & effedariis, eos navibus egredi prohibebant. Hic summa erat Romanis difficultas, nam magnitudo navium mari minus alto constitui non poterat, & milites ignotis locis onere pressi de altis illis navibus necessario defilerent, simulque in fluctibus consisterent, & cum hostibus pugnarent. Contra Britanni notissimis locis, omnibus membris expediti ex arido aut paululum in aquam progressi pugnarent. Hinc Romani perterriti non eadem qua antea utebantur alacritate. Verum cum Cæsar longas naves ab onerariis removeri, remis incitari, & ad apertum Britannorum latus constitui jussisset; & inde fundis, tormentis, sagittis emissis; Britanni

& navium figura, & remorum motu & inusitato tormentorum genere permoti pedem retulerunt. Tunc decimæ legionis Aquilifer contestatus Deos ut ea res feliciter Legioni eveniret. Defilite, inquit, commilitones nisi vultis Aquilam hostibus prodere, ego certe, meum Reipublicæ atque Imperatori officium præstitero, & protinus se ex navi projecit & in hostes Aquilam ferre coepit, illumque universi sunt subsecuti (sed si Iuliano credimus, ipse Cæsar primus è navi descendit) Pugnatum ab utrisque acriter, sed Romani armis impediti, undis jactati, parum firmiter consistentes, & confusi magnopere perturbabantur, donec Cæsar speculatoria navigia scaphasque militibus compleisset & laborantibus subsidia submisisset. Simul atque in arido constiterunt Romani, in Britannos impetum fecerunt, in fugam dederunt; prosequi autem non potuerunt, quod equites nondum ad insulam appulissent. Britanni prælio victi statim legatos de pace, & cum illis Comium Atrebatensem, quem in vinculis detinuerant, mittunt, culpam in multitudinem & imprudentiam conjiciunt. Cæsar facile ignovit, obsidesque imperavit, quorum partem dederunt, partem se daturos dixerunt. Hæc pax post diem quartam quam in Britanniam ventum est, firmata erat.

Eodem tempore naves illæ XVIII quæ equites ferebant, cum jam in conspectu essent, tempestate in occasum abreptæ ægre continentem Gallia recuperarunt. Eademque nocte Luna jam plena longas naves in aridum subductas æstus complebat, & onerarias ad anchoras tempestas ita afflictabat, ut ad navigandum omnino inutiles essent. Hinc Britannia principes cum jam equites, naves, frumentum Romanis deesse intelligerent, rebellionem facta eos frumento prohibere statuunt. Cæsar suspicatus id quod accidit, frumentum ex agris in castra quotidie conferebat, & naves ex materia duodecim illarum quæ gravissime afflictae, reficiebat. Dum hæc geruntur, Legionem Septimam frumentatum missam, in metendo occupatam Britanni subito adorti equitatu & effedis simul circumdederant. Genus hoc ex effedis pugnae; uti paulo supra dictum, primo per omnes partes perequitant, & tela conjiciunt: atque ipso terrore equorum, & strepitu rotarum ordines plerumque perturbant, & cum se inter equitum turmas insinuaverint, ex effedis defiliunt & pedites proeliantur. Aurigæ interim paulatim è prælio excedunt, atque ita currus collocant, ut si illi multitudine hostium premantur, expeditum ad suos receptum habeant. Ita mobilitatem equitum, stabilitatem peditum in præliis præstant: ac tantum usu quotidiano & exercitatione efficiunt, ut in declivi ac præcipiti loco incitatos equos sustinere, & brevi moderari ac flectere, & per temonem percurrere, & in iugo insistere, & inde se in currus citissime recipere consueverint. Sed Cæsare peropportune adveniente Romani ex timore se receperunt, Britannique constiterunt, qui se liberandi

*In Cæsari-
bus.*

Effedariis.

berandi in perpetuum spe concepta ex paucitate militum Rom. & frumenti inter eos inopia, magnam multitudinem coegerunt, & ad castra venerunt, sed pro castris prælio Cæsar excepit, in fugam coniecit, complures occidit, atque ædificia longe lateque incendit. Eodem die legati Britannorum ad Cæsarem de pace veniunt & impetrant, obsidum numero duplicato, quos in Galliam adduci jubet. Statimque proxima jam æquinoctii die ex Britannia naves solvit, quæ incolumes in continentem pervenerunt. Quo duæ omnino civitates ex Britannia obsides miserunt, reliquæ neglexerunt. His gestis ex litteris Cæsaris dierum xx, supplicatio à Senatu decreta est. Quamquam nihil sibi neque Romæ, præter gloriam susceptæ expeditionis adeptus fuerit.

Dio lib. 39.

Anno insequente comparata magna classe, cum annotinis enim privatisque quas quisque sui commodi causa fecerat, amplius octingentæ erant naves, & in illis quinque legiones & equitum millia duo ex Itio portu solvit, exercitumque ea insulæ parte, qua superiore æstate, exposuit. Neque hostis eo loci visus, quamvis enim magnæ Britannorum manus eo ante conveniant, multitudine navium perterritæ se in superiora loca subdlexerant. Castra hic loco idoneo posuit, inque iis cohortes decem & equites trecentos navibus præsidio reliquit. Ipse noctu milia XII profectus Britannos conspexit, qui ad flumen progressi prælium committere cœperunt, sed repulsi ab equitatu in sylvas se abdiderunt, locum nacti natura & opere munitum. At Romani testudine facta, & aggere ad munitiões adjecto locum ceperunt, & eos ex sylvis expulerunt, nec longius prosequuti sunt, quod ibidem castra erant munienda.

Postridie suos ad Britannos persequendos tripartito misit Cæsar, statimque revocavit, quod ex nuntiis cognoverat naves nocte superiori tempestate afflictas, collisas, & in littus ejectas esse. Ipse ad naves reversus decem dierum labore omnes naves subduxit, & cum castris una munitione conjunxit, atque unde redierat, proficiscitur. Quo etiam majores Britannorum copiarum convenerant sub Cassivellauno seu Cassibellino, cui summa imperii bellicæ administrandi communi Britannorum consilio permessa, quorum equites & effedarii cum Romanis in itinere conflixerunt, compluribus utrinque interfectis. At Britanni intermisso spatio, Romanis castrorum munitione occupatis, in eos qui erant pro castris in statione acriter impetum faciunt, quibus cum duas cohortes cum primis duarum legionum subsidio misisset Cæsar, per medios audacissime perruperunt, seque inde incolumes receperunt. Postero die rari se ex collibus ostenderunt Britanni, meridie autem in tres legiones, omnemque equitatum ad pabulandum missos advolaverunt. Sed repulsi sunt magno eorum numero interfecto. Iam quæ convenerant auxilia descefferunt, nec summis postea copiis cum Romanis contenderunt. Cæsar ad fl. Tamisum in fines Cassivellauni exercitum ducit, cujus altera ripa, & sub aquis acutas fudes defixerant Britanni, & magnas copias instruxerant. Sed eo impetu Romani cum capite solo ex aqua extarent, trans-

Britannia.

vadarunt, ut illi ripas dimitterent, & sibi fuga confulerent, non terrore turrigeri Elephantis, ut habet Polianus.

Cassivellaunus jam spe contentionis deposita quatuor millibus effedariorum retentis itinera Romanorum servabat, & quoties eorum equitatus se liberius prædandi causa in agros effunderet, effedarios emittebat, latiusque vagari prohibebat. Interim Trinobantes sese Cæsari dedunt, petuntque ut Mandubratium (Androgeum ex amissis Suetonii, Eutropius & Beda, Androgeum Britanni nostri vocant) ab injuria Cassivellauni defendat, & ad eos, ut præsit, mittat. His Cæsar imperat obsides quadraginta, frumentum exercitui Mandubratiumque mittit. Trinobantum exemplo Cenimagni, Segontiaci, Ancalites, Bibroci, Cassii se Cæsari dedunt, à quibus cognoscit Cassivellauni opidum non longe abesse sylvis paludibusque munitum, quod cum duabus ex partibus oppugnaret, Britanni ex alia parte se ejecerunt, multique in fuga comprehensi atque interfecti.

Trinobantes.
Mandubratius qui
& Androgeus dicitur.

Interea ex Cassivellauni mandato quatuor reguli qui Cantio præerant, Cingetorix, Carvilius, Taximagulus, Segonax castra navalia Romanorum adorti, eruptione facta repelluntur, Cingetorige regulo capto. Cassivellaunus tot detrimentis acceptis, maxime permotus defectione civitatum, legatos per Comium Atrebatem de deditiōe ad Cæsarem mittit. Ille cum in continente hyemare statuisset, obsides imperat, quid in annos singulos vectigalis Populo Romano Britannia penderet, constituit, Cassivellauno imperat ne Mandubratio, neu Trinobantibus noceat, & cum magno captivorum numero duobus comitatibus exercitum reportat. Hæc Cæsar de suo in Britannia bello. Addit ex amissis Suetonii monumentis Eutropius: Scæva miles Cæsaris cum quatuor commilitonibus navicula ante transvectus est ad scopulum insule propinquum, atque interea recessu Oceani destitutus est. Complures Britanni in paucos Romanos impetum faciunt: ceteri tamen qui perrari comites ipsius fuerant, navigio redeunt: Scæva imperterritus manet, undique telis obrutus: ac primo pilo restitit, postremo gladio rem gerit solus in plures. Cumque fessus, vulneratusque esset, & galeam ac scutum ictibus perdidisset, cum duabus loriceis natavit ad castra Cæsaris, & postulat ab imperatore veniam pro temeritate, quam Cæsar Centurionatus honore subvexit.

Cum hanc insulam adiret Cæsar, ut Cotas qui tunc secundum in castris obtinebat locum in Commentario suo Græco de Rom. Repub. prodidit, ea fuit temperantia, & à nostri seculi pompa adeo alienus, ut tres solummodo domesticos in famulatu haberet. Cum Britanniam peragraret, inquit Seneca, nec Oceano felicitatem suam continere posset, audivit decessisse filiam publicam secum facta ducentem: sed tam cito dolorem vicit, quam omnia solebat. E Britannia victor reversus, thoracem ex Britannicis margaritis factum, Veneri Genetrici in ejus templo dicavit. Captivosque nonnullos Britannicos ad officia Theatralia, Aulæaque etiam in quibus suas victorias Britannicas depinxerat, destinavit. Quæ cum Britanni, qui in ipsis picti erant, tollere solebant, cecinit Virgilius, Purpureaque intexti tollant aulæa Britanni.

Athenæus.

Plinius.

Servius
Honorat.

F

Nec

In hortis
Cardinalis
Carpentis.

Nec ad theatralia tantum officia destinati Britannii, sed etiam (obiter adnoto) ad Leticam Imperatoris, ut constat ex Inscriptione antiqua huius ævi, in qua Decurio Leticariorum Britannicorum memoratur. De hac Cæsaris victoria antiquus cecinit Poëta:

*Vis invicta viri reparata classe Britannos
Vicit, & hostiles Rheni compevit undas.*

Huc etiam referri potest illud Claudiani de virtute Romana:

*Nec stetit Oceano, remisque ingressa profundum,
Vincendos alio quæsit in orbe Britannos.*

Cicero præterea in poemate amisso quod Quadrigas inscripsit, Cæsarem ob res Britannicas per medias laudes Poëticas quadrigis vexit, ut nobis persuadet Ferrerius Pedemontanus: scribit enim ipse: *Pingam Britanniam coloribus tuis, penecillo autem meo.* Veruntamen aliorum iudicio Britannos tantum prospera pugna terruit ille, vel ut Lucanus cecinit, qui Cæsarem familiæ iniquior,

Territa quæsit ostendit terga Britannis.

Gravissimusque scriptor Tacitus scribit illum Britanniam tantum ostendisse, non tradidisse Romanis: Horatius haud tetigisse innuit cum Augusto adblandiens Britannum dicit intactum,

*Intactus aut Britannus ut descenderet
Sacra catenatus via.*

Et Propertius,

Te manet invictus Romano Marte Britannus.

Tantum abest ut verum sit illud quod Aulicus ille Historicus Velleius Paterculus scripserit.

Bis penetrata Britannia à Cæsare, cum vix ab illo intrata fuerit. Annos enim plures ab hoc Cæsaris ingressu hæc insula, suis regibus concessa, & suis legibus est usa.

Dio.

Augustus.

Augustus consulto Britanniam neglexisse videtur, cum concilium id vocaret, ut inquit Tacitus, fortasse quia consultissimum videbatur imperium Romanum intra terminos coerceri, Oceanum scilicet, Istrum, & Euphratem limites à natura datos, ut adamantinum esset imperium (sic enim ipse Augustus apud Iulianum loquitur,) ne ut navigium quod modum excedit, regi non posset, sed mole laborans sua statim subsideret & corrueret, quod magnis accidere solet: vel, ut Straboni placet, sprexit cum videret, neque ullum metum à Britannis esse, neque multum utilitatis, nec parum incommodi videbatur ab aliis insulam circum jacentibus oblatum iri. Quæcunque vero causa fuit, certe post Iulium, & versa in ipsam Rempublicam Romanorum arma, longa erat Britannia oblivio, etiam in pace. Tandem tamen ab urbe profectus est Augustus ut in Britanniam bellum transferret. Quo tempore ad Fortunam Antianam Horatius,

*Serves iturum Cæsarem in ultimos
Orbis Britannos.*

Verum postquam in Galliam venit, Britanni ad eum pacem petitum miserunt, & reguli quidem Britannici legationibus & officiis amicitiam ejus consecuti donaria in Capitolio dedicarunt, Familiaremque Romanis totam pene insulam redegerunt ut vectigalia tollerent jam non difficilia è rebus quæ è Gallia & Britannia ultro citroque vehuntur: sunt autem eburnea, fræna, & torques, & electrina atque vitrea vasa, aliæque id genus viles ac promiscuæ merces. Itaque nullo

Strabo.

ad eam insulam opus est præsidio. Requiretur enim ad minimum una Legio & aliquid equitatus, si tributa inde essent auferenda, atqui tributum æquarent sumptus in præsidium faciendi; necessario enim vectigalia imposito tributo minuerentur, & si facta, aliquid impenderet periculorum. Anno itidem sequente alteram in hanc insulam expeditionem animo agitavit Augustus, quia de pacto non convenit, sed Cantabri, aliique in Hispania nova molientes impedierunt. Nec est cur quispiam Landino, aut Servio, aut Philargyro credat, qui Augustum de Britannis triumphasse ex his Maronis carminibus prodiderunt,

*Et duo rapta manu diverso ex hoste trophæa,
Bisque triumphatas utroque à littore gentes.*

Ob deditionem sane illam cecinit Horatius,
*Cælo tonantem credidimus Iovem
Regnare: præsens divus habebitur
Augustus, adjectis Britannis
Imperio, gravibusque Persis.*

Tiberius immoderata dominandi cupiditate minime abreptus Augusti consilio acquievisse videtur, librum enim protulit ipsius Augusti manu perscriptum, in quo opes publicæ continebantur, quantum civium sociorumque in armis, quot classes, regna, provinciæ, tributa, aut vectigalia, additumque consilium coercendi intra terminos imperii, Quod ipsi præcipue (ut habet Tacitus) adeo placuit, ut nihil in Britannia tentaverit, nec aliquid præsidii habuerit. Vbi enim Tacitus percenset numerum legionum, & quas oras hoc tempore tutarentur, Britannia nullam omnino facit mentionem. Romanorum tamen amicitiam Britanni coluisse videntur, cum enim hoc tempore Germanicus Oceanum navigasset, quidam in hanc insulam vi tempestatis rapti, à Regulis fuerunt remissi.

Tiberius.

Agitasse Cajum Cæsarem de hac insula intranda satis constat, ni velox ingenio, & mobilis pœnitentia, & ingentes adversus Germaniam conatus frustra fuissent. Vt enim Britanniam & Germaniam quibus imminerebat alicujus immensi operis fama territaret, Bajarum medium intervallum, & Puteolanas moles trium millium & sexcentorum passuum ponte conjunxit. Nihil autem amplius præstitit quam Adminio Cinobellini Britannorum Regis filio, qui pulsus à patre, cum exigua manu transfugerat, in deditionem recepto; quasi universa tradita insula, magnificas Romam literas misit, monitis sepe latoribus, ut vehiculo ad forum usque, & curiam pertenderent, nec nisi in ade Martis, ac frequente Senatu, Consulibus traderent. Postea ad Oceanum profectus, tanquam in Britanniam bellum translaturus, in acie omnes milites suos propter littus collocavit, ipse triremi conscensa, paululum à terra aspectus rediit, ac deinde alto in suggesto consedens, signum pugne militibus dedit, classicumque canere jussit, ac subito mandavit, ut conchyliæ legerent. His partibus spoliis (nimirum exuviis hostium ad trophæum indigens) animum sustulit, quasi ipsum Oceanum subegisset, donatisque militibus, conchyliæ hæc Romam attulit, ut ibi quoque prædam suam ostentaret. Et in indicium victoria altissimam turrem excitavit, ex qua, ut ex Pharo, noctibus ad regendos navium cursus, ignes emicarent. Cujus ruinæ conspiciuntur aliquando recedente æstu in Hollandiæ littore, & Brittenhuis accolis nominatur, qui inscriptos lapides sæpe reperiunt, ex quibus unus habuit has literas C. C. P. F. quas interpretantur

C. Caligula.

Suetonius
in Caligula.

Adminius.

Dio.

Pharus.

Claudius.

Bericius.

A. Plautius.

Dio.

pretantur nescio quam vere, Cajus Caligula Pharam fecit. Sed nos de hac fufius in infulis Britannicis.

Claudius.

Iam inde interior Britannia magis civilibus bellis, & partium studiis, quam Romanorum viribus attrita, post varias clades ultro citroque illatas, in Romanorum potestatem paulatim concessit. Dum enim singuli pugnabant, universi sunt victi, sic in mutuam perniciem ruentes, ut non nisi oppressi senserint omnibus perire, quod singuli amiserunt. Eo usque etiam plures falsos fieri subegit ambitio, ut nonnulli transfugerint, Romanorum fidem sequuti, & omnibus modis Romanis securibus patriam subicere machinati. Inter hos præcipuus Bericus, qui author fuit Claudio ut Britanniam nulli post I. Cæsarem tentatam & tunc tumultuantem ob non redditos transfugas aggredereetur. Ille autem Aulum Plautium tunc

Bericus.

A. Plautius.

Dio.

Prætorum exercitum in Britanniam ducere iussit, qui difficulter exercitum à Gallia abduxit, indigne ferentem, quod extra orbem terrarum bellum esset gerendum, multumque temporis cunctando extrahentem. At ubi Narcissus à Claudio missus tribunal Plautii ascendere, & exercitum alloqui instituit, tum majori indignatione milites accensi, conclamare confestim tritum illud, Io Saturnalia, (mos enim est Saturnalibus, ut id festum habitu dominorum servi celebrent) statimque volentes Plautium secuti sunt. Copiis in tres partes distractis, ne uno loco appellentes prohiberi littore possent, retro acti à vento in transmissione non nihil molestie senserunt: animo tamen recepto, quia fax ab ortu solis ad occidentem, qua navigabant, discurisset, insulam advekti sunt, nemine prohibente. Britanni enim cum ob ea que narravi, eos non adventuros credidissent, non convenerant: ideoque non congressi, in paludes se ac sylvas abdiderunt, spe Romanos mora extrahendi, ut re infecta discedere cogerentur, sicut Iulio Cæsari acciderat. Proinde Plautius iis indagandis multum laboris exhausit. Postquam invenit, (erant autem non liberi, sed regibus diversis subiecti) primo Cataractum, post Togodumnum Cynobellini filios vicit. Patre autem mortuo fugientibus his, partem Bodunnorum in fidem accepit, qui Catuellanis parebant: presidioque ibi relicto, ad fluvium quendam progressus est: quem quia sine ponte non posse à Romanis transiri Barbari credebant, sociordius in altera ejus parte castra habebant. Igitur Plautius Germanos misit, solitos etiam rapidissima flumina facile in armis tranare. Hi hostem inopinatum invadentes, neminem virum sauciarunt, equis tantum qui currus traherent, vulneratis, quibus turbatis ne sessores quidem constare valebant. Tum Flavium Vespasianum (qui summo post Imperio potitus est) hujusque fratrem Sabinum legatum misit, qui ipsi etiam trajecto amne, permultos Barbaros improvise interfecerunt. Neque vero reliqui fuga se dederunt, sed postero die prælium incerta victoria conferuerunt, donec C. Sidius Geta cum prope in hostium potestatem venisset, ita eos vicit, ut ei propterea honores triumphales, quanquam Consul non fuisset, dati sint. Inde se barbari ad fluvium Tamisim, quae is in Oceanum se exonerat, eoque affluente stagnat, receperunt, eumque facile transierunt, locorum quae firma & per via essent gnari: eos Romani insequentes periclitati sunt, mox cum Germani iterum transivissent, ac superiori loco per pontem quidam transgressi essent, undique Barbaris circumfusi magnam stragem ediderunt, reliquos vero inconsultius consectantes, in paludes invias inciderunt, multosque suorum amiserunt. His de causis, & quia Togodumni interitu non modo nihil remisierant Britanni, sed acrius

ad vindicandam ejus cladem bellum parabant, veritus Plautius ultra non processit, sed custodia eorum quae tenuisset posita, Claudium accersit: iussus id facere, si quid violentius eveniret: ad quam expeditionem cum multa parata erant, tum elephantum contracti. Claudius accepto nuncio res urbanas, ac milites etiam Vitellio collega suo, (cui Consulatum itidem uti sibi, ad sex menses dederat) mandavit, ipse ab Vrbe Ostiam deVectus navigio inde Massiliam, reliquoque itinere partim terra, partim mari facto, ad Oceanum venit transmissitque in Britanniam, & ad copias ad Tamisim se expectantes perrexit. Quibus ad se receptis, transgressus fluvium, cum Barbaris, qui ad ejus adventum convenerant, signis collatis dimicavit, victoriaque potitus est, & Camalodunum Cunobellini regiam cepit, multosque inde vi, alios deditioe in suam potestatem accepit. Ob hæc aliquoties Imperator dictus est, contra institutum Romanorum: neque enim sepius quam semel licet uno de bello id nomen adsumere. Porro Britannis Claudius arma ademit, Plautioque eos regendos, subigendosque reliquos mandavit, ipse Romam contendit, generis suis Pompejo & Silano cum nuntio victoriae premisis. Sic Dio. Veruntamen Suetonius sine ullo prælio, aut sanguine partem insulæ in deditioem accepisse tradit. Sedecim plus minus diebus ipse in Britannia mansit. Quo tempore bonorum publicationem primoribus Britannorum remisit, pro quo beneficio ejus templum coluerunt, & ut Deum orarunt. Sextoque quam profectus erat mense, Romam rediit.

Elephantus.

Tantum erat vel tantillam Britanniae partem debellasse, ut hinc Claudio annuos ludos, arcus triumphales & in Vrbe, & Gessoriaci Galliae, splendidissimumque triumphum decreverit Senatus, ad ejus spectaculum etiam provinciarum præsidibus, & quibusdam exulibus in urbem commeare permissum. Navalis corona fastigio Palatinae Domus, quasi Britannici maris domiti insigne, fixa, Coronas aureas contulerint provinciae. Gallia Comata unam ix pondo, Hispania citerior alteram vii pondo. Per gradus in Capitolium genibus ascendit, levantibus eum utrinque generis. Mare Adriaticum prægrandi domo verius quam nave triumphans intravit. Messalinæ uxori primus in confessu locus, & ut carpentio veheretur decreta fuerunt à Senatu. Deinde ludos triumphales edidit, accepta ad id Consulis potestate. Hi ludi in duobus simul theatris exhibiti sunt, ac sæpius ipso à spectaculis digressio, alii ea curarunt. Equorum certamina tot promisit, quot dies illi admitterent, plura tamen quam decem non fuere, nam inter equorum cursum ursæ cædebantur, athletæ certabant, pueri ex Asia evocati pyrrhicam saltabant. Valerio etiam Asiatico, Iulio Silano, Sidio Getæ & aliis ob hanc victoriam ornamenta triumphalia concessit. Licinio Craffo Frugi equo phalerato, & veste palmata ipsum triumphantem sequi permisit, Posidio Spadoni hastam puram, C. Gavio torques, armillas, phaleras, coronamque auream, ut in antiquo marmore Taurini videre est, donavit.

Plinius.

Interim belli reliquias tam secundis præliis prosequutus est Aulus Plautius, ut illi ovationem decreverit Claudius, ingressoque urbem obviam progressus, & in Capitolium eunti, & inde rursus revertenti latus texerit, id est lævus incesserit.

Vespasianus.

Suet. in Vespas. cap. 4.

Suet. Tit. 4.

P. Ostorius Proprietor.

Iceni.

Cangi.

Brigantes.

Camalodunum Colonia.

Caratacus.

Ordovices.

* nationum.

rit. Monstratus etiam jam fatis Vespasianus qui in partem hujus Britannici belli à Claudio assumptus, partim ipsius Claudii, partim Plautii ductu tricies cum hoste confixit, duas validissimas gentes, superque xx opida, & insulam Vectem in deditionem redegit. Quare triumphalia ornamenta, & in spatio brevi duplex sacerdotium, præterea Consulatum, quem gessit per duos novissimos anni menses, accepit. Titus etiam hic Tribunus sub patre meruit, summæ industriæ & fortitudinis (patrem enim obsessum fortiter liberavit) nec minore modestiæ fama, ut ex imaginum ejus multitudine, ac titulis per Germaniam & Britanniam apparuit. Cætera quæ in Britannia deinceps acciderunt usque ad supremam Domitiani tempora suis verbis qui optime poterit enarrabit Tacitus. In Britannia P. Ostorius Proprietor turbida res excepere effusis in agrum sociorum hostibus, eo violentius quod novum ducem ignoto exercitu & cæpta hieme iturum obviam non rebantur. Ille gnarus primis eventibus metum aut fiduciam gigni, citas cohortes rapit: & cæsis qui restiterunt, disiectos confectatus ne rursus conglobarentur, infensaque & infida pax non duci, non militi requiem permetteret, detrabere arma suspectis, cinctosque castris Antonam & Sabrinam cohibere parat. Quod primi Iceni abnuere, valida gens, nec præliis concussa, quia societatem nostram volentes accesserant. Hisque auctoribus circumjecta nationes locum pugne deligere septum agresti aggere & aditu angusto, ne pervius equiti foret. Ea munimenta dux Romanus, quanquam sine robore legionum sociales copias ducebat, perrumpere aggreditur, & distributis cohortibus, turmas quoque equitum ad munia accingit. Tunc dato signo perfringunt aggerem, suisque claustris impeditos turbant. Atque illi conscientia rebellionis & obseptis effugiis, multa & clara facinora fecere. Quia pugna filius legati, M. Ostorius servati civis decus meruit.

Ceterum clade Icenorum compositi qui bellum inter & pacem dubitabant, & ductus in Cangos exercitus. Vastati agri, prædæ passim actæ, non ausis aciem hostibus, vel si ex occulto carpere agmen tentarent, punito dolo. Iam ventum haud procul mari, quod Hiberniam insulam aspectat, cum orta apud Brigantes discordia retraxere ducem, destinationis certum, ne nova moliretur, nisi prioribus firmatis. Et Brigantes quidem paucis qui arma cæptabant imperfectis, in reliquos data venia resedere. Silurum gens non atrocitate, non clementia mutabatur, quin bellum exerceret, castrisque legionis premenda foret. Id quo promptius veniret, colonia Camalodunum valida veteranorum manu deducitur in agros captivos, subsidium adversus rebelles, & imbuendis sociis ad officia legum. Quædam civitates Cogiduno Regi donatæ veteri populi Romani consuetudine, ut haberent instrumenta servitutis & Reges.

Itum inde in Siluras super propriam ferociam Carataci viribus confisos, quem multa ambigua, multa prospera extulerant, ut ceteros Britannorum imperatores præmineret. Sed astu, tum locorum fraude prior, vi militum inferior, transfert bellum in Ordovicas, additisque qui pacem nostram metuebant, novissimum casum experitur, sumto ad prælium loco, ut aditus, abscessus, cuncta nobis importuna, & suis in melius essent. Tunc montibus arduis, & si qua clementer accedi poterant, in modum valli saxa præstruit: & præstuebat amnis vado incerto, caterveque majorum pro munimentis constiterant. Adhuc gentium ductores circumire, hortari, firmare animos, minuendo metu, accendenda spe, aliisque belli incitamentis.

Enimvero Caratacus huc illuc volitans, illum diem, illam aciem testabatur, aut recuperandæ libertatis, aut servitutis æternæ initium fore: vocabatque nomina majorum, qui dictatorem Cæsarem pepulissent: quorum virtute vacui à securibus & tributis, intemerata conjugum & liberorum corpora retinerent. Hæc atque talia dicenti adstrepere vulgus, gentili quisque religione obstringi, non telis, non vulneribus cessuros. Opstupefecit ea alacritas ducem Romanum, simul objectus amnis, additum vallum, imminetia juga, nihil nisi atrox & propugnatoribus frequens terrebat. Sed miles prælium poscere, cuncta virtute expugnabilia clamitare, præfectique ac tribuni paria differentes, ardorem exercitus intendebant. Tum Ostorius circumspectis quæ impenetrabilia, quæque per via, ducit infensos, amnemque haud difficulter evadit. Vbi ventum ad aggerem, dum missilibus certabatur, plus vulnerum in nos, & pleræque cædes oriebantur. Posteaquam facta testudine, rudes & informes saxorum compages distractæ, parque cominus acies, decedere Barbari in juga montium. Sed eo quoque irrupere ferentarius gravisque miles, illi telis assultantes, hi conferto gradu, turbatis contra à Britannorum ordinibus, apud quos nulla loricarum galearumve tegmina: & si auxiliariis resisterent, gladiis ac pilis legionariorum, si huc verterent, spatibus & hastis auxiliarium sternebantur. clara ea victoria fuit, captaque uxore & filia Carataci, fratres quoque in deditionem accepti. Ipse, ut ferme intuta sunt adversa, cum fidem Cartimandue reginæ Brigantum petivisset, vincit ac victoribus traditus est, nono post anno quam bellum in Britannia cæptum. Vnde fama ejus evecta insulas, & proximas provincias pervagata, per Italiam quoque celebrabatur, auebantque visere, quis ille tot per annos opes nostras sprevisset. Ne Romæ quidem ignobile Carataci nomen erat. Et Cæsar dum suum decus extollit, addidit gloriam victo. Vocatus quippe ut ad insignem spectaculum populus. Stetere in armis prætorie cohortes campo qui castra præjacet. Tunc incedentibus regiis clientulis, phalæra torquesque, quæque externis bellis quæsierat, traducta, mox fratres & conjux & filia: postremo ipse ostentatus. Ceterorum preces degeneres fuere ex metu. At non Caratacus aut vultu demisso, aut verbis misericordiam requirens, ubi tribunali astitit, in hunc modum locutus est.

Si quanta nobilitas & fortuna mihi fuit, tanta rerum prosperarum moderatio fuisset, amicus potius in hanc urbem, quam captus venissem: neque dedignatus esses claris majoribus ortum, pluribus gentibus imperantem sedere pacis accipere. Præsens fors mea ut mihi informis, sic tibi magnifica est: habui equos, viros, arma, opes; quid mirum si hæc invitatus amisi? Nam si vos omnibus imperitare vultis, sequitur ut omnes servitutem accipiant. Si statim deditus traderer, neque mea fortuna, neque tua gloria inclaruisset, & supplicium mei oblitio sequeretur. At si incolumem servaveris, æternum exemplar clementiæ ero.

Ad ea Cæsar veniam ipsique & conjugi, & fratribus tribuit. Atque illi vinculis exsoluti, Agrippinam quoque haud procul alio suggestu conspicuam, iisdem quibus principem laudibus gradibusque venerati sunt. Novum sane, & moribus veterum insolitum, feminam signis Romanis præsidere. Ipsa semet parti à majoribus suis imperii sociam ferebat. Vocati posthac patres multa & magnifica super captivitate Carataci disseruere. Neque minus id clarum quam cum Siphacem P. Scipio: Persem L. Paulus, & si qui alii victos reges populo Ro. ostendere. Censentur Ostorio triumpho insignia.

Has de Britannis victorias inter præclarissima monumenta, & testimonia Romanæ virtutis habue-

buerunt scriptores. Vnde Seneca, Primus Claudius devicisse Britannos gloriari potuit, Iulius enim Caesar ostendit eos Romanis tantum. Et alibi de eodem.

Ille Britannos
Ultra noti
Littora ponti,
Et caruleos
Scuta Brigantes
Dare Romuleis
Colla Catbenis
Iussit, & ipsum
Nova Romana
Iura securis
Tremere Oceanum.

Et in Octavia cecinit Seneca Tragicus de Claudio:

Cuique Britanni
Terga dedere, ducibus nostris
Ante ignoti, iamque sui.

Et ibidem quod Tamisin transmiserat.

En qui ora Tamisis primus posuit jugum,
Ignota tantis classibus textit freta,
Interque gentes barbaras tutus fuit,
Et seva maria, conjugis scelere occidit.

Aegippus item de Claudio, Testis est Britannia extra orbem posita, Romanorum virtute in orbem redacta, quos atas superior ignoravit, didicit Romanorum victoria, serviunt & ipsi, qui, quid esset servitus ignorabant, soli sibi nati, & semper sibi liberi, quia à superiorum potentia interfuso Oceano secreti metuere non poterant, quos nesciebant. Plus itaque transisse ad Britannos, quam triumphasse de Britannis. Et alibi, Britanniam quoque inter undas adhuc latentem Romano imperio armis acquisiverat, cuius triumpho opibus Roma ditior, Claudius consultior, Nero fortunatior & asstimabantur. Alioque loco, quid dignifimus apponi, In Romanorum nomen elementa etiam transferunt in quos etiam transivit orbis terrarum, qui Romano imperio clauditur & definitur: denique à plerisque Orbis Romanus appellatur. Nam si verum queramus, terra ipsa infra Romanorum imperium est, super quam progressa Romana virtus ultra Oceanum, alterum sibi orbem quasiavit, & in Britannia remota à confinio terrarum novam sibi invenit possessionem. Denique quibus jus non solum civitatis Romanae, sed etiam ipsius prope humanae conversationis negatur, illo diriguntur, ut illic habitent, quasi mundi exules. Cessit Oceanus finibus suis, novit Romanus interiora ejus petere secreta. Iosephus etiam in persona Titi ad Iudæos, Quis major Oceano murus, atque obstaculum? quo septi Britanni Romanorum tamen arma adorant.

Doctissimi præterea sed incerti Poëta hac de re carmina nobilissimus Iosephus Scaliger in suis Catalectis è situ vindicavit, quæ cum non passim occurrant, subtexere non pigebit, sunt enim quantivis pretii. Diversa autem esse Epigrammata, & ideo distinguenda eruditissimus adolescens I. Obsopæus Germanus ex antiquis membranarum nuperrime docuit.

Ausonius nunquam tellus violata triumphis,
Icta tuo, Caesar, fulmine procubuit.
Oceanusque tuas ultra se * respicit aras,
Qui finis mundo est, * non erit imperio.
Victa prius nulli, jamjam spectata triumpho,
Illibata tuos gens jacet in titulos.
Fabula visa diu, medioque recondita ponto
Liber a victori jam modo colla dedit.
Britannia.

Antonius
Delrio, a-
lias legit
alicubi, igi-
tur varias
lectiones
adposui.
* Prospicit.
* Nunc
erit.

Euphrates Ortus, Rhenus * incluserit Arctos,
Oceanus medium venit in imperium.

* Reclus-
rat.

Libera non hostem, non passa Britannia Regem,
Æternum nostro quæ procul orbe jacet.
Fœlix adversis, & forte oppressa secunda,
Communis nobis, & tibi, Caesar, erit.

Ultima cingebat Tiberis tua, Romule, regna:
Hic tibi finis erat, religiose Numa.
Et tua, Dive, tuum sacrata potentia cœlo
Extremum citra constitit Oceanum.
At nunc Oceanus geminos interluit orbes.
Pars est imperii, terminus ante fuit.

Mars pater, & nostra gentis tutela Quirine,
Et magno positus Caesar uterque Polo,
Cernitis ignotos Latia sub lege Britannos,
Sol citra nostrum stetit imperium.
Ultima cesserunt adoperto claustra Profundo,
Et jam Romano * cingimur Oceano.

* cingimur.

Opponis frustra rapidum Germania Rhenum,
Euphrates prodest nil tibi, Parthe, fugax.
Oceanus jam terga dedit, nec pervius ulli,
Cæsareos fasces, imperiumque tulit.

Illa procul nostro semota, exclusaque cœlo,
Alluitur nostra victa Britannis aqua,
* Semota, & vasto disjuncta Britannia ponto,
Cinctaque inaccessis horrida littoribus:
Quam pater invictis Nereus valla verat undis,
Quam fallax astu circuit Oceanus.
Brumalem sortita * plagam: qua frigida semper
Præfulget stellis Arctos inocciduis.
Conspicue tuo devicta Britannia, Caesar,
Subdidit insueto colla premenda iugo.
Aspice, confundit populos impervia tellus,
Coniunctum est, quod adhuc orbis, & orbis erat.

* Semota.

* Plura.

Iam pergat Tacitus. Ad hoc tempus prosperis Ostorii rebus mox ambiguus, siue quod amoto Caractaco, quasi debellatum foret, minus intentum apud Romanos militiam fuit, siue hostes miseratione tanti Regis acius ad ultionem exarsere, Præfectum castrorum, & legionarias cohortes extruendis apud Siluras præsidii relictas, circumfundunt. Ac ni citò vicis & castellis proximis subventum foret, copia tum occidione occubissent. Præfectus tamen & octo centuriones, ac promptissimus quisque manipulus cecidere. nec multo post pabulantes nostros, ipsasque missas ad subsidium turmas profligant. Tum Ostorius cohortes expeditas exposuit, nec ideo fugam sistebat, ni legiones prælium exceperant. Earum robore equata pugna, dein nobis pro meliore fuit. Effugere hostes tenui damno, quia inclinabat dies. Crebra hinc prælia, & sæpius in modum latrocinii: per saltus, per paludes, ut cuique sors, aut virtus temere provisa; ob iram, ob prædam; jussu & aliquando ignavis ducibus, ac præcipua Silurum per vicacia, quos accendebat vulgata imperatoris Ro. vox. ut quondam Sugambri excissi, & in Gallias trajecti forent, ita Silurum nomen penitus extinguendum. Igitur duas auxiliares cohortes avaritia præfectorum incautius populantes intercepte. Spoliaque & captivos largiendo, ceteras quoque nationes ad defectionem trahabant, cum radio curarum fessus Ostorius concessit vita, letis hostibus, tanquam ducem haud spernendum; & si non prælium, at certe bellum absumisset.

At Caesar cognita morte legati, ne provincia sine rectore foret, A. Didium suffecit. Is prope vectus, non tamen inte-

Didius
Avitus
Gallus
Prætor,
gras

gras res invenit, adversa interim legionis pugna, cui Manlius Valens praeerat. Auctaque et apud hostes ejus rei fama, quo venientem ducem exterrent: atque illo augente audita, ut major laus compositi, vel si duravissent, venia justior tribueretur. Silures id quoque damnum intulerant, lateque persultabant, donec accursu Didii pellerentur.

Nero.

Circa haec tempora Claudius diem obiit, Neroque successit qui nihil omnino in re militari ausus est, exercitumque et Britannia deducere cogitavit, nec nisi vercundia ne obrectare Claudii gloria videretur, destitit. Post captum Caractacum, praecipuus scientia rei militaris Venutius et Iugantum civitate, fidusque diu, et Romanis armis defensus, cum Cartismanduam reginam matrimonio teneret, mox orto dissidio, et statim bello, etiam adversus nos hostilia induerat. Sed primo tantum inter ipsos certabatur, callidisque Cartismandua artibus, fratrem ac propinquos Venutii interceptit. Inde accensi hostes, stimulante ignominia, ne foemina imperio subderentur, valida et lecta armis juvenis regnum ejus invadunt: quod nobis praedictum, et missa auxilio cohortes acre praelium fecere, cujus initio ambiguo finis letior fuit. Neque dispari eventu pugnatum a legione cui Cefius Nasica praeerat. Nam Didius senectute gravis, et multa copia honorum, per ministros agere et arcere hostem satis habebat. Parta enim a prioribus continuat, paucis admodum castellis in ulteriora promotis, per quae fama aucti officii quaereretur. Hec, quanquam a duobus Ostorio, Didioque Propratoribus plures per annos gesta, conjunxi, ne divisa haud perinde ad memoriam sui valerent.

Veranius
Proprator.

Didium Arvum Veranius excepit, qui modicis excursibus Siluras populatus, quin ultra bellum proferret, morte prohibitus est, magna dum vixit severitatis fama, supremis testamenti verbis ambitionis manifestus. Quippe multa in Neronem adulatione addidit, subjecturum ei provincias fuisse, si biennio proximo vixisset.

Paullinus
Suetonius.
Proprator.
Monain-
sula.

Sed tum Paullinus Suetonius obtinebat Britannos, scientia militiae et rumore populi, qui neminem sine amulo finit, Corbulonis concertator, receptaque Armenia decus aequare domitis perduellibus cupiens. Igitur Monam insulam incolis validam, et receptaculum perfugarum aggredi parat, navesque fabricatur plano alveo adversus breve et incertum litus. Sic pedites: equites vado secuti, aut altiores inter undas adnantes equos transmissere. Stabat pro litore diversa acies, densa armis virisque intercurrentibus foeminis: quae in modum Furiarum, veste ferali, crinibus dejectis, facies praeferebant. Druidaeque circum, preces diras sublatis ad caelum manibus fundentes, novitate aspectus perculere militem, ut quasi haerentibus membris immobile corpus vulneribus praerent. Dein cohortationibus ducis et se ipsi stimulant ne muliebre et fanaticum agmen pavescerent, inferunt signa, sternuntque obvios, et igni suo involvunt. Praesidium posthac impositum

Druidae.

* vicis, excelsaeque luci, saevi superstitionibus sacri. Nam cruore captivo adolere aras, et hominum fibris consulere deos fas habebant.

* vicis.

Prasutagus.

Hac agenti Suetonio, repentina defectio provinciae nuntiatur. Rex Icenorum Prasutagus, longe opulentia clarus, Caesarem heredem duasque filias scripserat, tali obsequio ratus regnum et domum suam procul injuria fore. Quod contra vertit, adeo ut regnum per Centuriones, domus per servos, velut capta vastarentur. Iam primum uxor et Boodicia verberibus affecta, et filiae stupro violatae sunt. Praecipui quique Icenorum, quasi cunctam regionem muneri acceperant, avitis bonis exuuntur, et propinqui regis inter mancipia habebantur. Quae contumelia et metu gravio-

* Boodicia,
quae Bon-
dica et
Voadica.

rum, quando in formam provinciae cesserant, Britanni agitare inter se mala servitutis, conferre injurias, et interpretando accendere. Nihil profici patientia nisi ut graviora tanquam ex facili tolerantibus imperentur. Singulos sibi olim reges fuisse, nunc binos imponi, et quibus Legatus in sanguinem, Procurator in bona saeviret, aequae discordiam praepositorum, aequae concordiam subjectis exitio-

sam; alterum manus, centuriones, alterum vim et contumelias miscere: nihil jam cupiditati, nihil libidini exceptum. In praelio fortiosem esse qui spoliatur, nunc ab ignavis plerumque et imbellibus eripi domos, abstrahi liberos, injungi dilectus, tanquam mori tantum pro patria nescientibus. Quantum enim transisse militum, si sese Britanni numerent? sic Germanias excussisse jugum, et flumine non Oceano defendi: sibi patriam, conjuges, parentes: illis avaritiam et luxuriam causas belli esse, recessuros ut Divus Iulius recessisset, modo virtutes majorum suorum amularentur: neve praellii unius aut alterius eventu pavescerent; plus impetus, majorem constantiam penes miseris esse. Iam Britannorum etiam deos misereri, qui Romanum ducem absentem, qui Legatum in alia insula exercitum detinerent: jam ipsos, quod difficillimum fuerit, deliberare, porro in ejusmodi consiliis periculosus esse deprehendi, quam audere.

His atque talibus invicem instincti, Boodicia generis regii foemina duce (neque enim sexum in imperiis discernunt) rapiunt arma, commotis ad rebellionem Trinobantibus, et qui alii nondum servitio assuefacti, resumere libertatem occultis conjurationibus pepigerant, acerrimo in veteranos odio. Quippe in coloniam Camalodunum recens deducti, pellebant domibus, exturbabant agris, captivos, servos appellando, foventibus impotentiam veteranorum militibus, similitudine vitae, et spe ejusdem licentiae. Ad haec templum Divo Claudio constitutum, quasi ara aeternae dominationis aspiciabatur: dilectique sacerdotes specie religionis, omnes fortunas effundebant. Nec arduum videbatur excindere coloniam nullis munimentis septam; quod ducibus nostris parum provisum erat, dum amoenitati prius quam usui consulitur. Inter qua nulla palam causa delapsus Camaloduni simulacrum Victoriae, ac retro convertit, quasi cederet hostibus. Et foemina in furore turbata, adesse exitium canebant. Externosque fremitus in curia eorum auditos, consonuisse ululatibus theatrum, visamque speciem in aestuario notam esse subversa colonia. Iam Oceanum cruento aspectu, dilabente aestu, humanorum corporum effigies relictas, ut Britanni ad spem, ita veterani ad metum trahebant. Sed quia procul Suetonius aberat, petivere a Cato Deciano procuratore auxilium. Ille haud amplius quam ducentos sine justis armis misit: et inerat modica militum manus, tutela templi freti. Et impredientibus qui occultae rebellionis consilii consilia turbabant, neque fossam aut vallum praeduxerunt, neque motis senibus et foeminis, juvenis sola restitit: quasi media pace incauti, multitudine barbarorum circumveniuntur. Et cetera quidem impetu direpta aut incensa sunt. Templum in quo se miles conglobaverat, biduo obsessum expugnatumque. Et victor Britannus Patilio Ceriali legato legionis nona in subsidium adventanti obvius, fudit legionem, et quot peditum interfecit. Cerialis cum equitibus evasit in castra, et munimentis defensus est. Quae clade et odiis provinciae, quam avaritia in bellum egerat, trepidus procurator Catus in Galliam transit.

At Suetonius mira constantia medius inter hostes Londinium perrexit, cognomento quidem coloniae non in signo, sed copia negotiatorum et commeatu maxime celebre: ibi ambiguus an illam sedem bello diligeret, circumspecta infren-

Camalodunum
Colonia.Vide Xiphilinum
in Nerone.Tamesis
foris.Patilium
Cerialis.* Commeatu
tuum.Verulamium.
* Militari-
bus.
* Et de-
fundenti-
bus in tu-
tum.

* Sonoro.

Verulamium.
* Militari-
bus.
* Et de-
fendenti-
bus in en-
tum.

quentia militis, satisque magnis documentis temeritatem Petilii coercitam, unius opidi damno servare universa statuit. Neque fletu & lacrymis auxilium ejus orantium flexus est, quin daret protectionis signum, & comitantes in partem agminis acciperet. Si quos imbellis sexus, aut fessa etas, vel loci dulcedo attinuerat, ab hoste oppressi sunt. Eadem clades municipio Verulamio fuit, quia barbari omnis castellis praefidiisque * militarium, quod uberimum spoliant, & deferentes in tutum, lati praeda & aliorum * insignes petebant. Ad septuaginta millia civium & sociorum iis quae memoravi locis occidisse constitit. Neque enim capere aut venundare, aliudve quod belli commercium; sed caedes, patibula, ignes, cruces, tanquam redituri supplicium, ac praecepta interim ultione festinabant.

Iam Suetonio quartadecima legio cum vexillariis vicefimiis, & è proximis auxiliares, decem ferme millia armatorum erant, cum omittere contationem, & congregari acie parat, diligitque locum artis faucibus, & à tergo sita clausum, satis cognito, nihil hostium nisi in fronte, & apertam planiciem esse sine metu insidiarum. Igitur legionarius frequens ordinibus, levi circum armatura conglobatus, pro cornibus eques astitit. At Britannorum copiae passim per catervas & turmas exsultabant, quanta non alias multitudo, & animo adeo fero, ut conjuges quoque testes victoriae secum traherent, plaustrisque imponerent, quae super extremum ambitum campi posuerant. Boudicia curru filias praese debens, ut quamque nationem acceperat, (solutum quidem Britannis foeminarum ductu bellare) testabatur se tunc non ut tantis majoribus ortam regnum & opes, verum ut unam è vulgo, libertatem amissam, confectum verberibus corpus, contrectatam filiarum pudicitiam ulcisci. Eo propectas Romanorum cupidines, ut non corpora, nec senectam quidem, aut virginitatem impollutam relinquunt. Adesse tamen deos justae vindictae. Cecidisse legionem, quae praedium ausa sit: ceteros castris occultari, aut fugam circumspicere. Ne strepitum quidem & clamorem tot millium, nedum impetus & manus perlaturus. Si copias armatorum, si causas belli secum expenderent, vincendum illa acie, vel cadendum esse. Id mulieri destinatum; viverent viri, & servirent.

Ne Suetonius quidem in tanto discrimine filebat, qui quanquam confideret virtuti, tamen exhortationes & preces miscebat. Ut spernerent sonoras Barbarorum & inanēs minas. plus illic foeminarum quam juvenis aspici. imbelles, inermes cessuros statim, ubi ferrum virtutemque vincentium, toties fusi agnovissent. etiam in multis legionibus paucos esse qui praedia profligarent. gloriae eorum accessurum, quod modica manu universi exercitus famam adipiscerentur. Conferti tantum, & pilis emissis, post umbonibus & gladiis stragem cademque continuarent, praedae immemores. parta victoria cuncta ipsis cessura. Is ardor verba ducis sequebatur, ita se ad intorquenda pila expedierat vetus miles & multa praediorum experientia, ut certus eventus Suetonius, daret pugnae signum. Ac primum legio gradu immota, & angustias loci pro munimento retinens, postquam propius sgressus hostis certo jactu tela exhausserat, velut cuneis erupit. Idem auxilium impetitus, & eques protentis hastis perfringit quod obvium & validum erat. Ceteri terga praebuere difficili effugio, quia circumjecta vehicula sepebant abitus. Et miles ne mulierum quidem neci temperabat. confixaque telis etiam jumenta, corporum cumulum auxerant. Clara & antiquis victoriis par ea die laus parta. quippe sunt qui paulo minus quam octoginta millia Britannorum cecidisse tradant, militum quadringentis ferme interfectis, nec multo amplius vulneratis, Boudicia vitam veneno finivit. Et Pœni-

us Posthumus praefectus castrorum secundae legionis, cognitis quartadecimanorum vicefimanorumque prosperis rebus, quia pari gloria legionem suam fraudaverat, abnueratque contra ritum militiae iussa ducis, seipsum gladio transegit.

Contractus deinde omnis exercitus sub pellibus habitus est, ad reliqua belli perpetranda. Auxitque copias Caesar, missis è Germania duobus legionariorum millibus, octo auxiliariorum cohortibus, ac mille equitibus: quorum adventu, nonani legionario milite suppleti sunt. Cohortes aliaeque novis hibernaculis locatae, quodque nationum ambiguum aut adversum fuerat, igni atque ferro vastatur. Sed nihil aequum quam fames affligebat serendis frugibus incuriosos, & omni etate ad bellum versandum nostros commectus sibi destinant, gentesque praeferoce tardius ad pacem inclinant, quia Iulius Clasicianus successor Cato missus, & Suetonio discors, bonum publicum privatis similitudinibus impendebat, disperferatque, novum legatum opperendum esse, sine hostili ira & superbia victoris clementer deditis consulturum. Simul in urbem mandabat, nullum praedio finem expectarent, nisi succederetur Suetonio: cujus adversa praevidenti ipsius, prospera ad fortunam Reip. referebat.

Igitur ad spectandum Britannia statum missus est ex libertis Polycletus, magna Neronis spe, posse auctoritate ejus, non modo inter legatum procuratoremque concordiam gigni, sed & rebelles Barbarorum animos pace componi. Nec defuit Polycletus, quo minus ingenti agmine Italiae Galliaeque gravis postquam Oceanum transierat, militibus quoque nostris terribilis incederet. Sed hostibus irrisui fuit, apud quos flagrante etiam tum libertate, nondum cognita libertorum potentia erat, mirabanturque quod dux & exercitus tanti belli confector servitiis obedi-
rent. Cuncta tamen ad imperatorem in mollius relata. De-
tentusque rebus gerundis Suetonius, quod post naves in littore, remigumque in iis amiserat, tanquam durante bello tradere exercitum Petronio Turpiliano, qui jam consulari abierat, jubetur, tanquam exorabili, & delictis hostium novo eoque penitentiae mitiori. Qui non irritato hoste neque lacefitus honestum pacis nomen segni otio imponens, compositis prioribus nihil ultra ausus Trebellio Maximo provinciam tradidit.

Ille autem segnior & nullis castrorum experimentis commitate quadam curandi provinciam tenuit. Didicere jam Barbari quoque ignoscere vitiis blandientibus & interven-
tus civilium armorum praebuit justam segnitiae excusationem; sed discordia laboratum: cum assuetus expeditionibus miles otio lasciviret. Et ille per avaritiam ac sordes contemptus exercitui, invisusque. Accendebat odium ejus Roscius Caelius legatus vicefima legionis olim discors, sed occasiones civilium armorum atrocior proruperant. Trebellius seditionem & confusum ordinem discipline Caelio, spoliatus & inopes legiones Caelius Trebellio objectabat, cum interim foedis legatorum certaminibus, modestia exercitus corrupta. Eoque discordia ventum, ut auxilium quoque militum conviciis proturbantibus & aggregantibus se Caelio cohortibus, aliisque desertus Trebellius ad Vitellium profugerit. Quies provinciae, quanquam remoto consulari, mansit. Rexere legati legionum, pares jure, Caelius audendo potentior.

Flagrante civili inter Galbam, Othonem, & Vitellium bello, missus est à Vitellio in locum ejus Vectius Bolanus. Nec ille agitavit Britanniam disciplina, eadem inertia erga hostes, similis petulantia castrorum: nisi quod innocens Bolanus & nullis delictis invisus, charitatem paraverat loco auctoritatis: & quanquam Vitellius auxilia è Britannia accersivit, contabatur tamen Bolanus, nunquam

I. Clasicia-
nus.

Petronius
Turpiliano
Pro-
praetor.

Trebellius
Maximus
Propraetor.

Vectius
Bolanus
Propraetor.

Camalodem-
num Colo-
nia.

Vide Xi-
philinum
in Nerone.

Tamesis
forsitan.

Petilius
Cerealis.

* Comma-
tum.

satis quæta Britannia. Verum statim Britanniam in Vespasiani partes inclitus erga eum provincie favor traxit, eo quod illic secundæ legionis à Claudio prepositus, & bello clarus egerat, non sine motu adjunxit cæterarum, in quibus plerique Centuriones ac milites à Vitellio propecti expertum jam principem anxii mutabant. Et quartadecimani, Britannie domitores dicti, hinc à Nerone excitati ad bella Caspia, & pro Othone stantes victi, à Vitellio in Britanniam remissi, à Mutiano per literas denuo sunt revocati.

Hoc civili motu in Britannico exercitu nihil irarum. Non sane aliæ legiones per omnes civilium bellorum motus innocentius egerunt, seu quia procul & Oceano divisa, seu crebris expeditionibus docta potius hostem odisse. Ex illis tamen discordiis, & crebris belli civilis rumoribus, Britannii sustulere animos auctore Venusio, qui super insitam ferociam, & Romani nominis odium propriis in uxorem Carthimanduanam reginam stimulis accendebatur. Carthimandua Brigantibus imperitabat, pollens nobilitate, & auxerant potentiam, postquam capto per dolum rege Caractaco instruxisset triumphum Claudii Caesaris (insigne scilicet illud spectaculum instar triumphi in quo Caractacus ostentatus) videbatur. Inde opes & rerum secundarum luxus spreto Venusio marito, ejusque cognatis interceptis, mariti armigerum Vellocatum in matrimonium regnumque accepit; concussa statim flagitio domus, pro marito studia civitatis, pro adultero libido regine & servitæ. Igitur Venusius, accitis auxiliis, simul ipsorum Brigantum defectione in extremum discrimen Carthimanduanam adduxit. Tum petita à Romanis præsidia, & cohortes atque nostræ variis præliis exemere periculo reginam, regnum tamen Venusio, bellum nobis relictum.

Cum jam Mutianus pro Vespasiano urbem regeret, Iulium Agricola in Vespasiani partes transgressum integreque ac strenue versatum vicesima legioni in Britannia tarde ad sacramentum transgressæ preposuit, ubi decessor seditione agere narrabatur. Quippe legatis quoque consularibus nimia ac formidolosa erat. Nec legatus prætorius ad cohibendum potens, incertum suo an militum ingenio, ita successor simul & ultor electus rarissima moderatione maluit videri invenisse bonos quam fecisse. Et quanquam Vettius Bolanus Britannie tunc præfuit, placidius quam feroci provincia dignum est, temperavit Agricola vim suam, ardoremque compescuit, ne incretaret, peritus obsequi, eruditusque utilia honestis miscere.

Sed ubi cum cætero orbe Vespasianus & Britanniam recuperavit, magni duces, egregii exercitus, minuta hostium spes: & terrorem statim intulit Petilius Cerialis Brigantum civitatem, quæ numerosissima provincia totius perhibetur, aggressus, multa prælia, & aliquando non incruenta: magnamque Brigantum partem aut victoria amplexus, aut bello. Et cum Cerialis quidem alterius successoris curam famamque obruisset, sustinuit quoque molem Iulius Frontinus vir magnus quantum licebat, validamque & pugnacem Silurum gentem armis subegit, super virtutem hostium locorum quoque difficultates eluctatus. Hunc Britannie statum, has bellorum vices media jam æstate transgressus Agricola invenit, cum & milites velut omissa expeditione ad securitatem, & hostes ad occasionem vertentur. Ordovicum civitas haud multo ante adventum ejus, alam in finibus suis agentem, prope universam obtulerat: eoque initio erecta provincia, ut quibus bellum volentibus erat, probare exemplum, aut recentis legati animum opperiri.

Tum Agricola, quanquam transacta ætas, sparsi per provinciam numeri, præsumpta apud militem illius anni quies tarda & contraria bellum inchoaturo, & plerisque

custodiri suspecta potius videbatur, ire obviam discrimini statuit: contractisque legionum vexillis & modica auxiliorum manu, quia in æquum digredi Ordovices non audebant, ipse ante agmen, quo cæteris par animus simili periculo esset, erexit aciem: Casaque prope universa gente non ignarus instandum fame, ac prout prima cessissent fore universa, Monam insulam, cujus possessione revocatum Paullinum rebellionem totius Britannie supra memoravi, redigere in potestatem animo intendit. Sed ut in dubiis consiliis, naves decerant, ratio & constantia ducis transvexit: depositis omnibus sarcinis, lectissimos auxiliarios, quibus nota vada, & patrius nandi usus, quo simul seque & arma & equos regunt, ita repente immisit, ut obstupescerent hostes, qui classem, qui naves, qui mare expectabant, nihil arduum, aut invictum crediderint sic ad bellum venientibus. Ita petita pace, ac dedita insula, clarus ac magnus haberi Agricola: quippe cui ingredienti provinciam, quod tempus alii per ostentationem aut officiorum ambitum transigunt, labor & periculum placuisset.

Nec Agricola prosperitate rerum in vanitatem usus, expeditionem aut victoriam vocabat, victos continuisse: ne laureatis quidem gesta prosecutus est, sed ipsa dissimulatione fame famam auxit, æstimantibus quanta futuri spe tam magna tacuisset. Ceterum animorum provincie prudens, simulque doctus per aliena experimenta parum profici armis, si injuriæ sequerentur, causas bellorum statuit excindere, à se suisque orsus primam domum suam coercuit, quod plerisque haud minus arduum est, quam provinciam regere: nihil per liberos servosque publicæ rei, non studiis privatis, nec ex commendatione aut precibus Centurionum milites ascribere, sed optimum quæque fidelissimum putare: omnia scire, non omnia exsequi: parvis peccatis veniam, magnis severitatem commodare: nec poena semper, sed sæpius pœnitentia contentus esse: officii & administrationibus potius non peccaturos, quam damnare cum peccassent præficere. Frumenti & tributorum auctionem æqualitate munerum mollire, circumcisæ quæ in questum reperta, ipso tributo gravius tolerabantur. Namque per ludibrium asidere clausis horreis, & emere ultro frumenta, ac vendere pretio cogebantur. Divortia itinerum & longinquitas regionum indicebatur, ut civitates à proximis hibernis in remota & avia deferrent, donec quod omnibus in promptu erat, paucis lucrosus fieret. Hæc primo statim anno comprimendo egregiam famam paci circundedit, quæ vel incuria vel tolerantia priorum haud minus quam bellum timebatur.

Hoc tempore obiit Vespasianus, quem ob has ducum victorias, & suam ipsius sub Claudio virtutem sic præfatur Valerius Flaccus,

Tuque ô pelagi qui major aperti
Fama, Caledonius postquam tua carbasa vexit
Oceanus, Phrygius prius indignatus Iulos.

Cum vero Titus ille Orbis amor patri succederet, Agricola ubi ætas advenit contracto exercitu, militum in agmine laudare modestiam, disiectos coercere: loca castris ipse capere, æstuaria ac silvas ipse prætentare: & nihil interim apud hostes quietum pati, quo minus subitis excursibus popularetur: atque ubi satis terruerat, parcendo rursus irritamenta pacis ostentare. Quibus rebus multæ civitates quæ in illum diem ex æquo egerant, datis obsidibus iram posuere, & præfidiis castellisque circumdatæ, tanta ratione curaque ut nulla ante Britannia nova pars illa cessata transierit.

Sequens hiems saluberrimis consiliis absumpta. Namque ut homines dispersi ac rudes, eoque bello faciles, quieti & otio per voluptates assuescerent, hortari privatim, adju-

Mona insula.

Carthimandua.

Vespasianus Imp.
Iulius Agricola
Leg. xx
Legion.

Petilius Cerialis
Prætor.

Iulius Frontinus
Prætor.

Iulius Agricola
Prætor.

Titus Imp.

vare

vane publice, ut templa, fora, domus exstruerent, laudando promptos, & castigando segnes. Ita honoris emulatio, pro necessitate erat. Iam vero principum filios liberalibus artibus erudire, & ingenia Britannorum studiis Gallorum anteferre, ut qui modo linguam Romanam abnuebant, eloquentiam concupiscerent. inde etiam habitus nostri honor, & frequens toga. paulatimque discessum ad delinimenta-vitiorum, porticus, & balnea, & conviviorum elegantiam. idque apud imperitos humanitas vocabatur, cum pars servitutis esset.

Taus a-
stuarium.

Tertius expeditionum annus novas gentes aperuit, vastatis usque ad Taus, astuario nomen est, nationibus. qua formidine territi hostes quanquam conflictatum sedis tempestatibus exercitum, laceessere non ausi. ponendisque insuper castellis spatium fuit. Adnotabant periti, non alium ducem opportunitates locorum sapientius legisse, nullum ab Agricola positum castellum aut vi hostium expugnatum, aut pactione ac fuga desertum. crebra eruptiones. nam adversus moras obsidionis annuis copiis firmabantur. ita intrepida ibi hiems, & sibi quisque presidio, irritis hostibus, eoque desperantibus, quia soliti plerumque damna aestatis bibernis eventibus pensare, tum aestate atque hieme juxta pellebantur. Nec Agricola unquam per alios gesta avidus interceptit, seu centurio, seu praefectus, incorruptum facti testem habebat. Apud quosdam acerbior in conviciis narrabatur, ut bonis comis, ita adversus malos injucundus. ceterum ex iracundia nihil supererat. secretum & silentium ejus non timeres. honestius putabat offendere, quam odisse.

Hibernia.

Quarta aestas obtinendis qua percurrerat insumpta, ac si virtus exercituum & Romani nominis gloria pateretur, inventus in ipsa Britannia terminus. Nam Glota & Bodotria diversi maris aestus per immensum repecti, angusto terrarum spatio dirimuntur, quod tum praesidiis firmabatur: atque omnis propior sinus tenebatur, summotis velut in aliam insulam hostibus. Quinto expeditionum anno nave prima transgressus ignotas ad id tempus gentes crebris simul ac prosperis praeliis domuit: eamque partem Britanniae qua Hiberniam aspicit, copiis instruxit, in spem magis quam ob formidinem. siquidem Hibernia medio inter Britanniam atque Hispaniam sita, & Gallico quoque mari opportuna, valentissimam imperii partem magnis invicem u-
sibus miscuerit. Spatium ejus si Britannia compararetur angustius, nostri maris insulas superat. Solum, calumque & ingenia, cultusque hominum haud multum a Britannia differunt. Melius aditus portusque per commercia & negotiatores cogniti. Agricola expulsam seditione domestica unum ex regulis gentis exceperat, ac specie amicitiae in occasionem retinebat. saepe ex eo audi vi, legione una & modicis auxiliis debellari, obtinerique Hiberniam posse. Idque etiam adversus Britanniam profuturum, si Romana ubique arma, & velut è conspectu libertas tolleretur.

* amplas
cruitates.

Sub hoc tempus moritur Titus, qui ob has res fortiter ab Agricola gestas Imperator xv appellatus, quod Xiphilinus scribit & nummus antiquus contestatur. Sub Domitiano Agricola aestate qua sextum officii annum inchoabat, * ampla civitate trans Bodotriam sita, quia motus universarum ultra gentium, & infesta hostili exercitu itinera timebantur, portus classe exploravit: qua ab Agricola primum assumpta in partem virium, sequebatur egregia specie, cum simul terra simul mari bellum impelleretur: ac saepe iisdem castris pedes e-
quesque & nauticus miles mixti copiis & letitia sua quisque facta, suos casus attollerent: ac modo sylvarum & montium profunda, modo tempestatum ac fluctuum ad-
versa, hinc terra & hostis, hinc auctus Oceanus militari Britannia.

jactantia compararentur. Britannos quoque ut ex captivis audiebatur, visa classis obstupesciebat, tanquam aperto maris sui secreto ultimum victis perfugium claude-
retur. Ad manus & arma conversi Caledoniam incolentes populi paratu magno, majore fama, uti mos est de ignotis, oppugnasse ultro * castella adorti, metum ut provocantes addiderant: regrediendumque citra Bodotriam, & excedendum potius quam pellerentur, specie prudentium ignavi admonebant; cum interim cognoscit, hostes pluribus agminibus irrupturos. Ac ne superante numero, & peritia locorum circumirentur, diviso & ipse in tres partes exercitu incescit. Quod ubi cognitum hosti, mutato repente consilio universi nonam legionem ut maxime invalidam, nocte ag-
gressi inter somnum ac trepidationem caesis vigilibus irru-
pere. Iamque in ipsis castris pugnabant, cum Agricola iter hostium ab exploratoribus edoctus, & vestigiis insecutus, velocissimos equitum peditumque assultare tergis pugnan-
tium jubet, mox ab universis adjici clamorem & propinqua luce fulgere signa. Ita ancipiti malo territi Britanni: & Romanis redit animus, ac securi pro salute, de gloria certabant. Ultro quinetiā irrupere. Et fuit atrox in ipsis portarum angustius praelium, donec pulsi hostes, utroque exercitu certante, his ut tulisse opem, illis ne eguisse auxilio viderentur. Quod nisi paludes & sylva fugientes texis-
sent, debellatum illa victoria foret. Cujus constantia ac fama ferox exercitus: nihil virtuti suae indium, penetrandum Caledoniam, inveniendumque tandem Britannia ter-
minum continuo praeliorum cursu fremebant: atque illi modo cauti ac sapientes, prompti post eventum ac magniloqui erant. Iniquissima haec bellorum conditio est: prospera omnes sibi vindicant, adversa uni imputantur. At Britanni non virtute sed occasione & arte ducis * rati, nihil ex arrogantia remittere, quo minus juventutem arma-
rent, conjuges ac liberos in loca tuta transferrent, caetibus ac sacrificiis conspirationem civitatum sancirent. Atque ita irritatis utrinque animis discessum.

Eadem aestate cohors Vespiorum per Germanias conscripta, in Britanniam transmissa, magnum ac memora-
bile facinus ausa est. Occiso Centurione ac militibus, qui ad tradendam disciplinam immixti manipulis exemplum & rectores habebantur, tres liburnicas adaectis per vim gubernatoribus ascendere: & uno remigante, suspectis duobus eoque interfectis, nondum vulgato rumore ut mi-
raculum provehebantur: mox hac atque illa rapti, & cum plerisque Britannorum sua defensantium praelio congressi, ac saepe victores, aliquando pulsi, eo ad extremum inopia
venere, ut infirmis suorum, mox sorte ductos vesce-
rentur. Atque ita circumvecti Britanniam, amissis per in-
scitiam regendi navibus, pro praedonibus habiti, primum a Suevis, mox a Frisii intercepti sunt. Ac fuere quos per commercia venundatos, & in nostram usque ripam, muta-
tione ementium adductos, indicium tanti casus illustravit.

Britannia
circumna-
vigata.

Initio aestatis Agricola domestico vulnere ictus, anno ante natum filium amisit. Quem casum neque ut plerique fortium virorum ambitiose, neque per lamenta rursus ac merorem muliebriter tulit. Et in luctu bellum inter reme-
dia erat. Igitur praemissa classe quae pluribus locis praedata, magnum & incertum terrorem faceret, expedito exercitu cui ex Britannis fortissimos & longa pace exploratos addi-
derat, ad montem Grampium pervenit, quem jam hostes infederant. Nam Britanni nihil fracti pugnae prioris eventu, & ultionem aut servitium expectantes, tandemque docti
commune periculum concordia propulsandum, legationibus & foederibus omnium civitatum vires exceverant. Iamque super triginta millia armatorum aspiciebantur, & adhuc affluebat omnis juvenus, & quibus cruda ac viridis sene-
ctus,

H

Galgacus.

Etus, clari bello, ac sua quisque decora gestantes, cum inter plures duces virtute & genere præstans nomine Galgacus, apud contractam multitudinem prælium poscentem, in hunc modum locutus fertur.

Quotiens causas belli & necessitatem nostram intueor, magnus mihi animus est, hodiernum diem, consensumque vestrum, initium libertatis totius Britanniae fore. Nam & universi servitutis expertes: & nulla ultra terræ, ac ne mare quidem securum imminente nobis classe Romana.

Ita prælium atque arma quæ fortibus honesta, eadem etiam ignavis tutissima sunt. Priores pugne quibus adversus Romanos varia fortuna certatum est, spem ac subsidium in nostris manibus habebant: quia nobilissimi totius Britanniae, eoque in ipsis penetralibus siti, nec servientium litora aspicientes, oculos quoque à contactu dominationis inviolatos habebamus. Nos terrarum ac libertatis extremos, recessus ipse ac sinus fame in hunc diem defendit. Nunc terminus Britanniae patet. Atque omne ignotum pro magnifico est. Sed nulla jam ultra gens, nihil nisi fluctus & saxa; & * interiores Romani. Quorum superbiam frustra per obsequium & modestiam effugeris, raptores orbis, postquam cuncta vastantibus defuere terræ, & mare scrutantur: si locuples hostis est, avari: si pauper, ambitiosi, quos non Oriens, non Occidens, satiaverit: soli omnium opes atque inopiam pari affectu concupiscunt: auferre, trucidare, rapere falsis nominibus imperium: atque ubi solitudinem faciunt, pacem appellant. Liberos cuique ac propinquos suos natura carissimos esse voluit; hi per dilectus alibi servituri auferuntur. Conjuges sororesque & si hostilem libidinem effugiant, nomine amicorum atque hospitum polluuntur. Bona fortunaque in tributum egerunt, in annonam frumentum; corpora ipsa ac manus, filvis ac paludibus emuniendis verbera inter ac contumelias conterrunt. Nata servituti mancipia semel veneunt atque ultro à dominis aluntur. Britannia servitutem suam cotidie emit, cotidie pascit. At sicut in familia recentissimus quisque servorum & conservis ludibrio est; sic in hoc orbis terrarum vetere famulatu, novi nos & viles in excidium petimur.

Neque enim arva nobis, aut metalla, aut portus sunt, quibus exercendis reservemur. Virtus porro ac ferocia subsectorum ingrata imperantibus. Et longinquitas ac secretum ipsum, quo tutius, eo suspectius. Ita sublata spe venia, tandem sumite animum, tam quibus salus, quam quibus gloria carissima est. Trinobantes, fœmina duce, excurrere coloniam; expugnare castra; ac nisi felicitas in socordiam vertisset, exuere jugum potuere; nos integri & indomiti & libertatem non in presentia laturos, primo statim congressu * unde ostendamus quos sibi Caledonia viros seposuerit. An eandem Romanis in bello virtutem, quam in pace lasciviam adesse creditis? Nostris illi discessionibus ac discordiis clari, vitia hostium in gloriam exercitus sui vertunt: quem contractum ex diversissimis gentibus ut secundæ res tenent, ita adversæ dissolvent: nisi si Gallos, & Germanos, & pudet dictu, Britannorum plerosque dominationi alienæ sanguinem commodantes, diutius tamen hostes quam servos, fide & affectu teneri putatis: metus & terror est, infirma vincula caritatis: quæ ubi removearis, qui timere deserint odisse incipient. Omnia victoriæ incitamenta pro nobis sunt: nullæ Romanos conjuges accendunt: nulli parentes fugam exprobraturi sunt: aut nulla plerisque patria, aut alia est. Paucos numero circum trepidos ignorantia, cælum ipsum ac mare & sylvas ignota omnia circumspicientes, clausos quodammodo ac victos diu nobis tradiderunt. Ne terreat vanus aspectus, & auri fulgor atque argenti, quod neque tegit neque vulnerat. In ipsa hostium acie inveniemus nostras manus. Ag-

noscent Britanni suam causam. Recordabuntur Galli priorem libertatem, deserent illos ceteri Germani, tanquam nuper Vespasii reliquerunt. Nec quicquam ultra formidinis, vacua castella senum * coloniae; inter male parentes & injuste * colonia. imperantes ægra municipia & discordantia. Hic dux, hic exercitus. Ibi tributa & metalla & ceteræ servientium pæne, quas in æternum proferre, aut statim ulcisci, in hoc campo est. Proinde ituri in aciem & majoreis vestros & posteros cogitate.

Excepere orationem alacres, & barbari moris cantu & fremitu clamoribusque dissonis. Iamque agmina, & armorum fulgores audentissimi cujusque procursum, simul instruebantur acies, cum Agricola quanquam letum & vix monitis coercitum militem * adhuc ratus, ita disseruit.

Octavus annus est, commilitones, ex quo virtute & auspiciis imperii Rom. fide atque opera vestra Britanniam viciatis, tot expeditionibus, tot præliis seu fortitudine adversus hostes, seu patientia ac labore pene adversus ipsam rerum naturam opus fuit. Neque me militum, neque vos ducis pœnituit. Ergo egressi, ego veterum legatorum, vos priorum exercituum terminos, finem Britanniae non fama nec rumore, sed castris & armis tenemus. Inventa Britannia & subacta. Equidem in agmine cum vos paludes montesque & flumina fatigarent, fortissimi cujusque vocem audiebam, quando dabitur hostis, quando acies? Veniunt à latebris suis extrusi: & vota virtusque in aperto, omniaque prona victoribus, atque eadem victis adversa. Nam ut superasse tantum itineris, sylvas evasisse, transisse æstuarium, pulchrum ac decorum in frontem; ita fugientibus periculosissima quæ hodie prosperrima sunt. Neque enim nobis aut locorum eadem notitia, aut commeatuum eadem abundantia: sed manus, & arma, & in his omnia. Quod ad me attinet, jam pridem mihi decretum est, neque exercitus neque ducis terga tuta esse; Proinde & honesta mors turpi vita potior, & incolumitas, ac decus eodem loco sita sunt. Nec inglorium fuerit, in ipso terrarum ac naturæ fine cecidisse. Si novæ gentes atque ignota acies constitisset, aliorum exercituum exemplis vos hortarer: nunc vestra decora recensete, vestros oculos interrogate. Ii sunt quos proximo anno unam legionem furto noctis aggressos, clamore debellastis: ii ceterorum Britannorum fugacissimi, ideoque tandem superstites. Quomodo silvas saltusque penetrantibus fortissimum quodque animal robore, pavida & inertia ipso agminis sono pelluntur; sic acerrimi Britannorum jam pridem ceciderunt; reliquus est numerus ignavorum & metuentium. Quos quod tandem invenistis, non restiterunt, sed depreheni sunt novissimi, & extremo metu corpora defixere in his vestigiis, in quibus pulchram & spectabilem victoriam ederetis. Transfigite cum expeditionibus, imponite quinquaginta annis magnum diem; approbate Reip. nunquam exercitui imputari potuisse aut moras belli, aut causas debellandi.

Et alloquente adhuc Agricola militum ardor eminebat, & finem orationis ingens alacritas consecuta est, statimque ad arma discursum; instinctos ruentesque ita disposuit, ut peditum auxilia quæ octo millia erant, mediam aciem firmarent; equitum tria millia, cornibus affunderentur. Legiones pro vallo steterunt, ingens victoriæ decus citra Romanum sanguinem bellanti, & auxilium si pellerentur. Britannorum acies in speciem simul ac terrorem editioribus locis constiterant. Ita ut primum agmen equo, ceteri per acclive jugum connexi velut insurgerent; media campi covinarius & eques strepitu ac discursu complebat. Tum Agricola superante hostium multitudine veritus, ne simul in frontem, simul & latera suorum pugnaretur, diductis ordinibus, quanquam porrectior acies futura erat, & arces-

sendas

* infestiores
vel inter ea.Trinoban-
tes.

* abunde.

sendas plerique legiones admonebant, promptior in spem, & firmus adversis, dimisso equo pedes ante vexilla constitit.

Ac primo congressu eminus certabatur. simul constantia, simul arte Britanni ingentibus gladiis & brevibus cetris missilia nostrorum vitare, vel excutere, atque ipsi magnam vim telorum superfundere: donec Agricola tres Batavorum cohortes ac Tungrorum duas cohortatus est, ut rem ad mucrones ac manus adducerent. Quod & ipsis ventustate militie exercitatum, & hostibus inhabile parva scuta & enormes gladios gerentibus. nam Britannorum gladii sine mucrone complexum armorum, & in aperto pugnam non tolerabant. Igitur ut Batavi miscere ictus, ferrere umbonibus, ora fœdare, & tractis qui in equo obstiterant, erigere in colles aciem cœpere, ceteræ cohortes emulatione & impetu commissa proximos quosque cadere: ac plerique semineces aut integri festinatione victoriae relinquebantur. Interim equitum turma fugere, covinari peditum se prælio miscere: & quanquam recentem terrorem intulerant, densis tamen hostium agminibus & inæqualibus locis hærebant: minimeque equestris ea pugnae facies erat, cum in gradu stantes simul equorum corporibus impellerentur. ac sæpe vagi currus, exterriti sine rectoribus equi, ut quemque formido tulerat, transversos, aut obvios incurfabant. Et Britanni qui adhuc pugnae expertes summa collum infederant, & paucitatem nostrorum vacui spernebant, digredi paulatim & circumire terga vincientium cœperant: ni id ipsum veritus Agricola quatuor equitum alas ad subita belli retentas, venientibus opposuisset; quantoque ferocius accurrerant, tanto acrius pulsos in fugam disjecisset. Ita consilium Britannorum in ipsos versum, transpectaque præcepto ducis à fronte pugnantium ale, aversam hostium aciem invasere. Tum vero patentibus locis grande & atrox spectaculum: sequi, vulnerare, capere, atque eosdem oblati aliis trucidare. Iam hostium, prout cuique ingenium erat, caterve armatorum paucioribus terga præstare, quidam inermes ultro ruere, ac se morti offerre. Passim arma, & corpora, & laceri artus, & cruenta humus. & aliquando etiam victis ira virtusque: postquam silvis appropinquarunt, collecti, primos sequentium incautos & locorum ignaros circumveniebant. Quod ni frequens ubique Agricola validas & expeditas cohortes indaginis modo, & sicubi artiora erant, partem equitum dimissis equis, simul rariores silvas equitem perfructare iussisset, acceptum aliquod vulnus per nimiam fiduciam foret. Ceterum ubi compositos firmis ordinibus sequi rursus videre, in fugam versi, non agminibus ut prius vel alius alium respectantes, rari, & vitabundi invicem, longinqua atque avia petiere. finis sequendi nox & satietas fuit. caesa hostium ad decem millia. nostrorum trecenti quadraginta cecidere, in quibus Aulus Atticus præfectus cohortis juvenili ardore & ferocia equi hostibus illatus. Et nox quidem gaudio prædaque lata victoribus: Britanni palantes mixtoque virorum mulierumque ploratu, trahere vulneratos, vocare integros, deferere domos, ac per iram ultro incendere: eligere latebras, & statim relinquere: miscere invicem consilia aliqua, dein sperare: aliquando frangi aspectu pignorum suorum, sæpius concitari. satisque constabat sævisse quosdam in conjuges ac liberos, tanquam misererentur. Proximus dies faciem victoriae latius aperuit. vastum ubique silentium, secreti colles, fumantia procul tecta, nemo exploratoribus obvis. quibus in omnem partem dimissis, ubi incerta fugæ vestigia, neque usquam conglobari hostes compertum, & exacta jam æstate spargi bellum nequibat, in fines Horestorum exercitum deducit. Ibi acceptis obsidibus, præfecto classis circumvehi Britanniam præcepit. data ad id vires, & præcesse-

rat terror. Ipse peditem atque equites lento itinere, quod novarum gentium animi ipsa transitus mora terrentur, in hibernis locavit. Et simul classis secunda tempestate ac fama Trutulensem portum tenuit, unde proximo latere Britannia lecto omni redierat. ac oram novissimi maris tunc primum circumvecta insulam esse Britanniam affirmavit, ac simul nomine tantum cognitæ ad id tempus insulas Orcadas invenit & domuit. Quod falso Claudio adscribit Orosius & qui illum secuti.

Hunc rerum cursum, quanquam nulla verborum instantia, epistolis Agricole actum, ut Domitiano moris erat, fronte letus, pectore anxius excepit. Inerat conscientia, derisui fuisse nuper falsum è Germania triumphum, emtis per commercia, quorum habitus & crines in captivorum speciem formarentur: at nunc veram magnamque victoriam, tot millibus hostium caesis, ingenti fama celebrari. Id sibi maxime formidolosum, privati hominis nomen supra principis attolli: frustra studia fori & civilium artium decus in silentium acta, si militarem gloriam alius occuparet: & cetera utcumque facilius dissimulari, ducis boni imperatoriam virtutem esse. Talibus curis exercitus, quodque sævæ cogitationis indicium erat, secreto suo satiatum, optimum in præsentia statuit reponere odium, donec impetus fame & favor exercitus languesceret. nam etiam tum Agricola Britanniam obtinebat. Igitur triumphalia ornamenta, & illustris statue honorum, & quidquid pro triumpho datur, multo verborum honore cumulata, decerni in senatu jubet: addique insuper opinionem, Syriam provinciam Agricole destinari, vacuum tum morte Atilii Rufi consularis, & majoribus reservatam. Credidere plerique libertum ex secretioribus ministeriis missum ad Agricolam, codicillos quibus ei Syria dabatur tulisse, cum præcepto, ut si in Britannia foret, traderentur: eumque libertum in ipso freto Oceani obvium Agricole, ne appellato quidem eo ad Domitianum remeasse; si verum istud, si ex ingenio principis fictum ac compositum est. Tradiderat interim Agricola successori suo provinciam quietam tutamque. Ac ne notabilis celebritate & frequentia occurrentium introitus esset, vitato amicorum officio, noctu in urbem, noctu in palatium, ita ut præceptum erat, venit: exceptusque brevi osculo & nullo sermone, turbæ servientium immixtus est.

Agricola successorem habuit, ut aliis placet, Cn. Trebellium, ut mihi videtur, Salustium Lucullum, quem Domitianus statim quod lanceas nova forma Luculleas appellari passus sit, occidit. Qua etiam tempestate Arviragus in hac insula floruit, non Claudii tempore, ut fabulatur Galfridus Monumethensis. De Domitiano enim Iuvenalis ille versus intelligendus:

Omen habes, inquit, magni, clarique triumphi,
Regem aliquem capies, aut de temone Britanno
Excidit * Arviragus.

Floruit etiam Romæ Claudia Rufina foemina Britanna, eruditissima juxta ac formosissima, quam Martialis his versibus laudat:

Claudia ceruleis cum sit Rufina Britannis
Edita, cur Latine pectora plebis habet?
Quale decus formæ? Romanam credere matres
Italides possunt, Arthides esse suam.

Hanc illam fuisse cujus meminit Divus Paulus in posteriori ad Timotheum epistola produnt I. Balæus, & Matth. Parkerus Archiepiscopus Cantuariensis, nec omnino refragatur temporis ratio, quamvis alii contra sentiunt.

Ita imperante Domitiano, ulteriori illa parte,

H 2 ut

Britanniam insulam esse certo affirmant.
Orcades insulae.
Rampen sem legu B.
Rhamnus.
* Litorale.

Salustius Lucullus Legatus Britannia.
Arviragus Britannus.

* Artila.
discitur
Scholias
antiquo Iu-
venalis.
Rufina
Britanna.

*Britannia
Provincia.
Britannia
Præsidialis
provincia.*

*Quæ legio-
nes in Bri-
tanni.
Dio. 55.*

*Vrbium o-
rigo.*

*Romanum
jugum.*

*Rowardus
in Protri-
bunalibus.*

ut aspera & infrugifera, Barbaris relicta, hæc ci-
terior plane & plene in provinciam fuit reda-
cta. Quæ nec *Consularis* nec *Proconsularis*, sed *Præ-*
sidialis, & Cæsarum censebatur. Vtpote quæ Ro-
mano imperio post divisionem Provinciarum ab
Augusto factam, accessit, & suos Proprætores
habuit. Postea cum novam Reipub. formam de-
scripsisset Constantinus Maximus, sub præfecto
Prætorio Galliarum, Vicarius præficiebatur, &
cum illo in rebus bellicis Comes Britanniarum,
Comes littoris Saxonici per Britanniam, & Dux
Britanniarum, præter Præsides, Rationales, &c.
Tribus etiam legionibus è *xxix*, quas Roma-
ni per imperium constituerant, coerceretur:
Legione Secunda Augusta, Legione Sexta Vi-
ctrice, & Vicefima Victrice. Sed hoc de Severi
tempore capiendum, antea enim & alias, & plu-
res fuisse ex authoribus discimus. Quamvis enim
scribat Strabo ad Britanniam continendam non
plus uno ordine militum opus fuisse: sub Clau-
dio tamen locatæ hic fuerunt Legio *ii* Augusta,
Legio *ix* Hispaniensis, & Legio *xiiii* Gemina
Martia Victrix, imo sub ipsa Vespasiani tempora,
quatuor Legiones in hac insula militasse docet
Iosephus: *Britannia*, inquit, *circundatur Oceano, &*
pene non minor quam noster orbis est, habitantes Romani
rederunt in ditionem suam, quatuorque legiones tantæ
multitudinis insulam tumentur. Et proculdubio statio-
nes, & prætenturæ Legionum & Romanorum
militum fuerunt sæpenumero quasi genituræ ur-
bium & oppidorum cum in aliis provinciis, tum
in hac nostra Britannia. Sic Britannis jugum im-
positum primum præsidio militum qui semper
cum terrore impenderant incolis, inde tributo
& vestigali, eoque nomine Publicanos habere
cogebantur, id est, Harpyiæ & hirudines qui
eorum sanguinem exugerunt, bona publicarunt,
& mortuorum nomine tributa exegerunt: nec
legibus suis patriis uti permitti sunt, sed magi-
stratus à populo Romano, cum imperio & secu-
ribus missi, qui jus dicerent. Habebant enim
provinciæ Proprætores, Legatos, Præsides, Præ-
tores, & Proconsules, singulæ etiam civitates ha-
bebant municipales magistratus. prætor conven-
tum singulis annis indicebat, & majores lites di-
rimebat: excelso in suggestu superba jura redde-
bat stipatus lictoribus, virgæ populi tergo, secures
cervicibus intentabantur, & quotannis alium at-
que alium dominum fortiri cogebantur. Nec hoc
fatis, discordias inter eos alebant, & quosdam in-
dulgentius fovebant, ut ipsos suæ servitutis in-
strumenta haberent.

Hoc Romanorum jugum quamvis grave, ta-
men salutare fuit. Salutare enim *IESV CHRISTI*
lumen Britannis una affulsit, de quo postea, &
clarissime illius imperii lux barbariem à Britan-
norum perinde ac reliquorum quos devicerat,
animis fugavit. *ROMA*, enim, ut inquit Rutilius,

— *legiferis mundum complexa triumphis*

Fœdere communi vivere cuncta facit.

Et alibi ad eandem Romam elegantissime &
verissime:

Fecisti patriam diversis gentibus unam.

Profuit injustis te dominante capi.

Dumque offers victis proprii consortia juris;

Vrbem fecisti quod prius orbis erat.

Vt reliquas enim provincias taceam, Romani
traductis huc coloniis & convocatis in civilis vi-
tæ societatem indigenis, artes liberales edocen-
do & ad jura Romanorum ediscenda in Galliam
mittendo, (unde Iuvenalis, *Gallia caufidicos docuit*
facunda Britannos,) ita legibus temperarunt, &
moribus excoluerunt, ut victu, cultuque cæteris
provinciis non concederet: ita ædificiis & mag-
nificis operibus instruxerunt, ut eorum reliquiæ
& rudera maximam jam intuentibus admiratio-
nem commoveant, & vulgus nostrum opera Ro-
manorum, Gigantum fuisse dicant, quos sua
lingua in Septentrionali plaga *Eatons*, pro *Heat-*
bens quasi *Ethnicos* (ni fallor) vocitant. Summæ
certe sunt admirationis & magnificentiæ, in pri-
mis vero *Murus Picticus*, de quo suo loco, & viæ
illæ admirando opere per omnem regionem,
alicubi deficcatis paludibus, alibi aggeratis val-
libus munitæ & constratæ, ea latitudine, ut oc-
currentia sibi invicem vehicula libere excipe-
rent. Cujusmodi hæ fuerint, te doceat Galenus:
Vias Trajanus refecit, quæ quidem earum humide ac lu-
toſæ erant partes lapidibus sternens, aut editis egestionibus
exaltans; quæ senticosæ & asperæ erant, eas expurgans,
ac flumina quæ transiri non poterant pontibus jungens;
ubi longior quam opus viâ videbatur aliam breviorẽ
excindens: sicubi vero propter arduum collem difficilis
erat per mitiora loca deflebens: jam si obfessa feris, vel
deserta erat, ab illa transferens, ac per habitata ducens, tum
aspera complanans. Verum hæ nostræ nunc alicubi
interfictæ, rusticis inde glaream effodientibus,
vix apparent, alibi per avia & pascua ducentes
alto aggere sunt conspicuæ.

His illi *Vias Consulares, Regias, Prætorias, Militares,*
Publicas, Cursus publicos, & Actus vocarunt, ut vide-
re est apud *Vlpianum*, & *Iulium Frontinum*.
Ammianus Marcellinus Aggeres itinerarios & publi-
cos, Sidonius Apollinaris, Aggeres, Tellures inaggera-
tas, Beda & recentiores Stratus dixerunt. Histo-
rici nostri, in hoc proculdubio falsi, quatuor
tantum hujusmodi vias fuisse volunt, quarum
prima *Watlingstreat* à *Vitelliano* nescio quo qui
illas curavit. (*Vitellianum Guetalin* sua lingua no-
minarunt Britanni:) & *Wenlamstreat*, quod per
Verolanium duxerit, quæ etiam alibi *High dike*,
Highridge, *Fortie foote way*, & *Ridge way* ab accolis
nominatur. Alteram *Ikenildstreat*, quod ab *Icenis*
initium habuerit, tertiam *Fossa*, quod fossa, ut
putant, utrinque munita fuerit, & quartam *Er-*
minstreat Germanico vocabulo appellant, à
Mercurio (ut author est mihi vir eruditissimus *I.*
Obfopæus) quem sub nomen *Irmunful*, id est *Mer-*
curii columna, Germani majores nostri coluerunt.
Illum autem viis præfuisse *Evidet* nomen apud
Græcos satis innuat, ejusque statux quadratæ,
Hermæ dictæ olim, ubique per vias dispositæ
fuerunt. Creditum est *Mulmutium*, nescio quem,
multis ante Christum natum sæculis, has fecisse;
sed tantum abest, ut ego fidem adhibeam, ut
confidenter dixerim Romanos paulatim sub-
struxisse. *Dum Britannia præfset Agricola*, inquit *Ta-*
citus, Divortia itinerum, & longinquitas regionum in-
dicebatur, ut civitates à proximis hibernis, in remota &
avia deferrent, & conquesti sunt Britanni, ut habet idem,
quod Romani ipsorum corpora & manus sylvis ac paludi-
bus emuniendis verbera inter & contumelias contriverint.

*Romano-
rum in Bri-
tannia ope-
ra.*

*Vallum si-
ve Murus
Picticus.
Viæ mili-
tæres Ro-
manorum.*

*Galenus
lib. 9.
cap. 8
Methodi.*

In

In Schidis etiam antiquis legimus: Diebus Honorii & Arcadii facti sunt in Britannia aliqui calles à mari ad mare. Romanorumque opus fuisse docet ipse Beda. Habitabant, inquit, Romani intra vallum (quod Severum trans insulam fecisse commemoravimus) ad plagam meridianam, quod civitates, fana, pontes, & strata ibidem facta usque hodie testantur. Hujusmodi viis fruendis Romani soliti sunt milites, & multitudinem exercere, ne otiosi novis rebus studerent. Stratas, scribit Isidorus, Romani per omnem pene orbem disposuerunt, propter rectitudinem itinerum, & ne plebs esset otiosa, & ad hujusmodi viarum munitiones rei saepe damnati fuerunt, ut ex Suetonio in Cajo colligere licet. Videnturque in Hispania via Salamantica, five Argentea, & in Gallia via quædam militares à Rom. constrata, ut taceam viam Appiam, Pompejam, Valeriam & alias in Italia.

Per has Augustus primo juvenes modicis intervallis, postea vehicula disposuit, ut celerius, ac sub manum annuntiaretur quid ubique gereretur. Ad has locatae fuerunt Civitates, item Mansiones, quæ manendi & quiescendi causa hospitia necessariis ad vitæ usum instructa habuerunt, & Mutationes. Sic enim vocavit illa ætas, ubi veredos, jumenta, aut vehicula mutarunt peregrinantes. Qui ad has igitur vias loca in Antonini Itinerario memorata non quærit, à vero & à via proculdubio aberrabit.

Nec pigeat hic notare, ad unum quodque miliare per has vias columellas ab Imperatoribus fuisse erectas cum notis numerorum incisis ad milliaria denotanda. unde Sidonius Apollinaris,

Antiquus tibi nec teratur agger,
Cujus per spatium satis vetustis,
Nomen Casareum viret columnis.

Iuxta has etiam sepulcra utrinque posita & clarorum virorum memoriæ inscripta, ut prætereuntes admonerentur & se esse, & illos fuisse mortales. Ad harum etiam reparationem leges (ut videre est in Codice Theodosiano De itinere muniendo) certatim studia cunctorum festinare conducibili devotione voluerunt. Et custodes aggerum publicorum constituti fuerunt. In legibus etiam nostris antiquis de pace quatuor Cheminorum, id est, viarum sub majori indicio mentio habetur.

Sub Nerva, Britannia mentionem intermiserunt scriptores. Sub Trajano, defecisse videantur Britanni, & subactos fuisse ex Spartiano constat. Imperante autem Adriano, Iulius Severus Insula præerat, qui cum contra Iudæos tunc tumultuantes evocatus esset, Britanni sub Romana ditione teneri non poterant, nisi ipse Adrianus adiisset, qui cum tertium Consul esset anno Christi 124, virtute exercitus hostes fudisse videtur. Vidimus enim in nummo ejus Imperatorum cum tribus militibus quos tres Britannia Legiones repræsentare judico cum inscriptione EXER. BRITANNICVS, & alium inscriptum RESTITVTOR BRITANNIÆ. Hic per insulam multa correxit, murumque per LXXX passus primus inter Barbaros Romanosque duxit. Stripitibus magnis in modum muralis sepiis funditus jactis atque connexis. Ob quam expeditionem Florus Poëta in illum sic ludit:

Ego nolo Casar esse,
Ambulare per Britannos,
Britannia.

Scythicas pati pruinas.

Cui Adrianus rescripsit

Ego nolo Florus esse,
Ambulare per tabernas,
Latitare per popinas,
Culices pati rotundos.

Hoc tempore M. F. CL. PRISCVS LICINIVS Cl. Priscus Licinius Proprator fuit Britannia, qui fuit in expeditione Iudaica cum Hadriano, ut apparet ex hac Inscriptione antiqua in mutilo marmore.

M. F. CL. PRISCO.

ICINIO. ITALICO. LEGATO. AVGVSTORVM
PR. PR. PROV. CAPPADOCIÆ
PR. PR. PROV. BRITANNIÆ LEG. AVG.

LEG. III. GALLICIÆ. PRÆF. COH. III.
LINGONVM. VEXILLO. MIL.
ORNATO. A. DIVO. HADRIANO IN EXPEDITIONE IYDAIC.

Q. CASSIVS. DOMITIVS. PALVMBVS.

Sub Antonio Pio (cujus constitutione qui in orbe erant Romano cives Romani fuerunt effecti) hoc bellum denuo exarsit, quod per Lollicum Urbicum legatum barbaris submotis, alioque muro cespitio ducto ita restinxit, ut BRITANNICVS diceretur, laudemque meruit singularem quod Brigantes qui Genouñiam provinciam vicinam sub fide Romanorum infestassent, agri parte multaverat. Et hoc tempore ut ex Iableno colligimus, Sejus Saturnius Archigubernus erat ex classe Britannica. An vero fuerit classis Præfectus, vel primarius gubernator, aut Narcha dixerint Iuris-periti.

Britanni bellum ex bello ferentes; res sub Antonino Philosopho movere cœperunt. ad quas componendas missus est Calphurnius Agricola, & felici exitu confecisse videtur: Quam Fronto Romana eloquentia non secundum, sed alterum decus, belli hujus confecti laudem Antonino principi dederit. quamvis ille in ipso Urbis palatio residens gerendi ejus mandasset auspiciam, attamen veluti longa navis gubernaculis præsentem totius velificationis & cursus gloriam meruisse restatus est. Militavitque tunc in Britannia Helvius Pertinax huc ex bello Parthico translatus & retentus.

Commodo imperante omnia bellorum, seditionumque per Britanniam plenissima erant, Barbari enim Britanni murum transgressi multa vastarunt, Romanum ducem, & milites obtruncarunt, ad quos reprimendos missus est Vlpus Marcellus, qui eorum audaciam adeo feliciter contudit, ut ejus virtutem jam invidia laceraret, & revocatus esset. Hic Dux omnium vigilantissimus: cumque vellet ceteros qui cum ipso erant vigilantes esse, duodecim tabulas, quales ex tiliis fieri solent, quotidie perscribebat vespere, mandabatque uni ex suis, ut alias aliis atque aliis horis perferret ad diversos milites, quo Imperatorem suum vigilare semper rati, ipsi minus dormirent. De cujus etiam temperantia hoc adjungitur, Et quanquam somno alioqui resisteret natura, tamen quo magis id facere posset, inedia perfecerat. Nam ut ne pane repleretur, eum Roma ad se jubeat exportari, ne paulo plus quam esset necesse, propter vetustatem comedere posset. Verum illo revocato, petulantia in castra irrupit, & laxata militari disciplina, Commodi imperium Britannici exercitus

Antonius
Pius. Imp.
Lollicus
Urbicus
Proprator.
Capitolinus
Pausanias
in Arcadi-
cis.
Digest.
lib. 36.
Archigub-
ernus.
Antoninus
Philoso-
phus Imp.
Calphurni-
us Agricola
Proprator.
Eumenius.
Capitolinus.

Commodus
Imp.

Vlpus
Marcellus
Proprator.
Xiphilinus
à Dione.

Lib. cap.
11.

Cap. 27.

Suetonius
in Oclavio.

Mansio.

Mutatio.

Varro Lib.
de Lingua
Latina.

Leges S.
Edwardi.

Nerva.
Trajanus.
Adrianus
Imp.
I. Severus
Proprator.

Spartia-
nus.

citius recusarunt, quamvis BRITANNICVS ab adulatoribus sit appellatus. Miserunt etiam qui in Britannia militabant, mille quingentos sui ordinis in Italiam contra Perennem, qui non solum speciem, sed etiam vim maximam in Principis amicitia habuit, accusantes illum militibus equestris loci viros præfecisse amotis senatoribus, simulque Imperatoris vitæ insidiatum esse. Credit Commodus, virumque illis tradidit, qui indigne cæsus verberibus, obruncatus, & hostis patriæ declaratus. Has tamen seditiones Helvius Pertinax compescuit, nec sine ingenti periculo, ipse pene occisus, certe inter occisos relictus.

Helvius
Pertinax
Proprator.

Clodius
Albinus
Proprator.
Capitolinus
Jun. Severus
Propr.
Religio
Christianæ
in Britan-
nia.

Pacatam jam Britanniam accepit à Commodus Clodius Albinus, Cæsareumque nomen postea ob res in Britannia præclare gestas: verum statim, quod Cæsarem imperium liberius concione exagitasset, Iunius Severus datus est successor.

Hoc tempore densa superstitionum caligine discussa (non sub M. Aurelio & L. Vero Imperatoribus, ut Beda scripsit, sed sub Commodus, cum Eleutherus Romæ federet) divinus Christianæ lucis fulgor huic insulæ Lucii Regis opera illuxit. Qui, ut in antiquis Martyrologiis in ecclesia legi solitis habetur, Christianorum integritatem & sanctitatem admiratus petiit ab Eleuthero P. P. per Eluanum & Meduanum Britannos, ut ipse & subditi Christiana religione imbuerentur. Statimque ille huc misit viros sanctos Fugatum & Donatianum cum literis quæ adhuc extant fide quam plurimis minime suspecta, datis L. Aurelio Commodus 11, & Vespronio Coss. qui Regem & alios Christianis mysteriis instituerunt. Vnde de hoc Rege Ninnius. *Lucius Rex agnomine Lever Maur, dicitur, id est, magni splendoris, propter fidem quæ in ejus tempore venit. Qui hæc de Lucio Rege in quæstionem vocant (ut hodie plures) quasi nullus tunc temporis Rex in Britannia, quam opinantur jam antea plene in provinciam cessisse, in memoriam revocent velim, Romanos in provinciis reges ut servitutis instrumenta veteri instituto habuisse, Britannos tunc temporis recusasse parere Commodus, ipsosque insulæ partes ultra murum libere tenuisse, ibidem suos reges habuisse, & ante paucos annos Antoninum Pium, confecto bello regna Regibus, provincias Comitibus suis regendas permisisse. Ut nihil prohibeat quin Lucius hac in parte qua Romana arma nunquam pertigerant, Rex esse potuisset. Illa certe Tertulliani, qui sub hoc tempus scripsit, ad hanc Britannorum ad Christum conversionem, apposite, si verba & tempus perpendamus, referantur. Britannorum inaccessa Romanis loca Christo sunt subdita. Et inferius: Britannia intra Oceani ambitum conclusa sunt, Maurorum gens & Getulorum barbaries à Rom. obsidentur, ne regionum suarum fines excedant. Quid de Romanis dicam, qui legionum suarum præfidiis imperium muniunt? nec trans ipsas gentes porrigere regni sui vires possunt. Christi autem regnum & nomen porrigitur, ubique creditur, ab omnibus gentibus supra memoratis colitur, &c.*

Capitolinus.

Adversus
Iudeos,
c. 7

Sed ante hæc tempora Britanniam in ipso primo Ecclesiæ diluculo Christianam religionem imbibisse, ex antiquæ fidei authoribus Ecclesiæ

stici nostri scriptores, qui ad hanc rem considerandam & tempus & diligentiam adhibuerunt, docere satagunt: scilicet Iosephum ab Arimathæa nobilem Decurionem è Gallia in Britanniam navigasse*, & Claudiam Rufinam Auli Pudentis uxorem, quam, ut creditur, D. Paulus in posteriori ad Timotheum memorat, & Martialis Poëta tantopere laudat, fuisse natione Britannam. Dorotheum, qui Episcopi Tyri nomine circumfertur, testem etiam producant, qui in sua Synopsi Simonem Zelotem Mauritania peragrata, in Britannia tandem occisum & sepultum: nec non Aristobulum, cujus meminit Paulus in Epistola ad Romanos, Britannia Episcopum factum fuisse prodidit: (cui Nicephorus ad stipulatur) cum tamen ille de* Britiana non de Britannia loquitur. Ex fide etiam Symeonis Metaphrastæ, & Græcorum Menologio referunt quod Petrus huc penetraverit, & divini verbi lumen diffuderit, necnon è Sophronio & Theodoretis, quod Paulus post secundam Romæ incarcerationem hanc nostram regionem adierit. Vnde de illo fide Poëtica, nisi de doctrina loquatur, Venantius Fortunatus,

Transit Oceanum, & quæ facit Insula portum;

Quasque Britannus habet terras, quasque ultima Thule.

Sed huc imprimis facit quod è Tertulliano modo protuli, quodque prodit Origines, Britannos in fidem consensisse, & ad Deum per Druidas viam sibi munivisse, qui unum esse Deum semper inculcarunt. Magnique sane apud me momenti est quod Gildas, cum de Boudicæ rebellionem innuisset, & de eadem vindicata egissent, Interea, inquit, glaciali frigore rigenti insula, & velut longiore terrarum secessu soli visibili non proxima verus ille non de firmamento Sol temporali, sed de summa etiam cælorum arce tempora cuncta excedente, universo orbi præfulgidum sui corpus ostendens tempore, (ut sciimus) summo Tiberii Cæsaris, radios primum indulget, id est, sua præcepta Christus. Chrysostomus item de Christiana in hac insula religione, ut obiter adnotem, Britannica Insula extra hoc mare sita, & quæ in ipso Oceano sunt, virtutem verbi senserunt (sunt enim etiam illic fundata ecclesiæ & erecta altaria) illius inquam verbi, quod & in omnium animabus, nunc omnium labiis plantatur. Idemque, Quoties in Britannia humanis vescatur carnibus? nunc jejuniis reficiunt animam. Beatus etiam Hieronymus, Divisus ab orbe nostro Britannus si in religione processerit, occiduo Sole demisso querit Hierosolymas, fama sibi tantum & relatione scripturarum notas. Sed jam ab Ecclesia ad Imperium.

Commodo interfecto, Pertinax in imperium assumitur, qui protinus in Britanniam Albinum remisit. Sed Pertinace post diem octingentesimum secundum sublato, Didius Iulianus qui mox itidem occisus, Romæ, Pescennius Niger in Syria, Clodius Albinus in Britannia, & Septimius Severus in Pannonia imperium simul semelque arripiunt. Severus qui Italiae proximus Romam primus advolat consensuque militum & Senatus Imperator appellatus, statim ne post tergum hostem relinqueret, Albinum qui Britannia & Gallia exercitibus præerat, Cæsarem subdole creat, pecuniaque ejus imagine percussa, statuis erectis, Consularique honore collato hominem provide demulcet. Deinde in Orientem contra Ni-

Balens.
M. Par-
kens.
I. Foxus.

* Brutii in
Italia.

Heracli-
nus Prop.
D. lib 28.
Tit. 6.
Virius Lu-
pus Prop.

4 ad Eze-
chielem.

Sub Nero-
ne.

In Serm.
de Pente-
coste.
Episcaph.
Marcel-
le Vidua.

Pertinax
Imp.

Severus
Imp.

Albinus
Imp.

Nigrum movet, quem conferta pugna vicit & interfecit, Byzantium triennali obsidi cre expugnavit, Adiabenos, Arabas, & alios in potestatem redegit. Rebus jam secundis elatus consortis impatiens in Albinum percussores submisit, verum cum insidiæ non procederent, hostem publice declarat, & quanta poterat celeritate in Galliam contra eum contendit, ubi Albinus prope Lugdunum cum delecto Britannici exercitus robore se objecit. Pugnatum est ab Albinianis acerrime, adeo ut ipse Severus projecta purpura, cum suis fugam capefferet. At cum Britannici in fugatos hostes laxatis ordinibus, quasi jam victoria in manibus, irruerent, Letus ex Severi ducibus qui cum suis turmis recentibus & integris hætenus exitum belli præstolatus (audito Severum cecidisse) de imperio jam sibi capeffendo animo agicans, eos adortus in fugam vertit. Severusque jam suis revocatis resumpta purpura pertinacius eos insequutus, occiso cum plurimis Albino prælium fecit secundissimum. Summum hinc orbis terrarum fastigium Severus solus consequutus ad Britanniam obtinendam primum Heraclianum, deinde Virium Lupum Proprætorem & Legatum (Britanniæ Præses ab Vlpiano Iuriconsulto nominatur) misit, qui plura castra, ut suo loco dicemus, restauravit: coactus tamen tandem fuit à Mæatis magna vi pecuniarum pacem redimere, pauculis receptis captivis, cum Caledonii promissis non starent, qui Mæatas cohibere polliciti erant. Cumque ille repentinos hostium insultus post plurimas illatas calamitates reprimere minime potuisset, necessario ipsum Severum accersit. Qui arrepta gratanter occasione ut filios luxu diffuentes ab urbis deliciis abstraheret, ac BRITANNICI agnomine suos titulos adaugeret, Britanniam licet sexagenario major & podagricus cum filiis Bassiano quem Antoninum & Augustum appellarat, Geta Cæsare, & legionibus cogitat. Legatos Britanni statim de pace mittunt, quos consulto satis diu detentos, dumque bello usui essent parasset, re infecta demisit: filioque Geta quem Augustum cum in Britannia appulisset creavit, in citeriori insulæ parte quæ Romanis parebat, relicto, ut juri-dicundo, rebusque administrandis præesset: ipse cum Antonino in ulteriores partes profectus sylvis cædendis, & pontibus faciendis, paludibus exsiccandis occupatus nullum prælium gessit, nihilominus quinquaginta millia ex insidiis & vi morbi amisit. Sic Dio. Herodianus tamen levioribus quibusdam velitationibus ipsum victorem prodidit, cum barbari palustria, & densissimas silvas, in quas se receperunt, haberent, & ex quibus tutius Romanos lacefferent. Eos tamen ad fœdus faciendum ea conditione tandem adegit ut non parva regionis parte cederent. Quodque maximum ejus imperii decus est, muro per transversam insulam ducto utrinque ad Oceanum communivit. Ob has victorias nummos cum VICTORIA BRITANNICA signavit, BRITANNICI MAXIMI agnomen assumpsit: filiusque Geta BRITANNICVS dictus fuit, ut ex ejus nummis apparet. Novas tamen postea res Britanni violato fœdere moliri cœperunt, in quos ita erupit stomachus, ut pro concione militibus omnes ad unum occi-

dere his Homericis versibus mandaret,

*Nemo manus fugiat vestras cædemque cruentam,
Non fœtus grævida mater quem gestat in alvo
Horrendam effugiat cædem.*

Hos rebelles cum utcunque per suos compescuisset, non tam corporis morbo, quam animi mœrore ex perditis Antonini filii moribus, qui sua manu semel atque iterum eum occidere tentavit, Eboraci expiravit in hæc verba; *Turbatam Rempublicam ubique accepi, pacatam etiam Britannis relinquo.* Corpus ejus hic militari more à militibus elatum, impositumque in rogam honestatum militum & filiorum ipsius decursione. Vanitatis fortasse arguar si prodigia quæ mortem ejus præcesserunt, hic memorem scilicet: de furvis hostiis, de corona è funesta cupresso quam scurra dicax illi cum his verbis obtulit, *Omnia fuisti, nunc Deus esto.* Quomodo tamen Deus sit factus non pigebit adscribere, cum & lectorem juvet cognoscere.

Mos est, Romanis consecrare Imperatores, qui superstibus filiis, vel successoribus moriuntur. Quique eo sunt honore affecti, relati dicuntur inter Divos. Est autem tota urbe quasi luctus quidam festæ celebritati promiscuus. Quippe functum vita corpus, ritu hominum, sumptuoso funere sepeliunt. Sed certam imaginem defuncto quam simillimam fingunt, eamque in regio vestibulo proponunt supra eburneum lectum maximum atque sublimem, vestibus instratum aureis. Et quidem imago illa ad egroti speciem pallida recumbit. Circa lectum vero utrinque magnam partem diei sedent, à læva quidem Senatus omnis vestibus atris amictus; à dextera vero matronæ, quas virorum aut parentum dignitas honestat. Harumque nulla vel aurum gestans, vel ornata monilibus conspicitur, sed vestibus albis exilibus induta mœrentium speciem præbent. Hæc ita per septem dies continuos faciunt, medicis ad lectum quotidie accedentibus, inspectumque velut ægrum deterius se habere subinde pronunciantibus. Dein ubi jam visus obisse diem, lectum humeris attollunt Equestris Senatoriique ordinis nobilissimi ac lectissimi juvenes, perque viam Sacram in vetus Forum deferunt, ubi magistratus Romani deponere imperium consueverant. Vtrinque autem gradus quidam sunt ad scalarum similitudinem constructi, in quibus altera ex parte puerorum chorus est è nobilissimis atque patriciis; altera sœminarum illustrium, hymnos in defunctum, peanasque canentium verendo ac lamentabile carmine emodulatos. Quibus peractis, tollunt iterum lectum, atque extra urbem perferunt in Campum Martium: ubi quæ latissime campus patet, suggestus quidam specie quadrangula lateribus æquis assurgit, nulla præterquam lignorum ingentium materia compactus in tabernaculi formam. Id quidem interius totum est aridis formitibus oppletum: extra autem intextis auro stragulis atque eboreis signis, variisque picturis exornatum. Infra vero alterum minusculum quidem positum est, sed forma & ornatu persimile, portis janisque patentibus. Tertiumque item & quartum semper superiore contractius ac deinceps alia, donec ad extremum, quod est omnium brevissimum, perveniat. Possis ejus edificii formam comparare turribus his, quæ portibus imminentes, noctu igne prælato, naves in tutas stationes dirigunt, Pharos vulgo appellant. Igitur lecto in secundum tabernaculum sublato, aromata & suffimenta omnis generis, fructus, herbas, succosque omnes odoratos conquirunt, atque acervatim effundunt. Quippe neque gens est, neque civitas, neque qui honore ullo aut dignitate præcellat, quin certatim pro se quisque supre-

*Heraclianus Prop.
D. lib. 28.
Tit. 6.
Virius Lupus Prop.*

Apotheosis Imp.

Herodianus.

ma illa munera Principis honori deferat. Vbi vero ingens aromatum acervus aggestus est, ac locus omnis expletus, tum circa adificium illud adequant, universis equestris ordinis certa quadam lege ac recurfu, motu Pyrrhichio, numeroque in orbem decurrentibus. Currus item circumaguntur in festis purpuratis rectoribus, qui personas ferant ducum omnium Romanorum, Principumque illustrium. Quae ubi celebrata sunt, facem capit Imperii successor, eamque tabernaculo admovent: tum ceteri omnes undique ignem subijciunt, cunctaque illico fomitibus illis aridis odoramentisque referta igni valido corripuntur. Mox ab extremo minimoque tabernaculo, tanquam è fastigio quodam, simul cum subiecto igni aquila dimittitur, quae in celum creditur ipsam principis animam deferre. Ac jam ex illo una cum ceteris numinibus Imperator colitur. Haec extra callem: nunc redeamus.

Antoninus
Caracalla.

Severi filius Antoninus Caracalla belli reliquias per duces aliquantisper in Britannia est persequutus, sed statim pacem fecit, agris castellisque hosti cessit. BRITANNICI tamen, imo BRITANNICI MAXIMI nomen sibi ambitiosus arrogavit, fraterque ejus Geta BRITANNICI etiam titulo usus est. Vidimus enim ejus nummos inscriptos IMP. CÆS. P. SEPT. GETA PIVS. AVG. BRIT. PONTIF. TRI. P. III. COS. II. P. P.

Nonius
Philippus
Proprator.

Iam inde res Britannicas longo silentio praevertecti sunt scriptores, nec enim Alexander Severus in Sicilia Britanniae vico, ut aliqui volunt, sed in Gallia erat occisus. Tantum ex antiquo saxo constat Nonium Philippum sub Gordiano Iunioris hic fuisse Propratorem.

Gallienus
Imp.

Gallieno in omnem luxum diffuente, sive incuria rerum, sive inclinatione quadam factorum, omnibus fere membris truncata jacuit res Romana. *tristeque fuit hujus provinciae à Romano duce descidium.* Triginta enim Tyranni imperium sibi diversis in locis arripuerunt, è quibus Lollianus, Victorinus, Posthumus, Tetrici, Mariusque in hac insula, rerum (ut opinor) potiti sunt, eorum enim nummi quotidie hic magna copia eruuntur. Sub Aureliano, Bonosus ille bibacissimus, origine Britannus, imperium cum Proculo invasit, omnesque Britannias, Hispaniam, & Braccatam Galliam (quibus Florianus duos menses praefuerat) sibi vindicavit, sed longo gravique certamine à Probo superatus laqueo vitam finivit, jocusque extitit, Amphoram, non hominem pendere.

Probus
Imp.
Zosimus.

Probum tamen novae in Britannia turbæ exceperunt. Quidam enim defectionem meditatus erat, quem ipse Probus Victorini Mauri familiaris sui commendatione adductus ad magistratum evexerat, unde cum Victorino expostulavit; qui impetrata ad illum abeundi potestate, se Imperatorem fugere simulans, amanter à Tyranno susceptus noctu illum occidit, ad Probum rediit, simulque provincia ex hac turba emerfit. Quis hic Tyrannus fuit nemo dixit, videatur autem ille Cl. Corn. Lælianus, cujus nummi in hac insula, & non alibi reperiuntur. Probus etiam Burgundos Vandalosque quos in potestatem redegerat huc misit, & sedes concessit, quotiesque deinde seditionem aliquis moliretur, utiles Romanis fuerunt. Quod vero Vopiscus scribit Probum permisisse Britannis ut vites haberent, veretur vir doctissimus, ne incogitanter hoc scripserit, quasi hæc terra ad vineta parum sit apta,

Lælianus
Imp.
Burgundi
& Vandal
in Britan
nia.

cum tamen vites habeat, & plurimas habuisse constet. Ob emergentes hoc tempore in hac provincia tot Tyrannos exclamavit Porphyrius qui hoc sæculo vixit, *Britannia fertilis provincia Tyrannorum.*

Carus Augustus deinde Carino filio hanc regionem cum Galliis, Hispaniis, & Illyrico decrevit. Illum bella hic gessisse quidam ex his Nemesiani versibus, exiliter sane, nescio quam vere, colligunt.

Nec taceam quæ nuper bella sub Arcto,
Fœlici Carine manu confeceris, ipso
Pene prior genitore Deo.

Hieronymus.
Carus et
Carinus
Imp.

Sub Dioclesiano Carausius è Menapia civitate, genere infimus, consilio & manu promptus, ob virtutem in navalibus bellis famam egregiam consequutus propulsandis Saxonibus & Francis mare infestantibus apud Bononiam Galliae praefectus erat. Qui cum primum multos Barbaros subinde cepisset, nec prædam omnem in Imperatorum ærarium referret, nec provincialibus restitueret: postea cum parum multos opprimeret, suspicio vehemens exorta est consulto ab eo admitti Barbaros, ut transeuntes cum præda exciperet, seque hac occasione ditaret; unde iussit Maximianus Augustus ut occideretur. Quod cum certo compererat, Britanniam assumptis Imperatoriis insignibus occupavit, classemque quæ Gallias tuebatur abduxit, naves plurimas in Romanum modum ædificavit, Legionem Romanam sibi adjunxit, peregrinorum militum cuneos interclusit, mercatores Gallicanos ad deletum contraxit, Bononiam praesidio firmavit, Britanniae & Bataviae redditus intervertit; non mediocres Barbarorum copias per spolia provinciarum in societatem illexit, Francos praecipue, quos ad munia nautica erudit, & omnia circumquaque littora infesta habuit. Ad hunc debellandum cum numeroso exercitu è quibus

Carausius
Imp.

* nonnulli in ipsa expeditione gloriosam pro Christo mortem subierunt, movit Maximianus. sed cum ad oram maritimam pervenisset, classiariorum inopia, & Oceani Britannici inclementia deterritus substitit, paceque simulata cum Carausio inita, ipsi insulae imperium remisit cum jussu & munimento incolarum contra gentes bellicosas opportunior sit habitus. Hinc est quod in Carausii nummis argenteis vidimus duos Imperatores manus jungentes cum circumscriptione CONCORDIA * AVGG. Maximianus vero copias convertit in Francos qui tum Bataviam infederunt, opemque Carausio subministraverant, quos adventu inopino eò adegit, ut se submitterent. Interim integra auctoritate & summa pace Britanniam administravit Carausius, contra Barbaros murum inter Cludæ & Carunæ ostia reedificavit, ut scribit Ninnius Elvodugi discipulus, & septem castellis muniivit: domumque rotundam politis lapidibus super ripam fluminis Carun, quia suo nomine nomen accepit, fornicem triumphalem in victoriae memoriam erigens construxit. Quem tamen Termini fuisse templum credit Buchananus, ut in Scotia dicemus.

* Legio
Thebana.

* Augustus
Imp.

Cum Dioclesianus & Maximianus tum ad parta tuenda, tum ad amissa recuperanda, Constantium Chlorum, & Maximianum Galerium Cæsares

fares sibi adscivissent : Constantius conscripto exercitu omnium opinione citius Bononiam in Gallia (quæ & Gesoriacum dicta) quam firmo præsidio munierat Carausius, advolat, obsidione incingit ; defixis in aditu trabibus ingestisque saxis mare excludendo portum adimit quasi vallo, quod impetus Oceani sua mole multis diebus insurgens non convulsit, verum deditioe facta, primus qui insiluit æstus ita irrupit, ut prorsus fuerit solutum, & abruptum. Dumque ad Britanniam recuperandam classem hic & alibi apparat, Bataviam à Francis occupatam omni hoste purgavit, eorumque plurimos ad desertos agros colendos in Romanas transtulit nationes.

Eumenii
Panegyri-
cus.

C. Allectus
Imp.

Interea temporis Carausium familiaris ejus Allectus qui sub eo summæ rei præfuit, dolo interemit & purpuram ipse induit. Quo audito, Constantius armatis diversis classibus Allectum ita incertum, consilii inopem reddidit, ut tunc demum senserit quod non munitus esset Oceano, sed inclusus. Velaque faciens cælo & mari turbidis, per nebulam quæ mari incubuit, hostilem classem in speculis atque insidiis ad insulam Vectam collocatam ignorantibus omnino hostibus præterit, & statim atque Britannia litus attigit exercitus, universis navibus injectis ignes, ut nullum fugæ superesset præsidium. Allectus autem ut vela Constantii imminencia conspexit, à littore quod tenebat abscessit, fugiensque incidit in Alepiodotum Præfectum Prætorio, adeoque trepidus & in modum amentis properavit ad mortem, ut nec aciem explicarit, nec turmas quas trahebat, instruxerit, sed cum barbaris mercenariis irruerit, purpura ne agnosceretur abjecta, ceciditque tumultuaria pugna, vix unius indicio repertus inter cadavera barbarorum quæ passim campos & colles intexerunt. Franci vero & alii barbari qui prælio superfuerunt, Londinum diripere, & fugam capescere cogitaverunt, cum ex improvviso milites Constantii qui nebuloso cælo abjuncti fuerunt, commodum Londinum pervenerunt, eosque passim tota urbe confecerunt, & non solum civibus in cæde hostium dederunt salutem, sed etiam in spectaculo voluptatem. Hac victoria postquam provincia septem plus minus annos sub Carausio, & tres sub Allecto occupata fuisset, recuperata est. Vnde Eumenius ad Constantium. *O victoria, multijuga & multiplicium triumphorum, qua Britannia restituta, qua gentes Francorum penitus excisa, qua multis præterea gentibus in conjuratione illius sceleris deprehensis imposita est necessitas obsequendi. Denique ad perpetuam quietem maria sunt purgata. Gloriare vero tu Cæsar invictæ alium te orbem terrarum reperisse, & Romane potentia gloriam restituendo navalem, addidisse imperio terris omnibus majus elementum. Et paulo post ad eundem. Ita Britannia recuperata est, ut ille quoque nationes terminis ejusdem insule coherentibus vestris nutibus obsequantur.*

Persecutio
in Britan-
nia.

S. Alba-
nus.

Postremis Dioclesiani & Maximiani annis cum Orientalis ecclesia Martyrum sanguine jam plures annos cruentata fuisset, huc etiam in Occidentem furentis illius persecutionis impetus pervasit, multique qui Christo nomina dederant, martyrio sunt affecti : inter quos præcipui Albanus Verolamienfis, Iulius, & Aaron ex Isca urbe Britannia.

Legionum, &c. De quibus suo loco. Tunc enim, triumpho longe maximo & feliciſſimo, vicit ecclesia, cum decem annorum stragibus vinci non poterat.

Cum Dioclesianus & Maximianus se imperio abdicarent, Constantium illum Chlorum qui hætenus Cæsaris titulo Rempub : administraverat, Augustum designarunt, illique obtigerunt Italia, Africa, Hispania, Gallia, & Britannia : verum Italia & Africa Galerio cessit, cæteris contentus. Hic cum sub Aureliano in Britannia stipendia faceret, Helenam Cæli vel Cælii Britannici Reguli filiam in uxorem duxit, ex qua Constantinum illum Maximum in Britannia genuit. Ita enim cum magno illo Baronio communis & conspirans omnium scriptorum testatur sententia, præter unum & alterum nuperum Græculum inter se dissidentes, & virum longe eruditissimum ex depravato I. Firmici loco. A Maximiano tamen illam repudiare coactus est ut Theodoram ejus filiam acciperet. Hæc illa Helena est quæ in antiquis Inscriptionibus VENERABILIS, & PISSIMA AVGVSTA dicta, & ob Christianam pietatem, Hierosolymam idolis purgatam, Basilicam in loco Dominicæ passionis extructam, & salutarem Christi crucem inventam tantopere ab ecclesiasticis scriptoribus celebrata. Quam tamen Iudæi & Gentiles stabulariam ignominiose appellarunt, quod pientissima princeps præsepe in quo Christus natus quæſivit, & ubi stabulum fuit, Ecclesiam fundavit. Hinc Sanctus Ambrosius : *Stabulariam hanc primo fuisse asserunt, &c. Bona stabularia Helena Hierosolymam festinavit & scrutata est locum Dominicæ passionis, tamque diligenter præsepe Domini requisivit. Bona stabularia, quæ stabularium non ignoravit illum, qui vulnera curavit hominis à latronibus vulnerati. Bona stabularia quæ maluit existimari stercoraria, ut Christum lucrifaceret. Nec minori sane laude maritus ejus Constantius ob pietatem, & moderationem effertur. Vir, qui repudiata penitus impiorum in variis diis colendis superstitione, Deum unum omnium rerum moderatorem ultro agnovit. Vnde ut Aulicorum suorum in Deum fidem experiretur optionem illis dedit liberam, vel ut diis sacrificantes apud se manerent, vel recusantes abirent : Verum qui abire potius quam fidem in Deum deferere maluerunt, apud se retinuit, abjectis aliis quos sibi futuros infidos putavit, qui fidem in verum Deum abjecerant. Obiit hic optimus Imperator suprema in Britannia contra Caledonios, aliosque Pictos expeditione, Eboraci, filio Constantino Imperatore successore & Cæsare designato.*

Paucis ante Constantii mortem diebus Constantinus ejus filius per dispositos equos Roma Eboracum advolavit : cæteros quos alebat Republica toto itinere ne quis persequeretur, mutilavit : ibique patris spiritum excepit. Vnde ad eum antiquus Orator. *Sacrum istud Palatium non candidatus imperii sed designatus intrasti : confestimque te illi paterni Lares successorem videre legitimum. Neque enim erat dubium quin ei competeret hereditas quem primum Imperatori filium Fata tribuissent. Nihil-ominus à militibus quasi coactus sed præcipue Erci Alamanorum regis opera, qui illum auxilii gratia comitabatur, in Imperatorem evectus est. Purpuram milites, utilitati publicæ, potius quam affectibus servientes, illi injecerunt lachrimanti, equumque cal-*

Constantius
Chlorus
Imp.

Baronius in
Hist. Ec-
cles.

Helena.

De obitu
Theodosii.

Eusebius.

Vide Sui-
dam quare
dictus
Pauper.
Constanti-
nus Maxi-
mus Imp.

Panegyri-
cus Con-
stantino
M. discip.

caribus incitanti ut deposcentis exercitus fugeret conatum, &c. sed modestiam ejus vicit Reip. felicitas. Vnde Panegyristes exclamat: O fortunata, & nunc omnibus beator terris Britannia, quæ Constantinum Cæsarem prima vidit. Iam oriens Cæsar belli reliquias quod pater in Caledonios aliosque Pictos susceperat primum persequutus, Britannos illos remotiores, & insularum quæ illuc sunt incolas, occasus, ut inquit ille, Solis testes aggressus, alios vi & armis subegit, alios (Romam enim & altiora ille spirabat,) in societatem stipendiis oblatis pellexit, nonnullos ex hostibus amicos, ex veteribus inimicis familiares reddidit. Inde Francis in Batavia devictis tanta gloria, ut nummos cuderit aureos (quorum & unum vidi) cum effigie muliebri sub trophæo sedente altera manu balistæ innixa: subscripta FRANCIA; & GAVDIVM ROMANORVM circumscripto: aliisque Barbaris in Germania profligatis, Germanicis & Gallicis nationibus sibi conciliatis, coactis è Britannia, Gallia, & Germania militibus qui omnes erant ad 90000 peditum & 80000 equitum in Italiam movit, Maxcentiumque qui Romæ sibi imperium vindicarat, vicit, Italiaque potitus securæ libertatis munera devicto tyranno orbi reddidit. Utque in antiqua habetur inscriptione, INSTINCTV DIVINITATIS, MENTIS MAGNITVDINE, CVM EXERCITV SVO TAM DE TYRANNO, QVAM DE OMNI EIVS FACTIO NE, VNO TEMPORE IVSTIS REMPVBLICAM VLTVS EST ARMIS.

Rediisse tamen in Britanniam innuit Eusebius. Constantinus, inquit, tandem trajecit ad Britannos Oceani littoribus undique conclusos, quos cum vicisset alias mundi partes animo complecti cepit, ut his qui ope indigerent subsidio mature veniret. Et alibi: Cum mansuetis & modestis pietatis præceptis exercitum muni visset in Britanniam, ut eos qui fluctibus Oceani Solis occasum suis quasi oris terminantis undique circumdati habitant, invaserit. Et de Britannia intelligendi sunt hi versus Optatiani Porphyrii ad Constantinum:

Omnis ab Arctoïis plaga finibus horrida Cauro
Pacis amat cana & comperta perennia jura,
Et tibi fida tuis semper bene militat armis,
Resque gerit virtute tuas, populosque feroces
Propellit, ceditque lubens tibi debita rata,
Et tua victores fors accipit hinc tibi fortes,
Teque duce invictæ attollunt signata cohortes.

Pacatianus
Vicarius
Britanniæ
anno 13
Constanti-
ni M.

Sub hoc tempore, ut ex Codice Theodosiano constat, Pacatianus fuit Britannia Vicarius, nam Proprætorem & Legatum Britannia jam desinit habere, & ejus loco Vicarius substitutus.

A plurimis laudibus foelicissimus hic fuit imperator, & sane meritissime; etenim non solum Romanum imperium in libertatem asseruit, verum etiam spissa superstitionum nube dissipata, veram Christi lucem intulit, cum templâ Deo vero aperuerit, & Diis falsis occluserit. Iam enim ubi turbo persecutionis quievit, progressi in publicum fideles Christi, qui se tempore discriminis sylvis ac desertis abditi, & speluncis occultaverant, renovant ecclesias ad solum usque destructas, basilicas sanctorum Martyrum fundant, construunt, perficiunt, ac veluti victricia signa passim propalant, dies festos celebrant, sacra mundo corde atque ore conficiunt. Vnde hisce titulis celebratur: IMPERATOR FORTISSIMVS AC BEATISSI-

Gildan.

MVS. PISSIMVS. FOELIX. VRBIS LIBERATOR. QUIETIS FVNDATOR. REIPVBLICÆ INSTAVRATOR. PVBLICÆ LIBERTATIS AVCTOR. RESTITVTOR VRBIS ROMÆ ATQVE ORBIS. MAGNVS. MAXIMVS. INVICTVS. INVICTISSIMVS. PERPETVVS. SEMPER AVGVSTVS. RERV HVMANARVM OPTIMVS PRINCEPS. VIRTUTE FORTISSIMVS, ET PIETATE CLEMENTISSIMVS. Et in legibus, QVI VENERANDA CHRISTIANORVM FIDE ROMANVM MVNIVIT IMPERIVM. DIVVS. DIVÆ MEMORIÆ. DIVINÆ MEMORIÆ, &c. primusque Imperatorum qui in numismatibus & publicis operibus inscriptis DOMINVS NOSTER, quantum ego hætenus observaverim. Et si me non lateat Dioclesianum primum omnium post Caligulam Dominum se dici palam passum.

Cæterum in hoc tanto Imperatore desideratur ejus prudentia, quod barbaris viam in Britanniam, Germaniam, & Galliam aperuit. Cum enim gentes boreales ita contudisset, ut jam nihil ab illis timeret, atque ad Persarum opes, qui Romano imperio in oriente imminabant, frangendas novam urbem Constantinopolim condidisset: legiones quæ limites tuebantur partim in orientem transtulit, & eorum loco castella, & munitiones condidit, partim in urbes remotiores à limitibus deduxit, adeo ut statim post ejus obitum, barbari opida & castella expugnantes in provincias irruerint: Atque hoc nomine pessime apud Zozimum audit, ut Imperii florentissimi maximus, & primus subversor.

Cum vero Constantinus formulam Romani imperii immutarit, non alienum erit hic summam adnotare quomodo sub eo & succedentibus annis Britannia fuerit administrata. Quatuor constituit præfectos Prætorio, scilicet Orientis, Illyrici, Italiae, & Galliarum, & duos militum magistratos, alterum peditum, alterum equitum Occidentis, quos *Præfatales* dixerunt.

Politia Ro-
mana in
Britannia
sub posteri-
oribus im-
peratoribus.

Quoad civilem administrationem præfuit Britannia Præfectus Prætorio Galliarum, & sub eo Vicarius Britannia qui ejus vices agebat, *Specabilis* titulo honoratus. Cui parebant pro numero Provinciarum duo consulares, & tres præfides, qui causas civiles & criminales audiebant.

Vicarius
Britannia.

Quoad rem militarem imperavit Magister peditum Occidentis, sub cujus dispositione erant Comes Britanniarum, Comes Littoris Saxonici per Britanniam, Dux Britanniarum: Singuli Spectabiles.

Comes Britanniarum interioribus insulæ partibus præfuisse videtur, qui secum habuit septem Numeros peditum, & novem vexillationes Equitum.

Comes Bri-
tanniarum.

Comes littoris Saxonici qui littora contra Saxones tuebatur, & Comes tractus maritimi ab Ammiano dicitur, ad tuendam oram maritimam habuit septem Numeros peditum, duas vexillationes Equitum, Legionem secundam, & cohortem unam.

Comes lit-
toris Saxo-
nici.

Dux Britanniarum qui limites contra barbaros tuebatur, imperavit xxxviii præfidiis in quibus stationes egerunt 14000 Pedites, & 900 Equites. Ita ut eo seculo, si Pancirolus recte rationes

Dux Bri-
tanniarum.

Comes sa-
crarum lar-
gitionum.

Constanti-
nus Imp.
Constanti-
nus Imp.

Asbana-
sius in
Apolog. 2
Magen-
sius, qui
Taporus
dictus.

Angelus
Rocha.

Gravian-
Funarius
A. Ma-
cellinus.

Constanti-
nus Pa-
lus Cate-

Ammia-
Marcell-
nus lib.

tiones subduxerit, aluerit Britannia 19200 pedites, & 1700 Equites plus minus ordinarios.

Comes sacrarum largitionum.

Præter hæc Comes sacrarum largitionum, qui donorum & liberalitatis Imperatoris curam gerebat habuit sub se in Britannia Rationalem summarum Britanniae, Præpositum Thesaurorum Augustensium in Britannia & Procuratorem Gynegii in Britannia, in quo Principis, militumque vestes texebantur. Comes etiam rerum privatarum suum etiam habuit rei privatae Rationalem in Britannia, ut taceam Procuratorem Ludi gladiatorii per Britanniam, cujus meminit vetus Inscriptio, & alios subfellii inferioris.

Constantinus Imp. Constantinus Imp.

Constantino defuncto obtigit Britannia filio ejus Constantino, qui cum dominandi libidine percitus in aliena irrueret, à fratre Constante interceptus. Qua victoria ille tumidior Britanniam & reliquas provincias occupavit, & huc accessit cum fratre Constantio. Vnde Iulius Firmicus, non ille paganus Astrologus, sed Christianus sic eos affatur: Hieme (quod nec factum est aliquando, nec fiet) tumentes, & savientes undas calcastis Oceani Britannici, sub remis vestris. Incogniti jam nobis pene maris unda contremuit, & insperatam Imperatoris faciem Britannus expavit. Quid amplius vultis? virtutibus vestris victa elementa cesserunt. Constans autem hic Sardicam contra Arrianos indixit concilium quo convenerunt Episcopi trecenti & inter eos Britanniarum Episcopi, qui hæreticis damnatis, Nicænaque fide confirmata, Athanasii innocentiam suis calculis comprobarunt. Sed juvenis hic Princeps imperii cura abjecta voluptatibus delibutus; & inde provincialibus gravis, & militibus parum gratus, à Magnentio Comite Ioviorum & Herculiiorum inter venandum in vico Helenæ circumventus, & obtruncatus, vaticinio adimpleto in aviæ gremio fata completurus, à cujus nomine vicus ille nomen sumpserat. Hic Magnentius patre Britanno apud Lætos in Gallia natus, occiso jam Constante, imperatorium habitum in Gallia induit, Britanniamque in suas partes pellexit, atque per triennium acrioribus præliis à Constantio exagitatus sibi manus intulit, Fortunatus, si quis alius princeps, cœli temperie, fructuum proventu, & nulla à barbaris formidine, quæ apud vulgus Principum gloriæ inprimis ducuntur. Cur vero Magnentius iste Taporus dicatur in antiquo lapide Romæ jampridem effosso, inquirant alii. Sic enim legitur de Obelisco, in Circo erecto loquens.

Angelus Rocha.

Gratianus Funarius. A. Marcellinus.

Interea Taporus Romam vastante tyranno Augusti jacuit, donum studiumque locandi.

Hoc tempore præfuit rei castrensis per Britanniam Gratianus cognomine Funarius, qui pater Valentiniani Augusti. Funarius autem ille dictus, quod non adultus venalem circumferens funem, quinque militibus eum rapere studio magno conatis nequaquam cessit: hic cum ad larem revertisset sacramento solutus, bonorum multatione à Constantio afflictus est, quod Magnentium hospitio suscepisse dicebatur.

Constantinus Panlus Catena.

Magnentio sublato Britannia se Constantio submitit, & protenus huc missus est Paulus notarius ortus in Hispania, glabro quidem sub vultu latens odorandi vias periculorum occultas perquam sagax. Vt militares quosdam perduceret ausos conspisse Magnentio, cum reniti non possent, his licentius supergressus fluminis modo fortunis complurium sese

Ammian. Marcellinus lib. 14.

repentinus infudit. Et ferebatur per strages multiplices ac ruinas, vinculis membra ingenuorum adfligens & quosdam obterens manicis, crimina scilicet multa consancinando à veritate longe discreta. Vnde admissum est facinus impium, quod Constantii temporibus notam inusserat sempiternam. Martinus regens illas provincias pro præfecto, ærumnas innocentium graviter gemens, sepeque obsecrans ut ab omni culpa immunibus parceretur, cum non impetraret, minabatur se discessurum: ut saltem id metuens perquisitor malevolus, tandem desineret quieti coalitos homines in aperta pericula prolectare. Per hoc minui studium suum existimans Paulus, ut erat in complicandis negotiis artifex dirus, unde & Catena inditum est cognomentum, Vicarium ipsum eos quibus parserat adhuc defensantem, ad sortem periculorum communium traxit. Et instabat ut eum quoque cum tribunis & aliis pluribus ad comitatum imperatoris vinculum perduceret. Quo percitus ille exitio urgente, abrepto ferro eundem adoritur Paulum. Et quia languente dextra letaliter ferire non potuit, jam districum mucronem in proprium latus impegit: Hocque deformi genere mortis excessit à vita iustissimus, remora ausus miserabiles casus levare multorum. Quibus ita scelestis patris, Paulus cruore perfusus, reversus est ad principis castra, multos coopertos pene catenis adducens, in squalorem dejectos atque mæstitiam: quorum adventu intendebantur aculei, uncosque parabat carnifex & tormenta; & ex iis proscripti sunt plures, ætque in exilium alii, nonnullos gladii consumpsere pœnales. Ipseque tandem sub Iuliano vivus exultus Deo ultore efferatæ crudelitatis pœnas persolvit meritissimas.

Martinus Vicarius Britanniae.

Deinde (Ammianum Marcellinum legis) in Britannia cum Scotorum Pictorumque gentium ferarum excursu, rupta quiete, condita loca limitibus vicina vastarentur, & implicaret formido provincias præteritarum cladum congerie fessas, hyemem agens apud Parisios Iulianus (quem Cæsarem & collegam in imperio renunciarat Constantius) distractusque in sollicitudines varias, verebatur ire subsidio transmarinis, ut retulimus ante fecisse Constantium, ne rectore vacuas relinqueret Gallias, Alamannis ad sevitiam etiam tum incitatis & bella. Mittere igitur ad hæc loca ad rationes componendas Lupicinum placuit, ea tempestate magistrum armorum, bellicosum sane, & castrensis rei peritum, sed supercilium erigentem ut cornua, & de tragico, quod ajunt, cothurno strepentem, super quo diu ambigebatur, avarus esset potius, an crudelis. Moto ergo velitari auxilio, Herulis scilicet & Batavis, numerisque Mæsicorum pluribus, adulta hyeme dux antedictus Bononiam venit: quæsitisque navigiis, & omni imposito milite, observato statu secundo ventorum, ad Rutupias sitas ex adverso desertur, petitque Londinum: ut exinde suscepto pro rei qualitate consilio, festinaret ocus ad procinctum.

Lupicinum.

Rutupias. Londinum.

Sub hoc Constantio, qui Arianis impense favebat, eorum hæresis in Britanniam proserpsit, in qua à primis Constantini Max. annis Christi capitis & membrorum consonantia suavis manserat, donec Ariana illa perfidia atrox, seu anguis transmarina nobis evomens venena fratres in unum habitantes exitiabiliter faceret sejungi, ac sic quasi via facta trans Oceanum omnes omnino bestia fere mortiferum cujuslibet hæresis virus horrido ore vibrantes letalia dentium vulnera patriæ novi semper aliquid audire volenti, & nihil certe stabiliter obtinenti infigebant. In horum Arianorum gratiam accivit Constantius episcopos quadringentos Occidentales Ariminum, quibus omnibus annonas & cellaria dare Imperator præceperat.

Ariana hæresis. Gildas.

rat. Sed id Aquitanis, Gallis, ac Britannis indecens visum, repudiatis fiscalibus, propriis sumptibus vivere maluerunt. Tres tantum ex Britannia, inopia proprii publico usi sunt, cum oblatam à ceteris collationem respuissent: sanctius putantes fiscum gravare, quam singulos.

Constantio postea defuncto, Iulianus ille Apostata, qui Augusti nomen contra Constantium assumpserat, Palladium primum ex magistro officiorum in Britanniam exterminavit, Alipiumque, qui Britanniam pro Præfecto curaverat, ad Hierosolymas instaurandas misit, sed metuendi flammæ globi prope fundamenta erumpentes ab incepto deterruerunt, multaque millia Iudæorum ruinis sunt oppressa, qui frustra contra Dei decretum reluctati sunt. Discinctus hic Augustus, & barbam tenuis philosophus, veritus est (ut modo dictum) Britannis afflictis auxilio venire, cum tamen ad Germanicos exercitus alendos magnam frumenti vim hinc quotannis ille exportaverit.

Valentinianus Imp.

Cum Valentinianus Augustus ad Romani imperii gubernacula federet, bellicum per universum orbem canentibus buccinis, Picti, Saxones, Scoti, & Attacotti Britannos ærumnis vexavere continuis. Fraomarius Rex Alamannorum huc translatus, Tribunusque potestate præfectus Alamannorum numero, qui multitudine, viribusque ea tempestate inprimis floruit, ad barbarorum istorum incursiones cohibendas.

Am. Marcelinus lib. 27. & 28.

Nilominus Britannia barbarica conspiratione ad ultimam vexata inopiam, Nectaridus Comes maritimi tractus occisus, Bulchobaudes Dux hostilibus insidiis circumventus. Quibus magno cum horrore compertis, Imperator Severum etiam tum domesticorum Comitem misit si fors casum dedisset optatum, correcturum secius gesta: quo paulo postea revocato, Iovinus eadem in loca profectus,

* Lacus forte corruptus.

Proventusidem celeri gradu remisit, adminicula petitur exercitus validi. Id enim instantes necessitates flagitare firmabant. Postremo ob multa & metuenda, quæ super eadem insula rumores assidui perferbant, electus Theodosius

Theodosius.

illuc properare disponitur, officiis Martii felicissime cognitus, ascitæque animosa legionum & cohortium pube, tendebat præeunte fiducia speciosa. Eo tempore Picti in duas gentes divisi Dicalidonas & Vecturiones, itidemque Attacotti bellicosa hominum natio, & Scoti, per diversa vagantes multa populabantur. Gallicos vero tractus Franci & Saxones iisdem confines, quo quisque erumpere potuit terra vel mari, prædis acerbis incendiisque & captivorum funeribus hominum violabant. Ad hæc prohibenda si copiam dedisset fortuna prosperior, orbis extrema dux efficacissimus petens, cum venisset ad Bononiæ littus, quod à spatio controverso terrarum angustius reciproci distinguitur maris, attolli horrendis æstibus adueti, rursusque sine ulla navigantium noxa in speciem complanari camporum. Exinde transmeato lentius freto deferretur. Rutupias stationem ex adverso tranquillam, unde cum consecuti Batavi venissent, & Heruli, Ioviique & Victores fidentes viribus numeri egressus, tendensque ad Lundinum vetus opidum quod

Lundinum Augustæ.

Augustam posteritas appellavit, divisim plurifariam globis, adortus est vagantes hostium vastatorias manus, graves onere sarcinarum. Et propere fuis qui victos homines agebant & pecora, prædam excussit, quam tributarii perdidere miserrimi. Denique restituta omni præter partem exiguum impensam militibus fessis, mensam difficultatibus suis ante hac civitatem, sed subito qua salus sperari potuit, recreatam in orantis speciem latissimus introiit, ubi ad audenda

majora prospero successu elatus, tutaque scrutando consilia, futuri morabatur ambiguus, diffusam variarum gentium plebem & ferocientem immaniter non nisi per dolos occultiores & improvisos excursus superari posse, captivorum confessionibus & transfugarum indicibus doctus. Denique edictis propofitis impunitateque promissa, desertores ad procinctum vocabat, & multos per diversa libero commeatu dispersos. Quo monitu ut redire plerique, incentivo percitus, retentusque anxius curis, Civilem nomine rectorum Britannias Civis. pro præfectis ad se poposcerat mitti, virum acrioris ingenii sed iusti tenacem & recti: itidemque Dulcitium, ducem Dulcitius. scientia rei militaris insignem. Postea animi vigore collecto ab Augusta profectus quam veteres appellavere Lundinum, cum milite industria comparato solerti, versis turbatisque Britannorum fortunis opem maximam tulit: opportuna ubique ad insidiandum barbaris præveniens loca, nihilque gregariis imperans cujus non ipse primitias alacri capefceret mente. Hocque genere cum strenui militis munia & præclari ducis curas expleret, fuis variis gentibus & fugatis, quas insolentia nutriendi securitate adgredi Romanas res inflammabat, in integrum restituit civitates & castra multiplicibus quidem damnis affectas, quiete temporis longi fundata. Evenerat autem eodem hæc agente facinus dirum, erupturum in periculum grave, ni inter ipsa conatus principia fuisset extinctum. Valentinus quidam è Valeria Panonia, superbi spiritus homo, Maximini illius exitialis vicarii postea præfecti conjugis frater, ob grave crimen actus in Britannias exul, quietis impatiens malefica bestia ad res perniciosas consurgebat, & novas in Theodosium tumore quodam, quem solum resistere posse nefandis cogitationibus advertebat. Multa tamen clam palam circumspiciens crescente statu cupiditatis immensa exules sollicitabat & milites, pro temporis captu ausorum illecebras pollicendo mercedem. Iamque propinquante tentatorum effectu, doctus hæc dux alacrior ad audendum, & corde cello ad vindictam compertorum erectus, Valentinum quidem cum paucis artæ societate junctissimis letali pœna plectendos Dulcitio dederat duci: militari vero scientia qua superabat præsentis futura conjiciens, de conjuratis quæstiones agitari prohibuit, ne formidine sparsa per multos, reviviscerent provinciarum turbines compositi. Hinc ad corrigenda plura conversus & necessaria, periculo penitus dempto, cum aperte constaret nulla ejus cæpta propitiam deseruisse fortunam, instaurabat urbes & præsidaria, ut diximus, castra, limitesque vigiliis tuebatur & prætenturis: recuperatamque provinciam qua in ditionem concesserat hostium, ita reddiderat statui pristino: ut eodem referente & rectorem haberet legitimum, & VALENTIA deinde vocaretur arbitrio principis. Arenos genus hominum à veteribus institutum, super quibus aliqua paulatim prolapsos in vitia à stationibus suis removit: aperte convictos acceptorum promissorumque magnitudine præmiorum allecos, quæ apud nos agebantur aliquotiens barbaris prodidisse. Id enim illis erat officium, ut ultro citroque per longa spatia discurrentes vicinarum gentium strepitus nostris ducibus intimarent. Ita spectatissime antedictis rebus, aliisque administratis similibus, ad comitatum accitus, tripudiantesque relinquens provincias, ut Furius Camillus, vel Cursor Papyrius victoris crebris & salutaribus erat insignis. Et favore omnium adusque fretum deductus, leni vento transgressus venit ad commilitium principis, cumque gaudio susceptus & laudibus. Ob has res tam præclare gestas Equestris statux honore decoratus, ut docet nos Symachus ad ejus filium Theodosium Augustum, Familia, inquit, vestra & stirpis authorem, Africanum quendam & Britannicum ducem, statuis equestribus inter præca nomina consecra-

Valentinus seditione agit in Britannia.

Valentia, Arcani.

vit ordo amplissimus. Et Claudianus in ejus laudem poetica effusus,

*Ille Caledoniis posuit qui castra pruinis,
Qui medio Libya sub casside pertulit astus,
Terribilis Mauro, debellatorque Britanni
Littoris, ac pariter Borea vastator, & Austri.
Quid rigor aeternus? cœli quid sidera possum?
Ignotumque fretum? maduerunt Saxone fuso
Orcades, incaluit Pictorum sanguine Thule,
Scotorum cumulos flevit glacialis Hiberne.*

Alibi etiam de eodem,

*Quem littus adusta
Horrescit Libya, ratibusque impervia Thule,
Ille leves Mauros, nec falso nomine Pictos
Edomuit, Scotumque vago mucrone sequutus
Fregit Hyperboreas remis audacibus undas;
Et geminis fulgens utroque sub axe trophæis,
Tethyos alterna refluxas calcavit arenas.*

Et de eo Pacatus Drepanus: *Quid redactum ad pa-*

Gratianus
Imp.

Maximus
Tyrannus.
Zosimus.
Orosius.

Prosper
Tyro.

Gregorius
Turonensis.

Cedrenus.

Zosimus.

Priscillianus
Sulpicius
Severus.

ludes suas Scotum loquar, Saxo consumptus bellis navali-
bus, &c. Gratianus deinde imperium suscepit, qui
etiam Theodosium, Theodosii de quo dixi fi-
lium, Augustum declaravit. Quod ita ægre tulit
Maximus ejus æmulus ex Hispania oriundus &
Constantini Maximi stirpe prognatus, qui Britan-
nico exercitui jam præerat, ut purpuram sibi ar-
ripuerit, vel ut Orosius tradit, invitatus à militibus
Imperator salutatus, vir strenuus, probus, atque
Augusto dignus nisi contra fidem per tyranni-
dem emerisset. *Qui primum incursantes Pictos, &*
Scotos strenue superavit, inde ad ostia Rheni cum
omni fere Britannia juventute & robore ap-
pulit, omnesque Germanicos exercitus sibi con-
ciliavit, Treveris imperii sedem statuit (unde
Trevericus Imperator dictus) alamque, ut inquit
Gildas, alteram ad Hispaniam, alteram ad Ita-
liam extendens ab immanissimis Germanorum
gentibus tributa ac stipendia solo terrore nomi-
nis exegit. In quem cum Gratianus exercitum
duxisset, post quinque dierum velitationes à suis
desertus & in fugam conjectus, Beatum Ambro-
sium legatum de pace misit, quam consequutus
est, sed insidiarum plenissimam. Andragathium
enim lectica operta vectum submisit Maximus,
rumore sparso Gratiani uxorem ex Britannia in
ea advehi; ad quam cum Gratianus uxoris amo-
re accessisset & aperuisset, exiit Andragathius
cum suis, illumque protinus occidit. Cujus ad
corpus repetendum iterum missus Ambrosius,
qui tamen non admissus, quod cum Episcopis
qui à Maximo stabant communicare recusaverit.
His rebus ad vota fluentibus Maximus elatus fi-
lium suum Victorem Cæsarem designavit, in
Gratiani duces sævit resque Gallicas composuit.
Theodosius Augustus qui Orienti præfuit, ex
postulatis, sive potius mandatis legatorum ejus,
ipsum Imperatorem agnovit, & imaginem ejus
Alexandrinis conspiciendam exhibuit. Iam per
omnium fortunas grassatus publica paupertate
cupiditatem satiavit. Tyrannidi defensionem re-
ligionis catholicæ præterdit, Priscillianum &
quosdam ex ejus sectatoribus hæreticæ pravita-
tis Synodo Burdigalensi convictos, & ad ipsum
provocantes capitis damnavit. Licet Martinus
sanctissimus ille Turonensis Episcopus submissi-
sime oraret, ut infelicium sanguine abstineret,
Britannia.

satis superque sufficere ut Episcopali sententia
hæretici judicati ecclesiis pellerentur: novum
& inauditum esse nefas, ut causam ecclesiæ ju-
dex seculi judicaret. Et hi primi qui pessimo ex-
emplo ob hæresim civili gladio percussi. Tanto
deinde terrore Italiam ingreditur, ut Valentini-
anus cum matre ad Theodosium confugerit, Ita-
liæ urbes illum admiserint, omnique honore sint
prosecutæ, interque alios Bonnonienses, apud
quos extat adhuc Inscriptio,

DD. NN MAG. C. MAXIMO, ET FL.
VICTORI, PIIS, FELICIBVS, SEMPER
AVGVSTIS * B. R. NATIS.

* Bono Rei-
pub.

Interim Francos incursionibus Gallias vexan-
tes Nannius & Quintinus militares magistri,
quibus filii infantiam, & Galliarum custodiam
commiserat Maximus, magna strage repellunt,
ad obfides dando & authores belli tradendos
adigunt. Theodosium Valentinianus obnixè o-
rat ut sibi imperio per tyrannum spoliato subve-
niret, à quo nihil aliud responsi aliquandiu tulit,
quam, *Minime mirum esse si servus seditiosus sit eo domi-*
no superior, qui verum Dominum repudiat. Arianismo
erat enim depravatus Valentinianus. Precibus
tamen tandem fatigatus signa in Maximum pro-
mouet, qui Apuleiæ tunc securus agebat, præ-
munierat enim montium angustias præfidiis,
portus navigiis, alacerque & fiducia plenus
Theodosium primum prælio apud Sisciam in
Pannonia, deinde altero sub ductu Marcelli fra-
tris fortissime excepit, sed utroque adeo adver-
so, ut se in Aquileiam fuga subduxerit, ubi à mi-
litibus suis dum pecuniam distribuit, captus, &
Imperatoris insignibus nudatus ad Theodosium
perducitur, qui carnifici statim tradidit, cum
quinque jam annos purpuram gessisset. Vnde in
Aquileiæ laudem Ausonius,

Sulpitius
Alexan-
der.

Zonaras.

Zosimus.

*Non erat iste locus: merito tamen aucta recenti,
Nona inter claras Aquileja cieberis urbes
Itala ad Illyricos objecta colonia montes,
Mœnibus & portu celeberrima sed magis illud
Eminet, extremo quod te sub tempore legit,
Solvet at exacto cui justa piacula lustro
Maximus, armigeri quondam sub nomine lixa:
Felix que tanti spectatrix lata triumphi,
Punisti Ausonio Rutupinum Marte latronem.*

Andragathius cum jam ejus spes esset deplo-
ratissima è navi se in mare præcipitavit. Victor
Maximi filius in Gallia superatus, captus & oc-
ciscus. Britanni vero qui Maximi partes seque-
bantur (ut aliqui tradunt) in Armorica Gallia si-
bi sedes viribus acquisiverunt. Theodosius sta-
tim à victoria, Romam cum filio Honorio trium-
phans ingressus, sic edixit: *Nullus sibi honorem au-*
deat vendicare, quem tyrannica concessit audacia, sed ad
pristinum statum damnata presumptio revocetur. Et Va-
lentinianus: *Omne judicium, quod Maximus infandis-*
simus Tyrannorum credidit promulgandum, damnamus.
Ambrosius vero in funere Theodosii exclamat:
Maximum & Eugenium miserabili exemplo apud inferos
testari quam durum sit principibus suis arma irrogare. Vt
semel dicam, hæc victoria adeo magna & me-
morabilis visa, ut Romani deinceps illum diem
quotannis festum agitarint.

Procopius.

Theodosio successit in Occidentali imperio
filius Honorius decennis, cui tutor datus Flavius

Honorius
Imp.

L

Sti-

Stilicho, vir diu illustrissimus, qui Theodosio in omnibus bellis & victoriis Comes, & per gradus militiæ ad summam authoritatem & regiam auctoritatem evectus, tandem rebus secundis fatigatus & ambitione abreptus misere periit. Hic provide sane per aliquot annos rebus imperii prospexit, Britanniamque contra Pictos, Scotos & Saxones communivit. Vnde Britannia de se apud Claudianum,

*Me quoque vicinis pereuntem gentibus, inquit,
Munivit Stilico, totam quum Scotus Hybernem
Movit, & infesto spumavit remige Thetis.
Illius effectum curis, ne bella timerem
Scotica, nec Pictum tremere, ne littore toto
Prospicerem dubiis venientem Saxona ventis.*

Satisque tuta ab hostibus Britannia tunc videbatur. Alibi enim canit ille,

*domito quod Saxona Thetis
Mitior, aut fracto securæ Britannia Picto.*

Cumque Alaricus Gothorum Rex Romæ immineret, legio quæ ad limitem contra barbaros stationem habuit, hinc evocata, ut innuit Claudianus, cum auxilia undique accersita memorat,

*Venit & extremis legio prætentæ Britannis,
Quæ Picto dat frena truci, ferroque notatas
Perlegit exanimis Picto moriente figuras.*

*Fastidius.
Genadius.
Chrysanthus.
Niceph.*

** i. Puri.*

*Historia
tripartita.*

*Marcus
Imp.
Gratianus
Imp.
Constantinus
Imp.*

His temporibus Fastidius Britanniarum Episcopus floruit, librosque doctrina Deo sane digna, scripsit. Chrysanthus quoque Episcopi Martiani filius, qui cum consularis Italiæ sub Theodosio fuisset, Vicarius Britanniae factus, in Reipublicæ administratione eam admirationem & laudem meritus, ut invitatus factus fuerit Episcopus Novatianorum Constantinopoli, qui schismate in illa Ecclesia facto, se Catharos vocantes, suos seorsim Episcopos, & sectatores habuerunt, perstrenue sed impiè negantes post baptismum acceptum relapsos in peccatum ad salutem redire posse. Hic ille est Episcopus qui, ut legitur, ex redditibus ecclesiasticis nihil nisi die Dominico duos panes sibi capere solitus.

Re jam Romana in occasum divergente, & barbaris gentibus undique provincias in continente dilacerantibus, Britannici exercitus veritine vicini incendii flamma eos etiam involveret, & existimantes strenuo aliquo Imperatore opus esse ad barbaros expellendos, se ad Imperatores eligendos converterunt. Primum Marcum in Regio solio collocarunt, eique tanquam rerum in his locis potienti paruerunt. Eo deinde necato, veluti moribus illorum non respondente; Gratianum municipem in medium producunt, purpuraque & corona cinctum, ut principem observantes comitantur. verum & huic neglecto post quatuor menses imperium abrogant, vitam eripiunt, & Constantino cuidam ex infima militia auspiciati nominis omine rerum summam tradiderunt. Spem enim certam conceperunt illum ex fausto Constantini nomine constanter & feliciter imperium administraturum & barbaros profligaturum, ut Constantinus ille Maximus, qui in Britannia ad imperium assumptus. Hic Constantinus è Britannia solvens, Bononiam Galliae appulit, omnesque Romanorum exercitus ad Alpes usque in belli societatem facile allexit. Valentiam Gallia strenue contra Honorii

Augusti copias propugnavit, Rhenum jampridem neglectum præsidio munivit. Ad Alpes Cottias, Pœninas, & maritimas, qua via patuit, munimenta construxit. In Hispania auspiciis filii Constantis, quem ex monacho Augustum declaraverat, res feliciter gessit, litterisque postea ad Honorium datis, culpam deprecatus, quod sibi purpuram vi à militibus injici passus fuerit, ab eo Imperatoriam vestem dono accepit. Vnde elatior, Alpibus superatis Romam cogitat, sed accepta Alarici Gothi morte, qui suis partibus studuerat, Arelatem recessit, ubi imperii sedem fixit, Constantinamque urbem vocari, & in ea septem Provinciarum conventus agi jussit. Constantem filium ex Hispania accersit, quo de summa rerum consultarent præsentem. Ille instrumento aulæ & conjuge sua Cæsaraugustæ dimissis, Gerontio intra Hispanias omnibus demandatis, ad patrem continuato itinere decurrit. Qui ubi convenerint, interjectis diebus plurimis, nullo ex Italia metu, Constantinus gulæ & ventri deditus, redire ad Hispanias filium monet. Qui præmissis agminibus, dum cum patre resideret, ab Hispania nuncii veniunt à Gerontio Maximum, unum è clientibus suis, ad imperium fuisse evectum, atque comitatu gentium Barbararum accinctum in ipsos parare. Quo exterriti, Edobecco ad Germanas gentes præmissis, Constans, & Præfectus jam Decimius Rusticus ex officiorum magistro, petunt Gallias cum Francis & Alamannis, omnique militum manu, ad Constantinum jamjamque redituri. Sed Constantem Viennæ Galliae interceptum & peremit Gerontius: Constantinum ipsum Arelati obsidione incinxit; ad quem oppugnandum, cum Constantius quidam ab Honorio missus infesto agmine properaret, Gerontius timide terga dedit, unde milites ejus ira perciti domum ejus circumvallant, ipsumque eo adigunt, ut primum Alano fidissimo amico caput amputaverit, deinde Nunnichæ uxori cum marito perire flagitanti, & postremo sibi manus intulerit. Constantinus gravissima obsidione pressus & infelici Edobecce pugna animum despondens, post quartum obsidionis mensem, & quartum itidem imperii annum, deposita purpura, & fortunæ suæ mole, Ecclesiam ingressus Presbyteri suscepit ordinem, statimque Arelate dedita in Italiam ductus, capite plectitur una cum Iuliano filio, quem Nobilissimum dixerat, & fratre Sebastiano. Ex eo tempore Britannia ad Honorii imperium reversa, & recreata parumper prudentia & fortitudine Victorini qui provinciam tunc rexit, & Pictorum Scotorumque excursus repressit. In cujus laudem, apud Rutilium Claudium hi extant digni auctore versiculi,

*Conscius Oceanus virtutem, conscia Thule
Et quacunque ferox arva Britannus arat.
Quæ præfectorum vicibus frenata potestas
Perpetuum magni scænis amoris habet.
Extremum pars illa quidem discessit in orbem;
Sed tanquam medio rector in orbe fuit.
Plus palma est illos inter voluisse placere,
Inter quos minor est displicuisse pudor.*

Roma ab Alarico capta Victorinum cum exercitu revocat Honorius, statimque Britanni sumptis

*Nicephor.
Callistus.*

*Victorinus
Rector Bri-
tannia.*

Zosimus

*Historia
Miscella*

*Gallio Ra-
vennas.
Gildas.
Inter ostia
Tyne &
Edeni.*

*Sigeb.
Gemb.
Anno 42.*

*Chronico
Anglo-Sa-
xonico.*

Zosimus.

Historia
Miscella.Gallio Ra-
vennas.
Gildas.
Inter ostia
Tynæ &
Edeni.Sigeo.
Gemb.
Anno 428.Chronico
Anglo-Sa-
xonico.

ptis armis, & pro salute sua periclitati civitates suas à barbaris imminentibus liberarunt. Itidem totius ille tractus Armoricus, cæteræque Gallorum provinciæ Britannos imitatæ consimili se modo liberarunt, ejeclis Romanis præsidibus & propria quadam republica ex arbitratu suo constituta. Hæc Britannia Celticarumque gentium rebellio, quo tempore Constantinus iste regnum usurpabat, accidit, quum ipsius in imperando focordia moti barbari libere provincias persultarint. Paulo tamen post auxilium ab Honorio eslagitarunt Britannia civitates, quas ille nullo auxilio submisso, ut sibi caverent & consulerent, literis admonuit. Britanni acceptis Honorii Augusti literis excitati arma sumpserunt, ut urbes suas tuerentur, verum cum barbaris undique superinfusis pares non essent, obnixæ ab Honorio petunt, & impetrant, ut legio in subsidium mittatur, quæ huc proveclta magnam hostium multitudinem prostravit, cæteros è provinciæ finibus depulit, murumque cespitium, inter Fretum Edenburgense, & Cluidam ducendum curavit, qui nulli fere fuit usui. Nam revocata ad Galliam tutandam legione, illi reversi terminos facile rumpunt, & immani crudelitate omnia undique ferunt, rapiunt, lacerant. Iterum mittuntur queruli legati scissis vestibibus o-perisque sablone capitibus (notate morem) opem à Romanis petaturi, quibus jussu Valentiani III, militares destinantur manus sub Gallione Ravennate quæ fortissime barbaros profligarunt, afflictam perditamque provinciam quodammodo erexerunt. Murumque è saxis non ut alterum sumptu publico privatoque adjunctis secum miserabilibus indigenis solito structura more, tramite à mari usque ad mare inter urbes quæ ibidem forte ob metum hostium collocatæ fuerunt, directò librarunt, fortia formidoloso populo monita tradiderunt, exemplaria instituendorum armorum reliquerunt. In littore quoque Oceani ad meridianam plagam, qua naves eorum habebantur (quia inde barbaricæ feræ bestie timebantur) turres per intervalla ad prospectum maris collocarunt, & sic Romani valedicunt ultra non reversuri.

Miserissima jam & luctuosissima erat ubique rerum facies, Imperium quasi ætate extrema plane mancum & omnibus membris captum jacuit, & Ecclesia ab hæreticis (qui inter bellorum incendia sua venena latissime diffundunt,) gravissime oppugnata. E quibus Pelagius hinc oriundus, in gratiam Dei iniquior solidam justitiam operibus nostris parari in hac insula docuit. Et Timotheus quidam contra divinam & humanam in Christo naturam impie inter Britannos disputavit.

Confecta nunc erat in Britannia Romanorum imperii periodus, quadringentesimus septuagesimus sextus, nimirum à Cæsaris ingressu annus, cum Valentiniano III, imperante, Romani transvecltis à Gallione ad Galliam defendendam copiis, & defossis thesauris, Britanniam sua juventute crebris delectibus exhaustam, omnique præsidio nudatam Pictorum & Scotorum immanitati reliquerunt. Vnde Prosper Aquitanus vere scripsit: *Hac tempestate præ invaletudine Romanorum vires funditus attenuatæ Britannia.* Et noster Malmesburienfis historicus: *Cum Tyranni nullum in agris præter semibarbaros, nullum in urbibus præter ventri deditos*

reliquissent: Britannia omni patrocínio juvenilis vigoris viduata, omni exercitio artium exinanita, conterminarum gentium inhiationi diu obnoxia fuit. Siquidem à vestigio Scotorum & Pictorum incursione multi mortales cæsi, villa incensa, urbes subrutæ, prorsus omnia ferro incendioque vastata. Turbati insulani qui omnia tutiora putarunt, quàm prælio decernere: partim pedibus salutem quærentes fuga in montana contendunt, partim sepultis thesauris, quorum plerique in hac ætate defodiuntur, Romam ad petendas suppetias ire intendunt. Sed ut Nicephorus vere scripsit, Valentinianus III non solum Britanniam, Hispaniam, & Gallias quæ ejus imperio avulsæ fuerant, recuperare non potuit, sed Africam etiam perdidit. Non sine causa igitur hoc seculo exclamavit Gildas: *Britannia omni armato militaribus copiis, rectoribus licet immanibus, ingenti juventute spoliata.* Nam præter eos quos Maximus ille, & ultimus Constantinus abduxerunt, ex Inscriptionibus antiquis, & Notitia Provinciarum constat quod hi subscripti militabant Romanis dispersi per provincias, qui continuò ex Britannia suppleti.

Ala Britannica Milliaria.

Ala IV Britonum in Ægypto.

Cohors Prima Ælia Britonum.

Cohors III Britonum.

Cohors VII Britonum.

Cohors XXVI Britonum in Armenia.

Britanniciani sub Magistro peditum.

Invicti juniores Britanniciani } inter auxilia

Exculcatores jun. Britan. } Palatina.

Britones cum Magistro Equitum Galliarum,

Invicti juniores Britones intra Hispanias.

Britones Seniores in Illyrico.

Hinc minimè mirum si Britannia delectibus tot & tantis indies exhausta, barbaris fuerit exposita; & verum illud Taciti probatur. *Nihil validum in Romanis exercitibus nisi externum.*

Hæc dum ego de Romanorum in Britannia imperio quod ad quadringentesimum septuagesimum sextum plus minùs annum, ut modò dixi, pertigit, commentor, & subinde mecum repeto, quot tanto tempore Romanorum coloniæ huc deductæ, quot milites huc Româ in præsidia continuò transmissi, quot ad res suas vel imperii agendas huc submissi, qui cum Britannis connubiis conjuncti hinc & sedes fixerunt, & sobolem susceperunt: ubique, inquit Seneca, *vicit Romanus, habitat.* Sæpenuerò animum subiit quod Britanni per hos Romanos qui à Trojanis proculdubio prognati, se in stirpem Trojanam verius inferant, quàm vel Arverni qui sanguine ab Iliaco Romanorum se fratres dixere, vel Mamertini, Hedui, & cæteri qui fabulosa origine se Trojanis imputavere. Communis illa mater enim, ut inquit ille, ROMA, cives vocavit,

Quos domuit, nexuque pio longinqua revinxit.

Et par est credamus Britannos & Romanos tot seculis in unam gentem quasi læta insitione coaluisse, cum Vbii in Germania anno vicesimo octavo post Coloniam deductam de Romanis colonis responderint. *Deductis olim & nobiscum per connubium sociatis, quique mox provenere, hæc patria est. Nec vos adeò iniquos existimemus, ut interfici à nobis parentes, fratres, liberos nostros velitis.* Si Vbii, & Romani tantillo tempore inter se parentes, fratres, & liberi fuerunt, quid censeamus de Britannis &

L 2

Roma-

Britanni
quomodo
ex Trojana
origine.Tacitus lib.
4. histor.Nicephor.
Callistus.Victorinus
Rector Bri-
tannia.

Romanis tot annis inter se confociatis? Quid etiam de Burgundis dicamus, qui quod sanguinem cum Romanis miscuissent dum Romanorum provincias paulisper infedissent, se sobolem Romanam appellarunt, ut non denuo repetam quod supra dixi, insulam hanc Romaniam, & Insulam Romanam fuisse appellatam.

Hæc ego carptim & compendiò, explosis figmentis, ex antiquorum monumentis de Romanorum in Britannia imperio, eorum Legatis, Proprætoribus, Præsidibus, Vicariis, & Reëtoribus, accuratius autem & plenius, si Aufonius quod promiserat præstitisset, & ad nos pervenisset. Qui dixit se memoraturum illos qui,

Aut Italum populos, Aquilonigenasque Britannos
Præfecturarum titulo tenuere secundo.

Cum verò inter omnes doctos in confesso sit plurimum lucis ad historias antiquas illustrandas ex antiquis nummis exoriri, placuit numismata quædam cum Britannorum qui primum Romanum jugum subiere, tum etiam Romanorum Imperatorum, præcipue quæ ad Britanniam faciant, lectori hic exhibere ex thesauro clarissimi Roberti Cottoni de Connington Equitis aurati, qui hæc studiose undique conquisivit, & nobis pro sua humanitate libens lubensque communicavit.

AD BRITANNORVM Numismata suspiciones.



D Britannorum numismata, quorum ectypa hic exhibui, ut notulas etiam apponam forsan expectas. At quid apponam in rebus quibus tot jam transacta secula tenebras omnino obduxerunt, plane profiteor me minime videre, & tu cum has tenues suspiciones legeris, me in multa & caliginosa nocte versari affirmabis.

Priscos Britannos nummo æreo, aut annulis, sive laminis ferreis ad certum pondus examinatis usos fuisse jam antè ex Casare dixi, & sunt qui ex his se aliquot in urnulis repertos vidisse asserunt. Præter hos reperiuntur in hac insula subinde numismata aurea, argentea, & area, varia forma, varioque pondere, pleraque omnia ex altera parte concava, alia sine literis, alia literis graphicè inscripta, cujusmodi non alibi effossa fuisse hæcenus audiri, priusquam nuperrimè nobilissimus è Provincia Gallie juvenis, & in re nummorum antiquaria longè doctissimus & perspicacissimus Nicolaus Faber Petrascius ejusmodi in Gallia reperta mihi ostenderat. Sed de nostris quæ hic proposui:

non agnoscunt. Similique ratione MONETA in Rom. nummis sæpe inscribitur.



AV




III

Ejusdem Cunobelini est iterum tertium cum equo & CVNO, cumque Spica & CAMV. ut videtur, pro Camaloduno, quæ fuit Cunobelini urbs regia.



AR




IV

Quartum cum VER. Verulamienisum videatur.



AE




I

Primum est Cunobelini qui sub Augusto & Tiberio floruit, in quo, nisi me fallo, Iani bifrontis capita inculpantur, fortasse quod tunc temporis Britannia barbaricem exuere incepit. Iani enim barbaros mores in civiles mutasse primum traditur, ideoque bifrontem depictum tanquam alteram ex altera forma reddiderit.



AR



V

Quintum rursus est Cunobelini.



AR



VI

Sextum cum sine literarum luce mihi omnino ignotum.



AE



II

Secundum etiam Cunobelini cum ejus facie & inscriptione, monetario in altera parte, addito verbo TASCIA. quod Tributi denarium significare apud Britannos author mihi D. David Powel Britannicæ linguæ callentissimus, forte à Latinorum Taxatione, nam literam X Britannici non



VII



AR

Septimum Cunobelini inscriptum TASC NOVA-NEI, cum capite muliebri, an innuit fuisse Tributum Trino-

Belinus
Deus.

Cuno.

Trinovantum quibus ille præsuit, non dixerō. Apollo cum lyra in altera parte, & CUNOBELIN, in mentem revocant, quod alibi de Belino Deo observavi; scilicet, Gallos priscos Apollinem sub Belini nomine coluisse: idque Dioscoridem comprobare, cum Herbam Appollinarem qua Galli sagittas inungere soliti, Gallica lingua Belinuntiam appellari disertè scribat. Vt quodammodo hinc ausim conjectare nomen Cunobelini, uti & Cassibelini ex Apollinis cultu deductum, perinde ac Phœbitii & Delphidii. Si non potius, ut Apollo ob capillos flavos Græcis *ξανθοί*, Latinis flavus Britannicè in orationis contextu Melin, Belin, & Felin dicitur, & eadem de causa Belinus ille Priscus, Cunobelinus, & Cassibelinus, qui etiam Cassidelaunus; quasi principes flavi videantur appellari. Cuno enim nomen esse dignitatis fatentur Britanni, quodque præcipuum, & principale Cynoc hodiè dicunt. Certè nomen fuisse honorarium, Cungetorix, Cunobelinus, Cuneglasus, Cunedā, & Cunedagius, principum nomina apud Britannos, uti Cyngetorix Conviçtolitanus, Conetodunus, apud priscos Gallos quodammodo comprobant. Nec me latet Gildam Cuneglasum, Lanionem fulvum, vel furvum Latine convertisse, quem alii Principem cæruleum, sive vitrei coloris, ut Cunedā Principem Bonum sunt interpretati. Germanorum *König* & nostrum Kinge pro Rege à Cuno profuxisse nondum ausim suspicari. Sit satis hæc variè conjectando luisse ne aliorum irrisione etiam ipse ludar.




Octavum cum equo Essedario rota subiecta, & BODVO in altera parte, gentis Bodunorum videatur, vel Bodicie Regine, qua Voadicia, & Bunduica variè vocatur.



Nonum in quo Equestris figura cum hasta & clypeo, & dispersis literis CÆRATIC. bellicosi illius Caratati, cujus laudes prædicat Tacitus, judicari.



Decimum, cujus altera parte sub Equite inscribitur REX, in altera COM. Comii fuisse Atrebatensis cujus meminit Cæsar, cum nonnullis lubet opinari.



Undecimum quod præ se fert semilunulam cum REX Britannia.

CALLE, à CALLENÆ celeberrimæ urbis nomine non abludit.



Duodecimum Caput habet alatum cum dictione ATEVLA, in parte adversa Leonem, & inscriptionem VLATOS. Quid sibi velint hæ dictiones frustra quero. Hac eadem autem effigie Romanorum nummis Deam Victoriā expressam vidi. Victoriā tamen ATEVLA Britannicè dici nondum comperi, ANDATEM verò illos victoriā vocasse ex Dione jam dixi, quæ an fuerit ANDARTA à Vocontii in Gallia culta, alius dixerit.



Species hic etiam XIII cum dictione DIAS in pentagono & Equo in adverso.



XIII cum porco inscriptum VANOC & Dea capite, fortè Veneris vel Venutii, de quo Tactus.



XV cum capite galeato, & DVRNACO; qui nescio an fuerit Dumnaeus Andium Princeps cujus Cæsar meminit.



XVI Cum equo & ORCETI.



XVII cum effigie Augusti, & TASCIA, tauro corrupta, in adversa.

M

XVIII



XVIII Cum CVNO intra coronam laureatam, & in aversa parte Equum cum TASCE.

Vidimus præterea alium cum Pegaso & CAMV. In cuius aversa figura galeata cum clypeo inter segetes & CVNO, alium cum equo malè efformato & EISV, forte ISVRII, & in aversa, spica: alium cum milite hastato, & in aversa inter torquem SOLIDV. Solidum nummum fuisse non credo, cum ille semper eo ævo aureus, & hic argenteus. Probabilius ad Solidarios referatur. Sic enim Galli præsci vocarunt viros devotos, quorum hæc erat conditio, ut omnibus in vita commodis unâ cum his fruantur, quorum se amicitie dederint. Si quid iis per vim accidat, aut eundem casum unâ ferant, aut sibi mortem consciscant; nec ex his repertus erat quisquam, qui eo interfecto cuius se amicitie devovisset, mori recusaret. An ex his nomen obvenit militibus qui Principi vel Reipub. alicui devoti, stipendia faciunt, & apud plures Europæ nationes eodem fere nomine, sc. Soldiers, Soldats, Soldados, &c. appellantur, malim alios cogitare, quàm me dicere; licet ego in eam potius irem sententiam Solidarios recentiori ævo eos fuisse dictos, ad differentiam eorum qui ratione feudorum sine solidis militarunt.

An hoc genus nummorum in promiscuo fuerint monetæ, & commerciorum usu, an alicui seorsim usui principio signatum, inter eruditos controversatur. Conjecturam verò (si modò interponere liceat) paucis habere meam. Cum Cæsar quid in annos singulos vectigalis Britanni pensarent constituisset, & sub Augusto vectigalia Portoria illa in evehendo aut invehendo tolerarent, sensim etiam Tributa alia fuerunt imposita, scilicet pro sativis, plantariis, arboretis, pastionibus minorum, & majorum animalium, cum jam domiti essent ut parerent, non ut servirent. In eum usum hos nummos primum cufos opinatus sum, pro majoribus animalibus cum equo, pro minoribus cum porco, pro sylvis cum arbore, pro sativis cum spica, ut in illo Verulamensium qui inscribitur VERV. Illi autem cum capite humano, signati videantur pro tributo Capitationis

quod personale erat, & capiti cuiusque sive persone imponebatur, fæminis ab anno ætatis duodecimo, masculis à decimo quarto. Quod Bunduica sive Bodicia Britannorum Regina conqueritur hisce verbis apud suos, Et pascitis & aratis Romanis, corporum etiam annuum tributum reddentes. Ad hoc olim percussum certum genus nummi putavi, cum in sacris literis Nomisma census diserte appellatur, & Hesychius νομισμα, εἰς τοῦ νομισμαλίου ἐπισημαλίου interpretetur. Firmiusque hoc credo quod in nonnullis Monetarius pecuniam signans exprimitur cum TASCIA, quod apud Britannos Denarium tributi significat: in promiscuo tamen usu hæc postea fuisse non diffiteor. Nec ea adhuc sum sententia, qua illi qui volunt Porcum, Equum, Spicam, Ianum &c. insignia fuisse gentium, aut principum peculiaria, cum unum eundemque principem & gentem varia usurpasse insignia in his videre licet, ut Cunobelinum, porcum, equum & spicam &c. & alia suis nummis insculpsit.

An verò hæc numismata census cusa fuerint à Romanis, an à provincialibus, vel eorum Regibus, cum orbis terrarum ab Augusto censeretur, non facile dixerò. A Britannicis Regibus signata fuisse suspicari lubet cum Britannia à Iulii Cæsaris tempore usque ad Claudii suis legibus sit usa, & suis Regibus (ut auctor est Dio) permissa, cumque effigies & titulos Britannicorum Principum præ se ferant. Habuerunt enim Romani recepta consuetudine Reges in provinciis ut servitutis instrumenta; qui jam quasi socii Romanorum in illorum mores paulatim (quod victis usque venit) abiire, & ut videtur, Romano more & pondere pecuniam signare, nomenque nummis inscribere cœperunt. At contra in Iudea, ut ex Christi responso colligatur, Cæsaris facie & inscriptione signabantur, & ut probabile est, ab ipsis Romanis. Quod Cæsar Baronius Cardinalis historicus Ecclesiæ præstantissimus hisce verbis docet: Moris fuit apud Romanos ut numismata pro ratione tributi, vel census ab Imperatoribus cuderentur, nec uno semper modo eadem permanerent; sed secundum incrementa & decrementa tributorum à cæteris usualis pecuniæ nummis in eo differrent, quod istorum pretium semper idem est, numismata verò census vel tributi, cum mutaretur tributi qualitas, eadem ad rationem tributi formarerentur. Sed eruditi nonnulli hac in re Baronio minime suffragantur.

Numisma census.

Solidarii.

Cæsar Com.

Soldiers.

Strabo.

Appianus.

NOTÆ AD ROMANORVM

Numismata.



RIMVS Romanorum post Cæsarem Claudius seriò Britanniam cogitavit, transmissoque exercitu australem partem in provincie formam redegit: Quo tempore signatus hic primus nummus videatur qui compendio inscribitur,

TI. CLAVD. CÆS. AVG. P. M. TR. P. VIII. IMP. XVI. id est, Tiberius Claudius Cæsar Au-


Dio Cæsar.

gustus, Pontifex Maximus, Tribunitia potestate IX. Imperator XVI. Ut hos titulos semel explicem. Post Iulium Cæsarem qui Romano Monarchie fundamenta jecit, omnes succēssores in ejus honorem dici voluerunt Cæsares & Augusti, quasi hominum naturam excederent, quæ enim sacrosancta Augusta dicuntur; Pontifices Maximi, quod omnibus sater dotius essent consecrati, sacrisque præfessent; Tribunitiamque potestatem usurparunt (Tribuni enim dici noluerunt) ut essent inviolabiles. Hac enim auctoritate si quis eis malediceret, aut vim afferret, indemnatus ut sacrilegus occideretur, potestatemque Tribunitiam quotannis renovarunt, unde summa annorum imperii concipi solebat. Postremò Imperatores sunt dicti, quod amplissimum esset eorum imperium, eoque nomine Regum

Regum & Dictatorum potestas contineretur. Totiesque Imperatores sunt dicti quoties aliquid praeclare per se aut duces in praelio gesserunt. Cum vero in aversa hujus nummi parte arcus sit triumphalis cum equestri figura inter duo trophaea cum titulo DE BRITAN. duplicem victoriam nono Claudii anno ex numero Tribunitiae potestatis, reportatam fuisse judicamus.



In secundo numismate quod etiam Claudii Augusti, ex hac inscriptione, TI. CLAVD. CAES. AVG. GER. TR. P. XII. IMP. XIIIX. docemur illum duodecimo imperii anno, re bene in Britannia gesta decimo-octavo Imperatorem fuisse acclamatum, & Coloniam Camalodunum eo tempore deductam, quod innuit expressus colonus cum vacca & tauro. Romani, inquit Servius, condituri civitates, taurum in dextra, vaccam intrinsecus jungebant cincti ritu Gabino, id est togae parte caput velati, parte succincti, tenebant stivam incurvam, ut glebae omnes intrinsecus caderent. Et ita sulco ducto, loca murorum designabant, aratrum suspendentes circa loca portarum.



Claudii filius cujus est tertius nummus caractere Graeco ob res à patre feliciter gestas BRITANNICI cognomine quo quasi proprio uteretur Senatus-consulto ornatus erat. Cui precatus est Seneca, ut Germaniam pacet, Britanniam aperiat, & patris triumphos ducat, & novos. Quid vero velit dimidiata in illo navis cum inscriptione Metropolis Etimnii Regis? Sane mihi non liquet quis ille Etimnii, nisi lubeat suspicari illum ipsum fuisse Adiminium Regis Cunobilini filium, quem ad C. Caligulam transfugisse memorat Suetonius.



Quo ordine quartus est Hadriani nummus cum scriptura HADRIANVS AVG: CONSVL III, PATER PATRIAE. Et in altera parte EXERCITVS BRITANNICVS per tres milites representatus, judicamus denotare tres legiones anno Christi 120. (tunc ille III Consul) in Britannia egisse, scilicet Secundam Augustam, Sextam Victricem, & Viceham Victricem.



Quintus & sextus qui sunt Antonini pii, inscripti An-

toninus Augustus Pius, Pater patriae, Tribunitia potestate, Consul tertium, & in aversis partibus alter Britanniam rupibus insidentem cum signo militari, hasta, & scuto, alter eandem globo insidentem habet; signati videntur in Antonini Pii honorem à Provincia Britannia cum ille imperium auspicaretur anno Christi 140. Ille militaris provinciae Britanniae habitus



denotat Britanniam tunc temporis militari gloria floruisse; ut quem Italia in ejus honorem eo tempore percussit, habet figuram insidentem globo cum Cornucopia, ad omnium rerum copiam; quem Sicilia, habet figuram cum spicis, ad fecunditatem; quem Mauritania, figuram hastilia tenentem cum equo, ad equestrem ejus provinciae gloriam denotandam. Huc etiam referendus est nonus qui ejusdem est Antonini, sed non suo loco positus.



Septimus nummus qui Commodi, tantum docet illum ob victoriam contra Britannos BRITANNICI nomen sibi assumpsisse: in altera enim parte victoria cum palma scutum tenens, & de victorum Britannorum scutis insidens cum VICTORIA BRITANNICA cernitur.



Octavius qui est Caracalla & non suo loco hic ponitur, signatius ostendit ex numeris illum devicisse hostes in Britannia anno salutis 214. & ex trophaeo, quod melius quam sculptor, depinxit his versibus Virgilius:

Ingentem quercum decisis undique ramis
Constituit tumulo, fulgentiaque induit arma
Mezentii ducis exuvias, tibi magne trophaeum
Bellipotens: aptat roranteis sanguine cristas,
Telaque trunca viri.



Idem sentiendum est de duodecimo, qui est ejusdem Caracallae.




X AE



XI AE



XI AE



XI AE

In illis vero Severi, & Getae nihil est obscuritatis.



XIII AE

Aelianus quis hic fuerit nondum constat. A. Pomponium Aelianum inter XXX tyrannos aliqui enumerant. Cl. Aelianum, alii inter sex tyrannos sub Diocletiano statuunt. Sunt etiam qui opinantur hunc illum ipsum fuisse tyrannum in Britannia sub Probo Imperatore, cuius suppresso nomine meminit Zosimus, & de quo supra. Certè quocumque fuerit tempore, in Britannia Augustum appellatum existimamus; cum ejus nummi solummodo in hac insula reperiantur qui inscribuntur IMPERATOR CL. AELIANVS PIVS FOELIX AVGVSTVS. In altera parte VICTORIA AVGVSTI, quod innuit illum barbaros aliquos devicisse.

Aliis Læ-
lianus le-
gitur.



XIII AE

Carausii nummus cum inscriptione Imperator Cajus Carausius Pius Foelix Augustus, & in altera parte PAX AVGVSTI, eo tempore percussus videtur, cum mare Britannicum piraticis infestum pacasset.



XV AE

Cum Allectus qui Carausium è medio sustulit, purpuram induisset, & viriliter se contra barbaros gessisset, hunc nummum cum VIRTVS AVGVSTI percussit, litera

Q. L. alii Quartarium Londini cūsum, alii Quæstorem Londinensem denotare volunt.



XVI AE

Cum Constantius Chlorus diem Eboraci obiisset, & jam in divos solenni consecratione relatus esset; in ejus honorem & memoriam hic nummus signatus, quod ex inscriptione constat, & templo inter duas Aquilas. Notæ subjectæ P. LON. Pecuniam Londini signatam evincunt.



XVII AE

Vxor ejus Flavia Helena natione Britanna, ut tradunt historiæ nostræ, & confirmat maximus ille historicus Baronius, cum filius Constantinus Maximus Tyrannum Maxentium fudisset, & titulum Fundatoris Quietis, & Liberatoris orbis accepisset, parta Reipublica securitate, hanc in ejus honorem signatam habuit pecuniam Treveris, ut ex literis S. TR. constat, i. Signata Treveris.



XVIII AE

Fl. Constantinus Maximus Augustus magnum Britannia ornamentum, hunc cum GLORIA EXERCITVS ad milites deliniendos, penes quos, non imperatorem, eo seculo fuit imperium, percussit Constantinopoli, ut ex literis subjectis CONS. docemur.

Constantinus Junior filius Constantini Maximi, cui cum aliis regionibus obtigit Britannia, hunc nummum signavit patre superstite, Nobilis enim Caesar tantum dicitur, quod nomen designatis imperii successoribus tribui solitum. Ex ædificio & PROVIDENTIAE CÆS.



XIX AE

illum cum fratre aliquod opus publicum extruxisse, uti ex P. LON. percussus fuisse Londini hunc nummum intelligimus.



XX AR

A Magnentio qui patre Britanno natus, hoc percussum videatur numisma, quod inscriptum, Dominus noster Magnentius Pius Foelix Augustus, & ad ineundam gratiam

gratiam cum Constantio videatur postquam publicum aliquem hostem prostigasset. Nota enim DD. NN. AVGG. i. Domini nostri Augusti, duos tunc innuit fuisse Augustos. Illud VOTIS. V. MVLTVS. X. denotat quod populus vota tunc nuncupabat, ut v. annos floreret Imperator, & numero multiplicato multa decennia faustis acclamationibus comprecabantur. Huc facit illud in Nazari Panegyrico. Quinquennalia beatissimorum Caesarum occupatos in gaudiis habent, sed in destinatis decenniis jam vota properantia & spes volucres constiterunt. Litere P. AR. Arelati hunc denarium signatum denotant.




Constantius Magnentio fuso, & Britannia recuperata, in honorem Exercitus hunc signandum curavit, R in basi forsitan notat esse ex officina monetaria qua erat Rome.



In Valentiniiani honorem cum Britanniam collabentem restituerit, & recuperatam partem de suo nomine VALENTIAM dixerit, hic Antiochie percussus ut ex literis subjectis colligatur.



Ad Gratiani nummum nihil occurrit quod adjiciam, nisi quod ad Magnentii modo dixi.



Cum Magnus Maximus ab exercitu Britannico creatus esset Augustus, ejusque iidem filius Flavius Victor: in militum gratiam & gloriam hi nummi fuerunt cusi, Theodosiusque cum illos sustulisset, eadem de causa illum cum VIRTUTE EXERCITVS signavit.



In illo aureo Honorii nihil est quod adnotem, nisi ex illo AVGGG. tres fuisse ea tempestate Augustos, scilicet post annum salutis 420, cum Honorius in Occidente, Theodosius Junior in Oriente, & cum illis Constantius qui Constantinum nostrum spe nominis electum vicerat, ab Honorio Augustus nominatus, imperarent. CONOB vero illud denotat Obrizum esse aurum Constantinopoli signatum. Nusquam enim nisi in aureis legitur illud CONOB. quantum hactenus observavi.

Nummos Romanorum longè plures adjicere poteram, vis enim eorum infinita passim apud nos reperitur in urbium subversarum ruinis, in thesauris sive flavissis illo ævo reconditis, urnisque funeralibus. Vnde autem tanta illorum superesset copia valde demirabar, donec Principum constitutionibus legissem nummos antiquos conflare fuisse interdictum.

Antiquos hos tùm Britannorum, tùm Romanorum nummos, cum jam suis typis dederimus, Lectoris etiam interesse putamus Chorographiam Britanniae tabellam (cum fuerat Romanorum provincia) priscis nominibus hoc in loco interserere, non quidem illam accuratam. Quis enim præstabit? sed è qua si nihil aliud hoc tamen ediscas, quotidie aliquid in hoc orbe mutari, nova urbium fundamenta jaci, nova gentium nomina extinctis nominibus prioribus exoriri; & quod ait ille,

Non indignemur mortalia corpora solvi,
Cernimus exemplis oppida posse mori.

L. 1. c. de
auro pub.
Profectur.
L. 12. 13.
C. Th. de
suscept.
prepos.

BRITANNIÆ EXCIDIVM.



Um jam derelicta esset à Romanis præfidiis Britannia, confusissima erant omnia, & calamitatibus miserrima, hinc barbaris incursantibus, illinc civibus tumultuantibus, dum quisque imperii summam sibi arripit, Sub metu, ut habet Britannia.

Ninnius, quadraginta plus minus annos fuerunt. Vortigernus enim qui regnavit urgebatur à metu Pictorum & Scottorum, à Romanorum, qui hic manserunt, impetu, nec non à timore Ambrosii Aurelii, vel Aureliani, qui tantæ tempestatis collisione occisus in eadem parentibus purpura indutis superfuerat. Hinc Saxones à Vortigerno in auxilium è Germania evocati exitiabile bellum

Gildas.
Saxones in
Britanni-
am evocati.

in hospites conflarunt, misellosque Britannos post ancipites bellorum eventus uberiori Insulae parte, & avitis sedibus exuerunt.

* Carro-
ghes.
Scitica
vallis.
Gildas hic
in MS. ex-
emplaribus
Galliae
Querulus
dicitur, ut
mibi retulit
V. C. Bar-
nab. Bri-
sonis.

Verum luctuosissimum hoc Britanniae excidium tibi Gildas Britannus totus lachrymis op-pletus, qui paulo post vixit, lamentabili suo stylo depinget, vel potius deplanget. Romanis ad sua remeantibus emergunt certatim de * carucis quibus sunt trans Sciticam vallem erecti, quasi in alto Titane, incal-escienteque caumate, de arctissimis foraminum caverniculis fusi vermiculorum cunei, tetri Scotorum, Pictorumque greges, moribus ex parte disidentes: & una eademque san- guinis fundendi aviditate concordēs. Cognitaque condebitorum reversione & redditus denegatione solito confidentiores omnem Aquilonalem, extremamque terrae partem pro in- digenis muro tenus capeffunt. Statuitur ad hanc in edito arcis acies segnis ad pugnam, inhabilis ad pugnam, tremen- tibus praecordiis impta, quae diebus ac noctibus stupido se- dili marcebat. Interea non cessant uncinata nudorum tela quibus miserrimi cives de muris tracti solo allidebantur. Hoc scilicet eis proficiebat immatura mortis supplicium qui tali funere rapiabantur, quo fratrum pignorumque suorum miserandas imminentes poenas cito exitu devitabant. Quid plura? Relictis civitatibus, muroque cello, iterum illis fuga, iterum dispersiones solito desperabiliores. Item ab hoste infestationes: item strages accelerantur crudeliores, & sicut agni à lanionibus, ita defendi cives ab inimicis discerpuntur, ut commoratio eorum ferarum aemularetur agrestium. Nam & ipsis mutuo nec pro exigui victus bre- vi sustentaculo miserrimi cives latrocinando temperabant, & augebantur externae clades domesticis motibus, quod hu- jusmodi tam crebris direptionibus vacuaretur omnis re- gio totius cibi baculo, excepto venatoriae artis solatio. Igi- tur rursus misere mittentes epistolas reliquiae ad Aetium Romanae potestatis virum hoc modo loquentes:

AETIO III COS GEMITVS BRITANNORVM.

Repellunt Barbari ad mare, repellit mare ad Barbaros. Inter haec duo genera funerum aut jugulamur aut mergimur.

In aliis ex-
empl.
Agitio, in
aliis Equi-
tio Cos.
sine ullo
numero.

Nec pro iis quicquam adjutorii habent. Interea fames dira ac famosissima vagis ac nutabundis haeret, quae mul- tos eorum cruentis compulsi praedonibus sine dilatione victas dare manus, ut paucillum ad refocillandam animam cibi caperent, alios vero nunquam, quin potius de ipsis monti- bus, speluncis, ac saltibus dumis confertis continue rebel- labant. Et tum primum inimicis per multos annos praedas in terra agentibus strages dabant, non fidentes in homine, sed in Deo, secundum illud Philonis, Necesse est adesse divinum, ubi humanum cessat auxilium. Quaevit parumper inimicorum audacia, nec tamen nostrorum ma- litia. Recefferant hostes à civibus, nec cives à suis sceleri- bus. Moris namque continui erat genti (sicut & nunc est) ut infirma esset ad retundenda hostium tela, & fortis esset ad civilia bella, & peccatorum onera sustinenda, &c. Revertuntur ergo impudentes grassatores Hyberni domum, post non longum temporis reversuri, Picti in extrema par- te * insula tunc primum & deinceps requieverunt praedas & contritiones nonnunquam facientes. In talibus itaque induciis desolato populo sava cicatrix obducitur famis, alia virulentior tacite pullulante. Quiescente autem vastitate, tantis abundantiarum copiis insula affluebat, ut nulla ha- bere tales retro aetas meminisset, cum quibus omnimodis & luxuria crescit. Crevit etenim germine praepollenti ita ut

Provincia.

competenter eodem tempore diceretur: Omnino talis auditur fornicatio, qualis nec inter Gentes. Non solum vero hoc vitium, sed & omnia quae humana naturae accidere solent, & praecipue (quod & nunc quoque in ea to- tius boni evertit statum) odium veritatis cum assertoribus, amorque mendacii cum suis fabricatoribus, susceptio mali pro bono, veneratio nequitiae pro benignitate, cupido tene- brarum pro sole, acceptio Satanae pro Angelo lucis. Vnge- bantur reges non per Deum, sed qui ceteris crudeliores ex- tarent: & paulo post ab unctoribus non pro veri exami- natione trucidabantur, aliis electis trucioribus. Si quis ve- ro eorum mitior, & veritati aliquatenus propior videretur, in hunc quasi Britannia subversorem omnium odia te- laeque sine respectu contorquebantur, & omnia quae displi- cuerint equali saltem lance pendebantur, si non gratiora fuissent displicentia: ita ut merito patriae illud propheti- cum, quod veteri illi populo denunciatum est, potuerit ap- tati. Filii (inquiens) sine lege dereliquistis Deum, & ad iracundiam provocastis Sanctum Israël. Quid adhuc percutiemini apponentes iniquita- tem? omne caput languidum, & omne cor mœ- rens, à planta usque ad verticem non est in eo sanitas. Sic agebant cuncta, quae saluti contraria fue- rint, ac si nihil mundo medicinae à vero omnium medico largiretur. Et non solum haec seculares viri, sed & ipse grex Domini ejusque pastores, qui exemplo esse omni plebi debuerint: Ebrietate quam plurimi quasi vino madidi tor- pebant resoluti, & animositatum timore, jurgiorum contentionē, invidiae capacibus unguis, indiscreto boni mali- que judicio carpebantur: ita ut perspicue sicut & nunc est, effundi videretur contemptio super principes, seduci vanis eorum, & errore in invio & non in via. Interea volente Deo purgare familiam suam, & tanta malorum labe in- fectam auditu tantum tribulationis emendare, non ignoti rumoris penniger ceu volatus arrectas omnium penetrat aures: jamjamque adventus veterum hostium volentium penitus delere, & inhabitare solito more à fine usque ad terminum regionem. Nequaquam tamen ob hoc proficiunt, sed comparati jumentis insipientibus, strictis (ut dicitur) moribus rationis frenum obfirmantes per latam diver- sorum vitiorum ad mortem proclive ducentem (relicto salu- tari licet arcto itinere) discurrebant viam. Dum ergo (ut Salomon ait) servus durus non emendatur verbis, flagella- tur stultus, & non sentit. Pestifera namque lues feraliter insipienti populo incumbit, quae in brevi tantam ejus mul- titudinem remoto mucrone sternit, quantam ne possent vi- vi humare. Sed ne hac quidem emendatur, ut illud Esaiæ Propheta in eo quoque impleteretur, dicentis: Et vocavit Deus ad planctum & ad calvitium & ad cingu- lum sacci: ecce vitulos occidere & jugulare arie- tes, ecce manducare & bibere & dicere: Man- ducemus & bibamus; cfas enim moriemur. Ap- propinquabat siquidem tempus, quo ejus iniquitates, ut olim Amorreorum, complerentur. Initur namque consilium quid optimum, quidve saluberrimum ad refellendas tam ferales & tam crebras supradictarum gentium irruptio- nes, praedasque decerni deberet. Tum omnes consiliarii una cum superbo tyranno cecantur, adinvenientes tale praesi- dium, imo excidium patriae, ut ferocissimi illi nefandi no- minis Saxones Deo hominibusque invisi, quasi in caulas lupi, in insulam ad retundendas Aquilonales gentes intro- mitterentur. Quo utique nihil ei usquam perniciosius, ni- hilque amarius factum est. O altissimam sensus caliginem, o desperabilem crudamque mentis hebetudinem! Quos pro- pensius morte cum abessent tremebant, sponte (ut ita di- cam) sub unius recti culmine invitabant stulti Princi- pes

Reges
mili.

* Germa-
nia Ciula.

* Stipendia
mensura.

Gildas.

Pestis.

Saxones in
Britan-
niam
admissi.

pes (ut dictum est) Taneos, dantes Pharaoni consilium insipiens.

* Germani
Cicula.

Tum erumpens grex catulorum de * cubili leana barbarie tribus (ut lingua ejus exprimitur) Cyulis, nostra longis navibus, secundis velis, omine, auguriisque quibus vaticinabatur certo apud eum presagio, quod ter centum annis patriam cui proras librabat, insideret. Centum vero quinquaginta, hoc est dimidio temporis, sepius vastaret. Ejectus primum in Orientali parte insule jubente infausso tyranno, terribiles infixit unguis; quasi pro patria pugnaturus, sed eam certius impugnaturus: cui supradicta genitrix (comperiens primo agmini fuisse prosperatum) item mittit satellitum canumque prolixorem catastam, que ratibus advecta adunatur cum manipularibus spuris. Inde germen iniquitatis, radix amaritudinis, virulenta plantatio nostris condigna meritis in nostro cespite ferocibus palmitibus pampinisque pullulat. Igitur intromissi in insulam barbari, veluti militibus, & magna (ut mentiebantur) discrimina pro bonis hospitibus subituris, impetrant sibi annonas dari. Que multo tempore impertita clausurunt (ut dicitur) canis faucem. Item queruntur non affluenter sibi * epimenia contribui, occasiones de industria colorantes, & ni profusior eis munificentia cumaretur, testantur cuncta insule rupto fœdere depopulatos. Nec mora, minas effectibus prosequuntur (consovebatur namque ultionis justæ præcedentium scelerum causa) de mari usque ad mare ignis Orientali sacrilegorum manu exaggeratus, & finitimas quasque civitates agrosque populans non quiescit accensus, donec cunctam pene exurens insule superficiem

* Stipendia
mensura.

rubra occidentalem trucique Oceanum lingua delamberet. In hoc ergo impetu, Assyrio olim in Iudam comparando, completur quoque in nobis secundum historiam, quod Propheta deplorans ait: Incenderunt igni sanctuarium tuum, in terra polluerunt tabernaculum nominis tui. Et iterum: Deus, venerunt gentes in hereditatem tuam: coinquinaverunt templum sanctum tuum, &c. Ita ut cuncta colonia crebris arietibus, omnesque coloni cum prepositis Ecclesiæ, cum Sacerdotibus ac populo mucronibus undique micantibus, ac flammis crepitantibus simul solo sternerentur, & miserabili visu in medio platearum una turrium edito cardine avulsarum, murorumque celsorum saxa, sacra altaria, cadaverum frusta, crustis, ac sigillantibus purpurei cruoris tecta velut in quodam horrendo torculari mixta viderentur, & nulla esset omnimodis præter domorum ruinas, bestiarum volucrumque ventres in medio sepultura.

Hæc cum legerimus non bono Gildæ succenseamus, quod in suorum Britannorum vitia, in immanem Pictorum, & Scotorum feritatem, & nostrorum Saxonum insatiabilem crudelitatem tam aspere invehatur. Sed cum insitione vel commixtione quadam per tot sæcula, jam cuncti gens una sumus, religione bonisque artibus emolliti, cogitemus, quales & illi fuerint, & quales nos esse debeamus: ne pro nostris itidem vitiis summus rerum moderator alias huc gentes, vel nobis excisis transferat, vel devictis inferat.

BRITANNI ARMORICI.

Gildas.



Ac funestissima & deploratissima tempestate nonnulli miserarum reliquiarum Britannorum in montibus deprehensi acervatim jugulabantur, alii fame confecti accidentes manus hostibus dabant in ævum servituri, si tamen non continuo trucidarentur, quod altissima gratie stabat loco: alii transmarinas petebant regiones, cum ululatu magno ceu celestis vice hoc modo sub velorum sinibus cantantes: Dedisti nos tanquam oves escarum, & in gentibus disperdisti nos: alii montanis collibus, minacibus præruptis, vallatis, & densissimis saltibus, marinisque rupibus vitam suspecta semper mente credentes in patria licet trepidi perstabant. Ex his qui transmarinas perierunt regiones illi proculdubio fuere qui salutis suæ consulentes magno numero in Armorica Gallia se contulerunt, & ab Armoricanis gratanter admissi fuerunt. Quod præter linguæ communitatem quæ eadem fere cum nostris Britannis sive Wallis, comprobatur, ut alios taceam qui in hoc consentiunt, author proximus ab illo ævo, & in ipsa Armorica oriundus, qui scripsit vitam S. Wingulari Confessoris. Britannorum soboles, inquit, ratibus ad istam deventa est citra mare Britannicum terram, tempore quo gens barbara dudum aspera in armis, moribus indiscreta Saxonum maternum possedit cespitem. Tunc se chara soboles in istum conclusit finem: quo loco, magnis laboribus fessa ad horam confedit sine bello quiescente. Produnt tamen nostri multo ante Britannos nostros in hac ora confedissee. Malmesburienis enim, Constantinus Max. ab exercitu Imperator consalutatus, expeditione in superiores terras indicta, magnam manum militum Britannorum

abduxit, per quorum industriam, triumphis ad vota fluentibus brevi rerum potitus, emeritos & laboribus functos, in quadam parte Gallie ad occidentem super littus Oceani collocavit; ubi hodie posteri eorum manentes immane quantum coaluere, moribus linguaque non-nihil à nostris Britonibus degeneres. Præcepit sane Constantinus, Veterani juxta nostrum præceptum vacantes terras accipiant, easque perpetuo habeant immunes. Ninnius item, Maximus Imperator qui occidit Gratianum, noluit demittere domum milites qui perrexerant cum eo ex Britannia, sed dedit illis multas regiones à Stagno quod est super Montem Iovis usque ad civitatem quæ vocatur Cantguic, & usque ad cumulum occidentalem, id est, Cruc-occident. Adjungit fabulose, qui notulas Ninnio addidit, Britones Armorici qui ultra mare sunt, cum maximo Tyranno hinc in expeditionem exeuntes, quum redire nequiverunt, occidentales partes Gallie solo tenus vastaverunt, acceptisque eorum uxoribus & filiabus in conjugium, omnes earum linguas amputaverunt, ne eorum successio maternam linguam disceret, unde & nos illos vocamus in nostra lingua Lhet Vydion, id est, semitacentes, quoniam confuse loquuntur. Horum authoritati refragari minime possum, imo opinor veteranorum illorum liberos, hos è patria profugos Britannos postea libenter suscepisse. Britannorum tamen nomen in hoc tractu apud ejus ævi scriptores non occurrit, antequam Saxones in nostram Britanniam advenirent, nisi illorum quos in Picardia Plinius locare videtur, & Britanni in nonnullis exemplaribus vocantur. Nam si quis ex 4 Strabonis existimet cum Volaterrano Britanniam urbem fuisse Gallie, codicem Græcum vel inspiciat, & se facile docebit illum de Britannia insula, non de urbe

Cod.
Theod.
lib. 7.
Tit. 20.

Pestis.

Saxones in
Britanniam
admissi.

loquutum fuisse. Illum autem Dionysii Afri versiculum quem supra attuli malunt nonnulli cum Stephano de nostris, quam cum Eustathio de Armoricanis intelligere, maxime cum Festus Avienus vetustus sane scriptor ita reddiderit,

*Cauris nimum vicina * Britannis :*

Flavaque caesariem Germania porrigit ora.

* id est,
Britannia.

Britannici-
ans.

Armorica.

Lexovii
Plinio,
forte.

Zonaras.
Armorici
Procopio
dicti, & al-
teri ipsa re-
gio Cornu
Galliae.

Nec quis existimet Britannianos in notitia memoratos hinc fuisse, qui tantum fuere militum cohortes à Britannia nostra conscripti.

Ante Britannorum nostrorum adventum, hæc regio primum Armorica dicta erat, id est, *Ad mare sita*, deinde eodem sensu Britannice *Llydaw*, id est, *Littoralis*, Latine *Letavia* apud nostros mediæ ætatis scriptores. Vnde Letos fuisse suspicor quos in Gallia nominat Zosimus, cum innuit Magnentium Tyrannum apud Letos natum in Gallia, patre Britanno. Hi Armorici cum Constantinus ille nominis favore electus rerum potiretur, & barbari Gallias undique persultarent, ejectis Romanorum prædiis, rempublicam inter se constituerunt : sed Valentinianus Junior opera Ætii, & intercessione S. Germani in ordinem redegit. Quo tempore Exuperantius eos rexisse videatur. De quo Claudius Rutilius,

Cujus Aremoricas pater Exuperantius oras

Nunc post liminium pacis amore docet.

Leges restituit, libertatemque reducit,

Et servos famulis non sinit esse suis.

Ex quibus versibus nescio an Ægidius Maserius collegerit, cum scripserit Britannos fuisse servulos Armoricanis, & libertatem in eos erexisse. Prima mentio Britannorum in Armorica, quod scio, fuit anno salutis 461 circa annum tricesimum ab Anglo-Saxonibus in Britanniam nostram evocatis. Tunc enim Mansuetus Britannorum Episcopus inter Galliae & Aremoricae Episcopos Concilio Turonensi primo subscripsit. Nono post anno hi novi Galliae incolæ cum viderent Visigothos sibi fecundissimos Andium

& Pictorum agros occupare, in eos irruerunt, & obstaculo fuerunt quo minus Gothi Galliam totam occuparent. Ab Anthemii enim Romani Imperatoris partibus steterunt contra Gothos, usque adeo ut Aruandus majestatis damnatus fuerit, quod literis ad Gothorum regem datis, Britannos supra Ligerim oppugnandos, & Gallias inter Gothos & Burgundos dividenda suafisset. *Britanni hi genus erat hominum argutum, armatum, tumultuosum, virtute, numero, & contubernio contumax.* ut Sidonius Appollinaris de illis conqueritur ad Riothimum suum, ut ipse appellat, (Britannorum Regem vocat Iornandes) qui postea ab Anthemio accersitus venit cum XII millibus hominum subsidio Romanis, sed antequam illis jungerentur, aperto Marte à Gothis cum suis superatus ad Burgundiones Romanis confederatos confugit. Iam inde Armoricis paulatim devictis Britannorum nomen his novis sedibus ita invaluit ut universi incolæ in Britannorum nomen paulatim coalescerent, & hic tractus *Britannia Armorica* & Francis *Britannia Cismarina* diceretur. Vnde I. Scaliger,

Vicit Aremoricas animosa Britannia gentes,

Et dedit imposito nomina prisca iugo.

Arma enim in hospites qui eos admiserunt, converterunt, ut constat cum alias, tum ex his Regalis Episcopi Venetensis verbis de se & suis : *Nos in captivitate Britannorum positi gravi iugo subditum.* Temporibus autem subsequenter seque suaque animose primo sub Regulis, postea sub Comitibus, & Ducibus contra Francos propugnabant, licet ut habet Glaber Rodolphus, *sola illis divitiæ fuere libertas fisci publici, & lactis copia :* & hinc ante quingentos annos de illis scripsit Guilielmus Malmesburiensis : *Est genus hominum egens in patria, aliasque externo ære laboriose vitæ mercatur stipendia. Si dederis, nec civilia sine respectu juris & cognitionis detrectans prælia, sed pro quantitate nummorum ad quasunque voles partes obnoxium.*

Sid. Apol-
linar.

Anno 470.

Gregor.
Turon.
Lib. 10.
c. 9.

BRITANNI WALLENCES, ET CORNWALLENCES.



Eliqui Britannorum qui patriam in patria miserimi quæsi-
verunt, tantis conflictati sunt calamita-
tibus, quantas pro rerum atroci-
tate nemo satis explicare queat :
Non solum à Saxonibus, Pictis,
& Scotis bello tetro longè lateque disper-
so exagitati, sed impotenti nefariorum tyrannorum
dominatu ubique oppressi. Qui & quales autem
illi fuerint tyranni circa annum salutis quingen-
tesimum, habe paucis ex Gilda qui tum vixit &
vidit. Constantinus inter Damnonios licet conceptis verbis
coram Deo & sanctorum choris se boni principis officium
præstiturum jurasset, in duabus ecclesiis duos regios pue-
ros, eorumque nutritores duos viros fortissimos sub Abba-
tis amphibalo, id est, * *sacra veste utrinque villosa, obtrun-*
cavit, multisque ante annis uxore legitima depulsa, crebris
adulteriorum fœtoribus fedatus.

Constanti-
nus.

* Glossa-
rium ve-
tum.

Aurelius Conanus in parricidiorum & adulteriorum cœ-

*no volutatus, pacem patriæ exosus, solus relictus ac si ar-
bor in campo arescens, cujus patrem, fratresque super vacua
phantasia abripuit, & mors immatura oppressit.*

Vortiporius Dimetarum tyrannus, boni patris nequam
filius, pardo similis moribus, & nequitia discolor, canescen-
te jam capite, sedens in throno dolis pleno, parricidiis &
adulteriis constuprato, conjugem amovit, ejusdemque fi-
liam imprudentem stupravit & è medio sustulit.

Cuneglafus, Romana lingua lanio fulvus, ursus multo-
rum sessor, auriga currus receptaculi urfi, Dei contem-
ptor, Cleri depressor, in Deum sceleribus, in hominem armis
belligerans, uxorem repulit, sanctos crebris injuriis insti-
gavit, superbe sapiens, & in incerto divitiarum sperans.

Maglocunus insularis Draco, multorum tyrannorum de-
pulsor tam regno quam vita, primus in malo, multis po-
tentia simulque malitia major, largior dando, profusior
peccatis, fortior armis, cunctis Britannia Ducibus tam re-
gno, quam status lineamento editior, adolescens avuncu-
lum Regem cum fortissimis militibus ense & igni oppressit.

Aurelius
Conanus,
qui &
Caninus
v. c.

Vortipo-
rius.

Cunegla-
fus.

Maglocu-
nus.

Post-

Postquam ex voto violenti regni phantasia cessit, remordente peccatorum conscientia se Monachum vocavit. Sed statim ad vomitum reversus, monachi voto irritum primas nuptias sprexit, uxorem filii fratris sui viventis adamavit, filium illum fratris, uxoremque aliquandiu à se habitam occidit, adamatam illam filii fratris uxorem connubio adscribit. Verum hæc historicis relinquenda, qui hætenus falso hos sibi invicem successisse prodiderunt, cum semel simulque (ut ex Gilda videre licet qui singulos alloquitur) in diversis insulæ partibus tyrannidem arripissent.

Illæ autem Britannorum superstites reliquæ in occiduos insulæ tractus naturæ munimentis, montibus, & æstuariis obseptos, scilicet in *Walias*, quam nunc dicimus, & *Cornwalliam* se subdixerunt. Hujus incolas Saxo Britpealer illius Copnpealer, ut Gallos *Gatweales* nuncupavit. Quod enim exterum & peregrinum, *Walsb* illis dicitur, unde etiam *Wallones* in Belgica, & *Valachi* ad Danubium nomina traxerunt. Hi Britowalli bellicosissima gens multis seculis libertatem sub suis regulis tutati sunt, licetque fossa admirandi operis, quam Offa Rex perduxit, ab Anglo-Saxonibus fuerint disclusi, eorum tamen urbes ferro, flammaque subinde vastarunt, itidemque ab illis gravissima quæque pertulerunt. Tandem Edwardo Primo regnante, ut ipse de se scribit, Divina providentia quæ in sui dispositione non fallitur, inter alia sua dispensationis munera, quibus nos & regnum nostrum Angliæ decorari dignata est, terram *Walliæ* cum incolis suis prius nobis jure feudali subiectam, jam sui gratiam proprietatis nostræ dominium, obstaculis quibuscunque cessantibus, totaliter & cum integritate convertit, & coronæ regni prædicti, tanquam partem corporis ejusdem annexuit, & univit. Subsequenti tamen ætate nullo modo induci potuerunt, ut servitutis jugum subirent, nec ullâ ratione res componi, & funestissimum inter gentes odium restingui potuit, donec HENRICVS VII, ab illis oriundus salutarem

manum jacentibus Britannis porrexerit, & HENRICVS VIII in parem juris libertatisque conditionem, atque nos ipsi Angli sumus, acceperit. Ex quo tempore, & non paucis ante annis immobilem eorum fidem, obsequiumque Angliæ reges sunt experti. Illi vero *Cornwalli* licet vires omnes ad patriæ salutem tuendam animosè contulerint, cito tamen in Saxonum potestatem concesserunt, utpote nec numero valuerunt, nec regio satis à natura munita eos tutari poterat.

Hæc de Britannis & Romanis dicta sufficiant. Sed cum de incolis agatur non hic tacendum est, etiamsi jam ante diximus, quod Zosimus tradit, Probum Imperatorem *Vandalos* & *Burgundos*, quos devicerat, in Britanniam misisse, qui sedes hic nacti utilem operam Romanis præstiterunt, quoties aliquis seditionem moliretur. Vbi vero federint nisi in agro Cantabrigienfi nescio. Gervasius enim Tilburienfis meminit antiqui valli in illo agro, quod *Vandelsburg* vocat, *Vandalorum*que opus fuisse dicit.

Nec suspicetur quispiam Constantii temporibus Pœnos hic sedes habuisse ex his Eumenii Rhetoris verbis, Nisi forte non gravior Britanniam ruina deprefferat, quam si perfusa tegetetur Oceano, quæ profundissimo Pœnorum gurgite liberata ad conspectum Romanae lucis emerfit. Vetus enim codex, qui fuerat Humfredi Ducis Glocestrensis, postea honoratissimi Baronis Burghlæi summi Angliæ Thesaurarii, pœnarum gurgitibus legit. De calamitatibus enim & pœnis loqui videtur, quibus sub Carausio fuit affecta.

Quod Agathias in historiarum secundo habet, *Hunnica natio Britones sunt*, ne quis inde Britannos in calumniam trahat, vel Hunnos existimet. *Britones* etenim Græco codice, non Britones legi, testatus est mihi jampridem vir eruditissimus Franciscus Pithæus, & nunc prodidit I. Lewenclaius de re historica meritissimus.

Lib. 1.
Vandalis &
Burgundi
in Britan-
nia.

Cornwallis.
Britweales.
Walsb.
Walli.

Statutum
Walliæ.

P I C T I.

Picti.



AD alios Britanniae incolas nunc accedamus, & primum ad Pictos, quibus primas in antiquitate post Britannos detulerunt Historici. Hos Hector Boetius ab Agathyrhis, Pomponius Letus, Aventinus, & alii à Germanis, nunulli à Pictonibus Galliae, Beda à Scythiis deducit. Contigit, inquit, gentem Pictorum de Scythia (ut perhibent) longis navibus non multis in Hiberniam pervenisse, à Scotis quos ibi invenerunt, sedes frustra petiisse, eorum suasu Britanniam adiisse, & per Septentrionales ejus partes habitasse, idque circa annum reparatæ salutis, ut multi volunt, septuagesimum octavum.

Ego in tanta varietate quid sequar non video, ut tamen quod res sit dicam, & sententiam meam proferam, Nisi hac in re venerabilis Bedæ auctoritas omnibus omnium conjecturis præponderaret, Pictos non aliunde advectos, sed ipsissimos fuisse Britannos, veram priscorum Britannorum sobolem existimarem. Illos nimirum Britannos dico, qui ante Romanorum adventum Borealem insulæ partem infederunt,

quique ad hos, servitutis jugum repellentes (ut est natio servitutis impatientissima,) postea confluxerunt. Quemadmodum incurstante Saxone, Britanni qui sua libertate se abdicare nollent, in occiduas insulæ regiones, montibus asperas, *Walias* & *Cornwalliam* se subdixerunt: sic proculdubio, Romano ardente bello, Britanni ne servitutem, omnium malorum extremum subirent, in has Boreales partes, quæ cœli inclementia rigent, confragosis locis horrent, & Oceani alluvionibus paludibusque stagnant, se receperunt. Vbi non tam suis telis, quam suo cœlo, & sydere armati, cum indigenis, quos ibi offenderunt, in numerosam gentem succreverunt. Author enim est Tacitus Romanorum hostes in hanc partem veluti aliam insulam à focero suo Agricola submotos fuisse, & nemini dubium quin Britanni fuerint, qui has remotissimas insulæ partes incoluerunt. Quid, omnes ne illos Britannos Romanorum hostes, qui triginta millia armatorum contra Agricolam eduxerunt, qui tantis cladibus Severum affecerunt, ut una expeditione septuaginta millia Romanorum, & sociorum deliderarit,

O

derarit, ad internecionem deletos & nullos in semen relictos somniabimus? ut advenis è Scythia, aut Thracia locum præberent. Tantum abest, ut ego hoc credam, licet Beda ex aliorum relatione scripserit; ut potius affirmarim, illos ita auctos fuisse, ut solum neque alere, neque capere potuisset, & proinde coactos Romanam provinciam inundare, & quasi obruere, quod postea, cum Scoti advenissent, factum novimus. Sed quia Beda scripsit, ut alii illo tempore *perhibuerunt*, nonnullos è Scandia, quæ olim ut universa septentrionalis plaga Scythia dicta, per insulas continua serie coherentes ad Britannos illos Septentrionales accessisse facile adducar ut credam.

Ne quis tamen probabili mendacio me fidem accommodare opinetur: quod Picti ipsi Britanni fuerint, videor probare posse ex Pictorum moribus, nomine, & sermone, quibus optime cum Britannis convenisse videbimus.

Vt vero inter alia omittam, quod nec Picti, ut prodit Beda, nec Britanni, ut scribit Tacitus, sexum in imperiis discreverint, aut fœminas à sceptris excluderint: ritus ille pingendi, & coloribus se oblinendi utrique genti communis erat. De Britannis jam antea docuimus, de Pictis pro nobis docet Claudianus, qui canit,

Nec falso nomine Pictos

Edomuit. Et alibi. ferroque notatas

Perlegit exanimis Picto moriente figuras.

Nomen.

Nec minus diserte Isidorus: *Non abest genti Pictorum nomen à corpore, quod minutis opifex acus punctis, expressos nativi graminis succos includit, ut has ad sui specimen cicatrices ferat pictis artibus maculosa nobilitas.* Iam existimabimur hos Pictos, Germanos fuisse, qui hoc pingendi more nunquam sunt usi, aut Agathyrsos Thraciæ tanto spatio distitos? vel potius ipsos Britannos, cum in eadem ipsi fuerint insula, & eundem pingendi morem retinuerint.

Nec alio nomine quam Britanni antiquis scriptoribus, Dioni, Herodiano, Vopisco, &c. vocantur barbari illi, qui tamdiu tantis incurfibus ex sylva Caledonia, & ultima illa Septentrionali ora Romanos exercuerunt. Tacitus item qui bella fœderis sui Agricola in hac extrema Britannia parte plene describit, incolas non alio nomine quam *Britannos*, & è *Caledonia Britannos* appellat, cum tamen Pictos novos advenas decem ante annos huc advenisse scriptores recentiores nostri prodiderint, (quod notes velim) quandoquidem Tacitus illo ævo hos plane ignoraverit. Nec Imperatores illi Romani qui res feliciter contra eos gesserunt, Commodus scilicet, Severus, Bassianus & Geta ejus filii BRITANNICI agnomen sibi assumpsissent, cum hos devicissent, nisi Britanni fuissent. Certe si Romani quibus omne ignotum pro magnifico fuit, diversam aliquam à Britannis gentem & prius ignotam debellassent, sive illi Picti, sive Scoti dicti fuissent, PICTICI vel SCOTICI titulos in nummis & inscriptionibus proculdubio præ se tulissent. Tacitus ex rutilis comis, & magnis artibus eorum originem è Germania conjectat, statim tamen verius ad cœli positionem quæ corporibus dat habitum refert. Vnde & Vitruvius. *Sub Septentrionibus nutriuntur gentes immanibus corpori-*

bus, colore fusco, directo capillo & rufo. Caledones, item qui sine controversia erant Britanni, eandem cum Pictis fuisse gentem quodammodo innuit Panegyricus, cum scribit, *Caledonum, aliorumque Pictorum sylvas*, &c. quasi etiam Caledones non alii, quam Picti fuissent. Illosque Caledonios fuisse natione Britannos Martialis innuit in illo versu.

Quinte Caledonios Ovidi visure Britannos,

Ausonius item, simulque eos depictos docet, dum viridi musco glarea distincto eorum colorem sic assimilat:

—viridem distinguit glarea muscum;

Tota Caledoniis talis pictura Britannis.

Ceterum ut hi longo jam tempore, non alio quam Britannorum nomine innotuerunt, idque à depictis corporibus: sic postea circa tempora Maximiani & Dioclesiani (nec antea Pictorum nomen apud scriptores occurrit) cum Britannia tam diu provincia fuisset, ut incolæ provincialem Latinam imbibissent, PICTI, ut videtur, dici cœperunt, ad distinctionem eorum, qui socii Romanorum erant, Britannique dicebantur. Et unde Picti dicerentur? nisi quod se depingerent. Si quis vero sit, qui non credat Britannos nostros linguam Latinam provincialem usurpasse, ne ille noverit, quantopere Romani laborarint, ut Provinciæ loquerentur Latine, nec viderit quanta vis Latinarum dictionum in Britannicam linguam irrepserit, ut Taciti authoritatem non urgeam, qui scribit Britannos Domitiani tempore, Latinæ linguæ eloquentiam concupiisse. Quantum vero ad Pictorum nomen attinet, hunc scrupulum Flavii Vegetii autoritas facile eximat, qui quodammodo demonstrat Britannos hoc vocabulo *Picta* eodem plane sensu, quo Latini, pro re colorata usos fuisse. Britannos enim scribit vocasse scaphas illas exploratorias, PICTAS, quarum vela & funes Veneto colore erant intincta, & quarum nautæ, & milites Venetam vestem induti erant. Certe si naves ob vela Veneto colore infecta PICTAS vocarint Britanni, quid impedit, quo minus populum variis coloribus depictum & inprimis Veneto (is enim glastinus est è glasto) PICTOS appellaverint.

Huc etiam facit quod Picti boreales, quos verbo & exemplo ad Christum perduxit S. Columbanus, in vetustis Anglorum annalibus *Brictar* *Peohcar*, quasi *Britanni Picti*, nominantur.

Ex lingua quo minus pluribus argumentemur in causa est, quod Picticæ linguæ vix verbum ex authoribus colligi possit: eandem tamen cum Britannica fuisse videtur. Beda scripsit, vallum incipere in loco, qui Pictorum sermone *Penuabel* appellatur, & *Pengwal* Britannis *Caput*, sive *Principium valli* expresse significat. Toto etiam illo insulæ tractu, quem Picti diutissime tenuerunt (erat ea pars Scotiæ Orientalis) plurimorum locorum nomina originem Britannicam sapiunt, ut *Morria*, *Marnia*, quod regiones sint maritimæ, à *Mor* Britannico. *Aberden*, *Aberlothnet*, *Aberdore*, *Aberneith*, id est *Ostium Deni*, *Lothnetti*, *Dori*, *Neithi*; ab *Aber* quod Britannis fluminis ostium denotat. *Strathbolgy*, *Strathdee*, *Strathearn*, id est *Vallis Bolgy*, *Dee*, & *Earne*, à *Strath*, quod Britannice vallis est.

Ipsa

Dencaledoniis. Veneriis.

Lib. 4. c. 37.

Lingua Pictorum.

Pictorum mores. Pagina 18, &c.

Blondus. Honoriaci.

Ipsa etiam primaria Pictorum sedes non aliam, quam Britannicam originationem agnoscit, E-denburgum dico, quam CASTRUM ALATVM vocat Ptol. Aden enim ala Britannice dicitur. Nec in argumenti locum arripiam, quod nonnulli Pictorum reguli *Bridii* sint dicti, id est Britannice, ut sæpius diximus, depicti. Ex his utique linguam Pictorum à Britannica non diversam fuisse, & proinde gentes non diversas non absurde concludatur; Licet Beda de Britannorum & Pictorum linguis quasi discretis loquatur, quo loco pro dialectis linguas dixisse videatur.

Nec est cur quis miretur, quod Picti gentilibus suis Britannis tantas clades intulerint, cum videamus hodie in Hibernia illos qui Anglico parent imperio, nullos adeo infestos hostes habere, quam gentiles suos sylvestres Hibernicos. Quemadmodum enim, ut Paulus Diaconus habet, *Gothi, Hyppogothi, Gepidi, & Vandali*, nomen tantum mutantes, una eademque lingua usi, infestis signis sæpe inter se concurrerunt; sic etiam Picti, & Britanni, maxime cum hi jam essent Romanorum focii. Hæc erant, qualiacunque sunt, quæ mihi manum quasi injecerunt, & animum fere induxerunt, ut Pictos Britannorum reliquias judicarem: sed hæc forsitan elevat Bedæ autoritas, & vincat valeatque præ his conjecturis (si placet) tanti viri ex aliorum relatu traditio.

Deucalidoni-
is.
Veclurion-
es.

Pictos hos in DICALIDONIOS & VECTURIONES dividit Ammianus Marcellinus, Deucalidonios legerim ego, & occiduam Scotiæ oram, qua Deucalidonius Oceanus irrupit infedisse existimo. Quanquam hos sic dictos, quasi nigros Calidonios opinatus fuerim (*Dee* enim nigrum Britannis significat) quemadmodum Hiberni hodie ejus tractus Scotos, *Duf Allibawn*, id est Nigros Scotos vocant, & Britanni prædones ex hac ora mare infestantes, *Yllu du*, id est Exercitus ater, dixerunt. A situ tamen nomen traxisse conjectare licet. Etenim *Deheu Caledonii*, Caledonios dextrorsum habitantes, id est ad occasum notat. Vt Picti alii qui sinistrorsum tenuerunt, id est ad ortum, (quem sinistram plagam vocat Ninnius) *Vecluriones* dicti fuerant, deflexo fortasse à *Chwythic* vocabulo, quod sinistram Britannis significat, quos VERNICONES corrupte apud Ptolemæum dici suspicantur nonnulli. Antiquum fragmentum Saxonum *Pezæon* vocare videtur, sic enim inimicam Britannis gentem nominat, cum ipsos Pictos *Pehits & Peohtas* veteres Angli appellarint. Vnde apud Whitkindum *Pehiti*, pro Picti passim legitur.

Pictorum
mores.
Pagina
18, &c.

Mores horum priscorum, & barbarorum Britannorum qui postea in Pictorum nomen abierunt, è Dione, & Herodiano jam antea descripsi-mus. Nunc superest, ut attexam, Cum inclinato imperio, Romani parum providi è Barbaris cohortes conscriberent, quosdam ex his Pictis ab Honorio, pacatis ubique rebus, in militiam Romanam allectos, & *Honoriacos* dictos fuisse. Qui

sub Constantino Tyranno illo ob spem nominis electo, Piræci claustris patefactis, barbaros in Hispaniam immiserunt. Demumque cum primum per se, postea cum Scotis fœderatis hanc Romanorum provinciam afflixissent, serius mitescere cœperunt: Australes à Ninia sive Nini-ano Britanno viro sanctissimo ad Christum conversi circa annum Salutis 430. Septentrionales vero qui arduis atque horrentibus montium jugis erant ab Australibus seclusi, à Columbano ex Hibernia Scoto eximia etiam sanctitatis monacho anno DLXV, qui illos undecunque hauserat, Pascha à Luna decimaquarta Martii ad vice-simam sed semper die Dominica celebrare, & alia forma tonsuræ quam Romani, sc. quæ coronæ speciem imperfectam præ se ferret, uti docuit. De quibus diu in hac insula acriter disceptatum, donec Naitanus Rex Pictorum suos ad catholicam observantiam ægre perduxit. Quo seculo Sanctorum limina Picti plurimi, ut tunc ferebant tempora, devoti adierunt, & inter alios qui in S. Petri Basilicæ antiquitatibus his verbis memoratur, (ASTERIVS COMES PICTORVM, ET SYRA CVM SVIS VOTVM SOLVERE) Demum à Scotis ex Hibernia influentibus ita fuerunt obtriti, ut circa annum salutis DCCXL, prælio funestissimo debellati, aut penitus extincti, aut paulatim in eorum nomen, & nationem concesserint. Quod idem accidit potentissimæ Gallorum nationi, qui à Francis devicti in Francorum nomen sensim quasi commigrarunt.

Beda.

Asterius
Comes Pi-
clorum.

Quod Panegyricus innuit ante Cæsaris tempora Britanniam, *Pictis & Hibernis hostibus seminudis assuetam fuisse*, more sui temporis loqui videtur, certe Picti nomine, eo tempore in Britannia non erant.

Quod etiam Sidonius Apollinaris in Panegyrico ad socerum cecinerit,

Victicia Cæsar

Signa Caledonios transpexit adusque Britannos,

Fuderit & quanquam Scotum, & cum Saxone Pictum:

Non possum non exclamare cum altero Poëta,

Sit nulla fides augentibus omnia Musis.


Hæc Cæsar effuse in suis ipsius laudibus prodigus nunquam reticisset, si modo præstitisset. Sed hi non dissimiles videntur bonis illis, & doctis hac ætate scriptoribus, qui dum Cæsaris historiam consarcinant, illum Francos in Gallia, & Anglos in Britannia devicisse scribunt, cum illo tempore, nec in hac Anglorum, nec in illa Francorum nomen vel fando auditum fuisset, utpote qui multis post sæculis in has regiones devenerunt.

Pictones Gallia eandem cum nostris Pictis fuisse gentem, cum Ioanne Picardo credere non a-sum, cum Pictorum nomen in Gallia etiam Cæsaris ætate fuerit celeberrimum, & nostri nusquam Pictones dicantur: uno tantum Panegyrici loco *Pictorum* pro *Pictorum* librariorum incuria subrepisse scio.

Pictones.

Blondus.
Honoriaci.

S C O T I .



Proximum à Pictis locum inter Britanniae gentes SCOTI suo jure sibi vendicant, de quibus priusquam dixerò, ne malevoli & morosi in calumniam raptant, quæ ingenue & simpliciter ex antiquis scriptoribus de Scotis hic protulero, præmonendus est lector, singula ad veteres, veros, & genuinos Scotos referenda esse. Quorum soboles sunt illi Hibernice loquentes, qui longe lateque occiduam regni Scotiae quod nunc dicunt partem, insulasque adjacentes incolunt, & *Highland-men* vulgo vocantur. Reliqui enim moribus cultiores qui orientalem ejus partem insident, licet in nomen Scotorum transferint, nihil minus sunt quam Scoti, sed ex eadem qua nos Angli Germanica origine. Quod ipsi non possunt non confiteri, & nos non agnoscere, cum à superioribus illis *Sassones* perinde ac nos appellentur; & eadem qua nos lingua, certissimo ejusdem originis argumento, scilicet Anglo-Saxonica, dialecto tantum variata utantur. Quo nomine tantum abest, ut aliquam illis maculam aspergam, ut potius semper quasi ejusdem sanguinis & stirpis amaverim, & coluerim etiam tum cum divisa regna, & nunc multo magis cum Deo optimo Maximo auctore, sub uno augustissimo imperii capite Angli & Scoti (quod bonum, felix, faustum, salutareque sit utrique genti) coalescimus.

Origo & *ετυμολογία* gentis Scotiae, ut circumvicinarum gentium ita caligine circumfusa latent, ut ipse perspicacissimus Buchananus, vel parum viderit, vel sibi viderit: omnium enim expectationem hac in re sefellit. Hinc ego diu me sustinui ne in hanc arenam descenderem, & cum aliis fabulas admirando, suaviter ineptirem. Ad Deos enim æque probabiliter Scotorum origo referatur, quam ad illam Scotam Pharonis Aegyptii ementitam filiolum Gaithelo Cecropis conditoris Athenarum filio enuptam. Sed ut hæc opinio ex imperitia antiquitatis enata etiam à candidioribus Scotis rejicitur; ita altera illa recentior à Græco fonte insulse deducta, quod Scoti dicantur quasi *σκυλλοι*, id est obscuri, ut in gentis clarissimæ & fortissimæ contumeliam ab invidis excogitata, mihi prorsus exploditur. Nec Florilegi nostri omnibus arridet, Scotos nimirum appellari, quod ex confusa gentium colluvione prognati fuerint. Non possum tamen non mirari unde habuit Isidorus, Scoti propria lingua nomen habent à picto corpore, eo quod aculeis ferreis cum atramento variarum figurarum stigmate annotantur. Quod etiam Rabanus Maurus iisdem verbis contestatur, in sua ad Lodovicum Pium Imperatorem Geographia, quæ extat in Bibliotheca Collegii Trinitatis Oxonii.

Sed cum suos habeat Scotia alumnos, qui originem ex intima antiquitate depromere possint, & suæ, patriæque gloriæ optime consulant, si in hanc rem totam curam, omnemque animum tantisper ponerent; intendam ego tantum digrum ad fontes, unde fortasse veritatem hauriant, proponamque nonnulla, quæ illos diligentius

perpendere velim. Nam ego in hac re Scepticus. Et primum de origine, postea de loco unde in Hiberniam transmigrarint. Constat enim illos ex Hibernia insula à Britannis antiquitus culta, ut suo loco docebitur, in Britanniam transmisisse, & cum primum scriptoribus hoc nomine innotuerint, in Hibernia sedes habuisse. Cecinit enim Claudianus de eorum in Britanniam irruptionibus,

*totam cum Scotus Hibernem
Movit, & infesto spumavit remige Thetis.*

Alibi etiam,

Scotorum cumulos flevit glacialis Hiberne.

Orosius item scribit, A Scotorum gentibus colitur Hibernia. Cum eo Isidorus, Scotia eadem & Hibernia: Scotia autem quod à Scotorum gentibus colitur, appellata. Gildas Scotos Hibernos grassatores appellat. Beda etiam, Scoti qui Hiberniam insulam Britanniae proximam incolunt. Et alibi. Carolique Magni ætate Eginhardus Hiberniam Scotorum insulam diserte appellat, Giraldus etiam Cambrensis. Gentem Scoticam ex Hibernia fuisse propagatam tam linguae quam cultus, tam armorum quam morum usque in hodiernum probat affinitas. Sed ad ea quæ Scotos perpendere velim.

Cum qui veri & genuini sint Scoti, hoc Scotorum nomen non agnoscant, sed alias se *Gaoithel*, *Gael*, & *Albin* indigent, cumque populi plurimi aliis ac ipsi utuntur, à vicinis insigniantur nominibus, quibus gentium origines sæpe subindicantur: ut Pannoniae inferioris incolæ qui se *Magier* dicunt, *Hungari* Germanice vocantur, quod origine sint Hunni, Sylva Hercyniae incolæ, qui sibi *Czechi* nominantur, aliis *Bohemi* appellantur, quod à Boiis Gallis sint orti, Africae incolæ qui & suum sibi nomen habent, *Alarbes* Hispanis dicuntur, quod sint Arabes, Hiberni qui sibi *Erimach*, Britannis nostris *Gwidhill* & ipsi Hiberni & Britanni nos Anglos non alio vocant nomine, quam *Sassons*, quod à Saxonibus originem ducamus; velim ut Scoti primum perpendant, num sic dicti fuerint à vicinis quasi Scythae. Quemadmodum enim Germani inferiores *Scythas* & Scotos uno nomine *Scutten* appellant; sic Britannos nostros utrosque *T-Scot* dixisse è Britannis scriptoribus observatum est. Ninius etiam Britannos Hiberniae incolas expresse Scythas vocat, fretumque per quod ex Hibernia in Britanniam trajecerunt, *Vallem Scythicam* Gildas nominat. Sic enim habet Parisiensis editio, ubi alii nullo sensu *Styrticham* vallem legunt. Alfredus etiam Rex qui ante septingentos annos Orofii historiam in Anglicam linguam transtulit, Scotos per *Scyttan* convertit, nostrique qui proxime Scotiam habitant non Scotos, sed *Scyttes* & *Scetts* appellant. Vri enim (auctore Walsinghamio) iidem dicuntur *Getæ*, *Getici*, *Gothi*, *Gothici*; sic ab eadem origine appellantur *Scythæ*, *Scitici*, *Scoti*, *Scotici*.

Vtrum vero hoc nomen à vicinis huic genti fuerit inditum ob mores Scythicos, vel quod è Scythia devenerit, hic cogitent. Britannos sane primævos Hiberniae incolas quæ vera Scotorum patria, cum Scythi feritate & Diodorus Siculus,

*Hibernia
Scotorum
patria.*

*Gaoithel si-
ve Gathel,
& Gael.*

*Valis Scy-
thica.*

*In Hypo-
digmate.*

*Scota Pha-
raonis filia.*

L. 9. c. 2.

Lib. 6.
Strabo
lib. 4.

culus, & Strabo nominatim comparant. Præterea cruorem è vulneribus interemptorum ebibunt, foedus mutui sanguinis haustu lanciant, & de numero cædium honorem crescere arbitrantur sylvestres Hiberni, & qui vere Scoti, ut olim Scythæ. Huc accedit quod his Scotis, perinde ut Scythis arcus & sagittæ præcipue erant arma. Scythas enim *πρόφους* vocat Orpheus, ut Ælianus, & Iulius Pollux *Sagittarios*; unde à Sagittandi peritia hoc nomen utrique genti factum suspicantur viri eruditi. Nec novum videri possit diversos populos ab iisdem moribus eodem nomine fuisse insignitos, ut qui Indiam occidentalem perlustrarunt, omnes viros fortes arcu & sagittis infestos per universam Indiam, ejusque insulas *Caribes* uno nomine, licet diversæ sint gentes, appellari scribunt.

Caribes.
Benzó lib. 2.

Verum quod è Scythia devenerint, produnt ipsi Hibernicorum historici, Nemethum enim Scytham, & longo post tempore Delam è Nemethi progenie, id est, Scythica, inter primos Hiberniæ habitatores connumerant. Ninnius item Eluodugi discipulus plane scripsit, *In quarta mundi ætate* (hoc est, intervallo illo quod interfuit inter Templi ædificationem, & captivitatem Babyloniam) *Scythæ Hiberniam obtinuerunt*. Accedit huc recentiorum autoritas, Cifneri in Præfatione ad Crantzium, & Reineri Reineccii, qui scribit, *Supereft à Scythis gens Scotorum in Britannia*, &c. Dubito tamen omnino etsi Getæ natio fuerit Scythica, num Hibernos nostros Propertius innuat dum canit,

Hibernique Getæ, Picloque Britannia curru.

Vide Scoti
in Hiberniam
venisse.

At Scotis suis honor constare non possit, nisi ex Hispania in Hiberniam deducantur, hoc enim & ipsi, & eorum historici vehementer tanquam pro aris & focis contendunt, & jure sane. Opera itaque luditur, si Scythæ in Hispania non inveniantur. Scythas autem in Hispania fuisse (ut taceam Scythicum in Cantabris promontorium Hiberniæ proximum, & quod Strabo scribit, Cantabros cum Scythi moribus & feritate convenisse) Silius Italicus ex Hispania oriundus apertissime docet. *CONCANOS* enim Cantabriæ gentem è Massagetis, id est, Scythiis procreatos hoc versu ostendit,

Concani.

Lib. 3.

*Et quæ Massagetem monstrans feritate parentem,
Comipedis fusa satiaris Concanæ venâ.*

Pauculis interjectis versibus, Sarmatas, quos Scythas fuisse fatentur omnes, Susanam Hispaniæ urbem construxisse docet, cum canit,

Sarmaticos attollens Susana muros.

Luceni.

Ab his Sarmatis, sive Scythiis, *Luceni*, quos in Hibernia locat Orosius, prognati videntur (cum Susanam inter Lucensios Hispaniæ reponunt ipsi Hispani) uti à Concanis illis *Ganganis* Hiberniæ. Lucensii enim & Concani inter Cantabros erant vicini, ut Luceni & Gangani in illa Hiberniæ ora, quæ Hispaniam prospectat. Si quis roget quinam illi Scythæ fuerint, qui in Hispaniam devenerint, plane nescio, nisi Germanos existimes, & velim ut ipsi Scoti altius considerent.

Germani in
Hispania.

Germanos vero jam olim in Hispaniam penetravisse, præter Plinium, qui *Oretanos* Hispaniæ, *Germanos* vocat, Seneca natione Hispanus docebit. *Pyreneus*, inquit, *Germanorum transitus non inhi-*
Britannia.

buit, per invia, per incognita versavit se humana levitas. Germanos autem Scythas dictos fuisse non solum ex Ephoro & Strabone colligitur, qui gentes ad Arctum omnes Scythas vocarunt, sed etiam ex Plinio. *Scytharum*, inquit, *nomen usque quaque transit in Sarmatas, atque Germanos*. Testisque est Aventinus Germanos ab Hungaris *Scythas*, & *Scythulas* denominari. A Scythica vero origine genus ducere probro neutiquam esse potest, cum Scythæ ut vetustissimi ita plurimarum gentium victores, ipsi perpetuo invicti, & ab alieno imperio intacti. Nec hic omittendum Caucos & Menapios qui inter celeberrimas fuere Germaniæ gentes, iisdem nominibus & eadem vicinitate in Hibernia à Ptolemæo collocari, ut probabile sit ab iisdem Germanis cum nomine etiam originem deduxisse.

Si non ab his exorti sint Scoti, velim secum perpendant, num è Barbaris illis fuerint quos ex Gallæcia Hispaniæ Constantinum Maximum expulisse Regis Alphonfi Chronica produnt. Ex illa enim parte in Hiberniam se demigrasse volunt: Si quærant, qui fuerint illi Barbari, non dubito quin juxta mecum sentiant Germanos fuisse: Gallieno enim imperante, *Germani ultiores*, inquit Orosius, *abrapotiti sunt Hispania*; & Germani ultiores qui fuerint nisi Scythæ? At Aurelius Victor quem Andreas Schottus edidit, Germanos illos Francos vocat. Qandoquidem vero Franci illi, & ultiores Germani è Germania solventes, longissime in Oceanum furoris æstu eveherentur, & ut inquit Nazarius ad Constantinum, Hispanorum etiam oras armis infestas, per hæc nostra maria, haberent: quis credat illos Hiberniam uberrimam insulam, & ad Hispaniam infestandam opportunam exucco Cantabriæ solo posthabuisse? Verumenimvero, ut Norwegi Caroli Magni ætate, & postea, è Scandia sæpe Hiberniam aggressi sunt, sedesque sibi fixerunt: ita Francos idem antea fecisse opinari liceat, satisque probabiliter, & hinc in Hispaniam transmississe, indeque à Constantino Magno exturbatos in Hiberniam recessisse. Credibile item est plures eò postea confluisse, tum cum Vandali, & Gothi omnia in Hispania in fumum & cinerem verterent, atque barbari inter se bella gererent & strages agerent; nec non cum Saracenorum procella Hispanos percelleret, & in Gallitiam & Cantabriam plurimos conjiceret. Sed hæc viderint alii, sit mihi satis vel voluisse hanc nubem submovere.

Orosius
lib. 7.

Qui sit quæso perpendant hic Scoti, quod Hiberni Scotorum atavi & ipsi Scoti se *Gael*, & *Gajothel* dici, linguamque suam *Gajothlac* esse gloriantur, & eam Britannicæ partem quam primo occuparunt *Argathel* nominarint: unde hæc nomina promanasse dicant, à Gallæcis Hispaniæ, à quibus quamplures proculdubio in Hiberniam transmigrarunt, & quorum origo à Gallatis, sive Gallis reperitur? an à Gothiis, ut nonnulli recentiores opinantur, qui hoc *Gajothel* à Gothiis profluxisse volunt, perinde ac *Cathaloniam* in Hispania. Argumenta hic à linguæ Gothicæ cum Hibernica affinitate illi peterent, quæ tamen cum aliis Europæ linguis, nisi cum Britannica & Germanica affinitatem, quoad ego deprehendi, plane

habet nullam. Quam vere scribit Huntingdonensis: Scoti ex Hispania in Hiberniam quarta mundi ætate venerunt, pars eorum quæ adhuc remansit eadem utitur lingua, & Navarri vocantur, quam vere inquam ille dixerit, alii dixerint Davidem vero Chambres Scotum hic omitto, qui à Iesuitis accepit Scotorum linguam in India orientali usurpari. Vereor ne disjunctissima regio non mentiendi, sed mendacium dicendi libertatem viro credulo fecerit.

Gothorum
& Sylvestri
Scotorum idem
habitus.

Sin ex cultu argumenta hac in re depromi possint, idem hodie sylvestribus Scotis cultus & vestitus, qui olim Gothis, ex Sidonio statimprehenditur, qui dum Gothum describit, plane Scotum Sylvestrem depingit. Flammei sunt, inquit, croco, pedes perone setoso talos ad usque vincuntur. Genua, crura, suræque sunt sine tegmine, vestis alta, stricta, versicolor, vix appropinquans poplitibus exertis. Manica sola brachiorum principia velantes. Viridantia saga limbis marginata puniceis. Penduli ex humero balthei. Aurium legule crinum super jacentium flagellis operiuntur. (Sic enim multifidos & discriminatos Scotorum & Hibernorum crines recte flagella dixeris) Lanceis etiam uncatis (uncinata tela vocat Gildas) securibusque missilibus utuntur. Strictasque tunicas, ut inquit Prophyrio, Pectoribus suis aptatas sine cingulis gestabant. Si hic non sit ipsissimus Hiberno-Scotorum cultus, ipsorum judicium esto. Simul velim considerent hæc Giraldi Cambrensis verba ex libro primo de Institutione Principis. Cum Maximus de Britannia in Galliam cum robore virorum, & virum, nec non & armorum insula toto, ad occupandum imperium transfectus fuerat, Gratianus & Valentinianus fratres, & conjortes imperii gentem hanc Gothicam rebus in bellicis fortem, ac strenuam, sibi quoque vel confederatam, vel subjectam, & imperialibus beneficiis obstrictam à Scythiæ finibus in aquilonares Britannia partes ad Britones infestandum, & tyrannum cum juventute revocandum navigio transmiserunt. Illi vero tum quoniam pro innata Gothorum bellicositate prævalidi fuerunt, tum quoniam insulam viris, ac viribus vacuum invenerunt; Boreales ejusdem partes ac provincias non modicas ex predonibus accolæ facti sibi usurpatis occupaverunt. Qui vero fuerint hi Gothi, si non Scoti indicarint alii, & fortasse ex Procopio lucem aliquam habeant, apud quem Belisarius Gothis expostulantibus, quod Siciliam Romanis concessissent, in hæc verba respondet. Et nos item Britanniam Gothos habere sibi permittimus Sicilia longe præstantiorem, Romanorum quondam ditionis effectam. Par enim est, ut qui priores beneficia contrulere, vel gratiam parem ut referant, vel benefactorum vicissitudinem. Huc etiam referenda videntur, quod Fergusium Scotum Alarico Gotho in direptione Romæ comitem fuisse scribunt Scoti, quod Gensfricum Vandalorum regem in Scotiam, & Britanniam transisse tradit Irenicus, quodque Cambrensis nescio unde, prodit Gaidelos, id est, Scotos, ut stirpem, sic nomen à Vandalis traxisse, quos eosdem cum Gothis fuisse docet P. Diaconus. Nec fraudi Scotico nomini esse potest se Gothorum prolem agnoscere, cum potentissimi Hispaniarum reges hinc stemma ducere gloriantur, & apud Italos nobilissimi quique à Gothis vel genus ducunt, vel ementiuntur. Ipseque Imperator Carolus Quintus è Scandia, & Gothorum stirpe, totius Europæ nobilita-

Lib. 2. de
bello Go-
thorum.

Lib. 6.
cap. 25.

Levinus
Lemnius.

tem exortam fuisse serio dictitare solebat. Verum hæc non tanti apud me sunt, ut hinc Scotos Gothorum fuisse propaginem existimare ausim.

Nunc, ut verbo dicam, literatos Scotos perpendere velim, num ex antiquissimis Britannis Hiberniæ incolis fuerint, (nam Britannos olim Hiberniam incoluisse certum) & Scythæ, vel Scoti dicti quod cum Scythi moribus convenirent, vel Scythæ qui è Scandia, aut Scythia devenerint, ad quos Gallæci, Franci, sive Germani ex Hispania exturbati, & Gothi sive Vandali accesserint, cum Hispania funestissimis bellis ureretur; vel colluvies populorum quæ in Hiberniam confluerat, & inde nomen apud vicinos invenir. Lingua, inquit Giraldus, Hibernicorum Gaidelach quasi ex omnibus linguis collecta dicitur. Et Florilegus undecunque collegit, Ex Pictis & Hibernensibus Scoti originem habuerunt, quasi ex diversis nationibus compositi. Scot enim illud dicitur quod ex diversis rebus in unum acervum congregatur. Vti Alemanni (Afinio Quadrato teste) nomine præ se tulerunt, quod ex varia fuerint hominum colluvie. Nec mirum cuiquam videri possit tot gentes in Hiberniam olim confluisse, cum illa insula medio inter Britanniam atque Hispaniam sita sit, Gallico quoque mari opportuna; & inter octingentos annos proxime elapsos certissimum sit ex Annalium fide, Norwegos, ac Oustmannos è Germania, Anglos, Wallos, & Scotos ex Britannia ibi sedes sibi defixisse. Hæc sunt quæ Scotos hac in re perpendere velim. Interim meminerint me nihil asseverasse, sed tantum quædam subindicasse, quæ ad rem facere quodammodo videantur. Ex quibus si Scotorum origini lux nulla affulgeat, alibi exquirant, ego enim hac in re plane cæcutio; & veritatem fugientem vana indagine sum insequutus, hac tamen circumspectione, ut neminem, uti spero, suboffenderim.

De tempore, quo Scotorum nomen primum innotuit, nonnulla est quæstio, litemque Humfredo Lhuido Antiquario optimo Buchananus Poëta optimus intendit. Quod Scotorum nomen nusquam ex authoribus erui posse ante Constantini Magni tempora Lhuidus asserit, in hominem irruit, jugulum petit, duobusque missellis argumentis transfodere conatur, uno ex Panegyrico, ex conjectura altero. Quod Panegyricus vetustus habet, Britanniam Cæsaris tempore Hibernis assuetam fuisse hostibus. Ideo si diis placet Scoti eo tempore in Britannia sedes habuerunt, sed nec Hibernos illos sedes tunc habuisse, nedum Scotos fuisse quispiam ante dixit. Panegyricus proculdubio more scriptorum recepto ad sua, non ad Cæsaris tempora respexit. Conjectura autem non sua est, sed literatissimi illius Iosephi Scaligeri. Ille enim in Notis ad Propertium dum obiter carmen illud è Senecæ ludo emendaret,

Ille Britannos Vltra noti Littora ponti,
Et cæulos Scuta Brigantes Dare Romuleis
Colla catenis, Iussit, &c.

Scotobrigantes legit, & statim exclamat, Scotos sibi jam originem debere suam, sed ego invitus huic opinioni minime acclamo, qui illum in multis cum eruditionis admiratione semper suspexi. Non enim è libris, sed ex ingenio est hæc

con-

Diodorus
Siculus.

Ad An-
num Chris-
ti 77.

Scot.

Alemanni.
Agathias
lib. 1.

* id est Hi-
bernia.
Lib. 5.
cap. 15.

*

Contra
Pelagianos
ad Cresi-
phonem.

conjectura, & sensus ferat, vel *ceruleos scuta Brigantes* ut libri omnes habent, vel *Ceruleos cute Brigantes*, ut legit doctiss. Hadr. Iunius. Buchananus tamen, qui maluit cum suo, & alterius acumine suaviter ludere, quam cum recepta lectione recte sentire, huic conjecturæ mirifice applaudit. Primum quod authores non produnt Britannos scuta pinxisse. Inde quod differentia grata *Scoto-Brigantes* dixit, ut distingueret à Brigantibus Hispaniæ, & Hiberniæ. Postremo quod Britannos, & Brigantes hoc carmine separat, velut nationes diversas. Sed si quis hæc excutiat, quid impedit quo minus scuta pingerent, qui se, & curus pinxerint? Cur ad differentiam novum verbum *Scoto-Brigantes* procuderet? Cum *ceruleos* appellat, & à Claudio subactos ait, non ab aliis Brigantibus satis distinguit? Sed illa observatio de Britannis, & Brigantibus, quasi diversis nationibus, vix Poëtam sapit, quem Poëtica illa loquendi forma καὶ ὄλον καὶ μέγαν latere non potuit. Quare cum hæc causæ nihil profint, Egesippum (qui vulgo vetustus admodum creditur) quasi succenturiatum Buchananus à me habebit. Scribit enim ille ubi de Romanorum magnitudine agit.

* id est Hibernia.
Lib. 5.
cap. 15.

Tremet hos * *Scotia* qua terris nihil debet, tremet Saxonia inaccessa paludibus. Sed audi, hic post principia stabit, post Constantini enim tempora vixit, ut ex ipso videre est; nec ex hoc magis probari possit Scotos in Britannia habitasse, quam ex illo Sidonii versu quem modo attulit. Ac illud certe gravius quod clariss. & doctiss. I. Cragius subtilissima inquisitione deprehendit apud Iosephum Ben-Gorion de excidio Hierosolymarum, Scotos in Hebraico codice expresse nominari, ubi Munsterus in Latina conversione perperam *Britannos* pro *Scotis* substituerit. Sed quo ævo Ben Gorion ille vixerit mihi parum compertum. Quod serius Flavio Iosepho certum, cum etiam Francorum meminerit.

Contra Pelagianos ad Cresiphontem.

Verumenimvero si hac in re me inter tantos interponere liceat: Quantum ego observarim, Aureliano imperante, prima gentis Scotica apud authores occurrit mentio. Porphyrius enim qui tunc contra Christianos scripsit, hisce verbis, ut nos docet B. Hieronymus, eorum meminit. Neque *Britannia* fertilis provincia tyrannorum, & *Scoticae gentes*, omnesque usque ad Oceanum per circuitum barbaræ nationes Mosem, prophetasque cognoverunt. Quo quidem tempore, vel paulo ante potentissimarum gentium Francorum, & Alamannorum nomina sub Gallieno primum audita fuisse rerum veterum periti adnotarunt.

Non certa itaque fide traditur quod quidam scribunt, Scotorum nomen, & regnum plurimis ante Christum natum seculis in Britannia floruisse. Sed tempus illud ex Giraldo habe: *Nello magno*, inquit, *Hibernia monarchiam obtinente, sex filii Muredi Regis Vtonia, Boreales Britannia partes occuparunt. Unde ab his gens propagata, & specificato vocabulo Scotia vocata, usque in hodiernum, angulum illum inhabitat.* Hoc vero accidisse eo tempore, quo Romana res aperte nutaret, hinc colligitur. Imperante apud Hibernos Lagerio Nelli illius filio, in Hiberniam venit Patricius Apostolus Hibernicorum, cum annus à Christo nato quadringentesimus tricesimus plus minus ageretur. Vt circa Honorii Au-

gusti tempora hoc incidisse videatur. Tunc enim, cum antea per incerta vagantes, ut habet Ammianus, diu Britanniam, & *condicta limitibus loca* divexassent, sedes in Britannia posuisse videntur. Ipsi vero tunc se ex Hibernia rediisse volunt, quo ante à Romanis, & Britannis profligati se subdlexerant, & illud Gildæ de hoc tempore intelligunt, *Revertuntur grassatores Hiberni domum, post non longum tempus reversuri.* Sub hoc tempus Reudam, cujus meminit Beda, sibi sedes in hac insula ad septentrionalem Cluidi fluminis sinum ferro, aut amicitia occupasse credunt nonnulli. A quo duce, inquit ille, usque hodie *Dalreudini* vocantur: nam lingua eorum *Dal* partem significat, & ab hoc Reuda esse existimant alii, quod nobis *Redshanks* vocati fuerint. Illum etiam Simonem Brechum, quem suæ gentis conditorem asserunt Scoti, his temporibus floruisse opinio est. *Sinbrech* verum hominis erat, id est, *Sin* lentiginosus, ut apud Fordonum legitur; Fortean Brichus ille fuit qui circa Patricii ætatem cum Thuibaio, Macleio, Auspaco Scotis Britanniam vexavit, ut in S. Caranroci vita legimus.

Liber Pascentis hunc reditum in annum 404 conjicit.

Beda lib. 1. cap. 1.

Cur autem Scoti qui in Britannia agitant, regionem illam quam insident *Alban & Albin*, & ipsi Hibernici *Allabany* nuncupant, haud illiberalis erat disquisitio, an hoc *Allabany* aliquid antiqui nominis Albionis in se vestigium habeat, an ab albedine profluxerit, quam *Ban* illi vocant, ut sit quasi *Ellan Ban*, id est, *Insula alba* Scotis; vel ex Hibernia devenerit, quæ *Banno* suis Poëtis appellatur, ut *Allabany* sit vel *Alter a Hibernia*, vel *secunda Hibernia*. Hiberniam enim *Scotiam majorem*, & Scotorum in Britannia regnum *Scotiam minorem*, appellarunt historici. Ad hæc cum hi Scoti sua se lingua nomen *Albin*, unde Blondus Scotos *Albieneses*, vel *Albinenses*, & Buchananus *Albinos* dixit, viderint Critici, an apud B. Hieronymum, ubi in Pelagianum quendam natione Scotum invehitur, non etiam legendum sit *Albinum* pro *Alpinum*, cum illum vocet *Alpinum canem grandem & corpulentum, & qui calcibus magis possit servire, quam dentibus*: habet enim progeniem Scoticae gentis de Britannorum vicinia. Quemque *Scotorum pulchritudinis prægravatum* alibi dixit. Nec de *Alpinis* canibus me legere memini, verum *Scoticos* canes Romæ tunc temporis celebres fuisse Symmachus docet. *Septem*, inquit, *Scoticos canes prælusionis die ita Roma mirata est, ut ferreis caveis putaret adveptos.*

Alban & Albin.

Albin. Albinus.

Canis Albinus. S. Albinus etiam Alpinus in Martyrologio xv Sept. dicitur. Scoticus canes L. 2. Epist. 76.

Cæterum cum Scoti ad Pictos in Britanniam accessissent, quamvis Britannos proeliis, & prædationibus continenter lacefferent, non tamen res Scotica statim adolevit, sed in eo, quo appulerunt angulo, diu egerunt: nec, ut Beda docet, per annos plus minus centum viginti septem contra Nordanhumborum regulos signa extulerunt. Donec uno eodemque tempore Pictos fere ad internecionem delevisent, & Northumbriæ regnum intestinis malis, Danorumque incursionibus confectum corruisset. Tunc enim omnis Septentrionalis Britannia plaga in Scotorum nomen concessit, una cum citeriori illa regione citra Cluidam, & *Edenburgh frith*. Illam enim regni Northumbriæ partem fuisse, & à Saxonibus possessam nemo repugnat; & hinc est quod omnes qui orientalem Scotiae partem tenent, &

Lib. 1. cap. ult.

Beda.

Laxlandmen, id est, *Inferiores* vocantur, sint origine Anglo-Saxones, & Anglice loquantur. Qui vero Occidentalem oram incolunt, *Highlandmen* dicti, id est, *Superiores*, sint Scoti, & Hibernice loquantur, ut supra diximus, infestissimique sint illis inferioribus, qui Anglico idiomate utuntur.

Attacotti.
L. 2. contra
Iovianum.

Vna cum Scotis ATTACOTTOS bellicosam hominum nationem Britanniam exagitasse auctor est Ammianus Marcellinus, quos è Scotica etiam gente fuisse conjectat H. Lhuidus, quam vere nescio. Beatus Hieronymus gentem Britannicam fuisse expresse docet. Qui scribit se adolescentulum, imperante, ut videtur, Iuliano, in Galliis vidisse *Attacottos gentem Britannicam humanis vesci carnibus, & cum per sylvas porcorum greges, & armentorum pecudumque reperirent, pastorum nates, fœminarumque papillas abscondere solitos, & eas solas delicias arbitrari.* Sic enim ex fide manuscriptorum codicum isto loco *Attacotti*, & non *Scoti*, cum Erasmo qui locum corruptum agnoscit, legendum. Quanquam non possum non fateri in quodam manuscripto exemplari *Attigotti*, & in alio *Catacotti*, in alio *Cattiri* legi. Nec ullo modo de Scotis cum vulgo intelligi possit, cum Hieronymus de diversis diversarum gentium institutis eo loco agens, proxime sequentem sententiam sic exordiat. *Scotorum natio uxores proprias non habet,*

Vincetius
in speculo
Attigotti
legit.
Cattiganti
leguntur in
Ethiopia
Geographia.

&c. Alibi etiam, ubi Attacottorum meminit Hieronymus *Azotorum* substituit Erasmus. Hi, ut ex Notitiarum libro constat, sub Romanis in ipso imperii occasu stipendia fecerunt. Commemorantur enim inter Auxilia Palatina intra Galliam, *Attecotti juniores Gallicani, & Attecotti Honoriani seniores, & intra Italiam Attecotti Honoriani juniores.* Ex hac adjectione *Honoriani*, ex barbaris illis fuisse videntur quos Honorius Imp. in fœdus recepit, & in militiam magno imperii detrimento adscripsit.

Inter has etiam gentes, quæ Britanniam incur sarunt, AMBRONES reponit Ioannes Cajus vir optimis curis exercitatus, & de Repub. literaria optime meritis, quod apud Gildam legerit, ubi de Pictis & Scotis agit. Illi priores inimici, ac si Ambrones lupi, profunda fame rabidi, siccis faucibus ovile transilientes, non comparente pastore, alis remorum, remigumque brachiis, ac velis vento juvatis vecti terminos rumpunt, caduntque omnia. Obversabatur bono seni, quod apud Festum legerat, Ambrones cum Cimbris in Italiam se effudisse. Et excidit illi aliud agenti *Ambrohem*, ut notat Isidorus, devoratore significare. Nec alio sensu verbum illud usurpat Gildas, nec Monumethensis, qui etiam Saxones *Ambrones* vocavit. Necdum ego ex antiquis scriptoribus *Ambrones* alios Britanniam invasisse didici.

Ambrones.

A N G L O - S A X O N E S .

Anglo-Saxones.



Vm jam Romanum imperium sub Valentiniano Iuniore plusquam divergeret, & Britannia juventute per crebros delectus exhausta, Romanique militis præsidio nudata, Pictorum Scotorumque impetus diutius sustinere non posset:

* Qui etiam Guor-tigernus.

* Vortigernus, cui rerum summam Britanni detulerant, vel qui, ut aliis placet, sibi arripuerat, ut imperium firmaret, & rem proclinatam adjuvaret: (urgebatur, inquit Ninnius, à metu Pictorum & Scotorum, à Romano impetu, nec non à timore Aurelii Ambrosii) Saxones è Germania in subsidium evocavit. Hi statim Hengisto & Horfa ducibus, Ciuilis suis (sic pandos Myoparones vocarunt) Britanniam appellant; uno & altero prælio prospero eventu contra Pictos, & Scotos defuncti, magnam sibi gloriam addunt, majores è Germania copias, acquiescentibus in eorum virtute Britannis evocant, qui pro limitibus excubarent, & maritimo bello hostes affligerent. Guortigernus, (scribit Ninnius) suadente Hengisto, in auxilium accersivit Oetham, & Ebissam, qui cum quadraginta Ciuilibus navigantes circa Pictos, vastarunt Orcades insulas, & occuparunt plurimas insulas, & regiones trans

* The Frith.

* mare Fresicum, usque ad confinia Pictorum. Demum vero cum Britannia agros, cultus, & copias adamare cœpissent, incolarum imbecillitate freti, stipendia non numerata, & com meatum non subministratum causati,icto cum Pictis fœdere, in hospites Britannos bellum longe funestissimum movent, consternatos ubique obruncant, agros depopulantur, urbes excindunt, & post ancipites bellorum eventus, contra duo illa propugnacula belli, Aurelium Ambrosium, qui pur-

puram hinc sibi assumpsit, in qua occisi parentes, & bellicosum Arturium, Britannos uberiori insula parte, avitisque sedibus exuunt. Quo tempore, ut uno verbo dicam, passi sunt miserrimi incolæ quicquid aut victor auderet, vel victus timeret. Auxiliares enim copiae indies è Germania confluxerunt, qui in defessos Britannos bellum subinde redintegrarent, SAXONES nimirum, IUTÆ (sic enim legendum non *Vita*) & ANGLI, qui propriis his nominibus discreti erant, quamvis in commune Angli, & Saxones vocarentur. Sed de his seorsim, & summam agamus, ut si fieri possit, gentis nostræ incunabula videamus.

Quod tamen de Saxonum ingressu Witichindus, & ipse natione Saxo, & scriptor vetustus retulit prius attexam. Britannia à Vespasiano principe jam olim inter provincias redacta, & sub clientela Rom. multo tempore utiliter degens à vicinis nationibus impugnatur: eo quod auxilio Romanorum destituta videretur. Populus namque Romanus * Martiali imperatore à militibus interfecto, externis bellis graviter fatigatus, non sufficiebat solita auxilia administrare amicis: extructo tamen ingenti opere ad munimen regionis, inter confinia à mari usque ad mare, ubi impetus hostium videbatur fore, relinquerebant regionem Romani. Sed hosti acriori, & ad bellandum prompto, ubi gens mollis, & pigra belli resistit: nulla difficultas in destruendo opere fuit. Igitur fama prodente de rebus Saxonibus prosperè gestis, supplicem mittunt legationem ad eorum postulanda auxilia, & procedentes legati, Optimi, inquirunt, Saxones, miseri Bretti crebris hostium incursionibus fatigati, & admodum contriti, auditis victoriis à vobis magnifice patrat, miserunt nos ad vos supplicantes, ut ab eis vestra auxilia non subtrahatis. Terram latam, & spa-

Aurelius Ambrosius. Aurelius Ambrosius vocat Gildas.

* Martialis imperatore à militibus interfecto.

Bretti pro Britanni.

& spatiosam, & omnium rerum copia refertam vestrae mandant ditioni parere. Sub Romanorum hactenus clientela, ac tutela liberaliter viximus: post Romanos vobis meliores ignoramus: ideo sub vestrae virtutis alas fugere quaerimus. Vestra virtute, vestris armis hostibus tantum superiores inveniamur, & quicquid imponitis servitii libenter sustinemus. *Patres ad haec pauca respondent, certos amicos Brettis Saxones sciat, & eorum necessitatibus, atque commodis aequae semper affuturos. Legati laeti redierunt in patriam, exoptato nuntio socios latiores reddentes. Deinde promissus in Britanniam mittitur exercitus, & gratanter ab amicis susceptus, in brevi liberat regionem a latronibus, restituens patriam incolis. Neque enim in id agendo multum laboris fuit: quippe qui jam olim audita fama Saxonum percussi terrebantur, dummodo praesentia eorum procul pelluntur. Erant enim haec gentes Brettis adversae, Scoti, * Pehiti: adversus quos militantes Saxones accipiebant a Brettis omnia ad usum necessaria. Manserunt itaque in illa regione aliquanto tempore, vicaria Brettorum bene usi amicitia. Ut autem viderunt principes exercitus terram latam, ac fertilem, & incolarum manus ad bellandum pigras, se vero ac maximam partem Saxonum sine certis sedibus, mittunt ad vocandum majorem exercitum, & pace cum Scotis, & Pehitis firmata, in commune contra Brettos consurgunt, eosque regione propellunt, suae ditioni regionem distribuunt. Haec Witichindus.*

SAXONVM, & aliarum gentium, originem, & etymon non solum monachi eruditae antiquitatis ignari, verum etiam recentiores limatuli iudicii homines commentitiis fabellis involverunt, Alii a Saxone Negnonis filio, & Vandali fratre, alii a faxea natura, alii a Macedonici exercitus reliquiis, alii a cultellis, unde rhythmus est apud Engelhusium,

*Quippe brevis gladius apud illos Saxa vocatur,
Vnde sibi Saxo nomen traxisse putatur.*

Crantzius autem a Cattis Germaniae, & eruditus ille Capnio a Phrygiis deducit. Ex his quisque quod placeat, sequatur. Huiusmodi enim opinionum commenta non ego convellam. Amplectenda tamen, ut potior, videatur illa Germanorum eruditissimorum qui Saxones a Sacis praestantissimo Asiae populo ortos, & sic dictos quasi *Sacafones*, id est *Sacarum filii*, & a Scythia, sive Sarmatia Asiatica, cum Getis, Suevis, Dacis, & aliis paulatim se in Europam effudisse opinantur. Nec ratione caret haec eorum opinio quae Saxones ex Asia deducit, in qua ortum, & multiplicatum genus humanum. Nam praeterquam quod Strabo scripsit, *Sacas* illos, ut antea Cimerii, longinquas invasiones fecisse, & Armeniae partem de suo nomine *Sacacenam* dixisse: etiam *Sassones*, Suevos, *Massagetes*, *Dahos* in illa Scythiae parte collocat Ptolemaeus, & observat Ciserus, has gentes eandem prope in Europa conservasse vicinitatem, quae ipsis olim inter se in Asia fuerat.

Michael Neander.

Nec minus probabile est, Saxones nostros ab his vel Sacis, vel Sassonibus Asiae venisse, quam Germanos a Germanis Persiae, quorum meminit Herodotus, quod ipsi tamen ex linguae affinitate quodammodo asseverant, Nam *Fader*, *Muder*, *Brader*, *Tutchter*, *Band*, & similia in Persica lingua hodie reperiri, pro patre, matre, fratre, filia, vinculo, docet singulari eruditione Iosephus Britannia.

Scaliger. Ceterum cum Saxones primum orbi innotuerunt, in Cimbrica Chersoneso, quae nunc *Denmarke*, agitarunt, ubi Ptolemaeus illos statuit, qui primus eorum mentionem fecit. Nec Saxones, ut habent nonnulli libri, sed *Axones* apud Lucanum verius legitur in illo versu,

*Axones
Galliae
populi.*

Longisque leves Axones in armis.

Ex hac Cimbrica Chersoneso, Dioclesiani tempore cum vicinis suis Francis littora nostra infesta habuerunt, illisque propulsandis Carausium praefecerunt Romani. Postea Albim fluvium transvecti, partim in Suevorum sedes paulatim concesserunt, ubi nunc Saxoniae Ducatus, partim in Frisiam & Bataviam jam a Francis derelictam se receperunt. Franci enim qui prius penitissimas illas Frisiae paludes (quarum nonnullae eluvionibus in mare illud quod *Zuider-see*, hodie appellant, abierunt) infederant, & Bataviam occuparant, sub Constantio Chloro, Constantino Maximo, ejusque filiis in leges recepti, & ad deferta Galliarum colenda translati, vel ferro sibi in uberiores regiones viam aperientes, vel, ut Zosimus tradit, a Saxonibus pulsi Batavia cesserunt. Iam inde omnes accolae ora illius maritimae in Germania qui Piraticam exercuerunt, ut antea in Francorum, ita nunc in SAXONVM nomen coaluerunt. Illi scilicet populi qui Iutiam, Slesvicum, Holfatiam, Ditmarsiam, Episcopatum Bremensem, Comitatum Oldenburgensem, Frisiam utramque & Hollandiam inhabitant. Gens enim Saxonum, ut scribit Fabius Quæstor Ethelwerdus & ipse ex Saxonum stirpe regia, in toto erat maritima a Rheno flumine usque ad *Doniam urbem* quae nunc vulgo *Dane-marc* nuncupatur. Quem authorem, ut agnoscam per quem profeci V. Cl. Thomas Allen Oxoniensis plurimis & optimis artibus ornatissimus primus eruit, & mihi cum multis aliis pro sua humanitate impertivit.

Zosimus.

*Ethelwerdus
Abnepos
Adulsi
Regis florum
circa
950.*

Ex hac ora Saxones crebris Romanorum funibus pasti, saepenumero in Romanorum provincias irruerunt, & hanc insulam diu infestarent, donec ipse Hengistus adveniret. Quem ex Batavia, sive Hollandia in Britanniam solvisse, & arcem illam Lugduni Batavorum, sive *Leidæ* construxisse testantur Batavorum annales, & nobilis ille illustri ingenio, & doctrina Ianus Doufa, qui canit, de Burgo, sive arce illa:

*Quem circumato moenium ut ambitu,
Sic arcuatis fornicibus novum
Putatur Hengistus Britanno
Orbe redux posuisse victor.*

IVTAS, quos a Gutis, Getis, sive Gothis dictos Iutae multi arbitrantur (*Geatum* enim in M. S. codice legitur) superiorum Cimbricae Chersonesi partem incoluisse certum est, quae etiamnum Danis *Iutland* dicitur, a *Guttis*, quos in Scandia collocavit Ptolemaeus, forte prognati, quorum sedes hodie *Gothlandia* dicta. Quam tamen cave putes cum Iornande fuisse patriam Gothorum qui Europam victoris sunt permenesi; illos enim ultra Istrum ad pontum Euxinum incoluisse, Getasque prius dictos fuisse vetustissimi & fide dignissimi quique scriptores prodiderunt.

*Spartianus
Trebellius
Pollio
Capitolinus
&c.*

Quas vero sedes Angli habuerunt, controversum est, nec una sunt omnes opinione. Plurimi in Westphalia ponunt, ubi *Engern* visitur, & Suevi

Angli.

Angli

*Saxones a
Sacis Asiae.*

*Lib. II
Melan-
tho.
Cisnerus.*



Angli à Tacito & Ptolemæo memorati confederunt, quibus lubens credo, si de Taciti ætate loquamur, sed inde ad maritimos tractus descendisse suspicor. Alii in Pomerania, ubi Angloen opidum floret, quærunt. Sed quum hi in secretiora Germaniæ longius à mari porrigantur, alia nostrorum Anglorum sedes quærenda, quam ut inter Saxones, & Iutas quærerem iussit Beda. Angli, inquit, de illa patria, quæ Angulus dicitur, & ab eo tempore usque manere deserta inter provincias Iutarum & Saxonum perhibetur. Cum autem inter Iuitlandiam & Holfatiam antiquam Saxonum regionem, provinciola sit in Daniæ regno, quæ Angel hodie dicitur, sub Flensburg civitate, quam in epistolis Lindebergius Parvam Angliam vocat, me tandem avitam nostram sedem invenisse, & inde Anglos in hanc insulam demigrasse, affirmare ausim. Utque asseverantius affirmem, jam iussit vetusti illius scriptoris Ethelwerdi autoritas, cujus hæc sunt verba: Anglia vetus sita est inter Saxones & Gotos habens oppidum capitale, quod sermone Saxonico Sleswic, secundum vero Danos, Haithby. Quo in loco Saxones statuere Ptolemæus videtur, ut non falso cecinerit ille medii temporis Poëta,

— Saxonia protulit Anglos;
Hoc patet in lingua, niveoque colore.

Horum Anglorum pars nonnulla in interiores Germaniæ tractus profecti, Longobardis & Suevis permixti in Italiam penetrarunt, & sui nominis vestigia in Engeheim Caroli Magni patria, Ingolstadio, Engelburg, Englerute Germaniæ & Angleria Italiæ reliquisse creduntur. Quæ autem nominis sit ratio pronunciare non ausim. Facebat Angulus filius Humbli, & Angela regina, quos nostræ gentis fuisse conditores, blaterant inepti. Nec ab angulo nomen inditum arbitramur, quod orbis sit angulus, ut trito illo versu attruitur,

Anglia terra ferax, & fertilis angulus orbis,
Insula præsides quæ toto vix eget orbe.

Nec Goropii conjectura fidem, sed potius risum meretur, qui Anglos, ab Angle, id est arundine, vel hamo piscatorio deducit, quod, ut inquit ille, omnia sibi adhamarent, & fuerint, ut nos loquimur, Good Anglers, id est Boni hamatores. Sed qui Engelberti, Engelhardi & ejusmodi Germanicorum nominum etymologiam videt, fortasse etiam Anglorum notationem viderit. Frisones etiam in Britanniam una pervenisse ex Procopio videri possint. Locum vero integrum cum liber non extet, hic proponere non gravabor, uti mihi descripsit è regia Bibliotheca Lutetiæ Franciscus Pithæus, vir optimus & totius antiquitatis longe peritissimus: Βελγίαν τὴν νῦν ἐθνὴ γαλὰ πολυανδρωπώτερον ἔχουσι. βασιλεὺς τε εἰς αὐτῶν ἐκείνων ἐφέστηκε, καὶ ὄνομα καὶ τῆς ἐθνικοῦ τῆς γαλῆς, Ἀγγελοὶ, καὶ Φρεσόνες, τε οἱ νῦν ἐμῶν μοι Βελγίονες. Τούτων τῶν ἢ τῶν ἐθνῶν πολυανδρωπώτα φαίνεται ὅτι, ὥστε ἀνὰ πᾶν ἔπος καὶ πολλὰς ἐνθενδε μελαινάμειροι ἐν γυναιξί, καὶ παῖσιν εἰς Φρεγγίαν χωρεῖσιν: οἱ δὲ αὐτὸς ἐνοικίξουσιν εἰς γῆς τῆς σφίγγος τὴν ἐρημοτέραν δοκέσαν εἶναι. καὶ ἀπὸ αὐτῶν τὴν νῦν περὶ τοὺς αὐτοὺς φασίν. ὥστε ἀμέλει ἐπὶ πολλὰ περὶ τὸν οὐρανὸν βασιλεὺς δὴν περὶ τὴν εἰς οἱ ἀπὸ τῆς γαλῆς πινὰς τῶν βασιλείας Ἰσπανίων εἰς Βιζάντιον εἰλάς ἀνδρας, αὐτοὺς ἐκ τῶν Ἀγγέλων ἑωσπερ περὶ Φιλομήνην, ὥς καὶ ἡ νῦν ἡδε περὶ αὐτῶν ἀρχεται. id est, ut crassius convertam. Britanniam insulam tres numerosissimæ gentes incolunt, quorum unicuique suus rex imperat, nominantur hæc gen-

tes Angli, Frisones, & qui ejusdem sunt cum insula cognominis Britones. Tanta vero hominum multitudino esse videtur, ut singulis annis inde magno numero cum uxoribus & liberis ad Francos emigrent, illi autem in eorum terram quæ maxime deserta videtur, excipiunt, unde insulam sibi vendicare ferunt: utique non ita pridem, cum Francorum rex quosdam è suis Constantinopolim ad Iustinianum legaret, Anglos etiam misit ambiciosius venditans, quasi hæc insula suo subesset imperio.

Hi sunt Germaniæ populi qui Britanniam occuparunt, quos unam gentem fuisse communique nomine nunc Saxones, nunc Anglos, & Anglo-Saxones ad differentiam eorum in Germania, vocatos ex Gilda, Beda, Bonifacio, Paulo Diacono, & aliis verissime colligatur: sed frequentissime Gens Anglorum Latine, & sua ipsorum lingua, quod idem valet, Engla-theod dicta.

De tempore quo in Britanniam intromissi fuerint à Vortigerno, variant scriptores, sed ommissis aliis, Beda & qui eum sequuti sunt, confusissimorum horum temporum hanc incunt rationem.

Anno Theodosii junioris vicefimo tertio, Christi 430, Britanni à Pictis & Scotis oppressi, ab Aëtio III Consule auxilium frustra implorant.

Sub Valentiniano III S. Germanus semel atque iterum in Britanniam contra Pelagianos advenit, fufisque ad Deum precibus Britannos contra Pictos & Saxones ducens, pro iis victoriam reportat.

Anno Martiani primo, Christi autem 449, Anglo-Saxonum gens Britanniam advehitur.

Cum tamen ex fastis Consularibus constet, tertium Aëtii consulatum in xxxix Theodosii illius, & Christi 446 annum incidisse, & ex probatissimis authoribus Germanum obiisse anno salutis 435: non immerito suspicari licet numeros apud Bedam fuisse corruptos, Saxonesque huc intromissos fuisse ante annum salutis 449. Aliter qui fieri potuit ut S. Germanus, qui obiit 435, duceret Britannos in Saxones, cum nondum advenissent? Nipnius etiam scribit Beatum Germanum reversum esse è Britannia in patriam post mortem Vortigerni, qui Saxones in Britanniam suscepit, ut necessario eorum adventus præcesserit annum 435, qui S. Germano fuit vitæ ultimus. Itidem ad annum secundum postquam Leo Magnus Pontifex creatus, qui fuit Christi 443, Prosper Tiro, qui tunc vixit, scribit Britannias post varias clades in Saxonum potestatem fuisse redactas, ut proculdubio ante tempus illud, annum scilicet Christi 449, advenierint. Sed omnes hac in re scrupulos tollat hæc una supputationis notula adjuncta nonnullis Ninii exemplaribus, quæ mihi instar omnium.

A duobus Geminis * Ruso & Rubellio usque ad Stiliconem Consulem 373 anni.

Item à Stilicone usque ad Valentinianum filium Placidia, & regnum Vortigerni 28 anni.

A regno Guortigerni usque ad discordiam Guitolini & Ambrosii anni sunt 12. quod est Guoloppum, id est Cathguoloph.

Vortigernus autem tenuit imperium in Britannia Theodosio, & Valentiniano Coss. & in quarto anno regni sui Saxo-

Lib. I.
cap. 15.
Sic legio
MS. non
Vitarum.
Angel in
Dania Anglorum sedes.

Saxones,
Angli &
Inte una
gens.

Anglo Saxones
quando in
Britanniam venerint.

Baronim.

* Lego Fuso.

De bello
Gothico
lib. 4.

Saxones Britanniam venerunt, & à Vortigerno suscepti sunt Fœlice & Tauro Consulibus.

* Alibi
Decius
Paulinus.

Ab anno quo Saxones venerunt in Britanniam, & à Vortigerni suscepti sunt, usque ad * Decium Valerianum anni sunt 69.

Ratione igitur ita subducta adventus Anglo-Saxonum in Britanniam fuit anno Theodosii junioris 21. quod proxime ad Bedæ calculum accedit, salutis nostræ 428. tunc enim Fœlix & Taurus consulatum gesserunt, & omnia personis & temporibus undique cohærent. Hoc etiam admonere libet, sed Criticum non agam, in Gildæ exemplaribus plurimis, unde Beda illud de Aëtio desumpsit, legi Agitio 111 Consule, aliis sine numeri adjectione. Aegitio, & in uno Aequitio Cos. sed ad hoc tempus nullum ego nomine Consulem in Fastis video, nisi Consulem extraordinarium fuisse opinemur.

Saxonum
victoria.

Quocunque sane tempore venerint, singularem animi altitudinem cum prudentia conjunctam ostenderunt. Brevi enim tempore eorum res civibus, moribus, agris ita adolevit, ut prosperissima atque pollentissima fuerit, eorumque victoria quodammodo plena & absoluta. Victi etenim omnes ingentem, leges, nomen, linguamque vincuntium, præter pauculos quos locorum asperitas in occiduo tractu tutata est, concesserunt. Nam præte Angliam pars longe maxima Scotiæ ab Anglo-Saxonibus occupata (Sassones enim sylvestribus & veris Scotis etiamnum vocantur) eadem qua nos lingua, dialecto parum variata, utitur. Quam nos cum illis annos jam 1150 quodammodo illibatam, simulque regionis possessionem conservavimus. Vt vanum falsumque comprobetur (ut id genus alia) quod Saxonum vates cecinerunt, cum in hanc insulam vela panderent, eos tantum tercentum annos infesturos, centum vero & quingentis eorum sæpius vastaturos. Res & locus nunc postulare videntur ut de priscis Saxonum majorum nostrorum moribus aliquid attexatur, & attexam sane quæ observavi.

Gildas.

Saxonum
mores.

Natio hæc omnis Saxonica erat bellicosissima, animi magnitudine, corporis viribus, laborum tolerantia, Germanorum fortissimi habiti, ut inquit Zosimus. Romanis maxime formidati, quia repentini, ut habet Marcellinus. Virtute & agilitate terribiles, ut inquit Orosius. Saxonia inaccessa paludibus, & in viis septa regionibus. Quæ licet belli curam videatur augere, & ipsa frequenter accessit Romanis triumphis captiva; validissimum genus hominum perhibetur, præstans ceteris in piraticis, tamen myoparonibus non viribus nititur, fuga potius, quam bello parata. Vt prodit Egessipus. Quem Isidorus sequutus. Saxonum gens in Oceani maris littoribus & paludibus in viis sita, virtute atque agilitate habilis. Vnde & appellata, quod sit durum & validissimum genus hominum, & præstans ceteris piraticis. Homines statura procera, membrorum compositione, & lineamentorum conformatione conspicui. Vnde Witichindus Monachus de his Saxonibus: Mirati sunt Franci præstantes corpore & animo viros, & novum habitum, arma quoque & diffusas scapulas casarie, & supra omnia ingentem animi constantiam. Vestiti erant sagis & armati longis lanceis, & subnixi stabant parvis scutis, & cultellos magnos ad renes habebant. Antea tamen capillos ad cutem tondere Britannia.

Lib. 9, cap.
2 Origini-
um.

nisi circa verticem, & lamina caput incingere solebant, quod his versibus docet Sidonius Apollinaris:

Istic Saxona cerulum videmus
Adfuetum ante salo solum timere,
Cujus verticis extimas per oras
Non contenta suos tenere morsus
Alat lamina marginem comarum.
Et sic crinibus ad cutem recisis,
Decrescit caput, additurque vultus.

Quod ad vestimenta attinet, ex his Pauli Diaconi de Longobardis intelligas, Vestimenta erant laxa, & maxime linea, qualia Anglo-Saxones habere solent, ornata institis latioribus vario colore contextis.

Rei maritimæ peritissimi erant, qui diu ita piraticam fecerunt, ut assueti salo, solum, uti ait ille, timerent: & ita maritima Britannia, & Gallia usque ad Hispaniam affligerunt, ut dispositi fuerint per utriusque regionis littora duces & milites ad eorum deprædationes coercendas, qui inde Comites littoris Saxonici per Britanniam, & Galliam, dicti fuerint. Illi nihilominus sæpissimè has oras vitilibus suis myoparonibus deprædati sunt.

Littora
Saxonica.

Quo spectant illi Sidonii Apollinaris versus,

Quin & Aremericus piratam Saxona tractus
Sperabat, cui pelle salum fulcare Britannum
Ludus, & assuto glaucum mare findere lembo.

* id est
Tiberias.

Imo in Gallia juxta Armoricam in Bajocassis regionem occuparunt, diuque tenuerunt, ut videre est apud Gregorium Turonensem, qui eos Saxones Bajocassinos, ut vulgus Sefnes Besins nuncupavit.

Saxones
Bajocassin.

Quanta immanitate per hæc littora grassati sunt, audi, si placet, ipsum Sidonium. Nuncius, inquit, cum quo dum tui obtentu aliquid sermocinanter extraximus, constanter asseveravit nuper vos classicum in classe cecinisse, atque inter officia nunc nautæ, modo militis, littoribus Oceani curvis inerrare contra Saxonum pandos myoparones. Quorum quot remiges videris, totidem te cernere putes archipiratas: ita simul omnes imperant, parent, docent, discunt latrocinari, ut nunc etiam, ut quamplurimum caveas, causa sub sit maxima monendi. Hostis est omni hoste truculentior. Improvisus aggreditur, provius elabatur, spernit objectos, spernit incautos; si sequatur, intercipit, si fugiat, evadit. Ad hoc exercent illum naufragia, non terrent. Est eis quædam cum discriminibus pelagi non notitia solum, sed familiaritas. Namque ipsa si qua tempestas est, hinc securos efficit occupandos, hinc prospici vetat occupaturos. In medio fluctuum scopulorumque confrago forum, spe super ventus leti periclitantur. Præterea priusquam de continenti in patriam vela laxantes, hostico mordaces anchoras vado vellant, mos est remeaturis, decimum quemque captorum per aequales, & cruciarias pœnas, plus ab hoc tristi, quod superstitioso ritu necare, subque collectam turbam periturorum, mortis iniquitate sortis æquitatem dispergere. Talibus se ligant votis, victimis solvunt, & per hujusmodi non tam sacrificia purgati, quam sacrilegia polluti, religiosum putant cadis infausa perpetratores de capite captivo magis exigere tormenta, quam pretia. Huc & illud ex antiquæ historiæ apud Isidorum fragmento referri possit. Gens Saxonum myoparonibus, non viribus nituntur, fuga potius, quam bello parati. Et hoc Salviani, qui tunc vixit, de barbaris gentibus, Alannorum gens impudica, sed minus perfida, Franci mendaces, sed hospitales, Saxones crudelitatem efferi, sed castitate venerandi. Ea vero animi fir-

Lib. 8
Epist. ad
Naman-
tium.

* Ciuli.

R mirate

mitate erant (si fas sit ita vocare) ut sibi mortem potius inferre, & vitam projicere, quam ludibrio esse maluerint. Vnde cum Symmachus horum numerum in spectacula publica paravisset; eo die, quo in theatrum educi debuerant, faucibus fractis spem exhibendarum voluptatum præripuerunt. De quibus ille ipse Symmachus, Saxonum numerus morte contractus. Nam quando non prohibuisset privata custodia desperata gentis impias manus, viginti & novem fractas sine laqueo fauces primus ludi gladiatorii dies viderit.

L. 2. E-
pist. 46.

Equus in-
signe Saxo-
num.

Hec Ada-
mus Bre-
mensis Sa-
xonibus ad-
scribit, quæ
Tacitus
Suevis.

Dii Saxo-
num.

Wednes-
day.

Fryday.
Tuesday.
Eoster dea.

De tempo-
ribus.

Herthius
Dea.

Earth.

Superstitionibus etiam admodum dedita fuit hæc Saxonum natio, atque eam ob causam cum de rebus gravioribus consulerent, præter aruspicinam, equorum hinnitus tanquam præfagia imprimis observabant, unde fortasse sit, quod equum olim in insignibus gesserint Saxonum duces. At cur Hengistus, & Horfa nostri ab equo nomen duxerint (utriusque enim nomen Saxonice equum significat) plane me latet, nisi in bellicæ virtutis omen, juxta illud Maronis, Bello armantur equi, bella hæc armenta minantur. Sortibus etiam ducendis multi erant, virgam enim fructiferæ arbori decissam, in furculos amputabant, eosque notis quibusdam discretos super candidam vestem fortuito spargebant. Mox si publica fuerit consultatio, sacerdos populi, si privata, paterfamilias precatus Deos, cælumque suspiciens per singulos tulit, sublatis secundam impressam ante notam interpretabantur. Ut bellorum eventum explorarent, gentis, cui bellum indicerent, captivum cum electo popularium suorum, patriis quemque armis committere solebant, & ex victore, quæ gens victoriam reportaret, conjectare. Deum Mercurium maxime coluerunt, quem *Wooden* vocarunt, cui humanis hostiis litarunt, & quartam hebdomadæ feriam consecrarunt, unde *Wednesday* nobis hodie appellatur, ut sextam Veneri, quam *Frea* & *Frico* dixerunt, unde dies Veneris nobis *Friday* nominatur, uti *Tuesday* à *Tuiscone* Germanicæ gentis conditore. *Eoster* etiam Deam habuerunt cui mense Aprilis sacrificarunt, unde *Aprilem*, inquit Beda, *Eoster Monath* vocarunt, & nos Paschatis festum etiamnum *Eoster* vocamus. In Commune, ut inquit Tacitus, Angli & alia vicina gentes *Herthum*, id est terram matrem coluerunt, eamque intervenire rebus hominum, inveni populis arbitrati sunt. Nobisque hodie illa ipsa dictio in usu est pro terra, Germanis vero inusitata, qui *Arden* pro terra usurpant. De his superstitionibus *Ethelwerdus* ille de suo tempore scribit, In tanta seductione oppressi sunt Aquilonares increduli, ut *Woodan* sicut Dominum colunt in hodiernum diem *Dani*, *Normanni*, & *Suevi*: & alibi, *Woodan* barbari ut Deum honorarunt, sacrificiumque obtulerunt pagani victoriæ causa, sive virtutis.

Thursday.

Sed hæc plenius Adam Bremensis, In templo (Vb sola patrio sermone vocato) quod totum ex auro paratum est, statuas trium deorum veneratur populus: ita ut potentiſſimus eorum *Thor* in medio solum habeat triclinium, hinc & inde locum possident *Wodan* & *Frico*. Quorum significationes ejusmodi sunt, *Thor*, inquit, præsidet in aere qui tonitrus & fulmina, ventos, imbresque, serena, & fruges gubernat: alter *Wodan*, id est fortior, bella gerit, hominumque ministrat virtutem contra inimicos. Tertius est *Frico* pacem voluptatemque largiens mortali-

bus, cujus etiam simulacrum fingunt ingenti *Priapo*. *Wodan* vero sculpunt armatum sicut nostri Martem sculpere solent. *Thor* autem cum sceptro *Iovis* exprimere videntur. Sed hos errores fugavit tandem Christianæ religionis veritas.

Postquam hi jam in Britannia possessione pedem firmassent, in septem regna distribuerunt, Heptarchiamque constituerunt, in qua tamen qui plurimum poterat, Rex gentis Anglorum, ut est apud Bedam, dicebatur, ut Monarchia in ipsa Heptarchia semper fuisse videatur. Deinde Augustinus, quem vulgo Anglorum Apostolum dicunt, huc missus à Gregorio Magno, sublatis Ethnicæ impietatis portentis, felicissimo successu Christum in ipsorum animis inferendo ad Christianam fidem convertit. Qua ex causa tam sedulam erga salutem gentis Anglorum curam gesserit Gregorius, ex traditione majorum, Venerabilis Beda his verbis retulit: Dicunt quod die quadam cum advenientibus nuper mercatoribus multa venalia in forum fuissent collata, multique ad emendum confluxissent, & ipsum Gregorium inter alios advenisse, ac vidisse inter alia pueros venales positos, candidi corporis, ac venusti vultus, capillorum quoque forma egregia. Quos cum aspiceret, interrogavit (ut ajunt) de qua regione vel terra essent allati? dictumque est quod de Britannia insula, cujus incolæ tali essent aspectu. Rursum interrogavit, utrum iidem insulani Christiani, an pagani adhuc erroribus essent implicati? dictumque est quod essent Pagani. At ille intimo ex corde longa trahens suspiria, Heu, proh dolor, inquit, quod tam lucidi vultus homines tenebrarum auctor possidet, tantaque gratia frontis conspicui mentem ab interna gratia vacuam gestant. Rursum ergo interrogavit, quod esset vocabulum gentis illius? Responsum est, quod Angli vocarentur. At ille, bene, inquit. Nam & angelicam habent faciem, & tales angelorum in cælis decet coheredes. Quod (ait) habet nomen ipsa provincia, de qua isti sunt allati? Responsum est, quod *DEIRI* vocarentur iidem provinciales. At ille inquit, *DEIRI*, de ira eruti, & ad misericordiam Christi vocati. Rex provincie illius quomodo vocatur? Responsum est, quod *AELLE* diceretur. At ille alludens ad nomen, ait, Alleluia in laudem Dei creatoris illis in partibus oportet cantari. Accedensque ad Pontificem Romane & Apostolicæ sedis (nondum enim erat ipse pontifex factus) rogavit ut genti Anglorum in Britanniam aliquos verbi ministros, per quos ad Christum converteretur, mitteret, seipsum paratum esse in hoc opus, Domino cooperante, perficiendum, si tamen Apostolico Papa, hoc ut fieret, placeret.

Monarchia
semper in
Anglorum
Heptar-
chia. Lib.
2. cap. 5.
596 Au-
gustinus
Anglorum
Apostolus.
Angli ad
fidem con-
versi
Lib. 2. cap.
1.

Holdeir-
ness.

De hac conversione Gregorius ille Magnus, Ecce pene cunctarum jam gentium corda penetravit. Ecce in una fide Orientis limitem Occidentisque conjunxit. Ecce lingua Britannica quæ nil aliud noverat quam barbarum fremere, jamdudum in divinis laudibus Hebraum cepit Halleluia resonare. Et in epistola ad ipsum Augustinum: Quis narrare hic sufficiat, quanta letitia in omnium corde fidelium fuerit exorta, quod gens Anglorum operante omnipotentis Dei gratia, & tua fraternitate laborante, expulsis errorum tenebris sanctæ fidei luce perfusa est, quod devotione integerrima jam calcitrida, quibus prius vesano timore subacebat. In antiquo etiam fragmento ejus ætatis legitur: Augustinus in una Dominice nativitatis die qua universa Anglorum gloria perpetuo celebratur, plus quam decem millia virorum præter innumerabilem multitudinem feminarum ac parvulorum vita-

li b
sac
Swalast.
in Comita-
tu Eboracensi.
De Pauli-
no Archie-
piscopo E-
boracensi,
non de Au-
gustino hæc
refert
eda.

Religio
Anglorum.

Doctrina
Anglorum.

Britannia
bis Gallie
magistra.

*Suvala fl.
in Comitatu
Eboracensi.
De Paulino
Archiepiscopo E-
boracensi,
non de Au-
gustino hæc
refert
sda.*

li baptismo regeneravit. Quæ vero sacerdotum, aliorumque
sacrorum ordinum copia ad tantum populum abludendum
suffecerit? benedicto itaque fluvio Anglice Suvala nuncu-
pato, jubet summus pontifex per præcones & magistros om-
nes binos & binos confidenter ingredi, & in trino Deitatis
nomine alium ab alio vicissim baptizari. Sicque omnes re-
nati non minori miraculo quam quondam populus Israel
divisum mare itemque Iordanem retro conversum transi-
erat in alteram ripam, sic transpositi in tam profundo gur-
gite, in tanto tamque diverso sexus & ætatis examine,
(nemo putabit) nemo leditur. Magnum hoc erat miracu-
lum, sed hoc magnum majori eminentia superatur, cum
omnis debilitas & infirmitas in illo amne deponitur, om-
nis languidus & deformatus sanus & reformatus egredi-
tur. O festivum spectaculum Angelorum & hominum,
cum tot millia candidatæ gentis ex unius fluminis alveo,
velut ex unius genitricis alvo prodirent, & de uno stagno
tanta progenies in supernam civitatem nasceretur Olympo!
Hinc serenissimus papa Gregorius cum omnibus superno-
rum contuberniis erumpens in gaudia, non tulit hoc reti-
cere, Sancto Patriarchæ Alexandria Eulogio scripsit gra-
tissime congratulatur, de tanto exercitu in una natalis do-
mini die baptizato.

*Religio
Anglorum.*

Statim ac Christi nomen annuntiatum est,
adeo flagranti studio se Christo consecrarunt
Angli, ut incredibilem diligentiam Christi no-
mine propagando adhibuerint Christianæ pi-
etatis muniis obeundis, ædibus sacris extruendis,
iisdemque locupletandis; adeo ut nec alia Chri-
stiani orbis regio plura numerarit opulente di-
tata monasteria. Reges etiam nonnulli sua sce-
ptra religiosa vitæ postposuerunt. Totque san-
ctos viros protulit, qui ob firmissimam Christia-
næ religionis professionem, solidissimam in ea-
dem constantiam, synceramque pietatem in san-
ctorum numerum relati fuerunt, ut non alteri in-
ter Christianos provinciæ hac in parte cederet:
utque Britannia prophano illi Porphyrio dicta
fuerit ferax tyrannorum provincia, in Anglia merito
diceretur Insula sanctorum fecundissima.

Ad meliores etiam artes instaurandas animum
adjunxerunt, & divini verbi, nec non literarum
femina per Germaniam opera Winifridi, Wille-
brodi, & aliorum profeminarunt, quod Germa-
nus Poeta his versibus docet,

*Doctrina
Anglorum.*

Hæc tamen Arctois laus est æterna Britannis,
Quod post Pannonicis vastatum incurfibus orbem,
Illi bonas artes, & Graecæ munera linguae,
Stellarumque vias, & magni sidera cæli
Observans, iterum turbatis intulit oris.
Quin se religio, multum debere Britannis
Servata, & late circum dispersa fatetur.
Quis nomen Winfride tuum, quis munera nescit?
Te duce, Germanis pietas se vera, fidesque
Insinuans, cepit ritus abolere profanos.
Quid non Alcuino facunda Lutetia debes?
Instaurare bonas ibi qui feliciter artes,
Barbariemque procul solus depellere cepit.
Quid tibi divinumque Bedam, doctissimus olim
Tam variis unus bene qui cognoverat artes
Debemus.

*Britannia
bis Gallie
magistra.*

Additque P. Ramus Britanniam bis Gallie
fuisse magistræ, per Druidas innuens, & Alcu-
num, cujus in primis opera usus est Carolus Ma-
gnus in Parisiensi Academia instituenda.
Nec minus arma, quam literas, & religionem

in Germaniam intulerunt; & quod mireris, Sa-
xonibus illis qui Ducatum Saxonie incolunt,
originem dederunt, si his Eginhardi verbis cre-
damus. Saxonum gens, sicut tradidit antiquitas, ab An-
glis Britanniæ incolis egressa, per Oceanum navigans, Ger-
mania littoribus, studio & necessitate querendarum se-
dium, appulsa est in loco qui vocatur Haduloha. Eo tem-
pore, quo Theodericus Rex Francorum contra Hirminfri-
dum Ducem Thuringorum generum suum dimicans, ter-
ram eorum crudeliter vastavit ferro & igne. Et quum
jam duobus præliis ancipiti pugna, incertaque Victoria mi-
serabili cæde suorum decertasset, Theodericus spe vincen-
di frustratus, misit Legatos ad Saxones, quorum Dux erat
Hadugato, & ut audiret causam adventus eorum, polli-
citis pro victoria cohabitandi sedibus, conduxit in adjuto-
rium. Quibus secum quasi jam pro libertate & patria for-
titer dimicantibus, superavit adversarios, vastatisque in-
digenis, & ad internecionem pene deletis, terram eorum
juxta pollicitationem suam, victoribus delegavit. Qui
eam sorte dividentes, cum multi ex eis in bello cecidissent,
& pro raritate eorum, tota ab eis occupari non potuit, par-
tem illius, maxime eam quæ respicit orientem, colonis tra-
debant, singulis pro sua sorte, sub tributo exercendam; cæ-
tera vero loca ipsi possederunt. A meridie quidem Francos
habentes, & partem Thuringorum, quos præcedens hostilis
turbo non contigit, alveoque fluminis Vnstrute dirimuntur;
A Septentrione vero Normannos gentes ferocissimas;
ab Ortus solis Obotritos; ab Occasu Frisos, à quibus sine
intermissione, vel fœdere vel concertatione necessaria finium
suorum spacia tuebantur. Sed ad nostros jam rever-
tamur.

Diu florentissima res erat Saxonica sub illa
Heptarchia, donec regna illa intestinis bellis
collisa in Occiduorum Saxonum potestatem
tandem concesserint. Egbertus enim Occiduo-
rum Saxonum rex quatuor ex his regna victoria
complexus, cum reliqua etiam duo spe devoraf-
set, ut quæ in unius imperium devenissent, in
unum item nomen coirent, & suæ gentis memo-
riam conservaret, Heptarchiam, quam occupa-
runt Saxones, promulgato edicto Englelono vo-
cari jussit, id est Anglorum terra. Vnde Latine AN-
GLIA dicta ab Anglis facta appellatione, qui ex
tribus his populis erant numerosissimi, & fortif-
simi. Illi enim Northumbriam & Merciam am-
plissimas regiones, cum Orientali Anglia occu-
parunt, quum Iutarum progenies solummodo
Cantium, & Vectam insulam, & Saxones Saxo-
niam Orientalem, Australem, & Occidentalem
tenuerint; exiguum sane portionem, si ad am-
plas illas Anglorum regiones conferatur. A qui-
bus longo jam antea tempore in universum An-
gli, & sua lingua Englatheod, Anglcynne, Englcynne,
Engliscmon dicti fuerunt, licet quodlibet in ea re-
gnum suo seorsim gaudebat nomine. Hoc vero
cum ex aliis, tum ex Beda constat, qui historiam
suam Gentis Anglorum historiam incripsit. Atque in
Heptarchia, illi Principes qui cæteris domina-
bantur, Gen is Anglorum Reges fuerunt appellati.
Tunc temporis Britannie nomen oblitteratum
inter hujus insulæ incolas jacuit, & tantum in li-
bris, non vulgari usu superfuit; unde hæc nostra
patria à Bonifacio Episcopo Moguntinensi, qui
hinc oriundus, Transmarina Saxoniam appellatur.
Eadredus tamen Rex circa annum 948 Magna Bri-
tanniæ Regis, ut Eadgarus circa annum 970, etiam

*Anglo-Sa-
xonum in
Germani-
am remi-
gratiso.*

England.

*Circa an-
num 800.*

*Theod. id
est Natio.*

*Epist. ad
Zacharia-
ram PP.*

Totius Albionis Monarcha nomine & titulo in quibusdam Diplomatis sunt usi.

Iam cum Anglia diceretur, ad summum res Anglorum pervenerat, & ideo, ut circulus est mortalium, ad exitum properabat. Dani etenim complures annos littora nostra continuo infestantes, tandem miserrimè hanc regionem dilaniare cœperunt.

ANGLO-SAXONVM NOMINA.



Nanimo erat hic seriem & successione Regum Anglo-Saxonum cum in Heptarchia, tum in Monarchia subjunxisse, verum cum hujus loci non videantur, & nuda nominum congeries minus grata videretur: gratius fortasse erit si quod de vi, ratione, & significatione nominum ipsorum multa legendo præcipue in Alfrico nostro Grammatico observarim, pauculis attexerem. Non ut singula interpreter, hoc multi esset laboris, & in aliam linguam non facile transfundi possunt barbara ejusmodi nomina, quibus inest magna emphasis, succincta brevitatis, & nonnihil ambiguitatis. Verum cum pleraque illorum sunt composita, & ex paucis quidem simplicibus: simplicia illa explicabo, ut compositorum significationes quæ omnia fausta, votiva, & boni erant ominis, magis elucescant, & eam esse quam Plato dixit Orthototem nominum, apud nationes universas pervideamus.

AEL. EAL. & AL. in compositis nominibus, uti *pāw* in Græcorum compositis Omne vel Omnino significat. Hinc *Aetwin*, omnino victor, *Albert*, Omnino illustris, *Aldred*, Omnino reverendus, *Alfred*, Omnino pacificus. Quibus quodammodo respondent Pammachius, Pancratius, Pamphilus, &c.

AELF quod pro dialectorum varietate effertur *Vlf*, *Wolph*, *Hulph*, *Hilph*, *Helse*, & hodie *Helpe*; auxilii habet significationem, ut *Aelfwin*, Auxilium victoriosum, *Aelfwold* Auxiliaris Gubernator. *Aelfiga* Auxilii datrix: quibus consona sunt Boëtius, Symmachus, Epicurus, &c.

ARD Indolem significat, ut *Godard*, Divina indoles, *Reinard*, Syncera indoles, *Giffard*, Larga & liberalis indoles, *Bernard*, Filialis indoles, &c.

ATHEL, *Adel*, & *Ethel*, Nobilis. sic *Ethelred*, Nobilis consilio, *Ethelard*, Nobilis indoles, *Ethelbert*, Nobilis illustris, *Ethelward*, Nobilis conservator.

BERT, idem quod nobis hodie *Bright* Latinis Illustris, & clarus: sic *Echert*, Aeternum illustris, *Sigbert*, Victor illustris, ut quæ Bertha Germanis, Eudoxia Græcis, (Luitprando teste) appellata fuit. Et hujus sortis erant illa Phædrus, Epiphanius, Photius, Lampridius, Fulgentius, Illustris.

BALD Septentrionalibus gentibus idem esse quod Latinis *Audax* docet Iornandes, & adhuc non exolevit. Sic *Baldwin*, & inverse *Winbald*, Audax victor, *Ethelbald*, Nobilis audax, *Eadbald*, Feliciter audax: quibus consonant Thraseas, Thrasimachus, Thrasibulus, &c.

KEN, & *Kin*, Cognatos denotat, ut *Kinulph*, Cognatis auxilium, *Kinbalm*, Cognatis defensor, *Kinburg*, Cognatis munimen, *Kinric*, Cognatis potens.

CVTH Scientiæ & peritiæ habet significationem: sic *Cuthwin*, Peritus victor, *Cuthred*, Peritus Consiliarius, *Cuthbert*, Ob peritiâ illustris, quibus adsonant Sophocles, Sophianus, &c.

EAD in compositis, & in simplicibus *Eadig*, felicitatem & beatitudinem denotat. Sic *Eadward*, Felix conservator, *Eadulph*, Felix auxilium, *Eadgar*, Felix potestas, *Eadwin*, Felix victor, quibus non abludunt Macarius, Eupolemus, Faustus, Fortunatus, Felicianus, &c.

FRED idem quod Pax sonat, ut *Asyla* dicta fuerunt majoribus *Fredstole*, id est, Pacis cathedra. ita *Frederic*, Pace potens, vel opulentus, *Winfred*, Victoriola Pax, *Rainfred*, Syncera Pax.

GISLE Anglo-Saxonibus obses fuit appellatus, ut *Fredgisle* Pacis obses, *Gislebert*, illustris obses. uti apud Græcos Homerus.

HOLD in antiquis Glossariis perinde ut *Wold*, interpretatur Gubernator, & summus præfectus, etiam alibi Amor, ut *Holdlic* Amabilis.

HELM Defensionem sonat, ut *Eadhelm*, Felix defensor, *Sigbalm*, Victrix defensor, *Berthelm*, Illustris defensor; juxta ac illa Græcorum, Amyntas, Boëtius, &c.

HARE, & *Here* varie elata & Exercitum, & Dominum denotaverunt, sic *Harhold*, Exercitus præfectus, *Hareman*, Primarius in exercitu, *Herbert*, Exercitu præclarus, *Herwin*, Exercitus victor; non dissimilia Græcis illis, Stratocles, Polemarchus, Hegesistratus, &c.

HILD in Alfrici Grammatica Heros & Heroïna exponitur; sic *Hildebert*, Heros illustris, *Mathild*, virgo Heroïna; & *Wiga*, eodem sensu reperitur.

LEOD, id est populus. sic *Leodgar*, Potens apud populum.

LEOF, Amorem significat, sic *Leofwin*, Amoris conciliator, *Leofstan* charissimus; uti illa Agapetus, Erasmus, Erastus, Philo, Amandus.

MUND, Pax, unde Iurisconsultis nostris *Wundbrech*, Pacis infractio. sic *Eadmund*, Felix Pax, *Aethelmund*, Nobilis Pax, *Aelmund*, Totus pacificus: quibus fere æquipollent Irenæus, Hesychius, Lenis, Pacatus, Sedatus, Tranquillus, &c.

RAD, *Red* & *Rod*, pro varietate dialectorum designant Consilium; ut *Conrad*, Potens, vel peritus consilio, *Ethelred*, Nobilis consiliarius, *Rodbert*, Illustris consilio, & non dissimili sensu Eubulus, Thrasibulus, &c.

RIC, Potentem, opulentum, fortem denotare Fortunatus his versibus docuit:

*Hilperice potens, si interpres barbarus adsit
Adjutor fortis hoc quoque nomen habet.*

Vti *Alfric*, Omnino fortis, *Athelric*, Nobilis fortis, aut potens, quibus adludunt Polycrates, Crato, Plutarchus, Opimius.

SIG in usu illis erat pro victoria, unde *Sigbert*, ex victoria clarus, *Sigward*, Victoriosus conservator, *Sigard*, Victrix indoles, & eodem fere sensu, Nicocles, Nicomachus, Nicander, Victor, Victorinus, Vincentius, &c.

STAN, antiquis illis fuit superlativi gradus terminatio, sic *Athelstan*, Nobilissimus, *Betstan*, Opti-

Porphyrius
de Theolog.
Phœnicum.

Aelf. Vlf.
&c.

Arđ.

Athel &
Ethel.

Bert.

Bald.

Ken, &
Kin.

Cuth.

Ead.

Fred.

Gisle.

Hold.

Helm.

Hare &
Here.

Hild.

Wiga.

Leod.

Leof.

Mund.

Rad, Red
& Rod.

Ric.

Alfric.

Sig.

Stan.

Optimus, *Leefstan*, Charissimus, *Wifstan*, Prudentissimus, *Dunstan*, Celsissimus.

W I, Sacer, sic *Wimund*, Sacra pax, *VVibert*, Sanctitate clarus, *Atvi*, Omnino sanctus: ut Hierocles, Hieronymus, Hofius, &c.

W I L L I, & *Vili* Anglosaxonibus, ut *Billi* hodie Germanis plurimum habuit significationem: sic *Willielmus*, Pluribus defensor, *Wildred*, Plurimis verendus, *VVilfred*, Plurimis pax: quibus sensu & significatione accedunt *Polymachus*, *Polycrates*, *Polyphilus*, &c.

W O L D, & *Wald* praefectum, sive gubernatorem illis denotavit, unde *Bertswold*, Illustris gubernator, *Ethelwold*, Nobilis gubernator, *Herwald*, & inverse *Waldber*, Exercitus praefectus.

Sed manum jam de hac tabula, cum aliis non minus ac mihi haec in re levicula sint plus nimio.

Britanni
nomen re-
vocantur

Gravius fortasse erit, si posteris (modo haec chartae victurae sint) prodam quod nos vidimus, scilicet ut Egbertus hanc citeriorem & suam Britanniam partem ANGLIAM jussit nominari; ita jam annis 800 plus minus transactis: dum haec recognoscimus, R. Iacobus totius insulae Monarchiam propitio numinis favore, & haereditario jure, bonis omnibus applaudentibus, adeptus, ut haec insula quae in se una existit, uno Oceani ambitu circumscripta, in una ejus persona sub uno diademate, una lingua, regilionis, legum, & juris formularum communitate; ad perennis felicitatis incrementum, & pristinae inimicitiae oblivionem uno etiam esset nomine: nomen, titulum, & stylum Regis MAGNAE BRITANNIAE sibi in omnibus, praeterquam in juris formulis, anno regni secundo, edicto per regna publicato assumpsit.

D A N I .

Daci saepe
à nostris
scriptoribus
falso vocan-
tur.



Da-ben.

Thestibus, de
fabula quae
pro historia
se vendit.

Wicinga.

Væ Danorum fuerit origo, ne Danis quidem ipsis satis constat, DANVM enim illum Gigantem Humblum filium & Goropium qui à Gallo gallinaceo deducit, ex antiquitatis schola ipsa veritas jam pridem explosit. Andreas Vellejus Danus, vir literatissimus à Dahis Scythiae populo, & à Marc, quæ non limitem sed regionem significet, repetit; Ethelwerdus noster à *Donia* urbe nomen factum credidit. A Dancionibus, quos in Scandia statuit Ptolemæus & Dauciones, literula mutata in nonnullis exemplaribus dicuntur, ortos fuisse, & inde in desertas Anglorum sedes, in Cimbricam scilicet Chersonesum se exonerasse ego semper existimaui, donec eruditissimus, & cum judicio in Antiquitatis studio versatissimus Ionas Iacobus Venuinus nominis Danorum vestigia expressa in sinu *Codano*, & *Codanonia*, quorum meminit hoc in tractu Pomponius Mela, solerti indagineprehendisset. Quæ nomina à Septentrionalibus crassius elata *Cdan*, & *Cdanonum* Mela in *Codanum*, & *Codanonia* Latina incude efformavit, ut posteritas ex *Gdanum*, *Dansk*, ex *Clo-dovæo* *Lodovic*, ex *Knuto* *Canutum* mollius procuderunt. Nec tamen ante Iustiniani Imper. tempora, circa annum salutis nostræ septuagesimum supra quingentesimum, eorum nomen orbi innotuit. Tunc enim Galliam vastare ceperant, & rerum Anglicarum Latinis historicis *Wicingi* dicti sunt, quod piraticam exercuerint: *Wicinga* enim Saxonica lingua, teste Alfrico, Piratam denotat; & *Pagani*, quod nondum Christo nomina dedissent: sed ipsi Angli sua lingua *Deniscan*, & saepe *Heathon-mon* quasi Ethnicos vocarunt. De his audi Dudonem de S. Quintino, authorem satis vetustum è I. Stobæi studiosissimi urbis Londinensis antiquarii bibliotheca, quæ mihi semper patuit. Dani è *Scanza*, id est Scandia, velut exammen apum è canistro, & gladius è vagina, diversitate multimoda, consuetudine barbarica profuerunt, cum petulant luxu exardescens soboles innumeras generavissent. Qui postquam adoleverunt, de rerum possessionibus contra patres, avosque aut saepius inter se ferociter objurgati, exuberantes, & terram quam incolunt habitare non sufficientes: Britannia.

collecta sorte multitudinis pubescentium, veterrimo ritu, in externa regna extruduntur nationum, ut adquirant sibi præliando regna, quibus vivere possint. Caterum in exple-tione suarum expulsiōum atque exercituum sacrificabant olim venerantes. THVR dominum suum, cui non aliquid pecudum atque pecorum, sed sanguinem mactabant hominum. Holocaustorum omnium putantes pretiosissimum, eo quod sacerdote sortilego prædestinante, juga bouum una vice diriter icebantur in capite, colloque unicuique singulari ictu sorte electo cerebro, sternebatur in tellurem, perquirebaturque levissimum fibra cordis, scilicet vena, cujus exhausto sanguine ex more suo, suorum capita linentes, librant celeriter navium carbasa ventis, deosque tali negotio putantes placare, velociter navium insurgunt remis. Aliam etiam Deorum placandi rationem, vel potius contaminatissimam superstitionem, qua Dani usi sunt, Ditmarus Episcopus, qui Dudone paulo antiquior, his verbis describit: Sed quia ego de hostiis Northmannorum Lib. 1. & Danorum antiquis mira audivi, hæc indiscussa præterire nolo. Est unus in his partibus locus caput istius regni, Lede-run nomine, in pago qui Selon dicitur, ubi post novem annos mense Januarii, post hoc tempus, quo nos Theophaniam Domini celebramus, omnes conveniunt, & ibi diis suis LXXX & novem homines, & totidem equos, cum canibus & gallis pro accipitribus oblatis immolant, pro certo, ut prædixi, putantes hos eisdem placaturos.

Danorum
religio.
* Hinc dies
Jovis nobis
sortasse
Thursday
dictum.

Circa Egberti tempora, anno Christi 800, non Danica
strallitora primum infestant, postea mare cœ-
lo miscentes, multos annos per Angliam graf-
fati, urbibus excisis, templis succensis, & agris
vastatis, omnia barbara immanitate egerunt,
rapuerunt, verterunt. Merciorum, & Orienta-
lium Anglorum regibus peremptis, eorum regna
cum magna Northumbriae parte occuparunt.
Tributumque *Dangelt* dictum misello populo ad
horum latrocinia reprimenda impositum, quod,
ut cujusmodi fuerat intelligas, hæc paucula le-
gas velim è legibus nostris antiquis descripta.
Danigeldi redditio propter piratas primitus statuta est. Pa-
triam enim infestantes, vastationi ejus pro posse suo insiste-
bant. Ad eorum quidem insolentiam reprimendam statutum
est *Danigeldum* annuatim reddi, scilicet 12 denarios ex
unaque hida totius patriæ, ad conducendos eos qui pirata-
rum irruptioni resistendo obviarent. De hoc quoque *Dani-
geldo* libera & quieta erat omnis ecclesia, & etiam omnis
terra

Dangelt.

S

terra

terra quæ in proprio dominio ecclesiæ erat, ubicunque jacebat, nihil prorsus in tali redditione persolvens, quia magis in ecclesiæ confidebant orationibus, quam in armorum defensionibus.

Verum cum Ælfredum Occidentalium Saxonum regem jam aggredierentur, ille nunc cedendo, nunc insistendo victricibus armis non solum à suis repulit, sed etiam Danico Merciorum regulo interfecto, è Mercia fere tota expulit, filiusque ejus Edwardus Senior patris victorias persecutus, Orientalem Angliam profligatis Danis sibi subjecit, uti Adelstanus ejus filius nothus pleno ad victorias gradu multa Danorum cæde Northumbriam debellavit, Danisque tanto terrore institit, ut vel è regno excefferint, vel se dediderint. Horum principum virtute è calamitatum gurgite emerfit Anglia, annosque quinquaginta à sanguinolento illo bello conquievit. Cum autem Etheldredus vir languido animo regnaret, Dani ejus ignavia freti classicum denuo cecinerunt, regionemque populati, Anglos magna quotannis pecunia pacem redimere cogerunt, adeoque insolenter se gesserunt, ut Angli conjuratione inita, una nocte Danos omnes per Angliam ad unum occisione occiderint, rati hac sanguinis effusione se Danicum incendium restincturos, quod tamen in magis exitialem flammam exarsit. Sueno enim rex Danorum hac suorum cæde irritatus numerofo exercitu

Angliam invasit, immaniterque efferato animo grassatus Ethelredum fugavit, totumque regnum sibi subdidit, filioque Canuto reliquit, qui sævis asperisque bellis varia fortuna cum Ethelredo reduce, & filio ejus Edmundo, cognomine *Ferream latus*, conflictatus, duos filios successores habuit, Haraldum scilicet nothum, & Canutum Audacem, quibus mortuis, Danorum jugo excusso, ad Anglos denuo recidit imperium. Edwardus enim ob sanctitatem cognomento *Confessor*, Ethelredi ex secunda uxore filius regiam recuperavit dignitatem. Iam Anglia respirare cepit, sed protinus, ut inquit ille, *mores rebus cessere secundis*. Sacerdotes erant inertes, somni pleni & imperiti, populus luxu solutiori, otio torpescibat, disciplina intermortua jacebat, innumeris vitiis Respub. quasi ægra intabescebat, superbia autem, cujus pedissequa exitium, maxime invalescebat. Et ut de illo tempore loquitur Gervasius Dorobernensis, *Sic ad mala perpetranda festinatur, ut nescire crimina, crimen esse videretur. Quæ omnia planissime excidium præcinerunt*. Erant tunc temporis Angli, ut scribit Guil. Malmesburienfis, *vestibus ad medium genu expediti, crines tonsi, barbas rasi, sed superiori labro pilis incessanter fruticantibus intonso, armillis aureis brachiis onerati, picturatis stigmatibus cutem picturati, Clerici literatura tumultuaria contenti, vix Sacramentorum verba balbutiebant, &c.*

Cnut. in
nummis.
Dani 200
annos An-
gliam affli-
xerunt,
regnavunt
annos plus
minus 20.
Edwardus
Confessor.

Norman-
niæ Duces.

10 12.

N O R M A N N I.



Vemadmodum antiquioribus seculis ex Orientali illa, quoad nos, Germaniæ ora quæ ad Septentriones vergit primum Franci, deinde Saxones Galliam, Britanniamque deprædationibus infestas habuerunt, & tandem hi Britanniam, illi Galliam occuparunt; Ita posterioribus temporibus primum Dani, & deinceps Normanni in eorum locum succedentes, ex eadem ora itidem factitarunt. Quasi oræ illi in fati esset, divino ita disponente numine ut gentes ad Galliam, Britanniamque affligendam, & nova regna in iisdem instituenda conciperet, & è suo sinu sæpius effunderet.

Hi à Septentrionali plaga, unde devenerunt, sic dicti, nam *Nordmanni* nihil aliud significat, quam *Viri Septentrionales*, quo etiam sensu, *Nordleudi* id est *Populus Septentrionalis*, appellantur, (commisti enim erant ex Norvegorum Sueonum, & Danorum fortissimis.) Caroli Magni temporibus per Frisiam, Belgicam, Angliam, Hiberniam, & Galliam piraticam tanta atrocitate exercuerunt, ut cum Carolus ille Magnus vidisset prædatorias eorum naves in mari Mediterraneo effusis lachrymis ingemuerit & dixerit, *Contristor quod me vivente ausi sunt hoc litus attingere. Prævideo quanta mala meis posteris sunt facturi*: & etiam in publicis Ecclesiarum supplicationibus sive Litaniis fuerit postea adjectum, *A furore Normannorum, libera nos Domine*. Eoque Francos adegerunt, ut Carolus Calvus Hastingo Normanno Archipirata Carnutum Comitatum ad hominem deliniendum de-

derit, Carolus Crassus Godfredo Normanno partem Neustriæ cum filia in matrimonium concesserit. Deinde vero vi & armis juxta Sequanæ ostium sibi sedes posuerunt in regione quæ prius *Neustria* corrupte dicta erat, quod pars fuerat *Wetrasia*, sic enim mediæ ætatis scriptores dixerunt, quod Germani *Westerriich*, id est, *Occidentale regnum* vocitarunt, comprehenditque quicquid inter Ligerim, & Sequanam ad Oceanum interjacet. Quod postea ab illis *Normannia*, quasi *Septentrionalium virorum regio* appellata, cum Carolus Simplex Rolloni eorum principi è sacro baptismatis fonte suscepto confirmasset clientelari jure tenendum, filiamque in uxorem dedisset. Quo tempore, ut legitur in veteri manuscripto Monasterii Andegavenfis, *Carolus Stultus dedit Normanniam Rolloni cum filia Gisla, hic non est dignatus pedem Caroli osculari, cumque comites illum admonerent pedem regis acceptatione tanti beneficii oscularetur, lingua Anglica respondit, Ne se by God! Quod interpretantur, Non per Deum: Rex vero & sui illum deridentes, & sermonem ejus corrupte referentes, illum vocaverunt Bigod, unde Normanni adhuc vocantur Bigodi. Et hinc fortasse est quod hypocritas, & superstitiosos Galli etiamnum Bigod appellant.*

Rollonem hunc qui è sacro fonte susceptus Roberti nomen accepit, alii simulate, alii deliberate & serio Christo nomen dedisse tradunt, divinitusque somnio admonitum addunt, quod liceat mihi, nec somniis tamen credulo, absque vanitatis suspitione ex fide scriptorum ejus ævi referre. Ferunt illum navigantem per quietem vidisse semetipsum elephantiasi foedatum, sed niti-

Neustria.

Normanni.
1066.

Charta
Guil. Com-
questoris.

Historia
Monasterii
S. Stephani
Cadomi in
Norman-
nia.

Bigod.

Nordman-
ni Nord-
leudi.
Helmol-
dus.

Liber San-
gallensis de
Gestis Ca-
roli Magni.

tidissimo fonte ad radices excelsi montis ablutum convaluisse, & mox verticem montis conscendisse: Quod ipsi enarranti captivus Christianæ professionis in illa navi sic interpretatus est, Elephantiasin esse impium illum deorum cultum quo laboravit, fontem esse sacrum regenerationis lavacrum, quo purgatus, montem ascenderet, id est, ad suum honorem & cælum perveniret.

Norman-
niæ Duces.

Ex hoc Rollone natus est Guilielmus cognomento *Longa Spata*, à longo quem gestavit ense. Guilielmo Richardus ejus nominis primus, cui filius, & ex filio nepos eodem nomine succedere: sed Richardo III sine sobole defuncto Robertus frater successus, qui ex amasia Guilielmum illum progeniit, quem *Conquestorem* & *Bastardum* vulgo vocamus; qui singuli rebus domi bellicæ gestis principes illustrissimi. Dum Guilielmus iste jam ætate maturus Normanniæ præfesset, Edwardus Sanctus, cognomento *CONFESSOR*, Rex Angliæ è Saxonica stirpe ultimus, in cœlestem patriam cum summo suorum desiderio emigravit, qui ex Guilielmi cognata Emma, filia Richardi ejus nominis primi ducis Normanniæ natus, in Normannia exul eum successorem sibi fore promiserat. Verum Haroldus Godwini filius, domus Regiæ Major regnum occupavit, quem ut exturbarent hinc Tofto frater, illinc Normanni omnem moverunt lapidem. Verum cum ille Toftonem fratrem & Haraldum Norwegiæ Regem, quem in belli societatem Tofto sibi adjunxerat, iusto prælio, non incruenta victoria prope *Stamfordbrig* in Eboracensi agro peremisset: ecce vix novem interjectis diebus,

Normanni.
1066.

GVILIELMVS (cognomento *Bastardus*) Normanniæ Dux, Edwardi modo defuncti promissis, adoptione, & affinitate fretus, magno conscripto exercitu, in Angliam inter Australes Saxones appulit. In quem signa statim convertit Haroldus, lassato licet milite, rebusque superiori bello omnino accisis. Haud procul ab *Hastings* concurritur, ubi Haroldus in medium prælium se inferens, acriter dimicans cecidit, magno Anglorum numero interfecto, difficile est ad fidem summas exacto numero concipere. GVILIELMVS victor protinus infesto agmine per *Wallingfordiam* Londinum petit, admissusque Rex inauguratur, utpote cui, ut ipse ait, *Regnum Dei providentia destinatum*, & *beneficio concessionis Domini*, & cognati gloriosi Regis Edwardi concessum, & pauculis interpositis lineis subjungit, *Benignissimum Regem Edwardum illum in regnum Angliæ adoptivum heredem instituisse*. Quanquam si hystoriæ S. Stephani Cadomensis credere libet, extremum spiritum in hæc verba emisit: *Diadema regale quod nullus antecessorum meorum gessit, adeptus sum, quod divina solummodo gratia, non jus contulit hereditarium*. Et paulo post, *Neminem Anglici regni constituo heredem, sed æterno Conditori, cuius sum, & in cuius manu sunt omnia, illud commendo*. Non enim tantum decus hereditario jure possedi, sed diro insultu, & multa effusione sanguinis humani perjurio regi Haroldo abstuli, & interfectis vel fugatis fautoribus ejus dominantui meo subegi.

Historia
Monasterii
S. Stephani
Cadomi in
Norman-
nia.

Sed quid ego hanc maximam Britannici imperii conversionem tam paucis percurro: en tibi, si non pigeat legere, quæ ego minus accurate, minusque fortasse cogitate, ad hystoriæ tamen

fidem tum scripsi, cum imprudens juvenis tantoque oneri impar, res nostras Latinis literis illustrare cogitarem.

Edwardo Confessore jam sine sobole defuncto, ancipiti cura de novo rege substituendo proceres populi &que distrahebantur. Edgarus qui dictus *Ætheling*, Edmundi Ferrei Lateris è filio abnepos solus è virili Saxonorum regum stirpe supererat, cui jure hereditario regnum debebatur. Verum cum ille ætate minori videretur, quam ut reipublica gerenda par esset, & ingenium peregrinis moribus immiscuisset, utique in Pannonia ex Agatha filia Henrici III, Imperatoris natus, qui terrarum situ disjunctior erat, quam ut adolescentem auxilio aut consilio juvaret, Anglis minus erat gratus, quibus nihil antiquius erat quam regem sibi è suo quasi corpore creari: Haroldum igitur Godwini filium belli pacisque artibus & gloria florentem plerique omnes respexerunt. Quanquam enim ille una tantum imagine nobilis erat, & pater prodicione, & rapinis æternam ignominie infamiam subierat; benigno tamen alloquio, comitate, liberalitate, & militari virtute maximam à populo inivit gratiam. Nec enim alter erat in quo plus fuit audacia ad pericula capefenda, aut plus consilii inter ipsa pericula. Virtusque ejus & fortuna in Wallico bello quod jampridem felicissime consecerat ita emicuit, ut plane omnibus imperatoris artibus instructissimus, & ad imperium Anglicum instaurandum natus videretur. Danos etiam qui solummodo huic regioni terrori erant, illi equiores fore sperabatur, quod è Gyrha Suenonis Regis Danici sorore natus erat. Si qua alia vis sive externa sive domestica adoriretur, civium benevolentia & nobilium cognatione & affinitate satis munus videbatur. Sororem Morcari & Edwini fratrum qui longe potentissimi erant in uxorem habuit, & Edricus Sybaticus vir animo excelsus & autoritate summa, ætissimo propinquitatis vinculo erat conjunctus. Percommode etiam accidit, ut eodem tempore Sueno Danus Suecico bello implicaretur, & Guilielmo Normanno male cum Philippo Francorum rege conveniret, Guilielmo enim illi regnum conceptis verbis, si sine prole obiret, promiserat Edwardus Confessor dum in Normannia exularet, & ad illud promissum præstandum se sacramenti religione quasi sponsor obligavit Haroldus (cum captivus in Normannia detineretur) addita etiam hac conditione ut Normanni filiam in matrimonium acciperet. Vnde consultissimum plurimis videbatur Normanno regnum deferre, tum ut fidem liberando bellum quod imminere prospiciebant, & exitium quod semper perjurii poena averteretur, tum Normanniæ Angliæ adjungendo regnum sub tanto principe firmaretur & reipublica plurimum augetur. Caterum Haroldus omnes omnium deliberationes incidit, qui nihil sibi cunctandum ratus, eo ipso die quo Edwardus sepultura traditus, imperium præter plurimorum expectationem arripuit, & diadema sine inaugurationis ceremoniis presentibus applaudentibus, Regemque acclamantibus in se sibi imposuit. Quo facto Ecclesiasticam hominum nationem quasi religionis violator plus nimio irritavit. Ille autem non ignarus quam difficile sit principi novo imperium sine pietatis & virtutis opinione tueri, ut offensam illam obliteraret, & sceptrum confirmaret ad rem ecclesiasticam promovendam, & monasteria ornanda nihil non fecit. Edgarum Ætheling, Oxoniæ Comitem reliquosque nobiles omni benevolentia complexus est, populum magna tributorum parte sublevavit: vim magnam pecuniarum in tenues effudit, denique alloquendi comitate, audiendi lenitate, decernendi æqualitate charitatem una cum autoritate comparavit sibi singularem. Vbi primum hæc

Norman-
nica victo-
ria.

certis nuntiis acceperat Guilielmus Normannus: Edwardi mortem gravissime dolere prae se tulit, cum interim animo discrucietur, Angliam quam jam spe devoraverat, è faucibus sibi fuisse præreptam. Protinus igitur ex suorum consilio legatos ad Haroldum mittit, qui promissorum et sponsionis admonerent, simulque regnum repeterent. Ille re deliberata respondet, Quod ad Edwardi promissa pertinet Anglicum imperium promissis deferri non posse, nec se ejus promissis teneri, cum electione, non jure hereditario regnum sibi obveniret. Quod ad suam sponsionem, ab homine capto vi, dolo, et perpetui carceris metu in Reipub. Anglica damnum et ordinum prejudicium extortum, et proinde irritam esse, quam nec præstare si poterat debuisset, nec si vellet potuisset, cum rege nesciente et populo non adficiente facta fuisset. Illud vero admodum iniquum videbatur postulare, ut Normanno peregrina stirpis principi regno cederet: quod tanto omnium ordinum consensu susceperat. Hoc responsum parum equis auribus accepit Normannus, Haroldumque latebras perjurio querere existimavit: alios igitur protinus eadem de causa legavit, qui commonescerent qua iurijurandi religione obstrictus teneretur, et perjuros exitium apud Deum, et dedecus inter homines manere. Verum quum jam Guilielmi filia Haroldo in pactis desponsa, quae quasi firmamentum suae sponsionis erat, fato erepta fuisset, minori cum humanitate tractati sunt, nec aliud quam antea responsum tulerunt. Ad bellum apertum jam omnia spectare caeperant. Haroldus classem instruit, milites conscribit, praesidia per littora locis opportunis disponit, et ad vim Normannicam propulsandam, quae usui videntur omnia parat. Prima tamen belli tempestas à Tostone Germano Haroldi fratre præter omnium opinionem exorta est. Ille, vir animo elato et effero magna cum autoritate aliquandiu Nordanhumbriis praesuit, verum cum crudelitate in inferiores, superbia in principem, et odio in fratres grassaretur, ab Edwardo Confessore proscriptus in Galliam secessit, jamque auctore Baldwino Flandriae Comite, et suatore Guilielmo Normanno, ut probabile videtur (Tosto enim et Guilielmus duas Baldwini Flandrensis filias in matrimonio habuerunt) fratrem quem diu capitali odio, nunc aperto bello exercere incipit. E Flandria sexaginta piratarum navium classe solvit, Vectam insulam populatur, Cantii oram maritimam infestat, sed regia classis adventu territus, sublati velis, ad remotiores Angliae partes delatus in Licolnensi agro terram prædabundus conscendit, ubi ab Edwinio et Morcaro praelio exceptus et fugatus Scotiam petit, ut inde bellum redintegraret. Duplici jam belli expectatione hinc è Scotia, inde è Normannia omnium animi suspensi erant, eoque magis quod in festo Paschatis Cometes tristis admodum specie septem plus minus diebus effulsit, qui anxias hominum mentes (ut turbulento sit tempore) ad infuistas praesensiones convertit. Haroldus vero intentis oculis omnes regni partes intuebatur, australe littus praesidiis firmabat. A Scotia et Tostone minus sibi timuit, cum

Cometes.

* Malcolmus.

ullaratione ad pecuniam conficiendam adduci potuerunt, Quamquam Guilielmus * Fitz-osbert vir summa apud Ducem et populum gratia omni ratione obnixus id ageret, et ut alios pertraheret, quadraginta naves suis impensis in hoc bellum promitteret. Dux quod publico conventu non poterat, alia ratione aggreditur: opulentissimum quemque seorsim ad se accersit, blande alloquitur, ut aliquantulum in hoc bellum conferant petit, illi quasi jam certamen esset juvandi principis prolixè promittunt, promissisque statim in tabula relatis, vis pecuniae omnium opinione major cito coacta fuit. His rebus confectis opem et auxilium à vicinis principibus, Andium scilicet, Pictonum, Cenomanorum et Bononia Comitibus petit, quibus latifundia in Anglia promittit. Philippum etiam Gallorum Regem adit, illique modo opem ferret, pro Anglia fidelitatis iusjurandum ut beneficiarium praestitutum spondet. Verum cum minime e re Gallorum videretur, ut vicinus Normannus qui jam minus Gallo obaudiret, Angliae accessione adaugeretur (vicinorum enim potentia principibus semper suspectior) tantum aberat ut opem deferret, ut etiam ab invadenda Anglia detereretur. At ille nullo modo ab incepto abduci poterat, sed multo erat jam alacrior, et erectior Alexandri Pontificis Romani auctoritate munitus (ille enim jam primum in principes auctoritatem sibi usurpare inceperat) qui causa probata, sacratum vexillum in victoria et regni omen miserat, atque anathemate percusserat quicumque se opponerent. Copias igitur quas potuit maximas collegit, et classem numerosam ad S. Valerici opidulum (quod est ad Somae fluminis ostium) cogit, ubi diutius hesit, ventum secundum expectans, quem ut eliceret, S. Valericum loci praesidem votis fatigavit. et donariis oneravit. Haroldus qui jamdiu ejus adventum cum suis frustra praestolatus erat, exercitum dissolvere, classem subducere, et littus relinquere constituit, tum rei frumentariae inopia coactus, tum quod Flandria Comes ad illum scripserat, Guilielmum nihil hoc anno moturum: cui facile credidit, qui anni tempore navigationem praclusam existimaret, quod Aequinoctium jam suberat. Dum hac animo agitat, novi ex improviso belli necessitate exercitum revocare adactus est. Haroldus enim cognomento Durus et Harfages, Rex Norvegiae (qui piraticam per Septentrionales Britanniae partes exercuerat, et Orcadas insulas jam subegerat) à Tostone in spem regni Anglici evocatus Tinam cum quingentis plus minus myoparonibus intrat, ubi suam etiam classem adjunxit Tosto. Cum hic aliquandiu agros populati essent: sublati anchoris, Eboracensis agri littus legentes in Humbrum delati omni belli rabie circumquaque grassari caeperunt. Ad quos reprimendos Edwinus et Morcarus Comites tumultuariam militum manum educunt, verum illi Norwegorum impetum non tulerunt, sed effusa fuga plurimi una cum Comitibus sibi consuluerunt, plures autem in Ousam flumen ruentes fluctibus sunt hausti. Norvegi tum obsidionem urbi Eboraco inferre parant, quam statim deditione, obsidibus utrinque datis, recipiunt. Pauculis interpositis diebus Haroldus omnibus undique contractis copiis Eboracum contendit, et inde in Norwegos movet, qui castris positos loco tutissimo confederant, à tergo enim Oceano, à sinistra Humbro aestuario, in quo eorum classis constitit, à dextra vero, et à fronte Derwentione flumine quodammodo muniti. In eos tamen Haroldus animose invehitur, primum ad * pontem quo Derwentio fl. jungitur, acriter decertatur, in quo Norwegum quendam aliquandiu universum Anglorum exercitum sustinuisse fertur, donec telo transfixus caderet: deinde aqua virtute fortunaque in ipsis castris aliquandiu pugnatur. Norvegi tamen demum dissipati, et in medio Haroldus ipse Norwegorum Rex, et Tosto cum maxima exercitus parte

* filius Osberti.

* Seanfor-de bridge prope Eboracum.

te interfecti. Victori Haroldo praeda admodum opima obvenit, vis auri & argenti magna, classisque illa numerosa, prater viginti naviculas quas Paulo Orcadum Comiti, & Olavo Haroldi interfecti filio ad saucios avehendo concessit, jurejurando prius dato ipsos nihil in Angliam jam inde molituros. Hac victoria Haroldo animum erexit, jamque se terrori Normannis fore existimavit, cum suis odio esse cœperit, quod pradam militi non distribuerit. Ille tamen in Republica ordinanda, qua misere in hoc tractu convulsa jacuit, totus erat. Interea vero Guilielmus Normannus idoneam nactus tempestatem, sub finem Septembris naves solvit & leni vento proventus omnibus navibus ad Pevensy in Suthsexia accessit, nudoque potius jam litore, ut spem fugæ suis praceret, navibus ignem iniecit, munimentoque ibi posito quod suis receptui esset, ad Hastings progreditur, ubi etiam alterum excitavit propugnaculum, praesidiumque imposuit. Causas belli jam divulgat, scilicet ut ulcisceretur mortem Alfredi cognati sui, quem una cum plurimis Normannis Godwinus Haroldi pater sustulit, ut persequeretur injurias Haroldi, qui cum Robertum Archiepiscopum Cantuariensem in exilium ejecerat, tum regnum Angliæ sibi delatum conculcata sacramenti religione occuparat; suos autem ne hostiliter Anglis depopulationem inferrent edicto vetuit. Celeriter hac fama ad Haroldum perferuntur, qui omnibus consiliis anteverendum ratus, ut primo quoque tempore Normannum exciperet, dimittit quaque versus nuncios, suos obtestatur ut in fide maneat, omnes undique copias contrahit, magnisque itineribus Londinum properat, ubi illum legatus à Guilielmo adit, qui cum regnum pluribus repeteret, parum abfuit quin Haroldus præcipiti ira percitus legato vim intulerit. Difficile enim erat superbiam & spem bonam victori detrudere. Protinus suos ad Guilielmum legat qui insolentius comminarentur, nisi quamprimum in Normanniam se reciperet. Hos tamen facile responso magnæ humanitate ille dimisit. Delectum interim Londini Haroldus habet, resque suas superiori contra Norwegos prælio admodum attenuatas comperit, exercitum tamen magnum ex nobilibus & aliis quos patriæ charitas ad commune periculum propulsandum evocarat, conflat. Iam in Suthsexiam, matre nequicquam remorante, ducit, & animo non infracto vix septem mill. pass. à Normanno castris in planitie positis confedit. Quo etiam statim exercitum suum admovit Normannus. Primum exploratores utrinque submisit, qui ab Anglis erant, omnia sive veri ignorantia, sive mentiendi libidine, Normannorum multitudinem, apparatum & disciplinam supra fidem extulerunt: adeo ut Gythus Haroldi frater minor natu bellicis operibus clarus de rerum summa non uno prælio decertandum ratus, regem admonuerit, dubios esse Martis eventus, victorias sæpius esse à fortuna quam virtute, cunctationem maturam maximam esse discipline militaris partem: si modo fidem de regno Guilielmo dedisset, ut ipsum subduceret admonuit, utique nullis copiis contra conscientiam muniri posse, Deum de violata fide pœnas expetiturum: nec quicquam magis terrori Normannis fore, quam si novum conscriberet exercitum, quo novis denuo præliis exciperentur. Ad hæc pro se spondet, si ejus prælii fortunam sibi committeret, nec boni fratris, nec fortis ducis officio defuturum, utpote qui bona mentis conscientia fretus, aut facilius hostes profligaret, aut sælicius patriæ vitam profunderet. Non aquis auribus Rex hæc accepit quæ cum suo dedecore conjuncta videbantur, ut enim belli eventum aquo animo, ita timiditatis contumeliam nullo modo perferre potuit. Normannorum itaque laudes obtrivit, nec

Britannia.

è sua dignitate, aut pristina virtute existimavit, cum jam quasi ad ultimum periculi pervenisset, instar meticulosi pedem referre, æternamque ignominia labem subire. Ita quos subvertere numen divinum instituit, consilii expertes primum reddit. Dum hæc aguntur, Guilielmus ut pio affectu reipublicæ Christianæ sit prospectum & à sanguine Christiano temperatum, monachum internuncium mittit, qui Haroldo conditionem proposuit vel regno prorsus cederet, vel sub Normanno clientelari jure se jam inde regnare agnosceret, vel singulari certamine cum Guilielmo decertaret, saltem, ut Pontificis Rom. judicio de Anglico imperio se sisteret. Ille autem quasi sui impotens nullam conditionem amplexus ad divinum tribunal universam causæ disceptationem rejecit, & postero die qui 2 Id. Octob. erat, pugnandi copiam se facturum respondit, quem credulo errore sibi faustum fore persuaserat, eo quod natalis esset. Insequentem noctem Angli solutiori luxu, comestrationibus, & vociferationibus, Normanni autem susceptis pro exercitus salute, & victoria votis, produxerunt. Prima luce acies utrinque instruunt, Haroldus in primo agmine Cantianos (quibus veteri instituto exercitus frons debetur) cum bipennibus constituit, altero agmine ipse cum fratre, mediterraneis Anglis, & Londinensibus constitit. Primam Normannorum aciem ducebant Rogerus Montegomerius, & Guil. Fitz-osberne ea constabat ex equitibus Andegavensib. Perticensib. Cenomannis, Britonibus, quorum plurimi Fergento Britoni militabant. Mediam quæ è Pictonibus Germanisque constabat Galfrius Martell, & stipendiarius Germanus regebant. extremum agmen dux ipse claudebat, cum robore Normannorum, & sue nobilitatis flore. Sagittariorum vero cohortes ubique erant immixtæ. Normanni non incondito sublato clamore, bellum canentes, agmina moverunt, primumque sagittarum grandinem undique emittunt, quod genus pugne ut Anglis novum, ita omnino terribile erat, adeo enim dense recidebant, ut in mediis copiis hostem habere viderentur. Deinde in primum Anglorum agmen præcipiti impetu incurfant; hi autem qui locum quem ceperant corporibus tegere, potius quam cedere obfirmato animo destinant, omnes commixti fortiter hostem magna cum clade averterunt: illi autem denuo irruunt, horrendoque strepitu utrinque acies impellitur. Iam collato pede quasi vir viro congrederetur, acriter aliquandiu pugnatum est: Angli autem conferti, & quasi coherentes impetum sustinent, adeo ut multis vulneribus acceptis jam regressuri essent, nisi Guilielmus non ducis magis, quam militis munere fungens sua auctoritate inhibuisset. Heret itaque pugna, & equites Normannici quam concitatissime immittuntur, & superne vi sagittarum Angli quasi obruuntur, agmen tamen non perumpitur. Haroldus enim intrepidi ducis munia obiens suis ubique præsto erat; nec minus parte alia Guilielmus, qui cum uno, & altero equo suffosso, vera virtute vincere non potuit, ad artem se convertit, suis imperat ut receptui cantant & gradum, servatis tamen ordinibus, referant. Angli jam terga dedisse rati, & victoriam præ manibus esse, ordines laxant suos, incompolitique hostibus instant, quasi certa jam & explorata victoria, cum illi, reductis, ex improviso agminibus, ex integro signa inferunt, & palantes Anglos adorti, & circumfusi stragem maximam edunt, plurimi inter fugæ, pugnaeque consilium oppressi, plures autem aditiorem locum occupantes, conglobati, & mutua adhortatione firmati præsentibus animis diu restiterunt, quasi locum laudabili morti elegerint; donec Haroldus sagitta caput transverberatus, una cum Githo & Leofwino fratribus ceciderit. Tum Edwinus, Morcarusque & pauculi, qui cædi superfuerant fuga elapsi, cesserunt Deo, cesserunt

* Cantus
Rollands.

T

tem-

tempore, cum ab hora diei 7 ad crepusculum usque continenter pugnatum esset. Desiderati sunt hoc prælio Normannorum plus minus 6000, Anglorum vero longe plures. Guil. victor omnibus letitiis exultans supplicatione decreta honorem Deo Opt. Max. habuit, positoque inter medias strages tentorio, noctem traduxit. Postero die cum suos inhumasset, Anglisque idem permisisset, ipse Hastings regressus est, ut de persequenda victoria consilium iniret, & lassatum militem tantisper reficeret. Quamprimum autem huius cladis fama nuntiis trepidis Londinum, & in alias Angliæ urbes perlata esset, universa regio perculsa, & quasi prostrata est. Githa regis mater lamentis muliebriter ita se dedit, ut nullam admitteret consolationem, infimisque precibus filiorum cadauera à victore obtinuit, quæ sepultura in monasterio Walthamiae tradidit. Edwinus Algrham sororem reginam in remotiores regni partes mittit, Regni tamen proceres, populum ne animum desponderent, admonent, consiliaque de repub. conferunt. Archiepiscopus Eboracensis. cives Londinenses, & claustrarii (quos Botescaples vocant) Edgarum in regem consecrandum, bellumque cum Guilielmo redintegrandum censuerunt, Edwinus & Morcarus de regno sibi occupando clandestina consilia struxerunt, Episcopis vero, præsulibus, & aliis qui Romani Anathematis fulmine perterriti erant, optimum videbatur deditionem facere, & non efferatum victoris animum ancipiti Marte proritare, nec Deo reluctandum, qui jam Angliam, peccatis ita exigentibus, quasi in manus Normanno traderat. Guilielmus interim Hastings præsidio firmans infesto agmine Londinum petere constituit, verum ut latius sui terrorem inferret, & à tergo omnia secuta redderet, partitis copiis per Cantii partem, Suthsexiam, Suthreiam, Suthantonensem agrum, & Bercheriensem pervagatur, viros & ædificia incendit, prædasque agit, ad Wallengfordiam Tamisim transmittit, & terrore omnia complet. Proceres tamen in incerto habuerunt, quidnam consilii caperent, nec adduci poterant, ut positis simultatibus communi animo Reipub. prospicerent. Ut enim Ecclesiasticis ab execrationibus, & censuris Pontificis Romani quibus ille jam & in animos hominum, & in regna auctoritatem exercebat, absolverentur, cum res jam non accise, sed plane perditæ essent, in sententia ita de deditione persistenterunt, ut multi saluti consulentes se ex urbe subduxerint. Alfredus vero Archiepiscopus Eboracensis, Wolsanus Episcopus Wigorniensis, præsulesque alii una cum Eadgaro Etheling, Edwinus, Morcaro, victori Normanno multa & magna pollicenti apud Berckhamsted occurrunt, obsidibusque datis in fidem, & deditionem se permittunt. Ille autem protinus Londinum advolat, magna letitia, & festis acclamationibus exceptus Rex salutatur, ad inaugurationis apparatus, quam in Natalem Christi indixerat, omnia parat & ad regnum constituendum totus animo & cogitatione instat.

Iam confecta erat Saxonici in Britannia imperii periodus, quæ sexcentis septem annis definita erat, & conversio in Angliæ regno facta est insignis, quam alii in magistratum sordes, & præsulum superstitionem ignaviam, alii in Cometem illum, & vim syderum, alii in Deum qui regna iudiciis occultis, sed nunquam iniustis distribuit, rejecerunt. Alii autem, qui in propinquiores causas inspexerunt, prudentiam in Edwardo Rege desiderarunt, quod dum specioso religioso castitatis prætextu suscipienda proles curam abjiceret, regnum ambitiosissimis hominibus dilacerandum objiceret.

Quam in solens & crudelis hæc fuerit victoria, scriptores Monachi pleno ore intonant, nec dubitandum, quin in hac victoria, ut alias, alacris exultarit improbitas. Vi-

ctor Guilielmus in Victoriæ quasi trophæum, antiquatis maximam partem Anglorum legibus, Normanniæ consuetudines induxit, causasque Gallice disceptari iussit: exclusis hæreditate avita Anglis, agros & prædia militibus suis assignavit, ita tamen ut dominium directum sibi reservaret, obsequiumque clientelari jure sibi & successoribus devinciret, id est, ut omnes in Feudo, sive fidē tenerent, & nulli præter Regem essent vere Domini, sed potius fiduciarii Domini, & possesores. Sigillumque sibi aptavit in cuius altera parte inscribitur, Hoc Normannorum Guilielmum nosce patronum. In altera vero, Hoc Anglis signo Regem fataris eundem. Quinetiam (ut habet Guiliel. Malmesburienfis) Casarianum secutus ingenium, qui Germanos in Ardena maxima sylva abditos, & inde crebris eruptionibus exercitum suum affligentes, non per Romanos, sed per Gallos fœderatos expulit: ut dum alienigenæ alterutros transfoderent, ipse sine sanguine triumphum duceret, idem inquam, Guilielmus in Anglos egit. Nam contra quosdam qui post primam infelicitatis hominis pugnam in Danemarchiam & Hiberniam profugerant, & valida congregata manu tertio anno redierant, Angligenam exercitum & ducem objecit; Normannos ferari permittebat. Ingens sibi levamen providens utrilibet vincerent. Nec eum cogitatio lusebat. Nam utrinque Angli aliquandiu digladiati inter se, palmam otioso Regi refudere. Et alibi, Laicorum potentia subruta, stabili firmavit edicto ut nullum Anglicæ gentis monachum vel clericum ad aliquam dignitatem conari pateretur, à Cnutonis Regis quondam facilitate abhorrens, qui victis honores integros exhibuit. Vnde factum est ut eo defuncto, indigene ad venas leviter expellerent, sibi antiquum jus vindicarent.

Hæc ubi fecisset, nihil prius habuit, quam Danici belli tempestatem, quæ impendit, avertere, & sibi quietem vel pecunia redimere, qua in re usus est Adalberti Hamburgensis Archiepiscopi opera. Scribit enim Adam Bremensis, Inter Suen, & Bastardum perpetua contentio de Anglia fuit, licet noster Pontifex muneribus Guilielmi persuasus, inter reges pacem firmare voluerit. Quæ etiam firmata videatur, jam inde enim Anglia nihil sibi à Danis metuit. Atque ille ad imperium tuendum, & Rempub. optimis legibus temperandam se totum contulit. Scribit enim Gervasius Tilburienfis, Cum insignis subactor Angliæ Rex Wilhelmus ultiores insule fines suo subjugasset imperio, & rebellium mentes terribilibus perdomuisset exemplis: ne libera de cætero daretur erroris facultas, decrevit subiectum sibi populum juri scripto, legibusque subicere. Propositis igitur legibus Anglicanis, secundum tripartitam earum distinctionem, hoc est, Merchenlage, Denelage, Westsaxonlage, quasdam reprobavit, quasdam autem approbans transmarinas Neustrie leges, quæ ad regni pacem tuendam efficacissima videbantur adjecit. Deinde ut author est qui eo tempore floruit, Ingulphus, Hominum sibi facere, & contra omnes homines fidelitatem jurare omnem Angliæ incolam imperavit, totam terram descripsit. nec erat Hida in tota Anglia, quin valorem ejus, & possessorem sciret, nec lacus, nec locus aliquis, quin in regis rotulo extitit descriptus, ac ejus redditus, ac proventus, ipsa possessio, & ejus possessor regie notitiæ manifestatus, juxta taxatorum fidem qui electi de qualibet patria territorium proprium describebant. Iste Rotulus vocatus est Rotulus Wintoniæ, & ab Anglis pro sua generalitate quod omnia tenementa totius terræ integre continuit, Domesday cognominatur. Hujus libri libentius

Sigillum
Guilielmi
Conquæ-
storis.

Angli
dignita-
tibus ex-
clusi.

Domes-
day boo-
ke.
Liber Iudi-
ciarius
Gervasio
Tilburienfi.

Jurey de
12.

Duodecim
viri.

Norman-
norum bel-
lica virtus.

Th. Fazellus
lib. 6.
Decadis
posteriores.

Quomodo
regiones di-
viduntur.

Domes-
day boo-
ke.

Liber Indi-
ciarius
Gervasio
Tilburienfi.

Jurey de
12.

Duodecim
viri.

Sigillum
Guilhelmi
Conquæ-
stori.

Angli
dignita-
tibus ex-
clusi.

Norman-
norum bel-
lica virtus.

Th. Fazel-
lus lib. 6.
Decadis
posteriores.

tius meminerim, quod ejus subinde memoria usurpanda sit, quemque librum *Guil. Librum Censualem, Angliæ Notitiam, Angliæ commentarios Censuales, Acta publica & Angliæ lustrum* nominare placet.

Quod vero Polydorus Virgilius scribit Guilielmum illum Victorem Duodecim virorum judicium primum induxisse, nihil à vero alienius. Multis enim ante annis in usu fuisse certissimum est ex legibus Ethelredi. Nec est cur terribile judicium vocaret. E populo enim XII viri liberi & legales è vicinia rite evocantur, hi jurejurando obligantur vere de facto sententiam dicere, advocatos coram tribunali utrinque differentes, & testes audiunt; inde acceptis utriusque partis instrumentis concluduntur, sine cibo, potu & igne detinentur (nisi forte periculum sit ne ex illis quispiam moriatur) donec de facto inter se convenerint, quod ubi coram iudice pronunciant, ille de jure sententiam profert. Hanc enim rationem prudentissimi majores nostri optimam esse ad veritatem eliciendam, tum ad corruptelas evitandas, & affectus intercludendos existimarunt.

Quantum vero virtute bellica præstiterunt Normanni, alii dixerint, satis mihi sit dixisse, quod inter bellicosissimas gentes positi, non obsequiis, sed armis semper tuti fuerint, & nobilissima regna in Angliæ & Sicilia constituerint. Tancredus enim Richardi Ducis Normanniæ ejus nominis secundi nepos, ejusque posteris res præclaras in Italia gesserunt, profligatis è Sicilia Saracenis regnum constituerunt; Vnde Siculus historicus ingenue agnoscit Siculos Normannis acceptum referre quod in solo patrio permanent, quod libere vivunt, & quod sint Christiani. In terra etiam Sancta eorum bellica virtus singulari cum laude inclaruit. Vnde Rogerus Hovedenus, *Audax Francia Normannorum militiam experta delituit, ferox Angliæ captiva succubuit, dives Apulia sortita resloruit, Hierosolyma famosa, & insignis Antiochia se utraque supposuit.* Iam inde Angliæ non minus belli gloria, quam humanitatis cultu inter florentissimas orbis Christiani gentes inprimis floruit. Adeo ut ad custodiam corporis Constan-

tinopolitanorum Imperatorum evocati fuerint Angli, Ioannes enim Alexii Comeni filius, ut refert noster Malmesburiensis, eorum fidem suspiciens præcipue familiaritati suæ applicabat, amorem eorum filio transcribens, & jam inde longo tempore fuerint Imperatorum illorum satellites, *Inglini Bipenniferi, Nicetæ Choniata, Barangi Curopalata dicti.* Qui ubique Imperatorem prosequerantur ferentes humeris secures quas tollebant cum Imperator ex Oratorio spectandum se exhibebat, Anglice vitam diuturnam secures suas collidentes ut sonitum ederent, comprecabantur. Maculam vero quam Chalcondilas nostræ genti de uxoribus communibus asperfit, ipsa veritas eluit, & effluentem Græculi vanitatem comprimit. Nec enim, uti inquit eruditissimus & optimus mihi amicus Ortelius in hac ipsa re, semper vera sunt, quæ à quolibet de quibusvis narrantur. Hi sunt qui Britanniam infederunt populi, è quibus supersunt Britanni, Saxones sive Angli, Normannique permixti, & ad Septentriones Scoti, unde duo in Insula regna, *ANGLIA* nimirum, & *SCOTIA*, diu divisæ, nunc sub uno imperiali dæmate in Iacobo potentissimo Principe auspiciatissime conjuncta.

De Flandris qui ante quadringentos annos huc demigrarunt, & sedes in Wallia regum permixtu acceperunt, nihil attinet nunc dicere, alibi dicemus. Sed hanc rem cum Seneca concludamus, *Hinc manifestum nihil eodem loco mansisse quo genitum est. Assiduus humani generis discursus est. Quotidie aliquid in tam magno orbe mutatur. Nova urbium fundamenta jaciuntur. Nova gentium nomina extinctis nominibus prioribus, aut in accessionem validioris conversis, oriuntur.* Cumque omnes hæ gentes quæ in Britanniam irruerunt Septentrionales fuerint, ut reliquæ quæ sub idem tempus Europam universam occuparunt, & postea Asiam, verissime & è sacrarum literarum autoritate scripsit Nicephorus, *Vt terrores de cælo sæpe hominibus à Deo incutuntur, ut fulmina, incendia & imbres procellosi, sæpe à terra, ut telluris hiatus, & quassationes, sæpe ex aëre, ut typhones & nimbi: ita hi à Deo asservantur Septentrionales ac Hyperborei terrores ut pœna quadam, quando, & quibus providentia divina visum fuerit, immittantur.*


Angli sa-
tellites Im-
peratorum
Constanti-
nopolis.
Barangi
Chalcondi-
las

In Pembro-
chia Comi-
tatu.
De consola-
tione ad
Albinam.

Nicepho-
rus.

BRITANNIÆ DIVISIO.

Quomodo
regiones di-
viduntur.



D Britannia divisionem jam accingamur. Dividuntur regiones à Geographis, vel φυσικῶς secundum naturam fluminum, & montium, vel ἰθνηκῶς secundum gentium habitationes, vel πολιτικῶς, id est, varie & politicè, juxta principum voluntates, & jurisdictiones. Quum autem de primo & secundo hujus divisionis genere sparsim per librum tractabitur, tertia illa politica hujus loci propria videtur: quæ tanta tamen superiorum temporum iniquitate circumfusa est caligine, ut multo facilius sit in hac re falsa convincere, quam vera invenire.

Historici nostri antiquissimam Britannia divisionem fuisse contendunt, quæ in *Loegriam, Cambriam, & Albaniam* partiuntur, id est, ut explicatius

dicam, in Angliam, Walliam, & Scotiam. Sed hanc recentiore esse crediderim, tum quod triplex sit; à tribus enim populis, Anglis, Cambribus, & Scotis, qui postremo insulam inter se dividerunt, enata videtur: tum quod ejusmodi partitio nusquam in classicis authoribus appareat ante nostrum Galfredum Monumethensem. Fabula enim, ut Critici nostri seculi existimant, constare non poterat, nisi ille è Bruto tres filios Locrinum, Cambrum, & Albanactum progeniisset, eo quod hic totidem, cum ille vixerit, florent gentes: ut antea Brutum creasset, eo quod hæc insula Britannia diceretur. Nec dubitant quin plures ille liberos è Bruto procreasse, si plures diversæ gentes eo tempore in Britannia extitissent.

Vetustissima Britannia divisio illa pluribus eruditis videtur, quæ est apud Ptolemæum in

Cap. 6.
Britannia
Magna, &
Parva.

Mathematicæ Constructionis libro secundo, ubi de Parallelis agit, in Britanniam MAGNAM & PARVAM. Verum pace tantorum virorum, illo loco hanc nostram Insulam, Britanniam MAGNAM & Hiberniam PARVAM vocare ipsis videbitur, si accuratius distantiae rationem ab Æquatore ibidem perpendant, & cum ejus Geographicis conferre placeat. Recentiores tamen quidam citeriorem hujus Insulæ partem ad Meridiem Magnam vocarunt, & ulteriorem illam ad Septentriones PARVAM: cujus incolæ olim in MAIATAS & CALEDONIOS distincti erant, id est, in campestris, & montanos, ut nunc Scoti in *Hechlandmen*, & *Lawlandmen*. cum autem ulteriorem illam plagam neglexerint Romani, quia, ut inquit Appianus, *illis utilis esse non poterat, nec ferax*: termino non procul ab Edenburgo posito, citeriorem partem in Provinciam jam redactam primum duplicem fecerunt, INFERIOREM scilicet, & SUPERIOREM ut ex Dione colligitur. Angliæ enim partem citeriorem cum Wallia SUPERIOREM, ulteriorem & Septentrionalem INFERIOREM vocat. Quod ipsæ Legionum sedes apud Dionem comprobant. *Legionem secundam Augustam, quæ ad Caerleon in Wallia, & victricem vice-simam, quæ ad Chester, sive Devæ egit, in Britannia superiori locat: Legionem autem Sextam victricem, quæ Eboraci egit, in Britannia Inferiori meruisse scribit.* Hanc divisionem à Severo Imperatore factam fuisse existimarem, quod Herodianus prodat, illum, devicto Albino, qui Britannico exercitui præerat & imperium occuparat, Britannia rebus ordinatis, totius Provinciæ administrationem inter duos præfectos bifariam divisisse.

Britannia
Inferior &
Superior.
Lib. 55.
Isca, Caer-
leonæ Vrk.

Britannia
triplex.
Dist. 80
c. 1.

Postea in tres partes Britannia provinciam descripserunt Romani, ut ex Sexti Rufi manuscripto videre est, videlicet in MAXIMAM CÆSARIENSEM, BRITANNIAM PRIMAM, & BRITANNIAM SECUNDAM: Quas ex Episcopis, & diocesibus antiquis forsitan deprehendi. Lucius Pontifex Rom. apud Gratianum innuit ecclesiasticas Christianorum ditiones Romanorum Magistratum ditiones imitatas esse, illisque in urbibus Archiepiscopos confedissee, quibus olim præfides Romani. *Urbes & loca, ait, quibus Primates præfidere debent, non à modernis sed etiam multis ante adventum Christi sunt statuta temporibus: quarum Primates etiam gentiles pro majoribus etiam negotiis appellabant. In ipsis vero urbibus post Christi adventum Apostoli & successores eorum Patriarchas vel Primates posuerunt, ad quos Episcoporum negotia & majores causas sunt referenda.* Cum autem tres Archiepiscopos olim habuerit Britannia, Londinensem scilicet, Eboracensem, & urbis Legionum: provinciam quam nunc vocant Cantuariensem (eo enim Londinensis sedes translata erat) BRITANNIAM PRIMAM constituisse: Walliam quæ Episcopo urbis Legionum paruit BRITANNIAM fuisse SECUNDAM: provinciam vero Eboracensem, quæ tum ad limitem pertinuit fuisse MAXIMAM CÆSARIENSEM existimo.

Subsequente ætate, cum Imperii Romani formula indies immutaretur, vel ambitione, ut plures ad honores pertingerent, vel Imperatorum cautione, ut nimia Præsidum potentia accidere-

tur, Britanniam quinquepartitam fecerunt, BRITANNIAM nimirum PRIMAM, SECUNDAM, MAXIMAM CÆSARIENSEM, VALENTIAM, & FLAVIAM CÆSARIENSEM. VALENTIA pars Septentrionalis fuisse videtur Maximæ Cæsariensis, quam à Pictis & Scotis occupatam Theodosius Valentis Imp. Dux recuperavit, & Valentiam in ejus honorem nominavit, quod his verbis planius ostendit Marcellinus. *Recuperatam provinciam, quæ in ditionem concesserat hostium, ita reddiderat statui pristino: ut eodem referente, & rectorem haberet legitimum, & VALENTIA deinde vocaretur arbitrio principis.* Hujus Theodosii filium, (qui Augustus creatus, Flavius Theodosius dictus fuit, & plurima in imperio immutavit,) Flaviam addidisse conjicere licebit, quod ante hujus Flavii tempora, Britannia Flavia nusquam legatur. Ut igitur summatim rem expediam: BRITANNIA PRIMA dicta fuit omnis regio Australis, quæ hinc Mare Britannicum, illinc Tamisim & Sabrinianum fretum interjacet. BRITANNIA SECUNDA, quæ nunc Wallia, FLAVIA CÆSARIENSIS, à Tamisi ad Humbrum porrecta fuit, MAXIMA CÆSARIENSIS ab Humbro ad Tinam fl. sive Vallum Severi; VALENTIA à Tina ad vallum juxta Edenburgum, quam Scoti *Gramsdike* vocant, ubi Romani imperii limes ultimus.

Lib. 28.

Britannia
prima.
Britannia
secunda.
Flavia Cæ-
sariensis.
Maxima
Cæsarien-
sis.
Valentia.

Non possum hic non requirere quorundam eruditissimorum prudentiam, qui in hunc numerum Scotiam referunt, quam alii Maximam Cæsariensem, alii Britanniam Secundam fuisse volunt. Quasi vero Romani illam partem cœli quodammodo rigori damnatam non neglexerint, & hic tantum provincias illas enumerarint, quas per Consulares & Præfides administrarunt. Maxima enim Cæsariensis, & Valentia à Consularibus, reliquæ tres, Britannia Prima, Secunda, & Flavia à Præsidibus administrabantur.

Si quis me roget, quam hujus partitionis meæ rationem habeam, & finium male regundorum infimulet: quid me in hanc sententiam pellexerit, paucis accipiat. Cum observarim Romanos eas Provincias, semper *Primas* vocasse, quæ Romæ fuerant proximiores, ut *Germania Prima*, *Belgica Prima*, *Lugdunensis Prima*, *Aquitania Prima*, *Pannonia Prima*, quæ omnes Romæ propiores erant, quam quæ *Secundæ* nominantur; & has *Primas* ab elegantioribus *Superiores*; *Secundas*, inferiores dictas fuisse: Australem nostræ insulæ partem Romæque propiorem *Britanniam Primam* fuisse statui. Eadem ratione cum *Secundæ* provinciæ, quas vocant, à Roma disjunctiores essent, Walliam *Britanniam Secundam* putavi. Cum etiam inclinante imperio, illas provincias solummodo *Consulares* magistratus habuisse notaverim, quæ hostibus objacebant, ut videre est apud librum *Notitiarum*, non solum in Gallia, sed etiam in Africa; & apud nos *Valentia* cum *Maxima Cæsariensi* in eo libro *Consulares* censeantur: eas Scotis & Pictis proximas expositasque in illis, quos dixi, locis judicavi. *Flaviam* autem *Cæsariensem* hic omnibus intermediam fuisse, & in Angliæ medietate non possum non conjectare, & eo confidentius, quod idem mecum sentit antiquus ille scriptor Giraldus Cambrensis. Hæ fuerunt sub Romanis Britannia divisiones.

Postea,

Postea , barbaris undique insultantibus , & civili bello inter Britannos indies ingravescente , sanguine & succo exhausta aliquandiu jacuit , sine ullo imperii simulachro . Demum vero ea pars , quæ ad Arctos vergit , in duo regna , Scotorum scilicet & Pictorum concessit , & Pentarchia Romanorum in hac citeriori parte facta fuit Heptarchia Saxonum . Provinciam enim Romanorum universam , præter Walliam , quam Britannorum reliquæ occuparunt , in septem regna descripserunt , Cantium scilicet , Southsexiam , East-Angliam , Westsexiam , Northumbriam , Eastsexiam , & Merciam .

Sed quæ fuit hæc Anglo-Saxonum Heptarchia , & quæ locorum nomina eo seculo , in hac Tabella Chorographica adjuncta , si libet , intuearis .

B R I T A N N I Æ
D I V I S I O .

Quas regiones five Comitatus hæc regna complexa fuerint , cum in Tabella Chorographica propter angustias commode designari non possent , hac altera tabella , potius quam verborum congerie , ut simul & semel intueatur lector , proponere libet .

Nec dum tamen , florente Heptarchia , Anglia ita in Comitatus divisa (sic enim vulgo vocant) sed in quasdam regiunculas cum suis Hidis , quas ex antiquo fragmento quod à Francisco Tate in antiquitate juris nostri verfatissimo accepi . Continet vero tantum regionem Cis-Humbranam .

Anglia in Comitatus divisa .

Heptarchia Saxonica	1 CANTII regnū continebat	Comitatus	Cantii.
	2 SUSSEXIA , five Australium Sax. regnum continebat	Comitatus	Southsexia. Suthbreia.
	3 EASTANGLIA , five Orientalium Anglorum regnum continebat	Comitatus	Norfolcia. Suthfolcia. Cantabrigia , cum Insula Ely.
	4 WESTSEXIA , five Occiduum Saxon. regnum continebat	Comitatus	Cornwallia. Devonia. Dorsetia. Somersetia. Wiltonia. Southantonia. Bercheria.
	5 NORTHUMBRIA regnum continebat	Comitatus	Lancastria. Eboraca. Dunelmia. Cumbria. Westmorlandia. Northumbria , & regiones Scotiæ usque ad Edenburgi fretum.
	6 ESTSEXIA , five Orientalium Sax. regnum continebat	Comitatus	Essexia. Middlesexia. Hertfordiaque partem.

Britannia.

Myrcna continet 30000. * Hidas.
Woken-setna 7000. hidas.
Westerna 7000. hidas.
Pec-setna 1200. hidas.
Elmed-setna 600. hidas.
Lindes-farona 7000. hidas.
Suth-Gyrwa 600. hidas.
North-Gyrwa 600. hidas.
East-VVixna 300. hidas.
West-Wixna 600. hidas.
Spalda 600. hidas.
VVigesta 900. hidas.
Herefinna 1200. hidas.
Sweordora 300. hidas.
Eyfla 300. hidas.
VVicca 300. hidas.
VVight-gora 600. hidas.
Nox-gaga 5000. hidas.
Oht-gaga 2000. hidas.
Hwyna 7000. hidas.
Cilern-setna 4000. hidas.
Hendrica 3000. hidas.
Vnecung-ga 1200. hidas.
Aroseatna 600. hidas.
Fearfinga 300. hidas.
Belmiga 600. hidas.
VVitherigga 600. hidas.
East-VVilla 600. hidas.
VVest-VVilla 600. hidas.
East-Engle 30000. hidas.
East-Sexena 7000. hidas.
Cant-VVarena 15000. hidas.
Suth-Sexena 7000. hidas.
VVest-Sexena 100000. hidas.

* Hida est , ut nonnullis placet , tantum terra , quantum uno anno colere possit , ut alio , 4 virgata terra .

Ex his nominibus etsi quædam prima facie intuitu innotescant , alia tamen diu multumque cogitanti haud facile eruantur , conjectoremque

V multo



multo acutiorem, quam me profiteor, requirunt.

*Ælfred in
nummis di-
citur.*

Centuria.

Postea cum solus Ælfredus rerum potiretur, ut Germani majores nostri, teste Tacito, jura per pagos, vicofque reddebant, & Centeni ex plebe comites ad rem administrandam adjugebantur; sic ille (ut Ingulphi Croulandensis verbis utar) primus Angliam in Comitatus divisit, quod indigenae rapinas committebant, exemplo, & colore Danorum: Comitatus porro in Centurias, id est, Hundreds, & Decimas, id est, Tithings, distribui fecit, praecepitque ut omnis indigena, in aliqua esset Centuria, & Decima. Praefectos etiam Provinciarum, qui antea Vicedomini vocabantur, in duo officia divisit, videlicet, Iudices, nunc Iustitios, & Vicecomites, qui adhuc idem nomen retinent. Horum cura, & industria tanta pax brevi per totam provinciam effloruit; ut si viator quantamcumque summam pecuniae in campis, vel publicis compitis vesperi demisset, mane vel post mensem rediens integram, & intactam videret. Quod fufius tibi explicabit Malmesburienfis historicus. Occasione, inquit, barbarorum, scilicet, Danorum, etiam indigenae in rapinas anhelaverunt, adeo ut nulli tutus commercatus esset, sine armorum praesidiis, Centurias, quas Hundreds dicunt, & Decimas, quas Tithings vocant, instituit Aluredus, ut omnis Anglus legaliter duntaxat vivens, haberet, & Centuriam, & Decimam. Quod si quis delicti alicujus insimularetur, statim ex Centuria & decima exhiberet, qui eum vadarentur; qui vero istiusmodi vadem non repireret, se veritatem legum horreret. Si quis vero reus ante vadationem, vel post transfugeret, omnes ex Centuria & Decima, regis multam incurrerent. Hoc commento pacem infudit Provinciae, ut per publicos aggeres, ubi semita per quadrivium finduntur, armillas aureas juberet suspendi, qui viantium aviditatem riderent, dum non esset, qui eas abriperet.

*Wappen-
taches, Ti-
things,
and La-
thes.*

Cæterum hæ Centuriæ in nonnullis regni partibus *Wappentaches* nominantur; causam si quaeris ex Edwardi Confessoris legibus dicam. Cum quis accipiebat praefecturam *Wapentachii*, die statuto in loco ubi consueverant congregari, omnes majores natu contra eum conveniebant, & descendente eo de equo suo, omnes assurgebant ei. Ipse vero erecta lancea sua ab omnibus secundum morem fœdus accipiebat: Omnes enim quotquot venissent cum lanceis suis ipsius hastam tangebant, & ita se confirmabant per contactum armorum, pace palam concessa. Anglice enim arma vocantur *weppen* & *Taccap* confirmare, quasi armorum confirmatio, vel ut magis expresse secundum linguam Anglicam dicamus, *Wepentac*, armorum tactus est. *weppen* enim arma sonat, & *tac* tactus est. Erant etiam & alia potestates super *Wapentachia* quas vocabant *Dringings*, quod erat tertia pars provinciae. Qui vero super eas dominabantur, vocabantur *Dringings* & ad hos deferrebantur causae quae non poterant definiri in *Wapentachiis*. Sicque quod Angli vocabant *Hundredam*, isti *Wapentachium*, & quod Anglice vocabant tres vel quatuor *Hundredas*, isti vocabant *Dringinge*. In quibusdam vero provinciis Anglice vocabantur *Lep* quod isti dicunt *Tribing*, quod autem in *Dringinge* definiri non poterat, ferebatur in *Schyram*.

Shyres.

Hos Comitatus (quos vel *Conventus*, vel *Pagos* proprie, & Latine voces) nos peculiari vocabulo *Shyres* appellamus, à *Scype* Saxonica dictione, quæ *partiri* & *dividere* significat: primumque divisione tantum *xxxii* numerabantur; anno enim à Christo nato 1016, Ethelredo regnante, non plures fuisse Malmesburienfis refert. Sic enim

in Ethelredi illius vita scribit: *Dani hoc tempore, cum numerantur in Anglia pagi xxxii, sedecim invaserunt.* Eaque tempestate pro legum varietate hi Comitatus divisi erant, Leges enim Angliæ in triplici erant differentia, Occiduorum scilicet Saxonum, quam *Westfaxenlage*, Danorum, quam *Denelage*, & Merciorum, quam *Merchenlage* dixerunt. Ad Occiduorum Saxonum legem spectant novem Comitatus, viz. Cantium, Suffexia, Suthria, Bercheria, Southantonia, Wintonia, Somersettia, Dorsetia, & Devoniam. Ad Danorum legem quindecim pertinerunt Comitatus, viz. Eboracensis, Derbia, Northinghamia, Leicesteria, Lincolnia, Northantonia, Bedfordia, Buckinghamia, Hertfordia, Essexia, Middlesexia, Northfolcia, Southfolcia, Cantabrigia, Huntingdonia. Reliqui octo Merciorum legem sequebantur, hi erant, Glocestria, Wigornia, Herefordia, Warewicus, Oxenfordia, Cestria, Salopia, & Staffordia. Cum autem hujus regni censum egerit Guilielmus primus, *xxxvi* Comitatus, ut habet Polychronicon, numerabantur. Acta tamen publica, in quæ censum ille retulit, duntaxat *xxxiiii* percensent, *Dunelmia* enim, *Lancastria*, *Northumbria*, *Westmorlandia*, & *Cumbria* non eo numero habebantur, quod hæ tres posteriores tunc temporis paruerint Scotis, ut quidam volunt, & alteræ illæ vel pensitationibus fuerint immunes, vel sub Eboracensi agro comprehensæ. Verum postea in numerum additæ *xxxix* Comitatum numerum compleverunt, quem hodie habemus. Quibus accedunt *xiii* plures in Wallia, quorum sex fuerunt tempore Edwardi Primi, reliquos Parlamentaria autoritate instituit Henricus octavus.

*Anglia di-
visio pro
ratione le-
gum.*

*Liber M.
S. Sancti
Edmundi.*

*Domes-
day boo-
ke.*

*Wallia in
Comitatus
divisa.*

In his Comitatibus, difficilioribus temporibus, *Praefectus Regius*, quem *Lieutenant* vocant, ne quid detrimenti Respub. caperet, constituitur. Hujus prima institutio ab Ælfredo Rege repetenda videatur, qui custodes regni singulis Comitatibus constituit. Quos postea Henricus III restituit, *Capitaneosque* dixit. Ille enim anno regni quinquagesimo tenuit *Parlamentum*, ut habet Iohannes Londinensis, in quo fuerat salubriter ordinatum quod in quolibet Comitatu sumptibus regis unus fiat *Capitaneus*, qui cum auxilio Vice-comitis arceret praedonum rabiem truculentam à rapinis: ergo multi terrore perterriti cessaverunt, & cepit potestas regia respirare. Provide hi quidem, sed an prudentius Canutus Danus, qui in Monarchia Tetrarchiam instituit, differant nostri Politici. Ille enim, ut author est Hermandus Archidiaconus, per omnia solers sollicitudinem regni quadrifariam partiens Tetrarchas stabilivit quos fidelis voti repererat. *Westfaxia* sibi ipsi majorem, Edrico cuidam *Mircham* secundam portionem, *Yrto* tertiam *Northumbre* vocatam, *Turkillo* Comiti *Est-Anglia* quartam, quæ redundabat copia aureo cornu plena. Et hoc acceptum fero diligentiae Fr. Thinni qui in hoc antiquitatis studio summa cum laude defudavit, & hæc mihi seorsim annotavit.

*897. M.
Westm.*

*Florus
1070.*

** Mercia.*

Singulis vero annis, ex minoribus nobilibus incolis aliquis praeficitur his Comitatibus, quem *Vicecomitem*, quasi Vicarium Comitis, & nostra lingua *Shiriffe*, id est, *Comitatus praepositum* vocamus, qui etiam Comitatus vel provinciae *Quæstor* recte dici potest. Ejus enim est publicas pecunias

*Shiriffe of
the shire.*

IN PROVINCIA
EBORACENSIS.

Duodecim-viri. cunias Provinciae suae conquirere, multas irrogatas, vel pignoribus ablatis, colligere, & aërio inferre: Iudicibus præsto adesse, & eorum mandata exequi, Duodecim viros cogere, qui in causis de facto cognoscunt, & ad Iudices referunt, (Iudices enim apud nos juris solum, non facti sunt Iudices) condemnatos ad supplicium ducere, & in minoribus litibus cognoscere.

Institutiis Pacis. Constituuntur etiam in singulis Comitatibus quidam Eirenarchæ, sive *Pacis Institutiis* instituto Regis Edwardi Tertii, qui de *murdris*, *feloniis*, *transgressionibus*, ut vocant, & multis aliis delictis cognoscunt. Adhæc Rex quotannis duos ex Institutiis Angliæ in quemlibet Comitatum emit tit, ut de incarcerationis sententiam ferant, & *Gao lam*, ut Iuridico verbo utar, *deliberent*. De quibus postea in Tribunalibus.

Institutiis ad Assisus.

Anglia in Parochias divisa.

Quod ad Ecclesiasticam jurisdictionem attinet; Cum Romani Pontifices Ecclesias singulas singulis presbyteris assignassent, & parochias eis divisissent, Honorius Archiepiscopus Cantuariensis circa annum à salute reparata 636, Angliam primus in Parochias, ut legitur in historia Cantuariensi, distribuere cœpit.

Episcopi. Duas autem nunc habet Anglia provincias, Archiepiscopos item duos, Cantuariensem nimirum, totius Angliæ Primatem, & Metropolitanum: & Eboracensem. Quibus subsunt xxv Episcopi: Cantuariensi *xxii*, Eboracensi tres reliqui. Qui vero sunt hi Episcopatus, cum Comitatibus, sive Diocesibus, quas nunc obtinent, optimus ille & reverendissimus pater Matthæus Parkerus Archiepiscopus Cantuariensis, optimarum literarum patronus, & antiquitatis summe studiosus his suis verbis ostendit.

IN PROVINCIA
CANTVARIENSIS.

CAntuariensis cum Roffensi ipsum Cantium Comitatum continet. Londinensis Essexiam, Middlesexiam, partemque Hertfordensis Comitatus. Cestrensis Southsexiam. Wintoniensis Southamptonensem, Surriam, & Vectam Insulam; Gernseiam, & Ierseiam insulas Normannia adjacentes. Salisburien sis Wiltberiam, & Bercheriam. Exoniensis Devoniam, & Cornubi am. Bathoniensis & Wiltensis simul juncta Somersetum. Glocestrensis Glocestrensem. Wigorniensis Wigornien sem, & partem Warrwicensis. Herefordensis Hereforden sem, & partem Salopiensis. Coventrensis, & Lichfielden sis una copulata, Staffordensem, Derbensem, & reliquam partem Warrwicensis, nec non Salopiensis partem eam, quæ ad Repillum fluvium spectat. Tum Lincolnien sem omnium maximum sex terminant Comitatus, Lincolnien sis, Leicestrensis, Huntingdonia, Bedfordiensis, Buckin ghamiensis, & reliqua pars Hertfordiensis. Eliensem Can tabrigia, ipsaque Elie insula. Nordovicensem Norfolcia, atque Suffolcia. Oxfordien sem Oxfordiensis. Petroburgen sem Northamptonia, & Rutelandia. Bristolien sem Dor cestria. Quibus xviii in Angliâ Diocesibus addenda sunt Vallia, sive Cambrie Dioceses; quæ & Archiepiscopatu proprio privata, & numero extenuata sunt, septem vix in quatuor abeuntibus, quæ sunt Menevensis, quæ ad Fanum S. Davidis sedet, Landavensis, Banborensis, & Assaphen sis, sive Elwenfis.

Britannia.

EBoracensis ipse comprehendit agrum Eboracensem, & Nottinghamiensem. Cestrensis Cestriam Comitatum, Richmondiam, & Lancastriam, partemque Cum bria, Flintæ, & Denbyghæ, continet. Dunelmensis autem ip sum Dunelmensem, atque Northumbriam. Carlisleensis Cum bria partem, Westmoriamque Comitatus cingit. His Sodo rensem in insula Mona, quæ vulgo Man dicitur, adjungas.

Inter hos primum locum habet Archiepiscopus Cantuariensis, secundum Eboracensis, tertium Episcopus Londinensis, quartum Dunel mensis, quintum Wintoniensis: reliqui ut conse cratione priores, ita loco potiores. Si quis au tem ex aliis Episcopis fuerit Regi Secretarius lo cum quintum suo jure sibi vendicat. Sunt præ terea in Angliâ Decanatus *xxvi*, è quibus *xiii* in majoribus ecclesiis, monachis exturbatis, ab Henrico Octavo fuerunt instituti. Archidiaconatus *lx*, Dignitates, & Præbendæ *dxliiii*.

Numerantur etiam Parochiales ecclesiæ sub Episcopis *9284*. è quibus *3845* sunt *Appropiate*, ut habetur in Catalogo Regi Iacobo exhibito, quem hic subjunxi. Ecclesiæ vero *Appropiate* di cuntur, quæ papali intercedente autoritate, cum Regis, & Episcopi Diocesios consensu, Mo nasteriis, Episcopatibus, Collegiis, & hospitali bus exiliter dotatis, vel quod in eorum prædiis fuerint constructæ, vel à prædiorum dominis concessæ, certis conditionibus colligatæ; vel ut formularii loquuntur, *unitæ, annexæ, & incorporate in perpetuum*: quæ postea subversis monasteriis, ma gno Ecclesiæ damno Feuda facta fuerunt *Laicalia*.

	DIOCESES	Ecclesia	Ecclesia
		Para chiales.	Appro priate.
In Pro vincia Can tua riensi	Cantuariensis	257	140
	Londinensis	623	189
	Wintoniensis	362	131
	Coventrensis & Lichfeld	557	250
	Salisburien sis	248	109
	Bath, & Wellensis	388	160
	Lincolnien sis	1255	577
	Petroburgen sis	293	91
	Exoniensis	604	239
	Glocestren sis	267	125
	Hereforden sis	313	166
	Northwicen sis	1121	385
	Elyensis	141	75
	Roffensis	98	36
	Cicestren sis	250	112
	Oxonien sis	195	88
	Wigornien sis	241	76
	Bristolien sis	236	64
	Menevensis	308	120
	Bangoren sis	107	36
	Lhandassen sis	177	98
	Asaphen sis	121	19
	Peculiares in Provincia Cantuar.	57	14
	Summa Provincia Cantuariensis	8219	3303
In Pro vinca Ebo ra censi	Eboracensis	581	336
	Dunelmensis	135	87
	Cestrensis	256	101
	Carleoleensis	93	18
		1065	592
	Summa totalis in utraq; Provincia.	9284	3845

X

In

In libro tamen Thomæ Wolfæi Cardinalis descripto 1520 per Comitatus numerantur ecclesiæ 9407. Vnde hæc varietas non dixerim, nisi quod superiori seculo nonnullæ fuerint dirutæ, & Capellæ quæ sunt Parochiales omitantur, & aliæ quæ non sunt nisi Capellæ in Parochialium Ecclesiarum numerum referantur. Ex hoc tamen Wolfæi libro ego numerum Ecclesiarum singulis Comitatus subjunxi.

Monasteria.

Centum Prioratus monachorum alii nati Henricus Quintus ante dissolutionem.

Fuerunt etiam regnante Henrico octavo (fas sit meminisse) avitæ pietatis monumenta ad Dei honorem, fidei Christianæ, bonarumque literarum propagationem, & pauperum sustentationem Domus religiosæ, scilicet Monasteria, sive Abbatia, & Prioratus numero 645. è quibus cum P. P. Clem. 7. permissu 40. fuerint suppressæ in gratiam Cardinalis Wolfæi qui tunc duo Collegia, alterum Oxoniæ, alterum Ipswichi inchoaverat: statim circa annum 36. Henrici VIII in rempublicam Angliæ ecclesiasticam quasi torrens rupto aggere irruit, qui gentis ec-

clesiasticæ partem maximam, orbe stupente, & Anglia ingemente, cum pulcherrimis ædificiis funditus prostravit. Nam quod Papa Cardinali, Rex sibi cum Parlamento assensu permisit. Vnde anno 1536. singulæ religiosæ ædes cum facultatibus omnibus, quæ in redditibus annuis ducentas libras, vel minus habuerunt, numeroque erant 376. Regi fuerunt concessæ. Et anno insequenti spetioso eruendæ superstitionis obtentu reliquæ, cum Collegiis, Cantariis, & Hospitalibus, Regis arbitrio fuerunt permixtæ; Quo tempore censitæ, sive taxatæ fuerunt Religiosæ ædes superstites 605. Collegia præter eas in Academiis 96. Hospitalia 110. Cantariæ, & liberæ Capellæ 2374. Quæ pleraque omnia brevi post tempore passim diruta, redditus distracti, & opes quas Christiana Anglorum pietas, ex quo primum Christo nomen dedisset, Deo consecraverat, quasi momento dispersæ, & absit verbo invidia, profanatæ.

ORDINES ANGLIÆ.



Quod ad reipublicam nostræ divisionem attinet, constat ex Rege, sive Monarcha, Nobilibus, Civibus, Ingeniis, quos *Yeomen* vocamus, & Opificibus.

Rex.

REX, quem majores nostri Coning, & Cyning (in quo nomine & potentia & scientia inest significatio) nos contractius *King* appellamus, supremam potestatem, & merum imperium apud nos habet, nec in imperii clientela est, nec investituram ab alio accipit, nec præter Deum superiorem agnoscit; & ut ille dixit, *Omnis quidem sub eo, & ipse sub nullo, nisi tantum sub Deo.* Majestatisque jura sua habet longe plurima (*Sacra Sacrorum, & Individua*, quia se jungi non possunt, Iurisprudentes eruditi, *Prærogativas Regias* vulgus appellat) & floribus quæ Corona regia insunt designari ajunt. Horum aliis lege scripta, aliis consuetudinis jure, quod tacita omnium voluntate sine lege vetustas comprobavit, Rex gaudet meritisimè, cum omnium domos illius vigilia, omnium otia illius labor, omnium delicias illius industria, omnium vacationem illius occupatio tueatur. Sed hæc sublimioris sunt loci, & non hujus argumenti.

Bractonius lib. 1. c. 8.

Seneca.

Princeps.

Secundus à Rege est filius ejus primogenitus, qui uti apud Romanos imperii designatus successor, primum *Princeps Inventuris*, inde gliscente adulatione, *Cæsar*, *Nobilis Cæsar*, & *Cæsar Nobilissimus* dictus: ita apud majores nostros Anglo-Saxones sua lingua *Etheling* id est *Nobilis*, & Latine *Clyto*, à Græco *κλυτός*, id est *Inclutus* (Græcæ linguæ affectatrix fuit illa ætas) erat appellatus. Vnde de Eadgaro postremo Anglici imperii hærede masculo versatur adhuc in ore vulgi diverbium. *Eaþgar Eðeling Englanor ðeapling*. Et in antiquis Regum Latinis diplomatibus sæpenumero legitur. Ego E. vel AE. *Clyto Regis filius*: verum nomen *Clyto* etiam omnibus regum liberis impertitum observavi. Post Normannicam victoriam nullus certus, nec alius, quod sciam, illi assignatus erat titulus honorarius, quam singulariter

Etheling. Clyto.

Filius Regis, & Primogenitus Regis Angliæ, donec Edwardus Primus filium Edwardum nomine Principis Walliæ, & Comitatus Cestriæ, (cui postea Aquitaniam Ducatum etiam concessit) ad Comitiam Parlamentaria evocaverit: uti idem cum jam Rex esset Edwardus Secundus, Edwardum filiolum vix decennem titulo Comitatus Cestriæ, & *Flin*, ad Parlamentum accersivit. Verum Edwardus ille jam regno potitus Edwardum filium bellica gloria florentissimum Cornubiæ Ducem creavit. Ex quo tempore Regis filius primogenitus Cornubiæ Dux natus censetur. Pauloque post eundem Principis Walliæ titulo solemniter investitura adornavit. Walliæque Principatus his verbis delatus *Tenendus sibi & hæredibus Regibus Angliæ*. Utque destinati Romani imperii successores, quod modo dixi, *Cæsares*, Græci *Despotæ*, Gallici regni *Delphini*, Hispanici *Infantes* dicti: ita Anglici, *Principes Walliæ* jam inde nuncupati fuerunt; permanfitque hic titulus ad Henrici VIII tempora, cum Wallia regno Angliæ fuerit plene adunata. Postquam vero divisa olim Britannia regna in unum auspiciis Iacobi regis potentissimi coaluerunt, filius Regis primogenitus, PRINCEPS BRITANNIÆ MAGNÆ appellatur.

Princeps Walliæ.

Nobiles vero nostri dividuntur in Majores & Minores. Nobiles majores vocamus Duces, Marchiones, Comites, & Barones, qui vel hæreditario jure his titulis gaudent, vel iisdem virtutis ergo à Rege exornantur.

Dux primus est post Principem dignitatis titulus. Hoc primum nomen erat officii, & non honoris. Circa *Ælii Veri* tempora qui limitibus præerant, Duces sunt primum dicti, eratque hic gradus Constantini ætate Comitibus inferior. Deleto Romano imperio hic titulus etiam ut officii nomen remansit, quique apud nos in antiquis chartis Saxónico seculo tanto numero Duces dicuntur, Anglica lingua tantum *Ealdormen* vocabantur, iidemque qui Duces etiam Comites sunt

Dux.

Marculphi formulæ.

Sigonius lib. 5. Regni Italici.

Postea virga aurea fuit in usu. Magis. Paris de Joanne creato Duce Normanniæ.

Marchiones.

4. H. 4.

sunt appellati, ut Guilielmum illum Angliæ Vi-
ctorem quem plerique omnes Normanniæ Ducem
dicunt, Guil. Malmesburiensis Normanniæ Comitem
vocat. Sed cum Ducem, tum Comitem nomen
fuisse officii, ex hac formula creandi Ducis vel
Comitis apud Marculphum antiquum scripto-
rem constat. *Præcipue regalis in hoc perfecte collaudatur
clementia ut inter populum cunctum bonitas & vigilantia
requiratur personarum: nec facile cuilibet judiciariam con-
venit committere dignitatem nisi prius fides & strenuitas
videatur probata. Ergo cum & fidem & utilitatem tuam
videmur habere compertam, actionem Comitatus, Du-
catus, vel Patriciatus in pago illo quem antecessor tuus us-
que nunc visus est egisse, tibi in agendum regendumque
commisimus: ita ut semper erga regimen nostrum fidem illi-
batam custodias, & omnes populi ibidem commanentes,
sub tuo regimine & gubernatione degant & moderentur, &
eos recto tramite secundum legem & consuetudines eorum
regas: Viduis & pupillis maximus defensor appareas: la-
tronum & malefactorum scelera à te severissime punian-
tur, ut populi bene viventes sub tuo regimine gaudentes de-
beant consistere quieti: & quicquid de ipsa actione in fisci
dicationibus speratur, per temetipsum annis singulis nostris
erariis inferatur.* Honorarius titulus esse cœpit sub
Othone Magno circa annum 970. Ille enim ut si-
bi arctius viros bellicosos & prudentes astringe-
ret, Regalibus quæ dixit insignivit: Regalia hæc
erant dignitates, vel prædia in feudo. Dignitates
erant Duces, Marchiones, Comites, Capitanei, Valuasores,
Valuasini. Hæreditarius titulus serius esse cœpit in
Gallia, nec antequam Philippus III Rex Galliæ
concessit, ut Britannia Duces jam inde vocaren-
tur, qui & Duces & Comites antea promiscue
nominati. In Anglia vero Normannico tempore,
cum ipsi Normannici Reges, Normanniæ Duces
essent, longo tempore neminem eo honore or-
narunt, donec Edwardus III Edwardum filium
Cornwalliæ Ducem creaverit, per serrum in capite,
annulum in digito, & virgam argenteam; ut Nor-
manniæ Duces olim per enses & vexillum tra-
ditum, postea per cincturam gladii Ducatus, &
circulum aureum aureis rofulis in summitate ex-
ornatum. Idemque Rex Edwardus III in Parla-
mento filios suos Leonellum Ducem Clarentiæ,
& Ioannem Ducem Lancastriæ per cincturam gladii,
imposito capitibus pellito pileo, cum circulo ex auro &
margaritis, & Charta tradita. Creavit jam inde plures.
erant hæreditarii apud nos Duces subinde creati cum ejus-
modi verbis in Charta, Nomen, titulum, statum, stilum, lo-
cum, sedem, præminentiam, honorem, auctoritatem, digni-
tatem Ducis N. damus, & concedimus, atque per gladii
cincturam, capæ & circuli aurei impositionem in capite, &
traditionem virgæ aureæ realiter investimus.

Marchio-
nes.

MARCHIO, id est, si verbum spectes, Præfe-
ctus limitaneus, secundum à duce honoris locum
habet. Hic titulus serius ad nos pervenit, nec an-
te Richardi secundi tempora cuiquam delatus.
Ille enim Robertum Vere Oxoniæ Comitem, de-
licias suas, Marchionem Dubliniæ designavit,
merumque erat honoris nomen. Nam qui antea
limitibus præfuerant, Lord Marchers vulgo vo-
cabantur, & non Marqueßes, ut nos vocamus. A
Rege vero creantur, per cincturam gladii, ac capæ
honoris & dignitatis impositionem, Chartamque tra-
ditam. Nec pigebit hic referre, quod in Parla-
mentarios Rotulos relatum invenitur. Cum Io-

4. H. 4.

annes de Beaufort ex Comite Somersetti à Ri-
chardo secundo Dorsettiæ Marchio creatus, &
eo titulo ab Henrico IV exutus esset, Commu-
nitasque Angliæ in Parlamento à Rege supplex
peteret, ut illi amissum Marchionis nomen resti-
tueret; ille ipse se opposuit, palamque dixit hanc
esse novam dignitatem, penitusque majoribus
ignotam, & ideo se neutiquam expetere, & pla-
ne nolle habere.

COMITES, qui tertium locum tenent, à
majoribus nostris Germanis habuisse videamur.
Illis enim olim, ut author est Tacitus, Comites erant
qui Principibus consilium, & auctoritas semper adessent.
A Romanis tamen ad nos, uti etiam ad Francos,
devenisse existimant alii. Imperatores enim adul-
to jam Imperio, domesticum quendam senatum
circa se habere inceperunt, qui Cæsaris Comi-
tatus appellatus, & ipsi quorum consilio in bello
& pace utebantur, Comites dicti, unde in Inscripti-
onibus antiquis frequens est, COMITI IMPP.
Paucisque annis ita invaluit, ut Comitis nomen
omnibus magistratibus datum, qui sacrum Co-
mitatum observarunt, vel qui ex eo prodirent:
& inde nomen postea porrectum sit ad omnes
qui alicui negotio præpositi erant, Suidæque de-
finitur Comes ὁ λαὸν ἀρχων, ut Cuiacius nos docuit.
Ex quo etiam docemur ante Constantinum Mag-
num Comitis nomen, ut dignitatem denotaret,
in usu non fuisse. Hic autem cum imperii Roma-
ni formam novis distinctionibus mutaret, &
quam plurimos beneficio suo devincire, atque
honore cumulare niteretur, Comitis titulum
honorarium sine administratione primum insti-
tuit: eratque Comitiva facultas quædam, & pri-
vilegium, Principem non solum prodeuntem,
sed in Palatio quoque & locis secretioribus co-
mitandi; posse illius epulis, privatisque sermoni-
bus interesse. Vnde apud Epiphanium legitur,
ὅς καὶ πρὸς αὐτὸν ὁ βασιλεὺς ἀρχιμάχῳ Κομήτων ἔτυχεν. id est,
Qui etiam Comitum dignitatem à Rege consecutus. Tan-
dem hoc beneficio ornatis alias dignitates cum
functione concessit, & vicissim, qui in magistratu
& Reipub. administratione essent, illo honore
affecit. Hinc Comitis nomen dignitatem, atque
præfecturam, ab eo tempore significavit, initio
temporariam, postea vitæ æqualem. Deinceps
vero cum res Romanæ in plura regna distrahere-
tur, hic etiam titulus retentus, & Saxones nostri,
quos sua lingua Ealdorman. Latine Comites & Con-
sules dixerunt: eosdemque Eorlas id est honoratos, Eorles ho-
die Earles, P. Fitheus in Memo-
rab. Canu-
pania.

In Parati-
tis ad Cod.

Eorles ho-
die Earles,
P. Fitheus
in Memo-
rab. Canu-
pania.

denarius illis assignatus. Exempli gratia, Matildis Imperatrix Regis Henrici Primi filia & hæres his verbis Comitem creavit, ut in ipsa Charta quam habeo apparet. Ego Matildis filia Regis Henrici & Anglorum Domina do & concedo Gaufrido de Magnavilla pro servitio suo, & heredibus suis post eum hereditabiliter, ut sit Comes de Essexia, & habeat tertium denarium Vicecomitatus de placitis, sicut Comes habere debet in Comitatum suum in omnibus rebus. Et hæc antiquissima est quam hætenus vidi Creationis Charta. Similiter Henricus II, Rex Angliæ his verbis Comitem creavit. Sciatis nos fecisse Hugonem Bigod Comitem de Norfolk, scilicet de tertio denario de Norwic, & Norfolk, sicut aliquis Comes Angliæ liberius Comitatum suum tenet. Quod sic exponit liber vetustus Monasterii de Bello. Consuetudinaliter per totam Angliam mos antiquitus inoleverat Comites provinciarum tertium denarium sibi obtinere, inde Comites dicti. Item alius Anonymus plenius. Comitatus à Comite dicitur, aut vice versa. Comes autem est, quia tertiam portionem eorum quæ de placitis proveniunt, in quolibet Comitatu percipit, sed non omnes Comites ista percipiunt, sed hi quibus Rex hereditario, aut personaliter concessit. Vnde vere pro more ævi nostri Polydorus Virgilius. Anglis mos est, ut Comitatum tituli arbitratu principis dentur, etiam sine possessione locorum, è quibus ipsi tituli petantur. Quare Rex solet iis qui nihil in eo Comitatu habeant, ex suis vectigalibus dare quotannis aliquam pecunie summam in possessionis loco.

Gladii
cinctura.

* Penbro-
chia,
alibi.

Creabantur olim nulla adhibita ceremonia, sed tantum Charta tradita. Sub Stephano qui regnum invasit flagrante civili bello, plures etiam Comitum titulos invaserunt quos Historia Ecclesiæ Waverleix Pseudocomites, & Comites imaginarios vocat, dum memorat Henricum Secundum eos deposuisse. Ioannes autem Rex, quantum ego observavi, gladii cincturam primus adhibuit. Scribit enim Rogerus de Hoveden, Die Coronationis sue Ioannes Rex accinxit Guilielmum Marchallum gladio Comitatus * Strigulæ, & Gaufridum filium Petri gladio Comitatus Essexiæ, qui licet antea vocati essent Comites, & administrationem Comitatum suorum habuissent, non tamen erant accincti gladio Comitatus: & ipsi illa die servierunt ad mensam regis accincti gladiis. Seculo subsequenti accessit impositio pilei, cum circulo aureo qui nunc in coronam radiatam mutatur & trabea honoraria. Quæ tria, viz. gladius cum cingulo, pileum cum corona, & trabea honoraria hodie præferuntur à singulis Comitibus illi qui Comes creandus, & inter duos Comites trabeis etiam honorariis indutos ad Regem in folio sedentem introducit in supertunica, ubi in genua nixus dum codicilli Creationis leguntur; ad hæc verba, Ipsum. T. in Comitem S. erigimus, creamus, insignimus, præficimus, & ordinamus, ac nomen, titulum, statum, stylum, honorem, auctoritatem, & dignitatem Comitatus. S. damus, concedimus, & per gladii cincturam realiter investimus; trabea à principe superinducitur, gladius ad collum appenditur, pileum cum corona capiti imponitur, & Creationis codicilli cum prælecti fuerint, in manum traduntur. Sed hæc huius non instituti. Quod autem inolevit ut qui Comes sit creandus, si Baro antea non fuerit, in Baronem prius erigatur, novum & nuperum est, & ab Henrici VIII temporibus usurpatum. Verum inter Comites longe

honoratissimi erant illi qui Comites Palatini sunt dicti, ut enim Palatinus commune erat nomen omnibus qui officiis in Regis palatio fungebantur, ita Comes Palatinus titulus erat dignitatis delatus ei qui fuit ante Palatinus, cum regali quadam auctoritate iudicandi in suo territorio.

Post Comites VICECOMITES ordine sequuntur, Vicounts nos vocamus. Hæc vetus officii, sed nova dignitatis appellatio, & Henrici VI tempore apud nos primum audita.

Inter Nobiles majores, locum proximum obtinent BARONES. Et si autem non me latet, quid de huius nominis apud Ciceronem significatione scribunt eruditi: Isidori tamen, & veteris Grammatici opinionem libens amplectar, qui Barones mercenarios milites esse volunt. Hoc enim notissimus ille apud Hirtium de bello Alexandrino locus evincere videtur. Qui sic se habet, Concurrunt ad Castrum defendendum, Semper enim Barones, compluresque evocatos cum telis secum habere consueverat, à quibus ceteri intercluduntur. Nec dissentiit vetus Glossarium Latino-Græcum quod vertit Baro per Anq. Vbiq. etiam in Longobardorum legibus Baro pro Vir usurpatur. Nominis vero Etymologiæ, quas nonnulli procuderunt, mihi parum arrident. Faciales Gallici deducunt Barones à Gallica lingua quasi Par-hommes, id est æquali dignitate: Iurisperiti Anglici quasi robor a belli: Germani nonnulli quasi Banner-beirs, id est Vexilliferi: Isidorus quasi Bagæis, id est graves. Alciatus à Beronibus, gente antiqua Hispanica, quos olim mercenarios milites fuisse tradit. Sed illa è Germanica lingua potior, qua Bar liberum & sui juris significat. Quo tempore hæc appellatio in hanc insulam devenit non mihi compertum. Britanni pro suo non agnoscunt. In Anglo-Saxonicis legibus nusquam comparet, nec in Alfrici Glossario Saxonico inter dignitatum vocabula habetur, ubi Dominus vertitur Laforð quod nos in Lord contraximus. Danis vero liberi Domini, cujusmodi hodie Barones hi sunt, Thani dicebantur, & adhuc (teste Andrea Velleio) dicuntur. In Burgundia tamen valde antiquus est nominis usus, scribit enim Gregorius Turonensis, Burgundia Barones tam Episcopi, quam ceteri Leudes, &c. In fragmento legum Canuti Regis Anglorum & Danorum prima apud nos est Baronis mentio, quantum ego observavi. In quo tamen pro exemplarium varietate Vironis, Baronis, & Thani legitur. Sed Barones innuisse certum est è legibus Guilielmi Conquestoris, in quas illa Canuti Normannice transferuntur sub nomine Baronis: ecce ipsissima verba: * Exercitua vero ita sunt moderata, ut tolerabilia sint. Comitatus sicut decet, quæ sunt 8 equi, quatuor sellati, & quatuor non sellati, quatuor galeæ & quatuor lorice, octo lanceæ & totidem scuta, quatuor gladii nec non ducentæ * mance auri. Vironis sive Baronis vero regis qui est proximus ei quatuor equi, duo cum sellis & duo sine sellis, duo gladii, quatuor lanceæ, & totidem scuta, galea una, & lorica una, nec non & L mance auri.

In Partegis. Vide Glossarium p. 414.

Lords

Circa annum 580.

Heriot sive Relatium.

Mancof forte id est 30 denarii.

Thani multi in Anglia tempore Conquestoris.

Primis etiam Normannorum temporibus Valvasores, & Thani proximi à Comitibus & Baronibus in dignitate censebantur, & Valvasores majores (si illis qui de Feudis scribunt, credimus) iidem fuerunt qui nunc Barones. Vt Baro ex illis nominibus videatur, quæ tempus paulatim

tim meliora & molliora reddidit. Nec dum magni honoris erat, illis enim temporibus Comites nonnulli suos sub se Barones habuerunt, meminique me legere in antiquis Francorum Constitutionibus decem fuisse Barones sub Comite, & totidem Capitaneos sub Barone. Nec non Chartas antiquas extare certum est in quibus Comites ab ingressu Normannorum, scribebant, *Omnibus Baronibus meis tam Francis quam Anglis salutem*, &c. Etiam melioris notæ cives Barones vocabantur, cives enim Warwicensis in libro Angliæ Censuali Barones, item cives Londinenses, & quinque portuum incolæ eodem nomine gaudebant. Paucis deinceps interjectis annis, ut Romæ olim Senatores è censu eligebantur, sic Barones apud nos habitati fuerunt qui per integram Baroniam terras suas tenebant, sive x i i feoda militaria & tertiam partem unius feodi militaris quolibet feodo, ut habet vetustus liber, computato ad X X libras que faciunt 400 Marcas. Ea enim erat valentia unius Baronie integra, & qui terras & redditus ad hanc valentiam habuerunt, ad Parliamentum summoneri solebant. Dignitasque esse videbatur cum jurisdictione, quod Curia Baronum, quas vocant, quodammodo probant. Ipsaque Baronum multitudo persuadet tales fuisse Dominos qui jus in sua ditione dicere possent, cujusmodi apud Germanos *Free-heirs* dicuntur, maxime vero si castra sua habuerant. Tunc enim Baldi celeberrimi illius Iurisconsulti definitioni respondebant, qui eum Baronem definit, quicumque habuit merum mistumque imperium in aliquo castro concessione Principis. Omnesque, ut aliqui volunt, qui Baronias tenebant, hunc sibi honorem arrogasse videntur: utque nonnullis jure nostro eruditis placet Baro, & Baronia, Comes & Comitatus, Dux & Ducatus, ut Rex & Regnum quasi conjugata fuerunt. Certè illa ætate centum quinquaginta Baronias in Anglia numeravit Henricus Tertius. Et hinc est quod in Chartis & historiis ejus seculi omnes fere nobiles dicantur *Barones*, plenaque honoris illa appellatio sane tunc erat, & nomine *Baronagii Angliæ* omnes superiores quodammodo regni ordines, scilicet Duces, Marchiones, Comites & Barones continebantur. Sed ad summum honorem pervenit, ex quo Rex Henricus III ex tanta multitudine quæ seditiosa & turbulenta fuit, optimos quosque rescripto ad Comitata Parlamentaria evocaverit. Ille enim (ex satis antiquo scriptore loquor) post magnas perturbationes, & enormes vexationes inter ipsum Regem, Simonem de Monteforti, & alios Barones motas & sopitas, statuit & ordinavit, quod omnes illi Comites, & Barones regni Angliæ quibus ipse Rex dignatus est Brevia summonitionis dirigere, venirent ad Parlamentum suum, & non alii: nisi forte Dominus Rex alia illa Brevia eis dirigere voluisset. Sed quod ille paulo ante obitum incepit, Edwardus primus, ejusque successores constanter observarunt. Inde illi soli regni Barones censebantur, quos ejusmodi summonitionum, ut vocant, rescriptis reges ad Comitata evocaverant; donec Richardus Secundus Ioannem de Beauchamp de Holt Baronem de Kiderminster diplomate dato x Octobr. anno Regni x i creaverit. Iam inde Reges diplomatibus, vel potius honorariis literis, & trabea honoraria imposita Britannia.

hunc honorem sæpe detulerunt. Hodieque hæc per diplomata Baronis creandi ratio, & illa per rescripta *Summonitionis* sunt in usu, in quibus tamen non nomine Baronis, sed *Chevalier* saluntur. Et qui sic creati, vocantur *Barones Parliamenti*, *Barones regni*, & *Barones honorarii*, ad differentiam eorum qui adhuc ex veteri illa Baronum formula vulgo *Barones* vocantur, ut illi de Burford, de Walton, & qui Barones fuerunt Comitibus Palatinis Cestriæ, & Penbrochiæ, qui feudales erant & per *tenuram* Barones.

Hi Parlamentarii Barones non nudo tantum nomine, ut illi Galliæ, & Germaniæ gaudent, sed omnes sunt Regni Angliæ Pares, Proceres, Magnates, & Consiliarii nati; evocanturque à Rege his verbis *ad tractandum de arduis regni negotiis*, & *consilium de iis impendendum*. Suasque habent immunitates & privilegia, scilicet, ut non nisi Parium judicio in criminalibus sistantur, ut ad jusjurandum non adigantur, sed sufficiat, ut pro honore protestentur, ad inquirendum de facto inter duodecim-viros non vocentur, ut *Brevibus* illis, *Supplicavit*, *Capias*, *Essoinis* non subjiciantur, & alia plurima quæ Iurisconsultis relinquo, quibus hæc & hujusmodi sunt tractanda.

Præter hos duo Archiepiscopi, & omnes Angliæ Episcopi Barones etiam sunt Regni sive Parlamentarii, ut avorum memoria, hi etiam è Cænobiarchis.

Glasconia.
S. Augustini Cantuariensis.
S. Petri Westmonasteriensis.
S. Albani.
S. Edmundi de Bury.
S. Petri de Burgo.
S. Ioannis Colecestriæ.
Eveshamia.
Winchelcombia.
Croulandia.
Belli, sive *Battle*.
Redingia.
Abindonia.

Abbat
Barones
Parlamentarii.

Walthamia. S. Crucis.
Salopia.
Cirencestria.
S. Petri Glocestria.
Bardeneia.
S. Benedicti de Hulmo.
Thorneia.
Ramseia.
Hyda.
Malmesburia.
S. Mariæ Eboracensis.
Selbeia.

Coventria.
Prior Ordinis S. Ioannis Hierosolymis, qui vulgo *Magister Militum Ioannitarum*, & primus Angliæ Baro haberi voluit.

Ad quos (ut etiamnum ad Episcopos) quibuscunque Parlamentis, ex Actis publicis loquor, ut Pares regni cum cæteris Paribus personaliter interesse, consulere, tractare, ordinare, statuere, definire ratione Baroniarum quas

Court Barones.

Mat. Paris pag. 1262.

Baronagium Angliæ.

Summons to Parliament.

Math. Paris. quas de Rege tenebant, de jure & consuetudine spectavit. Rex enim Guilielmus primus (quod ejus ævi conquerebantur Ecclesiastici, verum succedentis honori duxerunt maximo) Episcopatus & Abbatis quas Baronias tenebant in pura & perpetua elemosyna, & eatenus ab omni servitute seculari libertatem habuerant, sub servitute statuit militari, irrotulans singulos Episcopatus & Abbatis pro voluntate sua, quot milites sibi & successoribus hostilitatis tempore à singulis voluit exhibere. Iam inde Ecclesiastici illi omnibus quibus cæteri regni Barones gavisi sunt immunitatibus, nisi quod à Paribus non judicentur. Cum enim illis juxta Canones Ecclesiæ caussis sanguinis interesse non liceret, in iisdem caussis xix viris juratis quoad factum judicandi relinquuntur. Sed an hoc sit juris explorati dixerint ipsi Iurisperiti.

Vasafors. Vasafors, sive Valvasores proximum post Barones locum olim tenuerunt, quos à Valvis Iuridici deducunt. Hæc dignitas à Francis ad nos promanasse videtur. Cum enim illi rerum in Italia potirentur, Valvasores illos dixerunt, qui à Duce, Marchione, Comite, aut Capitaneo plebem, plebisque partem acceperant, & ut Butelerius Iuriconsultus inquit, summa coërcitionis, sed non nundinarum & mercatus jus habuerunt. Rara hæc fuit apud nos dignitas, & siqua fuit, jam olim paulatim defuit. Chauceri enim seculo non magna, cum ille de suo Frankelino, sive ingenuo colono, *A Sheriffe had he beene, and à contour Was no where soch à worthy Vasafour.*

Nobiles minores. Nobiles minores sunt Equites aurati, Armigeri, & qui vulgo Generosi & Gentlemen dicuntur. Equites aurati, qui & Milites Latine Anglis Iuriconsultis, apud omnes fere gentes ab equis nomen invenerunt, Cavallieri enim Italici, Chevalier Gallici, Reuter Germanici, Margogh Cambrobritanici ab equitando dicuntur. Anglis solummodo Knights vocantur, vocabulo quod antiqua Anglorum, uti Germanorum lingua ministrum sive servientem & juvenem promiscue significat. Hinc in Evangelis antiquis, lingua Anglica pro Christi Discipulis Leorning Cnyhtes, alibi pro Clientibus, Incnyht legimus, & Radcnyhtes memorat Bractonus noster Iurisperitus antiquus, id est, Ministri Equites, qui tenebant ea lege terras suas, ut Domino equis inservirent, unde truncato nomine, ut contractius loqui gaudemus, Knights nobis remansisse olim existimavi.

Cur Knights Milites Latine dicunt. Vnde autem illi apud nostros in legibus, & omnibus à Normannica victoria scriptis Milites Latine dicti fuerint vix video. Nec me tamen latet, quod dilabente Romano imperio, Militum appellatio translata fuerit ad eos qui circa latus principis agentes munera majora in Comitatu principis gesserunt. Sed si quid hac in re video; illi sic primo apud nos appellati fuerunt, qui prædia beneficiaria sive Feuda tenuerint ut militarent. Feuda enim illa Militaria dicta fuerunt, & qui alibi Feudatarii, hic Milites dicebantur, ut Milites Regis, Archiepiscopi Cantuariensis, Comitatus Rogeri, Comitatus Hugonis, &c. quod ea lege prædia ab illis accepissent, ut illis militarent, fidemque & hominum præstarent; cum alii qui pro solidis militarent, Solidarii & Servientes appellarentur. Cæterum hi, sive Milites, sive Equites appellare

libet, quadruplici sunt apud nos discrimine, honoratissimi autem habentur illi ordinis Georgiani Garterii sive Periscelidis, secundi Banneretti, tertii Balnei, & quarti qui simpliciter nostra lingua Knights, Latine Equites aurati, sive Milites sine additione dicuntur. De Georgiani ordinis militibus suo loco cum ad Windesoram pervenerimus. De reliquis nunc pauca.

Baneretti. Baneretti qui aliis Baroneti falso dicti, nomen habent à vexillo, concessum enim illis erat militaris virtutis ergo quadrato vexillo, perinde ac Barones uti, unde & Equites Vexillarii vere à nonnullis vocantur, & Germanis Banner-heires. Horum antiquitas ultra Edwardi Tertii tempora cum Angli bellicis laudibus abundarent, repetere non possum: ut tunc primum excogitatum hunc titulum honorarium in bellicæ virtutis præmium, donec dies certiora docuerit, crediderim. In actis publicis ejus ævi fit mentio inter titulos militares Banerettorum, Hominum ad vexillum, qui iidem videantur, & Hominum ad arma. Legique Chartam Regis Edwardi tertii, qua Iohannem Coupland in Baneretti statum quod Davidem secundum Scotorum Regem in prælio apud Dunelmiam cepisset his verbis erexit: Volentes ipsum Iohannem, qui Davidem de Bruiis cepit, & grater nobis liberavit, propter ipsius probitatis & strenuitatis merita taliter præmiare, quod alii per hoc exemplum capiant nobis temporibus futuris fideliter obsequendi, eundem Iohannem in statum Baneretti posuerimus; & pro eodem statu manutendo concesserimus pro nobis & heredibus nostris eidem Iohanni quingentas libras percipiendas sibi & heredibus singulis annis, &c. Memoria dignum est hic formulam adnotare ex Frossardo, qua Iohannes Chandos vir suo tempore militari laude florens factus sit Banerettus. Cum jam Edwardus Walliæ Princeps belli aleam experturus erat pro Petro Castellæ rege contra Henricum nothum & Gallos, Iohannes Chandos Principem accessit, vexillumque suum complicatum illi in manus tradidit, sic affectus: Domine mi, hoc meum est vexillum, placeat vobis explicare ut hodie efferam. Sunt enim mihi favente Deo, ad hoc proventus fatis magni. Princeps vero & Petrus Rex Castellæ qui adstitit, acceperunt in manus vexillum, & illi redderunt explicatum cum huiusmodi verbis: Domine Iohannes quod felix faustumque tibi sit, & in gloriam cedat, viriliter agas, & ostendas qui vir sis. Ille accepto vexillo, alacris ad suos se contulit, & attollens, Comitones inquit, ecce vexillum meum & vestrum, si ut vestrum animose propugnetis. Posterioribus temporibus qui ad hunc honorem evehendus, vel ante prælium ut animi excitarentur, vel post prælium, ut virtuti suæ constaret honos, gestans signum oblongum, Pennon vocant, in quo sua depinguntur insignia, inter duos seniores Equites præeuntibus Tubicinibus, & Heraldis coram Rege, vel Prorege adducuntur, qui bene ominatus jubet signi extremitatem abscindi, ut ex oblongo vexillum fiat quadratum.

* De Militibus sive Equitibus Balnei nihil antiquius mihi legenti hætenus occurrit, quam in usu fuisse apud veteres Francos, & Henricum Quartum Angliæ Regem ea die qua inauguratus in Arce Londinensi quadraginta sex Armigeros, qui

Paris 2. Pat. 15. E. 3. m. 22. & 23.

Milites Balnei.

* Taffells.

qui præcedente nocte vigilassent, & balneo usi essent Equites creasse, singulis tunicas virides ad talos demissas cum manicis strictis, & Mineveria pellitas donasse, eosque gestasse ad humerum sinistrum duplicem funiculum ex albo serico cum
 * Taffells. * torulis dependentibus. Hi superiori seculo ex flore nobilitatis qui nondum gradum equestrem acceperant, seligi in Regum & Reginarum inauguratione, nuptiis, aliquando etiam cum eorum filii in Principes Walliæ vel Duces investirentur, aut Militari baltheo cingerentur, plurimis adhibitis cæremoniis, quæ jam maximam partem exoluerunt, creari solebant. Nostri autem temporibus qui ad hunc ordinem suscipiendum à Rege evocantur, (nec hanc rem exquisitè persequar) pridie quam creantur, heremiticam vestem cineritiam cum cucullo, pileolo lineo & ocreas induti sacra devoti accedunt, ut militiam suam quasi Deo inprimis militaturi auspicentur: una cœnant, singulisque ministrant duo Armigeri, & puer assecla. A cœna in cubiculum se recipiunt, ubi paratur singulis lectulus cum velariis rubris, Armisque suis gentilitiis affixis & juxta vas balneatorium linteis opertum, in quo cum se Deo commendaverint se abluunt, ut deinceps corpore, animoque mundo esse admoneantur. Postridie bene mane instrumentorum Musicorum sono excitantur, easdemque vestes induunt. Tunc Angliæ Constabularius, Marecallus, & alii quos Rex constituit eos accedunt, nominatione suo ordine evocant, & iuramentum proponunt, scilicet, ut Deum ante omnia colant, Ecclesiam defendant, Regem honorent, ejus jura propugnent, viduas, virgines, orphanos tueantur, & injuriam quantum poterunt, propulsent. Hæc cum tactis Evangeliiis juraverint, ad sacra matutina Regiis musicis, & Heraldis præeuntibus deducuntur, atque ab iisdem in cubicula reducuntur, ubi heremiticas vestes exuti, chlamydem holosericam rutilo Martis fulgore relucens, & galerum candidum candidis plumis super pileum lineum induunt, chirothecas candidas funiculo chlamydis colligant. Equos sella & ephippiis scorteis nigris albo interstinctis, & cruce fronti præfixa instructos conscendunt. Ante singulos suos assecla eques gestat gladium capulo inaurato, ad quem dependent aurata calcaria, utrinque Armigeri obequitant. Hac pompa tubis ante clangentibus ad Aulam Regiam itur, ubi cum ad Regis præsentiam à duobus senioribus Militibus deducuntur; Regis Camerario assecla balteum cum gladio dependenti tradit, ille summa cum reverentia Regi, qui Militem transversim eo cingit, jubetque duos seniores equites calcaria imponere, qui olim creandi militis genua bene precantes exosculari soliti. Iamque Milites creati, olim regiæ mensæ fercula inferebant, inde omnes una prandent, ad idem mensæ latus assidentes sub suo cujusque Clypeo gentilitio affixo. Ad preces vespertinas facellum adeunt, gladios ad altare offerunt, datoque pretio redimunt. Redeuntes vero primarius regis Coquus ostenso cultro, ut se probos & fideles præstent Milites, admonet, alioquin se calcaria ignominiosè abscissurum. Die autem Coronationis in pompa suo loco Regem comi-

tantur gladio accincti, calcaribus induti, Chlamyde cærulea, Iovis scilicet æqui colore amicti, & nodo ex albo serico in formam crucis efformato cum capitis ad humerum sinistrum. Sed de his quæ sigillatim persequi non institui, hæc satis superque videantur.

Nunc de Militibus illis qui simpliciter sine ulla adjectione * *Knights* appellantur, & licet ordine postremi, institutione tamen sunt primi & antiquissimi. Ut enim Romani gens togata virilem ætatem ingredientibus virilem & puram togam donaverunt: ita majores nostri Germani suis juvenibus quos armis tractandis idoneos judicaverunt, arma donaverunt. Quod suis verbis docebit Cornelius Tacitus. *Arma sumere non ante cuiquam moris, quam civitas suffecturum probaverit. Tum in ipso concilio vel principum aliquis, vel pater, vel propinquus scuto frameaque juvenem ornant. Hæc apud illos toga, hic primus juvenis honos: ante hoc domus pars videntur, mox Reipublica.*

Cum autem hujusmodi juvenes militares sua lingua, ut nos nostra, *Knechts* vocarint, hinc & nominis, & institutionis originem repetendam censeo. Hæc prima & simplicissima creandi Militis ratio, hac Longobardi, hac Franci, hac nostri, qui omnes à Germania profecti, olim usi sunt. Prodit Paulus Diaconus apud Longobardos, *consuetudo est ut regis filius cum patre non prandeat nisi prius a rege gentis exteræ arma suscipiat.* Memorant Francorum Annales Reges Francorum filiis suis, & aliis arma donasse, gladioque cinxisse, atque teste Malmesburiensi, Ælfredus noster Æthelstanum nepotem magnæ spei puerum Militem fecit donatum chlamyde coccinea, gemmato baltheo, ensè Saxonico cum vagina aurea. Postea cum religio ita animos hominum occupasset, ut nihil bene & auspicate factum, quod à viris religiosis non profectum censerent, ab illis gladium majores nostri paulo ante Normannorum adventum acceperunt. Quod his verbis, qui tum vixit, ostendit Ingulphus. *Qui militia legitime consecrandus esset, vespere præcedente, ad Episcopum, Abbatem, Monachum, vel sacerdotem contritus de peccatis confessionem faceret, & absolutus orationibus deditus in ecclesia pernoctaret, in crastinum rem sacram auditurus, gladium super altare offerret, & post Evangelium sacerdos benedictum gladium Militis collo cum benedictione imponeret, & communicatus sacris Christi mysteriis denuo legitimus miles permaneret.* Nec statim sub Normannis exolevit, scribit enim in Polycratio Ioannes Sarrisburiensis. *Inolevit consuetudo solennis, ut ea ipsa die, qua quisque militari cingulo decoratur, ecclesiam solemniter adeat, gladioque super altare posito, & oblato, quasi celebri professione facta, seipsum obsequio altaris devoteat, & gladii, id est, officii sui jugem domino spondeat famulatum.* Petrus etiam Blefensis. *Hodie tyrones enses suos recipiunt de altari, ut profiteantur se filios ecclesie, atque ad honorem sacerdotii, ad tuitionem pauperum, ad vindictam malefactorum, & patriæ liberationem gladium accepisse: Porro res in contrarium versa est, nam ex quo hodie militari cingulo decorantur, statim insurgunt in Christos Domini, & deserviunt in patrimonium Crucifixi.* Atque hoc quod gladio cingi voluerunt, deductum proculdubio à militari Romanorum disciplina videatur, quia ut illi priusquam sacramento militari gladio stricto obligati fuerant, pugnare cum

* *Knights.**De moribus Germanorum.**Lib. 1. c. 22.**Epist. 94.**Cicero lib. 1. Offic. de Catois filio.*

hostibus nefas existimarunt: ita nostri non sibi legitime militare licere opinati sunt, priusquam hac ceremonia legitimè militiæ consecrarentur, qua Guil. Rufum Angliæ Regem à Lanfranco Archiepiscopo Militem factum legimus. Sed hæc consuetudo paulatim in desuetudinem abiit, ex quo Normanni, ut habet Ingulphus, irriserint & exploserint, ac Synodo habita Westmonasterii anno 1102, sancitum fuerit *Ne Abbates faciant Milites*: Quod nonnulli tamen exponunt; Ne Ecclesiæ prædia *militari feudo* tenenda Abbates concederent.

Postea ad Principes vicinos Reges filios mittere solebant ut equestrem ab illis dignitatem acciperent: sic Henricus noster secundus missus ad Davidem Regem Scotorum, & Malcolmus Rex Scotorum ad Henricum nostrum secundum, & Edwardus noster primus ad Regem Castillæ, ut acciperent ab iis *Arma militaria*, sive *virilia*, his enim loquendi formulis pro creatione Equitis eo seculo usi sunt. Tunc etiam ad ornamentum præter gladium, & cingulum, calcaria aurata etiam acceperunt, unde *Milites & Equites aurati* hodie vocantur. Ius etiam sigilli additum, antequam enim baltheo militari cincti erant, ut colligo ex Abendonensi libro, sigillo uti non licuerat. Quod descriptum (inquit) *Richardus Comes Cestrensis sigillo matris Ermentrudis signare constituit, cum (nondum enim militari baltheo cinctus erat) litera quolibet ab eo directa materno sigillo includebantur*. Subsequenti ætate ex censu (ut colligitur) facti fuerunt Milites, qui enim feodum magnum militare, id est, (si antiquis schedis sit ulla fides) * 680 acras terræ habebant, ordinis militaris ornamenta suo quasi jure postularunt. Imo sub Henrico tertio quodammodo coacti fuerunt Milites fieri quotquot libras quindecim ex annuis terrarum redditibus collegerunt. ut jam titulus potius oneris, quam honoris videretur. Anno 1256, exiit edictum regium, præceptumque est, & acclamatum per totum regnum, ut qui haberet * xv libratis terræ, & supra, armis redimitus tyrocinio donaretur, ut Anglia sicut Italia militia roboraretur: & qui nolent, vel qui non possent honorem status Militaris sustinere, pecunia se redimerent. Vnde in Archivis regni toties occurrit. Pro respectu Militiæ A. de N. I. H. & c. & hujusmodi præsentationes à Iuratoribus. R. de Sancto Laurentio tenet integrum feodum, & est plena ætatis, & nondum factus Miles, ideo in misericordia. Huc usque & ulterius nisi me mea fallit observatio, in formulis Iuris nostri ubi duodecim-viri sive juratores nominantur apud quos facti sit probatio, illi milites dicti erant, quibus erat feodum integrum, illique Milites gladio cincti, qui à Rege baltheo cincti militari. Quo tempore cum Rex milites crearet, ut habet idem Matthæus Paris, veste deaurata ex pretiosissimo baudekino & coronula aurea redimitus gloriose in solio sedit, singulisque militibus 100 Solidos pro harneshamenti præstitit. Nec solum Rex, verumetiam Comites eo seculo crearunt Milites. Meminit enim idem author quomodo Comes Glocestriæ Wilhelmum fratrem suum proclamato Torneamento, & Simon de Monteforti Comes Leicestriæ Gilbertum de Clara baltheo cinxit militari. Ut in Gallia, quod ex formula literarum nobilitationis constat, qui nobilitatis ejusmodi literas obtinuit, à quocun-

que milite voluerit, valeat militiæ cingulo decorari. Verum jam inde nemo creatus fuit apud nos Miles nisi vel ab ipso Rege, vel Regis primogenito, accepta prius à patre autoritate, vel à Regis Locum-tenente sive præfecto in exercitu, idque vel ob res fortiter gestas vel gerendas, aut togatam prudentiam. Et hoc sane à Regibus nostris prudentissime institutum cum *feuda* jam non sibi essent quæ donarent. Nihil sane valentius ad excitandos viros strenuos, atque astringendos sibi optimos beneque meritos qui claro loco nati, & à re instructi, quam illos hoc titulo Militum honorario (qui ante honoratæ tantum functionis nomen erat) benigne & benevole exornare. Qui cum à Principe consulto, meritoque deferebatur, ampli sane præmii, beneficiique loco, & inter insignia honoris habebatur. In hoc enim virtutis mercedem, familiæ laudem, generis memoriam, & nominis gloriam collocatam qui sic Milites facti existimarunt. Adeo ut juris nostri consulti scripserint, quod Miles sit nomen dignitatis, non item Baro. Olim enim Baro, si non ex hoc ordine esset Equestri, simpliciter suo prænomine & nomine sine aliquo adjuncto, nisi Domini (quod etiam Militibus competit) scribebatur. Militis autem nomen honorarium videatur adjunctum, cum Reges, Duces, Marchiones, Comites, & Barones dignitatem una cum nomine expetierint. Iuvat hic interferere quæ de creatione Militum tempore Edwardi primi scripsit Matthæus Florilegus. *Ad augmentandam profectio-*
nem suam in Scotiam fecit Rex per Angliam publice proclama-
ri, ut quotquot tenerentur fieri Milites successione pa-
terra, & qui haberent unde militarent, adessent apud
Westmonasterium in festo Pentecostes, admissuri singuli
omnem ornatum militarem, præter equitaturam, de regia
Garderoba. Confluentibus itaque trecentis juvenibus filiis
Comitum, Baronum, & Militum, distribuebantur purpu-
ra, byssina sindones, cyclades auro textæ affluentissime,
prout cuique competeat. Et quia Palatium regale, etsi
amplum, tamen ad tot occurrentium turbam angustum
fuit, apud novum Templum Londini succisis lignis pomife-
ris, prostratis muris, erexerunt papiliones, & tentoria, in
quibus tyrones deauratis vestibus se singuli decorarent; ip-
sa quoque nocte in Templo prædicti tyrones, quotquot po-
terat capere locus ille suas vigilias faciebant. Sed princeps
Walliæ, præcepto regis patris sui, cum præcessis tyronibus
fecit vigilias suas in Ecclesia Westmonasterii. Ibi autem
tantus clangor tubarum, & tibicinum, & exaltatio vo-
cum præ gaudio extiterat clamantium, quod conventus de
choro ad chorum non audiretur jubilatio. Die autem cra-
stina cinxit rex filium suum baltheo militari in palatio suo,
& dedit ei Ducatum Aquitanie. Princeps ergo factus Miles
perrexit in Ecclesiam Westmonasterii ut consocios suos mi-
litari gloria pariter venustaret. Porro tanta erat ibi pres-
sura gentium ante magnum altare, quod duo Milites mo-
rerentur, quam plures syncopizarent, etiam cum quilibet ad
minus tres milites ad se ducendum & tuendum haberet.
Princeps autem propter turbam comprimentem, non secus,
sed super magnum altare divisa turba per dextrarios bel-
licosos, socios suos cinxit. Nostris vero temporibus
qui Militarem dignitatem suscipit, flexis geni-
bus, educto gladio leviter in humero à principe
percutitur, qui his verbis Gallice affatur: Sois
Chevalier au nom de Dieu, id est, Sis eques in nomine
Dei. & postea addit, Avancez Chevalier, id est Surge
eques

Miles no-
men digni-
tatis.

1306.

Historia
minor
Matthæi
Paris.
* Integrum
feodum
Militis.

* 800 alii.

Degradatio Militum. eques. Cætera quæ ad hunc ordinem spectant, quam præclarus, gloriosus, & quam splendidum præmium altissimis animis gloriæ, honorisque cupidis equestribus hic ordo apud majores nostros habitus fuerit, quam studiose fidem & veritatem coluerint, cum satis fuerit, si ut fideles Equites, vel Equestri fide aliquid sponderent, quam alieni à fordido quæstu; cujusmodi etiam pensitatio feodis Militaribus indici solita, cum Princeps primogenitus Regis filius hoc honore ornaretur, scribant alii. Vti etiam cum ita deliquissent, ut capitali supplicio afficiendi, suis insignibus fuerint exuti, baltheo militari discincti, gladio adempto, abscissis securi calcaribus, chirothecis ablatis, & clypeo gentilitio inverso: perinde ac in regradandis cœlestis militiæ militibus, ecclesiastica ornamenta, liber, calix, & similia auferuntur.

In Dorso Pnt. 51. H. 3. Inquirant etiam illi an hi milites recte à nonnullis *Knights Bacchallors* vocati fuerunt, & quasi tyrones electi medii inter hos & Armigeros. In Archivis enim leguntur, *Nomina Militum, Bacchallorum, & Valefactorum Comitum Glocestrie.* Vnde sunt qui *Bacchallors* quasi *Bas-Chevalers* dictos volunt, licet alii à Gallico *Battailer*, quod depugnare significat, deducunt. Simul perpendant tihæ dignitates equestres quæ olim tam fuerint gloriosæ, dum rariores, & quasi præmia virtuti constitutæ, non evilescent cum sint effusiores & cuiuslibet ambitioni prostitutæ jaceant. Quod in re simili olim conquestus erat apud Romanos *Æmilius Probus*.

Armigeri. His Militibus proximi fuere *Armigeri*, qui & *Scutiferi*, *Hominesque ad arma*, Gothis *Schilpor* à scuto ferendo, ut olim *Scutarii* Romanis dicti, qui vel à clypeis gentilitiis, quæ in nobilitatis insignia gestant, vel quia principibus & majoribus illis nobilibus ab armis erant, nomen traxerunt. Olim enim ex his duo unicuique Militi inserviebant, galeam, clypeumque gestabant, ut indivi-

dui comites adhærebant, eo quod à Milite domino suo terras aliquas in *scutagio* tenebant, ut ipse Miles à rege in *feodo* militari. Quintuplex nunc est horum discrimen, nam quos dixi, jam non sunt amplius in usu. *Armigeri* primarii hodie censentur qui sunt pro Principis corpore selecti, secundo *Equitum Auratorum* filii natu maximi, & eorum itidem filii maximi successive. Tertio in loco habentur filii natu maximi minorum filiorum Baronum, & aliorum superioris ordinis; quando autem primogeniti masculi deficiunt, deficit una cum illis titulus. Quarto ordine sunt quibus rex ipse cum titulo insignia donat, aut *Armigeros* creat, collum torque S. S. vel sigmatico argenteo & candidis, & argentatis calcaribus exornans, unde hodie in Occidentalibus regni partibus vocantur *Whitespurres*, ad discrimen *Militum*, sive *Equitum auratorum* qui auratis calcaribus uti solent; horumque primogenitis titulus solummodo competit. Quinto loco *Armigeri* habentur quicumque aliquo superiori publico in Rep. munere funguntur, vel principi honestiori conditione famulantur. Sed hoc *Armigeri* nomen quod olim officii tantum fuit, inter dignitatis titulos, quantum observavi, regnante *Richardo Secundo*, primum irrepsit.

Generosi. *Generosi*, vel promiscue nobiles sunt, qui natalibus clari, aut quos *Virtus* aut *Fortuna* è facie hominum extulit. *Cives*, sive *Burgesses*, qui in sua quilibet urbe publicis funguntur muneribus, & in *Parlamentariis* nostris *Comitiis* locum electione habent.

Yeomen. *Plebei*, sive *Yeomen* sunt, quos alii *Ingenuos*, lex nostra *homines legales* dicit, & ex agris, quos optimo jure tenent, quadraginta ad minimum solidos quotannis colligunt. *Yeomen.*

Opifices autem sunt, qui mercede operam locant, *sedentarii*, *mechanici*, *fabri*, &c. qui capite censi, & *proletarii* Romanis dicebantur.

TRIBUNALIA ANGLIÆ.



Parliamentum.

Quod ad Angliæ tribunalia, *Curias*, sive *Iuris fora* attinet, in triplici sunt apud nos differentia, alia enim sunt *Ecclesiastica*, alia *Temporalia*, & unum mixtum, quod maximum, & longe amplissimum, non ita vetusto nomine è Gallia mutato *Parlamentum* dicitur. Majores nostri *Anglo-Saxones* *Wittenage-mott*, id est *Prudentum Conventus*, & *ge-pædnirr*. id est *Concilium*, & *micil ryno* (à Græca dictione *Synodus*) id est *Magnus conventus*: Latini ejus & subsequenter ævi scriptores, *Commune concilium*, *Curiam altissimam*, *Generale Placitum*, *Curiam Magnam*, *Magnatum Conventum*, *Præsentiam Regis*, *Prælatorum*, *Procerumque collectorum*, *Commune totius regni concilium*, &c. vocarunt. Utque univèrsam *Ætolia* concilium *PANETOLIVM* Livio nominatur, ita *PANANGLIVM* recte dici possit. Ex Rege enim, Clero, Nobilibus majoribus, *Equitibus* & *Burgensibus* electis; sive ut significantius dicam *stylo forensi*, ex Rege, *Dominis Spiritualibus*, & *Temporalibus*, atque ex *Com-Britannia.*

munitate constat, qui universæ Angliæ corpus representant. Statis autem temporibus non habentur, sed à Rege pro arbitrio indicitur, quoties de rebus arduis, & urgentibus, ne quid detrimenti republica capiat, consultandum, ejusdemque solius arbitrio dissolvitur. Summam autem, & sacrosanctam auctoritatem habet in legibus ferendis, confirmandis, antiquandis, interpretandis, proscriptis in integrum restituendis, litibus inter privatos difficilioribus decidendis, & ut semel dicam, in omnibus quæ ad Reipublicæ salutem, vel etiam privatum quemcunque spectare possint.

Proximum ab hoc forum primis post *Normannorum* adventum temporibus, & aliquandiu antea, fuit *Curia ipsius Regis*, quæ in Aula Regia, vel Palatio tenebatur, & Regem, quocunque se recepit, concomitabatur. In Aula enim Regia locus erat *Cancellario* & *scribis*, qui circa rescripta, & *Sigillum* versabantur, *Iudicibus* etiam qui tam lites, sive quæ *Placita* vocant, ad coronam Regis spectantes, quam subditorum

Curia Regia.

Z

inter

*Iustitia, sive
Iustitarius
Anglie.*

inter se invicem, tractabant. Ibi etiam Scaccarium erat, ubi Thesaurarius, & Rationales sedebant qui fiscum Regis curabant. Hi singuli pars Regiæ familiæ habiti, victumque, & vestitum à Rege acceperunt. Vnde Palatii Causidici Gotzelino in vita S. Edwardi, & Curiales Ioanni Sarisburiensi vocantur. Sed præter hos, & super hos, juri administrando unus præficiebatur, qui Iustitia Angliæ, Prima Iustitia, Iustitarius Angliæ, & Iustitarius Angliæ Capitalis nominatus, qui huiusmodi codicillis cum annua mille Marcarum pensione constitutus erat: Rex Archiepiscopis, Episcopis, Abbatibus, Prioribus, Comitibus, Baronibus, Vicecomitibus, Forestariis, & omnibus aliis fidelibus regni Angliæ, salutem. Cum pro conservatione nostra, & tranquillitatis regni nostri, & ad iustitiam universis & singulis de regno nostro exhibendam constituerimus dilectum & fidelem nostrum Philippum Bassett Iustitarium Angliæ, quam diu nobis placuerit, Capitalem; vobis mandamus in fide qua nobis tenemini, firmiter iungentes, quatenus in omnibus qua ad officium Iustitariæ prædictæ, nec non ad conservationem pacis nostre, & regni nostri pertinent, eidem dum in officio prædicto steterit, plenius sitis intendentes. Teste Rege, &c.

Cum autem regnante Henrico III sancitum erat quod Communia subditorum Placita non sequerentur curiam Regiam, sed certo aliquo in loco tenerentur, paulo post Cancellaria, & Curia Placitorum Coronæ una cum Scaccario ab aula Regis translata, & seorsim certis in locis fuerunt stabilita, ut nonnulli, quam vere nescio, prodiderunt.

Hæc præfatus paucula de his & aliis, quæ ex his exorta sunt tribunalibus, ut nunc se habent, subtexam. Cumque alia sint juris, sc. Bancus Regius, Bancus Communis, Scaccarium, Assise, Camera Stellata, Curia Vardorum, & Admirallii: alia aqua videlicet, Cancellaria, Curia Requisitionum, sive Requestrarum, Concilia in limitibus Valliæ, & parte Boreali. De singulis suo ordine, quæ ab aliis accepi, habeo paucula.

*Bancus
Regius.*

Bancus Regius, sic dictus, quod in eo Reges ipsi præsidere soliti, Corona Placita, aliaque multa quæ ad Regem & bonum publicum spectant, tractat; erroresque Banci Communis excutit. Iudices sunt præter Regem ipsum cum interesse voluerit, Capitalis Angliæ Iustitarius, & alii quatuor, aut plures, prout Regi visum fuerit.

*Bancus
Communis.*

Bancus Communis, quia Communia placita, inter subditos ex jure nostro, quod Commune vocant, in hoc disceptantur, nomen habet. In hoc judicant Capitalis Banci Communis Iustitarius, Iustitarii assessores quatuor vel plures. Officarii sunt, Custos Brevium, Protonotarii tres, ministriq; inferiores quam plures.

*Scaccarium.
Exchequer.
Fiscus Regius.*

Scaccarium à tabula ad quam assidebant nomen traxit. Sic enim scribit Gervasius Tilburienfis qui vixit 1160, Scaccarium tabula est quadrangula quæ longitudine quasi decem pedum, & quinque latitudine ad modum mensæ circumfidentibus apposita; undique habet limbum latitudinis quasi quatuor digitorum, superponitur Scaccario agnus in termino Paschæ emptus, non quilibet, sed niger virgis distinctus, distantibus à se virgis vel pedis, vel palma extentæ spatio. Et paulo post, Ab ipsa regni Conquisitione per Regem Guilielmum facta hæc Curia cœpisse dicitur, sumpta tamen ejus ratione à Scaccario transmarino. In hac omnes causæ audiuntur quæ ad Fiscum pertinent. Iudices sunt Dominus Thesaurarius Angliæ, Cancellarius Scaccarii, Capitalis Baro, Barones alii

tres, vel quatuor. Ministri sunt, Memoria Regis Minister, Memoria Thesaurarii Minister, Clericus Pipæ, Contrarotulator Pipæ, Auditores veteris Reventionis quinque, Forinsecarum oppositor, Clericus extractorum, Clericus Placitorum, Marecallus, Clericus summonitionum, Deputati Camerarii. Secundarii in officio memoria Regis duo, Secundarii in officio Memoria Thesaurarii duo, Secundarii Pipæ duo, Clerici in diversis officiis quatuor, &c. In altera Scaccarii parte, quæ Recepta dicitur, hi sunt Officarii: Camerarii duo, Vice-Thesaurarius, Clericus Talliarum, Clericus Pellis, Numeratores quatuor, Iunctores Talliarum duo, Deputati Camerarii duo, Clericus pro Talliis, Custos Thesauraria, Tabellarii ordinarii quatuor, Scribæ duo, &c. Officarii item Decimarum & Primitiarum huc spectant. Cum enim Papæ autoritas profligata esset, lege cautum erat ut Ecclesiasticorum beneficiorum Decimæ & Primitiæ Regi persolverentur, hi instituti.

Præter hæc tria Regia Iuris fora ad moras amputandas, & subditorum labores, sumptusq; sublevandos, ex his Iudicibus, & aliis Rex Henricus II aliquos in singulos Regni Comitatus quotannis misit, qui Iustitarii Itinerantes, & vulgo Iustices in Eyre vocati. Hi tam de Placitis Coronæ, quam de Communibus Placitis infra Comitatus illos quibus assignabantur, dijudicabant. Nam Rex ille, ut inquit Matthæus Parisiensis, concilio filii sui, & Episcoporum constituit Iustitarios per sex partes Regni, in qualibet parte tres, qui jurarent, quod cuilibet jus suum conservarent illesum. Sed hoc institutum tandem sub Rege Edwardo III evanuit; autoritate tamen Parlamentorum paulo post quodammodo revixit. Comitatus enim in quosdam (quos Circuitus vocamus) divisos, bini Iustitarii Regis bis quolibet anno Circuitus suos obeunt ad sententiam de incarcerationis ibidem ferendam, & Gaolas, ut dicimus, sive Prisonas liberandas, sive evacuandas. Vnde Iuridicorum nostrorum Latinitate Iustitarii Gaole deliberande nuncupantur. Nec non ad Recognitiones Assisarum non edesse sine, & quorundam aliorum in eisdem capiendas; unde Iustitarii Assisarum, &c. ad lites contestatas in prædictis tribus Regis Curii præcipuis inter litigantes per Pares suos (uti mos est) expediendas; unde Iustitarii de Nisi prius, quod à Brevibus, quæ hæc duo vocabula continent, Vicecomiti missis nomen cepit, vulgo appellantur.

Camera Stellata, sive potius Curia Consilii Regii, in qua tractantur criminalia, perjuria, imposturæ, dolus malus, excessus, &c. Hæc si vetustatem spectemus, est antiquissima, si dignitatem, honoratissima. Ex quo enim ad Reges provocaverint subditi, consiliumque regium institutum fuerit, antiquitatem repetere posse videtur. Iudices vero sunt viri longe honoratissimi, & spectatissimi, utique Consilarii Regii. Camera vero Stellata nomen accepit, ex quo in Camera stellis ornata Westmonasterii hoc consilium fuerit constitutum, quod jam olim factum. Legitur enim in actis publicis Edwardi Tertii, Conseil en la Chambre des Estoilles, pres de la Receipte al Westminster. Verum hujus autoritatem prudentissimus Princeps Henricus Septimus ita Parlamentaria autoritate adauxit, & constabilivit, ut nonnulli primum instituisse falso opinentur. Iudices hic sunt Dominus Cancellarius Angliæ, D. Thesaurarius Angliæ, D. Præses Consilii Regii, D. Custos privati sigilli, &

omnes

Curia
Wardorum.

Admirallii
Curia.

Cancellaria.

Secretum
id est locus
judicii.
Epistola
6. lib. 11.

Camera
Stellata.
Starre-
Chamber.

omnes Consiliarii status, tam Ecclesiastici, quam Laici; & ex Parlamento Baronibus illi quos Princeps advocabit; Duo Capitales Bancorum Iustitiarum, vel ipsis absentibus, alii duo Iustitiarum. Officiarii autem sunt, Clericus Consilii, Clericus Brevium, & processus consilii in Camera Stellata, &c. Causæque hic non per Pares secundum legem nostram Communitatem, sed ad formulam Iuris Civilis ventilantur.

Curia Wardorum.

Curiam Wardorum & Liberationum, quæ à pupillis, quorum causas tractat, nomen habet, Henricus Octavus primus instituit: cum superioribus temporibus eorum causæ in Cancellaria, & Scaccario audirentur. Veteri enim instituto è Normannia deducto, & non ab Henrico Tertio, (ut aliqui scribunt,) cum quis defunctus sit, qui possessiones à Rege in Capite per servitium Militare tenet, tam hæres, quam ejus patrimonium, redditusque in Regis potestate, & tutela sunt, donec alterum & vigesimum ætatis annum compleverit, & tunc ei per rescriptum Regis redhibentur. In hac Magister Generalis judicat. Subsunt autem Supervisor Liberationum, Attornatus Generalis, Receptor Generalis, Auditor, Clericus Liberationum, Clericus Curie, Feodarii quadraginta, & Tabellarius.

Enatæ sunt etiam posteris temporibus duæ aliæ Curie, v. z. Errorum corrigendorum, quarum prima pro Erroribus in Curia Scaccarii, alia pro Erroribus in Curia Banci Regis commissis emendandis. Illius sunt Iudices Cancellarius, & Thesaurarius Angliæ, adscitis sibi aliis quos velint Regis Iustitiariis; istius vero Iustitiarum communis Banci, & Barones Scaccarii.

Admiralli Curia.

Admiralli Curia res maritimas tractat. In hac numerantur Admiralli Angliæ, Locum-tenens, & Index, Scriba duo, Serviens Curie, Viceadmiralli Angliæ. Nunc ad fora æquitatis.

Cancellaria.

Cancellaria à Cancellario nomen traxit, quod nomen sub priscis Imperatoribus non adeo magnæ dignitatis fuisse ex Vopisco docemur. Nunc autem honoris est maximi, & in summum togatæ dignitatis fastigium evecti sunt Cancellarii. Quorum nomen Cassiodorus à Cancellis repetit, quod intra secreta cancellorum septis clausa, causas examinarunt. Respicere, inquit ille, quo nomine nuncuperis, Latere non potest quod intra cancellos egeris. Tenes quippe lucidas fores, claustra patentia, fenestratas januas. Vnde plane constat Cancellarium intra Cancellos undique conspicuum sedisse, ut inde nomen accepisse videatur. Verum cum ejus esset qui Principis quasi os, oculus, aurisque erat, rescripta & decreta contra jus, vel Rempublicam impetrata transversis lineis cancellatim inducere, quod non improprie Cancellare dixerunt, ab hac Cancellatione nonnulli Cancellarii nomen deductum opinantur, & in recentiori Glossario legitur. Cancellarius est qui habet officium scripta responsaque Imperatoris, atque mandata inspicere, male scripta cancellare, & bene scripta signare. Nec verum est quod Polydorus Virgilius tradit, Guilielmum Conquestorem instituisse scribarum collegium qui diplomata scriberent, & ejus Collegii Magistrum Cancellarium nominasse, cum Cancellarios fuisse in Angliā ante Normannorum victoriam planum sit & perspicuum. Quanta hodie Cancellarii sit dignitas, & autoritas, notius est quam ut ego explicem, quanta olim fuerit libet uno & altero verbo ex

autore satis vetusto hic adjicere. Cancellarii Angliæ dignitas est ut secundus à Rege in regno habeatur, ut altera parte sigilli regii quod & ad ejus pertinet custodiam, propria signet mandata, ut capella Regis in ipsius sit dispositione & cura, ut vacantes Archiepiscopatus, Episcopatus, Abbatis, & Baronias cadentes in manum Regis ipse suscipiat, & conseruet, ut omnibus regiis adsit consiliis, etiam non vocatus accedat, ut omnia sigilliferi Clerici regii sui manu signentur, omnia Cancellarii consilio disponantur. Item ut suffragantibus ei per Dei gratiam vitæ meritis, non moriatur nisi Archiepiscopus, vel Episcopus, si voluerit; inde est quod Cancellaria emenda non est. Forma Cancellarium constituendi (& hanc annotare lubet) regnante Henrico Secundo fuit appendendo magnum Angliæ sigillum ad collum Cancellarii electi. Henrici autem Sexti tempore hujusmodi erat, ut ex Archivis adnotem. Cum Cancellarius Angliæ diem obierit, tria magna sigilla Regis unum scilicet de auro, ac alia duo de argento, quæ fuerunt in custodia Cancellarii, statim à morte in cistam ligneam serratam reponuntur, & sigillis procerum qui presentes fuerint consignatam in Thesaurariam deferuntur. Inde ad Regem perferuntur, qui illa futuro Cancellario subeunti onera executionis officii Cancellariatus, capto sacramento, de bene & fideliter exercendo, primum magnum sigillum de Argento, deinde Aureum, & alterum Argenteum in manus tradit in frequenti nobilium præsentia, qui illa accipiens in cistam reponit, & suo sigillo signatam domum suam deferit, & in præsentia aliquot nobilium Patentes & Brevia Regis sigillari facit. Cum Cancellarius exoneratur, tria illa sigilla in præsentia procerum primum magnum sigillum Aureum, aliud sigillum Argenteum de magna forma, & aliud de minori Regi in manus tradit. Hodie tamen unum solum modo Cancellario traditur sigillum, nec nisi Henrico Sexto regnante, horum trium sigillorum uspiam sit mentio. Huic Cancellarii muneri temporis decursu plurimum authoritatis, & dignitatis ex edictis Parlamentariis accessit, maxime ex quo causidici stricta ratione ita juris apicibus inhærent, & verborum ponerent tendiculas ut forum æqui necessario fuerit instituendum, quod Cancellario commissum, qui ex æquo & bono judicaret & summum jus, quod summa crux videri soleat, temperaret. Hic vero præsidet Dominus Cancellarius Angliæ, affident Magistri Cancellarii duodecim, quorum primus est etiam Chartophylax five Custos Rotulorum ejusdem Curie, & inde Magister Rotulorum nuncupatur. Pertinentque ad hanc Curiam Officiarii permulti, quorum aliqui sigillo Regis præcipue inserviunt, scz. Clericus Corona, Clericus Hanaperii, Sigillator, Cera minister, Contrarotulator, Hanaperii, Curfista viginti quatuor, Clericus ad Brevia de Sub pæna: Alii querelis præcipue ibidem exhibitis, sicut Protonotarius, sex Clerici, five Attornati Curie, Registrarius. Sunt etiam ibidem Clerici parvæ Bagetres, Clericus Presentationum, Clericus ad facultates, Clericus ad examinationem literarum Patentium, Clericus pro dimissionibus, &c.

Est & alia Curia è privato Regis consilio enata, Curia Requisitionum, five Requestrarum, à libellis supplicum dicta, quæ causas audit ut in Cancellaria inter privatos, sed quæ prius principi, vel ejus consilio privato oblata & etiam alias. In hac sunt Magistri Requisitionum, five à supplicum libellis aliquot, & Clericus, five Registrarius, & Attornati duo,

Robertus Fitzstephan. vixit sub Henrico secundo.

Gualt. Maps.

Curia Requestrarum.

Iustitiarum itinerantes.

Camera Stellata. Starre-Chamber.

Secretum id est locus iudicii. Epistola 6. lib. II.

duo, vel tres. De consiliis autem illis in Marchiis Walliæ & parte Boreali suo loco, Deo favente, dicemus.

Ecclesiastica Fora:

Ecclesiastica Fora præcipua sunt, *Synodus*, quæ *Convocatio Cleri* dicitur, semperque simul cum Parlamento habetur: & *Synodi Provinciales*, in utraque Provincia.

Vide antiquitatem Ecclesiæ Britannicæ. Curia de Arcubus.

Post hæc Archiepiscopi Cantuariensis Curia numerantur, vz. *Curia de Arcubus*, cui ludex præest *Decanus de Arcubus*, à templo B. Mariæ Londini, cujus turris sacra arcuato opere insignis, ita appellatus, qui ad omnium in Cantuariensi Provincia appellationes rescribit. Advocati in hac sunt XVI, aut plures pro Archiepiscopi arbitrio, omnes Legum Doctores, Scribæ duo, & Procuratores decem.

Curia Audientie.

Curia Audientie, quæ omnes Provincialium querelas, causas, & appellationes recipit.

Curia Prærogative.

Curia Prærogative, in qua Commissarius de hæreditatibus ab intestato, seu testamento delatis jus dicit.

Curia Facultatum.

Curia Facultatum, in qua Præfectus constituitur, qui desideria cognoscit eorum qui Ecclesiastici juris quandoque rigidi, atque stricti relaxationem petunt, & Registrarius, qui concessas dispensationes in scripta refert.

Curia Peculiarium.

Peculiarium Curiam, quæ ad quasdam Parochias ab Episcopali jurisdictione in nonnullis Diocesis separatas, & Archiepiscopo Cantuariensi peculiares spectat, aliasque obscurioris notæ libens prætereo. Nec ego sane prudens qui hisce me immiscuerim, sed exemplo prævit in Belgica describenda Guicciardinus.

Hic institueram paucula interseruisse in primis quæ ad antiquitatem spectent de summis Angliæ Magistratibus videlicet de *Cancellario* (de quo modo dictum) *Thesaurario*, *Præfide Consilii*, *Custode privati Sigilli*, *Magno Camerario*, *Constabulario*, *Marescallo*, *Hospitii Regii Seneschallo*, &c. Sed cum acceperim alios hæc moliri, tantum abest ut ego prævertam, ut etiam quæcunque hac in parte observarim, illis lubentissime impertiam.

Expectat hic aliquis ut ex Astrologis attexam in cujus Signi, & Planetæ tutela sit nostra Britannia. Et attexam sane (nam & in doctis illis erroribus versatus sum) ut curiosis satisfaciam; quamvis tam diversæ sint de hac re Astrologorum conjecturæ, ut ipsa diversitas rem omnem infirmare, & veritatem excludere videatur. M. Manilius Poëta antiquus Capricornum præesse in illo versu subindicat,

Tu Capricorne regis quicquid sub Sole cadente

Expositum.

Ptolemæus, Albumazar, Cardanus Arietem præficiunt, Ioannes de *Muris* Saturnum, Frater Persecutor, Elquidus, & Henricus Silen Lunam, eo quod in septimo, ut ajunt, sit Climate, Rogerus Herefordensis, Thomas Ravennas Philologus, & Hispalensis Pisces, demumque Schonerus & Pitatus, ut nullus sit consensus, nos non meliori ratione Geminis subjecerunt.

Nunc quod bonum, felix, faustum, fortunatumque sit, (ut antiqui rebus agendis præfari solebant) Deo duce, Provincias, sive Comitatus obibo. In quibus singulis qui fuerint antiqui incolæ, quæ nominis ratio, quæ confinia, quæ terræ bonitas, quæ loca cum antiquioris memoriæ, tum melioris notæ, qui item à Normannico imperio in quolibet fuerint vel Duces, vel Comites, quam possum verissime, planissime & brevissime explicabo. In hac Comitum successione, ut ingenue fatear per quem profecerim, Thomam Talbottum in Chartophylacio actuarium diligentissimum, & antiquitatis nostræ scientificum, mihi magnum lumen prætulisse libens merito hic agnosco.

Ab ultimo autem Occidente, id est, à Cornwallia auspicabor, & inde reliquas provincias suo ordine perlustrabo, imitatus in hoc Strabonem, Ptolemæum, & vetustissimos Geographos, qui ab Occiduis regionibus tanquam primis à primo Meridiano, descriptiones suas semper exordiuntur.

Cui signo Britannia subiecta.

Ordo.



D A N M O N I I .

Regionem illam, quæ secundum Geographos quasi prima totius Britannia magis magisque arctata longissime in Solis occasum projicitur, & à Septentrione mari Sabriniano, à meridie Britannico, ab Occidente Oceano Vergivio urgetur, inse-derunt antiquitus Britanni, qui Solino DVNMONII, Ptolemæo DAMNO-
NII, vel, ut rectius in aliis exemplaribus, DANMONII dicti. Quod nomen si ab inexhaustis hoc tractu stanni fodinis, quas Moina Britanni dicunt, non sit deductum: ab habitatione sub montibus factum videatur. Inferius enim, & convallibus passim per hanc regionem habitatur, quod Dan-munith Britannice dicitur: quo etiam sensu proxima provincia Duffneint, id est, Depressæ valles, à Britannis hodie vocatur. An vero OSTI-
DAMNII, qui & OSTÆI, & OSTIONES, quorum Strabo ex Pithæa Massiliensi ^{Offidam-} meminit, sint nostri Danmonii, velim ut antiquitatis studiosi paulo diligentius secum perpendant. In Europa enim remotissimis, ad Occidentalem Oceanum, è regione Hispania, non procul ab Uxantissa insula, nunc Ushant, ut illi produnt, siti erant. Quæ singula huic Danmoniorum regioni optime & undique conveniunt. Cumque Artimedoro Ostiones illi COSSINI vocentur, ^{Cossini.} (ut innuit in suis Urbibus Stephanus) velim etiam considerent, quandoquidem hæc gens Corini etiam dicatur, an pro COSSINI, CORINI non sint substituendi. Fusii enim pro Furii, & Valesii pro Valerii leguntur. Quo loco hos Ostidamnios & Cossinos ad mare Occiduum Geographi statuunt, ne per nebulam quidem vident, si hinc excludantur. Caterum horum regio in duas hodie dividitur partes, Cornwall scilicet, & Denfhire, de quibus suo ordine dicemus.

C O R N W A L L .



Ornwallia, quæ etiam recentioribus Latine Cornubia dicitur, maxime totius Britannia in occidentem Solem vergit, & à Britannorum reliquiis, quos Occidentales Britones Marianus Scotus vocat, habitatur, à quibus Britannica lingua (avitam enim linguam necdum omnino amiserunt) Kernaw dicitur, eo quod in cornu tenuatur, & in altum promontoriolis, quasi cornibus undiquaque excurrit. Cornu enim Corn, & Cornua Kern, multitudinis numero appellant Britanni: licet alii à Corineo nescio quo Bruti socio dictam velint Cornwalliam, Coriniamque nominent, juxta fabulosi Poëtæ carmen,

Pars Corinea datur Corineo, de duce nomen

Patria, deque viro gens Corinensis habet.

Sed novum non est (si antiquitatem revolvas) locos plurimos ab hujusmodi situ nomina sortiri. In Creta, & Taurica Chersoneso *κερὰ μέτωπον* promontoria dicuntur, quod quasi arietis cornibus in mare procurrunt. Sic Cyprus *Ceraftis* à Græcis olim dicta, quod procurrentibus promontoriis, veluti cornibus mari incumbit; ut minime mirum sit, hunc tractum, qui tanquam cornu, incurvus, & promontoriolis quodammodo cornutus, Kernaw & Corn appellatum. Vnde cum in hanc regionem, bello Saxonico ardente, pluri-
mi Britanni se recepissent, naturæ loci confidentes; pedestria enim itinera montibus satis invia, & æstuariis concisa, navigationem item impeditam propter inscitiam locorum sciebant, Saxo victor, qui exotica omnia, & alienos sua lingua Wealsh vocavit, hujus incolas Cornwealer & Wertwealer nuncupavit. Hinc enata Latina ap-
Britannia.

pellatio Cornwallia, & recentiori sæculo Cornubia, & scriptoribus nonnullis, Occidua Wallia. Tantum abest, ut Cornwallia dicta fuerit à Gallis victoribus, quod quidam Gallico nomini blandientes volunt. Qui si perinde domi saperent, ac aliena curant, deprehenderent illorum Britanniam maritimam à nostra denominari, & in ea regiunculam Cornovaille, quæ Cornwallensium nostrorum lingua utitur, à nostris eo transmissantibus nomen sumpsisse. Nam ut Britanni hi nostri occidentales Armorici Gallia, cum in Cæsarem bellum moverent, auxilia subministrarunt, unde bello Britannico ille causam prætexuit; posteaque (ut diximus) eo commigrantes, Britanniam mutato nomine dixerunt; sic superioribus sæculis, Britannis popularibus suis contra Francos præsto aderant, & intonante Danica tempestate, huc etiam nonnulli concesserunt, recentiusque hoc nomen Cornovaille reliquisse existimantur.

Hæc regio, veluti pensante æquorum cursus natura, ut plurimum montibus attollitur, gleba in convallibus satis fertili, quam alga marina, Orewood dicta, & feraci quodam marinæ arenæ genere supraquam credi possit, fecundant. Ora maritima creberrimis nitet oppidis, quæ numerosam classem conficere possint: interiora metallorum divite vena abundant. Stannum enim non sine uberrimo fructu, admiranda copia effoditur, ex quo vasa domestica ducta apud omnes Europæos in mensarum usu argenteis fulgore comparantur. Incolæ passim nigros lapillos ex quibus stannum conflatur, vel effodiunt, vel ex arenis lotis eximunt. Horum autem stannarium, five metallicorum operum duo sunt genera. Alterum Lode-works, alterum Streame-works vo-

A a cant;

Corn &
Kern.

Cornovai-
le in Bri-
tannia Ar-
morica.
Strabo.

Orewood.

Stannum.

Opera
Stannaria.



cant; hoc in locis inferioribus est, cum fossis agendis stanni venas sectantur, & fluviorum alveos subinde deflectunt; illud in locis editioribus, cum in montibus puteos, quos *Shafts* vocant, in magnam altitudinem defodiunt, & cuniculos agunt. In utroque ingeniorum solertia admiranda, tam in aquarum derivationibus, & corrivationibus, quam in puteorum substructionibus, & suffulcimentis, ut contundendi, lavandi, discernendi, & excoquendi rationes, quibus nihil est solertius, tacitus prætermittam.

Lib. 6. c. 8.
& 9.

Veteres Britannos stannariis his operibus elaborasse (ut Timæum historicum apud Plinium taceam, qui Britannos navigiis vitilibus corio circumfusus stannum ex Ictā insula petiisse memorat,) certum est ex Diodoro Siculo, qui sub Augusto floruit. Prodit enim ille Britannos, qui hunc tractum incoluerunt, ex terra saxosa stannum effodisse, in Insulas quasdam adjacentes, æstu recedente, curribus deportasse; hinc mercatores in Galliam navibus transtulisse, & inde equis triginta diebus ad fontes Eridani, vel ad Narbonam urbem tanquam ad emporium subvexisse. Æthicus etiam, quisquis ille fuit, qui Hieronymi interpretis indigne nomen præ se fert, hoc idem innuit, dicitque se præcepta his metallicis tradidisse. Anglo-Saxones vero omnino neglexisse existimantur, vel Arabum sive Saracenorum opora usos fuisse. Desertas enim fodinas *Attal Sarisin*, id est, *Saracenorum reliquias* sua lingua vocant incolæ.

Post Normannorum ingressum magnas ex his opes Comites Cornubiæ congesserunt, inprimis Richardus Regis Henrici Tertii frater. Nec mirum, cum non aliunde tunc temporis Europa stannum acceperit, Hispaniæ enim fodinas Maurorum incursiones occluserant; & in Germania stanni venæ, quæ solummodo sunt in Misnia, & Bohemia, nondum cognitæ; nec illæ quidem apertæ ante annum à Christo nato 1240. Tunc enim, ut ejus ævi scriptor habet, in Germania inventum est stannum metallum per quendam Cornubiensem hominem à solo natali pulsum, in magnam jacturam Richardi Comitris Cornwalliæ. Ab Edmundo postea Comitris Richardi filio impetratum est diploma, concessæ libertates, & leges metallicæ latæ, quas sigillo suo munivit, & vectigal stanno impositum, quod Comitibus persolveretur.

Metallorum
Politia.

Has libertates, privilegia, & leges postea confirmavit, & adauxit Rex Edwardus III. Univerfam metallicorum rempublicam, quasi unum corpus in quatuor partes, sive regiones descripsit, quas à locis, *Foy-more*, *Blackmore*, *Trewarnaile*, & *Penswith* dicunt. Omnibus Guardianum sive Præsidem præfecit, qui tam ex æquo & bono, quam ex lege jus dicit, singulisque partibus suos Propriæfides constituit, qui singulis mensibus, in sua quisque regione lites dijudicant, quæ judicia à stanno *Stannaria* vocantur, à quibus ad ipsum Præsidem nonnunquam provocatur. Et ne vectigalia subducerentur, & fraudi sit Cornwalliæ Ducibus, quibus pro singulis millenis stanni pondo 40 Solidi veteri instituto numerantur: lege cautum est, ut omne quod conflatur stannum ad alterum è quatuor designatis opidis deferatur, ubi bis anno dependitur, signatur, &

vectigal illud persolvitur, nec antea venundare, & distrahere sine gravissima mulcta cuiquam liceat. Nec stannum vero hoc solum reperitur; sed una etiam aurum & argentum, adamantesque ab ipsa natura in angulos efformati, & lævigati, quorum nonnulli vel juglandem magnitudine adæquant, & orientalibus nigrore, & duritie tantum cedunt. Eringium autem lætissimo proventu per littora passim reperitur. Frugum quoque, quamvis non sine magno agricolæ labore, ita ferax, ut non solum sibi sufficiat, sed magnam vim frumenti Hispaniæ quotannis suppeditet. Vberimus etiam quæstus existit è pisciculis illis quos *Pylchardes* vocant, qui magnis quasi examinibus littora à Julio ad Novembrem circumfusi capiuntur, exenterantur, saliantur, infumantur, conduntur, premuntur, & in Galliam, Hispaniam, Italiamque infinita multitudine exportantur, quibus sunt gratissimæ merces, & *Fumados* appellantur. Vnde Michael Poëta Cornwallensis Rhythmicorum sui sæculi princeps contra Henricum de Abrincis Regis Henrici tertii Archipoëtam, quod in Cornwallenses quasi extremos hominum lusisset, pro hac sua patria etiam ludens, quæ rideas, cecinit,

Adamantes.
Cornish
Diamonds.
Eringium.
Sea holme.

Pylchardes.

Fumados,
qui fortasse
Plinio
Gerres.

Non opus est ut opes numerem quibus est opulenta,
Et per quas inopes sustentat non ope lenta:
Piscibus, & stanno nusquam tam fertilis ora.

Nec tamen solo, quam viris Cornwallia foelicior, qui ut omni humanitate exculi, etiam priscis illis temporibus: Mercatorum enim usu qui stanni gratia eo navigant, ut habet Diodorus Siculus, humaniores erga hospites erant: ita fortes, strenui, statura satis procera, torosis membris, & qui palæstrica (ut illa virilia * pilam jactandi certamina taceam) ita excellunt ut eam laudem merito aliis gentibus, & arte, & virium firmitate præripiant. Poëta etiam ille Michael cum in suorum laudem profusior, illis primos ictus in præliis Arthuri concessisse tinnulis versibus docuisset, animose concludit.

Palæstrica.
Hurling.

Quid nos deterret? si firmiter in pede stemus,
Fraus ni nos superet, nihil est quod non superemus.

Hinc fortasse est quod fama obtinet, Gigantes olim hanc regionem infedisse. Hauvillanus enim Poëta qui ante annos quadringentos vixit, cum Gigantes quosdam Britannicos describeret, sic de Britannia lufit,

Hauvillanus in
Axchitrenio.

*Titanibus illa
Sed paucis famulosa domus, quibus uda ferarum
Terga dabant vestes, cruor haustus, pocula trunci,
Antra lares, dumeta thoros, cænacula rupes,
Præda cibos, raptus Venerem, spectacula cædes,
Imperium vires, animos furor, impetus arma,
Mortem pugna, sepulchra rubus, monstrisque gemebat
Monticolis tellus, sed eorum plurima tractus
Pars erat occidui, terror majorque premebat
Te furor, extremum Zephyri Cornubia limen.*

Vtrum vero hæc Danmoniorum compacta firmas, quæ ex calidi & humidi temperie profluit, ad genitalem mundi spiritum Favonium, & occidentalem situm referenda sit, ut in Germania Batavos, in Gallia Aquitanos, & Ruthenos, qui ad occasum extremi sunt, fortissimos videmus; an potius ad peculiarem aliquam cœli, & soli rationem, non est hujus loci curiose inquirere.

Occidui
populi
fortissimi.

Nunc

Promonto-
ria.Belerium,
five Anti-
vestrum.Steort quid
significat.

Lionesse.

S. Buriens.

Nunc Promontoria, urbes, & flumina, quorum meminerunt antiqui (hoc enim in primis instituti est nostri) persequamur: ab ipso extremo promontorio exorfi, primum australe, inde Septentrionale littus, & demum Tamaræ fluvii decursum, qui hunc agrum à Devonienſi ſecludit, perlustrantes. Extremum promontorium quod Oceano Vergivio incumbit, & XVII tantum temporibus in globosa terræ ſuperficie à Fortunatis inſulis, vel potius *Aſoris* definitur, Ptolemæo *BOLERIVM* dicitur, Diodoro *BELERIVM*, fortaſſe à *Pell* Britannica dictione, quæ remotiſſimum ſignificat, *Ἀπὸ τῆς πέλλης*, five *ANTIVESTRUM* idem etiam Ptolemæo dicitur, Britannis *Penrhinguaed*, id eſt, *Promontorium ſanguinis*, ſed tantum *Bardis*, five *Poëtis*: historicis vero Britannis *Penwith*, id eſt, *Promontorium ad ſiniſtram*, Saxonibus *Penip-ſteort*. *Steort* enim illis projectam in mare terram denotat, & hinc Centuria illa tota *Penwith* hodie dicitur, accolis ſua lingua *Pen von las*, id eſt, *ſinis terræ*, eodemque ſenſu Anglis *The lands end*, quod ſit totius inſulæ ad occidentem extremum. Quod ſi *HELENVM* hoc promontorium appellatum fuerit, ut Volaterranus, & recentiores habent, non ab Heleno Priami filio, ſed à *Pen Elin* profluxit, quod cubitum Britannis ſonat, ut *Ancon* Græcis. Cum vero à Græcis littora incurva *Ancones* dicerentur, quod de Ancona Italia Plinius teſtatur, neſcitum abſurdum eſt hoc inflexum littus à Britannis *Pen-elin* eodem ſenſu nuncupatum, & inde Latinum illud *Helenum*. De Antiveſtæo autem ſubinde dubitare ſolebam an Græcam ſaperet originem. Cum enim vidiffem ſolenne apud Græcos fuiſſe nomina locis imponere ex nominibus oppoſitorum, non ſolum in ipſa Græcia, ubi *Rhium*, & *Antirrhium* habent, ſed etiam in ſinu Arabico, ubi *Bacchium* & *Antibacchium*: & in Illyrico *Antibarrium*, quod *Barrium* Italiae è regione proſpiceret, ſedulo perquiſivi an locus aliquis *Veſtai* nomine inſignitus Antiveſtæo noſtro objiceretur; ſed cum nihil tale invenerim, ad Britannicam linguam me retuli, nec tamen hic me expedire poſſum. Cæterum hoc promontorium longius ſe in oceanum immiſiſſe credunt incolæ, & ex ruderibus extractis affirmant nautæ. Terramque ibi inſuſo mari adoportam, *Lioneſſe*, ex neſcio qua fabula, dictam fuiſſe accolæ aſſeverant.

In extremis huius promontorii ſcopulis, quum recedente æſtu nudantur, Plumbi candidi, atque æris apparent venæ, impositamque fuiſſe olim ſpeculam, unde indicium navigantibus accenſo igni factum referunt incolæ. Ad ſpeculam proculdubio Hispaniæ: ut Oroſius, *Brigantia Gallicie altiffimam pharum inter pauca memorandi operis ad ſpeculam Britannia erectam fuiſſe prodidit*, hoc eſt, vel in uſum navigantium è Britannia Hispaniam verſus, (ſi modo illum bene capio) vel ex oppoſito ſpeculæ Britannicæ, nec enim alius huius inſulæ locus Hispaniam proſpectat. Viculus nunc illi inſidet, *Saint Buriens*, olim *Eglis Buriens*, id eſt, *Eccleſia Buriens*, vel *Beriana* dictus, Buriensæ religioſæ mulieri Hibernicæ ſacer (Sanctos enim Hibernicos, & indigites ſuos hæc gens, ut tutelares ita ſemper ſuſcepit, ut omnia fere opida illis conſecraverit.) Huic ut fama perhibet aſyli

Britannia.

jus conceſſit Rex Athelſtanus, cum è Syllinis inſulis hic victor appuliſſet. Certum eſt illum eccleſiam hic conſtruxiſſe, & ſub Guilielmo Conquæſtore Canonorum hic fuiſſe Collegium, & territorium adjacens ad eos ſpectaſſe. In huius viciniæ in loco quem *Biscay Woune* dicunt, unde viginti lapides in orbem diſpoſiti conſpiciuntur; ſinguli x i i quaſi pedibus invicem diſtantes, & in centro cæteris omnibus multo major exſurgit. Hoc, ut conjectura probabile eſt, trophæum aliquod Romanorum fuit ſub poſterioribus Imperatoribus, vel Athelſtani Saxonis cum Danmonios in poteſtatem ſuam redegiſſet.

Hinc ſenſim in Austrum circumactæ littore, ſinus lunatus admittitur, *Mounſ bay* vocant, in quo Oceanum avido meatu irruentem terras demerſiſſe fama obtinet. Huic incumbit *Mouſehole*, Britannice *Port Inis*, id eſt, *Inſulæ portus* cuius mercatus obtinuit ab Edwardo primo Henricus de *Tieis*, qui Baronis dignitate floruit, Dominuſque fuit de *Abvorton*, & *Tiwernel* in hoc Comitatu. *Pensans* etiam, id eſt, *Caput ſabuli*, emporium, unde parum abeſt notiſſimum ſaxum

Trophæum.

Barones
Ties.Main Amber,
id eſt,
Ambroſii
ſaxum.S. Michaelis
Mount.
Michel-
ſtow.
Laur.
Noëlus.Arma
ænea.Pyrrhocorax.
Cornish
Chough.

Main-Amber, quod cum maximæ ſit magnitudinis, tamen digitulo moveas, ſed à loco ne magna vis hominum dimovere poterit; & *Merkiu*, id eſt, *Forum Iovis*, quod ibi mercatus die Iovis habeatur, ſtatio malefida huic ſinui aſſident. Et in ipſo angulo qui nomen ſinui fecit *Mons Michaelis*, *Dinſol* olim, ut in libro Landavenſi habetur, incolis *Careg Corſe*, id eſt, *Rupis cana*, Saxonicè *mychel-ſtop*, id eſt, *Michaelis locus*, ut annotavit Laurentius Noëlus, vir rara doctrina inſignis, & qui Saxonice majorum noſtrorum linguam deluetudine intermortuam, & oblivione ſepultam primus noſtra ætate reſuſcitavit. Scopulus hic eſt ſatis altus & confragofus, quoties ex alto ſe æſtus incitat, aquis circumfluus; quoties recedit, terræ conjunctus. Vnde loci ingenio fretus Ioannes Oxoniensis Comes, non multis ante annis, in ſedem belli contra Edwardum IIII regem elegit, fortiterque defendit, ſed parum ſœliciter. Ejus enim milites à Regiis tentati, ſtatim ſe dediderunt. In ipſo vero jugo intra propugnaculum ſacellum erat Michaeli Archangelo ſacrum, Cellam ibi Guilielmus Cornwalliæ, & Moritonii Comes, qui latifundia in hoc tractu Guil. Primi munificentia tenuit, monacho uni & alteri conſtruxit, qui Michaelẽm eo monte apparuiſſe prodiderunt, quod ad ſuum Garganum Itali, & ad ſuum Michaelis montem in Normannia Galli certatim rapiunt. Ad huius radices patrum memoria, dum ſtannum effoderetur, culpidēs, ſecures, & gladii ænei lino involuta reperta erant, cujuſmodi effoſſa fuerunt jam olim in Germaniæ Herciniis, nec ita pridem in Wallia. Conſtat enim ex antiquorum monumentis Græcos, Cimbros, & Britannos armis æneis fuiſſe uſos, quamvis ex ære vulnera ſint minus noxia, utique cui (ut ex Ariſtotele habet Macrobius) vis inſit remedialis. Sed non erat illa ætas, perinde ac noſtra in hominum perniciem ingenioſa. In ſubjectis rupibus, ut etiam paſſim per hæc littora, ſœtificat Pyrrhocorax roſtro & pedibus rubentibus cornix, non Alpius peculiaris, ut exiſtimavit Plinius. Quam incendia-

B b

riam

riam esse avem, & furunculam deprehenderunt indigenæ. Ignem enim clanculum ædibus sæpe subicit, nummulosque sublegit, & abscondit.

Hoc in loco maxime contrahitur regio, quasi in Isthmum, vix enim quatuor millaria hinc ad superum mare, sive Sabrinianum interjacent. Pauloque supra montem sinus satis latus patet *Mountsbay* à monte dictus, ubi tutissima navium statio est, sæviente Austro & Phœnicia, sex vel septem orgias medio maris recessu profunda. Magis ad Ortum surgit *Godolcan* collis stanni venis ferax & celebris (*Godolphin* nunc vocant) suis tamen dominis ejusdem cognominis multo est celebrior, qui generis vetustatem virtutibus adæquarunt. Nomen vero in Cornwallica lingua ab *Aquila alba* est factum, & Aquilam bicipitem albam expansam inter tria Lilia itidem alba in rubro scuto pro insignibus hæc familia jam olim usurpavit.

Ad Austrum vero statim à Michaëlis Monte protruditur Chersonesus, ad cujus ingressum *Heilston* cernitur, patria lingua *Hellas* ob falsam aquam affusam, oppidum signandi stanni privilegio celebre. Sub quo plurimis aquis confluis stagnum 2 mill. pass. longitudine efficitur, *Loopoole* dicunt, tenui intercurrente pulvino à mari dividunt, quod cum undarum violentia perumpitur, admirandus aquarum latratus tota vicinia longe exauditur. Nec ita procul inde sepimentum militare visitur, (*Ear. h* vocant) è congestis sine cœmento saxi magno ambitu constructum, cujusmodi & alia hinc inde occurrunt, Danico bello, ut credimus, posita. Nec dissimile est munitionibus illis Britannorum, quas rudes & informes saxorum compages vocat Tacitus. Chersonesus autem ipsa quæ satis magna est, & viculis referta, *Meneg* appellatur, *MENNA* proculdubio illa, quam ex Cornelio, nescio an Tacito, annalium scriptore, Iornandes in Geticis describit, & *Memma* in nonnullis exemplaribus concipitur. Est enim (inquit ille) in extrema Britanniæ parte, metallis plurimis copiosa, herbis frequens, & his feracior omnibus, quæ pecora magis, quam homines alant. Quod tamen metallis etiam plurimis copiosam esse dixerit, nunc ita est indiga, ut jam olim exhausta videatur. Hæc nautis hodie *the Lisard* vocatur,

Ocrinum.
The Lisard.

Voluba.

Falemouth.

Ptolemæo DANMONIORVM, PROMONTORIVM & OCRINVM, Æthico in sua portentosa Geographia OCRANVM Oceanique occidentalis montibus annumeratur. An ab *Oera* quod ut Sextus Pompejus habet, confragosum montem sonat, non affirmarim: *Ocrea* tamen inter Alpes, *Ocriculum*, & *Interocrea*, à prærupto situ nomen traxerunt. Verum cum *Ochr* Britanniæ aciem sonat, quid si factam appellationem huic promontorio arbitraret, quod acuminatum sit, & in comum desinat? Reducto ab hoc *Meneg* littore, sinus frequentibus, & angulosis recessibus portuosus occurrit *Vale* fluviolum recipiens, ad quem interius antiquum floruit oppidum *VOLVBA*, à Ptolemæo memoratum: sed jam olim vel intercidit, vel nomen amisit, quod tamen in *Volemouth*, sive *Falemouth* portu nunc superest. Portus hic est æque nobilis, ac ipsum Italiæ Brundisium, navium capacissimus, centum enim naves tortuosis sinibus ita seorsim stare possunt,

ut ex nulla mali summitas in altera conspiciatur; & tutissimus à ventis utique altis crepidinibus undique incinctus. In ipso aditu rupis ardua & prærupta *Crage* ab incolis vocata, surgit. Fauces utrinque muniunt ad loci præsidium & hostium terrorem castella, hinc *S. Mauditi* ad Ortum & illinc *Pendinas* ad Occasum, ab Henrico VIII Pendinas extructa. De quibus Poëta Antiquarius.

*Pendinas tenet asperi cacumen
Celsum montis, & intonat frequenter.
Mauditi quoque subsidet rotundum
Castrum, & impetu fulminat furenti,
Portus ostia qua patent Falensis.*

Portus vero ipse, *CENIONIS* ostium Ptolemæo nuncupatur, à *Geneu* proculdubio Britannica dictione, quæ ostium & ingressum notat, idque loquitur *Tregenie* oppidum adjunctum, hoc est, si interpreteris, *Oppidulum ad ostium*. Oppida interioribus hujus portus sinibus incumbunt nonnulla: *Peryn* celebris mercatus, ubi *Walterus Bionefcome* Episcopus Oxoniensis anno 1288 Collegiatam Ecclesiam, *Glasnith* vocant, & duodecim Præbendarios instituit: *Arwenak* vetustæ & claræ familiæ *Killegreworum* sedes: *Truro* Cornwallice *Truru* à tribus plateis dictum duobus rivulis quasi incinctum, Majore, quem vocant, & privilegiis pro re metallica clarum, & *Grampound*, à portu disjunctissimum: Cui subjicitur ad mare *Roseland* territorium, ita dictum, ut aliis placet, quasi rosetum; ut aliis videtur, quod ericetum sit. Hoc enim *Ros* Britanniæ significat. Vnde *Rossie* in Scotia, & *Rossie* alteri in Cambria nomen, utpote qui tractus satis siticulosi & aridi, sed hic colonorum industria lætior, & feracior. Post hanc *Rossiam* statim Oceanus recedentes terras diffusiore sinu occupat, quem *Trueardraih bay* vocant, id est, si interpreteris, *Sinus Oppidi ad sabulum*.

Vix duobus hinc milliaribus, qua *Fawey* flumen mari illabitur, *Fowey* oppidum, *Foath* Britanniæ, crepidine porrectum jacet, bellis navalibus superiori ætate celebratissimum, quod & publica insignia testantur, quæ ex quinque portuum insignibus componuntur. Ad portum moles utrinque habet ab Edwardo III positas. Qui brevi post tempore Fawensibus istis subiratus, quod Gallico bello sopito prædabundi Gallicam oram infestassent, naves omnes, & apparatus nauticum ademitt. E regione ad alteram ripam sedet *Hall* amœnissimo ambulacro in collis devexo notissima domus Guil. *Mohun* Equitis aurati antiqua & illustri nobilitate, qui à Mohunis Somersetti, & Courtneis Devonix Comitibus procreatus.

Interius ad eundem fluvium *VZELLA* Ptolemæi situm habet, quæ nomine non prorsus perditio, *Lestuthiell* hodie dicitur, à situ nomen sortita: collem enim editum, ubi *Lestormin* est castrum antiquum, occupavit; nunc autem in convallem translata subsidet. *Vchel* vero Britanniæ idem sonat, quod altum & editum, unde & *Vxellodunum* Galliæ nomen habet, quod in monte situm, præruptum esset undique oppidum. *Pen-Vchel* coit, id est, *Mons editus in sylva*, Britannica historia hæc vocatur, quam nonnulli Exoniam esse volunt. Verum situs apud Ptolemæum & nomen

Vnde
Portus in
Cornwal-
lia obstru-
cti.

Leskeyd.

Bodman.

Perin.

Glasnith.

Arwenak.

Truro.

Liber

Monast.

Winton.

Rossia.

S. Neotes.

Mohuni.

Vzella.

Britanni

literam x

non ha-

cent.

Vxellodu-

num

Galliæ.

Wring-

cheefe.

Vnde
Portus in
Cornwal-
lia obstru-
cti.

nomen superstes Vzellam hanc esse antiquam contestantur. Nostra ætate exiguum est oppidum, minusque frequens, propterea quod *Fawey* fluvius, qui superiori ætate accedente mari augescere ad ipsum oppidum, & par navibus subvehendis esse solebat, jam arenis ex stanni fodinis alveum ita obstructum habet, (unde omnibus hujus provinciæ portubus obstructionis periculum,) ut vix minimis navigiis sufficiat. Totius tamen Conventus, sive Comitatus primarium est, ubi Vicecomes (quem lex nostra Municipalis vocat) singulis mensibus causas dijudicat, & Metallorum præses suum carcerem habet. Signandi etiam stanni privilegio gaudet, beneficio, ut inquit ipsi, Edmundi Cornubiæ Comitis, qui ibidem olim Palatium suum habuit. Sed Vzellæ hujus luminibus inprimis officiant duo oppida,

Leskerd.

Bodman.

Leskerd ad ortum editori colli impositum, castro antiquo foroque celebre, & *Bodman* ad Septentrionem vix duorum milliarium diverticulo, *Bosuenma*, ni fallor, Britannice, & *Bodminiam*, in antiquis chartis. Hoc inter duos colles situ non ita salubri interpositum, ab ortu in occasum protensum, celebratissimum est forum, civibus frequens, & ædibus satis excultum, signandique stanni privilegio clarum. Sed clarius olim, dignitate Episcopali. Circa annum enim salutis 905. cum res Ecclesiastica in hoc tractu neglecta jaceret, ex decreto Papæ Formosi, Edwardus senior sedem hic Episcopalem constituit, concessitque Episcopo Cridiensi tres villas in hoc tractu, *Polton*, *Celing*, & *Lanswitham*, ut inde singulis annis visitaret gentem Cornubiensem ad exprimendos eorum errores, nam antea in quantum potuerunt, veritati resistebant, & non decretis Apostolicis obediebant. Verum postea horribilo illo Danico bello exardente Episcopalis dignitas ad *S. Germans*, fuit translata. *Leskerda* adjacet quæ olim Ecclesia *S. Gueri*, id est, si interpreteris è Britannico *S. Medici*, ubi ut scribit Asserius, Rex Alfredus in oratione prostratus ex morbo convaleuit. Cum autem

S. Neotes.

Neotes vir eximia sanctitate & doctrina in eadem ecclesia postea conderetur, alterius lumini ita præluxit, ut inde *Neotestow*, id est, *Neothi locus*, nunc *S. Neoths* vocaretur, virique religiosi qui ibidem Deo famulabantur, *Clerici S. Neoti* dicerentur, satisque opimos redditus habuerunt, ut in libro *Guil. Conquestoris* videre est. Iuxta, ut accepi, in Parochia *S. Claræ* cernuntur in loco dicto *Pennant*, id est, *Caput vallis*, duo cippi, quorum alter parte superiori in cathedræ formam excavatur, alter, qui *Other half stone*, vocatur, barbaris characteribus jam fugientibus inscribitur, ut columna sequenti videre poteris.

Quæ ego sic legenda cenfeo *D. ONIERT*: *R. OGAVIT PRO ANIMA*. Nisi suspicari lubeat illa punctula: post *Doniert*, reliquias esse literæ *E.* & sic legere, *Doniert erogavit*, quasi ille terram illam religiosi pro anima erogaverat. *Doniert* autem non possum non existimare illum Cornwalliæ Regulum fuisse quem *Dungerth* Annales vocant, & submersum anno salutis 872 produnt.

Wring-cheefe.

In proxima cautium satis magnarum surgit congeries, quibus saxum subjicitur, ita in casei similitudinem à natura efformatum, ut instar casei premi videatur, unde nomen *Wring-cheefe*.



Saxa etiam plura quodammodo quadrata in adjuncta planitie conspiciuntur, è quibus septem vel octo æqua inter se distantia eriguntur. *Hurlers* vicini vocant, pio persuasi errore homines fuisse in saxa transformatos quod pila jactanda diem Dominicum profanassent. Alii in alicujus prælii memoriam quasi trophæum volunt, & nonnulli pro limite posita credunt, cum apud eos qui de limitibus scripserunt, saxa ab utrisque partibus collecta, & erecta pro limitibus fuisse legerint.

Loo fluvius hoc in littore sibi viam in Oceanum aperit, & ad ostium duo oppidula suo nomini cooptat quæ ponte saxeo conjunguntur, occidentale quod recentius, maxime floret, orientali vero tempus suum florem detraxit, licet Majoris & Burgensium privilegia retineat. Hinc memorandum nihil occurrit donec ad *Liverum* fluviolum ostriferum perveneris qui subluit *S. Germans* viculum, ad quem in Danico turbine sedes Episcopales timor transtulit; ubi ædicula *S. Germano* Antisiodorensi sacra, qui Pelagianam hæresim in Britannia repullulantem extirpavit. In qua cum pauculi sedissent Episcopi, *Levinus* præful Cridiensis qui gratia multum apud Canutum Danum valebat, regia autoritate intercedente, obtinuit, ut suæ sedi conjungeretur. Ex quo tempore unus Episcopus, & huic provinciæ & Devonix præfuit, qui nunc Exonix sedet, suffraganeoque suo hunc Germani viculum in sedem constituit. Nihil enim aliud hodie est, quam piscatorum casulæ, qui satis copiosam exercent piscaturam in Oceano, & vicinis fluminibus. Pauculis hinc milliariis ad eundem fluvium *Trematon* castelli nomen semirutis mœnibus tuetur, ubi ut est in libro *Domesday* *Guil.* Comes Moritonensis suum castrum & mercatum habuit, caputque fuit Baronix, Comitum & Ducum Cornubiæ, ut in *Inquisitionibus* videre est. Quod cum *Liverus* præterfluxerit, prope *Salvashe*, olim *Esse*, familiæ * *Valtortorum* quondam habitationem, * *De Valtort* nunc mercatoribus satis frequens, & non paucis privilegiis munitum, in Tamarum, qui regionis terminus est, evolvitur, ubi *Mont-Edgcombe* sedes familiæ vetustæ *Edgcomb* amoenissimo situ sinuosum portum subjectum prospicit.

B b 2

Cui

Anthony.

Cui proxima est *Anthony* memoranda propter suam elegantiam, & piscinam quæ Oceanum admittit, piscesque marinos in usum & voluptatem præbet, sed multo magis propter Dominum suum Richardum *Carew*, qui ita locum à majoribus traditum tuetur, ut virtutum ornamentis exsuperet. Hactenus australem oram, nunc Septentrionalem obeamus.

S. Iles.

Septentrionale littus ab ipso Belerio promontorio, primum longo tractu arenosis cumulis aggeratum procurrit ad opidum lingula quadam in mare prominens, *S. Iles* appellatum, liæ mulieri Hibernicæ, quæ singulari sanctitate hic vixit, hoc nomen acceptum ferens, olim *Pendinas*, subiectumque sinum, in quem *Haile* fluviolus influit, suo nomine adoptavit, qui nautis *S. Iles bay* vocatur. Opidum vero ipsum jam tenue est. Caurus enim hujus littoris tyrannus arenas converendo ita affixit, ut subinde translatus fuerit. Hinc utrinque spatiosior procurrit in ortum regio, & obliquior flexu Septentrionale littus in Aquilonem tendit ad *Padstow* usque, nec aliud antiquæ notæ tota via habet, quam in fabulo positum *S. Pirano* sacellum, qui sanctus etiam Hibernicus hic requiescit, cujus sanctitati infantia vani scriptoris affinxit quod decem Hiberniæ reges, & eorum exercitus tribus vaccis suis octo diebus aluerit, & porcellos mortuos, nec non homines fuscitaverit. Deinde longius à littore *S. Columba* opidulum mercatorium sedet, *Columba* piissimæ mulieris & Martyris, non *Columbani* Scoti, memoriæ consecratum, ut jam certo ex ejus vita sum edoctus. Iuxta quod propius ad mare *Lanheron* cernitur, sedes equestris familiæ *Arondelliorum*, qui ob fortunas quas habuerunt amplissimas, *Arondellii magni* non ita pridem dicti sunt. De *Hirundine* alicubi Latine scribuntur, nec male, (si quid ego judico) *Hirundo* enim Gallice *Arondell* dicitur, & in nigro clypeo sex argenteis hirundinibus pro insignibus utuntur. Familia sane antiqua & celebris, propinquitatis & affinitatis ramis longe diffusa, ad cujus nomen, & insignia allusit Guil. Brito, Poëta, cum virum bellicosum ex hac involantem in Gallum circa annum M C LXX, sic describit,

S. Columbs.

Lhanheron. Arondelliorum familia.

Lib. 3. Philippidos Guil. Britonis, qui vixit 1170.

— *hirundele* velocior alite quæ dat
Hoc agnomen ei, fert cujus in ægide signum:
Se rapit agminibus mediis, clypeoque nitenti
Quem sibi *Guilielmus* levis prætenderat ulna,
Immergit validam præcinctæ cuspidis hastam.

Castle Danis.

Parumque hinc abest duplex vallum in collis vertice, aggerque ad illud ducens, quod *Castellan Danis*, id est, *Danorum castra*, eo quod Dani cum Angliæ littora deprædarentur, ibi, ut aliis hoc tractu locis, sua castra habuerint.

Padstow.

Nec procul hinc Alan fl. qui & *Camb-alan*, & *Camel* à tortuoso meatu; (hoc enim *Cam* illis denotat) placide in superum mare defluit, qui ad suum ostium *Padstow* emporium habet, contracte pro *Petrockstow* (ut in Sanctorum historiis legitur) à *Petroco* quodam Britannico in Sanctos relato, qui hic Deo vacavit, cum ante à *Loderic*, & *Laffenac* vocaretur. Situm vero ad negotiandum in Hibernia, in quam *XXIIII* horis facile navigatur, habet percommodum: magnoque sunt ornamento speciosæ ædes instar castel-

li adjunctæ, quas nuper *N. Prideaux*, antiqui nominis & nobilitatis in hoc occiduo tractu extruxit. Ad hujus Alani fontes, *Camelford*, alicubi *Gaf-felford*, viculus cernitur, *Kamblan* olim dictum judicat *Lelandus*, qui *Arthurum Hectorem* nostrum ibi cecidisse scribit. Fragmenta etenim (ut prodit ille) armorum, annuli, ænea equorum ornamenta, nonnunquam ab agricolis ibi eruuntur, fama que tot sæculis conservata insignem hoc loco stragem factam fuisse prædicat. Extant etiam versus, in nescio quo mediæ temporis Poëta de *Cambula* cruore effuso inundante, in prælio *Arthuri* contra *Mordredum*. Quos subicere non pigebit, cum Musis non omnino invitis scripti videantur.

Naturam Cambala fontis

Mutatam stupet esse sui, transcendit inundans
Sanguineus torrens ripas, & volvit in aquor
Corpora caesorum, plures natæ videres,
Et petere auxilium, quos undis vita reliquit.

Certe (ut hoc de *Arthuro* non negem) apud *Marianum*, *Britannos* & *Saxones*, anno instauratæ salutis 820, funesto prælio hic concurrisse legi, ut *Marti* sacer locus videatur. Et si verum sit, *Arthurum* hic cecidisse, idem littus illi fuit fatale, quod natale. Ad littus enim proximum sedet *Tindagium*, *Arthuri* illius magni incunabula, partim in exerta quasi lingula, partim insula quæ ponte olim conjuncta. *Tindagel* hodie appellant, nunc tantum splendida ruina, olim castrum magnificum, de quo quidam recens cecinit,

Tindagel. Arthuri locus natalis.

Est locus Abrini sinuoso littore ponti,
Rupe situs media, refluxus quem circum æstus,
Fulminat hic late turrato vertice castrum,
Nomine *Tindagium* veteres dixerunt Corini.

Longum esset ex historia *Galfredi* hic declarare quomodo *Vtherus Pendragon* Rex Britannæ uxorem *Gorlois* Principis *Cornwalliæ* in hoc castro deperierit, assumpta præstigiis magicis mariti specie, matronæ stuprum intulerit, & *Arthurum* illum suscepit. Satis sit si *Ioannis* nostri *Havillani* versibus utar,

Architre-nius.

— facie dum falsus adulter
Tindagel irrupit, nec amoris *Pendragon* æstum
Vincit, & omni facis *Merlini* consulit artes
Mehtiturque ducis habitus, & rege latente,
Induit absentis præsentia *Gorlois* ora.

Fuit *Utherus Pendragon* iste princeps in quo rei militaris studia viguerunt, quique labentem patriam contra *Saxones* fortiter suffulcit. An ab illo prodiit regium illud apud *Anglos* vexillum *Draconis* habens cum capite aureo effigiem, quod vicinis expertum, & *paganis* sub *Richardo* primo in *ultramarinis* gentibus terribile fuit, non affirmaverim. Acceptum potius à *Romanis* crediderim, qui diu *Aquila* usi sunt, postquam *Marius* lupi, *Minotauri*, *Equi*, &c. abdicasset signa, tandemque sub posterioribus Imperatoribus *Draconem* usurparunt. Unde *Claudianus*, *Hi picta Draconum colla levant*, & *Nemesianus*, *Signa micant, sinuatque truces levis aura Dracones*. Regesque Occidentalium Saxonum *Draconem* in vexillis gestasse *Hovedenus* docet. De alio autem Saxonum vexillo quod *Beda* *Tufæ* dixit, & *Reafan* *Danorum* nihil hic addam, ne longius à proposito abiisse videar.

Draco in vexillis Regum Angliæ. Gervasius Tilbarienfis. vexilla.

Tufa vexillum.

In eadem deinde ora quæ minus fecunda, & sylvis

Botereaux: sylvis nuda, mari obicitur, *Botereaux* castrum, corrupte *Boscastell* vulgo, à Dominis *Botereaux* conditum, qui tres bufones nigricantes scuto argenteo gestabant. Guilielmus *Botereaux* primus in hac familia emicuit, qui duxit Aliciam filiam Roberti *Corbet*, cujus soror amasia fuit regis Henrici primi, è qua ille Reginaldum Cornwalliæ Comitem suscepit. Ab hoc Guilielmo non interrupta serie undecim floruerunt. Ultimi vero unica filia Margareta Roberto Hungerfordo fuit enupta, per cujus posteros ad Hastingorum familiam devoluta est hæreditas, quæ aucta fuit & honorata nuptiis quas contraxerunt illi de *Botereaux* cum hæredibus nobilium familiarum de

Orig. 43.
E. 3. R. 12.

Moeles, S. *Laudo*, five S. *Lo*, & *Thweng*. Hinc in altum evecta terra ita ad Boream prominet, ut *xxiiii* milliaria hic in latitudine inter duo maria colligat regio, quæ hucusque in angustias quodammodo coarctata processit. In hac maxima latitudine *Stow* ad mare sedet, antiqua habitatio familiæ *Grenvilorum*, quæ sane generis antiquitate & claritate illustris: è qua Richardus regnante Guilielmo Rufo inter debellatores Glamorganæ in Wallia ob fortitudinem eminusit, & nuper alter eodem prænomine Richardus supra generis claritatem animi altitudine insignis, fortissime contra Hispanos ad *Azoros* insulas dimicans vitam profudit. Huic adjacet *Stratton* hortis & suo alio non obscurus mercatus, illique proximum *Lancells* nova habitatio antiquæ familiæ de *Calvo Monte*, five *Chaumont*.

Tamara fl.

TAMARA flumen, nunc *Tamar*, haud procul à Septentrionalis littore fontes hic aperiens, celer & fremens ad meridiem cursum agit, multis rivulorum alveis auctus, per *TAMARAM* opidum à Ptolemæo memoratum, nunc *Tamerton*, & à ripa remotius *Lanstuphadon*, id est, *Fanum Stephani*, vulgo *Launston*, opidulum nitidum cli-vo surgenti adfixum, quod è duobus Burgis, *Dunewet*, & *Newport* quasi coaluit. Primis Normanorum temporibus castrum hic posuit Guilielmus Comes Moritonii, Collegiumque habuit Canonicorum, ut constat ex Censuali Angliæ libro, ubi *Lanstunetun* dicitur, à Collegio illo proculdubio in S. Stephani honorem extructo, quod in monasterium, circa annum *1150*, convertit Reginaldus Comes Cornwalliæ. Cui operi Episcopi Exonienses humano affectu plus nimis abducti & seducti, infensus adversabantur, dum suæ jurisdictioni anxie timerent, ne aliquando esset sedes Episcopi. Hodie publico provinciæ carcere, & sæpe *Astis*, quas vocamus, est notissimum.

Inde editum montem longe protentum suspicit Tamara * *Hengestoun* Marianus vocat, *Hengistike montem* interpretatur, vulgo *Hengston-bill* dicitur. Qui stanni venis fatis olim fecundus, locusque solennis, ubi septimo vel octavo quoque anno Cornwalliæ & Devonix Metallici frequentes convenire & suis de rebus consilium inire soliti. Ad hunc anno salutis *Dcccxxxi* Britanni Danmonii qui adscitis in auxilium Danis in Devoniam irrupturi, ut Anglos qui jam occupant, exturbarent, miseranda strage ab Egberto Rege fere ad internecionem sunt occisi. Inferius juxta *Salt-esse* emporiolum in collis

Britannia.

dejectu positum, quod suum habet Majorem, & privilegia, ut modo dixi, Liverum fluvium, ad quem illud S. Germani opidum, de quo antea, admittit Tamara. Iamque aquis diffusior in Oceanum exit, portum efficiens *Tamersworth* in vita Indracti dictum: cum Cornubiam à Devoniam determinaverit. Hunc enim Athelstanus rex (qui primus Anglorum regum hanc regionem sui juris plene fecit) limitem inter Britannos Cornubienses, & suos Anglos statuit, postquam è Devoniam Britannos submovisset, ut testatur *Malmesburien*sis, qui *Tamar* vocat. Unde Alexander Nechamus in Divinæ sapientiæ laudibus,

*Loegria Tamaris divisor Cornubiæque
Indigenas ditat pinguibus isciis.*

Locus hic postulat ut de *Vrfula* summa sanctitate virgine hinc oriunda, & *xi* millibus virginum Britannicarum aliquid attexam. Sed scriptorum varietas dum alii sub Gratiano Imp. circa annum salutis *383*, in Germaniæ littore ad Armericam navigantes, alii ab Attila Hunno illo Dei flagello ad annum *450*, Colonia ad Rhenum Roma redeuntes martyrio affectas tradunt, historiæ veritatem in fabulæ suspicionem apud nonnullos attraxit. De Constantino autem illo, quem *immunda Leene Danmonia tyrannicum catulum* vocat *Gildas*, & de hujus universi Comitatus *deafforestatione* sub Rege Ioanne, antea enim *Foresta* censēbatur, dicant historici, instituti enim non est mei.

Ad Comites quod spectat, è Britannici sanguinis Comitibus solum Candorus, aliis *Cadocus*, ultimus Cornwalliæ Comes à recentioribus memoratur, qui, ut Heraldicæ artis periti tradunt, clypeum nigrum *xv* globulis aureis inspersum gerebat. E Normannico autem sanguine Comes primus erat Robertus Moritonius Guilielmi Conquæstoris ex Herlotta matre frater, cui successit Guilielmus filius. Qui cum à Roberto Normanno contra Henricum primum Angliæ Regem staret, in prælio captus & libertatem & honores amisit, suffectusque postea in ejus locum ab Henrico II, cum bellum in Stephanum pararet, Reginaldus Regis Henrici primi filius illegitimus (eam enim Rex ille dedit operam liberis, ut tredecim illegitimos progenuerit.) Cum Reginaldus sine masculis legitimis diem obiisset, Henricus II, assignatis filiabus ejus prædiis quibusdam, Comitatum hunc sibi retinuit in usum Ioannis filioli sui tunc novennis, cui frater Richardus Primus postea cum aliis Comitibus contulit. Ioannes autem postea Angliæ Rex fuit inauguratus, filiusque ejus secundo-genitus Richardus à fratre Rege Henrico III, hoc honore & Comitatu Pictavenfi fuit ornatus, Princeps sane eo sæculo potens, erga Deum religiosus, ad bella fortis, ad consilia prudens, qui in Aquitania res fortiter & feliciter gessit, in terram sanctam profectus Saracenos ad inducias compulit, Apuliæ regnum à Papa oblatum respuit, tumultus in Anglia subinde composuit, & in Regem Romanorum *1257*, per nonnullos è Germaniæ Septemviris electus, atque Aquisgrani coronatus. Vnde quasi pecunia viam sibi munivisset, pervulgatus versiculus,

Nummus ait pro me nubit Cornubia Roma.

C c

Antea

S. Vrfula
& 11000
virgines.

Cornwalliæ
Comites.

Rob. de
Monte
1175.

Hengston,
id est,
equorum
collis.

Marianus
Scotus.
Salt-esse.

Tindagel.
Arthuri
locus na-
talis.

Architre-
nius.

Draco in
vexillis
Regum
Angliæ.
Gervasius
Tilburien-
sis.
vexilla.

Tufa ve-
xillum.

Arma Co-
mitum
Cornu-
biae.

* Bande
d' Or & d'
Azur à la
bordure
de Gueu-
les.
Memoria-
les d' A-
quitain.

Antea enim ita bene nummatus fuit, ut qui-
dam qui tunc vixit, prodiderit eum qualibet die
per decennium centum Marcas expendere po-
tuisse. Sed cum in Germania omnia intestinis
bellis flagrarent, in Angliam cito rediit, ubi de-
functus, & apud celebre monasterium de *Hales*,
quod extruxerat, sepultus, paulo postquam pri-
mogenitus filius Henr. è bello sacro redux Vi-
terbii in Italia, in æde sacra, dum sacris devotus
interesset, à Guidone de *Monteforti* Simonis Co-
mitis Leicestrensis filio, patris ulciscendi causa,
nefarie fuit occisus. Successit igitur in Cornwal-
lia Comitatu Edmundus filius secundogenitus,
quo sine liberis demortuo, amplissima ejus hæ-
reditas ad Regem Edwardum primum rediit,
utique qui *proximus consanguineus & hæres* (ut ju-
ridici nostri loquuntur) *inventus*. Cum autem
Richardus ille, & filius Edmundus è stirpe re-
gia Angliæ fuerint, & diversis tamen à Regiæ
stirpis insignibus, sc. in Clypeo argenteo Leo-
ne rubro insurgente & coronato, intra limbum
nigrum globulis, sive *Bizantinis* bullatum, usi sint,
subinde cum aliis sum demiratus. Nec aliam fa-
ne rationem asserere possum, nisi quod illi re-
giam Gallorum familiam in hoc (à Gallis enim
hæc insignium ratio ad nos promanavit) sint
imitati. Filii enim Regum Galliaë natu minores
ad hæc usque tempora, alia quam regia gesta-
runt insignia, ut in familia Veromandua, Dru-
densi, Courteneia videre est, atque ut Robertus
Dux Burgundiæ, frater Henrici primi Regis
Galliarum antiquum Burgundiæ Ducum Scu-
tum assumpsit; ita hic Richardus cum Comita-
tu Pictonum ab Henrico III, fratre accepit,
set, Leonem illum rubrum coronatum assum-
pisse, quod priorum erat Pictonum Comitum,
ut tradunt scriptores Galli, & limbum illum bul-
latum ex antiquo Comitum Cornubiæ clypeo
addidisse existimare licet. Quamprimum enim

juniores Regum Franciæ filii Regia insignia
cum quibusdam differentiis gestare cœperint,
itidem apud nos factum est, & primum ab Ed-
wardi Primi liberis. Sed quo ego mei immemor
meo studio delectatus à proposito abripior?
Cum in sacrum regni patrimonium recidisset
Cornwallia, Edwardus Secundus, qui latifundia
hic à patre acceperat, Comitum Cornwalliaë ti-
tulum Petro Gavestono Vasconi contulit, qui
ejus adolescentiam corruptelarum illecebris ir-
retierat. Cum autem ille ob principem corru-
ptum, & alia scelera capite à proceribus inter-
ceptus truncaretur; successit Ioannes de *Elham*,
Edwardi II filius natu minor, quo juvene, &
etiam sine sobole mortuo, Edwardus III Corn-
walliam in Ducatum erexit, Edwardumque fili-
um suum bellicis laudibus principem cumulatis-
simum, anno Christi MCCCXXXVI, Ducem
Cornwalliaë *per sertum in capite, annulum in digito, &*
virgam argenteam investivit. Ex quo tempore, ut
hoc ex publica fide adnotem, (Iurisperiti autem
judicent) filius Regis Angliæ primogenitus, Dux
natus Cornwalliaë habetur, & ex speciali Actu su-
perinde promulgato, primo natiuitatis sue die majoris &
perfectæ præsumitur ætatis, sic quod liberationem dicti Du-
catus eo die petere valeat, ac de jure obtinere debet, ac si
xxi annorum ætatis plena fuisset. Habetque sua jura
Regalia in actionum quibusdam formulis, re-
bus metallicis, naufragorum bonis, portoriis,
&c. variosque ministros ad hæc & hujusmodi
assignatos. Sed hæc planius & plenius docuit
Richardus Carew de *Anthony*, non minus gene-
ris splendore, quam virtute & doctrina nobilis,
qui hujus regionis descriptionem latiore specie,
& non ad tenue eliminavit, quemque mihi prælu-
xisse non possum non agnoscere.

Duces
Cornwal-
liae.

Orig. 35.
H. 6.

Sunt in hoc Comitatu parochia 161.



D E N S H I R E.



Interior, quam dixi, Danmo-
niorum regio, *Denshire* vul-
go nunc vocatur, Britan-
nis Cornwallensibus *Deuman*,
Cambro-Britannis *Duffneynt*,
id est, depressæ valles, quod
inferius in convallibus passim
habitatur, Anglo-Saxonibus

Devenschire, unde facta Latina appellatio *Devo-*
nia, & contracta illa, qua vulgus hominum uti-
tur, *Denshire*, & neutiquam à Danis, ut scioli
quidam acerrime contendunt. Regio quæ ut
majori latitudinis incremento utrinque quam
Cornwallia excurrit, ita utrinque portubus ac-
cincta commodioribus, nec minus stanni venis
dives, præsertim qua Occidentem spectat, præ-
tis distincta lætioribus, sylvis vestita frequentio-
ribus, ædificiis oppidisque refertissima: gleba au-
tem alicubi perinde exili, quæ tamen benignius
colono respondet, si rei rusticæ prudentiam,
agendi voluntatem, & impendendi facultatem
conferre possit. Nec alibi fere in Anglia majore
impensam terra exigit, plurimis enim locis
quodammodo sterilefcit, nisi arena è mari in-
spargatur, quæ ad fecunditatem efficax, quasi
animam glebis infundit, unde in locis à littore
remotioribus carius emitur.

Arena
fecunda.

In hac describenda primum Occiduum latus,
quod Tamara perstringit, inde Australe, quod
Oceano incumbit, perlustrabo: ab hoc per
Orientalem limitem, quo Dorcestriam, & Som-
mersetiam attingit, ad Septentrionale litus,
quod Sabriniano freto urgetur, me recipiam.

Lidford.

TAMARA, qui regiones has determinat, pri-
mum ab hac parte *Lid* fluviolum ab ortu hospiti-
tio excipit, ad quem *Lidston*, emporium tene-
tue, & *Lidford* nunc viculus, oppidum olim cele-
bre Danico turbine, anno 997, gravissime con-
cussum. Quod (ut in illo libro, quo Angliæ lus-
trum condidit Guil. Primus, scribitur) non alio
tempore, nec alia ratione quam Londinum cen-
seri solebat. *Lid* ille fluviolus hic ad pontem ru-
pibus coarctatus se præcipitem in tantam pro-
funditatem indies excavando agit, ut aqua non
videatur, tantum murmur, non sine magna præ-
tereuntium admiratione, inaudiat.

Lidfl.

Tavistoke.
Charta
fundatio-
nis.

Inferius *Teavum* fluviolum recipit Tamara, ad
quem *Teavistoke*, vulgo *Tavistoke* floret, cœno-
bio quondam celebre, quod Ordulphus filius
Ordgari Comitis Devonæ cælesti visione ad-
monitus circa annum Servatoris Christi 961 ex-
struxit. *Locus*, ut inquit Malmesburienfis, *amæ-*
nus opportunitate nemorum, copiosa piscium captura, Ec-
clesiæ congruente fabrica, fluvialibus ripis per officinas de-
currentibus, qui suo impetu effusi quicquid invenerint su-
perfluum deferunt. Rumoribus ibi Sanctus predicatur, &
jacet Episcopus. Cerniturque in eodem monasterio sepul-
chrum Ordgari illius, spectaculoque ducitur enormitas
Mausolei filii ejus, Ordulfus is vocatus est, giganteæ mo-
lis, & immanis roboris: utpote qui portarum repa-
gula perfringere, & fluviolum decem pedes la-
tum divaricatis pedibus continuare poterat, si

Britannia.

fidem Guiliemo illi adhibere libeat. Sed tricesi-
mus tertius ab hoc condito vix agebatur annus,
cum Danica incensum tempestate deflagrarit.
Reffloruit tamen, laudabilique instituto, avitæ
nostræ linguæ, Anglo-Saxonicam dico, quæ
jam in defuetudinem abiit, lectiones in hoc us-
que ad patrum memoriam habebantur, ne
quod nunc fere evenit, hujus linguæ cognitio
intercideret. Recepto jam Teavo Tamara pro-
xime suum ostium accedit, ubi *Plimus* fluviolus se
una in Oceanum evolvit, nomenque oppido in-
cumbenti *Plimmouth* fecit, quod olim *Sutton* di-
ctum, duplexque fuisse videtur, in Actis enim
Parlamentariis legimus *Sutton Vautort*, & *Sutton*
Prior, quod partim ad familiam de *Valletorta*, par-
tim ad Priorem spectavit. Superiori seculo ex vi-
culo piscatorio in oppidum amplum, civiumque
frequentia urbis æmulum, quale nunc cernitur,
excrevit: portusque commoditas hoc effecit, qui
maxima navigia in sinum minime deductis velis
admittit, tutissimamque stationem navibus
quantumvis magnis, tam in Tamara, quam *Plim-*
mo præbet: & ad vim hostilem arcendam satis
est munitus. In medio enim ostio insula S. Mi-
chaëlis præjacet, quæ & suas munitiones habet.
Ipse vero portus ad oppidum utraque ex parte
munitur, & catena interposita, cum opus fuerit,
clauditur, molesque ad Austrum objicitur, & in
colle proximo castrum à *Valletortis*, ut creditur,
positum. In quatuor tribus totum est descri-
ptum, *Wardes*, id est, *Custodias*, nostra lingua voca-
mus, quibus omnibus *Major*, sive Prætor præfi-
citur, ab Henrico Sexto constitutus, & sub eo
singulis tribubus *Capitaneus* quondam præpositus
erat, quorum quilibet, & suos pedaneos magi-
stratus habuit. De fabulosa illa Corinæi cum *Gog-*
magog Gigante, hoc in loco colluctatione, sat sit,
unum & alterum ex Architreneo de Gigantibus
nostris versiculum adjungere:

Prælectio-
nes linguæ
Saxonice.

Plimmouth
13. Hen. 4.

Gogma-
gog.

Hos avidum belli robur Corinæus Averno
Præcipes misit, cubitis ter quatuor altum
Gogmagog Herculeæ suspendit in aëra lucta;
Anthæumque suum scopulo detrusit in aquor.
Potavitque dato Thetis ebria sanguine fluctus,
Divisumque tulit mare corpus, Cerberus umbram.

Scopulus vero ille, è quo Gigantem detrusum
ferunt, *The Haw* nunc dicitur, qui collis est inter
oppidum, & Oceanum interjectus, in cujus sum-
mitate, quæ in amœnissimam planitiem sterni-
tur, gratissimus undiquaque patet prospectus,
& in navigantium usum Index nauticus, quem
Compassum dicunt, longe pulcherrimus erigitur.
Non magna est hujus amplitudo, maxima tamen
nominis dignitas apud omnes gentes; nec tam
ob portus commoditatem, quam incolarum vir-
tutem. Hinc enim, ut alios taceam, erat Fran-
ciscus ille Dracus Eques auratus, in gloria navali
nostræ memoriæ facile princeps. Qui primum
ut damna quæ ab Hispanis pertulerat, relarciret,
ut ex ipso audiui, Mexicanum sinum toto bien-
nio victoriis quasi obsedit, Isthmumque illum
Darienæ peragravit, unde cum Australe (quod

Francis-
cus Drake.

D d vocant

vocant Hispani) mare prospexisset, ut Themistocles Miltiadis trophæis excitatus, sibi patriæ, & suæ gloriæ deesse existimavit, nisi perlustraret, ita animo semper obversabatur. Anno igitur 1577 hinc solvens mare illud per Magellanicum fretum ingressus, orbem terrarum inter varias fortunæ vicissitudines biennio, & decem mensibus, Deo Duce, Virtute comite, à Magellano secundus circumnavigavit. Vnde quidam ad eum,

*Drake, pererrati novit quem terminus orbis,
Quemque semel mundi vidit uterque polus;
Si taceant homines, facient te sidera notum,
Sol nescit comitis immemor esse sui.*

Reliquas ejus res gestas & aliorum qui hinc orti navali gloria floruerunt, cum non hujus sint loci, scribant historici. Nec aliud est quod hic attexam, nisi regnante Guilielmo Rufo, Ealphegum Sacerdotem eruditum, & conjugatum hic floruisse. Ante annum enim M. C. II. sacerdotibus uxores in Anglia interdictæ non fuerunt. Tunc Anselmus Archiepiscopus Cantuariensis sacris literis, & naturæ vim intulit, ut conquerruntur ejus ævi scriptores nostri, & Henricus Huntingdonensis diserte de Anselmo, *Anglorum sacerdotibus uxores antea non prohibitas prohibuit. Quod quibusdam mundissimum visum, quibusdam periculosissimum; ne dum munditias viribus majores appeterent, in immunditias horribiles ad Christiani nominis summum dedecus inciderent.*

Vxores
sacerdoti-
bus in
Anglia
primum
interdi-
ctæ.

Plimpton.

Interius non procul à Plimo flumine sedet Plimpton forum satis frequens, ubi reliquæ, deformesque ruinæ castri se ostendunt, de quo plurimi quasi clientelari jure, vel ut Iurisperiti nostri loquuntur, in *Castle garde* tenuerunt. Vtpote sedes erat primaria *Redversiorum*, sive *Ripariorum* (utrunque enim legitur) qui Barones erant de Plimpton, & Devonix Comites. Huic proximum erat Plimpton S. Mary, cujus gloria tunc concidit cum non ita pridem Canonicorum collegium cecidit, quod Guilielmus *Warlewast* Episcopus Exoniensis jam olim condiderat. Magis ad ortum *Modbery* cernitur, oppidum exiguum, quod ad antiquam *Campernulpborum*, qui etiam de *Campo Arnulphi*, (*Champernouns* vulgus vocat,) familiam Equestri splendore claram spectare se agnoscit, quæ plurimum splendoris ex hærede de *Valletorta* accepit.

Modbery.
Champernoun.

* Stert,
Cauda
Germanis.

Testa Ne-
villi.

Totnes.

A Plimi ostio, unde littus australe hujus regionis incipit, spatiosa grandi fronte procedit regio usque ad * *Stert* promontorium (hoc enim significat Anglo-Saxonicum illud) sed quamprimum se reduxit littus, *Dert* fluvius erumpit, qui ex interiori regionis parte scatens, per squalida montana, *Dertmore* inde dicta, in quibus magnetes nuper sunt inventi, dejectus ruit; arenasque ex fodinis, quæ sensim alveum opplent, devolvit per *Forestam de Dertmore*, ubi *David de Sciredu* tenuit terras in *Sciredun*, & *Siplegh*, per servitium inveniendi duas sagittas, cum Dominus Rex venerit venari in illa foresta. Inde per *Dertinton* Baroniam quondam *Martinorum*, qui Domini de *Keimes* in Wallia, usque ad *Totnes* decurrit. Quod vetustum oppidulum in declivi collis ab Occasu in Ortum propendens, magno olim honore floruit. Non geldabat (ut est in Censuali Angliæ libro) nisi

quando *Exonia* geldabat, & tunc reddit xld. & serviebat, si expeditio vadit vel per terram vel per mare; & *Totenefia* *Barneftaple*, & *Lidford* serviebat, quantum *Exonia* reddebat. Ioannes Rex Majoris pro summo magistratu eligendi potestatem concessit, & *Edwardus Primus* variis libertatibus adauxit, posteaque fuit castro, ut credunt incolæ, à *Zouchæis* munitum. Possessio quondam erat *Iudealis*, qui de *Totenais* dictus, postea *Guilielmi Briver* viri nobilissimi, per cujus filiarum alteram ad *Breos*, & ab illis per filiam itidem ad *Georgium de Cantelupo* Dominum de *Abergeuemy*, cujus soror *Melicenta* *Eudoni de la Zouch* elocata suis nuptiis ad Barones *Zouchæos* transtulit, eorumque fuit, donec *Ioanne Barone Zouchæo* proscripto, quod *Richardus Tertius* partes fovisset, *Petro Edgcomb* viro nobili, & prudenti, ut accepi, elargiretur *Henricus VII.* Adjungitur huic oppido *Berie Pomery*, à *Pomeriis* nobili inprimis hoc tractu familia, quæ paulo magis ad ortum suum castrum perelegans habuit à ripa remotius. Hi genus repetunt à *Radulpho de Pomery* qui *Guilielmi Conquæstoris* tempore tenuit *Wich*, *Dunwinesdon*, *Braxwerdine*, *Pudeford*, *Horewood*, *Toriland*, *Helecom*, & hanc *Berie*, &c. Ab hoc *Totnes*, littus vicinum olim *Totonesum* dictum fuit, Brutumque illum Britannicæ gentis authorem ad hoc appulisse Britannica tradit historia, *Havillanulque* ut Poëta illam sequutus, cecinit,

*Inde dato cursu, Brutus comitatus Achate,
Gallorum spoliis cumularis navibus aquor
Exarat, & superis, auraque faventibus usus,
Littora sælices intrat Totonesia portus.*

Pomery.

In Archi-
trenio.

Sed ille *Dert*, quem dixi, fluvius, cum *Totonesi* pontem reliquerit, ad quem arenas è fodinis una devolutas exaggerat: nihil præter fertiles agros utrinque videt, donec fessus ad ostium devenierit, cui colle porrecto imminet *Dertmouth*, ex portus commoditate, quem castella duo defendunt, mercatoribus & instructissimis navibus frequens. Prætozem habet à rege *Edwardo Tertio* concessum. *Zouchæos*, *Nicolaum de Toukesbury*, *Brientiosque* pro temporum varietate dominos quondam agnovit, seque subinde contra Gallos strenue defendit. Anno enim Christi MCCCXIII, Dominus de *Castell* Gallus, qui commercia hoc tractu latrociniis percluserat, & *Plimmouth* succenderat, dum hunc locum invaderet, à rusticis, & mulierculis interceptus, atque cum suis interfectus. Neque hic silendum *Stoke-Fleming*, quod adjacet, & à nobili *Flandrensi* ejus quondam Domino ita denominatum, per *Mohuni* filiam ad *Carewos* devenit.

Dert-
mouth.

T Wal-
singham.
Stoke
Fleming.

Hinc refugientia ad Septentriones mare subsequitur littora, magnoque secessu sinus admittitur, qui x plus minus mill. pass. in circuitu coligit, *Torbay* hodie dicimus, qui navibus admodum securo statio, cum spiret *Notolibycus*, viculumque eodem nomine adpositum habet, *Brueorum* quondam sedem, qui *Richardus Primus* & *Ioannis* temporibus magni nominis fuerunt, & postea *Wakorum*. Iuxta est *Cokington*, ubi *Cariorum* familia, alia ab illa *Careworum*, jam diu magna claritate floruit, è qua Barones *Hunsdonia*, de quibus suo loco, profluxerunt. Paulo superius *Hacombe* cernitur quondam habitatio *Iordani*

Torbay.
Tormo-
unt.

Carye de
Cocking-
ton.
Hacombe.

nis

nis *Fith-Stephens* Equitis aurati, hinc de *Hacombe* denominati, per cujus filiam *Ceciliam* in *Archidiaconorum* familiam devenit, à qua itidem per *Hugonem Courteney* ad *Carewos* decursu temporis devoluta est, quorum familia in his regionibus admodum clara & numerosa habetur. Iana enim filia *Hugonis* illius, & hæres matris *Nicolao Baroni Carew* nupta plures peperit liberos, quorum natu maximus *Thomas*, cum minus reverenter matrem haberet, transcripsit illa patrimonium admodum opulentum in tres filios minores natu, (è quibus tres illæ familiæ *Careworum* de *Hacombe*, *Anthony*, & *Bery* sunt ortæ) & *Ioannem Vere* è secundo marito filium, à quo *Comites Oxoniæ*.

Inde *Teignemouth* viculus ad ostium *Teigni* flu. unde & nomen, occurrit, ad quod *Dani*, qui ad *Britanniæ* situm, & aditum explorandum præmissi erant, primum circa annum *Salutis* D CCC egressi, occisoque loci præfecto omen futuræ victoriæ ceperunt, quam postea per universam insulam summa cum immanitate exercuerunt. Interius prope *Teigni* scaturiginem sedet *Chegford*, ubi floruit quondam familia clara de *Proxys*, inde *Chidley*, quod amplæ familiæ de *Chydley* suum nomen impertiit, & proxime ostium *Bishops Teignton*, sic appellatū quod ad *Episcopos* spectarit, in quo, quia erat asyllum, *Ioannes* de *Grandifono* *Burgundus* *Episcopus Exoniensis* quasi præfagus futuri, pulcherrimas ædes extruxit, ut haberent successores (ex ejus testamento loquor) ubi caput suum reclinarent, si forte in manum regis eorum *Temporalia* caperentur. Verū tantū abfuit, ut consiliū ejus expleretur, ut successores, & his ædibus & aliis fere omnino jam exciderint.

Ad sextum inde milliæ *ISCA* fl. cujus meminit *Ptolemæus*, *Britannis Isc*, *Anglo-Saxonibus* *Ex* dictus, magno ostio in *Oceanum* se immitit. An hoc nomen accepit ab *Isca*, quæ *Sambucos* *Britannis* denotat, plane nescio. Sunt qui ab *arundinibus*, quas *Britanni Hesk* vocant, deducunt, & quarum tegulo *Septentrionales* populi, ut *Britanni*, tecta operiebant, & navium commissuras ferruminabant. Sed cum *arundines* hic non inveniuntur, assensum cohibeo. Hic flu. fontes habet in *Exmore* squallenti & infœcundo juxta *Sabrinianum* fretum solo, quod magna ex parte *Somerfetten* censetur agri, & in quo nonnulla visuntur antiqui operis monumenta, videlicet saxa alibi in triangulum, alibi in orbem disposita, & inter ea unum *Anglo-Saxonice*, vel potius *Danicis* literis inscriptum, ad dirigendum eos, ut videtur, qui illac iter haberent. *Ex*, sive *ISCA* illic primum ad *Austrum* delabens per *Twisfordton*, à vado duplici dictum, nunc *Teverton*, cui gloriæ & quæstui pannificium, campos satis lætos perstringit, duobusque præcipuis augetur fluviois, *Credeno* ab Occidente, & *Columbo* ab Oriente. Ad *Credenum* in primitiva *Anglorum* Ecclesia sedes floruit *Episcopalis* in ejusdem cognominis oppido *Cridiantun*, nunc contraße *Kirton*, quod natale solum *Winifridi* illius, sive *Bonifacii*, qui *Hessos*, *Thuringos*, & *Frisios* *Germaniæ* ad *Christum* convertit: nunc tantum mercatu minus frequent, & *Exoniensis* *Episcopi* ædibus notum; patrum autem memoria multo notius erat Collegio duodecim *Præbendariorum*, qui jam evanuerunt. *Columbus* fl. qui ab Oriente venit, *Columbton* oppidulum, quod suo nomini adoptavit, ab *Alfredo* Rege filio suo juniore olim testamento legat.

Britannia.

tum alluit; & prope *Poltimore* sedem claræ & perantiquæ familiæ de *Bamfield Iscæ* aquis commiscetur. Iamque *Isca* grandior, sed divortis ludens magna cum molarum opportunitate, *ISCA* urbem allabatur, cui nomen relinquit. Vnde *Alexander Nechamus*:

Exoniæ fama celeberrimus Iscia nomen

Præbuit. —

Urbs hæc *ISCA* *Ptolemæo* dicitur, *Antonino ISCA DVNMONIORVM*, pro *DANMONIORVM*, aliis falso *Augusta*, quasi legio *Secunda Augusta* ibi egisset, cum illam *ISCÆ* *Silurum* stationum egisse infra docebitur, *Anglo-Saxonibus* *Exancearþen*, atque *Monketon*, à *Monachis*, hodie *Excester*, *Latinis Exonia*, *Britannis Caerisk*, *Caeruth*, & *Pencaer*, id est *Vrbs primaria*. *Caer* enim, ut semel hoc admoneam, apud nostros *Britannos* urbem sonat, unde *Hierosolymam Caer Salem*, *Lutetiam Caer Paris*, *Romam Caer Ruffayne* appellitant. Sic *Carthago* *Punica* lingua, *Cartheia*, teste *Solino*, dicebatur, id est, *Nova civitas*. *Syris* itidem *Caer* urbem significasse accepimus, à quibus cum totum terrarum orbem incolis refertum fuisse in confesso sit, linguam quoque posteris reliquisse, tanquam futurarum matricem probabile videatur. *Vrbs ista*, ut inquit *Malmesburien*sis, licet solum adjacens humidum, & squallidum vix steriles arenas, & plerumque inane folliculum sine grano producat, tamen sua magnificentia, incolarum opulentia, & convenarum frequentia, omne ita abundat commercium, ut nihil ibi frustra desideres, quod usui esse existimes. Sedet autem ad *Orientalem Iscæ* ripam, molli & clementer edito colle ad *Orientem*, & *Occidentem* declivi, fossis & mœnibus fortissimis cincta, turribus frequenter interpositis, ambituque suo M. D. passus colligit, longe hinc inde procurentibus suburbiis, ecclesiasque parochiales x v numerat, & in ipsa altissima parte prope portam *Orientalem* castrum habet *Rugemount* dictum, quondam *Regum West-saxoniarum*, postea *Comitum Cornwalliæ* sedem; nunc tantū antiquitate, & situ commendatum. Subjectæ enim urbi, & regioni undique minatur, perjucundoque; fruitur in mare prospectu. In *Orientali* urbis parte ecclesia primaria cernitur, speciosis ædibus circumsepta, ab *Athelstano* rege, ut privata loci historia testatur, *Divo Petro* fundata, monachisque; referta, quam demum, monachis *Westmonasterium* traductis, episcopali dignitate *Edwardus Confessor* ornavit, *Cornubiensi*, & *Credien*si sedibus huc translatis; *Leofricum*que *Britonem* primum constituit *Episcopum*, cujus successores templū & ædificiis & reditibus adauxerunt, *Guilielmus*que *Bruier*, qui ab eo nonus, monachis emotis, *Decanum*, & *xxiii* *Præbendarios* induxit. Quo seculo floruit qui hinc oriundus & cognominatus *Iosephus Iscanus* splendidissimo ingenio Poëta, cujus scripta ita probantur, ut ad veterum scriptorum laudem pervenerint. Ejus etenim de bello *Trojano* poema *Germani* semel atque iterum sub *Corneli Nepotis* nomine divulgavit.

Quo tempore *Isca* in *Romani* imperii jus concessit, non certe constat, tantum enim abest, ut à *Vespasiano* expugnatam affirmarim, quod *Galfr. Monumethensis* asserit, cum sub *Claudii Imperatoris* auspiciis in *Britannia*, ut inquit *Suetonius*, fatis monstraretur: ut vix dum fuisse conditam existimem: *Antoninorum* tamen temporibus factis celebris videatur, ad hanc enim, nec ulterius

E e

sua

Careworum familia.

Dani primum Britanniam ingressi. Chegford. Chidley. B. Teignton.

Isca fl.

Plinius.

Saxa antiqua.

Tiverton.

Winifridus Germanorum Apostolus.

Poltimore.

Isca Danmoniorum. Excester.

Caer quid significat.

224.

Iosephus Iscanus.

Corn. Nepos.

Guil.
Malun.

sua itinera hac in parte profecutus est Antoninus. In Anglo-Saxonum potestatem, ante annum cccclxv ab eorum in Britanniam ingressu plene non devenit. Tunc enim temporis, Athelstanus Britannos, qui æquo antea jure cum Saxonibus urbem incoluissent, tota civitate deturbavit, ultra Tamaram submovit, urbemque vallo, muro ex quadrato lapide, & propugnaculis circumdedit. Ex quo tempore, plurimis beneficiis à regibus fuit affecta, & inter alia, ut in regis Guil. Victoris libro legimus: *Hæc civitas non geldabat, nisi quando Londinum, Eboracum, & Vintonia, hoc erat dimidium Marce argenti ad opus militis. Quando autem expeditio ibat per mare aut terram, serviebat quantum quinque hide.* Variis item afflictata fuit subinde ruinis, Danica dilacerata rabie, anno reparata salutis 875, sed gravissime à Suenone Dano, anno salutis 1003 perfidia Hugonis cujusdam Normanni urbis præfecti, ab Orientali ad Occidentalem portam prostrata: vixque reflorescere cœperat, cum Guilielmus Conquæstor arctissima obsidione incingeret, nec satis habuere cives eo tempore portas claudere, sed procacibus etiam verbis in ipsum jaculati sunt: verum decidente muri parte (quod divinitus obtigisse historici ejus ævi referunt) deditio statim subsequuta. Quæ tempestate (ut est in Censuali illo libro) *Rex habuit in hac civitate 300 domos, reddebat quindecim libras per annum. Quadraginta octo domus destructæ erant postquam Rex venit in Angliam.* Postea tribus obsidionibus pressa fuit, quas tamen omnes facile elusit. Prima ab Hugone Courtneō Devonix Comite, bello illo intestino inter familiam Lancastrensem & Eboracensem: altera à Perkino Warbecco imaginario, & scenico principe, qui ultimæ fortis juvenis Richardum Ducem Eboracensem Regis Edwardi IV secundum filium se ementitus periculosum bellum concitavit; tertia à seditiosis Cornwallensibus, anno Christi M. D. xlix cum cives omni rerum inopia gravissime conflictati, in fide perstiterunt, donec Ioannes Baro Russellius illos obsidione exemerit.

Weare.

Ch. 24.
E 3.Exoniæ
Duces.

Sed ex his hostibus non tantum damni fecit Isca, quantum ex molibus quibusdam, (*Vveares* vocant) quas Isca fluminis alveo Edwardus Courtenæus Comes Devonix civibus infensior objecit, quæ omnem ad urbem aditum ita navibus præcludunt, ut merces jam inde à viculo *Towpesham* tribus ab urbe milliaribus terrestri itinere deferantur; nec submoventur illæ moles, licet Parliamentaria jusserit autoritas. Hinc oppidulum adjacens *Vveare* dicitur cum antea *Henaton*, quæ olim possessio fuit Augustini de *Baa*, à quo hæreditario devenit ad Ioannem de *Holand*, qui in sigillo, quod ipse vidi, leonem ore obverso inter lilia insurgentem gestavit. Politia hujus urbis est penes xxiii, è quibus singulis annis Major eligitur, qui cum quatuor Ballivis Rempublicam hic administrat. Antiquæ Tabulæ Oxonienses, quod ad Geographicam rationem spectat, hanc longitudine xix graduum, xi scrupulorum: latitudine l. gr. xl scrup. definierunt.

Vrbs hæc, ne omittam, suos Duces habuit. Richardus enim Rex Angliæ ejus nominis Secundus Ioannem *Holand*, Huntingdoniæ Comitem, qui frater sibi uterinus, primum Exoniæ Ducem creavit, quem Henricus IV de hoc gradu dejecit, nomenque Comitis Huntingdoniæ illi

tantum reliquit, quod statim securi percussus una cum vita amisit. Annis aliquot interjectis, in ejus locum Thomam de *Beaufort* Dorcestriæ Comitem è familia Lancastrensi bellicis laudibus affluentem suffecit Henricus Quintus. Eo sine sobole defuncto, Ioannes *Holand* Ioannis jam dicti filius (ut hæres Richardo fratri qui obiit sine liberis, & patri) in integrum restitutus beneficio Henrici Sexti paternum recepit honorem, eundemque reliquit filio Henrico, qui dum res stetit Lancastrensi summo honore floruit, postea cum Eboracenses rerum potirentur, documento fuit quam male magnæ credatur fortunæ. Hic enim ille Henricus Exoniæ Dux, qui etsi Regis Edwardi Quarti sororem duxerat, eo miseriæ adactus, ut laceris vestibus, nudisque pedibus in Belgio victum quærere visus fuerit. Demumque post prælium Barnettense in quo contra Edwardum IV strenue pugnavit, non comparuit, donec cadaver ejus quasi naufragi in littus Cantianum ejectum fuisset. Satis longo post tempore habuit suum Exonia Marchionem Henricum Courtenæum ex Catharina filia Regis Edwardi Quarti natum, eo honore ab Henrico VIII exornatum. Sed huic Marchioni, ut primo Duci, magna fortuna magnam concitavit tempestatem, quæ illum rerum novarum studio abreptum cito subvertit. Quia enim inter alia Reginaldum Polum (qui postea Cardinalis) ex Anglia transfugam apud Imperatorem, & Pontificem contra patriam & Regem, qui jam ab Ecclesia Romana defecerat, res novas molientem & re & consilio juverat, in judicium tractus, & condemnatus cum nonnullis aliis capite luit. Nunc autem titulo Comitis Exoniæ beneficio Regis Iacobi gaudet Thomas Cecilius Baro *Burghley*, vir vere bonus & optimo patre non indignus filius, scilicet primogenitus Guilielmi Cecilii Baronis *Burghley* magni Angliæ Thesaurarii, cujus prudentia tranquillitatis Angliæ diu fuit propugnaculum.

Hinc ad ipsum ostium nihil est antiquæ memoriæ præter *Exminster*, quondam *Exanminister*, ab Ælfredo Rege filio juniore legatum, & *Pouderham* castrum ab Isabella de *Ripariis* constructum, prænobilis familiæ Equestris Courtenæorum jam diu sedem, qui è stirpe Comitum Devonix prognati, & amplissimis familiis affinitate conjuncti etiamnum tantis majoribus dignissimi efflorent. Ipsi autem ostio ad alteram ripam quod ipso nomine attestatur, adsidet *Exanmouth* non alia re notum quam ipso nomine, & piscatorum habitatione.

Magis ad ortum *Ottery*, id est, *Fluvius Lutrorum*, five *Canum fluxatilium*, quos *Otters* vocamus, ut è nominis significatione videatur, in mare prolabitur, qui *Honnyton* itinerantibus in has partes non ignotum oppidum subluit, nomenque suum locis nonnullis communicat. Inter quæ celebriora sunt supra *Honnyton*, *Mobuns-Ottery*, olim *Mohun* hunarum à quibus ad Carewos jure conjugali devenit: infra *Honnyton*, (prope *Holcombe* ubi incolit Equestris familia *Le Denis* quæ originem & nomen ad Danos refert) *S. Mariæ Ottery*, sic appellatum à Collegio S. Mariæ quod Iohannes de *Grandi sono* Episcopus Exoniensis statuit, qui omnium Ecclesiasticorum virorum in sua Diocesi facultates ad se converterat. Persuaserat enim ut testamentis in ipsum omnia sua transcriberent, utpote qui in pios usus conferret ecclesiis dotandis, Xen-

Ph. Co-
minæus
Cap. 50.Exoniæ
Marchio.Exoniæ
Comes.
1605.Pouder-
ham.

Exmouth.

Ottery.

Honny-
ton.Moridu-
num.Wiscom-
Vide in
Comitat-
Somerse-Armin-
ster.Regi-
strum
de New-
wenham.Herculis
Promon-
torium.Guil.
Malm.

Dinham.

An Her-
cules Bri-
tanniam
adiert.

Xenodochiis; Collegiisque construendis, quod sane pie præstitisse ferunt.

Ab *Ottery* ostio anfractuose in eorum procurrit litus per *Budley*, *Sidmouth*, & *Seaton* portus olim nobiles, quibus arena reciproco fluctuum meatu congesta ita obtenditur, ut hanc commoditatem pene omnino jam eripuerit. *Seaton* autem MORIDVNVM illud Antonini esse quod inter DVNO-VARIAM & ISCAM ponitur, (si modo liber non sit mendosus) RIDVNVMQVE nomine truncato in Tabula Peutegeriana dicitur, cum ex distantia ratione, tum ex nominis significatione conjectarim, *Moridunum* enim Britannis idem plane est quod *Seaton* Anglis, scilicet *Oppidum in colle ad mare*. Huic adjacet *Wiscombe* memorandum, quod sibi incolam habuit Guilielmum Baronem *Bonevill*, cujus hæres *Cecilia* suis nuptiis titulos Domini *Bonevill*, & *Harrington* cum lauta in hoc tractu hæreditate ad Thomam Greium Marchionem Dorsettiæ attulit.

Moridunum.

Wiscomb. Vide in Comitatu Somerset.

Axminster.

Registrum de Newenham.

Herculis Promontorium.

Guil. Malm.

Dinham.

An Hercules Britanniam adierit.

Sub his *Ax* fluvius tenui admodum alveo se exonerat, quum *Axanminster* alluerit oppidum Saxonicorum Principum qui in prælio illo atroci ad *Brunaburg* cæsi & huc translati, tumulis tantummodo in antiquis historiis celebre, & in ipso provinciæ limite situm. Sub quo *Reginaldus Mohun* de *Dunster*, cui Manerium de *Axminster* hæreditario jure per quartam filiam Guilielmi de *Briewer* accidit, Abbatiam de *Newenham* anno salutis 1246 construxit. Hinc enim Orientalis limes per ignobiles vicos oblique tendit ad fretum *Sabrinianum*, quod nunc legamus.

Primum vero à *Cornwallia* litus, quod se in *Sabrinianum* fretum longe exporrigit HERCVLIS PROMONTORIUM Ptolemæo dicitur, nominisque tantillum conservat *Hertypoint* hodie dictum: oppidulaque habet *Herton*, & *Hertlond* Nectani viri sancti reliquiis olim clarum. In cujus honorem monasteriolum hic erexit *Githa* Godwini Comitissæ uxor, quæ Nectani in primis coluit, eo quod ejus meritis maritum efferatam tempestatem evasisse sibi persuaserat. Postea tamen *Dinanti*, qui & *Dinham* dicti è *Britannia Armorica* oriundi quibus in feudum obtigit, fundatores sunt habiti; è quibus oriundus Baro *Dinham* magnus Angliæ Thesaurarius sub Henrico VII per cujus sorores & hæredes divisa est hæreditas inter *Zouchæum*, *Fitzwarrinum*, *Carew*, & *Arundellum*.

Hujus promontorii nomen fidem fabulæ admodum speciosæ fecit, *Herculem* nimirum in *Britanniam* advenisse & nescio quos Gigantes debellasse. At verum si sit, quod *Mythiologi* asserunt, *Herculem* nullum fuisse, sed per eum humanæ sapientiæ vim denotari, qua superbiam, libidinem, invidiam, & id genus monstra superamus: vel si per *Herculem*, *Solem*, ut *Gentium Theologi*, & duodecim illos labores ab *Hercule* exantlatos, x i i notare signa *Zodiaci* volunt, quæ *Sol* annuo cursu permeat, viderint ipsi quid dixerint. Ego tamen *Herculem* fuisse libens credo, imo cum *Varrone*, vel *XLIII* concederem, quorum omnium gesta uni *Alcmenæ* filio adscribunt; in animum tamen inducere non possum *Herculem* huc penetrasse, nisi forte poculo illo Oceanum navigarit quod *Nereus* sibi dederat, de quo *Athenæus*. At inquires, *Franciscus Philelphus* in epistolis, & *Lilius Giraldus* in *Hercule* suo illud affirmavit. Ignosce quæso, scriptores illi

recentiores me movere, sed non demovere possunt, quum *Diodorus Siculus* ex ultima antiquitatis memoria Græcorum res persecutus, disertis verbis asserat, nec *Herculem*, nec *Liberum patrem unquam Britanniam adisse*. Quare persuasissimum mihi est *Herculis* nomen huic loco inditum, vel à Græcorum vanitate, vel à Britannorum religione. Hi (gens bellicosissima) fortes viros maxima cum admiratione suspexerunt, & monstrorum domitores summo loco habuerunt, illi autem quicquid ubiq; magnificum in *Herculis* claritatem retulerunt, & quonam ille multum peregrinatus est, qui peregrinabantur, illi sacra facere soliti sunt, eidemq; loca ad quæ appulerunt, consecrare. Hinc apud *Campanos* *Herculis petra*, apud *Ligures* *Herculis portus*, apud *Germanos* *Herculis lucus*, apud *Mauritanos*, *Galatas*, & *Britannos* *Herculis promontoria*.

Recedente ab hoc *Herculis* promontorio litore, uno ostio, duo, quæ sola sunt in hac Septentrionali ora, flumina se effundunt, *Towridge* scilicet & *Taw*. *Towridge* non procul ab *Herculis* promontorio, quod dixi, ortus, in Orientem alveum agit, *Ockumque* recipiens qui *Ockhamptonia* mercatorio oppidulo nomen fecit, ubi *Baldwinus Vicecomes* suum castrum habuit tempore *Guilielmi Conquæstoris*, ut constat ex *Censuali Angliæ* libro, subito flexus Septentriones petit per *Towington*, cui nomen impertit, collis supercilio illi longo tractu imminens; & *Bediford* hominum frequentia, ponteque saxeo arcuato opere satis celebre, statimque *Taw* se insinuat, qui è regionis meditullio profusus per *Chimligh* mercatorium oppidulum non procul à *Chettelhampton* viculo ubi *Hierytha* inter Sanctas relata requievit, primum defertur. Indeque *Tawton* præterlapsus, ubi *Wernstanus* & *Putta* primi *Devoniæ* Episcopi, circa annum salutis 906 sederunt, & *Tawstoke* huic oppositum, nunc sedem honoratissimi Comitissæ *Bathoniæ*, ad *Berslaple* properat. Hæc antiquioris notæ habetur, & ob elegantiam ac frequentiam facile primas in hac ora tenet, semicirculi forma ad fluvium quasi Diametrum inter colles adfiscens. Qui singulis noviluniis & pleniluniis intumescente Oceano ita agris superfunditur, ut ipsum oppidum peninsula videatur; cum vero, ut inquit ille, se æquor refundit in æquor, ita tenuis ut parvis navigiis ferendis fere impar sit, inter arenas sinuoso cursu diffusus. Ad Austrum pontem habet magnificum à *Stamfordo* cive *Londonensi* constructum, ad Septentrionem qua *North Eyre* amniculus confluit, visuntur castris reliquiæ, quod vulgo *Athelstanum Regem*, alii *Iudaëlem* de *Totenais* posuisse tradunt, ad quod defendendum prædia nonnulla circumvicina in *Castle-garde* jure feudi tenentur. Mœnibus autem incinctum erat, quorum vix tantilla supersunt vestigia. *Iudaël* ille de *Totenais* dono accepit clientelari jure à Rege *Guilielmo* primo, inde *Tracii* satis longo tempore tenuerunt, post *Martini*, deinde *Rich.* secundo regnante ad *Ioannem Holland Huntingdoniæ* Comitem devenit, qui postea *Dux Exoniæ*, & postremo in Regium patrimonium. *Maria* autem Regina *Manerium*, ut vocant *jurisconsulti* nostri, *Thomæ Marrow* donavit, cujus filius divendidit. Regnante *Guilielmo* primo, ut est in *Censuali Angliæ* libro, *Quadragesima Burghenses* intra *Burgum*, & novem extra habuit. *Henricus* primus multis privilegiis munivit, & *Ioannes*

Domesday.

Bediford.

I. Hooker de Episcopis Exon. Berslaple.

Ioan. Ie-
wel. Th.
Harding.

Ralegh.

Kinuith.

Danorum
vexillum.Comb
quid si-
gnificat.
Nicotius.

Bampton.

Paganelli
sive Pay-
nell.Devoniæ
Comites.Regi-
strum
Monaste-
rii For-
dentis.

Rex pluribus. Prætozem & duos Ballivos longo tempore habuit, Maria vero Regina Prætozem, duos *Aldermannos*, & Senatum ex viginti quatuor constituit. Incolæ sunt maximam partem mercatores, qui in Gallia & Hispania magnam mercaturam exercent. Nec tacendum est quod ex huius schola duo doctissimi viri & nominatissimi Theologi, Ioannes Iewellus Episcopus Sarisburiensis, & Thomas Hardingus professor Lovaniensis, qui acerrime pro veritate religionis utrinque scriptis acutissimis sunt digladiati.

Hinc Tawus *Ralegh*, quæ olim nobiles sui nominis habuit Dominos, nunc claræ familiæ de *Chichester* cognominatæ possessionem salutans, & postea Towridgi aquis auctior Sabrinianum mare petit; sed *Kinuith* castrum cuius meminit Asferius non invenit. Ad hoc enim littus, ejus nominis castrum erat situ terrarum ab omni parte præterquam ob ortu tutissimum, ad quod, Anno Christi DCCCLXXIX Hubba Danus, qui multis cladibus Anglos fatigarat, confossus occubuit. Locus deinceps *Hubbestow* ab historicis nostris vocatur. Vexilloque Danorum, *Reafan* dicto, tunc potiti sunt Angli. Quod lubentius adnoto, quia ex fabella apud Asferium Menevensen, qui hæc prodidit, colligi potest, Danos corvo pro insignibus usos fuisse, quem invicto (ut putabant) omine, Lothbroci Danici filias in vexillo acupinxisse tradiderunt.

Nihil deinceps in Septentrionali hoc littore visitur præter *Ilfarcomb*, quæ statio est navium satis fida, & huic contermina *Combmarion* sub qua veteres plumbi fodinæ non sine argenti venis nuper sunt apertæ, *Comb* vero, ut semel adnotem, quæ usitata est adjectio locorum nominibus in hoc tractu, situm depressiorem aut convallem denotat, deductumque videatur à *Kum* Britanorum, quod idem significat, & Galli adhuc eadem significatione sua lingua retinent.

Hinc magis ad Euro-aultrum proxime Somersetenses ostendit se *Bampton*, olim *Baentum* quæ sub Guilielmo Conquæstore obtrigit Waltero de *Doway* sive Duacensi, cum amplissimis alibi latifundiis: è cuius posteris Iuliana hæres nupta Guilielmo Paganello vulgo *Paynell* peperit Fulconem de *Bampton*, ille suscepit Guilielmum, & Christianam uxorem *Cogani* ex Hibernia, cujus posterii successerunt, cum soboles Guilielmi sine liberis diem obiisset. A *Cogani* vero ad *Bourchieros* nunc Bathoniæ Comites, per *Hancfordum* & *Fitz-Vvarinos* tandem possessio hæreditario descendit.

In prima Normannici imperii infantia (ut taceam Hugonem Normannum, quem Emma Regina huic regioni antea præfecerat) Rex Guilielmus Primus Baldwinum quendam hæreditarium Devoniæ Vicecomitem, Baronemque de *Okehampton* instituit, cui Vicecomitis honore Richardus filius successit, qui sine prole mascula obiit. Rex Henricus Primus deinde *Richardo de Redueris* primo *Tiverton*, ac postea honorem de *Plimpton* cum aliis locis ad eundem pertinentibus contulit, in Comitumque Devoniæ, tertium denarium annui exitus ejusdem Comitatus illi concedendo, eum consequenter creavit. Exitus autem Comitatus qui tunc ad Regem pertinebat ad 30 Marcas tantum se extendebat, de quibus dictus Comes 10 Marcas annuatim in partem suam assumebat. Post hæc insulam *Veete* à dicto rege obtinuit, unde Comes Devoniæ & Dominus Insulæ nuncupatus erat. Ille autem

procreavit Baldwinum, qui cum à Matilde Augusta contra Sthephanum staret, in exilium projectus. Richardus tamen filius paternum hunc honorem recuperavit, qui duos filios reliquit Baldwinum & Richardum, suo ordine Devoniæ Comites, & sine prole defunctos. Recidit ergo honor ad eorum patruum Guilielmum de *Vernon* dictum. Ille vero Baldwinum genuit, qui ante patrem obiit, cum tamen ex Margareta Gwarrini *Fitz-geroldi* filia Baldwinum ejus nominis tertium, Devoniæ Comitem prius suscepisset. Hic duos habuit liberos Baldwinum ultimum ex hac familia Comitem sine sobole defunctum, (qui Gryphem prementem bestiolam quo in sigillo majores usi sunt, in aureum scutum cum leone cyaneo erecto mutavit,) & Isabellam, quæ enupta Guilielmo de *Fortibus* Comiti *Albemarle* filium Thomam, qui statim mortuus, & Avellinam peperit, quæ Edmundo Lancastrensi Comiti in uxorem data maritum magnis opibus ditavit. Sed cum illa statim sine liberis obiisset, Hugonem Courtenæum regio (ut scribunt) Francorum sanguine natum, cognationeque superioribus Comitibus connexum Rex Edwardus III missis literis, nulla adhibita cæremonia Devoniæ Comitem creavit; jussit enim ut hoc titulo uteretur. Illi successit Hugo filius, post quem Edwardus ejus è filio Edwardo nepos sequutus est, Hugonique filio moriens reliquit, ille itidem Thomæ filio qui obiit anno xxxvi Regis Henrici Sexti. Thomas ille tres filios suscepit, Thomam, Henricum, & Ioannem, quorum fortuna, flagrantibus inter Lancastrenses & Eboracenses funestis diffidiis, multum jactata fuit, dum à Lancastrensis obfirmato animo starent. Thomas capite plexus est Eboraci, Henricus frater qui successit, septimo post anno eandem poenam Sarisburie subivit. Et quamvis Rex Edwardus Quartus Humfredum *Stafford* Dominum *Stafford* de *Suthwick* in Devoniæ Comitem evexerit, qui eodem anno diem obiit, Ioannes tamen Courtenæus fratrum minimus natu hunc titulum, donec in prælio ad *Tewkesbury* ceciderit, mordicus tenuit. Iam inde satis longo tempore hæc familia quodammodo extincta jacuit; sub Henrico tamen Septimo reffloruit, qui Edwardum Courtenæum proximum hæredem masculum ad avitos honores denuo evocavit. Hic genuit Guilielmum Devoniæ Comitem, qui Catharinam Regis Edwardi Quarti filiam in uxorem duxit, è qua suscepit Henricum Comitem Devoniæ, eundemque Marchionem Exoniæ capite sub Henrico Octavo truncatum, cujus filius Edwardus in integrum à Maria Regina restitutus, nobilissimus, & optimæ spei adolescens immatura morte Patavii in Italia obiit. Optimi enim quique (ut Quadrigarii verbo utar) minime diurnant. Anno vero ab ejus morte quadragresimo sexto Iacobus Rex Carolum *Blunt* Baronem *Montioye* Hiberniæ Proregem, ut antiqua nobilitate, ita Imperatoriis artibus, & literarum ornamentis clarissimum, ob Hiberniam recuperatam & in pristinum statum redditam, pulsas Hispanis & rebellibus profligatis, aut in pacem receptis, Devoniæ Comitem creavit, honoribus cumulavit; & pro regia munificentia affluenter locupletavit, verum honorum & opum usuram mors statim invidit.

Continetur in hoc agro Parochiales ecclesiæ 394.

DVRO.

Claus. 9.
Edw. III.
m. 35. in
dorfo.

9. Edw. 4.

163.

D V R O T R I G E S .



Roximos Danmonius ad Solem orientem Ptolemaus in Geographicis Tabulis ΔΟΤΡΟΤΡΙΓΕΣ, ut ille Grace scripsit, qui Latinis exemplaribus DVROTRIGES statuit. Qui iudem Britannis, circa Annum Salutis DCCCXC, DWR-Gwyr, ut author est, qui tunc temporis vixit, & ipse natione Britannus, Asserius Menevensis; Anglo-Saxonibus Dor-settan, uti nobis eorum regio hodie Dorset, & Dorset-shire. Nomen illud antiquum, & mere Britannicum DVROTRIGES, à Dour, sive Dwr, quod Britannis Aquam, & Trig, quod Incolam denotat, probabili sane notatione deductum videatur, quasi Aquæ, sive Maris accolæ. Nec aliunde sane quam ab aqua petenda sunt illa in antiqua Gallia (quæ olim eadem quæ antiqua Britannica lingua) locorum nomina à Dur, sive Dour, incipientia, aut in eadem terminantia ut, DVROCASES, DVROCOTTORVM, DVRAIVS, DORDONIA, DVROLORVM, DOROMELLVM, DIVODVRVM, BREVIODVRVM, BATAVODVRVM, GANODVRVM, OCTODVRVM, & id genus quamplurima in Gallia, perinde ac in Britannia. Anglo-Saxonicum vero illud Dor-setta ex utraque lingua Britannica & Anglica conflatum, idem sensu & significatione quod DVROTRIGES valet. Setta enim majoribus nostris, ut ceteris Germanis, incolere, & insidere sonuit. Vnde Monticolas sua lingua Dunsettan, (Chilternicorum collium incolæ Cyltepn-settan: Arowi fluminis accolæ Arowsettan: uti Germani Nemorum incolæ Holtsetten dixerunt, quod inter nemora habitant. Nec ab antiqui nominis ratione abierunt Britanni, cum hos DVROTRIGES, de quibus agimus, Dwr-Gweir, id est, viri maritimi, appellaverint. Eorum enim regio longo tractu, scilicet per quinquaginta plus minus milliaria Mari Britannico obversa ab occasu in Ortum anfractuoso littore protensa jacet.

Dwr quid.

Setta quid.

D O R S E T - S H I R E .



Omitatus Dorsettiæ à Septentrione, agro Somersetensi, & Wiltoniensi, ab occasu, Devonienfi, ab Ortu, Sout-hantonensi terminatur, ab Austro, qua longissime procurrit, totus est maritimus: Oceano Britannico per quinquaginta plus minus milliaria, ut modo dixi, incumbens. Gleba vero est fertili, qua Septentriones spectat, sylvæ & saltus diffunduntur, unde crebris & herbidis collibus, qui numerosos ovium greges pascunt, gratis pascuis, & frugiferis convallibus ad littus usque descendit, quod nunc describendo legam, quum non alia commodior occurrit ratio.

Lime.

In ipso statim à Devonia limine Lyme, ab ejusdem nominis fluviolo præterfluente sic dictum, prærupto in colle oppidulum primum hoc littore se exhibet, quod vix portus nomen sibi vendicet, licet piscatoribus sit frequens, naviumque stationem (Cobbe vocant) subjectam habeat scopulis, & proceris arboribus à vi ventorum satis tutam. In antiquis libris vix nomen occurrit, solummodo legi Kinwulfum Regem dedisse his verbis anno Salutis DCCCLXXIII, Vnius mansionis terram Scireburnensi ecclesiæ, juxta Occidentalem ripam fl. Lim, haud procul à loco ubi meatus sui cursum in mare mergit, quatenus illic præfata ecclesiæ sal coqueretur, ad sustentationem multiformis necessitatis.

Car-mouth.

Iuxta Carrus fluvius se evomit, ubi Carmouth vi-

Britannia.

culus sedet, ad quam prædatoria Danorum audacia belli navalis fortuna prospere usâ, binas victorias ab Anglis reportavit: primum Ecberto Rege, anno Christi DCCCXXXI, & octavo post anno, Æthelwulfo superato. Inde in agro optimæ cannabis feraci Burtport, vel rectius Birtport, duobus fluviolis confluentibus interponitur, in quo Edwardi Confessoris tempore centum viginti domus, sub Guilielmo Primo (ut est in Censuali libro) centum tantummodo numerabantur. Funibus nauticis, & rudentibus duccendis jam pridem ita celebre fuit, ut privata, ad præfinitum tempus, lege cautum fuerit, non alibi funes, quibus Anglica classis uteretur, contorqueri. Nec hoc portus nomen tueri possit, licet in fluminis, quo alluitur, ostio collibus utrinque concluso, natura quasi consulto portum molita sit, & quodammodo efflagitet, ut ars, & opera adhibeatur.

Burtport. Cannabis optima.

Flexuoso hinc meatu longe se immittit littus, aggerque Chesill dictus, ex arenis agglomeratis, freto tenui interfuso, per ix mill. pass. obductus prætenditur, quem Auster, cum ingruit, plerumque interfcindit, & è contra Aquilo consolidat. Hoc aggere Portland quondam insula, nunc continenti adnectitur, cujus nominis ratio plane latet, nisi Portland sit dicta, quod portui Weymouth objaceat; sed à vero propius abest hoc nomen inditum fuisse à Port nobili Saxone, qui circa annum salutis DXXXII, hæc littora infestavit. Hæc Portlandia vergente Anglo-Saxonum impe-

Chesill.

Portland.

F f rio



Historia
Winton.

Ordalium
examinis
genus.

Isidis Pla-
comos.

Wey-
mouth.
Melcom-
be.

x1 Henr.
6.

Purbecke.

Corffe.

Odium
novercale.

rio (nec antea à scriptoribus memoratur) Dano-
rum rabiem, si qua alia, subinde experta est. Sed
Danico bello extincto, in Ecclesiâ Wintonien-
sis possessionem cessit. Cum enim Emma Edwar-
di Regis & Confessoris mater, cujus fama du-
bia, læsæ pudicitiae cum Aldwino Wintonienfi
Præsule infirmulata, in summo Wintoniæ templo
novem ignitos vomeres nudis pedibus illæsa
pressisset (quod *Ordalium* tunc dictum, & eo tem-
pore usitatum examinis genus erat) seque ita
purgasset, ut clariorem apud posteros tanto mi-
raculo pudicitiam fecisset: Illa in rei memoriam
Wintonienfi Ecclesiæ novem prædia, & Edwar-
dus filius poenitentia ductus, quod matrem in
tam iniquam quæstionem postulasset, hanc in-
sulam cum aliis redditibus donavit. Vix vxi mil-
liaria ambitu colligit, margine scopulis cellior
exsurgit, medio vero subsidet, sparsim habitatur,
frugum satis ferax, ovibus pascendis commoda,
sylvæ adeo indiga, ut fimo bubulo sole exsiccat
pro ignis fomite utatur. Incolæ saxæ funda li-
brandis omnium Anglorum peritissimi, interque
algas Isidis Plocamon sæpius reperiunt, qui, ut
author est Iuba Plinius, frutex est marinus co-
rallio non dissimilis, sine foliis, præcisus mutato
colore in nigrum durefcit, & cadens facile fran-
gitur. Ad Ortum unicam habet Ecclesiam, pau-
culasque contiguas domos; ad Septentrionem,
castrum ab Henrico VIII extructum, quod etiam
ingressum portus *Weymouth* defendit. Oppidulum
illud est ad *Wey* tenuis fluvioli ostium, cui è re-
gione altera ripa adsidet *Melcomb Regis* cognomi-
natum, portu tantum divisum. Portus tamen pri-
vilegia abjudicata fuerunt sententia Parlamen-
taria, postea tamen recuperata. Hæc quæ olim
suis seorsum superba privilegiis, æmula fuerunt,
nunc, quod in utriusque rem sit, Parlamentaria
authoritate coaluerunt, ponte nuper sunt con-
juncta, & ædificiis plurimum adaucta.

Inde recta littus porrigitur per *Purbecke* insu-
lam, quam vocant, magna ex parte ericetum, &
saltuosam, damis, cervisque refertam, quæ & suas
habet marmoris venas sub terra sparsas. In hujus
medio castrum vetus *Corffe* diu cum vetustate
colluctatum, jam victum tempori cedit, quod
novercalis odii testis admodum insignis. *Ælfri-*
tha enim, ut filio suo *Etheldredo* ad regnum
viam sterneret, in privignum Edwardum Anglo-
rum Regem, cum ipsam ex venatione hic invi-
seret, percussores immisit, ejusque cæde scelera-
tissima noverca oculos pavit. Quod mox sera
poenitentia, sanctimonialis habitu, & cœnobio-
rum extruptione eluere mirum in modum postea
sategit. *Purbecke* hæc insula vocatur, licet tantum
sit peninsula, quæ mari, nisi ab occasu, circum-
funditur; ad Ortum enim pelagus ripas infle-
ctit, & angusto admodum littorum divortio, cui
insula cum propugnaculo *Brenksey* dicto interius
objicitur, irrumpit, magnamque in latitudinem
sinum aperit. Ad cujus Boreale latus in Peninsula
Poole urbicula impendit, eo situ ut aquis sit
circumfusa, nisi à Septentrione, qua continenti
jungitur, & portam habet unicam. Nomen fa-
ctum existimare licet, quod sinus ille subjectus
quasi stagnum sedentibus aquis videatur, cujus-
modi *Poole* nostra lingua vocamus. Hæc superio-

ri sæculo è carecto, & pauculis piscatorum casu-
lis in frequens emporium, maximis opibus affa-
tim opulentum, ædificiisque exornatum pulchris
emicuit. Henricus VI, ex consensu Parlamenti,
portus privilegia, quæ *Melcomba* abstulerat,
huic concessit, *Majorique* permisit, ut mœnibus
includeret, quæ postea ad portum inchoavit
Richardus ille Tertius, qui inter pessimos vi-
ros, sed optimos Reges suo merito connume-
randus. Verum jam inde nescio quo fato, vel po-
tius qua incolarum socordia languit, adeo ut ra-
rius habitata, ipsa ædificia hodie fatiscant.

In hujus sinus Occidentalem angulum *Frome* Frome fl.
nobile hujus tractus flumen evolvitur, sic vulgus
dicit, Anglo-Saxones vero, teste *Asserio*, *Frau*
dixerunt, unde fortasse cum sinus iste *Fraumouth*
olim diceretur, crediderunt posteri *Frome* esse
flumini nomen. Fontes hoc habet ad *Erarshott*,
prope occiduum hujus Comitatus limitem, un-
de in Ortum aquas agit per *Frompton*, cui nomen
impertit, & rivulum à Septentrione admittit
per *Cerne* monasterium defluentem, quod ædifi- Cerne.
cavit *Augustinus* ille Anglorum Apostolus, cum
Heil Gentilium Anglo-Saxonum idolum ibi com-
minuisset, superstitionumque tenebras fugasset.
Sub hoc aliquanto inferius *Frau* sive *Frome* (utrum
maius accipe) insulam spargit & vetustum in pri-
mis oppidum invisit, quod *Antonini* Itinerario
DVRNOVARIA, id est, *Fluminis trajetus*, dicitur,
Ptolemæo pro exemplarium varietate *DVR-*
NIVM, & *DVNIVM* falso nominari videtur.
Hoc primarium totius Comitatus censetur
oppidum, nec magnum tamen, nec speciosum,
mœnibus Danorum jam olim furore nudatum,
qui passim circa oppidum tumulos quosdam ag-
gesserunt. Vetustatis autem expressa vestigia in-
dies ostendit, viæ scilicet militaris, sive Prætoriae
aggerem, & Romanorum Imperatorum nummos
æreos, & argenteos, *Dorni Regis* denarios vulgus
hominum ibi vocat, quem oppidi conditorem
fuisse ex nomine suavissime somniant. Et ad al-
terum milliare in colle vallum, & aggeres non
parvo ambitu cernuntur, *Maiden-castle* vocant,
quæ Romanorum fuisse æstiva facile agnoscas.
Gravissimum autem vulnus tunc accepit cum
Sueno importuna crudelitate bellum Danicum
redintegrasset, & *Hugo* Normannus vir animo
perfido, qui his regionibus præfuit, omnia agi,
rapi pateretur. Qui tamen status ejus fuerit pri-
mis Normannorum temporibus, habe si placet,
ex Censuali Angliæ descriptione: *In Dorchestre*
tempore Edwardi Regis erant centum septuaginta domus,
hæc pro omni servitio Regis se defendebant, & geldabant
pro decem hidis, sed ad opus Huscarlium unam marcæ ar-
genti, exceptis consuetudinibus, quæ pertinent ad firmam
noctis. Ibi erant duo monetarii. Modo sunt ibi octoginta
duæ domus, & centum penitus destructæ à tempore Hugo-
nis Vicecomitis. Hæc si obscuriora videantur, ut
Sextus Cæcilius in re simili dixit, non culpæ scri-
bentium, sed inscitæ non assequeuntium affi-
gentur.

Hic *Fromus* *Woodford* allabitur, ubi olim *Gui-* woodford.
do de Brient militari laude celebris suum habuit
castellulum: quod postea fuit habitatio *Hum-*
fredi Stafford de *Sutwick*, per cujus alteram hæ- Strang-
redem ad *T. Strangwaies* (ut accepi) devenit, qui waies.
ex

ex Lancaſtrenſi agro oriundus opimam adivit hac in parte hæreditatem, & pulcherrimas ad *Milbery* ædes ejus proles extruxit. Inde præterfluit *Byndon*, Saxonice à *Beanoun* (quod & ſuum habuit monaſterium) ubi *Kinegiſſus*, anno 614, ancipiti bello Britannoſ vicit. Iampridem Domini de *Marney* villa erat, nunc Vicecomitis titulum honorarium præbet Thomæ *Howard* Georgiani ordinis Equiti, cujus patrem Thomam, filium ſecundo-genitum Thomæ *Howard* ejus nominis ſecundi, Ducis Norfolciæ R. Elizabetha Vicecomitem *Howard* de *Bindon* creavit, cum ille ducta in uxorem filia & hærede Baronis *Marney* peramplam Newbourorum hæreditatem hic creviſſet. Hi qui de *Novoburgo* & vulgo *Newborough* nominati genus à filio minori Henrici Comitis Warwici primi è ſtirpe Normannica deduxerunt; & tenuerunt hic *Vinfrott* cum tota Centuria ex dono Regis Henr. Primi, per ſervitium *Camerarii* (ex libro Inquiſitionum loquor) in capite de Domino Rege. Sub Edwardo autem tertio legi hoc teneri per *Seriantiam*, videlicet lavatorium tenendo ad lavationem Domini Regis in die Coronationis. Radulphus etiam *Moien* tenuit Manerium proximum de *Owres* per ſervitium *Seriantia* de *Coquina*, dono itidem Regis Henrici Primi, & R. de *Vvelles* Manerium de *Vvelles* adjunctum à Conqueſtu Angliæ per ſervitium piſtoris. Sed hæc obiter.

Ubi *Fromus* in ſinum illum ad quem *Pole* aſſidet ſe exonerat, juxta ipſum oſtium *Warham* imponitur, Saxonice *Weapeham*, oppidum tutiſſimo undique ſitu, niſi ab Occaſu, ab aliis partibus fluminibus *Trento*, *Fromo*, & mari circumſeptum, Edwardi Confeſſoris tempore, ut eſt in Cenſuali illo libro, c. XLVIII domos, & duos monetarios habuit; ſed Guilielmo victore regnante, ſeptuaginta tantum domos numeravit. Deinde tamen reſloruit, & murorum ambitu, officina monetaria, civium frequentia, & caſtro munitiſſimo, quod Guilielmus ille primus conſtruxit, uſque ad Henrici ſecundi tempora florentiſſimum erat. Iam inde bellis, fortuitis incendiis, marique paulatim portus commoditatem ſubducente, tantum non concidit, & allium copioſe in ipſo antiqui oppidi ſinu profundit. Hoc etiam oſtio una ſe eſcit *Trento* fluviolus Aſſerio dictus, nunc vero accolis *Piddle*, à cujus Septentrionali ripa vix ad tertium milliare parietinas vetuſti cœnobii *Middleton* vidimus, quod *Athelſtanus* rex fundavit, ut fratris *Edwini* manes expiaret, cui & regnum, & vitam præripuerat. Cum enim ſolicita illa regnandi cupiditas omnem juſtitia memoriam ex animo extirpaſſet, miſerum adoleſcentulum regni hæredem deſignatum cum ſervulo actuariæ omnibus armamentis nudatæ commiſit, ut quod ipſe delinqueret, undis adſcriberet, qui dolore victus, & ſui impotens inde ſe præcipitem in mare immiſit. Sub hoc *Middleton* effunditur etiam rivulus alter qui *Bere* tenuem mercatum alluit, ubi longo tempore ſedem habuit antiqua illa & celebris familia *De Turbida-villa*, vulgo *Turber-vill*.

Middle-
ton.
Beare.

Turber-
vill.

Cæterum ut regrediamur ad Occiduam agri partem. Ad *Fromi* fontes, qua gleba eſt fecundiffima, *Blackmore* ſaltus olim arboribus denſus, nunc rarior, copioſam admodum præbet venationem. Hic vulgatiore nomine *The Forreſt of white* *Britannia*.

hart dicitur, id eſt, *Candidi cervi Forreſta*. Nominis rationem hanc à majoribus acceptam referunt incolæ, Regem Henricum Tertium huc venatum veniſſe, cum alias cepiſſet damas, cervo pulcherrimo peperciffe, quem poſtea T. de la *Lynde* hoc tractu nobilis cum ſuis cepit & occidit; verum quam periculoſum fuerit leonem vellicare, illi ſtatim ſenſerunt. Rex enim iram in illos acerbioſem concepit, ingenti pecuniæ ſumma mulctavit, & ipſa prædia quæ illi tenuerunt ad hanc uſque diem quotannis mulctæ nomine pecuniam in fiſcum regium perſolvunt, quæ *White hart Sytver*, id eſt, *Candidi cervi argentum*, appellatur. Huic ſaltui adjunctum eſt oppidum *Schirburn*, quod & *Schirburn caſtrum* dicitur, olim & *Scpebun*, hoc eſt, ſi interpretaris, *Fons limpidus*, vel ut alibi ſcribitur, *Fons clarus*, in collis devexo poſitum, *habitantium frequentia*, & *poſitionis gratia*, ut inquit *Malmesburienſis*, *ſuave*; nunc vero totius hujus Comitatus frequentiſſimum eſt, & lanificio maximum quæſtum facit. Anno reparatæ ſalutis DCCIIII, ſedes hic Episcopalis conſtituta. *Aldelmus*que primus conſecratus Episcopus, poſtea regnante *Ethelredo* *Hermannus* Episcopus *Sunningenſis* hunc Episcopatum conſequutus huc cathedram Episcopalem tranſtulit, & Episcopatum *Sunningenſem* huic conjunxit, quam ſub Guilielmo *Conqueſtore* *Sariſburiam* idem tranſtulit, *Schirburnam*que ſuis ſucceſſoribus, ad quos etiamnum ſpectat, in ſucceſſum reſervavit, è quibus *Rogerus* caſtellum munitum conſtruxit in Orientali ejus parte, cui palus ampla & multa piſcium vivaria olim ſubjecta, nunc oppleta in lætiſſimum pratum convertuntur. Eccleſia vero, quæ cathedram Episcopalem habuit ſtatim à translatione ad cœnobium recidit, magnamque vetuſtatis ſpeciem præ ſe fert, quamvis non multis ante annis, tumultu inter cives & religioſos exorto deſlagrarit, quod aduſtus in faxis color etiamnum planiſſime loquitur. Sub hoc *Irell* fl. de quo alibi dicemus, crebriori flexu ſubinde curvatus, in occaſum prolabitur ad *Clifton* quondam ſedem ſtirpis de *Maulbauch*, à qua hæreditario ad Equeſtrem Horſeiorum familiam deſcendit, ubi *Somerſettenſem* provinciam ſubintrat.

Forreſt of
whit hart.

White hart
Sytver.

Schirburne.

Clifton

Shaftes-
bury.

Aquila
vaticin-
ium.

Magis ad Ortum *Stoure* flumen clariſſimus deſertur, tincarum, & anguillarum inprimis fecundum, è ſex fontibus in agro *Wilton*. exoriens ad *Stourton* ſedem Baronum de *Stourton*. Vbi primum hunc agrum intraverit; *Gillingham* ſaltum interfuit, in quo *Edmundus* cognomine *Ferreum latus* Danos memorabili prælio fudit. Et à tertio millari *Shaftbury* ſalutat edito colli aſſixum, Britannis olim *Caer Paladur*, ut falſo putat vulgus, & *Septonia*, Saxonibus *ſceapterbýnſ*, forſitan à *Pyramide ſacra*, quæ illis *Scheaft* dicebatur. Paulo ante Normannica tempora domos c. IIII & tres monetarios habuit, ut in libro illo quem ſæpe dixi, legimus. Poſtea que magis monaſterio. Sanctimoniialiū, quod mulier pientiſſima *Elfgiva* uxor *Edmundi*, qui fuit pronepos Regis *Ælfredi*, poſuerat, & decem plus minus eccleſ. paroch. floruit. Verum *Aquila* vaticinantis de Britannici imperii converſione fabella hiftoricis noſtris locus hic eſt notiſſimus. Nonnulli enim *Aquilam* avem, alii

G g

virum

virum Aquilam dictum, Britannicum imperium, post Saxones, & Normannos ad veteres Britan- nos denuo recasurum hic prædixisse volunt, qui vel Saturno hoc esse vetustius contendunt, cum tamen ab Alfredo constructum fuisse sit certo certius. Malmesburienſis enim Historicus ſua ætate lapidem vetuſtum ex muri ruinis in San- ctimoniæ Capitulum tranſlatum prodidit, ſic inſcriptum,

ANNO DOMINICÆ INCARNATIONIS ÆLFREDVS REX FECIT HANC VRBEM DCCCLXXX. REGNI SVI VIII.

Hanc inſcriptionem lubentius ad veritatem aſſerendam adjuñxi, quod in omnibus, quæ vi- di, exemplaribus, deſideratur, præterquam uno ſolo Domini Burghlæi ſummi Angliæ Theſau- rarii.

Baro Ho- ward de Marnhill. Stour- minſter. Inde Stourus per Marnhill, unde Henricus Ho- ward titulum Baronis Howard de Marnhill, priuſquam Comitſ Northantonæ illuſtraretur, accepit, Stourminſter petit, id eſt, Monasterium ad Stourum. Exile oppidum humiliore ſitu, cui ponte ſaxeo conjungitur Newton caſtrum, ubi moles magno labore aggeſta eminet, ſed caſtri ne tantillum præter nomen ſuper eſt. De his nihil antiquius occurrit quam quod Ælfredus Rex Stourminſter filio ſuo juniore legaverit. In proximo ad Silleſton duo ſatis magni ſurgunt colles, alter Hameldon, alter Hodde dictus, uterque triplici vallo firmatus. Nec longe, locum deſignare non poſſum, fuit Okeford caput Baronæ Roberti filii Pagani, vulgo Fitz-Payne, qui filiam duxit Guidonis de Brient, qui etiam Baronis honore hoc occiduo tractu, ſub Rege Edwardo III, floruit, ſed de- ficientibus Fitz-Painorum maſculis ad Poyningos ea etiam ætate Barones, & per eorum filiam tan- dem, regnante Henrico VI, in Perciis Northum- briæ Comitibus hi tituli Baronum Fitz-Payne, Brient, & Poyningſ coaluerunt. Patrum tamen me- moria, beneficio Henrici VIII, Baronis Poyningſ dignitas in Th. Poyningſ viro bellicoſo & illegiti- mæ proliſ ſecundo reſloruit, & ſtatim cum illo evanuit.

Blandford Hinc per Briſton, id eſt, Brientii oppidum, ſedem antiquæ equeſtris familiæ Rogerſiorum, Bland- ford forum adit Stourus, quod ex quo noſtra me- moria fortuito igne deſlagavit, elegantius ſur- rexit, & habitatoribus eſt frequentius. Inde per Tarrent, ubi virginibus ſacris Richardus Poërius Sarisburienſis Epicoſpus poſuit monaſteriolum, citato curſu ad antiquiſſimum oppidum VINDO- GLADIAM, cujus meminit Antoninus, prope- rat Stourus. Quod Saxonice pynburnham, vul- go VVinburne, & à monaſterio VVinburnminſter, ex- acſteque hinc ad Dorcheſter xvi milliaria nume- rantur, quot inter VINDOGLADIAM, & DVROVARIAM interponit Antonini Itine- rarium. Nomen vero à ſitu factum conjicio, quod inter duo flumina interſidet. VVindugledy enim Britanniæ inter duos gladios ſonat. Fluvios au- tem à Britannis gladios peculiari phraſi appella- ri, Milfordici portus nomen Britannicum Aber- duglediau docet, id eſt, Oſtium duorum gladiorum, eo quod duo flumina Clediau, id eſt, Gladii dicta, in- fluunt. Nomen item recentius à fluminibus du-

etum videtur, Win-burne enim coaluit à particula antiqui nominis Vin, & Saxonico Burne, quod il- lis rivum ſignificat, & ejus adjectione ſoliti ſunt Saxones loca ad flumina denominare. Oppidum ipſum ad collis ramentum ſedet, amplum & ma- gna habitorum multitudine reſertum. Saxoni- co ſæculo celeberrimum fuit, nec alia, credo, de cauſa, quam quod Romanæ majeſtatis tunc temporis præ ſe tulerit indicia. Anno DCCXIII, Cuthburgo Inæ Occidentalium Saxonum Regis ſoror, cum conjugii pertaſa viro ſuo Northum- briæ Regi repudium miſiſſet, Monasterium virgi- nibus hic poſuit; quod cum tempore ceſſiſſet, nova eo loci ſurrexit Eccleſia cum pulchra ſub choro crypta, & pyramide, præter turrem ſa- cram, excelsa, in quam introducti pro virginibus Præbendarii. Quibus patrum memoria præfuit Reginaldus Polus Decanus, qui poſtea Cardina- lis, & Archiepiſcopus Cantuarienſis, ſupra ſa- miæ ſplendorem (regio enim ſanguine natus erat) pietatiſ, prudentiæ, & eloquentiæ gloria inprimis floruit. Etheldredus Rex princeps lon- ge optimus frater Alfredi in prælio ad VVittin- gham contra Danos caſus, in hoc templo condi- tur, ad cujus tumulum, qui non ita pridem re- ſtauratus, hæc legitur inſcriptio,

IN HOC LOCO QUIESCIT CORPUS S. ETHELDREDI REGIS WESTSAXO- NUM MARTYRIS, QUI ANNO DO- MINI DCCCLXXII. XXIII. APRILIS PER MANUS DANORUM PAGANO- RUM OCCUBUIT.

Iuxta quem ſita eſt Gertrudis Marchioniſſa Exoniæ, mater Edwardi Courtenæi poſtremi ex ea familia Comitſ Devonæ; & ex altera parte chori Ioannes de Beaufort Dux Somerſetti cum uxore, cujus filia Margareta Comitſſa Rich- mondiæ mater Henrici VII, princeps pientif- ſima ſcholam hic erudiendæ juventuti inſtituit. Sed à templo ad oppidum ſtylum vertam. Cum Dani malis artibus Anglos inter ſe bello com- mittere conarentur, & conjunctionem inter Regem Edwardum Seniore, & Æthelwaldum ejus cognatum dirimerent; Æthelwaldus reg- nandi libidine percitus, & averſiſſimo à Princi- pe ſuo animo, hoc quantis potuit operibus com- munivit. Sed ubi primum Edwardus cum ſuis acceſſit, & ad Baddan-byrig, quod nunc Badbu- ry, caſtra poſuit; ille fuga ſe ad ſocios Danos proripuit. Badbury autem ille collis duobus vix milliariſ ab eſt triplici vallo incinctus, caſtrum- que, ut ſerunt, olim habuit Regum Weſt-Saxo- num ſedem. Quod tamen (ſi modo fuerit) ita ſuis ruderibus ſepultum jacet, ut ne veſtigium viderim.

In proximo autem vidimus villam Kingſton, Laceiorum dictam, quod ad Laceios Lincolnæ Comites una cum Winburna ſpectavit, ad quos tranſactione per Quincium Wintonæ Comitem à Leiceſtriæ Comitibus devenit. Rex enim Hen- ricus Primus Roberto Comiti Mellenti & Lei- ceſtriæ dederat: & à Laceis tandem utrumque ad Lancaſtrenſem familiam devenit, quam ſibi perbenignam, ut dixi, ſenſit VVinburna.

A VVinburna Stourus Alenum amniculum ad- mittit, cui incumbit S. Giles VVinburn, habitatio

Burne
quid Sax-
onibus.

Annales
Anglo-
Saxonici.

Canford.
Chalcan-
thum.
Alumen.
Th. Wal-
ſing 1317.

Cranbora.

Viceco-
mes
Cranborn.

1604.

Dorſettæ
Comites,
& Mar-
chiones.
Vita Of-
mundi
m. f.

Badbury.

Kingſton
Lacy.

Aſtley Ba-
rones.
Maltra-
vers.

cla-

claræ & antiquæ equestris familiæ de *Asteley*, & *Vickhamton* patrimonium olim Baronum de *Maltravers*, quorum ultimus, regnante Edwardo III, duas solummodo reliquit filias, alteram enuptam Ioanni de *Arundell* avo Ioannis Comitis *Arundelia*, qui reliquit posteris titulum Baronum de *Maltravers*, alteram uxorem Roberti *Le-Rous*, & postea Ioannis *Keynes* Equitis aurati. Hinc *Stourus Canford* præterit, sub qua non ita pridem Iacobus Baro de *Montioy* res metallicæ admodum studiosus *Chalcanthum*, quod *Coperas* vocamus, conficere & alumen concoquere cœpit. E qua etiam olim Ioannes Comes *Warrenniæ* Aliciam *Lacy* Thomæ Comitis *Lancastrensis* uxorem, magno cum famæ dispendio, & Angliæ incommodo, (ut in nostris Annalibus videre est) quasi per vim rapuit, & abduxit. Iam *Durotriges* relinquit *Stourus*, & *Hantonensis* agri nonnihil permensus, in Oceano tandem hospitatur. Cum tamen primum suscepit rivulum qui ad *Cranborne* aquis irriguum profuit, ubi anno Salutis DCCCCXXX, vir nobilis *Æilwardus* cognomine *Meau* ob albedinem, monasteriolum posuit; quod *Theokesburiam* uno & altero monacho hic relicto, transtulit Robertus *Fitz-Haimon* Normannus, cui *Ailwardi* possessiones obtigerunt. A quo successionis serie per *Claros* *Glocestriæ*, & *Burgos* *Ultoniæ* Comites ad Leonellum *Clarentiæ* Ducem, & per eum in patrimonium Regium devenerunt. Nunc autem *Cranborn* Vicecomitem habet Robertum *Cecilium*, quem Rex Iacobus primum honore Baronis *Cecilii* de *Esendon*, & anno insequenti Vicecomitis de *Cranborn* ob spectatissimam prudentiam merito honoravit.

Quod ad hujus regionis Comites & Marchiones spectat, *Guilielmus* Normannus, cum jam imperii in Anglia potitus esset, *Osmundum*, qui *Sagiensis* erat in Normannia Comes, tum *Sarisburyensem* Episcopum, tum primum *Dorsettiæ* Comitem *Cancellarium*que sibi constituit, piam hominis prudentiam & egregias artes admiratus. Longo post tempore Rex *Richardus Secundus* anno regni sui primo & vicesimo Ioan-

nem de *Beaufort*, Ioannis *Gandavenensis* filium *Somerfetti* Comitem in *Dorsettiæ* Marchionem evexit, qua dignitate Rex *Henricus Quartus*, in odium *Richardi II*, illum exuit. Cumque in Comitibus *Parlamentariis* *Communitas* Angliæ, cui erat *percharus*, obnixè intercederet ut Marchionis dignitas illi restitueretur; ipse novum hunc, & ante illa tempora inauditum titulum averfatus, omnino abnuvit. Fraterque ejus natu minor nomine *Thomas* de *Beaufort* Comes *Dorsettiæ* fuit creatus, qui postea ob virtutem bellicam ab *Henrico Quinto* titulo Ducis *Exoniæ*, & Comitatu *Harcourt*, adornatus; *Harflevum* enim Normanniæ fortiter contra Gallos propugnavit, & Comitem *Armeniacum* collatis signis animose fudit. Post ejus sine prole obitum, *Henricus VI*, *Edmundum* ex eadem *Lancastrensi* familia, primum Comitem, deinde Marchionem *Dorsettiæ*, tandemque Ducem *Somerfetti* dixit, cuius filii bello intestino sublatis, *Edwardus III*, cum jam *Lancastrensis* familia quasi prostrata, *Thomam* *Greium* ex familia *Ruthiniensi*, qui gener ejus (*Grei* enim matrem Rex duxerat) *Dorsettiæ* Marchionem creavit, cum amplissimam *Bonvillorum* hæreditatem jure uxorio in hoc agro & vicinis crevisset. Hunc sequuti sunt eodem honore *Thomas* filius, & *Henricus* è *Thoma* nepos, qui etiam Dux *Suffolciæ* ab *Edwardo Sexto* creatus, cum *Franciscam* *Caroli Brandoni* *Suffolciensis* Ducis filiam, & Regis *Henrici Octavi* è sorore neptim duxisset. Hic sub *Maria Regina* ob læsam majestatem supplicio affectus sero didicit, quanti sit periculi in Regiam familiam nuptiis inseri, & in se aliisque spem fovere ambitiosam. *Dorsettiæ* titulus jam inde nulli delatus, donec Iacobus Rex primis regni auspiciis, ut vera virtus & susceptus pro Re-pub. labor honore & splendore decoraretur, *Thomam* *Sackvill* Baronem de *Buckhurst* summum Angliæ *Thesaurarium*, virum summa prudentia, & diligentia accuratissima, honore Comitis *Dorsettiæ* amplificaverit.

Hic Comitatus Paræcias 248 numerat.



B E L G Æ.

Belgæ
è Belgis
Galliæ.Belgæ un-
de dicti.

Urotrigibus ad Septentriones & Ortum pratendebantur olim BELGÆ, quos à Belgis Gallia populo in Britanniam demigrasse, & è nomine probabile, & auctori-
tate verisimile est. Belgæ enim è Germanis (ut Cæsar à Rhemis edoctus prodit) orti, Rhenum antiquitus traducti, propter loci fertilitatem ibi expulsis Gallis con-
federant, & inde (ut idem habet) in Britanniam prædæ, ac inferendi belli causa transierunt, omnesque iis civitatum nominibus appellabantur, quibus orti ex civitatibus, eo pervenerunt; & bello illato ibi remanserunt, atque agros colere cœperunt. Quo vero tempore huc commigrarunt, non liquet, nisi forte Divitiacus Sueſſionum Rex, qui ante Cæsarem floruit, huc Belgas traduxerit. Magna enim partis cum Galliarum, tum etiam Britannia imperium obtinuit ille. Vnde etiam Belgarum factum sit nomen, non satis explicatum. Hubertus Tho. Leodius vir apprime eruditus opinatus est Belgas esse vocabulum Germanicum, ideo quod Germani Gallos, & Italos Wallen, & nonnulli Welgen appellitent. Ioannes Goropius Belga à Belgica dictione Belke duci contendit, quæ illis iram significat, quasi facilius, quam ceteri in bilem exardescant. Sed cum Belgarum nomen non ex illa lingua petendum videatur, quæ hodie Belgio-Germani utuntur, & eadem fere est, cum nostra Anglo-Saxonica (à Saxonibus enim profluxit, quos in Brabantiam, & Flandriam Carolus Mag. traduxit) ego illis neutiquam fidem abrogare statui, qui ex antiqua Gallica lingua, quæ nostris Britannis fere incorrupta manet, deducunt, & Belgas dici volunt à Pel, quod illis remotum significat. Totius enim Gallia erant remotissimi, & ut à cultu, & humanitate provincia, sic etiam situ, & sede longissimè aberant: & Poëta Morinos Belgicæ populos remotissimos esse docuit, cum cecinit, Extremique hominum Morini. Sed ad Belgas nostros, qui longe lateque habitaverunt per regionem Somersettensem, Wiltoniensem, Hantoniensemque agri partem interiorem, accedamus.

S O M E R S E T - S H I R E.



Somersettensis Comitatus, vulgo Somerset-shire, ampla sane & opulenta est regio, Sabriniano freto à Septentrione pulsata, ab occasu Devonix, ab austro Dorcestrix, ab ortu Wiltonix, & partim Glocestrix Comitatibus contermina. Soli admodum ditis, maximam partem ad fruges, aut pabula eximiè fertilis; incolis frequentissima, & portuum commoditate satis felix. Nonnulli nomen inditum credunt, quod aura sit ibi lenis, & quasi æstiva, eoque sensu Glad arbas Britannis hodie dicitur, vocabulo è nostra lingua translato. Verum enimvero ut æstate verè æstiva regio, sic non immerito hyeme, hyberna dicatur, ita magna ex parte madescit, uliginosa, & palustris, non sine maxima itinerantium molestia. Veruntamen nomen proculdubio à Somerton totius conventus olim maxime celebrato oppido impositum credam ego, cum Asferius author inprimis antiquus hunc agrum Somertunensem passim vocaverit.

Dunſtor
caſtle.

Ad Sabrinianum fretum (quia hic ager Danmoniis est confinis) primum occurrunt Porlock, Saxonice Portlocan, & Watchet, olim Wesedpoort, navium stationes, quas anno DCCCXXXVI Danica tempestas gravissime perculit. His interponitur Dunſtor castrum, loco depressiori, & collibus, nisi qua mare prospicit, undique con-

clusum, à Mojonis five Mohunis constructum, à quibus transactionibus tandem ad Luterellos devenit. Præclara & potens diu fuit hæc Mohunorum familia, floruitque ab ipsius Guilielmi Conquæstoris temporibus, sub quo castrum extructum, ad Richardi Secundi usque tempora. Duo ex hac Comites habiti fuerunt hujus provincix, Guilielmus, & Reginaldus, qui bello Baronico honore excidit. Posterius deinceps Barones censebantur, quorum ultimus Ioannes tres filias reliquit, Philippam uxorem Edwardi Ducis Eboracensis, Elizabetham Guil. de Monte-acuto Comitis Sarisburix, ejus nominis secundi, & Matildem Domini Le-Strange de Knokyn. Quarum mater, (ut fama obtinet) tantum terræ sub hoc oppido in agrum compascuum à marito in gratiam incolarum impetravit, quantum illa uno die nudis pedibus circumire potuit.

Mohuno-
rum, five
Mojo-
no-
rum fami-
lia.Com-
mons.

Huic castro adjacent duo viculi duobus indigitibus sacri, Caranton alter vocatur à Carantoco Britanno, alter S. Decombes à Decumano, qui è Southwallia solvens huc appulit, in vasta (ut in antiquo Agonali legitur) solitudine, frutetis, & repribus obsita, densitate sylvarum in longum, & latum spaciose porrecta, montium eminentia educta, valliumque concavitate mirabiliter interrupta; ubi mundi vanitati valedicens, à ficario transfossus divinum honorem apud populum consecutus est. Stoke-Curcy Baronia à suis dominis cognominata paulo remotius à mari sedet, Guilielmi de Curcy Dapiferi Regis Henrici primi habitatio: ex qua familia

S. Decu-
manus.Stoke-
Curcy
fami-
lia.

Ioannes
de Curcy.

familia fuit Ioannes ille de *Curcy* Ultoniæ in Hibernia expugnator, quem ad animi magnitudinem, gravitatem, omnesque alias virtutes magnum hominem & excelsum finxit natura, cuiusque spectata fortitudinis memoria ex annalium Hibernicorum vetustate est eruenda. Inde ad *Sterpoint* prominet sensim littus, ubi duo totius agri maxima flumina conflua uno ostio se evolvunt, *VZELLA* æstuarium Ptolemæo dicitur, ab *Iuell* flumine, quod jam antequam huc devenit, nomen deposuit. Oritur vero inter *Durotriges*, & quamprimum *Somersettensem* agrum ingreditur, *Euell* forum frequens suo nomine donat, rivulumque recipit, ad quem *Camalet* mons acclivis, & ascensu difficilis, in cuius vertice visuntur intermortui castris expressa vestigia, & egestæ terræ vallum triplex, quod suo ambitu xx jugera includit. Incolæ *Arthuri Palatium* dicunt: Romanorum autem opus fuisse, Romanorum numismata indies eruta docent. Quo autem nomine illis notum plane ignoro, nisi sit, quod *Ninnii* Catalogo *Caer Calemion*, pro *Camelion* transpositis literis appellatur. *Cadbury* viculus proximus conjectura satis probabili videatur fuisse illud *Cathbregion*, ubi *Arthurus* Saxones (ut author est *Ninnius*) memorabili prælio profligavit. Alterum hujus cognominis *North Cadbury* dedit Rex *Henricus Tertius* Nicolao de *Moeles*, qui duxerat *Hawisiam*, alteram hæredum *Iacobi de Novo-mercato*, cuius posterii diu summo honore claruerunt, donec Ioannes sub *Edwardo Tertio* moriens duas tantum reliquit filias, *Murielam*, & *Isabellam*; hanc *Guilielmi Botereaux*, illam *Thomæ Courteny* uxorem.

Vzella æ-
stuarium.

Camalet.

Cadbury.

Moeles.

Ischalis.
Iuelcester.

Iuellus flumen hinc *ISCHALIN* à Ptolemæo memoratam petit, nunc *Iuelcester*, *Ninnii* catalogo, ni fallar *Pontauel Coit* pro *Pont Iuel Coit*, id est *Pons ad Iuell in sylva*, *Florentio Wigornienfi* *Iuelcester*. Foro, & antiquitate sua tantum hodie celebris, Romanorum enim *Cæsarum* numismata aurea, ærea, & argentea subinde hic effodiuntur. Olim amplam fuisse, & duplici mœnium ambitu circumdatam ex ruinis apparet: sub ingressum *Normannorum* frequens erat, septem enim supra centum *Burgenses* numerabat. Tuta etiam tunc temporis & munita, siquidem anno salutis *MLXXXVIII*, cum Angliæ optimates nefaria opprimendi Regis *Guilielmi Rufi* consilia iniissent, ut *Robertum* ejus fratrem *Normanniæ* Ducem in Regiam dignitatem eveherent, *Robertus Moubay* vir bellicosus, cum *Bathoniam* succendisset, acriter, verum frustra hanc oppugnavit; sed quod ille non poterat, tempus nunc tandem quodammodo expugnavit.

Paulo inferius *Iuellus*, & *Pedredus* confluentes insulam amnicam moliantur *Muchelney*, id est, *Insula magna*, dictam, in qua parietinæ visuntur veteris monasterii, quod *Athelstanum* Regem construxisse memorant scriptores. *Pedred* vulgo *Parret* in ipso *Australi* provinciæ limite promanat, obliquiori alveo per *Crockberna*, Saxonice *Cpuecne*, & *Pedderton*, cui nomen fecit, olim *Pedridan*, Inæ regiam, quod nunc tantum foro, & nundinis celebre, quæ *Henricus Daubeny* à Rege *Henrico VI* impetravit, delatus, hic *Iuello* influit, nomenque eripit. Quum in decursu à *III* ad Ortum *Britannia*.

Michel-
ney.
Pedred fl.
Peder-
ton.

milliari, *Montem Acutum* salutarit, quem Comes *Moritonii* frater *Guilielmi Primi* uterinus, qui castrum in ipso montis vertice, & cœnobium ad ipsius radicem posuit, sic dixit, eo quod sensim acuto apice attollitur; antea enim *Logoresburg* vocabatur, & *Bischopeston*. Castrum vero ante multos annos disparuit, saxi ad cœnobium, & ædificia alia instauranda asportatis. In ipso autem montis vertice positum erat postea Sacellum *S. Michaëli* sacrum, fornice & recto ex solido saxo assabre constructum, in quod etiam per quingentos fere passus saxeis gradibus per montis circuitum ascendebatur. Nunc monasterio, & sacello diruto, maximo sunt ornamento ædes perquam speciosæ, quas *Vir CL. Edwardus Philips* Equestris ordinis, & *Regius ad Legem serviens* nuperime ad montis radices construxit. Nomen hic locus fecit honoratissimæ familiæ de *Monte-acuto*, quæ à *Drogone Iuvene* originem traxit. E qua quatuor Comites fuerunt *Sarisburiae*, ultimus filiam unicam reliquit *Aliciam*, quæ ex *Richardo Nevill* suscepit *Richardum* Comitem *Ilum Warwici* celeberrimum, Angliæ turbinem, & *Ioannem Marchionem de Monte-acuto*, qui ambo ceciderunt in prælio *Barnetenfi* *MCCCCLXXII*. Titulum autem Baronis de *Monte-acuto* *Henrico Polo*, qui natus ex *Margareta* filia *Georgii Ducis Clarentiæ* è filia *Richardi illius Nevill* Comitiss *Warwicensis*, contulit *Henricus Octavus*, eundemque statim capite truncavit, & postea *Maria Regina Antonium Brown*, cuius avia fuit filia *Ioannis Nevill* Marchionis de *Monte-acuto*, nomine & honore Vicecomitis de *Monte-acuto* honoravit, quo nepos ejus è filio hodie gaudet.

Odcombe huic adjunctum licet tenue oppidulum non omittendum, cum Baronem suum haberet *Guilielmum de Briewer* (sic enim ejus pater quia in *ericeto natus, denominatus) cui cum aulica fortuna blandiretur, & Rex *Richardus* primus in deliciis haberet, amplexabantur & fovebant omnes, fortunas paravit amplissimas, filiaque (nam filius sine sobole obiit) suis nuptiis familias de *Breos*, *VVake*, *Mohun*, *La-fert*, & *Percy* magnis possessionibus auxerunt. *Stoke under Hamden* huic vicinum subsidet, ubi *Gornaii* suum castellum habuerunt, & Collegium construxerunt. Hæc familia de *Gornaiico*, & vulgo *Gornay* dicta, inprimis antiqua & illustis erat, ex eadem stirpe qua *Warrenni* *Surriæ* Comites & *Mortuomarii* propagata; verum superiori sæculo defecit, & eorum hæredia nonnulla per *Hamptonos* in equestrem *Newtonorum* stirpem descenderunt, qui se è *Wallia* prognatos, & non ita pridem *Caradocos* dictos libenter agnoscunt. Nec tacendum *Matthæum Gournay* hic sepultum fuisse, virum bellicosissimum regnante *Edwardo Tertio*, qui 96 ætatis anno diem obivit, cum (ut ex inscriptione videre licuit) obsidioni *D'algizer* contra *Saracenos*, præliis *Benamazin*, *Sclufensi*, *Cressiaco*, *Ingenos*, *Pictavenfi*, & *Nazarano* in *Hispania* dimicasset.

Irrigat deinde *Pedredus Martock* mercatorium oppidulum, quod olim *Guilielmus Boloniensis* Regis *Stephani* filius *Faramusio de Bolonia* dedit, cuius unica hæres *Sibylla* *Ingelramo de Fienes* in matrimonium data fuit, à quo descenderunt *Fienes*.

H h

nes

Montacu-
te in De-
meslay
Monta-
gud.
Annales
Gleiston.*
Domini
de Monte-
acuto.Odcom-
be.* Heath.
Briewri
Barones.

Gornaii.

Newtoni.

Faramu-
sius de
Bolonia.
Fienes.



SOMERSET
TENSIS
COMITATVS.
Somersetshire.



Miliar. Anglica quorum 4 unum conficit. Germanicum

nes Barones de Dacre, & Barones de Say & Zele.

Aulre. Pedredus hic limosam planitiem persequens in Septentriones contendit per *Langport* mercatum non infrequentem, & *Aulre* ex tuguriolis paucis viculum, qui melioris notæ oppidum fuisse videtur. Cum enim *Alfredus Danos* ita prælio fre- gisset, & obsessos ad deditionem subegisset, ut juraverint se quamprimum ex suis ditionibus cessuros, & *Godrus* eorum Rex Christianitatem, ut inquit *Asserius*, subire promiserit: illum hoc in loco magna pompa de sacro regenerationis fonte levavit.

Wellington. Hinc ab Occasu *Thonum* fluvium recipit Pe-
ton. dredus, qui longe in occidua agri parte, proxime
Lediard. Devoniam exortus lætissimos perstringit agros per *Wellington* defluens, quæ *Edwardi* se-
nioris tempore terra sex erat *Manentium*, quando ille una cum *Lediard*, quæ duodecim erat *Manentium*.
Shirburnensi Episcopo concederet. Nunc mer-
catorium est oppidulum, cui maximo honori ejus est incola, vir honoratissimus (nec enim viri virtute illustres, & de patria optime meriti silentio involvendi) *Ioannes Popham*, ut antiqua generis nobilitate, ita & summa justitia & singu-
lari industria. Qui summus in Regio Tribunali Iustitarius tanta æquabilitate, & tam salutari severitate justitiam administrat, ut tranquillita-
tem & securitatem domesticam illi magna ex parte jamdiu Anglia debuerit.

Taunton. Inde leni, modicoque lapsu *Thonton*, vulgo
Taunton alluit, & nomine donat *Thonus*. Elegans certe oppidum, lætissimoque situ, & ut verbo dicam, hujus regionis alter ocellus: ubi *Ina Rex* Occidentalium Saxonum castrum construxit, quod *Desburgia* ejus uxor solo æquavit, cum *Eadbriethum* Australium Saxonum Regem inde exturbasset, qui jam sui juris fecerat, & tanquam fræno domitæ gentis uteretur. Cum *Edwardus Confessor* rerum potiretur, geldabat, (ut est in Angliæ commentario Censuali) pro *LIII* *hidis*, *Burgenfes* *LXIII* habuit, Episcopus *Wintoniensis* tenuit, ejusque *Placita* ter in anno hic tenebantur. Iste consuetudines pertinent ad *Taunton* *Burgheriste*, latrones, pacis infractio, *hannifare*, *denarii* de *Hundret* & *denarii Sancti Petri* circiet, ter in anno tenere placita Episcopi sine admonitione, *Profectio* in exercitum cum hominibus Episcopi. Hic circumquaque regio virentibus pratis jucunda, hortensibus deliciis florens, & frequentibus villis spectantium oculis mirum in modum arridet. Inter villas autem nominatissima sunt *Orchard*, quæ olim ejus nominis habuit Dominos, à quibus ad *Portmannos* ex Equestri ordine hæreditario descendit, *Hach-Beauchamp*, & *Cory-Mallet* à Dominis facta adjunctione. Hæc enim sedes erat *Malletorum* è Normannico genere, à quibus brevi tempore per feminam ad *Pointzios* devenit. Equibus regnante *Edwardo* Primo, *Hugo* inter Barones Parlamentarios censebatur, & ex ea familia nonnulli magno splendore & equestri dignitate supersunt. *Beauchampi* autem illi sive de *Belle-campo* magnis honoris ornamentis claruerunt à temporibus regis *Henrici Secundi*, præcipue ex quo *Cecilia* de *Fortibus* quæ à Comitibus de *Ferrariis*, & magno illo Angliæ Marescallo *Guilielmo Comite Penbrochiæ* genus duxit in hanc familiam enupta

fuit. Verum regnante *Edwardo* tertio, per sorores hæreditas inter *Rog. de S. Mauro*, sive *Seimor*, & *I. Meriet*, qui viri veteris erant profapia & multarum imaginum, dispersita fuit. Hinc erat quod *Henricus Octavus* cum duxisset *Iannam Seimor* matrem Regis *Edwardi VI*, *Edwardum Seimor* ejus fratrem titulo Vicecomitis *Beauchamp* donaverit, quem *Edwardus sextus* honore Ducis *Somerfetti* postea illustravit.

Viceco-
mes Beau-
camp.

Inde qua *Thonus* *Pedredo* se insinuat, insulam amnicam efficit *Æthelinge* olim dictam, id est, *Nobilium insula*, nunc vulgo *Athelney*, quæ non minus *Alfredi* regis latebris nobis nota, cum jam *Danus* omnia permisceret, quam *Italibus* *Minturnensium* paludes *Marii* latibulo. Regi enim illi (ut *Poëta* antiquus de ipso cecinit)

Mixta dolori

Gaudia semper erant, spes semper mixta timori.

Si modo victor erat, ad crastina bella pavebat,

Si modo victus erat, ad crastina bella parabat.

Cui vestes sudore jugi cui sic cruore

Tincta jugi, quantum sit onus regnare probarunt.

Et percommodum sane erat hæc insula latibulum. Stagnantibus utique aquis, & refusionibus inaccessa est (quas *Latino Saxonico* vocabulo *Gronnas* *Asserius* dixit) Pontem olim habuit inter *Gronnæ*.
duas arces ab *Ælfredo* constructas, alnetum etiam per-
maximum capris & feris plenum, sed solidam terram vix
duobus jugeribus latam: cui imposuit ille monasterium:
cujus (*Malmesburiensem*, non me audis) machi-
nam totam quatuor postes solo infixi suspenderunt, qua-
tuor cancellis opere spherico in circuitu ductis. Non lon-
ge ab hac collectis aquis solitarius *Pedredus* per-
erravit, sed alterum ab *Ortu* socium rivum ac-
cepit, qui *Somerton* præterfluit, olim primarium
totius Comitatus oppidum, utpote quod nomen
fecit. Castrum Regum *West-Saxoniarum* habuit,
quod perruptis muris *Ethelbaldus Merciorum*
Rex occupavit; nunc vero vincentibus annis
ita cessit, ut omnino disparuerit, & oppidum
vix nomen tueretur, nisi ex foro *Boario*, quod à
Festo Palmarum ad medium *Iunium* frequentis-
simum habet, vicini enim rei pecuariæ inprimis
student.

Somerton.

Hoc suscepto fluvio, *Pedredus* oppidum ma-
gnum, & incolis refertum petit, quod *Bridgewater*
ter vulgo vocitamus, nomenque à ponte, & aqua
invenisse creditur; sed refragantur *Chartæ* an-
tiquæ, in quibus semper *Burg Walteri* diserte ap-
pellatur, & conjectura probabili, à *Waltero de*
Duaco, qui *Guilielmo Conquæstori* militavit, &
multa prædia ab ipso in hoc agro accepit. Nec
alio nomine in donatione illa vocatur qua *Fulco*
Paynell Dominus de *Bampton* loci possessionem
Guilielmo de Briver contulit, ad colligendâ ejus
gratiam, qui gratia plurimum apud Regem *Richardum* Primum valuit. Hujus *Guilielmi* filius
eodem nomine, cum firmandi castri licentiam
fecisset *Ioannes Rex*, castellum hic posuit jam
tempore evictum; pontemque incepit, quem
Trivet è *Cornubia* nobilis immensis sumptibus
perfectit. Cum vero *Guilielmus de Briver* junior
sine prole diem clausisset, in familia *herciscunda*
obtigat *Margaretæ* sorori, per cujus filiam ex
Guilielmo De La fert in familiam de *Caduncis*, sive
Caworth devenit, & ab ea hæreditario ad *Duces*
Lan-

Bridge-
water.

Mallet.

Pointzii.

Beau-
champi
Barones.

Comes de
Bridge-
water.

Vzella.

Selwood.

Guil. Mal-
mesburi-
ensis de
Antiquita-
te Glasco-
niæ.Vide Ro-
man. in
Britannia
pag. 47.
In Con-
firm. H. 2.

Lancastrenses. Verum maximus honor huic accessit, quod Comitatus titulo ab Henrico Octavo exornatum fuerit, cum Henricum Daubeneium Comitem de *Bridge-water* creaverit, cujus soror & una hæredum Cecilia enupta fuit Ioanni *Bourchier* primo ex ea familia Bathoniæ Comiti.

Sub hoc, post pauca milliaria, vasto ostio in Sabrinianum fretum evolvitur *Pedredus*, quod, ut diximus, *VZELLA* æstuarium Ptolemæo dicitur, nonnullis etiam hodie *Evelmouth*, sed Anglis veteribus *Peorþan muð*, ubi, ut author est *Marianus*, palantem Danorum exercitum *Ealstanus* Episcopus *Shirburnensis*, circa annum Salutis *DCCCXLV*, profligavit. Eodem etiam æstuario aliud obvium occurrit flumen, *Brius* nonnullis dicitur, qui oritur è sylva illa amplissima, in Orientali hujus agri limite, quam *Britanni* *Coit Maur*, *Saxones* *Selwood* dixerunt, id est, interprete *Asterio*, *Sylva magna*, non procul à *Pen* ignobili viculo, ubi in Britannici nominis exitium, & Danorum cladem *Mars* conspirasse videatur. *Keniwalchus* enim *Westfaxo* ita secundo prælio hic Britannos attrivit, ut vix postea pugnandi copiam *Saxoni* fecerint: & multis post sæculis, eodem loco, *Edmundus* cognomento *Ferreum latus*, Danos memorabili prælio devicit, cum *Danicum* *Canutum*, qui regnum occuparat, undique agigaret. Hic fluvius primum *Bruiton* à se cognominatum invisit, *Mojonorum* tumulis celebre, qui ibi cænobium construxerunt; longæque per viculos defluens, nonnullis rivulis auctior lætos gramine campos irrigat, cumque solum mollius invenerit, quodammodo stagnat, insulamque ambit *Avallon*, à pomis Britannice olim sic dictam, postea *Inis Witrin*, id est, *Vitrea insula*, & eadem significatione *Glarþen-ey*, Latinisque *Glasconia*. De qua Poëta satis antiquus,

*Insula pomarum que fortunata vocatur,
Ex re nomen habet, quia per se singula profert.
Non opus est illi fulcantibus arva colonis,
Omnis abest cultus, nisi quem natura ministrat,
Vltro sæcundas segetes producit, & herbas,
Nataque poma suis prætonso germine sylvis.*

In hac floruit Monasterium *Glastenbury*, quod admodum antiquam repetit originem, à *Iosepho* scilicet *Arimathensi* illo, qui Christi corpus sepulchro mandaratum, quemque *Philippus* Gallorum Apostolus in Britanniam misit, ut Christum prædicaret. Hoc enim & antiquissima hujus monasterii monumenta testantur, & *Patricius* *Hiberniensium* Apostolus, qui xxx annos vitam monasticam hic egit, in sua prodidit epistola. Unde hic locus à majoribus nostris dictus, *Prima terra Dei*. *Prima Sanctorum terra in Anglia*. *Origo & fons totius religionis in Anglia*. *Tumulus Sanctorum*, *Mater Sanctorum*, & ab ipsis Domini discipulis edificata. Nec est cur hac de re ambigamus, cum antea docuerim Christianam religionem in prima enascentis ecclesiæ infantia huic nostræ insulæ illuxisse, & *Freculphus* *Lexovienensis* scripserit, *Philippum* illum barbaras gentes, vicinasque tenebris, & Oceano conjunctas ad scientiæ lucem fideique portum deduxisse. Sed ad Monasterium, & ex *Malmesburiensis* hac de re libello. Cum antiqua illa ædícula à *Iosepho* posita vetustati tandem aliquando cederet, *Devi* *Menevensis* Episcopus novam eo loci construxit, quæ cum jam etiam ævo fatisceret, duodecim

viri à Boreali Britannia parte profecti eam restaurarunt, tandemque *Ina* Rex, (qui scholam Romæ ad Anglicam juventutem erudiendam fundavit, & ad eam sustentandam eleemosynamque Romæ distribuendam, singulis regni sui ædibus denarium imposuit) hac demolita, magnificum admodum Christo, Petro, & Paulo con-

Anno 698.

*Syderei montes, speciosa cacumina Sion,
A Libano gemina, flore comante, cedri;
Cælorum porta, lati duo lumina mundi,
Ore tonat Paulus, fulgurat arce Petrus.
Inter Apostolicas radiant luce coronas,
Doctior hic monitis, celsior ille gradu.
Corda per hunc hominum referantur, & astra per illum:
Quos docet iste stylo, suscipit ille polo.
Pandit iter cæli hic dogmate, clavibus alter,
Est via cui Paulus, janua fida Petrus.
Hic petra firma manens, ille Architectus habetur,
Surgit in his templum quo placet ara Deo.
Anglia plaude lubens, mittit tibi Roma salutem,
Fulgor Apostolicus Glasconiam irradiat.
A facie hostili duo propugnacula surgunt,
Quot fidei turreis urbs caput orbis habet.
Hæc pius egregio Rex *Ina* refertus amore,
Dona suo populo non moritura dedit.
Totus in affectu divæ pietatis inherens,
Ecclesiæque juges amplificavit opes.
Melchisedech noster merito Rex, atque Sacerdos,
Complexit veræ religionis opus.
Publica jura regens, & celsa palatia servans,
Unica Pontificum gloria, norma fuit.
Hinc abiens, illinc meritorum fulget honore,
Hic quoque gestorum laude perennis erit.*

Primis his temporibus viri sanctissimi hic Deo invigilarunt, & præcipue *Hibernici*, qui stipendiis regiis alebantur, & adolescentes pietate, artibusque ingenuis instruebant. Solitariam enim vitam amplexi sunt, ut majore cum tranquillitate sacris literis vacarent, & severo vitæ genere ad crucem perferendam se exercerent. Sed tandem *Dunstanus* subactio ingenio homo, cum in principum consuetudinem se penitus sanctitatis & doctrinæ opinione immerfisset, pro his, recentioris instituti monachos, scilicet *Benedictinos* induxit, ipseque primus numero *Monachorum* gregi hic præfuit: qui à bonis, & piis principibus plusquam regias opes consequuti. Cumque omni rerum affluentia sexcentis annis quasi regnassent, (eorum enim nutum vicini omnes spectarunt) ab *Henrico VIII* exturbati sunt, Monasteriumque, quod jam in urbiculum excreverat, dirutum, & solo adæquatum, quantum & quam magnificum fuerit ruinis demonstrat.

Ex illis qui vana mirantur hoc ævo videar, si meminerim de juglande quæ hic nunquam folia ante festum sancti *Barnabæ* profert, & ipso die festo foliis luxuriat; & de corno (si *Hæsthorne* sic vocamus) quæ ipso Christi natali, perinde ac mense Majo, progerminat. Hæc tamen verissima (si qua fides) plurimi fide digni produnt. Antequam me hinc recipiam, accipe paucis, quod pluribus *Giraldus* *Cambrensis* oculus testis, de sepulchro *Arthuri* in hujus cæmeterio retulit.

Cum *Henricus Secundus* Rex Angliæ ex


I i

Bardo-

Hi versus
pauculis
immutatis
habentur
in lib. 4
Poëma-
tum Ve-
nantii
Fortunati,
partim in
laudem
Ecclesiæ
Parisien-
sis, partim
Nanne-
tensis.

Arthurus
bellicosus.

Bardorum Britannicorum cantilenis accepisset
Arthurum Britannorum nobilissimum heroem,
qui Saxonum furores virtute sæpe fregerat,
Glasconia inter duas Pyramides situm esse, cor-
pus investigari curavit: cumque vix septem pe-
des in terram defodissent, cum inciderent in
cippum, sive lapidem, cujus adversæ parti rudis
crux plumbea, latiori forma, inserta: quæ ex-
tracta inscriptas literas ostendit, & sub eo ad no-
vem fere pedum altitudinem, sepulchrum in-
ventum, ex quercu cavata, in qua ossa inclyti
illius Arthuri reposita. Inscriptionem autem ex
Protypo, in Glasconienſi cœnobio quondam de-
scriptam, propter literarum antiquitatem sub-
jungendam putavi. Barbarum quiddam, & qua-
si Gothicum præ se ferunt literæ, & ejus ætatis
barbariem plane loquuntur, quæ adeo fatalibus
tenebris involuta erat, ut nemo fuerit, cujus
scriptis Arthuri nomen celebraretur. Materies
proculdubio doctissimi viri facultate, & copia
digna, qui tantum principem celebrando pro-
priam etiam ingenii laudem consecutus fuisset.
Fortissimus enim Britannici imperii propugna-
tor hoc solo nomine vel infelicitissimus videtur,
quod suæ virtutis dignum præconem non inve-
nerit. Sed ecce crucem illam & inscriptionem.



Nec abs re erit, si quæ Iosephus noster Isca-
nus non de populo Poëta, olim in sua Antio-
cheide de Arthuro cecinit, hic adjungam,

*Hinc celebri fato, felici claruit ortu
Flos regum Arthurus, cujus cum facta stupori,
Non micuere minus, totus quod in aure voluptas,
Et populo plaudente favus. Quemcumque priorum
Inspice, Peleum commendat fama tyrannum,*

*Pagina Casareos loquitur Romanæ triumphos,
Alcidem domitis attollit gloria monstros.*

*Sed nec pinetum coryli, nec sydera solem
Æquant: annales Latios, Grajosque revolve,
Prisca parem nescit, æqualem postera nullum
Exhibitura dies. Reges supereminet omnes,
Solus præteritis melior, majorque futuris.*

Vocabatur vero hic heros, (ut obiter hoc
etiam ex Ninnio notem, si notatu dignum) Mab-
Uter, id est, filius horribilis, quia à pueritia fuit cru-
delis, & Artur, quod Britannice sonat usum horribilem,
vel malleum ferreum, quo confringuntur mole leonum.

Alia etiam, si placet, etſi non longissimæ ve-
tustatis monumenta, è Guilielmo illo Malmes-
buriensi habe: Illud quod clam plane omnibus est, li-
benter prædicarem, si veritatem exculpere possem: quid
ille pyramides sibi velint, quæ aliquantis pedibus ab eccle-
sia vetusta posita cœmeterium monachorum prætexunt.
Procerior sane, & propinquior Ecclesia habet quinque ta-
bulatus, & altitudinem viginti sex pedum. Hæc præ ni-
mia vetustate, etſi ruinam minetur, habet tamen anti-
quitatis nonnulla spectacula, quæ plane possunt legi, licet
non possint plane intelligi. In superiori enim tabulatu est
imago pontificali schemate facta. In secundo, imago re-
giæ prætendens pompam, & literæ, HER. SEXI. &
BLISWERH. In tertio nihilominus nomina. WEM-
CHESTE. BANTOMP. WINEWEGN. In quarto
HATE. WULFREDE. & EANFLEDE. In quinto,
qui & inferior imago, & hæc scriptura LOGWOR. WE-
SLIELAS, & BREGDENE. SWELWES. HWIN-
GENDES. BERNE. Altera vero pyramis habet octo-
decim pedes, & quatuor tabulatus, in quibus hæc leguntur.
HEDDE episcopus, & BREGORRED, & BEOR-
WALDE. Quid hæc significant non temere definio, sed ex
suspensione colligo eorum interius in cavatis lapidibus conti-
neri ossa, quorum exterius leguntur nomina. Certe LOG-
WOR is pro certo asseritur esse, de cujus nomine quon-
dam LOGWERESBEORH dicebatur, qui nunc
Mons Acutus dicitur. BEORWALDE nihilominus
Abbas post HEMGISELVM.

Occidentalium Saxonum reges qui hic sepul-
tura traditi fuerunt, enumerare supervacane-
um esset, Eadgarum tamen Pacificum, qui sem-
per paci consuluit, vel hoc nomine non possum
non meminisse, & epitaphium illo seculo non
indignum subungere,

Auctor opum, vindex scelerum, largitor honorum,

Sceptriger Edgarus regna superna petit.

Hic alter Salomon, legum pater, orbita pacis,

Quod caruit bellis, claruit inde magis.

Templa Deo, templis monachos, monachis dedit agros,

Nequitia lapsus, justitieque locum.

Novit enim regno verum perquirere falso,

Immensum modico, perpetuumque brevi.

A Glasconia, tria quæ ibi confluunt flumina
paludem efficiunt, & uno emissa ostiolo in Oc-
casum uno alveo Uzellæ æstuarium petunt per
Gedney moore, vel ut aliis placet, Godney moore,
quam Dei insulam significare, & Iosepho Arima-
thenſi concessam fuisse volunt, deinde per VVe-
admoore Ælfredi villam, quam testamento Ed-
wardo filio legarat, & palustrem illam regionem
longe excurrentem Brentmersh, quam Palustrium
ranarum regionem, ut ejus oppidulum Brentknol, Ra-
narum monticulum interpretati sunt Glasconien-
ses Monachi.

Hinc ad ortum Mendippi colles se longe lateque
expli-

Pyrami-
des Glas-
conia.

Edgarus
Pacificus.

Gedney
Moore.

Mendippe
hilles.

Ochy hole.

Strabo.

Cangi Bri-
tannia
populi.

Chuton.
Bonvill.
Baro.

1. Edw. 4. mo

explicant, *Minerarios* vocat Lelandus, & ad sen-
sum recte opinor, cum *Muneduppe* in antiquis
schidis dicantur; plumbi enim fodinis admo-
dum opulenti, & pascendis pecoribus apti. In
his antrum est longo recessu, in quo putei qui-
dam, & rivuli cernuntur, *Ochiehole* dicunt, de
quo non minora somnia fingunt accolæ, quam
de suo Sibyllæ antro in Apennino comminiscun-
tur Itali. Nomen proculdubio inditum ab *Ogo*
Britannica dictione, quæ antrum sonat, uti
etiam à simili antro, simili vocabulo Eubæa In-
sula olim *OCHA* dicta fuerit. Non procul ab
hoc, regnante Henrico VIII, aratro eruta fuit
oblonga plumbi lamina in trophæum olim ere-
cta, & sic inscripta,

TI. CLAUDIVS CÆSAR AVG. P. M.
TRIB. P. VIII IMP. XVI. DE BRITAN.

Incidit hæc Claudii Tribunitia potestas ix in
annum Urbis conditæ DCCCII, Antistio, &
M. Suillio Coss. quo tempore P. Ostorium Bri-
tanniæ Proprætorem turbidæ res exceperunt.
Ex hoc tempore liceat mihi quæso, bona cum
venia ariolari. Hoc anno duo de Britannis Tro-
phæa Claudium statuisse nummus ipsius Claudii
antiquus, rei certissimus testis demonstrat, in cu-
jus priore parte hæc concepta inscriptio, TI.
CLAUD. CÆSAR AVG. P. M. TR.
P. VIII. IMP. XVI. PP. in parte vero
altera, DE BRITAN. ibique expressus ar-
cus triumphalis, cum equestri figura decurren-
te, & duobus trophæis. Qui vero fuerint hi Bri-
tanni devicti, Tacitus docet: Claudium enim
Ostorii auspiciis duas Britannicas gentes hoc an-
no devicisse testatur, ICENOS scilicet & CAN-
GOS. Sed cum Icenii alio quasi sub sole jacent,
quid si de Cangis minori inter Belgas nostras
popello constitutum hoc fuisse Trophæum, &
CANGOS illos hic confedissee dixerò? Non pro-
cul enim hinc est mare, quod Hiberniam aspe-
ctat, quo situ ille Cangos locat, & Cangorum no-
minis umbra in nonnullis hoc tractu locis super-
esse videtur, in *Cannington* nimirum, & *Canings* re-
giunculis, sive Centuriis, in *VVincanton*, quod *Can-*
gton alibi dicitur, & *Kaingsham*, quasi Cangorum
mansio. Sed de his penes lectorem iudicium, ego
tantum, ut dixi, ariolor, dum Cangos vestigiis
inquirò, & alibi me reperturum confido.

Cangis Bri-
tanniæ
populi.

Chuton.
Bonvill
Baro.

Inter hos colles *Chuton* est, quæ (nisi me fallo)
habitatio fuit Guilielmi *Bonvill*, quem ad Comi-
tia Parlamentaria Henricus Sextus nomine *Gui-*
lielmi de Bonvill & Chuton, inter Regni Barones evo-
cavit, Equestri Georgiani honore ornavit, fili-
umque nuptiis unicæ filiolæ Baronis *Harrington*
locupletavit. Sed cum ille male gratus ardente
civili bello, in Eboracensis familiæ castra transis-
set, (quasi ultrice furia persequente) filium illum
unicum præmatura morte præreptum, & è filio
nepotem Baronem *Harrington* in prælio ad *Wake-*
field peremptum vidit; statimque ne quid ad mi-
seriam senectutem deesset, dum meliora anxie
expectaret, in secundo ad S. Albanum prælio ca-
ptus, & ætate jam prope decursa, securi percuf-
sus, relicta Cecilia pronepti & hærede tenella
ætate, quæ postea Thomæ Greio Marchioni
Dorsettiæ cum opima hæreditate in uxorem
data. Memoria tamen ejus quasi innocenti post
mortem Parlamentaria autoritate restituta.

1. Edw. 4.

Sub collibus *Mendipp*, ad Septentriones est
Congersburie viculus, à Congaro quodam viro sin-
gularis sanctitatis sic dictus, (Constantinopolita-
ni Imp. filium fuisse prodidit Capgravius) qui
heremiticam vitam ibi duxit, & *Harpetre* olim
castrum ejusdem cognominis familiæ vetustæ,
quod hæreditariò ad *Gornaios*, & ab illis ad *Ab-*
Adamos descendit, qui (ut legi) Gornaiis restitui-
erunt. Ad Austrum vero non procul ab illo an-
tro, urbecula Episcopalis solo saxeo ad *Mendipp*
montis radices subjicitur, olim ut habet, sed un-
de nescio, Lelandus, *Theodorodum*, nunc *VVelles*,
ita dicta à fontibus qui passim in ipsa scaturiunt,
uti etiam *Susa* Persiæ, *Croia* Dalmatiæ, & *Pegase*
Macedoniæ à fontibus nomina traxerunt: unde
& *Fontanensis Ecclesia* hæc vocatur. Primas in hac
Provincia sibi suo jure vendicat tum incolarum
frequentia, tum ædificiorum magnificentia.
Templum habet & Collegium ab Ina Rege in
Andrææ honorem conditum, & à viris principi-
bus opimis proventibus statim ditatum: inter
quos *Kinewulphus* Rex loca quam plurima ad-
jacentia anno Domini 766 concessit; legimus
enim in ejus Charta, Ego *Kinewulphus Occidentali-*
um Saxonum Rex, aliquam terræ partem pro amore Dei,
nec non (quod verbo delendum est) pro aliqua vexatione
inimicorum nostrorum *Cornubiorum gentis*, cum consensu
Episcoporum, & *Satraparum meorum*, Dei Apostolo atque
ministro ejus *Andrææ* humiliter ascribendo donabo, hoc est
Manentium xi prope flu. qui dicitur *VVelve*, ad augmen-
tum *Monasterii* quod situm est juxta fontem magnum,
quem vocitant *VVielea*. Hanc apposui tum propter
antiquitatem, tum quod ex hoc fluvio aliqui lo-
cum nomen adsumpsisse existimarunt. Ipsum sa-
ne Templum est admodum speciosum, sed ejus
frontispicio ad occasum nihil speciosius, totum
enim statuis antiquo & exquisito artificio è saxo
calatis surgit.

Harpetre.

Welles.
Stephanus
in urb. &
Barletius.

Splendidum admodum Episcopi palatium, in-
star castri mœnibus & fossa munitum ad austrum
adjacet, & ex altera parte nitidæ Præbendario-
rum ædes. Præbendæ enim xxvii cum Præ-
bendiolis xix præter Decanum, Præcentorem,
Cancellarium, & tres Archidiaconos, ad hanc
spectant Ecclesiam. Edwardi Senioris tempore
Episcopalis hic sedes constituta. Cum enim Ro-
manus Pontifex Edwardum illum sacris interdi-
xisset, quod Politia Ecclesiastica in occidua hac
regni plaga aperte nutaret, ille qui se Ecclesiæ
nutritum esse novit, tres novos erexit Episcopa-
tus, Cridiensem scilicet, Cornubiensem, & hunc
Wellensem, cui Eadulphum primum præfecit
Episcopum. Non multis post annis Giso huic se-
di præfuit, quem Haraldus West-saxonum, &
Cantii Comes Ecclesiæ opibus inhians ita exa-
gitavit, ut parum abfuerit, quin hanc dignita-
tem sustulerit. Verum Guilielmus Primus, de-
victo Haraldo, Gisoni exulanti, & Ecclesiæ ja-
centi dextram porrexit, quo tempore, ut testa-
tur Censualis Angliæ liber, Episcopus ipsum oppi-
dum tenuit, quod pro quinquaginta Hidis geldavit. Re-
gnante deinde Henrico Primo, Ioannes de *Villula*
Gallus Turonensis, cum Episcopus jam electus
esset, sedem Bathoniam transtulit, quæ duæ se-
des in unum coalescentes, suo utraque titulo
Episcopum ornat, ut unus idemque Episcopus
Bathoniensis, Wellensisque dicatur. Vnde Mo-
nachi

905.
Historia
Bathon.

Vide in
Decreta-
lib. Ne se-
de vacan-
te aliquid
innovetur.
1193.

nachi Bathonienses, & Canonici Wellenses quasi in aciem dimicationemque de Episcopis eligendis venerunt. Interimque Savanaricus Bathoniensis Episcopus, cum etiam Abbas esset Glasconiensis, Glasconiam cathedra translata, Glasconiensis dictus erat Episcopus, sed cum eo hic titulus extinctus; Monachosque & Canonicos in gratiam tandem reduxit Robertus ille, qui Ecclesiae suae patrimonium in Præbendas divisit, & Decanum, Subdecanum, &c. instituit, Iocelinus etiam Episcopus sub id tempus novis ædificiis templum instauravit, & avorum memoria Radulphus de *Shrovesbery* (ut aliqui vocant) elegans sane collegium Vicariis, & Cantoribus Boreali Ecclesiae parti contiguum construxit, Episcopi-que Palatium muro circumdedit. Sed quæ à Palatio in forum itur pulcherrimam portam erexit Th. *Bekington* Episcopus, qui etiam duodecim ædes è saxo pulcherrimas pari altitudine adiunxit in foro, in cuius medio peristylum cernitur septem columnis exterioribus, & pulchro fornice subnixum, quod Guilielmus *Knighte* Episcopus, & *V. Vollmanus* Decanus in usum contuentium ad mercatum posuerunt. Hæc vero in orientali parte, in occidentali vero vidimus Ecclesiam Parochialem S. Cuthberto sacram, cui proximum est Hospitale à Nicolao *Bubwith* Episcopo, xxiv pauperibus fundatum.

Farley.

E montibus illis Minerariis *Frome* fl. oritur, qui in Ortum contendens per puteos carbonum illorum fossilium, quibus ad molliendum ferrum utuntur ferrifabri; cum non multum viæ confecerit, in Septentrionem conversus, limitis vice inter hunc, & Glocestrensem agrum fungitur, & *Farley* non ita pridem Hungerfordorum castrum rupi impositum, ubi olim Humfredus *Bobun* monachis construxit coenobium, (non procul à *Philips Norton*, foro celebrato, cui templum S. Philippo dicatum appellationem fecit) irrigat.

Philips Norton.

Selwood.

Inferius *Selwood* sylva, quam dudum dixi, longe lateque diffunditur, arboribus satis condensâ, à qua circumvicina regio olim *Selwoodshire*, ut author est Ethelwerdus, vocabatur, oppidum vero adsitum etiamnum *Frome Selwood* dicitur, quod è lanificio maximum quæstum facit. A quo vix duobus ad occasum milliariibus exiguum, & non inelegans castrum cernitur, quod à *Dela-Maris* conditum & cognominatum *Nonney de la Mare*, ab ipsis hæreditario ad *Powletts* devenit. Nec procul inde *VVitham*, ubi Monialibus ædem Rex Henricus Tertius erexit.

Nonney de la Mare.

Bathe. Aquæ Solis.

Deurbibus.

Iam autem *Frome* nonnullis ex hac sylva rivulis plenior, tandem Avonæ nobili flumini se committit, qui obliquiorem ripam agens statim antiquam urbem invisit, quæ à thermis Ptolemæο ΤΑΤΑΘΕΡΜΑ, id est, *Aquæ calidæ* dicitur, Antonino AQVÆ SOLIS, Britannis *Trennaint twymyn*, & *Caer Badon*, Saxonibus *Bapancester*, hæc *Bapan*, & etiam à valetudinariorum concursu *Akmancester*, id est, *Vrbs Valetudinariorum*, Stephano *Badiza*, nobis hodie *Bathe*, & vulgo Latinorum *Bathonia*. Subsidet in planitie haud ita magna, & ex omni parte collibus pari quasi altitudinis fastigio obvallata, è quibus perennium rivulorum scaturigines in urbem magno civium commodo descendunt. In ipsa urbe tres calidi fontes ebulliunt, cæruleo & marino colore te-

nues nebulas & quasi Mephitim exhalantes (sulphure enim & bitumine aqua percolatur.) Qui Thermæ. efficaci remedio salutare corporibus quæ pravis humoribus torpescunt; sudorem enim calore suo proliciunt, & humorum contumaciam edomant. Non omni tamen hora sunt salutare, ab hora enim octava ante meridiem usque ad tertiam à meridie maxime fervent & exæstuant, & turbidi fœda quædam ex imo fundunt, quibus temporibus clauduntur; ne quisquam ingrediat, donec per emissaria sua se sordibus illis liberarunt, & expurgarunt. Ex his tribus, qui *Crucis Balneum*, ob crucem olim in medio erectam vocatur, miti admodum, & temperato calore tepet: & 12 sedilia è saxo in margine habet, muroque includitur. Alter vero vix ducentis hinc pedibus, multo magis fervet, unde *VVhot bath*, id est, *Fervidus* dicitur. His contiguum est Noso-comium à Reginaldo Bathoniensi Episcopo positum, ut valetudinariorum inopiam sublevaret, & hi duo in medio sunt plateæ ad occiduam urbis partem. Tertius maximus in urbis quodammodo sinu est, & *Balneum Regium* appellatur, juxta ecclesiam Cathedralē, muro etiam circumdatur, & xxxii sedilibus arcuato opere adaptatur, in quibus viri & mulieres seorsim sedeant, qui lineis indutiis cum ingrediuntur, se superinduunt. Ubi jam Ecclesia Cathedralis, antiquitus templum Minervæ sacrum extitisse fama tenet. Certe Solinus Polyhistor de his proculdubio thermis loquens, *In Britannia* (inquit) *calidi sunt fontes opiparo exculti apparatu ad usus mortalium, quibus fontibus præsul est Minervæ numen, in cuius æde perpetui ignes nunquam canescunt in favillas, sed ubi ignis contabuit, vertitur in globos saxos.* Athenæus tamen author est omnia lavacra calida, quæ è terræ viscibus naturaliter scatent, Herculi esse sacra: & nescio quæ Herculis antiqua imago anguem manu constringentis, hic in mœnibus, inter alia vetusta monumenta temporis injuria jam plane deformata, cernitur. Sed ne de hoc contendatur, demus, si placet, cum Herculi, tum Minervæ balnea fuisse dicata. A Græcis enim proditum est, Palladem Herculi post labores exantlatos lavacra primum subministrasse. Satis erit si ex Solini autoritate evicero, cum his fontibus Minervam sive Palladem præfuisse prodatur, hanc urbem esse, quam Britanni *Caer Palladur* sua *Caer Palladur* lingua dixerunt, hoc est, *Vrbs Palladiæ aquæ*, si Latine interpreteris; apposite enim res, nomen, & significatio conspirant. Harum inventionem referunt fabulæ nostræ ad Britannorum Regem *Bleyden Cloyth*, id est, *Bleyden Magus*, quam probabiliter dixerint, alii. Magiam vero tantis ceremoniis Britannos olim celebrasse, author est Plinius, ut eam Persis dedisse viderentur; ad vim tamen Magicam has thermas referre non ausim. Nonnulli ex nostris, sed aliud agentes, Iulium Cæsarem inventorem fuisse tradunt. Verum enimvero serius ad Romanorum cognitionem pervenisse judico, cum Solinus primus sit qui de illis meminerit. Saxones autem circa annum XLIV ab adventu in Britanniam, rupto fœdere, bellum jam restinctum inflammantes, hanc urbem obsidione incinxerunt, sed cum Arthurus bellicosus supervenisset, ipsi *Montem Badonicum* Mons Badonicus. occuparunt, ubi cum ab ultima spe, animis diu dimi-

Minervæ templum.

Caer Palladur.

Britanni Magiæ dediti.

dimicassent, magno numero conciderunt. Hic mons ille ipse videtur, qui nunc *Bannesdowne* dictus, *Bathstone* viculo juxta hanc urbem impendit, suosque etiamnum aggeres, & vallum ostendit. Scio tamen esse qui in Eboracensi comitatu quærunt, sed Gildas ad hunc locum reducat: legitur enim in manuscripto exemplari Bibliothecæ Cantabrigiæ, ubi agitur de victoria Aurelii Ambrosii, *Vsq; ad annum obsessionis Montis Bandonici, qui non procul ab ostio Sabrina habetur.* Sin hoc non persuadeat, sciant vallem quæ ad *Aron* fl. hic longe procurrit, Britannice *Nant Badon*, id est, *Vallis Bandonica* dici, & ubi quærendus Mons *Badonicus*, nisi ad *Vallem Bandonicam* ego nondum video. Nec longo post tempore Saxones hanc urbem aggredi ausi, Britannis diu reliquerunt. Verum anno Christi DLXXVII, cum Occiduorum Saxonum Rex *Cewalin* Britannos ad *Deorham* profligasset, armis, & operibus oppugnata, se primo in Saxonis fidem permisit: paucisque annis reforta novum nomen *Akmancester*, multumque splendoris accepit. Osbrichus enim anno DCLXXVI, virginibus sacris Monasterium, statimque cum in Merciorum potestatem venisset, *Offa* Rex alterum templum construxit, quæ ambo Danico turbine ceciderunt. Ex horum ruinis novum postea effloruit Templum Divo Petro sacrum, in quo *Eadgarus* cognomento *Pacificus* in Regem inauguratus, urbi plurimas immunitates indulgit, cujus rei memoriam anniversariis ludis cives etiamnum celebrant. Edwardi Confessoris tempore, ut in Angliæ Notitia legitur, *geldabat pro viginti Hidis, quando Scyra geldabat, Ibi Rex habebat LXIII Burgenses, & xxx Burgenses aliorum.* Sed non diuturna fuit hæc felicitas, statim enim ab ingressu Normannorum *Robertus Mowbray* nepos Episcopi Constantiensis, qui seditionem non levem in Regem *Guilielmum Rufum* concitavit, diripuit & succendit. Respiravit tamen brevi, opera *Joannis de Villula* è Turonibus Galliæ oriundi, qui cum Episcopus esset Wellensis, quingentis Marcis (ut habet *Malmesburiensis*) hanc urbem ab *Henrico Primo* mercatus, Episcopalem Cathedralam huc transtulit, retento etiam Wellensis Episcopi nomine, novumque templum in suam sedem posuit. Quo non ita pridem ruinam minitante, *Olivarius King* Bathoniensis Episcopus aliud juxta vetustum illud, magno sane & pleno majestatis opere inchoavit, & ad fastigium fere perduxit. Si vero perfecisset, palmam plurimis Angliæ Ecclesiis Cathedralibus proculdubio præripuisset. Sed hanc gloriam immatura mors tanti Episcopi, iniquiora tempora, & avaritia quorundam, qui collectam per Angliam in hunc usum pecuniam interverterunt, ut fama perhibet, inviderunt. Iam inde vero floruit Bathonia tum lanificio, tum convenarum frequentia, mœnibusque se communivit, quibus antiquas quasdam imagines, Romanasque inscriptiones ad asserendam vetustatem inseruerunt, quæ ita jam lacunis præ vetustate laborant, ut vix legi possint. Et ne quid ad Bathoniæ dignitatem deesset, Comitatus etiam titulo proceres nonnullos honoravit. *Philebertum* enim de *Chandev* è Britannia Armorica oriundum ab *Henrico VII* eo honore affectum legimus. Postea Rex *Henricus Octavus* *Ioannem Bourchier* Dominum *Fitz-VV* Britannia.

Bathoniæ
Comites.

rin anno regni xxviii, Bathoniæ Comitem creavit, qui obiit anno regni ejusdem regis xxxi, cui successit *Ioannes* filius, qui obiit anno tertio Regiæ Elizabethæ. Qui *Ioannem* Dominum *Fitz-VV* Varin suscepit, ante patrem defunctum, è quo natus est *Guilielmus* Bathoniæ Comes qui nunc floret, & bonis studiis nobilitatem suam illustrare contendit. Longitudinem hujus urbis xx Temporibus, lvi scrupulis, Latitudinem vero li Tempor. xxi scrupulis mensurant Geographi. Nunc pro corollario, habe si placet, qualescunque de his ex Bathonia *Nechami*, qui ante 400 annos floruit, versiculos,

*Bathonia thermas vix præfero Virgilianas,
Confecto profunt balnea nostra seni.
Profunt attritis, collis, invalidisque,
Et quorum morbis frigida causa subest.
Prævenit humanum stabilis natura laborem;
Servit naturæ legibus artis opus.
Igne suo succensa quibus data balnea fervent,
Aenea subter aquas vasa latere putant.
Errorem figmenta solent inducere passim.
Sed quid? sulphureum novimus esse locum.*

Ecce tibi etiam si legere lubeat, duas inscriptiones antiquas, nuperrime ad viam publicam sub urbem in campo de *VV*alcot effossas, quas in hortos suos *Robertus Chambers* antiquitatis studiosus admirator transtulit, unde descripti:

G. MVRRIVS. C. F. ARNIENSIS.
FORO. IVLI. MODESTVS. MIL.
LEG. II. * AD. P. F. IVLI SECVND.
AN. XXV. STIPEND.
* H. S. E.

* Adjutricis, Præfectus,
* Hic tunc est.

DIS. MANIBVS.
M. VALERIVS. M.
POL. EATINVS. * C. EQ.
MILES. LEG. AVG. AN.
XXX. STIPEND. X.
H. S. E.

* Cohortis
Equitum.

Vidi etiam has antiquitates mœnibus interius infixas inter portam borealem & occidentalem; Herculem sublata sinistra cum clava in dextra. In fragmento saxi literis magnis & pulchris,

* DEC. COLONIÆ * GLEV.
VIXIT AN. LXXXVI.

* Decurioni.
* Glevi, id est Glocestriæ.

Inde folia implicata, Herculem duos angues stringentem, & in sepulchrali tabula inter duas imagunculas, quarum altera tenet cornu *Amalthæi*, deteriori charactere qui non facile legitur,

D. M.
SVCC. PETRONIÆ VIXIT
ANN. IIII. * M. IIII.
* D. XV. EPO.
MVLVSET VICTISIRANA
* FIL. KAR. FEC.

* Menses.

* Dies.
* Filia
Karissime
fecerunt.

Paulo inferius in saxi fragmento grandioribus literis.

V R N. I O P.

Inter portam Occidentalem, & Australem Ophiuchum serpente implicatum, duo humana capita crispis capillis intra loricam mœnium, leporem currentem, & huic adnexum in saxo literis transversis

V L I A. I L I A.

K k

Homi-

Hominem nudum quasi manum militi injicientem etiam inter loricae mœnium, folia, duos jacentes basiantes & se amplexantes, peditem vibrato gladio & protenso clypeo, peditem cum hasta, in saxo literis transversis

III VSA
I S. V X S C.

Serpentes
faxei.
Cains-
ham.

Et caput Medusæ comis anguineis.

Percepier.

Secundum eundem Avonam (qui hic limes est inter hunc & Glocestrensem agrum) in Occidentali ripa *Cainsham* cernitur, a Keina Britannica Virgine sanctissima denominata, quam serpentes in lapides mutasse superioris ævi credulitas multis persuasit, eo quod ejusmodi ludentis naturæ miracula ibi in Latomiis nonnunquam inveniuntur. Vidimus enim lapidem hinc delatum serpentis in spiram revoluti effigie, cujus caput imperfectius in circumferentia prominuit, extrema cauda centrum occupante. Sed plerique caput abest. Hic in vicinis agris, & etiam alibi *Percepier* herba Angliæ peculiaris, in qua amaror, & acrimonia percipitur, nunquam spithamæo adultior toto anno suapte sponte erumpit, sine caule flosculis herbaceis, quæ vehementer, & repente urinas ciet, & ex ea aqua stillantia magno usu elicitur, ut P. Pæna in suis stirpium Adversariis annotavit.

Bristol.

Vix quinto hinc milliari Avona fl. *Bristoliam* mediam interfecat, Britannis *Caer Oder Nant Badon*, id est, *Vrbs Odera in valle Badonica*. Urbium antiquarum Catalogo *Caer Brito*, Saxonice *Bryghtraop*, id est *Locus illustris*. Verum qui eam Ventam Belgarum dixerint, & sibi & nobis fucum fecerunt. Hæc urbs partim in Somersetteni posita agro, partim in Glocestrensi, neutrius censenda, cum suos habeat seorsim magistratus, & Comitatus sit per se incorporatus. Editiori situ inter Avonam & Fromum fluviolum interfidet, munitionibus & fluminibus satis tuta: duplici enim muro quondam circumdata. Ad aspectum vero ita pulchra, tum publicis, tum privatis ædificiis, ut nomini respondeat, cloacis, *Goutes* vocant, per subterraneos meatus ita constructis ad sordes evehendæ, & abluendas, ut ad munditiem & sanitatem nihil desideres, unde nullus hic curruum usus. Et ad vitæ necessitatem ita instructa, civibusque frequens, ut inter Britanniarum urbes primas à Londino & Eboraco facile sibi vendicat. Multarum enim gentium commercium mutui usus, & portus commoditas eo traxit, qui in ipsum urbis sinum naves passis velis admittat. *Avona* etenim ita Oceani irruentis æstu intumescit quoties Luna à meridiano fastigio divergit, locumque oppositum prætermeat, ut naves in vado hærentes ad undecim, & duodecim ulnas extollat. Ipsique cives opulentiam per Europam exercent mercaturam, & navigationes in disjunctissimas Americæ partes instituunt. Quo autem tempore, & à quo condita fuerit non facile quis dixerit, recentior tamen videtur, cum in Danorum direptionibus nusquam apud historicos nostros de ea mentio habeatur: & certe inclinatio Saxonum imperio, primum emeruisse judico, cum nusquam nominetur ante annum Salutis CIOXXIII, quo Haraldus (ut habet Florentinus Wigorniensis) è *Brystowa* cum infesta classe in Walliam solvit. Primis Nor-

mannorum annis, *Berton* prædium adjacens, & hæc *Bristol* reddebat regi, (ut est in Centuali Angliæ Commentario) ex *marcas argenti*, *Burgensesque dixerunt Episcopum G. habere xxxiii marcas, & unam marcæ auri*. Deinde Robertus Constantiensis Episcopus, cum res novas in Guil. Rufum moliretur, in belli sedem elegit, urbem munit, interiori credo illo muro, qui etiamnum in parte superest. Sed paucis post annis, prolata sunt undique pomæria, ab Austro enim *Radcliff*, ubi suburbana erant ædificia, reliquæ urbi ponte saxeo utrinque ita ædibus confito, ut non pons sed platea videatur, conjungitur, mœnibusque includitur, & incolæ in civitatem ascripti sunt, hospitales domus ubique in usum pauperum, & ecclesiæ elegantes in Dei gloriam erectæ. Inter quas longe omnium pulcherrima est S. Mariæ de *Radcliff* extra mœnia, in quam magnifice pluribus gradibus ascenditur; adeo ampla, opere adeo venusto, testudine è saxo artificiose concamerata, turri eximia altitudine, ut omnibus Parochialibus Angliæ ecclesiis, quas hactenus vidi, meo judicio longe præcellat. In hoc fundator Guilielmus *Cannings* duos habet tumulos honorarios, alteri imago vestitu senatorio, quinquies enim erat Prætor hujus civitatis; alteri ejusdem imago habitu sacerdotali imponitur, sacris enim senex initiatus erat, & Decanus Collegii, quod ipse *Vestiburia* instituit. In proximo est etiam altera ecclesiæ, *Temple* vocant, cujus turris sonante campana hac illac commovetur, adeo ut se à reliquo ædificio abruperit, & ita rimam egerit à summo ad imum, ut tres digitos transversos hiet, & se arctet dilatetque cum campana pulsatur. Nec tacendum sane est templum S. Stephani, cujus turris sacra præcella magno sumptu & artificio *Shipwardus* civis & mercator avorum memoria construxit. Ab Ortu etiam & Septentrione quam plurimis etiam aucta erat ædificiis, eaque mœnibus incincta, *Frome* fl. defensa, qui cum mœnia alluerit placide in Avonam influit, & mollem præbet navibus stationem, crepidinemque mercibus exportandis & importandis idoneam, quam *the Kay* vocant. Sub qua inter Avonæ & Fromi confluentes campestris interponitur planities, quæ arboribus undique confita amœnum admodum ambulacrum civibus præbet. Ad Ortum hibernum qua flumina objecta non habet, Robertus Regis Henrici Primi filius naturalis, quem vulgo Robertum Rufum Glocestriæ Consulem vocant, quia Glocestriæ Comes erat, Castrum amplum & munitum ad urbis suæ defensionem extruxit, & pio affectu decimum quodque saxum ad sacellum extruendum prope Prioratum S. Jacobi, quem etiam sub urbem posuit, destinavit. Habuit ille in uxorem Mabiliam, filiam, & ex asse hæredem Roberti *Fitz-Hamonis*, qui hanc urbem clientelari jure à Guilielmo Normanno tenuit. Hoc quidem castrum vix constructum Stephanus Rex obsidione pressit, sed irritò conatu pedem referre coactus; paucis post annis in eodem captivus inclusus, quam incerta sit Martis alea documento fuit. Ultra Fromum fl. qui ponte consternitur ad *Frome* portam, in editiorem collem difficili clivo oblique ascenditur, unde gratissimus in subiectam urbem & portum patet prospectus. Hic in summitate statim in amplam & viridem planitiem

Guil. de
Wirces-
ster.

Barones
de Bark-
ley.

Registr.
Monasterii.

Adamant-
tes Bri-
tannici.

Somers-
setti Comi-
tes & Du-
ces.

Patentes
Anno pri-
mo Hen-
III.

tiem æquatur, quæ medio duplici arborum ordine obumbratur, inter quas pulpitum è saxo, & facellum, in quo Iordanum socium Augustini Apostoli Anglorum conditum ferunt, nunc vero est schola publica: & utrinque, ut nitidas privatorum ædes taceam, publicis & magnificis ædificiis condecoratur. Hinc collegiata ecclesia (*Gaunts* dicunt) à constructore Henrico *Gaunt* Equite aurato, qui posthabitis terrenis hic Deo se consecravat, nunc vero ad orphanos alendos beneficentia T. *Carri* civis opulenti conversa; illinc è regione duo confurgunt templa S. Augustino dicata, alterum minus & parochiale, alterum maius Episcopi cathedra & VI Præbendariis à Rege Henrico VIII ornatum, cuius pars maxima jam diruta, ubi Collegii porta, quæ affabre extructa hanc prætendit inscriptionem.

REX HENRICVS II. ET DOMINVS ROBERTVS FILIVS HARDINGI, FILII REGIS DANIE, HVIVS MONASTERII PRIMI FVNDATORES EXTITERVNT.

Barones
de Bark-
ley.

Registr.
Monasterii.

Robertus hic filius Hardingi regio Danorum sanguine natus, Patricius fuit Bristolensis, & Henrico Regi ita charus, ut ejus beneficio Mauritius ejus filius filiam Domini de *Barkley* in uxorem acceperit: unde illius posterii, qui summo honore floruerunt, Barones de *Barkley* etiamnum appellantur, quorum nonnulli hoc templo conditi fuerunt.

Adamantes
Britanni.

Hinc qua decurrit Avona, præaltæ sunt utrinque rupes, quas veluti de industria admolita est natura. Harum altera, quæ ad ortum flumini imminet, *Sancti Vincentii* nomen habet, & Adamantum adeo fecunda est, ut quis modios inde impleat. Existimationem vero copia apud nostrates invidit, nam præterquam quod colore translucido Indicos provocant, ita duritie solummodo cedunt. Quod vero laterum sexangulo vel quadrangulo lævore à natura ipsa turbinati sint, magis admirandos puto. Altera vero rupes ad occidentem ripam etiam adamantum est ferax, quos cavi & rufescentes filices (ruber enim hic terra) cœtu fetu gravidæ, in se mira naturæ solertia continent. Has rupes Avona prætergressus in Sabrinianum æstuarium tandem pleno alveo exoneratur.

Somerfetti
Comites & Duces.

Supereff ut nunc hujus Somersettensis Provincia Comites, & Duces enumerem. Primus Somersetti Comes perhibetur Willielmus de *Mohun*, sive *Mojon*, qui idem ipse videatur quem Matildis Imperatrix in Charta, qua Guil. de *Mandevill* Essexiæ Comitem creavit, testem adhibet sub nomine *Comes VV. de Mojon*. Nec jam inde ulla satis explicata de Somersetti Comitibus occurrit mentio, nisi sit in hoc Henrici III, ad Petrum de *Mawley* rescripto, quod, ut aliorum judicium eliciam, subjungam; Sciatis quod recepimus homagium dilecti avunculi nostri VVillielmi Comitis Sarum de omnibus terris suis quas de nobis tenet, & maxime de Comitatu Somersett; quem ei dedimus cum omnibus pertinentiis pro homagio & servitio, salvo regali nostro nobis: & ideo vobis mandamus quod ei plenam sefinam habere faciatis de predicto Comitatu cum omnibus suis pertinentiis; nec in aliquo de cetero de predicto Comitatu vos intromittatis &c. Et mandatum est omnibus Comitibus, Baronibus, Militibus & liberis tenentibus de Comitatu Somersett, quod eidem

Patentes
Anno primo
Hen.
III.

Comiti fidelitatem & homagium faciant, salva fide domino Regi, & ei de cetero sint intendentes & respondentes tanquam Domino suo. An ex his eum Somersetti Comitem fuisse, uti etiam Devonix, (nam de eodem Guilielmo iisdem verbis ad Robertum de *Courtney* item scripsit) aliorum esto judicium. Sub hoc Henrico III, ut habetur in libro Gallice scripto, qui pertinet ad Equestrem Mohunorum familiam, memoratur, quod Innocentius Papa in solenni festivitate instituerit Reginaldum *Mohun* Comitem de *Este*, id est, ut author interpretatur, *Somersetti*, tradita Rosa aurea & annua pensione persolvenda ad altare S. Pauli Londini. Ut hic videatur non proprie Comes, sed Comes *Apostolicus*; sic enim eo seculo appellabantur illi qui à Pontifice Romano creati, ut qui ab Imperatore Comites *Imperiales*, & facultatem habuerunt Notarios & tabelliones instituendi, spurios legitimandi &c. sub certis quibusdam conditionibus. Satis longo post tempore interjecto, Ioannes de *Beaufort*, Ioannis Gandavenfis Ducis Lancastriæ ex Catharina *Swinford* filius naturalis, à Rege Richardo II, cum fratribus & sorore assensu Parlamenti factus legitimus, ad honorem Comitis Somersetti provectus erat, posteaque Marchio Dorsettiæ creatus, & eodem honore statim ab Henrico IIII spoliatus, titulo tantum Somersetti relicto. Huic tres nati filii, Henricus Comes Somersetti qui tenella obiit ætate, Ioannes à Rege Henrico V primus Dux Somersetti creatus, qui Margaretam unicam filiam genuit, matrem Regis Henrici VII, & Edmundus, qui fratri in Ducatu successit, & aliquandiu Gallix *Regens*, domum revocatus, Normanniæ amissæ postulatus, graviusque à populo eo nomine passus; luctuoso illo bello inter Lancastrenses & Eboracenses in primo apud S. Albani prælio occubuit. Henricus ejus filius in ejus locum suffectus dum tempori inserviret, modo Eboracensium, mox Lancastrensi signa sequutus, in prælio apud *Hexham*, ab Eboracensibus interceptus levitatis poenam capite luit. Ejusque in hoc honore successor Edmundus frater ultimus ex hac familia Somersetti Dux, profligato Lancastrensi apud *Tewkesbury* exercitu, ex ecclesia in quam cruore perfusus confugerat, extractus fuit, & obtruncatus. Sic extinctis ex hac familia masculis legitimis, primum Henricus Septimus Edmundum filiolum, qui statim expiravit, deinde Henricus Octavus filium suum naturalem Henricum, *Flitz-Roy* dictum hoc titulo insignivit. Cui cum liberi nulli, Edwardus Sextus Edwardum de *Sancto Mauro*, vulgo *Seimor* eodem investivit, qui honorum plenus & titulis onustus, scilicet Dux Somersetti, Comes *Hertsfordiæ*, Vicecomes de *Bellocampo*, Baro de S. Mauro, Avunculus Regis, Gubernator Regis, Protector Regnorum, Dominiorum & Subditorum ejus, Locum-tenens exercituum terra marique, *Thesaurarius* & Comes *Marescallus Angliæ*, Prefectus Insularum *Gernsey* & *Jarsey*, &c. subito quasi fortunæ ludibrio obrutus, levi de crimine, eoque ab inimicis dolo composito, & honoribus & vitâ fuit spoliatus.

Comes
Apostolicus.

Vide Comites
Dorsettiæ.

Numerantur in hoc Comitatu Parochiæ 385.

W I L S H I R E.



Ulgo Latinorum *Viltonia* à primario olim oppido *Vilton* denominata, *Vilshire*, (quæ etiam Belgarum fuit) Anglo-Saxonice *Wylsetta*, ut illud à *Willy* flumine, tota est mediterranea. *Somersetten* enim agro ad occasum, *Bercheria* & *Southantonensi* ad Ortum, *Glocestrensi* ad Septentriones, *Dorcestrensi* & partim *Southantonensi* ad Austrum circumclusa. Regio cum viris bellicosis fecunda, qui (ut inquit in *Polycratico* *Ioannes Sarisburiensis*) subsidiariam inter Anglos cohortem in præliis sibi ob virtutem militarem, adjecta tamen *Cornwallia*, & *Devonia*, vendicabant: tum omnium rerum copia eximie fertilis, & sua varietate admodum grata.

Septentrionalis pars collium amœnitate non-nihil surgit, diffusis olim sylvis, quæ jam rare-scunt, vestita, & limpidis fluminibus irrigua. *Isis* enim *Britannicarum* aquarum regnator, qui postea *Tamisis* nomen assumit, cum jam tenuis est, alique minorum gentium fluvii, quos suis commemorabo locis, perfundunt. Australis vero pars ampla, & herbida planitie innumeros ovium greges pascit, suosque habet fluvios, torrentes, & fontium perennium scaturigines. Medi-am vero regionem, quæ maxima ex parte æqua etiam & plana, fossa interfecat transversa, admirando opere ab Ortum in Occasum per plura mill. perducta, *VVansdike* accolæ appellant, quam pervulgato errore, à *Cacodæmone* die *Mercurii* ductam fabulantur. *Wooden*, sive *Mercurii fossa*, & à *VVoden* illo falso credito Anglo-Saxonum Deo & patre, ut videatur. Ego autem à Saxonibus ductam ad *Merciorum*, & *Occidentalium Saxo-num* regna determinanda semper credidi. Hæc enim belli area fuit, dum illi de propagando imperio inter se decertarunt. Et *VVoden* viculus, huic fossæ adfidet, ad quem *Cæulinus* Rex *Occidentalium Saxonum* bellicosissimus, anno salutis *DXC*, dum imperii sui fines tueretur, à *Britannis* & *Anglis* cruenta pugna ita fractus erat, ut solum necessario verterit, & exul miserando etiam hostibus spectaculo, diem obierit. Et ad hanc, ut alia taceam, *Ina* *Westfaxo*, & *Cæolredus* *Mercius* æquo Marte signa contulerunt. Huiusmodi fossa erat illa, qua *Britannos* à suis *Merciis* submovit *Offa*, *Offadike* etiamnum dicta, & aliæ etiam apud *Orientales Anglos* adhuc videntur, quibus se à *Merciorum* incurribus præmunierunt, de quibus suis locis fusius agetur.

In Septentrionali *Wiltoniæ* parte, qua *Tamisis* affunditur, *Crecklade* est oppidum, aliis *Grekelade* à *Græcis Philosophis* ut aliqui facile credunt, quos *historia Oxoniensis* ibi *Academiam* instituisse prodit, quæ postea *Oxoniam* translata. Sub hoc *Lediard* *Tregoze* sedes equestris familiæ de *S. Iohn*, quam *Margareta* de *Bello-campo*, sive *Beauchamp*, quæ postea *Ducissa Somersetti Olivero* de *S. Iohanne*, filio secundo-genito dedit. Ad illam enim per *Pa-*

tisbull, *Grandison*, & *Tregoze* clarissima nomina hæreditario devenit. *VVotton Basses* huic finitimum, quod ad claram *Bassettorum* familiam spectasse ipsum nomen comprobat. Superiori vero seculo habitatio fuit *Ducis Eboracensis*, ut accepi, qui amplissimum ibi ad includendas feras vivarium statuerunt. Hinc *Breden* sylva, nunc *Bredenforest* longe lateque pertinuit, ab *Ethelwaldo Clitone*, & auxiliariis *Danis* anno *DXCCV*, omni belli clade vastata. Ad cuius Occiduum latus *Avon* flu. (de quo supra) placide fertur, qui in *Boreali* quasi limite huius agri effusus in Austrum decurrit, limesque (ut *Ethelwerdus* notat) aliquando erat inter *Occidentalium Saxonum*, & *Merciorum* regna, ad quem magna subinde bella gesta fuerunt. Dum exilis est, *Malmesbury* collem sibi imminemem substringit, receptoque profluen-te, fere incingit. Oppidum sane elegans, & pan-nis laneis conficiendis celebre, quod, ut in *historiarum* *Eulogio* legitur, *Dunwallo Mulmutius Britannorum Rex*, una cum *Lacock*, & *Tetbury* castris construxit, & *Cædwalon* nominavit; cum-que illud tandem bellorum incendio concidisset, ex ejus rudibus castrum emicuisse proditum est, quod majores nostri sua lingua *Ingelborne* dixerunt, quo tempore, *Saxonici Reguli* regiam suam ad *Cædwalburge* habuerunt, nunc *Broken-bridge* viculum, vix *M. pass.* distantem. Nec alio sane nomine, quam *Ingelborne* longo tempore notum hoc erat, donec *Maildolphus* quidam *Scoto-Hibernus*, vir summa eruditione, & singulari vitæ sanctitate, nemoris amœnitate captus, quod hic sub colle succrevit, heremiticam vitam ibi duceret: qui postea ludum aperiens, & cum auditoribus monasticæ vitæ se devovens, cœnobium ædificavit. Hinc à *Maildolpho* illo oppidum *Maildulfesburge* pro *Ingleborne* dici cœpit, *Bedæ Maildulphi urbs*, & postea contracte *Malmesbury*: *historiis* etiam nonnullis, & in *donationibus* antiquis huic loco factis, *Meldunum*, *Maldubury*, & *Maldunburg* nominatur. Inter *Maildulphi* discipulos floruit inprimis *Aldelmus*, qui ejus successor designatus, ope *Eleutherii Westsaxonum* *Episcopi*, ad quem locus jure spectavit, longe pulcherrimum ibi monasterium construxit, eidem-que primus præfuit, à quo etiam in manuscripto quodam libro, hoc *Aldelmefbirig* dicitur. Sed hoc nomen cito oblitteratum, viri tamen memoria permanet, utpote qui in *Sanctos* relatus. Et in ejus festo nundinæ hic sunt frequentes, militum-que cohors scribi solet, ne discordia inter tot convenas oriretur. Dignusque sane est cuius memoria in æternitatem vigeat non solum sanctitatis, sed etiam doctrinæ nomine, ut ea tempora ferebant. Primus enim erat ex *Anglorum* gente qui Latine scripsit, primusque qui componendi carminis Latini rationem Anglos docuit, quod ipse de se his versibus promisit, & præstitit,

Primus ego in patriam mecum, modo vita superstit,
Aonio rediens deducam vertice Musas.

Hunc *Aldelmum* jam defunctum in tutelarem Sanctum sibi ascivit *Athelstanus* ille Magnus, qui eo no-

Wotton
Basset.

Breden
Forest.

Malmes-
bury.

Ingle-
borne.
Maild-
olphus
Scotus.

Aldelmus.

Fossæ li-
mitaneæ.

eo nomine oppidū hoc maximis immunitatibus donavit, Monasterium amplissimis donariis ditavit, in eo sepulturam sibi delegit, ejusque monumentum etiamnum ostendunt incolæ. Ab Athelstano jam inde monasterium longa opulentia clarum floruit & inter alios magna eruditione viros produxit Guilielmum qui hinc *Malmesburien-
ensis* dictus, cujus eruditæ industriæ & ecclesiastica, & politica Angliæ historia plurimum debet. Oppidum etiam monasterii ope quasi suffultum, & Rogeri Sarisburien-
sis Episcopi opera erat munitum, qui ingruente inter Henricum Andegavensem, & Stephanum Regem bello, mœnibus, & castro firmavit, quod semel ab Henrico secundo obsessum se defendit. Edificiaque posuit magnificus ille Episcopus & hic, & Sarisburien-
sæ spatio diffusa, numero pecuniarum sumptuosa, specie formosissima: Ita juste composito ordine lapidum, ut junctura perstringat intuitum, & tota maceria unum mentiat-
ur saxum. Sed castrum non multis post annis, Ioannis Regis permisso in monachorum usum demolitum, ut inde monasterium augeretur, qui continenter & ædibus & proventibus accessio-
nem adjunxerunt, donec fatalis ille dies Angliæ monasteriis intonaret. Tunc reditus & congestæ
tot annos opes, quæ fuerunt, ut majores habue-
runt vota fidelium, pretia peccatorum, & patrimonialia pau-
perum, dissipata. Communemque demolitionis sortem templum subiisset, nisi Stumpius Pannarius, cui abunde suppetebant opes, multis preci-
bus, sed majori pretio suis civibus templum redemisset, à quibus in Parochialem, quam vocant Ecclesiam, conversum, magna ex parte hodie
superest.

A Maildulphi urbe *Avona* defluens *Dantefey* adit, qui possessionibus nomen fecit, Equitibus in hoc tractu olim claris: à quibus per *Easterlingos* vulgo *Stradlings* ad familiam de *Danvers* devenit. E qua Henricus *Danvers* titulum & honorem Baronis *Danvers* de *Dantefey*, gratia regis Iacobi nuper consequutus est. Ad vi hinc milliare *Avona* ab Ortu rivulum recipit, qui *Calne* vetustum oppidulum saxeo solo pulchra Ecclesia ornatum interfluit, ubi cum inter Monachos, & sacerdotes de Sacerdotum coelibatu tumultuaretur, frequens coacta est Synodus anno nostræ salutis DCCCC LXXVII. Sed ecce in media disceptatione, conciliabulum in quo ordines confidebant, contabulatione dissoluta, & trabibus diruptis subito decidit, unaque præfules, proceres, nobiles corruerunt, ruina attriti plurimi, plures interempti, solus Dunstanus, qui Synodo præsedebat, & à monachis stetit, illæsus evasit. Quod miraculum (sic enim habuit ætas illa) monasticum institutum in primis confirmasse creditur.

Hinc *Avona* auctior *Chippenham* petit, Saxonice *Cýppanham*, nunc tantum rerum venalium foro celebre, unde & nomen, *Cyppan* enim Saxonice mercari sonat, & *Cyppan* Mercator, uti nobis *Chep-
pen*, & *Chappman*, & *Coppman* Germanis. Illo sæculo villa regia fuit, & ab Alfredo rege filia suæ natu minori testamento legata. Nihil jam ibi spectabile præter Ecclesiam quæ à Baronibus *Hungerfordis*, ut ubique ex insignibus apparet, extructa. Huic è regione, sed à ripa remotius *Cofham* ob-
jacet, nunc viculus, olim villa etiam Regia
Britannia.

Ethelredi Regis, & Cornubiæ Comitum secessu insignis, unde *Castlecombe* vetus castrum prospice-
tes, Dominis suis Walteris de *Dunstavill* quon-
dam nobilitatum: è quorum familia genus du-
cunt *Writhoffæi* Southantonien-
sis Comites. *Petronilla* autem ultimi Walteri filia & ex asse hæ-
res Roberto de *Monte-forti* nupsit, filiumque Guilielmum peperit, qui hoc castrum, prædiaque reliqua Bartholomæo *Badilsmere* vendidit, à quo (ut accepi) ad *Le-Scropos* venit, qui jam inde tenuerunt. Sed jam ad flumen regrediamur, cui adsi-
dent *Leckham* possessio claræ familiæ *Bainardorum*, *Leckham*,
ubi Romani nummi sæpe reperti, & *Lacock*, ubi
pientissima mulier *Ela* Comitissa Sarisburien-
sæ jam vidua monasterium (ut alterum etiam apud *Hen-
ton*) anno 1232, in honorem B. Virginis, & S. Bernardi extruxit, in quo ipsa & corpus & animum
divino cultui devota sacra-
vit.

Avona hinc arboribus redimitus non longum iter per *Brumham* quondam Baronis de *Sancto Amando* sedem confecit, cum ab Ortu fluviolum in se admittat, qui prope castrum *De Vies*, *Devizes*,
five *The Vies*, caput aperit. *Divisio* Florentio
Wigornien-
si, *Divisa* Neubrigen-
si appellatur. Ca-
strum sane quondam magnificum, situ & opere munitissimum, nunc autem temporis injuria de-
formatum. Hoc, ut reliquis Angliæ castris om-
nem laudem præriperet, profusissimo sumptu construxit Rogerus Sarisburien-
sis Episcopus, quem è sacrificulo ad secundam à Rege dignita-
tem provexerat fortuna. Sed fortuna, ut inquit ille, neminem eo provexit, ut non tantum illi minetur, quantum permiserit. *Stephanus* enim Rex illi infensior hoc castrum & *Shirburnense*, una cum divitiis quas habuit amplissimas extorsit, miserumque senem ita fame, & calamitatibus in carcere fregit, ut inter mortis metum, & vitæ tormenta, & vivere noluerit, & mori nescierit. Quo tempore agitata fuit, immo vexata quæstio, an Episcopi secundum Canonum scita habeant Castella, aut si hoc per indulgentiam toleratur, an non temporibus suspectis Regi in manus tradere debeant.

Fluviolo hoc socio recepto *Avona* se in occasum agit, statimque alter rivulus ab austro influit, qui ædibus impositis quas *Broke* dicimus, nomen impertiit: *Ædes* autem ipsæ sedem olim *Ioanni Paveley* qui fuit Dominus Centuriæ de *Westbury*, & postea Baronis titulum præbuerunt Roberto *Villoughby* quia à *Paveley* per *Chencios* genus duxit, cum in Baronis dignitatem illum evexit Rex *Henricus* Septimus, cui longe charissimus erat, & paulisper classis præfectus, five *Admiralius* (ut fertur) constitutus. Unde navis gubernaculo pro symbolo, ut prora *Pompeius* Romanæ olim classis præfectus in nummis, est usus. Verum hæc familia quasi in herba intermortua cito defecit. Filium enim reliquit Robertum Baronem *Brook*, qui progeniuit ex priore conjugē *Edwardum* filium ante patrem defunctum, cui nata erat unica filia *Fulconi Grevill* Equiti aurato enupta, & ex altera conjugē duas filias, per quas ad *Wintoniæ* Marchionem, & Baronem de *Montioy* hæreditas opima translata fuit.

Huic ad Ortum vicinum jacet *Edindon* olim *Eathandune* ubi *Alfredus* Rex nobili, si unquam
alias,

Guil. Malmesburien-
ensis.Concil. A-
quisgran.Dantefey.
Baro Dan-
vers.

Calne.

Synodus
de Sacer-
dotum
coelibatu.Chippen-
ham.
Cyppan
quid.

Cofham.

Castle-
combe.Leckham.
Lacock.The Vies.
Devizes.Barones
Brooke.

Edindon.



alias, prælio grassantem Danorum audaciam felicissime contudit; eoque adegit ut conceptis verbis jurarint se protinus ex Anglia cessuros. Quo etiam in loco Guilielmus de Edindon Episcopus Wintoniensis, qui summa erat in gratia apud Regem Edwardum Tertium hinc oriundus, & nominatus Collegium Bonis, quos dixerunt, hominibus erexit. Sed ad rivulum, quem dixi, paulo superius colli infidet Trubridge, olim Trupabrig, id est, Pons firmus & fidelis. Sed quatenus de causa hoc nomen inditum fuerit, minime constat, Lanificii gloria nunc inprimis floret, castrique reliquias ostendit, quod ad Ducatum Lancastrensem spectat. Hoc rivulo Avena auctus Bradford, olim Bradenford, à vado lato sic nominatum, declivi colli affixum & totum è saxo constructum respergit, ubi Kenilwachus Occidentalem Saxonum Rex civili bello gladium tinxit contra Cuthredum propinquum. Hic Wiltoniensibus valedicit, & Somersettensem Comitatum Avena subingreditur Aquas Calidas invirus.

Limes autem Occidentalis hujus Comitatus recta hinc in Austrum descendit per Longleat, ædes equestris familiarum Thimorum (qui à Botteville oriundi) omni elegantia, & nitore perpolitus, licet semel, atque iterum deflagrarint. Meyden Bradley sic dictum ab altera hæredum Manasseris Bisset viri suo tempore nobilissimi, quæ ipsa virgo leprosa domum virginibus leprosis hic posuit, patrimonioque suo ditavit; ut pater antea eo loci Prioratum fundaverat. Stourton sedes Baronum de Stourton, quos ad hanc dignitatem evexit Henricus VI, cum opimi proventus accessissent ex nuptiis cum filia & hærede familiarum Le Moigne, sive Monachi, non Mohun, ut falso hætenus à nonnullis creditum, & hinc dimidiatus Monachus flagellifer clypeo superponitur. Nomen locus invenit à Stour flumine quod sub hoc è sex fontibus ebullit, quos in suum clypeum nigrum areola aurea transverse interjecta Stourtoni Domini loci transtulerunt.

Per Mayden Bradley, quam dixi, labitur Deyerrill fluviolus sic dictus quod perinde ut Anas apud Hispanos, & Mole apud nos in Suthreia, qui inde nomina acceperunt, se sub terram immergit, & post mille passus hic emergens ad Verlucionem properat, antiquissimum oppidum, cujus Antoninus Imperator in suo Itinerario meminit, quod suo nomine non omnino depositum, VVermister dicitur ex antiquo illo nomine, & Anglo-Saxonico Wyrter, quod Monasterium sonat, coalitum. Olim immunitates suas habuit, ut in libro enim Guilielmi Magni legitur, nec geldavit, nec bidata fuit, id est, tributum non conferebat. Nunc tantum foro frumentario celeberrimum, vix enim credas quanta vis frumenti singulis septimanis huc convehatur, & statim dividendatur.

Hinc in Austrum, Septentriones, & Orientem Solem per mediam regionem, campi sunt adeo patentes, ut vix prospici possint, unde & nomen The Plains, raris admodum incolis, & latrociniiis quondam infames, quos ad Austrum duo placidissimi amnes subluunt, VVilleybourn, Afferio Guilou, & Nadder, vulgo Adderbourn. VVilleybourn ad

Verlucionem exoriente per Heitesbury five Hegtredsbury, sedem Baronum de Hungerford ad VVilley viculum delatus prospicit ex opposito sepimentum militare amplum admodum; & profunda, eaque duplici fossa munitum, quod Yanesbury Castle vocant vicini, Romanorum fuisse castra ex forma facile agnoscas. Sunt qui Vespasiani castra fuisse credant, cum legatus legionis xx sub Claudio duas gentes hoc in tractu Romano subjugavit imperio, nominisque Vespasiani reliquias in nomine Yanesbury superesse opinantur. Nadderus ex australi agri limite profusus sinuoso volumine, veluti angui (unde nomen inditum videatur) serpit non procul à VVardour eleganti castro, quod olim antiquæ fuit familiarum de S. Martino dictæ. Nunc, ut plures intermedios Dominos fileam, Ioannis Arundell, qui nuper à Rege Iacobo Baro Arundell de VVardour creatus, & cum laude memorandus, quod juvenis pio instituto in sacram militiam contra Turcas juratos Christiani nominis hostes peregre profectus, ob singularem virtutem in expugnando Strigonio Hungariæ, honorariis literis ab Imperatore Rodolpho Secundo Cæsare Augusto Comes Imperii fieri meruit, hisce verbis, Quod fortiter & strenue se gessisset in apertis præliis, & in civitatibus, & castrorum oppugnationibus, & spectato fortitudinis exemplo in expugnatione oppidi Aquatici juxta Strigonium vexillum Turcis sua manu eripuerit, Ipsum, omnesque & singulos liberos, hæredes, & posteros, & descendentes legitimos utriusque sexus natos, æternaque serie nascituros veros sacri Imperii Comites & Comitissas creavimus, fecimus, & nominavimus, tituloque, honore, & dignitate Comitatus Imperialis auximus, & insignivimus, &c. Huic è regione objacet Hach hodie parum celebris, sed quæ Edwardi primi tempore suum Baronem Eustachium de Hache inter regni procures ad Parlamentaria Comitata evocatum habuit.

Ubi vero hi amnes confluunt, VVilley VVilton oppidum aquis irriguum nomini adoptat, olim totius agri caput, cui & appellationem fecit, antiquitus Ellandunum dictum. Hoc enim docent membrana antiquæ, quæ expresse habent Weolsthanum Ellanduni Comitem, id est, VViltonie; & alibi, Ellanduni, id est, VViltonie monasterium posuisse. Ex hoc nomine Ellan quodammodo inducor hunc fluvium ALANVM esse, quem Ptolemæus hoc tractu nominat. Ad hoc Egbertus Occidentalem Rex secundum prælium anno reparatæ salutis DCCCXXI, contra Beorwulfum Mercium fecit, sed utrique tam funestum, ut profluens ille sanguine cognato redundarit. Ad hoc etiam anno Salutis DCCCXXI, Ælfredus cum Danis congressus primo victor, ancipiti Martis alea statim devictus signa retulit. Saxonico vero sæculo inprimis civium frequentia floruit, sacrarum virginum monasterio ornavit Rex Eadgarus (ut habent Annales) filiamque suam Editham præfecit. Verum ex antiqua ipsius Eadgari Charta data DCCCCLXXIII, antiquius esse constat. sic enim in illa scribitur, Cænobium quod ab atavo meo Edwardo Rege in celebri loco, qui à solicolis noto VViltun vocatur nomine fundatum. Et in vita S. Edwardi Confessoris legimus, Dum S. Edwardus monasterium B. Petri VVestmonasterii molitur, Editha ejus uxor VViltonie, ubi educata fuit, regio opere lapideum monasterium pro lignea ecclesia

Trubridge.

Bradford.
Anno 652.

Longleat.

Mayden
Bradley.Stourton.
Barones
de Stourton
26.
H. 6.

Diver.

Verlucio.

Wermister.

Sarisbury
plains.Wardour
castle.

Baro Arundell.

1595
Comes
Imperii.Hache.
Baro de
Hache.

Wilton.

Elandunum.

Alnus fl.

ecclesia inchoavit, prosequuta affectum regis affectu suo. Nec ita concidit hoc oppidum (licet Sueni Danie gravissime dilaceratum fuerit) donec Episcopi Sarisburienses viam, qua prius hac in occiduas regiones itum erat, deflexerint. Tunc enim paulatim quasi contabuit, & nunc tantum tenuis quasi viculus, *Majore tantummodo pro magistratu summo, & elegantissimis Comitibus Penbrochiæ ædibus, quæ è diruto monasterio surrexerunt, gloriatur.* Sed ejus luminibus **SORBIODUNUM** olim, & nunc ejus proles *Sarisbury* in primis offerunt. Sic enim Antonini Itinerario dicitur, quod Anglo-Saxones postea *Seapýrbyrig* dixerunt, & vulgus Latinorum *Sarum*, & *Sarisburia*. Itineraria enim ratio, & nominis vestigium, vel me tacente, hoc contestentur. Quis enim ambigat *Searisbirig* à *Sorbioduno* profluxisse, addito Saxonico *Býrýg*, quod Burgum sonat, pro *Duno*, quod Britannici & Galli locis addiderunt, qui editionem situm occupabant, uti hoc *Sorbiodunum*? Usque adeo ut quidam Britannicæ linguæ callentissimus mihi *Sorbiodunum* collem siccum interpretatus fuerit, & probabiliore certe conjectura, quam qui à *Sarone Berosi*, aut à *Severo* Imperatore magno conatu deduxerunt, *Severiamque* dixerunt. Collem enim editionem occupavit, & ut inquit *Malmesburiensis*, *In vice civitatis castellum erat, muro vallatum non exiguo, ceteris comitatibus utcumque valens, aquæ penuria laborans adeo, ut mirabili commercio aqua ibi vendatur.* Unde quidam, qui illo tempore vixit, de *Sorbioduno* antiquo,

*Est ibi defectus lymphæ, sed copia cretæ,
Sevit ibi ventus, sed philomela silet.*

Et parietinis quæ jam super sunt, operibus, & munitionibus satis tutum fuisse videtur, & ambitu quasi quingentos passus collegisse. *Kinricus Saxo* cum felicissime contra *Britannos* pugnavisset, anno **D LIII** primus *Saxonum* expugnavit, *Canutusque Danus* circa annum **M III**, injecto igni graviter afflixit. Revixit tamen cum Synodali autoritate & *Guilielmi Conquæstoris* munificentia *Hermannus Episcopus Shirburnensis & Sunningensis* huc sedem transtulisset, cujus proximus successor *Osmundus ecclesiam* construxit *Cathedralem*. Et *Guilielmus* ille primus postquam *Angliæ lustrum* condidisset, huc omnes regni ordines convocavit, ut fidem interposito jurejurando adstringerent, quo tempore, ut est in *Censuali libro*, pro *quingenta Hidis geldabat*. De *tercio denario Salisbury* habet *Rex xx solidos ad pensum, de Cremento Lx libras ad Pondus*. Quod ideo noto, quia ut apud veteres *Romanos*, ita apud nostros majores pecunia & appendi & numerari solebat. Nec ita multis post annis, regnante *Richardo*. Primo, tum ob præfidiarii militis insolentiam, tum aquæ penuriam, paulatim demigrare cœperunt incolæ, & vix mille hinc passus ad *Ortum hybernium*, loco humiliori, ubi quasi conceptaculum est plurimorum rivulorum, ad *Avenæ*, & *Nadderi* confluentes confederunt. Hujus demigrationis meminit in suis epistolis *Petrus Blesensis*. Sic enim de antiquo *Sorbioduno* scripsit, *Erat locus ille ventis expositus, sterilis, aridus, desertus, erat ibi turris quasi in Siloem, quæ habitatores loci onere longæ servitutis oppressit.* Et postea, *Captiva erat in monte illo Sarisburiensis ecclesia.* Descendamus ergo *felici auspicio* ad *complanam*, ubi *valles abundabunt frumento, & campi spatio* *Britannia.*

cioli pinguescunt. Et *Poëta* jam dictus de eadem lufit:

*Quid Domini domus in castro? nisi federis arca
In templo Baalim; carcer uterque locus.*

Locumque illum in quæ descenderat, sic describit,

*Est in valle locus nemori venatibus apto
Contiguus, celebris fructibus, uber aquis.*

*Tale Creatoris matri natura creata
Hospitium toto quæsit orbe diu.*

Cum jam descendissent, ut ab ara Dei auspicarentur, *Richardus Poore Episcopus*, in loco amænissimo, prius *Merfield* vocato, augustissimum speciosa structura templum inchoavit. Quod cum præcella pyramide, & duplici utrinque transeptio sacra quam hilaritate & majestate venerabile quadagesimo post anno, maximis sumptibus peractum, & dedicatum anno **M CCLVIII**, *Rege Henrico tertio* etiam præfente. De quo verifactor ille vetustus non ineleganter,

*Regis enim virtus templo spectabitur isto,
Præfatis affectus, artificumque fides.*

Sed multo elegantius clarissimus, & eruditissimus *Daniel Rogerius*,

*Mira canam, Soles quot continet annus in una
Tam numerosa, ferum, ade, fenestra micat.*

*Marmorea que capit fufas tot ab arte columnas,
Comprensas horas quot vagus annus habet.*

*Torque patent portæ, quot mensibus annus abundat,
Res mira, at ver a res celebrata fide.*

Fenestras enim anni diebus, columnas & columellas anni integri horis, & portas duodecim mensibus numero respondere dicunt. Claustraque habet ex australi parte sua amplitudine, & elegantia nullis secunda, quibus adjungitur palatium Episcopi pulcherrimum: & ex altera parte seorsim à templo campanile excelsum & firmissimum. Opibus vero & proventibus ita brevi accrevit, ut *Decanum, Præcentorem, Cancellarium, Thesaurarium, & Præbendarios* triginta tres honestissimis stipendiis alat, è quibus *Residentes*, ut vocant, suas etiam pulcherrimas ædes templo adjunctas habent, & hæc omnia seorsim ab urbe suis mœnibus inclusa. Cives itidem, dum Episcopus Dei domum moliretur, certatim urbem statuerunt, *Rempublicam* stabilierunt, in singulos vicos rivulos derivarunt: fossam, qua perenni flumine non subluitur, duxerunt, cum licentiam muniendi à *Simone Episcopo* impetravissent. Paulatimque ex veteris *Sorbioduni* ruinis sic accrevit hæc nova *Sarisburia*, ut statim atque Regia autoritate, viam publicam quæ in Occiduas regiones ducit, huc deflexerint, facile fuerit omnium urbium in hoc tractu secunda, summe frequens, omnium rerum, præsertim piscium affatim copiosa, & amplissimo ornata foro, in qua domus civica est è ligno pulcherrima. Sed nihil est, quo perinde gloriatur, ac *Ioanne Jewell* non ita pridem Episcopo, *Theologiæ* cognitione ad miraculum instructissimo, & reformatæ religionis propugnatore acerrimo. Vetus *Sorbiodunum* jam inde evanuit, regnanteque *Henrico Septimo* omnino desertum, ut vix hodie super sit unum & alterum propugnaculum castris, quod tamen longo tempore postquam incolæ demigrassent *Sarisburia* Comitum sedes fuit, & de quo lis regnante *Edwardo III* exorta est memorabilis. *Robertus enim Episcopus Sarisburiensis Guilielmum de Montea-*

M m cuto

Sorbiodunum.

Old Saris-bury.

Dunum quid Gal-lis & Britannis.

Pecunia appensa, & numerata.

New Saris-bury.

29. Edward. 3. Term Hilarii. Duellum de Castro Sarum vel Shirburn ut alii volunt.

Comites Sarisburie. Historia monasterii Lacock.

Insignia Comitum Sarum.

Matth. Paris pag. 973. & 1051.

Walsingham pag. 74.

Verbaliter. Patent.

cuto Comitem Sarisburie ea formula juris (quod Breve de Recto appellant Iuridici nostri) in jus de hoc Castro vocavit; ille respondit se duello jus suum defensurum. Unde die constituto Episcopus pugilem produxit suum ad repagula albo vestimento ad mediam usque tibiam indutum. Cui superinductum sagum armis gentilitiis Episcopi depictum, quem subsequeretur Miles baculum, & servulus scutum gestans, statimque Comes suum simili vestitu manu induxit pugilem, quem comitabantur duo Milites bacula alba gestantes. Cum jam in arenam descensuri essent pugiles, jussi sunt secedere ut arma utrinque explorarentur. Ex improvise autem literæ Regis intervenerunt, ut ampliaretur causa, ne quid fraudi esset Regi. Interim vero convenit inter eos, ut Comes acceptis 2500 Marcis, de jure in castro Episcopo, & successori in perpetuum cederet.

Comites suos Sarisburia hæc jam olim habuit, quorum stemma paulo altius & verius ex Lacockensi historiola deducam. Gualtero de Evereux Comiti de Rosmar in Normannia latifundia assignavit in hoc agro munificentia Guilielmi Conquestoris, quæ Edwardo de Sarisberia dicto, filio juniore in Anglia nato reliquit, ut alias in Normannia terras cum titulo Comitis de Rosmar Gualtero filio natu maximo, cujus soboles paulo post defecit. Edwardus ille de Sarisberia floruit anno 20 Conquestoris, sæpiusque memoratur sine Comitis titulo in libro Angliæ Iudiciario. Hujus filius Gualterus monasteriolum ad Bradestok construxit, ibique Canonici habitum senex induit, cum Patricium, qui Comes Sarisburie primus, ex Sibylla de Cadurcis, sive Chaworth suscepisset. Hic Patricius Comes primus in reditu à S. Iacobo Compostellano MCLXIX, à Guidone de Lusignian interfectus, successorem habuit Guilielmum filium, qui obiit Lutetia tempore Regis Richardi Primi. Hujus filia unica Ela (favore illius Regis Richardi,) & titulo Comitis, & suo clypeo cæruleo sex leunculis aureis erectis ornato, Guilielmum de Longa-spatha, à longo quo usus est ense cognominatum, filium naturalem regis Henrici II suis nuptiis honoravit. Huic filius erat Guilielmus de Longa-spatha itidem dictus, cui Henricus III offensior, quod in bellum sacrum cruce signatus, non impetrata venia abierat, tum Comitis Sarisburie titulum, tum Sarisburie castrum abstulit. Ille tamen propositi tenax in Ægyptum cum S. Lodovico Galliarum Rege profectus juxta Damiatam, quam Christiani cœperant, excellenti animi magnitudine inter densissimos hostes dimicans gloriosa morte occubuit, paulo antequam sanctus ille Rex infeliciter caperetur. Hujus filius nomine itidem Guilielmus sine Comitis titulo vixit, & unicam filiam Margaretam progenuit, quæ tamen Sarisburie habita Comitissa, uxor fuit Henrici Lacy Comitis Lincolnie, cui unicam peperit filiam Aliciam, conjugem Thomæ Comitis Lancastrensis. Quo proscripso, Rex Edwardus Secundus in possessiones, quas illa marito cœcesserat, & dimiserat, involavit, & ex quibus Rex Edwardus Tertius Guilielmo de Monte-acuto dedit Trowbridg, Winterbourn, Ambresbury, & alia hisce verbis, adeo plene & integrè sicut ea progenitores Margaretæ Co-

mitisse Sarisburia aliquo tempore tenuerunt. Quo tempore Guilielmum illum de Monte-acuto in Comitem Sarisburie prefecit, ac per cincturam gladii de dicto Comitatu investivit sibi & heredibus in perpetuum. Hic Manniam insulam sui juris fecit, duosque suscepit filios, Guilielmum qui patri in honore successit, & sine prole obiit, Ioannemque Equitem auratum qui ante fratrem fati concessit, cum reliquisset è Margareta filia & hærede Thomæ de Monte Flomerii Ioannem Sarisburie Comitem, qui cum temporario esset ingenio, & Regi Henrico quarto perniciem moliretur, anno MCCC Cicestrie interfectus erat, & majestatis postea damnatus. In integrum tamen restitutus est filius ejus Thomas, vir inter summos Duces numerandus, sive laborem in negotiis, sive industriam in agendo, sive celeritatem in conficiendo spectes, quidum Aureliam in Gallia obsideret, pila è tormento majori vulneratus anno MCCCC XXVIII occubuit. Alicia filia ejus unica nupta Richardo Nevill, illum Comitis Sarisburie titulo adauxit, qui dum stetit à familia Eboracensi, in prælio apud Wakefield captus & capite plexus filium Richardum successorem habuit Warwici, & Sarisburie Comitem, qui periculis lætus novo civilis belli incendio patriam involvit, quo ipse extinctus. Hujus filiarum altera Isabella nupsit Georgio Duci Clarentie Regis Edwardi Quarti fratri cui peperit Edwardum, qui puerulus, & innocens ab Henrico VII capite truncatus, uti soror ejus Margareta cui titulus Comitissæ Sarisburie restitutus, ab Henrico Octavo eadem pœna septuagenaria affecta. Nec insolens sane principibus, ut sibi & suis adsit securitas, sanguine proximos, causis facile nunquam non se suggerentibus, tollere, vel opprimere. Anna altera filia Richardi Nevill Comitis Warwici, quem Edw. IV Comitem Sarisburie dixit, uxor erat Regis Richardi Tertii, cui cum peperisset Edwardum Wallie Principem teneris annis defunctum, non sine suspitione veneni obiit. Iam inde desit hic titulus honorarius, donec anno MDCV Iacobus Rex potentissimus Robertum Cecilium Secundo-genitum Nestoris nostri Guilielmi Cecilii ob animum prudentia validum, & consilia patriæ principique salutaria eodem illustraverit, cui antea, ut dixi, pro maximis in Rempublicam laboribus & meritis honores Baronis Cecilii de Essenden, & Vicecomitis Cranburn detulerat. Hæc de Comitibus Sarisburie.

Inferius sub hac urbe ad Avonam Duncton, si-ve Donketon assidet Burgus, ut ferunt, antiquus, & Bogonis Southantonienfis ædibus clarus, qui inter heroum numerum ob celebratam versiculis fortitudinem à populo relatus.

Sarisburiam planities campestris undique incingit, nisi ad ortum, qua adjacet vivarium amplissimum Clarindon, conservandis, enutriendisque animantibus feris peropportunum, & regiis ædibus quondam exornatum. De quo & viginti lucis inclusis sic carmine lusit D. Mich. Malcher-tus Legum Doctor,


Nobilis est lucus, cervis clusura, * Saronam
Propter, & à claro vertice nomen habet,
Viginti hinc nemorum partito limite, boscis
Ambitus est passus mille cuique suos.

* Hoc nomen ipse Poëta excogitavit.

Septen-

Stone-henge.

Saxa fracta.



Stone-henge.

Septentriones versus ad vi plus minus à Sarisburia milliaria, in illa planitie, insana (ut Cicero nis verbo utar) conspicitur substructio. Intra fossam enim ingentia, & rudia saxa, quorum nonnulla xxviii pedes altitudine, vii latitudine colligunt, coronæ in modum triplici serie eriguntur, quibus alia quasi transversaria, sic inniuntur, ut pensile videatur opus: unde *Stonehenge* nobis nuncupatur, uti antiquis historicis *Gigantum Chorea* à magnitudine. Ejus vero qualemunque delineationem cum verbis satis commode exprimi non potest, inferius post Alexandri Nechami versus opera sculptoris subjungendam curavi.

Saxa factitia.

Hoc in miraculorum numerum referunt nostrates. Unde vero ejusmodi saxa allata fuerint, cum tota regione finitima vix structiles lapides inveniantur, & quam ratione subrecta, demirantur. De his non mihi subtilius disputandum, sed dolentius deplorandum oblitos esse tanti monumenti authores. Attamen sunt qui existimant saxa illa non viva esse, id est, naturalia & excisa, sed factitia ex arena pura, & unctuosio aliquo coagmentata: quemadmodum illa trophæa quæ in Eboracensi agro vidimus. Et quid mirum? Nonne apud Plinium legimus, pulverem Puteolanum fluctibus mersum protinus fieri lapidem? & cisternas Romæ ex arena fossitia, & calce vehementissima ita constructas, ut lapides videantur; Statuasque è marmorum crustu-

lis tanta firmitudine coagmentatas, ut ex solido marmore judicentur. Fama obtinet, Ambrosium Aurelianum, sive Utherum ejus fratrem in Britannorum memoriam qui ibi Saxonum dolo, in colloquio ceciderunt, illa Merlini Mathematici opera posuisse. Unde Alexander Nechamus medii temporis Poëta, poetico æstro percitus, sed non Apolline plenus, ex Britannica Galfredi historia sic lufit,

*Nobilis est lapidum structura, Chorea Gigantum,
Ars experta suum posse, pergit opus.*

*Quod ne prodiret in lucem segnius, artem
Se, viresque suas consuluisse reor.*

*Hoc opus adscribit Merlino garrula fama,
Filia figmenti fabula vana refert.*

Illam congerie fertur decorata fuisse

Tellus, quæ mittit tot Palamedis aves.

*Hinc tantum munus suscepit Hibernia gaudens,
Nam virtus lapidi cuilibet ampla satis.*

*Nam resperis aquis magnam transfundit in illa
Vim, quæ curari sepius ager eget.*

*Uther Pendragon molem transvexit ad Ambri
Fines, depicto victor ab hoste means.*

*O quot nobilium, quot corpora sacra virorum,
Illic Hengisti prodicione jacent!*

*Intercepta fuit gens incluta, gens generosa
Intercepta, nimis credula, cauta minus.*

*Sed tunc enituit præclari Consulis Eldol
Virtus, qui letbo septuaginta dedit.*



A. Saxa quæ vocantur Corlestones pondere 12 tonnarum
altitudine 24 pedes, latitudine pedes 7 ambitu 16
B. Saxa quæ vocantur Croneit. 6 vel 7 tonnarum
C. Locus ubi ossa humana effodiuntur.

Alii produnt Britannos hoc quasi magnificentum
sepulchrum eidem Ambrosio substruxisse eo lo-

ci, ubi hostili gladio ille periit, ut publicis operi-
bus contextus esset, eaque exstructione, quæ fit
M m 2 ad

ad æternitatis memoriam, quasi virtutis ara. Certe ossa humana hic sæpius effossa fuerunt, & pagus qui adjacet ad *Avenam*, *Ambresbury*, id est, *Ambrosii vicus* dicitur, ubi antiquos quosdam Reges sitos esse historia Britannica docet, & Eulogium ibi trecentorum monachorum cœnobium fuisse refert, quod nescio quis barbarus Gurmundus diripuit. Eo loci postea Alfritha Eadgari Regis uxor, ut facinus in perimendo privigno Edwardo Rege, pœnitentia, & pio aliquo opere expiaret, ædem superbam Monialibus construxit & dotavit, in quo Æleonora vidua Regis Henrici Tertii regia pompa renunciata, inter sacras virgines se Deo dicavit. Ambrosius Aurelianus, qui nomen loco fecit, Romano imperio jam prope confecto, purpuram, ut P. Diaconus testatur, in Britannia induit, patriæ labenti suppetias tulit, & bellicosi Arthuri opera hostium impetus repressit, exercitus maximos, ex animosis Germaniæ populis conflatos delevit; & tandem collatis in hac planitie signis, animam patriæ reddidit. Cum vero Gildas, & Beda hujus parentes, purpura indutos occisosque scribant, illum è Constantini illius genere fuisse, qui Theodosio Juniore IIII Col. in Britannia spe nominis Imperator designatus, & postea Arelati interemptus fuerat, cur non asseveranter affirmarim? Ab *Ambresbury* cis *Avenam* vix ad quartum lapidem est Leporarium vulgo *Everlie VVarren*, ubi maximus leporum proventus, quorum venatu nobiles vicini recreantur; sed non tantus, ut militare auxilium adversus eos petant accolæ, quod Balearicos fecisse apud Plinium legimus, licet messibus itidem sint infesti, vicinumque huic *Luthgershall*, ubi olim castrum Galfredi *Fitz-Petri* Iustitiarum Angliæ & Comitum Essexiæ opulentissimi. Non multo superius *VVolfsball* fuerunt ædes familiæ claræ *Seimor*, sive de *S. Mauro* qui amplam in hoc tractu hæreditatem *Eshurmiorum* nuptiis adierunt. Hi in clypeo argenteo tres leones rubros dimidiatos gestarunt, & ab Henrici Secundi temporibus *Forresta de Savernac*, quæ adjacet copiosa venatione, & filice gratissimi odoris celebris, hæreditario jure *Ballivi*, & *Guardiani* erant. In cujus memoriam Cornu eorum venatorium, magnum illud quidem & argento ornatum à *Seimoris* etiamnum servatur.

Wolfhall.
Estormy
five Stur-
my.
Savernac
Forrest.

Barrowes
& Burro-
wes.
Tumuli.

Paulo magis ad Ortum Cunetio flumen Saxonice *Cynetan*, vulgo *Kennet* oritur juxta ejusdem nominis viculum, quem aliqui CVNETIONEM, ab Antonino memoratum volunt, sed distantia utrinque reclamant. Hic *Selbury* collis rotundus & in fastigium editus surgit, qui hominum labore aggestus cum ex ipsius forma, & terræ subdientis facie videatur. Cujusmodi multi in hoc tractu rotundi & fastigiati cernuntur, & *Burrowes* & *Barrowes* vocant, in occisorum militum memoriam forte excitati. Ossa enim in illis reperiuntur, & legi in usu fuisse Septentrionalibus, ut singuli milites prælio superstitibus tantum terræ quantum casside capere poterant, in occisorum tumulos aggererent. Et si hunc *Selbury* instar limitis potius positum opiner, si non à Romanis, certe à Saxonibus, perinde ac fossa illa *VVodensdik*, cum de limitibus inter Mercios & Saxones occiduos in hoc agro sæpius decertatum, & ejusmodi tumulos pro limitibus aggestos fuisse Boëtius,

& Gromatici scriptores commemorarunt. De- currit hic fluvius primo per campos è quibus saxa uti rupes passim eminent, unde viculus ibi *Rockley* dictus, inter quas emergit nonnunquam ex improvviso aqua torrentis in modum, quæ quasi futuræ famis prænuncia *Hungerborn* rusticis vocatur. Inde Cunetio sui nominis urbem invisit, quæ CVNETIO Antonino dicitur, & ad xx à Verlucione milliare locatur. Ad quam distantiam huic flumini Cunetioni antiqua illa urbs novo nomine *Marleborow*, olim *Marleberge* in collis declivi ab ortu in occasum protenditur. An hoc recentius factum fuerit nomen à *Marga*, quam *Marle* nostra lingua dicimus, & ad agros stercoreandos utimur, non facile dixerim. Certe subjacet colli ex calce albicanti, quam majores nostri antequam hoc nomen *Chalck*, à calce Latinorum sunt mutuati, *Marle* dixerunt. Rifu vero excipienda est illa à *Merlini* tumulo ducta notatio, quam hoc disticho in suo de Divinæ sapientiæ libro procudit Alexander Nechamus,

*Merlini tumulus tibi Merlebrigia nomen
Fecit testis erit Anglica lingua mihi.*

Cunetionis hujus, una cum nomine fatum, fortunaque cum antiquitatis memoria à Saxonum ingressu ad Normannicum usque seculum perit, interposito enim tempore ne nomen quidem usquam in nostris historiis occurrit. Insequenti vero sæculo legimus Ioannem cognomento *Sine terra*, qui postea Rex Angliæ, hic castrum habuisse, quod cum ille à fratre Richardo Primo defecisset, Hubertus Cantuariensis Archiepiscopus expugnavit. Quodque postea celebratissimum fuit, frequenti omnium totius Angliæ Ordinum conventu, qui conjunctis sententiis ad tumultus sedandos legem tulerunt, quæ Statutum de *Marleborow*, vulgo vocatur. Nunc autem tempore devictum, nihil aliud plane est, quam rudetum; paucula sane intra fossam supersunt mœnium reliquiæ, & diversorium adjunctum pro castro inter signum castris prætendit. Incolæ vero nihil magis ostentant quam in proxima Ecclesia ad *Presbut* Baptisterium, ex obsidiano, ut videtur, lapide, in quo nescio quos principes olim baptismo Christo renatos fuisse perhibent. Nec tacendum sane quod legi, quemlibet Burgensem hic admissum duos canes leporarios, duos capos candidos, taurumque candidum veteri instituto *Majori* exhibere solere.

Eidem flumini etiam eadem ripa adjacet *Ramesbury* pratorum amœnitate nunc tantum commendatus viculus, olim Episcoporum cathedra celebratus, qui huic agro præfuerunt, sed cathedra illa *Shirburnensi* ab Hermanno octavo Episcopo conjuncta, demum, ut dixi, *Sarisbury* translata, omnem secum famam hinc una transtulit, quoniam apud *Ramesberiam* nec Clericorum erat conventus, nec erat quo sustentaretur. Ex altera ripa magis ad Ortum *Littlecot* cernitur, quæ memoranda ob suum Dominum Ioannem *Popham*, qui summus in tribunali Regio Iudex justitiæ officii, summa cum laude fungitur, ut jam dixi.

Huc usque Wiltoniensem agrum perlustravimus, qui ut est in Angliæ Notitia (nec adnotare pigebit) *reddebat Regi decem libras pro accipitre, viginti solidos pro summano, pro feno centum solidos, & oras quinque.* Quod vel quale numi genus *Ora* illa fuerit,

In Geo-
metria.

Rockley.

Hunger-
born, id
est famis
rivulus.
Cunetio
oppidum.

Marlebo-
row.

Ramef-
bury.

Guilielm.
Malmes-
de Episco-
pis.

Littlecot.

Ora quid.

rit, mihi plane ignotum; sed ex Registro Monasterii Burtoniensis xx Oras valere duas Argenti Marcas observavi.

Comites è variis familiis præter illos quos dixi, Sarisburiae, paucos hæc Provincia numerat, nam ut Weolsthanum ante Normannicam victoriam omittam, nullum (quod sciam) ante Richardi II tempora habuit, qui Guilielmum *Le Scrope* eo honoris extulit, sed hujus felicitas cum suo principe & stetit, & cecidit: quum enim ille regno exturbatus, hic capite multatus. Nec multis post annis successorem habuit Iacobum *Butlerum* Ormondiae Comitem ab Henrico VI evectum. Inde cum Lancastrenses jacerent ille proscripius, & hunc titulum *Ioannes Stafford* minor Humfredi Ducis Buckinghamiae filius Beneficio Edwardi IIII accepit, cui successit filius Edwardus sine liberis defunctus. Eundem honorem postea contulit Henr. VIII Henrico *Stafford* ex eadem Buckinghamienfi familia, quo aliquandiu

ille gavissus sine prole diem obiit. Demum ejusdem Regis gratia in Bolleniorum familiam intulit, Thomam enim *Bollen* Vicecomitem *Rochfort*, natum ex altera hærede Thomæ *Butler* Comitis Ormondiae, Wiltoniae Comitem ereavit. Cujus filia Anna à Rege in matrimonium assumpta, facto sibi & fratri funesto, parentibus acerbo, sed Angliæ fausto. Reginam enim Elizabetham principem optimam, ob rempublicam prudentissime administratam, & suas virtutes supra sexum heroicas illustrissima laude celebrandam nobis peperit. Cæterum cum Thomas *Bollen* angore confectus ex infelici liberorum fato, sine prole mascula expirasset; jacuit hic titulus donec Edwardus VI Guilielmo *Powlet* Domino *S. Iohn de Basing* contulerit, quem mox Marchionem Wintoniae, & summum Angliæ Quæstorem constituit, in cujus familia etiamnum permanet.

Elizabetha Regina.

Vide Basing in Hantsshire.

Parécias 304 continet hic Comitatus.

H A N T S H I R E.



Roxima est Wiltoniensibus, quæ quondam Saxonibus *han-terchyr*, nunc vulgo *Hants* hircus partem mediterraneam ad Belgas, maritimam ad *Regnos* antiquum Britanniae populum spectasse non est cur dubitemus. Ab occasu Dor-

settiæ, & Wiltoniam, ab Austro Oceanum, ab Ortu Suffexiam & Surreiam, & à Septentrione Bercheriam attingit. Provinciola est frugum proventus ferax, sylvarum densitate alicubi amœna, pascuorum fecunditate læta, & à maritimis commoditatibus felicissima; utpote quæ crebris interscissa æstuariis mercaturis faciendis admodum opportuna. In Romanorum potestatem cum primis redactam fuisse creditur, Historiæ enim nostræ produnt Vespasianum debellasse, & in hac re ut credamus ratio satis probabilis postulat. Dio enim testatur Plautium & Vespasianum, cum sub Claudio Britanniam aggredierentur, copiis in tres partes distributis, ne uno loco appellentes littore prohiberi possint, insulam petiisse: & ex Suetonio docemur Vespasianum in ea expeditione tricies cum hoste pugnasse, Vectam insulam, quæ huic agro objacet, & duas validissimas gentes in deditionem redegissee. Ob quas Victorias, & Oceanum feliciter permensum, ipsum Vespasianum, quasi Cæsare feliciorum sic affatur Val. Flaccus,

Vespasianus.

O tu pelagi cui major aperti

Fama, Caledonius postquam tua carbasæ vexit

Oceanus, Phrygius prius indignatus Iulos.

Et de ipso cecinit Appollonius Collatius Novariensis,

Ille quidem nuper felici Marte Britannos

Fuderat.

Quomodo vero in hoc bello, Vespasianum à Britannis arctissime obsessum Titus filius periculo exemit, quomodo item anguis innoxius ipsum

Britannia.

tunc temporis complexus est, quod in Imperii omen arripuit, tibi dixerint Dio, & Forcatulus. Ego vero quod instituti mei est, ab Occidentali hujus provinciae limine exorsus, primum oram maritimam, & quæ effunduntur flumina, deinde interiora perambulabo.

Iuxta Occidentalem limitem alveum placide agit *Avena*, & ubi primum hunc agrum influit, Cerdici est vadum, olim *Cerdicks-ford*, postea *Cerdeford*, nunc contracto vocabulo *Chardford* à Cerdico bellicoso Saxone denominatum. Hic enim Cerdicus ille collatis cum Britannis signis ita eos fregit, ut non solum imperii sui fines protenderit, sed etiam facile bellum posteris tradiderit. Cum antea anno Salutis DVIII, magna belli contentione *Natanleod* potentissimum Britannorum Regem, qui *Naxaleod* etiam aliis vocatur, cum magno Britannorum numero hoc tractu superavisset. E cujus etiam nomine regiunculam usque ad hunc locum *Natanleod* appellatam fuisse in Anglo-Saxonum Annalibus legimus, quam curiosior investigavi, sed ne tenue ejus nominis vestigium hæcenus inveni, nec quis ille fuerit *Natanleod*, ariolari possum. Verum illo eodè tempore Aurelium Ambrosium in hoc tractu, alternante fortuna prælia cum Saxonibus subinde confervisse certissimum; cujus tamen Anglo-Saxonum illi Annales nusquam meminerunt, qui, quod observavi, prælia sibi secunda, nunquā adversa propenso nimis in se ipsos studio, tantum commemorarunt. Inde flumen delabatur per *Regnewood*, sive *Rinwood*, in libro Angliæ Censuali *Rincerwed*. Quod REGNUM fuisse Regnorum oppidum, cujus meminit Antoninus, cum itineris ratio, tum nominis reliquæ, & significatio fidem faciunt: *Ringwood* enim Saxonica adjectione, REGNORVM sylvam significare videtur. Magni nominis olim fuisse, Centuria quæ adjacet inde nominata persuadet, nunc tantum rerum venalium foro est celebre. Hinc digressus *Avena* hospitio

Avena fl. sive Avona
Cerdicks ford.

5091.
Cerdici vadum.






Natanleod sive Naxaleod.

An Natanleod & Aurelius Ambrosius idem.

Regnum. Ringwood.

N n

fuo



Christ-church.
Twinham.
*
Registrum
monaste-
rii.
Alavus fl.
Nemforest.
Eulogium.
Beaulieu.

suo excipit. *Stour* fl. à Durotrigibus descenden-
tem, ubi ad confluentes interfidet emporium
frequens, hodie ab æde Christo sacra *Christ-church*,
olim quod inter amnes interpositum, *Twinham*-
ne, eodem plane sensu, quo Italiae *Interamna*. Ca-
stello quondam firmatum, & antiqua Præbenda-
riorum ecclesia ornatum, quæ Saxonico seculo
constructa, à Radulpho *Flammard* Episcopo Du-
nelmensi (qui ibi Decanum egerat) regnante
Guilielmo Rufo restaurata, & à Richardo de *Ri-*
paviis Devonix Comite, cui Rex Henricus Pri-
mus hunc locum in *feodum* contulit, magnis redi-
tibus locupletata, ad Regis Hen. VIII tempo-
ra, & summam illam monasteriorum horam fuit
celeberrima. Sub hoc *Stourus*, & *Arena* uno con-
iuncti ostio in mare effunduntur, quod Ptole-
mæus *ALAVNI* fl. ostium dixit, & recte qui-
dem. Nam *Arenam* proprium fuisse huic nomen
minime mihi imperare possum ut credam, cum
sit commune, & Britanni ea dictione omnia flu-
mina designent. *Alaum* autem olim dictum existi-
marim, quod ejus nominis superstitis sint reli-
quix in viculis assidentibus, utpote in *Allinton*, *Al-*
lingham, &c.

Ad hujus ripam Orientalem Guilielmus Nor-
mannus oppidis, villis, & sacris ædibus longe la-
teque excisis, miserisque incolis ejectis, omnia
per triginta plus minus in ambitu milliaria, in
ferarum lustra, & saltum redegit, quem nos
Nemforest, Angli illo seculo *Trene* dixerunt. De
quo Gualterus Mapæus, qui illi ævo proximus,
Conquestor terram Deo & hominibus abstulit, ut eam di-
caret feris, & canum lufibus, à qua triginta sex matricis
ecclesias extirpavit, & populum earum dedit exterminio.
Hoc autem fecit vel ad tutiorem accessum in
Angliam Normannis suis præstandum (Norman-
niæ enim objacet) si eum quasi bello perfunctum
gravior in hac insula tempestas exciperet, vel ad
voluptatem, quam ex venatione caperet vel ad
pecuniam sibi undiquaque corradendam. Ille
enim feris, quam hominibus æquior, pecunia-
riam multam, eamque gravissimam, & supplicia
alia graviora constituit, si quis suas feras venare-
tur. Sed huic regis importuno facto divina vin-
dicta non diu defuit. Richardus enim filius ejus
secundo-genitus, & Guilielmus Rufus Rex An-
glia, alter etiam filius in hoc saltu perierunt; hic
sagitta à Gualtero *Tirell* fortuito transfixus, ille
pestilenti aura afflatus. Henricus item è Rober-
to filio natu maximo nepos, dum in hoc feras
contentius insectaretur, ramusculis appensus ani-
mam efflavit, ut etiam nepotes parentum delicta
luere doceamur. De hac *forestâ* circumferuntur
I. Whiti Episcopi Wintoniensis versiculi, quos,
quamvis falso Rufum regem instituisse innuant,
cum multis tamen placeant, mihi etiam hoc in
loco subungere non displiceat,

Templa adimit divis, fora civibus, arva colonis
Rufus, & instituit Beaulensi in rure forestam;
Rex cervum insequitur, Regem vindicta, Tirellus
Non bene provisum transfixit acumine ferri.

Beaulense Rus vocat, eo quod in proximo Io-
annes Rex Monasterium posuit, à bello situ
Beaulieu dictum, quod ad patrum usque memori-
am celeberrimum: asylum utique intemeratum,
& tutus perfugis receptus, unde homicidas

quantumvis sceleratos, vel læsæ majestatis reos
abripere nefas, & piaculum nostri quondam ex-
istimarunt. Adeo ut majores nostri, cum ejus-
modi Asyla, sive *templa* (ut vocant) *miseriçordiæ*,
passim per Angliam instituerint, Romulum sibi
potius in exemplum proposuisse videantur, quam
Mosem, qui consulti homicidii reos ab altari
avelli jussit, ut moriantur. Illisque tantum asy-
lum collocavit, qui fortuitum homicidium per-
petrassent.

Verum ne tantus ad mare terrarum tractus,
quantus hic saltus est, præsidio nudus, & hosti
expositus jaceret, Henricus VIII munitioni-
bus armare cœpit. In lingula enim longius pro-
minente, unde brevissimus in Vectam insulam
trajectus, *Hurst* castellum extruxit, quod mari
circumquaque minatur. Magisque ad Ortum al-
terum etiam propugnaculum excitavit, *Calfshot*,
pro *Caldshot* vocant, ut Southantonienfis portus
ingressum tueretur. Hic enim retractis magno
recessu littoribus, & Vectæ insulæ objectu por-
tus fit egregius, quem Ptolemæus *TRISAN-*
TONIS fl. ostium vocat, ut mea quidem fert
opinio, pro *Traith Anton*, id est, *æstuarium Anton*.
Eodem enim fere nomine Ninnio antiquo au-
thori *Trabannoni ostium* appellatur. Flumen autem
influens, quod hodie *Tetst*, superiori ætate, ut est
in Sanctorum vitis, *Terstan*; atque olim *Ant* vel
Anton, dictum fuisse *Antport*, *Andover*, & *Hanton* op-
pida, quæ incumbunt, quodammodo loquuntur.
Tantum abest, ut ab Hammone Romano ibi in-
terfecto dictum credam: quod tamen fabulatur
Monumethensis, & Poëta ejus assecla, qui de
Hammone sic ludit,

Ruit huc, illucque, ruentem
Occupat Arviragus, ejusque in margine ripæ
Amputat ense caput, nomen tenet inde perempti
Hammonis Portus, longumque tenebit in ævum.

Cæterum huic portui imponitur *South-banton* *Southan-*
urbecula, in cujus proximo ad Ortum æstivum, *ton.*
alia eodem nomine olim floruit, quæ *CLAV-*
SENTVM Antonini, tam ex distantia hinc à *Re-*
gno, quam inde à *Venta* videatur: utque *Trisanton*,
Antoni æstuarium, sic *Clausentum Portum* Entum Bri-
tannice significat, *Claudh* enim Britannis idem
denotare accepi, quod *χλὺς λιμὴν* Græcis, id est,
portus effossa terra extractus. *Hanton* autem &
Henton hunc locum dictum fuisse, non est cur quis-
quam dubitet, cum in libro quo Angliæ lustrum
condidit Guilielmus Primus, totus ager expresse
Hantscyre, & *Hentscyre* alibi dicatur, & ipsum oppi-
dum ab australi situ *South-anton*. Cujusmodi fue-
rit non facile quis dixerit, sedem habuit eo loci,
ubi campus est, quem nunc *S. Mariæ* vocant, ad
portum usque pertigit, & alteram fluminis ripam
occupasse videatur, nam paulo superius ex op-
posito ad *Bittern*, *Franciscus Mills* vir optimus, qui
illic habitat, mihi ostendit rudera, parietinas, &
fossas antiqui castris quod in ambitu quingentos
passus colligit, & accedente æstu tribus ex par-
tibus aquis late circumfunditur. Vetustatem ve-
ro ita probant antiqui Romanorum imperato-
rum nummi subinde effossi, ut si non fuerit ca-
strum veteris Clausenti, facile judices ex illis mu-
nimentis fuisse, quæ Romani in littore Oceani
ad meridianam plagam (ut habet *Gildas*) ad re-
pri-

Asyla.
Exodi 21.
Iosephus
lib. Au-
tiq. 4.

Hurst-
castle.
Calfshot-
castle Tri-
antonis
fl. ostium.

Southan-
ton.
Clauseu-
tum.

*
Bittern.

primendas piraticas Saxonum deprædationes collocarunt. Cum omnia Danicis bellis fracta, & debilitata, eorum etiam direptioni *Hantona* *vetus* anno Domini D C C C C L X X X relicta fuit, & Guilielmi illius Primi temporibus, ut ex ejus libro loquar, habuit Rex in eo tantum *octoginta homines in Dominio*. Sed ante ducentefimum annum, cum Edwardus Tertius Rex Angliæ, & Philippus Valesius de summa Imperii Gallici decertarent, à Gallis incensa deflagavit. E cujus statim cineribus, loco commodiore emicuit, quæ nunc cernitur urbecula duobus fluminibus interposita, ædificiorum frequentia & elegantia celebris, civium fortunis, & mercatorum concursu opulenta, duplici fossa, mœnibus validis, crebris interpositis propugnaculis circumsepta, & ad portus tutelam castellum è quadrato saxo firmissimum aggesta in magnam altitudinem mole exurgit, à Richardo Secundo constructum. Memorabile est illud potentissimi Canuti Regis Angliæ, & Daniæ factum, quo assentatorem, qui omnia ad regis vultum, & nutum converti asserebat, hoc in loco repressit. *Sedile suum*, inquit Huntingdonensis, *in litore maris cum ascenderet, statui jussit. Dixit autem mari ascendenti, Tu mea ditionis es, & terra in qua sedeo mea est, nec fuit qui impune meo resisteret imperio. Impero igitur tibi, ne in terram meam ascendas, nec vestes, nec membra dominatoris tui mades facias. Mare vero de more conscendens pedes Regis sine reverentia madesecit. Ille igitur resiliens, ait: Sciant omnes habitantes orbem, vanam & frivolum regum esse potentiam, nec regius quæpiam nomine dignum præter eum, cujus nutui cælum, terra, & mare legibus obediunt æternis: nec unquam postea coronam sibi imposuit, &c.*

Canuti
Ætæ.

Andover.

Aulafus ab
Ethelredo
adoptatus.

Wallop.
Brige.

Fluminum illorum, quibus hæc urbecula interponitur occidentale, nunc *Test*, olim ut opinamur *Anton*, è *Chute* saltu exoriens primum *Andover* adit, Saxonice *Anoeasapan*, id est, *Andi trajectus*, ubi anno salutis D C C C L X X X X I I I Æthelredus Rex Angliæ, cum Dani ejus regnum undique raptarent, ut fessas regiones tuta, & tranquilla pace tandem refoveret, Aulafum Danum in suam familiam adoptione, quæ tamen statim irrita, inseruit; nec enim tantus honor barbari animum à rapinis avocare poterat. Inde haud procul à *Whorwell* defluit, ubi Ælfritha regina monasterium construxit, ut expiaret gravissimum illud scelus, quo tollendo Edwardum Regem privignum nefarie se astrinxit, & etiam cædem mariti sui prioris Athelwoldi Comitis nobilissimi elueret, quem Edgarus Rex huc venandi gratia evocatum transfixit, quod sibi in amatoris consiliis illulisset & hanc ipsam Ælfritham forma ante omnes eo sæculo venustissima malis artibus sibi præripuisset. Postea admissio amniculo à *Wallop* vel rectius *VVell-hop*, id est, si ex avita nostra lingua interpretemur, *Fonticulus in latere collis*, unde insigni illi Equestri familiæ de *VWallop*, qui juxta habitat, nomen inditum; *BRIGE*, vel *BRAGE*, vetustum item oppidum ab Antonino ad 1 x à Sorbioduno lapidem collocatum *Testus* quærit, ad quam distantiam inter *Sarisbury*, & *Wintoniam Broughton* viculum rusticum haud procul à sua ripa invenit, qui si *BRAGE* non fuerit, tunc eradicatum credimus, cum omnia hoc in loco complanaret Guilielmus Normannus, ut saltum,

Britannia.

quem dixi, conficeret. *Rumsey* deinde, Saxonice *Rumfey*, ab Eadgaro Rege velatis virginibus, quarum templum adhuc superest, consecratum invisit hic fluvius, & mox in portum Antonensem fertur ad *Arundinis vadum*, quod Beda dixit, & *Redford* interpretatus est; nunc autem à ponte ubi vadum fuit, pro *Redford*, *Redbridge* dicitur, ad quod enascente Anglo-Saxonica Ecclesia monasterium floruit, cujus Abbas Cymberth Arvandi Vectæ Reguli duos fratres puerulos salutari, ut author est Beda, baptismatis aqua perfudit carnicis manum jam jam subituros. Hi enim, cum Cedwalla Saxo Vectam insulam oppugnaret, fuga sibi consulentes *Ad Lapidem* oppidulum deliquerunt, donec prodiit Cedwallæ jussu interficerentur. Quod fuerit hoc oppidulum ad *Lapidem*, si forte rogites, *Stoneham* dixerò, proximum sc. à *Redbridge* viculum; quod pro me ipsa nominis significatio facillime probet. Alterum flumen quod ad Orientalem Southantonis partem effluit *Alre*, dictum videatur, *Alrefford* enim, id est, *Alrei vadum*, mercatorium oppidum dicitur, ad ejus ripam non ita procul à lacu, è quo profluit. Hoc (ut Wintoniensis Regesti antiqui verbis utar) *Religiosus Rex Kinevalc à Birino Pontifice fidei Sacramentis imbutus in Christianæ religionis exordio* (hoc in tractu) *VVentane Dei Ecclesiæ magna animi largitus est devotione*. Anno salutis M C C X X Godfredus Lucy Episcopus Wintoniensis forum hic innovavit, appellavitque *Novum forum*, fortasse ratione veteris *Alrefford*, quod adjacet. Hoc tamen novum nomen apud populum, penes quem vis est loquendi longe maxima, non diu invaluit. Huic *Ticbourn* finitimum est, nec silendum quod claram & vetustam familiam suo nomine insigniverit.

Rumsey.

Redbridge.

Lib. Mo-
nast. Wa-
verleia.

Ticbourn.

Hujus fluminis ripæ Occidentali imponitur clarissima Britannicorum Belgarum civitas, *Ptolemæo* & *Antonino* *VENTA BELGARVM*, *Venta Belgarum*. *Britannis* etiamnum *Caer Gwent*, Saxonibus olim *Winancester*, vulgo Latinorum *Wintonia*, nobis hodie *VVintchester*. Non desunt tamen, qui hanc *Wintchen-ster*. *Ventæ* Belgarum nomine honestant; sed nullos fuisse in hac insula *Simenos*, cum ad *Icenos* devenero, docebo. Interea vero si oppida *Ventæ* apud Antoninum adjacentia, velut formicæ semitas alibi quærant, quo conjecturam suam confirment, nihil quicquam invenient.

Ventæ hujus etymum alii à *Vento*, alii à *Vino*, alii à *Wina* Episcopo petunt, qui omnes Bonæ menti litarent. Potior mihi videtur *Lelandi* nostri opinio, qui à *Guin*, sive *Guen* Britannorum, id est, *albo* deduxit, ita ut *Caer Guin*, *Albam* urbem significet. Et quæ non? cum ab albedine præsci Latini *Albam Longam*, & *Albam Regiam* civitates denominarint, Græci itidem *Leucam*, *Leucada*, & alia ab albedine loca nominata habuerint. Hæc etenim *Venta*, uti & aliæ duæ ejusdem cognominis, *VENTA SILVRVM*, & *VENTA ICENORVM*, in solo ex creta, & argilla albicanti collocatur.

Urbs proculdubio Romanis sæculis insignis, utpote in qua textrina, sua sacra Imperatores Romani habuisse videntur, cum inter Britannia *VENTAS* facile fuerit primaria, & Italiae proxima. In *Notitiarum* enim libro, Procurator *Cynegium Roman.* Imper. in *negii* in *Britannis VENTENSIS*, sive *BEN-* *Britannia.*

Cynegium
Roman.
Imper. in
Britannia.

O O TENSIS

Gynæ-
cium.

TENSIſ memoratur, ubi Iurifconsultorum flos
unicus Iacobus Cujacius Gynæcii legit, & sacrum
textrinum in suis ad Cod. Paratitlis interpreta-
tur. Iuxtaque sentit Guidus Pancirolus, scribit-
que illa Gynæcia constituta fuisse *texendis principis
militumque vestibus, navium velis, stragulis linteis, & aliis
ad instruendas mansiones necessariis.* Procuratorem ta-
men illum canes Imperatoribus hic curasse existi-
mavit Wolphgangus Lacius. Et canes sane no-
stri primas inter Europæos omnes ferunt: usque
adeo ut, Strabone teste, nostri Canes milites ef-
sent, priscique Galli etiam in bello uterentur, &
Amphitheatralibus illis, aliisque Romanorum
venationibus expeterentur. Erant enim (authore
Strabone) *ἡ φύξις αἰὲς τὰς κυνηγίας*, id est, ad venatio-
nem naturali præstantes facultate. Vnde Nemesianus:

Canes Bri-
tannici.

*divisa Britannia mittit
Veloces, nostrique orbis venatibus aptos.*

Gratius etiam de illorum pretio, & præstantia,
*Quod freta si Morinum dubio refluente ponto
Veneris, atque ipsos libeat penetrare Britamos.*

O quanta est merces, & quantum impendia supra.

A Gase-
bound.
Agasæus
canis Bri-
tannicus.

Ipsam quoque Agasæum nostrum, quem etiam-
num A Gasebound vocamus, norunt, & in precio
habuerunt antiqui illi Græci. Quod Oppianus
in primo Cynegeticorum tibi dicet,

*ἔστι δὲ τὸ σκυλάκειον γένος ἄλκιμον ἰχθυότηρον,
βαυὸν, ἀπὸρ μεγάλης ἀνδρείου ἔμμεν' αἰδοῦς.
τὰς τεράφειν ἄγχι Φύλας βρεῖαντων αἰολονώτων,
ἂν τὰρ Ἰπικλήδω σφᾶς Ἀχαιοὶς ἐνόμηναν.
τῶν ἥτοι μέγ' ἐστ' ἰσχυρὸν ὁμοῖον ἔλδανόισι
λίχνοις οἰκιδίοισι τεραπέχεσσι κύνας.*

Quæ sic Latine convertit Bodinus,

*Est etiam catuli species indagine clara,
Corpus huic breve, magnifico sed corpore digna,
Picta Britannorum gens illos efferat bello
Nutrit, Agasæosque vocat, vilissima forma
Corporis, ut credas parasitos esse latrantes.*

Mastives.

Claudianus etiam de canibus nostris villaticis,
Magnaue taurorum fracturi colla Britanni.
Sed hæc parerga sunt.

Constans
Monacho
Cæsar.
Monaste-
ria in ur-
bibus.

In hac urbe, ut historici nostri produnt, Ro-
manis temporibus Constans ille Monachus fuit,
quem primo Cæsarem, & postea Augustum defi-
gnavit pater Constantinus, qui contra Hono-
rium spe nominis purpuram induerat. *Iampridem
enim, ut habet Zosimus, de illo tempore loquens,
tam urbibus, quam vicis populosa collegia habuerunt mo-
nachi, qui prius lucifugi sparsim per montes, syl-
vas & saltus solitarii egerunt, unde & nominati.*
Hujus autem Collegii parietinæ illæ antiquæ quæ
tanta crassitie & firmitate ad portam occidentalem
Cathedralis ecclesiæ cernuntur, reliquæ esse vi-
deantur. Verum Cæsareus iste Monachus hinc
eductus paternæ ambitionis, & spretæ religionis
cito poenas morte dependit. Saxonica Heptar-
chia, licet semel atque iterum cladibus afflicta,
revixit tamen, Occidentaliumque Saxonum Re-
gia fuit, magnificis templis, episcopali sede
exulta, & sex officinis monetariis ab Æthelsta-
no Rege instructa. Normannicis etiam tempori-
bus inclaruit, Archivumque, sive publicorum
monumentorum receptaculum hic constitutum.
Diuque floruit, nisi quod uno & altero incendio
fortuito deformata, & militari insolentia, intesti-
no bello inter Stephanum, & Matildem de im-

perio Anglico direpta. Vnde Nechamus noster,
qui illa ætate floruit,

*Guintoniam titulis claram, gazisque repletam
Noverunt veterum tempora prisca patrum.
Sed jam sacra fames auri, jam cæcus habendi,
Vribus egregiis parcere nescit amor.*

Hæc tamen solatus est damna Edwardus III,
cum pannorum, & lanarum emporium, quod
vulgo *the Staple* vocamus, in hac constituerit. Quæ
urbis fuerit his superioribus annis facies
non facile quis dixerit. Quam, ut ille habet Ne-
chamus,

*Flammis toties gens aliena dedit.
Hinc facies urbis toties mutata, dolorem
Prætenit, casus nuntia vera sui.*

Nostra ætate satis est frequens, fluminis divorti-
tis irrigua, ab ortu in occasum porrectior, mille
quingentos plus minus passus ambitu intra mœ-
nia colligit, quæ sex portis patent, longioribus ad
unam quamque procurentibus suburbiis. Ad
occidua portæ australem partem castrum emi-
net vetustum, sæpius obsidione cinctum, sed tum
gravissime, cum Matildis Augusta contra Ste-
phanum regem propugnaret, & demum, divul-
gato se diem obiisse, loculo, quasi mortua, elata
hostes eluderet. De mensa illa circulari, sive or-
biculari muro, hic appensa, quam vulgus homi-
num tanquam Arthurianam mensam suspicit, ni-
hil est quod dicam, nisi recentioris esse ætatis, ut
intuenti facile appareat. Superioribus enim sæ-
culis, cum virtutis bellicæ exercendæ gratia, mi-
litares decursiones (*Torneamenta* vocant) frequen-
ter haberentur; hujusmodi mensis usi erant, ne
quod discrimen inter nobiles ex ambitione exi-
teret: & veteri sane, ut videtur, instituto. Gal-
los enim antiquos circularibus mensis circumsedisse,
Armigerosque eorum scuta ferentes à tergo
adstitisse, memorat Athenæus. In media fere
urbe, sed magis ad Austrum, Kenelwalchius Oc-
cidentalium Saxonum Rex, post dirutum illud
Monachorum Romano sæculo collegium, *Primum*,
ut inquit Malmesb. *Deo templum posuit, per id
temporis pulcherrimum, quo loco posteritas in sede episcopali
fundanda, etsi angustiori primo, per eadem tamen cucurrit
vestigia.* Huic sedi jam inde à Wina, quem Ke-
nelwaichius ille primum instituit Episcopum,
præfuerunt Episcopi non minus opulentia, & ho-
nore quam sanctimonia clari, Archiepiscopi sci-
licet Cantuariensis peculiari quadam prærogati-
va Cancellarii, & Georgianis Equitibus jam diu
à sacris, qui subinde magnis impensis hoc tem-
plum instaurarunt, scilicet *Edington & Walkelin*;
sed præcipue *Vickhamus*, qui occidentalem ecclesiæ
partem à choro, novo & eleganti sane opere, im-
mense sumptu extruxit, in cuius medio ipsius
inter duas columnas cernitur sepulchrum. No-
visque subinde patronis præfules consecrarunt,
Amphibalo, Petro, Suithino, & demum S. Tri-
nitati, quo nomine nunc innotescit. Saxonibus
etiam, quibus summo in honore erat ob quorun-
dam Regum sepulturam, quorum ossa collegit
Richardus Fox Episcopus & cistulis inauratis in
summitate parietis, qui superiorem chori partem
præcingit, cum suis inscriptionibus disposuit.
Ealben Wýnroep, id est, *Vetus monasterium*, hoc
olim dictum erat, ratione alterius recentioris

Nepan

Guilielm.
Malmesb.Hide Ab-
batia.Tabula
rotunda.Tornea-
menta.Lib. 4
Deipno-
sophist.Colle-
gium
Wichami-
cum,
Guilielm.
Wickha-
mus.S. Mariæ
Abbey.Matildis
uxor Hen-
rici primi.

Guilielm.
Malmes.Hide Ab-
batia.Colle-
gium
Wichami-
cum.
Guilielm.
Wickha-
mus.S. Mariæ
Abbey.Matildis
uxor Hen-
rici primi.

Nepan Wýnroep, id est, *Novum monasterium*. Quod Ælfredus fundavit, & ad construendum ejusdem officinas mercatus ab Episcopo terræ spatium, ad unum quemque pedem marcam pondere publico pensavit. Hoc vero, uti illud vetustius, conjugatis presbyteris positum erat, qui postea miraculo Crucis loquentis, & eorum institutum improbantis, à Dunstano Archiepiscopo Cantuariensi exturbati, & in eorum locum Monachi substituti. Hæc monasteria contiguis parietibus ita vicina erant, ut voces canentium in altero aliis obstreperent, unde cum similitudines monachi invicem exercerent, quæ postea in inimicitias proruperunt; & aquarum magna vis collecta ab Occidentali porta per devexos vicos defluens ad novum hoc Monasterium stagnaret, aëremque insalubrem exhalaret, post ducentiesimum ab ipso conditum annum, templum in Septentrionale urbis suburbium, quod *Hide* dicunt, translatum erat. Vbi Henrico Primo permittente, monasterium amplissimum & pulcherrimum construxerunt monachi, quod paucis interjectis annis, dolo Henrici Blefensis Episcopi Wintoniensis (ut privata loci hujus historiola testatur) misere deflagavit. Quo incendio crux, Danici Canuti donarium, in quod, (ut schidæ habent antiquæ) totius Angliæ annuum redditum contulerat, absumpta fuit, Monasterium nihilominus resuscitatum in miram amplitudinem, ut ipsæ ruinæ jam loquuntur, ad funestam usque monachorum periodum sensim excrevit. Tunc enim hoc demolitum, & in illud alterum S. Trinitatis, quod Cathedralis est Ecclesia, exturbatis monachis, Decanus, & Præbendarii duodecim sunt inducti. Ad Ecclesiæ Cathedralis orientalem partem, Episcoporum Palatium amplissimum, *Wolsey* dictum, crebris turribus incinctum, rivuloque fere circumfusus, ad mœnia pertingit, & in Australi suburbio Collegium elegans è regione prospectat, quod Guilielmus *Wickham* hujus sedis Episcopus, maximus inter Anglos bonarum literarum pater & patronus, cujus laus omni seculorum memoria literarum monumentis inveterascet, in scholam construxit, & dicavit, è qua felicissimus est doctissimorum in Rempub. & ecclesiâ proventus. In hoc enim *Guardianus*, Socii x, scholarchæ duo, & Scholastici 70, alique nonnulli honestissime aluntur. Alia etiam eximia erant in hac urbe ædificia, (fuerunt enim plurima religioni consecrata) quæ cum tempus expugnarit, memorare non libet, Parthenonem tamen illam, sive virginum Monasterium quod Ælfwida Ælfredi Regis uxor posuit, præterire nolo, cum longe celeberrimum fuerit, ut reliquæ jam ostendunt, & ex hoc Matildem Malcolmi Scotorum regis filiam sibi in uxorem acceperit Henricus Primus, per quam veterum Anglorum stirps regia Normannicæ coaluit, & ille à populo Anglico plurimum gratiæ inivit. Illa enim Regis Edmundi Ferrei lateris ex filio Edwardo *Exule* proneptis: mulier cum cæteris virtutibus, quæ quidem dignæ regina essent, ornata omnibus; tum veræ pietatis incredibili studio flagrans. Vnde in ejus laudem vetus est Tetrastichon,

*Prospera non latam fecere, nec aspera tristem,
Aspera risus ei, prospera terror erant.*

*Non decor effecit fragilem, non sceptrâ superbam;
Sola potens humilis, sola pudica decens.*

De Guidone Warwicensi fabellis decantato, qui singulari certamine Colbrandum illum Danicum Typhoëum hic devicit, de Waltheofo Huntingdoniæ Comite hic capite truncato, ubi postea Capella fuit S. Ægidii, & egregio illo sanctæ Crucis Hospitali adjuncto, ab Henrico Blefensi Regis Stephani fratre, hujus urbis Episcopo fundato, & Henrico de *Beaufort* Cardinale adaucto, non est cur aliquid dicam, cum ex historiis sint omnibus pervulgatissima.

Quod ad Wintoniæ Comites spectat, ut taceam Clitonem Saxonem à Normannis avito honore exturbatum, Ioannes Rex Særum *Quincy* Wintoniæ Comitem dixit, qui usus est pro insignibus baltheo militari, *Fesse* vocant, cum * lemnisco septemplici, ut in sigillo vidimus. Illi successit Rogerus filius, qui septem * Rhombos aureos rubro in scuto gestavit. Sed in illo honor evanuit, cum sine liberis masculis diem obiisset. Duxit enim filiam natu maximam Alani Domini Gallovidiæ in Scotia ex uxore priore, & alteram haredum, cujus jure fuit Constabularius Scotiæ. Sed ex illa tres tantum filiæ natæ; prima Guilielmo de *Ferrariis* Comiti Derbiæ, altera Alano de *la Zouch*, tertia Cominio Buchaniæ in Scotia Comiti enupta. Longo inde tempore interlabente, Hugo Le *Despencer* eo titulo à Rege Edwardo Secundo tantum ad vitam donatus, & ab eo unice dilectus, sero cum filio sensit, qualia sint præmia regiæ gratiæ: uterque enim à populo furente morte atrocissima mulctatus. Satis longo deinde intervallo Edwardi IIII beneficentia Ludovicus Brugensis Belga Baro de *Gruthuse* & Princeps *Steinhufi*, qui eum patria profugum in Belgio foverat, hunc titulum cum insignibus Rogeri *Quincii* non dissimilibus accepit, quem, defuncto Edwardo, Henrico VII in manus reddidit. Nostra vero memoria Guilielmum *Powlett*, Angliæ Thesaurarium novo Marchionis Wintoniæ titulo honoravit Edwardus Sextus, quo etiam ejus posterii nunc fruuntur. Ventæ hujus longitudinem part. XXI I, Latitudinem 51 grad. esse superioris ætatis observationes docuerunt.

A Venta magis ad Ortum, *Homble* fluvius vasto ore in Oceanum profunditur, *Homelea* Bedæ dicitur, qui, ut habet ille, per terras Iutarum *Solente* intrat, sic enim illi vocatur fretum, quod Vectam insulam, & Britanniam interluit, in quo statis horis æstus reciprocatio utrinque ex Oceano magna violentia irrumpens, & occursans, tantam admirationem antiquis illis fecit, ut in miraculorum Britannicæ numerum retulerint. De quo en tibi ipsa Bedæ verba, *Bini æstus Oceani, qui circum Britanniam ex infinito Oceano Septentrionali erumpunt, sibi met invicem quotidie compugnantes occurrunt, ultra ostium fluminis Homeleæ, finitoque conflictu in Oceanum refusi, unde venerant, redeunt.* In hoc fretum etiam evolvitur fluviolus qui prope *WVarnford* ortus transit inter *Forrestas* de *WValtham*, ubi ædes sunt amplæ Episcopi Wintoniensis, & de *Bere*, per *Tichfeld* quondam Monasteriolum à Petro de *Rupibus* Episcopo Wintoniensi positum, nunc primariam sedem Writheosleorum Southantoniæ Comitum. Inde flexuoso anfractu sta-

Comites
Wintoniæ.
Insignia
Quinciorum.
* A Lable
of 7.
* Mascles
voided.

Hamble.

Solente.

Tichfield.

Portsey.

tim retrahitur littus, sinumque insula quæ *Portsey* dicitur, efficit, in cuius interiori recessu floruit olim *Port-Peris*, ad quem Vespasianum appulisse produnt, maiores nostri novo nomine *Portchester* dixerunt, non à Porta Saxone, sed à Portu: Ptolemæo enim *Μεγας λιμὴν*, id est, PORTVS MAGNVS, vocatur, à spacio, uti etiam ille *Portus magnus* in Africa, teste Plinio. Castrumque sane amplum superest, quod in subiectum portum longe lateque prospectat. Cum autem portus commoditatem Oceanus recedendo paulatim subtraheret, hinc demigratum est in *Portsey* insulam adjunctam. Quæ 14 plus minus millia ambitu colligit, falsis aquis intumescere æstu circumflua, ex quibus salem coquunt, & ponte, qui suum propugnaculum adjunctum habuit, continenti conjuncta. Hanc Athelfleda Eadgari Regis uxor Novo monasterio Wintoniæ dederat: & in ea ad ingredientis sinus fauces, sive ostium oppidum majores posuerunt, indeque *Portsmouth* dixerunt, id est, *Portus ostium*. Inardescente bello frequens est, alias infrequens, Martique potius & Neptuno quam Mercurio studet. Ecclesiam habet opere satis vetusto, & Hospitale (*Dei domum* vocant) à Petro de *Rupibus* Wintoniensi Episcopo fundatum. Muro ex trabibus multo aggere vestitis, mole quondam ad Ortum æstivum prope portam & duobus ad portus ingressum è vivo saxo propugnaculis communitum, quæ ab Edwardo Quarto inchoata, Henricum Septimum perfecisse, præsidioque oppidum firmasse referunt incolæ. Sed nostra memoria ELIZABETHA Regina magnis sumptibus, novis operibus ita quasi armavit, ut jam nihil desit, quod in loco munitissimo requiras. Et ex præsidariis alii nocte dieque ad portas, alii in turre sacra stationes agunt, qui pulsu campanæ quot equites & pedites accedunt, & ex qua parte, ostenso vexillo, significant.

Meanvari.

Hinc à *Portes-bridge* circumacto littore vidimus *Havant* mercatorium oppidulum, & in proximo *VVarblington* speciosas ædes olim Sarisburiae Comitum, nunc equestris familiae Cottonorum. Quibus præjacent duæ insulæ, altera major *Haling* dicta, altera minor *Thorney*, à spinis, & utraque suam habet Ecclesiam parochialem. Pluribus per hoc littus locis, ex marinis aquis affusis sal conficitur colore subpallido & viridi, quem certo artificio in candidissimum excoquunt. Et de hoc marino sale, non de nostro fontano, intelligendus est S. Ambrosius, *Speciemus ea quæ sunt usitata multis, & plena gratiæ, quomodo aqua in salis vertatur soliditatem, ut ferro sæpe cedatur. Quod de Britannicis salibus nihil mirum, qui in speciem marmoris validi, ejusdem metalli niveo candore resplendent salubres corpori, &c.*

Beda lib. 4

cap. 13.

Warn-

ford.

Adæ hic

Portu bene-

dicat Solis

ab Ortum

Gens Deo

dicata, per

quem sic

sum reno-

vata.

Interius à mari MEANVARI incolunt, quorum agrum cum Vecta insula Edilwalchius Australium Saxonum Rex ab Wlphero Merciorum Rege, qui illum è sacro baptismatis fonte suscepit, in signum adoptionis accepit. Horum sedes nomine vix immutato, hodie in tres Centurias divisa, *Meanborough*, *Eastmean*, *VVeastmean*, inter quas collis editus attollitur, amplo vallo in summitate circumductus, *Old VVinchester* dictus, ad quem urbem antiquitus fuisse perhibetur, sed

nec vola, nec vestigium, ut ajunt, jam superest, ut tantum castra æstiva fuisse facile dijudices. Sub hoc *VVarmsford* subsidet, ubi Adam de *Portu* vir magnarum in hoc tractu opum, Guilielmo Primo regnante, Ecclesiam renovavit, ut incultum Distichon parieti infixum docet.

His finitimi in interioribus SEGONTIACI illi, qui se Cæsari dediderunt, ad Septentrionalem hujus agri limitem in Centuria de *Holeshot* condescerunt: in qua cernuntur *Aultun* forum, quod Ælfredus Rex custodi de *Leodre* testamento legavit, & *Basingstoke* forum non infrequens, quod Sacellum perpulchrum ostendit Spiritui sancto sacratum à Guilielmo primo Barone *Sandes*, qui ibidem sepultus. In cuius laquearibus historia sacra cum Prophetarum, Apostolorum, & Discipulorum Christi iconibus præcellenti artificio depicta spectatur. Sub hoc, *Basing* ad Ortum adjacet Dominis sui cognomine S. *Iohn*, *Poinings*, & *Powlettis* notissima. Cum enim Adam de *Portu* Dominus de *Basing* filiam & hæredem Rogeri de *Aurevall*, cujus uxor filia itidem & hæres fuit familiae prænobilis de S. *Ioanne*, sibi junxisset, Guilielmus ejus filius honoris causa nomen S. *Ioannis* assumpsit, quique illi recta serie successerunt, retinuerunt. Verum cum Edmundus de S. *Ioanne* sine prole, tempore Edwardi Tertii, diem clausisset, Margareta ejus soror maritum suum Ioannem de *Sancto Philiberto* possessionibus Domini S. *Ioannis* locupletavit: illa autem sine sobole defuncta, Isabella altera soror *Luca Poinings* uxor Thomam Dominum de *Basing* peperit, cujus è filio Hugone neptis Constantia, cui pro hæreditaria portione hoc obtigit, enupta fuit in familiam Powlettorum, proaviaque fuit Guilielmi filii *Powlet*, qui Baro *Saint Iohn de Basing* ab Henrico Octavo, Comes Wiltoniæ, Marchioque Wintoniæ ab Edwardo Sexto creatus, Angliæque summus Thesaurarius constitutus, maximis turbulento tempore decursis honoribus, naturam satietate vivendi, rara inter aulicos felicitate, explevit, cum ædes hic tum amplitudine tum elegantia ad miraculum magnificentissimas extruxisset, quæ ita mole laborarunt sua, ut posterius partem nonnullam demoliti fuerint.

Prope has *The Vine* visitur, Baronum de *Sandes* mansio nitidissima, à vitibus denominata, quas in Britannia ex Probi Imperatoris tempore umbraculi magis, quam fructus gratia habuimus. Britannis enim & aliis permisit ille ut vites haberent. Horum Baronum Primus erat Guilielmus *Sandes*, quem Rex Henricus VIII eo dignitatis evexit, cum sibi esset Camerarius, & rem nuptiis cum Margeria *Bray* filia & hærede Ioannis *Bray*, cognata Reginaldi *Bray* ordinis Georgiani, Banerettique clarissimi adauxisset, ex quo natus est Thomas Dominus *Sandes*, avus Guilielmi qui nunc superstes. Huic in Ortum brumalem vicina est *Odiam* regis nunc ædibus superba, & Davidis II Scotorum Regis carcere nota, quondam Episcopi Wintoniensis municipium, cujus propugnaculum, regnante Ioanne, tredecim Angli quindecim diebus fortissime contra Ludovicum Francum, qui circumfuso exercitu acriter invasit, defenderunt.

Superius inter hos Segontiacos ad septentrionalem

Segontiaci.

Basingstok.

Basing. S. Iohn.

Ex Missali vetusto hujus familie. Powlett.

Vixit annos 97.

Vites in Britannia. Vopiscus. Barones de Sandes.

Odiam.

Mathæus Paris.

Vindonum.

Silcester.

nalem agri limitem, locum habuit olim Segontiacorum civitas VINDONVM, quæ suo nomine exuto, gentis induit, ut Lutetia Parisiorum suorum nomen sibi assumpsit. *Caer Segonte* enim à Britannis vocabatur, id est, *Segontiacorum civitas*, sic enim Ninnius in urbium Catalogo dixit, nos hodie *Silcester* vocitamus, Higdenus à Britannis *Britenden* nominare videtur. *Vindonum* ut hanc appellem, distantia Vindoni à *Gallena* sive *Guallenford*, & à *Venta*, apud Antoninum persuaserunt, eoque magis quod inter hanc Vindonum, & *Ventam*, via Militaris etiamnum visitur. Hanc à Constantio Constantini Maximi filio extructam memorat Ninnius, & *Murimintum* aliquando dictam, fortasse pro *Muri-vindum*, id est, *Vindoni muri*. *Mure* enim ex lingua provinciali Britanni retinuerunt, & V consonans sæpe illis cum M in orationis contextu commutatur. *Ejusque pavimento* (Ninnii verbis loquor) *tria semina seminavit Constantius, ne ullus pauper in ea maneret unquam*. Quemadmodum Dinocrates, cum Alexandria Egypti condereetur, omnes, ut habet Marcellinus, ambitus lineales farina resperfit, quod urbem illam alimentorum uberi copia abundaturam fortuito monstravit indicio. Constantium etiam hic diem obiisse refert ille, & sepulchrum ejus ad portam, uti inscriptio docuit, monstrari. In his suam fidem liberet Ninnius, qui libellum illum mendaciunculis referfit plurimis. Hoc autem asseverare ausim, eo tempore, summo in honore floruisse, & ego ipse in plurimos ibidem Constantini Junioris Maximi illius filii nummos incidi, qui in averfa parte ædificium cum Epigraphe PROVIDENTIÆ CÆSS. habent. Constantium autem, quem urbis hujus conditorem facit, Mopsuestiæ in Cilicia defunctum, & majorum sepulchro Constantinopoli illatum in confesso est. Cenotaphium vero, sive tumulum honorarium illi hic excitatum non denegaverim: multis hujusmodi tumuli positi fuerint, circa quos milites quotannis solemni ritu in defuncti honorem decurrere solebant.

Tumuli honorarii.

Constantinus Aug. qui spe nominis electus.

Cum res Romana jam in occasum divergeret, & barbaræ gentes undique provincias diriperent, Britannici exercitus veriti ne vicini incendii flamma eos etiam involveret, Augustos sibi levarunt, primo Marcum, deinde Gratianum, quos statim peremerunt, & postremo anno à Christo nato 407, Constantinum quendam spe nominis in hac civitate *Caer Segont* (ut Ninnius & Gervasius Dorobornensis testantur) velit nolit, purpura induerunt. Hic è Britannia solvens Bononiam Gallia appulit, omnesque Romanorum exercitus ad Alpes usque in belli societatem pellexit. Valentiam Gallia strenue contra Honorii Augusti copias propugnavit, Rhenum jam pridem neglectum præsidio munivit. Ad Alpes, qua via patuit, munimenta construxit. In Hispania auspiciis Constantis filii, quem ex Monacho Augustum declararat, res feliciter gessit, literisque postea ad Honorium datis, culpam deprecatus, quod sibi purpuram vi à militibus injici passus fuerit, ab ea Imperatoriam vestem dono accepit. Unde elatior, Alpibus superatis Romam cogitat, sed accepta Alarichi Gothi morte, qui suis partibus studuerat, Arelatem recessit, ubi

Britannia.

imperii sedem fixit, *Constantinamque urbem* vocari, & in ea septem Provinciarum conventus agi jussit. Interim Gerontius milites in Dominum concitavit, cumque Constantem filium Vienna Gallia perfide sustulisset, Constantinum ipsum Arelati obsidione incinxit, ad quem oppugnandum, cum Constantius quidam ab Honorio missus infesto agmine properaret, Gerontius sibi vim attulit. Constantinus gravissima obsidione pressus, & infelici suorum pugna animum despondens, deposita purpura, & fortunæ suæ mole, Ecclesiam ingressus, Presbyteri suscepit dignitatem, statimque Arelate dedita, in Italiam ductus, capite plectitur cum Iuliano filio, quem *Nobilissimum* dixit, & Sebastianiano fratre. Hæc quæ antea fusius, summatim ex Zosimo, Zosomeno, Nicephoro, Orosio, Olympodoro, ut veritas contra illorum vanitatem triumphet, qui hanc historiam mendaciis è suo ingenio adperserunt ridiculis, & vanissimis.

Iulianus Nobilissimus.

Hæc etiam urbe Arthorum nostrum bellicosum inauguratum produnt historici nostri, nec multo post diruta concidit, vel Saxonum bellis, vel cum Adewolfus infenso in Edwardum Regem fratrem animo, prædatoriis Danorum globis adjutus hanc regionem ad *Basingstoke* usque depopularetur. Nihil jam superest præter mœnia, quæ pinnis, & lorice nudata, magnæ altitudinis fuisse videntur. Ita enim ex rudibus accrevit terra, ut per angiportum, quem *Onions Hole* vocant, vix me prono corpore transmitterem. Mœnia hæc quodammodo integra permanent, nisi illis locis perrupta, ubi portæ fuerint, & ex ipsis mœnibus enatæ sunt tantæ magnitudinis quercus, & quasi saxi congenitæ, tam vasto radicum complexu, & tam diffusa ramorum dispersione, ut intuentibus vel admirationem commoveant. Ambitu colligunt duo plus minus Italica milliaria, unde ex magnitudine *Selcester* Saxones forsitan dixerunt, quasi urbem magnam *Sel* enim magnum illis sonuisse videatur, cum Afferius Saxoniam dictionem *Selwood*, sylvam magnam sit interpretatus, præjacetque mœnibus ad occasum qua planities, longo tractu agger in munimen eductus. Includit LXXX quasi terræ jugera, quæ subactum & purum solum in arva sunt divisa, cum nemusculo ad occasum, ad ortum vero juxta portam, prædium est, & Ecclesiola recentior, in qua dum antiquas inscriptiones perscutarer, nihil offendi, nisi in fenestris quædam insignia, videlicet in scuto nigro *Fufos* septem in *Benda* argenteos, in parma item nigra duos *Chevernos* (quos vocant) aureos cum areola item aurea interposita, & in clypeo aureo rubri coloris aquilam bicipitem expansam. Hanc *Blewettorum* esse accepi, quibus post Guiliemi Magni tempora hæc terra obvenit, istam vero nobilis familiæ *Bainard de Leckham*, illam autem primam *Cusantiorum*, per quos à *Blewettis* ad *Bainardos* hæreditario descendit. Sed Guilielmo Primo regnante, fuit possessio Guil. de *Ow* Normanni, qui in crimen læsæ majestatis vocatus, dum duello innocentiam tueri vellet, victus oculis erutis, & testiculis exsectis, Rege Guil. Rufo jubente, fuit multatus. Hoc diuturna observatione esse exploratum retulerunt mihi hujus loci incolæ, etiam solum satis fertile, & fecundum sit,

Insignia Blewettorum Bainardorum & Cusantiorum.

P p

qui-

quibusdam tamen locis quasi areolis, quæ se interfecant, non perinde late fruges provenire, sed multo quam alibi rarius: per quas, urbis olim plateas duxisse opinantur illi. Eruuntur hic quotidie lateres, quos Britannicos vocamus, & Romanorum numismatum vis ingens, *Onions Penies* appellitant, id est, *Onioni denarii*, quem Gigantem fuisse, & hanc urbem incoluisse somniant. Inscriptiones etiam sæpius effodiuntur, quas tamen nobis invidet rusticorum imperitia. Una tantum Londinum hinc translata in hortis Cecilianis honoratissimi Domini Guilielmi Cecilii Baronis de *Burghley*, & summi Angliæ Quæstoris extitit, videlicet.

MEMORIAE
FL. VICTORI-
NÆ. T. TAM:
VICTOR CONIUX
POSUIT.

Quod hic tumulus positus sit Victorinæ, quæ *Mater castrorum* dicta fuit, quæque contra Gallienum Augustum Victorinos filium & nepotem, Posthumum, Lollianum, Marium, & Tetricum Cæsares in Gallia & Britannia excitavit, ego cum aliis non dixerim. Duos autem Victores in Britannia nostra, aliquo loco fuisse legi, eosque uno eodemque tempore: alterum maximi Augusti filium, alterum vero ejusdem Maximi Prætorio Præfectum, cujus Divus Ambrosius in epistolis meminit, sed neutrum horum hoc monumentum uxori posuisse affirmare aulam.

Ut via militaris Romanorum hinc ad Austrum Wintoniam recta duxit, ita altera in Occasum per *Pamber* saltum arboribus satis condensum, & per loca jam avia juxta *Litchfield*, id est, *Cadaverum campus*, ad *Forestam de Chute* umbrosa opacitate, & copiosa venatione gratam procurrit, in qua conspicuum ejus aggerem, sed subinde interruptum, lapidibus constratum demirantur venatores, & ipsi Forresterii.

Kings-
Clerc.
Sidman-
ton.

Magis ad Septentriones in ipso fere hujus Comitatus limite vidimus *Kings-Cleare* mercatum nunc satis frequentem, olim Saxoniorum Regum sedem, *Sidmanton* Equestris familiæ *Kingsmillorum* habitationem, & *Burgh-Cleare* colli edito subiectum in cujus summitate vallum militare (cujusmodi nostri *Burgh* vocitarunt) fossa ma-

gno ambitu circumducitur, unde cum in subiectas regiones longe hinc inde pateat prospectus, specula constituitur, ut accenso igne hostium adventus circumvicinis indicetur. Hujus generis speculas nostro sermone *Beacons* ab antiquo verbo *Beacnian*, id est *signo indicare*, vocamus: multisque jam seculis in creberrimo usu fuerunt apud nos, alibi strue lignorum, alibi doliolis pice repletis & malo affixis, in locis editissimis, ad quas noctu aliqui semper excubant, olimque equites plurimis locis dispositi erant, quos *Hobblers* majores dixerunt, qui interdum hostium accessum significarent.

Beacons.

Hic ager, uti etiam cæteri quos hætenus percurrimus, ad Occidentalium Saxonum reges spectavit, cumque Sigebertum ob tyrannidem, & provinciam male habitam regno exuissent, illi, ut author est Marianus, ne omnino privatus videretur, assignatus erat. Quem tamen postea ob admissa scelera itidem expulerunt, tantumque abfuit, hanc afflictam Regis fortunam quenquam ad misericordiam allexisse, ut subulcus tandem in sylva Anderida latitantem interfecerit.

Comites admodum pauculos numerat, præter eos Wintoniæ quos memoravi, Primis Normannorum temporibus, Bogo sive Beavosius Anglus hoc titulo usus erat, qui in prælio ad *Cardiff* in Wallia contra Normannos pugnavit, vir bellica laude florentissimus, quem dum monachi fabellis fictis & commentitiis celebrare sudarunt, fortissima ejus facta crassis occultarunt, & circumfuderunt tenebris. Iam inde ad Henricum usque Octavum Southantonienfis Comes nullus legitur. Ille enim Guilielmum *Fitz-VWilliams* jam grandævum, Marchionis *Montisacuti* filia oriundum, & Southantonensem Comitem, & Angliæ Thalassiararcham designavit. Quo statim sine prole mortuo, Edwardus Sextus eundem honorem anno sui regni primo, Thomæ *Wriotheosley* Angliæ Cancellario detulit, cujus è filio Henrico nepos Henricus eodem hodie lætatur, qui in primo ætatis flore præsidio bonarum literarum, & rei militaris scientia nobilitatem communivit, ut uberiores fructus maturiori ætate patriæ, & principi profundat.

Habentur in hoc agro Paræcia 253, & oppida mercatoria 18.

VECTA

V E C T A I N S V L A .

I S L E O F W I G H T .

131



AD hunc Southantonensem Comitatum spectat insula quæ ad austrum longe porrecta objacet, Romanis olim VECTA, VECTIS, VIC-

TESIS, Ptolemæo *OTICTH-
ZIS*, Britannis *Guith*, Anglo-Saxonibus *Wuitlano*, & *Wicp-*
ea (insulam enim ea vocarunt) nobis hodie *The isle of VVight*, & *VVhigh*. Tam modico autem interfluente Euripo *Solent* olim dicto, à Continente Britannia avulsa est, ut cohesisse videatur, unde Britannicum illud nomen *Guith*, quod divortium denotat (ut Ninnius habet) factum videtur; quemadmodum etiam *Sicilia*, quum ab Italia abrupta, & secta fuerit, à Latino vocabulo *secando*, ut eruditissimo Iulio Scaligero placet, nomen invenit. Vnde (salvo semper Criticorum iudicio) apud Senecam in VI Quæst. Natural. *Ab Italia Sicilia resecta* reponerem, ubi vulgo, *resecta*, habetur. Ex hac situs vicinitate, & nominis affinitate VECTAM hanc ICTAM esse opinari licet, quæ (ut habet Diodorus Siculus) maris fluxu insula videbatur, at cum refluxisset, exsiccato interjecto littore, Britanni prisci curribus eo stantem devehere solebant, quod in Galliam exportaretur. MICTIM tamen esse Plinii, quæ arcta item cognatione VECTAM attingit, non iudicari, cum in ea candidum plumbum proveniret, & in hac nulla sit, quod sciam, metalli vena.

Hæc inter Ortum & Occasum lenticulari sive ovali figura viginti mill. pass. longitudine exporrigitur, latitudine vero in media qua maxime patet XII mill. pass. expanditur, altero latere ad Boream altero ad Austrum converso. Terra (ut mare piscosissimum taceam) est uberi gleba & colono admodum grata, adeo etiam ut fruges exportet, cuniculorum, leporum, perdicum & phasianorum passim ferax; saltum etiam, & vivaria duo habet, damis ad venationis voluptatem referta. Per medium longo tractu procurunt colles, qui ovibus pabula affatim profundunt. Quarum lanæ post vellus Lemsterianum, & Cottelwoldianum optimæ habentur, & inprimis pannariis expetuntur, unde maximum surgit incolis lucrum & commodum. Pars Septentrionalis pratis, pascuis, & sylvis viret, australis frumentariis quasi tota jacet campis, ubique fossis & sepibus interclusa. In extrema utrinque parte mare à Boreali plaga ita se insinuat & penetrat, ut duas fere efficiat insulas, & insulæ sane incolis vocantur, scilicet quæ ad occasum prospicit *Freshwater Isle*, quæ ad ortum *Brinbridg Isle*. Bedæ ætate mille ducentarum familiarum censebatur, nunc triginta sex oppida, vicos, & castella numerat, quæ quod ad Ecclesiasticam jurisdictionem spectat Episcopum Wintoniensem, quod ad civilem, Comitatum Hantoniensem respiciunt. Incolæ facete gloriari solebant, quasi reliquis beatiores essent, quod cucullatos monachos, caudicicos, & vulpes non habuerint.

Britannia.

Loca vero celebriora sunt *Newport* primarium ^{Newport.} insulæ emporium, olim *Medena*, & *Novus Burgus de Meden*, unde tota regio in *Eastmeden* & *VWestmeden* dividitur, ut hinc vel ortum vel occasum respicit. *Caeres-brok* vetus castrum truncato nomine ^{Caeres-brok.} pro *VWhitgaresburg* in ipso insulæ umbilico, à *Whitgaro* Saxone, de quo postea, dictum; & nuper Capitanei opera magnifice instauratum, ad quod plurima *Feoda militaria* spectarunt & antiquitatis gloriam præter cætera habet. *Brading* alterum oppidum mercatorium, *Newton* & *Tarmouth*, quæ suos habent *Majores*, & *Burghenses* ad Comitata Parlamentaria mittunt. *Tarmouth* hæc & *Sharpnore* castella habent, quæ cum *VVorleys* propugnaculo littus ad Occasum æstivum defendunt. Quibus ex opposito vix duorum milliarum interstitio objacet *Hurst* lingulæ impositum, Hantoniensis ^{Hurst.} Comitatus munimentum. *Quarre*, ubi virginibus velatis monasteriolum anno M C X X X I I positum, *Gods-hill*, ubi ad ingenia excolenda scholam instituit I. *VVorley*, *VWest-Cowe*, & *East-Cowe* jam ruinosum, quæ in faucibus *Neoportus* *Henricus Octavus* construxit, de quibus *Lelandus*,

Cowe fulmineæ duæ coruscant

Hæc casum colit, illa Solis ortum,

Vectam quæ Neoportus intrat altam.

Et ad ortum æstivum *Sandham* castrum tormentis majoribus, ut cætera instructa. Nec naturæ defendentis munimenta desunt, rupibus enim abruptis continua quasi serie præcingitur, subsuntque occulta saxa, & præjacent ubique scopuli navigantibus infesti, sed longè infestissimi sunt *The Needles* scopuli acuti, unde nomen, & *The Shingles*, qui occiduo angulo, uti etiam *The Overs* & *Mixon*, qui orientali prætenduntur. Ad hæc *The brambles*, quæ sunt * brevia & navigantibus infidiosa ad Aquilonem. Si quis verò locus ad exscensionem faciendam patere videtur, ad actis palis veteri instituto præcluditur.

Verum enimvero nec his rupibus, nec illis ^{Incolæ.} propugnaculis, ita armatur, ut suis incolis, qui natura bellicosissimi & promptæ audaciæ, qui opera & cura Insulæ Capitanei ita ad robur, & virtutem militarem assidua exercitatione confirmantur, ut quæcunque in bello evenire possunt accurate prænoscant, scilicet certo ictu in destituta sclopetis effulminare, ordines fervare, composite incedere, agmen prout res fert conglobare, vel laxare, laborare, decurrere, solem pulveremque ferre, & quicquid ratio militaris exigit, plene præstare. Hujusmodi militum ipsa insula quatuor millia sub signis educere potest, & in omnia momenta tria millia exercitissimorum ex Comitatu Hantoniensi, & duo millia ex Wiltoniensi, qui semper sint præsto ad insulam defendendam, sunt assignati. Utque hostilis impetus feliciter propulsetur, universa regio in undecim partes dividitur, quarum unaquæque suum habent *Centoner* quasi Centurionem, *Vintons* quasi Vicenarios, tormenta majora, excubitores, qui ad speculas in editioribus locis pos-

Q9

fitas



fitas excubant, suosque veredarios five cursores, quos obsoleto verbo *Hoblers* vocant, qui Insulae praefecto statim omnia significant.

In Vespasiano.
cap. 4.

In Romanorum potestatem primus redegit Vespasianus, dum privatus sub Claudio meruit Scribit enim de illo Suetonius, Claudio principe Narcissi gratia legatus legionis in Germaniam missus est: inde in Britanniam translatus tricies cum hoste confligit. Duas valdissimas gentes, superque xx oppida, & insulam Vectem Britanniae proximam in deditionem redegit: partim Aili Plautii consularis legati, partim Claudii ipsius ductu. Quare triumphalia ornamenta, & in spatio brevi duplex sacerdotium accepit. Ad hanc etiam insulam Alekti classis, cum pupuram in Britannia usurpasset, in speculis, & infidiis collocata Romanorum adventum praestolabatur, qui tamen nebulae beneficio hostes praetervekti, littore potiti sunt, & navibus suis ignes iniecerunt, ut nullae fugae praesidium reservaretur. Saxonum primus Cerdicius juris sui fecit, concessitque Stuffae, & Whitgaro, qui Britannicos incolas (pauci enim superfuerant) ad internecionem sustulerunt in *Whitgaraburg*, ab eo sic dicto, nunc *Caresbrock* contracte vocatur. Inde Wolpherus Merciorum Rex Vectam in suam potestatem redegit, & Edelwalcho Australium Saxonum Regi, cum Menuarorum provincia attribuit, cum pro illo se sponsione in Baptismo obligaverit. Postea Caedwalla Occidentalium Saxonum Rex Edelwalcho illo occiso, & Aruando insulae regulo sublato, suo imperio adjunxit, & tragica caede indigenas omnes occisione fere occidit, quartamque partem, terram scilicet trecentarum familiarum Wilfrido Episcopo attribuit, qui incolas Christi sacramentis primus imbuivit. Sed haec suis verbis dicet Beda.

Anno Domini 530.

Beda lib. 4. cap. 13.

Beda lib. 4. cap. 16.

Postquam ergo Caedwalla regno potitus est Gevissorum, cepit & insulam Vectam, quae eatenus erat tota idololatriae dedita, ac tragica caede omnes indigenas exterminare, ac suae provinciae homines pro his substituere contendit; voto se obligans, quamvis nondum regeneratus (ut fertur) in Christo, quod si cepisset insulam, quartam partem ejus simul & praeda Domino daret. Quod ita solvit, ut hanc Wilfrido Episcopo, qui tunc forte de gente sua superveniens aderat, utendam pro Domino offerret. Est autem mensura ejusdem insulae juxta aestimationem Anglorum mille ducentarum familiarum. Unde data est Episcopo possessio terra trecentarum familiarum. At ipse partem quam accepit commendavit cuidam de clericis suis cui nomen Bernwini, & erat filius sororis ejus, dans illi presbyterum nomine Hildila, qui omnibus qui salvari vellent verbum ac lavacrum vitae ministraret. Vbi silentio praetereundum non esse reor, quod in primitias eorum qui de eadem insula credendo salvati sunt, duo regii pueri fratres videlicet Aruandi regis insulae speciali sunt Dei gratia coronati. Si quidem imminentibus insulae hostibus fuga lapsi sunt de insula, & in proximam provinciam translati. Vbi cum delati in locum qui vocatur Ad lapidem occultandos se à facie regis victoris credidissent, proditi sunt, atque occidi jussi. Quod cum audisset Abbas quidam & presbyter vocabulo Cynbreth habens non longe ab inde monasterium in loco qui vocatur Reodford, id est vadum arundinis, venit ad regem qui tunc eisdem in partibus occultus curabatur à vulneribus, quae ei influcta fuerant praetanti in insula Vecta, postulavitque ab eo, ut si necesse esset pueros interfici, prius eos liceret fidei Christianae sacramentis imbui. Concessit rex, &

Iutarum.
Vide pag. 192.

ipse instructos eos verbo veritatis, ac fonte salutaris ablutos, de ingressu regni aeterni certos reddidit. Moxque illi instante carnifice mortem laeti subire temporalem, per quam se ad vitam animae perpetuam non dubitabant esse transiuros. Hoc ergo ordine postquam omnes Britanniarum provinciae fidem Christi susceperant, suscepit & insula Vecta, in qua tamen ob arumnam externae subjectionis, nemo gradum ministerii ac sedis episcopalis ante Danielelem, qui nunc Occidentalium Saxonum, & Gevissorum est Episcopus, accepit.

Diuturnum jam inde de Vecta apud auctores silentium ad annum M L X V I, quo Tostius Regis Haraldus frater cum piraticis è Flandria navigiis in odium fratris invasit, & postquam insulanos sibi tributum solvere coegerat, discessit. Paucis post annis, ut in vetusto libro Prioratus Caersbroke, quem D. Rob. Gloverus Somersset, qui antiquitatis Genealogicae quasi solem in manibus gestavit, mihi ostendit, legitur, Quemadmodum Guilielmus Bastardus conquistavit Angliam, ita Guilielmus filius Osborni (qui ejus Marescallus, & Comes Herefordiae) Vectam insulam conquistavit, primusque Vectae Dominus erat. Longo deinde interjecto tempore Galli anno M C C C L X X V I I ex improvviso delati invaserunt, & diripuerunt, iidemque anno M C C C C I I I. frustra sunt adorti, & à littore fortiter repulsi, uti patrum memoria regnante Henrico Octavo, cum triremes Gallicae unum & alterum turgiolum incenderent.

Florentius Wigornien-
sis.

Quod ad Dominos attinet, postquam Guilielmus Fitz-Osborn statim bello Flandrico occisus, filiusque Rogerus proscriptus, & in exilium ejectus esset, in Regiam potestatem devenit, Henricusque Primus Rex Angliae Richardo de Riduers, (qui Reduers etiam & de Ripariis) Devoniae Comiti hanc insulam donavit, & simul Feodum villae Ecclesiae Christi. Ubi, uti apud Caresbrooke, castellum Richardus ille construxit: verum filius ejus Baldwinus turbulentis Regis Stephani temporibus, cum tot erant in Anglia Tyranni, quot Castellorum domini, qui singuli sibi jus pecuniae signandae, & alia majestatis jura sibi vendicarent: hinc à Stephano erat exturbatus. Posterius ejus tamen avitum jus recuperarunt, quorum seriem Genealogicam jam ante perteximus, ubi de Devoniae Comitibus plene egimus. Tandem vero Isabella vidua Guilielmi de Fortibus Comitis Abelmarae, & Holdernefiae, soror & haeres Baldwini ultimi Devoniae Comitis ex hac familia, ægre exorata omne jus suum in Regem Edwardum Primum per Chartam transcripsit.

Domini
insulae
Vectae.

Christ-
church.

Iam inde insulam tenuerunt Reges Angliae, atque Henricus de Bello-Campo Comes Warwicensis, à Rege Henrico Sexto, cui charissimus erat, coronatus est in regem de Wight, & postea nominatus primus Comes totius Angliae. Sed cum illo novus hic & insolitus titulus omnino evanuit. Postea Richardus Wilevile Comes de Rivers ab Edwardo Quarto dominus insulae Vectae salutatus, & Reginaldus Bray ab Henrico Septimo, cui in deliciis erat, in firmam (sic jurisconsulti loquuntur) pro trecentis marcis annuatim persolvendis, accepit. Nobilemque praeter hos Dominos habuit familiam, quae de Insula sive Lisle denominata, ex qua regnante Edwardo Secundo quidam evocatus erat ad Parlamentaria Comititia nomine Johannes de Insula Vecta.

Lib. Monast. Tewkesbury.

BARK-


A T T R E B A T I I.



Comius
Attreba-
tensis.
In Strate-
gemati-
bus.

Elgis finitimi, uti in Gallia, ita in Britannia ATTREBATII, quo nomine nunc antiquato, eorum sedes Barkshire vulgo appellatur. In confesso enim sit, cum è Gallica Belgica advenas maritima Britannia occupasse, regionumque suarum nomina retinuisse prodat Cæsar, hos nostros Attrebatios è Gallia Attrebatibus huc demigrasse; qui Gallia maritimam partem ad Sequanam, ut author est Ptolemæus, tenuerunt, regionem scilicet, quæ nostris Attrebatii è regione quodammodo objacet. Non temere igitur erat, si Cæsar Comii Attrebatensis auctoritatem his regionibus magnam fuisse scribat, utpote apud populares suos, & illum à Cæsare victum, huc fugisse, cum, ut habet Frontinus, navibus in sicco hærentibus, vela pandi jussisset, & Cæsarem insequentem frustratus sit; qui è longinquo vela tumentia spectans, ferentibus ventis avolare ratus, à persequendo destitit. Unde Attrebatii hi dicti controvertitur, nam quod ab Attrech quidam petunt, quod antiqua Gallorum lingua terram panis sonare volunt, vereor ut frustra sint. Satis sit nobis indicasse, unde in Britannia devenerint, in nominis rationem inquirant alii.

B A R K - S H I R E.



Afferius.

Ger ille qui nobis Barkshire, Latinis Bercheria, Anglo-Saxonibus Beppocrype quondam dicebatur. Quod nomen à quadam sylva Berroc, ubi buxus plurima, deducit Afferius Menevensis, alii à quercu nudata, hoc enim Beroke denotat, ad quam difficilioribus Reip. temporibus incolæ olim suis de rebus consulturi convenire solebant. Septentrionalem hujus partem Isis, qui postea Tamisis, flexuoso, sed amœno admodum blandus alveo perfundit, & primum ab Oxoniensibus, postea à Buchinghamiensibus secludit. Australem partem qua Southantoniam Comitatum prospectat, irrigat Cunctio flu. donec Tamisi se inferat. Ad occasum qua Wiltoniam attingit, & latior est, ut etiam in parte media, suarum opum satis prodiga, & frumenti ferax, præcipue, ubi in vallem subsidet, quam à nescio qua albi equi forma, in candicante colle imaginata, The Vale of Wicheborse vocant. Orientalem autem partem quæ Surreiæ confinis, plane sterilefcit, vel certe gleba, minus fertili, saltus, & sylvæ longe lateque occupant.

Farendon.

Guil. Neubrigenfis.

In Occidentali limite prope ab Iside, Farendon est superiori situ, nunc foro, quondam munitio- ne quadam celebre, quam Robertus Glocestriæ Comes contra Stephanum construxit, qui tamen eam cruento labore expugnavit, & ita solo adæquavit, ut jam non appareat. Locum autem in quo situm erat (ut in Chronico Waverlensis cœnobii legitur) Ioannes Rex anno M C C II, inspiratione divina præventus, concessit cum omnibus pertinentiis ad construendam Abbatiam de ordine Cisterciensium.

Abbandune live Abbington.

Hic Isis magno in Septentriones flexu eluctatus minoris famæ viculis affunditur plurimis, donec reductus, & divortio ludens Abbendoniam pervenit, oppidum sane elegans, & frequens ðheovesham, primum Anglo-Saxonibus, inde Abbandune dictum, ab Abbazia proculdubio, potius quam ab Abbeno Hibernico nescio quo heremita, ut quidam scripserunt. Locus erat (ut habet vetustus liber Abbendonensis) in planitie mon-

Britannia.

tis visu desiderabilis, paulisper ultra villam quæ nunc vocatur Suniggewelle, inter duos rivulos amœnissimos, qui locum ipsum quasi quendam sinum inter se concludentes gratum cernentibus præbent spectaculum & opportunum habitantibus subsidium. Sheovesham autem ipsa olim dicta civitas famosa, aspectu desiderabilis, divitiis plena, agris circumdata urberrimis, vernantibus pratis, diffusis campis, & gregibus lactifluis. Hic sedes regia, huc, cum de regni præcipuis & arduis tractaretur negotiis, concursus fiebat populi. Quamprimum autem Cissa Occidentalium Saxonum Rex monasterium, sive Abbatiam construxerat, deposito paulatim vetustiori nomine, Abbandun, & Abbington, id est, Abbatia oppidum, dici cœpit. Nec ita diu floruerat hoc monasterium, cum Danico turbine, quasi subito prosterneretur: revaluit tamen statim Eadgari Regis beneficentia, & postea Normannorum Abbatum opera in eam magnificentiam paulatim excrevit, ut inter Britannicæ monasteria cum opibus, tum amplitudine vix secundis acquiesceret, quod etiam rudera ejus nunc loquuntur. Oppidum vero etsi diu monasterio innixum fuerit, ab anno tamen Salutis M C C C X V, quo Isidem pontibus conjunxerat Rex Henricus Quintus, ut attestatur versiculus in fenestra Ecclesiæ S. Helenæ ibidem: & regiam viam compendio huc deflexerat, ita frequentari cœpit: ut inter hujus agri oppida primaria censeatur, Majorem habeat, madefacto illo regerminanti hordeo quod Byne Græci, nos Mault vocamus, magnum quæstum faciat; Crucemque in medio foro ostendit singularis elegantia, quam ut ferunt, regnante Henrico Sexto Fraternitas S. Crucis ab ipso instituta erexit.

Ut Cissa hoc monasterium, ita Cilla (ex antiquo libro loquor) soror Cedwalle Regis monasterium monialibus construxit ad Helmeftow juxta Tamisim, ubi virginibus ipsa præfuit, quæ postea translata fuerunt ad Wvitham. Ardente bello inter Offam & Kinulphum, cum castellum ibi construeretur secesserunt virgines. Kinulpho enim victo omnia quæ jurisdictioni suæ subdita fuerant ab oppido VVallingfordiæ in Australi parte ab Ichenildestreete usque ad Esseburiam, & in Aquilonari parte usque ad Tamisim Rex Offa sibi usurpavit.

Mault.
Henricus
Quintus
quarto
fundaverit
anno, Rex
pontem
Burford,
super undas
atque Cul-
bamford.

* Nunc
Ashbury,
prope
Whitehor-
se-hill.

R r

Prope



Befiles
Lee.
Fetiplace.

*
Viceco-
mites In-
sula five
Lisle.

Pufey.
Dench-
worth.

Wantage.

Fitz. wa-
rin.

Prope ad Circium jacet *Lee*, quæ per filiam viri Equestris dignitatis inde *De Lee* cognominati devenit ad familiam de *Befiles*, unde *Befiles-Lee* dici cœpit; & ab illa jure connubiali ad Richardum *Fetiplace*, cujus progenitor Thomas nonnihil splendoris posteris suis attulit ex nuptiis cum Beatrice filia naturali Ioannis Primi Regis Lusitanæ, è qua illi prognati. Sed regrediamur. Juxta Abendoniam *Ock* fluviolus, qui Australem oppidi partem alluit, ponte à Ioanne de *S. Helena* Equite aurato olim conjunctus, in Isidem placide infertur; qui in valle illa de *White-horse* exoritur vix uno & altero milliari à *Kingston-Lisle*, quæ olim possessio Warini de *Insula*, sive *Lisle* Baronis inclyti. A quo cum Ioannes *Talbott* Ioannis bellicosi Comitis Salopiæ filius junior, qui per matrem genus repetiit, constitutus erat primum *Baro Lisle* sive *Insula*, sicut *Warinus de Insula* olim fuit (ratione possessionis hujus loci quasi dignitas loco adnexa fuisset,) & postea Vicecomes Insulæ: continua quasi serie propitia Regum gratia in ejus posteris hic titulus effloruit. Etenim (ut summatim perstringam) cum Thomas *Talbot* Ioannis illius filius sine liberis è vita migrasset, ore sagitta transfixus in pugna pro possessionibus contra Baronem *Barkley*, Edwardus *Grey*, qui ejus sororem duxerat, eundem à Rege *Richardo III* accepit, ut Carolus Brandonus, cui Edwardi ex Ioanne filio neptis tenella desponsata fuit ab Henrico Octavo: verum cum illa ante nuptias defuncta, hic etiam titulus in illo unâ defunctus. Postea *Arthuro Plantagenet* illegitimo Edwardi Quarti filio, qui *Elizabetham* Ioannis *Grey* Vicecomitis Insulæ sororem, viduam *Edmundi Dudley* duxerat, hunc honorem idem Henricus VIII contulit. Illo rursus sine masculis demortuo, Ioannem *Dudley* *Edmundi Dudley* ex eadem *Elizabetha Greia* filium, qui postea Dux Northumbriæ, eodem honoravit. Quo proscripto, *Elizabetha Regina* ejus filium Ambrosium natalibus restitutum, priusquam Warvici Comitem creaverit, Baronem *Lisle* eodem die dixit. Ejusque è sorore nepotem Robertum *Sidney* tantis majoribus ortum, & suis virtutibus clarissimum, quem Rex *Iacobus* Baronem *Sidney de Pensbers* creaverat, & charissimæ conjugis *Reginæ Annæ* Camerarium constituerat, etiam Vicecomitis *Lisle* nomine & honore *CIO D C V* exornavit.

Ocke ille, quem dixi, deinde interlabitur inter *Pufey*, quod illi qui de *Pufey* nominati adhuc tenent per cornu à majoribus olim à Rege Canuto Danico donatum, & juxta unum & alterum *Denchworth*, ubi duæ familiæ claræ & vetustæ diu floruerunt, de *Hida* ad australius, & *Fetiplace* ad borealius, quæ ex eadem stirpe videantur progerminasse, cum uno eodemque clypeo gentilitio utantur. Rivulum inde anonymum *Ock* recipit qui ex eadem valle ad *Wantage*, promanat. Hæc vero *Wantage* Anglo-Saxonice *Wanating* villa erat olim regia, & *Ælfredi* Regis clarissimi incunabula, quam moriens *Alfritho* legavit. Longo post tempore mercatorium factum erat oppidum opera *Fulcoci* *Fitzwarin* viri bellicosissimi, cui *Rogerus Bigod* Angliæ Marecallus virtutis bellicæ ergo donaverat, hodieque *Bourchie-*

re Bathoniæ Comites è *Fitzwarinorum* stirpe oriundi Domipi agnoscuntur, è quorum familia nonnulli sunt hic sepulti.

Isis Abendoniam digressus statim ab Oxoniensibus *Tamam* recipit (de quo alias) & nunc *Tamisis* composito vocabulo dictus, primum *Sinodun* collem editum, & fossa profunda munitum invisit, ubi olim Romanorum castrum fuisse certum est; proscissus enim nunc aratro Romanorum nummos vetustatis indicia aratoribus subinde effundit. Sub hoc ad *Bretwell* castrum fuit, si non in hoc colle, quod Henricus Secundus expugnavit, paulo antequam pacem cum *Stephano* iniret. Hinc *Tamisis* primariam olim *Attrebatiorum* urbem petit, quæ Antonino *GALEVA* *Gallena* *Attrebatum*, *Ptolemæo* *GALEVA*, sed utrique perperam librariorum incuria pro *GALLENA*, qui itidem in Græcis exemplaribus *Nalxva*, pro *Gallena* literis transpositis nobis obtruserunt. Sic etenim Britannice dictum arbitratus sum, quasi *Gual ben*, id est *Vallum antiquum*. Quo nomine retento, & ob vadum in flumine, *Forde* adjecto, *Gualengarop* & *Wallengarop* Angli olim vocarunt, & nos hodie contractius *WVallengford*. *Burgus* habebatur Edwardi Confessoris temporibus, & continebat (ut est in eo libro quo Angliæ lustrum condebat *Guilielmus Primus*) *CC L XXVI bagas*, id est, domos, reddentes *IX libras de Gablo*, & qui ibi manebant, faciebant servitium Regis cum equis, vel per aquam. De *bagis* octo pro Castello sunt destructæ. Mœnibus olim obvallatum erat, quæ ut ex eorum tractu videre est, mille passus ambitu collegerunt. Castrum ad flumen sedet amplum sane, & quondam adeo munitum, ut inexuperabilis munimenti spes quosdam ferocios fecerit. Cum enim communi quasi bellorum incendio deflagraverit Anglia, subinde inani obsidione à *Stephano* Rege incinctum legimus. Amplitudinem ejus & magnificentiam cum illic *Oxonia* pueri secederemus, demirabamur (est enim jam secessus studiosis ex æde Christi *Oxoniæ*) duplici murorum ambitu, duplici item vallo circumdatur, in medio, moli in magnam altitudinem editæ arx imponitur, in cujus acclivi per gradus ascensu fontem immensæ profunditatis vidimus. Incolæ constructum à Danis credunt, ego potius à Romanis aliquid hic positum, è Saxonibus postea & Danis excisum judicari, cum *Sueno* *Danus* hac populabundus vagaretur: demumque sub *Guilielmo Primo* denuo revixisse ex *Censuali* libro pro comperto habemus, cum meminerit octo *bagas*, id est, domos pro castello fuisse destructas, ut modo adnotavi. Castri tamen non meminit *Guilielmus Gemeticensis*, cum scribit *Guilielmum Normannum*, debellato *Haroldo*, statim ad hanc urbem (sic vocat) exercitum ductasse, transmeatoque *Tamisis* vado, hic castrametatum fuisse, priusquam *Londinum* adiret. Quo tempore *Wigodum* Anglum Dominum suum agnovit *Wallengfordia*, qui unicam filiam suscepit *Roberto D' Oyley* in matrimonio datam, ex qua *Matildem* hæredem unicam ille progeniuit, quæ primum *Miloni Crispino*, eoque defuncto, *Brientio filio Comitis*, beneficio Regis *Henrici Primi* elocata fuit. Qui bellicis laudibus innutritus, & *Matildis Augustæ* partes sequutus, hoc

Tamisis.

Sinodun.

Bretwell.
Rob.
Monten-
sis.

Gallena.
Walleng-
ford.

Domini
Walleng-
fordiæ.

hoc castrum contra Stephanum, cum ille ad *Craumesburgh*, è regione propugnaculum excitasset, fortissime defendit: donec pax omni Angliæ exoptatissima, hoc in loco confecta; & composita illa de regno inter Stephanum & Henricum II gravissima dissensio. Tunc enim Brientii & uxoris animum Dei amor ita subibat, ut caduca & fluxa rejecerint, Christo se devoverint, & in sacrum Regis patrimonium hic *Honor Wallingfordiæ* devenerit. Quod constat ex veteri Inquisitione in Scaccario hisce verbis, *Dominis suis dilectissimis Domini Regis Iustitiariis, & Baronibus Scaccarii Constabularius Wallingford Salutem. Sciatis me diligenter inquisitionem fecisse de mandato D. Regis per Vicecomitem ad me transmissum per Milites de Balliva mea, & hac est inquisitionis factæ summa. Vigodus de Wallingford tenuit honorem de Wallingford tempore Regis Haroldi, & postea tempore Regis Willelmi Primi, & habuit ex uxore sua quandam filiam, quam dedit Roberto D' Oilly. Ipse Robertus habuit ex ea quandam filiam Matildem nomine quæ fuit hæres ejus. Milo Crispinus desponsavit eam, & habuit cum ea prædictum Honorem de Wallingford. Mortuo Milone dedit Dominus Rex Henricus Primus prædictam Matildem Brientio filio Comitis, &c. Postea tamen spectavit Henrici Tertii tempore ad Comites Cestriæ, & deinde ad Richardum Romanorum Regem, & Cornubiæ Comitem, qui instauravit, ejusque filium Edmundum, qui in interiori area collegiatum sacellum fundavit, quo sine liberis sublato, in sacrum Coronæ patrimonium recidit, Cornubiæque Ducatui adnexum fuit, ex quo quodammodo contabuit. Et certe sub id tempus, cum illa pestis funestissima, quæ Saturni & Martis Synodum in Capricorno insequuta, per universam Europam pertinaciter anno Christi MCCCXLVIII grassaretur; hæc Gallena ita assiduis funeribus fuit exhausta, ut cum prius frequentissime habitaretur, & XII ædes sacras numeraret, nunc tantum unam & alteram ostendat. Sed hanc solitudinem referunt incolæ potius ad pontes Abbindoniæ, & Dorcestriæ constructos, quibus regia via fuit deflexa.*

Hinc in Austrum inter latissimos utrinque agros placidissime fertur Tamisis per *Moulesford*, quod Rex Henricus Primus dedit Giraldo filio Walteri, à quo profluxit inclyta familia de *Carew*. Cui plurimum splendoris accessit ex nuptiis cum clarissimis familiis Mohunorum, Dinhamorum, & aliis tam in Hibernia, quam in Anglia. Nec procul abest *Aldworth*, ubi sunt sepulchra & effigies justo majores impositæ, quas inde, ut Gigantum, vulgus imperitum demiratur, cum fuerint tantum Equitum familiæ *De la Beche*, quæ hic habuit castrum, & regnante Edwardo Tertio defecisse mascula prole creditur. Tandemque Tamisis Cunetionem obvium habet, qui Australem, ut modo dixi, Attrebatiorum partem irrigans, in primo aditu, cum Wiltonienses reliquerit, *Hungerford*, olim *Ingleford Charnam-street* dictam, subluit, oppidulum tenue, & humido situ, quod amplissimæ tamen familiæ Baronum de *Hungerford* & nomen, & titulum fecit, quam primum extulit Walterus *Hungerford*, qui sub rege Henrico Quinto aulæ regiæ Senescallus ob virtutem bellicam ejusdem Regis munificentia castro & Baroniam de *Homert* in Normania donatus, sibi & heredi *Britannia*.

dibus masculis tenenda per homagium & servitium reddendi Regi & heredibus suis apud castrum Rothomagi unam lanceam cum cauda vulpis dependente, quod jocosum inter seria inseruisse lubet. Idem regnante Henrico Sexto, Summus Angliæ Thesaurarius, & Baro *Hungerford* creatus, cum prudentia singulari, tum nuptiis cum Catharina *Peverell* (quæ à *Moelis*, & *Courtenais* orta) rem familiarem multiplicavit. Ejusque filius Robertus, qui duxit filiam & hæredem Domini de *Botreaux*, plurimum locupletavit, Robertus itidem hujus filius, qui *Eleonoram* filiam & hæredem *Guil. Molines*, duxit (unde inter Barones regni, nomine Domini de *Molines* inclaruit) atque intestino bello inter Lancastrenses, & Eboracenses, apud *Newcastle* capite truncatus magnam fecit accessionem. Filius autem ejus Thomas occisus apud *Sarisbury* patre vivente, unicum reliquit filium Mariam, quam Edwardus Dominus *Hastings* in uxorem cum luculenta hæreditate accepit. Walterus vero Thomæ frater Edwardum *Hungerford* genuit, patrem illius Walteri quem Rex Henricus VIII Baronem *Hungerford de Heytesbury* creavit & postea infandi criminis condemnavit: liberos tamen ad omnia præter Baronis dignitatem R. Maria restituit. Hinc parum abest ad austrum *Widchay*, quæ Baronum de *S. Amando* longo tempore sedes erat, quorum hæreditatem jure uxorio adiit Gerardus *Braybrok*, cujus è filio Gerardo neptis nata maxima Elizabetha suis nuptiis eandem ad Guilielmum de *Bellocampo* transtulit, qui ad Parlamentum accitus nomine Guilielmi *Beauchamp* de *S. Amando* inter Barones floruit, uti ejus filius Richardus, qui nullam legitimam progeniit prolem.

Inde defluens Cunetio inter *Hemsted Marshall*, quod olim per virgam *Marescalliæ* tenebatur, & ad *Marescallos* Angliæ spectavit: ubi Thomas *Parry* Thesaurarius hospitii Regiæ Elizabethæ elegantes ædes extruxit, & *Benham Valence* ita dictam, quod ad Guilielmum de *Valentia* Comitem *Penbrochiæ* spectavit, *SPINAS* vetustum illud oppidum adit cujus Antoninus meminit. Quod hodie nomine superstiti, *Spene* dicitur, verum nunc pro oppido viculus est minimus vix mill. pass. à *Newbury* celebri oppido, quod ex ejus ruinis originem reperit. *Newbury* enim *Novus Burgus* nobis sonat, ratione scilicet mansionis illius antiquioris *Spinarum*, quæ intercidit, nomenque etiam in ipsius *Newburii* parte reliquit, quæ *Spinhamlands* hæcenus appellatur. Si vero nihil aliud, hoc sane probet *Newbury* è *Spinis* emicuisse, quod *Spene* viculum, ut matrem *Newburien*ses agnoscant, licet illud præ *Spinis*, ædificiis cultuque sit inprimis spectabile, & lanificio opulentum, situ percommodo in campestri planitie, & Cunetione sive *Kenetto* flumine interfusum. Obtigit hoc in Normannica Angliæ expugnatione Ernulpho de *Hesdin* Comiti *Perticensi*, cujus cum abnepos Thomas *Perticensis* in obsidione *Lincolniæ* cecidisset, Episcopus *Cabillonensis*, sive *Chalonensis* ejus hæres divendit Guilielmo *Marescallo* Comiti *Penbrochiæ*, qui etiam *Manerium de Hemsted* vicinum, de quo dixi, tenuit, ejusque successores Angliæ *Marescalli*, donec Rogerus *Bigod* ob pervicaciam *Marescalli*

r. pars
dupl. Pa-
tent Nor-
m. 6. H. 5.
Barones
Hunger-
ford.

Widehay.
Barones
de S. A-
mando.

Beau-
champ de
S. Aman-
do.

Spine.

New-
bury.

Liber In-
quisicio-
num.

S f hono-

De Hono-
re de Wal-
lengford
in Testa.
Nevilli in
Scaccario.

Pestis gra-
vissima.

Moules-
ford.

Carew.

Aldworth.

Kenet fl.

Hunger-
ford.

honore & possessionibus excidisset, quæ tamen ad vitam precario recepit.

Lamborn.

Hinc pergit Cunetio, & Lamborn rivulum recipit, qui ad fontes oppidulo mercatorio suum nomen impertit, quod olim Ælfredi Regis testamento ad Alfrithum ejus cognatum, inde ad Fitzwarinos, qui mercatus jus ab Henr. II impetrarunt, spectavit, nunc vero ad Equestrem familiam de Essex dictam, quæ genus refert ad Guil. de Essex Subthesaurarium Angliæ sub Edwar. III, & ad illos qui olim eodem cognomine summo honore in Essexia floruerunt. Inde sub-
linit Denington, quod aliis Dunnington dicitur, castellum exiguum, sed elegans nemorosi collis supercilio prospectu amœno positum, & quod interius omne fere lumen admittit. Conditum vero ferunt à Richardo de Abberbury Equite aurato, qui etiam sub eo Domum Dei pauperculis fundavit. Postea fuit Chauceri, inde De la Polorum, & patrum memoria Caroli Brandoni Ducis Suffolciæ habitatio.

Denington castelle.

Altermaston.

Cunetio jam longo confecto cursu per Aldermaston, quod Henr. I dedit Rob. Achard, à cujus posteris per De la-Mares ad Equestrem Fosterorum familiam jure conjugii tandem devenit: in Tamisum tandem illabitur, statim ac Redingum magnam partem suis divergiis amplexus fuerit. Reding vero urbecula, sive oppidum, Anglo-Saxonicè Rheadýge à Rhea, id est, Flumine, vel à Britannica dictione Redin, quod filices denotat, quæ affatim hic provenerunt, hodie platearum elegantia, ædium splendore, sua opulentia, & lanei panni texendi gloria cæteris hujus agri oppidis præcellit, licet maxima ornamenta amiserit; Templum scilicet speciosum, & Castrum vetustissimum. Hoc enim Danos tenuisse prodit Asse-rius, cum vallum inter Cunetionem & Tamisum ducerent, & in hoc se recepisse, cum ad Inglefield (viculus est vicinus qui nobili & antiquæ familiæ nomen fecit) ab Æthelwulfo Rege fugarentur. Sed Henricus Secundus ita illud excidit, quod Stephani militibus perfugium esset, ut nihil jam superfit præter nudum nomen in platea proxima. In cujus vicina diruta virginum sacrarum ædícula, quam ad expianda sua scelera Alfritha regina olim posuerat, templum magnificentissimum monachis construxit, magnique redditibus locupletavit Rex Henricus Primus. Qui, ut ex ipsa foundationis Charta loquar, Quia tres Abbatis in regno Angliæ peccatis suis exigentibus olim destructæ fuerint, Redingia scilicet, Chelseia, & Leonminstre quas manus laica diu possedit, consilio pontificum edificavit novum apud Redingiam monasterium, & donavit eidem Redingiam, Chelseiam & Leonminstre. In hoc sepultus erat ipse conditor Henricus una cum filia Matilde, ut privata hujus loci testatur historia, etsi aliqui Becci in Normannia hanc conditam ferunt. Quæ perinde ac Lampido illa Lacedæmonia (cujus Plinius meminit) regis filia, regis uxor, regis mater fuit. Hujus scilicet Henrici Primi regis Angliæ filia, Henrici Quarti Germaniæ Imperatoris uxor, & Henrici Secundi regis Angliæ mater. Qua de re accipe distichon tumulo inscriptum, & illud, meo sane judicio, Musis faventibus natum,
Magna ortu, majorque viro, sed maxima partu,

Matildis Augusta.

Hic jacet Henrici filia, sponsa, parens.

Et partu quidem illa maxima, & longe foelicissima fuit. Henricus enim II ejus filius, ut scripsit qui tunc vixit, Ioannes Sarisburiensis, Rex optimus apud Britannias, Normannorum, & Aquitanorum Dux felicissimus, & primus tam amplitudine rerum, quam splendore virtutum. Quam strenuus, quam magnificus, quam prudens, & modestus, ab ipsa ut dicam infantia fuerit, nec ipse livor filere, nec dissimulare potest: cum opera recentia, & manifesta sint, & à Britanniarum finibus ad Hispaniæ limites, virtutis suæ protenderit, & continuaverit titulos. Et alibi de eodem, Henricus II maximus Regum Britanniae circa Garumnam fulminavit, Tolosam foelici cingens obsidione non modo provinciales usque ad Rhodanum, & Alpes territavit, sed munitionibus dirutis, populisque subactis, quasi universis immineret, timore principes Hispanos concussit & Gallos. Adjungam etiam, si placet, unum & alterum verbum de eodem ex Giraldo Cambrensi, A Pyreneis montibus usque in occiduos, & extremos borealis Oceani fines hic Alexander noster occidentalis brachium extendit. Quantum igitur nostris in partibus natura terras, tantum & victorias extulit. Si excursuum metæ querantur, prius deerit orbis, quam aderit finis. Animoso quippe pectore cessare possunt terra, cessare nesciunt victoriæ, non deesse poterunt triumphis, sed materia triumphandi. Qualiter titulis & triumphis suis Hibernicus orbis accesserit? Quanta, & quam laudabili virtute Oceani secreta, & occulta transpenerit? Sed ecce veterum in ejus mortem versiculum, qui uno verbo, & hæc omnia, & filii Regis Richardi Primi gloriam plene completitur:

Mira cano, Sol occubuit, nox nulla sequuta est.

Tantum enim abest, ut Richardus noctem intulerit, ut Angliam nostram suis in Cypro, & Syria victoriis clarissime illustraverit. Verum hæc extra callem. Ad loca à personis jam denuo regrediamur. Monasterium hoc in quo Henricus ille Primus sepultus, jam in regias aedes conversum est, quibus in prætorio fide equile pulcherrimum adjunctum, regiis, & generosissimis equis refertum. Sed hoc de loco audi etiam Poëtam describentem Tamisum hic præterlabentem,

Henricus Secundus.

De nugis Curial. Lib. 6. cap. 18.

Richardus Primus.

Hinc videt exiguum Chawsey, properatque videre Redingum nitidum, texendis nobile pannis. Hoc docet Ælfredi nostri victricia signa, Beg scegi cadem, calcata cadavera Dani: Utque superfuso maduerunt sanguine campi. Principis hic Zephyro Cauroque parentibus orti Cornipedes crebris implent hinnitibus auras, Et gyros ducunt, gressus glomerantque superbos, Dum cupiunt nostri Martis servare lupatis. Hæcine sed pietas? heu dira piacula, primus Neustrius Henricus situs hic, inglorius urna Nunc jacet ejectus, tumulum novus advena querit Frustra; nam regi tenues invidit arenas Auri sacra fames, Regum metuenda sepulchris.

Quingentis vix à Redingo passibus, inter florentissima prata Cunetio Tamisi consociatur, qui jam latior in Septentriones spaciatur per Sunning viculum, quem mireris octo Episcopis, qui huic, & Wiltoniensi agro præfuerunt, fuisse sedem, (hoc tamen nostræ produnt historiæ) quæ postea ab Hermano Shirburnam, & tandem Sarisburiam translata, ad quam etiamnum locus iste pertinet: unde parum abest Laurentii

Sunning.

VVal-

VValtham, ubi vetustæ arcis radices videre est, & Romanorum numismata sæpius effossa. Inde *Bisfleham*, nunc contracte *Bisflam* præterit Tamis, primum Templariorum Militum, inde *Mon-tacutorum*, qui monasteriolum extruxerunt, & postea patrimonium Domini Edwardi *Hobey* Equitis clarissimi, & mihi inprimis observandi, cujus magna in me beneficia cogitatio frequens ita exercebit, & renovabit, ut memoriæ nunquam subducantur meæ.

Bisflamo jam relicto, se reducit Tamisis ad oppidulum superiori sæculo *Southalington* dictum, hodie *Maidenhead*, à cultu capitis nescio cujus virginis Britannicæ ex undecim illis millibus, quæ dum *Vrsula* duce, in patriam Roma redirent, juxta *Coloniæ* Germaniæ ab *Attila* illo Dei flagello, martyrio affectæ fuerunt. Nec hoc vetustæ est memoriæ, nam proavorum ætate trajectus fuit loco paulo superiori ad *Babbams end*, sed postquam hic pontem construxissent sublicium, diverforiis florere cœpit, & matri suæ vicinæ *Bray* præluere, quæ longe tamen antiquior, utpote quæ toti *Centuriæ* nomen fecit. Hanc *BIBROCOS*, qui se in Cæsaris fidem permiserunt, tenuisse olim credidi, & quidni credam? Nominis reliquiæ supersunt planissime, *BIBRACTE* Galliæ etiam nunc in *Bray* contrahitur, & non procul hinc Cæsar Tamisim cum suis transmisit (ut suo loco docebimus) quo tempore popelli illi se Cæsari dederunt. Certe si alibi *Bibrococos* vel plagis auritis venaris, vix credo invenias.

Inter hos *Bibrococos* floret *VVindlefore*, Saxonice (à flexuosa forsitan ripa) *Wýnolefþora*, ut in *Chartis* Edwardi Confessoris concipitur, qui in hæc verba *Westmonasterio* concessit, *Ad laudem Dei omnipotentis posui in dotatitium, & in perpetuam hereditatem ad usum Domino servientium, VVindle-sboram cum pertinentibus*. Nec enim aliud vetustius de *Windlefora* lego. Sed non diu tenuerant *Monachi*, cum permutatione facta, *Guilielmus Nor-mannus* ad se retraxit. Sic enim habet ejus *Charta*, *Cum consensu, & favore venerabilis Abbatis VVestmonasterii, conventionem feci de Regia possessione VVindlefora, quod locus ille utilis, & commodus visus est propter contiguam aquam, & sylvam venatibus aptam, & alia plura quæ inibi sunt regibus commoda, imo regie perbenditioni aptus existit, pro qua Wokendune, & Ferings concessi*. Situm certe amœniorem fedes Regia vix habere possit. Clementer enim ex edito colle, jucundissimo in orbem fruitur prospectu. A fronte vallem despectat longe lateque procurentem, arvis distinctam, pratis viridantem, nemoribus hinc inde vestitam, & placidissimo Tamisi irriguam. A tergo colles passim exsurgunt, nec asperi, nec præalti saltibus coronati, & venationi à natura ipsa quasi dicati. Hac loci amœnitate pellekti reges, sæpiissime huc secedunt, & hic ad Galliam vincendam natus est *Edwardus III* Rex potentissimus, qui hic castrum quasi urbis æmulum fossis, & propugnaculis ex quadrato saxo munitissimum de integro construxit, statimque debellato Gallo, & Scoto, *Ioannem Regem Galliæ*, & *Davidem Scotiæ* in hoc captivos uno eodemque tempore tenuit. Dividitur hoc castrum in duas areas; interior, quæ ad Ortum spectat, aulam Regiam, qua ædificiorum descri-

ptione nihil illustrius, nihil splendidius, completur. Ad cujus Borealem partem qua flumen despectat, Regina *Elizabetha* subdiale ambulatorum adjecit longe amœnissimum. Exterior area in ipso primo ingressu templum habet augustissimum *B. Mariæ Virginis & Georgio Cappadoci* ab *Edwardo Tertio* consecratum, sed ad eam qua nunc cernitur magnificentiam ab *Edwardo III* perductum. Hic *Edwardus III*, ut militarem virtutem honoribus, præmiis, atque splendore decoraret, nobilissimam conscripsit equitum auratorum societatem, quos (ut aliqui produnt) ob periscelidem suam in prælii, quod sæliciter cessit, tesseram datam, *Garterii* sive *Periscelidis* Equites nominavit, qui cærulea *Periscelide* aureis Gallice inscripta, *H O N I S O I T Q V I M A L Y P E N S E*, sinistram tibiam paulo infra genu substringunt, & aurea fibula in concordia symbolum tanquam vinculo arctissimæ societatis connectunt, ut esset inter eos quasi quædam consociatio & communitas virtutum. Alii tamen ad periscelidem sive *Garterium* Reginæ, vel potius *Ioannæ Comitissæ Sarisburie* eximia pulchritudine femina referunt, quod ipsi choreas agitati deciderit, & Rex è terra sustulit, ridente nobilium multitudine adstante, & illo respondente, futurum ut brevi summus honor ejusmodi periscelidi haberetur: hæc vulgus perhibet, nec vilis sane hæc videatur origo, cum ut ait ille, *Nobilitas sub amore jacet*. Sunt etiam qui hujus ordinis inventionem multo antiquiorem faciunt, cum ad Regem *Richardum* primum referunt, *Edwardum*que tandem reduxisse credunt: quam vere nescio. In ipso enim institutionis libro, quem *Guilielmus Dethicus* principalis *Armorum* Rex, *Garterii* nomine notus, omnium quæ ad honorem & nobilitatis rationem spectant studiosissimus mihi ostendit, sic legitur, *Richardo cum contra Turcas & Agarenos, Cyprum & Aconem moveret, longiorisque mora pertæsum esset, dum miræ sollicitudine traheretur obsidio, tandem illabente per divi Georgii, ut opinatum est, interventum, spiritu, venit in mentem ut quorundam electorum Militum cruribus coracem subfistulum, quale ad manus tunc solum habebat, induceret, quo futura gloriæ memores ex condito si vincerent, ad rem fortiter ac strenue gerendam expergerent, ad Romanorum instar, apud quos illa coronarum varietas, quibus variis de causis donati sunt, & insigniti milites, ut his velut irritamentis excussa recordia, virtus animi fortitudoque pectoris fervidior exurgeret atque exiliret*. Cæterum in hanc societatem potentissimi quique orbis Christiani Principes cooptari instar maximi honoris duxerunt, & jam à prima institutione, in hunc ordinem, qui è *xxvi* Equitibus constat, Reges adscripti fuerunt plus minus *xxii*, præter Angliæ Reges, qui ejusdem Præsides sive (ut vocant) *Supremi* habentur, ut *Duces*, & alios maximi nominis taceam plurimos. Eorum vero nomina qui primi in hunc ordinem adsciti, & vulgo *Fundatores Ordinis* dicuntur, adjungere libet; nec enim eorum fama oblitteranda est, qui illa tempestate, & animo, & virtute militari in paucissimis erant, eoque nomine hoc honore amplificati.

EDWARDVS III Rex Angliæ.

Edwardus filius ejus natus maximus, Princeps Walliæ.

Sf 2

Hen-

1350.

Order of the Garter. Equestris Periscelidis sive Garterii ordo.

* Soveraignes.

Fundatores ordinis.

Henricus Dux Lancastria.
T. Comes VVarwici.
Capdall de Buche.
Radulphus Comes Staffordia.
Guilielmus de Monteacuto Comes Sarisburia.
Rogerus de Mortuo-mari Comes Marchia.
Ioannes de Insula.
Bartholomæus Burgwasb.
Ioannes de Bello-campo.
Ioannes de Mobun.
Hugo Courtneus.
Thomas Hollandus.
Ioannes Grey.
Richardus Fitz-Simon.
Milo Stapleton.
Thomas VValle.
Hugo VVrothesley.
Nigellus Loring.
Ioannes Chandos.
Iacobus de Audley.
Otho Hollandus.
Henricus Eme.
Zanchettus Dabridgecourt.
VValterus Paveley.

Almes
Knights.
Equites
Eleemosy-
narii.

Wickha-
mi A-
pophthe-
gma.

Eaton.

A sinistra templi ædes sunt Custodis, sive De-
 cani & Præbendariorum XII. A dextra est qua-
 si Prytaneum, in quo aluntur emeritis stipendiis
 provectiori ætate milites duodecim, honestiori
 loco nati, qui quotidie rubra tunica ad talos de-
 missa vestiti, cui lacerna purpurea inducitur,
 sacris interesse tenentur, precibusque pro hujus
 ordinis Equitibus apud Deum quotidie interce-
 dere. Inter utramque aream intereminet moles,
 cui arx rotunda imponitur. Iuxta quam alia tur-
 ris edita surgit VVinchester Tower, à Guilielmo
 VVickham Episcopo Wintoniensi, quem Edwardus
 III operi præfecit, appellata. Quidam perhi-
 bent Wickhamum extructa hac arce, in interio-
 ri quodam pariete, hæc verba, (quæ Latine tam
 apposite & facete exprimi nequeunt) insculpsis-
 se, *This made VVickham*, id est, *Hoc fecit VVickhamus*.
 Quæ locutio in Anglicana lingua, quæ casibus
 raro discriminatur, tam ambigua est, ut incer-
 tum sit, utrum is hoc castrum an castrum eum
 effecisset. Hoc regi à calumniatoribus quibus-
 dam in ejus invidiam ita delatum est, quasi Wi-
 chamus omnem extructi ædificii laudem sibi ar-
 roganter vindicavit. Quod cum Rex iniquo ani-
 mo tulisset, eique probrose objecisset; non si-
 bi tam magnifice regiæque structuræ laudes
 adscripsisse; sed structuræ huic suas dignitates
 acceptas se retulisse, respondit. Nec ego (inquit)
 hoc castrum, verum hoc castrum me effecit, &
 ab ima conditione ad regis gratiam, opes, atque
 dignitates evexit. Castro subjacet ad Occasum,
 & Austrum, oppidum satis magnum & frequens,
 quod ab Edwardi Tertiæ temporibus emicare,
 aliudque, quod disjunctius, & Old VVindfore nunc
 vocatur, sensim evanescere cœpit, in quo Gui-
 lielmi Primi temporibus, ut in ejus libro legi-
 mus, *centum hage fuerunt*, è quibus *XXII quietæ erant*
de gablo, de aliis exierunt *triginta solidi*. Nihil aliud
 hic memoria dignum, nisi quod è regione Win-
 desoræ trans Tamisim qui hic ponte ligneo con-
 jungitur, Æthona cernitur, & in ea Collegium
 egregium, & humaniorum literarum gymnasium

celebre, ab Henrico VI constructum, in quo
 præter Præfectum, Socios VII & cantores, scho-
 lares sexaginta gratuito aluntur, Grammaticam
 docentur, & suo tempore ad Cantabrigiensem
 Academiam promoventur. Verum hoc Buckin-
 ghamiensis agri censetur. Nunc tantum super-
 est, quod de Windesora attexam, inclytam esse
 Baronum familiam de VVindfore cognominatam,
 qui originem suam ad Gualterum filium Otheri
 Castellani de VVindfore tempore Guilielmi Pri-
 mi referunt, à quo etiam Fitz-Giraldus in Hiber-
 nia Kildariæ, & Desmonia Comites stemma du-
 xisse probavit, qui artis Heraldicæ studiosissimus
 peritissimusque, & in fæcialium Collegio Somer-
 setti titulum gessit, Robertus Gloverus. Nec pi-
 geat percurrere hos de Windesora versiculos ex
 Tamæ & Isis Connubio ante aliquot annos con-
 scripto. In quibus pater Tamisis cum loci digni-
 tatem, tum incolæ Regiæ Elizabethæ majesta-
 tem celebrare conatur.

Barones
 de Wind-
 fore.

Iam VVindfore surgunt in culmina ripæ
Turrigere, celso lambentes vertice cælum.
Quas ubi conspexit doctæ gratatus Etomæ,*
Quæ fuit Orbiliis nimium subiecta plagosis;
Ceruleum caput ille levans, ita farier insit,
Ærias moles, gradibus surgentia templa,
Ferratos postes, pinnas, vivaria, vere
Perpetuo letos campos, Zephyroque colono
Florentes hortos, regum cunabula, regum
Auratos thalamos, regum præclara sepulchra,
Et quacunque refers; nunc VVindfore referre
Desine. Cappadocis quanquam sis clara Georgi
Militia, procerumque cohors chlamydata nitenti
Cincta periscelidi suras, te lumine tanto
Illustrat, tantis radiis perstringit orbem;
Vt jam Phryxæum spernat Burgundia vellus,
Contemnat cochleis variatos Gallia torques,
Et cruce conspicuas pallas, Rhodus, Alcala, & Elba:
Solaque militia sit splendida gloria vestra,
Desine mirari, letari desine tandem.
Omnia concedunt uni, superatur in uno
Quicquid habes, tibi major honos, tibi gloria major,
Accola quod nostræ ripæ fiet incola vobis
Elizabetha. (simulque suo quasi poplite flexo
Tamis en placide subfidet, & inde profatur,)
Elizabetha suis Diva & dea sola Britannis,
Cujus inexhaustas laudes si carmine nostro
Complecti cuperem Melibocco promptius Alpes
Imponam, numeremque meas numerosus arenas.
Si quasdam tacuisse velim, quamcunque tacebo,
Major erit; primos actus, veteresque labores
Prosequar? ad sese revocant præsentia mentem.
Iustitiam dicam? magis at clementia splendet.
Victrices referam vires? plus vicit inermis.
Quod pietas floret, quod non timet Anglia Martem,
Quod legi nemo, quod lex dominatur & omni,
Quod vicina truci non servit Scotia Gallo,
Exiit atque suos sibi vestris Hibernia mores,
Criniger Vtonius quod jam mitescere discit,
Laus sibi sola cadit, nil non debetur & illi.
Crimina quæ pellunt, tanta quæ Principe digna
Omnes templa suo posuerunt pectore Diva;
Religio, superos sancte monet esse colendos,
Iustitia utilibus semper præponere justum
Edocet, ut præceptis nil sit, Prudentia suadet,
Temperies ut casta velit, cupiatque pudica

* Tamisus.

Elizabe-
 tha Regi-
 na.

In-

Symbo-
lum Eliza-
bethæ
Reginæ.

Instruit, immotam mentem Constantia firmat.
Hinc EADEM SEMPER recte sibi vendicat illa.
Proferat undoso quis tantas carmine laudes?
Sola tenet laudum quicquid numerabit omnes.
Sit felix, valeat, vivat, laudetur, ametur;
Dum mihi sunt fluctus, dum cursus, dum mihi ripæ,
Angligenum felix princeps moderetur habenas;
Finiat una dies mihi cursus & sibi vitam.

Windfor
Forest.

Saltus, si-
ve Forre-
sta quid,
& unde
dicta.

* Vel ad
regiam fa-
miliam
alendam.

Protofo-
restarius.

Reliqua Attrebatiorum regio quæ ad Au-
strum à Windesora patet, saltuosus nemoribus
opaca, Foresta de Windesora vulgo dicitur, villis ra-
rior, quarum Okingham lanificio, & sua magnitu-
dine est notissima, feris autem innumeris ubique
refertissima. Foresta autem (quoniam de Foresta
sæpe meminimus, & meminimus) quid sit, &
quod ejus Etymon si aves scire, nec riseris, habe
tibi ex Nigro Scaccarii libro, Foresta est tuta fera-
rum mansio, non quarumlibet, sed sylvarum, non qui-
buslibet in locis, sed certis & ad hoc idoneis, unde Foresta
dicitur quasi, Feresta, id est, ferarum statio. Incredi-
bile autem est quantum terrarum Reges Angliæ
passim incultum jacere permiserint, & feris in-
clusis dicaverint, vel, ut nostri loquuntur, affore-
staverint. Nec enim aliam fuisse causam, quam
insanum venandi studium existimare possum,
(quamvis aliqui in populi infrequentiam reji-
ciant) cum à Danicis usque temporibus, quotidie
plura loca in saltus redegerint, ad eosque conser-
vandos durissimas leges, & præfectum, quem
Protoforestarium dixerunt, imposuerunt; qui sal-
tuarias causas cognosceret, & vel morte, vel
membri mutilatione plecteret, si quis feras in ali-
quo saltu confecisset. Sed hæc paucis tibi è Po-

lycratico suis verbis dicet I. Sarisburiensis, Quod
magis mirere, pedicas parare avibus, laqueos texere, alli-
cere nodis vel fistula, aut quibuscunque insidiis supplantare
ex edicto sæpe sit criminis, & vel proscriptio bonorum
multatur, vel membrorum punitur, salutisque dispendio.
Volucres cæli, & pisces maris communes esse audieras: sed
hæc fisci sunt, quas venatica exigit ubicunque volant. Ma-
num contine, abstine, ne & tu in pœnam lese majestatis,
venantibus cedas in prædam. A novilibus suis arcentur
agricole, dum feras habeant vagandi libertatem, illis ut pa-
scua augeantur, prædia subtrahuntur agricolis: sationalia
insitiva colonis, cum pascua armentariis & gregariis, tum
alvearia à floribus excludunt, ipsi quoque apibus vix na-
turali libertate uti permittuntur. Quæ cum nimis in-
humana viderentur, magnas nonnunquam tur-
bas excitaverunt, donec Baronum secessione ex-
torta sit ab Henrico III Charta de Foresta, in qua
antiquatis legibus illis severioribus, æquiores tul-
lit, quibus qui intra Forestarum limites incolunt,
etiam hodie tenentur. Duoque deinceps ad has
causas instituti sunt Iusticiarii, quorum alter om-
nibus Forestis cis Trentam fluvium, alter reliquis
ultra Trentam ad Scotiam usque, magna cum au-
thoritate præest. Per totam hanc provinciam, ut
est in libro Censuali Angliæ, Tainus vel Miles Re-
gis Dominicus moriens pro relevamento dimittebat Regi
omnia arma sua, & equum unicum cum sella, & alium si-
ne sella. Quod si essent ei canes, vel accipitres præsentaban-
tur Regi, ut si vellet, acciperet. Quando Geld dabatur
tempore Edwardi Regis communiter per totam Berchesci-
ram dabatur hida iij. d. ob. ante natale Domini, & tantum-
dem ad Pentecost. Hæc de Barkshire, quæ hæcenus
Comitis honore insignivit neminem.

Iusticiarii
Foresta-
rum.

Miles Re-
gis Domi-
nicus.

In hujus Comitatus complexu sunt Parochiæ 140.

Occiden-
taliū Sa-
xonum re-
gnum.

Quas hæcenus peragravimus regiones, Danmoniorum scilicet,
Durotrigum, Belgarum, & Atrebatiorum, cum Saxones jam
rerum in Britannia potirentur, in Occidentalium Saxonum regnum
cesserunt, quod illi sua lingua Wear-beaxan-pic, & se Geguyr, ab
avo Cerdici, qui hoc regnum primum instituit, dixerunt: unde Ge-
vissi, aliis etiam Vifi-Saxones vocantur: sed ab Occidentali situ, uti Oc-
cidui Gothi Vifgothi sunt nominati. Hi tandem in virili Anglici im-
perii ætate, Saxoniam Heptarchiam in Monarchiam redegerunt,
quæ tamen postea regum ignavia cito consenuit, facileque evanuit.
Ut in his illud confirmetur, quod indies videmus, Fortissimorum
virorum & clarissimarum familiarum sobolem, perinde ac stirpium
suos habere natales, florescere, maturescere; demumque marces-
cere, & sensim emori.

R E G N I.



Proximè Attrebatios ad solem orientem REGNI, Ptolemao PHINOI, regiones eas qua nobis nunc Surry, & Southsex vulgo vocantur, cum parte Hantonensis agri maritima insederunt. In etymo, quæ animum subeunt, tacitus prætermittam, quia forsitan a veritate non fuerint; non minus, ac si PHINOI Ptolemao dictos existimarim, quod regnum esset & sub regio dominatu permanere permiserint Romani. In hoc enim tractu Cogiduno regi Britanno, ut habet Tacitus, quadam civitates veteri Pop. Romani consuetudine donata, ut haberet instrumenta servitutis & Reges. Sed cum hac conjectura nec mihi probabilis, & aliis absurda videatur, prorsus rejicio. Saxoniceque recentiorum nominum originem libens amplectar, quam veritas ipsa persuadet. Southsex, videlicet ab Australibus Saxonibus, & Suth-rey, ab Australi ad flumen situ: hoc enim Suth-rey, denotare, nemo inficiari poterit, cum Overrhey ultra flumen in veteri Anglorum lingua significet.

S V T H - R E Y.



Rhey.

Surria, Bedæ Suthriona, vulgo Suthrey, & Surrey Saxonibus ab australi ad flumen situ dupea, duð enim Austrum, & pea flumen illis significavit, ab Occidua mundi plaga partim Bercheriæ & Southantonensi provinciæ, ab Austro Suffexiæ, ab Ortu Cantio contigua, à Septentrione Tamisi flu. perfunditur, & à Midlesexia dirimitur. Regio est non admodum ampla, satis tamen opulenta, qua Tamisi incumbit, & qua campestris jacet planities, fruges mediocriter, & pabulum benigne producit, præsertim ad Austrum, ubi perpetua vallis in altitudinem depressa, Holmeðale olim à sylvis dicta, grata nemorum, arborum, & pratorum varietate spectabilis decurrit. Colles hinc inde longo tractu surgunt, vivaria passim feris repleta, fluvii etiam piscosi, unde ad voluptatem jucunda venatio, & grata piscatura suppeditatur. Assimilatur vero à nonnullis Levi denis vestimento, vel panno tenui & crasso textu, cum viridi prætexta, utique cujus interior pars sterilis, exterior sive limbus fertilior. In hac perambulanda Tamisin, & fluvios influentes, quasi duces itineris sequar, sic nihil memorandum omisero, cum his fluviiis loca, quæ antiquioris sunt notæ, adfideant omnia.

Chertsey.
666.Henricus
VI.

Tamisis, ut ejus cursum secundo flumine sequamur, statim atque Bercheriæ valedixerit, Chertsey quam Beda Ceroti insulam dicit, nunc vix Peninsulam, nisi hibernis aquis, allabatur, in qua, tanquam in loco ab hominum commerciis secreto, Frithwaldus, ut ipse in foundationis Charta se vocat, provinciæ Surreianorum subregulus Regis VVulpheri Mercianorum, & Erchenwaldus Londinensis Episcopus in primis surgentis Anglicæ Ecclesiæ temporibus monasterium posuerunt, quod aliquandiu tumultus fuit sanctissimi Regis Henrici VI, quem regno dejectum Eboracenensis familia sustulit, ut sibi regnum secure confirmaret; & sine ullo honore hic sepulturæ tradidit. Verum illi postea Windlesoram translato, & in novum Mausoleum illato, justa regio more fecit Henricus VII, sanctasque ejus virtutes tantopere admiratus est (expressum enim erat Christianæ pietatis, & patientiæ exemplum)

ut cum Julio Pontifice Romano egerit de illo inter Divos referendo. Sed quo minus hoc fieret, in causa erat Pontificis avaritia, qui pro Regis Apotheosi, sive Canonisatione ut vocant, nimis magnam pecuniæ vim exegit, ut videretur non principis sanctitati, sed auro honores illos delaturus. Sub hoc VVey fluvius Tamisi infunditur, qui ex Hantonensi agro effusus, ubi primum Suthreiam pervenerit, Feornham vulgo Farnham, à filiceto nominatum invisit, quod Æthelbaldus Occidentalium Saxonum Rex Episcopo & Congregationi VVentana ecclesiæ donavit. Hic circa annum DCCCXCIII Ælfredus Rex grassantes Danos parva manu fudit, & postea cum Stephanus Rex quibuslibet qui à se steterunt, castella condere permisisset, Henricus Blesensis Stephani frater, & Episcopus Wintoniensis castellum colle supra oppidum imminenti erexit: quod cum seditionis esset præsidium, Henricus Tertius deturbavit: Episcopi tamen Wintonienses, ad quos etiamnum spectat, denuo excitarunt. Nec procul hinc ad VVaverley Guilielmus Giffart Episcopus Wintoniensis monasterium Cisterciensis ordinis monachis posuit. Inde VVey per Godelminge, quod Ælfredus Rex Æthelwaldo è fratre nepoti legavit, haud procul à Catteshull Manerio, quod Hamo de Gatton tenuit, ut esset Marecallus meretricum, cum Rex in illas terras veniret, nec longe à Lofeley, ubi venustas ædes familiæ Equestris Mororum intra roborarium vidimus: accedit Guilford, Saxonice Gulde-pops, & nonnullis exemplaribus Gegldford, Forum nunc frequens, diversoriis nitidum, olim Anglo-Saxonum villa erat Regia, quam etiam Æthelwaldus ille à patruo legatam tenuit, Regiæque ibi sunt ædes quæ jam fatiscunt, & haud procul à flumine lacera mœnia antiqui castri satis ampli: in medio vero Ecclesia est, cujus pars orientalis concamerato ex saxo opere videtur admodum antiqua. Hic, ut in Guilielmi Primi libro videre est, Rex LXXV Haggas, id est domos habuit in quibus manserunt C LXXV homines. Nulla tamen re perinde celebris, ac Godwini Comitis Cantii perfidia, & immanitate, qui anno Christi 1036, cum Ælfredus Ethelredi regis filius, & regni Anglici hæres ad jus suum repetendum è Normannia venisset, fide data eum suscepit, contraque fidem statim traxit.

Hist. Can-
tuaricis.

Farnham.

Waver-
ley.Catteshull.
Guilford.

Haga.

Decima-
tio.

stavit : Sexcentos enim Normannos qui juvenem Regium comitati, ex improvise intempesta nocte hoc in loco oppressos decimando, ut nostri scriptores habent, multavit. Nec enim decimum quemque sorte ductum antiquo militiæ more interfecit, verum novem interfectis, decimum quemque dimisit, decimosque reservatos, summa cum crudelitate redecimavit. Ælfredum vero ipsum Haroldo Danico in manus tradidit; qui illum, effossis oculis in vincula abripuit, & ad mortem usque carcere condidit.

Guil. Ock-
ham.Vbi Cæsar
Tamisin
transiit.Coway-
staks.

Molis fl.

Anas fl.
Hispaniæ.

Ockley.

Gatton.

Longo hinc cursu in Septentriones *Vvey* delatus, nihil memoria dignum, præter *Sutton* equestris familiæ *Vvestonorum* sedem, *Woking* ædes regias, & *Pyriford*, ubi nostra memoria *Edwardus* Comes *Lincolniæ*, & Baro *Clinton* sibi domum extruxit, & in proximo *Ockham*, unde magnus ille Philosophus Nominalium pater *Guilielmus de Ockham* natus, & à loco denominatus. Ubi vero in *Tamisin* duplici ostio exoneratur, *Orelandes* regiæ ædes satis elegantes in vivario conspiciuntur, juxta quas Cæsar *Tamisin* in fines *Cassivellani* transiit. Hic unus enim omnino locus erat, quo *Tamisis* pedibus, atque hoc ægre transiri olim poterat, quod ipsi *Britanni* Cæsari quasi prodiderunt. Ad alteram enim fluminis ripam, magnæ *Britannorum* copiæ erant instructæ, ripa autem ipsa acutis sudibus præfixis munita, ejusdemque generis sub aqua defixæ flumine tegebantur. Quarum vestigia, inquit *Beda*, usque hodie visuntur, & videntur inspectantibus, quod singule earum ad modum humani femoris grossæ, & circumfusa plumbo immobiliter hæreant in profundum fluminis infixæ. Sed eo impetu *Romani* flumen ingressi sunt, cum capite solo ex aqua extarent, ut *Britanni* sustinere non possint, quin ripas demitterent, fugamque capefferent. Hac in re falsus esse non possum, cum hic vix sex pedes flumen sit altum, cum *Cowaystaks* à sudibus hodie locus dicatur, cumque *Cassivellani* fines à mari quod orientalem *Cantiæ* partem alluit, ubi ille terram conscendit, circiter mill. pass. lxxx faciat Cæsar, ubi trajectum statuit, & ad eandem est à mari distantiam hic noster trajectus, cujus memoriam fugitivam nunc primus, quod scio, retraxi.

Post pauca inde in Ortum milliaria in *Tamisin* properat *Molis* rivulus totam regionem ab Australi limite permenfus, qui collium demum objectu impeditus subterraneum meatum, ut nobile illud *Hispaniæ* flumen *Anas*, quasi talpa sibi aperit, unde nomen impositum videatur, cum subterraneum illud animal *Mole* Anglice dicatur. Nihil tamen ad hunc fluvium præclarum, nisi quod remotius est à fontibus (& prope antiquam militarem *Romanorum* viam quam *Stany-streat* dicunt) oppidum *Aclea* vulgo *Ockley* à quercubus nominatum, ubi *Æthelwolphus* *Egberti* filius, qui sacris ordinibus initiatus, cum Pontificia autoritate solutus regnum paternum hæreditario suscepisset, collatis cum *Dano* signis, prospere conflixit, & eorum quemque fortissimum occidit; patriæ tamen, *Danica* illa hydra semper repullulante, minime profecit. Parum à fontibus hujus fluminis abest *Gatton* quæ jam vix viculus est, licet olim oppidum fuerit cele-

Britannia.

bre. In antiquitatis argumentum *Romanorum* nummos effossos ostendit, & ad Parlamentum duos mittit *Burgenses*. Inferius sedet *Rhie-gat*, *Rhie-gat*, id est, si ex antiqua lingua nostra interpreteris, *Fluvioli decursus*, in convalle quæ longe in Ortum procurrit *Holmesdale* dicta; cujus incolæ, quod semel atque iterum grassantes *Danos* devicerint, in suam laudem cantitant;

The vale of Holmesdall

Neuer wonne, ne neuer schall.

Rhie-gat hoc amplitudine, quam structura est speciosius, ad australe latus vivarium habet nemusculis condensum, in quo nobilissimus *Carolus* Comes *Nottinghamiæ* Baro de *Effingham* & summus *Angliæ* *Thalassiarcha* suas ædes habet, ubi olim *Warreniæ* & *Suthreæ* Comites *Cænobiolum* posuerant. Castrum ad Ortum eminet nunc neglectum & ævo caducum, ab iisdem Comitibus constructum, & *Holmesdale*, à valle in qua insidet, vulgo dictum: sub quo *Hypogæum* mirificum arcuato opere, è friabili lapide, cujusmodi ipse collis est, magno labore excavatum vidimus. *Warreniæ* vero Comites (ut est in libro *Inquisitionum*) tenuerunt in capite de Rege in *Baronia sua de Conquestu Angliæ*. Inde decurrit per *Bechwoorth* castrum, cui *Nundinarum* jus ab *Henrico Sexto* impetravit *Thomas Brown*. Sedes enim est equestris familiæ *Brownorum*, è qua avorum memoria, cum *Antonius Brown* *Luciam* *Quartam* *Ioannis Nevilli* Marchionis *Montisacuti* filiam cum dotali patrimonio satis amplo duxisset, ejus è filio nepotem *Vicecomitis Montisacuti* titulo *Maria Regina* exornavit. Pauculis hinc ad occasum milliariibus *Effingham* cernitur possessio jam-

Effingham.

Molis jam cum ad candicantem collem *White bill* pervenerit, in quo *buxus* lætissime provenit, ad ejus radices se condit vel potius absorbetur, unde *the Swallow* locus nominatur, & post unum & alterum plus minus milliare prope pontem *Letherbed* ebulliens gaudet renasci. Vt hujus tractus incolæ, non minus quam *Hispani*, jactent se pontem habere qui plures ovium greges pascat, Hoc enim tritissimo proverbio jactitant *Hispani*, de loco, quo *Anas* flu. (qui nunc *Guadiana* dicitur) se per decem milliaria abscondit. Sic *Molis* noster renatus ad *Tamisin* lente properat, & proxime *Molesey*, quod suo nomini adoptat, immergitur.

Post *Molim* admissum *Tamisis* noster aquas recta in Septentrionem agit, perfunditque *Kingstone*, *Moreford* olim dictum, ut aliqui volunt, frequens inprimis emporium, & castro *Clavorum* *Glocestriæ* Comitum olim notum, quod ex ejusdem cognominis vetustiori oppidulo loco jacenti & inundationi obnoxio emicuit. In quo, cum

The Swallow.

Pons in quo greges ovium pascuntur.

Kingston.
Matth.
Paris.



Anglia Danicis bellis, suis fere sedibus convulsa esset, Athelstanus, Edwinus, & Ethelredus Reges regno inaugurati fuerunt, unde à Regibus factum nomen *Kingston* id est, *Oppidum Regium*. In proximo etiam Reges sibi locum habitandi delegerunt, quem à splendore *Shene* dixerunt, nunc vero *Richmond* vocatur, in quo Edwardus Tertius Rex longe potentissimus, cum satis gloriæ, satisque naturæ vixisset, diem ex dolore obiit, quem in filii bellicosissimi morte hausit, qui ipsi & universæ Angliæ tantus erat, ut omnem consolationem vinceret. Et iustus sane hoc tempore si unquam alias, Angliæ dolor. Intra unum enim annum solidam rei militaris, cumulatæque virtutis laudem amisit; uterque etenim victoricia arma per Galliam circumferendo tantum terrorem incusserunt, ut pater cum Antiocho fulminis, filius cum Pyrro Aquilæ nomen meritissime gereret. Hic etiam defuncta est Anna Regis Richardi II uxor, Wenzelai Imperatoris soror, filia Caroli IV Imp. quæ prima mulieres Anglicas, eam insidendi equi formam, quæ hodie in usu, docuit, cum antea, parum decore divaricatæ, perinde ac viri obequitarent. Cujus etiam mortem adeo acerbe, & impotenter tulit maritus, ut etiam ipsas ædes omnino negligeret, & aversaretur. Novis tamen ædificiis excoluit Henricus V, atque in *Shene* viculo proximo cœnobium Carthusianorum adjunxit, quod *Bethlem* dixit. Sed Henrico VII regnante, hæc regia sedes luctuoso incendio tota in favillas cecidit, verum ut Phoenix è suis cineribus, opera ejusdem Henrici, multo splendidior statim renata, novum nomen *Richmondia* à regione, cujus ille privatus Comitum titulum gesserat, accepit. Vixque supremam manum structuræ novæ imposuerat Henricus ille Septimus, cum extremum vitæ diem hic morte confecerit, cujus cura, vigiliis, consiliis, & prudentia longe in posterum provida Respub. Anglica hæcenus stetit invicta. Hinc etiam ejus neptis Serenissima Regina Elizabetha nonagesimo quarto post anno, cum naturam vivendi satietate expleisset, septuagenaria enim plus minus erat, in sacrum & cœlestem illum cœtum evocante Deo fuit recepta. Princeps supra sexum virilis animi, & consilii, quæ regios avi mores vere reddidit ut vultum, orbis amor, & Britannia delicia. Tantumque abfuit ut mulier à perenni contestataque majorum virtute degenerarit, ut eo si non superaverit, certe cumulate æquarit. Credat hoc olim fera posteritas, & fidem adhibeat tam gratiosam, (nec veritatis dignitatem blanditiis corumpo) virginem quadraginta quatuor annos ita sceptrum tractasse, ut subditi amarent, hostes metuerent, & singuli cum admiratione suspicerent, quod retroactis ante temporibus non habuit exemplum. Cujus obitu Angliæ tota in lachrimas soluta inter voces interruptas & morientes inconfolabiliter in squallore jacuisset, nisi illico atque terris fuit exempta, Serenissimus Iacobus verus & indubitatus hæres ad regnum capeffendum omnium mentibus oculisque designatus, augustissima luminis claritate illuxisset, & ad spem immortaliter gaudendi advocasset. Quem dum cernimus, illam excessisse minime credimus. Quanquam

Richmond,
locus ille
& vicus
ante Hen-
rici VII
tempora
Shene di-
ctus.
Edwardus
III.

Shene.

Elizabe-
thæ Regi-
næ obitus
1603.

quid illam excessisse dicamus? cujus immortales virtutes vivunt, nominisque memoria in animis hominum & in æternitate temporum consecrata vivet æternum.

Huc usque Tamisis exæstuantis maris accessu augetur, sexaginta plus minus ab ostio Italicis miliaribus. Nec aliud, quod scio, Europæ flumen tot miliaria urgentis & irruentis Oceani impetum aquis maximo accolarum commodo retroactis ac detentis sentit. An hoc fit ex eo quod hinc nullo fere flexu curvatus, rectiore alveo in Ortum delatus, altioribus plerumque ripis coercitus, & vastiore ostio quam cætera flumina se aperiens Oceano magis pateat, qui rapidissima orbium cœlestium ab ortu in occasum rotatione in eandem partem impellitur, ut olim opinatus sum; disquirant Philosophi, quibus & hæc & hujusmodi lubens relinquo. Paucula tamen his de locis, & hac de re carmina ex Tamæ & Isis Connubio, si palato faciant, habe,

*A dextra, nobis Richmondia, Shena vetustis
Celsa nitet, sapiens namque hanc Richmondia dici
Henricus voluit, sibi quod retulisset honorem
Et titulos Comitum Richmondia jure paterno:
Hæc toris Edwardi sed deslet funera nostri;
Proh dolor hic illi regi mens libera cessit
Corpore contempto, sedes habitura supernas.
Quem si non subito rapuissent ferrea fata,
Aut te Valesius rapuisset Gallia victor,
Aut tibi Valesios. Et paucis interpositis versibus.
Tamis alternum sentit reditumque fugamque
Huc refui pelagi, quoties vaga Cynthia pronos
Octava librat cœli statione jugales,
Aut tenet oppositam varianti lumine plagam,
Plenior increfcit celeremque recurrit in æstus:
Atque superbus ait, concedant flumina nobis,
nulla per Europæ dotatas nomine terras
Flumina, tam longe sic certis legibus undas
Alternas renovant, nisi fratres Scaldis, & Albis.*

Interius quatuor plus minus à Tamisi mill. pass. omnium circumquaque ædificiorum luminibus obstruit *Nonefuch* secessus regius, quem magnificentissimus Rex Henricus VIII in loco saluberrimo prius *Cuddington* dicto, deliciis & otio suo destinavit, tantaque magnificentia, & elegantia extruxit, ut ad ostentationis arcem aspiraret, & omnem Architectonices peritiam in uno hoc opere coacervatam existimes. Tot sunt ubique spirantia signa, tot absolutæ artis miracula, & Romanæ antiquitatis æmula operâ, ut optimo jure hoc suum nomen habeat, & tueatur, quod Latine, *Nulla ejusmodi*, sonat, vel ut *Lelandus* cecinit,

*Hanc quia non habeant similem laudare Britanni
Sæpe s'lent, Nullique parem cognomine dicunt.*

Ædes vero ipsas sic circumcingunt vivaria damis referta, horti delicati, luci topiario opere exornati, areolæ, & ambulacra sic arboribus obumbrata; ut non aliam sibi sedem ipsa Amœnitas, ubi cum Salubritate una cohabitaret, delegisse videatur. Maria tamen Regina Henrico Fitz-Alan Arundeliæ Comiti pro aliis possessionibus addixit, illeque cum Bibliotheca instructissima, & novis operibus adauxisset, jus suum omne in Baronem de *Lumley* moriens transcripsit, qui nihil non fecit, ut suo nomini vere responderet,

Quo us-
que Ta-
mis ma-
ris æstu
augetur.
Tamis
cur tam
longe re-
fluit.

None-
fuch.
Cuddin-
gton.

ret, & à quo in regiam possessionem transactionibus jam recidit. Iuxta, nec memorare piget, vena est terræ figularis ad vascula illa conficienda quibus auro conflando utuntur aurifices laudata, & ideo carius divendita.

Vandalis rivulus limpidus, & trutarum optimarum admodum fecundus haud procul hinc ad *Cashalton* ebullit, qui *Morden* præterfluens ad Occidentalem ripam loco feracissimo *Merton* subluit, Saxonice *Mepeoune*, olim *Kenulphi* Westsaxonum Regis fato insigne, qui in meretriculæ, quam hic deperibat, tuguriolo à *Kinehardo* Clitone interfectus erat, ipseque *Clito* à *Kenulphi* amicis confossus, perfidiæ pœnas statim luit. Nunc monasterii quod *Rex Henricus Primus* procurante *Gilberto Vicecomite* *Surriæ* construxit rudera solummodo ostendit, quod Comitibus sub *Henrico III* fuit celeberrimum.

Deinde *Vandalis* augetur ab ortu fluvio qui fontes habet ad *Croydon*, olim *Cradiden*, quod sub collibus situm Archiepiscoporum Cantuariensium palatio, ad quos longo jam tempore spectavit, & carbonibus, quorum mercaturam exercent incolæ, notissimum est. Referunt incolæ domum quondam fuisse Regiam in occidentali oppidi parte prope *Haling*, ubi rudera subinde à colonis eruuntur, quam postea Archiepiscopi dono à Rege acceptam transfulerunt ad suum propius rivulum palatium. Iuxta quod Reverendissimus in Christo pater *D. Ioannes V Whitgift* laudatissimæ memoriæ Archiepiscopus Cantuariensis Hospitale perpulchrum ad sublevandos pauperes, & scholam ad promovendas bonas literas pio animi affectu posuit, & dotavit. Torrentem vero illum quem hic nonnunquam exurgere, nescio quo præfagio difficultatis annonæ, vel pestilentiae perhibet vulgus, non operæ pretium videri possit vel verbo memorare, cum tamen non omnino fide caruerit. Hinc vicinum est *Beddington*, in quo ædes præcellenti ædificiorum elegantia, & amœnissima hortorum specie conspicuuntur, quas *Franciscus Carew* equestri dignitate clarus nuper construxit. Sedes enim antiqua est *Careworum*, qui à *Nicolao Barone Carew* de *Moulesford* oriundi (à quo etiam sunt *Carewi* *Devonienfes*) longo tempore hoc in agro floruerunt: maxime vero ex quo *I. Carew* filiam, & hæredum alteram nobilissimi *Baronis Hoo* sibi matrimonio conjunxerit. *V Vibbandune*, nunc vulgo *V Vimbledon* ad alteram ripam fluminis *Vandalis* sedet, ubi cum nimia fœlicitas civiles furores inter Anglo-Saxones peperisset, Britannico bello jam sopito, *Ethelbertus Rex Cantii* in suos gentiles primum classicum civile cecinit: sed *Ceaulinus Occidentali* *Saxonum Rex*, ingenti illum strage hoc in loco fœliciter fudit: interfectis ducibus *Oslano* & *Cnebeno*, à quo forte *Bensburie* pro *Cnebensburie* vallum illud militare dicitur, quod orbiculari forma hic vidimus. Nunc vero maximum huic loco ornamentum sunt ædes structura speciosæ, prospectu & hortis amœnissimæ, quas anno *M D LXXXVIII* cum Hispanica classis Angliæ immineret, *Thomas Cecilius Eques auratus* prudentissimi illius *Baronis Burghlæi* filius extruxit.

Duobus hinc ad Austrum miliaribus, in collis edito nemusculum est, *V Woodcote* hodie vocant, in *Britannia*.

quo modicæ urbis manifesta visuntur vestigia, & fontes plures è filicum fragmentis constructi, plurimaque de ejus frequentia, & opulentia, patriciorumque numero commemorant vicini. Hæc, ut mea fert opinio, urbs illa fuit, quæ *Ptolemæo* *NOVIOMAGVS*, *Antonino* *NOVIOMAGVS*: nec aliunde argumentum petatur, quam à distantia ratione. Decem enim à *Londino* miliaribus, *XVII* à *Vagmiacis*, ut annotat *Itinerarium vetus*, abest. Pluribus igitur parasangis aberrarunt illi, qui vel ad *Buckingham*, vel *Guildford* *Noviomagum* statuerunt. *REGNORVM* hæc præcipua fuit civitas, Marinoque *Tyrio* vetustissimo *Geographo* nota, quem *Ptolemæus*, cum *Censorem* induisset, taxat, quod *Noviomagum* *Britanniæ*, *Londino* per climata *Borealiorem*, & per *Itinerariam* rationem *Australiorem* collocavit.

Ad *Tamisim* post *Vandalis* ostium, ubi oppidulum *V Vandleworth* inde denominatum sedet, *Batersey* est viculus, olim Saxonice *Patryky-æa* & Latine *Patricii insula*: & quas nunc quærimus ædes Regiæ *Kennington* dictæ, quo *Reges Angliæ* olim secedere soliti, sed nunc nec nomen, nec rudera invenimus. Inde *Lambith* sive *Lomebith*, id est *statio sive portus luteus*, *Canuti Fortis Anglorum* regis morte olim celebris, qui ibi inter pocula animam eructavit. Ille enim totus in comestationibus & conviviis agendis *Prandia regalia*, ut habet *Henr. Huntingdonensis*, quatuor in die vicibus omni Curie sue fecit apponi: malens à vocatis opposita fercula dimitti, quam à non vocatis apponenda fercula reposci. Nunc vero locus celebrior est Archiepiscoporum Cantuariensium palatio. Circa annum enim *Christi 1183*, *Baldwinus Archiepiscopus Cantuariensis*, facta cum *Rossensi Episcopo* permutatione, prædium hoc in loco acquisivit, in quo palatium sibi, & successoribus inchoavit, quod illi paulatim adauxerunt. Qui cum ecclesiolam collegiatam hic etiam molirentur, *Deus bone*, quot *Romam* à *Cantuariensibus Monachis* advolarunt appellationes, quot inde fulmina, minæ, & censuræ à *Romano Pontifice* in Archiepiscopos emissa? Male enim metuerunt illi *Monachi* ne fundi sui foret calamitas, & in Archiepiscoporum electionibus, illis præjudicaret. Nec sedatæ fuerunt hæ tempestates, donec inchoata ecclesiola instantibus *Monachis*, solo adæquaretur. Huic contiguum est celeberrimum hujus agri emporium, quod hodie vocant *The Bourrough of Southworke*, Saxonice *suðsepke*, id est, *Opus sive ædificium australe*, quod è regione *Londini* ad austrum situm habeat, cujus quodammodo suburbium videatur: sed adeo amplum, & frequens, ut non multis Angliæ urbibus concedat, sui quasi juris, suos *Ballivos* patrum memoria habuit, sed *Edwardo VI* regnante civitati *Londino* adnexum, ejus quasi membrum hodie dignoscitur. Et proinde cum *Londinum* pervenerimus, de hoc plenius dicemus.

Sub hoc *Tamisis* *Surriam* relinquit, cujus orientalis limes hinc recta in austrum descendit prope *Lagham* quæ suos *Barones Parlamentarios*, dictos *S. Iohn de Lagham* regnante *Edwardo Primo* habuit, quorum hæreditas tandem ad *I. Leodiard* per filiam & hæredem devenit. In

X x ferius

Noviomagus.

Kennington.

Lambith.

Southworke.

Barones Sancti Iohn de Lagham.

Streb-
borow.

ferius in ipso fere angulo, qua Southsexiam & Cantium spectat, *Streborrow* castrū cernitur, olim sedes Dominorum de *Cobham*, qui hinc à *Streborrow* dicti, & à Ioanne de *Cobham*, Domino de *Cobham*, & *Couling*, & Hugonis Nevilli filia procreati diu gloria & dignitate floruerunt. Reginaldus enim regnante Edwardo III in ordinem Georgianum adscitus oræ maritimæ erat præfectus, à Tamisis ostio usque partes Occidentales. Ultimus vero Thomas Annam Ducis Buckinghamiæ filiam uxorem habuit, è qua suscepit Annam filiam unicam enuptam Edwardo *Burgh*, qui etiam à Perciis & Comitibus Atholiæ stemma repetiit, ejusque filius Thomas Baro *Burgh* ab Henrico Octavo creatus, filium reliquit Guilielmum, qui genuit Thomam, bonarum literarum fautorem summum, Præfectumque Briellæ, quem Garterii Ordinis honore ornavit, Hiberniæque Proregem, ubi mortem oppetiit, constituit Regina Elizabetha. De Æleonora Cobham ex hac familia, Humfredi Ducis Glocestriæ conjuge, cujus existimatio minus integra, ad Anglicam, si libet, accedas historiam.

Barones
Borough,
five
Burgh.

Comites
Surriæ,
qui etiam
Comites
Warrenne
dicti.
Insignia
Comitum
Warrenne.

* Checky,
or & A-
zur.

Iam Comites sunt enumerandi. Guilielmum de *Warrenna*, Guilielmus Rufus Rex Angliæ, cum Comitum honore Surriæ primum præfecit, cujus insignia erant * scutum aureum cæruleo interstinctum. In Charta enim illius qua fundavit *Prioratum de Lexis* sic legitur, *Donavi &c. pro salute Domini mei Villielmi Regis, qui me in Angliam adduxit, & pro salute Dominae meæ Matildis Regine matris uxoris meæ, & pro salute Domini mei Villielmi Regis filii sui, post cujus adventum in Anglicam terram, hanc Chartam feci, & qui me Comitem Surregiæ fecit, &c.* Huic filius, & ex filio nepos eodem nomine successerunt: verum ultimus iste solam filiam suscepit, quæ primo Guilielmum Stephani Regis filium, & postea Hamelinum Galfredi *Plantageneti* Comitum Andegavensis nothum, maritos eodem titulo adornavit. Priore autem marito sine prole defuncto, Hamelinus Guilielmum Surriæ Comitem ex ea genuit, cujus posteris, ascito *VWarrennorum* nomine eundem titulum gesserunt. Guilielmus hic duxit primogenitam & cohæredem Guilielmi

Marescalli Comitum Penbrochiæ viduam Hugonis *Bigod*, quæ illi peperit Ioannem, Ioannes vero ex Alicia filia Hugonis * *Le Brune* uterina sorore Regis Henrici Tertii progenuit Guilielmum, qui obiit ante patrem, & ex Ioanna *Vere* filia Comitum Oxoniæ Ioannem posthumum ultimum ex hac familia Comitem genuit, qui fuit (ut in sigillo ejus vidi) *Comes Warrenniæ, Surriæ, Stratherniæ in Scotia, Dominus de Bromfeld & Yale Comesque Palatii.* Verum cum ille sine legitima prole diem anno *xxi* Edwardi Tertii obiisset, Alicia ejus soror & hæres enupta Edmundo Comiti Arundeliæ, hunc honorem in Arundeliorum stirpem matrimonio intulit, à qua per Mowbraios tandem ad Howardos devenit. Thomas enim Mowbraius in uxorem duxit sororem natu maximam & cohæredem Thomæ *Fitz-Alan*, Comitum Arundeliæ, & Surriæ. Ducis tamen Surriæ titulum interea Thomæ Holando Cantii Comiti præbuit Richardus II, quo honore non diu usus erat. Dum enim Richardum illum captivum in libertatem, regnumque restituere occultis conspirationibus machinaretur, è latebris præter opinionem erupit conjuratio, & ille fugiens à populo Cirencestriæ interceptus, & securi percussus. Thomas de *Beaufort* deinde, qui regis Cancellarius (si Thomæ Walsinghamo credamus) hanc dignitatem gessit. Anno enim, ut habet ille, *1410*, Dominus *Tho. Beaufort Comes Surrey concessit in fata.* In hoc fidei suam liberet Walsinghamus, nihil tale in Archivis Regis habetur, sed quod Thomas *Beaufort*, circa ea tempora factus fuerit Cancellarius. Certum autem ex publicis regni actis quod Rex Henricus Sextus anno regni sui *xxix* Ioannem Mowbray filium Iohannis Ducis *Norfolciæ*, Comitem *Warrennæ & Surriæ* creaverit. Demumque Rex Richardus Tertius, cum regnum scelere occupasset, ut Howardorum familiam à Mowbraiis profectam sibi beneficiis adstringeret, uno eodemque die Ioannem Baronem *Howard* *Norfolciæ* Ducem, & Thomam ejus filium *Surriæ* Comitem creavit, in quorum posteris hæc dignitas eluxit, & hodie elucet.

* Comes
Marchiæ
in Gallia.

Parochiales ecclesias 140 habet hic Comitatus.





Suth-reia ad Austrum longo tractu subtenditur, quæ etiam olim Regnorum sedes *Suthsexia*, Saxonice *þuð-rex*, hodie *Sussex*, id est, *Australium Saxonum regio*, composito ab Australi situ, & Saxonibus vocabulo, qui in Heptarchia secundum regnum hic constituerunt. Oceano Britannico tota ad Meridiem longior, quam latior recto quasi littore incumbit, sed raris stationibus, quod mare sit brevibus atrox, ideoque fluctuosum, littusque ipsum scopulosum. Maritimus regionis tractus colles viridantes sublimem elatos habet, *Downes* vocant, qui cum ex creta pingui consent, fruges affatim profundunt. Medius tractus pratis, pascuis, arvis, lucis distinctus admodum est spectabilis. Citerior, & Borealis sylvarum opacitate amœnissimus, uti olim universa hæc regio, quæ sylvis invia fuerat. *Andradswald* enim sylva, Britannice *Coid Andred*, ab urbe proximo Anderida nominata, hoc tractu cxx mill. pass. longitudine, xxx latitudine occupavit, Sigeberti Occidentium Saxonum regis fato memorabilis, qui folio deturbatus à subulco in hac confosus occubuit. Fluviosos habet plurimos, sed qui è Septentrionali agri limite effusi, cum statim Oceanum petant, navigiis onerariis subvehendis sunt impares. Ferri venis passim fœcunda est, ad quod excoquendum undique fornaces, magna vis lignorum quotannis absumpta, torrentes multis in locis corrivati, & prata plurima in lacus, & aquas redacta, ut molas suo impetu rorent, quæ malleis ferrum tundentes omnem viciniam noctes diesque personant. Sed quod conflatur ferrum non ejusdem ubique bonitatis, in universum tamen minus tenax quam Hispanicum, sive id sit ex natura, sive tinctura: in commodum tamen Metallicis, qui magnam vim tormentorum majorum, & alia inde conficiunt, non parvum cedit; an vero Reipublicæ, in dubio est, verum insequens ætas certius dixerit. Nec vitriariorum officinæ defunt, sed vitrum itidem, sive sit ex materia, sive ex coctione, minus purum, & translucidum, & tantum plebejis in usu.

Dividitur hæc regio universa politica partitione in sex partes, quas peculiari vocabulo vocant *Rapos*, scilicet de *Chichester*, *Arundel*, *Brembre*, *Lewes*, *Pevensey*, & *Hastings*, quarum unaquæque (præter suas Centurias) suum habet castrum, flumen, & saltum. Verum cum harum limites, quibus circumscribuntur, mihi minus sint comperti, ego ab Occasu in Ortum litus legere constitui. Interiora enim viculis aspersa nihil fere memorabile habent. In ipso Southantonienſis agri & hujus confinio *Bosenham*, vulgo *Boseham* sedet, sylvis, & mari circumdatum, ubi, ut inquit Beda, *Dicul Scotus monachus monasterium habuit permodicum, & quinque aut sex fratres paupere vita Domino famulantes*, quod longo post tempore in Haroldi Regis seculum fuit conversum. E quo ille, cum sui colligendi causa in Oceanum navicula excurreret, *Britannia*.

adverso vento in Galliam abreptus detinebatur, quousque Guilielmo Normanno Angliæ regnum jurejurando, post Edwardi Confessoris mortem firmavisset: quo facto & sibi exitium & Angliæ excidium illico attraxit. Quam subdola Amphibolia versutus ille syllabarum auceps Godwinus Cantii Comes Haroldi pater hunc locum aucupatus fuerit, & literarum tendiculis Archiepiscopum deluserit, Gualterus Mapæus, qui non multis post annis vixit, è suo de Nugis Curialium libro suis ipsius verbis tibi dicet, *Boseham sub Cecestria vidit Godwinus & affectavit, & multo stipatus agmine magnatum, subridens, & ludens Cantuariensi Archiepiscopo, cujus tunc erat vicus, ait, Domine da mihi Boseam. Archiepiscopus autem admirans quid sibi questione petiit, ego, ait, do tibi Boseam. At ille continuo, cum illa manu militum ad esus procidit, ut procuraverat, pedes, & deosculans eos, cum multa gratiarum actione recessit ad Boseham, & violenta dominatione retinuit, & cum testimonio suorum Donatorem laudavit Archiepiscopum coram Rege, posseditque pacifice. Postea ut legimus in Testa Nevilli (quæ fuit Terrarum Inquisitio facta tempore Regis Ioannis) *VVillielmus Rex qui venit ad Conquestum Angliæ, dedit hoc Guilielmo filio Aucheri & hæredibus suis ad feodum firmum, reddendo inde annuatim ad Scaccarium 40 libras argenti arſas & ponderatas, & postea Guilielmus Mareſcallus tenuit illud hæreditarie.**

Chichester Britannice *Caercei*, Saxonice *Cirran-cear-ter*, Latine *Ciceſtria*, interius ad eundem finem campeſtri planitie jacet. Urbs ampla satis, & mœnibus circumdata, à Cissa Saxone secundo hujus provinciæ Regulo constructa, & denominata. *Cissam-ceaster* enim nihil aliud est, quam *Urbs Cissa*, cujus pater *Alla* primus Saxonum hic regnum constituit. Obscurioris tamen ante Normannicum imperium famæ, & tantum Monasterio S. Petri, & Sanctimonialium ædícula notum: Guilielmo autem Primo regnante, (ut in Angliæ Notitia legitur) *centum in hac fuerunt Haga, fuitque ista civitas in manu Comitum Rogeri, & sunt in iisdem mansuris sexaginta domus plusquam antea fuerant: reddebant xv libras Regi, & x Comitum.* Postea cum regnante Guilielmo Primo sancitum fuisset, ut Episcopales sedes ex oppidulis in celebriora loca transferrentur, cathedra Episcopali, quæ in *Selsey* prius fuerat, nobilitata florere cœpit; paucisque interjectis annis Radulphus Episcopus ecclesiam construxit, nec dum supremam manum imposuerat, cum fortuito incendio deflagavit. Ejus tamen opera, & Regis Henrici Primi munificentia denuo surrexit, jamque præter Episcopum, etiam Decanum, Præcentorem, Cancellarium, Thesaurarium, duos Archidiaconos, & triginta Præbendarios habet. Eodemque tempore ipsa urbs florere cœpit, florentissimaque fuisset, nisi portus sit paulo remotior, & minus commodus, quem tamen novo fodiendo canali commodiorem efficere jam cives conantur. Forma vero orbiculari mœnibus inclusa, & ab omni parte nisi à Septentrione *Lavant* rivulo alluitur, portis patet quatuor ad quatuor mundi plagas, à quibus plateæ recta ducunt & se decussant in medio

Amphibolia Comitum Godwini.

Ad Basium quod olim in homagiis præstandis adhibebatur, forsitan allusum.

* de Monte Gomerico.

Y y ubi



Milliaris Anglice quorum quatuor constituunt
unum Milliare Germanicum.

Meridies.

Ciceſtriae
Comites.

ubi forum celebratur, & Robertus *Read* Episcopus peristylum pulchrum è vivo saxo erexit. Castrum autem quod erat haud procul à boreali porta sedes olim fuit Comitum Arundeliae, qui hinc se Ciceſtriae Comites scripsere, postea in Franciscanorum aedes conversum. Quicquid interjacet portam occidentalem & australem Ecclesia Cathedralis, Episcopi palatium, Decani, & Præbendariorum aedes occupant. Quæ circa Regis Richardi Primi tempora iterum combusta. Seffridus secundus ejus nominis Episcopus singula restauravit. Ipsa sane Ecclesia non magna quidem, sed admodum nitida cum præcella è saxo pyramide surgit; & in australi ecclesiae parte ex uno latere artificii manu depingitur historia foundationis Ecclesiae, cum iconibus Regum Angliæ, ex altero icones omnium Episcoporum tam Selsiensium, quam Ciceſtrenſium sumptu Roberti *Shirburn* Episc. qui admodum ornavit hanc Ecclesiam, & pro symbolo suo ubique adjunxit,

Tem.H.8.

CREDITE OPERIBVS &, DILEXI DECOREM DOMVS TVÆ DOMINE. Turris vero illa magna quæ prope occidentalem Ecclesiae partem eminet, extructa fuit à R. Rimano, ut fertur, cum prohibitus erat castellum ad *Aplerham* habitationem suam in proximo erigere, è saxis quæ ad castellum antea paraverat.

Selfey.
Phocæ.
Hic co-
chlea lau-
datissimæ.

Selfey illa, Saxonice *deals-ey*, id est, ut Beda interpretatur, *Vitulorum marinorum*, sive *Phocarum insula* (hos enim nostra lingua *Seales* vocamus, qui semper insulas, & littus petunt, ut fœtum edant) paulo inferius est. Locus, ut ait Beda, *undique mari circumdatus præterquam ab occidente, unde habet ingressum amplitudinis quasi jactus fundæ*. Octoginta septem familiarum censebatur, cum Edilwalchius hujus provinciae Rex Wilfrido Eboracensi antistiti exulanti dedit, qui huic populo Christum primus annuntiavit, *servosque ducentos & quinquaginta*, ut habet ille, *non solum baptizando à servitute demoniaca salvavit, sed etiam libertatem donando humane jugo servitutis liberavit*. Postea monasterium *Cedwalla* Rex, qui Edilwalchum devicit, hic fundavit, sedeque Episcopali illustravit, quæ à vicesimo secundo Episcopo Stigando ad Ciceſtriam traducta, nunc ibi floret, & *Cedwallam* fundatorem agnoscit. In hac Insula, antiquæ urbeculæ, in qua Episcopi illi sederunt, cadaver solummodo jacet, aquis intectum quoties ex alto maris æstus intumescit, cum vero refidet, apertum, & conspicuum.

Amber-
ley.

Flumini deinde littus se aperit, quod è S. Leonardi saltu decurrit primum per *Amberley*, ubi castrum successoribus suis Guil. *Read* Episcopus Ciceſtrenſis regnante Edwardo III extruxit, & deinde per *Arundell* situ declivi positum, quod fama quam re majus, nec illa tamen admodum antiqua, ante Ælfredi enim tempora, qui eam Athelmo è fratre nepoti legavit, ne nomen quidem legi. Nisi forte *Portum Adurni* existimem corrupte dici transpositis literis pro *Portus Arundi*. Causa nominis nec ab *Arundell* fabuloso Bevoſſi equo, nec à Charudo Cimbricæ Chersoneſi promontorio, quod Goropius Becanus somniavit, sed à valle, qua ad *Arun* fl. sedet, si modo *Arun* sit flumini nomen, ut aliqui tradiderunt, qui *Aruntinam vallem* inde Latine dixerunt. Fama ve-

ro tota est ex castro quod Saxonico imperio floruit, & statim ab ingressu Normannorum Rogorum de *Monte Gomerico* restaurasse legimus, qui inde Arundeliae Comes dictus. Est enim amplum situ & opere inprimis munitum. Sed hujus filius Robertus de *Belesmo*, qui successit Hugoni fratri, à Rege Henrico Primo proscriptus, eo, reliquique honoribus excidit. In regem enim perfido animo bellum molitus, hoc castrum in belli sedem elegit, magnisque munitionibus locum firmavit, sed quo seditiosi successu solent. Milites namque regii ex omnibus partibus circumfusi tandem occuparunt. Roberto vero proscripto, & relegato, Rex hoc castrum, & alias ejus possessiones Adelizæ Godfredi Barbati Lovaniensis, Ducis Lotharingiæ & Brabantiae filiae, quam sibi secundis nuptiis junxerat, in dotem dedit. In cujus laudem seculo illo indicto hos non indotos versus Anglus quidam conscripsit,

Anglorum Regina tuos Adelizæ decoret

Ipsa referre parans, Musa stupore riget.

Quid diadema tibi, pulcherrima quid tibi gemma?

Pallet gemma tibi, nec diadema nitet.

Deme tibi cultus, cultum natura ministrat;

Non exornari forma beata potest.

Ornamenta cave, nec quicquam luminis inde

Accipis, illa micant lumine clara tuo.

Non puduit modicas de magnis dicere laudes,

Nec pudeat dominam te precor esse meam.

Illæ, Rege defuncto, Guilielmum de *Albino* in maritum assumpsit, qui cum Matildi Augustæ contra Stephanum Regem studeret, & hoc castrum contra illum propugnaret, in navatæ operæ præmium Arundeliae Comitum titulum à Matilde Augusta *Anglorum Domina* (hoc enim usa est titulo) accepit: filiusque ejus Rex Henricus II dedit totum *Rapum* de *Arundel* Guilielmo illi tenendum de eo per servitium *LXXXIII Militum*, & dimid. Ejusque filio Guilielmo Rex Richardus Primus concessit hujusmodi verbis castellum de *Arundel* cum toto *Honore de Arundell*, & tertium denarium de *Placitis de Suffexi*, unde Comes est. Cumque post quintum hujus cognominis Comitem soboles mascula defecisset, altera sororum & hæredum Hugonis Comitum quinti nupsit Iohanni *Fitz-Alan* Domino de *Clun*; cujus pronepos Richardus quod *seſitus de Castro, Honore*, & *Dominio de Arundell* in *Dominico suo* ut de feodo, ratione possessionis suæ eorundem *Castri, Honoris*, & *Dominii*, absque ulla alia ratione, vel creatione in Comitem, fuit Comes *Arundell* & nomen, statum, & honorem Comitum *Arundell*, &c. pacifice habuit, ut constat ex sententia lata in Parlamento pro Ioanne *Fitz-Alan* vendicante Castrum & titulum *Arundellia* contra Ioannem *Mowbray* Ducem *Norfolcia* rectum per matrem hæredem *arctissimo gradu*. Vnde colligitur nomen, statum, & dignitatem Comitum *adnexam esse castro, Honori*, & *Dominio de Arundell*, ut videre est in Rotulis Parlamentariis Anni *xxvii*, Parl. II. Henrici Sexti, ex quibus hæc verbatim descripti. Ex his *Fitz-Alanis* undecimum Comitem tempora nostra viderunt, cui sine mascula prole defuncto ejus ex filia nepos Philippus Howardus successit, qui cum injurias & difficultates exorbere nesciret, invidorum artibus in plagas incidit, & in extremum salutis discrimen adductus, expiravit. Thomas autem filius juvenis honoratissi-

Vide Co-
mites Sa-
lopiæ.Aliis ex-
emplari-
bus,
* meliora-
ri.* Aliis de
Albino.
& de *Al-
biniaco*.
Comites
*Arunde-
lia*, qui et-
iam *Suffe-
xiæ*.
Anglorum
Domina.
Vide Co-
mites *Suf-
sexiæ*.
Chartæ
antiquæ
x. m. 29.

ratissimus à Iacobo Rege in integrum Parlamen-
taria autoritate restitutus, in quo mentis ardor
ad virtutem & gloriam nobilitate sua dignissi-
mus, & humanitate vera temperatus clarissime
elucet, paternos honores recepit.

Præter castrum & Comites nihil memorabi-
le habet Arundelia, nam Collegium quod ibi
floruit à Comitibus extructum, distractis rediti-

bis, jam fatiscit. In Ecclesia tamen nonnulli sunt
Comitum tumuli, sed ille pulcherrimus ex ala-
bastro, in quo, medio choro jacet Thomas Co-
mes, & Beatrix uxor ejus filia Ioannis Regis Lu-
sitaniæ. Nec omittenda est hæc pulchre inaura-
ta inscriptio in honorem Henrici *Fitz-Alan* ultimi
ex hac stirpe Comitis hic posita, cum nonnullis
placeat.

V I R T V T I E T H O N O R I S A C R V M.

MAGNANIMVS HEROS, CVIVS HIC CERNITVR EFFIGIES, CVIVSQVE HIC
SVBTER SITA SVNT OSSA, HVIVS TERRITORII COMES FVIT: SVI GENE-
RIS AB ALANI FILIO COGNOMINATVS, A MALÁTRAVERSO, CLVNENSI,
ET OSWALDESTRENSI HONORIBVS EXIMIIS DOMINVS INSVPER AC BA-
RO NVNCVPATVS: GARTERIANI ORDINIS EQVESTRIS SANE NOBILIS-
SIMI SODALIS DVM VIXIT ANTIQVISSIMVS: ARVNDELIAE COMITIS
GVILIELMI FILIVS VNICVS ET SVCCESOR, OMNIVMQVE VIRTVTVM
PARTICEPS: QVI HENRICO OCTAVO: EDUARDO VI, MARIAE ET ELI-
ZABETHAE ANGLIAE REGIBVS, A SECRETIS CONSILIIIS, VILLAE QVOQVE
CALESIAE PRÆFECTVRAM GESSIT, ET CVM HENRICVS REX BOLONIAM
IN MORINIS OBSIDIONE CINXERAT, EXERCITVS SVI MARESCALLVS PRI-
MARIVS, DEINDE REGIS FVIT CAMERARIVS: EIVSQVE FILIO EDUARDO
DVM CORONARETVR MARESCALLI REGNI OFFICIVM GEREBAT: EIQVE
SICVT ANTEA PATRI CAMERARIVS FACTVS. REGNANTE VERO MARIA
REGINA, CORONATIONIS SOLEMNI TEMPORE SVMMVS CONSTITVITVR
CONSTABVLARIVS, DOMVSQVE REGIAE POSTMODVM PRÆFECTVS, AC
CONSILII PRÆSES: SICVT ET ELIZABETHAE REGINAE, CVIVS SIMILI-
TER HOSPITII SENESCALLVS FVIT.

ITA VIR ISTE GÈNERE CLARVS, PVBLICIS BENE FVNCTIS MAGISTRA-
TIVS CLARIOR, DOMI AC FORIS CLARISSIMVS: HONORE FLORENS,
LABORE FRACTVS, ÆTATE CONFECTVS, POSTQVAM ÆTATIS SVÆ ANNVM
LXVIII. ATTIGISSET, LONDINI XXV. DIE FEBRVARII, ANNO NOSTRAE
SALVTIS A CHRISTO M. D. LXXIX. PIE ET SVAVITER IN DOMINO
OBDORMIVIT.

IOANNES LVMLEY BARO DE LVMLEY GÈNER PIENTISSIMVS,
SVPREMÆ VOLVNTATIS SVÆ VINDEXT, SOCERO SVAVIS-
SIMO ET PATRONO OPTIMO MAGNIFICENTISSIME FVNERA-
TO, NON MEMORIAE, QVAM IMMORTALEM SIBI MVLTIFARIIS
VIRTVTIBVS COMPARAVIT, SED CORPORIS MORTALIS ERGO,
IN SPEM FOELICIS RESVRRECTIONIS RECONDITI: HANC ILLI
EX PROPRIIS ARMATVRIS STATVAM EQVESTREM PRO MVNE-
RE EXTREMO, VBERIBVS CVM LACHRYMIS DEVOTISSIME
CONSECRAVIT.

Fluvius autem qui præterfluit è Septentrionali
agri parte scatens, plurimis hinc inde rivulis in-
crescit, inter quos præcipuus est qui præterlabi-
tur *Cowdrey* Vicecomitis *Montis-acuti* ædes splen-
didissimas, & ad alteram ripam *Midherst*, quæ *Bo-*
hunos Dominos suos jactat, qui pro insignibus
crucem cæruleam in aureo clypeo gestarunt, &
ab Ingelrico de *Bobun* sub Henrico Primo florue-
runt ad Henrici VII usque tempora, qui filiam
& hæredem Ioannis *Bobuni* Davidi *Owen* Equiti
aurato filio naturali *Oweni* Theodori cum opi-
ma hæreditate in uxorem dedit. Fuerunt hi *Bo-*
huni, ut obiter adnotem, propter obsoletam ver-
bi antiquitatem, aliquandiu *Spigurnelli* Regis, id
est, *Sigillatores Brevium* jure hæreditario; quod of-
ficium una cum *Serientia Capelle* Regiæ Edwardo
Primo remisit Ioannes de *Bobun* filius Franconis,
ut in Charta antiqua ea de re confecta legitur.

Bobuni de
Midherst.
Insignia
Bobuno-
rum.

Spigur-
nell quid.

Pettworth

Pettworth inde cernitur, quam cum latifundiis
Britannia.

Guilielmus de *Albineio* Comes Arundeliæ *Iosceli-*
no de *Lovanio* Brabanto Adelizæ reginæ fratri, fi-
lio juniori Godfridi Ducis Brabantiae è stirpe Ca-
roli Magni elargiebatur, cum Agnetem unicam
filiam & hæredem Perciorum in uxorem duxit
set. Ex quo tempore *Ioscelini* illius poster (asci-
to sibi *Percii* nomine, ut alibi dicemus) tenuerunt.
Familia sane antiqua & nobilissima, quæ
multo minus interrupta majorum serie à Carolo
Magno stemma ducit, quam qui tantopere
ostendant Lotharingiæ Duces, & Guisii. *Ioscel-*
linus vero ille, ut in donatione ejus vidi, hoc usus
est titulo, *Ioscelinus de Lovanio, frater Reginæ Adeli-*
zæ, Castellanus de Arundell.

Cedente ab *Aruni* ostio littore, juxta *Tering* se-
det *Offingtons*, Guilielmi *Vest* Baronis *De-la-VVa-*
re ædes. Hæc *Vestorum* nobilis & antiqua est fa-
milia, quæ nuptiis cum hæredibus *Cantelupi* de
Hempston, & *Fitz-Reginald* filii Herberti aucta, et-
iam

Percii.
Vide in
fine Nort-
humbriæ.

Westorum
familia.

Barones
Laware.

Cissbury.

Ciment-
hore.

Camouys

Vxor da
& conce
fa alteri.

Parl. 30
Ed. Prin

Shoreham

Brember
castle.

Portus A
durni.
Notitia
Provinci
aram.

iam per hæredem Domini *De-la-VVare*, Baronis
titulo fuit exornata. Iuxta vallum est militare, a-
gresti aggere incinctum, quo Cæsarem castra
sua vallasse ab incolis creditum: sed *Cisbry* loci
nomen Cissæ opus fuisse planissime loquitur. Qui
secundus hujus regni ex Saxonico genere regu-
lus, post *Ællam* patrem, cum *Cimeno* fratre, &
non parva Saxonum manu hoc littore appulit ad
Cimenshore à *Cimeno* illo dictum, quod nunc no-
men amisit, sed prope *Wittering* fuisse Charta
donationis, quam *Cedwalla* Rex Ecclesiæ *Selsi-*
ensi fecit, planissime convincit. Aliudque val-
lum ad duo à *Cisbry* milliaria, quod *Chenkbury*
vocitant, spectatur.

Broodwater inde prope mare adfidet Baronia Dominorum de Camoys, qui ab Edwardi Primi temporibus ad avorum usque memoriam floruerunt, cum per filias hæreditas ad Lewkenoros, & Radmildos devenit. Ex hac familia, exemplo illo & nostro ævo inaudito, Ioannes de Camoys filius Domini Radulphi de Camoys uxorem suam Margaretam filiam & hæredem Ioannis de Gaidesden Willelmo Painell Militi spontanea voluntate (ex ipsis tabulis Parlamentariis loquor) dedit & demisit, eademque dedit, concessit, relaxavit, & quæta clamavit omnia bona & catalla quæ ipsa habet, vel de cætero habere possit, & etiam quicquid erat sui de prædicta Margareta bonis & catallis cum suis pertinentiis. Ita quod nec ipse, nec aliquis alius nomine suo in prædicta Margareta, in bonis & catallis ipsius Margareta de cætero exigere, vel vendicare poterit, nec deberet in perpetuum. Hoc est, quod veteres verbo dixerunt, ut omnia sua secum haberet. Ex qua concessione cum illa dotem peteret in Manerio de Torpull, quod fuerat Ioannis de Camoys primi mariti, lis mota est memorabilis; sed in qua illa causa cecidit, sententiaque prolata, quod non debuit inde dotari. Hæc sane indignanter commemoro, sed video non frustra fuisse quod Gregorius PP. olim Lanfranco Archiepiscopo Cantuariensi scripserit, se audivisse fuisse inter Scotos qui uxorem non solum deseruerint, sed etiam vendiderint, cum in Anglia dederint, & demiserint.


Inferius in littore apparet *Shoreham*, olim *Scorpeham*, qui paulatim in viculum desit, & hodie *Olde Shoreham* dicitur, incrementumque præbuit ejusdem cognominis alteri oppido, cujus etiam maxima pars oppressa & mari æquata disparuit, portusque commoditas ex aggestis ad ostium fluminis arenis omnino ablata: cum superioribus seculis ad *Brember* usque, quæ à mari remotior est, naves plenis velis admittere soleret. Hoc castrum fuit olim *Breoforum*, Guilielmo enim de *Breoſa* donavit Rex Guilielmus Primus, à quo *Breoſa* illi sunt oriundi, qui de *Gower* & Brechinia Domini, & ab illis etiam in hoc agro, Leicestrenſique equestres familiae *Shirlcorum*. Sed nunc pro castro, nihil est nisi rudetum, sub quo statis diebus frequentissimum forum *Stening* subjacet, quod Ælfridi testamento, nisi me fallo, *Steningham* appellatur.

Antiquusetiam ille PORTVS ADVRNĪ ut videtur, ab hoc ostio vix tribus milliaribus abest, ubi cum Saxones primo mare nostrum infestum haberent, Numerus Exploratorum sub Romanis Imperat. stationem habuit, sed agglom-

meratis glareæ molibus nunc est obstructus. Hunc enim fuisse *Ederington* modicum viculum quem *Ælfredus* ille filio suo juniori concessit, & nomen quasi integrum, & casulæ adjunctæ nunc *Portslade* dictæ, ist est, *Ad portam viæ*, quodammo-
do persuadet; ut taceam quam facile hic exscen-
sionem facerent, cum littus sit apertum & pla-
num. Eamque ob causam nostri, regnante *Henrico* V III, hic præcipue Gallorum tiremes præ-
stolabantur, dum littori nostro imminerent, & ad *Brighthelmsted*, quæ majoribus nostris *Brighthe-*
almer-ton, (proxima ea statio est) unum & alte-
rum tuguriolum ex improvise succenderent.

Post pauca hinc milliaria in mare evolvitur
flumen anonymon è *Foresta S. Leonardi* effusum
prope *Slaugham* habitationem *Covertorum*, qui
Henrici III temporibus in hoc tractu equestri
dignitate floruerunt.

Hinc paulo remotius à mare *Lewes* editori-
tu adfidet, à pascuis quæ Saxones *Leppa* vocarunt,
forfitan nominatum, frequentia & amplitudine
sua inter primaria hujus agri oppida. Regnan-
te Edwardo Confessore, *Reddebat vi libras, & qua-
tuor Solidos de gablo & Theloneo.* Ibi Rex habebat *cxxvii*
Burgenses. Eorum consuetudo erat, si Rex ad mare sine se
mittere suos voluisset, de omnibus, cujuscunque terra fuif-
sent, colligebantur *xx solidi*, & hos habebant qui in navi-
bus arma custodiebant. Qui in Burgo vendit equum dat
præposito nummum, & qui emit, alterum, de bove obolum,
de homine *iiii denarios* quocunque loco emat *infra Râ-
pam.* Sanguinem fundens emendat pro *vii solidis*, adul-
terium vel raptum faciens *viii sol.* & *iiii denariis*,
& fœmina tantidem. Rex habet hominem adulterum, *Ar-
chiepiscopus fœminam.* Cum moneta renovatur dat *xx*
sol. unusquisque monetarius. De his omnibus erant due
partes Regis, & tertia Comit. Guil. de *VVarennâ* Sur-
reix Comes primus hic castrum posuit, sub quo
Prioratum S. Pancratii sacrauit, & monachis
Cluniacensibus replevit, *Ob sanctitatem, religionem,*
& charitatem quam in Cluniaco Burgundiæ monasterio in-
venit (ex ipso fundationis autographo loquor)
dum peregre religionis ergo cum uxore profes-
sus ibi diverteret. Sed hoc jam in ædes Comi-
tis Dorsettiæ est conversum. Sex tamen in oppi-
do supersunt ecclesiæ, inter quas haud procul à
castro subest ecclesiola desolata, & vepris ob-
sita, in cujus parietibus arcuato opere inscri-



buntur rudes verficuli obsoleto charactere , qui
innuunt *Magnum* quendam è Danorum regio san-
guine oriundum, qui solitariam vitam amplexus,
ibi

Lewes.

*Domesday.
Booke.*

1263.
Prælium
apud L
wes.

Peruſey
Florent
Wigorn
 pag. 452
 Rob. de
 monte
 1158.
 Compo
 inter H.
 Steph.
 Honor
 Aquila.

*
Herst
Mon-
ceaux.
Herst, qu
Registr.
Mon. de
Roberts
bridg.

Fienes
familia.

Pat. 37.
Henr. 6.

An. 13.
Ed. 4.
Lord D
cre of the
South.

Magni
Dani mo-
numen-
tum.

ibi conditum. Sed en ipsa carmina licet manca, & cum ipsis saxorum, ut ita dicam, disjunctis commissuris hiantia.

Quæ fortasse sic legenda,

*Clauditur hic miles Danorum regia proles;
Magnus nomen ei, magna nota progeniei,
Deponens Magnum, prudentior induit agnum:
Perpete pro vita, sit parvulus Anachorita.*

Saxonibus rerum potentibus, cum legem ferret Æthelstanus, ut extra oppida nummus non cuderetur, Monetarios hoc in loco duos instituit; Postea vero Normannicis regnantibus, funesto inter Henricum Tertium, & Barones prælio innotuit, in quo initia pugnae prospera Regiis exitio fuere. Dum enim nonnullas Baronum turmas Edwardus Regis filius perrumpens, longius hostes, quasi victoria explorata, securus prosequeretur, Barones redintegratis viribus novo prælio ita Regios profligarunt, ut Regem pacis conditiones parum æquas proponere, & filium Edwardum cum aliis in manus tradere adegerint. Inde per amplum & piscosum lacum juxta *Furle Gageorum* habitationem, qui nuptiis cum altera hærede familiæ de *S. Claro* adaucti inclauerunt, ad *Cuckmer* portum satis commodum pervenimus. Superatoque promontoriolo, quod à glarea *Beach* dicitur, *Pevensey* olim *Peowensea*, Normannis *Pevenfel*, vulgo *Pemsey* occurrit, castrum quondam Roberti Comitis Moritonii, fratris uterini Guilielmi Conquæstoris, postea Guilielmi Regis Stephani filii, qui Henrico Secundo, à quo dono acceperat, in manus reddidit cum prædiis quæ fuerunt Richeri de *Aquila*, unde *Honoris de Aquila* nomen acceperunt. Diuque è patrimonio sacro fuit, donec Britannicis Richmondia Comitibus Rex Henricus III concessisset, à quibus denuo ad Reges devenit: nunc vero tantum castri parietinæ supersunt; *Honoris de Aquila* partem nonnullam *Pellhamorum* familiæ ob fidem & fortitudinem postea dono dedit Henricus Quartus. Iuxta hæc *Herst* inter sylvas adsidet, quod & nomen à sylvestri situ habet. Sylva enim antiquis Anglis *Hýpse* vocabatur. Hoc statim à primo Normannorum in Angliam ingressu sedes fuit nobilium, qui à loco aliquandiu de *Herst* dicti sunt, donec Guilielmus filius Wallerani de *Herst* nomen *Monceaux* à loco forte natali (ut usu receptum erat illo seculo) sibi adscivit, unde & loco adhæsit, qui jam inde *Herst Monceaux* à domino denominatus. A cujus posteris ad *Fienos* devenit hæreditario; *Fieneii* vero illi qui & *Fenis*, & *Fienles* dicti, ab Ingelramo de *Fienes*, qui Pharamusii de *Bolonia* hæredem duxerat, genus repetunt. E quibus Rich. *Fenis* Rex Henr. VI accepit, declaravit, & reputavit esse Baronem de *Dacre*. Eundemque titulum Rex Edward. Quartus honorarius arbiter inter ipsum & Humfredum *Dacre*, dicto *Richardo Fenis*, & hæredibus legitime procreatis confirmavit, eo quod in uxorem duxerat Ioannam consanguineam & proximam hæredem Thomæ Baronis *Dacre*. Ex quo tempore floruerunt ejus posteris dignitate Baronis *Dacre*, donec nuperrime Georgius *Fenis* Dominus *Dacre* diem sine sobole obierit. Cujus unicam sororem & hæredem Margaretam Sampson *Lennard* Armiger virtute & humanitate singulari in uxorem duxit.

Ad *Pevensey* vero (ut regrediamur) Guilielmus Normannus, (iterum quia locus postulat, paucis perstringam, quod fusius alibi dixerim) omnibus navibus in Britanniam accessit, exercitum exposuit, validaque pro castris munitione opposita navibus ignem iniecit, ut spes in virtute, & salus in victoria sola esset: statimque ad planitiem juxta *Hastings* processit, ubi de Angliæ imperio jacta alea, & Anglo-Saxonica periodus suum finem habuit. Ibi enim Haroldus noster, licet viribus superiori cum Danis prælio extenuatis, & militibus ex longo itinere defatigatis, secundo Idus Octob. anno salutis CIO LXVI, in loco *Epiton* dicto se objecit. Cum Normanni bellicum cecinissent, primum sagittis utrinque emissis, aliquandiu certatum; inde collato pede, quasi vir viro congrederetur, diutius dimicatum: sed cum fortissime eorum impetus excepisset Anglus, Normanni equites acriter sunt inveciti. Cum autem nec illi aciem perrumperent, ex composito, servatis tamen ordinibus, recesserunt. Angli vero fugisse rati, statim ordines laxarunt suos, & incompositi hostibus institerunt; quos subito illi reductis cohortibus confertissime undique de integro adorti, & circumfusi multa cum strage repulerunt, qui occupato loco editiori diu resisterunt, donec ipse Haroldus sagitta transverberatus occumberet, extemplo enim terga data, atque in fugam omnes effusi.

Normannus victoria elatus in confecti belli memoriam Monasterium S. Martino, quod de bello sive *Battell* dixit, eo loci consecravit, ubi Haroldum vulneribus confossum inter confertissimos hostes animus reliquit, ut foret quasi æternus Normannicæ victoriæ titulus. Monasterio postea accrevit eodem cognomine oppidum, vel ut privatae historiæ verbis utar, *Crescente monasterio, mansiones cxv, circa ambitum Monasterii fabricatae sunt à quibus villa de Bello ordinata est.* In qua locus est ob effusum sanguinem *Sangue-Lac* Gallico verbo nominatus, qui ex terræ natura post pluviam rubescere videtur, unde Guilielmus Neubrigensis scripsit, sed minus vere, *Locus ille ubi Anglorum pro patria dimicantium maxima strages facta est, si forte modico imbre maduerit, verum sanguinem, & quasi recentem exsudat: ac si aperte per ipsam rei evidentiam dicatur, quod adhuc vox tanti sanguinis Christiani clamat ad Dominum de terra.* Monasterio vero multa, & magna privilegia indulgit Guilielmus ille. Inter alia vero, utar ipsis Diplomatis verbis, *Siquis latro, vel homicida, vel aliquo crimine reus timore mortis fugiens ad hanc ecclesiam pervenerit, in nullo ledatur, sed liber omnino dimittatur. Abbati vero ipsius ecclesie, liceat ubique latronem, vel furem de suspendio liberare, si forte supervenerit.* Henricus etiam Primus, ut ex ejus Charta loquar, *Mercatum die Dominico liberum absque omni exactione instituit.* Verum mercatum hunc in alium diem commutari Parlamentaria autoritate nuper impetravit Antonius Vicecomes *Montis-acuti*, qui eo loci elegantes ædes non ita pridem extruxit. A syli autem jura hic & passim Parlamentaria autoritate in indignioribus illis criminibus refiguntur. Videbant enim amoto supplicii metu, ferociam, & scelerate agendi libidinem incrementum, & impunitatis spem, maximam esse peccandi illecebram. Nec quicquam aliud hic vel

Z z 2

in vi-

1066.

Pugna
Haroldi
cum Guil.
Conquæ-
store.

Battell.

Mercatus
die Domi-
nico.

1263.
Prælium
apud Le-
wes.

Pevensey.
Florentius
Wigorn.
pag. 452.
Rob. de
monte
1158.
Compos.
inter H. &
Steph.
Honor de
Aquila.

*
Herst
Mon-
ceaux.
Herst, quid
Registr.
Mon. de
Roberts.
bridg.

Fienes
familia.

Pat. 37.
Henr. 6.

An. 13.
Ed. 4.
Lord Da-
cre of the
South.

Magni
Dani mo-
numen-
tum.

Ashburn-
ham.

Hastings.

Quinque
portus.

21. Edw. 1

Comites
Ew.Inquisi-
tio 5.
Edw. 1.Guilielm.
Dominus
Hastings.

in vicinia memoratu dignum vidimus, quam *Esu-
burnham*, quæ familiæ sane si qua alia in hoc tra-
ctu vetustæ nomen impertiit suum.

Hastings illa, quam dixi, Saxonice *Haringa-
ear* dicta, eodem littore superius sedet. Sunt
qui ridicule ab agilitate hoc nomen è nostra lin-
gua deducunt, eo quod, ut scribit M. Parisien-
sis, apud *Hastings* ligneum agiler castrum statuit *Gui-
lielmus Conquestor*. Videatur tamen potius ab *Ha-
stingo* Danico pirata hoc novum nomen acce-
pisse, qui ubi exscensionem prædabundus fecit,
castella aliquando extruxit, ut apud *Asserium*
Menevensem de *Beamfote* castro ab illo posito in
Essexia, aliisque ad *Apledor*, & *Midleton* in *Cantio*
legitur. Hæc regnante *Athelstano* suam habuit
officinam Monetariam, & Capitalis est Portus in nu-
mero quinque portuum, qui cum suis membris

Winchelsey, *Rhy*, &c. naves *xxi*, ad bellum navale
invenire tenebatur, si qua forma aves scire, & hic
& cæteri pro immunitatibus quas habent amplif-
simas Regi bello navali militare obstricti fuerint,
habe iisdem verbis quibus hoc in *Scaccarium*
Regium olim relatum fuerit. *Hastings* cum suis
membris debet invenire ad summonitionem Regis *xxi* na-
ves. Et in qualibet navi debent esse *xxi* homines fortes,
apti, bene armati & apparati ad servitium Regis. Ita
tamen quod summonitio inde fiat ex parte Regis per *xl*
dies ante. Et cum prædictæ naves & homines in illis exi-
scentes ad locum illum venerint ad quem fuerint summo-
niti, morabuntur ibidem in servitio Regis per quindecim
dies ad custus suos proprios. Et si Rex servitio illorum post
prædictas quindecim dies indiguerit, seu ipsos ibidem am-
plius morari voluerit, erunt naves ille cum hominibus in
illis existentibus in servitio Regis morantes ad custus Regis
quamdiu Regi placuerit. Videlicet Magister capiet sex de-
narios per diem, & Constabularius sex denarios per diem,
& quilibet aliorum tres denarios per diem.

Totum *Rapum de Hastings* & Honorem tenuerunt
Comites Aucenses vulgo de *Augi* sive *Ew* in *Nor-
mannia* dicti; à filio notho *Richardi Primi* Du-
cis *Normanniæ* oriundi, usque ad *Aliciam* quam
regnante *Henrico Tertio* in uxorem duxit *Ra-
dulphus de Issoduno* in *Gallia*, posterique lauto pa-
trimonio in *Anglia* exciderunt, quod ad fidem (ut
jurisconsulti tunc loquebantur) Regis *Franciæ* es-
sent. Cæterum ut primis *Normannorum* tempo-
ribus nobiles in hoc agro *Hastingsi* & de *Hastings*
dicti fuerunt, è quibus *Matthæus de Hastings* Ma-
nerium de *Grenocle* ea lege tenuit, ut inveniret ad
hunc portum remum quando Rex transfretaret: ita nunc
illustris *Hastingsorum* familia, qui *Huntingdoniæ*
sunt Comites, hoc titulo de *Hastings* lætatur. *Ed-
wardus* enim *IIII* hunc cum quibusdam, ut vo-
cant, *Regalibus* *Guilielmo Hastingsi* Cubiculario suo
contulit. Qui à *Cominæo* laudatur, quod cum
à *Lodovico XI* Gallorum Rege annuam pensio-
nem acceperit, induci non poterat, ut Gallo
Apochar, sive *Chirographum* traderet. Ut
meum, inquit *Chirographum* inter rationes
Quæstorum ærarii Gallici conspiciatur, minime
committam. Verum hic in Regum amicitiam
se totum immergendo, prorsus seipsum demer-
sit. Dum enim in privato consilio liberius cum
tyranno *Richardo Tertio* loqueretur, inopinato
abreptus, & indicta causa actutum capite trun-
catus. Nec tacendum est Regem *Henricum Sex-*

tum *Thomam Hoo* virum egregium quem in or-
dinem *Georgianæ militiæ* adsciverat, titulo Ba-
ronis de *Hoo & Hastings* exornasse, cujus filias &
hæredes *Galfredus Bollen*, à quo materna origine
Regina *ELIZABETHA*, *Rogerus Copley*, *I. Ca-
rew*, & *Jo. Devenish* in uxores duxerunt.

Sinuoso inde recessu excavatur littus, cui im-
ponitur *Winchelsey*, quod cum ejusdem nominis *Winchel-
sey*. antiquius oppidum, Saxonice *Wincely*-ea dictum,
inhorrescente Oceano absorberetur anno *M CCL*
(quo tempore facies terrarum hic & in vicina
Cantii ora, valde immutata) regnante *Edwardo*
Primo constructum erat. Situm ob oculos *Th.*
Walsinghami verbis proponam, *Super montem sita*
est prærupta altitudinis ex eo latere, quo vel mare respicit,
vel imminet navium stationi, unde via quæ ab ea parte ad
portum ducit, non in directum, ne nimia declivitate de-
scendentes in præcipitium, vel ascendentes repere potius
manibus, quam ambulare cogat, tenditur: sed obliquata
in latus, nunc ad unam partem, nunc ad aliam sinuosis
flexibus sæpe recurvatur. Primum aggere cinge-
batur, postea mœnibus validis; vixque florere cœ-
pit, cum à *Gallis* & *Hispanis* direpta, subducen-
teque se Oceano, subito quasi defloresceret. Ex
hujus occasu, & Oceani beneficio *Rhie* in proxi-
mo effloruit, sed potius refloruit, olim enim flo-
ruisse, & *Guilielmum Ipresem Cantii Comitem*
munivisse, *Ipres tower*, id est, *Turris Iprensis*; & im-
munitates quas cum quinque portibus commu-
nes habet, satis doceant. Sed vel ex *Winchelseiæ*
vicinitate, vel maris recessu, superioribus sæcu-
lis diu jacuit; at cum illa jam elangueret, *Ed-
wardo Tertio* regnante, respirare cœpit, qui
mœnibus inclusit; patrumque memoria, *Ocea-
nus*, ut injuriam, quam fecerat, cumulate resar-
ciret, tempestate insolita concitatus ita irruit,
& se insinuavit, ut portum perquam commodum
effecerit, quem & alia nostra memoria tempe-
stas non parum juvit. Ex quo tempore, incolis,
ædificiis, piscatura, & re nautica non mediocri-
ter refloruit, hodieque usitatus hinc est in *Nor-
manniam* trajectus. An vero nomen habet à *Ri-
ve* *Normannica* dictione, quæ ripam significat,
non facile dixerim. Cum tamen in actis publi-
cis sæpissime *Ripa* Latine, & qui hinc pisces de-
ferunt *Ripiers* dicantur, in hanc partem propen-
deo; magisque sane propenderem, si hanc vocem
pro littore *Galli*, ut *Plinius* ripam, usurparint.

In hunc portum se effundit *Rother* sive *Rither* *Rother fl.*
fluvius, qui ad *Ritberamfeld* (sic enim priscis *Burghersh*
Anglis vocabatur qui nobis *Rotherfeld*) emissus per *Barones.*
Burgwasch, olim *Burghersh*, quod suos eodem co-
gnomine Dominos habuit, inter quos fuit *Bar-
tholomæus* ille de *Burgwasch* vir suo seculo ma-
gnus, qui gravissimis legationibus & *Aquitanicis*
bellis spectatus prudentia & fortitudine prome-
ruit ut *Baro* regni crearetur, in ordinem *Geor-
gianum* in ipsa prima institutione inter fundato-
res cooparetur, & castro *Doverensi* portubus-
que ut præficeretur. Nec filius eodem præno-
mine degener summo splendore vixit, sed uni-
cam tantum reliquit filiam in familiam *Le Despen-
cer* elocatam, à qua magnus superest nobilium
proventus. Baronem etiam suum *Guilielmum*
de *Echingham* tempore *Edwardi Secundi* habuit *Echin-
gham* quod proximum est, cujus majores *Se-
nefchalli* *Baro.*

26. H. 6.
Barode,
Hoo &
Hastings.Winchel-
sey.

Rhie.

Rother fl.
Burghersh
Barones.Echin-
gham
Baro.

Roberts
bridge si-
ve Rother
bridg.
Bodiam.

Buckhurst
Baro.

Suffexia
Comites.
Vide Co-
mites A-
rundeliaz.

Austra-
lium Sa-
xonum
regnum.

neschallierant hujus *Rapi*; hæreditas autem tandem per hæredes fœmellas ad Barones de *VVin-
desfor*, & ad *Tirwhitthos* devenit. Deinde *Hothe* tri-
partitis aquis *Pontem Hoberti* subit, ubi Aluredus
de *S. Martino*, regnante Henrico II, monasterium
posuit, & prætervectus *Bodiam* Lewkneorum fa-
milie & claræ, & antiquæ castrum à *Dalegrigis* ex-
structum, hic in Oceanum descendit. Maritimam
Suffexia oram jam legi, in mediterraneis nihil est
quod memorem, nisi sylvas & saltus longe late-
que patentes, reliquias celeberrimæ sylvæ *Ande-
ridæ* recenserem. Inter quas, ut ab occasu incipi-
am, notissimæ sunt *Foresta de Arundell*, *Foresta S. Leo-
nardi*, *Word Foresta*, *Ashdown Foresta*, sub qua *Buckhurst*
antiquæ familie Sacuilorum habitatio, (è qua
Thomam Saculum virum prudentem juxta ac
nobilem R. ELIZABETHA Baronem de *Buckhurst*
in nostra memoria erexit, in sanctius consilium
adscivit, in honoratissimum Georgianorum mili-
tum ordinem cooptavit, Angliæ Thesaurarium
constituit, & jampridem Rex Iacobus Comitem
Dorsettiæ creavit.) *Foresta de VWaterdown*, & illa
de *Dallington* omnium minima.

Comites habuit Suffexia quinque ex familia de
Albincio, qui iridem Arundeliæ Comites dicti fue-
runt. Quorum primus Guilielmus de *Albincio* Gui-
lielmi Pincernæ Regis Henrici Primi & Domini
de *Buckenham* in Norfolcia filius; qui pro insigni-
bus usus est leone aureo erecto in clypeo rubro,
dictusque aliquando Comes Arundeliæ, aliquan-

do Comes Cicestriæ, quod in illis locis sedes præ-
cipuas habuit. Hic ex Adeliza filia Godfredi Bar-
bati Ducis Lotharingiæ & Brabantia, vidua Re-
gis Henrici Primi, progeniuit Guilielmum Se-
cundum Suffexiæ & Arundeliæ Comitem pa-
trem Guilielmi Comitis Tertii, cui Mabilia so-
ror & una hæredum ultimi Ranulphi Comitis
Cestriæ peperit Guilielmum Comitem quartum,
& Hugonem Comitem quintum, utrumque
sine sobole defunctum, filiasque quatuor, quas
duxerunt Robertus Dominus de *Tateshall*, Ioan-
nes *Fitz-Alan*, Rogerus de *Somerey*, & Robertus de
Monte alto. Arundeliæ titulus postea regerminavit,
ut modo dixi, in *Fitz-Alanis*; Suffexiæ vero qua-
si oblitteratus jacuit ad nostra usque tempora,
quæ viderunt quinque *Radcliffos* è nobilissima
Fitz-VValteri familia (quæ à Claris stemma duxit)
eo honore illustratos; Robertum scilicet, Suf-
sexiæ Comitem creatum ab Henrico VIII, qui
duxit Elizabetham filiam Henrici Staffordiæ
Ducis Buckinghamiæ, è qua genuit Henricum
Comitem secundum, cui Elizabetha filia Tho-
mæ Howardi Ducis Norfolciæ peperit Tho-
mam, qui Regina Elizabethæ à cubiculis sine li-
beris obiit, Heros sane longe honoratissimus, in
cujus animo & prudentiam civilem, & fortitudi-
nem militarem una habitasse & Anglia & Hiber-
nia agnovit. Huic frater Henricus, illique ejus
unicus filius Robertus juvenis honoratissimus,
qui nunc floret, successit.

21. Hen. 8.

Parochias continet hæc Provincia 312.

Hætenus Suffexia, quæ cum Suthreia, Regnorum fuit sedes,
postea Australium Saxonum regnum, Saxonice *duð seaxan-pic*
dictum, quod anno trigesimo altero à Saxonum adventu inchoatum
ab Ælla, qui, ut habet Beda, *primus in gentis Anglorum regibus, cunctis au-
stralibus eorum provinciis qui Humbro fluvio; & contiguis ei terminis sequestran-
tur, imperavit.* Primus Rex Christianus erat Edilwalchus, Christo ba-
ptismo regeneratus, Wulphero Merciorum Rege præfente, qui illum
à sacro fonte suscepit, & in adoptionis signum duas provincias dona-
vit, Vectam scilicet Insulam, & Meanuarorum provinciam. Sed cum
trecentessimus sextus ab hujus regni initio agebatur annus, Aldinio
ultimo rege ab Ina occiso, in Occidentalium Saxonum potestatem om-
nino concessit.

CANTIVM.



AD Cantium nunc perveni, quam regionem licet GVILIELMVS LAMBAR-
DVS, vir insigni eruditione, & moribus sanctissimis ornatissimus, adeo graphi-
ce justo volumine descripserit, ut curiosa ejus felicitas paucula aliis reliquerit; pro
suscepti tamen operis ratione, eam quoque percurram, & ne sublesta, ut inquit
Comicus, fide me agere quis existimet, eum mihi fundum & fontem fuisse libens
merito hic agnosco.

Carton
corrupte
apud Dio-
dorum Si-
culum.

* Vnde
Canton in
arte He-
raldica
pro angu-
lo, & Hel-
vetiorum
pagi Can-
tones, qua-
si anguli à
Gallis di-
cti.

Nomine antiquo nondum tempus hanc regionem spoliavit, sed ut Cæsari, Straboni, Diodoro
Siculo, Ptolemaeo, & reliquis CANTIVM dictum fuerit, sic Saxonibus, teste Ninnio,
Can-tuan-lan-to, id est, Regio virorum Cantium incolentium, & nobis Kent. Hoc nomen à
Cainc, quæ Britannis frondem sonat, quia olim sylvis opaca fuerit, deducit Lambardus. Ego
vero (si conjecturam interponere liceat) cum ingenti angulo in ortum hic Britanniam excurrere
viderim, obseruavimque ejusmodi angulum in Scotia Cantir dici, incolas item alterius anguli,
in ea parte insule Cantas Ptolemaeo vocari, Canganos etiam in Vallia alterum angulum tenuisse
(ut taceam Cantabros, qui angulum etiam inter Celtiberos infederunt) qui ut unius originis,
unius ita lingua, cum nostris Britannis fuere; conjectarim à situ nomen inditum, eoque magis,
tum quod Galli nostri, * Canton pro angulo usurparint, & à veteri (ut probabile est) Gallo-
rum lingua; non enim è Germanica, vel Latina est, quæ cum illa vetusta, hujus recentioris
Gallici idiomatis sunt matrices: tum quod Angulus hic ager à veteribus omnibus Geographis di-
catur. Grandi etenim angulo Galliam prospectat, Tamisis estuario, & Oceano omni ex parte
circumfusus, nisi qua ad occidentem Solem Surreiam conterminam habet, & Southsexia partem
ad Meridiem.

KENT.



HÆc regio quam nunc Kent
vocamus est inæqualis, ad oc-
casum planior, & sylvis um-
brofa, ad ortum collibus mol-
liter surgentibus excelsior. In-
colæ, qua à Tamisi ad Au-
strum patet, in tres areas, sive
portiones (Gradus vocant) distinguunt, quarum
superiorem ad Tamisin salubrem, sed minus opu-
lentam esse ferunt, mediam, & salubrem, & opu-
lentam: inferiorem vero opulentam, sed insalu-
brem, * utpote quæ magna ex parte est uliginosa,
sed luxurianti gramine lætissima. Præterea tamen,
pascuis, arvisque ubique fere læta, pomis ad mi-
raculum abundans, nec non cerasis, quæ anno à
Roma condita DCLXXX in Italiam è Ponto
devecta, & vicesimo supra centesimum post an-
no in Britanniam translata, felicissime hic pro-
veniunt, multumque agri occupant, arboribus
in quincuncem, jucundissimo spectaculo dire-
ctis. Villas, & oppida habet frequentissima, sta-
tiones satis tutas, ferri venas nonnullas, sed æ-
rem crassiusculum ob halitus ex aquis evaporan-
tes. Incolis ea humanitatis laus, quam Cæsar
olim tribuit, etiamnum jure debetur; ut virtu-
tem bellicam taceam, quam tantam in Cantia-
nis fuisse Monachus quidam scripserit, ut in pro-
cinctu, exercitus frons illis tanquam triariis, me-
rito inter Anglos debeat. Quod etiam com-
probat in suo Polycratice Ioannes Sarisburi-
ensis, Ob egregiam, inquit virtutis meritum, quam potenter, &
patienter contra Danos exercuit Cantium nostrum, prima
cohortis honorem, & primos congressus hostium usque in
hodiernum diem in omnibus præliis obtinet. Quorum et-
iam in laudem scripsit Malmesburiensis, Gens ru-

stica, & urbana Cantii, plusquam ceteri Angli, antiquæ no-
bilitatis conscientiam adhuc spirat, & ad honorificentiam,
& hospitium cujuslibet pronior, & ad pulsandas injurias
ferior.

Cæsar, (ut paucula præfari liceat priusquam ad
loca accedam) cum primum insulam nostram
aggrederetur, in hac regione terram conscen-
dit, navibusque egredi à Britannis Cantianis
prohibitus, littore non sine gravi pugna potitus
est. Cum secundo etiam nos adiret, hic exer-
citus exposuit, Britannique cum equitatu &
essedis ad Sturum flumen animosè exceperunt,
sed à Romanis cito repulsi se in sylvas subduxerunt.
Inde cum equitatu Romano acriter prælio
in itinere conflixerunt, ita tamen ut Romani
omnibus partibus superiores fuerint, ac inter-
misso spatio rursus in Rom. impetum fecerunt,
per medios audacissime perruperunt, interfecto-
que Laberio Duro, militum Tribuno, incolum-
es se receperunt, posteroque die ad pabulato-
res advolarunt, &c. quæ superius è Cæsare per-
strinxi. Quo tempore Cantio præfuerunt Cyn-
getorix, Carvilius, Taximagulus & Segonax,
quos ille, ut reges devicisse videatur, Reges vo-
cat, cum tantum reguli fuerint, vel melioris no-
tæ nobiles. Constabilito Romanorum Imperio,
sub Præsede Britannæ Primæ censetur. Ora
vero maritima, quam LITTUS SAXONICVM
dixerunt, uti etiam littus oppositum à Rheno ad
Xanctones, præfectum habuit à Dioclesiani tem-
pore, quem Marcellinus Tractus maritimi Comitum,
Notitiarum liber Spectabilem virum littoris Saxonici
Comitem per Britanniam vocat, cujus munus erat,
præfidiis ad littus per opportuna loca dispositis,
barbarorum, sed in primis Saxonum qui graviter
Bri-

Julius Cæ-
sar.

Comes
littoris
Saxonici.

Liber No-
titiarum.

* Rurnney
Marsh.

Plin. lib.
15. c. 25.
Cerasa in
Britanni-
am trans-
lata circa
annum
Christi
48.

Militaris
Cantiano-
rum vir-
tus.

Britanniam infestant, deprædationes cohibere. Sub dispositione autem erat illustris Magistri peditum quem Præsentalem dixerunt, qui præter præsidia ad portus, in omnia momenta Victores Iuniores Britannicianos, Primanos Iuniores, & Secundanos Iuniores, (hæc sunt cohortium nomina) illi assignavit. Officium autem habuit hoc modo, *Principem ex officio magistri præsentalem à parte peditum. Numerarios duos, Commentariensem, Cornicularium, Adjutorem, Subadjuvum, Regerendarium, Exceptores singulares, &c.* Nec dubito, quin majores nostri hoc Romanorum institutum imitati fuerint, cum præfectum sive Limenarcham huic oræ præfecerint, quem *Quinque portuum Guardianum* vulgo vocitant, quia, ut Comes littoris Saxonici novem, ita quinque portubus præsit.

Guardia-
nus sive
Custos v
portuum.
Cantium
Saxonibus tradi-
tum.

Cum autem Romani à Britannia cessissent, Vortigernus qui maximæ Britannia parti cum imperio præfuit, Cantio Guorungum præfecit, id est, *Proregem*, sive *Libertum*, quo nesciente, hanc regionem (ut habent Ninnius, & Malmesburien- sis) statim Hengisto Saxoni, in gratiam Rowennæ, ejus filia quam misere deperibat, gratis concessit. Hinc primum Saxonum in Britannia regnum anno Christi cccc lvi constitutum, illis Cantapap- nyc, id est, *Cantianorum virorum regnum* dictum, quod post annos cccxx, Baldredo ultimo rege devicto, in occiduorum Saxonum potestatem devenit, quibus ad Normannorum usque imperium paruit. Tunc enim (si Thomæ Spotto Monacho credamus, vetustiorum enim nemo prodidit) Cantiani ad *Suanes-combe* (viculus est, ubi Suenum Danum olim castrametatum ferunt) ramos prætendentes ea lege Guilielmo Normanno se dediderunt, ut patrias consuetudines illæfas retinerent, illamque inprimis, quam *Gavelkind* nominant. Hac terræ, quæ eo nomine censetur, liberis masculis ex æquis partibus dividuntur, vel fœminis, si masculi non fuerint. Hac hæreditatem, cum xv annum attigerint, adeunt, & sine Domini consensu, cuilibet vel dando, vel vendendo alienare licet. Hac filii parentibus furti damnatis in id genus fundis succedunt, &c. ut vere, quamvis minus pure, in antiquo libro sit scriptum, *Dicit Cantii Comitatus quod in Comitatu isto de jure debet de ejusmodi gravamine esse liber, quia dicit quod Comitatus iste, ut residuum Angliæ, nunquam fuit conquestus, sed per pacem factam se reddidit Conquestoris dominatui, salvo sibi omnibus libertatibus suis & liberis consuetudinibus primo habitis & usitatis.* Deinceps Guilielmus victor, ut Cantium, quæ tanquam Angliæ clavis habetur, sibi firmiter retineret, Connestabilem Castro Doverensi, eundemque Limenarcham v portubus ex veteri Romanorum instituto præfecit, & Quinque portuum custodem nominavit. Hi sunt, *Hastings, Dover, Hith, Rumney, & Sandwich*, quibus *Wuinchelsey, & Rie*, ut præcipua, & alia oppidula ut membra adjunguntur. Quæ quia bello maritimo operam navare tenentur, immunitatibus gaudent multis & magnis; utique à subsidiorum pensitationibus, & lege pupillari quoad corpus sunt immunes, nec alibi quam in suis oppidis in jus vocantur; & ex incolis qui Baronum nomine gaudent, in Regum & Regina- rum Angliæ inaugurationibus Conopæa super eos sustentant, & à dextra Regis suam eo die ha-

Lord war-
den of the
five Ports.

Vid. pag.
178, in
Suffexia.

Britannia.

bent mensam instructam, &c. Ipseque Limenarcha, qui semper aliquis est à proceribus nostris fidei spectatissimæ, in sua jurisdictione Admiralli auctoritatem in plurimis, aliaque jura habet. Sed jam ad loca.

Septentrionalem hujus regionis partem Tamisis Britannicorum fluminum præcipuus, ut jam dixi, alluit, qui Surreiam prætergressus statim sinuoso flexu fere in se reductus, primum Depford videt navale notissimum, ubi regiae naves construuntur & quassæ reparantur; ibique armamentarium insigne & quasi * collegium in usum classis constitutum. Locus olim *Vest-Greenwich* vocabatur, & Gisleberto de Mamignot Normanno in Angliæ expugnatione obtigit, cujus è filio nepos Walkelinus castrum Doverense contra Stephanum Regem propugnavit, & filiam superstitem unicam reliquit, quæ fratre defuncto, suis nuptiis opulentam hæreditatem, dictam *Honorem de Mamignot* in Saionum familiam intulit.


Depford.
* Ho'y Tri-
nitie Horfe.
Mami-
guot.

Hinc Tamisis *Grenovicum* adit, vulgo *Greenewich*, id est, *Sinus viridis*, (fluminis enim sinus *Wic* Germanicè dicitur) Danicæ classis statione, & Danica in Ealphegum Archiepiscopum Cantuariensem (quem anno Christi cix xii exquisitis tormentis trucidarunt) immanitate olim notissimus. Cujus mortem cum causa sic descripsit, qui sub id tempus vixit Ditmarus Mersepurgius Libro Chron. octavo, *Percepi à relatu Seurvaldi factum miserabile, ac idcirco memorabile, quod perfida Northmannorum manus, Duce adhuc Thurkilo, Cantuarie civitatis egregium antistitem Ealphegum nomine, cum ceteris caperet, & vinculis & inedia ac ineffabili pœna, more suo nefando, constringeret. Hic humana motus fragilitate pecuniam eis promittit, & ad hanc impetrandam inducias posuit, ut si in his acceptabili redemptione mortem momentaneam evadere nequidisset, semetipsum gemitibus crebris interim purgaret, hostiam Domino vivam ad immolandum. Transactis tunc omnibus designatis temporibus, vorax piratarum Charybdis domini famulum evocat, & sibi promissum celeriter persolvi tributum minaciter postulat. Et ille, ut mitis agnus præsto sum, paratus ad omnia, quæ in me nunc presumitis facere, Christi amore, ut suorum merear fieri exemplum servorum. Non sum hodie turbatus. Quod vobis mendax videar, non mea voluntas, sed dira effecit egestas. Corpus hoc meum, quod in hoc exilio supra modum dilexi, vobis culpabile offero, & quod de eo faciatis, in vestra esse potestate cognosco: animam autem peccatricem creatori omnium, vos non respicientem, supplex committo. Talia loquentem prophætorum agmen vallavit, & diversa hunc ad interficiendum armâ congerit. Quod cum eorum dux Thurkil à longe vidisset, celeriter occurrens, ne quæso sic faciatis, inquit, aurum & argentum & omne quod hic habeo, vel ullo modo acquirere possum, excepta navî sola, ne in christum Domini peccetis, libente animo vobis omnibus trado. Tam dulci affatu infrenata sociorum ira, ferro & saxi durior, non mollitur, sed effuso innocenti sanguine placatur, quem communiter capitibus bouum & imbribus lapidum atque lignorum infusione protinus confundunt. Nunc vero Regiis ædibus celeberrimus est locus, quas Humfredus Dux Glocestrensis ædificavit, Placenciamque dixit: Henricus VII magnifice adauxit, Fraterculorum Mendicantium ædiculam adjunxit, & perfecit turrin illam quam inchoavit ille Dux Humfredus in edito colle, un-*

Greenewich.

Norman-
ni iidem
qui Dani.

B b b



Milliaria Anglica quorum quatuor unum constituunt Germanicum.

de in sinuosum flumen, & viridantia prata sub-
jecta patet prospectus perquam latissimus. Quæ-
que nunc auctior & ornatior plurimum novo
ejus incolæ Hearico Howard Northamptoniæ
Comiti se debere non potest non agnoscere. Sed
Greenwico huius longo maximum decus est nostra
ELIZABETHA, quæ hic felicissimis auspiciis
in lucem edita, universæ Britannia, imo univer-
so terrarum orbi tantam lucem regiae virtutis
splendore affudit, ut omni laude major satis ce-
lebrari non potuerit. Sed de Grenovico hæc etiam
Lelardi Antiquarii carmina percurrere:

Ecce ut jam niteat locus petitus
Tanquam sydereæ domus cathedra.
Quæ fastigia picta? quæ fenestra?
Quæ turres vel ad astra se efferentes?
Quæ porro viridaria, ac perennes
Fons? Flora sinum occupat venusta
Fudens delicias nitentis horti.
Rrum commodus æstimator ille,
Ipse qui variis modis amœna,
Lumen contulit eleganter aptum.

Nihil aliud habeo quod hic adnotem nisi (ut
benemerentium memoria per me non interci-
dat) quod Guilielmus Lambardus, vir ut sum-
ma doctrina, ita singulari pietate, ad sustentan-
do pauperes hic ædes extruxit, quas Collegium
Pauperum Regina Elizabetha nominavit. Huic à tergo
Elham. Elham secessus item regius adjacet, vix trium
milliarium hinc diverticulo, quam Antonius Bec-
cus Dunelmensis Episcopus, & Hierosolymitanus
Patriarcha extruxit, Æleonoræque Regina Ed-
wardi Primi uxori donavit, cum Vesciorum hære-
ditatem intervertisset, ad quos locus iste prius
spectavit. Episcopus enim ille, quem ultimus
Lib. Dunel-
menfis. Baro de Vescy fiduciarium hæredem sibi scripsit,
ut hæreditatem Guilielmo de Vescy filiolo illegi-
timo traderet, vix bona fide cum pupillo egisse
traditur.

Infra Grenovicum, Tamisis divulsis aggeribus
The breach. quam plurima terræ jugera oppressit, quo cum
annos jam plures, nonnulli immensis sumptibus
luctati, vix molibus agendis, adjacentes agros
contra irruentes undas tueri possunt. Provenit
hic copiose Cochlearia nostris Scurvygrasse, quam
Scurvy-
grasse. medicorum nonnulli Plinii Britannicam esse vo-
lunt, quo nomine ego illius jam memini, sed au-
di Plinium: In Germania trans Rhenum castris à Ger-
manico Casare promotis, maritimo tractu fons erat aque
Britanni-
ca herba. dulcis solus, qua pota, intra biennium dentes deciderent,
compagesque in genibus solverentur. Stomacem medici voca-
bant, & Sceletyrben ea mala. Reperta auxilio est herba
qua vocatur Britannica, non nervis modo & oris malis sa-
lutaris, sed contra anginas quoque & serpentes, &c. Frisii
qua castra erant, nostris demonstrare illam. Mirorque
nominis causam, nisi forte confines Oceano Britannia vel-
ut propinqua dicere. Aliam tamen & quidem pro-
babilioris nominis rationem adfert in suo No-
menclatore eruditissimus Hadrianus Iunius,
quem si placeat adeas, Britannica enim vocabu-
lum me à cursu hic deflexit.

Tamisis deinde ripis suis coarctatus Darentum
flumen obvium habet, qui è Suthreia demissus
leni alveo undas ducit haud procul à Seven-oke à
Sevenok. septem eximie magnitudinis quercubus, ut fe-
runt, denominatum, ad Otcan-pore, nunc Ot-

ford Danicæ stragis anno MXXVI consciam, Re-
giiisque ædibus superbam, quas Warhamus Ar-
chiepiscopus Cantuariensis tanta magnificentia
sibi, & suis successoribus construxit, ut ad amo-
liendam invidiam, cum Henrico Octavo com-
mutare necesse habuerit Cranmerus successor
proximus Lullingston, ubi castrum olim fuit sedes
familia nobilis ejusdem nominis, inferius Daren-
to apparuit, qui ad ostium Darenford, vulgo Dart-
ford, amplum & frequens forum suo nomini ad-
sciscit, sub quo Crecca rivulus una commiscetur;
ad cuius vadum Creccanford, nunc Creyford, Hen-
ricus Saxo octavo à Saxonum ingressu anno, sig-
na cum Britannis contulit, cæsisque ducibus,
tanta strage protrevit, ut ab illis nihil sibi dein-
ceps metuerit, & regnum in Cantio securus con-
stituerit.

A Darento ad Medweagi ostium nihil suscipit
Tamisis præter oppidula, quæ tacitus præterire,
nullum famæ rerumve dispendium. Inter ea pri-
mas tamen ferunt Graves-end, notum, si quod
Graves-
end. aliud Angliæ oppidum, utpote statio inter Can-
tium & Londinum, ubi utramque ripam propu-
gnaculis communivit Henricus Octavus. Huic
à tergo paulo interius adjacet Cobham, sedes jam
diu Baronum de Cobham, è quibus ultimus Ioan-
nes Cobham Collegium hic, & castrum ad Couling
fundavit, filiamque reliquit unicam uxorem Io-
annis de La-Pole Militis, quæ unicam etiam ge-
nuit filiam Ioannam pluribus enuptam. Peperit
autem illa solummodo Reginaldo Braybrok. Ma-
ritus vero tertius Ioannes de Oldcastle dum rebus
in religione innovandis studeret, suspensio &
igne periit. Reginaldi vero Braybrooke unica filia
Ioanna contraxit nuptias cum Thoma Brooke de
Comitatu Somersettensi, à quo nunc Sextus erat
Henricus Brooke Baro Cobham, qui, quod suis opta-
tis fortuna in omnibus non responderit, impo-
tentis animi effrænatione abreptus, fidem in
principem clementissimum exuit, extremique
supplicii sententiam subiit: superest tamen re-
gia clementiæ exemplar æternum.

A Graves-enda Ho regiuncula quasi Chersone-
sus inter Tamisin & Medweagum flumina inter-
sita hic longe in Ortum se emittit, situ minus sa-
lubri; in qua Cliffe oppidum satis amplum, à cli-
vo cui infidet ita nominatum. An tamen sit il-
lud Clives at Ho Synodo celebre in tenella eccle-
siæ Anglicanæ ætate cum aliis affirmare non au-
sim, cum ratione situs ad Synodum habendam
sit locus parum commodus, & illud Clives at Ho
in Merciorum regno fuisse videatur. Medwege
fluvius, nunc Medway (Britannice, nisi me veri-
tas fugit, Vaga, cui Med Saxones addiderunt) fon-
tes habet in Anderida sylvæ, quæ VVealde, id est,
Regio nemorosa dicta, & meridianam hujus agri
partem late occupat. Primum dum tenuis est
Pens-hurst præterfuit antiquæ familiae Sidneiorum
sedem, quæ à Guilielmo de Sidney Camerario Re-
gis Henrici Secundi genus repetit. E qua fuit
Henricus Sidneius celeberrimus ille Hiberniæ
Prorex, qui ex filia Ioannis Dudley Ducis Nort-
humbriæ Comitisque Warwici Philippum & Ro-
bertum progeniit. Robertum primum titulo
Baronis Sidney de Pens-hurst, postea Vicecomitis
Insule honoratissimum reddidit Rex noster Iaco-
bus.

Oxford.

Lulling-
ston.

Dartford.

Graves-
end.Barones
de Cob-
ham.Ho.
1603.
Ho.
Medwey.
Cliffe.

Weald.

Penshurst.
Sidney.Viceco-
mes Insu-
læ.Vide in
Barkshire.

Philippus
Sidney.

bus. Philippus autem mihi non sine piaculo tace-
cendus, qui magnun hujus familiæ sydus, ma-
gna spes hominum, expressissimum virtutis ex-
emplum, & literati orbis amor, acriter ad Zut-
phenum Geldriæ cum hoste congressus fortiter
occubuit. Hic ille Sydnæus est, quem ut Deus
ideo natum voluit, ut priscorum specimen no-
stro seculo ostenderet; ita ex improvise ad se ut
cælo quam terris digniorem revocavit, & no-
bis subduxit. Eripit utique se ex oculis subito
perfecta virtus, & optimi nequitiam diurnant.
Placide, si fas sit loqui, Sydnæe quiescas, nos te
non lachrimis, sed admiratione decorabimus.
Quicquid in te (ut de optimo illo Britannia Præ-
fide optimus scriptor loquitur) amavimus, quic-
quid mirati sumus, manet, mansurumque est in
animis hominum, in æternitate temporum, in
fama rerum. Multos velut inglorios & ignobiles
oblivio obruit, Sidneius posteritati narratus su-
perstes erit. Αἰεὶ enim, ut canit ille Græcus,
Κρείσσονες εἰσι μέγα.

Tunbridg.

Hinc Medway fl. Tunbridg respergit, ubi vetus est
castellum, quod Richardus de Clare construxit,
qui commutationis jure pro Brionio in Norman-
nia accepit. Ejus enim avus Godfredus natura-
lis Richardi Primi Ducis Normannia filius, Au-
censis, & Brionii Comes erat. Cum etenim
diu de Brionio disceptatum fuisset, Richardus,
ut scribit Guilielmus Gemiticensis, pro repetitione
ejusdem castri in Anglia accepit oppidum Tunbrige. Af-
ferunt enim * Leucam Brionii cum funiculo circumcirca
fuisse mensuratum & eodem fune in Angliam delato ad
Tunbrige tantundem spatii in metiendo recepisse. Ve-
runtamen Manerium, ut vocant, de Tunbrige ejus
successores Glocestria Comites clientelari jure
ab Archiepiscopis Cantuariensibus ea lege te-
nuerunt, ut Archiepiscoporum in inthronisatione
Senescalli, & eorum liberi ipsis in tute-
la essent. Inde Medway delabitur non procul à
Mereworth, ubi ædes instar castelli, quæ ab A-
rundelia Comitibus ad Nevillos Abergevennia &
Le Despenser Dominos devenerunt, quorum hæ-
res recta linea est Maria Fane, cui & hæredibus
Iacobus Rex primo quod tenuit Parlamento no-
men, stylum, titulum, honorem, & dignitatem Baronis-
sa Le Despenser restituit, dedit, & concessit &c. quodque
hæredes successive sint Barones Le Despenser in perpetuum.
Ad Maidston jam properat Medweagus, quam cum
Saxones Medwegston, & Medweagerston dixerint,
VAGNIACAS esse illas credo, quas Antoninus
memorat, & Ninnius in suo urbium catalogo,
Caer Megwad corrupte, pro Medweg vocat: nec
fane distantia ratio repugnat, hinc à Novioma-
go, inde à Durobrovi, de qua mox agemus. Sub
posterioribus Imperatoribus, ut in tabula Peute-
geriana nuper à M. Velfero edita videre est, MA-
DVS dicitur. Sic sensim volventibus annis sen-
sim immutantur nomina. Oppidum hoc est fre-
quens & cultum, magnaue longitudine exten-
tum. In medio Archiepiscoporum Cantuarien-
sium palatium, à Ioanne Vffort Archiepiscopo in-
choatum, & à Simone Islip absolutum habet; al-
ter item publicus totius hujus agri carcer hic
constituitur, immunitatesque plurimas Regina
ELIZABETHÆ fert acceptas, quæ Majorem sum-
mum magistratum instituit, pro Portgrevio, quem

Portgre-
vius.

Britannia.

prius habuit; quod adnoto, quia antiquum hoc
sit Saxonice vocabulum, & apud Germanos
etiamnum rectorem denotet, ut Markgrave, Rein-
grave, Landgrave, &c.

Hic sub Vagniacis, ab oriente Sole fluviolus
Medwegæ cōsociatur, qui ab Leneham surgit, quæ
Antonino, conjectura probabili, DVROLENVM
est, perperam in nonnullis exemplaribus DV-
ROLEVVM. Durolenum enim Lenum aquam Bri-
tannis sonat, & præter nominis reliquias, distan-
tia etiam à DVROVERNO & DVROBROVI, hoc
esse Durolenum comprobatur; ut taceam situm
ad viam Consulare Romanorum, quæ olim à
Dover (ut author est Higdenus Cestrensis) per
medium Cantium duxit.

In vicinia ad Bocton Malherb jam diu habitavit
nobilis familia VVottonorum, è qua nostra memo-
ria effloruit & Nicolaus VVotton Legum Doctor
qui Henrico Octavo, Edwardo Sexto, Maria &
Elizabethæ RRRR. à consiliis sanctioribus, no-
vies ad externos principes legatus, ter ad pacem
inter Anglos, Gallos & Scotos delegatus longum
vitæ stadium magna præ prudentiæ laude decur-
rit, & Edwardus VVotton ejus è fratre pronepos,
quem ob multiplicem rerum usum Elizabetha
Regina Aula Regiæ Censorem constituit, & Ia-
cobus R. Baronem VVotton de Merlay creavit.

Nec aliud oppositum habet hic fluviolus quod
memorem præter Leedes Castrum, quod fuit Cre-
vequerorum nobilium opus, qui in antiquis Char-
tis de Crevequer & Crepito corde nominantur. Postea
Bartholomæi Baronis de Badilfmer inauspicata e-
rat sedes, qui illud perfidiæ contra EDWARDVM
Secundum, à quo dono acceperat, communivit;
sed postea meritis perfidiæ pœnas suspendio sol-
vit. Rem totam, si placet, legas ex historiola
Thomæ De-La-More viri nobilis, qui eadem tem-
pestate vixit, quamque nuper in lucem edidi.
Anno MDCCCXXI venit Isabella Regina ad castrum de
Leedes circa festum Michaelis, atque ibi pernoctare vo-
luit, at vero non est permessa ingredi. Hac re Regis animo
offenso, ut in suum contemptum acta, convocatis vicinis
ex Essexia & Londino nonnullis Castrum iussit obsideri,
Castrum tenuit Bartholomæus de Badilfmer, in quo re-
lictæ uxore & filiis, ipse cum reliquis Baronibus ad res Hu-
gonum Despensers evitandas profectus fuerat. Interim
inclusis de salute desperantibus, Barones cum suis King-
ston usque pervenerunt rogantes per intermissos Episcopos
Cantuariensem, & Londinensem, & Comitem Pembro-
chia, ut obsidionem Rex solveret, polliciti se post proximum
Parlamentum Castrum Regi in manus tradituros. Rex
vero perpendens non posse diu obsessos resistere, exaspera-
tus eorum contumacia Baronum petitiones audire noluit:
quibus in alias partes conversis, postea non modico labore
Castro potitur, reliquis in eo repertis suspensis, uxorem cum
filiis ad Turrem Londinensem misit.

Sic Leno fluviolo recepto Medweagus per uber-
rima arva, & Allington castrum, ubi splendidas
ædes restauravit Th. VViat senior, Eques auratus
splendide doctus, decidens Ailesford pervenit, Sa-
xonice Eagleston, Henrico Huntingdonensi El-
stre, Ninnio Epifford, qui prodidit Britannice Saif-
senæg-baibail etiam dictum à Saxonibus ibi devi-
ctis, uti Anglesford alii eodem sensu vocarunt.
Guortimerus enim Britannus Guortigerni filius
Hengistum & Anglo-Saxones hic aggressus est;

Ccc

quos

Dorole-
num.
Leneham.

Bocton
Malherb.

Wotton
Baro.

Leedes
castle.
Creve-
quer fami-
lia.

Ailesford.

quos incompósitos, cum secundum impetum sustinere non possent, ita fugavit omnes, ut de illis actum fuisset; nisi Hengistus declinandi periculi gnarus, in Tanetum insulam se recepisset, donec invictus ille Britannorum impetus deferret, & integra subsidia è Germania advenirent. Ceciderunt hoc prælio duces partium, Catigernus Britannus, & Horsa Saxo, quorum hic ad *Horsted* non procul hinc sepultus loco nomen reliquit: ille magnifico elatus funere contumelatus creditur prope *Ailesford*, ubi quatuor illa vasta saxa erecta, aliis transversariis superimpositis ad formam Britannici ejus monumenti, quod *Stongheng* dicitur. Hoc enim imperitum vulgus à Catigerno *Keit coty house* hodie vocat. Nec tacendum in proxima *Boxley*, ubi Monasterium anno c13 c XLV posuit Guilielmus de *Ipre* Flandrensis Comes, Cantii monachis eo à *Clavalle* Burgundiæ translatis: & haud procul ab altera è regione ripa *Birling* sedet, Baronia olim *Maminotorum* deinde *Saiorum*, quorum tandem hæreditas per fœminas ad familias de *Clinton*, *Fienes*, & *Aulton* devenit.

Orientali *Medweagi* ripæ (cum prætervectus sit *Halling*, ubi ædes successoribus suis posuit *Hamo* de *Heath* Episcopus *Roffensis*, paulo superius vetusta civitas apponitur, Antonino DVROBRVS, DVRO-BRIVÆ & alibi rectius, DVRO-PROVÆ, vel DVROBROVÆ, Bedæ *Durobrevis*, & inclinante Romano imperio, ita temporis progressus hoc nomen contraxit, ut ROIBIS nominaretur, unde addito *Cearter* (quod à Latino *Castro* deflexum majoribus nostris civitatem, urbem, sive castrum significavit) hinc *Cearter* dicebatur, nobisque contractius nunc *Rocheſter*, & Latine *Roffa*, à *Rhoffo* quodam, ut conjectat *Beda*; sed pristini illius nominis *Durobrovis* aliquid in se retinere mihi videtur. Nec est cur quis dubitet de nomine, cum præter Itinerariam rationem, & Bedæ auctoritatem, *Durobrovis* in *Charta* foundationis Ecclesiæ Cathedralis expresse vocetur. Hoc tamen admoneo, in impressis Bedæ libri *sDarverum* legi, ubi in manuscriptis *Durobrovis* concipitur. In convalle sedet, muris male firmis ex parte cincta, *situ*, ut inquit *Malmesburienſis*, nimium angusta, unde olim Castellum potius quam urbs habebatur. Castellum enim *Cantuariorum* vocat *Beda*. Sed nunc ad occasum, orientem, & meridiem magnis tumet suburbiis. Casibus defuncta est non paucis. Anno Christi DCLXXVI ab *Æthelredo* Mercio prostrata, & deinde à *Danis* sæpius direpta. Templum magnificum erexit *Æthelbertus* Rex Cantii, quod & dignitate Episcopali illustravit; Iusto primo episcopo designato: verum cum hoc vetustati cederet, *Gundulphus* circa annum MLXXX restauravit, & presbyteris expulsis monachos induxit, quibus jam ejectis, Decanus, VI Præbendarii, & Scholastici sunt subrogati. Iuxta templum flumini impendit castrum opere, & situ satis munitum, quod *Odonem* Episcopum *Bajocensem*, & Cantii Comitem extruxisse fama refert. Verum *Guilielmus* Primus proculdubio construxit. Legitur enim in libro *Domesday*, Episcopus de *Rocheſter* tenet in *Elesforde* pro escambio terra in quo castellum sedet. Certum tamen est *Odonem* Episcopum, cum ex

ancipiti rerum mutatione penderet, hoc contra *Guilielmum* Rufum tenuisse, & tandem rerum necessariorum inopia coactum, non tantum castrum tradidisse, sed etiam de gradu dejectum solum vertisse. Verum de restauratione hujus castri habet ex *Textu Roffensi*, Cum Rex *Guilielmus Secundus* confirmare nolisset donum *Lanfranci* de *Manerio* de *Hedenham* in Comitatu *Buckingham*, factum ecclesiæ *Roffensi*, nisi *Lanfrancus* & *Gundulphus* Episcopus *Roffensis* darent Regi 100 libras denariorum. Tandem interventu *Roberti filii Hammonis*, *Henrici* Comitis *VVarwici* Rex concessit quatenus pro pecunia, quam pro concessione *Manerii* exigebat, ut Episcopus *Gundulphus* quia in opere cementario plurimum sciens & efficax erat, Castrum Regi *Roffensi* lapideum de suo construeret. Tandem agre consentientibus episcopis coram Rege, *Gundulphus* Episcopus castrum de suo integro totum custamine fecit. Pauloque post Rex *Henricus Primus*, Ecclesiæ *Cantuariensi*, & Archiepiscopis ejus custodiam, & Constabulationem in posterum possidendam concessit, ut habet *Florentius Wigornienſis*, & in eodem turrem sibi construendi licentiam. Ex quo tempore una, & altera obsidione fatigatum fuit, sed tum maxime, cum Barones armorum strepitu totam Angliam concuterent, & *Simon de Monteforti* acerrime, sed frustra oppugnaret, pontemque sublicium rescinderet. Pro quo saxum arcuato opere spectatissimum è Gallorum manibus substruxerunt postea *Ioannes Cobham*, & *Robertus Knowles*, qui ab infimo gradu ad summum honoris fastigium bellica virtute conscendit. Sub hoc ponte *Medweagus* violentus, & torrens æstuat, & eluctatur, statimque sedatior navale se exhibet classi omnium quas Sol vidit bellico apparatu instructissimæ, & in omnia momenta paratissimæ, quam Serenissima nuper Regina *Elizabetha* ad suorum tutelam & hostium terrorem maximis impensis ædificavit, ad eamque defendendam propugnaculum in ripa apponit.

Nunc *Medweagus* lætior, & latior crispantibus undis spectatu amœnissimus fecundos agros subluit, donec *Shepey* insulæ objectu divisus (quam *Ptolemæi* *TOLIATIN* esse suspicamus) duobus in *Tamisis* æstuarium ostiis infertur, quorum occidentale *VWest-fwale*: orientale, quod *Shepeiam* à continenti abscidisse videtur *East-fwale* dicitur, *Bedæ* autem *Genlad*, & *Yenlett*. Hæc ab ovibus, quarum greges numerosos pascit, *Shepey*, id est, *Ovium insula* à majoribus nostris dicta, frugum ubertate singulari, sed sylvis indiga, XXI milliaria in ambitu colligit. Ad littus Septentrionale Monasteriolum, *Minster* nunc vocant, habuit, à *Sexburga* *Ercomberti* Cantiani Regis uxore anno DCCX constructum, sub quo nuper *Brabantus* quidam è saxis littore repertis bitumen & calcanthum fornacibus excoquere coepit. Castellum ad Occasum præterdit elegantissimum & munitissimum, quod Rex *Edwardus Tertius* posuit, ut ipse scribit, *situ amœno*, ad terrorem hostium, & solatium populi, cui *Burgum* adjunxit, & in honorem *Philippæ Hannoniæ* Reginæ *Queenborough*, id est *Reginæ Burgus*, appellavit. Cui nunc *Constabularius* præest *D. Edwardus Hobeius* mihi observandus, qui illustre ingenium eruditis studiis inprimis excoluit. Ad Ortum *Shurland* sedet, olim

Horsted.
Catigerni
sepulchrum.

Boxley.

Birling.

Halling.
Durobrevis. In Tabula antiqua *Welſero* edita *Roibis*.
Rocheſter.
Cæſter
quid.

Textus
Roffensis
antiquus
ejus ecclesiæ
liber M. S.

Canolius
Gallis dicitur.

Classis
Regia.

Vpnores.

Toliatin
insula.

Shepey.

Minster

Queenborough.

Shurland.

Milton.
Sittingborn.
Tonge.
Familia
de *Badilſmer*.

Feverſham.

Putei in
Cantio
cur facti.

Reculuer.
Regul-
bium.

Shurland. olim *Cbeineiorum*, nunc Philippi Herberti filii secundogeniti Henrici Comitis Penbrochiæ, quem uno eodemque die Baronem Herbert de Shurland, & Montis-Gomerici Comitem Rex Iacobus creavit.

Milton. Pertinet hæc insula ad Centuriam de Midleton, à Midleton oppido denominatam, quod nunc Milton. Villa olim hæc Regia, & longe majoris quam hodie famæ, etsi Hastings Danicus pirata ut officeret, castrum in proximo an. DCCCXCIII firmaverit. *Sittingburne* diverforiis refertum, & Tong castrum reliquæ in vicinia cernuntur, quæ sedes fuit antiqua Guncellini de *Badilsmere*, viri magnæ nobilitatis, cujus filius Bartholomæus Guncellinum genuit, qui ex hærede Radulphi Fitz Bernard, Domini de *Kingsdowne*, Bartholomæum procreavit illum seditiosum, de quo dixi, qui ex Margareta Clara suscepit *Ægidium* sine sobole demortuum, Margeriam Guilielmi Roos de *Hamlak*, Matildem Ioannis *Ver* Comitis Oxoniæ, Elizabetham Guil: *Bobun* Comitis Northantoniæ, posteaque Edmundi de *Mortuomari*, & Margaretam Ioannis *Tiptoft* conjuges, à quibus principum & procerum pulcherrima fuit propagatio.

Feversham. *Feversham* inde vidimus situ percommodo, uberrima enim hujus regionis pars circumjacet, & sinum ad res invehendas & evehendas habet opportunum, unde inter vicina oppida hodie imprimis floret. Olim etiam floruisse videtur, cum hic prudentum regni conventum egerit Rex *Æthelstanus*, legesque condiderit anno reparatae Salutis DCCCCIII, Stephanusque ille qui regnum Angliæ sibi usurpavit, Cluniacensibus monasterium posuerit, in quo ipse, uxor Matildis, & Eustachius filius fuere contumulati. Iuxta, ut alibi per hunc agrum, hinc inde putei magnæ profunditatis reperiuntur, qui ore angusto, sed inferius capaci spatio, distinctas habent quasi cameras, cum suis è creta columnis. De his variæ feruntur opiniones. Ego autem nihil quod opiner, habeo, nisi putei illi fuerint, è quibus cretam albam ad stercorendos agros effoderunt olim Britanni, ut docet Plinius. In centenos enim, ut inquit ille, pedes puteos egerunt ore angustatos, sed intus spatiantes, cujusmodi hi ipsi sunt quos dicimus; nec alibi sane quam in cretaceo solo inveniuntur. Nisi quis existimet, quod Anglo-Saxones in eundem usum, in quem Germani, à quibus orti sunt, ejusmodi specus defoderunt. Solebant enim illi, ut author est Tacitus, subterraneos specus aperire, eosque insuper multo fimo onerare, suffugium hyemi & receptaculum frugibus, quia rigorem frigorum ejusmodi locis molliunt: & si quando hostis advenit, aperta populatur; abdita autem & defossa aut ignorantur, aut eo ipso fallunt quod querenda sunt.

Reculuer. Inde aperto littore, quod cochleis & ostreis Regul- bium. fecundum, ostreorumque frequens vivariis, *Reculuer* cernitur, Saxonice, *Reaculr*, sed Romanis olim & Britannis REGVLBIVM, ut Notitiarum libro vocatur, qui Tribunum cohortis Primæ Vetrarum in excubiis hic sub littoris Saxonici Comite (sic enim tunc temporis Maritima hoc tractu ora vocabatur) egisse memorat; & hanc sane suam antiquitatem effossis Imperat. Roman. nummis testatur. *Æthelbertus* Rex Cantii cum Cantuariam Monacho Augustino

concessisset, in hac sibi palatium extruxit, *Basso* Saxo monasterio ornavit, è quo Brightwaldus octavus Cantuariensis ecclesiæ Archiepiscopus evocatus erat. Hinc *Raculf-minster* etiam à monasterio dictum fuit, cum Edredus Edmundi senioris frater ecclesiæ Christi Cantuariæ donaret. Hodie vero nihil aliud est, quam viculus rusticus, & si quid nominis habet, ex monasterio illo habet, cujus sacræ turres Pyramidales usui sunt navigantibus, ad tænas quasdam, & breviam in Tamisio ostio evitanda. Ut enim canit ille in Philippeide:

*Cernit oloriferum Tamisim sua Doridi amara
Flumina miscentem.*

Nunc ad *Tanet* insulam devenimus, quam tenui intercurrente alveo, à continente determinat *Stoure* fl. Bedæ *VWantsum*, qui duobus in sylvestri regione, quam *The VVeald* vocant, disparatis fluviois coalescens, quam primum solidus fertur, *Ashford* & *VVy*, emporiola nota invisit. Quorum utrumque sua habuit sacerdotum Collegia, hoc à Ioanne *Kemp* Archiepiscopo Cantuariensi, qui hic natus; illud à R. *Foggo* Equite aurato constructum, & *VVe* etiam suum fontem habuit: in quem mirificam gratiam precibus cujusdam Normanni Monachi infudit Deus, si credamus Rogero de *Hoveden*, quem adeas si admiranda te delectant. Inde *Chilham*, sive ut alii vocant *Iulham*, ubi castrum antiqui rudetum est, quod Fulbertus quidam de *Dover* construxisse memoratur, cujus stirps mascula cito desit in sœmina hærede, quam in matrimonium cum hoc castro & latifundiis accepit Richardus Regis Ioannis filius naturalis, illique natae duæ filiae, Lora uxor Guilielmi *Marmion*, & Isabella uxor Davidis de *Strathbolgy* Comitis Atholiæ in Scotia, materque illius Ioannis Comitis Atholiæ qui majestatis sœpius læsæ damnatus, tandem ut tanto esset conspectior quanto genere nobilior, patibulo quinquaginta pedum alto Londini suspensus, semivivus capite truncatus, corporisque truncus immani nimis & raro apud nos suplicii genere in ignem projectus. Bonis autem in fiscum redactis, Rex Edwardus Primus hoc castrum cum Centuria de *Felebergh* Bartholomæo de *Badilsmere* munifice donavit, qui ab iisdem statim ob proditionem, ut modo memini, itidem excidit.

Constans fama apud incolas est, Iulium Cæsarem in secunda contra Britannos expeditione hic castrametatum fuisse, & inde *Iulham*, id est, *Iulii statio*, vel *domus* dictum: & ab illis, nisi me fallo, facit ipsa veritas. Prodit enim Cæsar ipse, cum noctu à littore XI millia pass. confecisset, ad flumen primum cum Britannis confluisse, ibique cum eos in sylvas coniecisset, castra munivisse: ubi crebris arboribus succisis locum egregie natura, & opera munitum habuerunt Britanni. Hic enim locus XI à littore mill. exacte abest, nec aliud est interpositum flumen, ut necesse fuerit, ad hunc castris primis pervenisse: in quibus decem etiam dies suos continuit, dum classem tempestate afflictam reficeret, & subduceret. Sub hoc oppido tumulus viridanti cespite vestitus ostenditur, quo conditum multis retro ante seculis *Iul-laber* ferunt, quem alii Gigantem, alii veneficam fuisse somniant. Ego vero, cum ali-

Ccc 2 quid

Stoure fl.

Pag. 457.
Chilham.

Fulbertus
de Dover.

1306.

Textus
Riffensis
antiquus
ejus ec-
clesiæ li-
ber m. s.

* Canolius
Gallis di-
citur.

Classis
Regia.

Vpnoe.

Tolatis
insula.

Shepey.

Minster

Queen-
borough.

Laberius
Durus
Trib.

quid antiquæ memoriæ eo nomine latere existi-
marim, propemodum mihi persuaferim Labe-
rium Durum Tribunum militum hic situm,
quem interfecerunt Britanni in itinere ab illis,
quæ dixi, castris, & inde *Iul-laber* tumulum di-
ctum fuisse.

Durover-
num.

Quinto hinc milliari *Stour* diviso alveo, D V-
ROVERNVM primariam hujus provinciæ urbem
rapide alluit, nomenque fecit. *Durwern* enim flu-
vium rapidum Britannis denotat. Ptolemæo pro
Duroverno D A R V E R N V M, Bedæ & aliis D O-
ROBERNIA, Saxonibus Cant-parabyrig, id

Canter-
bury.

est, *Urbs populi Cantiani*, Ninnio, & Britannis *Caer
Kent*, id est, *Urbs Cantii*, nobis *Canterbury*, Latinis
Cantuaria dicitur. Urbs pervetusta, Romanoque
sæculo proculdubio illustris, Nec adeo magna (ut
inquit Malmesburiensis) nec exiliter parva, quæ
terra positione, soli affinis maxima ubertate, & integro
murorum ambitu, fluvii irrigua, nemorum opportunitate
inclita, præterea maris vicinitate piscium fecunda. Hep-
tarchia Saxonica efflorescente, regni Cantii cap-
put, & sedes Regia fuit, donec Ethelbertus Rex
eam cum jure Regali Augustino & Archiepiscopo
gentis Anglorum consecrato elargitus esset, qui
habitationem sibi & successoribus hic constituit.
Et licet Metropolitica dignitas cum pallii hono-
re (indumentum erat illud Pontificum superhu-
merale ex pelle ovilla, in memoriam ejus qui
oberrantem ovem quæsit, & inventam hume-
ris superposuit, crucibus intextum, & de corpo-
re S. Petri desumptum) Londini à S. Gregorio
PP. fuerit constituta; in Augustini tamen hono-
rem huc fuit translata. Scribit enim ad Leo-
nem PP. Kenulfus Rex Merciorum, *Quia beata*

Augusti-
nus An-
glorum
Aposto-
lus.
Pallium
quid.

Anno 793.

*memoria Augustinus qui verbum Dei Anglorum genti mi-
nistrabat, & gloriosissime præfuit Ecclesiis Saxonia in ci-
vitate Dorobernia diem obiit, & corpus illius in Basilica
B. Petri Apostolorum principis (quam successor ejus Lau-
rentius sacravit) conditum fuisset: visum est cunctis gen-
tis nostræ sapientibus, quatenus, illi civitati Metropolitana
honor haberetur, ubi ejus corpus tumulo conditum est
qui his partibus fidei veritatem inseruit. Verum sive
Archiepiscopalis sedes & Metropolitica digni-
tas gentis nostræ sapientum autoritate, id est,
Parlamentaria, ut ad nostra tempora loquar; sive
ab ipso Augustino dum in vivis erat, ut alii vo-
lunt, hic instituta fuerit; Pontifices Romani qui
proxime sequuti sunt, ita stabilierunt, ut ab ea
divelli nefas anathemate & gehennali igne luendum
decreverint. Iam inde incredibile est, quantum
floruit cum Archiepiscopali dignitate, tum me-
liorum literarum schola, quam Theodorus sep-
timus Archiepiscopus instituit: & quamvis Da-
nico bello conquassata, & fortuitis incendiis ma-
gna ex parte subinde absumpta, semper tamen
renata est splendidior.*

A Normannorum ingressu, cum Guilielmus
Rufus, ut est in Tabulariis Monasterii S. Augu-
stini, *Dedisset civitatem Cantuaria Episcopis ex solido,
quam tenuissent antea ex beneficio, religionis nomine,
& præfulum benignitate, inprimis Simonis Sud-
bury, qui mœnia restauravit, non modo respira-
vit, sed eo splendoris quasi subito accrevit, ut
privatorum ædificiorum pulchritudine omnes
Britanniæ civitates adæquarit, sacrarum vero
ædium magnifica structura, & frequentia cele-*

berrimas quasque superarit. Inter has duæ ma-
xime enituerunt, Christi scilicet, & S. Augusti-
ni, utrumque Benedictinis monachis oppletum:
Christi autem templum in medio quasi urbis si-
nu, tanta majestate se in cœlum erigit, ut procul
etiam intuentibus religionem incutiat. Augu-
stinus ille, quem dixi, hoc Romanorum fidelium
opere, ut author est Beda, antiquitus factum re-
cuperavit, Christo sacravit, sedesque successoribus
fuit, in qua septuaginta tres jam perpetua
serie sederunt Archiepiscopi. E quibus Lanfran-
cus & Guilielmus Corboyl superiorem Ecclesiæ
partem, & qui successerunt, inferiorem, quum
illud vetustius opus incendio concidisset, ad eam
quæ nunc cernitur amplitudinem maximis im-
pensis, quas superioribus sæculis pia superstitione
suggerit, perduxerunt. Plurimi enim summi,
medii, infimi confertim huc cum amplissimis do-
nariis, ad visendum Thomæ Beckettii Archiepis-
copi tumulum confluxerunt. Qui ab aulicis hoc
in templo trucidatus, quod se Regi pro libertate
Ecclesiastica asserenda pervicaci animo oppo-
suisset, à Pontifice Romano in Martyrum album
relatus, divino honore colebatur, tantisque mu-
neribus onerabatur, ut thecæ, in qua condita
fuerunt ejus reliquiæ, vilissima pars aurum fue-
rit. *Gemmis raris, ut inquit, qui vidit, Erasmus,
& prægrandibus collucebant, nitebant, fulgurabant omnia,
templum etiam univrsum plusquam Regis opibus undi-
que luxuriavit,* Christique nomine quasi oblitera-
to, in S. Thomæ transiit. Nec ulla alia re æque
celebratum fuit, ac hujus memoria, ac sepultura;
licet aliorum sepulchra non immerito jactet
inprimis Edwardi Principis Walliæ cognomento
Nigri, herois bellica laude ad miraculum præstan-
tissimi, & Henrici III Regis Angliæ potentissi-
mi. Verum tot sæculis accumulatas opes Hen-
ricus Octavus disperfit, monachosque dispulit:
pro quibus in hoc Christi templo Decanus, Ar-
chidiaconus, Præbendarii XII, & verbi divini
sex præcones sunt collocati, qui verbum divi-
num in circumvicinis locis disseminant. Alterum
templum hujus pertinacissime æmulum sub ur-
bem ad Orientem sedem habuit, S. Augustini
nomine notum, quod ipse Augustinus, & Ethel-
bertus Rex ejus hortatu Petro & Paulo posue-
runt, ut sepultura esset, tum Regum Cantii, tum
etiam Archiepiscoporum, (nondum enim in ur-
be sepelire fas erat) maximisque opibus locuple-
tarunt, concessa Abbati officina monetaria, cum
jure pecuniam signandi. Nunc vero maxima
parte suis ruinis involuta, reliqua in ædes regias
conversa, quantum fuerit intuentibus facile
ostendit. Ipse vero Augustinus in ejusdem por-
ticu sepultus erat, cum hoc, ut testatur Thomas
Spot, epitaphio:

*Inclitus Anglorum præsul pius, & decus altum,
Hic Augustinus requiescit corpore sanctus.*

Sed ut Beda habet, cui potior habenda fides,
cum hac inscriptione multo vetustiori,

HIC REQUIESCIT DOMINVS AVGVSTI-
NVSDOROVERNENSIS ARCHIEPISCOPIVS
PRIMVS, QVI OLIM HVC A BEATO GRE-
GORIO ROMANÆ VRBIS PONTIFICE DI-
RECTVS, ET A DEO OPERATIONE MIRA-
CVLO-

S. Augu-
stini, vul-
go S. Au-
gustini.

CVLORVM SVFFVLTVS, ET ETHELBER-
THVM REGEM AC GENTEM ILLIVS AB
IDOLORVM CVLTV AD FIDEM CHRISTI
PERDVXIT, ET COMPLETIS IN PACE DIE-
BVS OFFICII SVIDEFVNCTVS EST SEPTI-
MO KALENDAS JVNIAS, EODEM REGE
REGNANTE.

Unà cum illo in eadem porticu consepulti
erant sex proxime succedentes Archiepiscopi, &
in horum septem memoriam, scilicet Augustini,
Laurentii, Melliti, Iusti, Honorii, Deus dedit,
& Theodosii, hi versiculi marmore insculpti.
SEPTEM SVNT ANGLI PRIMATES ET PROTOPATRES,
SEPTEM RECTORES, SEPTEM COELOQVE TRIONES;
SEPTEM CISTERNÆ VITÆ, SEPTEMQVE LVCERNÆ;
ET SEPTEM PALMÆ REGNI, SEPTEMQVE CORONÆ,
SEPTEM SVNT STELLÆ, QVAS HÆC TENET AREA
CELLÆ.

Nihil attinet de altera ecclesia, huic vicina,
dicere, quæ, ut habet Beda, à Romanis condita
fuit, Martinoque sacrata, in qua ante Augustini
adventum Bertha è regia Francorum stirpe E-
thelberti uxor Christianis sacris interesse sole-
bat. De castro ad Australe urbis latus fatiscen-
tibus nunc propugnaculis, cum non admodum
magnam præ se ferat antiquitatem, nihil occur-
rit, quod memoria dignum, nisi à Normannis
constructum fuisse. De sedis Cantuariensis di-
gnitate, quæ olim longe amplissima fuit, nihil di-
cam, nisi ut superioribus seculis in Romana hie-
rarchia, Archiepiscopi Cantuarienses totius
Britanniæ Primates, Pontificis Romani Legati,
& veluti alterius, ut dixit Urbanus II, orbis Pa-
triarchæ erant: sic cum fugata esset Pontificum
authoritas, in Synodo, anno CIO D XXXIIII,
decretum, ut illo titulo deposito, *Primates*, &
Metropolitani totius Angliæ dicerentur. Quam di-
gnitatem nuper gessit Reverendissimus in Chri-
sto pater, D. Ioannes *VWhitgift*, qui & Deo vitam,
& Ecclesiæ operam omnem sancte consecrav-
it, maximoque bonorum omnium desiderio anno
C I D C I I I I, in Christo obdormivit, cui
Richardus *Bancroft*, vir in Rep. Ecclesiastica con-
stabilienda præstanti & animi, & consilii magni-
tudine datus successor. Cæterum Polus Borealis
supra Cantuariæ Horizontem grad. LI, scrup.
xvi attollitur, Longitudo vero XXI I I partib.
LI scrup. definitur.

Primas &
Metropo-
litanus to-
tius An-
gliæ.

Hacking-
ton.

S. Ste-
phens.

Stour jam aquis in unum collectis *Hackington*
præterfluit, ubi Lora Leicestriæ Comitissa fœ-
mina eo seculo longe honoratissima, animo à
voluptatibus avocato se ab omni hominum cœtu
reclusit, ut Deo soli vacaret. Quo tempore Bal-
dwinus Cantuariensis Archiepiscopus Ecclesiam
hic S. Stephano, & Thomæ Cantuariensi in-
choavit; sed Romani Pontificis autoritate
prohibitus, ne fraudi ea esset monachis Cantu-
ariensibus, destitit. Loco tamen jam inde Ste-
phani nomen permanfit, Rogerusque *Manwood*
Eques auratus *Baro Scaccarii* primarius, in muni-
cipali nostro jure, doctrinæ exquisitæ, cujus be-
neficentiæ egeni incolæ multum debent, maxi-
mo nuper fuit ornamento: nec minori hodie est
filius ejus Petrus *Manwood* Eques Baltei auratus,
de quo, cum virtutem colat, literas, literatos-
que foveat, non possum nisi cum honore memi-
nere.

Britannia.

nisse. Deinde *Stour* per *Fordich* (qui parvus *Burgus* *Fordich*.
de *Forewich* Guilielmi Primi libro dicitur) laudatis
trutis insignem ad *Sturemouth* fertur; ubi duo iti-
nera dispensatis aquis sibi aperit, nomenque re-
linquens, *Wantsume* dicitur, Thanaton ab Occasu
& Austro insulam faciens, ab alijs enim partibus
Oceano abluitur. Hanc Solinus ATHANATON, &
THANATON alijs exemplaribus dixit, Britanni *Inis*
Rubin (teste Asferio) fortasse pro *Rhutupin* ab urbe
Rhutupina adjacente, Saxones *Tanet*, & *Ta-*
netlano, nos *Tenet*. Terra tota est ex creta al-
bicanti, frumentariis campis fœlix, & uberi gle-
ba, octo mill. in longitudine extenditur, qua-
tuor in latitudine patet, familiarumque olim
sexcentarum habebatur, pro quo in Beda men-
dosc legitur *milliarium sexcentorum*. Quod vero So-
linus nullo serpi angue hanc insulam scribat, &
terram hinc asportatam augues necare, jam fal-
sum deprehenditur. Proinde Etymologia illa
don & pœdita, id est, à serpentium morte deducta
plane labascit. Hic primam excensionem fece-
runt Saxones, hic sedes permittente Vortiger-
no primum fixerunt, hic illis perfugium, hic ma-
gnas eorum strages edidit Guortimerus Britan-
nus, cum ad *Lapidem tituli* (sic in Ninnio vocatur
locus, quem *Stonar* eo fere sensu nunc vocamus,
& portum fuisse constat) præcipitata fuga in
myoparones coegerit. Quo etiam loco (inquit
ille) iussit se sepeliri, ad compescendos, ut exi-
stimavit, Saxonum furores; quemadmodum
Scipio Africanus, qui ita sibi sepulchrum statui
præcepit, ut Africam prospectaret, ratus vel
hoc etiam Pœnis terrori futurum. Hic etiam ad
VVippedfleete, à Wippedo Saxone interfecto sic
dictum, Britannos multis præliis attritos fudit
Hengistus. Augustinus multis post annis in hanc
terram conscendit, cujus benedictioni regionis
fecunditatem ascripserunt sacerdotes creduli,
Monachusque Gotcelinus exclamavit, *Fœlix tel-*
lus Tanet, sua fecunditate, sed fœlicissima tot dei fero-
rum advenarum, imo tot civium supernorum hospitio. Eg-
bertus Rex Cantianorum tertius, ut Domnevam
matronam, quam injuriis prius oneraverat, de-
liniret, latifundium hic concessit, in quo illa Lxx
virginibus velatis monasterium posuit, cui præ-
fuit Mildreda ob sanctitatem inter sanctas rela-
ta, & Reges Cantii plurimâ contulerunt, sed in-
primis Withredus, qui, ut morem ejus ævi ad-
notem ex ipsius Donatione, ad cumulum confirmati-
onis cespitem terræ, quam donavit, super sanctum alta-
re posuit. Postea Danorum direptionibus ita hæc
insula fuit afflicta, qui hoc Domnevæ monaste-
rium omni crudelitatis genere polluerunt, ut
non ante pacata Normannici imperii tempora
refloruerit.

Thanatos
insula.
Tenet.
Quæ An-
glice An-
thide & ex
100 con-
stitit, ut
credetur,
Acis, La-
tine olim
Familia,
Manfa &
Manens
dicta fuit.

Lapis ti-
tuli.

596.

Minster.

Diligentia
singularis.

Neque hic tacendum, quod in singularem in-
colarum laudem cedit, præcipue eorum qui jux-
ta stationes *Margat*, *Ramsgate*, & *Brodsteat* habi-
tant. Sunt enim viri summe industrii, qui quasi
amphibii, & mari & terra victum quarunt, cum
utroque elemento rationem habent, & piscato-
res & aratores, & agricolæ & nautæ; quique
stivam in agro sulcando, iidem clavum in navi-
gando tenent. Pro ratione anni retia nectunt
• asellos, haleces, scombros, &c. piscantur, na-
vigant, merces exportant: iidem agros sterco-
rant,

* Codde.

D d d

rant, arant, feminant, occant, fruges demerunt, & recondunt, in utrumque instructissimi, sic illis labor in orbem agitur. Cumque subinde hic naufragia fiant, objacent enim littori formidolosa illa navigantibus vada, & * pulvini, quæ *The Godwin*, (de quo suo loco in insulis) *The Brakes*, *The four foot*, *The Whitdick*, &c. vocitant; strenuam in mercibus recuperandis operam navare solent.

* *Shelvet.*Thutupia.
Portus.
Trutulen-
sis.
Richborow.

Ad Australe *Vantsumi* ostium, quod alveum mutasse credunt, è regione insulæ apposita fuit urbs, quæ Ptolemæo *RHUTUPIÆ*, Tacito *PORTVS TRVTVLENSIS*, pro *Rhutupensis*, si B. Rhenanus nos non fallit, Antonino *RHUTUPIS PORTVS*, Ammiano *RHUTUPIÆ STATIO*, Orofio *RHUTUPI portus & civitas*, Anglis, teste Beda, *Reptacester*, aliis *Ruptimuth*, Alfredo Beverlacensi *Richberge*, hodie *Richborow*; sic in uno eodemque nomen variando lusit tempus. Vnde hoc enatum nomen in confesso non est. Veruntamen cum à fabulo loca huic vicina *Sandwich*, & *Sandibay* denominentur: & *Rhyd Tufith* Britannice *Vadum fabulosum* sonet, inde, si auderem, libenter deducerem. In dejectu collis urbs exporrecta videbatur. Arx editiori loco Oceano imminerebat, qui ita jam arenis invecitis excluditur, ut à milliari vix eam salutet. Longe celeberrima fuit Romanis rerum potentibus. Hinc è Britannia in continentem frequens trajectus, ad hanc Romanæ classes appulerunt; Lupicinus à Constantio in Britanniam ad coercendas Scotorum & Pictorum excursiones missus, Herulos, Batavos, & Mæficorum numeros hic exposuit. Theodosius etiam Theodosii Augusti pater (cui statuas, testante Symmacho, equestres ob Britanniam pacatam Senatorius ordo decrevit) cum suis Herculis, Ioviis, Victoribus, Fidentibus (hæ Romanorum erant cohortes) huc delatus est. Postea cum Saxones piratæ sublatis commerciis maria bello intercluderent, & littora nostra crebris latrocinis infestarent, Legio Secunda Augusta, quæ à Claudio Imperatore è Germania traducta, plurimos annos Iscæ Silurum in Wallia confederat, huc translata, præpositumque suum hic habuit sub Comite littoris Saxonici. Quam præposituram fortasse gessit Clemens ille Maximus, qui in Britannia à militibus Imperator salutatus Gratianum interfecit, & postea Aquileiæ à Theodosio occisus. Hunc enim Ausonius *Rhutupinum* latronem in his versiculis de Aquileia dixit,

Clemens
Maximus.

*Maximus armigeri quondam sub nomine lixa.
Felix quæ tanti spectatrix læta triumphi,
Fudisti Ausonio Rhutupinum Marte latronem.*

Alium etiam *Rhutupiarum* præsidem Flavium Sanctum ab oblivione in Parentalibus suis vindicavit idem Poëta, de quo cecinit,

*Militiam nullo qui turbine sedulus egit,
Præside lætatus quo Rhutupinus ager.*

Claudius Contentum patrum, qui ingentem pecuniam fœnori inter Britannos occupatam, & ufuris multiplicatam extraneis morte præreptus liquit, hic etiam situm funebri carmine profequitur Ausonius,

*Et patruos Elegeia meos reminiscere cantus,
Contentum, tellus quem Rhutupina regit.*

Sunt qui
Rutupini
nomine
Britan-
niam
omnem
intelligi
volunt.

Post Saxonum adventum floruerunt etiam *Rhutupia*. Ethelberti enim Cantii regis Regiam fuisse memorant scriptores, Bedaque civitatis nomine insignivit. Iam inde deficere cœpit, nec nomen usquam legitur, nisi apud Alfredum Beverlacensem, qui Alcherum cum Cantuaritis Danos spoliis implicatos, ad hanc, *Richberge* tunc dictam, fudisse prodidit. Nunc vero vestigia ejus omnia tempus erasit, utque nos doceat Urbium perinde ac hominum fata volvi, hodie arvum est, in quo platearum tractus cum seges succreverit, se interfecantes videas. (Vbiunque enim plateæ duxerunt, rarefcit seges) quas vulgo S. *Augustines crosse* appellant. Et semiruta quædam arcis mœnia solum supersunt, quadrata forma fabulo tenacissimo materiata. *Ἀκρόπολιν* esse dijudices, situ adeo sublimi uliginosam in Taneto planitiem despicit, quam Oceanus se paulatim subtrahendo destituit. Urbis autem area nunc aratro profcissa nummos Romanorum aureos, & argenteos, vetustatis sua indicia sæpenumero egerit, prolemque suam paulo inferius ostendit, quam à fabulo *δονρύς* dixerunt Saxones, nos vero *Sandwich*. Hoc è quinque portuum, quos vocant, numero, ad Septentriones & occasum mœnibus, alias aggere, flumine, & fossa munitum, olim Danorum furores, superiori ætate Gallorum ignes sensit; nunc incolis satis frequens, licet portus ex aggestis arenis, & magna nave oneraria Pauli III PP. in ipso alveo depressa, non sit majoribus navigiis ferendis iusta altitudine.

Sandwich.

Sub *Rhutupis* Ptolemæus *CANTIVM* promontorium, quasi extremum hujus anguli verticem statuit, quod corrupte nonnullis exemplaribus *NVCANTIVM*, & *ACANTIVM*, & Diodoro *CARION*, nobis hodie *The Foreland* dicitur. Verum omnia hæc circumquaque littora à *Rhutupis* *Rhutupina littora* Poëris dicuntur. Hinc Juvenalis cum Curtium Montanum delicatulum ventriconem satyricè insectaretur, de ostreis ex hoc littore Romam delatis:

Cantium
Prom.*The Fore-
land.**Rhutupi-
na ostrea.*— *nulli major fuit usus edendi**Tempestate mea, Circaïs nata forent, an**Lucrinum ad saxum, Rhutupinove edita fundo**Ostrea, callebat primo deprendere morsu.*

Et Lucanus:

Aut vaga cum Theris, Rhutupinaque littora fer vent.

A Cantio promontorio in Austrum per aliquot milliaria crebro colle exurgens procurrit littus. Sed cum ad *Sandon*, id est, *tumulus arenarius*, & *Deale* castra vicina pervenerit, quæ Henricus VIII patrum memoria extruxit, subfider, planumque & apertum mari objacet. Ad *Deale* illud, *Dole* Ninnius vocat (& vere opinor, jacentem enim & apertam ad mare, vel flumen, planitiem sic hodie appellant Britanni nostri) Cæsarem appulisse constans est fama, Ninniusque suffragatur, qui barbare scripsit: *Cæsar ad Dole bellum pugnavit*: Tabula item pensilis in Castro Doverensi, hoc idem comprobavit, fidemque etiam facit Cæsar ipse, qui aperto & plano littore se terram conscendisse, difficilique pugna à Britannis exceptum memorat. Vnde Lelandus noster in *Cyanea Cantione*:

*Schandon.
Deale.**Vbi Cæsar
appulit.*

*Iactat Dela novas celebris arces,
Notus Cæsareis locus trophæis.*

Ille

Cæsar f
Britanniā
ingressus.In libro de
arte & na-
tura.

Pag. 26.

Thorax
Veneris.Navalia
Cæsaris
castra.

Darellus.

Sempetra.

Dubris.

Dover.

Cæsar in
Britannia
ingressus.

In libro de
arte & na-
tura.

Ille enim (à cursu paulatim digredi liceat) omnibus, ut è Seneca habet Pomponius Sabinus; terra marique captis, Oceanum respexit, quasi orbis Romanus non sufficeret, alium cogitavit, classee mille navium (sic ex Cota scribit Athenæus) vel vindictæ de Britannis, qui Gallis opem tulerunt, sumendæ, ut Strabo; vel Britannicarum Margaritarum spe, ut Suetonius; vel gloriæ cupiditate, ut alii tradunt, inflammatus, anno ante Christum natum LIII, & rursus sequenti, Britanniam ingressus est. Cum antea, non ut fabulatur Rogerus Bachonus, speculis in ora Gallica dispositis, & arte Catoptrica, quæ latent species multiplicat, sed per speculatores, ut ipse, & Suetonius contestantur, portus & navigationem explorasset. Quid hic gesserit ipse satis fuscè literis mandavit, & nos supra summam ex illo, & ex amissis Suetonii monumentis de Scæva, cujus virtus in bello civili Dyrrachii clarissime emicuit, quemque natione Britannum fuisse Poëta noster Iosephus in Antiocheide minus vere prodidit, in his de Britannia versibus:

*Hinc & Scæva satus, pars non obscura tumultus
Civilis, Magnum solus qui mole soluta
Obsedit, meliorque stetit pro Cæsare murus.*

Pag. 26.

Thorax
Veneris.

Verum Cæsar in nostra regione gesta ex ipso & ex illis quæ supra scripta, petas. Nec enim ego grandævum illum Britannum conveni, quem M. Aper (apud Quintilianum) in hac insula vidit, qui se fatebatur pugna interfuisse qua Cæsa-rem arma inferentem arcere littoribus aggressi sunt, nec historiam jam conscribere in animo habeo.

Huic littori satis longo tractu cumuli, velut aggeres, subsunt, quos ventos converrisse nonnulli suspicantur: ego vero munitionem, seu potius navalia castra esse existimo, quæ Cæsar decem dierum labore, ne nocturnis temporibus intermissis, confecit, ut in ea afflictas naves subduceret, contraque tempestates, & Britannos, qui eas frustra sunt adorti, tutaretur. Audio enim ab accolis hunc aggerem *Romesworke* vocari, quasi Romanorum opus. Eoque magis credo Cæsarem hic appulisse, quod prodat septimo hinc milliari (sic enim legit antiquus liber à Fl. Constantino viro Consulari emendatus) mare ita montibus angustis contineri uti telum ex locis superioribus in littus adigi possit. Certe statim à *Deale* cautium eminentia (*moles magnificas* vocat Cicero) Crythmo, quam *Sampetram* vocant, fecunda per septem plus minus milliaria ad *Dover* procurrit, ubi dehiscit, & se transeuntibus aperit: eaque loci est natura, ut perinde ac Cæsar scribit, inter duos colles mare admiserit, & continuerit. Hoc cautium divortio *DVBRIS* interjacet, cujus Antoninus meminit, Saxones *Dorpa* dixerunt, nos *Dover*. Inditum nomen scribit ex Eadmero Darellus, quia clausus & impeditus erat. Cum enim, inquit, antiquis temporibus valde eo loco portuosum mare se diffunderet, necessitate urgente, sic effectum est, ut arctioribus quibusdam limitibus constringerent. Guilielmus Lambardus tamen nominis rationem à *Dufyrtha*, quod Britannice locum acclivem significat probabilius deduxit. Oppidum quod inter cautes confidet (ubi por-

tus ipse olim fuit, quum mare se insinuaret, uti ex anchoris & navium tabulis erutis colligitur) portus opportunitate, quæ jam fere nulla est, & in Galliam trajectu magis celebratur, quam sua vel elegantia, vel frequentia. Celeberrimus enim est trajectus, cautumque olim lege erat, ut nemo qui religionis gratia peregre proficisceretur, alibi trajiceret; & ex quinque portibus censebatur, olimque tenebatur XXI naves ad bellum apparare eadem forma qua *Hastings*, de qua diximus. Qua Oceanum jam glarea interjecta exclusum spectat, mœnibus præcinctum fuit, quorum pars aliqua superest. Templum habuit Martino sacrum à Whitredo Cantii rege fundatum, Militum etiam Templariorum ædes, quæ jam disparuerunt, sedemque præbet Archiepiscopi Cantuariensis Suffraganeo, qui cum gravioribus Archiepiscopus negotiis districtus sit, quæ ordinis sunt, non quæ jurisdictionis episcopalis gerit. E colle, seu potius rupe, quæ à dextra, omni fere ex parte confragosa in admirandam altitudinem, qua mare despectat, exurgit, castellum amplissimum instar urbeculæ, opere munitissimum, & turribus frequentissimum subiecto freto quodammodo minatur: *Clavem & repagulum Angliæ* vocat Matthæus Parisiensis. Vulgus hominum à Iulio Cæsare constructum somniat: à Romanis primo conditum ex lateribus illis Britannicis in sacello, quibus illi usi sunt in suis substructionibus, arbitror. Præcipitante in occasum Romano Imperio, Numerum Tungricanorum, qui inter auxilia Palatina numerabantur, hic in præsidio collocarunt, è quorum apparatu sagittæ illæ magnæ videntur, è basilicis solitæ emitti, quas pro miraculis jam ostendunt castellani. Ab Anglo-Saxonum ingressu, usque ad confectum eorum imperium, nusquam, ne verbum de hoc castro, sive oppido legerim, nisi in schidis quibusdam ex tabula pensili hic asservata, descriptis, quæ memorant Cæsarem, cum ad *Deale* appulisset, & ad *Baramdowne*, (hæc equitabilis est planicies adjacens, & explicandis copiis opportuna) Britannos profligasset, *Doverense* castrum inchoasse, Arviragum postea contra Romanos munivisse, portumque obturasse. Arthurum deinde, & ejus milites, nescio quos rebelles hic devicisse. Cæterum paulo ante Normannorum adventum unicum Angliæ munimentum habitum fuit, eoque nomine, Guilielmus Normannus Haroldum jurejurando adegit, ut hoc castrum cum puteo sibi in manus traderet, cum regnum affectaret: compositisque Londini rebus nihil prius habuit, quam hoc communire, nobilibusque latifundia in Cantio assignare, ea lege, ut præsto cum certa militum manu ad hoc propugnandum forent, quod nunc tamen annua pecunia redimitur. Cum enim Hubertus de Burgo constitutus erat Constabularius hujus castri, verbis antiqui scriptoris utor, Ille perpendens quod non esset tutum pro castro quolibet mense habere novos custodes *Castlegard* mutarum. ad *VVardam*, procurabat per assensum Regis & omnium militum quod quilibet miles mitteret pro *VVarda* unius mensis decem solidos; & quod inde stipendiarentur certi homines electi & jurati, tam milites, quam pedites, ad castrum custodiendum. Fertur Philippum Augustum Galliæ regem dixisse, cum Lodovicus filius res

Suffraganeus Archiepiscopi Cantuariensis.

Numerus Tungricanorum.

Castlegard mutarum.

Pharus.

Dover
Peere.The strait
of Caleis,
or Nar-
row seas.Epist. 2.
ad Victri-
cium.An Britan-
nia conti-
nenti olim
iuncta.

novas in Anglia moliretur, urbesque quasdam cepisset: *Ne in Anglia filius habet, ubi vel pedem ponat, si Doverense castrum in potestatem non redegerit, utique quod totius Angliæ munitissimum & Gallo opportunissimum.* In altera rupe, quæ est e regione, & æquato fere jugo, ædificii cujusdam perantiqui supersunt reliquæ. Quidam, nescio qua persuasus ratione, *Cæsaris Aram* dixit; sed Ioannes Twinus Cantuariensis, senex eruditus, qui adolescens illud magna ex parte integrum vidit, Pharum fuisse mihi affirmavit, quæ nocturno navium cursui ignes ostenderet. Cujusmodi altera ex adverso ad Bononiam Galliæ extitit à Romanis posita, & longo post tempore à Carolo Magno restaurata, (ut testatur Regino, apud quem corrupte *Phanum* pro *Pharum* legitur) quæ nunc Gallis *Tour d'Order*, Anglis *The old man of Bullen*, vocatur. Sub hac rupe patrum memoria Henricus Octavus Rex potentissimus maximo labore, & infinitis impensis, defixis in ipso mari trabibus ingentibus, stilis colligatis, arborum, saxorumque cumulo injecto molem, seu pilam, nos *The Peere* vocamus, eduxit, qua tutius naves subsisterent. Sed optimi regis studium inhorrescentis Oceani furor cito devicit, operisque compages crebris fluctibus verberata se laxavit. Ad quam instaurandam Regina Elizabetha magnam pecuniæ vim erogavit, & Parlamentaria autoritas singulis Anglorum navibus, quæ merces exportant, & important, vectigal in septennium imposuit.

Hæc ora maritima ab Europæ continente freto disjungitur, ubi maria terram perfodisse credunt nonnulli, Solinus *Fretum Gallicum* appellat, Tacitus & Ammianus *Fretum Oceani*, & *Oceanum fretalem*. Græci Poëta *Freta Morinum* dubio refuentia ponto. Belgæ *De boofden*, à duobus promontoriis. Nos, *The Strait of Calais*. Galli *Pas de Calais*. Hic enim locus est, ut inquit nostri temporis Poëta,

gemini quæ janua ponti
Faucibus angustis, lateque frementibus undis
Gallorum Ang'orumque vetat concurrere terras.

Horrendis, ut vere inquit Marcellinus, hoc fretum attollitur æstibus, rursusque in speciem complanatur camporum: bis inter duos Luna exortus affluens, bisque remeans. Attollente enim se Luna ad Meridianum, & sub Horizonte in opposito jam demersa, supra modum hic intumescit Oceanus, & immensa aquarum moles tanto cum murmure in littora irruit, ut non sine causa ille dixerit, *Rhutupinaque littora fervent*. Et *Oceanum barbaris fluctibus frementem* dixerit D. Paulinus, ubi loquitur de terra Morinorum, quam *orbis extremam* vocat.

Oboriatur hic disquisitio homine erudito qui ingenio & otio abundat, non indigna, an ubi hoc fretum jam Galliam & Britanniam interluit, isthmus fuerit, quæ olim regiones illas conjunxit, & postea vel diluvio universali, vel fluctibus irruentibus, vel terræ motu dirupta aquas pervias admiserit. Equidem orbis terrarum faciem tum diluvio, tum longo ævi vetustate, & aliis de causis fuisse variatam; utque insulas terræ motu, vel subducentibus se aquis terris adjunctas fuisse nemo dubitet: ita etiam terræ motu, & irruentibus undis à continenti insulas fuisse

avulsas ex authoribus fide dignissimis certo est certius. Unde Pythagoras apud Ovidium:

Vidi ego quod quondam fuerat solidissima tellus,
Esse fretum; vidi factas ex aquore terras.

Strabo enim ex rebus præteritis futuras conjiciens, isthmus & perfossas, & perfodiendas conclusit. Vides, inquit Seneca, totas regiones à suis sedibus revelli, & trans mare jacere quod in confinio fuerat; vides & urbium fieri gentiumque discidium, cum pars naturæ concitata est de se, vel aliquod mare ingens spiritus impexit, quorum mira, ut ex toto, vis est. Quamvis enim parte se viat, mundi tamen viribus sævit. Sic & Hispanias à contextu Africa mare eripuit. Sic hac inundatione quam poëtarum maximi celebrarunt, ab Italia Sicilia rejecta est. Unde Virgilius:

Hæc loca vi quondam, & vasta convulsa ruina
(Tantum ævi longinqua valet mutare vetustas)
Disiluisse ferunt, cum protinus utraque tellus
Vna foret, venit medio vi pontus & undis,
Hesperium Siculo latus abscedit, arvaque & urbes
Littore diductas angusto interluit æstu.

Plinius item docet Cyprum à Syria, Eubœam à Boeotia, Bessicum à Bithynia, cum partes essent Continentis, fuisse abruptas; at Britanniam ita à Continenti avulsam fuisse nemo veterum dixerit; innuunt tantum illi Virgilii & Claudiani versiculi cum Servii conjectura, quos in ipso hujus operis limine protulimus. Opinantur autem Dominicus Marius Niger, & Ioannes Twinus vir eruditissimus, & quisquis ille fuerit qui hos de Sicilia versus ad Britanniam distorsit,

Britannia quondam
Gallorum pars una fuit, sed pontus & æstus
Mutare situm, rupit confinia Nereus
Victor: & abscessos interluit aquore montes.

Cum igitur hac in parte ex certa scriptorum autoritate firmamentum sit nullum, viri eruditi similitudines in ejusmodi fretis comparando ad veritatem indagandam, hæc & hujusmodi pensiculate perpendenda proponunt.

An eadem sit utroque in littore terræ natura. Quæ hic sane reperitur, utrumque enim littus rupibus eminentibus eadem quasi materia, & colore qua angustissimum est confurgit, ut perruptæ videantur.

Quanta sit freti latitudo. Certe ipsæ angustiae non multo magis patent quam vel fretum Gaditanum aut Siculum: sc. xxxiii milliaria ut primo intuenti reciprocantibus utrinque fluctibus infanientis Oceani terras diremptas fuisse suspiceris. Nam terræ motibus subsedisse vix audeo suspicari, cum terræ-motibus hæc nostra Septentrionalis plaga admodum raris, nec illis unquam magnis conquassetur.

Quanta sit profunditas. Vt Siculum fretum lxxx passuum, ita hoc nostrum vix xxv orgiarum profunditatem excedit, cum utrinque mare sit multo profundius.

Cujusmodi sit fundus, arenosus, grumofus, limosus, & an arenarum pulvini in freto passim jaceant. Nullos autem jacere præter unum eundemque in medio canali à nautis accepi, qui decrescente æstu, vix tribus orgyiis altus.

Postremo, an aliquis in alterutro littore locus nomen habeat in antiqua lingua à diruptione, avulsione, separatione vel hujusmodi; ut Rhegium

Nat.
quæst. 6.

* Rejecta.

Pag. 1.

Frowen
Shoale.

gium ad fretum Siculum à Græco *ῥήγνυμι*, id est, *rumpo*, nomen habet, quod eo loci undarum impetu Sicilia ab Italia fuerit dirupta. Nullus autem mihi cogitanti occurrit, nisi *Vitsan* in littore Gallico nomen habere quis autumet à *Gwith*, quod divortium lingua Britannica significat.

Qui Britanniam Gallia fuisse continentem post diluvium illud universale volunt, ex lupis qui apud nos olim, ut hodie in Scotia, & Hibernia frequentes, argumentantur.

Qui, inquit, in insulis esse poterant, cum cuncta quæ non erant in arca deleta fuerunt animalia, nisi longo post tempore terra fuisset pervia, & insulæ nullæ. Beatum Augustinum excutit hæc quæstio, ad quam ille, *Lupi & cætera animalia possunt credi ad insulas natando transisse, sed proximas* (ut cervi quotannis ex Italia in Siciliam pabuli gratia) *sunt autem quadam tam longe posita à continentibus terris, ut ad eas nulla videatur natare potuisse bestiarum. Quod si homines eas captas secum adduxerunt, à venandi studio fieri potuisse incredibile non est: quamvis jussu Dei, sive permissu etiam opere angelorum negandum non sit potuisse transferri. Si vero è terra exortæ sunt secundum originem primam, quando dixit Deus: Producat terra animam vivam: multo clarius apparet, non tam reparandorum animalium causa quam figurandarum variarum gentium propter ecclesiæ sacramentum in arca fuisse omnia genera, si in insulis quo transire non possunt, multa animalia terra produxit.* Hæc ille, nec aliquid perfectius politiusque hac in re quis proferre possit. Mihi proposuisse sufficiat, lector perpendat. Qui maxime perspiciat in hac re quid verissimum, mihi sane & sagax & perspicax habebitur.

Ex adverso in continente confederunt MORINI, sic antiqua Celtarum lingua dicti quasi maritimi, siue maris accolæ. Eorum regio nunc *Conté de Guines & Conté de Bolois* dicitur, duosque olim nominatissimos habuit locos, GESSORIANUM, & ITIVM, unde Cæsar commodissimum è Gallia in Britanniam esse trajectum prodidit, plurimique fuisse credunt, quod nunc *Callais* vocant, sed magnus ille & eruditus Hospitalius Gallia Cancellarius, rei antiquariæ peritissimus asserit Caletum minime vetustum esse, tantumque viculum fuisse, cujusmodi Galli *Burgados* vocant, priusquam Philippus Comes Bononiensis mœnibus incinxerit, non multis ante annis, quam Angli expugnaverint. Nec uspiam legas aliquos inde Britanniam solvisse ante illa tempora. Itium igitur alibi quærendum existimo, ad *Vitsan*, scil. inferius prope *Blacness*, quod nos *Withsan* vocamus, verbo ab Itio non abludente. Huc enim omnes ex hac insula transmississe, & inde in eadem solvisse, ex historiis nostris observamus, usque adeo ut Ludovicus Junior Rex Franciæ, cum Thomam Cantuariensem religiosa peregrinatione inviseret, apud Sanctum illum demississime supplex intercessit, ut inter *Vitsan*, & *Dover* nemo naufragio periret: quasi hinc inde eo tempore commodissimus fuerit trajectus, nec alibi sane hoc fretum magis coarctatur. Quamvis existimandum sit, navigantes in transmittendo non navigationis compendium, sed portuum opportunitatem utroque in littore spectasse. Sic quamvis fretum angustissimum sit, inter *Blacness* Gallia, & *The Nesse* Angliæ.

glia: nunc tamen trajiciunt inter Dubrin, & Caletum, superioribus seculis priusquam obstrueretur Portus *Vitsan*, inter illum, & Dubrin, antea vero inter Rhutupias, & Gessoriacum, unde Claudius Imperator, & alii quos dii duces in Britanniam transmiserunt. GESSORIANUM hoc Plinius Portum *Morinorum Britannicum* vocare videtur, fortasse ob trajectum inde in Britanniam, Ptolemæus, apud quem in locum Itii prorepsit, *Gessoriacum navale*, qua etiam significatione, Britannii *Bowling Long* vocitant. Nam Gessoriacum fuisse maritimum illud oppidum, quod Ammianus BONONIAM, Galli *Bolongue*, Belgæ *Ben-nen*, nos *Bolem* vocamus, asseveranter contra Boethium Scoticum & Turnebum affirmarim; cum ex B. Rhenani autoritate, qui * tabulam militarem antiquam vidit, in qua scriptum *Gessoriacum*, quod nunc Bononia, tum itineraria ratione, quæ exacte respondet distantia, quam inter *Ambianos* & *Gessoriacum* interposuit Antoninus. Sed quod instar omnium est, piraticam Caraufii factionem, quam * Gessoriacensibus muris inclusam, & captam retulit Panegyricus Constantio A. dictus: alter ad Constantinum Maximum ejus filium, ad * Bononiam fuisse devictam commemorat, ut Bononia, & Gessoriacum sit necessario unum idemque oppidum, vetustiusque nomen sub eo tempore exolevisse videatur. Nec enim judicandum est tantos authores ad tantos principes, in hujus loci notatione (recenti tum memoria) aberravisse. Sed quid mihi cum Gallia? Certe horum memoriam libentius usurpavi, quod majorum nostrorum virtus sæpissime hac in ora emicuit, qui Caletum, & Bononiam Gallis extorserunt, quorum hanc supplicanti Gallo post octennium pacta pecunia reddiderunt, illud vero, annos CCXII Gallo fremente, tenuerunt. Nunc ad Britanniam secundo æstu revehamur.

A Dubri cautes ex creta, veluti serie coherentes, per v milliaria perpetuum habent dorsum usque ad *Folkstone*, quod olim floruisse Romanorum numismata quotidie inventa persuadent; quo autem nomine incertum. Ex illis turribus fuisse probabile est, quas Romani ad Saxones arcendos (Theodosio Juniore regnante) *per intervalla* (ut inquit Gildas) *ad meridianam Britannia plagam in littore collocarunt*, Anglo-Saxonibus religionis nomine celebre fuit, à monasterio quod Eanf-wida Eadbaldi regis Cantii filia virginibus consecravit: nunc vero viculus est, ejusque partem maximam abrasit Oceanus. Baronia tamen fuit familia de *Abrincis*, à quibus ad Hamonem de *Crevequer*, & per ejus filiam ad Ioannem de *Sandewico*, cujus è Ioanne filio neptis Iuliana eandem Ioanni de *Segravio* in dotem attulit.

Conversa inde ad Occasum littorum fronte, prope *Saltwood* castrum Cantuariensium Episcoporum, quod Guilielmus Courtenæus Archiepiscopus Cantuariensis adauxit, & *Ostenhanger*, ubi Edwardus Baro *Poinings* prole illegitima fecundus, splendida inchoavit ædificia; ad quartum milliare *Hith* sedet, è quinque portubus unus, unde & illud nomen assumpsit, quod Saxonibus portum siue stationem sonat; licet nunc vix illud nomen ob arenas accumulatas tueatur, quibus mare longius excluditur. Nec tamen ita

E e e diu

De Civit.
Dei. l. 16.
c. 7.

Morini.

Itius Portus.

Brevissimus inter Galliam & Britanniam trajectus.

Gessoriacum.

Bononia Gallia.

Tabula Peutegeriana nunc edita à M. Wellero.

Pag. 272. editione Basilienfi. & Pag. 251.

Folkstone.

Barones de Folkstone.

Saltwood.

Hith siue Hide.

Portus
Lemanis.
Lime.

Stony-
street.

Rumney
Marsh

Petrus
Nannius.

* Marsh-
men.

diu est, ex quo primum emicuit, ex occasu scilicet *Vesthythi*. Oppidulum illud est ad Occasum vicinum, portusque fuit, donec hinc se mare proavorum memoria submoverit. Originem autem, uti & *Westbithum*, Limo debuit viculo adjacenti, qui olim celeberrimus erat portus, donec arenæ, quas mare evomit, obstruxissent. Antoninus, & Notitiarum Liber PORTVM LEMANIS vocarunt, Ptolemæus λιμὸν, quod cum apud Græcos significativum sit, Librarii ut viderentur defectum supplere, καὶ τοῦ λιμὸν scripserunt, Latiniq; interpretes *Novum portum* converterunt: cum loci nomen *Limen*, vel *Lemam* fuerit, uti hodie *Lime*. Stationem hic sub Comite littoris Saxonici Præpositus numeri Turnacensium habuit. Viaque hinc Militaris saxis constrata ad Cantuariam pertingit, quam Romanorum fuisse opus facile dijudices, uti etiam castrum proxime vicinum (*Stutfall* vocant) quod in dejectu collis, decem quasi jugera inclusit, mœniumque reliquæ supersunt Britannicis lateribus, filicibus, calceque cum arena & grumis intrita sic compactæ, ut nec dum vetustati cesserint. Nunc vero licet portus non sit, dignitatis tamen pristinae umbram non tenuem retinet, *Guardianus* enim portuum hic ad *Shipway* solemne iniit iurjurandum, ubi primum magistratum inivit, & hic de causis inter portuum incolâs statim diebus agi solebat.

Nonnulli existimarunt magnum flumen hoc in loco se exonerasse, quod unus & alter scriptor de *Lemano* fluvio, & *Lemanis ostio* meminerint, ad quod Danica classis anno salutis DCCCXCII appulsa fuerit. Sed falsos eos in loci descriptione opinor, tum quod nullus hic fluvius nisi tenuis admodum, qui statim despectus emoritur: tum quod Huntingdonensis Archidiaconus pressæ fidei author, illam classem ad *Lemanem portum* appulsam scribat, nec verbum de flumine habeat. Nisi quis sentiat (quocum ego sentire non ausim) *Rother* flu. qui sub *Rhie* Oceano commiscetur, hac defluxisse, cursumque paulatim immutasse, cum campestris illa planities *Rumney Marsh* terræ ad cresceret. Hæc enim campestris regiuncula, quæ à Lemani xiii mill. in longitudine, viii latitudine, occupat numeratq; oppida duo, paræcias xix, jugera plus minus 44200, luxurianti viriditate saginandis pecoribus aptissima, maris beneficio terræ paulatim accrevit. Vnde maris donum appellare non immerito possum, perinde ac Ægyptum fluminis Nili donum vocavit Herodotus, & vir perquam eruditus Hollandiæ pascua, Boreæ & Rheni dona dixerit. Mare namque, ut paria faceret, quod alibi hac in ora hauserit, hic reddidit, vel recedendo, vel limum subinde apponendo; ut nonnulla loca quæ avorum memoria mari incubuerint, uno & altero milliari à mari jam disjungantur. Quanta sit soli ubertas, quam numerosa armenta pascat, quæ huc saginanda ex ultimis Angliæ partibus mittantur: quanta arte aggeribus contra Oceani insultus communiatur, non facile credat, qui non propius conspexerit. Ut melius etiam administretur Rex Edw. III constituit ut corpus esset incorporatum ex Balivo, juratis, & Communitate. Saxónico sæculo hujus incolæ * *Meþropape Viri palustres* dicti erant, & nominis sane significatio cum loci natura optime conve-

nit. Nec ego Æthelwerdum antiquum illum scriptorem capio, cum prodit *Cinulphum Merciorum regem* vastasse *Cantium*, & regionem quæ *Mersc-warum* dicitur. Et alibi, *Herbythum Ducem* à *Danis* in loco *Mersc-warum* truncatum fuisse, si hanc ipsam palustrem regiunculam non innuerit. *Rumney*, sive *Romney*, & olim *Romenal*, quod è nomine Romanorum opus fuisse conjectant nonnulli, hujus tractus præcipuum est oppidum, & è numero quinque portuum, cujus membra censentur *Vetus Romeny* & *Lid*, quæ junctim quinque naves bellicas, ea qua ante diximus forma, apparare tenentur. Sedet editiori tumulo è glarea & sabulo, portumque ad occasum habuit satis capacem, & ad plerosque ventos commodum, priusquam mare se subduxisset. Incolæ, ut est in Regis Guilielmi Primi libro, fuerunt quieti pro servitio maris ab omni consuetudine, præter latrocinium, pacem fractam, & *Foristell*. Floruitque tunc temporis inprimis, in custodias enim xii erat divisum, quinque habet ecclesias parochiales, Prioratum, & Nosocomium. Verum regnante Edwardo Primo, cum Oceanus ventorum violentia exasperatus hunc tractum operuisset, lateque hominum, pecorum, ædificiorumque stragem dedisset; & *Promhill* viculo frequenti pessundato, etiam *Rother*, qui hic prius se in Oceanum exoneravit, alveo emovit, ostiumque obstruxit, novo in mare aditu compendio per *Rhiam* aperto: ita ut sensim hoc oppidum deseruerit, quod jam inde decrevit, & pristinae frequentia & dignitatis multum amisit.

Sub hoc, terra in Ortum evecta longius procedit, (*Nesse*, quasi nasum vocamus) cui insidet *Lid* satis frequens, quo incolæ de *Promhill* post illam inundationem commigrarunt. Et in ipso extremo promontorio quod *Denge-ness* vocant, ubi nihil nisi glarea & scrupi, Ilices aculeatis suis foliis perpetuo virentibus in formam sylvæ humilis per mille passus & ultra lætissime proveniunt. Inter scrupos autem illos prope *Ston-end*, cumulus majorum lapidum conspicitur, quem vicini tumulum Sanctorum Crispini & Crispiniani esse volunt, quos in hoc littus naufragio ejectos; & in celestem patriam hic evocatos perhibent. Inde se reducens recta in occasum littus fertur pisorum inter scrupos ferax, quæ racematim numerosa congerie sua Sponte succrescunt, & parum à pisis campestribus sapore differunt, ad *Rotheri* usque ostium procedit, quo alicubi à Southsexia Cantium determinatur.

Hujus decursum à Southsexia parte superius paucis persequuti sumus. A Cantii parte, *Newenden* habet, quod fuisse portum illum diu quæsitum, quem Notitiarum liber ANDERIDAN, Britanni *Caer Andred*, Saxones *Anored* receperunt nuncuparunt, fere persuadeor: primum quod incolæ vetustissimum fuisse oppidum, & portum asseverant: deinde quod ad *Andredswald* sylvam, cui nomen fecit, situm habeat: postremo quod *Brittenden*, id est, *Britannorum vallem*, Saxones dixisse videantur, (uti etiam Segontium de quo antea) unde *Selbrittenden* toti Centuriæ adjacenti nomen. Romani, ut hanc oram contra Saxones piratas tuerentur, numerum Abulcorum, cum eorum Præfecto, hic statuerunt. Postea tamen Saxonum furore penitus deletum con-

795.

Rumney.

Anno
1287.

Lid.

Denge-
ness.Anderida.
Andred-
cester.Oxney,
Apuldo.Res pa-
naria p-
mum in
Anglia.Comit-
Cantii.

concidit. Hengistus enim, cum Britannos è Cantio omnino exturbare in animo haberet, maximè sua interesse existimaret, si majoribus copiis turmas adaugeret; Ællam è Germania cum magna Saxonum manu evocavit. Qui dum magno impetu Anderidam hanc oppugnaret, Britanni è sylva proxima insidiantes, ita cum exagitarunt, ut cum tandem post multas ultro, citroque illatas clades, partitis copiis, & Britannos in sylvis fudisset, eodemque tempore in oppidum irrupisset, ita ad vindictam barbari animus exarsit, ut occisis incolis funditus everterit. *Locus vero desolatus multis post sæculis transeuntibus*, (ut inquit Huntingdonensis) *ostendebatur*, donec sub Edwardo Primo fratres Carmelitæ è Carmelo Palestina recens profecti, qui solitaria quærebant loca, hic monasteriolum ex impenis Thom. Albugeri militis posuerint, oppidumque statim enatum, quod ratione veteris oppidi diruti, *Næwenden*, id est, *Novum in valle oppidum*, dici cœpit. *Rother* flumen inferius dispersitis aquis insulam *Oxney* gramine luxuriantem amplectitur, & prope ostium *Apuldore* habet, ubi piratica Danorum & Normannorum colluvies quæ sub Hastingo Gallica littora infestaverat, prædis onusta terram conscendit, castrumque erexit, quos tamen Ælfredi Regis virtus ad pacis condiciones compulit.

Oxney.
Apuldore.

Res pan-
naria pri-
mum in
Anglia.

Comites
Cantii.

Iuxta in sylvestri regione sunt *Cranbroke*, *Tenterden*, *Benenden*, & alia vicina oppida, in quibus lanificii, sive rei pannariæ laus in primis floruit jam inde ab Edwardi III temporibus, qui propositis præmiis, & plurimis concessis immunitatibus Belgas in Angliam anno regni sui decimo evocavit, uti nostros artem illam panni lanei contexendi edocerent, quæ hodie inter Reip. nostræ columina merito numeratur.

Nunc ut Cantii Comites suo ordine percensam, omisissis Saxonibus Godwino, & aliis, qui non hæreditarii, sed officarii Comites erant) Odo uterinus Guilielmi Primi frater, primus habetur è Normannico sanguine Cantii Comes, simulque Bajocensis Episcopus, vir ingenio pravo, turbidoque, & rebus novandis semper intento, unde post gravissimam, quam concitavit seditionem, suis sedibus, & fortunis in Anglia à nepote Guilielmo Rufo ejectus. Deinde cum Stephanus Angliæ usufructuarius bellicosos homines beneficiis sibi astringeret, Guilielmum Iprensem Flandrum eo honore exornavit, qui *violentus Cantii incubator*, ut Fitz-Stephanus vocat, cum lachrimis emigrare ab Henrico Secundo coactus. Henrici etiam II filius, quem in Regem pater coronaverat, eadem de causa Philippo Flandriæ Comiti, Cantii etiam titulum adjunxit, cum res novas in patrem molire-

tur, sed hic tantum titulo, & promisso tenus Cantii Comes erat. Ut enim habet Gervasius Dorobernensis: *Comes Flandria Philippus suum pro posse spondit auxilium juveni Regi, faciens homagium cum juramento. Cui pro servitio suo promisit Rex cum toto Cantio, 1000 librarum redditus, Castellum quoque de Roffa, cum Castello de Doveria.* Non longo post tempore Hubertus de Burgo optime de Repub. meritis, suo quasi merito eundem honorem ab Henrico III accepit, vir patriæ vere amans, & qui omnia officia, quæ à cive optimo patria exigere possit, inter medias adversantis fortunæ procellas cumulate præstitit; honore tamen exutus diem obiit: jacuitque hic titulus usque ad Edwardi II tempora. Ille enim fratri suo juniore Edmundo de Woodstock contulit, qui nepotis sui Edwardi III tutor, falsæ & iniquæ invidiæ tempestatem subiit, securi percussus, quod in fratrem depositum, fraternum animum nunquam obscure tulerit, & illum jam è medio sublatum, (quod tamen illi omnino ignotum) è custodia liberare cogitaverit. Filii tamen duo Edmundus & Ioannes successerunt suo ordine, quibus sine sobole mortuis, hunc honorem eorum soror, ob venustatem dicta *The faire maide of Kent*, superstes, in equestrem Holandorum familiam transtulit: Thomas enim *Holand* ejus maritus dictus erat Cantii Comes, quem eo honore sequutus est Thomas ejus filius, qui obiit anno vicesimo Rich. Secundi, cui successerunt bini ejus filii, Thomas, qui Dux Surriæ creatus, statimque dum res novas in Regem Henricum Quartum moliretur, obtruncatus; & post eum Edmundus, qui Angliæ Archithalassus, dum *Fanum Brioci* in Britannia Armorica oppugnaret, accepto vulnere, anno salutis M CCCC VIII occubuit. In his cum hæc dignitas exacta periodo intercideret, patrimonio inter sorores diviso, Rex Edwardus III, primum Guilielmum *Nevill* Dominum de *Fauconberg*; eoque extincto, Edmundum *Grey* Dominum de *Hastings*, *VVeisford*, & *Ruthyn* Cantiani Comitis titulo adauxit, qui Georgium filium successorem habuit. Ille ex Anna *VVidevile* conjuge prima Richardum Comitem Cantii progeniit, qui sine sobole diem clausit cum hæreditatem profudisset; ex secunda autem uxore Catharina filia Guilielmi Herberti Comitis Penbrochiæ Henricum *Grey* Equitem suscepit, cujus è filio Henrico nepos Reginaldus in Comitem Cantii à Regina ELIZABETHA Anno M D LXXII erectus erat. Illique sine prole defuncto Henricus ejus frater successit, omnibus veræ nobilitatis ornamentis vir longe honoratissimus.

Anno E. 2.
15.

S. Brich.
Tho. Walsingham.

Habet hac provincia paræcias 398.

D O B V N I.

Duffen
Britanni-
ce profun-
dum, five
depressum.
Bodo quid
Britannis
& Gallis.



Regiones, qua hinc Oceanum Britannicum, illinc Sabrinianum fretum, & Tamisin fluvium interjacent, obambulavimus omnes. Nunc reliquas instituto ordine perlustremus, & transmissio flumine, ad Tamisis fontes, Sabrinaque aestuarium reverti, DOBVNOS videamus, qui olim, ubi nunc Gloucestershire, & Oxfordshire, habitarunt. Horum nomen factum à Duffen Britannica dictione credimus, quod maxima ex parte loca jacentia & depressa sub collibus insidebant, unde in universos nomen transit, & ab ejusmodi sane situ Bathicia in Troade, Catabathmos in Africa, Deep-dale in Britannia nomina acceperunt. Hoc ut credam, facilius à me impetravi, cum videam Dionem hos populos eadem plane significatione BODVNOS dixisse, si litera non transponantur. Bodo enim vel Bodun profundum antiqua Gallorum lingua (quam eandem cum Britannica fuisse demonstravimus) significare auctor est Plinius, unde Bodincomagus urbs, ut habet ille, ubi maxima Padi altitudo, Bodiontii populi, qui vallem profundam, nunc Val de Fontenay ad Lemantum lacum incoluerunt, ut Bodotriam profundissimum in Britannia aestuarium tacitus pratermittam. De his Bodunis nihil è prisca memoria legendo erui, nisi A. Plautium Propratorem in Britanniam à Claudio missum, horum partem in fidem accepisse, qui Cattuellanis parebant (finitimam enim illi regionem tenuerunt) praesidiumque circiter annum à Christo nato quintum & quadragesimum imposuisse, ut Dio prodidit.

Wiccii.

Ceterum cum Saxones rerum in Britannia potirentur, Dobunorum nomine extincto, pars horum & circumvicini novo Germanico nomine Wiccii vocabantur, unde tamen (nisi cum bona lectoris venia) conjectare vix ausim. Si vero Wic Saxonibus fluminis sinum sonat, & Vignones Germaniae populi sic dicantur, quod maris & fluviorum sinus accolerent, (hoc enim asseverat B. Rhenanus) minime absurdum erit, si inde Wiccios nostros deducerem, qui Sabrina ostium, quod admodum sinuosum, circumcoluere.

GLOCESTER-SHIRE.



Glocestershire, Saxonice Gleaucer-ryre, quæ primaria Dobunorum sedes erat, ab Occasu Monumethensem & Herefordensem Comitatum, à Septentrione Wigorniensem, ab Ortum Oxoniensem & Warwicensem, à Meridie Wiltoniensem, nec non & Somersetensem spectat. Regio amœna & fertilis, ab Ortum æstivo in occasum brumalem porrecta. Orientalior pars collibus exurgens Cotteswold vocatur. Media in fertilissimam subsidet planitiem, Sabrinaque nobilissimo flumine, quod glebis quasi vim vitalem infundit, irrigatur. Occidentalior pars trans Sabrinam tota sylvis obumbratur. Sed quid ego hæc? hunc mihi laborem sublevabit Guilielmus Malmesburiensis, qui pleno ore hanc regionem laudat, & describit. Ejus igitur verba ex libro de Pontificibus accipe, A primaria civitate regio Vallis Glocestriae dicitur, terra omnis frugum opima, fructuum ferax, hic sola naturæ gratia, illic cultura solertia, ut quemvis tædium per socordiam provocet ad laboris illecebram, ubi centuplicato sænore responsiva sit copia. Cernas tramites publicos vestitos pomiferis arboribus, non infestæ manus industria, sed ipsius humi natura. Ipsa se terra sponte subrigit in fructus, eosque sapore, & specie plurimum ceteris prestantes, quorum plures ante annum marcescere nesciunt, ut dominis usque ad novos successores præstent officium. Regio plusquam alia Angliæ provincia vinearum frequentia densior, proventu uberior, sapore jucundior. Vina ipsa bibentium ora non tristi torquent

Vites, &
vinum.

acredine, quippe qua parum debeant Gallicis dulcedine. Ville innumerabiles, ecclesie prestantes, vici frequentes. Quibus omnibus accedit ad gloriam fl. Sabrina, quæ nolumus in hac terra alveo latior, gurgite rapacior, amne piscosior. In eo quotidianus aquarum furor, quem vel voraginem, vel vertiginem undarum dicam nescio, fundo ab imo verrens arenas, & conglobans in cumulum, cum impetu venit, nec ultraquam ad pontem pertendit. Nonnunquam etiam ripas transcendit, & magna parte circuita, terra victor regreditur. Infelix navis si quam à latere attigerit. Nauta gnari cum vident illam Higram, (sic Anglice vocant) venire, navem obvertunt, & per medium secantes, violentiam ejus eludunt.

Sabrina.

Higra.

Quod vero de centuplicato terræ sænore dicit, à veritate multum abest: nec tamen ego cum querulis illis, & desidiolis agricolis quos perstringit Columella, solum nimia prioris ævi ubertate defatigatum, & effœtum existimarim. Hinc tamen, ut alia taceam, non est cur miremur, tot loca hac regione à vinetis Vineyards vocari, cum vinum protulerit, & certe ex incolarum potius socordia, quam cœli intemperie videatur, quod hodie nullum ferat. Cur vero alicubi in hoc Comitatu (ut in Statutis nostris legitur) privata consuetudine, quæ in legem invaluit, damnatorum patrimonia regi solummodo in annum, & diem cedant, eoque tempore exacto contra quam in reliqua fit Anglia, proximis hæredibus, viderint Politici, nec enim nostri instituti est inquirere. Nunc tres, quas dixi, partes, suo ordine perlustremus.

Occidentalior pars trans Sabrinam (quam Silures

Forest of
Dean.

lures olim tenuerunt) ad Vagam five *VVye* fl. Walliæ & Angliæ limitem, tota profundis sylvis occupatur. *Deane Forest* hodie nos vocamus, Latinorum alii *Sylvam Danicam*, à Danis, alii cum Giraldo, *Danubia Sylvam*. Ego vero, si à *Deane* oppidulo adjuncto hoc nomen factum non fuerit, truncato vocabulo, *Deane* ab *Arden* dictam suspicarer. Qua dictione & Galli, & Britanni pro sylva olim usi videantur, cum duæ longe maximæ sylvæ, altera in Gallia Belgica, altera apud nos in agro Warwicensi, uno eodemque nomine *Arden* appellentur. Saltus enim hic erat longe densissimus, & superioribus sæculis itinerrum anfractibus, & umbrarum horrore ita opacus, & formidolosus, ut incolas ferociore, & ad latrocinandum audaciores reddiderit. Regnante enim Henrico VI ita Sabrinam latrocinis oppresserunt, ut ad eos coercendos leges Parlamentaria autoritate lata fuerint. Verum ex quo opulentæ ferri venæ hic fuerint repertæ, sylva illæ condensæ paulatim rarefcere inceperunt. In hoc saltu, ad flumen satis antiquæ memoriæ fuerunt *Tudenham*, & *Wollaston*, quas Gualterus, & Rogerus fratres Giseberti de *Clare* circa annum M C L X Wallis extoserunt, & his contiguum *Lidney*, ubi Guilielmus *VVinter Vice-Admirallus* Angliæ, & Eques auatus celeberrimus ædes exstruxit elegantes. Sed antiquissimæ memoriæ est *ABONE*, five *AVONE* ab Antonino memoratum, quod prisco illo nomine non omnino viduatum, *Aventon* hodie dicitur, viculus sane exiguus, sed qui exacte ad ix milliaria, ut ille notat, à *VENTA SYLVARVM*, five *Caer VVent*, Sabrinæ adsidet. Cumque *Avon* flumen Britannis denotet, non absolum ert, si à flumine sic dictum putemus. Eadem enim plane significatione, ut alia omittam, nos *Waterton*, *Bourne*, & *Riverton*, Latini *Aquinun*, & *Fluentium* habuerunt. Eoque magis hoc nomen à flumine inditum iudico, quod ad hunc eum flumen trajicere solebant, unde oppidunè regione oppositum eidem Antonino. *TRAJECTVS* dicitur, sed corrupto proculdubio numero. Milliaria enim ix inter *Trajectum* & *ABONE* interponit, cum flumen vix i i mill pateat. Interdidisse vero, vel potius in vicum abiisse tum videatur, vel cum inferius trajicere inciperent, vel cum *Athelstanus* Britannos *Wallenses* hinc exturbaret. Ille enim primus ultra *Vagam* five *VVye* fl. (teste *Malmesburiensi*) eos submovit. Cumque ante ejus tempora *Sabrina* Anglos, & Wallos, five *Cambros* disterneret, ille *Vagam* limitem constituit, unde *Nechamus* no-

ster, *Inde vagos Vaga Cambrenses, hinc respicit Anglos.*

Breulais. Haud procul à *Vaga* inter nemorosa avia *Breulais* castrum plusquam semirutum cernitur, *Mahelis* natu minimi filii *Milonis* comitis *Herefordiæ* fato insigne. Ibi enim avida ejus consilia efferam crudelitatem, & alieno imminente avaritiam (his nominibus male apud scriptores audit) ultio divina assequuta est. Nam, ut *Gualdus* scripsit, à *Gualtero de Clifford* in hoc castro hospitio susceptus, ædibus deflagrantibus, lapide à turre summa in caput impacto, animam exhalavit.

Britannia.

Nec aliud est in hoc saluoso loco quod adnotem, nisi *Herbertum*, qui sororem *Mahelis* illius *Herefordiæ* Comitis duxerat, uxorio jure Dominum de *Deane* dictum fuisse, à quo originem repetit inclita illa *Herbertorum* familia, è qua Domini de *Blanleveny*, & recentiori ævo *Herberti* *Huntingdoniæ* & *Penbrochiæ* Comites, & alii. Unde etiam (si *D. Powello* in historia *Cambrica* credamus) oriundus est *Antonius Fitz-Herbert*, quem jurisconsultorum fuisse consultissimum, & *Placitorum Tribunal*, è quo aliquandiu jus dixit, & elaboratissimi de jure nostro municipali libri editi contestantur. Sed illum ex equestri *Fitz-Herbertorum* stirpe in Comitatu *Derbieni* ortum esse alii, & quidem verius, si quid ego video, deduxerunt.

Sabrina flumen, *HAFREN* Britanni vocant, cum longum iter angustiori alveo confecerit, ubi primum hunc agrum ingreditur, *Avonam* flumen, aliumque rivulum ab Oriente excipit, quibus interfidet *Tewkesbury*, Saxonice *Theocubury*, aliis *Theoci Curia*, à *Theoco*, qui heremiticam ibi vitam duxit, denominatum. Amplum & elegans oppidum, tribus pontibus ad tria flumina pervium, laneis pannis conficiendis, & sinapi quod acrimonia plenum altissime penetrat, celebre: sed celeberrimum quondam monasterio antiquo, quod *Odo* & *Dodo* fratres fundaverunt anno D C C X V, ubi Aulam prius habuerunt, ut testati sunt hac inscriptione:

HANC AULAM REGIAM DODO
DUX CONSECRARIFECIT IN EC-
CLESIAM.

Quod longo tempore & hostili furore evictum restauravit *Robertus Fitz-Haimon* Normannus, pio sane consilio, ut pro parte sua refarciret damnum quod *Bajocensis* in Normannica ecclesia tulerat, quam ejus liberandi causa ignibus injectis absumperat *Rex Henricus Primus*, penitentiaque ductus reedificavit. Non facile, inquit *Malmesburiensis*, memoratu, quantum hoc Monasterium exaltavit *Robertus Fitz-Haimon*, ubi & ædificiorum decor rapuit adventantium oculos, & monachorum charitas allexit animos. In hoc ipse & successores ejus *Glocestriæ* Comites fuere sepulti, qui castrum suum de *Holmes* dictum in proximo habuerunt, quod nunc fere evanuit. Nec minus famæ accedit ex prælio *Lancastrensi* familiæ funesto, in quo anno M C C C L X X I *Lancastrensi* plurimi cæsi, plures capti & obtruncati, eorum res ita accisa, spefque attenuata, sublato *Edwardo Regis Henrici VI* filiolo unico, cui indignissime cerebrum hic aspersum; ut jam inde contra *Edwardum IV* signa non extulerint. Vnde de hoc oppido *I. Lelandus*,

Ampla foro, & parvis spoliis præclara *Theoci*
Curia, *Sabrina* qua se committit *Avona*,
Fulget, nobilium sacrisque recondit in antris
Multorum cineres, quondam inclita corpora bello.

Inde *Deorhirst*, de quo *Beda*, *Sabrina* impendit humiliori situ, unde magna damna perfert cum fl. ita insurgat, ut se non capiat. Monasteriolum olim habuit, quod à *Danis* dirutum, tandem revixit sub *Edwardo Confessore*, qui, ut in ejus te-

F f f stamen-

Vide in
Com.
Derby.
Antonius
Fitz Her-
bert jur. f.
consultus.

Severn.

Tewkesbu-

Sinapis.

Fitz-Hai-
mon.



Mono-
machia.

stamento legimus, *Locum religiosum ad Deorhirst, & ejus regimen S. Dionysio prope Lutetiam assignavit.* Paulo tamen post, ut inquit Malmesb. *Antiquitatis inane simulacrum erat.* Huic mediamnis in Sabrina objacet, Oleneaz, & Alney Saxonice, nunc *The Eight*, id est, *Insula*. Hinc celebris, quod cum assiduus præliis & Angli, & Dani comminuti fuissent: missio in compendium bello, utriusque gentis facta Edmundo Anglorum, & Canuto Danorum regibus commissa fuerint, qui singulari certamine de summa Imperii in hac insula depugnarunt. Sed post ancipitem æquo Marte pugnam, pax convenit, & regnum inter eos dispersit: verum Edmundo statim neque sine suspitione veneni sublato, universam Angliam occupavit Danus.

Glocester.
Glevum.

Sinuoso volumine à Deorhirst defluit Sabrina, & statim se diffundens, ut amnicam insulam viridantibus pratis lætissimam efficiat, primariam Comitatus præterfluit urbem, quam Antoninus CLEVVM, & GLEVVM dixit, Britanni *Caer Glowi*, Saxones *Gleaucerter*, nos *Glocester*, vulgus Latinorum *Gloverniam*, alii *Claudicestriam*, à Claudio Imperatore, ut fabulantur, qui sic denominaret, quum Genissam filiam nuptiis hic Arvirago Britanno locasset. De quo Iuvenalis,

*Regem aliquem capies, vel de temone Britanno
Excidet Arviragus.*

Quasi alias ille filias quam Claudiam, Antoniam, & Octaviam ex tribus uxoribus tulisset, & Arviragus ea ætate innotuisset, cujus nomen Domitiani tempore vix primo exauditum. Sed valeant qui contabulatis mendaciis antiquitatem superstruunt. In Ninnii potius sententiam irem, qui à Glouvo Vortigerni regis atavo denominatam scribit, nisi longo ante tempore *Glevum* ab Antonino dictum fuisset (quod & distantia à *Corinio*, & nomen comprobent.) Sed uti *Gleaucester* Saxonum, à *Glevo* promanavit, ita *Glevum* analogice à Britannorum *Caer Glowi*, quod à dictione *Glow* profluxisse suspicor, quæ Britannis *pulchrum* & *splendidum* sonat, uti *Caer Glow* sit idem, quod *urbs pulchra*, qua etiam significatione Græci suam *Callipolim*, *Callidromon*, *Callistratiam*, & Angli *Brightstow*, atque in hoc ipso agro *Faire-ford*, id est *Vadum pulchrum*, &c. habuerunt. Extructa fuit à Romanis, & Silurum quasi cervicibus imposita, Coloniaque eo deducta, quæ COLONIA GLEVVM dicta: vidimus enim fragmentum antiqui faxi in mœnibus Bathoniæ prope portam borealem sic inscriptum:

*Decurio.

*DEC COLONIÆ GLEV
VIXIT ANN. LXXXVI.

Urbs Sabrinæ exporrecta imminet, qua flumine non alluitur, murus firmissimus alicubi opponitur, Templorum numero, & ædium descriptione sane est elegans. In Australi parte castrum è saxo quadrato consurrexit, jam maxima ex parte plusquam caducum. Guilielmi Primi temporibus extructum, sedecimque domus eo loci (ut in Censuali Angliæ libro legimus) ad castrum construendum demolitæ fuerunt. De quo litem Henrico Secundo Rogerum filium Milonis Constabularii Glocestriæ intentasse, fratremque ejus

Gualterum omni jure quod in hanc urbem, & castrum habuit, excidisse Robertus de Monte scripsit. Ceaulinus Rex Occidentalium Saxonum primus Britannis circa annum reparatæ salutis DLXX vi & armis extorsit. In Merciorum potestatem postea cessit, sub quibus magno cum honore floruit, monasteriumque amplissimum Ethelredi Mercii permissu Osricus Rex Northumbriorum virginibus posuit, quibus Kineburga, Eadburga, & Eva Merciorum Reginae successive præfuerunt. Edelfleda etiam illa clarissima Merciorum Domina templo, in quo ipsa sita est, hanc urbem adornavit. Nec longo post tempore, cum Danicis deprædationibus universa regio exhausta esset, virgines illæ sacre sunt ejectæ, & Dani (ut habet Ethelwerdus author ille antiquus) *attegias fixerunt in oppido Glevu-cestre vario ictu*. Qua tempestate cum illa templa antiquiora subversa fuissent, Aldredus Eboracensis Archiepiscopus, & Episcopus Wigorniensis, monachis aliud (quod nunc principem locum obtinet, & Decanum cum sex præbendariis habet) construxit. Verum illud superioribus seculis novum decus accepit. I. enim Hanley, & T. Farley Abbates Capellam B. Virginis addiderunt, N. Morwent occidentale frontispicium, quod sane pulcherrimum, è fundamentis erexit, G. Horton Abbas borealem partem transversam, Abbas Trowcester claustrum nitidissimum, & Abbas Sebrok campanile præcellum adjunxit. Australe vero latus ex oblationibus populi ad sepulchrum Regis Edwardi Secundi restauratum etiam fuit, qui hic sepultus monumento alabastrino: & non procul ab illo infelix Robertus Curt-hose Guilielmi Primi filius natu maximus Dux Normanniæ medio choro in tumulo ligneo. Supra chorum vero in fornice hujus ecclesiæ paries in semicirculum angulosum eo artificio construitur, ut si quis admodum submissa voce ad unam ejus partem loquatur, & alter applicet aurem ad aliam partem satis longe distantem, facillime unamquamque syllabam exaudiat. Guilielmo Primo regnante, & antea, ferro conflando cives præcipue operam dedisse videantur. Nec enim, ut est in libro Angliæ Censuali, aliud fere tributum, quam quoddam ferri *Toras*, baculosque ferreos in usum classis Regiæ, & pauculos mellis sextarios reges imperarunt. A Normannorum ingressu calamitates nonnullas pertulit, ab Edwardo Henrici III filio, dum bello Baronico Anglia fumaret, direpta, & deinde fortuito igne pene absumpta. Sed longa pace fovente, jam rediviva floret, duabusque Centuriis adjunctis Comitatus factus, qui *Comitatus Civitatis Glocestria* nominatur. Episcopali quoque sede patrum memoria adauxit Henricus VIII, qua olim dignitate præclaram fuisse asserit Galfredus Monumethensis, & asserenti fidem non derogo, cum *Clurviensis* Episcopus inter Britannorum præfules connumeretur, quod nomen à Clevo, vel *Glow* deductum conjecturæ meæ, hanc Glevum esse Antonini, quodammodo firmiter subjungit.

Sabrina cum jam Glocestriam reliquerit, divasque aquas collegerit, alterno maris accessu, recessuque plenior, more sævientis pelagi exurgit, Oceanumque crebro sinuosus flexu petit. Nil

hil vero in itinere visit quod memoria dignum, nisi qua *Cam* amniculum recipit, *Cambridge* rusticum viculum, *cujus pontem quum ordine literato*, ut *Æthelwerdus* scribit, *Dani cum opimis spoliis transmeassent, exceperunt illos gravi pralio Occidentales Saxones, & Mercii in Woodnesfeld, ubi tres eorum reguli ceciderunt. Heatfden Cinuill, & Inguar.*

Eodem littore non multo inferius sedet *Barkley*, Saxonice *Beopkenlau*, castro munitissimo *Major* (qui summus est magistratus) & Dominis suis Baronibus de *Barkley* antiquæ nobilitatis notissimum; è quibus, regnante *Henrico VII*, *Guilielmus Baro Barkley* fuit Vicecomes *Barkley*, *Marchio Barkley*, Comes *Nottinghamiæ*, & *Marcellus Angliæ*; sed cum nullam ille progeniit prolem, hi tituli una cum illo evanuerunt. Qua arte *Godwinus Cantii Comes* vir ad faciendam injuriam instructissimus in hujus loci possessionem se miserit, si intelligere velis, paucula hæc ex *Gualtero Mapæo*, qui ante annos cccc floruit, legas, nec lectu sane indigna videantur. *Berkleia* prope *Sabrinam* est villa 500 librarum. Monialium erat ibi monasterium, quibus *Abbatissa* præfuit nobilis & formosa. *Godwinus Comes* in dolo subtili satis non ipsam, sed sua cupiens, in transitu ei reliquit nepotem suum juvenem elegantissima forma, tanquam infirmum, donec reverteretur, instruxitque ipsum jacentem ne convalesceret, donec visitantes ipsum, & ipsam & quascunque posset moniales fecisset de honestis onustas; & ut plenam valeret ab iis assequi juvenis visitationis gratiam, anulos & zonulas ei dedit ipsis in fraude largienda. Is igitur voluptatis iter ultro nium libenter ingressus, quod facilis descensus *Averni* facile docetur, & in id quod sibi sapit sapienter desipit. Penes ipsum resident omnia fatuis optanda virginibus pulchritudo, delicia, divitiæ, affabilitas, & sollicitus est singulum locum habere. *Diabolus Pallada* igitur expulit, *Venerem* intulit, fecitque *Salvatoris* & *Sanctorum Ecclesiam* execrabile *Pantheon*, & delubrum lupanar, & sic agnas convertit in lupas. Tumentibus igitur multarum uteris, jam relanguens & victus voluptatis evictor evolat, Domino suo victrices aquilas mercede dignas iniquitatis illico refert. Ille regem impigre adit, *Abbatissam*, & suas prægnantes, & omnibus prostitutas edocet, exploratoribus missis omnia probat. *Berkleiam* ipsis petit ejectis, & à Domino suo accepit, uxorque *Guedæ* reliquit, sed quia de hoc *Manerio*, sic habet liber * *Censualis Angliæ*, pro destructione *Abbatie* ipsa aliquid comedere nolebat, emit pro illa *Vdecester* ut inde viveret, donec ad *Berkley* maneret. Sic male parta mens bona semper averfatur. Quomodo Rex *Edwardus Secundus* uxoris artibus regno exutus, in hujus loci castro *Adami Episcopi Herefordensis* scelerata versutia sit sublatu, qui hæc verbula sine interpunctionibus ad ejus custodes scripsit: *Edwardum occidere nolite timere bonum est*, ut pro sensus varietate, & illi eadem patrant, & ipse se commode excusaret, malim ab Historicis petatis, quam à me expectetis. Sub hoc *Aven* fluviolus mare subintrat, ad cujus fontes vix octo mill. pass. à littore in collibus prope *Alderley* viculum lapides cochlearem, & ostrearum specie enascuntur, quæ sive viva aliquando fuerint animantia, sive naturæ ludicra, quærant Philosophi naturæ venatores. Fracastorius vero Philosophorum ætate nostra *Coryphæus*, animantia fuisse minime dubitat in mari enata, & in montes undis delata. Montes enim à mari

Britannia.

fuisse egestos affirmat, arena primum in tumulos coniecta, mareque inundasse ubi nunc montes exsurgunt, eodemque recedente insulas & montes fuisse detectos. Sed hæc extra curriculum.

TRAJECTVS cujus meminit *Antoninus*, è *Trajectus* regione *Abonis*, ubi *Sabrinæ* æstuarium trajicere solebant, olim erat, ut conjicimus ex nomine apud *Oldbury*, id est, si interpreteris, *Vetus Burgus*, ut nos hodie ad *Aust* viculum paulo inferius. Hic *Aust-clive* olim vocabatur, clivus enim est confragosus & in magnam altitudinem editus. Memoria sane dignum est, quod hoc loco factum fuisse scribit *Mapæus* ille quem dixi. *Edwardus Senior*, inquit, ad *Aust-clive*, *Leolinus V Valliæ* regulus ad *Bethelley* egerunt, & cum ad colloquia *Leolinus* minime descenderet, nec *Sabrinam* trajiceret, *Edwardus* ad *Leolinum* transit. Videns autem ipsum, & agnoscens *Leolinus* projecto pallio solenni, nam se foro paraverat, usque ad pectus ingressus est aquam, & cymbam amplectens ait, *Sapientissime Rex*, tua humilitas meam vicit superbiam, & sapientia triumphavit ineptiam, collum adscende, quod contra te fatuus erexi, & sic intrabis terram quam tibi hodie tuam feci benignitas, acceptumque humeris super pallium suum sedere fecit, & junctis manibus sibi fecit * hominum. In eodem etiam littore *Thornbury* jacet, ubi fundamenta magnifici ædificii educta visuntur, quod extructurus erat *Edwardus Dux Buckinghamiæ* ultimus, anno, ut testatur inscriptio, undecimo supra millesimum quingentesimum. Septem hinc milliaribus præfluente *Sabrinæ Aven* infusus *Glocestrenses* & *Somersettenses* dividit, nec procul ab ejus ripa *Puclechurch* cernitur, olim villa Regia *Puclekerks* dicta, in qua *Edmundus Angliæ Rex*, dum litibus dirimendis inter *Dapiferum* suum, & *Leove* hominem profligatissimum, se interponeret, transossus occubuit.

Huic vicina sunt *VVinterbourne*, quæ suos Dominos habuit *Bradstonos* nomine, à quibus Vicecomites *Montis-acuti*, Barones de *VVenthworth*, &c. genus deducunt. Acton quæ equestri familiæ de *Acton* nomen fecit, cujus hæres enupta *Nicolao Pointz* Equiti aurato tempore *Edwardi Secundi*, eandem posteris reliquit. *Derham* viculus, Saxonice *Deorham*, ubi cruento admodum prælio *Ceaulinus Saxo* tres *Britannorum* regulos, *Commail*, *Condidan*, & *Fariemeiol* cum aliis occidione occidit, & agri illius possessione *Britannos* omnino exuit. Amplissima valla castrorum munimenta, & hinc inde tanti belli monumenta expressissima etiamnum eo loci supersunt. Baronia hæc fuit *Iacobi de Novo Mercatu*, qui tres filias progeniit enuptas *Nicolao de Moëlis*, *Ioanni de Boter aux*, & *Radulpho Russell*, cujus posteris locupletati ex matrimonio cum hærede nobilis familiæ de *Gorges*, nomen *Gorges* sibi assumpserunt.

Magis ad Septentriones *Duresley* conspicitur, antiqua *Barkleiorum* possessio, qui hinc de *Duresley* dicti, fundatores fuerunt Monasterii de *Kingswood* Ordinis *Cistertiensium* in proximo: & haud ita procul ad Ortum *Beverston* castrum quondam *Gournaiorum*, & *Ab-Adamorum*, qui sub *Edwardo Primo* floruerunt, postea *Barkleiorum* ordinis equestris.

G g g

Ha-

Cam-brid-ge.

Barkley. Vide Bri- flow in So- merfetshir- re.

Godwini fraus.

* Domef- day booke.

Subdola Episcopi versutia. Edw. Secundi cædes.

Cochleæ lapideæ.

Superbia humilitate devicta.

* homage. Thornbury.

Puclechurch.

Bradeston.

Acton Ireton. Pointz. Deorham. Marianus.

Iacobus de Novo Mercatu.

Beverston. Ab-Adam.

Haftenus quæ trans Sabrinam, & ad Sabrinam sita sunt in hoc Comitatu cursim perstrinximus: nunc ad orientalem partem progrediamur, quam collibus attolli diximus, *Cotswold* scil. quæ à collibus & ovilibus sic dicta. Montes enim & colles *VVoulds* olim dixerunt Angli, unde Glossarium antiquum, Alpes Italiae *The VVoulds of Italie* interpretatur. In his candidissimi ovium greges maximo numero pascuntur, cervice prolixa, & quadrato corpore propter situm gracilem, & collinum, ut vulgo creditur, quarum lanæ mollissimæ in maximo apud omnes gentes honore habentur. Sub horum collium latere antiquioris notæ quasi in una vicinia hæc celebriora loca cernuntur.

Camden. *Camden*, vulgo *Camden*, mercatus satis celebris, ubi (ut author est Ioannes Castoreus) Saxonici generis Reges omnes anno Salutis DCLXXXIX convenerunt, & in commune de bello contra Britannos consuluerunt: quodque tempore Guilielmi *Conquestoris* possessio erat Hugonis Comitit Cestriae, & ab ejus posteris ad Rogerum de *Somery* per Nicolaum de *Albeniaco* tandem devenit. Iuxta quod est *VVeston* non antiquæ memoriæ, sed jam ob speciosas ædes à Radulpho *Sheldon* sibi & posteris positas, quæ longe prælucent, memorandæ.

Hales. *Hales* Monasterium nuper florentissimum à Richardo Cornubiæ Comite & Romanorum Rege exædificatum, & alumno suo Alexandro de *Hales* in spinosa illa Scholasticorum Theologia coryphæo laudatum.

Sudley. *Sudley*, olim *Sudleagh* castrum elegantissimum, nuper sedes Ægidii *Bruges* Baronis de *Chandos*, cujus avum Joannem Maria Regina Baronem de *Chandos* creavit, quod ex antiqua familia de *Chandos* originem duxit, è qua effloruit regnante Edwardo Tertio Ioannes *Chandos* Vicecomes de *Sancto Salvatore* in Gallia ab omni rei militaris laude foelicissimus. Olim vero nobiles qui hinc de *Sudley* nominati incoluerunt, ex antiquissima Anglica profapia, scilicet Goda Æthelredi Regis filia prognati, cujus filius Radulphus Medantinus Herefordiæ Comes genuit Haraldum Dominum de *Sudley*, cujus soboles hic diu floruit, donec deficientibus masculis, hæres cum Guilielmo *Butler* ex familia de *VVem* nuptias contraxit, illique peperit Thomam, ille vero genuit Radulphum Thesaurarium Angliæ, ab Henrico Sexto creatum Baronem de *Sudley* qui hoc castrum novis ædificiis instauravit. Cujus sorores in familias de *Northbury* & *Belknap* enuptæ fuerunt, per quas brevi in varias familias possessiones sunt distractæ.

Toddington. *Toddington* etiam proxime est huic vicinum ubi *Tracii* generis vetustate clari diu floruerunt, qui sibi Barones de *Sudley* per-benignos olim senserunt. Quomodo autem in primo religionis diffidio in Guilielmum *Traci* hujus loci Dominum jam mortuum animadversum fuerit cadavere effosso, & publice cremato ob verbula in testamento quæ hæresim, ut ea tempora judicarunt, respuerint. Quomodo etiam olim alter Guilielmus de *Traci* Thomæ Cantuar. Archiepiscopi cæde manus cruentaverit, Ecclesiastici fusc scripserunt, nec instituti est mei hujusmodi enarrare.

VVinchelcombe hic etiam oppidum satis frequens, ubi Kenulphus Mercius monasterium erexit, & quo consecravit die, Edbriethum Cantii Regem quem captivum tenuerat, gratis ad suos demisit. Vix credas in quanta celebritate hoc Monasterium jampridem fuerat ob reliquias regis Kenelmi pueri septennis, quem soror, ut hæreditatem interverteret, clanculum è medio sustulit, & in Martyrum catalogum majores retulerunt. Territorium huic adjacens quondam per se Comitatus, sive Vicecomitatus censebatur, legimus enim in antiquo manuscripto codice ecclesiæ Wigorniensis, *Edric cognomento Streona, id est, Adquisitor, qui sub Rege primitus Æthelredo, & postea aliquandiu sub Cnut, sive Canuto omni Anglorum regno præerat, & quasi subregulus dominabatur, Vicecomitatum de V Vinchelcombe, quæ per se tunc erat, Vicecomitatu Glocester adjunxit.* Inferius *Brimesfield* jacet, quæ suos olim Dominos habuit *Giffordos*, quibus uxorio jure laura à *Cliffordis* obvenit hæreditas, & statim per hæredes fœminas, ad Dominos *Le Strange de Blackmer, Audleios, & alios* decedit.

Hæc inter colles; sub collibus vero juxta limitem Comitatus orientalem vidimus celebrem illam Roman. viam *Fosse* noto nomine dictam, quæ à Warwicensibus primum descendit per *Leming-ton*, ubi statio Romanorum videatur fuisse ex Romanis numismatis ibi sæpe erutis, quorum nonnulla mihi pro humanitate impertiit Edw. Palmerus antiquitatis sedulus cultor, cujus majores hic diu floruerunt, & deinde per *Stow on VVould* ventis ob sublimem situm nimis expositam & *Nort-Leach*, cognominem fluviolo alluenti, ad *Cirencester*, quam *Corinus* fluvijs inter colles magna molarum opportunitate in austrum effusus allabatur, nominique adoptat suo. Vetustæ inprimis memoriæ hæc urbs est, Ptolemæo *CORINIVM*, Antonino *DVROCORNIVM*, id est, *Cornovium Aqua*, exacte ad xv à Glevæ sive *Glocestria*, ut ille annotat, lapidem, Britannii *Caer Cori, Caer Ceri*, Anglo-Saxones *Cypen-cearce* dixerunt, nos hodie *Cirecester*, & *Circiter*. Mœnium ruinæ peramplum fuisse declarant, quæ duo utique milliaria, ut ferunt, in ambitu collegerunt. Inclaruisse comprobant Romanorum nummi, pavimenta tessellata, & marmora inscripta subinde effossa, quæ cum in ignaros inciderint, non minimo antiquitatis damno comminuta perierunt, & viæ illæ Romanorum consulares quæ hic transverse se interfecerunt, quarum illa quæ ad *GLEVVM* sive *Glocester* duxit conspicuo aggere adhuc extat usque ad *Bridlip hill*, & diligenter intuenti saxis constrata videtur. Britannici annales hanc urbem à Gurmundo, nescio quo tyranno Africano, strategemate per passeres incensam deflagrasse produnt, unde *Passerem Urbem* *Giraldus* vocat, & ex illis *Nechamus*,

Vrbs vires experta tuas Gurmunde per annos Septem.

Quis fuit hic Gurmundus plane ignoro. Incolæ sub urbem molem ostendunt, quam Gurmundum jecisse ferunt, *Grismundi* tamen turrem vocitant. Marianus antiquæ fidei historicus Ceaulinum hanc Britannis abstulisse memorat, quo tempore eorum exercitus ad *Deorham* fudisset, & Glevum in potestatem redegit. Longo post tem-

Winchelcombe.

Brimesfield. Giffordi Barones.

Fosseway.

Cirencester.

Corinium.

Via Romanorum militaris.

Isis fl. quod postea Tamisis.

** Fosseway.*

tempore Occidentalibus Saxonibus paruit. Legimus enim Pendam Mercium à Cinegliso Saxonum Occidentalium Rege profligatum cum hanc ingentibus copiis circumfideret. In Merciorum tamen potestatem cum universo agro tandem devenit, & ad Anglicam usque monarchiam permanfit. Sub qua luctuosam, affligentibus Danis, fortunam subiit, à Gurmone fortasse illo Dano, qui & *Guthrus*, & *Gurmundus* ab historicis vocatur. Nunc autem vix quarta pars intra mœnia habitatur, reliqua sunt agri compascui, ruinæque cœnobii à Saxonibus, ut ferunt, primum extructi, & ab Henrico II restaurati. In quo multos ex familia Baronum de *S. Amando* sepultos accepimus. Castrum vero quod habuit regia autoritate anno primo Henrici III dejectum fuit. Lanificio maximum quæstum faciunt incolæ, & Richardi Primi singularem in se benignitatem prædicant, qui cœnobium locupletavit, & ipsos, ut asserunt, septem adjacentibus Centuriis præfecit *ad tenendum ad feodi firmam*, ut causas cognoscerent, & multas, aliaque ex causis illis cognoscendis emolumenta sibi ipsi haberent. Rex etiam Henricus IV nonnulla indulfit privilegia ob operam strenue præstitam in *Thoman Holland* Comitem Cantii, *Ioannem Holland* Comitem Huntingdoniæ, *Ioannem Montacute* Comitem Sarisburii, *Thomam De-Spenser* Comitem Glocestriæ, & alios qui ab eo suis honoribus spoliati in ejus caput conspirarunt, & hic ab oppidanis intercepti partim interfecti, partim capite obtruncati fuerunt.

Isis fl.
quod
postea
Tamisis.

Corinio relicto, Corinus flu. Isidi ad sextum milliare se consociat. *ISIS* enim vulgo *Ouse*, ut Glocestrensis origine esset, ex hujus agri australi limite, juxta *Torleton* viculum haud procul à via illa celebri *Foss-way* venis perennibus manat. Hic ille *Isis*, qui postea recepto *Tama*, *Tamisis*, composito vocabulo dicitur, fluminum Britannicorum regnator, de quo non immerito dicere liceat, & ferere Britanniam, & rigare, quod de Euphrate in Oriente dixerunt veteres. Poëticam vero fontis descriptionem ex *Tamæ*, & *Isis* connubio subjunxi, quam sive admittas, sive omittas minimi refert,

* *Foss-way*.

*Lanigeros qua lata greges Cotswaldia pascit,
Crescit & in colles faciles, visura Dobunos,
Haud procul à Fossa longo spelunca recessu
Cernitur, abrupti surgente crepidine clivi:
Cujus inauratis resplendent limina topbis,
Atria tegit ebur, tectumque Gagæ Britanno
Emicat, alterno solidantur pumice postes.
Materiam sed vincit opus, ceduntque labori
Artifici topbus, pumex, ebur, atque Gagates.
Pingitur hinc vitrei moderatrix Cynthia regni
Passibus obliquis volventia sydera lustrans:
Oceano tellus conjuncta marito marito
Illinc celatur, fraterna que flumina Ganges;
Nilus, Amazonius, tractusque binominis Istri,
Vicini & Rheni: sed & his intermicat auro
Vellere Phryxæo dives, redimitaque spicis
Clara triumphatis erecta BRITANNIA Gallis, &c.
Vndoso hic folio refidet regnator aquarum
ISIS, fluminea qui majestate verendus
Ceruleo gremio resupinat prodigus urnam,
Intonsos crines ulvis & arundine cinctus.*

*Cornua cana liquent, fluitantia lumina lymphis
Dispergunt lucem, propexa in pectore barba
Tota madet, toto distillant corpe gutta:
Et salientis aquæ prorumpunt undique venæ.
Pisciculi liquidis penetralibus undique ludunt,
Plurimus & cygnus niveis argenteus alis
Per volitat circum, &c.*

Quod ad Glocestriæ Comites attinet, quidam Guilielmum *Fitz-Eustace*, tanquam primum Comitem nobis obtruserunt, quis hic fuit nondum legendo comperi, nec unquam natum fuisse credo. Quod vero comperi, lectori non subducam. Sub Normannorum ingressum, Bithricum Saxonem Glocestriæ Dominum fuisse legitur, quem Matildis Guilielmi Normanni uxor sprete injuria formæ exulcerata (ejus enim nuptias prius aspernatus erat) infestissime exagitavit, & cum in vincula tandem conjecisset, ejus possessiones à victore Rege Robertus filius *Haimonis Corbulensis*, vulgo *Fitz-Haimon* dictus accepit, qui in prælio *contro tempora ictus hebetatus ingenio*, non pauco tempore quasi captus mente supervixit. Hujus filiam *Mabiliam* (quæ aliis *Sibylla*) Robertus Henrici Primi filius nothus in uxorem duxit, primusque Glocestriæ Comes factus, vulgo scriptorum *Glocestriæ Consul* appellatur, vir si quis alius eo seculo, excelso atque invicto animo & qui nunquam rebus asperis de gradu dejectus pro sorore Matilda contra Stephanum Angliam occupantem res magnas & arduas magna cum laude gessit. Ille hunc honorem Guilielmo filio reliquit, cujus tres filia in totidem familias hanc dignitatem intulerunt; maxima natu *Isabella* Ioannem Regis Henrici Secundi filium hoc titulo ornavit, sed is postea cum regni compos esset, illam repudiatam pro 20000 *Marcis* dedit *Galfredo de Magnavilla* filio *Galfredi filii Petri* Comitis *Essexiæ*, quem Comitem Glocestriæ dixit. Illo sine sobole mortuo, *Almaricum* * *Ebroicensis* Glocestriæ Comitem instituit, utpote filium *Mabilæ*, quæ filia erat Guilielmi illius minima natu. Sed *Almarico* sine prole itidem defuncto, ad *Amiciam* filiam natu minorem devenit hæreditas, quæ *Richardo de Clare* Comiti *Hertfordiæ* elocata *Gilbertum de Clare* Glocestriæ Comitem peperit, cujus filius *Richardus*, nepos *Gilbertus* secundus, & pronepos *Gilbertus* tertius, qui in prælio ad *Sterling* in Scotia cecidit, ordine successerunt. Attamen dum hic *Gilbertus* tertius adolefceret, *Radulphus de Monte Hermerii*, qui clandestinis nuptiis *Gilberti* secundi viduam, Regis *Edwardi* Primi * filiam in uxorem duxerat, Comitis Glocestriæ titulū aliquandiu gessit, cumque *Gilbertus* annum ætatis xxxi explefset, eum exuit, & inter Barones accensebatur. Post *Gilbertum* tertium sine liberis demortuum *Hugo Despenfer* vulgo *Spenser* junior à scriptoribus dictus est Comes Glocestriæ, eo quod primogenitam ejus *Gilberti* tertii sororem duxerat. Verum illo à Regina & proceribus in odium Regis *Edwardi* Secundi, cui erat in deliciis, suspensio, hunc honorem *Hugo de Audeley*, qui alteram duxerat sororem gratia *Edwardi* III accepit. Post ejus obitum in Ducatum hunc titulum erexit Rex *Richardus* Secundus, tresque Duces, unumque Comitem interpositum habuit, quibus omnibus

Gloce-
striæ Co-
mites.

Hist. Mo-
nast. Tew-
kesbury.

Fitz-Hai-
mon Guil-
Malmes.

Pat. 15.
Ioan. R. 4.
* *D' Ew-
renx.*

Glocestriæ
& Hert-
fordiæ
Comites.

* *Ioanna
D' Acres*
dicta quia
Aconi na-
ta.
Tho De
la Mare in
vita E. 2.

Glocestriae
Duces.

equum se præbuit Sejanum. Thomam de *VWoodstocke* Comitem *Buckinghamia*, filium natu minimum Regis Edwardi III Glocestriae Ducis titulo primum evexit, statimque detruxit Rex ille Richardus Secundus. Illum enim magna molientem Caletum ex improvviso abreptum plumeo lecto injectosuffocari curavit, cum sub sua manu prius confessus fuisset (ut in Rotulis Parlamentariis habetur) se regiam auctoritatem extorto à Rege diplomate sibi arrogasse, ad Regem armatum accessisse, opprobriis lacerasse, viros doctos de fide renuncianda consuluisse, atque de Rege deturbando cogitasse. Ob quæ jam mortuus Parlamentaria auctoritate læsæ Majestatis damnatus. Illo extincto, idem Rex Thomæ *Despenfer* Comitis Glocestriae titulum contulit, qui paulo post non meliori quam Hugo proavus fatus, ab Henrico IV exturbatus, ignominiose degradatus, & Bristolæ securi percussus. Secundum Glocestriae Ducem creavit Humfredum fratrem Rex Henricus V, qui *Regum filius, frater, & patruus, Dux Glocestriae, Comes Penbrochia, Magnus Angliæ Camerarius* (his enim titulis usus est) de Republica & literis optime meritis fraude muliebri apud S. *Edmundi Burgum* sublatus. Tertius & ultimus erat Richardus frater Regis Edwardi IV, tertius, qui postea Richardi III nomine regnum, sublatis scelere nepotibus, occupavit, & post biennium justo prælio cum vita amisit; sensitque quod scelere quæsitâ potentia non sit diuturna.

Richardus
Tertius
Rex Angliæ.

De hoc postremo Glocestriae Duce, primisque ejus regni auspiciis liceat mihi Historici personam paulisper induere, quam & mox, quia satis tueri non possum, exuam. Cum ille regni *Prorector* jam declaratus nepotes suos Edwardum V Regem Angliæ, & Richardum Ducem Eboracitenellos in potestate haberet, regnum sibi aucupaturus benignitate in plurimos profusa, summa gravitate cum comitate singulari aspersa, solida prudentia, justitiæ æquabilitate, nec non subdolis artibus omnium omnino animos, præcipue autem juris-prudentum sibi conciliavit; & effecit ut nomine Ordinum regni supplex sibi exhiberetur libellus, quo maximopere contenderent, ut ad publicum Regni bonum & populi salutem regnum capefferet, patriam labentem exciperet, corruiere non sineret, quæ (naturæ jure, & legum auctoritate proculcatis) bellis intestinis, rapinis, homicidiis, & nullo non miserrimarum genere conflictata contabuerat, ex quo Edwardus IV frater ejus matrimonium infastum cum Elizabetha *Greii* vidua philtis pelletus, sine procerum assensu, sine matrimonii publicatione, clandestino, non in facie ecclesiæ, contra laudatissimam Ecclesiæ Anglicanæ consuetudinem contraxisset. Quodque gravius, cum jam antea ille sponsalia cum Domina *Æleanora Butler* Comitis Salopiae filia præcontraxisset: unde illegitimas fuisse illas nuptias, & una liberos

ex illis procreatos illegitimos esse, & regni minime capaces certo certius constaret. Adhæc cum Georgius dux Clarentiæ frater Secundus Edwardi IV Parlamentaria auctoritate læsæ majestatis esset damnatus, ejusque liberi omni jure successionis inde exclusi, nemini non comperitum esse, quod Richardus ipse solus & certus regni superesset hæres. Quem in Angliam natum Angliæ bono serio consulturum certo norunt, nec de ejus natalibus & *filiatione* dubitare possent: cujus etiam prudentiam, justitiam, animi magnitudinem, res belli fortissime pro Reipub. salute gestas, & regii generis splendorem, utique è regio Anglorum, Gallorum, & Hispanorum semine explorete perspicerent. Quare, his & hujusmodi, etiâ atq; etiam diligenter perpensis, ipsum in Regem illo scripto, & uno omnium consensu libentes lubentesque elegerunt, precibusque & lachrymis prostrati ejus fidem implorantes obtestati sunt, ut regna Angliæ, Franciæ, & Hiberniæ ipsi jure hæreditario, & ipsorum electione delata assumeret, & pro pietate patriæ jacenti salutarem dextram porrigeret. Omnem illi fidem, obsequium, studium prolixè polliciti, si faceret; sin minus, se ultima quæque experturos potius quam indignissimæ servitutis laqueos, quibus jam explicati erant, denuo subituros. Hic libellus supplex ipsi exhibitus priusquam regnum capefferet, postea etiam in publico ordinum regni conventu oblatum erat, & approbatus, & eorum auctoritate scitum & declaratum (congerie verborum ut assolet) jure divino, jure naturali, Angliæ legibus, & nunquam satis laudata consuetudine Richard. legitima electione, consecratione, & coronatione fuisse & esse Regem Angliæ, &c. indubitatum, & ad liberos ex ejus corpore prognatos regnum Angliæ, &c. jure spectare. Utque ex ipso autographo loquar, *auctoritate Parlamenti pronuntiatum, decretum, & declaratum erat omnia & singula in prædicta Bulla contenta esse vera, & indubia, ac idem Dominus Rex de assensu trium Statuum regni, auctoritate prædicta pro vero & indubio pronuntiat, decernit, & declarat.* Hæc paulo fufius exposui, ut intelligatur quid & quanta Principis potentia, simulata virtus, luridicorum strophæ, spes blanda, timor sollicitus, novarum rerum studium, & speciosi obtentus in prudentissimo Ordinum regni conventu contra fas & jus efficere potuerint. Cæterum hic Richardus non ut Galba capax imperii, nisi imperasset, habendus, qui omnium expectationem imperium nactus fefellit: sed dignissimus regno nisi malis artibus, & scelere ad regnum grassatus esset, adeo ut inter malos viros sed bonos principes prudentum consensu fuerit connumeratus. Sed ego Chorographus deposita jam persona hæc historicis relinquo.

Paræcie 280 in hoc Comitatu comprehenduntur.

O X F O R D - S H I R E .



Xonienſis ager, Saxonice Oxenſporſchype, vulgo Ox-ford-Shire, quem etiam ad Dobunos ſpectaſſe diximus, Gloceſtrenſi ad occaſum conjungitur, ab Auftro qua in maximam latitudinem excurrit, Ifide flumine à Barkſhire exclu-

ditur, ad Ortum Buckinghamienſi agro definitur, ad Septentriones, qua in conum quaſi definit, hinc Northantonienſi, illinc Warwickenſi includitur. Regio fertilis eſt & opima, plana arvis & pratis ſunt exulta: colles crebris ſylvis obſeſſi, nec frugibus tantum, ſed omni genere animantium, quæ venatu & aucupio ad cibum capi ſolent, ubique referta, fluviis etiam piſcoſis irrigua. Iſis enim, qui poſtea TAMISIS, longo decurſu Auſtrale latus ſubluit. Cherwell piſcoſus fluviolus cum Northantonienſes ab Oxonienſibus aliquandiu ſejunxerit, placide mediam regionem intermeat, & quaſi in duas diſperſit partes. Partemque Orientalem Tama ſuis aquis irrigat, feracemque reddit, donec ab Ifide uterque cum influentibus rivulis excipitur.

Iſis cum Wiltonienſes perſtrinxit, ſtatim atque Oxonienſes adit, Rodcottano ponte coërcitus Bablac præterfluit, ubi Robertus Verus ille potentiſſimus Oxoniæ Comes, Dubliniæ Marchio, & Dux Hiberniæ, qui ut in ſumma fuit potentia apud Regem Richardum Secundum, ita ſumma invidia apud proceres; nullam potentiam, ut inquit ille, potentem eſſe nos docuit. Ibi enim levi prælio à proceribus deviſtus, in flumen ſe conjicere & tranare coactus, ſuæ fortunæ cataſtrophæ exhibuit: ſolum enim ſtatim vertit, & extorris obiit. De quo in Connubio Tamis & Iſis.

Hic verus notiſſimus apro

Dum dare terga negat virtus, & tendere contra
Non ſinit invictæ reſtrix prudentia mentis;
Undique dum reſonat repetitis ictibus umbo,
Tinnituque ſtrepit circum ſua tempora caſſis,
Se dedit in fluvium, fluvius letatus & illo
Hospite, ſuſcepit ſalvum, ſalvumque remiſit.

Iacentibus agris inde ſæpius innatans Iſis Windruſho fluviolo primum augetur, qui è Cotteſwoldia profluens ad ripas Burford videt, Saxonice Beorþro, ubi Cuthredus Occidentalium Saxonum Rex, tunc Merciorum beneficiarius, cum acerbiffimas Æthelbaldi Mercii exactiones diutius ferre non poſſet, qui ſuorum ſuccum & ſanguinem exhaurire cœpit, ſigna contra eum extulit, & fugavit: vexillo ejus capto, in quo aureum draconem depictum fuiſſe memorant authores. Inde Minſter Lovell prætervehitur, ſedem olim Baronum Lovellorum de Tichemerſh, qui à Lupello Normanno nobili exorti multis ſeculis flourerunt, & opulentis nuptiis cum hæredibus de Tichemerſh, Dominorum Holand, D'eyncourt, & Vicecomitum de Bellomonte aucti. Deſierunt vero in Franciſco Vicecomite Lovell Camerario Richardi Tertii, à Rege Henrico VII proſcripto, Britannia.

& in prælio ad Stoke pro Lamberto ementito principe occiſo, cujus ſoror erat Frideſwida Henrici primi Baronis Norris avia. Hinc VVhitney perfundit Windruſhus antiquum oppidum, & ante Normannica tempora Episcoporum Wintonienſium, cui adjacet Coges caput Baroniæ de Arſic, cujus domini è familia Comitum Oxoniæ prognati multos ante annos ſunt extincti. Iuxta quod VVicheſwood ſaltus late patet, qui quondam latius patuit. Nam Rex Richardus Tertius deaſſoreſtavit magnum agrum de VVicheſwood inter VVoodſtocke & Brighſtow, quem Edwardus Quartus foreſte incorporavit, ut teſtatur I. Roſſus Warwickenſis. Windruſho recepto ad Einſham deſertur Iſis, Saxonice Eignephām, villam olim Regiam inter amœniſſima prata conſitam, quam Cuthwlfus Saxo deviſtis Britannis primus abſtulit, Æthelmarus vir nobilis monaſterio ornavit. Quod Æthelredus Rex Angliæ anno Salutis 1015 confirmavit, & libertatis privilegium (ex ipſo Autographo loquor) cum ſignaculo ſanctæ crucis confirmando conſignavit. Nunc autem in privatas ædes converſum Comitem Derbienſenſem Dominum agnoſcit. Sub hoc in Iſidem Evenlode fluviolus emittitur è Cotteſwoldia etiam prolapsus, qui in ipſo agri limite, non longe à ripa antiquum monumentum relinquit, vaſta ſcilicet ſaxa in orbem diſpoſita, quæ Rolle-rich ſtones vulgus appellat, hominesque olim fuiſſe qui in ſaxa ſtupenda metamorphiſi riguerunt, ſomniat. Horum qualemunque delineationem jam olim expreſſam pagina ſequenti exhibemus. Informia enim ſunt, inæqualia, longique temporis vetuſtate multum imminuta, & exela. Omnium celliſſimum quod extra coronam Ortum ſpectat Regem vocitant, quia Regem illum Angliæ fore, ſi modo Long-Compton (viculus eo nomine ſubjacet) ſemel vidiffet, quem pauculis progreſſus paſſibus videas: aliaque quinque ex altera parte contigua Equites, reliquos Exercitum fuiſſe comminiſcuntur.

Hæc victoriæ alicujus monumentum ego crediderim, & forte à Rollone Dano, qui poſtea rerum in Normannia potitus. Quo enim tempore ille cum ſuis Danis, & Normannis Angliam deprædationibus exagitarer, Danos cum Anglis prælium juxta ad Hokenortum conſeruiſſe legimus, & poſtea iterum dimicaſſe ad Scierſtane in Huiccia, quem etiam judicari lapidem eſſe illum terminalem in proximo, qui quatuor Comitatus diſtinguit, hoc enim Saxonica illa dictio Scierſtane planiſſime innuit. Hochenorton vero ille de quo dixi, ob ruſticitatem incolarum ſuperiori ſeculo ceſſit in proverbium; ut inde natum dicerent, quaſi Suillium, qui moribus ſit agreſtioribus. Nulla re olim magis innotuit quam miſeranda Anglorum cæde in prælio contra Danos ſub Edwardo Seniore. Baronia fuit poſtea D'Oiliorum honoratæ & antiquæ familiæ Normanniæ, quorum in Angliam primus ingreſſus eſt Robertus D'Oilye, qui ob operam ſtrenue præſtitam, hunc vicum, plurimaſque terras à Guilielmo Conqueſtore accepit, nonnullasque dedit fratri ſuo jurato

H h h

Ro-

Rodcot
bridge.
Bablac.

1387.

Aper ſym-
bolum fa-
miliæ Ve-
rorum.

Burford.

Barone
Lovell.

Barones
de Arſic.


Einſham.

Rolle-rich
ſtones.

Hochenor-
ton.

Lib. Olin-
enſis.

D'Oily.





Baronia
de Sancto
Valerico.

Registr.
Mon. de
Osney.

37.H.3.

Woodstock.

Vivarium
in Anglia
primum.

Rogero Ivereio, quæ dictæ fuerunt Baronia de S. Valerico. Verum cum Robertus ille sine prole mascula diem obiisset, successit in hoc frater ejus Nigellus, cujus filius Robertus Secundus fuit fundator Monasterii Osney. Tandem vero hæres hujus familiæ D'Oily enupta fuit Henrico Comiti Warwicensi, cui peperit Thomam Comitem Warwici, sine prole defunctum, regnante Henrico Tertio, & Margaretam, quæ etiam sine sobole obiit, licet duos habuerit maritos, Ioannem Marescallum, & I. de Plessers utrumque Warwici Comitem, Tunc vero (ex ipsa largitionis Charta loquar) Rex Henricus III Hochmorton, & Cudlington concessit Ioanni de Plessers, sive Plessy, quæ fuerunt quondam Henrici D'Oily, & quæ de venerunt in manum Regis post mortem Margarete quondam Com. VVarwici uxoris prædicti Ioannis, tanquam Eschaeta de terris Normannorum, habendum & tenendum donec terra Angliæ & Normanniæ fuerint communes. Ex hac tamen antiqua & celebri stirpe equestri D'Oliorum familia etiamnum in hoc Comitatu superest.

Nihil aliud memorandum præterfuit Evenlode, sed cursu satis longo confecto amniculum admittit, ad quem sedet VWoodstok Saxonice pueroc, id est, Locus sylvestris, ubi Ethelredus Rex olim ordinum conventum habuit, & leges tulit. Edes hic sunt regis magnificentiæ plenæ ab Henrico Primo constructæ, qui etiam vivarium amplissimum saxeo muro incinctum adjunxit, quod primum fuisse in Anglia vivarium scribit Ioannes Rossus, licet *Parcus sylvestris bestiarum* semel atque iterum in Censuali Angliæ libro legatur. Verum jam inde in eum numerum excreverunt, ut plura fuerint in Anglia, quam in reliquo orbe Christiano habeantur, eo usque venandi studium majores nostros provexit. Referunt historici nostri Henricum II, cum Rosamundam Clifordiam deperiret, quæ forma adeo eximia & liberali erat, ut ejus pulchritudo omnes ex principis animo deleret mulieres, & jam *Rosa mundi* vulgo diceretur: ad eam ab importuna Iunone sua

occultandam, Labyrinthum in his ædibus multis ambagibus, occursum, recursumque inexplicabili in-ædificasse, qui tamen hodie nusquam apparet. Oppidum ipsum cum nihil habeat quod ostendet, Homerum nostrum Anglicum Galfredum Chaucerum alumnum suum fuisse gloriatur. De quo & nostris Poëtis Anglicis illud vere asseram, quod de Homero, & Græcis eruditus ille Italus dixit:

*Hic ille est cujus de gurgite sacro
Combibit arcanos datum omnis turba furores.*

Ille enim extra omnem ingenii aleam positus, & Poëtastris nostros longo post se intervallo relinquens:

*jam monte potitus,
Ridet anhelantem dura ad fastigia turbam.*

Isis cum Evenlodum jam admiserit, diviso alveo in plurimas, & amoenissimas insulas distrahitur, ad quas Godstow, id est, Dei locus, virginum cœnobium erat, quod Ida vidua opulenta extruxit, & Ioannes Rex instauravit, annuoque censu dotavit, ut virgines illæ sacræ suis suffragiis (ea enim persuasio jam omnium animos occuparat,) Henrici II patris, & Rosamundæ animabus subvenirent. Illa enim ibi cum hoc Epitaphio Rhythmico sepulta:

*Hac jacet in tumba Rosa mundi, non Rosamunda,
Non redolet, sed olet, quæ redolere solet.*

Necdum in unum se colligit Isis, cum Chertwellum, qui agrum hunc quasi intermeat, è Northantonensi provincia obvium habeat. Hic Banbury quondam Banefbypiz primum perfundit, ad quod Kinricus Visifaxo Britannos pro aris & focis fortiter dimicantes memorabili prælio olim fudit: & superiori seculo Richardus Nevill Comes Warwicensis, dum à Lancastrensiu parti- bus stare, Eboracenses ita profligavit, ut statim etiam ipsum Edwardum IIII consilii inopem ceperit, & abduxerit. Nunc autem conficiendo caseo notissimum, castrum ostendit, quod Alexander Lincolniensis Episcopus (ad Lincolniensem enim cathedram spectat oppidum) construxit,

Labyrin-
thus.

Galfredus
Chaucer.

Godstow.

Banbury.

xit, qui cum late potius, quam late habitare voluit, plurima sibi mala ex insanis substructionibus accersivit. Sub hoc, ut obiter notem, Romanorum Imperatorum numismata reperta, ut etiam alibi in vicinis agris, ad loci vetustatem afferendam faciunt.

Nec hic omittendum, quod proximum est Broughton sedes Richardi Fienes sive Fenis, cui & hæredibus de corpore Potentissimus Rex Iacobus anno regni sui primo recognovit & confirmavit nomen, stilum, titulum, gradum, dignitatem, & honorem Baronis de Say & Sele; utique, qui à Iacobo Fienes Barone de Say & Sele & magno Angliæ Thesaurario tempore Regis Henrici Sexti, recta linea genus deduxit. Iam inde longo à Banburia decursu nihil præter cultissimos agros & lætissima præta cernit Cherwellus. In quibus confident Islip olim Ghislip Edwardi Regis illius, quem ob pietatem, & continentiam Confessoris nomine dignati sunt majores, locus natalis, ut ipse testatur in Autographo quo hoc suum Manerium Ecclesiæ Westmonasteriensi dedit, & Hedindon quam in Baroniam Thomæ Bassæt Rex Ioannes donavit.

Cherwellum hic ab Ortu influit rivulus, qui Burcester, Saxonice Burenceaster, Bernaceaster præterfluit, antiqui nominis oppidulum, sed ubi nihil antiquum observavi, nisi Gilbertum Bassæt, & Egelinam de Courteniac uxorem ejus, in honorem S. Eadburgæ, regnante Henrico Secundo, hic cœnobium contruxisse; & non ita pridem Barones Le Strange de Knocking, loci Dominos extitisse. Sed ad Occasum adjacent desertæ stationis antiquæ pauca reliquæ, Alcester vocant, fortasse quasi Aldchester, id est, vetus oppidum, per quod via militaris à Wellengfordia, ut credunt vicini, ad Banburiam duxit, Akemanstreat vey illis appellata, cujus agger in planitie de Otmore, quæ hibernis aquis sæpe superfusa, per aliquot miliaria adhuc extat manifestissimus.

Ubi vero cum Iside confluit, & amœnissimæ insulæ aquarum divortiis sparguntur, in campestri planitie eminet celeberrima Academia OXONIA, Saxonice Oxenford, vulgo Oxford, Athenæ nostræ nobilissimæ, Angliæ *μυστήριον*, & *ἑρσέα*, imo Sol, Oculi, & anima, literarum & sapientiæ clarissima scaturigo, unde religio, humanitas, & doctrina in omnes regni partes uberrime diffunduntur. Vrbs egregia, & nitida sive privatorum ædificiorum elegantiam, sive publicorum dignitatem, sive situs salubritatem, & amœnitatem spectes. Planitiem enim ita obvallant nemorosi colles, ut hinc pestilenti Austro, illinc tempestuoso Zephyro excluso, tantum serenantem Eurum, & Aquilonem corruptionis vindicem admittant, unde ab hoc situ Bellofitum, quondam dictum fuisse produnt scriptores. Nonnulli hanc Caer Vortigern, & Caer Vember Britannice appellatam, & nescio quos Vortigernos, & Mempricios extruxisse opinantur. Quodcunque vero Britannicis temporibus fuerit, Saxones Oxenford dixerunt, & ea plane significatione, qua Græci suos Bosphoros, & Germani suam Ochensford, ad Oderam habent, à boum scilicet vado, quo etiam sensu Britannis nostris hodie Rhyd-yben, nominatur. Lelandus tamen probabili conjectura ab Ouse fluvio, qui Latine Isis, nomen deducit, & Ousford Britannia.

vocatum fuisse arbitratur, cum Insulæ amnicæ, quas Isis hic dispergit, Ousney dicantur.

Prudens antiquitas (ut in annalibus nostris legitur) hanc urbem etiam Britannico sæculo Musis consecravit, quas Græcolada, (quæ jam tenue in Comitatu Wiltoniæ oppidulum) huc tanquam in felicius plantarium transtulerunt. Scribit enim Alexander Necham: *Iuris civilis peritiam sibi vendicat Italia: sed cælestis scriptura & liberales artes civitatem Parisensem ceteris præferendam esse convincunt. Iuxta vaticinium etiam Marlini viguit ad Vada Boum sapientia, tempore suo ad Hiberniæ partes transitura. Verum cum insequens ætas Saxonica urbium everfionibus continenter decurreret, communem temporum inclinatione fortem subiit, & longo sane tempore solummodo Frideswide reliquis celebris fuit quæ in Sanctarum numerum ob vitæ integritatem, eo inprimis nomine relata, quod solennibus votis se Deo devovisset, & Algarus princeps, dum ejus nuptias ambiret, non sine miraculo, oculis (ut scribunt) captus fuisset. Hæc, ut apud Guilielmum Malmesburiensem legitur, virginei triumpho compos hic statuit monasterium, in quod cum, tempore Ethelredi, Dani neci adjudicati confugissent, pariter cum domibus insatiabili ira Anglorum absumpti sunt. Sed mox regis pœnitentia purgatum sacrarium, restitutum monasterium, veteres terra reddita, recentes possessiones addita, tandemque locus datur à Rogero Sarisburiensi Episcopo excellentis literaturæ Canonico, qui multos ibi Canonicos regulariter victuros Deo exhibuit.*

Sed his omisfis ad Academiam redeamus. Danica utcunque sedata tempestate pientissimus Rex Ælfredus Musis jamdiu exulantibus sua adyta restituit, tribus constructis Collegiis: Grammaticis uno, Philosophis altero, & Theologis tertio. Verum hoc plenius intelligas ex his verbis veterum Annalium Novi Monasterii Wintoniæ: *Anno Dominicæ incarnationis MCCCVI, anno secundo adventus sancti Grimaldi in Angliam, incepta est Universitas Oxonia: primitus in eadem regentibus, ac in schola Theologica legentibus, sancto Neorho Abbate, nec non in Theologia doctore egregio, & S. Grimbaldo sacræ pagine suavisimæ dulcedinis excellentissimo professore, in Grammatica vero & Rhetorica regente Asserio Monacho, & in arte literaria viro eruditissimo. In dialectica vero, & Musica, & Arithmetica legente Iohanne monacho Mænevensis ecclesiæ, in Geometria, & Astronomia Ioanne monacho & Collega S. Grimaldi viro acutissimo Rege Ælfredo, cujus in omni ore, quasi mel indulcabitur memoria. Statim, ut legitur in optimo manuscripto illius Asserii exemplari qui eodem tempore hic bonas literas professus est, Exorta est pessima ac teterrima Oxonia discordia inter Grymboldum, doctissimosque illos viros, quos secum illuc adduxit, & veteres illos scholasticos quos ibidem invenisset: qui ejus adventu leges, modos, ac prælegendi formulas ab eodem Grymboldo institutas, omni ex parte amplecti recusabant. Per tres annos haud magna fuerat inter eos dissensio, occultum tamen fuit odium, quod summa cum atrocitate postea erupit, ipsa erat luce clarius. Quod ut sedaret, rex ille invictissimus Ælfredus desidio eo, nuntio & querimonia Grymboldi certior factus, Oxoniam se contulit, ut finem modumque huic controversiæ imponeret, qui & ipse summos labores hausit, causas & querelas utrinque illatas audiendo. Caput autem hujus contentio- nis in hoc erat positum: Veteres illi scholastici contendebant antequam Grymboldus Oxoniam devenisset, literas illic*

Lib. 2. de
natura re-
rum.

Frideswi-
da.

886.

passim floruisse, etiam si scholares tunc temporis numero erant pauciores quam priscis temporibus, plerisque nimirum sevitia ac tyrannide paganorum expulsis. Quinetiam probabant et ostendebant, idque indubitato veterum Annalium testimonio, illius loci ordines ac instituta à nonnullis piis et eruditis hominibus fuisse sancita, ut à Divo Gilda, Melkino, Ninnio, Kentigerno, et aliis qui omnes literis illic consenserunt, omnia ibidem felici pace et concordia administrantes, ac Divum quoque Germanum Oxoniam advenisse, annique dimidium illic esse moratum, quo tempore per Britanniam iter fecit adversus Pelagianorum hæreses concionaturus, ordines et instituta supra mirum in modum comprobavit. Rex ille inaudita humilitate utramque partem accuratissime exaudivit, eos piis ac salutaribus monitis etiam atque etiam hortans, ut mutuam inter se conjunctionem, et concordiam tuerentur. Itaque hoc animo discessit rex, quosque ex utraque parte consilio suo esse obtemperaturos et instituta sua amplexuros sperans. At Grymboldus hæc iniquo animo ferens, statim ad monasterium Vintoniense ab Ælfredo recens fundatum proficiscebatur. Deinde tumbam Vintoniam transferri curavit, in qua proposuerat post hujus vitæ curriculum ossa sua reponenda, in testudine quæ erat facta subter cancellum ecclesiæ Divi Petri in Oxonia, quam quidem ecclesiâ idem Grymboldus extruxerat ab ipso fundamento, de saxo summa cura perpolito.

Hanc redivivam felicitatem paucis post annis una, & altera calamitas excepit. Dani enim, regnante Etheldredo, prædatorio incendio eam involverunt, statimque Haraldus Levipes barbara immanitate ita in eam sævit ob quosdam è suis tumultu interfectos, ut tristissimum studiosorum exilium subsequutum fuerit, & Academia luctuoso spectaculo quasi intermortua ad Guilielmi Normannici usque tempora jacuerit. Quem aliqui expugnasse falso scribunt, sed Oxonia pro Exonia in exemplaribus perperam concepta illis imposuit. Tunc tamen sedem fuisse studiorum ex his Ingulphi verbis, qui ea ætate floruit, intelligatur, Ego Ingulphus constitutus primum VVestmonasterio, postmodum Oxoniensi Studio traditus, cum in Aristotele arripiendo supra multos coætaneos profecissem, &c. Quæ enim nos Academiâ vocamus, illa ætas Studia dixit, ut mox docebimus. Verum hoc tempore ita exhausta fuit, ut cum intra & extra murum (ex Censuali Guilielmi Conquæst. libro loquor) ædes plus minus DCCCL fuerint, præter XXXIII mansiones Murales, quingentæ ex illis censui solvendo non essent. Vtque ejus libri verbis loquar, Hæc reddebat pro teloneo, et gablo, et aliis consuetudinibus, per annum Regi quidem viginti libras, et sex sextarios mellis, Comiti vero Algaro decem libras. Paulo post Robertus de Oili nobilis Normannus (de quo supra diximus) cum in militiæ præmium latifundia in hoc agro à Guilielmo victore accepisset, castrum ad occidentalem urbem partem magnis aggestis molibus extruxit, & in eo ecclesiâ S. Georgii parochialem, in quam cum Stephano Rege arctissime obsidente Matildem Imperatricem in hoc castrum, Parochianis ingressus non pateret, Capella S. Thomæ in vicinia extructa fuit. Mœnibus etiam novis, ut creditur, ipsam urbem incinxit, quæ nunc sensim expugnat vetustas. Robertusque ejus è fratre Nigello nepos Regis Henrici Primi à cubiculis Osney cœnobiū amplissimum (ut ex parietinis videre est) in me-

diamni sub castro, persuasione Edithæ filiæ For- ni uxoris ejus, quæ prius fuerat amasia Regis Henrici Primi, fundavit.

Eodem tempore, ut legitur in Chronico illius cœnobii Osneiensis, Robertus Pulenius scripturas divinas, quæ in Angliâ obsoleverant apud Oxoniam legere cœpit. Qui postea cum ex doctrina ejus ecclesiâ tam Anglicana, quam Gallica plurimum profecisset, à P. P. Lucio Secundo vocatus et in Cancellarium S. Romane ecclesiæ promotus est. In eandem etiam sententiam scribit Ioannes Rossus Warwicensis, Procurante Rege Henrico Primo, lectura Theologiæ quæ diu cessaverat Oxonia refluere cœpit, et novam Aulam ibi edificavit, quam in conventum Carmelitarum Rex Edwardus Secundus tandem convertit. Verum longe antea in hac Aula Regia in lucem editus erat ille vere * θυμολέων Richardus Primus Rex Angliæ, vulgo Leoninus, animi excelsi & erecti plenissimus, Reip. Christianæ, Anglorum gloriæ, & paganorum terrori natus. In cujus mortem Poëta eo seculo minime malus lufit,

Viscera Carceolum, corpus Fons servat Ebrardi,
Et cor Rothomagum, magne Richarde, tuum.
In tria dividitur unus, qui plus fuit uno,
Nec super est uno gloria tanta viro.

Hic Richarde jaces, sed mors si cederet armis,
Victa timore tui, cederet ipsa tuis.

Sic ædificiis recreata urbe, huc quasi ad doctrinæ & virtutis mercatum confluere cœperunt plurimi, & refluere literæ, opera inprimis Roberti illius Puleonii viri ad Rempub. literariam promovendam nati, qui nihil non egit ut aridæ quasi urbis visceribus obstructos Musarum fontes denuo aperiret, favente inprimis Henrico I, Henrico II, & Richardo ejus filio, de quo modo dixi. Puleonii vero conatus adeo feliciter cessit, ut regnante Ioanne, tria millia studiosorum in hac urbe fuerint, qui omnes ad unum hinc partim Readingum, partim Cantabrigiam demigrarunt; quod in studiosam hanc hominum nationem cives iniquiores viderentur; sed pacato tumultu, post breve tempus sunt reversi. Tunc autem, & subsequenti tempore, ut Deus urbem hanc Musis, ita optimos Principes, & Præsules huic urbi magno numero progeniit, qui ornandis, fovendisque literis melioribus liberalitatem impertiverunt maximam. Cum enim Henricus Tertius salutata Frideswida, quod piaculare antea creditum, superstitiosam formidinem emisisset, qua Principes, ne Oxoniam ingrederentur, superstitiosi quidam aliquantisper deterruissent, & frequentia hic Comitiam ad componendas cum Baronibus controversias habuisset; superiorum regum privilegia confirmavit, & ipse nonnulla irrogavit. Tantaque jam erat eruditorum copia, ut longe plurimi divinis, humanisque artibus instructissimi, cum in ecclesiâ, tum Rempub. hinc fuerint propagati, Matthæusque Parisiensis Vniuersitatem Oxoniensem secundam à Lutetia ecclesiæ scholam, imo Ecclesiæ fundamentum diferte appellavit. Vniuersitatis enim nomine jam antea honorarant Pontifices Romani, quo titulo non aliam præter Parisiensem, hanc Oxoniensem,

1129.

Rich. Cœr
de Lion.1074.
Registr.
Monast.
de Osney.

Osney.

Clemen-
tinarum
Quinto.Studia.
Vniuersi-
tas.
Ad Rusti-
cum Mo-
nachum.

Collegia

Liber
Mailros.1318.
Registr.
Mon.
Hide.

fem
cret
Vier
rabie
Salan
perit
ri. V
rum
Quil
et V
Colleg
in st
obli
tia,
am
voc
B. I
vit.
tii t
me
stuc
lem
I
urb
fiis
per
tea
gna
Ber
Reg
vit
ton
Sur
tuli
dix
fis
vo
Qu
leg
fan
cep
dis
gin
Ed
Ex
Ce
Re
Q
pe
cle
con
T
vo
en
ac
no
st
fo
an
M
le
tu
ri
C
d

fem, Bononiensem, & Salamantinam in suis decretis eo tempore dignati sunt. Et in Concilio Viennensi sancitum erat, Scholas linguæ Hebraicæ, Arabicæ, & Chaldaicæ in Pariensi, Oxoniensi, Bononiensi, & Salamantino Studiis (utique celeberrimis) erigendas, ut peritia linguarum posset per instructionis efficaciam obtineri. Vniue Catholici sufficientem habentes illarum linguarum peritiam, duo uniuscuiusque linguæ periti eligerentur. Quibus quidem in Oxoniensi, Angliæ, Scotia, Hiberniæ & Valliæ Prelati, Monasteria, Capitula, Conventus, Collegia exempta & non exempta, & Ecclesiarum rectores in stipendiis competentibus providerent. Ex hisce verbis observare quis potest, & Oxoniam Angliæ, Scotiæ, Hiberniæ & Walliæ scholam fuisse præcipuam, & quæ nos hodie Academiæ & Universitates vocamus, apposite olim *Studia* dicta fuisse, ut B. Hieronymus Galliarum *Studia* florentissima vocavit. *Universitatis* autem nomen circa Henrici Terti tempore pro Schola publica invaluit, & nisi me mea fallat observatio, non pro loco, sed ipsa studiorum societate. Sed hæc forsan extracallem.

Clemen-
tinarum
Quinto.

Studia.
Univerfi-
tas.
Ad Rusti-
cum Mo-
nachum.

Collegia

Liber
Mailros.

1318.
Registr.
Mon.
Hild.

Iam boni Mæcenates urbis interiora, & suburbana augustissimis Collegiis, Aulis, & Gymnasiis, & ea rursus redditibus opimis animare cœperunt, (maxima enim Academiæ pars erat antea in suburbiis extra portam Borealem) Regnante Henrico Tertio Ioannes Balliol de Castro Bernardi, qui obiit 1269, pater Ioannis Ballioli Regis Scottorum, Collegium Balliolense fundavit, & denominavit, statimque Gualterus Merton Episcopus Roffensis Collegium quod in agro Surriensi posuerat, anno 1274 Oxoniam transfudit, locupletavit, & Mertonense Collegium dixit; & Guilielmus Archidiaconus Dunelmensis opus illud Ælfredi, quod *Universitatis* nunc vocant Collegium, novis operibus restauravit. Quo tempore studiosi, quod Ottonem Pontificis legatum, sive potius hirudinem ad exorbendum sanguinem Anglicum emissum duriuscule exceperint, sacris erant interdicti, & indignis modis tractati. Iamque, ut scribit Armachanus, triginta millia studiorum hic censebantur. Sub Edwardo Secundo Gualterus Stapledon Episcopus Exoniensis Exoniense Collegium, Aulamque Cervinam, & ipse Rex eum imitatus Collegium Regium, vulgo *Oriel*, & Aulam S. Mariæ posuit. Quo tempore Hebraica lingua hic cœpit legi per Iudæum conversum, cui pro stipendio quisque ex clero Oxoniensi pro singulis Marcis sacerdotii sui unum contulit denarium. Postea Philippa Regina Edwardi Terti uxore Collegium Regiæ, sive Reginale, ut vocant, & Simon Islip Archiepiscopus Cantuariensis Cantuariense extruxit. Tunc studiosi rebus ad vota fluentibus insolescentes divisas factionum nominibus, Septentrionales, & Australes ad instina, & insana inter se arma conclamant; unde Septentrionales Stanfordiam secesserunt & scholas ibi aperire cœperunt. Sed pauculos post annos, cum Phœbus Musis lætius illucens has Martis nebulas dispulisset, redierunt, lætæque leges, ne quis Oxoniensis Stanfordiæ profiteretur, quod huic urbi fraudi foret. Tunc temporis Guilielmus VViccam Episcopus Wintoniensis Collegium admodum magnificum, quod *Novum* dicunt, excitavit, in quod è suo Wintoniensi

collegio optima ingenia quotannis transferuntur. Richardus etiam *Angervil* Episcopus Dunelmensis *Philobiblos* dictus, Bibliothecam in publicum studiorum usum instruxit. Eiusque successor Thomas de *Hatfield* Dunelmense Collegium monachis Dunelmensibus, & Richardus *Fleming* Lincolnensis Episcopus Lincolnense locavit. Benedictini etiam monachi id tempus Collegium Glocestrense collata pecunia condiderunt, in quo unus & alter monachus è singulis Benedictinorum Cœnobiis alebatur, qui postea apud suos bonas literas profiterentur. Iam ut Canonicos S. Frideswidæ taceam, quatuor pulcherrima Fratrum cœnobia in suburbiis surrexerant, in quibus & multi non vulgariter eruditi floruerunt. Insequente seculo cum regnaret Henricus Quintus, Henricus *Chicheley* Archiepiscopus Cantuariensis bina, & ea egregia ædificavit collegia, quorum alterum *Omnium animarum* memoriæ, alterum Divo Bernardo dedicavit. Nec longo interjecto tempore Guilielmus *Wainfleet* Episcopus Wintoniensis Collegium Mariæ Magdalene opere eximium, situ percommodum, & ambulacris admodum amœnum erexit. Eodemque tempore Schola Theologica elegantia extructa est, ut illud *Xeuxidis* ei iure inscribi possit, *Invisurum facilius aliquem, quam imitaturum*; atque Bibliothecam in ejus superiori parte institutam centum viginti novem selectissimis libris, quos magnis impensis ex Italia comparavit, exornavit Humfredus ille *Bonus* Dux Glocestriæ bonarum literarum summus admirator. Sed hos quorundam privata avaritia publico usui jam pridem invidit. Nunc vero, quod fœlix faustumque sit, ex equestri ordine vir clarissimus Thomas *Bodley* hujus Academiæ alumnus, magno sumptu, & studio nunquam satis laudato eodem in loco optimis libris undique conquestis novam instruit Bibliothecam, ut denuo habeat Academia publicum sapientiæ armamentarium, & ipse gloriam, quæ omnium seculorum memoria efflorescat. Cumque veteri prudentissimorum instituto ex auro, argento, aut ære in Bibliothecis illi dicati fuerint, quorum cura illæ institutæ, & quorum immortales animæ in iisdem loquuntur, ut ævi vetustas contra homines non valeret, & mortalium desideria, quia omnes scire cupiunt qualis fuerit aliquis, lenirentur: Academiæ Cancellarius ut suæ simul memoriæ consulere, Thomæ illi *Bodleio* optime de Repub. literaria merito, imaginem cum hac inscriptione ibidem dicavit:

THOMAS SACKVILLVS DORSET-
TIÆ COMES, SVMMVS ANGLIÆ
THESAURARIVS, ET HVIVS ACADEMIÆ CANCELLARIVS
THOMÆ BODLEIO EQVITI AVRA-
TO, QVI BIBLIOTHECÀ HANC
INSTITVIT; HONORIS CAVSSA
PIE POSVIT.

Henrico VII regnante, ut adhuc melius literarum honori consuleretur, Guilielmus *Smith* Episcopus Lincolnensis Collegium *Æneï nati*, quod optimus ille & pius senex Dominus Alexander *Nowell* Sancti Pauli Londini Decanus proventibus auxit, & Richardus *Fox* Episcopus Wintoniensis Collegium Corpus Christi nominatum

Schola
Theolo-
gica.
Biblio-
theca.

Thomas.
Bodley.

Plinius
Lib. 35.
cap. 2.

* Christ-
Church.

exædificavit : illosque subsequutus Thomas *VVolfæus* Cardinalis Eboracensis (ubi Frideswidæ monasterium erat) omnium amplissimum & elegantissimum inchoavit, quod Henricus VIII ad-
iuncto Cantuariensi Collegio, magnis redditibus ditavit, & * *Ædem Christi* dixit. Potentissimusque idem princeps pecunia è suo ærario deprompta, ad urbis dignitatem Episcopum, & ad Academiae ornamentum publicos professores instituit. Nostra itidem memoria, ut novis etiam beneficiis Musas complecterentur, Thomas *Pope* vir ordinis equestris Dunelmense collegium, & Thomas *White* civis Senatorque Londienfis, & equestris item ordinis, Bernardi Collegium (quæ suis rudibus sepulta jacuerunt) excitaverunt, novis ædificiis instaurarunt, latifundiis locupletarunt, & novis nominibus exornarunt. Hoc enim S. Ioanni Baptista, illud sacrosanctæ Trinitati dicarunt. Maria etiam Regina publicas scholas à fundamentis ædificavit. Et nuperrime Hugo *Prise* Legum Doctor novi Collegii in honorem Iesu fundamenta felicibus auspiciis jecit. His Collegiis quæ numero sunt XVI, & Aulis præterea VIII, eleganti structura, opimis redditibus, & instructis bibliothecis ita floret Oxonia, ut reliquas orbis Christiani Academias superet omnes. Bibliothecis vero animatis (sic enim merito doctissimos cum Eunapio vocare licet) maximarum artium disciplinis, & reipublicæ literariæ Politia concedat nulli. Sed quid hæc? non ullius præconii indiga Oxonia, tanta ejus, ut Pliniano verbo utar, superfluit claritas; nec ego in altricis meæ laudes prodigus lascivire videbor. Sat sit de Oxonia dicere, quod de Athenis Pomponius, *Clarior est, quam ut indicari egeat.* Sed pro coronide habe initium historiae Oxoniensis è Procuratorum libro, *Contestantibus plerisque Chronicis, multa loca per orbis climata variis temporibus variarum scientiarum studiis floruisse leguntur. Omnibus autem inter Latinos extantibus studiis Vniuersitas Oxoniensis fundamine prior, quadam scientiarum pluralitate generalior, in veritatis Catholica professione firmior, & privilegiorum multiplicitate præstantior invenitur.* Mathematici Oxonienses hanc suam urbem XXI partibus à Fortunatis insulis abesse, Polum vero Borealem LI gradibus, L scrupulis sublimem attolli observarunt.

Tama fl.
Tame.

Claus.
H. 3. 3.

Cum vero sub Oxonia *Isis* & *Cherwellus* in unum alveum aquas consociarint, *Isis* solidus, & concitator in Austrum fertur, ut quem diu quæsierat, *Tamam* inveniat. Nec multa emensus est milliaria, cum ecce *Tama* è Buckinghamiensi agro effusus occurrit, qui ubi primum hunc agrum subintrat, *Tamam* mercatorum oppidum nomini adoptat suo, quod inter flumina situ admodum grato interfidet. *Tama* enim partem Septentrionalem alluit, & duo influentes rivuli, alter ab Ortu, ab Occasu alter includunt: satisque floruit ex quo H. Episcopus Lincolnienfis viam publicam quæ infra fuit, per medium oppidum regnante Henrico Tertio deduxit. Alexander ille munificus Lincolnienfis Episcopus, qui loci Dominus erat, cum ejus in castris extruendis profusio ab omnibus subaccusaretur, ad eluendam maculam, ut innuit Neubrigensis, monasteriolum juxta extruxit, multisque post annis *Quatremanni*,

qui superiori seculo magni erant in hoc tractu nominis, Xenodochium alendis pauperibus fundarunt. Verum utrumque jam evanuit, & pro his Ioannes *Gulielmiades*, five *VWilliams* Miles (quem ad Baronis dignitatem titulo Baronis *VWilliams de Tame* Maria Regina evocavit) scholam pulcherrimam, & Xenodochium tenue instituit.

Baro Wil-
liams.
Tame.

Inde *Tama* prope *Ricot* ædes elegantes deferretur, quæ olim ad *Quatremannos* illos spectarunt, quorum stirps mascula cum defecisset, venditionibus subinde alienatæ à *Fouleris* & *Heronis*, demum ad Dominum illum *Gulielmiadem* sunt devolutæ, & per ejus filiam ad Dominum *Henricum Norrissum*, quem *Elizabetha* Regina Baronem *Norrissum de Ricot* dixit, virum cum generis claritate conspicuum, à *Lovellis* enim (qui maximas Angliæ familias cognatione attigerunt) genus ducit, tum bellicosissima prole, quod Belgica, Lusitania, Britannia Armorica, & Hibernia contestentur, longe clarissimum. Demum *Tama Dorcestriam* adit, quæ nobis *Dorchester*, Bedæ *Civitas Dorcinia*, *Lelando Hydropolis*, sed nomine ex suo ingenio deprompto, satis tamen apposite, cum *Dour* aquam Britannis denotet. Hanc à Romanis olim habitatam fuisse eorum nummi sæpius eruti persuadent, & annales nostri Episcopali sede diu celebrem fuisse produnt, quam *Birinus Occidentalium Saxonum Apostolus* constituit. Cum enim *Cinigilsum Occidentalium Saxonum Regulum* baptismi fonte abluisset, quem *Oswaldus Nordanhumborum Rex* è sancto lavacro suscepit, *Donaverunt*, ut inquit *Beda*, *ambo reges eidem Episcopo hanc civitatem ad faciendam inibi sedem Episcopalem.* *Brinus* iste, ut apud *Bedam* etiam videre est, sanctitatis opinione ad miraculum eo tempore claruit, unde de illo Poëta satis vetustus qui ejus vitam carmine descripsit,

Ricot.

Baro
Norriss.

Dorchester.

*Dignior attolli quam sit Tyrinthius heros,
Quam sit Alexander Macedo, Tyrinthius hostes
Britannia.*

*Vicit Alexander mundum, Birinus utrumque.
Nec tantum vicit mundum Birinus & hostem,
Sed sese bello vincens, & victus eodem.*

Hanc sedem post CCCCLX annos, (ne, quod Canonibus prohibetur, in tam modica civitate Episcopi nomen vilesceret) *Remigius*, regnante *Guilielmo Primo*, *Lincolniam* transtulit. Quo tempore *Villa hæc Dorcestria*, (ut inquit *Malmesburienfis* qui tunc floruit) *exilis & infrequens erat, majestas tamen ecclesiarum magna, seu veteri opere, seu sedulitate nova.* Iam inde sensim deficere cœpit, & nuper via publica hinc deflexa, ita elanguit, ut quæ civitas fuerat, vix oppidi nomen tueatur: satisque jam habet, quod in adjacentibus campis rudera suæ magnitudinis indicia ostendere possit. Sub hoc *Tama*, & *Isis* confluentes, quasi in manus conveniunt, & connubio junguntur, utque undis, sic nomine coeunt, ut *Ior* & *Dan* in terra sancta, *Dor* & *Dan* in Gallia, unde *Iordan*, & *Dordan*. *TAMISIS* enim jam inde composito vocabulo nominatur. Quod primus observasse videtur ille, qui *Historiarum Eulogium* conscripsit. De *Isis* connubio hoc in loco en carmina ex Poëmæ eodem titulo, quæ si placet, vel legas, vel negligas.

Tamæ, &
Isis con-
fluentes.

Hic

Hic vestit Zephyrus florentes gramine ripas,
 FLORAQUE nectareis redimit caput ISIDIS herbis,
 Seligit ambrosios pulcherrima GRATIA flores,
 Contexit geminas CONCORDIA lata corollas,
 Extollitque suas tadas Hymenæus in altum.
 Najades edificant thalamumque thorumque profundo,
 Stamine gemmato textum, pictisque columnis
 Undique fulgentem. Qualem nec Lydia Regi
 Extruxit Pelopi; nec tu Cleopatra marito.
 Illic manubias cumulant, quas Brutus Achivis,
 Quas Brennus Græcis, rigidus Gurmundus Hibernis,
 Bundrica Romanis; claris Arthurus Anglis
 Eripuit, quicquid Scotis victricibus armis
 Abstulit Edwardus, virtusque Britannica Gallis.

Hauferat interea sperati conjugis ignes
 TAMA Catechlanum delabens montibus, illa
 Impatiens nescire thorum, nupturaque gressus
 Accelerat, longique dies sibi stare videntur,
 Ambitiosa suum donec præponere nomen
 Possit amatori. Quid non mortalia cogit
 Ambitio? notamque suo jam nomine * villam
 Linquit, Norrifiis geminans salвете, valete.
 Cernitur tandem Dorcestria prisca petiti
 Augurium latura thori, nunc TAMA resurgit
 Nexa comam spicis, trabea succincta virenti,
 Auroræ superans digitos, vultumque Diones,
 Pestane non labra rosa, non lumina gemme,
 Lilia non æquant crines, non colla pruina.
 Utque fluit crines madidos in terga repellit,
 Reddit undanti legem formamque capillo,
 En subito frontem placidis è fluctibus ISIS
 Effert, totis radios spargentia campis
 Aurea stillanti replendent lumina vultu,
 Iungit optate nunc oscula plurima TAMÆ,
 Mutuaque explicitis innectunt colla lacertis,
 Oscula mille sonant, connexu brachia pallent,
 Labra ligant animos: tandem descenditur una
 In thalamum, quo juncta FIDE CONCORDIA sancta,
 Splendida conceptis sancit connubia verbis.
 Undique multifori strepitat nunc tibia buxi,
 Flucticole Nymphae, Dryades, Satyrique petulci
 In numeros circum ludunt, ducuntque choreas,
 Dum pede concutiunt alterno gramina lati.
 Permulcent volucres sylvas modulamine passim,
 Certatimque sonat letum reparabilis ECHO.
 Omnia nunc ridet, campi letantur, AMORES
 Frenatis plaudunt avibus per inania vecti:
 Personat cythara quicquid videre priores
 Pronuba victura lauro velata BRITONA

Hec canit ut toto diducta BRITANNIA mundo
 Cum victor rupes divulserit æquore Nereus,
 Et cur Neptuni lapidosa grandine natum
 Albionem vicit nostras delatus in oras
 Hercules illimes libatus Thamisis undas,
 Quas huc adveniens aras sacravit Vlysses;
 Vique Corineo Brutus comitatus Achate
 Occiduos adiit tractus, ut Caesar anbelus
 Territa quæstis ostendit terga Britannis, &c.
 Paucisque interjectis versiculis,
 Dixerat, unito consurgit unus amore
 Latior exultans nunc nomine TAMISIS uno,
 Oceanumque patrem querens jactantior undas
 Promovet.

Hinc Tamisis Benson, olim Bensington adit, quam
 Villam Regiam vocat Marianus, proditque Ceau-
 linum eam Britannis anno salutis D LXXII abf-
 Britannia.

tulisse, Occidentalesque Saxones ad ducentesi-
 mum inde annum tenuisse. Tunc enim Offa
 Mercius in rem famamque suam arbitratus ut il-
 li nihil cis flumen haberent, expugnavit, sui-
 que juris fecit. Hodie vero tantum viculus censetur,
 vicinasque habet regias ædes quondam elegan-
 tes, nunc vero nimio plus fatiscantes, utique
 minus salubres ob halitus stagni adjuncti. Has
 ab ulmis Ewelme, vulgo New-elme dictas, quas con-
 struxit Guilielmus De la Pole Suffolciæ Dux, qui
 accepta in uxorem Alicia unica Thomæ Chau-
 ceri filia, amplissimam hic hæreditatem crevit,
 & præter has ædes, ecclesiam etiam elegantem,
 in qua Alicia illa sepulta jacet & Xenodochium
 nitidum extruxit: verum Ioannes Lincolnæ
 Comes ejus è filio Ioanne nepos hujus familiæ
 felicitatem funditus quodammodo evertit.
 Dum enim res novas contra Henricum Septi-
 mum moliretur, proscriptus omnibus honori-
 bus & his possessionibus excidit, quæ in patri-
 monium Regium transcriptæ, statimque ille in
 prælio occubuit. Postea Henricus Octavus has in
 Honorem instituit Maneris quibusdam adjunctis,
 & inter alia Wallengfordia, quæ prius ad Cornubiæ
 Duces diu spectaverat.

Hinc magno circumducto ambitu Tamisis in
 se fere reflectitur, Centuriam de Henley amplexus
 collibens surgentem, & sylvis densiorem, quam
 ANCALITES tenuisse, qui se in Cæsaris fidem per-
 miserunt, suspicantur nonnulli. In hac sunt Greis
 Rotherfield ædes quas quondam Walterus Grey Ar-
 chiepiscopus Eboracensis Guilielmo Grey nepoti
 dono dedit, cujus hæreditas per Baronem de
 D'encourt ad Lovellos devoluta fuit. Nunc habita-
 tio est Guilielmi Knolles Aulæ regiæ Thesaurarii,
 quem Rex noster Iacobus titulo & honore Baro-
 nis Knolles de Rotherfeld ob fidelem operam Regi-
 næ Elizabethæ præstitam, & sibi præstandam
 exornavit. Iuxta Henley, olim Hanleganz ad Tami-
 sim in ipso Comitatum confinio se ostendit, cu-
 jus incolæ maximam partem navicularii subve-
 hendo Londinum ligno, & distrahendo frumen-
 to quæstum præcipuum faciunt; nec antiquiora
 commemorat, quam quod Molinos Dominos o-
 lim habuit, à quibus per Hungerfordos, qui dua-
 rum Nundinarum jus oppido ab Henrico VI
 impetrarunt, ad illustrissimam Hastingsorum fami-
 liam hæreditario devenit. Qua vero Tamisis sub
 hoc nunc sublicio ponte conjungitur, olim saxo-
 um fuisse arcuato opere ferunt. An vero hic fue-
 rit pons ille per quem Dio meminit Romanos
 transisse, cum Britannos hoc tractu insequeren-
 tur, qui inferius flumen tranavissent, non facile
 quis dixerit.

Ab Henley colles Chilternici perpetuo dorso in
 Aquilonem procurrun, & Oxoniensem hunc
 agrum à Buchingamienfi determinant, ad quo-
 rum radices plura subsunt oppidula, inter quæ
 notissima sunt Watlington Mercatus tenuis, olim
 Roberti D'Oly, & Shirburne quondam Quatremano-
 rum castellulum, nunc vero Chamberlanorum sedes,
 è Tankervillæ Comitum familia, qui cum olim
 Normanniæ Camerarii fuissent, eorum poster-
 is, prisco illo nomine Tankervillorum oblitterato,
 Chamberlani, id est, Camerarii, ex munere quod
 majores obierunt, nominati fuerunt.

K k k

Oxoni-

* Tame.

Ewelme.

Ancalites.

Grey de
Rother-
field.Baro
Knolles.

Henley.

Xiphili-
nus.

Shirburne.

Benson.

Oxoniz
Comites.

Oxonienſis Comitatus titulus diu floruit in familia de *Vere*, quæ genus à Guinarum Comitibus, cognomen à *Vere* Zelandiæ oppido repetit. Amplitudinis in Anglia initium ad Henricum Primum refert, qui Albericum de *Vere* ob eximiam prudentiam variis ornavit beneficiis; ut Angliæ *Cameraria*, & præfectura Civitatis Londini: filioque ejus Henricus *ſilius ſiliæ Regis Henrici rectus heres Angliæ & Normanniæ*, (hoc enim uſus eſt titulo) ut à Stephano, qui regnum ſibi uſurpaverat diverteret, ſibiſque devinciret, conceſſit & reddidit *Camerariam*, quam intestino bello amiſerat, obtulitque quemlibet horum quatuor Comitatum, Doceſtriæ, Wiltoniæ, Bercheriæ, & Oxoniæ titulum, tandemque & Matildis & Henricus filius jam regno potitus ſuis ſeorſim Chartis Oxoniæ Comitem crearunt. Inter poſteros, ne ſingulos ſua ſerie enumerem, maxime inclaruerunt Robertus de *Vere* qui maxima apud Richardum Secundum gratia, Marchionis Dubliniæ, & Ducis Hiberniæ novis & inauditis honoribus au-

ctus, quibus, ut ait ille, nihil ſibi, ſed buſto titulos, & vulgo fabulam reliquit. Brevi etenim poſt tempore procerum invidia de gradu dejectus, extorris miſerrime vitam peregit. Ioannes qui magna in rebus bellicis ſcientia, & integerri- ma in Lancaſtrenſem familiam fide, contra Edwardum IV ſubinde in acie conſixit, *Montem S. Michaëlis* aliquandiu propugnavit, & Henrico VII in regno obtinendo inprimis adfuit. Ioannes item alter regnante Henrico VIII in omnibus vitæ partibus tam temperans, tam plenus religionis, & bonitatis, ut BONI cognomen reportaverit, qui proavus fuit Henrici jam Comitis ex hac ſtirpe XVI I, & avus Franciſci, & Horatii *Vere* fratrum, qui ſingulari rerum bellicarum ſcientia, & rebus fortiffime & fœliciffime in Belgio geſtis antiquæ nobilitati plurimum ſplendoris addiderunt.

Eccleſias Parochiales 280 complectitur hic Comitatus.



CATTIEVCHLANI.

DObunis ad Ortum contermini sunt, quos Ptolemaeus pro exemplarium varietate CATTIEVCHLANOS, CATTIDVDANOS, CATHICLV DANOS, & Dio CATTIVVELLANOS vocat. Ex his quod fuerit verissimum nomen haud facile dixerim. Liceat tamen quaso, conjecturam, qua aliquandiu animus mihi gravidus hac de re fuerit, quasi abortu hic effundere. Ego hos olim CASSIOS fuisse dictos existimaui, ab his Cassius eorum principem Cassivellaunum, sive Cassibelinum denominatum, & à Cassivellauni nomine hunc ipsum populum Cattuellanos, Cathuellanos, & Cattieuchlanos à Gracis appellatum. CASSII enim inter Britannia gentes à Casare memorantur, quos certo certius est his in locis consedissee, & à quorum nomine regiuncula in hoc tractu non minima Caishow etiamnum appellatur. Cum autem Cassivellaunus huic tractui cum imperio praefuerit, ut ex Casare videre est, & in ejus nomine Cassiorum appellatio planissime se prodat: satis probabile videatur, Cassivellaunum sic dictum, quasi Cassiorum principem. Id ni esset, cur hunc Cassivellaunum vocarit Dio Suellan pro Vellan, & Ninnius Britannus non Cassibelinum, sed Bellinum, quasi illud esset proprium vel viri vel dignitatis nomen? Nec novum videatur, si principes olim à sua gente nomina sortiti fuerint. Catti in Germania suum Cattimarum, Teutones suum Teutomarum, & Teutobochum, Daci Decebalum, Gotti Gottifonem habuerunt. Et quid impedit quo minus nostri Cassii suum Cassibelinum haberent? Cum Belinus protritum fuerit in hac insula nomen, & nonnulli putarint Cunobellinum qui inter Icenos regnavit, quasi Icenorum Belinum fuisse nuncupatum. Ab hoc igitur Cassivellauno si Graci scriptores Cattwellanos, Cattieuchlanos, &c. non detorserint, ego in hac re me omnino cecutire fateor.

Cassii.

Bellin.

Dio.

Unde autem Cassiorum nomen hic populus induerit, mihi minime compertum, nisi forte à virtute bellica. Servius enim Honoratus viros bello strenuos antiquis Gallis (qui eadem cum Britannis lingua usi erant) Gessos dictos prodit, unde Cethilou, Britannicam dictionem bellicorum semen interpretatur Ninnius. Bellica autem laude hos floruisse manifestum est, continentia enim ante Caesaris adventum cum vicinis bella gesserant, DOBVNORVM partem in suam potestatem redegerant: Britanni horum principem bello contra Casarem universis copiis praefecerant, longe etiam lateque imperium & nomen protulerant. Vniiformi etenim Cassiorum, sive Cattieuchlanorum appellatione insigniti erant, qui nunc tres agros sive Comitatus occupant: scilicet Buckinghamshire, Bedfordshire, & Herfordshire, de quibus jam ordine, paucis, quia pluribus non possumus, dicendum.

B V C K I N G - H A M S H I R E.

Buckinghamshire, cum fagis sit passim feracissimus, quas Anglo-Saxones Bucken vocant, à fagis primarium oppidum Buckingham, & inde totus ager denominatus videatur. Regio enim fagifera in Germania Buchonia vocatur, & apud nos oppidum in Norfolkiam Buckenham dictum, fagis circumsitum esse accepimus. Hic ager minori latitudine conclusus à Tamisi ad Septentriones longitudine sua procurrit. A Meridie Bercheriam Tamisi flumine seclusam, ab Occasu agrum Oxoniensem, à Septentrione Northantonensem, ab Ortum primum Bedfordiensem: inde Hertfordensem, & postea Mediosaxones prospicit. Solo est passim uberi, incolis refertissimus, qui rei pecuariae imprimis operam navant. In duas partes dividitur, quarum altera ad Meridiem & Ortum montana, seu potius collina Chilterne, Saxonice Cyltærn; altera huic subjecta ad Septentriones The Vale, id est Vallis dicitur.

Chiltern.

Chiltern à creta, quam veteres Angli Cylt, sive Chilt dixerunt, ex soli natura nomen invenit. Totum Britannia.

ta enim collibus ex argillacea creta albicantibus surgit, fageis lucis & sylvis vestita, arboribusque olim plane invia, donec Leofstanus Abbas S. Albani succideret, eo quod latronibus essent perfugium. In hac qua collium radicibus Tamisis flexuoso meatu allabatur, Marlow sedet, non contemnendum oppidulum, nomine à creta, Marle vulgo dicta, sumpto, qua dispersa per arva sic lassatis glebis vitam inter hos colles impertiunt, ut post annum agricolae imperium nunquam recusent, sed cumulatione mensura quod accipiunt, reddant. Prope hoc in Tamisum editur fluviolus per jacentia loca sibi iter aperiens, & qua flectitur, High Wickham, vel rectius Vicombe, oppidum sibi impositum habet, & inde forsitan nominatum, cum Germani Saxones fluminis & maris flexum Wick vocent, plurimaque inde nominata loca in Anglia occurrunt. Hoc amplitudine sua & aedificiorum elegantia maximis in hoc agro oppidis adaequandum; in eo vero quod Majorem pro summo magistratu habeat, plerisque merito anteponendum. Sub ingressum Normannorum Wigodus de Vallengfordia Dominus erat tum Burgi de Vicombe, tum ville forinseae (ex Inquisitione

Wickham.



sitione antiqua loquor.) Post cuius mortem Rex Henricus Primus hanc regio patrimonio adscripsit. Ioannes autem Rex tandem villam forinsecam divisit inter Robertum de Veteri Ponte, & Alanum Basset. Wichcombiam ad Boream editissimus huius regionis locus eminet, unde Pen Britannicum nomen etiamnum retinet. Caput enim & eminentia illis Pen dicitur, unde Alpes Penninae, & Apenninum, & plures apud nos montes nomen invenerunt. Huic vicina est Bradenham situ percommodo & salubri, quae jam habitatio est primaria Baronum de VVindesfor (de quibus in Barkshire jam diximus) ex quo patrum memoria Guilielmus Dominus VVindesfor hic sedem sibi constituerit.

Vide in
Barkshire.
Colbroke.
Pontes.

* Walleng-
ford.

Comita-
tus Ponti-
vi.

Euer.

Barones
de Euers
vulgo.
Stoke
Pogeis.

Fernham
Roiall.

Liber
Finiun.

Fluviolo illo admissio, Tamisis provolvitur per Atonam bonarum literarum plantario celebrem, quod posuit, ut jam ante dixi, optimus ille & pientissimus Princeps Henricus Sextus. Post pauca milliaria Tamisin influit Cole, qui Buchinghamienses & Mediosaxones hic intermeans oppidum Colbroke denominat, quod PONTES fuisse, quorum meminit Antoninus, utrinque distantia à Gallena & Londino testatur. Nec uspiam alius est locus qua via à Gallena Londinum ducit, cui Pontium nomen aptius conveniat. Cole enim hic in quatuor alveos finditur, qui totidem pontibus ad itineris commoditatem conjunguntur, à quibus nomen factum ipsa nominis notio edocet, uti à pontibus Gephyrae Boetiae, & Pontes Galliae, unde Ponthieu Comitatus, nominantur. Qui Comitatus (ut obiter adnotem) Regibus Angliae jure Aeleonora Edwardi Primi uxoris obvenit, quae materno jure ex asse ejusdem haeres fuerat. His divortiis Cole amoenas insulas circumfundit, in quas Dani anno Christi DCCCXCIII sefuga receperunt, cum Aelfredus illis instaret, locique ingenio se tutati sunt, donec Anglus rei frumentariae inopia coactus obsidionem reliquerit. Eure, sive Euer viculus ad haec divortia conspicitur, quem cum Rex Ioannes Ioanni filio Roberti Domino de Clavering dedisset, juniores ejus filii è loco nomen sibi assumpserunt, Hugo scilicet, unde Barones de Eure, & Robertus, à quo familia de Eure in Axholme est propagata. Interius duo sunt loca quae praeterire non libet, Stoke Pogeis à suis olim Dominis dictis de Pogeis denominata, & ab illis haereditario ad Hastings devoluta, è quibus Edwardus Baro Hastings de Loughborough ptochotrophium, ejusque è fratre nepos Henricus Comes Huntingdoniae perpulchras aedes hic posuerunt. Et Fernham, si me non fallo, illa ipsa quae Fernham Roiall dicta, quam olim Barones Furnivall tenuerunt per servitium inveniendi Domino Regi die Coronationis suae ad manum suam dexteram unam chirothecam, & ad supportandum dexterum brachium Regis eodem die dummodo regalem virgam in manu sua tenuerit. A Furnivallis per Thomam Nevilli filiam ad Talbottos Salopiae Comites devenit, qui etsi commutationis jure hoc Manerio Regi Henrico VIII cesserint, honorarium tamen hoc munus sibi & posteris reservarunt.

Cole iste alium etiam rivulum superius ab Occasu infusum secum defert, ad quem primum Missenden, ubi Cœnobium quod D'Oikos fundatores, & nobiles cognomine de Missenden benefactores

agnovit: & inde in convalle Amersham, Saxonice Agmunoesham vidimus, quae nec structura, nec frequentia, sed Domino suo Francisco Russellio Bedfordiae Comite superbivit, qui expressum verae pietatis & nobilitatis exemplum bonis omnibus charissimus vixit. Verum Comitum Bedfordiae sedes praecipua Cheyneis dicitur, quae magis est ad Ortum, ubi & Ioannes primus ex hac familia Comes, & Franciscus ille ejus filius contumulantur. Cui in proximo adjacet Latimers, à Dominis suis Baronibus Latimeris illis antiquioribus, prius Isel-hamsted dicta, ubi Edwinus Sandys Miles, qui filiam unicam Baronis Sandys in uxorem accepit, aedes incolit elegantes.

I. Rossus.
Amers-
ham.

Cheneys.

Latimers.

Vix tertium hinc ad Septentriones milliare emensi fuimus, cum ad Chilternicorum collium dorsum pervenimus, quod totam regionem ab Occasu brumali in Ortum aetivum transversam interfecat per multos viculos, inter quos nominatissima est Hamden, quae antiquae & numerosae hoc in tractu familiae nomen fecit. In ipso vero collium ad Ortum angulo acclivem situm Affheridge secessus olim regius occupat, ubi Edmundus Cornubiae Comes Richardi Romanorum Regis filius Cœnobium novi, tunc temporis, instituti religiosi, Bonos homines vocant, quos ille primus in Angliam induxit, excitavit, qui caeruleum ut fratres Eremitani induiti. Ex hoc collium dorso longe lateque patet prospectus in subjectam vallem, quam alteram agri partem diximus. Haec tota fere campestris est, solo item argillaceo, tenaci, & fecundo, pabulosis pratis innumeros ovium greges pascit, quarum mollia, & tenuissima vellera ab Asiaticis usque gentibus expetuntur. Sed sylvis nuda nisi ad Occiduum latus, ubi praeter alias Berneswood, circa quam anno à Christo nato DCCCCXIV Danorum furor impotentius saevit, tumque forte concidit Burgus ille antiquus, ut Romani nummi inventi testantur, qui postea regia erat villa Edwardi Confessoris. Nunc autem pagus est rusticus, & pro Buri-hill, Brill contractius appellant. In hac valle, licet oppidis & pagis sit confertissima, perpauca tamen sunt quae referre convenit, eaque aut ad Tamam, aut ad Isam sive VJam.

Affherid-
ge.

The Vale.

Brill.

Non procul à Tama, qui Meridionalem vallis partem irrigat, surgente colliculo insidet emporium amplum, satis frequens, multiplex & amoenissima pratorum & pascuorum viriditate incinctum, vulgo Ailesbury, unde vallis universa The vale of Ailesbury nominatur. Saxones Aegleburge dixerunt, cum Cuthwulfus Saxo illud ad annum Salutis DLXXXI expugnaret: nomen enim Britannicum, quo prius innotuit, ævo dispersit. Eaditha alumna sua inprimis olim illustre fuit, quae cum à Frewaldo patre impetraverat, ut hoc sibi in dotem diceret, mundo, maritoque à religiosis persuasa statim valedixit, & suscepto velo, sanctitatis opinione, in illo feracissimo Sanctorum saeculo, ad miracula usque, cum Eadburga sorore claruit; è cuius nomine inter colles viculus est, qui Edburton adhuc appellatur. Guilielmi Primi temporibus Manerium erat regium; Et nonnullae hic terrae virgatae à Rege donabantur ea lege ut possessor (observate delicatuli) literitium, id est, stramen, si Rex eo veniret,

Ailesbu-
ry.

ad

ad Regis lectum inveniret. Regnante Edwardo Primo Equites quidam de *Ailesbury* dicti, qui crucem argenteam in clypeo cyaneo pro insignibus gestabant, Dominos fuisse, nescio quam vere perhibeatur. Certum est eos fuisse eo ævo melioris notæ; & qui ex nuptiis cum hærede *Caihagnorum* (hi olim Domini de *Midleton Cabaiges*) opimam adierunt hæreditatem, quæ tandem per uxores ad *Chaworthos* sive de *Cadurcis*, & *Staffordos* devenit. Nunc autem maxima celebritas est è re pecuaria, Baldwinusq; Iusticiario plurimum debet, qui non solum publicis ædificiis ornavit, sed etiam viam pulcherrimam qua iter impeditus erat, per tria plus minus milliaria munivit. Hic circumquaque ovium greges velleribus onusti maximo numero, magno dominorum emolumento latissime pascuntur, præcipue ad *Quarendon* Henrici Lee Georgiani ordinis Equitis longe clarissimi, *Eythorp* olim *Dinhamorum*, nunc Equestris familiæ *Dormerorum*, & *VVinchindon* Equestris itidem familiæ *Godwinorum*, &c.

Quarendon.

Inferius ad *Tamam* nihil aliud memorandum occurrit, nisi *Cheardesley* (quod multi putant) sit locus qui Saxonice *Cerdik-slega* dictus fuerit à *Cerdicio* Saxone, qui gravissimo prælio ibi cum Britannis concertavit. Cui vicinum est *Crendon*, nunc *Crendon*, quod caput fuit *Honoris de Giffard*, sic enim latifundia quæ obtigerunt *Gualtero Giffard* in expugnatione Angliæ dicebantur. Qui factus Comes Buckinghamiæ, ut creditur, *Notesley* monasterium construxit; cognatusque vero illius *Hugo de Bolebec*, à quo per foeminam Comites Oxoniæ sunt orti, de illo non parvas hic tenuit possessiones. Castrique de *Bolebec* ruinæ in parocia de *VVitchurch* in proximo cernuntur.

Crendon.

Notesley. Vicecomites Bolebec.

Vsa, sive *Ousa*, olim *Isa*, & *Isis* secundus, qui Septentrionalem agri partem lentus pererrat, in Comitatu Northamptonensi ortus statim à fontibus, ubi hunc agrum adhuc tenuis subintrat, præterfluit *Bitlefden*, quam loci Dominus *Robertus de Mapertshall* *Osberto de Clinton* Camerario Regis Henrici Primi aulico inprimis potenti ne ob canem Regis venaticum surreptum furti poenam lueret, donavit. Ille autem eidem cum cognata sua in uxorem reddidit, qua tamen, flagrante sub Stephano Rege bello intestino excidit, accepitque *Robertus* Comitatus Leicestriæ beneficio *Ernaldus de Bosco*, qui anno Christi M C x x v i i i monasteriolum Cisterciensibus ibidem fundavit. inde *Buckingham* totius Conventus caput invisit, quod, ut habet *Marianus*, vallo & turribus utraque ripa anno D C C C C x v *Edwardus* Senior contra Danorum irruptiones communiavit. Nec magni tamen nominis primis *Normannorum* temporibus videatur, cum regnantē *Edwardo* Confessore, se, (ut est in *Guilielmi Normanni* libro) pro una tantum hida defenderit, & viginti sex *Burgenses* habuerit. Oppidum vero situ subfidet depressiori, sed magna molarum opportunitate incingit *Ousa*, nisi à Septentrione, Castrum in medio aggestis molibus nullis fere jam reliquis quasi interdividit, major pars oppidi ad Septentrionem, in qua est domus civica, pars altera ad Meridiem minor, in qua cernitur Ecclesia, nec illa antiqua, in quo feretrum fuit Sancti

Bitlefden.

Registr. Monasterii.

Britannia.

Rumaldi, qui natus in *Kings Sutton* viculo vicino, inter divos à majoribus relatus.

Hinc *Ousa* in Aquilonem placide contendit, & magis ad Ortum à flumine juxta nemora cernitur *VVhaddon* olim *Giffordorum* habitatio, qui hæreditarii custodes erant *Chaceæ de VVaddon* sub Comite *Vltoniæ*, & à quibus ad *Pigottos* devenit, qui abalienarunt. *Ædes* ibi nunc sunt bellicosæ familiæ *Baronum Grey de VVilton*, qui *Manerium* vicinum *Æton* dictum tenuerunt per servitium custodiendi unum *Gerfalconem* Domini Regis, unde illa *Greiorum* familia *Falconem* chirothecæ insidentem pro symbolo usurpat. Parumque hinc abest *Saulden*, ubi ædes admodum venustas sibi & suis extruxit *I. Fortescue* Eques honoratissimus juxta ac eruditissimus, qui ob prudentiam *Scaccarii* Cancellarius & *Reginæ Elizabethæ*, Regisque *Iacobi* à secretioribus consiliis. Ab altera fluminis parte haud procul à ripa vicina sunt *Leckhamsted* habitatio *Tirellorum*, *Lillingstone* vetustæ familiæ *Dehairrell* vulgo *Dairrell*, & *Luffeld*, ubi monasterium olim à *Roberto* Comite *Leicestriæ* positum, sed monachis peste consumptis derelictum. Superius autem ad fluminis ripam australem celeberrimum est *Stony-Stratford*, à saxis, strata publica, & vado sic dictum, *Ædificia* enim è saxo structili surgunt, quod copiose in proximo ad *Caversham* effoditur, situm est ad stratam publicam *Watlingstreet* vulgo dictam, quæ militaris fuit *Romanorum* via, adhuc ultra oppidum suo aggere conspicua, vadumque habet sed jam vix vadofum. oppidum est satis magnum duasque ostendit ecclesias & in medio Crucem sed minus elegantem in memoriam *Æleonoræ Hispanæ* uxoris *Edwardi Primi* exornatam insignibus Angliæ, Castiliæ & Legionis, nec non Comitatus *Pontivi*, cujus illa hæres fuerat. Atque ubi vadum olim fuit saxeo ponte *Vsa* fl. continetur qui violentius in agros irruere solitus cum hibernis aquis excitetur. Verum ad alteram ripam quæ celsior surgit, oppidum olim sedisse ipsi incolæ ferunt, ubi in proximo est *Passham* locus à trajiciendo denominatus, ut olim trajectus fuisse videatur, quem contra deprædantes *Danos* tenuit *Rex Edwardus Senior* dum *Torcestriam* communiret, sed hic trajectus esse desiit postquam pons ad *Stony-Stratford* extructus fuisset. Ad hoc si

Whaddon.

Barones Grey de Welton.

Stony-Stratford.

Lactorodum. Leach Britannice saxa, Ri & Ryd vadum sonat.

Wolverton. Newport Paynell.

Primus Buckinghamiæ Comes, quantum ego

M m m

hæte-

hactenus observarim, fuit Gualterus cognomine *Giffard*, Osberni de *Bolebec* viri inter Normannos celeberrimi filius, qui in Charta Henrici Primi inter testes citatur nomine Comitis Buckinghamiæ. Hunc sequutus est ejus filius eodem nomine, qui in libro Monasterii Abbendonensis, Gualterus Comes *Junior* dictus obiit anno MCLXIII. Et regnante Henrico Secundo, Richardus ille *Strangbow* Comes Penbrochiæ, qui è sorore & hærede Gualteri *Giffard* Secundi genus duxit, hoc titulo in nonnullis publicis instrumentis est usus. Longo post tempore jacuit hic titulus quasi obsoletus, donec anno MCCC LXXVII Richardus Secundus hunc honorem patruo suo Thomæ de *Woodstocke*, de quo inter Duces Glocestriæ jam diximus, contulerit. Ex hujus filia enupta Edmundo Comiti Staffordiæ natus est Humfredus Staffordiæ Comes, quem Buckinghamiæ Ducem creavit Henricus Sextus, pro quo vitam animose in prælio ad *Northampton* profudit. Illi successit ex Humfredo filio nepos Henricus, qui

Liber
Priorahy
Markyat.

Richardo Tertio tyranno viam ad regnum munivit, statimque eundem deturbare machinatus est, eo quod *Bobunorum* hæreditatem ad ipsum jure hæreditario spectantem restituere noluerit: sed interceptus capite luit, seroque sensit quod tyranni gradus per quos ascenderunt sæpissime amputant. Hujus filius Edwardus in integrum Henrici Septimi gratia restitutus pessimis artibus Wolfæi Cardinalis, Henrici VIII gratia excidit, & majestatis læsæ damnatus, quod inter alia ariolum de Successione regni consulisset, summo cum bonorum desiderio securi fuit percussus. Quod cum Carolus Quintus Imperator audisset, dixisse fertur, pulcherrimum Angliæ damam à Lanii cane fuisse devoratum, utique Cardinalis ille lanii fuerat filius. Iam inde hujus familiæ dignitas attenuata ita defloruit, ut posteris tiulus Baronem de *Stafford* solummodo superfuerit.

Recensentur in hac regiuncula Paræcia 185.

B E D F O R D - S H I R E .



Bedfordiensis ager, vulgo *Bedfordshire*, alter est è tribus Comitatus quos Cattieuchlanos occupasse diximus. Ab Ortu Meridieque Cantabrigieni atque Hertfordiensi, ab Occasu Buchinghamiensi, à Septentrione, Northantoniensi, & Huntingdonensi conjunctus, *Vsaque* interfluente in duas partes divisus. Qua Septentriones spectat fertilior est, & nemorosa: altera ad meridiem, quæ multo major, solo est tenuiori, sed non omnino ingrato: hordeum enim plenum, album, & crassum affatim profundit. In medio sylvis nonnihil densior, sed ad Ortum magis siticulosa, & arboribus nuda.

Barones
Mordant.

Vsa, ubi hunc agrum ingreditur, primum *Tury* invisit ædes Baronis *Mordant*, qui hanc dignitatem Regi Henrico VIII acceptam tulerunt. Ille enim Ioannem *Mordant* virum prudentem, qui duxerat filiam & alteram hæredem *H. Vere* de *Addington*, Baronem *Mordant* creavit. Deinde *Harewood* viculum olim *Hareleswood* præterlabitur, ubi Sampson cognomento *Fortis* Sanctimonialibus ædem sacram posuit, & ubi anno salutis reparatæ MCCCXCIX, paulo aute motus illos, & civiles turbas quibus Anglia diu divulsa fuit, hic fluvius restitit, & cedentibus utrinque aquis, iter in ipso alveo per tria milliaria non sine admiratione pervium fuit. Postea *Odill*, five *VWoodhill*, olim *VVabull*, subluit, quæ suos etiam Barones de *VVabull*, antiqua nobilitate perillustres, & castrum, quod nunc hæreditario ad *Chettwoodos* devenit, habuit. Unde *Vsa* non minus tortuosus, quam ipse *Mæander* fertur per *Bletnesbo*, vulgo *Bletso*, quæ sedes olim *Pateshulorum*, postea *Bellocamporum*, nunc illustris familiæ de *S. Iohn*, quæ olim sua virtute amplissimas in Wallia possessiones, & nostro tempore Elizabethæ felicissimæ memoriæ gratia Baronum dignitatem consecuta est. Ad quos devenit per Margaretam de *Beauchamp* hæredem, quæ primo nupta Oli-

B'etso.
Barones.
St. Iohn
de B'et-
nesbo.

vero de *S. Iohn*, à quo hi Barones stemma deducunt, & secundo Ioanni Duci Somersetti, cui illa peperit Margaretam Comitissam Richmondiæ, sceminam nunquam satis laudatam, à qua regia Anglorum familia.

Hinc Bedfordiam, Saxonice *Beosanrop* primum oppidum, unde & regioni nomen, adproperat & ita dissecat *Vsa*, ut duo viderentur oppida, nisi ponte saxeo committerentur. Situs amœnitate, & sua vetustate, magis quam elegantia aut amplitudine (licet quinque ecclesias numeret) prædicandum. *LACTODORVM* tamen Antonini fuisse cum aliis non audeo affirmare, cum ad viam militarem Romanorum non sedeat, quæ certissimus index ad stationes & mansiones ab Antonino memoratas reperiendas; nec Romanorum numismata hic unquam effossa. *Lifwidur* five *Lettidur* Britannice dictum legi; verum ex Anglico nomine conversum videatur. *Lettuy* enim Britannis diversoria publica sonat, & *Lettidur* diversoria ad flumen, ut *Bedford* Anglis *lectos* & *diversoria* ad vadum sonat. Cuthwulfus Saxo circa salutis nostræ annum D LXXII sub hoc aperto Marte ita Britannos fregit, ut jam inde viribus impares plura sibi oppida dediderint. Nec Saxonibus neglectum fuisse videtur, cum Offa potentissimus Merciorum Rex hic sibi (uti legimus in *Florilego*) sepulturam delegerit, cuius tumulum *Vsa*, cum incitator & sublimior ferretur, eluvione abripuit. Danicis postea bellicis prostratum Edwardus Senior reparavit, urbemque ad australem ripam adjecit, quam *Mikegate*, (ut optimum *Hovedeni* exemplar habet) illa ætas vocavit. Tempore Regis Edwardi Confessoris, ut est in libro illo quem Rex Guilielmus Primus scripsit, cum Angliæ lustrum conderet, *Pro dimidio Hundredæ se defendebat in expeditione, & navibus*. Terra de hac villa nunquam fuit *hidata*. Graviora deinde sub Normannis pertulit: cum enim Paganus de *Bellocampo* tertius dictus Baro de *Bedford* castrum construxisset, nulla inter-

Bedford.

Machina
bellicæ.

Eaton.

stini belli coorta est tempestas, quæ in illud, dum steterit, non intonuit. Stephanus, cum violato jurejurando Angliæ regnum interciperet, primus ingenti cæde expugnavit, postea cum Barones arma in Ioannem Regem induissent, Guilielmus de *Bellocampo* ejus dominus, & ex partium ducibus, illis in manum tradidit: sed uno & altero post anno, Falco de *Breaut* obsedit, statimque à Baronibus deditioe, & à Rege dono accepit. Ingratus tamen ille novam belli molem denuo in Henricum III excitavit, dirutis sacris ædibus castrum firmavit, & vicinam regionem plurimis damnis affecit, quoad Rex obsideret, & post sexagesimum diem, victa rebellium pertinacia, hanc seditionis nutriculam in potestatem redigeret.

Machinæ
bellicæ.

Lectori minime ingratum fore spero, si rationem oppugnationis hujus castrî, ex scriptore qui tunc vixit & vidit, adnotavero, ut intelligamus quibus operibus, & machinis ea ætas in hominum perniciem fere perinde ac nostra, ingeniosa, usa fuerit. Ex parte, inquit, Orientali fuit una *Petraria*, & duo *Mangonella*, quæ quotidie turrin infestabant, & ex parte Occidentis duo *Mangonella*, quæ turrem veterem contriverunt, & unum *Mangonellum* ex parte Australi, & unum ex parte Aquilonari, quæ in muris sibi proximis duos introitus fecerunt. Præter hæc erant ibi duæ machine lignæ arte fabrilî supra eminentiam turris & castrî erectæ ad opus balistariorum, & exploratorum. Erant etiam ibi pleræque machine in quibus balistarîi, & fundibularii in insidiis locabantur. Præterea erat ibi machina quæ vocabatur *Cattus*, sub qua fossiores subterreanei ingressum & egressum habebant, dum muros turris & castrî suffoderunt. Captum est autem castrum per quatuor insultus. In primo capta est *Barbicana*, in secundo forinseca *Ballia*, tertio insultu cecidit murus juxta turrin veterem permineatores, ubi per rimam magno cum periculo interiorem *Balliam* occuparunt. Ad quartum insultum ignis per mineatores turri subjicitur, ita quod fumus prorupit, & fissa turris, ita quod rimæ in latum apparebant, & tunc hostes se dederunt. De his *Mangonellis*, *Petrariis*, *Trabuccis*, *Bricolis*, *Espringoldis*, & quod majores nostri, *The Warrwolf* vocarunt, quibus ingentia saxa magna violentia, ante Bombardas excogitatas, ejaculati mœnia valida per-ruperunt: multa hic attexerentur, nisi à nostro aliena essent proposito. Sed pergit author meus, Falco in excommunicatione mansit donec restitueret Regi castrum de *Plumton* & *Stoke-Curcy*, & vasa aurea, & argentea & pecuniam quæ habebat, & inde *Londinum* ductus est. Interim jussum est Vicecomiti turrin & *Balliam* exteriorem demoliri. Interior vero *Ballia* amotis propugnaculis & fossatis undique complanatis, Guilielmo de *Bellocampo* ad inhabitandum remansit, lapides concessi sunt Canonicis de *Newenham* & *Chaldwell*, & Ecclesiæ S. Pauli *Bedfordiæ*. Nec aliud tamen magis hic visendum quam hujus vestigia ad Orientale oppidi latius flumini impendentia.

Bedfordiæ utrinque subfuerunt elegantissima cœnobiola, ab Austro *Helenstow*, nunc *Elstow*, *Helenæ* Constantini Magni matri, & virginibus sacris à *Iuditha Waltheof* Comitissæ *Huntingdoniæ* uxore consecratum: ab ortu *Newenham*, quod à fano Sancti Pauli intra *Bedfordiam*, *Roisia* *Pagani* de *Bellocampo* uxor transtulit.

Eaton.

Non longum iter ab hoc confecit *Vsa*, cum

vestigia diruti castrî apud *Eaton*, quæ sedes fuit altera illius familiæ de *Bellocampo*, inviserit, *Bedfordiensibus* valedicit, proxime *Bissmed* ubi *Hugo* de *Bellocampo*, & *Rogerus* frater ejus monasteriolum Canonicis S. Augustini, ut ex *Bulla Pont. Romani* constat, fundarunt. Hæc ultra *Vsam*, qui à meridie tamen prius anonymo * am-niculo augetur, ad cujus confluxum *Temesford* Danorum stativis, & castrò notum, quod tunc construxerunt, cum suis Hybernis hanc regionem premerent, & propugnaculum Britannicum (uti creditur) everterent, cujus locus nunc *Chesterfield* & *Salndy* dictus Romana numismata vetustatis suæ signa sæpe exhibet. Nec dubito è situ, quin hæc fuerint *SALENÆ* illæ quas *Cat-tieuchlanis* adscribit *Ptolemæus*, si *Salndy* sit verum nomen, quod mihi nonnulli affirmarunt. *Pot-ton* Mercatulum omitto, cum nihil de illo occurrat, quam quod *I. Kinaston* Thomæ Comiti *Lancastrensi* olim cum terris adjunctis dono contulerit. Nec est cur pluribus memorem quæ ad hunc amniculum assident, videlicet *Chick-sand*, ubi *Paganus* de *Bellocampo* cœnobiolum extruxit, *Shelford* mercatum, *Bigleswade* equorum nundinis, & ponte lapideo celebratum. Unde parum abest *Stratton* sedes quondam Baronum *Latimer*, postea *Enderbeiorum*, & ab illis hæreditario *Pigottorum*.

* Inell
nonnullis
dicitur.

Salenæ.

Potton.

Chick-
sand.
Stratton.

Ad quintum milliare ab hujus amniculi fontibus, in ipso fere agri umbilico, colli apponitur *Amthill*, domus ampla, regia, & castrî æmula, variis undique circumfusa à *Ioanne Cornwale* Barone de *Fanhop*, regnante *Henrico Sexto*, è Gallorum manubiis constructa, cujus bona ut legi, cum *Edwardus IV* publicasset, quod à *Lancastrensi* familia steterat, & ipsum seu potius, ut inquit ipse *Fanhop*, has ædes læsæ majestatis egisset, protinus *Edmundo Grey* Domino de *Ruthin*, & postea *Cantii* Comiti concessæ fuerunt; à cujus nepote *Richardo* ad *Henricum VIII* Regem devenerunt, qui eas, ut loquuntur *Cæsarei* juris periti, sacro patrimonio, ut nostri jurisprudentes, Coronæ adjunxit, & latifundia adnexa *Honorem de Amthill* dixit. Hinc magis ad Septentriones jacet *Haughton Conquest* à familia clara & vetusta quæ diutissime incoluit sic dicta. Ad occasum *Woburn*, ubi nunc Schola est tenuis à *Fr. Bedfordiæ* Comite posita, olim monasterium floruit insigne ab *H. de Bolebec* extructum sub quo ad *Aspely Gowiz* terram esse quæ lignum in saxa convertit, perhibent, & in ejus argumentum scalam gestatoriam ex ligno, in illa terra aliquandiu obrutam, totamque faxeam effossam in monasterio illo spectatam audivimus. Magis ad Ortum *Tuddington* conspicuas ædes ostendit, quas *H. Dominus Cheney* nuper construxit, ubi etiam olim *Paulinus Pever* aulicus, & Regis *Henrici Tertii* Dapifer, ut testatur *M. Paris*, ædificium adeo palatio, capella, thalamis & aliis domibus lapideis, & plumbo coopertis, pomeriis & vivariis communiavit, ut intuentibus admirationem parturiret. Haud longe hinc progressi juxta *Hockley in the hole*, via lutosa itinerantibus hiberno tempore admodum molesta, inter agros optimis fabis redolentes, quæ sua redolentia odorem illam canum vim non fine venatorum indignatione prorsus hebetant, per albicantem collem in *Chiltern* adscendimus;

Amthill.

Haugh-
ton Con-
quest.
Woburn.

Terra li-
gum in
saxum
conver-
tens.

statimque *Dunstable* devenimus, quod in solo cretaceo situm, incolis satis frequens, & diversis plenum, quatuor habet plateas ad quatuor mundi plagas, in quibus singulis, cum solum sit siccissimum, quatuor in publicum usum sunt lacunæ, quæ quamvis pluviali solummodo aqua alantur, nunquam deficiunt. Fontium vero venæ non inveniuntur, nisi puteos in viginti quatuor cubitorum altitudinem agant. In medio Crux sive potius columna visitur Angliæ, Castiliæ, & Pontivi insignibus insculpta & statuis decorata, quam Rex Edwardus Primus in *Æleonoræ* conjugis memoriam ut alias nonnullas posuit, quacunque ejus funus exequiali pompa *Westmonasterium* deduxit. Hoc fuisse illam itationem quam Antoninus Imperator in suo Itinerario *MAGIONINIVM*, *MAGIOVINIVM*, & *MAGINTVM*, appellat, non est cur quispiam dubitet, aut alibi quærat. Nam præterquam quod ad viam militarem Romanorum adfidet, Cæsarium nummi in agris circumvicinis à subulcis subinde reperiuntur, quos *Madning monye* adhuc vocant, & parum abest ad ipsum *Chilternorum* collium descensum sepimentum militare in orbem circumductum, ejusmodi Britannorum oppida fuisse prodit *Strabo*, quod novem jugera continet, & *Madning-bowre* & *Madinbowre* appellant; in quo nomine parum variato *MAGINTVM* se planissime ostendit. Sed cum *MAGINTVM*, vel belli, vel ævi injuria cecidisset, Henricum primum hic oppidum reedificasse, ædesque Regias ad *Kingsbury*, & coloniam ad latronum audaciam reprimendam, qui viam obsederant, collocasse, privata historia monasterioli, quod ipse ad coloniam suam ornamentum fundavit, plane contestatur. Sed habe ipsa verba ex historia illa privata, licet ejus seculi barbariem redoleant, Nota quod area illa ubi via *Watling* & *Ikening* conveniunt, per Henricum Regem Angliæ Senioresem primitus sartabatur ad malitiam cujusdam famosissimi latronis *Dun* nomine, & sociorum suorum refranandum. Et ab ipso *Dun* dictus locus *Dunstable* vocabatur. Dominus Rex ibidem Burgum *Dunstable* condidit, fecitque sibi juxta illum locum regiam mansionem. Burgenses liberi erant per totum, sicut ceteri Burgenses regni Regis. Rex habuit in eadem villa nundinas & mercatum. Postea fun-

Magiovinium.

davit Ecclesiam, & auctoritate *Eugenii III* Papæ posuit ibi *Canonicos Regulares*, & dictos religiosos de toto Burgo fecerunt per *Chartam*, & eis plurimas contulit libertates.

Nunc de *Bedfordiæ* Dominis, Ducibus & Comitibus. Primum fuerunt Barones *Bedfordiæ* è familia de *Bellocampo*, qui regibus Angliæ die inaugurationis jure hæreditario erant *Eleemosynarii*. Quorum hæreditas cum jam per filias in *Mowbrajorum* nomen, *VWake* & *Fitz-Ottes*, &c. dispersita fuisset, *Edwardus III* Engelramum de *Concy* Sueffionum in Gallia Comitem cui filiam elocarat, primum *Bedfordiæ* Comitem creavit. Postea *Henricus Quintus* *Bedfordiam* in Ducatus titulum evexit, tresque Duces habuit, primum *Ioannem Henrici III* filium tertium, qui Gallos navali prælio ad *Sequanæ* ostium, & postea Franciæ Regem terrestri ad *Vernolium* fortissime profligavit, *Rothomagi* sepultus, & una cum illo bellica Anglorum in Gallia felicitas. Cujus monumentum cum *Carolus Octavus* Rex Galliarum inviseret, nobili adstanti qui demoliri suavit, *Requiescat*, inquit, jam mortuus in pace, quem vivum in bello Gallia pertimuit. Secundus *Bedfordiæ* Dux erat *Georgius Nevill* puerulus, filius *Ioannis Marchionis Montifacuti*, quos eo honorum statim atque evexisset, etiam dejecit Rex *Edwardus Quartus*, idque auctoritate *Parlamentaria*; patrem ob perfidiam cum ab eo defecisset, filium in patris invidiam: prætexebatur tamen quod ad Ducis dignitatem tuendam ob inopiam impar esset; magnatesque ab opibus minus instructi vicinis semper sint graves atque iniquiores. Tertius erat *Iasper de Hatfield* Comes *Penbrochiæ*, à nepote *Henrico Septimo*, quem ex maximis periculis eripuisset, eo titulo exornatus, qui senex & cœlebs è vita migravit.

Patrum vero memoria in Comitatus titulum recidit, cum Rex *Edwardus Sextus* *Ioannem Russell* *Bedfordiæ* Comitem creavit, cui successit filius *Franciscus*, vir ea pietate & nobili naturæ facilitate, ut nunquam magnifice quicquam in ejus dicam laudem, quin id ejus virtus longe superaverit. Successorem autem ille reliquit *Edwardum* è filio *Francisco* nepotem, avitis laudibus succrescentem.

Bedfordiæ
Duces,
Comites,
& Barones.

Habet hæc provinciola paræcias 116.

HERT-

HERTFORDSHIRE.



Gro Bedfordiensi ab Ortu & partim à Meridie · adjacet *Hertfordshire*, quem tertium ex illis diximus, qui ad Cattieu-chlanos spectarunt. Occidentale latus claudunt Bedfordiensis, Buckinghamienses, Australe Mediolanenses, O-

rientale Saxones Orientales, & Septentrionale Cantabrigienfis. Frumentariis agris, pascuis, pratis, nemusculis, & limpidis fluviolis felix: veterum vero locorum claritate etiam cum vicinis de palma contendit, vix enim alius in Anglia Comitatus est qui plura vetustæ memoriæ ostendat.

Roiston.
Chronica
Dunsta-
pliae.
* Aliis
uxor Ri-
chardi de
Clara.

In ipso Septentrionali limite qua Cantabrigiensem Comitatum attingit, sedet *Roiston* oppidum notum sed non antiquum. A Normannicis enim temporibus emicuit. *Roisia* namque mulier ea ætate celeberrima (* quam Norfolciæ Comitissam fuisse credunt nonnulli) Crucem ad viam regiam eo loci statuit, unde *Crux Roisia* diu dicta fuerit, donec *Eustachius de Marc Cænobio-* lum in honorem S. Thomæ adjunxit: tunc enim diverforia sunt extructa, & paulatim oppidum surrexit, quod pro *Crux Roisia*, *Roiston*, id est, *Roisia oppidum* appellatum, cui nundinas statis temporibus, & forum venale concessit Rex *Richardus Primus*, quod nunc distrahendo *Byni* est celeberrimum, & frequentissimum. Vix enim credi possit quot frumentarii, propolæ, & etiam dardanarii statis mercatus diebus huc confluunt, & quot equis onerariis viæ undiquaque tum compleantur.

Tharfeld.
Berners.

Roistonia ad Austrum inter collium summitates *Tharfeld* imminet, habitatio pervetustæ familiæ de *Berners*, quæ ab Hugone de *Berners* genus repetit, cui in præmium fortitudinis in Normannica victoria latifundia in *Eversdon* in Comitatu Cantabrigiæ à R. Guilielmo *Conquestore* concessa. Tantaque dignitate ejus posterii floruerunt, ut *Ioannes Bourghier*, qui rectam familiæ hæredem in uxorem duxit, cum ad Baronis honorem ab *Edwardo IIII* promoveretur, de *Barners* fuerit cognominatus.

Nucelles.
Familia de
Roffa.
Barones
de *Scales.*

Nucelles huic sunt confines, olim familiæ *Roffarum* sive de *Rochester*, sed tota dignitas est ex suis postea incolis Baronibus de *Scales* è Norfolciæ oriundis, sed *Roffa* hæredibus. Etenim *Roberto de Scales* Rex *Edw. I* pro opera in Scotico bello strenue navata terras annui tunc valoris 300 *Marcarum* donavit, eumque ad Parlamenta inter Barones evocavit. Eorum scutum sanguineum sex conchiliis argenteis ornatum plurimis in locis vidimus. Floruerunt usque ad Regis *Edwardi Quarti* tempora, quando unica familiæ filia & hæres enupta Antonio *Widevile* Comiti de *Ripariis*, sive *Rivers*, quem virtutis gloria, & sororis cum Rege conjugium extulit, atque inimicorum invidia indignissime oppressum ad exitium depressit. Rex enim *Richardus Tertius* innocentem capite truncavit. Cum autem illa sine prole obiisset, hæredium tempore Regis *Henrici Sep-*

Britannia.

timi inter *Ioannem Comitem Oxoniæ*, qui per *Howardos*, & *Willielmum Tindale* Militem, qui per *Bigodos de Felbrigge consanguinei proximi*, & cohæredes comperti, fuit dispersitum.

Inferius ad Ortum est *Ashwell*, id est, *Fons inter Ashwell*. *fraxinos*, vicus rusticus, amplus, & ædificiis frequens, depressiori situ in Septentrionali agri confinio locatus, ubi celeberrima est fontium scaturigo è saxo abrupto, sive crepidine, quæ proceris fraxinis undique umbrosa, unde tanta vis aquarum perennibus venis emanat, ut statim intra ripas collecta rotandæ molæ sufficiat, & quasi subito in justum flumen convalescat. Ex his fontibus & fraxinis, ut certissimum est, Anglo-Saxones novum hoc nomen *Ashwell* indidisse: ita in ea fui quondam opinione, Britannos antiquos, qui teste *Gilda*, montes, fluvios, fontes, & lucos divinis cumularunt honoribus, ab eadem re, eodem sensu *Magioninium* nominasse, & fuisse illud quod *Antoninus* *MAGIONINIVM* vocavit. Sed dies certiora jam docuit, nec pudet opinionem hac in re immutare, cum me meus error minime delectet. Ad hujus tamen antiquitatem asserendam facit vallum amplum quadrata forma adjunctum, quod, Romanis nummis sæpius effossis, cujus fuerit opus ostendit, & in eo libro quo Angliæ lustrum ante quingentos annos *Guilielmus Primus* condidit, disertis verbis *Burgi* nomine insignitur. Magis ad austrum albicanti solo *Baldoke* forum vidimus, de quo, uti de vicino, *Hitching*, nihil antiquum legitur.

Inde in agro culto & florenti *Vimondley* sedet, antiquum & celebre prædium, quod honoratissimo apud nos jure, (*Grand Sergeantie* Iuris periti nostri vocant) tenetur, nimirum ut possessor Regibus Angliæ quo die inaugurantur primum ministret scyphum, & sit quasi regius pocillator. Quem honorem ratione hujus prædii primis Normannorum temporibus nobiles, *Fitz-Teca* dicti, gesserunt, à quibus per filiam ad *Argentonnios* devenit. Hi à *Davide de Argentonio* Normanno viro militari, qui sub *Guilielmo Primo* meruit, & nomen & stemma duxerunt, & in hujus rei memoriam tribus scyphis argenteis in clypeo rubro pro insignibus jam divi usi sunt. Verum deficiente tandem prole macula *Henrici Sexti* tempore, *Elizabetha Argentina*, quæ solidam hæreditatem crevit, *Guilielmo Alington* Equiti marito amplissima hæredia cum aac dignitate attulit, à quo septimus est *Egidus Alingtonus* hujus familiæ hæres, adolescens moribus suavissimis, & indole vere generosi, qui, ut spero, generis claritatem novo virratum splendore illustrabit.

Grandser-
geantie.

Fitz Te-
cæ.

Argento-
nii.

Aling-
tonii.

In proximo juxta viam publicam inter *Stevenhaugh*, & *Knebworth* sedem claræ familiæ *Littonorum*, quosdam tumulos satis magnos aggestos vidimus, ejusmodi peremptis militibus, Duce primæ cespitem imponente, prisca Romani exstruere soliti. Nisi quis ad limitum rationem pertinuisse malit: ejusmodi enim colliculi olim ad terminos designandos aggesti fuerunt, quibus cineres, carbones, calcem, testas contusas, &c.

N n n

subjece-



In Comi-
ratu
Northam-
pton,

Wettham-
sted.

Woodhall

Bisops
Hatfield.

Hertford.

Ware.

* Inspe-
ximus Hen-
rici VI.

1241.

Tornea-
menta.

subjecerunt, ut fufius alibi docebimus.

Sub hoc magis in Meridiem *Lea* fl. olim ma-
joribus nostris Ligean, fontes habet, qui leni
aquarum ductu primum per *Wetthamsted* fru-
mento, unde nomen factum, feracem defertur,
quem Ioannes de *Loco Frumentario* inde ortus &
nominatus, vir sub Henrico VI celeberrimus,
eruditionis merito honestavit. Inde *Brockett-hall*
equestris familiae *Brockettorum* sedem & *Woodhall*
habitationem Butlerorum, qui à Barone de
Wem prognati *Gobionorum* hæreditatem nuptiis
adierunt, præterfluens, *Bisops Hatfield* fere acce-
dit in dejectu collis positum, in cuius superiori
parte sunt ædes nunc regiae, quondam Episcopo-
rum Eliensium, quas Ioannes *Morton* Episcopus
Eliensis pulcherrime instauravit. Quadraginta
enim *hidas* in hoc loco Rex *Eadgarus* ecclesiae
Eliensi donavit. Postea *Hertfordiam* subluit, quæ
in nonnullis Bedæ exemplaribus *Herudford* nun-
cupatur, ubi agitur de Synodo ibi celebrata an-
no Salutis DCLXX. Quod nomen alii *Rubrum*
Vadum, alii *Cervorum Vadum* interpretantur. Hoc
Regis Guilielmi Conquæstoris tempore, ut in
Censuali Angliæ libro legitur, *pro decem bidis se de-*
fendit, ubique fuerunt viginti sex Burgenfes. Nunc au-
tem est infrequens, & ex eo maxime celebratum,
quod antiquum. Agro utpote universo nomen
suum communicavit, & caput censetur Comita-
tus. Castrum habet ad *Leam* fl. ab Edwardo Se-
niore, ut creditur, constructum, primum à *Clarensi*
familia ad quem spectavit, adauctum. *Gislebertus*
enim de *Clare* circa Henrici Secundi tem-
pora, *Herudfordia* huius habitus erat Comes, &
Robertus Fitz-Walter, qui ex eadem *Clarensi*
familia, cum Stephanus Angliæ castra sibi undi-
que raptaret, libere ipsi Stephano (ut in *Matthæo*
Parisiensi legitur) huius castri custodiam ad
se antiquo jure spectasse affirmavit. Postea patri-
monio regio accrevit, & Rex *Edwardus III*, Io-
anni *Gandavensi* filio, tunc *Richmondia* Comi-
ti, qui postea *Lancastriæ* Dux, hoc castrum, villam,
& Honorem de *Hertford*, concessit, ubi (sic habent ip-
sa Donationis verba) *juxta status sui exigentiam ho-*
spitari, ac decenter morari posset.

Hinc *Lea* ad *Ware* statim prolabitur, ab obice
ad sistendas aquas, quas majores nostri *Ware*, &
Ware dixerunt, nominata. Hæc paulatim *Hert-*
fordia primum plurima damna intulit, & postea
sua frequentia quasi obscuravit. Baronum enim
bello contra Ioannem Regem exardescente, hæc
domino suo Barone de *Wake* confisa, viam *Re-*
giam ad se deflexit, cum antea viculus esset * nec
curribus illac transire liceret, extenta per pon-
tem catena, cujus claves penes *Hertfordia* *Bal-*
livum erant. Quo fere tempore *Gilbertus Ma-*
rescallus *Penbrochia* Comes inter Angliæ pro-
ceres facile Princeps equestre ludicrum, quod
Torneamentum vocant, sub *Fortunii* nomine *Re-*
gia authoritati ludens, quæ *Torneamenta* inhibi-
ta, hic indixit. Quo cum magna nobilium mul-
tudo confluxisset, ipse forte fortuna dum de-
curreret, equo sternaci fracto fræno excussus, &
concultus misere expiravit. *Torneamenta*
hæc publicæ erant inter nobiles armorum exer-
citationes, & plusquam præludia, instituta, si
Munster credimus, anno salutis DCCCC XXXIII,

quæ & suas habuerunt leges, quas apud
ipsum habeas; tantaque infania & nobilium
cæde ubique, sed maxime in Anglia, ex quo
Stephanus Rex induxerit, longo tempore ha-
bita, ut diversis ecclesiæ decretis fuerint in-
terdicta, sub pœna, ut in iis occisi ecclesiastica
carerent sepultura; & ab Henrico nostro Tertio
de prudentum consilio lata lege ut transgresso-
rum hæredes paterna hæreditate excluderen-
tur. Contra legem tamen ita salutarem hæc præ-
va & exitiosa consuetudo diu invaluit, nec ante
Edwardi Tertii tempora omnino exolevit.

Inter hæc duo oppida *Hertfordiam* & *Ware*,
quæ vix duobus miliaribus distant, duobus à
Septentrione fluviolis augetur *Lea*; *Asserius* *Min-*
neram & *Benefician* vocat. *Benefician* esse conje-
ctarim ad quem *Benington* adfidet, ubi nobilis fa-
milia de *Bensted* suum habuit olim castellulum;
ut *Mimeram* illum alium ad quem *Pukerich*, quod
forum mercatorium & nundinas Regis *Edwardi*
Primi beneficio, & *Guilielmi Le Bland* opera ha-
bet. Cui à tergo se offert *Munden Furnivall*, vel
ut hoc nomine memoretur, quod suum Domi-
num habuit *Gerardum de Furnivall* (à quo & no-
men deportavit) filium natu minorem *Gerardi*
Furnivall de Sheffeld. Sed ad *Leam* fl. & *Ware* red-
eamus, quo *Danos* myoparonibus suis delatos,
propugnaculum excitasse prodit ille *Asserius*,
quod cum *Ælfredus* Rex expugnare non potuif-
set, tribus effosis canalibus ita *Lea* aquas diver-
tit, ne illi navigia reducerent, ut jam inde ac-
colis nulli pene usui fuerit, donec jam pridem re-
stituito alveo, ad merces, annonam, &c. deve-
henda factus sit commodior. A *Ware* non mul-
tum progressus est, cum rivulum (*Stort* vocant)
ab Oriente in se recipiat, qui primum per *Bisops*
Stortford decurrit, exiguum oppidum exiguæ ca-
stro editiori mole aggesta in insula quondam
munitum, quod Rex *Guilielmus Primus* Episco-
pis *Londinensibus* donavit, unde ab Episcopis
denominatio facta, Rex autem Ioannes in odium
W. Episcopi subvertit. Inde *Hunsdonam* præterve-
hitur, quæ Baronis titulum præbuit *Henrico Cary*
gratia *Elizabethæ* Reginae cui fuit à cubiculo,
utique qui, præterquam quod è Regia *Somerfet-*
tensium Ducum familia fuerit oriundus, etiam
eiusdem Reginae ex matre *Maria Bolenia* fuit con-
sobrinus. Hoc rivulo sic admissio, *Lea* jam lætior
ad *Tamisum* properat, & quasi gratulabundus *Theo-*
baldenses ædes vulgo *Tibaulds*, salutatur, quas si stru-
cturam spectes, ad omnem elegantiam, si hortos,
& ambulacra lucis convestita, ad omnem amœ-
nitatem construxit *Nestor Britannicus* honora-
tissimus Baro *Burghley* summus Angliæ *Thesaura-*
rius, cui in primis hic fluvijs se alveum restitutum
debere libenter agnoscit.

Sed ad vetustiora & interiora regrediamur.
Ab *Hertfordia* in Occasum ad XII milliare fuit
VEROLANIVM, urbs olim celeberrima, Ta-
cito *VERVLAMIVM*, Ptolemæo *VROLA-*
NIVM, & *VEROLAMIVM*. Hæc satis hodie
nota juxta fanum *S. Albani* in *Centuria Caiſho*
(quam *CASSII*, quorum meminit *Cæsar*, pro-
culdubio tenuerunt.) Saxonibus *Watlinga-*
ceap à via Regina *Waringstreat*, & *Weplam-*
ceap. Nec dum vetustum illud nomen depo-
suit,

Newbri-
genſis lib.
5. cap. 4.

Matth. Pa-
ris anno
1248.

Furnivall.

Bisops
Stortford.
Castle of
Waymore.

Baro
Hunsdon.

Theobalds.

Verola-
nium.
S. Albones.

fuit, *Verulam* enim vulgo dicitur, licet præter mœnium rudera, tessellata pavimenta & Romana numismata subinde effossa nihil superfit. Colli molliter ad ortum declivi apposita fuit, mœnibus obseptis firmissimis, vallo duplici & fossis profundis ad Austrum, & ad Ortum rivulo rigata, qui olim in magnam paludem stagnavit, unde conjectura fuit hoc Cassibellini fuisse oppidum sylvis paludibusque munitum, quod Cæsar expugnavit, nec enim alia in hoc tractu palus, quod sciam, extitit. Neronis ætate *MUNICIPIVM* censebatur, unde in Ninnii urbium Catalogo *Caer-Municip* dicitur, ut non dubium sit quin hoc illud fuerit *CAER MUNICIPIVM* quod Hubertus Goltzius in veteri inscriptione reperit. Municipia autem erant oppida jure civium Romanorum donata, nomenque factum à muneribus capiendis, id est publicis in Repub. curationibus: habueruntque, quod ad ordines pertinet, Decuriones, Equites, & plebem, quod ad consilium publicum, Senatū & populum, quod ad magistratus & Sacerdotes, Duumviros, Triumviros Iuridicundo, Censores, Aediles, Quæstores & Flamines. An tamen cum suffragio, vel sine suffragio hoc fuerit municipium, non facile quis dixerit. Municipium enim cum suffragio vocabant, cui capere honores licebat, ut illud alterum cui non licebat, sine suffragio. Sub eodem Nerone, cum Boudica sive Boodicia Icenorum Regina acerrimo in Romanos odio bellum illis conflasset funestissimum, à Britannis, ut habet Tacitus, erat excisum. Hinc scripsit Suetonius, *Accessit tantis ex principe malis clades Britannica, quæ duo præcipua oppida, magna civium Romanorum, sociorumque cade direpta.* Refloruit nihilominus, & ad summam celebritatem pervenit, nummosque antiquos hic, ut videtur, signatos vidimus cum inscriptione *TASCIA*, & altera parte *VER*. Quod eruditissimus venerandæ Antiquitatis indagator David Powelus Sacræ Theologiæ Doctor Tributum Verulamii interpretatur. *Tase* enim, ut ille mihi author est, Tributum, *Tascia* Denarius Tributi, & *Taseyd* præcipuus Tributi collector, Britannice sonat. Sed ipsum nummum tu etiam vide, quem & jam antea exhibuimus.

Cassibellini oppidum.

Municipia.

*Verulam, & Maldon.

Tase quid significat.



Britannorum nummi. Alii annulii.

Hos aliqui ante Romanorum adventum cufos esse volunt, sed non ego credulus illis. Nummos enim Tributarios fuisse semper existimavi, qui in caput, & agros impositi quotannis à Romanis exigebantur, uti antea dixi. Antequam enim Romani advenerint, Britanno pecuniam signasse vix credam. Memini tamen, quod de illis scribit Cæsar, *Vivunt autem nummo æreo, aut annulis ferreis, ad certum pondus examinatis, ubi antiqui libri Lanceis ferreis habent, pro quo substituantur Critici Laminis ferreis.* Sed ad institutum se recipiat oratio. Eandem telam hic retexere non est animus. Nulla autem re æque celebre Verolamium erat, quam quod civem sanctitate & fide

Britannia.

in Christum singulari protulerit Albanum, qui, cum Dioclesianus Christianam religionem exquisitis suppliciis ex hominum memoria delere moliretur, invicta animi constantia mortem pro Christo primus in Britannia oppetiit. Vnde Stephanus noster, & Britannia Protomartyr appellatur, Fortunatusque Presbyter cecinit;

Albanum egregium secunda Britannia profert.

Et Hiericus Gallus, qui ante septingentos annos floruit, de eodem, & percussore ejus non sine miraculo, excacato:

Millia pœnarum Christi pro nomine passus,

Quem tandem rapuit capitis sententia casti.

Sed non licitori cessit res tuta superbo,

Vtque caput Sancto, ceciderunt lumina sævo.

In vita S. Germani.

In hujus opprobrium, & Christianorum terrorem, ut in antiquo ejus Agone habetur, Verolamenses ejus martyrium marmori inscripserunt, mœnibusque inferuerunt: sed postea cum tyrannorum immanitatem Martyrum sanguis vicisset, Christiani ecclesiam mirandi, ut inquit Beda, operis in ejus memoriam posuerunt, & tanta religionis opinio Verolamio accessit, ut hic Synodus anno mundi redempti *CCCCXXXIX* haberetur, cum Pelagiana hæresis per Agricolum Severiani episcopi filium in hac insula repullulasset, Britannicasque ecclesias ita maculasset, ut ad veritatem asserendam Germanum Antisiodorensē, & Lupum Tricassinum è Gallia evocarent; qui refutata hæresi se venerabiles Britannis reddiderunt, inprimis Germanus, qui plurima per hanc insulam templa sibi sacrata habet, & juxta prostratæ hujus urbis mœnia, Germani facellum etiamnum nomine etiam profano usu superest, quo loci ille pro suggestu verbum divinum effatus erat, ut antiquæ fani Albani membranulæ testantur. Qui (ut Constantius tunc temporis florens in ejus vita scribit) S. Albani sepulchrum aperiri jussit, & in eo quasdam sanctorum reliquias recondit, ut quos unum receperat cælum, sepulchri quoque unius teneret hospitium. Quod ad ejus ævi mores considerandos obiter adnoto. Nec ita multo post in Saxonum potestatem devenit, sed gravi & diuturna obsidione Vther Britannus, cognomento *Pendragon* ob serpentinam prudentiam, recepit: quo sublato in eorum demum manus recidit. Ex Gildæ enim verbis, Saxones suo tempore hanc urbem tenuisse facile colligitur, Deus, inquit, clarissimas sanctorum lampades nobis accendit, quorum nunc corporum sepultura, & passionum loca, si non lugubri barbarorum divortio quam plurima ob scelera nostra civibus adimerentur, non minimum intuitum mentibus ardorem divina charitatis incuterent, Sanctum Albanum Verolamensem, &c. dico. His bellis cum Verolamium concidisset, Offa rex Merciorum potentissimus è regione ejus, circa annum Salutis *DCCCXCV* in loco quem *Holmeburst* dixerunt, monasterium amplissimum in S. Albani memoriam, vel, ut in ipsius Charta legitur, *Domino nostro Iesu Christo, & S. Albano Martyri, cujus reliquias in spem prosperitatis præsentis & futuræ beatitudinis divina ostendit gratia*, construxit; statimque oppidum una surrexit, quod ab eo S. Albans vocant. Ipseque Offa, & qui successerunt Angliæ reges possessiones amplissimas assignaverunt, & privilegia à Pontificibus Romanis impetraverunt amplissima,

O o o

plissima, quæ è Florilego nostro attexam, ut profusam principum in ecclesiam liberalitatem intuearis. Sic igitur ille scribit, Dedit Offa rex potentissimus Protomartyri Albano villam suam dominicam, quæ viginti ferme millaria à Verolamio distat, & * Vneslaw nuncupatur, & tantundem per circuitum, sicut usque hodie scripta regis testantur, quæ in præfata basilica continentur. Quæ videlicet basilica, tanta libertate privilegiata refulget, ut ab Apostolica consuetudine, & reditu, qui Romæ dicitur, cum neque Rex, neque Archiepiscopus, vel Episcopus, Abbas vel Prior, aut quilibet in regno ab illius solutione sit immunis, ipsa quidem sola quæta est. In presbyteros autem, & laicos totius possessionis suæ Abbas vel Archidiaconus monachus sub ipso constitutus, jus pontificiale exercet: ita ut nulli Archiepiscopo, vel Episcopo, aut Legato, nisi summo Pontifici subjectionem impendat. Hoc quoque sciendum est, quod Offa rex magnificus, tempore, quo beati Petri vicario Romane urbis pontifici reditum statutum, id est, * Rom-scot, de regno suo concessit, ipse à pontifice Romano impetravit, ut ecclesia Beati Albani Anglorum Protomartyris, eundem Rom-scot ab omni Hertfordensi provincia, in qua sita est ecclesia sepe dicta, fideliter colligeret, & collectum in usus proprios retineret. Vnde ut ipsa ecclesia, sicut à rege omnia jura regalia, ita habet Abbas loci illius, qui pro tempore fuerit, pontificalia ornamenta. Hadrianus etiam III Pontifex Romanus in vicinia natus indulgit Abbatibus hujus monasterii, ut (ex ipso Privilegio loquor) sicut Beatus Albanus Anglorum Protomartyr esse dignoscitur: ita Abbas monasterii ipsius inter Abbates Angliæ primus omni tempore dignitatis ordine habeatur. Nec quicquam quod usui vel ornamento esse poterat, omiserunt Abbates, qui stagnum amplissimum sub Verulamio ingesta terra obstruxerunt. Loco tamen Fishpole nomen etiamnum hic in platea quadam oppidi remansit. Iuxta quam cum nostra memoria anchoræ fuerint effossæ, crediderunt nonnulli, corrupto Gildæ loco inducti, Tamisum aliquando hac alveum egisse. Sed de hoc stagno, siue piscina habe quæ vetus scripsit historicus; Alficus Abbas piscinam magnam & profundam Ecclesiæ S. Albani nimis nocivam, ac vicinam, quæ Fishpole dicebatur, magno pretio comparavit. Erat autem Regum piscaria, fueruntque regii ministri & piscatores molesti cænobio, & oneri cænobitis. E qua ille aquam aliquando derivavit, & in aridam redegit.

Si quanta Romanorum numismatum copia, quot imagines ex auro & argento conflatae, quot vasa, quot columnæ marmoreæ, quot epistylia, quotque antiqui operis miracula hic eruta fuerint, ex vulgi relatione percensere velim, omnem fidem superaret oratio. Ex antiqui tamen historici fide paucula accipe, Eadredus Abbas, regnante Eadgaro, antiquas cryptas subterraneas Verolamii perscrutatus, evertit omnia, vias cum meatibus subterraneis solide per artificium arcuatis, quorum quidam subtus aquam erant, quæ quondam maxima ex parte civitati fuit circumflua, diruit, & obturavit. Erant enim latibula latronum & meretricum. Fossata civitatis, & quasdam speluncas, ad quas malefici tanquam ad perfugia fugerunt, explanavit. Tegulas vero integras, & lapides quos invenit aptos ad ædificia seponens, juxta ripam asseres quernos cum clavis infixis pice navali delinitos invenerunt, nec non navalia armamenta, utpote anchoras rubigine semiofas & remos abiegnos. Paulo post, Eadmerus successor, operi quod Eadredus incepit, institit, fossoreque ejus

in media urbe antiqua palatii fundamenta diruerunt, & in muri concavo tanquam in armariolo, in libros inciderunt asseribus quernis & sericis ligaminibus, quorum alter vitam Albani lingua Britannica descriptam habebat, reliqui Gentilium ritus. Cum profundiora terre aperuerint, antiquas tabulas lapideas, tegulas & columnas invenerunt, urceos item, amphoras fictili opere & tornatili compositas, vasa quoque vitrea mortuorum cinerem continentia &c. demum ex his Verolamii reliquiis novum S. Albano monasterium extruxit Eadmerus. Hæc ad antiquitatem & dignitatem, nunc etiam habet si placet, ad Verolamii laudem pro corollario Alexandri Nechami inde ante annos ccc oriundi Hexastichon,

Vrbs insignis erat Verolamia, plus operose

Arti, naturæ debuit illa minus.

Pendragon Arthuri patris hæc obfessa laborem

Septennem speravit cive superba suo.

Hic est martyrii roseo decoratus honore

Albanus, civis, inclita Roma, tuus.

Et alibi,

Hic locus ætatis nostræ primordia novit

Annos fœlices, lætitiæque dies.

Hic locus ingenuus pueriles imbuat annos

Artibus, & nostræ laudis origo fuit.

Hic locus insignis, magnosque creavit alumnos,

Fœlix eximio Martyre, gente, situ.

Militat hic Christo nocteque dieque labori

Invigilans sancto religiosa cohors.

Hodie Verolamio in agros converso Fanum S. S. Albans. Albani ex ejus ruinis eductum floret oppidum elegans & amplum, templumque Monasterii illius superest, magnitudine, elegantia, & vetustate suspiciendum, quod, cum monachi deturbarentur, 400 libris monetæ nostræ ab oppidanis redemptum, ne solo æquaretur, in parochialem ædem fuit conversum: pulcherrimumque habet ex ære solido Baptisterium, in quo regum Scotorum liberi sacra aqua ablui solebant. Quod è Scotici belli manubiis Richardus Leus Eques Cuniculariorum Præfectus cum hac superba inscriptione consecravit:

CVM LÆTHIA OPPIDVM APVD SCOTOS NON INCELEBRE, ET EDINBURGVS PRIMARIA APVDEOS CIVITAS INCENDIO CONFLAGRARENT, RICHARDVS LEVSEQVES AVRATVS ME FLAMMIS EREP-TVM AD ANGLOS PERDVXIT. HVIVS EGO TANTI BENEFICII MEMOR NON NISI REGVM LIBEROS LAVARE SOLITVS, NVNC MEAM OPERAM ETIAM INFIMIS ANGLORVM LIBENTER CONDIXI. LEVS VICTOR SIC VOLVIT. VALE, ANNO DOMINI M. D. XLIII. ET ANNO REGNI HENRICI OCTAVI XXXVI.

Sed ad rem. Ut hunc locum in religionis aram consecravit vetustas, sic etiam Mars in belli aream statuiffe videatur. Vt enim alia taceam, cum Anglia sub familia Lancastrensi, & Eboracensi quasi exhausta vitalibus, bello domestico rueret; bis in ipso oppido inter partium Duces reciproca fortunæ varietate dimicatum fuit. Primum Richardus Dux Eboracensis gravi clade Lanca-

1456.

strenses

* Wineslow forte.

* id est, de singulis ædibus denarius.

Anchoræ effossæ.

Circa annum Christi 960.

Redborn.

Womer etiam dicitur.

Duro. Co-briva.

Baptisterium è manubiis Scoticiis.

Briva quid.

Flamsted.

Hemsted.

Berkhamsted.

strenues hic affecit, capto Henrico Sexto Rege, & melioris notæ plurimis interfectis. Quarto post anno Lancastrenses, duce Margareta Regina, secundo prælio usi, Eboracenses hic profligarunt, regemque in libertatem vindicarunt.

Circa hoc oppidum (ut vallum quod *Oister-hils* vulgus vocitat, ego *Ostori Prop.* castra existimo, omittam) erexerunt Abbates pio consilio virginibus sacris cœnobiolum ad *Sopwell*, leprosis *Hospitale S. Iuliani*, infirmis mulieribus alterum dictum *S. Mariæ de Præe*, id est, *de Prato*, prope quod prædium habuerunt opimum *Goramberi*, ubi Nicolaus Baconus Magni Sigilli Angliæ custos ædes posuit se dignas. Huic adjacet *Redborn*, id est, si interpretaris, *Aqua Rubra*, cum tamen aqua præterfluens non magis rubeat quam Mare Rubrum. Locus olim celebris reliquiis Amphibali Martyris, qui S. Albanum Christiana fide imbuït, & Christi causâ mortem sub Dioclesiano subiit, hic repertis. Hodie notus quod ad viam publicam & militarem, quam *Vvatling street* dicimus, adfideat, & *VVenmer* rivulum in proximo habeat, qui nunquam ebullit & insurgit sine præfagio difficultatis annonæ vel difficillimæ temporis, ut vulgo creditur. Pope hanc non sine ratione opinemur fuisse *DVRO-CO-BRIVAS* stationem, cujus meminit Antoninus, quamvis distantia reclamet. Etenim uti *Redborn* nostra lingua, ita *Dur-cho* Britannica unum idemque sonat, scilicet *Aquam Rubram*. Et loca sane antiqua ex inscriptionibus, itinerum ductu, nominum ratione, & similitudine, fluviis, & lacubus adjectis rectissime conjiciantur; quamvis Itinerarii numeris non exacte respondeant, qui facillime corumpantur, & viarum compendia mutantur. Certe fieri non potest quin *DVRO-CO-BRIVÆ* fuerint, ubi via illa Romana hanc aquam transe- rit, sub *Flamsted* scilicet, ibi enim juxta viam scaturigo est satis magna ad septimum à Verolamio milliare, pro quo *XII* librariorum incuria irrepsit, quæ statim adhuc tenuis viam intersecat, & licet hic sit sine nomine, infra S. Albani oppidum *Col* nominatur. *BRIVA* autem illud quod plurimis locorum nominibus adjunctum est, *pontem*, vel *trajectum* Britannis priscis & Gal- lis significasse existimo, cum ad flumina solummodo reperiatur. In hac insula una & altera fuit *Durobriva*, id est, si me non fallo, *Aquæ* tractus, in Gallia *Briva Isara*, nunc *Pontoise*, ubi *Isaram*, *Briva-Odera*, ubi *Oderam*, *Samarobriua* (hoc enim verum est nomen) ubi *Somam* fluvium olim tra- jecerunt.

Flamsted. Paulo supra *Flamsted* in colle cernitur, quam tempore Edwardi Sancti Leofstanus Abbas S. Albani dedit tribus Militibus, Turnoto, Waldefo, & Turmano, ut regionem vicinam contra latrones defenderent. Sed Guilielmus Conquæstor illis eripuit, deditque Rogero de *Todencio*, sive *Tony*, Normanno clarissimo, cujus fuit *Baronia*, sed per filiam ad *Beauchampos* Comites Warwicenses tandem translata fuit.

Hemsted. Hinc descendi Austrum versus ad *Hemsted* Mercatorium oppidulum *Hebanhamsted* dictum, (cum Offa Rex Monasterio S. Albani donaret) inter colles ad fluviolum positum, qui statim alteri confluit per *Berkhamsted* decurrenti. Vbi An-

glia proceres, qui jam de novo Normannorum jugo excutiendo, suasore Fretherico Abbate S. Albani cogitarunt, convenerunt, & Guilielmus Conquæstor, ut habetur in vita ejusdem Fretherici, eos accessit cum sibi timeret, ne regnum quod tanti sanguinis effusione adquisierat turpiter amitteret. Et post multas disceptationes præfente Archiepiscopo Lanfranco, Rex pro bono pacis juravit super omnes reliquias Ecclesiæ S. Albani, tactisque sacrosanctis Evangeliiis, ministrante juramenta Abbate Fretherico, bonas & approbatas anti- quas regni leges, quas sancti & pii Angliæ reges ejus ante- cessores & maxime Rex Edwardus statuit, inviolabiliter observare. Verum plurimos eorum procerum ille possessionibus statim male mulctavit, & hoc op- pidum Roberto Moritonii & Cornubiæ Comiti donavit, qui, ut ferunt, castellum hic duplici fossa & vallo munivit, in quo Richardus Rex Ro- manorum & Comes Cornubiæ honorum & an- norum plenus ad potiorem vitam migravit. Cu- jus prole deficiente, tandem Edwardus Tertius hoc castrum cum oppido in Edwardum filium primogenitum bellicosissimum illum Principem, quem Cornubiæ Ducem creavit, transcripsit, unde etiamnum est Ducum Cornubiæ hæredi- um. Castrum autem nunc nihil aliud est, quam lacera mœnia, & strages lapidum informis, super quod in colle Edwardus Cary ordinis Equestris & Regi à pretiosis ex familia *Cariorum* in Comitatu Devonix ædes splendidas, & longe amœnissimas nuper struxit. In ipso autem oppido nihil visen- dum præter Scholam quam bonis literis *I. Incent* S. Pauli Londini Decanus hinc oriundus dicavit. Magis ad Austrum *Kings Langley* sedet domus olim Regia, in qua natus & inde denominatus Edmundus de *Langley* filius Regis Edwardi Ter- tii & Dux Eboracensis, ubi cœnobiolum erat fra- trum Prædicatorum, in quo misellus Rex Ric- hardus Secundus, qui scelerate regno & vita spo- liatus, sepulturæ primum datus, sed paulo post Westmonasterium translatus, pro regno æreo tu- mulo compensatus. E regione fere hujus alte- rum etiam est *Langley*, quod quia ad Abbates S. Albani spectavit *Abbots Langley* dictum. In quo natus est Nicolaus cognomine *Breakspere*, postea Pontifex Romanus Hadrianus IIII dictus, qui Norwegos Christianam fidem primus docuit, ci- ves Romanos ad priscam libertatem anhelantes repressit; cui etiam Fredericus Primus Impera- tor Romanorum stapiam de equo descendenti tenuit, & demum musca in os involans spiritum præcluserit. *Vvatford* & *Rickemansworth* inferius vi- di oppida mercatoria, de quibus nihil antiquius legi, quam quod Offa Rex S. Albano elargitus erat, uti etiam *Caishobery* *Wattfordiæ* proximum. Quo in loco Richardus Morifonus Equestris or- dinis vir apprime doctus, & legationibus sub Henrico Octavo & Edwardo Sexto apud maxi- mos principes functus ædes inchoavit, quas Car- olus filius eleganter ad fastigium perduxit.

Magis ad Ortum recta duxit via militaris Ro- manorum à Londino Verolamium per *Hamsted- head*, *Edgeworth*, & *Ellestre*, juxta quam, eadem distantia, qua Antoninus in suo Itinerario collo- cat *SULLONIACAS*, scilicet mille passus, à Londino *XII*, à Verolamio *IX*, antiquæ stationis supersunt vestigia, & plurima rudera effodiuntur

in colle quem *Brockley-hill* hodie vocant. Cum autem Romani hic imperare desierint, barbarie paulatim irrepente, dum omnia Saxonico bello fumarent, hæc via, ut reliqua omnia, diu neglecta fuit, donec paulo ante Normannorum adventum Leofstanus Abbas S. Albani restituerit. Ille enim, ut in ejus vita scribitur, *opaca nemora que à limbo * Cilvrie usque Londoniam, præcipue ubi strata regia, quæ VVatlingstrata dicitur, fecit ressecari, salebras explanari, pontes fabricari, abrupta viarum in planitiem redigi tutiorem.* Sed ante annos trecentos hæc via quodammodo relicta fuit, alia Episcoporum Londinensium licentia per *High-gate* & *Bernet* aperta. Hoc foro pecuario nunc celebre esse incipit, sed celebrius prælio, cum bello inter Lancastrenses & Eboracenses Anglia in sua viscera auderet quicquid ambitiosa perfidia juberet. Signis enim infestis ad *Gledesmore* juxta ipso Paschatis die acerrime pugnatum est, & vario diu Marte, quod spississima nebula terris incubuit. Tandem vero, foeliciter victoria Regi Edwardo Quarto cessit: occiso Richardo *Nevill* Comite Warwicensi, quem ut fortunæ indulgentia præferocem & regibus infestum fecit, ita mors Angliam longa bellorum civilium formidine liberavit.

*Chiltern.

Bernet.

Comites habuit hic Hertfordensis ager ex familia de *Clara*, qui sæpius tamen à *Clara* in Suffol-
cia præcipua eorum sede Comites de *Clara* fuerunt nuncupati. Primus, quod scio, fuit Gilbertus, qui titulo Comitis Hertfordiæ in Charta Regis Stephani testis adhibetur. Rogerus item de *Clara* tempore Henrici Secundi Comes Hertfordiæ in *Libro rubro Scaccarii* nominatur, similiter ejus successores, quos suo loco videas. Verum cum jure hæreditario, & Principis gratia Comitatum Glocestriæ consequuti fuerint utroque titulo conjunctim usi sunt & ad Parlamenta nomine Comitum Glocestriæ & Hertfordiæ evocati. Richardusque de *Clara*, qui anno MCCCLXII obiit, diserte à Florilego Westmonasteriensi Glocestriæ & Hertfordiæ Comes appellatur, ubi hoc ejus Epitaphium memorat,

Comites Hertfordiæ.

Vide Comites Glocestriæ & in Suffolcia.

*Hic pudor Hippolyti, Paridis gena, sensus Vlyssis,
Æneæ pietas, Hectoris ira jacet.*

Patrum vero memoria Henricus VIII Edwardum de *Sancto Mauro* sive *Seymor* Comitis Hertfordiæ titulo exornavit, qui etiam postea Dux Somersetti. Illique successit in hoc Comitatu ejus eodem nomine filius, vir longe honoratissimus, & bonarum literarum amator singularis.

Parochias habet hic Comitatus 120.



TRINOBANTES.

CAttieuchlanis adjuncti erant, qui Casari TRINOBANTES, Ptolemaeo & Tacito TRINOANTES, in illis regionibus, quae nunc mutato nomine Middlesex, & Essex vulgo appellantur. Vnde vetustum illud nomen, ne ariolari quidem ausim, nisi sit e Britannica Tre-nant, quae oppida in valle sonat. In vallem enim ad Tamisim haec regio quasi tota subsidet. Verum huic conjectura mea non adblandior. Qui tamen Gallovidiam Scotia totam vallibus depressam insederunt, Britannice olim Noantes & Novantes dicti fuerunt, & ad Rheni vallem Gallice Le Vault, populus olim Nantuates appellati, & sedem & nomen habuerunt: ut hac conjectura aequè probabilis videatur, ac illa aliorum; qui Trinobantes, à Troja, quasi Trojam Novam ambitiose duxerunt. Sed valeant illi, & sibi placeant. Hi Casaris aetate prope firmissima harum regionum civitas erat (Civitatem enim semper vocat ille populum eodem jure utentem) regnumque in ea tunc obtinuit Imanuentius, qui cum à Cassibelino interficeretur, Mandubratius ejus filius fugam mortem vitans, ad Casarem in Galliam profectus, ejusque fidem sequutus, cum illo in Britanniam rediit. Quo tempore Trinobantes nostri per legatos Casarem petierunt, ut Mandubratium ab injuria Cassibelini defenderet, atque illum in civitatem mitteret, qui praeset, imperiumque obtineret: quod cum factum, obsidibus XL datis, se in ejus fidem primi Britannorum permiserunt. Mandubratius iste, ut hoc obiter notem, Eutropio, Beda & recentioribus semper Androgeus dicitur. Vnde vero nata hac nominis diversitas me plane latet, nisi verum sit, quod à viro Britannica historiae & lingua bene perito accepi, scilicet hoc nomen Androgeus illi ob scelera, & proditorem impositum fuisse: sceleris enim significatio in eo se planissime exhibet, & inter tres Britannia proditores in Triadum libro sceleratissimus habetur, quod Ramanos in Britanniam primus vocavit, patriamque prodiderit. Post Mandubratium cum jam ardenti civili bello, Britannia Romanis neglecta esset, & suis Regibus, & legibus relicta, Cunobilinum hac in parte regnum administrasse certum est, cujus unum & alterum nummum hic tibi exhibemus, etsi ipsos & alios jam antea exhibuimus.

Vide pag. 50. de nummo signato TAST NOVA-NEI.

Civitas quid apud Casarem.

Androgeus.

Vide pag. 50.



Admimus hujus filius à patre pulsus cum exigua manu ad C. Caligulam transfugit, seque dedit: quod juvenis imperatoris animum ita inflavit, ut quasi universa tradita insula, magnificas Romam literas miserit: monitis saepe latoribus ut non nisi in aede Martis, & frequente Senatus Consultibus traderent. Cunobilino defuncto, Aulus Plautius Claudii Imperatoris auspiciis hanc regionem adortus est. Togodumnus alterum Cunobilini filium interfecit, alterum nomine Catagratum devicit, de quo etiam, ut est in Fastis Capitolinis, ovans triumphavit, tanto honore (auctore Suetonio) ut Claudius illi in Capitolium eunti, & redeunti latus texerit: statimque ipse legionibus huc transvectis, in provinciam paucis mensibus redegit. Iam inde à bellis conquieverunt Trinobantes, nisi quod imperante Nerone occultis conjurationibus cum Icenis ad Romanorum jugum excutiendum conspirarint: verum hanc seditionem multo cum Britannorum sanguine (ut habet Tacitus) cito restrinxit Suetonius Paulinus. Romano imperio tandem in Britannia confecto, Vortigernus Britannus Saxonibus in redemptionis pretium, cum illum captivum detinerent, hanc regionem cum aliis tradidit, ut auctor est Ninnius, diuque suos Reges habuit, sed Cantiorum, vel Merciorum beneficiarios, è quibus Sebertus anno DCIII, Christo primus nomen dedit, & Suthredus ultimus ab Egberto devictus anno DCCCIII, regnum Occiduis Saxonibus reliquit. Sed hac alibi fusius: jam ipsas regiones videamus.

Suetonius.



M I D L E - S E X.



Middlesex à mediis Saxonibus nomen habet, quod ejus incolæ inter Saxones Orientales, Occidentales, Australes, & quos illa ætas Mercios dixit, intermedii fuerint. A Buckinghamiensibus *Colo* fluviolo ad Occasum, ab Hertfordensibus ad Septentrionem noto limite, ab Essexia ad Ortum *Lea* flumine, à Surreia & Cantio ad Austrum Tamisi determinatur. Angustioribus spatiis circumscripta, qua longissima, xx mill. qua arctissima xxi mill. patet. Summa cœli temperie & soli indulgentia, ædibus & vicis magnificis undique nitida, plurimæque sunt ubique memoranda. Ad *Colum* flu. ubi primum hunc agrum influit, vidimus *Breakespear* vetustas ædes familiæ eodem cognomine, è qua Hadrianus IIII Pontifex Romanus fuit, de quo modo diximus, inde *Haresfeld*, olim *Herefelle*, Richardi filii Gisleberti tempore Guilielmi Conquestoris possessio. Magis ad Austrum *Vxbridge* recentius oppidum, diversoriis frequens in longum protenditur. Inferius est *Draiton* à Baronibus *Page* instauratum, *Colham*, quæ à Baronibus *Le-Strange* ad Derbiæ Comites devenit, & *Starrwell* familiæ de *VVindesore* ab ipso Normannorum ingressu ad patrum usque memoriam habitatio. Nec magno hinc intervallo Tamisim duplici ostiolo *Colus*, postquam insulas sparserit, illabitur. Ad quem, ut nostræ ætatis Poëta Germanus lusit,

*Tot campos, sylvas, tot regia tecta, tot hortos
Artifici dextra excultos, tot vidimus arces,
Vt nunc Ausonio Tamisis cum Tybride certet.*

Stanes. *Stanes*, Saxonice *stana*, in primo statim ad Occasum limine se offert, ubi ponte sublimio Tamis conjungitur. Nomen vero accepit à saxo terminali, quod olim hic erectum erat, ad designandam jurisdictionem quam Civitas Londinum in flumine habet. Iuxta hoc saxum, pratum est celeberrimum *Runingmead*, vulgo *Renimed* in quo proceres Angliæ convenerunt frequentes anno MCCXV, ad exigendas libertates à Rege Ioanne. De quo in Connubio Tamæ & Isis, de Tamisi præterfluente:

*Subluit hic pratum quod dixit Renimed Anglus,
Quo sedere duces armis, annisque verendi,
Regis Ioannis cuperent qui vertere sceptrum,
Edwardi sancti dum leges juraque vellent
Principe contempto tenebroso è carcere duci:
Hinc sonuere tube plusquam civilia bella,
Venit & hinc refugus nostras Lodovicus in oras.*

Pag. 168. Inde *Cowaystake* ad *Lalam* præterit, ubi Cæsarem Tamisim transmisisse diximus, Britannique ripam, & vadum sudibus, unde nomen, præstruxerunt. Hinc prolapsus *Harrow* monticulum hujus agri editissimum suspicit, cui ad austrum eximia fecunditate agri longo tractu subjacent, præsertim circa *Heston* viculum, è cujus purissimo polline panes Regibus Angliæ in deliciis jam diu fuerunt. Vnde parum abest *Hamworth*, ubi regiæ ædiculæ, quas Henricus Octavus impense coluit,

utique suis voluptatibus dedicatas. Postea *Hampton Court* allabitur Regiam, in veræ magnificentia admirationem à Thoma Wolfæo Cardinale ad opes ostentandas, cum, alioqui prudentissimus, præ insolentia sui impotens esset, extructam, & ab Henrico Octavo auctam & perfectam, quæ quinque peramplas areas cultissimis cinctas ædificiis opere admodum specioso includit. De qua Lelandus,

*Est locus insolito rerum splendore superbus,
Alluiturque vaga Tamisini fluminis unda,
Nomine ab antiquo jam tempore dictus Avona.
Hic Rex Henricus taleis Octavius ædes
Erexit, quales toto Sol aureus orbe
Non vidit.*

Et in Tamæ Isique Connubio.

*Alluit Hamptonam celebrem, quæ laxior urbis
Mentitur formam spaciis; hanc condidit aulam
Purpureus pater ille gravis, gravis ille sacerdos
Wolfæus, fortuna favos cui felle repletos
Obtulit, heu tandem fortune dona dolores!*

Magno jam flexu in Septentrionem cursum intendit fluvius per *Gistlewoorth*, sic enim olim vocabatur, quæ nunc *Thistlewoorth*, ubi olim Richardi Regis Romanorum & Comitis Cornubiæ fuit palatium, quod seditiosi cives Londinenses incenderunt.

Sion inde cœnobiolum cernitur à sanctissimo illo monte denominatum, quod Henricus Quintus cum monachos alienigenas expulisset, Brigidianis virginibus construxit, uti alterum in opposita fluminis ripa *Bethelam* dictum Carthusianis eodem tempore posuit. In hoc *Sione* ad gloriam Dei tot virgines, sacerdotes, & laicos fratres parietibus discretos constituit, quot Apostolorum, & discipulorum Christi numerum æquarent, quibus cum satis superque reddituum contulisset, lege cavit, ut illis contenti nihil amplius à quoquam acciperent: quicquid autem ex annuo proventu superesset, pauperibus erogarent. Sed patrum memoria religiosus exturbatis in secessum Ducis Somersetti fuit conversum, qui diruta ecclesia novas ibi ædes inchoavit. *Brentford* huic contiguum est, cui *Brent* amniculus nomen fecit, ad quem MCCXVI, Edmundus cognomento *Ferreum latus* Danos, quos à Londini obsidione gradum referre coegerat, ita adortus est, ut effusis habenis fugam non sine magna clade capeferent. Huc usque à *Stanes* quicquid viam publicam, quæ per *Hounslow* ducit, & Tamisim interjacet *Forresta*, sive *VVarrena* de *Stanes* dicta fuit, donec Henricus Tertius, ut in ejus Charta legitur, *deforestavit & de-warrenavit*. *Fulham* Anglo-Saxonice *rullonham*, id est, *Volucrum domus*, inde cernitur, cui maximo honori sunt Londinensis Episcopi ædes suburbanæ. Et *Chelsey* à pulvino arenario in Tamisi flu. dictum, magnificis ab Henrico Octavo, Guilielmo *Powlett* prima Marchione *Wintoniæ* & aliis exornatum.

Verum inter hæc omnia *LONDINVM* totius Britannia Epitome, Britannique imperii sedes, Regumque Angliæ Camera tantum eminet, quantum, ut ait

Londinum.

Britanno-
rum oppi-
da.

Dinas.

ut ait ille, inter viburna cupressus. Tacito, Ptolemaeo, & Antonino LONDINVM, & LONGIDINVM dicitur, Ammiano LVNDINVM, & AVGVSTA: Stephano in urbibus AINDONION, Cambrobritannis nostris *Lundayn*, Saxonibus priscis *Londen-cearcey*, *Londenbyryg*, *Londen pyc*; exteris *Lendra* & *Londres*, incolis *London*, fabulosis scriptoribus *Troja Nova*, *Dinas Belin*, id est, *Vrbs Belini*, & *Caer Lud*, à Luddo Rege, quem & instaurasse, & denominasse volunt. Sed hæc recentia nomina & origines, una cum Erasmi conjectura, qui à Lindo Rhodiorum deduxit, eorum admiratoribus libenter relinquimus. Ego vero, cum Cæsar & Strabo authores sint, Britannos antiquos sylvas, & nemora, quæ dejectis arboribus obstruxerant, urbes, sive oppida vocavisse, eosque ejusmodi nemora, Britannica lingua *Lwyn* appellari audiverim: in eam pene concessi opinionem, ut Londinum inde dictum existimaverim, quasi *Vrbs* per excellentiam, vel *Vrbs nemorosa*. Sin veritas in hoc me fugit, liceat mihi bona cum venia conicere (nec quis me instantiæ hic infimulet) quod unde celebritatem, inde & appellationem sit consequuta, à navibus scilicet, quas Britanni sua lingua *Lhong* vocant, ita ut Londinium sonet *Navale*, vel *Vrbs Navium*. Urbem enim *Dinas*, unde Latini *Dinum* deflexerunt, nuncupant Britanni. Hinc est quod alicubi LONGIDINVM dicitur, & in Nænia antiquissimi Bardi Britannici *Lhongporth*, id est, *Navium portus*, & hoc ipso vocabulo, Bononia Gallia, quæ Ptolemaeo *Gessoriacum Navale*, in Britannico Glossario *Boulung Long* vocatur. Urbes enim plurimæ à navibus nomina tulerunt, uti *Naupactus*, *Naustathmos*, *Nauplia*, *Navalia Augusti*, &c. Sed ex his nulla meliori jure Navalis nomen sibi assumere possit, quam Londinum nostrum. Ab utroque enim elemento urbs est foelicissima, solo lato, & affluentem omnium rerum copia, clivo molliter surgenti, Tamisi adposita, qui placidissimus rerum in orbe nascentium mercator, statim horis Oceani æstibus superbus, alveo tuto, præalto, & navium quamlibet magnarum capacissimo, tantas Orientis & Occidentis opes quotidie invehit, ut cum orbis Christiani Emporiis de secunda palma hodie contendat, stationemque præbeat navibus cum fidissimam, tum pulcherrimam, sylvam interlucantem dicas, tot navium malis, velisque undique obumbratur.

Quis primus fuerit conditor obduxit vetustas, & perpaucæ sane sunt urbes, quæ suos authores norunt, cum è parvo sensim excreverint. Verum uti alia, ita hæc nostra, fabulosa origine Trojanis se imputavit, Brutum illum Aeneæ magni abnepotem conditorem credit. Quicumque autem condiderit, vitali genio constructam fuisse ipsius fortuna docuit, & antiquitate suspiciendam esse innuit Ammianus Marcellinus, qui suo tempore, ante annos nimirum mille & ducentos, vetustum oppidum appellavit: & cum eo Cornelius Tacitus, qui Neronis tempore copia negotiatorum, & commeatus maxime celebre fuisse prodidit. Hoc solum, illo tempore, ejus gloriæ defuit, quod nec Municipii, nec Coloniae nomine insigniretur. Nec certe in rem Romanorum fuisset, si urbs mercimoniis florens Coloniae, vel municipii jure

Britannia.

frueretur. Præfecturam itaque, ut opinor, constituerunt. Sic enim vocabant oppida in quibus nundinae agebantur, & jus dicebatur, ita tamen ut Magistratus suos non haberent, sed præfecti quotannis in ea mitterentur, qui jus dicerent, quod in publicis negotiis, nempe census, tributorum, vectigalium, militiæ &c. à Rom. Senatu peterent. Hinc est quod Londinum Tacito, Panegyristæ, & Marcellino oppidum solummodo vocetur. Quamvis autem non meliori fuerit conditione, fortuna tamen (si qua alia) ampla, opulenta, & secunda, perpetuo fere tenore sub Romano, Saxonico, & Normannico imperio usa est, vix unquam magnis calamitatibus conflictata. Nerone imperante, cum Britanni libertatem resumere, duce Boodicia, conspirassent, Londinenses neque fletu, neque lachrymis Suetonium Paulinum retinere potuerunt, quin adscitis in auxilium civibus, unde moveret, & urbem nudam hosti relinqueret, qui statim paucos oppressit, quos vel imbellis sexus, vel fessa ætas, vel loci dulcedo detinuerat. Nec minorem à Francis cladem pertulisset, si non præsto fuisset divinum ex improvviso auxilium. Cum enim C. Alectus, C. Carausius Menapiæ civem dolo sustulisset, qui maris nostri inclementia, difficillimis Dio-
clesiani in Oriente bellis, & Francis, sociisque navalibus audacissimis fretus, Britannia, Bataviaque reditus interverterat, Augustique titulum (ut nummi ejus hic sapissime eruti demonstrant) sex annos gessisset: Alectum itidem jam tertio anno purpuram in Britannia usurpantem M. Aurelius Asclepiodatus prælio delessit, Franci illi qui pugnae superfuere, Londinum convolantes, jamjam urbem prædaturi erant: nisi Tamisis, qui nunquam Londinensibus defuit, Romanos milites per errorem nebulosi maris à classe abjunctos peropportune intulisset. Illi enim barbaros tota urbe confecerunt, & non solum civibus in cæde hostium dederunt salutem, sed etiam in spectaculo voluptatem. Tunc concidisse produnt Annales nostri L. Gallum ad amniculum, qui urbem fere mediam interluebat, & ab eo *Nantgall* Britannice, *VValbroke* anglice dictum, quod nomen manet in platea, sub qua cloacam esse subterraneam ad expurgandam sordium coluviem accepimus, haud procul à saxo illo *Londonsstone*, quod *Miliarium*, fuisse cujusmodi Romæ in foro erat, à quo omnium itinerum sumebatur dimensio, existimamus, cum in media urbe sit, qua in longum procurrit. Nec dum Londinum communitum fuisse credimus. Paulo post tamen Historiæ nostræ Constantinum Maximum rogatu Helenæ matris primum mœnibus è lapide struendi, & latere Britannico obsepsisse tradunt, quæ suo ambitu tria plus minus milliaria colligunt: ita ut urbem forma fere quadrata, sed non æquilatera includerent, cum ab Occasu in Ortum longior sit, ab Austro ad Septentriones contractior. Horum mœnium pars quæ Tamisi prætendebatur perpetua fluminis alluvione penitus concidit, ejus reliquias Henrici Secundi tempore apparuisse scripsit, qui tunc vixit, *Fitz-Stephanus*. Reliqua pars superest, ad Septentriones firmior, quæ non multos ante annos opera Iotcelini *Majoris* instaurata repentinam quasi induit juven-
tutem.

Præfectura.

C. Carausius Panegyricus Constantio Cæsar dictus, & falso Maximiano inscriptus.

Franci cæsi.

Londonsstone. Miliarium.

Helenæ nummi sub mœnibus sæpe reperti. Mœnia.

1474.

ventutem. Ad Occasum vero & Ortum, licet olim ex Iudæorum demolitis ædibus renovarint in suis bellis Barones, tota tamen sunt lacera, & fatifcentia. Londinenses enim, uti veteres illi Lacedæmonii, præmunitas urbes, quasi muliercularum habitacula rident, urbemque suam satis munitam credunt, quæ viris non saxis præcingitur. Patent hæc mœnia septem portis, præcipuis (minores vero sciens omitto) quæ novatæ, nova etiam assumpserunt nomina. Ad Occasum duæ sunt, *Ludgate*, à Luddo Rege, sive *Fludgate*, Lelandi opinione, à fluviolo subiecto, (ut

Portæ.

1586.

porta Fludentana Romæ) quæ nuper à fundamentis denuo extructa, & *Newgate* omnium pulcherrima à novitate prius *Chamber langate*, quæ publicus est carcer. Ad Septentriones quatuor, *Aldersgate* ab antiquitate, vel ab Aldricio Saxone, ut aliis placet, *Creplegate* à claudorum hospitio quondam adjuncto, *Moregate*, à palude vicina nunc in agrum & ambulacrum amœnum conversa, primum à Francerio Prætoris anno MCCCC XIII patefacta, *Bishopsgate* ab Episcopo, quam Germani Hanseaticæ societatis mercatores & instaurare, & difficilioribus temporibus propugnare ex pacto, ut accepimus, tenebantur. Ad Ortum una sola est *Aldgate* à vetustate dicta, vel *Elbegate*, ut alii volunt. Ad Tamisim duas etiam portas præter illam ad Pontem extitisse credunt, *Belings-gate*, nunc Cothon recipiendis navibus, & *Dowgate*, id est, *Aquaria porta*, vulgo *Dowgate*.

Easterlings.

Turris.

Qua murus etiam ad flumen definit, munimenta fuerunt firmissima, quorum alterum ad Ortum superest, vulgo *Turris Londinensis*, Britanice ab albedine *Brin-gwin*, & *Tour-gwin*. Arx sane nobilissima, mœnibus late incincta, turribus excelsa, vallo latisque munita fossis, nobili etiam armamentario, & domibus aliquot ita instructa, ut oppidum æmuletur: meritoque putes duo illa castella, quæ ad hanc Orientalem urbis partem fuisse prodidit *Fitz-Stephanus*, in hanc unam coaluisse. Ad Occidentalem urbis partem alterum extitit munimentum, qua *Fleete* amniculus (unde *Fleetestreete*) nunc despectus, olim naviger (ut in *Chartis Parliamentariis* legi) Tamisi confluit. Hanc arcem Palatinam *Fitz-Stephanus* dixit, incendioque haustam Guilielmo Primo regnante produnt. E cuius ruinis tum magna pars templi Paulini extructa, tum in ipsius area cœnobium Fratibus Dominicanis (unde *Blackfriers* locum nominamus) fundavit Robertus *Kilwarby* Archiepiscopus Cantuariensis, unde magnitudinem facile conjectes. Extiterunt eo tamen loco, sub Rege Henrico Secundo, duo (ut author est in Otiis Imperialibus Gervasius Tilburienfis) *Pergama*, muris & aggeribus constructa castra, quorum alterum *Bainardi* alterum *Baronum de Montfitchett* ex jure erat successionis. Verum nihil hodie ex iis reliquum est, suspicantur tamen nonnulli ædes Penbrochianas horum fuisse particulam, quas *Bainards Castell*, à nobili viro Guili. *Bainard* Domino de *Dunmow* olim possessore appellamus, cujus successores *Fitz-Walteri* hæreditario jure erant civitatis Londini Antesignani.

Episcopatus.

Nec munita solum illo tempore fuit, sed etiam Flamine sublato, & Christiana religione sub optimo Imperatore confirmata, Episcopus in ejus

locum substitutus. Concilio enim Arelatenfis, quod anno Salutis CCCXIII, sub Constantino M. celebratum erat, Londinensem Episcopum interfuisse constat. Subscripsit enim, ut videre est in Tomo primo Conciliorum, *Ex provincia Britannia, civitate Londinensi* RESTITVS Episcopus, quem cum successoribus ad S. Petri in *Cornehill* sedisse affirmant nonnulli. Inde vero ea dignitate floruit Londinum, ut AVGVSTA dici cœperit, eoque nomine sub Valentiniano Imperat. inclaruit. Ammianus enim Marcellinus libro XXVII, *Tendensque ad Londinium vetus oppidum, quod Augustam posteritas appellavit*. Et libro XXVIII, *Ab Augusta profectus, quam veteres appellavere Londinum*. Vnde cum à Constantini Maximi tempore officina monetaria in hac fuerit instituta, (legimus enim in ejus nummis, quos in honorem Constantii patris signavit, & aliis, P. L O N. S. id est, *Pecunia Londini signata*) qui huic præfuit sub Comite sacrarum largitionum, in Notitiarum libro, *Prepositus Thesaurorum Augustensium in Britannia* vocatur. Hoc nomen AVGVSTA, plenum erat summa dignitate, plenum majestate nomen. Conditores enim & restauratores urbium cum urbes potentes, florentes & pollentes futuras aut sperarent, aut optarent, auspiciata nomina indiderunt. Sed inter auspiciatissima nullum magnificentius, nullum auspiciatius quam AVGVSTA. Augusti enim nomen optimus ille & maximus Imperator Octavianus sibi non sine judicio doctissimorum ascivit. *Augustus*, inquit Dio, *quasi hominis natura amplior cognominatus est. Quæ enim honore dignissima ac sanctissima AVGVSTA dicuntur*. Nec sine Romanorum Augustorum licentia summi honoris ergo hoc nomen habuit Londinum. Quam imponendi nominis licentiam concedendam annotat in illo versu Virgilius:

Urbem appellabant, permissio nomine, Aestam.

Sed ut hoc honoratissimum nomen delevit dies, ita vetustius illud *Londinum* confirmavit. Dum hoc gauderet nomine, parum abfuit, quin à prædonibus seditiosis vastaretur, sed Theodosius Theodosii Aug. pater, illos spoliis implicatos trucidavit, *mersamque*, ut ait Marcellinus, *antea difficultatibus civitatem in orantis speciem latissimus introiit*. Indeque movens Britanniam gravissimis malis obsitam sua virtute ita evoluit, ut illum *Britannicum Ducem*, (teste Symmacho) *statua equestri, inter prisca nomina consecrarint Romani*. Non longo post tempore confecto Romanorum in Britannia imperio, publico insulæ fato in Saxonum potestatem devenit; quomodo vero, è scriptoribus non constat. Vortigernum captum, ut se redimeret, Hengisti Saxoni tradidisse opinor, cum ad Orientales Saxones spectaret, quorum regionem Hengisto ea lege Vortigernum addidisse meminerunt scriptores. Quo tempore Ecclesia etiam gravissima quæque pertulit, pastores aut necati, aut fugati, greges abacti, opibusque omnibus sacris & profanis direptis, Theonus ultimus è Britannis Londinensis Episcopus *Sanctorum reliquias*, ut inquit author meus, *ad memoriam, non ad superstitionem occultabat*. Quamvis autem ejusmodi fuerit ea Saxonum ætas, qua verissime Martem sua arma concussisse dicas, emporium nihilominus fuit Londinum teste Beda, *multorum popu-*

Vide Baronium de hoc Concilio. Londinum Augusta dicta.

Officina Monetaria.

Augusta nomen honoratissimum.

Lib. 54.

Londinum in Saxonum potestate.

Reliquiæ ad memoriam occultatæ.

61.

D. Pa. templ.

15.

Temp. Dian.

lorum terra marique venientium. Postea autem cum pacis benignior aura huic defatigatae insulae aspirasset, Saxonesque Christianae religioni inservire coepissent, redivivo splendore reflorescere incœpit. Æthelbertus enim Rex Cantii (sub quo Sebertus quasi beneficiarius hoc tractu regnavit) templum hic Divo Paulo posuit, quod subinde restauratum in maximum & magnificentissimum excrevit, reditibusque opulentum, unde præter Episcopum, Decanus, Præcentor, Cancellarius, Thesaurarius, Archidiaconi quinque, Præbendarii xxx & alii aluntur. Orientalem hujus templi partem, quæ recentior videtur, & operosa est, cryptoporticumque habet pulcherrimam, (quæ & ipsa est S. Fidei ædes sacra) ex ruinis arcis illius palatinæ quam dixi, circa annum M LXXXVI substruxit Mauritius Episcopus, cum antea miserabili incendio absumpta fuisset. De qua Malmesburienſis, *Tanta est decoris magnificentia, ut merito inter præclara numeretur ædificia. Tanta Cryptæ laxitas, tanta superioris ædis capacitas, ut cuilibet populi multitudini videatur posse sufficere. Quia igitur Mauritius erat mentis immodicus, laboriosi operis impensam transmisit ad posteros. Denique cum Richardus successor ejus omnes redditus ad Episcopatum pertinentes ædificationi Basilicæ transcripsisset, aliunde se suosque sustentans, propemodum nihil efficere visus est, totumque censum ad hoc bene prodigus exhauriebat, & parum in effectum prodibat. Occidentalis pars, uti transeptum, spatiosa est, sublimis columnis ingentibus, & concameratione è saxo pulcherrima conspicua. Qua vero hæc quatuor partes se decussant, ampla & excelsa surgit turris, cui imposita fuit pyramis plumbo oblecta, in immanem altitudinem edita (à terra enim pedes DXXXIII in altitudinem ascendit) quæ anno M LXXXVII ignem cœlestem provocavit, arsitque non sine magno totius urbis damno, sed restaurata nuperrime nobis pueris de cælo iterum tacta deflagavit, nec hæcenus reædificata. Dimensionem etiam hujus tam magnificæ structuræ ex antiquo satis scriptore subiungam, ut legas si placeat. Longitudo Ecclesiæ B. Pauli continet 690 pedes, latitudo ejusdem 130 pedes, altitudo occidentalis testudinis ab area 102 pedes, altitudo testudinis novæ fabricæ ab area 88 pedes, Altitudo fabricæ lapideæ Campanilis à plana terra 160 pedes, Altitudo fabricæ ligneæ ejusdem Campanilis 174 pedes, &c.*

Templum
Dianæ.

Dianæ templum olim hoc loco extitisse conjectarunt aliqui, & sunt quæ fidem eorum conjecturæ adjungunt. Antiquæ ædes adjacentes in ecclesiæ Archivis, *Diana Camera* vocantur, & in cœmeterio, regnante Edwardo Primo, incredibilis vis bubalinorum capitum effossa fuit, ut est in nostris Annalibus, quæ tunc cum admiratione tanquam Gentilium sacrificia suspexit multitudo, & Taurotopia in Dianæ honorem fuisse celebrata norunt eruditi. Nos etiam ipsi pueri cervi caput pilo præfixum, quod Dianæ sacrificiis convenire videbatur, magna cum pompa, & Cornicinium boatu in ipso templo circumgestatum vidimus. Cervumque illum quem illi de *Baudæ* in Essexia pro terris quibusdam præstabant, ut accepimus, hujus ecclesiæ sacerdotes sacris vestibus induti, & capita corollis è floribus redimiti ad gradus Chori recipere soliti. An hoc in usu fuerit antequam *Baudi* cervum præstare teneren-

tur, nescio, certe Dianæ cultum, & gentilium errorem magis quam Christianam religionem hic ritus redolere videatur. Et ab illis sane nonnullos ritus peregrinos in Christianam religionem promanasse non est cur quis ambigat. Quos primi Christiani vel quia sequax superstitionis sit genus humanum admiserunt, vel ut Gentiles ad verum Dei cultum paulatim allectarent, in principio tolerarunt.

Cæterum ab hoc templo condito, sedes fuit Episcoporum Londinensium, primumque habuit Episcopum sub Saxonibus, (quingagesimo anno post Theonum Britannici generis exturbatum) Melitum Romanum ab Augustino Cantuariensi illo consecratum, in cujus Augustini honorem, contra quam Gregorius Papa jusserat, Archiepiscopatus insignia, & Metropolitana sedes Londino Cantuariam translata fuerunt. Conduntur in hoc templo, (ut S. Erkenwaldum, & Episcopos taceam) Sebba Rex Orientalium Saxonum, qui regno se abdicavit, ut Christo vacaret, Ethelredus sive Egelredus, qui hoc regnum potius oppressit, quam rexit, sævus in principio, miser in medio, turpis in exitu: ita parricidio, cui conniventiam adhibuit immanis, fuga & mollitie infamis, & morte miserabilis. Henricus Lacy Comes Lincolnæ, Ioannes Gandavensis Dux Lancastriæ, Simon de Burly Eques clarissimi, I. de Bellocampo Custos quinque Portuum, I. Dominus Latimer, Ioannes Mascen Eques, Guil. Herbert Comes Penbrochiæ, Nicolaus Bacon magni Angliæ sigilli custos, vir alto consilio, limatoque judicio, Philippus Sidney, Fr. VValsingham Equites clarissimi, &c. Et Christoph. Hatton magnus Angliæ Cancellarius, cujus sacræ perpetuæque memoriæ magnificum, & tanti viri amplitudine dignissimum monumentum Guiliel. Hatton nepos ex antiqua *Nesportorum* familia, (quem in nomen & stirpem Hattonorum inseruit) officiosè posuit.

Præter hoc non aliud, quod sciam, Saxonum opus Londini extat, nec enim altam pacem diu agitarunt, cum brevi Orientalium Saxonum opus frangerent Saxones Occidentales, Londinumque in Merciorum potestatem cederet. Vix sopitis intestinis bellis, nova ex Aquilone prorupit tempestas, Danica scilicet, quæ misere hanc regionem laceravit, urbemque conquassavit. In suam enim potestatem redegerunt Dani, sed recepit Ælfredus, instauratamque Æthelredo genero Merciorum Comiti tradidit. Vastatores tamen illi postea obsidione capere sæpius conati sunt, præcipue vero Canutus, qui effosso canali Tamisim avertere molitus: sed semper operam luserunt, civibus fortissime hostilem impetum propulsantibus. Terror nihilominus ab illis non parvus impendit, donec Guilielmum Normannorum, quem Deus ad Angliæ imperium natum voluit, gratanter acceperint, & Regem salutarint. Iam inde posuere venti, fugere nubes, & vere aurea sæcula illuxerunt; insignem nullam calamitatem subivit, Principum indulgentia immunitates consequuta est maximas, *Regum Camera* dici coepit, mercimoniisque ita reffloruit, ut Guilielmus Malmesburienſis, qui eo fere tempore vixit, *Urbem nobilem, opimam, circumditiis conſtipatam, negotiatorum ex omni terra venientium com-*

Sepulti in
templo
Paulino.
Circiter
680.
1016.
Guilielm.
Malmes.

merciis frequentatam dixerit; & Fitz-Stephanus, qui eo seculo vixit, eo tempore Londinum cxxxii Ecclesias Parochiales, & xlii Conventuales numerasse, & facta hominum armigerorum ostensione, quadraginta millia peditum, equitum viginti millia sub signis eduxisse prodiderit. Tunc surgentibus tectis undique accrevit, & exspatiantia ad portas longe se protulerunt suburbia, præcipue vero ad Occasum, qua frequentissima sunt, in quibus xlii sunt ædificia, *Hospitia* vocant, jure nostro municipali consecrata: è quibus quatuor splendida admodum & ampla, ad forum five *Curiam*, ut vocant, spectant: reliqua ad *Cancellariam*. In his nobiles adolescentes tanto numero juris studio sedulo vacant, ut nec Andegavis, nec Cadamo, nec ipsis Aureliis studioforum frequentia concedat, ut I. Fortescu in suo de Angliæ legibus libello testatur. Quatuor illa primaria sunt, Templum interius, Templum medium, *Grajes Inne*, & *Lincolnes Inne*. Duo illa priora sita sunt eo loci ubi olim regnante Henrico secundo, Heraclius Patriarcha Hierosolymitanus ecclesiam *Militibus Templariis* consecravit, quam ad formam Templi juxta sepulchrum Domini Hierosolymis extruxerat. Habitarunt enim in parte Templi juxta sepulchrum, unde appellatio facta, voveruntque Christianam religionem, & peregrinos sepulchrum Domini invisentes contra Mahometanos tutari. Vnde illos gratissimis animis profecti sunt omnes, munificentia principum possessiones & facultates ubique longe maximas acquisiverunt, magna pietatis opinione floruerunt. Plurimique nobiles apud eos tumulati fuerunt, quorum imagines visuntur in hoc Templo tibiis in crucem transversis (sic enim sepulti fuerunt, quotquot illo sæculo, nomina bello sacro dedissent, vel qui ut tunc temporis sunt locuti, *Crucem suscepissent*.) E quibus fuerunt *Guilielmus pater, Guilielmus, & Gilbertus ejus filii, omnes Marescalli Angliæ, Comitescque Penbrochiæ. Verum anno Salutis mcccxi hic ordo impietatis damnatus, & Pontificia auctoritate omnino sublatus erat, possessiones vero *Hospitalarius Militibus S. Ioannis* Parlamentaria auctoritate sunt assignatæ, ne in pios usus erogata contra donatorum voluntatem in alios usus distraherentur. Certum tamen est ex scriptis antiquis, hunc locum post exactos Templarios fuisse sedem Thomæ Comitis Lancastriæ, & *Spenserii*, qui Regi Edwardo secundo fuit in deliciis, postea Audomari de *Valentia* Comitis Penbrochiæ, demumque in duo Iurisperitorum collegia conversum fuisse. De cæteris nihil mihi legenti occurrit: fama obtinet alterum Dominorum *Grejorum*, alterum Comitum *Lincolniæ* fuisse habitationem.

Iuxta hæc *Domum Conversorum* Rex Henricus Tertius, ad eos alendos qui à Iudaismo ad Christianam veritatem conversi fuerunt, inter novum & vetus Templum instituit, quam postea ad scrinia & archiva reponenda destinavit Rex Edwardus Tertius, unde *The Rowles* hodie dicitur.

Hæc suburbia continuatis ædibus, & superbis secundum Tamisim procerum habitationibus ad Westmonasterium procurunt. Ædificia vero

celeberrima sunt *Fons Brigide*, ubi regiam ad Carolum Quintum Imperatorem excipiendum posuit Henricus Octavus, nunc ergastulum. *Ædes Buckhurstiæ* quondam Episcoporum Sarisburiae, Carmelitarum, *Templa* quæ dixi, *Ædes Essexiana* à Domino *Paget*, *Aronellia*, *Somersettenfes* à *Seimero* Duce *Somersettenfi* extructæ. Deinde ut alias omittam, *Sabaudia* à Petro *Sabaudia* Comite, qui incoluit, denominata, quam à fratribus *Montis-Iovis* *Aleonora* uxor Henrici Tertii emit, & filio *Edmundo Lancastriæ* donavit, ejus posteris diu fuit sedes, donec Henricus Septimus pauperibus sacraverit. *Dunelmenses* ab Antonio *Bek* Episcopo *Dunelmensi*, & Patriarcha *Hierosolymitano* conditæ, & *Eboracenses* ita nuper appellatæ, olim *Bathonienfes*. Sed quid hæc nomino?

εἰς ὅλους ἀδελφούς, ἀλλὰ τὴν χηρὴν.

His suburbiis *Westmonasterium*, quondam plus mill. pass. abjunctum, Vrbi Londino ita adjungitur, ut ejus pars videatur, cum tamen ipsa per se civitas sit, & suis seorsim gaudeat magistratibus, & privilegiis. *Thorney* hæc olim a spinis, nunc *Westminster* ab occiduo situ, & monasterio dicitur. Templo enim, foro judiciario, & Regia longe est celeberrima. Templum regum Angliæ inauguratione, & sepultura inprimis est insigne, Apollinis delubrum eo loci olim extitisse author est *Sulcardus*, & Antonio Pio imperante, terræ motu corruisse, ex cujus reliquiis *Sebertus Rex Orientalium Saxonum* alterum D. Petro erexit, quod à Danis dejectum renovavit, & pauculis monachis *Dunstanus* Episcopus concessit. Sed postea *Edwardus Rex* cognomento *Confessor* sibi in sepulturam, & *Benedictinis* monachis in monasterium ex decimis omnium suorum reddituum de integro construxit, & patrimonii tota Anglia dispersis ditavit. Sed audi qui tunc vixit historicum, *Intendit Deo devotus Rex locum illum cum vicinum famosæ & opulentæ urbi, tum satis apricum ex circumjacentibus sæcundis terris & viridantibus prædiis atque proximo decursu principalis fluvii ac toto orbe ferentis univrsarum venalium rerum copiosas merces subiecta civitati. Potissimum autem ob amorem principalis Apostoli quem affectu colebat unico & speciali, elegit ibi habere sibi locum sepulchri, præcepit deinde ex decimis omnium reddituum suorum initiari opus nobilis ædificii, quod deceret Apostolorum principem, quatenus propitium sibi pararet dominum post hujus vitæ cursum labilem, & pro gratia pietatis suæ, & pro oblatione prædiorum & ornamentorum quibus eundem locum disponit nobilitare. Ad Regis itaque præceptum opus nobiliter ceptum feliciter apparatur, nec impensa sive impendenda pensantur: dummodo Deo & Beato Petro dignum & acceptum præbeat. Formam antiquæ illius structuræ, si placeat, ex antiquo manuscripto habet, Principalis area domus altissimis erecta fornicibus quadrato opere, parique commissa circumvolvitur, ambitus autem ipsius adis duplici lapidum arcu ex utroque latere hinc inde fortiter solidata operis compage clauditur. Porro crux templi quæ medium canentium Domino chorum ambiret, & sui gemina hinc inde sustentatione mediæ turris celsum apicem fulciret, humili primum & robusto fornice simpliciter surgit, deinde cochleis multipliciter ex arte adscendentibus plurimis intumescit, deinceps vero simplici muro usque ad tectum ligneum plumbo diligenter tectum pervenit. Verum post annum clx hanc Edwardi fabricam*

Nulli certa possessio, sed omnia fortunæ. Westminster.

Municipalis Iuris Collegia.

Innes of the Courts.

Templum novum olim dictum. Templum vetus ubi nunc *Southampton house* in *Holborne*. Templarii. In altero horum tumulo literis fugientibus legi, Comes *Penbrochiæ*, & in latere, *Miles* eram *Martis*, *Mars* multos vicerat armis.

Statutum de terris Templariorum 17. Edwar. 2.

The Rowles.

cam

cam subvertit Henricus Tertius, novamque Ecclesiam speciosa structura, multiplici marmorearum columnarum ordine, tecto laminis plumbeis convestito, quinquaginta annorum opere exædificavit, quam Abbates ad Occasum plurimum auxerunt, Henricusque Septimus in suam & suorum sepulturam, ad ortum, sacrarium admirandæ elegantiae (*orbis miraculum* vocat Lelandus, omnem enim elegantiam in illo acervatam dicas) adjecit, in quo sepulchrum ejus splendidissimum & maximum ex ære solido cernitur. Expulsis postea monachis, ad varias subinde vices revoluta fuit, primum Decanum habuit & Præbendarios, mox Episcopum unicum Thomam *Thuribey*, qui ecclesiæ patrimonio dilapidato cessit, & Decano reliquit. Statim monachi cum suo Abbate à Maria Regina reducti, quibus paulo post autoritate Parlamentaria ejectis, in Collegiatam Ecclesiam, imo Ecclesiæ plantarium convertit Serenissima Elizabetha, Præbendarios instituit duodecim, tot emeritos milites, scholasticos quadraginta (alumni Regii dicuntur) qui suo tempore ad Academias promoventur, & inde in Ecclesiam, & Rempublicam transferuntur, &c. Quibus omnibus Decanum præfecit, quam dignitatem nuper summa cum laude gessit D. G. *Goodman* vir optimus, & integerrimus, de me, & meis studiis optime meritis.

Principes
sepulti in
Ecclesia
Westmo-
nasteri-
ensi.

Elizabetha
Regina.

Contumulantur in hoc templo (ut illos etiam pro dignitatis & temporis quo obierunt ratione adnotem) Sebertus Primus Rex Orientalium Saxonum, Haroldus Nothus filius Canuti Dani, Rex Angliæ, S. Edwardus Rex & Confessor, ejusque uxor Editha, Matildis uxor Henrici Primi, filia Malcolmi Regis Scotorum, Henricus Tertius, Edwardus Primus ejus filius. Æleonora filia Ferdinandi Tertii Regis Castellæ & Legionis, illius uxor. Rex Edwardus Tertius, & Philippa Hannonia ejus conjux, Richardus Secundus & Anna consors soror Wenzelai Imperatoris, Henricus Quintus cum conjuge Catharina filia Caroli Sexti Regis Galliæ, Anna uxor Regis Richardi Tertii, filia Richardi Nevill Comitissæ Warwici: Henricus Septimus cum uxore Elizabetha, & matre Margareta Richmondia Comitissa, Rex Edwardus Sextus, Anna Clivenfis uxor quarta Henrici Octavi, Maria Regina: Et quæ non sine laude & lachrymis loquenda, Angliæ Amor, Divæ memoriæ Serenissima nuper Domina nostra ELIZABETHA, heroicis virtutibus, prudentia & animi magnitudine supra sexum, rerumque & linguarum scientia Princeps incomparabilis magnifico monumento, quod Rex Iacobus pie posuit, deposita. Sed Heroinæ tantæ quantum illud est monumentum? quæ ipsa sibi monumentum quam magnificentissimum, amplissimum. Quanta enim illa, RELIGIO REFORMATA, PAX FVNDATA, MONETA AD SVVM VALOREM REDVCTA, CLASSIS INSTRVCTISSIMA APPARATA, GLORIA NAVALIS RESTITVTA, REBELLIO EXTINGVTA, ANGLIA TOTOS XLIV ANNOS PRVDENTIS-SIME ADMINISTRATA, DITATA, ET MVNITA, SCOTIA A GALLIS LIBERATA, GALLIA SVBLEVATA, BELGICA SVSTENTATA, HISPANIA COERCITA, HIBERNIA PACATA, ORBISQVE TERRARVM SEMEL, ATQVE ITERVM CIRCVM-NAVIGATVS seræ posteritati cum laude & admiratione contestentur.

BERNIA PACATA, ORBISQVE TERRARVM SEMEL, ATQVE ITERVM CIRCVM-NAVIGATVS seræ posteritati cum laude & admiratione contestentur.

Ex ducibus & Comitibus Edmundus Comes Lancastriæ filius minor Regis Henrici III Ave-
lina de *Fortibus* Comitissa *Albemaria* ejus conjux, Guilielmus & Audomarus de *Valentia* è familia *Lusigniana* Comites Penbrochiæ, Alphonfus, Ioannes, & alii Edwardi Primi liberi, Ioannes de *Eltham* Comes Cornubiæ filius Edwardi Secundi, Thomas de *Woodstock* Dux Glocestriæ, filius natu minimus Edwardi Tertii cum aliis ejus liberis, Æleonora filia & hæres Humfredi *Bohun* Comitissæ Herefordiæ & Essexiæ, uxor Th. de *Woodstocke*, Filiolæ Edwardi Quarti, & Henrici Septimi, Henricus filiulus bimestris Henrici Octavi, Sophia Regis Iacobi filiola primo ætatis diluculo extincta, Philippa Ducissa Eboracensis, Lodovicus Vicecomes *Robert* Hannonius, jure uxorio Dominus *Bourchier*, Anna filiola & hæres Ioannis *Moubray* Ducis Norfolciæ desponsata Richardo Duci Eboracensi filio minori Regis Edwardi Quarti, Ægidius *Daubeney* Camerarius Henrici Septimi, & consors ex familia *Arundellorum* in Cornubia, Vicecomes Wellensis, Francisca *Brandon* Ducissa Suffolciæ, Maria ejus filia, Margareta *Douglas* Comitissa Lennoxia avia Iacobi Regis Britannia, cum Carolo filio, Winefrida *Bruges* Marchionissa Wintonia, Anna *Stanhop* Ducissa Somerssettenfis & Iana filia, Anna Cecilia Comitissa Oxoniæ filia Baronis *Burgbley* Summi Angliæ Thesaurarii cum matre Mildreda *Burgley*, Elizabetha *Berkley* Comitissa Ormondia, Francisca *Sidnaia* Comitissa Suffexiæ, Tho. *Butler* Vicecomes *Thurles* filius & hæres Comitissæ Ormondia. Præterea Humfredus *Bourchier* Dominus *Cromwell*, Humfredus *Bourchier* alter filius & hæres Domini *Berners*, qui ambo in prælio ad *Bernet* ceciderunt, Nicolaus Baro *Carew*, Baronissa Powis, Thomas Baro *Vventworth*, Thomas Baro *Vbanton*, Iohannes Dominus *Russel*, Thomas *Bromley* Cancellarius Angliæ, Douglasia *Howard* filia & hæres Vicecomitis *Bindon* uxor Arthuri *Gorge*, Elizabetha filia & hæres Edwardi Comitissæ Rutlandia uxor Guilielmi Cecilii, Ioannes *Puckering* custos magni sigilli Angliæ, Francisca *Howard* Comitissa Hertfordia, Henricus & Georgius *Cary* pater & filius, Barones de *Hunsdon* Regina Elizabethæ Camerarii. Corculum Annæ Sophiæ filiolæ Christophori Harlæi, Comitissæ Bellomonti Galliarum Regis in Anglia Legati, urnula aurea supra pyramidem reconditum, Carolus Comes Devonix Prorex Hibernia. Quique minime tacendus Poëtarum Anglorum princeps Galfredus *Chaucer*, & qui ad illum ingenii felicitate, & divite Poësis vena proxime inter Anglicos Poëtas accessit Edm. *Spenser*. Aliique Ecclesiastici ordinis & melioris notæ quamplurimi.

In proximo alterum etiam duodecim Canonicorum Collegium erat S. Stephano sacrum, quod regia sane magnificentia, & amplissimis possessionibus ita restauravit, ut construxisse videatur Edwardus Tertius, cum Galliam suis victorijs permensus esset, *reducens*, ut in fundationis

R r r

char-

Charta legitur, in devota considerationis examine profusa Christi beneficia, quibus ex sola miserationis suae dulcedine in opportunitatibus nos praevenit, & variis nos licet immeritos liberando periculis & dextra suae potentiae contra nobis adversantium impetus, cum victoriosis successibus magnifice defendendo, ac aliis in tribulationibus & perplexitatibus quibus plurimum involuti fuimus, cum insperati superinfusione remedii consolando. Huic adjunctum erat Palatium antiqua Regum Angliae habitatio à tempore S. Edwardi Confessoris, quod regnante Henrico Octavo igni fortuito deflagravit. Amplum sane & magnificum fuit hoc Palatium, *aedificium eo aeo incomparabile cum antemurali & propugnaculis.* Ejus enim reliquiae sunt Camera illa, in qua Rex, proceres, & magnates cum Comitibus Parlamentaria habentur, conveniunt, & proxima, in qua Comitibus inchoare soliti sunt majores, dicta Camera depicta S. Edwardi.

Fitz-Stephens.

Quod, & quam cruentum, tetrum, atrox, perniciosum, diis hominibusque invisum flagitium feræ quaedam hominum forma induta, architecto Francisco Catesby suffossione, & subiecta his aedificiis pyrii pulveris vi magna, in Principem, patriam, & omnes regni ordines nefando religionis obtentu nuper molirentur, animus meminisse horret, attonitusque stupet vel cogitare, in quam ineluctabiles tenebras, & luctificas clades florentissimum regnum ex improvise conjecissent. Sed quod in re leviori antiquus Poëta, nos in hac dolenter efferamus,

Proditio Fr. Catesby.

*Excidat illa dies aeo, ne postera credant
Secula, nos certe taceamus, & obruta multa
Nocte tegi propria patiamur crimina gentis.*

Westminsterhall.

His contigua est Aula Alba, in qua hodie Re-questarum Curia. Cui subjuncta est Aula omnium maxima, quod totius Angliae Prætorium. In hoc fora judiciaria constituuntur, scilicet Bancus Regius, Communia placita, Cancellaria; atque in locis circumvicinis Camera Stellata, Fiscus Regius, Curia pupillorum, Curia Ducatus Lancastriae, &c. In quibus statim temporibus (Termes vocamus) quotannis causae cognoscuntur. Cum ante Henrici Tertii tempora primae justitiae forum vagum esset, aulamque Regiam comitaretur. Verum ille in Charta Magna legem tulit, Communia Placita non sequantur Curiam nostram, sed teneantur in aliquo certo loco. Quod tamen sunt qui intelligunt, ut Communia Placita in suo seorsim foro jam inde & non in Banco Regio, ut prius, tractarentur. Hoc quod nunc habemus Prætorium Richardus Secundus extruxit, ut videre est ex ejus insignibus in saxo, & lacunaribus (cum Aulam vetustiore quam Guilielmus Rufus eo loci construxerat, diruisset) suaeque habitationi dicavit, tunc enim Reges ipsi causas audire soliti. Sunt enim illi ΔΙΚΑΣΠΟΛΙ, quorum os, ut habet Regius Scriptor, in iudicio non errabit. Verum hoc Palatium postquam deflagravit anno MDXII desertum jacuit, & Henricus Octavus paulo post sedem Regiam ad ades vicinas non ita pridem Cardinalis Wolfæi transtulit, quas White Hall vocant, id est, Aula alba. Domus hæc est vere Regia, hinc vivario, quod & alteram Regiam conjungit, S. Iames dictam ab Henrico VIII positam, illinc Tamisi conclusa. Hanc Poëta quidam Leucaum ab albedine dixit:

proverb. c. 16.

Regale subintrant

*Leucaum reges (dederant memorabile quondam
Atria, quæ niveo candebant marmore, nomen)
Quod Tamisis, prima est cui gloria pascere cygnos
Lædeos, raucos pronus subterluit aestu.*

In proximo prope The Mues, ita dictum, quod rei accipitrariae olim dicatum, nunc Equile Regium est pulcherrimum, stat monumentum in memoriam pientissimæ Principis Æleonoræ ab Edwardo primo charissimo marito positum, statbitque ejus pietas sempiternis seculis consecranda. Illa enim filia Ferdinandi III Regis Castiliæ, Edw. I Angliæ Regi in uxorem data, cum illo in terram sanctam profecta, ubi cum ex infidiis, à Mauro quodam gladio venenato ille percussus esset, & medicorum remediis non tam allevaretur, quam alligaretur, novam atque inauditam, sed amore & pietate plenam illa adhibuit medelam: plagas enim mariti toxicoinfectas, quæ ipsius veneni vi claudi non poterant, lingua dietim lungebat, sugebatque humorem venenosum, sibi bique liquorem dulcissimum. Cujus vigore, dicam verius fidei uxoria virtute, sic omnem materiam veneni attraxit, ut integratis vulnerum cicatricibus ille plene curatus, illa incolumis evaserit. Quid igitur hujus mulieris fide rariius audiri? quid mirabilius esse potest? ut uxoris lingua fide & dilectione maritali peruncta, venena à dilecto marito expulerit, quæ ab electo medico trahi non valuerunt: & quod plurima exquisitaque non effecerunt medicamenta, una uxoris pietas explevit. Hæc de Westmonasterio conjunctum cum Londino, (etsi, ut dixi, per se sit Civitas & jurisdictione sejuncta) quod perpetuis aedificiis ita sit conjuncta, ut una eademque civitas videatur.

The Mues, Charing Cross. Pietas conjugalis. Rodericus Tolanus libro primo.

Charterhouse.

Barbacan. Galeottus Martius.

Ad Occiduam etiam urbis partem alia pulchra aedificiorum serie procurunt suburbia Holburn, sive potius Oldborn, in quibus sunt Iuris Municipalis studio collegia nonnulla dicata, & Episcoporum Eliensium habitatio Episcopis digna, quam Ioanni de Hotham Eliensi Episcopo sub Edwardo Tertio debent. Ad Septentriones item accreverunt suburbia in quibus Iordanus Briset vir pius & bene nummatus Domum Militibus Hospitalis S. Ioannis Hierosolymis construxit, quæ in magnam amplitudinem instar Palatii excrevit, Ecclesiamque habuit perpulchram, turrimque sacram tanta elegantia in altum extructam, ut urbi fuerit, dum stetit, ornamento singulari. Hi prima institutione tam fuerunt demissi, dum pauperes, ut eorum Præfectus diceretur, Servus Servorum pauperum Hospitalis Hierosolymis, uti Templariorum, qui paulo post exorti. Humilis minister Pauperum Militum Templi. Adeo tamen pietate & virtute militari res eorum per pios Principes & privatos ex hoc humili gradu surrexit, ut copiis circumfluxerint longe maximis. Habuerunt enim hi circa annum MCCXL in Orbe Christiano novemdecim millia prædiorum sive Maneriorum, ut Templarii novem millia (quorum reditus in Anglia cesserunt postea etiam Hospitalariis) amplissimæque hæ fortunæ viam ad magnos honores ita munierunt, ut eorum Prior in Anglia Primus Baro censeretur, & omnium rerum abundantia honorifice circumflueret, donec Henricus VIII pravis usus consiliis horum latifundia sibi arripuerit, ut etiam monasteriorum, quæ piissimo instituto ad Dei gloriam consecrata, &

Holborne.

Pons.

Vide de Southwork pag. 171. in Suthrey.

Guil. Lambertus.

S. Johns Hospitalarii.

Templarii.

Matthæus Paris.

S. Savour. Suffolkhouse S. Thomas Hospitall.

ta, & in sacerdotum eleemosynis, pauperum refectione, captivorum redemptione, & Ecclesiarum reparationibus per Ecclesiae scita fuerunt expendenda. Iuxta ubi nunc splendida visitur aedificiorum corona, floruit opulenta Carthusianorum aedes à Gualtero *Many* Hannonio, qui summa cum laude sub Edwardo III bello Gallico meruit, posita, celeberrimumque fuit eo loco antea cœmeterium, in quo grassante peste anno MCCCXLIX Londini sepulta fuerunt plusquam quinquaginta hominum millia, quod inscriptione ibi in ære posteris fuit testatum.

Ad Circium magna itidem subsunt Londino suburbia, speculaque fuit olim, five militaris prætentura, unde loco nomen ex Arabico vocabulo *Barbacam*, cessitque dono Edwardi III in sedem *Vffordorum*, à quibus per *VVilloughbeios* ad Peregrinum *Bertey*, Dominum *VVilloughby* de *Eresby*, virum omnibus modis generosissimum & verum Martis alumnus devenit. Nec minora ad Aquilonem, & Subsolanum procurunt suburbia, in quorum campis dum hæc scriberemus, eruta sunt multa vasa sepulchralia, sigilla, & urnæ, in quibus Claudii, Neronis, Vespasiani, &c. nummuli. Phialæ etiam vitreæ, vascula fictilia, in quibus liquidum supererat, quod vel libamentum ex vino & lacte existimarem, quo in cremandis corporibus usi sunt prisci Romani, vel odoriferos illos liquores, quorum Statius meminit:

*Videque liquores
Arfuram lavere comam.*

Hunc locum cremandis, condendisque corporibus destinavit Romani, qui ex lege XII Tabularum cadavera ex urbibus efferebant, & iuxta vias publicas, & militares sepeliebant. Hæc qua urbs terram spectat.

Qua vero flumen labitur, ad ripam ejus australem amplum illum *Burgum de Southworke*, cujus meminimus, ponte etiam conjunxerunt cives, primum publico eo loco quo antea in trahendo, pontone, pro ponte utebantur. Postea, regnante Ioanne, è vivo saxo opere admirando novum pontem XIX fornicibus præter versatilem illum suspenderunt, elegantissimisque aedificiis ad instar plateæ ita continuarunt, ut inter Europæ pontes facile primas & magnitudine, & elegantia ferat.

In hoc *Burgo de Southworke*, quæ memoria digna, extiterunt nobile cœnobium monachorum instituti Benedictinorum *Bermondsey* dictum Salvatore nostro ab Aldwino *Child*, five Londinensi olim sacratum, & aedes magnificæ à Carolo Brandono Suffolciæ Duce, ædificatæ, quæ breves Domino deliciæ, paulo post dirutæ. Extant adhuc Hospitalis S. Thomæ ad infirmos alendos à civitate Londini restauratum, imo fundatum, Ecclesia Prioratus Beatæ Mariæ quia trans Tamisim fl. ratione urbis Londini S. Mariæ *Over Rhe* appellata, à Guilhelmo *Ponte del Arche* Normanno Canonicis posita, aedes Episcoporum Wintoniensium à Guilhelmo *Giffard* Episcopo circa annum CXCIIII successoribus extructæ. A qua secundum Tamisim ripam continua in Occasum domorum series procurrit, ubi patrum memoria fuerunt Lupanaria, sic enim Latini meretrix

cum cellulas, in quibus earum turpitudine venalis prostituta fuit, appellant: quia illa ut lupæ sua rapacitate, ad se miseros raperent. Verum hæc interdicta fuerunt ab Henrico Octavo, quo tempore libidine & luxuria Anglia maxime laboravit, quæ apud alias gentes quæstus gratia sub specioso prætextu ut humanæ infirmitati consuleretur, passim exercentur. Nec ab his prostibulis locum hunc *The Stewes* nostra lingua vocatum opinor, sed à vivariis quæ hic sunt ad saginandos Lucios & Tincas, & ab olido palustrique nidore purgandos instituta. Luciorum ventres hic cultro apertos vidimus ad pinguedinem ostentandam, coeuntque protinus patentia vulnera tincarum contactu, & earum glutinosa illuvie solidantur. Inter hæc locus est instar theatri ad urfos & tauros à canibus agitandos, & canum catenariorum dispositæ caveæ, quibus tanta vis & pertinax mordacitas, ut tres ursum, quatuor leonem comprehendant, & vere ille olim cecinerit de nostris canibus, *Taurorum fracturi colla Britannii*. Ut ille, qui dixerit Arcadicis (qui ex leonibus, procreati creduntur) esse aciores.

Quo tempore Burgus hic Londino ponte ita conjunctus, non solum amplificata urbs erat, sed etiam optima Reipub. forma descripta, cives in corpora, five Collegia distributi. Urbs ipsa in XXVI regiones divisa, conciliumque Reipub. penes totidem senes constitutum, qui ex ætate, nostra lingua *Aldermen*, id est, *Senatores* dicuntur, quorum singuli singulis regionibus præessent, & cum antiquitus pro summo magistratu *Portree*, id est *Urbis Præfectum* habuissent, duos *Ballivos* instituit Richardus Primus, pro quibus statim Ioannes Rex concessit, ut *Majorem* five Prætorem annum magistratum suis suffragiis è XII primariis corporibus eligerent, duosque Vicecomites, *Shirifs* vocant, quorum alter Regius, Urbanus alter dicitur, nominarent.

Hæc reipub. forma constituta, incredibile est quantum publicis, privatisque operibus crevit, crescitque (reliquis Angliæ urbibus decrescitibus.) Nam, ut taceam domum Senatoriam *Guildhall* à Tho. *Knowles* Prætoris pulcherrime constructam, *Leadenhall* amplum & nitidum opus à Simone *Eire* excitatum, ut publicum esset horreum ad annonam laxandam. Peristylum five Ianum medium, *Bursam* vulgus, Regina Elizabetha *Excambium Regium* dixit, ad negotiatorum usum, & urbis ornamentum à Thoma *Gresham* cive equestris ordinis positum; magnificum illud quidem, five aedificii structuram, five gentium frequentiam, five mercium copiam spectes. Qui etiam summus doctrinæ admirator aedes quas habuit in urbe spatiosissimas bonis studiis consecravit, institutis ibidem bonarum literarum sex professoribus, vz. Theologiæ, Iurisprudentiæ, Medicinæ, Astronomiæ; Geometriæ, & Musicæ cum liberalibus salariis, ut Londinum esset non tam mercium omnigenum, quam artium optimarum instructissima officina. Ut Hanseaticæ societatis domum omittam, & aquas subterraneis cuniculis, & syphonibus in omnes urbis regiones corrivas, illisque recipiendis elegantissima castella, novum etiam aquæ ductum, quo Petri Mauritii Hydragogi Germani

Stewes.

Band-dogs
or Masti-
ves.Civium
Collegia.
Tribus.
Wardes.Major, si-
ve Præ-
tor.1411.
1445.
Burla
1567.
Royall Ex-
change.Gresham-
mes Col-
ledge.

mani solers industria rota è Tamisi aquas in magnam urbis partem tubulis certo libramine dispositis nuper deduxit: Templis undique & ædibus sacris ita fulget, ut RELIGIO, & PIETAS sibi delubrum hic collocasse videantur. Ecclesias enim cxxi numerat, quot nec ipsa Roma ostendit, præter Nosocomia, & Xenodochia, alitque orphanos plus minus 600 in Paidotrophio, quod Christi Ædes dicitur, & pauperculos collata stipe circa MCCXL &c. Longum esset si sigillatim persequerer optimas leges, & instituta quibus temperatur, Senatorii ordinis dignitatem, in Principem obsequium & fidem, civium humanitatem, ædium nitorem, foelicissimorum ingeniorum proventum, suburbanos hortos deliciis, & herbis exoticis refertissimos, classem numerosam, & instructissimam, mercium omnigenarum vim incredibilem (ducenta millia pannorum laneorum præter alia una Antwerpia quotannis hinc accepit) & omnium quæ ad humanæ vitæ cultum, necessitatemque spectant, redundantem copiam. Vere enim ille H. Iunius in Philippeide,

tectis opibusque refertis

*Londinum, & si fas, numero cive superbum,
Larga ubi sæcundo rerum undat copia cornu.*

Et I. Scaliger in suis urbibus:

Vrbs animis, numeroque potens, & robore gentis.

Connubio
Tamæ &
Itis.

Alius hos quoque de Londino procudit versiculos, si legere non dedigneris,

*LONDINVM gemino procurrit littore longe
Æmula maternæ tollens sua lumina Trojæ,
Clementer surgente jugo dum tendit in ortum:
Vrbs per amœna situ, cœloque soloque beata,
Vrbs pietate potens, numero cive superba,
Vrbsque Britannorum quæ digna BRITANNIA dici.
Hec nova doctrinis Lutetia, mercibus Ormus,
Altera Roma viris, Chrysea secunda metallis.*

Hos etiam in Londini laudem Henricus Huntingdonensis regnante Stephano, lusit,

*Ibis & in nostros dives Londonia versus
Quæ nos immemores non finis esse tui,
Quando tuas arces, tua mœnia mente retracto
Quæ vidi, videor cuncta videre mihi.
Fama loquax & nata loqui, moritura silendo,
Laudibus erubuit fingere falsa tuis.*

Alius item olim sic ludibundus cecinit,

*Hæc urbs illa potens, cui tres tria dona ministrant,
Bacchus, Apollo, Ceres, pocula, carmen, ador.
Hæc urbs illa potens, quam Iuno, Minerva, Diana,
Mercibus, arce, feris, ditat, adornat, alit.*

Gravius autem amicus noster V. Cl. Ioannes Ionstonus Aberdonensis, in Academia Regia Andreapolitana S. Theologiæ Professor,

*URBS AVGVSTA, cui cœlumque, solumque, salumque,
Cuique favent cunctis cuncta elementa bonis.*

Mitius haud usquam cœlum est, uberrima Tellus

Fundit inexhausti germina læta soli,

Et Pater Oceanus Tamisino gurgite mistus

Convehit immensas totius orbis opes.

Regali cultu sedes clarissima Regum,

Gentis præsidium, cor, anima, atque oculus.

*Paræcia 73 plus minus in hoc agro, extra urbem numerantur,
in ube, libertatibus, & suburbiis 221.*

*Gens antiqua, potens virtute & robore belli,
Artium & omnigenum nobilitata opibus.
Singula contemplare animo, attentusque tuere,
Aut Orbem aut Orbis dixeris esse caput.*

Sed hæc & huiusmodi fusius & accuratius persequutus est Ioannes Stowæus civis Londinensis & Chronographus celebris in sua quam nuper edidit Londini perlustratione. Nunc charissimæ patriæ valedicam, si prius annotavero inclinationem cœli LI gradibus, xxxiiii scrupulis distantiam ab ultimo Occidente xxiii part. xxv scrup. definire. Fidulam naturæ Veneris Mercurique stellam esse Topicam, quæ Horizontem perstringit, nunquam subit: & Caput Draconis verticalem ab Astrologis cenferi.

A Londino Tamisis Redcliffe à rubro clivo sic dictum, nitidum oppidulum, & nautarum habitationem rigans, fere in gyrum magno flexu se circumducens Leam flumen Comitatus huius ad Orientem limitem admittit, cui nihil in hoc Comitatu memoria dignum adsidet. Nec enim Adelinton præter nomen à nobilitate deductum, quicquam ostendit, nec Valtham, nisi crucem in funebrem Æleonoræ Reginae Edwardi Primi uxoris pompam erectam, unde denominatur. Solum Enfeld ædes Regiæ hic visuntur, à Thoma Lovell Georgiani Ordinis Equite aurato, Henrico Septimo consiliis intimis, ut ex insignibus colligere licet, constructæ. Quibus viridissimo arborum vestitu, & ferarum venatione celebris saltus Enfeld Chace adjungitur, possessio olim Magnavillanorum Essexiæ Comitum, deinde Bohunorum qui illis successerunt, nunc vero ad Ducatum Lancastriæ spectat, ex quo Henricus Quartus Rex Angliæ Humfredi Bohuni ultimi alteram filiam & hæredem in uxorem duxerit. Visunturque adhuc in medio fere hoc saltu ruderæ antiquæ domus quam Magnavillanorum Essexiæ Comitum fuisse vulgus perhibet.

Ad Septentrionalem Middlesexiæ limitem via Romanorum militaris vulgo Watling street hunc agrum ingressa, à Verolamio antiquo Londinum per Hamstedheath (è quo pulcherrimæ urbis, & amoenissimi ruris facies despectatur admodum speciosa) recta duxit. Non qua nuncitur per Highgate, hæc enim via licentia Episcoporum Londinensium ante annos plus minus ccc, ut jam dictum, fuit aperta. Illa autem antiqua, ut ex antiquis S. Edwardi Confessoris Chartis constat, transit prope Edgeworth memoriæ non admodum antiquæ, & Hendon, quod Dunstanus Archiepiscopus ad rem monasticam promovendam natus pauculis Bizantinis aureis emptum Monachis S. Petri Westmonasterii donavit. Hierant aurei Imperatorii nummi apud Bizantium, sive Constantinopolim à Græcis imperatoribus cusi, quo autem valore nescio. Fuerunt etiam argentei similiter Bizantii, & Bizantini simpliciter dicti, quos duos solidos valuisse in antiquis instrumentis subinde observavi. Verum hæc alii scrutentur, mihi inceptum iter persequendum.

Radcliffe.

Edmonton.
Waltham
Crosse.

Enfeld
Chace.

Edge-
worth.
Hendon.

Bizantini
nummi.

E S S E X.



DARS altera Trinobantium ab Orientali situ, & Saxonibus qui occuparunt, Anglo-Saxonice East-Sæxa, & East-Sæx-geipe, Normannice Exflesse, vulgo Essex, ampla, lata, frugifera, croci fœcunda, nemorosa, & opulenta inprimis est regio: hinc Oceano, inde fluminibus piscosis quasi coronata, quæ & sua commoda affatim suppeditant. Ad Septentriones Stour flumen à Southfolcia dividit, ad Ortum Oceanus se infinuat, ad Austrum Tamisis jam grandis à Cantio secludit, uti ad Occasum Ley fluviolus à Medio-Saxonibus, & qui in eum influit Stort, sive Stour Minor, ab Hertfordensibus. In hac autem describenda pro instituti ratione, primum quæ sunt ad Ley, & Tamisim celebriora, deinde quæ sunt interiorius, & ad oram maritimam memorabo.

Ad Ley Saxonice Lȳgean, satis longe lateque saltus expanditur venationi dicatus, feris, quibus primas ob magnitudinem, & pinguetudinem deferunt, refertus; olim *Forresta de Essex* ob excellentiam dictus, nunc *VValtham Forrest* ab oppido *VValtham*, quod Saxonice *Wealþam*, id est, *Sylvestris habitatio*. Sedet hoc ad Ley, qua insulas diviso alveo spargit, nec originem admodum vetustam repetit. Consenscente enim Saxonum imperio, Tovius quidam opibus, & auctoritate pollens, & ut in privata loci historiola legitur, *Stallerus*, id est, *Vexillifer Regis propter abundantiam ferarum sylvestrium primus fundavit*, & LXVI viris instituit. Illo defuncto, Athelstanus filius fortunarum suarum statim naufragium fecit, Edwardusque *Confessor* Haroldo Comitis Godwini filio hanc villam donavit, & protinus monasterium excitatum est, quod Haroldi illius & opus, & tumulus. Cum enim ad Regium fastigium hominum errore, & sua ambitione obrepisset, hoc in S. Crucis honorem posuit, in hoc vota pro victoria contra Normannos concepit, & statim ab illis occisus, à matre quæ infimis precibus à victore corpus impetraverat, in hoc tumulatus. Nunc autem Baronem suum habet Edward. *Deny* à R. Iacobo evocatum. Huic in surgenti colle impendent ædes *Coptball* & longe spectantium oculos pascunt, olim *Fitz-Aucheri*, nuper Thomæ He-neagi Equitis aurati habitatio, qui eas ad summam elegantiam perduxit. Ad hoc etiam flumen fuit sine dubio DVROLITVM vetustæ memoriæ oppidum, cuius meminit Antonius Augustus, sed quo in loco signate ostendere non possum. Vetusta etenim hujus Comitatus loca semel præmoneo, obscuritate ita involuta latent, ut ego qui alibi aliquid viderim, hic plane cæcutiam. Sin conjectare liceat, DVROLITVM existimarem fuisse quod antiquæ appellationis nota retenta *Leiton* hodie dicitur, id est, oppidum ad Ley, uti *Durolitum* Britannice *Aquam Ley* denotat: viculus est hodie sparsim habitatus, ad quintum à Londino lapidem, pro quo xv in Antoninum librariorum incuria irrepsit. Hic flumi-

Britannia.

nis trajectum olim fuisse locus vicinus *Ouldford* dictus, id est, *Vadum antiquum*, fidem facit, in quo cum parum abfuisset quin Matildis Regina uxor Henrici Primi submersa esset, illa curavit ut paulo inferius fluvius ad *Stretford* pontibus jungeretur. Vbi divortis factis tripartitus fertur, & amœnissime viridantia prata circumluit, in quibus monasterioli reliquias vidimus, quod Guilielmus de *Monte-Fixo*, sive *Montfichet* magni inter Normannos nominis Baro anno MCXI construxit, statimque Ley in unum se recolligens in Tamisim placide exoneratur, unde *Leymouth* locus appellatur.

Tamisius vero, qui jam in immensum auctus multarum aquarum agmina hac secum rapit, solummodo quæ meminisse convenit, *Berking* videt, *Bedæ Berecing*, sacris virginibus ab Erkenwaldo Londinensi episcopo sacratum: ubi Tamisius confluit *Roding* fluviolus qui multis viculis affusus nomen impertit suum, ut *Heigh Roding*, *Eithrop Roding*, *Leaden Roding*, &c. ex quibus unum & alterum Ecclesiæ Eliensi dedit olim Leofwinus vir nobilis ad expiandum, quod summo cum scelere commiserat, matricidium; & inde *Angre* ubi præalto in colle castri sunt indicia à Richardo *Lucy* summo Angliæ Iustituario regnante Henrico Secundo conditi, cujus familiæ alteram ex hæredibus Ioannes Rex, Rich. de *Ripariis*, sive *Rivers* (qui habitavit ad *Stanford Rivers* in proximo) uxorem dedit.

Ab hujus *Rodingi* ostio per solum depressius, & plerisque locis subinde demersum, unde graves halitus vicinorum valetudine nimium sunt infecti, ad *Tilbury* Tamisis approperat, juxta quod specus quidam sunt in clivo cretaceo altitudinem x orgyiarum adaucti ore satis angusto, & è saxo affabre constructo, introrsus spatiosi hac forma, quam qui subivit, sic mihi descripsit.

De quibus nihil mihi aliud occurrit nisi quod jam antea dixi. *Tilbury*, autem, *Bedæ Tilaburg*, ex pauculis ad Tamisim constar casis, antiquitus tamen Ceadæ Episcopi sedes erat, cum circa annum Salutis DCXXX Orientales Saxones Baptismum in Christi Ecclesiam infereret. Postea per loca alicubi jacentia, & minus salubria delatus fluvius reciprocanti aqua CONVENNON insulam, quæ etiam COVNOs (de qua Ptolemæus) à continente abscindit. Hæc nondum nomine abscessit suo, sed *Canuey* appellatur, Essexiæ littori à *Leegh* ad *Hole haven* per v mill. objecta jacet, cujus aliqua pars ad Collegiatam Westmonasteriensis Ecclesiam pertinet. Adeo vero humilis, ut sæpe universa inundetur præter editiores tumulos, in quibus tutus est ovibus receptus. Oves enim plus minus 4000 pascit, saporis admodum delicati, quas adolescentulos muliebri officio cum sellulis clunibus alligatis mulgere, & caseos ovillos conficere in caseariis illis tuguriolis, quæ ibi *Wiches* vocant, vidimus.

Huic insulæ adfident suo ordine primum *Beamfleot*, fossatis altis & spaciosis, ut inquit *Florilegus*, & castro ab *Hastingo* sive *Hasteneio* Dano

Sff munitum,

Waltham
Forrest.
Waltham
Abbey vel
Sanctæ
Crucis.

Baro Deny
Coptball.

DVRO-
LITVM.

Berking.

Roding fl.
Liber Eli-
ensis.

Chipping
Angre.

Marthes.

Specus
excisi.

In Cantio
pag. 186.
Tilbury.

Conven-
nos insula.
Canuey.

Beam-
fleot.





Shobery. Anno 894. munitum, quod Ælfredus Rex expugnavit. Inde *Hadleigh* quondam *Huberti de Burgo*, postea *Thomæ Woodstochii* castrum, ruinis jam deformatum, & demum *Leegh* oppidulum elegans, strenuisque nautis refertissimum, illique vicinum *Prittlewell*, ubi cellam monachis *Sveno de Essex* olim construxit. Vbi terra in promontorium se projicit, quod *Blacke-taile Poynt*, & *Shobery-Nesse* dicitur à *Shobery* viculo imposito, quæ olim Vrbs fuit *Sceobirig* dicta. In veteribus enim Anglorum Annalibus legitur, *Dani à Beamfleot fugati urbem qua lingua Anglorum Sceobirig in East-saxonia sitam adeunt, firmamque sibi munitionem ibi constituerunt*. Hic ripis utrinque deficientibus in Oceanum *Tamisis* vasto ostio evolvitur. Quod *Ptolemæus* *TAMESÆ*, & corrupte in aliis exemplaribus, *IAMESÆ* æstuarium, nos vulgo *The Temes mouth* appellamus.

Rochford. Domini Rochford. Introrsum autem *Rochford*, quæ huic *Centuriæ* nomen fecit, locum habet, nunc *Baronum de Rich*, olim vero *Dominos* suos antiquæ nobilitatis eodem cognomine habuit. Quorum hæreditas ad *Butler Ormondia* & *Wiltonia* Comitem tandem devenit, & ab illis ad *Thomam Bollen*, quem *Vicecomitem Rochford* & postea *Wiltonia* Comitem *Henricus Octavus* creavit, & cujus propagine serenissima *Regina ELIZABETHA*, & *Barones Hunsdonia* effloruerunt.

Haverling. Rumford. Vide Annales 1467. A *Tamisis* ripa interius cernuntur suo ordine hæc loca celebriora ab Occasu in Ortum, *Haverling* antiquus *Regum* secessus, ab annulo quem peregrinus *Regi Edwardo Confessori* à *Divo Ioanne* (ut scribunt) missum eo loci tradidit, denominatus, *Hornechurch*, quod *Cornutum Monasterium* olim dictum. Cornua enim plumbo efformata ad Orientalem Ecclesiæ partem prominent. *Rumford*, cui gloria à foro suario & ædibus adjunctis *Giddy-hall*, quæ fuerunt *Thomæ illius Coci Prætoris Londinensis*, cui magnæ congestæ opes periculum crearunt maximum. *Innocens* enim læsæ

majestatis pro tribunali accusatus, & *Markhami* Iudicis æquitate iniquissimo tempore absolutus, gravissime tamen facultatibus fere omnibus direptis fuit mulctatus. *Brentwood* & *Engerston*, olim *Engbeaston*, non nisi suis mercatibus & diversoriis nota.

Hic hæreo, & an conjecturam quam mihi parturit animus nunc quasi abortu effundam subdubito. Cum in hoc tractu urbs fuerit *CÆSAROMAGVS*, & illa proculdubio Romano ævo celebris, hoc enim vel nomen evincat, quod *Cæsaris urbem* significat, ut *DRVSOMAGVS* *Drusi* urbem. Quæ & in honorem *Augusti* constructa videatur. Scribit enim *Suetonius* *Reges amici atque socii singuli, quisque in suo regno CÆSAREAS urbes in honorem Augusti condiderunt*. Quid si dixerò juxta hanc *Brentwood CÆSAROMAGVM* fuisse, non me lector ut aruspex aruspice cum videat, rideat? certe conjecturæ meæ firmamentum ex distantia ratione habeo nullum, cum numeri apud *Antoninum* sint corruptissimi, qui tamen à *COLONIA*, & *CANONIO* satis conveniunt. Nec hic situm ad viam militarem Romanorum in argumentum vocare possum, cum illa nusquam in hoc Comitatu apparet: nec umbra quidem nominis *CÆSAROMAGI* nisi pertenuis hic superest in nomine *Centuriæ* quæ olim *Cæsford* nunc *Cheafford Hundred* dicitur. Sane ut veterum urbium nonnullis vetusta nomina parum variantur, aliis omnino immutantur, ita sunt quibus una & altera syllaba tantum remanet, sic *CÆSARAVGVSTA* *Hispaniæ* nunc variatur in *Saragosa*, *CÆSAROMAGVS* *Galliæ* nomine penitus amisso nunc *Beavois* dicitur, & *CÆSAREA* *Normaniæ Cherburg*, vix una syllaba superstiti. Sed quid his ludens immoror? Si in hac vicinia non sit *CÆSAROMAGVS*, indagent alii, invenire certe ingenii non est mei, quamvis auritis & oculatis retibus acquisite indagaverim.

Sub his vidimus *South-Okindon* ubi habitavit familia

Cæsaro-magus, qui in *Tabula Itineraria* *BAROMAGVS*

S. Okindon *Bruin*.

milia *Le Bruin*, siqua alia olim in hoc tractu celebris, è cuius duabus hæredibus fœmellis sapius enuptis Carolus *Brandon* Dux Suffolciæ, *Tirelli*, *Bernerii*, *Harlestoni*, *Heveninghami*, & alii descendunt. Masculi autem ex illa familia adhuc in agro Southantonensi supersunt. *Thorndon*, ubi ædes speciosas erexit Ioannes *Petre* Eques auratus, qui nunc Baro *Petre de VVittle*. Habitatio quondam fuit claræ familiæ *Fitz-Lewis*, quorum ultimus, siqua fides vulgo, incensis fortuito ædibus nuptiali festivitate misere incendio periit. *Burghsted* contracte *Bursted*, id est *Burgi locus*, quo nomine plurima loca vetustiora insignierunt maiores. Hoc CÆSAROMAGVM fuisse suspicatus sum, quodcunque olim fuerit, hodie tantum rusticorum est viculus juxta *Billricay* forum satis frequens. Nec non *Ashdown* olim *Affandum*, id est, interprete Mariano, *Mons Asinorum*, ubi prælium funestum olim commissum erat, in quo Edmundus cognomento *Ferreum latus*, Danos initio prospera pugna contudit: sed mox versa fortuna prodicione ita fuit ab illis profligatus, ut plurimos Angliæ proceres desiderarit. In cuius prælii memoriam Canutum Danum postea ecclesiam eo loci instituisse legimus, cum ubicunque pugnasset, pœnitentia ob effusum sanguinem percitus ædiculas sacras erigeret.

Ab his *Ralegh* non multum abest, oppidulum non inelegans, *Raganea* videtur in libro illo *Domesday*, qui meminit castri quod hic Suenus construxit. Vbi (etiam legitur) *unus est parvus & vi Arpeni vineæ, & reddit xx modios vini si bene procedit*. Quod adnoto tum propter Arpeni Gallicam dictionem, tum propter vinum in hac insula confectum. Fuit hic Suenus vir magni nominis, & magnæ nobilitatis, filius Roberti filii *Wimaer*, pater autem Roberti de *Essex*, ex quo natus erat Henricus ille de *Essexia*, qui jure hæreditario regis signifer, quique quod in velitatione contra Wallos animum, & signum simul abjecerat, prodicionis infimulatus, singulari certamine victus, & in claustrum contrusus, amplissimo patrimonio Regis Henrici Secundi fiscum adauxit, Baronia vero jam inde diu erat in Regum possessione donec Hubertus de *Burgo* à Rege Ioanne obtinuerat.

Inde ad Septentriones retroacta paulatim littora duo insinuantis Oceani accessus admittunt: hunc *Crouch*, alterum *Blakewater* (qui olim *Pant*) accolæ vocant. In *Crouch* aquarum divortiis quatuor insulæ disperguntur, viriditate gratæ, sed alluvionibus paludescunt; inter quas nominatissima sunt *VValot*, & *Foulness*, id est *Avium Promontorium*, quod suam habet Ecclesiam, & cum mare maxime refluxerit equo adiri possit. Inter hæc intersidet Centuria *Dengy*, quondam *Daucing*, gramine lætissima & re pecuaria dives, sed solo & coelo minus salubri, ubi caseareis operibus omnia fervent, virique muliebri officio oves mulgent, unde casei illi inusitata magnitudinis conficiuntur, qui non modo per Angliam, sed etiam per exteras regiones ad saturandos agrestes, & opifices distrahuntur. *Dengy* primum huius est hodie oppidum à Danis ut incolæ credunt sic dictum, quod nomen toti Centuriæ contulit, cui vicinum est *Tillingham* donatum ab E-

Brittannia.

thelberto primo Christiano Anglo-Saxonum Rege Monasterio S. Pauli Londini: & superius ad boreale littus floruit urbs prisca memoriæ quam *Ithancestre* maiores nostri dixerunt. *Ithancester*. Scribit enim ex Beda Radulphus Niger: *Cæda Episcopus baptisavit Orientales Saxones juxta Maldoniam in civitate Ithancester, quæ erat in ripa Pant fluminis, quod currit juxta Maldoniam in Dengy provincia, sed modo illa civitas submersa in fl. Pant*. Locum digito signare non possum, flumen tamen *Frosbwell* hodie dictum prius *Pante* fuisse nominatum minime dubito, cum alter ex ejus fontibus *Pantwell* nuncupetur & Monachi de *Coggeshall*, sic dixerunt. Sunt qui asserunt hanc *Ithancester* in extremo Centuriæ de *Dengy* Promontorio impostam fuisse, ubi hodie S. *Peters upon the wall*, id est, *ad aggerem*. Per hoc enim littus aggeribus contra Oceanum irruentem vix agros tuentur accolæ. Cæterum hanc *Ithancester* OTHONAM fuisse quodammodo credo ubi Numerus Fortensium cum suo Præposito, inclinante Romano imperio, sub Comite Littoris Saxonici contra piraticas Saxonum deprædationes stationem egit. Ab OTHONA enim ad ITHANA deflexio non est duriuscula, & situs ad sinum in quem plura flumina exonerantur, huic usui erat percommodus. Hic etiam adjungere libet quod huius Centuriæ custodiam Edwardus Confessor Ranulpho *Peperking* concessit Charta brevi, quam libenter hic apponam, ut nos qui omnes juris apices excutimus, videamus quam candida & aperta illa ætas fuerit. Sic vero illa se habet è Regiis in *Scaccario* tabulariis, sed sæpius describendo verba nonnulla facta sunt molliora.

*Ich Edward Koning
Hæve yeuen of my Forest the keeping
Of the hundred of Chelmer and Dancing
To Randolf Peperking and to his kindling
VVith heorte, and hinde, doe, and bocke,
Hare, and foxe, catt, and brocke,
VVilde forwell with his flocke,
Partrich, fesant hen, and fesant cock:
VVith greene and wilde stob and stock.
To kepen and to yemen by all her might,
Both by day, and eke by night,
And hounds for to holde
Good and swift, and bolde:
Fower grebouns, and six racches;
For hare and fox and wild cattles.
And therefore ich made him my booke,
VVithnes the Bisshop VVolston,
And booke ylered many on,
And SIWeyne of Essex our brother,
And te ken him many other,
And our stiward Howelin
That bysought me for him.*

Hæc candida erat illius ætatis fides & simplicitas, quæ in pauculis lineis & pauculis crucibus aureis omnia fidei firmamenta posuerunt. Ante Normannorum enim ingressum, uti apud Ingulphum legitur, *Chirographa firma erant cum crucibus aureis, aliisque signaculis: sed Normanni cum cerea impressione per uniuscujusque speciale sigillum sub intitulatione trium vel quatuor testium conficere Chirographa instituerunt. Conferebantur antea multa prædia nudo verbo, absque scripto vel charta, tantum cum Domini gladio, vel*

T t t

ga'ea,

Inter Record. de Ferm. S. Hilarii E. 2. 17. penes Thef. & Camerarium Scaccarii.

Sigilla apud Anglos primum in usu.

Thorn-
don Baro
Petre.

Ashdown.

Arpenis.
Vinum.
Radul-
phus de
Dicero.
Familia
de Essex.

Foulness.

Dengy
Hundred.
Essex
cheese.

galea, cum cornu vel cratera, & plurima tenementa cum calcari, cum strigili, cum arcu, & nonnulla cum sattiagi.

In *Blackwater* sinum, quem Borealem hujus Centuriæ latus claudere dixi, & optimis ostreis scatet, quæ *VVallfleet* vocamus, confluent duo flumina quæ magnam agri partem alluunt, *Chelmer* & *Froshwell*. *Chelmer* fl. ex interiori regione, quæ sylvis vestita effluens decurrit primum per *Thaxsted* mercatorium oppidulum in colle perquam amœne situm, & *Tiltey*, ubi cœnobiolum *Mauritius* filius *Gilberti* olim posuit, ad *Estannes*, ad *Turrim* nunc *Eston*, quam incoluerunt Domini de *Lovanio* dicti, utique *Godfredo* fratre *Henrici* ejus nominis *Sexti* *Brabantia* Ducis prognati, qui huc missi ad *Honorem de Eya conservandum*, ad sextam usque progeniem *Barones* habiti sunt. Sed sub *Edwardo Tertio* deficiente prole mascula, per filiam hæreditas & dignitas ad *Guilielmum Bourghier* demigravit, cujus posterii brevi Comites fuerunt *Essexia*. Inde *Dunmow*, quod olim *Dunmawg*, in libro *Angliæ censuali Dunmaw* dictum, oppidum situ peramœno in colle modice prono prolabitur. Ubi Iuga quædam Monasterium Anno *M C XI* fundavit. Sed *Guilielmus Bainardus*, de quo Iuga tenebat, (sic scribitur in privata Monasterii illius historia) villam de *Parva Dunmow*, per feloniam amisit Baroniam suam, & Rex *Henricus Primus* illam *Roberto filio Richardi filii Gisleberti Comitis de Clare*, & hæredibus suis cum *Honore Castri Barnardi Londini* dedit. Qui *Robertus* tunc fuit *Dapifer Regis Henrici*. Hæc ipsissima sunt authoris verba, nec mihi fas existimo ea interpolare, quamvis in illis sit *Ανδρονικος*, qui in optimis historicis aliquando occurrit. Nondum enim ex illa familia fuit Comes de *Clare*.

Nunc paulum utrinque à flumine paulisper digrediamur. Hinc haud procul *Plaisy* sedet, *Gallice* sic dicta à placendo, quondam *Estre*, quæ *Constabulariorum Angliæ* ultimis *Saxonum* annis, & postea (ut liber *Eliensis* testatur) habitatio. Ad quam duo magnæ autoritatis principes, *Thomas de Woodstock Dux Glocestria*, Comesque *Essexia*, & *Ioannes Holand* Comes *Huntingdonia*, *Regis Richardi Secundi* frater uterinus, qui de honore Ducis *Exonia* deturbatus, cum inter abruptam contumaciam, & deforme obsequium modum tenere non potuerint, fata complerunt. Ille enim ob præcipitem contumaciam hinc inopinato Caletum abreptus & suffocatus: hic ab *Henrico IV*, ob seditionem hoc ipso loco securi percussus, ut ipsius *Woostochii* manibus pœnas dedisse videatur, cujus exitii author habebatur. Inde *Chelmer* non longe à *Leez* defluit cœnobiolo quondam à *Gernonis* condito, quod hodie sedes *Baronum Riche*; qui *Richardo Rich* viro prudentissimo *Angliæ Cancellario* sub *Rege Edwardo Sexto* hanc dignitatem acceptam fuerunt. Pauloque inferius sedet *Hatfeld Peuerell* à possessore suo *Ranulpho* * *Peperello* sic dicta, qui in uxorem habuit illa ætate forma supra omnes venusta filiam *Ingelrici* viri inter *Saxones* prænobilis, quæ Collegium hic posuit, quod nunc quasi dirutum, & in fenestra ecclesiæ, cujus pars tantula adhuc superest, tumulatum jacet. Hæc marito peperit *Guilielmum Peuerell* Castellatum *Doveria*, *Paganum Peuerell* Dominum de *Brun* in

Comitatu *Cantabrigia*, & *Regi Guilielmo Conquæstori*, cujus erat pellex, *Guilielmum Peuerell* *Nottinghamia* Dominum. Sed ad *Chelmerum* redeamus, qui jam *Chelmerfore*, vulgo *Chensford* petit (ubi ex distantia à *CAMALODVNO* antiquum *CANONIVM* fuisse videatur.) Hoc satis amplum est oppidum in ipso quasi Comitatus medio inter duo flumina quæ concordibus aquis se hic conjungunt intersitum, *Chelmerum* ab Ortu, & aliud ab Austro, cui si nomen *Can* (ut aliqui volunt) *CANONIVM* fuisse non est cur dubitemus. Patrum memoria monasteriolo à *Malcolmo* Rege *Scotorum* constructo fuit celebre, nunc tantum *Astis*, (sic vocant fora in quibus causæ totius agri bis quotannis coram Iudicibus ventilantur) insigne. Reflorere vero incœpit, cum *Mauritius* Episcopus *Londinensis*, ad quem spectavit, pontes hic construxerit regnante *Henrico Primo*, viamque deflexerit, quæ antea per *Writtle* amplitudine suæ parochiæ notissimum duxit, quod *Rex Henricus Tertius* *Roberto Brus* Domino *Anandia* in *Scotia*, cujus uxor ex hæredibus erat *Ioannis* ultimi *Cestria* Comitis, cum noluerit *Cestria* Comitatum inter colos muliebres distrahi, concessit: *Edwardus*que *Secundus* *Humfredo* de *Bobun* Comiti *Herefordia* & *Essexia*, cum *Brusi* posterii à fide defecissent, donavit. Nuperrime autem cum *Iacobus* Rex primis regni auspiciis honorem *Baronum* pluribus impertiret, *Ioannem Petre* Equitem clarissimum *Baronem Petre de Writtle* creavit. Cui pater erat *Guilielmus Petre* vir perspectæ prudentiæ & exquisitæ doctrinæ, non tam memorandus ob munera quæ in Republica obivit amplissima, utique qui *R. Henrico Octavo*, *Edwardo Sexto*, *Maria*, & *Elizabethæ* à sacris fuit consiliis, & sæpius ad externos Principes Legatus; quam quod bonis studiis innutritus de bonis literis in *Academia Oxoniensi* bene, & de egenis vicinis apud *Engerston* pie meruerit.

Froshwel fl. qui verius *Pant*, & demum *Blackwater* dictus, fonte exili prope *Radwinter*, quod fuit *Baronum Cobham*, emissus, cum longo decursu nihil viderit præter *Bocking* sacerdotium opimum, *Cogshall* à *Stephano* Rege *Cluniacensis* positum, & *Hwittam* ab *Edwardo Seniore* rege *DCCCXIII* ædificatam, quæ etiam *Eustachii* Comitis *Bolonienfis*, (ut ferunt) *Honor* erat; *Chelmerum* obvium habet, qui solidus haud procul à *Danbury* in colle satis edito, quæ diu habitatio fuit insignis familiæ *Darciorum*, delatus, *Woodham-Walters* præterfluit, vetustam *Dominorum Fitz-Walters* sedem, quorum altissima cum antiquitate, conjuncta fuit nobilitas; à *Roberto* filio juniore *Rich. filii Gisleberti* Comitis repetita, sed superiori sæculo in *Ratclifforum* stirpem per filiam translata, qui ad Comitum *Suffexia* dignitatem provecti *Newhall* ædes magnificas parum hinc diffitas jam incolunt. Hæc olim ad *Butleros* *Ormondia* Comites spectarunt, deinde ad *Thomam Bollen* Comitem *Wiltonia*, à quo permutatione facta *Rex Henricus VIII* accepit, maximis impensis adauxit, novoque nomine *Beau-Lieu* appellavit, quod nunquam tamen apud populum invaluit.

Deinde *Chelmer* aliis confluentibus aquis insula amnica

Barones
Rich. Hat-
field Pe-
uerell,
alias Pe-
perking.
Liber S.
Martini
London.

Chens-
ford.
CANO-
NIVM.

Writtle,
olim Estre.

Wood-
ham-Wal-
ters.
Barones
Fitz-Wal-
ters.
Newhall.
Lelandus
in Cygne-
am Can-
tionem.

Camalo-
dunum.

Camu-
Deus.

Vide pa-
50 & 51

Claudius
in Britan-
nia.

amnica divisus, nomineque suo rejecto aliis *Black-water* aliis *Pante* dictus, vetustam illam Romanorum Coloniam CAMALODVNVM, quæ hoc litrus illustravit, salutat, CAMVDOLANVM Ptolemæo, Antonino CAMVLODVNVVM, & CAMOLVDVNVM dicitur: sed *Camoludunum* genuinum esse nomen, Plinius, Dio, & marmor antiquum persuadent. In hac urbe indaganda, Deus bone, quam lusciosi fuerint nonnulli, cum se suo nomine proderet, & cæcutientibus illis se perspicue exhiberet, nubemque submoveret? Plurimi in Occidentali Insulæ parte peruestigant, uti optimus ille, qui Antiquitatis Solem in manibus gestare sibi videbatur, alii in ultima Scotia, alii *Colchester*, in Lelandi verba jurati, esse affirmarunt, cum nomine vix mutilato pro *Camaloduno* hodie *Maldon* dicatur, Saxonice *Mæleone*, & *Mæleone*, maxima dictionis parte etiamnum integra, & superstite. Nec hoc solummodo expressum nominis vestigium persuasit; verum etiam distantia à Mona apud Plinium, & ipse situs in antiqua Tabula Itineraria, probationem præstant vel apertissimam. A Deo CAMVLO nomen huic CAMVLODVNO inditum fuisse vix suspicari ausim. Martem tamen sub hoc *Camuli* nomine fuisse cultum, & vetus saxum Romæ in ædibus Collotianis, & aræ repertæ CAMVLO DEO SANCTO ET FORTISSIMO inscriptæ comprobant, & in nummo antiquo Cunobellini, cujus hæc fuit Regia, ut jam meminimus, figuram galeatam cum hasta quæ Martis videatur, cum literis CAMV aspeximus. Verum cum nummus iste non jam sit ad manum, alios ejusdem Cunobellini tibi expressos exhibemus, qui ad hanc Camalodunum spectare videantur.

Maldon.

Camulus
Deus.Vide pag.
50 & 52.Claudius
in Britan-
nia.

Præfuit, imperante Tiberio, huic Orientali Insulæ parti, tresque suscepisse filios videtur, Admimum, Togodumnum, & Catacratum. Admimum à patre pulsus, & à Cajo Caligula receptus, cum ille ridicula ista expeditione in Bataviam venit, ut sui terror inde Britanniam afflaret: Togodumnum vero iusto prælio devicit, & interfecit Aulus Plautius, & de Catacrato quem fugavit, ut dixi, ovans triumphavit. Hic ille Plautius est, qui C. Berico exule Britanno suatore, (nunquam non suggerentibus se belli causis,) primus post Iul. Cæsarem Britanniam sub Claudio tentavit, quem Claudius ipse statim transmissis legionibus, cum omni Imperii mole, &

elephantis, (quorum ossa inventa fucum quam plurimis fecerunt) subsequutus, transmissis Tamisi, Britannos qui in ripa advenientem exceperunt, in fugam coniecit, facileque hanc regiam Camalodunum cepit. Ob quæ BRITANNICI nomine filio imposto, sæpiusque ipse Imperator salutatus, sexto quam profectus erat mense, Romam rediit. Sed hæc supra fufius persequutus sum, nec libet hic repetere.

Camaloduno sic in Romanorum potestatem redacta, Coloniam ibi valida veteranorum manu constituit Claudius, nummosque in rei memoriam signatos cum inscriptione COL. CAMALODVN. E quibus colligitur anno Imperii ejus XII, Anno scilicet à Christo nato quinquagesimo secundo. Et ob veteranos Legionis XIII Geminae Martiæ Victricis, quos Tacitus Britannia domitores vocat, in eam deductos, COLONIA VICTRICENSIS in antiqua Inscriptione appellatur, sed eccam.

C N. M V N A T I V S. M. F.
P A L. A V R E L I V S
B A S S V S P R O C.
A V G.

PRÆF. FABR. PRÆF. COH. III. SAGITTARIORVM, PRÆF. COH. ITERVM II. ASTVRVM, CENSITOR CIVIVM ROMANORVM COLONIAE VICTRICENSIS QVÆ EST IN BRITANNIA CAMALODVNI, &c.

Colonia vero, si hoc scire interest, cætus hominum qui universi deducti in locum certum ædificiis munitum quem certo jure obtinerent. Plerumque deducebantur veterani, tum ut ipsis esset prospectum, tum ut subsidio essent adversus rebelles, & imbuendis sociis ad officia legum. Magnaque erant coloniae dignatione, cum urbis Romæ quasi parvæ essent effigies & simulachra. Suosque magistratus habuerunt, majores & minores, de quibus cum alii dixerint, non est cur ego hisce, aut hujusmodi immorer. In hac prima Romanorum in Britannia Colonia constitutum erat Divo Claudio templum, *Aram æternæ dominationis* vocat Tacitus, cujus in suo Ludo meminit Seneca. *Parum est, inquit, quod templum in Britannia Claudius habet, quod nunc barbari colunt, & tanquam Deum orant.* Delecti sunt etiam in ejus honorem sacerdotes, sodales nimirum Augustales, qui religionis specie Britannorum fortunas effundebant. Sed post decem annos versa fortuna, concidit hæc Colonia. Cum enim veterani in hos captivos agros deducti, impotentius in misellum populum sævirent, extincta bellorum incendia majore flamma eruperunt. Britanni, Boudica, (quæ & Boadicia,) duce, Coloniam hanc nullis munimentis septam impetu diripuerunt & incenderunt, templum in quo se miles conglobaverat, biduo expugnarunt. Legionem Nonam in auxilium adventantem fuderunt, & ut semel dicam, septuaginta civium, & sociorum millia occiderunt. Hanc stragem varia prodigia prædixerunt. Victoriæ simulachrum in hac urbe retro conversum, & delapsum, in curia externi fremitus auditi, ululatus insonuit theatrum, ædes sub Tamisi aqua visæ, cruentoque aspectu inundavit subjectum æstuarium; quod nunc (nescio quam ob causam) *Blackwater* vocamus, d

Colonia
Camaloduni.

Servius.

Tacitus
de hac
Colonia.Ara, &
templum
Claudii.80000 ha-
bet Dio.
Prodigia.

Idumanus.

est, *Aqua nigra*, uti Ptolomæus *IDVMANVM* dixit, quo etiam nigredinis significatio subest, *Tdu* enim nigrum Britannis sonat. E favillis tamen excitarunt Romani; ejus enim meminit multos post annos Antoninus. Saxonico tamen imperio vix memoratur, tantum Edwardum Ælfredi filium *Maldunam* Danica rabie convulsam instaurasse, castroque firmasse tradidit Marianus. Guilielmus Normannus Angliæ devictor, ut in ejus Commentario legitur, *Centum octoginta domos in hac habuit, quas Burgenses tenuerunt, & octodecim mansuras vastatas*. Hodie vero populi opulentia & sua magnitudine inter primaria Essexiæ oppida merito censetur, *Burgusque de Maldon*, à Iurisperitis nostris nominatur, Statio satis commoda, incolis pro magnitudine satis frequens quæ una tantum est platea mille plus minus passus in longitudine protenta.

914.

Ad Ansam. Colonia-rum terminum.

Sex mill. pass. intervallo à *CAMALODVNO* statuit Antoninus locum, quem *AD ANSAM* dixit. Suspensus sum hunc aliquem fuisse Coloniam *Camaloduno* terminum, qui *Ansæ* similitudinem referret. Legeram enim apud Siculum Flaccum, *Agri Colonis adjacentes variis terminis definiuntur, in limitibus constituti erant pro terminis res aliæ, atque aliæ, alibi Hermule, alibi seriæ, alibi spatula, alibi Rhombi, & alibi secundum Vitalem, & Arcadium, termini erant Lagenares, vel orculares, id est, lagene & orcule*. Cur igitur non & *Ansæ* pro termino: cum *Ad Ansam*, non *Ansæ* suo more dixerit Antoninus? Quanta religione hi termini olim positi fuerint, ex eodem Siculo Flacco paululum digrediens, adscribam, *Cum enim terminos disponent, ipsos quidem lapides in solidam terram collocabant, proxime ea loca quibus fossis factis defixuri eos erant, unguento velaminibusque & coronis eos coronabant: in fossis autem quibus posaturi eos erant, sacrificio facto, hostiaque immaculata caesa, facibus ardentibus, in fossa coopertis sanguinem instillabant, eoque thura & fruges jactabant; favos quoque & vinum, aliæque quibus consuetudo est terminis sacrum fieri, in fossa adjiciebant, consumptisque omnibus dapibus igne, super calentes reliquias collocabant, atque ita diligenti cura confirmabant, adjectis etiam quibusdam saxorum fragminibus circumcalcabant quo firmitus starent*. Vbicunque autem loci hæc *AD ANSAM* fuerit, ad priorem sententiam de verbi notione me refero. Nimirum *Ad Ansam* vel terminale signum fuisse, vel stationem tantum, aut diversorium aliquod ad viam sub ejusmodi interfigno, idque ex distantia prope *Coggeshall*. Nec alia quam signa terminalia, vel diversoria erant, quæ eadem loquendi formula Romano sæculo, *Ad Columnam, Ad fines, Ad tres Tabernas, Ad Rotam, Ad septem fratres, Ad Aquilam minorem, Ad Herculem, &c.* nominabantur: & proinde hanc accuratius quærere nihil aliud esset quam ventos venari.

Ostreæ.

Hinc reducta littora mare magno & amœnissimo sinu accipiunt, qui optimorum illorum ostreorum feracissimus, quæ nos *VValfleot* vocamus. Et ne littora nostra sua gloria fraudentur, hæc illa esse existimamus littora, quæ, ut habet Plinius, Romanis culinis serviebant, cum Britannicis ostreis tertium à Cizicenis locum tribuat Mutianus his suis ipsius verbis: *Cizicena majora Lucrinis, suaviora Britannicis*. Verum nec illo tempore, nec postea, cum Sergius Orata Lucrina

nobilitaret, Britannica, ut inquit ille, *serviebant Romanis littora*; adeo ut primas Britannicis ostreis tribuisse videatur. Nec alia ab his ostrea esse putato, quæ *mira* Ausonius vocavit, in hoc ad Paulinum versiculo:

Mira Caledonius nonnunquam detegit æstus.

Sed de his & horum vivariis hoc in littore scribant illi qui palato docti culinarum censuram peragere norunt.

In hunc sinum præter alia, *Coln fl.* se immittit, qui in Boreali agri parte è diversis fontibus coalescens, allabatur *Hedningham* five *Hengham*, vulgo *Heningham* elegans olim castrum, & Oxoniæ Comitum antiquam habitationem. Cui ad alteram ripam oppositus est *Sibble Heningham*, locus natalis (ut accepi) Ioannis *Hawkwood* (Itali *Aucuthum* corrupte vocant) quem illi tantopere ob virtutem militarem suspexerunt, ut Senatus Florentinus propter insignia merita equestri statua, & tumuli honore, in eximia fortitudinis, fideique testimonium ornaverit. Res ejus gestas Itali pleno ore personant, & Paulus Iovius in Elogiis celebrat. Sat mihi sit Iulii Feroldi *Tetrastichon* adjicere,

*Hawkwood Anglorum decus, & decus addite genti
Italica, Italico presidiumque solo.*

*Vt tumuli quondam Florentia, sic simulacri
Virtutem Iovius donat honore tuam.*

Hinc *Coln* fluvius per *Hawsted*, quæ fuit sedes familiæ *Bourghierorum*, è qua Robertus *Bourghier* fuit Angliæ Cancellarius tempore Edwardi Tertii, & ab eo honoratissima Comitum & Baronum effloruit propago; inde per *Earles Coln* à Comitum Oxoniæ sepultura sic dictam, ubi Albericus de Vere monasteriolum posuit, & religionem induit, *COLONIAM* (cujus meminit Antoninus, quam & aliam esse à Colonia *Camaloduno* facit) accedit. An à Colonia huc deducta, vel à *Colno* flumine nomen sit factum, Phœbus dixerit: à flumine malim ego, cum viderim oppidula plura illi imposita, *Colne* dici, ut *Earles Colne, VVakes Colne, Colne Engaine, Whites Colne*, à Dominis denominata. Hanc Britanni *Caer Coln*, Saxones *Coleceaster*, nos *Colchester* vocamus. Urbs est elegans, frequens, & amœna, collis supercilio ab Occasu in Ortum porrecta, muris incincta, Ecclesiis quindecim exornata, præter amplum illud templum quod Divo Ioanni Eudo *Dapifer* Henrici primi consecravit, nunc in ædes privatas conversum. In media urbe castrum eminet vetustate collapsurum, quod Edwardum Ælfredi filium excitasse scribunt historici, cum *Colcestriam* bellis deformatam repararet. Floruisse vero hanc urbem vel maxime Romanis temporibus infinita vis antiquorum nummorum quotidie eruta planissime docet: in nullos tamen Gallieno antiquiores incidimus, erant enim Tetricorum, Victorinorum, Posthumi, C. Carausii, Constantini, & qui subsequuti sunt, Imperatorum. Cives Fl. Iuliam Helenam Constantini magni matrem suam alumnam fuisse asserunt ex Cælo rege natam: & in memoriam crucis ab illa repertæ, crucem nodosam inter quatuor coronas interpositam publico in digmate gerunt. Vnde de illa, & hac urbe *Nechamus* noster, etsi Apolline minus favente,

Effulsit

Lib. 9.
cap. 54.

Colonia.

1105.

Helena
Constantini M.
mater.

*Effulfit sydus vita, Colcestria lumen
Septem climatibus lux radiofa dedit.
Sydus erat Constantinus, decus imperiale,
Servit huic flexo poplite Roma potens.*

Mulier illa sane fuit sanctissimis moribus, & infraeta animi constantia in religione Christiana propaganda, unde in antiquis inscriptionibus PISSIMA, & VENERABILIS AVGVSTA passim nominatur. Sub hoc, ubi Coln flu. mari immiscetur, S. Osiha extat oppidulū, cujus antiquum nomen Chich abolevit regia illa virgo Osiha, quæ tota Deo defixa, à Danicis piratis ibi confossa Sanctæ honores apud majores obtinuit, & in ejus memoriam ædem sacram posuit Richardus Episcopus Londinensis circa annum M C XX, quam Canonicis regularibus implevit. Nunc vero sedes est primaria honoratissimorum Dominorum Darcy, qui de Chich dicti, quos ad amplissimam Baronis dignitatem Rex Edwardus Sextus provexit.

Hinc vaste projectum littus ad Nesse promontorium, Anglo-Saxonice Eaſulpher-neſſ, protuberat. Quid hoc in loco repertum fuit, habet ex verbis & fide Radulphi de Coggeshall, qui ante annos CCC L scripsit, Temporibus Regis Richardi, in littore maris, in villa quæ vocatur Edulfineſſe inventi sunt duo dentes cujusdam Gigantis, tantæ magnitudinis, ut ducenti dentes quos nunc habent homines, ex his secari possent. Hos apud Coggeshall & vidimus, & admirando contraximus. Et nescio quid aliud Giganteum primis R. Elizabethæ annis à nobili R. Candiſh juxta hunc locum effossum. Nec diffitebor ego quin fuerint homines qui ob molis magnitudinem & roboris firmitatem, miracula erant; quos Deus, ut habet B. Augustinus, extitisse voluit, ut doceret, tam pulchritudinem corporum, quam staturæ magnitudinem in bonis non esse numeranda, cum non minus piis, quam impiis sint communia. Suspiciari tamē liceat quod Suetonius scripsit, prægrandia immanium belluarum membra & alibi, & hoc etiam in regno inventa, Gigantum ossa vulgo dicta & habita fuisse.

Ab hoc promontorio paulatim reflectitur litus, ad Stouri ostium, anno D CCC LXXXIIII navali bello inter Anglos & Danos memorandum: ubi nunc Harewich tutissima statio, unde & nomen: nam hare-pic Saxonice stationem vel sinum ubi exercitus agit, denotat. Iste Stourus est qui Effexiam & Suffolciam pro limite intermeat, & ab hac parte præter opimos agros nihil alluit. Sed non procul ab ejus fonte est Bumſt.d, quem per Baroniam tenebat familia de Helion: & qua hæc regio Cantabrigienses spectat, Barklow quatuor jam tumulis aggestis notum ostenditur, cujusmodi, occisis militibus, quorum reliquiæ non faciles erant repertu, ut aliqui volunt, extruxit antiquitas. Verum cum quintus & sextus ex his jam pridem defoderentur, tria, ut accepimus, è saxo sepulchra, & in illis confracta hominum ossa sunt inventa. Aggestos vero post prælium ibi contra Danos commissum rustici ferunt. Ebulumenim, quod sanguineis baccis hic circumquaq; copiose provenit, non alio nomine quam Danes-blond, id est, Danicum sanguinem, etiamnum appellant, ob multitudinem Danorum, qui ibidem ceciderunt.

VValden à croco denominatum Saffron VValden emporium paulo est inferius inter agros blandissimo croco ridentes, præclarum olim Magnavillanorum castello, quod nunc fere disparuit, & mo-

Britannia.

nasteriolo adjacenti, in quo Magnavillani fundatores sepulti. Galfredus de Magnavilla, primus quasi vitam dedit huic loco. Matildis enim Imperatrix hisce verbis, ex ejus diplomate transcribo, dedit illi Newport (hoc vicinum est oppidum haud exiguum) pro tanto quantum reddere solebat die qua Rex H. pater meus fuit vivus & mortuus, & ad removendum Mercatum de Newport in castellum suum de VValdena cum omnibus consuetudinibus quæ prius mercato illi melius pertinuerunt, in theloneo, passagio, & aliis consuetudinibus, & ut via de Newport quæ sunt juxta littus aqua dirigantur ex consuetudine ad VValdenam super foris facturam meam, & Mercatum de VValdena sit ad diem Dominicam, & ad diem Iovis, & ut feria habeatur apud VValdenam, & incipiat in vigilia Pentecostes, & duret per totam hebdomadam Pentecostes. (Iam inde ab isto mercatu Chepping VValden diu est dicta. In libro etiam Waldenensis hujus monasterii) VValdenam ille ut totius honoris sui & Comitatus caput & sedem sibi suisque constituit. Locus ubi monasterium construxit erat aquis irriguus, quæ ibi jugiter manantes oriuntur, nullo tempore deficientes. Solis orientis radios tardius recipit, occidentis vero citius amittit, montibus ex utraque parte objectis. Nunc Audley end loco illi nomen est, à T. Audlæio Angliæ Cancellario, qui monasterium in suam habitationem commutavit. Hic Baro Audley de VValden ab Henrico Octavo creatus unicam reliquit filiam & hæredem Margaretam, uxorem secundam Thomæ Howard Ducis Norfolciæ, è qua Thomam, Guilielmum, Elizabetham, & Margaretam progenit. Thomam vero illum rei navalis gloria celebrem Regina Elizabetha ad Comitiam Parliamentaria anno MDLXXXVII inter regni Barones evocavit titulo Domini Howard de VValden. Nuperque Rex Iacobus gladio Comitatus Suffolciæ cinxit, & sibi Camerarium constituit. Prope cujus ædes ad Chesterford, multo vetustior urbecula erat, juxta Icaldune, in ipso agri termino, quam nunc ab Burgo antiquo, Burrow banke rustici vocitant, ubi intermortui oppidi solummodo supersunt vestigia, & ipsorum mœnium expressus tractus. VILLAM tamen FAVSTINI fuisse, quam Antoninus in hoc tractu locat, non dixerò, & quanquam

*Ingrati leti spatia detinet campi,
Et rure vero, barbaroque letatur:*

Non tamen ausim vel somniare hanc esse illam Faustini Villam, quæ istis & aliis versibus à lepidissimo Martiale inter Epigrammata depingitur. Croco sativo hic, ut dixi, agri circumquaque sunt blandissimi, mense enim Julio, 3 quoque anno, cum bulbi fuerint eruti, & post viginti dies, ingesta gleba reconditi, sub finem Septembr. florem cyaneum fundunt, è cujus medio tria flammea stamina croci (Chives nos vocamus) dependent, quæ bene mane ante solis exortum decerpuntur, & è flore extracta, lento igne siccantur. Tantusque est proventus, ut è singulis jugeribus octoginta, vel centum plus minus croci, dum humidum est, pondo colligantur, quæ siccata ad viginti pondo conficiunt. Quodque magis mireris, solum quod tres continuos annos crocum protulit, hordeum sine stercore annos octodecim affatim profundet, denuoque crocum non recusabit.

Magis ad Austrum Clavering locum habet, quod Rex Henricus Secundus cum titulo Baronie dedit Roberto Fitz-Roger, (à quo familia de Evers-

V u u

stem-

S. Osiha.
Chic.

Barones
Darcy de
Chiche.

Nesse.

Gigantes.
Gigantum
ossa.

Harewich.

Barklow.

Tumuli
antiqui.
Vide pag.
174.

Danes-
blond.

Walden.

Mandevill-
es vulgo
vocantur.

Baro Aud-
ley de
Walden.

Burrow
bank.

Crocom.

Barones
de Clave-
ring.

stemma deducit.) Hujus posterum cum longo jam tempore nomina è paterno prænominis accepissent, more illo antiquo, ut Ioannes *filius Roberti*, *Robertus filius Ioannis*, &c. Tandem iubente Rege Edwardo Primo, hinc nomen *Clavering* assumpserunt. Sed de his in Northumbria. *Stansted Montfitchet* hic etiam se exerit, quod tacitus non prætermittam cum habitatio siue Baronia olim fuerit familiæ de *Montefixo*, vulgo *Montfitchet*, qui tres quos vocant *Chevernos* aureos scuto rubro gestarunt, summæque censebantur nobilitatis. Quinque autem solummodo recta linea floruerunt, demumque hæreditatem adierunt tres sorores, *Margareta* uxor *Hugonis de Bolebec*, *Avelina* uxor *Guilielmi de Fortibus* Comitibus *Albemarla*, & *Philippa* uxor *Hugonis Playx*. Hujus posterum ad avorum usque memoriam floruerunt, & in filia desierunt nupta *Ioanni Howard* Equiti aurato, à cuius filia per *Georgium Vere* Barones *Latimeri* & *Vvingfeldii* profluxerunt. Parumque inferius *Hastingsbury* habitatio Baronum *Morleiorum* conspicitur: de quibus plura in *Norfolcia*. Illique contiguum est vallum antiquum militare, inde *VValbery* nominatum, magisque ad Ortum *Barrington hall*, ubi incolit clarissima familia *Barringtonorum*, quam regnante Stephano, Barones de *Montefixo* possessionibus adauxerunt, & patrum memoria nuptiæ cum altera filia & hærede *Henrici Poli* Dom. *Montifacuti*, filii & hæredis *Margaretæ* Comitissæ *Sarisburiae* ex sanguine regio clariorem reddiderunt.

A Normannorum adventu *Matildis* Imperatrix Anglorum Domina (eo enim usæ est titulo) *Galfredum de Magnavilla*, vulgo *Mandevill*, filium *Guilielmi* ex *Margareta* hærede *Eudonis Dapiferi* primum *Essexiæ* Comitem, ut sibi hominem potentem & bellicosum beneficiis obstringeret, creavit. Qui in illa sub Rege Stephano temporum confusione turbulentam vitam pugnando profudit. Ille vero pro scelere, ut est in antiquo scriptore, publicam anathematis non immerito incurrit sententiam, in qua apud oppidulum *Burwell* letaliter in capite vulneratus est. Illo autem in discrimine mortis ultimum trahente spiritum, quidam supervenere *Templarii*, qui religionis suæ habitum cruce rubra signatum ei imposuerunt, ac deinde jam mortuum secum tollentes, & in pomærio suo veteris scilicet *Templi* apud *London*, canali inclusum plumbeo in arbore suspenderunt. Hunc sequuti sunt duo filii *Galfredus* & *Guilielmus* sine prole sublati. Postea *Galfredus* * *Filius Petri de Ludgershall*, Angliæ Iustitiarum virum prudentem & gravem accepta magna vi pecuniæ ad hunc honorem extulit Rex *Ioannes*. Ille enim in uxorem duxerat *Beatricem* filiam natu maximam *Guilielmi de Say*, qui natus è sorore *Galfredi* illius de *Magnavill* primi Comitibus *Essexiæ*. Vir, ut scribit author vetustus, nummosus & locuples valde, qui *Elensem* Episcopum Regis Iustitiarum precio maximo cum prece dato convenit, Comitatumque illum quem vice uxoris suæ, filia scilicet *Willielmi* fratris *Galfredi de Say* primogeniti hereditario jure sibi vendicabat, interpellando exposulavit. Qui illum in plenariam sēsnam admisit, pecuniam promissam exegit, quam in brevi integram plenariamque regis thesauris inferendam ab eorecepit. Sic admissus, sicque scriptis Regis confirmatus tenuit, possedit, & homagia Militum suscepit. Hujus *Galfredi* Filii *Petri* duo filii, *Galfredus* & *Guilielmus* ascito sibi nomine *Magnavill* siue *Mandevill*, hoc honore ga-

visi sunt: ille in hastiludio juvenis periit, hic à *Ludovici Franci* partibus contra *Ioannem Regem* stetit, & sine prole è vita migravit. Istis sine prole defunctis subrogatus est *Humfredus de Bohun* *Herefordiæ* Comes, & Angliæ *Conestabularius*. Sic enim scribit ex *Waldensi* monasterio *Chronographus*, Anno 1228 sexto Idus Ianuarii *Guilielmus de Mandevill* Comes *Essex* obiit, &c. Eodem anno *Humfredus de Bohun* Comes *Hereford*, & *Constabularius Angliæ* desponsavit *Matildem* filiam *Galfredi* Comitibus *Essex*, & sic successit. Ex Archivis tamen *Henricum de Bohun* patrem hujus *Humfredi* hæredem illam duxisse certo constat. Sed error sane facile subrepsit, cum in ejus seculi scriptis prænomen tantum majusculis literis notentur, ut H. pro *Henrico*, vel *Humfredo*; G. pro *Gilberto*, vel *Galfredo*, &c. Ex hujus posteris masculis Comites *Herefordiæ* & *Essexiæ* multos annos successerunt, quos inter *Herefordiæ* Comites memoravimus, cum ipsi se *Herefordiæ* & *Essexiæ* Comites scripserint. Ultimi *Bohunorum* filio primogenita *Eleonora* *Thomæ de Woodstock* Duci *Glocestriæ* in uxorem cum *Essexiæ* titulo data *Annam* filiam peperit, quæ in primum maritum *Edmundum* Comitem *Staffordiae*, à quo *Duces Buckinghamiæ*, in secundum *Guilielmum Bourchier*, cui Rex *Henricus Quintus* dedit Comitatum *Essex* in *Normannia* accepit. Hic *Henricum Bourchier* ex illa genuit, quem Rex *Edwardus Quartus* Comitatus *Essexiæ* honore investivit. Ille alterum *Henricum* è filio nepotem successorem habuit, qui equo sternaci senex excussus expiravit, *Anna* filia unica relicta. Qua neglecta *Henricus Octavus* statim *Thomam Cromwell*, quo administro in Pontificia autoritate profliganda usus erat, ut majore cumulare honore, *Essexiæ* Comitem, *Magnum Angliæ Camerarium*, & *Georgiani Ordinis Equitem* auratum simul fecit, quem antea ob solertiam *Præfectum Rotulorum*, sibi *Secretarium*, *Baronem Cromwell de Okeham*, *Vicarium Regis Generalem in Spiritualibus*, privatique *Sigilli Custodem* constituerat; & hæc omnia quinque annorum curriculo. Sed quinto Comitatus mense hanc fabulam vitæ cruento exitu, ut plerique maximarum rerum administri, capite plexus pergit. Idemque Rex *Guilielmum Parr*, cui *Annam* filiam unicam & hæredem *Henrici Bourchier* in uxorem dederat, etiam Comitibus *Essexiæ* dignatus erat titulo. Demum vero *Parro* sine liberis defuncto, *Gualterus D' Eureux* Vicecomes *Herefordiæ*, cujus proavia erat *Cecilia Bourchier*, soror *Henrici Bourchier* quem modo dixi, *Reginæ Elizabethæ* gratia hanc Comitibus *Essexiæ* dignitatem accepit, filioque *Roberto* reliquit, qui eximiis naturæ dotibus, summa optimæ Principis subnixus gratia ad honorem ita pleno gradu progressus est, ut universa Anglia illum maximis majorum laudibus cumulatissime æquaturum, imo superaturum speraverit. Sed pro dolor, dum ipse aura populari abreptus spes suas anteire properavit, in exitum se præcipitavit: ut multi qui spretis quæ tarda cum securitate, præmatura cum perniciem maluerunt. Filiolum autem ejus *Robertum* in integrum, & paternum honorem autoritate *Parlamentaria* *Iacobus* noster Rex serenissimus regia benignitate restituit.

Computantur in hac regione Parochiales Ecclesiæ 415.

I C E N I.

Vide Comites Herefordiæ.

Vide in Northumbria.

Barones Montfitchet. Insignia Montfitchetorum. Playzi.

Hastingsbury.

Barrington.

Comites Essexiæ.

Registr. Walden.

* Fitz Pierz, siue Fitz Petre.

Registr. Mon. Walden.

I C E N I .



REGIONEM Trinobantibus proximam, quæ postea Eastanglia dicta, & Suffolciam, Norfolciam, Cantabrigiensemque agrum, cum Huntingdonensi complectitur, occuparunt olim ICENI, alibi perperam TIGENI, Ptolemæo corruptius SIMENI: quos etiam confuso vocabulo SENIMAGNOS, apud Cæsarem fuisse dictos jam pridem existimaui: & ut ita existimarem, fecit ipsa ætissima affinitas, quæ inter hæc nomina ICENI, & CENI-MAGNI intercedit, fecitque Taciti & Cæsaris consensus. Ille enim Cenimagnos se Romanis dedidisse scribit, quod item Icenos fecisse his verbis memorat Tacitus: Volentes amicitiam nostram accesserunt; sed quod maximum est in libro M. S. pro CENI-MAGNI, CENI, AGNI diviso vocabulo concipitur, pro quibus si non audaculus viderer, ICENI, REGNI substituerim ego. Nec alicubi certe Cenimagnos in Britannia comperias, si à Regnis & Icenis diversi fuerint. Caterum Icenii nominis hoc in tractu reliqua sunt vestigia plurima, ut Ikenfworth, Ikenhorpe, Ikborrow, Iken, Iksning, Ichlingham, Eike, &c. Consularisque illa via, quæ hinc duxit, superioris sæculi Chronographis Ichenild-Streat, quasi Icenorum strata, passim nominatur. Quæ nominis sit ratio, ita me veritas amet, ut conjectare non ausim, nisi quis à cuneata regionis forma deducat, & in modum Cunei Oceano incumbere dicat. Cuneum enim suo idiomate Iken vocant Britanni, eodem etenim nomine locus in Vallia ad Lhintegid lacum, Lhan-yken, ab illa forma dicitur, & eodem sensu regiuncula in Hispania SPHEN, id est, Cuneus, ut author est Strabo, vocatur, Sphen. quæ minus tamen quam hæc nostra ad cunei similitudinem accedere videtur.

Gens hæc erat, ut inquit Tacitus, valida, & postquam se Romanorum in fidem permisisset, ad Claudii tempora præliis non concussa. Tunc enim cum Ostorius Proprætor flumina castris communiret, & Britannis arma detraberet, contractis copiis se opposuerunt: sed perrupto à Romanis aggere quo se obsepserant, non sine clade magna devicti. Quæ pugna multa sane, & clara facinora fecere, & M. Ostorius legati filius servati civis decus meruit. Hoc bello sic sopito, vix XIII agebatur annus, cum nova bellorum tempestas his initiis exorta. Prasutagus Rex Icenorum, ut calamitatem à sua gente, vel suis privatis incommodis redimeret, Neronem Imperatorem heredem scripsit, tali obsequio (ut Tacitus pro me paucula loquatur) ratus regnum, & domum suam procul injuria fore, quod contra vertit: adeo ut Regnum per Centuriones, domus per servos velut capta, vastarentur. Iam primum uxor Boodicia, quæ etiam Bunduica dicitur, verberibus affecta, & filia stupro violata sunt. Præcipui quique Icenorum, quasi cunctam regionem muneri acceperant, avitis bonis exuti, & propinqui regis inter mancipia habiti. Quæ contumelia, & metu graviorum (quando in formam provincie cesserant) arma rapiunt, commotis ad rebellionem Trinobantibus, & qui alii nondum servitio assuefacti, resumere libertatem occultis conjurationibus conspirant, acerrimo in veteranos odio incensi. Hinc funestissimum bellum exarsit, cui Senecæ in Britannia usura. faces addidit Senecæ avaritia, qui sub id tempus quadringenties tertium, (trecenta scilicet millia librarum nostratum) maximis usuris cumulatum acerbius exigebat. Hoc bello, ut summatim dicam, Boodicia illa, quam Leenam dolosam Gildas vocare videtur, Prasutagi uxor octoginta millia Romanorum & sociorum occisione occidit, Camalodunum Coloniam, & Verulamium municipium excidit. Legionem IX fudit, Catum Decianum procuratorem fugavit, sed tandem justo prælio à Paulino Suetonio fracta, invicta animi constantia, ut Tacitus scribit, hausto veneno, ut Dio, morbo diem obiit. Dum hoc bellum flagraret, scribit è Dione Xiphilinus Britannos VICTORIAM sub ANDATIS nomine, quam alibi Græcus codex Andraften vocat, imprimis coluisse, & in ejus luco summa cum immanitate captivos immolasse, quod tamen hodie nomen pro Victoria non agnoscunt Britanni, nec ego quid velit, video, nisi ut Latini Victoriam à vincendo, Sabini Vacunam ab evacuando, & Græci ΝΙΚΗΝ dictæ & νικῶν, id est, non cedendo nominarint, sic Britanni Anarthaith ab evertendo appellarint; hoc enim nomine exitiabilis everfio illis significatur. Sed hæc obiter & per transennam. Iam inde altum est de Icenis apud autores silentium, nec quicquam legendo erui potest, nisi quod Romani, præcipite jam eorum imperio, novum magistratum ora maritima per has, & alias regiones ad Saxonum depredationes cohibendas præfecerunt, quem Comitem littoris Saxonici per Britanniam vocarunt, ut jam ante diximus.

Cum autem Saxones jam suam in hac insula Heptarchiam confirmassent, in Orientalium Anglorum regnum cessit hæc provincia, quam ab Orientali situ, sua lingua East-angle-ryc dixerunt, id est, Orientalis Angliæ regnum, Vffamque primum regem habuit, unde Vffkines successores diu dicti, qui nunc Merciorum, nunc Cantianorum regum beneficiarii fuisse videntur. Quorum soboles cum in Edmundo Sancto defecisset, Dani regionem pervaserunt, & miserum in modum annos plus minus quinquaginta omni bellorum calamitate dilaniarunt, donec Edwardus Senior, illis debellatis, suo occidentalium Saxonum imperio tandem adjunxerit. Deinceps vero suos Præsides habuit, quem hodie

Britannia,

X x x

norem



Radul-
phus East-
angliae
Præles.

In vita S.
Edmundi.

* Rec di-
che, vel
Druels
dike.

norem primis Normannorum temporibus gessit Radulphus quidam è Britannia Armorica oriun-
dus, homo infido ingenio, qui dum nuptias magno apparatu celebravit, nefaria opprimendi Guilielmi
Normanni consilia cum multis inivit, sed frustra silentium & fides inter tot conscios sperabatur.
Indicio enim facto, ille honore exutus, & proscriptus, aliique securi percussi. Sed hæc fusius ab hi-
storici tractanda, nunc ipsa loca, quod est nostri instituti, adeamus. Cujusmodi horum fuit regio,
ecce tibi Abbo Floriacensis, qui anno Christi DCCCCLXX floruit, his verbis depinxit: Hæc pars
quæ Eastangle vocatur, cum aliis, tum eo nobilis habetur, quod aquis pane undique alluitur,
quum à Subsolano & Euro cingitur Oceano, ab Aquilone vero immensarum paludum uligine,
quæ exorientes propter equalitatem terræ à meditullio ferme totius Britannia per centum & eo
amplius millia cum maximis fluminibus descendunt in mare. Ab ea autem parte, qua Sol vergit
in Occasum, ipsa provincia reliqua insula est continua, & ob id pervia: sed ne crebra irruptione
hostium incursetur, * aggere ad instar altioris muri, fossa humo præmunitur. Interius ubere satis
gleba, admodum leta hortorum, nemorumque amenitate, gratissima ferarum venatione, insignis
pascuis, pecorum & jumentorum non mediocriter fertilis. De piscosis fluminibus reticemus, cum
hinc eam, ut dictum est, lingua maris allambit, inde paludibus dilatatis stagnorum ad duo, vel
tria millia spatiosorum innumerabilis multitudo præterfluit. Quæ paludes præbent pluribus Mo-
nachorum gregibus optatos solitaria conversationis sinus, quibus inclusi non indigeant solitudine
heremi. Hæc Abbo.

S O V T H - F O L K E, sive S V F F O L K E.



Cafei.

Suffolcia, quæ primo dicenda, Saxonice Suðfolc, id est, Popu-
lus Australis, ratione Norfol-
ciæ, ab Occasu habet Canta-
brigienfes, ab austro Stour flu-
vium, qui ab Essexia dividit,
ab Ortu Oceanum Germani-
cum, à Septentrione duos flu-
violos, Ouse minimum, & Waveney, qui ex eodem
quasi fonte in diversa fluentes, à Norfolcia deter-
minant. Regio satis ampla, portuosa, solo nisi ad
Orientem, admodum pingui, utpote ex argilla
& marga composita, unde lætissima ubique arva,
& uberrima saginando pecori pascua, cafeique
magno numero conficiuntur, qui in omnes An-
glia partes, magno cum incolarum commodo,
distrahuntur. Imo etiam in Germaniam, Gal-
liam, & Hispaniam, ut author est Pantaleon Me-
dicus, qui hos nostros cum Placentinis, & colo-
re & sapore conferre non dubitavit, sed non
erat ille ex Apicii schola delicatulus. Nec defunt
sylvæ, & vivaria quam plura nobilium ædibus
adjuncta feris repleta.

Dividitur hæc politice in tres partes, quarum
una The Geldable, quod ex ea tributum exigitur:
Altera Libertas S. Edmundi, quia ad ejus monaste-
rium spectavit: Tertia Libertas S. Etheldredæ dicitur,
quia ad Eliensæ cœnobium pertinuit, cui con-
cesserunt olim reges nostri quædam territoriola
cum Sacha, & Socha, ut inquit liber Eliensis, sine
ulla exceptione Ecclesiasticæ aut secularis jurisdictionis.
Verum nos Chorographice hanc obeamus, &
ab Occasu exorsi, potiora loca perlustremus.

New-
market
Novus
mercatus

Qua Occasum & Cantabrigienfes spectat, in
ipso limite Ixning sedet, majoris olim, quam ho-
die famæ. Etheldreda enim virgo regis Annæ fi-
lia in Divas relata suis natalibus, Radulphus hu-
jus Eastangliae Comes, sua in Guilielmum Nor-
mannum conspiratione, & Hervæus primus Epi-
scopus Eliensis via, quam hinc ad Ely munivit,
olim nobilitarunt. Nunc vero vicinitate Novi fo-
ri, quod Newmarket dicimus, quo certatim res

venales undique comportantur, decrescere cœ-
pit. Recentius hoc esse nomen ipsum innuit: ita
vero positum est, ut Australis pars ad Cantabri-
giensem, Septentrionalis ad Suffolciensem Co-
mitatum spectet, & utraque suam habet ecclesi-
olam, quarum hæc Ixning, illa Ditton sive Dichton
matrem agnoscit. De hoc vero nihil aliud mihi
legenti occurrit, quam quod sub Henrico Ter-
tio alteram hujus partem Robertus de Insula sive
L'isle in liberum maritagium cum Cassandra filia Ri-
chardo de Argentonio, à quo Alingtonii, dederit.

Hic circumquaque longe patet planities New-
market beath inde nominata, arenosa, & sterili, vi-
renti tamen terra, in qua fossa illa admiranda vi-
detur, quam quasi à Diabolo ductam Devils dike
vulgus vocat, cum certum sit ex istis fuisse, qui-
bus, ut prodit Abbo, contra hostiles irruptiones
incolæ se præmunierunt, ut fusius cum ad Comi-
tatum Cantabrigiensem pervenerimus, docebi-
tur. Interim tamen monendus hic est lector, mi-
nimam omnium harum fossarum ad alterum
hic milliare conspici inter Snail-well & Moulton
perductam.

Interius oppidum est S. Edmundi celeberrimum,
quod Saxonico sæculo Bedepics-gveord, &
Britannico, ut videtur, VILLA FAVSTINI,
cujus meminit Antoninus, sic enim existimavit
Talbotus vir antiquitatis bene peritus, & in
hac Angliæ parte versatissimus: distantia etiam
ratio tam ab Icanis quam à Colonia apud Antoni-
num satis convenit, utque Villa Latinis nobilis
cujuspiam domum in fundo locatam significat,
ita Gveord idem Anglis denotavit. Abbo enim
ille Bedepics-gveord, Bederici cortis, id est, villa inter-
pretatur. Præterea Angli vim verbi in suam lin-
guam transfudisse videantur: etenim ut Fausti-
nus Latine prosperitatis sensum in se habet, ita
Germanice Bederic, ut scribit literatissimus ille
Hadrianus Iunius, ubi Betorici nomen, qui apud
Strabonem Melonis Sicambri filius erat, felici-
tatis & favore plenum interpretatur. Sin diverfi
hi fuerint, libenter me nescire fateor, quis ille
Fausti-

New-
market
beath.

Divels
Dike.

S. Ed-
munds
Bury.
Villa Fau-
stini.

Gueord si-
ve Worth.

Bericus
Britanni

Malm-
burien

Everf-
nus.

* Nun-
tantu-
duo.

Faustinus, & quis hic Bedericus. *Faustini* illius villam quam Martialis libro Epigrammatum tertio depingit non fuisse certo scio. Et Berici ejus fuisse, qui è Britannia exturbatus, ut author est Dio, Claudio imperatori bellum in Britannos movere persuasit, si dicerem, ipse mihi ne utquam crederem. Quæcunque vero fuerit, si *Faustini villa* non sit, celebris tamen memoria fuisse videtur, quum enascente in hoc tractu religione Christiana Sigebertus Rex ædem sacram hic posuerit, & Abbo *Villam regiam* vocarit. Verum cum Edmundi Christianissimi Regis corpus, quem Dani exquisitis suppliciis trucidarunt, huc transtulisset populus, & in ejus honorem *per maximam miro ligneo tabulatu ecclesiam* construxisset: Edmundi *Burgus*, vulgo *S. Edmondsbury*, & contracte *Bury* dici cœpit, mirumque in modum floruit, præcipue vero ex quo Canutus Rex, ut patris Sueni sacrilegam in hanc ecclesiam impietatem expiaret, novo opere instauraverit, opibus refereret, coronam suam S. Martyri obtulerit, monachos cum suo Abbate induxerit, prædia multa & magna, & inter alia ipsum oppidum integrum donaverit. Cui ipsi Monachi per suum Seneschallum præfuerunt & jus dixerunt. Unde Ioscelinus de *Bracklond* hujus loci Monachus, *Homines tam extra Burgum, quam infra nostri sunt, & omnes infra Bannam Leucam eadem libertate fruuntur*. Postea Hervæus è Normannico genere Abbas muro, cujus pauculae supersunt reliquiae, cinxit. Pontifices Romani maximis immunitatibus dotarunt, & inter alia concesserunt, *Ut nulli Episcopo locus ille subderetur in aliquo, in legitimis Archiepiscopi nutum spectaret*. Quod adhuc observatur. Jamque monachi divitiis circumfluentes novum magnifica structura templum erexerunt, & indies novis ædificiis auxerunt, dumque, Edwardo Primo regnante, sacelli novi fundamenta ponerent; *Inventi sunt* (ut inquit Eversdenus hujus loci monachus) *muri veteris cujusdam ecclesie rotundæ ita constructæ, quod altare quasi in medio fuerit, & credimus* (inquit) *illam fuisse, quæ ad opus S. Edmundi primo fuit constructa*. Quale vero sit hoc oppidum & quantum fuerit Monasterium dum stetit, audi, qui vidit, Lelandum, *Sol non vidit urbem situ elegantiore, sic molli delicata pendet in clivo, & rivulus ad Orientem defluit: aut cœnobium illustrius, sive quis dotationem, seu amplitudinem, aut magnificentiam incomparabilem aquis rationibus expendat*. Diceret plane Cœnobium urbem esse: tot portæ, partim etiam aeneæ, tot turres, & templum, quo nullum magnificentius, cui alia tria egregio opere nitentia uno & eodem cœmeterio sita subserviunt. Si quantæ fuerint opes requiras, non facile quis dixerit, quot donaria uni Edmundi Mausolæo appensa, & sexaginta supra mille quingentas libras quotannis ex redditibus & latifundiis collegit. Si tumultus inter cives & monachos (qui civibus per suum Seneschallum præfuerunt) subinde exortos, & quantæ cum rabie ad mutuam internecionem concurrerint, figillatim narrarem, omnem fidem superaret narratio. Verum huic operi tanto tempore surgenti, & opibus tot annos congestis finem attulit Henricus Octavus, cum Monasteria subrueret, ab iis persuasus, qui privatas rationes, & suam opulentiam Principis & patriæ, imo & Dei gloriæ specioso restaurandæ religionis ob-

Bericus
Britannus.Malmes-
burien-
sis.Eversde-
nus.* Nunc
tantum
duo.

tentu prætulere. Pristinæ tamen vetustatis non deforme cadaver jacet, sed ruina sane splendida, quam quicumque intueatur, & admiretur, & simul commiseretur. Iacturam, ut hoc etiam obiter adnotem, si unquam alias in homine, hoc in loco fecit Anglia maximam. Verus enim ille pater patriæ Humfredus Dux Glocestriæ, justus pervicax, & qui illustre ingenium altioribus studiis excoluerat, cum regnum viginti quinque annis sub Henrico Sexto summa cum laude ita gubernasset, ut nec boni quod quererentur, nec mali quod calumniarentur haberent, hic è medio sublatus invidia Margaretæ Lotharingæ. Quæ cum regem Henricum Sextum maritum minuti & angusti animi videret, ut ad se rerum summam traheret, hoc nefarium facinus concepit; verum suo & hujus regni malo maximo. Normannia enim cum Aquitania statim amissa, & plusquam civilia in Anglia bella erant suscitata.

Humfr.
Dux Glo-
cestriæ.

Iuxta hunc Edmundi Burgum cernitur *Rushbrok* sedes claræ & equestris familiæ *Iermynorum*, nec longe *Ikefworth*, ubi Prioratus antiquus fuit à Gilberto *Blund* magnæ nobilitatis viro, Domino de *Ikefworth* fundatus, cujus stirps mascula recta linea defecit in Guilielmo qui cecidit in prælio ad *Lewes* tempore Henrici Tertii, duasque sorores Agnetam Guilielmi de *Creketot*, & Roisiam Roberti de *Valoniis* conjuges hæredes reliquit.

Ikef-
worth.
Blund.

Magis ad Boream sedet *Fernham S. Genovefæ*, ideo memorandum quod ibi Richardus *Lucy* Iustitarius Angliæ Robertum *Leicestriæ* Comitem hic grassantem justo prælio cepit, & plusquam decem millia Flandrorum quos in patriæ perniciem ille evocaverat, occidione occidit. Duas hic in proximo ædes admodum elegantes vidimus, alteras à *Kitsonis* equestris dignitatis ad *Hengrave* possessionem olim Edmundi de *Hengrave* Iurisperiti sub Edwardo Primo celeberrimi, alteras ad *Culforth* à Nicolao Bacon Equite nuper extructas, filio Nicolai illius Bacon magni sigilli Angliæ Custodis, qui ob singularem prudentiam & solidissimum judicium alter è destinis hujus regni suo tempore meritissime est habitus. Nec procul diffitus est *Lidgate* viculus, qui hoc nomine ne utquam tacendus, quod in lucem Ioannem *Lidgate* monachum ediderit, cujus ingenium ab ipsis Musis effectum videatur, ita omnes Veneres & elegantiae in suis Anglicis carminibus renident. Hæc ad Occiduam Suffolciæ partem sunt memoriæ celebrioris.

Fernham.
1173.Hengrave.
Culforth.
N. Bacon.
N. Bacon.Lidgate.
Ioannes
Lidgate.

Ad Austrum, *Stour* fluvium statim à fonte in amplam paludem, *Stourmere* vocant, stagnare vidimus, sed mox intra ripas se colligens, primum *Clare* præterfluit, vicum nobilem, qui præter dirutam arcem, quam ostendit, *Clarorum* nomen honoratissimæ familiæ, quæ à Gisleberto Comite Normanno descendit, & Ducatus titulum Leonello Edwardi Tertii filio impertivit, qui cum uxorem ex illa familia oriundam duxisset, Ducis *Clarentiæ* titulum à patre accepit. Ille enim ab hoc loco *Clarentiæ* Dux est dictus (ut prius Comitis Gisleberti posteris, Comites de *Clara*) qui ad Albam Pompeiam in Italia mortuus cum secundis nuptiis Galeacii Vicecomitis Mediolanensis filiam sibi junxisset: & in Collegiata

Stoke Cla-
re.Comites
Clare.

Yyy hic

hic ecclesia inhumatur, uti etiam Ioanna de *Acris* filia regis Edwardi Primi, quæ Gilberto secundo de *Clara* Glocestriæ Comiti enupta. Expectet fortasse hic lector ut Comites qui de *Clara* dicti, & Clarentiæ Duces subijciam, cum honoratissimo semper loco in hoc regno fuerint, & sane paucis subijciam, ne quis desideret. Richardus filius Gisleberti Comitis * Aucensis in Normannia stipendia fecit Regi Guilielmo cum in Angliam ingrederetur, ab eoque donatus est villis de *Clare*, & *Tunbridge*. Hic genuit quatuor filios Gislebertum, Rogerum, Walterum, & Robertum, à quo *Fitz-Walteri* descenderunt. Gislebertus ex filia Comitis de *Claro monte* habuit Richardum qui ei successit, Gislebertum, à quo Richardus ille Comes Penbrochiæ & expugnator Hiiberniæ, & Walterum. Richardus primogenitus à Wallis occisus reliquit duos filios, Gilbertum, & Rogerum: Gilbertus autem sub Stephano Rege fuit Comes Hertfordiæ, ille tamen & ejus successores sæpius Comites de *Clara* ab hac primaria eorum sede & vulgo dicti, & ipsi se scripserunt. Huic sine prole defuncto successit Rogerus frater, cujus filius Richardus Amiciam filiam & unam hæredum Guilielmi Comitis Glocestriæ sibi matrimonio junxit, cujus jure ejus posterii Glocestriæ erant Comites, quos suo loco vide. Verum mascula eorum prole tandem deficiente, Leonellus tertius Regis Edwardi Tertii filius (qui Elizabetham filiam & ex asse hæredem Guilielmi de *Burgo* Comitis Ultoniæ ex Elizabetha *Clara* prognati duxerat) à patre novo titulo Ducis Clarentiæ honoratur. Cum ille autem unicam tantum filiulam Philippam Edmundi de *Mortuomari* Comitis Marchiæ uxorem suscepisset, Rex Henricus. Quartus Thomam filium minorem Clarentiæ Ducem instituit, qui Normanniæ præfectus Scotorum & Gallorum in se ruentium impetu in Andibus, nulla suscepta prole cecidit. Satis longo post tempore Edwardus Quartus hunc honorem Georgio fratri contulit, quem post graves inimicitias & acerba odia in gratiam receperat; tandemque tamen in carcere extinxit in dolio vini Cretici, (ut fama obtinet) immersum. Vtique hominibus natura insitum est ut quos timuerint, & quibuscum de vita contenderint, hos, licet sint fratres, semper oderint.

A *Clara* per *Long Melford* Hospitale pulcherrimum ab optimo viro Guil. Cordallo ordinis Equestris, & ab Archivis nuper positum, ad *Sudbury*, id est, *Australis Burgus*, accedit *Stowus*, & fere circumlambit, quem hujus agri quondam præcipuum fuisse, & ratione Norwici, id est, *Vicus Septentrionalis*, hoc nomine signatum credunt. Nec dum vicinis inferior censi æquo animo ferat. Est enim populosus, & pannis conficiendis opulentus, *Majoremque* pro summo magistratu habet qui singulis annis ex *Aldermannis* septem eligitur. Haud multum hinc abest *Edwardston* non magni nunc nominis, sed quæ olim Dominos & incolas summi honoris habuit de *Monte Canisio*, vulgo *Mont-Chensy* dictos, è qua familia Guarinus duxit filiam & unam hæredum potentissimi illius Guilielmi Marescalli Comitis Penbrochiæ, atque ex illa suscepit Ioannam fi-

liam, quæ maritum Guilielmum de *Valentia* è familia Lusigniana in Gallia Comitis Penbrochiæ titulo adauxit. Guarinus autem ille *Mont-Chensy*, ut vir erat honoribus amplissimis, ita fortunis maximis, adeo ut Angliæ Crassus eo seculo haberetur, *Testamentum enim ejus ad ducenta millia Marcarum transcendit*. Post pauca milliaria *Bretono* fluviolo augetur *Stour*, qui non longo decursu duo alluit antiqui nominis oppida. Ad fontes *Bretenham* cernitur, oppidulum exile, ubi vix ulla urbis facies videtur, quod tamen COMBRETONIVM esse, cujus hoc in tractu Antoninus meminit, nominis tum affinitas, tum significatio persuadet. Vt enim *Bretenham* Anglis domum vel mansionem ad *Bretonum*: sic *Combretonium* Britannis *vallem*, aut depressiorem ad *Bretonum* locum denotat. Sed hæc perperam in Peutegerianis schedis COMVETRONVM, & AD COVECIN dicitur. Hinc parum ad Ortum *Nettlested* conspicitur, unde *Vventworthi* fuerunt, quos Baronum dignitate ornavit Rex Henricus Octavus: vicinumque est *Offton*, id est *Offe* Regis Merciorum oppidum, ubi in colle argillaceo rudera jacent antiqui castris quod *Offam* posuisse ferunt, cum *Ethelbertum* Eastanglorum regem scelerate sustulisset, ejusque regnum occupasset. Infra hanc *Hadley*, Saxonice *heagle* sedet, laneis pannis conficiendis hodie insigne. Ab historicis nostris olim memoratum, quod *Guthrum*, sive *Gormo* Danus hic sit sepultus. Cum enim *Alfredus* illum eo adigisset, ut Christo nomen daret, & baptismum susciperet, has Orientalium Anglorum regiones illi assignavit, ut (authoris mei verbis utor) *sub fidelitate regis jure foveret hereditario, quas pervaserat latrocinio*.

Hinc *Bretonus* petit *Stour*, qui confociatis aquis non longe à *Bentley* ubi *Talmachi* generis claritate & vetustate insignes longo sane tempore effluerunt, defluens post pauca milliaria, prope *Arwerton* olim claræ familiæ *Bacconorum*, nunc *Parkerorum* ædes, qui paternam originem à Baronibus *Morley*, maternam à *Calebropis* celebri in primis familia genus deducunt, Oceanum subit; ipsoque ostio, *Orwell* sive *Gipping* fl. una evolvitur. Hic in ipso quasi agri umbilico exoritur: è duobus fontibus, altero prope *VVulpett*, altero ad *Gipping* viculum. *VVulpet* oppidum est mercatorium & Latine sonat *Luporum fossa*, si Neubrigensi credamus, qui non minus speciosam fabellam de hoc loco contexuit, quam sit ipsa *Luciani* vera narratio: nimirum duos pusiones colore viridi, ex Satyrorum genere, longo per subterraneos meatus itinere confecto, ex altero terrarum orbe, scilicet ab Antipodibus, & terra *S. Martini* hic emerisse. de quibus si plura velis, ipsum auctorem adeas, qui tibi, ut inquit ille, omnibus risionibus ridenda propinabit. Nescio an hic memorem in quam vanam spem auri inveniendi ad *Norton* vicinum cupiditas credula Regem Henricum Octavum pellexit: sed suffossiones loquuntur. Inter *Gipping* vero & *VVulpett*, in edito colle supersunt vestigia antiqui castris *Havghlee*, quod duo plus minus jugera complectitur. Hoc nonnulli Castrum *Hagoneth* dictum esse contendunt, quod fuit Radulphi de *Broc*, & MCLXXIII à Roberto Comite Leicestrensi captum & subversum.

Ad

Augy.

Guil. Gemiticenis lib. 7, c. 37.

Rob. Montensis.

Duces Clarentiæ.

1421.

Sudbury.

Edwardston. Barones de Mont-Chensy.

Minor histor. Matth. Paris.

Combretonium.

Bretenham.

Barones Wentworth.

Hadley. Guthrum; sive Gormo Danus.

Bentley.

Arwerton.

Wulpet.

Norton.

Hagoneth.

Tenura lepida.

Ipswich.

Waleton.

Langerston.

Ad eundem fluvium cernuntur *Stow & Needham* mercatoria oppidula, nec procul à ripa *Hemingston*, in qua tenuit terras Baldwinus *Le Petzour* (notato mihi nomen) per *Seriantiam*, loquor ex antiquo libello, pro qua debuit facere die natali Domini singulis annis coram Domino Rege Angliæ, unum saltum, unum suffletum, & unum bumbulum, vel ut alibi legitur, per saltum, sufflum & petrum, id est si intelligo, ut saltaret, buccas cum sonitu inflaret, & ventris crepitum ederet. Ea fuit illorum temporum aperta & læta hilaritas. Notaturque quod ad hoc feodum *Manerium* de *Langhall* spectavit. Propius ostium *Ipswich*, olim *Gippewich* urbiculum humiliori situ vidimus, quæ hujus Comitatus quasi ocellus, portu satis commodo, vallo & agere olim præmunita, mercimoniis frequens, magna habitatorum multitudine referta, templis quatuordecim ornata, ædibus amplis & magnificis exulta. Quatuor religiosorum ædes, nunc everfas prætermitto, & collegium magnificum quod inchoavit Thomas Wolsæus Cardinalis hic ex lanio natus, cujus vastus animus nimis alta semper spiravit. Corpus Politicum (ut accipi) constat ex duodecim Burgenfibus (*Portmen* vocant) è quibus pro summis magistratibus quotannis eliguntur duo *Ballivi*, totidemque *Iusticiarii*, ex *xxiiii* aliis. Quod ad antiquitatem attinet, quantum observare potui, nomen ante Danicam irruptionem, quam experta fuit, non auditum. Anno Salutis *DCCCCLXXXI* Dani tanta immanitate hunc locum, & omnem maritimam regionem deprædati sunt, ut Siritio Archiepiscopo Cantuariensi, & Angliæ proceribus pacem ab illis decem librarum millibus redimere consultissimum videretur. Nihilominus vix nonus agebatur annus, cum hoc oppidum iterum diripuerint, statimque Angli prælio fortiter eos exceperint, sed unius (ut habet *Huntingdonensis*) *Turkilli* meticulosa fuga, (levibus enim momentis maximæ fiunt in bello inclinationes) nostris in fugam coniectis, victoria è manibus exiit. Edwardo Sancto regnante, ut est in *Censuali Angliæ Commentario*, *De hac Regina Edeva* duas partes habuit, & Comes Guert tertiam partem, *Burgenfisque* erant *DCCC*, reddentes consuetudinem Regi. Cum vero Normanni Angliam occupassent, castrum hic erexerunt, quod contra Stephanum usufructuarium Angliæ regem Hugo *Bigod* aliquandiu propugnavit, sed demum dedit: hoc nunc ita disparuit, ut rudera non supersint. Sunt qui volunt fuisse in parochia proxima de *Vestfeld*, ubi rudera castræ cernuntur, & olim vetus *Gippwis*, ut ferunt, confedit. Demolitum tunc credimus, cum *Valeton* castellum vicinum solo complanaret Henricus Secundus. Hoc enim seditiosis perfugium erat, & ad hoc exposita tria millia Flandrorum, quos in illum evocaverant Angliæ proceres, cum Henricum filium immaturo consilio æquata potestate regem designasset; juvenisque, cui inter præcipitium & summum nihil medium erat, regnandi cupiditate furens, nefarium in patrem bellum indixisset. Quamvis hæc castra jam evanuerint, littus tamen hoc satis defenditur immani dorso (*Langerston* vocant) quod per duo plus minus milliaria, ut inquit ille, summo mari non sine magno navigan-

tium periculo & terrore longe incumbit, usui tamen est piscatoribus ad pisces exsicandos, & spatiosum portum *Orwell* quodammodo præmunuit. Hæc ad Australem hujus agri partem.

Hinc incurvatum littus (hæc enim plaga Orientalis tota mari obversa est) in Septentriones procurrens, mox * *Debeno* fluvio se aperit, qui fontes habet juxta *Mendlesham*, cui jus mercatus, & Nundinarum ab Edwardo Primo loci Dominus *H. Fitz-Orto*, sive filius *Othonis* sculptoris cuneorum acquisivit, per cujus hæredes non minima possessio ad *Boutetorts* Dominos de *Vily* in Wigornienfi Comitatu decidit, & ab illis denuo regnante Richardo Secundo ad *Eyewill*, *Burnell*, & alios. Hic *Debenus* fl. primum affunditur & nomen facit *Debenhamia* mercatorio oppidulo, (quod *Debenham* alii rectius dici volunt) quod ex argillaceo & humidiori solo viæ circumquaque sunt profundiores & impeditiores. Inde defluit per *Vfford* Roberti de *Vfford*, Suffolciæ Comitis quondam sedem, & huic altera ripa oppositam *Rendelisham*, id est, interprete Beda, *Rendili mansio*, ubi Redwaldus Orientalium Anglorum Rex plurimum egit, qui primus ex sua Gente Baptismatis fonte Christo renatus erat: postea tamen ab uxore seductus in eodem fano & altare, ut inquit Beda, ad Christi religionem, & arulam ad Demoniorum victimas habuit. Swidelmus etiam Rex Orientalium Anglorum à Cedda episcopo postea hoc loco sacro baptismi lavacro fuit ablatus.

Hinc *Debenus* fl. ad *VWoodbrig* descendit, oppidulum nitidis ædificiis excultum, ubi statis temporibus Conventus pro libertate S. Etheldredæ habentur, & post pauca emensa milliaria ab Oceano ab *Bawdsey* portum suscipitur.

Iam littus sensim in ortum proreptans ad *Orifluminis* ostium, quod juxta *Framlingham* quondam *Bigodorum* castrum profunditur, statimque ad occidentum ejus latus quasi in lacum diffunditur. Castrum hoc est pulcherrimum, aggere, fossa, & muro magnæ crassitudinis, in quo tredecim turres, firmatum, interiusque ædificiis in usum commodissimis instructum. Hinc anno Salutis *MC LXXIII*, cum seditiosus filius Regis Henrici Secundi in patrem arma caperet, Robertus Leicestriæ Comes cum mercenariis Flandris late regionem infestavit. Hinc etiam anno *MD LIII* Maria Regina regnum auspicata est frendente contra Henrici VIII filias Northumbriæ Duce Dudleio. *Parrham* oppidulum deinde flumen accedit, cujus Dominum Guilielmum *VVilloughby* Baronis dignitate ornavit Rex Edwardus Sextus, & postea *Glemham*, quæ vetustæ & celebri familiæ nomen imposuit, præterlapsus ad *Oxford*, cui nomen facit, in mare descendit. Amplum & frequens hoc fuit oppidum, castrumque è rufescente saxo munitum, quod olim ad *Valoinios*, & postea ad *Willoughbæos* pertinuit, sed de Oceani ingratitude hodie conqueritur, qui sensim se subducit, & portus commoditatem invidere cœpit: nec aliud est quod de *Oxfordia* dicam, nisi placeat hæc paucula Radulphi de *Coggeshall* vetusti scriptoris verba percurrere, Tempore Henrici Regis, cum Bartholomæus de *Glanville* custodiret castellum de *Oxford*, contigit ut piscatores hominem sylvestrem inter retia sua comprehenderent, qui speciem

Yyy 2

huma-

Tenura
lepida.

Ipswich

Waleton.

Langer-
ston.* Thred-
ling alii
vocant.Boute
tort.Rendelish-
ham.* Winchell
alii dici-
tur.
Fram-
lingham.Parrham.
Barones
Willough-
by de
Parrham.
Oxford.

humanam omnibus membris prætendebat, capillos habebat, barbam prolixam, & pineatam, circa pectus nimium pilosus erat & hispidus, qui tandem clam aufugit ad mare & nusquam comparuit. Vt verum sit, quod vulgus dicit: Quicquid nascatur in parte naturæ ulla, & in mari esse: & non omnino commentitium, quod de Tritone in Lusitaniæ littore, & marino homine in freto Gaditano scripsit Plinius.

Non multo superius tuto & peramœno situ interjacet inter vallem *Slaughden*, qua mare ab Ortu diverberat, & flumen ab Occasu, *Aldburgh*, id est si interpreteris, *Burgus antiquus*, vel ut alii volunt *Burgus ad Ald fl.* statio nautis & piscatoribus satis commoda, & inde satis frequens, Oceanum, qui aliis hac ora oppidis infestior, propitium agnoscit. Iuxta cum ex cœli injuria segetum spicæ per Angliam anno M D LV suffocatae essent, pisa nulla terra circumfusa inter saxa, Autumno ineunte, non sine miraculo enata, annum laxasse ferunt incolæ. Prudentiores, legumina naufragiis in littus rejecta subinde illic renasci solita esse referunt, ut nullus sit miraculo locus. Verum hujusmodi sua sponte quotannis inter scrupos in Cantii littore enasci jam ante diximus.

Hinc littora legentes ad x milliæ *Dunwich* offendimus, Anglo-Saxonice *Dunmoe*, cujus Beda meminit, ubi *Fœlix Burgundus*, qui Orientales Anglos à Christo deficientes ad fidem reduxit, anno Salutis D C XXX episcopalem sedem fixit, ejusque successores non paucis annis universæ Orientali Angliæ præfuerunt. Sed Bisus à Fœlice quartus, cum ætate ingravescente, & adversa valetudine, tantæ provinciæ minime par esset, in duas sedes divisit: altera vero in hac permansit, alteram in *North Elmehom* oppidulo constituit. Rege Guilielmo Primo regnante,

* Halecum.

CC XXXVI *Burgenses* habuit, pauperes 100. valebat 50 libras, & sexaginta * allectum de dono: sic in Censuali Angliæ tabula legitur. Superiori sæculo fuit hæc civibus frequens, & officina monetaria celebris, & Henrico Secundo regnante, ut scribit Guilielmus Neubrigensis, vicus insignis, variis opibus refertus. Quo tempore, cum novis motibus arderet Anglia, ita munita erat, ut terrori fuerit Roberto Leicestrensi Comiti, qui has partes late perfultabat. Nunc vero peculiari naturæ invidia, quæ sine ullo fine maris aviditati indulget, fluctuum violentia maximam partem abrepta, & Episcopis multa ante secula sedem suam alio transferentibus, in solitudinem quasi redacta jacet. Paulo superius *Blith* flumen se in mare exonerat, ad cujus ripam exiguum oppidulum *Blithborow* vidimus, quod non alio, quam sepultura Annæ regis Christiani nomen meruit, quem Penda Mercius justo prælio interfecit. Ecclesia Canonorum collegio illustrata fuit à Rege Henrico Primo, qui eandem S. Osthæ Canonicis concessit. Mercatum habet beneficio Ioannis Domini *Clavering*, cui hoc jus cum nundinis Rex Edwardus Secundus dedit. Luculentum sane ille patrimonium hoc in tractu habuit; utique genus à filia & hærede Guilielmi de *Casinetto*, sive *Cheney* duxit, qui Baroniam de *Horsford* in Comitatu Norfolciæ tenuit, & Monasteriolum ad *Sibton* erexit.

Blithborow.

Regist. Mon. de Sibton.

Procurrit hic longius in Ortum projectum promontorium *Easton-ness*, quod totius Britanniae maxime Orientale judicatur, Ptolemæo *Ἐξοχή*, sive EXTENSIO dicitur. Et ne dubites hoc esse quod nos *Easton* vocamus, noveris *Eysteney* idem esse Britannis, quod Græcis *Ἐξοχή*, & Latinis Extensio, quamvis & hoc nomen æque probabiliter nostra lingua à situ Orientali inditum videatur. In Australi parte hujus promontorii *Southwold* in planitie, mari littore aperto obiacet, oppidum non infrequens portus beneficio, quem *Blith fl.* ibi se exonerans præbet, & accedente æstu ita undis circumfusus ut insula videatur & non esse superfusus mireris. Adeo ut illud Ciceronis in mentem mihi revocarit. Quid æstus maritimi Hispaniensis & Britannici, eorumque certis temporibus vel accessus, vel recessus? sine Deo fieri non possunt, qui suos undis circumscripsit limites.

Extensio Promontorium. Easton-ness.

Lib. 3. de natura Deorum.

Interiorius *Wingfeild* cernitur, ubi semiruta mœnia castri cernuntur, quod familiæ in hoc tractu numerosæ, & equestri gloria & antiqua nobilitate admodum insigni nomen fecit, sedesque fuit: & *Dunnington* quæ suum Dominum Ioannem *Phelipps* ostentat, patrem Guilielmi illius qui in uxorem duxit filiam & hæredem Baronis *Bardolph*, ejus itidem filiam & hæredem Ioannes Vicecomes *Beaumont* in conjugem accepit. Sed nunc veteris familiæ *Roussorum* est habitatio. Nec multum hinc abest *Huntingfeild*, qui Baronem eo nomine notum, Edwardo Tertio regnante, habuit, & huic vicinum *Heveningham* sedes equestris familiæ de *Heveningham*, quæ admodum vetustam repetit originem, parumque abest *Halefworth*, quondam *Healfworda* antiquum *Argentoniurum*, nunc *Alingtoniurum* oppidum, cui Richardus *Argenton* jus Mercaturæ à rege Henrico Tertio impetravit.

Wingfeild

Phelipps.

Huntingfeild. Henningham.

Halefworth.

A Septentrione duos fluviolos, *Onse* scilicet minorem, & *Waveney*, hanc provinciam à Norfolcia disjungere diximus, qui è palustri loco ad *Lophamford* fontibus parum inter se disparatis emanantes, in diversa per vadosos sinus cursus agunt. Ad *Onse*, qui in Occasum fertur, nihil memoria dignum hac in parte se exhibet. Ad *Waveney*, qui in Ortum tendit, primum *Hoxon*, olim *Hegildon* cernitur, martyrio Edmundi regis nobilitatum. Ibi enim Christianissimum regem quod Christo non renuntiaret, immanissimi Dani (ut Abbonis verbis utar) ad arborem religatum toto corpore sagittarum telis confodiunt, multiplicantes acerbiter cruciatus crebris telorum jactibus, quum vulnera vulneribus imprimebant, dum jacula jaculis locum dabant. Atque ut medii temporis Poëta de illo cecinit,

Iam loca vulneribus defunt, necdum furiosis Tela, sed hyberna grandine plura volant.

Quo loco postea ædes erant Episcopi Norwicensis admodum elegantes, donec illi pro monasterio S. Benedicti non ita pridem commutarent. In proximo ad *Brome* longo jam tempore habitavit equestis familia *Cornwalleys*, ex quibus Ioannes fuit Seneschallus familiæ Edwardi Sexti principis, & Thomas ejus filius, qui ob prudentiam & fidem fuit à consiliis Mariæ Reginae, ejusque aulae *Contrarotulator*. Inferius *Eay* sedet, id est, *Insula*, sic dicta, quod sit undique aquis irrigua, ubi monasterii S. Petro sacri, & vetusti castri, quod ad Robertum *Mallet* Normannicum Baronem

Cornwalleys.

Eaye.

Libertat. quistionum.

Bedingfeld.

Flixton.

Bunge.

Mettlingham.

Luthland.

Lefton.

Somerton.

Croft.

Liber In-
quisitio-
num.Beding-
feld.

Flixton.

Bungey.

Metting-
ham.Luthing-
land.

Lestoffe.

Somerley.

Cnoberi
urbs.

nem spectavit, rudera, ruinæ, & hinc inde fati-
scentia mœnia ostenduntur. Cum autem ille sub
Rege Henrico Primo dignitate excidisset, quod
à Roberto Normanniæ Duce contra Regem ste-
terit, Rex hunc *Honorem* Stephano Comiti Bo-
noniensi donavit, qui postea Rex Angliæ usu
fructuarius, filio Guilielmo *VVarenia* Comiti re-
liquit. Cum autem ille in expeditione Tholosa-
na periisset, Reges ipsi occuparunt, donec Rex
Richardus Primus Henrico ejus nominis quinto
Brabantia, Lotharingia Duci cum nepti Ste-
phani Regis è filia (quæ Monialis fuerat) dederit.
Longo post tempore cum jam ad Reges An-
gliæ recidisset, Edwardus Tertius Roberto de
Vfford Suffolciæ Comiti (ut accepi) contulit. Nec
tacendum *Bedingfeld* in proximo, quod claræ & ve-
tustæ familiæ nomen indidit, quæ plurimum cla-
ritatis ab hærede familiæ de *Tudenham* accepit.
Inde per *Flixton* pro *Felixton*, à Felice primo Epi-
scopo, ut multa alia in hoc agro, denominatum;
ad *Bungey* decurrit *VVaveney* fluvius, & quodam-
modo circumfundit, ubi castrum & arte, & na-
tura firmavit Hugo *Bigod* cum seditionum quasi
tempestate Angliam agitarent seditiosi Barones.
De quo quasi inexpugnabili ille gloriari solitus,

VVere I in my Castle of Bungey

Vpon the river of Waveney,

I would ne care for the king of Cockeney.

Nihilominus postea, ne deleteretur, grandi pec-
unia, & obsidibus datis ab Henrico Secundo
redemit. Inde haud multum à ripa, *Mettingham*
cernitur, ubi in planitie castrum quadratum, &
in eo Collegium extruxit loci Dominus Ioannes
cognomine de *Norwich*, cujus filiam & tandem
familiæ hæredem Robertus ille de *Vfford* Suffol-
ciæ Comes in matrimonium cum lauta hæredita-
te accepit.

Iam *VVaveney* mare propius accedens, dum du-
plicem in Oceanum viam sibi frustra molitur,
alteram cum *Gariene* fl. alteram per lacum *Luthing*,
peninsulam effecit non exiguam, quam alii
Lovingland, alii *Luthingland* verius vocant. A *Luthing*
lacu longo & diffuso, qui à littore Oceani orsus in
Gariene fl. emittitur. In cujus ingressu *Lestoffe*
angustius oppidulū mari impendit, in exitu *Gorlston*,
ubi diruti cœnobioli turrim vidimus, quæ ali-
cubi est usui navigantibus. Introrsum ad *Gariene*
nem sedet *Somerley*, habitatio olim, ut mihi retule-
runt, *Fitz-Osberti*, à qua ad equestrem & claram fa-
miliam *Ierneganorum* devenit. Superius, ubi *Gariene*
& *VVaveney* aquas commiscunt suas, *Cnoberisburg*,
id est, (interprete Beda) *Cnoberi urbs* floruit, nos
Burghcastell hodie vocamus. Quod (ut inquit Be-
da) *sylvarum & maris vicinitate amœnissimum erat ca-
strum, in quo monasterium à Fursæo Scoto extructum*, cu-
jus suafu Sigebertus Rex Orientalium Anglo-
rum vitam monasticam amplexatus se regno ab-
dicavit, qui postea ex hoc monasterio invitus ex-
tractus, ut suis animum in prælio contra Mercio-
s adderet, una cum suis interiit. Nunc eo loci
solummodo sunt lacera mœnia, quadrata quasi
forma, è filice & lateribus Britannicis constru-
cta, omniaque vepribus & dumis obsita, inter
quæ Romanorum numismata subinde eruuntur:
adeo ut ex munimentis illis videatur, quæ ad
Saxonum piraticam propulsandam ad *Gariene*
Britannia.

nem flumen statuerunt Romani: vel potius ipsum
GARIANO NVM, ubi Stablefiani Equites stati-
onem habuerunt.

Comites & Duces habuit Suffolcia variis fa-
miliis. Sunt recentiores qui *Glanvillo* hoc titulo
olim inclaruisset produnt, sed cum nulla certa ni-
tantur autoritate, quia error obviis, & in pu-
blicis regni tabulariis nihil de illis comperi, do-
nec certius docuerint, ignoscant, si non credide-
ro. Interim tamen *Glanvillorum* familiam in hoc
tractu admodum insignem fuisse agnosco. Nec
ante Regis Edwardi Tertii tempora aliquem ti-
tulo Comitis hujus provinciæ ornatum hæte-
nus ex testibus fide dignis didici. Ille autem Ro-
bertus de *Vfford*, virum multa domi bellicque
gloria, filium Roberti Seneschalli Aulae Regiæ
sub Edwardo Secundo, è Cecilia de *Valoniis* Do-
mina de *Orford*, Suffolciæ Comitem dixit. Huic
successit filius Guilielmus, cujus cum quatuor
filii præmatura morte ipsi superstiti prærepti es-
sent, & ipse subitanea morte in Comitibus Parla-
mentariis dum sententiam *Communitatis regni* re-
laturus esset expirasset, Robertusque *V Villoughby*,
Rogerus Dominus de *Scales*, & Henricus de *Ferra-*
riis de *Grobby* propinquiores ejusdem hæredes hæ-
reditatem divisissent: Richardus Secundus Mi-
chaëlem *De-la-Pole* è mercatore ad hunc titu-
lum, & dignitatem Cancellarii Angliæ prove-
xit. Qui *mercimoniis magis, utpote mercator mercatoris*
filius, quam militia occupatus, ut habet Tho. Walsin-
gham. Filius enim ille fuit Guil. *De-la-Pole* qui
primus fuit Major *Kingstoni super Hull*, & ob opes
Baneretti dignitate ab Edwardo III ornatus. Sed
quum tot prosperis confluentibus hominis inge-
nium tantæ fortunæ minime capax esset, solum
vertere coactus extorris obiit. Nec nobilitati
hujus derogat mercatura, nobilium enim filios
mercaturæ operam dedisse quis ignorat? Nec
inficiabor illum quamvis mercatorem nobili ge-
nere fuisse ortum. Michaël ejus filius restitutus
genuit Michaëlem prælio Agincortensi cæsum,
& Guilielmum, quem Henricus Sextus ex Suf-
folciæ Comite, primum Suffolciæ Marchionem
creavit, sibi & hæredibus masculis de corpore suo. Et quod
ipse & hæredes de corpore gestent auream virgam in sui
summitate columbam habentem in die coronationis Regum
Angliæ, & virgam ejusmodi eburneam in coronatione
Reginarum Angliæ. Postea eundem optime meri-
tum ad honorem & titulum Ducis Suffolciæ
evexit. Vir sane erat ille magnus, & eximius,
cum pater enim & tres fratres vitam Gallico
bello patriæ fortiter profudissent, ipse, ut habe-
tur in Tabulis Parlamentariis *xxviii* Henrici
Sexti, in eodem bello rotos triginta quatuor an-
nos militavit, annos septemdecim continuos è
militia domum non reversus, semel captus, cum
adhuc tantum ex Equestri esset ordine, viginti
millia librarum monetæ nostræ ad se redimen-
dum dependit, Regi fuit à consiliis annos quin-
decim, & Garteriani Ordinis focus annos tri-
ginta. Hinc ut maxima apud principem gratia,
ita ob id majori apud plebem flagravat invidia,
& leviculis de causis, quæ parum liquebant, in
exilium actus, dum Galliam peteret ab adversa-
riis in mari interceptus, securique percussus.
Filium reliquit ille Ioannem, qui Edwardi Quar-
ti so-

Suffolciæ
Duces &
Comites.Inq. 5.
Rich. 2.*Lelandus
in Com. in
Cyneam
canto-
nem.Walsin-
ghamius
pag. 358.
Regist.
Mon. de
Melfa. Vi-
de Hullum
in Comi-
tatu Ebor.

ei sororem in uxorem duxit, genuitque ex ea Ioannem Lincolniae Comitem, qui cum regni hæres à Richardo Tertio declaratus fuisset, ambitio ejus se continere non potuit, quæ illico prorupit contra Henricum Septimum ad suam ipsius perniciem, qui bello intestino statim cecidit, ad patris interitum, qui dolore confectus animam edidit, & totius familiæ ruinam, quæ simul extincta concidit. Edmundus enim ejus frater, qui Suffolciæ Comes dictus, in Henricum Septimum, qui poenitentia sapius quam poena contentus ipsi criminum gravissimorum gratiam fecerat, in Flandriam profugus res novas moliri coepit, sed paulo post in manus Henrici, qui vitam sancte promisit, à Philippo Austriaco Burgundiæ Duce, contra jus hospitii (ut tunc clamitarunt) traditus, in carcerem conditus; & ab Henrico Octavo, qui patris promisso se teneri non existimavit, cum Galliam primum cogitaret, ne ipso absente aliquid domi turbaretur, morte affectus. Richardus tamen frater ejus junior in Gallia exul Ducis Suffolciæ titulum usurpavit,

qui ultimus quod scio, ex hac stirpe masculus in Papiensi prælio, quo Rex Galliarum Franciscus Primus captus, MDXXIII, strenue inter confertos hostes occubuit. Cui ob virtutem ipse hostis Dux Burbonius funus fecit apparatissimum, atratusque interfuit. Postea vero Henricus Octavus Carolum *Brandon*, cui Mariam ejus sororem Lodovici XII Galliarum regis viduam in uxorem dederat, Ducis Suffolciæ titulo ornavit, cui successit Henricus filiulus, & illi Carolus frater, quibus sudore Britannico anno MDLI extinctis, Henricum *Grey Dorcestriæ* Marchionem, qui Franciscam eorum sororem duxerat, Edwardus Sextus eo titulo adauxit, sed ille non diu usus, ob affectatum pro filia regnum sub Maria regina obtruncatus, Suffolcienfium Ducum erat ultimus. Jam inde jacuit Suffolciæ titulus, donec nuperrime Iacobus Rex Thomam Baronem *Howard de Walden*, Thomæ *Howard* Ducis Norfolciæ filium secundogenitum quem sibi à cubiculo ob perspectam fidem & virtutem constituerat, Anno Regni sui primo Suffolciæ Comitem creaverit.

Habentur in hoc agro Paræcia 575.



N O R T H - F O L K E.



Northfolcia, vulgo Northfolke, id est, si Latine interpreteris, Borealis populus, Suffolciæ ad Boream præten- ditur, à qua duobus illis, quos di- xi, fluviolis Ouse minimo, & VVa- veneio in diversa fluentibus sejun- gitur, ab Euro & Septentrione littora magno fremitu diverberat Oceanus Germanicus, qui admodum piscosus, à Zephyro Ouse major, flu- men divortiis suis ludens à Cantabrigiensibus se- cludit. Regio est ampla, fere omnis campestris, nisi qua faciles assurgunt colles, admodum opu- lenta, ovium gregibus refertissima, cuniculique inprimis ferax, & populosis pagis distincta pluri- mis (præter oppida enim mercatoria xxvi, vil- las, & pagos sexcentos viginti quinque exhibet) aquis irrigua, sylvis non omnino indiga. Solum pro locorum diversitate varium, alicubi pingue, luxurians, & succulentum, scilicet in *Mersland*, & *Flegg*; alibi, maxime qua Occasum spectat te- nue, leve, & sabulosum, alibi argillosum, & cre- taceum. Verum soli bonitatem vel ex eo colli- gas, unde Varro colligere jubet, quod incolæ optime niteant, ut taceam ingenia versutissima, & in jure nostro municipali acerrima; adeo ut fœcundissima Jurisconsultorum alitrix & olim, & nunc habeatur, atque etiam ex infima plebe non pauci reperiantur, qui, ut ait ille, si nihil sit li- tium, lites tamen ex juris apicibus ferere calle- ant. Sed ne dum brevis esse velim, digressioni- bus longior fiam; ab his ad loca stilum conver- tam, & ab Australi latere exorsus, potiora & anti- quiora paucis percurram.

Sitoma-
gus.
Thetford.

Magus.

Ad Ouse minimum, ubi *Thet* fluviolus è Suffol- cia profusus confluit, loco inferiori apponitur vetusta illa quam memorat Antoninus Vrbs SI- TOMAGVS, corrupte in antiquæ Tabulæ fra- gmentis SIMOMAGVS, & SINOMAGVS, nunc *Thetford*, Saxonice *Deotford*, manente pri- oris nominis parte cum Germanica adjectione, quæ *Vadum* sonat. Ut enim Sitomagus Britanni- ce urbem ad *Sit fl.* qui nunc *Thet*, denotat (*Magus* etenim urbem significasse docet Plinius) sic *Thet- ford* Anglice *vadum Theti* denotat, nec multum absonant hæc nomina *Sit* & *Thet*. Raris nunc est habitatoribus, licet satis ampla, olim vero fre- quens & celebrata, & præter alia vetustatis indi- cia, molem ostendit in magnam altitudinem ag- gestam, duplicique vallo munitam, & mœnibus, ut ferunt, olim firmatam, quam Romanorum fuisse opus credunt nonnulli, vel potius Saxoni- corum regum, ut volunt alii, sub quibus longo tempore fuit florentissimum. Sed Sueni Dani- rabie, qui anno MIIII igni dedit, & VI post an- no novo Danorum furore direptum dignitatem amisit omnem. Ad quam restituendam Arfautus Episcopus sedem Episcopalem *Elmhams* huc tran- stulit, & qui huic subrogatus Guilielmus ad eam exornandam nihil non fecit, adeo ut sub Rege Edwardo *Confessore* Burgenfes censerentur DCCCC XLVII, & Guilielmi *Conquestoris* tempore DCCXX *Mansura*, quarum CCXXIIII fuerunt vacuæ, *Britannia*.

summusque Magistratus Consul diceretur. Ve- rum cum Herbertus cognomento *Losenga*, quoniam totus ex adulatione compositus, qui tertius malis artibus, & pretio in hunc hono- rem irrepsit, cathedram hinc *Norwicum* depor- tasset, quasi confecta, iterum elanguit: nec Cluniacensium cœnobio quod illius opera ex- structum, Episcopi absentiam solari potuit. Cœ- nobium autem illud extruxit Hugo *Bigod*. Sic enim ille in foundationis autographo scribit, *Ego Hugo Bigod Dapifer Regis Henrici, ipso concedente, & consilio Herberti Episcopi Norwici constitui monachos Clu- niacenses in Ecclesia S. Maria, quæ fuit sedes Episcopalis Thetford, quam eis dedi, & postea fundavi aliam magis idoneam ad usus ipsorum extra villam*. Tunc tamen maxima pars urbis, quæ in citeriori ripa fuerat, paulatim concidit, altera pars licet multum de- creverit, ante unum tamen & alterum sæculum septem templis, præter tria monasteriola, efflo- ruir, quorum alterum constructum ferunt in me- moriam Anglorum & Danorum qui hic occu- buerunt. In proximo enim historici nostri Ed- mundum illum sanctissimum Regem paulo ante interitum, horis amplius septem cum Danis non sine horrenda strage dimicasse produnt, & æquo Marte tandem discessisse: ita utrisque alternans belli fortuna omnem sensum excusserat.

Ad *VVaveney*, qui alter est è fluviis limitaneis, & in Ortum fertur, haud procul à fontibus *Buc- kenham*, & *Keninghall* visuntur. Hoc, cui ab Ice- nis nomen relictum videatur, honoratissimæ *Ho- wardorum* familiæ sedes est, quorum gloria major est, quam quæ à *Bucchanani* invidia infringatur. Illud vero, cui à fagis, quas *Bucken* Saxones voca- runt, nomen factum existimo, castrum est longe pulcherrimum & munitissimum, quod à Guiliel- mo D' *Aubigny* sive *Albino* Normanno, cui *Conqua- stor* dederat, conditum, per ejus posteros, qui *Arundeliæ* Comites erant, ad *Tatfallos*, & ab illis per *Caley*, atque *Clifftrons* ad *Knevettorum* familiam tandem descendit. *Knevettorum* hæc perverusta est familia, & jam inde à Ioanne *Knevett* Angliæ sub Edwardo Tertio Cancellario clarissima, & magnis nuptiis honorata quasi ramos longe dif- fudit. Præter enim hos de *Buckenham*, hinc orti sunt clarissimi Equites *Henricus Knevett de Wilt- shire*, & *Thomas Knevett de Ashelwell-Thorp*. Oppi- dulum illud est vicinum quod à *Thorpis* jam olim equestris ordinis per *Tilncios* & Dominos *Bourchie- ros de Berners* tandem ad Thomam illum *Knevett* hæreditario est devolutum. Tenetur vero *Buc- kenham* illa ea lege ut domini sint pincernæ in inauguratione Regum Angliæ. Ut (nec alienum sit notare) in *Carleton* viculo adjuncto Radulphus de *Carleton* & alius quispiam, terras tenuerunt per servi- tium deferendi pastillos centum balecum de primis ad Domi- num Regem ubicunque fuerit in Angliæ. Verum fluvius hic statim *Disce* nunc *Dis* subluit oppidulum non ignotum, quod Rex *Henricus Primus* *Richar- do de Lucy* elargitus est, & ille statim in *Walterum Filium Roberti* transtulit cum filia, è cujus po- steris *Robertus Fitz-VValter* ab Edwardo Primo

Keninghall,
Bucken-
ham.


Knevetto-
rum fami-
lia.

Baro
Bourchier
de Berners.

Dis.

A a a

Merca-



Shelton.
Gariensis
fl.
Barones
de Rhia,
vel Hen-
gham.
Windham.
Attilbo-
rough.
Mortuo-
marii.
 Mercatum huic loco obtinuit. Inde quamvis *VVaveney* sit oppidis redimitus, ex illis tamen ne unum quidem vetustatis nomine gloriatur, nisi *Shelton* quod remotius est & antiquæ inprimis *Sheltonorum* familiae nomen impertiit: sed priusquam mare accedat, *GARIENI* flumini se admiscet, qui Britannis *Guerne*, Anglis *Gerne*, & *Iere*, ab alnis proculdubio sic Britannice dictis, quibus obumbratur. E medio hujus regionis emergit, non procul à *Gernston* viculo, quem denominavit, vicinumque habet *Hengham*, qui suos Barones de *Rhia* etiam dictos habuit, à Ioanne Marefcallo (nepote Guilielmi Marefcalli Comitis Penbrochia ex fratre) oriundos, cui Rex Ioannes terras Hugonis de *Gornaco* proditoris cum filia & cohærede Huberti Domini de *Rhia* contulit. A Marefcallis vero ad *Morleios*, & ab illis per *Lovellum* ad *Parkeros* nunc Dominos de *Morley* temporis vicissitudine transmigravit. *Skulton*, aliter *Burdos* dictum, parum hinc abest, quod eo jure tenebatur, ut Dominus in coronatione Regum Angliæ primarius esset, quem vocant *Lardiner*. Magisque ad Orientem *VVimundham* conspicitur, nunc contracte *VVindham*, sepultura *Albinciorum*, qui Comites *Arundellia*, clarum, quorum progenitor Guilielmus de *Albineio* Pincerna Regis Henrici Primi ecclesiam hic posuit, & Monasterio S. Albani in cellam dedit. In cujus sacra turri, quæ celsa surgit, Guilielmus *Kett*, altera fax *Norfolciensium* furorum, anno *M D X L I X* sublimi suspensus. Nec hic silendum, quod ad quintum milliare abest *Attilborough* antiquæ familiae *Mortuamariorum* sedes, qui alii ab illis de *Wigmor*, aureum clypeum liliis nigris inspersum gesserunt, & Collegiatam ecclesiam hic fundarunt, quæ jam disparuit. Horum hæreditas per matrimonium *Ratcliffis* nunc *Suffexiæ* Comitibus, familiae de *Fitz-Ranulph*, & Radulpho *Bigot* quondam accrevit. Sed ad flumen revertamur.

Venta Ice-
norum.
Caster.
Horsford.
Garienis autem ille non longum in *Subsolanum* cursum tenuit, cum *VVensum* rivulum (alii *VVentfar* vocant) ab Austro aquas suas infundat: ad quem prope fontes vallum est quadratum ad *Taiesborough*, quod continet acras *xxiv*. Romanorum videatur castrametatio, si non sit illud quod in antiqua Tabula Chorographica à M. Wellero edita *AD TAVM* dicatur. Superius ad eundem *VENTA ICENORVM* florentissima hujus populi olim urbecula sedit, sed nunc vetusto nomine amisso, *Caster* appellatur. Nec mirum ex tribus Britannia *Ventis* hanc solum nomen amisisse, cum se penitus amiserit. Præter parietinas enim quæ suo ambitu quadrato *xxx* plus minus jugera complectuntur, & habitati foli indicia, pauculosque Romanorum nummos jubinde fossoribus se exhibentes, nihil superest. Verum ex hac posterioribus sæculis ortum habuit *Norwicus*, ad tertium hinc lapidem, prope *Garienis* & alterius fluvii anonymi (*Baridenum* aliqui vocant) confluentes, qui longo decursu recurrentibus sæpe ripis fluxuosus hac *Garienem* per *Attilbridge* petit, & ad Boream *Horsford* relinquit, ubi vebridus & dumis sepultum jacet castrum Guilielmi de *Casinet*, sive *Cheney*, qui regnante Henrico Secundo, inter Angliæ proceres inprimis floruit.

Norwich.
Wic quid
Saxoni-
bus signi-
ficavit.
Augusta
Rauraco-
rum.
NORWICVS ista urbs celeberrima, nobis *Norwich*, Saxonice *Northwic*, id est, *Sinus Aquilonaris*, si *VVic* Saxonice fluminis sinum significet, ut docet *Rhenanus*: hoc enim loco sinuoso anfractu devolvitur flumen: vel *Statio Aquilonaris*, si *VVic* ut contendit *Hadrianus Iunius*, stationem securam, ubi conjunctioribus ædificiis habitatur, denotet; vel castellum Septentrionale, si *VVic*, castellum sonet, ut *Alfricus* noster Saxo affirmavit. Si vero *Norwic* à *Venta* deflexum cum quibusdam opinarer, quid aliud quam à veritate ipse me deflecterem? Nec enim alio jure sibi *VENTÆ* nomen arrogare potest, quam vel *Basilica AVGVSTÆ*, vel *Baldach BABYLONIÆ*; ut hæc etenim è *Babylonia*, illa ex *Augustæ* occasu exorta: ita *Norwicus* noster è *Venta* illa antiqua sero emicuit; quod Britannicum ejus nomen apud autores *Caer Guntum* probat, in quo, ut in *VVensum* sive *VVentfar* flu. *Venta* nomen se planissime prodit. Nec enim hoc vocabulum *Norwich*, ante bella Danica uspiam nostra legentibus sese offert. Tantum abest, ut vel *Cæsar*, vel *Guélinus* *Britannus* condiderit, quod fabulantur illi, qui omnia creduli amplectuntur, iudicii trutina nihil pensant. Verumenimvero nunc suis opibus, frequentia, ædificiorum elegantia, templorum pulchritudine, & numero (*Paræcias* enim plus minus *xxx* complectitur) civium sedulitate, in principem fide, in externos humanitate, inter celeberrimas Britannia urbes merito connumeranda. Ab *Æquatore* *LII* partibus, *XL* scrupulis, à *Fortunatis* insulis *XXIII* partibus *LV* scrup. peramæno situ in collis dejectu sedet, forma oblongiori, à meridie in Septentrionem mille quingentos passus protenta; latitudine autem dimidio minore, ad Meridiem se sensim quasi in conum contrahente. Moenibus validis (in quibus crebræ dispositæ turres, & undecim portæ) undique obseptæ, nisi ad Ortum qua flumen (cum sinuoso flexu quatuor pontibus pervium Septentrionalem urbis partem interluerit) profundo alveo, & præcipitibus ripis defendit. In ipsa hujus urbis quasi infantia, cum *Etheldredus* vir mentis & consilii inops regnaret, *Sueno Danus*, qui Angliam magnis copiis pervasit, primum diripuit, & postea injecto igne succendit. Revixit tamen, & ut in libro quo Angliæ lustrum condidit Guilielmus Primus tempore *Edwardi Confessoris*, *MCCCXX* *Burgenses* in ea numerabantur. Quo tempore, ut ex eodem libro loquar, reddebat *xx* libras Regi, & Comiti *x* libras, & præter hæc *xx* solidos, & *IIII* præbendarios, & *VI* sextarios mellis, & *ursum*, & sex canes ad *ursum*: modo vero reddit *Lxx* libras pensas Reperi, & centum solidos de *Gersuma Regina*, & *asturconem*, & *xx* libras blancas Comiti, & *xx* solidos de *Gersuma* ad numerum. Regnante autem Guilielmo illo, funestæ seditionis flamma, quam *Radulphus Eastanglia* Comes in regem accenderat, hic adhæsit. Cum enim ille fuga sibi consulisset, uxor cum Britonibus *Armoricanis* hoc in loco gravissimam usque ad extremam famem obsidionem sustinuit, quæ tamen eo demum adacta, ut solum verteret, & ita accisa hæc urbs ut vix *DLX* *Burgenses* relinquerentur, ut in illo *Censuali* libro legimus. De hac deditioe meminit in sua ad Guilielmum Regem

gem epistola Lanfrancus Archiepiscopus Cantuariensis his verbis, *Regnum vestrum purgatum est spurcitia Britonum, castrum Norwich redditum est, & Britones qui in eo erant, & terras in Anglica terra habebant, concessa eis vita cum membris, iuraverunt quod infra quadraginta dies de regno vestro exirent, & amplius sine vestra licentia in illud non intrarent.* Iam inde ex hoc calamitatum diluvio se paulatim recolligere cœpit, & Herbertus Episcopus, cujus fama ob Simoniacas sordes ad metas hæserat, Episcopale sedem *Thetfordia* huc transtulit, Ecclesiamque Cathedralam ad Orientalem, & inferiorem urbis partem, quam speciosam exædificavit, in loco prius *Cowholme* dicto, (juxta castrum) cujus primum lapidem ipse regnante Guilielmo *Rufo*, Anno à Christo nato MXCVI cum hac inscriptione posuit,

DOMINVS HERBERTVS POSVIT
PRIMUM LAPIDEM IN NOMINE
PATRIS, ET FILII, ET SPIRITVS
SANCTI. AMEN.

Postea à Paschali Papa procuravit *matricem Ecclesiam Norfolciæ & Suffolciæ* stabiliri & confirmari, prædiis munifice locupletavit quæ sexaginta Monachis alendis sufficerent, qui sua habuerunt claustra elegantissima. Verum illis exturbatis Decanus, sex Præbendarii, alique substituti. Ecclesia sic constructa & Episcopali sede posita, *Vicus* jam, ut inquit Malmesburienfis, erat *mercimoniis*, & *populi frequentia insignis.* Annoque decimo septimo, ut in antiquis membranis legimus, Regis Stephani, Norwicus de novo fundata, ut *villa populata*, & *Communitas facta*, Stephanumque Regem Guilielmo filio in *Appennagium*, ut vocant, sive hæreditatem concessisse è tabulis publicis certissimum. A quo statim Henricus Secundus extorsit, sibi que retinuit, quamvis Henricus ejus filius *Rex Junior* dictus, cum regnum affectaret, Hugoni *Bigod* Norfolciæ Comiti, quem in suas partes pertraxerat, prolixè pollicitus fuisset. *Bigodus* tamen Regis juvenis signa sequutus, qui regni spem oblatam intra juris & æqui terminos continere non poterat, hanc urbem gravissime afflixit: castrumque illud excelso colli juxta templum in ipsa urbe instaurasse creditur quod fossa immanis altitudinis incinctum, inexpugnabile ea ætate fuisse videbatur. Lodovicus tamen Francus, cujus in verba seditiosi Angliæ Barones contra Ioannem juraverant, facile deditione cepit. *Bigodum* vero hoc castrum restaurasse credimus, quod Leones salientes eadem forma in saxo exsculptos vidimus, qua usi sunt olim in sigillis *Bigodi*, è quibus etiam erat, qui cruce in sigillo usus fuit. Hæc in prima quasi Norwici ætate.

Subsequente vero sæculo maxima incrementa cepit, civibusque opulentissimis floruit, qui ab Edwardo Primo libello supplice in Comitibus Parlamentariis contenderunt, ut urbem suam mœnibus communirent, quod postea ad summam urbis firmitatem & dignitatem præstiterunt. Prætoresque pro Ballivis, quos prius habuerant, ut quotannis deligerent, anno MCCCCIII ab Henrico Quarto impetrarunt. Domum Civicam perpulchram in ipsa media urbe prope forum quod statis diebus omnibus ad vitam necessariis refertissimum est, extruxerunt. Et certe nonnihil Belgis debet, qui tyrannidem Ducis Al-

Britannia.

bani & sanguinarium Inquisitionis concilium pertæsi huc magno numero confluxerunt, & opificium levidensium quorundam pannorum primi intulerunt. Sed quid ego his immorer, cum hæc omnia, Pontificum historiam, magistratuum seriem, & perditissimi rebellis *Ketti* in hanc rabiem Alexander Nevillus vir natalibus, & literis clarissimus pulcherrime descripserit? Hoc tantum adjiciam, quod anno MDLXXXI aquas ex fluvio per tubulos instrumento Hydragogico in altissimas urbis partes subduxerunt cives. Dicam tamen hîc scribere possim tum Polydoro Virgilio Italo, tum Angelo Capello Gallo, ut pro tribunali venerandæ Antiquitatis respondeant, cur antiquos nostros *ORDOVICES* alio quasi sub sole jacentes, hanc *Norwicum* incoluisse affirmarint. Eandem etiam litem Cajo nostro intenderem, nisi optimo & eruditissimo seni innatum patriæ amorem oculos hac in re perstrinxisse certe noverim. Nec amplius habeo quod de Norwico adjungam, nisi placeat hos I. Ioannis Ionstoni Scoto-Britanni versus de eadem percurrere.

Vrbs speciosa situ, nitidis pulcherrima tectis:

Grata peregrinis, delitiosa suis.

Bellorum sedes, trepido turbante tumultu

Trista Neustriaco sub duce damna tulit.

Victis dissidiis postquam caput ardua cælo

Extulit, immensis crevit opima opibus.

Cultus vincit opes, & cultum gratia rerum,

Quam bene, si luxus non comitetur opes.

Omnia sic adeo sola hæc sibi sufficit, ut si

Fors regno desit, hæc caput esse queat.

A *Norwico*, *Garienis* in suum nomen aquis advenis adscitis tortuose volvitur, *Ruffo* pisce admodum fecundus, quo nomine cum *Asperum* Anglice significetur, *Aspredinem* Ioannes Cajus Latine nominavit. Toto enim corpore asper est, pinnis spinosus, locis gaudet arenosis, *Percæ* forma & magnitudine, colore per summa fuscus, per ima cum pallore flavus: duplici per maxillas semicirculorum ordine notatus, oculo ex dimidio superiori fuscus, ex inferiori subaureus, pupilla niger: linea per dorsi longitudinem exporrecta, & veluti filio transverso corpori affixa singularis: notis per caudam atque pinnas nigris maculosus, quæ pinnæ, cum ira subest, inhorrescunt: cum animi conquiescunt, residunt. Caro *Aspredini* quæ *Percæ*, & friabilitate laudata.


Cum *Garienis Claxton*, ubi castrum in orbem constructum, quod *Thomas Gawdy Miles* in *communi banco Iustitiarum* nuper instauravit, præterierit, & jam mari proximus in Austrum descendit, ut marinis fluctibus mollius illabatur, lingulamque facit, quam hinc ipse, inde mare allambit. In hac lingula littore apertissimo *Tarmouth* vidimus, Saxonice *Gar-muð*, & *li-p-muð*, id est *Garienis ostium*, portum oppidumque elegantissimum, loci ingenio, & solerti opera permunitum. Quamvis enim aquis pene circumvalletur, ab Occasu flumine, quod versatili ponte insternitur, ab aliis partibus Oceano, nisi ad Septentriones, qua continens est: mœnibus tamen satis firmis, quæ cum flumine formam quadrilaterem oblongiorem efficiunt, pulcherrime includitur; in quibus præter turres, ad Ortum moles eminet,

B b b b unde

A. Rasse.

De ratio-
rum ani-
malium
historia.

Tarmouth.
Garienis
ostium.



Gariano-
num.Cerdicus
Saxo.Cerdicks-
sand.Guil.
Worce-
ster.

Haleces.

unde tormentis majoribus in mare subjectum, quod vix quinquaginta passibus abest, longe lateque effulminatur. Templum vero unicum habet, & illud amplum, excelsaque pyramide conspicuum, juxta Septentrionalem portam ab Herberto Episcopo Norwicensi extructum, sub quo, ad illud ampliandum,educta visuntur egregii operis fundamenta. Hoc GARIANONVM illud vetus, ubi olim Equites Stablefiani contra barbaros excubarunt, haud affirmarim. Nec *Castor* viculum proximum (qui sedes quondam fuit Ioannis *Faßolf* Militis celeberrimi) antiquitatis nomine apud incolas celeberrimum, licet *Garienem* fl. ostium alterum sub eo habuisse fama teneat. Sed ut GARIANONVM fuisse ad *Bugh castle* in Suffolcia quod in altera ripa vix duobus abest milliaribus, mihi persuasi: ita & *Tarmouth* ex ejus ruinis emeruisse, & *Caster* illud fuisse ex Romanorum castris ad *Garienis* etiam ostium jam occlusum facile credo. Nam perinde ac *Caurus* in Bataviam è regione tyrannidem exercet, & agglomeratis arenis medium Rheni ostium obturavit: itidem Aquilo hanc oram affligit, & arenas converrens, hoc ostium obstruxisse videatur. Nec tamen fraudi erit, si *Tarmouth* nostrum Garianono antiquo adjunctum, *Garianonum* dixerim, cum *Garienis*, qui illi nomen fecit, nunc alveo mutato, sub hoc, quod etiam nomine signavit, Oceanum subintret. Non possum enim non fateri hoc nostrum *Tarmouth* recentioris esse memoriae. Quum enim *Garianonum* illud vetus intercidisset, nec essent qui littus defenderent, *Cerdicus* bellicosus Saxo hic terram conscendit, (unde locus hodie incolis *Cerdiksand*, & historicis *Cerdicksand* dicitur) cumque Icenos gravissimo bello exercuisset, hinc in occiduas plagas solvit, ubi Occidentalium Saxonum regnum instituit. Nec longo post tempore pro *Garianono*, novum oppidum posuerunt Saxones in agro illo fluvido, ad Occidentalem fluminis ripam, quod *Tarmouth* dixerunt: sed cum minus salubri esset situ, ad alteram ripam, tunc *Cerdiksand* ab eodem *Cerdico* dictam, demigrarunt, novum hoc oppidum condiderunt, in quo *Edwardi* Confessoris tempore septuaginta, ut est in Angliæ Notitia, floruerunt *Burgenfes*. Mœnibus deinde circa annum reparate Salutis MCCCXL firmaverunt, brevique ita opibus & potentia valuerunt cives, ut navali bello *Lestoffenses* vicinos, & *Portuenses* (sic quinque portuum incolas dixerunt) sæpius non sine magna utrinque strage aggressi fuerint. Illis enim infensissimi fuerunt forsitan, quod quinque portuum numero, & privilegiis exclusi fuissent, quibus *Garianonum* vetus, & majores sui sub Comite Littoris Saxonici olim gaudebant. Sed hanc ferociam compressit tandè regia autoritas: vel, ut alii existimant, eorum animos contudit pestis illa tristissima, quæ hoc oppidulo VII ciro uno anno absumpserit, quod testatur Tabula Chronographica antiqua in templo appensa, ubi bella etiam cum *Portuensibus*, & *Lestoffensibus* notantur. Iam inde vero animus fractior fuit, nec ita ab opibus firmi rei mercatoriae, & halecum (quas vulgo vocant, docti *Chalcides*, & *Leucomænidæ* esse existimant) capturæ, quæ in hac ora totius orbis est uberrima, gnaviter incumbunt. Incredibile

enim videatur, quantæ & quam frequentes nundinæ hic ad festum Michaëlis habeantur, & quanta vis halecum, aliorumque piscium distrahatur. Quo tempore *Portuenses* veteri instituto Ballivos suos *Commissionarios* constituunt, & huc mittunt, qui, ut ex ipsorum diplomate, sive *Commissione* loquar, cum oppidi magistratibus *tempore liberæ feriæ, Curiam*, quantum ad *Nundinas* pertinet, regant, regalem justitiam faciant, & pacem Regis conservent. Portus vero qui subest, & incolis & Norwicensibus percommodus est; sed ne obstruatur, non sine magnis sumptibus cum Oceano colluctantur. Qui ut paria secum faceret, & quod alibi hoc littore hausit, redderet, modicam insulam hic aggesta terra nuper effecit.

Hoc etiam ostio alter fl. nonnullis *Thyrn* dictus Trin fl. una cum *Gariene* effunditur, qui effluens juxta *Holt* à nemore sic dictum, & mercatu notum, cum eo quinque plus minus milliaribus distans, longo decursu quasi gradum confert per *Blickling*, nunc sedem antiquæ & insignis familiæ de *Cle-re*, quæ olim ad *Ormesby* incoluit, & *Ailesham* forum non infrequens, ubi prædia habuit olim *Comes Atholia* in Scotia, & dirutum monasterium *Benedicti de Hulmo*, vulgo *S. Benet in the Holme*, id est, in *Insula amnica*, quod *Canutus Danus* construxit, & firmissimis mœnibus propugnaculisque *Monachi* postea ita armarunt, ut potius castrum quam claustrum videretur. Adeo, ut *Guilielmus Conquestor* expugnare non potuerit, donec *Monachus* ea lege prodidisset, ut *Abbas* crearetur: quod factum, sed statim novus *Abbas*, quia proditor, regis jussu, ut ferunt incolæ, suspensus justas proditoris pœnas persolvit. Terra vero adeo palustris in hac insula, ut resectis fibris & radicibus arborum, & arbuistorum innatorum, aquis innatet, & quovis trahentem sequatur. Suntque nonnulli qui ex cochleis subinde effosis mare eo irrupisse credunt. Inde delabitur hic fluvius per *Ludham* Episcoporum Norwicensium ædes, & *Clipsby*, quod antiquæ & claræ in hoc tractu familiæ nomen contulit, statimque *Garieni* aquas consociat suas.

A *Garienis* ostio littus ad *VVinterton* notissimum nautis promontoriolum recta quasi in Boream tendit, cui nomen inditum à *Brumali* situ suspicor. Oceano enim ventorum & frigoris genitori objacet, qui contra aggeres oppositos violentius irruit. Ager tamen circumvicinus (multorum opinione) totius Angliæ & pinguisissimus, & resolutissimus: utpote qui minimum laborem poscit, & fructum reddit maximum. Vili enim equo (quod de *Bizacio* Africæ scribit *Plinius*) & à parte altera jugi, anu vomerem trahente facile proscinditur.

A *VVinterton* statim conversa ora in Oceanum sine ulla fere prominentia recedit, longo tractu & jacenti, usque ad *Eccles* ab Oceano fere absorptam. Inde celsiori littore per *Bronholme* quondam monasteriolum à *Glanvillis* locupletatum, fastigiato colli impositum, cujus *Crux* magna veneratione apud majores habita: haud procul à *Gimmingham*, quod cum aliis *Maneriis* *Thomæ Comiti Lancastriæ*, I. *Comes Warrenniæ* & *Surriæ* olim dedit, & per *Cromer*, ubi *Cothonem* multis magnisque expensis, Oceano tyrannice impugnante,

Trin fl.

Blickling.

Ailesham.

S. Benets.

Ludham.

Clipsby.

Ager pin-

guissimus.

Gimmin-

gham.

Womborne.

gnante, vicini frustra sunt moliti, procurrit ad *VVauburne* finem non ita pridem munitum, à *VVauburne* oppidulo sic dictum, cui intercessione Olivarii de *Burdegalia* Mercatum & nundinas Rex *Edwardus Secundus* concessit. Huic proximum *Clay*, & è regione fluviolo divisa *Blakeney*, *Nigeria* nostro *Balæo*, Carmelitarum collegium superiori sæculo celebre, à *Rob. de Roos*, *Rob. Bacon*, & *I. Brett* conditum, è quo prodiit *Ioannes Bacontorp*, à loco natali (quæ nunc *Equestris* prosapia *Heydonorum* sedes est) nominatus, vir eo sæculo eruditione tam varia & recondita, ut in summa admiratione apud *Italos* fuerit, & *Doctor Resolutus* vulgo vocaretur. Unde de eo *Paulus Panfa*, *Si Dei Opt. Max. penetralia adire suadeat animus, nemo accuratius essentiam ejus mandavit literis. Si rerum causas, si naturæ effectus, si cæli varios motus, ac elementorum contrarias qualitates discere exoptet quisquam, hic se officinam offert. Christianæ religionis arma Vulcaniis munitiora contra *Judeos* solus hic *Resolutus Doctor ministranda tradidit*, &c. A *VVauborn* ora est depressior ad *S. Edmundi* promontoriolum crebris rivulis interscissa & distincta, à maris injuria tumulis arenariis, *Meales* vocitant, ægre defensa.*

Blackney.
1321.

Ioannes Bacontorp.

Doctor Resolutus.

Meales, vel Miesles. Walsingham.

Regulares.

Houghton. Neirford.

Interior *VWalsingham* vix quatuor hinc milliari- bus abest. Unde à maris vicinitate *Parathalassam* vocat *Erasmus*. Nunc optimi croci proventu, nuper peregrinatione ad *Divam Mariam* virginem omnibus *Anglis* celeberrimus hic erat viculus, quam qui superiori sæculo non inviserat, & dono salutaret, in *Deos* impius videbatur. Sed hanc suis ipsius verbis *Erasmus* qui vidit, tibi describet, *Haud procul à mari passuum fere quatuor millibus, vicus est vix alia re victitans, quam commeantium frequentia. Collegium est Canonicorum, sed quibus à Latinis Regule cognomen additur, medium genus inter Monachos & Canonicos, quos Seculares appellant. Collegium hoc vix alios habet proventus, quam ex liberalitate Virginis. Nam majora quedam donaria servantur: Caterum si quid est nummorum aut levioris precii, cedit in alimoniam gregis & præfecti, quem illi Priorem vocant. Templum est nitidum & elegans, verum in eo non habitat virgo: sed illud honoris gratia cessit filio. Illa suum habet templum ut à dextra sit filio. Nec hic tamen habitat, nondum enim ædificium est absolutum, & locus est undique perflabilis patentibus ostiis, patentibus fenestris, & in propinquo est Oceanus ventorum pater. In eo templo, quod in absolutum dixi, est sacellum angustum, ligneo tabulatu constructum ad utrumque latus per angustum ostiolum admittens salutatores. Lumen est exiguum, nec fere nisi ex cereis, fragrat odor naribus gratissimus. Imo si introspicias, dicas Divorum esse sedem, adeo gemmis, auro, argentoque nitent omnia. Sed patrum memoria cum in ecclesi- arum opes & possessiones *Henricus Octavus* oculos & mentem defixisset, hæc disparuerunt omnia. De *VWalsinghamia* nihil aliud est quod attex- nam, nisi *Equestris* *Walsinghamiorum* familiam (ut qui *Genealogias* rimantur volunt) hinc no- men & originem duxisse: è qua floruit clarissi- mus *Eques Franciscus VWalsingham* *Reginæ Elizabethæ* à *Secretis*, vir in maximis regni negotiis ut prudentia eximia, ita industria singulari. In vicinia vero ad *Houghton* celebris quondam flo-ruit *Neirfordorum* familia, qui nuptiis cum *Petronilla de Vallibus*, quæ circa *Holt*, *Cley* & alibi*

Britannia.

opimum habuit patrimonium, valde fuerant lo- cupletati. Sed littus revifamus.

VWalsinghamia ad Occasum in littore vicinum erat antiquum Illud *BRANNODVNVM*, ubi cum *Saxones* primum *Britanniam* infestarent, *Equites Dalmatæ* sub *Comite Littoris Saxonici* præsidium egerunt: nunc vero vicus est rustica- nus, nihil præter nominis reliquias retinens, val- lumque (Castrum vicini vocant) quod octo plus minus jugera includit, ostendens, & *Brancafter* nominatur, ubi *Romanorum* nummi antiqui sæ- pius eruuntur. Percommode huic loco præsidium impositum fuit, ad *S. Edmundi* enim sacellum vicinum, & *Hunstanton* à *S. Edmundo* illo con- structum, ora ad Austrum reflectitur, sinumque laxiorem admittit piratis expositum, in quem plura flumina se effundunt. Nec vel hoc nomi- ne omittendum est *Hunstanton*, quod sedes fuerit inclytæ & equestris familiæ *Le-Strange*, ex quo, regnante *Edwardo Secundo*, *Ioannes Baro Le-Strange* de *Knockin*, *Hamoni* fratri natu minori eam donaverit.

Capturam accipitrum, copiosam piscaturam, gagaten, & electrum in hoc littore sæpius reper- tum sciens omitto, cum & alibi hoc tractu hæc affatim suppetant. Memoria tamen haudquaque indignum est *Sharnborn* in hac ora, tum quod se- cundam hujus provinciæ *Christianorum* eccle- siam *Felix Burgundus*, qui *Orientales Anglos* ad fidem *Christianam*, & perpetuæ felicitatis dona perduxit, hoc in loco construxerit, (pri- mam enim ad *Babingley*, ubi terram conscendit, posuisse perhibent) tum quod ex fide antiqua- rum schidarum creditur, *Anglium Dominum* hujus loci ante *Normannorum* adventum, ex sententia ab ipso *Guiliel. Conquestore* pro tribu- nali lata hoc prædium contra *Warrenium*, cui *Conquestor* donaverat, recuperasse. Quod urgent qui *Guilielmum* illum ex pacto & convention- e, non jure belli *Angliam* occupasse volunt.

Sinum illum nostri *The VWashes* vocant, *Ptole- mæus* *ÆSTIVARIUM METARIS*, forte pro *Maltraith* dixit, quo nomine hujusmodi æstuarium alibi *Britanni* nuncuparunt, nec aliud quam æstu- rium incertum, quale hoc est, illis significat. Huic, qua *Ouse* flumen Oceano obnititur, affidet *Linne*, à diffusis forsitan aquis nominatum, hoc enim *Lhyn* *Britannis* denotat. Oppidum hoc est amplum, profunda fossa, mœnibus late magna ex parte cinctum, duobusque exiguis fluviolis divisum, qui pontibus plusminus xv conjun- guntur: & quanquam recentius sit, & non ita pridem *Linum Episcopi* dictum, quod ad *Episco- pos* *Norwicenses* usque ad *Henrici Octavi* tem- pora spectarit, (è ruinis enim vetustioris emer- sit, quæ è regione in *Marshland* hodie *Old Lynne*, & *Linum Regis* vocatur) portus tamen securitate qui aditu est facillimus, mercatorum frequentia, ædium pulchritudine, & civium opulentia, si *Norwicum* excipias, facile inter *Icenos* primas vendicat. Immunitatibus etiam gaudet amplissi- mis, quas sanguine suo à *Ioanne Rege*, dum ejus causam tuerentur, emerunt, qui *Prætorem* con- stituit, & suum ipsius gladium præferendum tra- didit, & scyphum argenteum inauratum, quod adhuc asservant, donavit. Libertates postea

Cccc

amissas

Branno- dunum.

Brancafter.

Hunstan- ton.

Le-Stran- ge.

Sharborn.

Felix E- piscopus.

The Waf- hes. Metaris æstuarium.

Lynne.

amissas non sine sanguine etiam ab Henrico Tertio redemerunt, cum ejus signa sequuti infœlici prælio contra proscriptos Barones in Eliensi insula dimicarent, quod liber Eliensis, & Matthæus Parisiensis contestantur.

Merf-
land.

Tilney
smeth.

Walpole.

Tilney.

S. Maries.

Rising.

Castle-
acre.

Godwic-
ke.

Neirford.

Worme-
gay.

Bardolphi
Barones.

E regione *Lynni* trans flumen *Merfeland* regiuncula palustris (quod nomen indicat) subjacet, fossis & elicibus ad eliciendas & corrivandas aquas ubique distincta, gleba admodum exuberanti, & pecorum læto proventu, adeo ut in loco quem *Tilney smeth* vocitant, plus minus triginta millia ovium pascantur: sed Oceanus allatrandō, alluendo, inundando, & lacerando sæpissime gravissimeque ita exercet, ut vix aggeribus cohiberi possit. Celebriora hujus loca sunt *Walpole*, quod loci Dominus Eliensi olim ecclesiæ cum filio donavit, quem ibi Monachum instituit, *Wigenhall* possessio I. Howardi, regnante Edwardo Primo, cujus posterī in honoratissimam & illusterrimam familiam propagati. *Tilney*, de quo jam dixi, quæ veteri & Equestri stirpi *Tilneiorum* nomen fecit, & *S. Maries* antiquæ prolapix *Carviliorum* sedes.

Oram nunc maritimam legimus omnem, introrsum vero, ad Occiduum agri latus oppida sunt etiam quam plurima, sed quia recentioris illa memoriæ, paucis percurram. Iuxta Linnum *Rising* castrum edito colli appositum, & arcis Norwicensis æmulum, olim *Albineiorum*, postea Roberti de *Monte alto*, qui Hugonis de *Albineio* Comitis Arundeliæ sororem & cohæredem duxit, demumque fuit *Mowbraiorum*, qui ex familia qua *Albineii* prognati, ut accepi, sedes; nunc vero vetustate prolapsus quasi animam efflavit. Inferius *Castleacre*, ubi Comitum Warrenniæ quondam habitatio, in castro nunc semiruto ad fluviolum. Qui anonymus exoritur haud procul à *Godwicke* fausto nomine, ubi ædes sunt exiguæ, sed quibus magnum est ornamentum dominus, vir clarissimus ex Equestri dignitate Edwardus *Cooke* raris naturæ dotibus, & in jure Angliæ Municipali ut versatissimus, ita perspicacissimus. Quod Angliæ testatissimum, & cum Procuratorem Regium quam plures annos egerit solertissime, & nunc, cum è *Communium Placitorum* tribunali summus *Justiciarius* jus dicit consultissime; nec minus certe ex editis de jure nostro Commentariis, quibus de suo, & de postero seculo præclare est meritis. Tenui lapsu hic fluviolus in Occidentem aquas ad *Lynn* trahit, per *Neirford*, quæ inclytæ familiæ *Neirfordorum* nomen fecit, & *Neirborrough*, ubi prope ædes equestris familiæ *Spilmannorum* in editiori colle sepimentum militare munitissimum antiquo opere cernitur, situ ad agrum vicinum tuendum opportuno. *Penteney* inde eidem fluviolo adfidet cœnobium, quod commune sepulchrum olim erat hoc tractu nobilium.

Huic vicinum adjacet *VVormegay* vulgo *VVrongey*, quod Reginaldus de *VVarrena* frater Guilielmi de *VVarrena* Comitis Surriæ Secundi habuit cum uxore, quæ de donatione sive *maritaggio* (ut illo sæculo loquebantur) Comitis illius erat, ut legi, per cujus è filio neptim ad *Bardolphos* statim translata fuit, qui summo in honore Barones admodum nobiles diu floruerunt, tribusque quinquæfoliis aureis in parma cyanea usi sunt: quorum

hæreditatis magna pars una cum titulo Guilielmo *Phellips* cessit, & per ejus filiam ad Vicecomitem de *Bello-monte* transivit. Magis ad Ortum apparent *Swaffham* forum celebratum, quondam Comitis *Richmondia* possessio, *Ashele Manerium*, cujus jure *Hastings*, & *Grei* Domini Ruthuniæ mappis quæ mensis insternuntur, & linteis quæ in solenni regum Angliæ inauguratione adhibentur, olim præfuerunt. *North Elmeham*, ubi aliquandiu sederunt Episcopi, cum in duas dioceses divisa esset hæc provincia. *Dereham*, in quo *Withburga* Regis Annæ filia sepulta, quæ quia à luxuria, & levitate remotissima, sanctissima virgo à majoribus inter sanctas relata. Cui proxima est *Gressenhall*, atque illi adjunctum *Elsing* olim *Folliotorum*, qui magna dignitate claruerunt, possessiones, quæ dotali jure per filiam *Richard* *Folliot* ad Hugonem de *Hastings* è familia de *Abergevenny* devenerant, tandemque per filias & hæredes Hugonis *Hastings* postremi, *Gressenhall* *Hamoni* *Le-Strange* de *Hunstanston*, & *Elsing* *Guilielmo Brown* fratri *Antonii Brown* primi Vicecomitis *Montifacuti* obvenierunt. In hac etiam parte est *Ichborrough*, quod *ICIANOS* fuisse, quorum *Antonius* memorat, opinatur *Talbottus*. Nec est cur de his plura verba faciam. Nihil mihi jam longius est quam enumeratis *Norfolciæ* Comitibus, & Ducibus, *Cantabrigien*ses adire.

Radulphum quendam *East-Angliæ*, id est, *Norfolciæ*, *Suffolciæ* & Comitatu *Cantabrigien*si præfecit *Guilielmus Conquestor*, qui statim rebus novandis, ut dixi, inhians, fuit ejectus. Post aliquot annos, regnante *Stephano*, *Hugo Bigod* Comes fuit *Norfolciæ*, nam cum pax inter *Stephanum* & *Henricum Andegavensem* (qui postea *Rex Henricus II*) convenit, diserte cautum erat ut *Guilielmus Stephani* filius totum *Norfolciæ* Comitatum haberet, excepto inter alia *tertio denario unde Hugo Bigod erat Comes*. Quem tamen denovo *Rex Henricus Secundus* Comitem fecit de *tercio denario de Norfolk*. & *Norwic*. Cui anno *Henrici Secundi* *xxvi* defuncto successit filius *Rogerus*, qui nescio ob quam causam à Rege *Richardo* Primo *Chartam Creationis* novam impetravit, illi *Hugo* filius, qui *Matildem* primogenitam *Guilielmi Marescalli* Comitis *Penbrochiæ* filiam, & ex hæredibus unam sibi matrimonio copulavit. E qua suscepit *Rogerus* Comitem *Norfolciæ*, Angliæque *Marescallum*, qui luxatis in hastiludio corporis articulis sine prole fatis concessit, & Hugonem *Bigod* Angliæ *Iustitiarium*, in prælio ad *Lewes* occisum, cujus filius *Rogerus* patruo in *Norfolciæ* Comitatu & *Marescalli* dignitate fuffectus erat. Qui cum in Regis *Edwardi* Primi offensionem insolenti contumacia incurrisset, honores, & hæreditatem fere universam in Regem transcribere coactus est, in usum *Thomæ de Brotherton* Regis filii, quem ex *Margareta* sorore *Philippi Belli* Regis *Franciæ* suscepit. Sic enim refert historia ex *Bibliotheca S. Augustini Cantuariensis*, Anno *M ccc* *Rogerus Bigod Comes Norfolciæ regem Edwardum constituit heredem suum, & virgam Marescallatus ei tradidit hac conditione, quod si uxor ejus liberos pepererit, sine omni contradictione à parte Regis omnia ut prius recipiet, & habebit pacifice; & dedit ei Rex 1000 libras, & millia libras terras*

Swaff-
ham.
Ashele.
L' office
de Nap-
paryre.

Dereham.

Gressen-
hall.
Elsing.
Folliot.

Ichbor-
rouw.
Iciani.

Norfol-
ciæ Comi-
tes &
Duces.
Compos.
inter R.
Steph.
& He. Du-
cem An-
degaviæ.
Robertus
Monten-
fis.

Parliam.
21 Rich.
2.

Rot Paul.
3 H. 6.

Parliam.
17.
Edw. 4.

terra pro vita una cum Mareſcallatu & Comitatu. Cum autem ille ſine prole fato functus eſſet, Rex Edwardus Secundus Thomam de Brotherton fratrem ſuum ex tranſcriptione quam dixi, titulis Mareſcalli & Comitſ Norfolciæ honoravit. Ejus autem filiam Margaretam quæ dicta *Mareſcalla* & Norfolciæ Comitſſa, enuptaque fuit Ioanni Domino *Segrave*, Norfolciæ Ducſſam ad vitam, eodemque tempore Thomam *Mowbrayum* Nottinghamiæ Comitem Margaretæ è filia nepotem, primum Norfolciæ Ducem *ſibi & heredibus masculis creavit* Rex Richardus Secundus, cui Comitſ Mareſcalli Angliæ *ſtatim & ſtilum* antea conceſſerat. Hic ille eſt, qui Henricum Lancaſtrium Herefordiæ Ducem in crimen coram rege vocavit, quod aculeata quædam verbula in Regem effutierat. Cumque ſingulari certamine pugnaturi eſſent, ad ipſa repagula voce præconis regia authoritate pronuntiata erat ſententia, ut uterque exularet, Lancaſtrius in decennium, *Mowbrayus* in perpetuum, qui Venetiis poſtea obiit, filiis duobus in Angliâ relictis. Quorum Thomam Comitem *Mareſcallum* & Nottinghamiæ, (nec alio ille titulo uſus) nova molientem Henricus Lancaſtrius, qui regnum jam occuparat, Henrici Quarti nomine notus, ſecuri percuffit. Frater autem & hæres Ioannes favore Henrici Quinti excitatus, & annos jam inde aliquot tantum Comes *Mareſcallus*, & Nottinghamiæ itidem dictus, tandem primis auſpiciis regni Henrici Sexti authoritate Parlamentaria vi diplomatis à Rege Richardo Secundo conceſſi, *ut filius Thomæ Ducis Norfolciæ patris ſui, & hæres Thomæ fratris, declaratus* erat Dux Norfolciæ. Huic ſucceſſit Ioannes filius, qui obiit anno primo Edwardi Quarti, & illi itidem Ioannes filius, qui patre ſuperſtite Surriæ & Warrenniæ Comes ab Henrico Sexto creatus erat. Cujus unicam filiam An-

nam Richardus Dux Eboraci Regis Edwardi Quarti filiulus duxit, & una titulos Norfolciæ, Comitſ *Mareſcalli*, Warrenniæ, & Nottinghamiæ à patre accepit. Cum autem ille & uxor in teneris annis ſublatis eſſent, Richardus Tertius Rex Angliæ hunc titulum Ducis Norfolciæ, & Mareſcalli authoritatem Ioanni *Howard* contulit, qui *conſanguineus & unus heredum* Annæ Ducſſæ Eboracenſis, & Norfolciæ, quam modo dixi, compertus, utique cujus mater altera filia erat illius primi Thomæ *Mowbray* Ducis Norfolciæ, quemque Baronis honore Rex Edwardus Quartus dignatus erat. Ioannes iſte in prælio ad *Bosworth* occubuit dum contra Henricum VII pro Richardo animoſè pugnaret. Hujus filius Thomas, qui ex creatione Richardi Tertii Surriæ Comes, in paternum Norfolciæ titulum ab Henrico Octavo reſtitutus erat, cum Iacobo Quarto Scotorum rege occiſo, Scoticam aciem ad *Flodden* proſtigafſet. In cujus victoriæ monumentum *Howardorum* familiæ conceſſum eſt, ut in media area illa argentea tranſverſa (*Bendarm* vocant) quæ in ipſorum clypeo gentilitio cernitur, ſcutum aureum interponeret cum dimidiato Leone rubro, ſagitta ora tranſfixo, intra ejuſdem coloris limbum duplicem utrinque liliatum, quod proxime ad Scotorum Regum inſignia accedit. Thomas filius huic ſucceſſit, quem inter reciprocos fortunæ æſtus jactatum tempora noſtra viderunt, cujus è filio Henrico (qui ſummam nobilitatem primus inter Angliæ proceres literarum ſplendore illuſtravit) nepos Thomas, læſæ majeſtatis reus, quod nuptias cum Maria Scotorum Regina cogitaverit, Anno Salutis *MDLXXII* capite plexus, Norfolciæ Ducum erat poſtremus. Ex quo tempore ſtirps ejus aliquandiu fere intermortua jacuit, nunc autem vitali Regis Iacobi rore irrigata, rediviva efflorefcit.

Scutum
honorarium in in-
ſignibus
Howardorum.

Vide in
Adagiis
Hadr. Iur.
Achilleum
votum.

Sunt in hac provincia Parochiales eccleſiæ plus minus 660.

CAMBRIDGE-SHIRE.



Ntrorsus ager Cantabrigien-
sis, Saxonice Gpentbrygg-ryc-
pe, vulgo *Cambridge-shire*, lon-
gius in Aquilonem produ-
ctus, Norfolkici & Suffolciæ
objacet, à meridie Orientali-
bus Saxonibus, & Hertfor-
densibus, ab Occasu Bedfor-
diensibus, & Huntingdonensibus, à Septentrione
Lincolniensibus, & *Vsa* flumine, qui ab Oc-
casu in Ortum tranversum interfecat, in duas
partes dispertitus.

Inferior & Australis, magis culta, magis con-
fita, ideoque lætior, non perlibrata planitie, sed
exigüe plana, plurima, imo tota (nisi qua Cro-
cum copiose progignit) frumentariis jacet cam-
pis, hordeumque laudatissimum affatim effundit,
è quo ad regerminationem madefacto, ligulif-
que enatis tolto, *Byne* maxima copia conficiunt
(nos *Mault* vocamus) & ad cervisiam coquen-
dam utimur: quo in vicinas regiones distrahen-
do maximum quæstum faciunt incolæ. Vltior,
& Septentrionalis pars, quod frequentibus flu-
minum alluvionibus paludescat, & in insulas di-
spergatur, *The Ile of Ely* dicitur, pascuis uberri-
mis perviridis & læta, cæterum aqua alicubi sub-
eunte quodammodo suspensa, nonnunquam
vero inundante, maximam partem adoperta.

Inferioris partis Occiduum latus perstringit ex
Consularibus Romanorum viis altera (*Ermings-
freat* liber Eliensis vocat) quæ Huntingdoniam
recta ducit, per *Roiston* in ipso agri limine, oppi-
dum notum, sed tamen novum, de quo jam an-
tea diximus, & *Caxton* quæ olim Baronia Step-
hani de *Eschallers*, à cuius posteris regnante Henri-
co Tertio, descendit ad *Frevillos*, & ab illis per
Burgoinos ad *Ierminos*. Nec *Gamlinghay* procul hinc
dissitum est, ubi habitant *Avenelli*, quorum hæ-
reditas per nuptias devenit ad vetustam famili-
am de *S. Georgio*, ex qua plurimi equestri dignita-
te floruerunt à tempore Henrici Primi, ad *Hatley*,
qui ab illis *Hatley S. George* denominatur.

Magis ad Occasum hanc partem mediam in-
terluit fluviolus qui ex *Ashwell* demissus ab Au-
stro in Boream, ut se *Vsa* committat, variis an-
fractibus contendit per *Shengay*, ubi lætissima hu-
jus Comitatus prata, Templariorum Militum
olim *Præceptoriam*, quam Sibylla Rogeri de Monte-
Gomerico Comitiss Salopiæ filia, & uxor I. de *Rai-
nes* illis anno M C X X X donavit, nec procul à
Burne castro, quod olim *Picotti* Vicecomitis hujus
agri, & *Pevelorum* Baronia, à quibus per filiam
honor & possessiones ad Gilbertum *Peche* deve-
nerunt, quorum ultimus cum secundæ uxoris fili-
os promovisset, Edwardum Primum Angliæ Re-
gem hæredē scripsit. Morem enim Romanorum
sub Imperatoribus illo seculo Angliæ proceres
revocarunt, scribendi scilicet principes hæredes,
cum apud principes in offensa essent. Desagravit
vero hoc castrum bello Baronico sub Henrico
Tertio à Ribaldo de *Insula* sive *L'isle* incensum;
quo tempore Walterus de *Cottenham* vir magni ho-

noris suspendio ob rebellionem periit. Quo no-
mine hunc fluvium appellent scriptores, contro-
vertitur; alii *Grantam*, *Camum* alii nuncupant, qui-
bus ego potius assentior, tum quod obliquior in-
cedat; hoc enim Britannis *Cam* sonat, unde obli-
quior in Cornwallia fluvius *Camel* dicitur: tum et-
iam quod vetus illud oppidum CAMBORITVM,
quod Antoninus in tertio Britanniarum Itinere
memorat, huic adsedisse, ex distantia, nomine
& Romanorum nummis hic prope pontem ma-
gna copia inventis mihi fere persuaserim. CAM-
BORITVM etenim *Vadum ad Camum*, vel *Vadum*
flexuosum significat, nam *Rith* *Vadum* Britannis
nostris significat, quod eo adnoto, ut Galli fa-
cilis videant, quid sit *Augustoritum*, *Darioritum*,
Rithomagus &c. in Gallia. Sed *Camboritum* nostrum
maluerunt Saxones *Gpant-cearpen*, & *Gpont-
cearpen* vocare, quod nomen etiamnum retinet,
sed unde factum fuerit, nondum video. A *Gron*
Saxonica dictione, quæ locum palustrem signifi-
cat, si deducere, forsitan errarem: Aferius
tamen loca palustria in agro Sommerfettenfi se-
mel atque iterum *Gronmas paludosisimas* Saxonico-
Latino vocabulo dixit, & urbem Frisiæ Occi-
dentalis, quæ palustri loco sita, *Groningen* dici
notissimum est. Sed nominis hujus rationem ve-
nentur alii. Hæc circa annum Christi D C C deso-
lata civitula fuit, ut inquit Beda, dum memorat,
*juxta muros inventum fuisse locellum de marmore albo
pulcherrime factum, operculoque similis lapidis aptissime
tectum*. Nunc autem viculus est, cujus partem
Henricus *Laceius* Lincolnæ Comes Henrico filio
notho ea lege donavit, ut ejus posteris (qui jam-
pridem defecerunt) non aliud quam Henrici no-
men usurparent: alteram partem Henricus Sextus
Rex Angliæ è Lancastrensi familia oriundus, cui
Comitis *Laceii* patrimonium obtigit, Collegio
suo Regio in Cantabrigia sive *Cambridge* conce-
sit. Quæ antiqui *Camboriti* vel pars, vel proles
fuit, adeo & situ & nomine est confinis. Nec fa-
cile crediderim *Cam* à *Grant* deflexum, utpote
duriuscula hæc videatur deflexio, in qua præter
unam omnes literæ absorbentur: existimarim
potius vulgum antiqui nominis *Camboriti*, vel *Ca-
mi* fl. vocabulum retinuisse, licet scriptores Saxo-
nico nomine *Grantbridge* sæpius usi fuerint. Vrbs
hæc, quæ altera Angliæ Academia, alter oculus,
& *ægeopua* alterum, clarissimaque bonarum litera-
rum & pietatis officina ad *Camum* sedet, qui cum
Occidentale ejus latus insulis ludens persperse-
rit, ad Ortum conversus in partes dispertit duas,
pontique conjungitur, unde recentius hoc no-
men *Cambridge* enatum. Ultra pontem Castellum
cernitur amplum & vetustum, quod sua jam fata
complexse videatur, & Collegium S. Magdale-
næ sacrum. Cis pontem, ubi urbis pars longe
maxima jacet, platearum descriptione, templo-
rum frequentia, & x v i pulcherrimis Musarum
sacriis, sive Collegiis omnia nitent, in quibus
eruditissimi viri magno numero aluntur, maxi-
marumque artium scientia, & linguarum cogni-
tio ita florent, ut literarum, religionis, & totius
doctri-

Cambori-
tum.Rith quid
Britannis,
& Gallis
significa-
vit.

Grancester.

Gron quid.

Cambridge.

Byne.
Mault.Roiston.
Vide in
Hertfor-
diæ Co-
mitatu.
Caxton.Hatley S.
George.Shengay.
A Com-
manderye.Burne.
Barones
de Burne.
Historia
Barnwel-
lenfis.
Rex hæres
privato-
rum.

doctrinæ fontes jure optimo censeantur, qui Ecclesiæ & Reipub. hortos salutaribus aquis suavissime irrorant. Nec quicquam hic desideres, quod in florentissima Academia requiras, nisi quod è palustri situ aliqua est cœli gravitas. Fortasse autem, qui eo loci primum Academiam instituerunt, Platonis judicium approbarunt. Is enim cum corporis habitudine uteretur optima, Academiam insalubrem Atticæ locum studiis delegit, ut quod redundans esset, & animum gravaret, loci intemperie supprimeretur. Nihilominus majores nostri viri longe prudentissimi hanc urbem, nec sine Deo Duce, studiis dicaverunt, præclarisque operibus illustrarunt.

Collegia.

Et ne in optimos illos literarum patronos, imo (ut cum Eumenio loquar) liberorum nostrorum parentes pessime ingrati videamur, ipsos, & Collegia, quæ bonis literis consecrarunt, honoris causa ex historia Cantabrigienſi summatim memoremus. Cantabrum Hispanum anno ante Christum natum CCC LXXV, Academiam hanc primum instituisse, & Sebertum Orientalium Anglorum regem anno post Christum D CXXX, restituisse perhibetur. Postea Danicis procellis subinde eversa diu neglecta jacuit, donec sub Normannico imperio omnia diluſcere incœperint. Iam inde literarum diversoria, Hospitia, & Aulæ studiosis excitata fuerunt, sed nullis possessionibus dotata. Primum vero Collegium (quod S. Petri Domus vocatur) Hugo Balsbam Episcopus Eliensis, anno M C C LXXXIV extruxit & dotavit, quem sequuti & imitati Richardus Badew ab Elizabetha Clara Vltoniæ Comitissa adjutus anno M CCC XL, Aulam Clarenſem; Maria de S. Paulo Penbrochiæ Comitissa anno M CCC XLVII, Aulam Penbrochienſem; Societas fratrum Corporis Christi M CCCX LVI, Collegium Corporis Christi, quod & S. Benedicti dicitur, Aulam Trinitatis Guilielmus Bate-man Episcopus Norwicensis circa annum M CCC LIII, Edmundus Govenile anno M CCC XLVIII, & Ioannes Cajus Medicus nostro tempore Gonevilli, & Caji Collegium. Henricus Sextus Rex Angliæ Collegium Regium M CCCXLI, (cui facellum adjunxit, quod inter pulcherrima orbis ædificia suo jure sibi locum vendicat) Margareta Andegavenſis ejus uxor anno M CCCC XLVIII, Collegium Reginale, Robertus V Woodlark M CCCC LIX, S. Catharinæ Aulam, Ioannes Alcock Episcopus Eliensis Collegium Iesu, anno M CCCC XCVII, Margareta Richmondia Regis Henrici VII mater, Collegium Christi nec non S. Ioannis circiter annum M DVI, novis ædificiis nunc splendide adauctum, Thomas Awdley Angliæ Cancellarius Collegium Magdalenæ M D XLII construxit, quod Christophorus V Vrey summus Angliæ Iusticiarius & ædificiis & possessionibus modo restauravit, potentissimusque Rex Henricus Octavus S. Trinitatis Collegium anno Salutis M D XLVI, ex tribus composuit, scilicet ex S. Michaelis Collegio, quod Hervæus de Stanton regnante Edwardo Secundo struxit, ex Aula Regia ab Edwardo Tertio fundata, & Fishwici hospitio. Quod, ut Musis operantes amœnius habitent, nunc reconcinatum, imo de novo splendida magnificentia ita exædificatum, curante

Britannia.


Thoma Nevillo ejusdem Collegii Magistro, & Ecclesiæ Cantuariensis Decano dignissimo: ut Collegium sua amplitudine, ædium descriptione & pulchritudine, vix alteri in orbe Christiano cedat, & ipse vere МЕГАΛΟΠΡΕΠΗΣ, vel maximo Philosopho iudice censendus, cum in publica non in privata tantos sumptus impenderit. Quodque bonis studiis, nostro sæculo, & nobis gratulor, honoratissimus & prudentissimus vir D. Gualterus Midmay Eques auratus, & Elizabethæ ab intimis consiliis novum Collegium in Emmanuelis honorem posuit, & Francisca Sidney Comitissa Suffexiæ quinque millia librarum ad Collegium extruendum, quod Sidney-Suffex diceretur, testamento legavit, quod jam absolutum.

Cœnobiola, & fraterculorum ædes omitto, cum obscurioris erant notæ, præter Barnwell, *Barnwell.* quod Paganus Peverell vir bellica virtute insignis, & vexillifer Roberti Ducis Normanniæ in bello sacro, regnante Henrico Primo, à templo S. Ægidii, ubi Picotus Vicecomes Canonicos instituerat, ad hunc locum tranſtulit, & triginta monachos induxit, eo quod tunc temporis triginta erat annorum. Nominis rationem ex privata loci historia, si placet, legas, Paganus Peverell *Historia Barnwellensis.* *impe-*travit ab Henrico Primo locum quendam extra Burgum Cantabrigiæ. De illius loci medio fonticuli satis puri, & *vi-*vidi emanabant, Anglis Barnwell, id est, Fontes puerorum, eo tempore appellati, eo quod pueri & adolescentes semel in anno in vigilia natiuitatis Sancti Ioannis illic convenientes more Anglorum luctamina, & alia ludicra exercebant puerilia, & cantilenis, musicisque instrumentis sibi invicem applaudebant. Vnde propter turbam puerorum & puellarum illuc concurrentium & ludentium, mos inolevit ut eodem die illic conveniret negotiandi gratia turba vendentium & ementium.

Nec à Martis tamen furore, quamvis Musis sacrata, omnino libera fuit Cantabrigia. Cum enim Dani passim latrocinia agitarent, sæpius hic hibernarunt, & anno Salutis decimo supra millesimum, cum Sueno Danus omnia acerbissimo tyrannidis terrore opprimeret, nihil famæ, & Musis donarunt: quod tamen Sullam Athenis fecisse legimus, sed totam incendio misere deformarunt. Primis nihilominus Normannorum temporibus satis frequens erat, legimus enim in Guilielmi Primi Censuali libro. *Burgus de Grent-bridge in decem custodias dividitur, & CCC LXXXVII mansiones habet. Sed pro Castro destructa fuerunt domus octodecim,* cum Guilielmus ille Primus Anglos quos nuper vicerat castris tanquam frænis servitutis ubique coercere statuit. Bello postea Baronico proscripti ex insula Eliensi plurimum damni intulerunt, ad quorum direptiones cohibendas fossam altam ad Orientalem urbis partem duxit Henricus Tertius, quæ etiamnum *Kingsdich* dicitur. Vocat hic me tacita nonnullorum expectatio, ut de antiquitate hujus Academiæ opinionem proferam meam: sed nihil me interpono, nec enim animus est florentissimas nostras Academias ἀντιζηλέειν, quibus pares non noverim. Vereor tamen ne Nephelococcygias nobis condiderint, qui hujus vetustatem longe supra verifidem efferentes Cantabrum istum statim post Romam conditam, multos videlicet ante Christum natum annos hanc Academiam instituisse

D d d d

tra-



Ioffredus
factus Ab-
bas Crou-
landiæ
1109.

tradiderunt. Hoc certum est, quocunque tem-
pore primum instituta fuit, circa Henrici primi
tempora, bonarum literarum sedes denique esse
cepit: sic enim in vetusta Petri Blessensis ad In-
gulphum appendice legitur, *Transmisit Abbas Ioffre-
dus ad Manerium suum de Cotenham juxta Cantabrigiam*
Gislebertum commonachum & sacre Theologie professorem
cum aliis tribus monachis, qui sequuti eum in Angliam phi-
losophicis theorematibus & aliis scientiis primitivis instru-
ctissimi, quotidie Cantabrigiam adeuntes, & conducto
quodam horreo publico suas scientias palam profitentes in
brevi temporis excursu grandem discipulorum numerum
contraxerunt. Anno vero secundo adventus illorum, in
tantum accrevit discipulorum numerus, tam ex tota pa-
tria, quam ex oppido, quod quaelibet domus maxima, hor-
reum, nec ulla ecclesia sufficeret eorum receptaculo. Vnde
diversis in locis à se divisi & formam Aurelianensis Studii
sequuti, summo mane frater Odo Grammaticus & Satyri-
cus singularis pueris & junioribus sibi assignatis legebat
Grammaticam juxta Prisciani doctrinam & Remigii in
eundem. Ad horam vero primam Terrius acutissimus so-
phista Logicam Aristotelis juxta Porphyrii, & Averrois
Isagogas & commenta adolescentioribus tradebat. Ad ho-
ram vero tertiam frater Vilhelmus Rhetoricam Tullii,
Quintilianique flores perorabat, magister vero Gislebertus
omnibus Dominicis diebus & sanctorum festis verbum Dei
ad populum predicabat. Ex isto itaq; fonte parvo qui crevit
in fluvium magnum videmus nunc leti scitatem civitatem
Dei, & totam Angliam factam frugiferam, per plurimos ma-
gistros doctoresque de Cantabrigia exeuntes ad similitudinem
sancti Paradisi, &c. Quo autem tempore facta sit
Universitas, Robertus de Remington pro me dicet,
Regnante Edwardo Primo de studio Grambridge facta est
Universitas, sicut est Oxonium, per curiam Romanam.
Sed quid ego imprudens in hanc arenam pedem
impono? In qua jam pridem duo eruditissimi
senes digladiati sunt, quibus ego sane arma li-
bentissime submitto, & tantis nominibus ho-
nore quam possum maximo, in omnibus assur-
go. Meridianus qui Cantabrigiæ vertici immi-
net, partibus xxiii, scrup. xxv, ab ultimo Oc-
cidente distat. Arcus vero ejusdem Meridiani in-
ter Equatorem & Verticalem punctum interje-
ctus gradibus LII, scrupulis XI, commensuratur.
Proxime Cantabrigiam ad Ortum brumalem
colles eminentiores, Gogmagog hills studiosi
vocant, Henricus Huntingdonensis *Amenissima*
montana de Balsam dixit à viculo subjecto, in quo,
ut ille scripsit, Dani nihil sibi ad immanissimam
crudelitatem reliquerunt. In horum summitate
militare vallum vidimus amplum sane, triplici
aggere firmatum, & plane eo tempore inexpu-
nabile munimentum, (ut quibusdam rei bellicæ
non imperitis placet) nisi quod aqua longius ab-
sit: Æstiva vero fuisse Romanorum, vel Danorum
nonnulli existimant. *Vandelbiriæ* autem appella-
re videtur Gervasius Tilburienfis. *Sub Cantabrigia,*
inquit, locus erat *Vandelbiriæ dictus, eo quod illic Van-*
dali Britannia partes sexa Christianorum peremptione va-
stantes castrametati sunt: ubi ad monticuli apicem fixere
tentoria, planities in rotundum vallata circumcluditur,
unico ad instar portæ aditu patens ad ingressum. De mili-
tari spectro hic obversante, quod subtexit, quia
nugacissimum delirantis vulgi commentum vi-
detur, tacitus prætermitto. Non enim nostri in-
stituti est dulces, ut inquit ille, tabulas necere, &

Gogmagog
hills.

Vallum
militare.

Vandelbiri-
æ.

aures oblectare. In valle sub his collibus *Salston*
cernitur, quod à *Burghis de Burgh Green* per Wal-
terum *De la Pole & Ingolthorp* ad Ioannem *Nevill*
Marchionem Montis-acuti, & per ejus filiam &
hæredum unam ad *Hudlestonos* qui hic clarue-
runt venit. Magis ad Ortum primum *Hilderf-*
ham occurrit, quondam *Bustlerorum*, nunc per
nuptias *Parisorum*, deinde juxta nemora *Hors-*
beath locum habet, cujus possessio ad antiquas
& claras *Argentoniæ* & *Alingtoniæ* familias,
de quibus alibi, longa serie spectasse digno-
scitur, utique *Alingtoniæ* jam habitatio. *Ca-*
stle Camps, antiqua etiam *Verorum Oxoniæ* Co-
mitum sedes contigua est, quæ ad Hugonem
Vere pertinuit (sic habet vetus Inquisitio) ut esset
Regis Camerarius. Cum tamen verissimum sit, Hen-
ricum Primum Angliæ Regem concessisse Albe-
rico de *Vere* hoc munus hisce verbis: *magistram*
Camerariam totius Angliæ in feodo & hereditate, cum om-
nibus dignitatibus, libertatibus, & honorificentis ad eam
pertinentibus, ita libere & honorifice sicut Robertus Mallet
tenuit, &c. Reges nihilominus alios atque alios ad
hoc munus obeundum pro arbitrio designarunt.
Nec procul fossæ illæ magnæ & longæ hinc inde
cernuntur, quas Orientales Anglos duxisse cer-
tum est ad Mercios cohibendos qui repentinis
incurfionibus cuncta obvia immaniter populari
solebant. Prima autem harum incipit ad *Hinkeston*
& in Ortum per *Hilderfham* versus *Horsbeath* quin-
que plus minus milliaria procurrit. Huic vicina
secunda *Brentditch* dicitur, & à *Melborne* per *Ful-*
mer ducit. Sed hinc jam pedem retrahamus, de
aliis hujusmodi prætenturis suo loco statim di-
cturi.

Sub ipsam autem Cantabrigiam ad Ortum
prope *Sturum* amniculum, nundinæ totius An-
gliæ celeberrimæ, sive convenarum multitudi-
nem, sive mercium copiam spectes, quotannis
mense Septembri habentur. In proximo qua iter
erat impeditissimum, & itinerantibus molestissi-
mum, pulcherrimam aggesto aggere viam non
ita pridem per tria plus minus mill. pass. versus
Newmarket, optimus & integerrimus vir D. G.
Hervæus Legum Doctor, & *Aulæ Trinitatis*
Cantabrigiæ Præpositus magnis impensis, sed
pio, & laudabili sane instituto substruxit.

Vbi hic agger definit apparet tertia fossa an-
tiquitus ducta, quæ ab Orientali *Cami* fluminis
ripa exorsa per *Fenn Ditton*, sive rectius *Dichton* ab
ipsa fossa dicta recta ducit inter *Vilberham* ma-
gnam & *Fulburn* usque ad *Balsam*. Hæc hodie
Seven Mile Dike, vulgo vocatur, quia septem mil-
liariibus à *Newmarket* abest, olim *Fleam-dyck*, id est
Fuga fossa, à fuga aliqua memorabili, ut videtur.
Ad *Vilberham* illam, olim *Vilburgham* incolue-
runt olim Barones de *Insula*, sive *Lise de Rubeo-*
monte, vetustæ nobilitatis, è quibus Ioannes ob
virtutem bellicam inter primos Georgiani ordi-
nis *Fundatores* ab Edwardo Tertio accensebatur;
superestque ejus familiæ hæres masculus sene-
ctute venerandus, & prole fecundus Edmundus
L'isle qui etiamnum hujus loci Dominus.

Hinc magis in Ortum ad quintum milliare in-
trorsum quarta prætentura, sive fossa omnium
maxima cum suo vallo cernitur, quam vulgus
hominum quasi dæmonum, non hominum opus
demi-

Horsbeath.
Vide in
Hertford-
shire.
Castle-
Camps.

Camera-
ria An-
gliæ.
I. Great
Cham-
berlan.

Fleam-dyke,
& alia.

Sturbridge
fair.

Fossæ.

Fleam-
dyke.

Divels-
Dyck.

Obiit Ab-
bo 1003.
Sigeber-
tus.
Canu-
tus regna-
re cepit.
1018.
Anno
905.

Burwell

Ifelham
Peiton

Kittling
Baron
North
977

The
nes an
Hle of

Divels-
Dyck.

demirans *Divels-dyke* appellatur, alii *Rech-dyke* à *Rech* mercatorio oppidulo ubi incipit. Hæc proculdubio illa est de qua Abbo Floriacensis ubi Orientalis Angliæ situm describit, *Ab ea parte qua Sol vergit in Occasum ipsa provincia reliquæ insula est contigua & ob id per via, sed ne crebra irruptione hostium incursetur, aggere ad instar altioris muri, & fossa humo præmunitur.* Per plura enim milliaria planitiem illam quæ *Newmarket-beath* dicitur, qua incursionibus patuit, transversim secatur exorsa ad *Rech*, supra quam palustris est regio & invia, & desinit juxta *Cowlidge*, qua via sylvis impeditior. Limesque fuit tum regni, tum Episcopatus Orientalium Anglorum. Quis tanti operis author incertum, recentiores scriptores ad Danicum Regem Canutum referunt. Cum tamen Abbo ille ejus meminerit, qui obiit antequam Canutus rerum in Anglia potiretur, & Chronicon Saxonum, ubi agitur de rebellionem Athelwolphi contra Regem Edwardum Seniores *Dicum* simpliciter vocat. Edwardumque Regem quicquid inter *Dicum* & *Vsam* fl. interjacet usque ad paludes Boreales vastasse docet, ac *Æthelwoldum* rebellem, & *Eohric* Danum tunc prælio ibidem cecidisse. Verum qui à Canuti tempore scripserunt *Limitem S. Edmundi*, & *Fossatum S. Edmundi* dixerunt, Canutumque Regem duxisse crediderunt; qui devotissimus S. Edmundi Martyris cultor maximas immunitates illius loci religiosi (ad expiandam sceleratam patris Swani in eisdem crudelitatem) usque ad hanc fossam concessit. Vnde Guil. Malmesburienensis in libro de Pontificibus: *Ex actores vectigalium qui alias bacchantur fas nefasque juxta metientes, ibi supplices citra Fossatum S. Edmundi litigationes sistunt.* Et has duas postremo nominatas S. Edmundi Fossas appellatas fuisse constat, nam Matthæus Florilegus bellum illud contra *Æthelolphum* inter duo S. Edmundi Fossata confectum prodidit.

Burwell.

Iuxta *Rech* assidet *Burwell*; ubi olim castrum quod difficillimis illis Regis Stephani temporibus, Galfredus de *Magnavilla* Essexiæ Comes, qui in alienas possessiones irruendo, magnam famæ jacturam fecit, fortiter oppugnavit, donec sagitta caput transfixus regiones illas longa formidine exsolvit. Vix uno & altero hinc milliari abest *Lanbeath*, ubi multos jam annos Cottoni equestri splendore clari incoluerunt. A qua haud procul distat *Isleham* olim *Bernardorum* hæreditas, quam per nuptias equestris *Peitanorum* familia adiit, qui è mascula *Vffordorum* stirpe (è qua *Vffordi* Suffolciæ Comites) progerminarunt, ut insignia gentilitia innuunt: licet à *Peiton* Suffolciæ oppidulo, ubi diu infederunt; nomen pro more ejus seculi desumpserint.

Kittling.
Barones
North.
977.

Ad eandem etiam fossam *Kirtling*, quæ & *Cattling* nominatur, situm habet, nunc celebris ædibus primariis Baronum *North*, quorum primum Edwardum *North* eo honore Maria Regina ob prudentiam decoravit. Olim vero Synodo frequenti notum, dum Ecclesiastici de Paschate celebrando acriter inter se digladiarentur.

The Fen-
nes and
Isle of Ely.

Superior & Septentrionalis hujus agri portio in insulas amnicas tota dispescitur, & intermeantibus crebris fossis, canalibus & incilibus quasi fasciis distincta, læta viriditate, æstivis mensibus *Britannia*.

intuentium oculis arridet, hybernis autem tota fere aquis adoperta longius & latius quam oculorum acies metiatur, maris quodammodo speciem mentitur.

Qui hanc & reliquam palustrem regionem quæ à Suffolciæ collimitio ad *Wainflet* in Comitatu Lincolnensi per 68 milliaria & myriada jugerum comprehendit in quatuor Comitatus, scilicet hoc Cantabrigiensi, Huntingdonensi, Northamptonensi & Lincolnensi incoluerunt, Saxonico seculo *Girvii* dicebantur, id est, ut quidam interpretantur, *Paludicola*. Genus hominum pro loci ingenio asperum, incultum, reliquis, quos *Vplandmen* vocant, invidum, qui grallis sublimè ut Gigantes spatiantes rei pecuariæ, piscaturæ & aucupio omnes incumbunt. Ipsa regio, quæbrumali tempore, & aliquando maximam partem anni aquis *Vsa*, *Granta*, *Neni*, *VVellandi*, *Gleni*, & *VVi-thame*, cum satis capaces meatus non habeant, diffusis inundatur; cum aquæ se in suos alveos receperint, lætissimo gramine & fœno crassiori (*Lid* vocant) ita luxuriat, ut cum satis superque in usum demessuerint injecto igne mense Novembri, ut lætius proveniat, comburunt. Quo tempore uliginosum hunc tractum flammis late vagantibus exardere videas, & admireris. Abundat præterea cespitibus & caricibus in ignis alimentum, arundinibus ad casas contegendas, alnis etiam cæterisque fruticibus aquaticis, præcipue salicibus est feracissima, tum soli naturâ, tum quod contra irruentium amnium impetus satæ, sæpiusque cæsæ, innumero hærede, ut Pliniano verbo utar, profuerunt. E quibus etiam & hic, & alibi corbes texuntur, quas cum Britanni *Baskades* vocent, ego, ut hoc obiter notem, Martialem non intelligo, nisi de his inter Apophoreta intellexerit in illo disticho,

*Barbara de pictis veni Bascauda Britannis,
Sed me jam mavult dicere Roma suam.*

Præterea Scordium, quod & Triffago palustris dicitur, juxta fossas copiose profunditur. Verum palustres has insulas *Fœlix* antiquæ memoriæ scriptor his verbis depinxit, *Est immensa magnitudinis palus, quæ à Gronta fluminis ripis incipiens, nunc carectis, interdum nigris fusci vaporis laticibus, nec non insularum nemoribus intervenientibus, & flexuosis riparum anfractibus ab Austro in Aquilonem mare tenus, longissimo tractu protenditur.* Eandemque carmine Guilielmus Monachus Crowlandensis in vita Gu-thlaci sic descripsit,

*Est apud Angligenas à Gronta flumine, longo
Orbe per anfractus stagnosos, & fluviales,
Circumsusa palus, orientalisque propinqua
Littoribus Pelagi, sese distendit ab Austro
In longum versus Aquilonem, gurgite tetro
Morbosus pisces vegetans, & arundine densa
Ventorum strepitus, quasi quadam verba susurrans.*

Adjunge his, si placet, ex Henrico Huntingdonensi: *Palustris hæc regio latissima est, & visu decora, multis fluvii decurrentibus irrigata, multis lacubus magnis, & parvis depicta, multis etiam sylvis, & insulis florida.* Habe etiam in coronidem Guiliel. Malmesburienensis hæc paucula verba, *Piscium hic tanta copia, ut sit advenis miraculo, indigenis pro illorum admiratione ludibrio: nec minor aquaticarum volucrum vilitas, ut pro uno asse de utroque cibo quinque homines, & eo*

E e e e

amplius

amplius non solum famem pellant, sed etiam ad satietatem se expleant.

De hac palustri regione. exsiccanda quid sano & salutari consilio, vel specioso boni publici prætexu sæpius agitatum fuerit, etiam in consiliis Parlamentariis non libet referre. Verendum autem ne quod in Pontinis Italiæ paludibus exsiccandis sæpius accidit, ad pristinum statum redigatur. Adeo ut consultissimum nonnullis videatur quod in re simili monuit Apollinis oraculum, *Rebus divinitus constitutis manum non esse injiciendam.*

Paufanias
in Co-
inth.

Audre.
Ely.

Hoc loci ingenio, & rerum affluentia freti feditioni quidam, nec solum Angli contra Guilielmum *Conquestorem*: sed etiam Barones quotiescunque proscriberentur, hinc regibus negotium facefferunt: verum infelici semper successu, quamvis ad *Eryth* & ad *Athered*, hodie *Audre*, ubi facillimus est in insulam transitus, subinde propugnacula posuerint. Et adhuc juxta *Audre* militare vallum spectatur mediocris altitudinis, sed spatiosius, quod *Belfars-hilles*, nescio à quo *Belfario* vocant.

S. Ethel-
dreda,
vulgo S.
Andrye.

Cradiden.

Soham.

S. Ethel-
dreda
Libertas.

Liber E-
liensis.

Pars hujus palustris regionis Australior & longe maxima, quæ hujus Comitatus censetur Anglo-Saxonice *Eliz*, nunc *The isle of Ely* à primaria insula nominatur. Quod nomen *Beda* ab anguillis deduxit, unde nonnulli *Insulam Anguillariam* dixerunt. *Polydorus Virgilius* à Græco *ελος*, quod paludem denotat, repetit; alii ab *Helig* Britannico, quod salices significat, quibus præcipue abundat, cum aliarum arborum sit impatiens. *Tombertum* quendam Australium *Girviorum* principem partem hujus regionis *Etheldredæ* uxori in dotem dedisse legimus, quæ cum *Egfridum* *Nordanhumbro*rum Regem, cui secundo nupserat, reliquisset, ut Christo inserviret: in primaria harum insula, quæ proprie *Ely* dicebatur, sexcentarumque familiarum tunc censebatur, devotis virginibus monasterium construxit, cui & ipsa prima præfuit. Quod tamen primum non fuit in hac palustri regione templum. Liber enim *Eliensis Augustinum* nostrum ad *Cradiden* Ecclesiam posuisse author est, quam *Penda* *Mercius* postea subvertit: & *Malmesburien*sis prodit *Fœlicem* *Orientalium Anglorum* Episcopum ad *Soham*, quæ *Norwicensis* adhuc juris est, primam sedem habuisse. *Soham*, inquit ille, *Villa est juxta stagnum quod volentibus ire in Ely, quondam periculosum navibus, nunc facta via per palustre arundinetum transitur pedibus. Sunt ibi adhuc indicia diruta à Danis Ecclesiæ, quæ habitatores pariter exustos cum ruinis operuit suis. Quo etiam tempore illud Etheldredæ monasterium Danico furore corrui, sed restauravit Ethelwoldus Wintoniensis Episcopus, qui facta cum Rege conventionem, insulam de integro emit, ejectisque sacerdotibus, monachis complevit, quibus Edgarus Rex, ut in ejus diplomate legitur, concessit inter paludes caussas seculares duarum Centuriarum, & extra paludes quinque Centuriarum cum dimidia in VVichlaw, in provincia Orientalium Anglorum, quæ S. Etheldredæ Libertates hodie dicuntur. Deinde amplissimis redditibus Reges, utrique Principes locupletarunt, inprimis Brithnotus Comes jam bellum in Danos gesturus DCCCC XCIX, dedit Ecclesiæ de Ely Somersham, Spaldwic, Trumpinton,*

Ratindum, Heisbury, Fulburn, Tmerston, Triplestow, Impetum, (quod magnificè illum monachi exceperunt) si modo occumberet illo bello. Occubuit vero ille ad *Maldum* quatuordecim diebus cum Danis congressus. Adeoq; ditatum fuit hoc Monasterium, ut Abbas (teste *Malmesburien*se) mille quadringentas libras suo marsupio quotannis annumeraret. *Richardus*que Abbas ultimus Comitum *Gisleberti* filius, hisce divitiis quasi ebruius, & *Lincolniensi* Episcopo subesse dedignatus, auratis verbis, ut scribunt monachi, & exquisita diligentia cum Rege egit, ut sedes Episcopalis hic constitueretur, quod morte præreptus non obtinuit. Statim Rex *Henricus Primus*, hoc à Papa consequutus, *Hervæum* *Bangorensis* præfulem à Wallis sede sua ejectum primum Episcopum instituit, cui & successoribus *Cantabrigien*sem agrum, qui ad *Lincolniensem* præfulem prius spectaverat, in diocesium assignavit, & in his insulis jura quædam regalia confirmavit: *Lincolniensibus* autem Episcopis, quibus hanc insulam & *Cantabrigien*sem agrum subtraxerat, *Spaldwic manerium* ad damnum refarciendum concessit, vel ut *Eliensis* liber habet, *Datum est Manerium de Spaldwic Lincolniensi Ecclesiæ in jus perpetuum pro commutatione Episcopalis curæ super pagum Grantbrigensem*. *Hervæus* jam Episcopus constitutus nihil prius habuit, quam suæ Ecclesiæ dignitatem augere: *Vt esset ubique à telonio libera* (*Eliensis* libri verbis utor) impetravit, de jugo servitutis, & custodia quam castello *Norwici* debebat, liberavit: viam ab *Exning* ad *Ely* per paludes, vi plus minus mill. pass. substruxit, latifundia non pauca acquisivit. Successores autem acciso monachorum numero (è septuaginta enim solummodo quadraginta reliquerunt) rerum copia, divitiisque assatim ad patrum usque tempora affluerunt, & dies festos & solennes tanto cum apparatu & pompa celebrarunt, ut reliquis Angliæ Monasteriis laudem omnem præripuerint. Unde & Poëta illo sæculo non male cecinit,

Prævis aliis, Eliensis festa videre,

Est, quasi prævisa nocte, videre diem.

Templum item, quod jam vetustate nutavit, paulatim extruxerunt, & in eam qua nunc cernitur amplitudinem perduxerunt: est enim amplum, excelsum, & elegans, sed procerum & Episcoporum tumulis, non sine summa indignitate comminutis nonnihil deformatum. Nunc autem pro numero illo monachorum grege substituti sunt Decanus, Præbendarii, Ludus Literarius, in quo viginti quatuor pueri erudiuntur, & aluntur. Quatuor ad hoc templum sunt à vulgo decantata, nimirum * *Hypæthrum* in ipso templi fastigio quod choro imminet octo columnis singulari arte à *Ioanne de Hothum* Episcopo suspensum. Sub templo ad Septentriones sacellum est *Divæ Mariæ* sacrum, eleganti sane opere à *Simone de Monte-acuto* Episcopo constructum. Ad Austrum magnæ altitudinis moles rotunda aggesta, *The Mont* vocant, cui mola alata imponitur, & vitis, ut ait ille, lætificata, quæ jam exaruit. Quæ hoc rhythmo olim complexus est hujus loci Monachus,

Hæc sunt Eliæ, Lanterna, Capella Mariæ,

Atque molendinum, nec non dans vinea vinum.

Ipsa vero Ely urbs est non exigua, nec sua sane elegan-

* The Lan-
tern.

elegantia vel frequentia prædicanda, utpote ob uliginosum situm, cælo parum salubri. In iisdem etiam paludibus alterum fuit ad Occasum æstivalem celebratissimum monasterium à dumorum condensitate & spinis *Thorney* dictum, olim ab Anachoretis *Ankerige*, ubi, ut est in libro Petroburgensi, Sexulfus vir inprimis religiosus monasterium cum heremiticis cellulis construxit. Quod postea à Danis subversum Æthelwoldus Wintoniensis Præsul ut rem monasticam promoveret, restauravit, Monachisque complevit, & arboribus undique circumsepsit. Locus, ut habet Malmesburienfis, *Paradisi simulchrum*, quod amœnitate jam cælos ipsos imagnetur, in ipsis paludibus arborum ferax, quæ enodi proceritate luctantur ad sydera, æquorea planities herbarum viridantibus comis oculos advocat, currentibus per capum nullus offensioni datur locus. Nulla ibi vel exigua terra portio vacat, hic in pomiferas arbores terra se subrigit, hic prætexitur ager vineis, quæ vel per terram repunt, vel per bajulos palos in celsum surgunt. Mutuum certamen naturæ & cultus, ut quod obliviscitur illa, producat iste. Quid dicetur de edificiorum decore, quæ solum mirabile quantum inter illas paludes solidum inconcussis fundamentis sustinet? Solitudo ingens ad quietem data monachis, ut eo tenacius hereant superis, quo castigatius mortales conspiciantur. Fœmina ibi si visitur monstro habetur, maribus advenientibus quasi Angelis plauditur. Vere dixerim insulam illam castitatis diversorium, honestatis contubernium, divinorum philosophorum gymnasium.

Wisbich. De *Wisbich* Episcoporum Eliensium castro ad tredecimum hinc milliare, quod inter paludes & flumina sedet, & nuper fuit carcer ad Pontificios coercendos constitutus, nihil habeo quod adjungam, nisi hoc oppidum una cum *Walepole*, monasterio Eliensi olim à possessore datum fuisse, cum Alwinum filiolum monasticæ vitæ ibi addiceret, Guilielmum Primum Castrum extruxisse, cum proscripti ex hac palustri regione excursionem facerent, & anno Salutis crio cc xxxvi, cum Oceanus vi ventorum agitato in hoc littus duos continuos dies incubuisset, latissimam terrarum hominumque stragem edidisse. Castrum vero lateritium quod nunc cernitur, avorum memoria construxit Ioannes Morton Episcopus

Eliensis, qui etiam recta linea in palustri hac regione incile, quod *The New-leame* vocitant, duxit ad subvectionis commoditatem, ut frequentatione hoc oppidum uberiori quæstu incrementum haberet; quod contra tamen vertit, nam non magno jam est usui, & conqueruntur vicini *Avonæ* si-ve *Neni* cursum in Oceanum per *Clowcrosse* omnino hinc esse impeditum.

Primus Gantabrigiæ Comes habetur Guilielmus frater Ranulphi Comitum Cestriæ, ut legitur in diplomate Aleaxandri Episcopi Lincolnienfis, dato M C XXXIX. Postea illi è regia Scotorum familia qui Comites fuerunt Huntingdoniæ, etiam Gantabrigiæ Comites fuisse existimare licet, cum ex Archivis regni constet, Davidem Huntingdoniæ Comitem tertium denarium de Comitatu *Cantabrigiæ* accepisse. Longo post tempore Ioanem Hannonium fratrem Guilielmi tertii Comitum Hollandiæ, & Hannoniæ, eo honoris evexit Rex Edwardus Tertius, in gratiam Reginæ Philippæ uxoris suæ, quæ Ioanni illi sanguine conjuncta. In cujus etiam gratiam, cum Ioannes ad Gallum defecisset, Guilielmum Marchionem Iuliacensem, qui ex Philippæ sorore natus, eodem titulo adauxit. His vero exteris defunctis, Edwardus Tertius hunc honorem in filium suum quintum Edmundum de *Langley* transtulit, quem cum quatuor annos tenuisset (ex autoritate veteris M S. libri loquor penes optimum Antiquarium Fr. Thinnum) Comes *Hannoniæ* consanguineus D. Philippæ Regine ad Parlamentum veniens jus in eo vendicavit, & placatus recessit. Edmundo de *Langley*, qui postea Dux Eboraci, nati sunt filii duo Edwardus Dux Eboraci, qui aliquandiu Comitatum Gantabrigiæ tenuit, & in Agincoutensi prælio cecidit, & Richardus, qui factus Comes Gantabrigiæ prona Henrici Quinti gratia, & cum consensu fratris Edwardi. Verum cum iste perfide & ambitiose ingratus exitium optimo ille Principi machinatus, capite plecteretur, Gantabrigiensium Comitum titulus una cum illo omnino evanuit, vel latuit inter titulos filii ejus Richardi, qui postea Dux Eboraci in integrum restitutus, ut consanguineus sz. & heres patrui Edwardi Ducis Eboraci.

Parochiæ 163 in hoc Comitatu continentur.

HUNTINGDON-SHIRE.



Cantabrigienfes à dorso contingit ager Huntingdonensis, Saxonice *hunte dunes cýne* vulgo *Huntingdonshire*, eo situ locatus, ut ab Austro Bedfordienfes, ab Occasu Northantonenses, ut etiam à Septentrione, qua *Avona* fl. dirimitur, & ab Ortu Cantabrigienfes spectet. Regio sementi satis apta, pascendo pecori, ad Ortum qua palustris est, uberrima, alibi collium apricitate, & arborum opacitate amœna, totam enim sylvis olim oblitam fuisse prædicant incolæ, & *Forestam* fuisse constat, donec Rex Henricus Secundus primis regni sui temporibus *deforestaverit* universam, ut habetur in perambulatione veteri, præter *VVaybridge*, *Sapple* & *Hertbei*, qui fuerat bosci Dominici, & remanent *Foresta*.

Meridionalem partem *Vsa* fl. quem sæpe dixi, alluit, & floribus vestit. Ad quem inter alia obscurioris famæ tria adsident notissima oppida, ubi relictis Bedfordiensibus, hunc agrum subintravit. Primum invisit *Sancti Neoti fanum*, vulgo *S. Needs*. *Needes*, à Neoto viro cum docto, tum sancto, qui in propaganda Christi religione omne vitæ studium consumpsit, cuius corpus à *Neotstock* in Cornwallia huc translatus erat, & in ejus honorem Alfricus Elfridi Comitis Palatium in monasterium convertit. Quod latifundiis plurimis Roisia uxor Richardi Domini de *Clare* statim à Normannorum adventu locupletavit. Antea vero hic locus ab Ainulpho viro etiam sancto *Ainulphsbury* dicebatur, quod nomen in ejus parte etiam adhuc superest. Sub hoc ad *Hailweston* viculum admodum tenuem duo sunt fonticuli, alter dulcis, alter quodammodo salus; hunc contra scabiem, & lepram; illum contra oculorum hebetudinem valere perhibent vicini. Inde haud procul salutat *Vsa Bugden* elegantes Episcoporum *Lincolniensium* ædes, & per *Hinchingbroke* quondam velatis virginibus sacræ, quas ab *Eltesley* in Comitatu Cantabrigienfi huc transtulit Rex Guilielmus *Conquestor*, & nunc Equestris familiæ *Cromwellorum* sedem, *Huntingdoniam* accedit, Saxonice *Huntan-tun* Mariano, in sigillo publico *Hunterdune* id est *Mons venatorum*, ut interpretatur Henricus hujus Archidiaconus, qui ante annos *cccc* floruit, unde venatorem in insignibus gestat, & novum vocabulum *Venantodunum* Lelandus noster Latina incude nobis excudit. Præcipuum hoc est totius Comitatus oppidum, cui & nomen contulit, tam *situs fulgore*, ut inquit ille Archidiaconus, quam *sui decore*, tam paludum vicinitate, quam *ferarum* & *piscium* fertilitate vicinis oppidis longe præminens. Edwardi Confessoris temporibus, ut ex Angliæ lustro hoc adnotem, fuerunt in hoc Burgo quatuor *Ferlingi*, in duobus fuerunt *cxvi* *Burgenfes* consuetudinem, & *geldum* reddentes, & sub iis *c* *Bordarii*: in aliis duobus *Ferlingis* *cx* *Burgenfes* ad omnes consuetudines, & *geldum* Regis. Ad Septentrionalem *Vsa* ripam editiori situ sedet longius in Aquilonem productum, quatuor templis exornatum, monasteriolumque ha-

buit à Matilde Augusta, & Eustatio *Lovetosi* fundatum, cujus parietinas sub oppidum ad Ortum vidimus. Ad flumen prope pontem qui è saxo vivo speciosus est, moles & area castrî cernitur, quod anno reparatæ Salutis *Dccccxvii* Edwardus Senior instauravit, David Scotus, cui, ut antiquus habet historicus, *Stephanus Rex Burgum Huntingdon in augmentum dederat*, multis operibus adauxit, Henricusque Secundus demum, tum quod perfugium seditiosis fuisset, tum quod lites de eo sæpius servissent Scoti, & *S. Lizii*, solo ad lites præcidendas adæquavit, cum importuna illorum contentione irritatus jurasset, quod nec illi de *S. Lizio*, nec Scoti amplius de illo concertarent. Ex his castrî molibus longe patente prospectu, oculis subjicitur pratum (*Portsholme* vocant) *Vsa* flumine circumfusus, amplissimum quidem, & omnium quæ Sol vidit floridissimum, de quo verno tempore vere illud usurpari potest,

Ver pingit vario gemmantia prata colore.

Ea picturata amœnitate oculis blandissime aridet. Citeriori ripa è regione Huntingdoniæ stat ejus quasi mater, unde enata fuit, *Goodmanchester* hodie dicta pro *Gormonchester*. Vicus maximus, & agricultura celebratissimus, campo patenti, soluto, & ad Solem reclinatus. Nec est aliud in Angliâ oppidum quod plures habeat strenuos colonos, & plura exerceat aratra. Reges enim Angliæ hac itinerantes olim centum octoginta aratris rustica quadam pompa eductis, se excepisse gloriantur. Certe inter nostrates, vitam rusticam (quam sapientiæ consanguineam vocat Columella) studiosissime colunt, siue rei prudentiam, siue impendendi facultatem, agendique voluntatem respicias: *Villam* suo tempore, non inamabilem, vocat Henricus ille Huntingdonensis, olimque nobilem fuisse urbem, vere scribit. Nam ut Romanorum numismata sæpe eruta, & itinerariam distantiam taceam; hanc urbem fuisse illam quæ apud Antoninum *DVROLI-PONTE* perperam pro *DVROSIPONTE* dicitur, ipsa nominis significatio probet; *Durofiponte* enim (ignosce quod unam literulam immutarim) idem sonat Britannis quod *Pons ad flumen Ose*. *Vsa* vero *Ise*, *Ose*, & *Ouse*, hoc flumen promiscue nominari in confesso est omnibus. Sed antiquato sub Saxonibus nomine vetusto, à Gormone Dano, cui has provincias cum pax convenisset, *Ælfredus* noster concessit, *Gormonchester* vocari cœpit, attestante vetere versiculo:

Gormonis à castrî nomine, nomen habet.

Hic ille est de quo *I. Picus* scriptor antiquus, sic scribit, *Ælfredus Rex sic Danos contudit, ut dabant ad libitum obsides, quod terra exirent, vel Christianitatem reciperent. Quod & factum est: nam Rex eorum Guthrum (quem Gormondum vocant) cum triginta proceribus, & omni pene populo baptizatus, in filium ab Ælfredo susceptus, imposito sibi nomine Athelstano. Hic igitur mansit, datæque sunt sibi provincie Orientalium Anglorum, & Northanhumbrore; ut eas sub fidelitate regis foret hereditario quas pervaserat latrocinio. Nec prætereundum*

Ainsbury.
Fontes salutare.

Budgen.

Huntingdon.

Gormonchester.

Durofiponte.

dum est quod aliqui etiam è priscis illis scriptoribus hanc urbem *Gumicester* & *Gumicastrum* vocarint, Machutumque hic Episcopum sedisse asseveranter affirmarint.

S. Ives.

Hinc *Vsa* se proripiens, quum Cantabrigienfes jam aditurus est, oppido satis nitido inter amœnissima prata affunditur, quod *Slepe* olim Anglo-Saxonice, nunc vero *S. Ives* dicitur ab Ivone Perfa Episcopo, qui circa annum Chisti, ut scribunt, sexcentessimum Angliam magna sanctitatis opinione perlustravit, divinum verbum sedulo profeminavit, suumque nomen huic loco, in quo satis concessit, reliquit. Vnde tamen brevi corpus ejus *Ramsiam* transtulerunt religiosi.

Somersham.

Ramsay.

Hinc vix trium milliarium diverticulo vidimus *Somersham* speciosam nuper Episcoporum Eliensium habitationem, quam Brithnotus Comes anno DCCCXCII, Ecclesiæ Eliensi dedit, & Iacobus Stanley Episcopus ille in omnem lulum solutus novis ædificiis adauxit. Paulo superius erat *Ramsay* monasterium opulentissimum inter paludes positum, qua stagnant flumina, quum jam mollius solum ibi invenerint. Loci descriptionem, si placet, ex privata hujus monasterii historia, paucis habe, Ramsay, id est, *Arietis insula*, à parte Occidentali, nam alias palustria loca humanis gressibus haud per via longius protenduntur, à tellure solidiore duobus fere balistæ jactibus interjacentibus luteis salebris dirimitur. Qui locus olim segni tantummodo amne naves serena adpectas aura placido jucundi marginis excipiens gremio; nunc gravi labore, & sumptu, lignorum, arenæ pariter & lapidum congerie lutofa obstructa abyssu, calle solido in eadem parte pedibus aditur, duobus fere mill. pass. in longum extensa, latitudine paulo strictior habetur, quæ tam alneto quidem, quam arundineti cum virore calami, & junci pulchre in gyrum coronata: multo antequam inhabitaretur arborum genere, potissimum autem abundanti tota vestiebatur orno. Nunc vero longiore temporis tractu nemoribus ex parte demolitis, terra uberi gleba arabilis cernitur, & opima fructibus, frugibus jucunda, hortis confita, pascuis opulenta, & pratorum gratia verno tempore spectantibus aridente, veluti depicta floribus tota insula vario colore coloratur. Ambitur præterea paludibus anguillofis, & stagnis multimodi generis piscium, & avium natalium nutritivis. E quibus una est Ramsay Mere de nomine insula dicta, quæ ceteras adjacentes aquas pulchritudine, & fertilitate superexcellens, ab ea parte qua major insula sylva densior habetur, arenosam ipsius oram pulchre alambens delectabile videntibus spectaculum præbet, in cujus vastis gurgitibus laxatis tam sagenis, quam alterius generis retibus immixtis, inescatis hamis, & ceteris artis piscatoria instrumentis admirandæ magnitudinis lucii, qui ab incolis Hakeds nuncupantur, persæpe extrahuntur, & indefinenter ubi laborat aquatiliū industria venatorum, semper ibi multiplex aquatici generis capitur fœtus, semper tamen quod capiatur, abundat. Deinde persequitur pluribus, quomodo Ailwinus vir regio sanguine natus, & ob auctoritatem & gratiam qua apud Regem pollebat maximam, *Healf-Koning*, id est *Semirex*, agnominatus, piscatoris somnio admonitus extruxerit, *Oswoldus* Episcopus promove-rit, Reges & alii redivitibus ita adauxerint, ut septem millia librarum nostratium ad alendos sexaginta monachos annuo censu collegerit: sed cum jam dirutum sit, hæc plus satis nonnullis videantur. Adjungam tamen ex eodem autore

Ramsay Mere.

Hakeds.

Brittannia.

inscriptionem tumuli Ailwini cum inusitatum dignitatis titulum præ se ferat.

HIC REQVIESCIT AILWINVS INCLITIREGIS EADGARI COGNATVS, TOTIVS ANGLIÆ ALDERMANNVS, ET HVIVS SACRI COENOBII MIRACVLOSVS FVNDATOR.

Hinc ad *Peterborough*, quæ decem plus minus milliaribus abest, Canutus Rex, quia torrentibus & alluvionibus iter impeditius erat, viam, (*Kingsdelfe* historicis nostris vocatur) magnis operibus haud procul à *Wittlemere* lacu magno constravit. Utque hoc monasterium Occidentalem agri partem exornavit, sic mediam *Saltria* Cisterciensium quondam monasterium à secundo Simone de *Sancto Lizio* Huntingdoniæ Comite constructum. A quo parum abest *Cunnington*, quod de *Honore de Huntingdon* (ut municipalis juris periti loquuntur) tenetur, ubi intra fossam quadratam vestigia expressa cernuntur castris antiqui, quod fuit sedes, uti etiam *Saltria*, ex dono Canuti, *Turkilli* Dani illius qui hic inter Orientales Anglos egit, *Suenumque* Danorum regem ad Angliam diripiendam evocavit. Post cujus abitum *Waldeofus* Siwardi Northumbriæ Comitis filius Huntingdoniæ Comes, qui *Iuditham* Guilielmi *Victoris* ex uterina sorore neptim duxit, per cujus filiam natu maximam in Regiam Scotorum familiam devenit. Illa enim secundis nuptiis juncta fuit *Davidi* Huntingdoniæ Comiti, (qui postea regnum Scotiæ obtinuit) filio juniori *Malcolmi Can-mor* Regis Scotorum, & *Margaretæ* uxoris è regia Anglo-Saxonum profapia: neptis enim fuit illa Regis *Edmundi Ferrei* lateris, è filio *Eadgaro Exule*. *Davidi* natus erat *Henricus*, *Henrico* *David* Comes Huntingdoniæ. Per cujus alteram filiam *Isabellam* descendit *Cunnington*, & alia latifundia jure conjugali ad *Robertum Brus*, à cujus primogenito filio *Roberto*, qui agnomine *Nobilis*, *IACOBVS* Rex Magnæ Britanniæ recta linea genus ducit, à *Bernardo* autem filio juniore, cui hoc *Cunnington* cum *Exton* obtigit, *Robertus Cotton* vir dignitate equestri, qui præter ceteras virtutes bonarum artium admirator & indagator summus, conquisitis undique monumentis venerandæ Antiquitatis hic instituit armarium, è quo mihi in his tenebris lumen pro singulari humanitate sæpenumero prætulit.

Kingdelfe.

Sawrey vulgo.

Cunnington.


Saltria. Turkillus Danus.

Verum hæc loca solo depresso & multis menses demerso, * alibi etiam quasi aquis sublato natante, à lacuum offensa, & palustri gravitate minime sunt libera. Hic sex mill. pass. longitudine, tres latitudine diffunditur limpidus & piscosus ille lacus *Wittlemere* in regione admodum palustri, sed cœli gravitatem piscationis utilitas, pastionis ubertas, & cespitum copia in ignis alimentum facile, ut ajunt accolæ, compensant. Rex enim Canutus singulis villis juxta *Mariscum* positis proprium *Mariscum* dividi jussit per *Turkillum*, quem modo dixi, *Danum*, qui ita divisit, ut unaquæque villa tantum de *Marisco* ipso ad usus proprios proprie haberet, quantum firma terra cujusque villæ *Mariscum* contra se positum tangeret. Sanxitque ut nulla villata in alterius

Witlef-mere lacus.

* Mosses.

F f f f



alterius Marisco foderet vel falcaret sine licentia, & ut pastura iis omnibus esset communis, id est cornu sub cornu, pro pace & concordia inter se tuenda. Sed hæc obiter.

Historio-
la Elien-
sis.

Charta
fundatio-
nis Sal-
triæ.

Swerd-
delfe, aliud
à Kings-
delf.

Kimbolton.

Steph. Se-
grave.

Matth.
Paris.

Leighton.

Elton.

Walms-
ford.

Durobri-
væ.

Cum filii & famuli Canuti à Petriburgo ad Ram-
seiam evocati per illum lacum trajicerent, Irrue-
runt nequissimi venti, tempestasque turbulenta illis alacri-
ter navigantibus atque vocibus amœnis vociferantibus
exorta ex omni eos parte circumquaque involvit, ita ut de
vita illorum aut securitate vel cujuscunque spe adjutorii
deposita funditus desperarent, sed omnipotentis Dei clemen-
tia eos omnino non deseruit, nec atrocissimam voraginem
totaliter absorbere permisit: sed quosdam ab illis furenti-
bus fretis ex sua dispensatione misericorditer liberavit,
quosdam vero secundum justum suum occultum judicium,
in illis undis ab hac luce caduca transire permisit. Et cum
tanti fama discriminis ad Regis notitiam pervenisset, timor
eum & tremor vehementer arripuerunt; sed procerum
suorum & amicorum consilio relevatus, ad futura in po-
sterum immanis belluæ infortunia præcavenda, quoddam
fossatum in Mariscis inter Ramesiam, & Vittlefiamque
adjacentibus militibus atque famulis spathis & gladiis suis
signari & postmodum mundari per operarios ordinavit,
unde, ut ab antiquis prædecessoribus fide dignis accepimus,
fossatum illud à nonnullis circumhabitantibus Swerdes-
delf propter gladiorum consignationem nomen accepit, qui-
dam illud Cnouth-delf secundum ejusdem regis vocabu-
lum appellari statuerunt. Vulgo tamen hodie Steeds-
dike vocant, limesque inter hunc Comitatum &
Cantabrigiensē habetur.

Oriente hujus agri latus Kinnibantum ca-
strum, nunc Kimbolton, olim Magnavillanorum, po-
stea Bohunorum & Staffordorum, hodie VVingfeldo-
rum habitatio condecorat. Sub quo Stoneley cœ-
nobiolum erat à Bigramis fundatum. Awenbury
parum hinc abest, quam Rex Ioannes dedit Da-
vidi Comiti Huntingdoniæ, & Ioannes Scotus
ejus filius Stephano Segrave, cujus libentius me-
mini, quod ille inter Aulicos fuit, qui docuit nul-
lam potentiam esse potentem. Ægre etiam ad
eminentem statum conscendit, anxie constitit,
& repente decidit: In juvenute enim sua de clerico
factus Miles, licet de humili genere oriundus, strenuitate
sua ultimis diebus adeo ditatus & exaltatus est, ut inter
primos Regni reputatus, pro Iustitiario Angliæ habitus est,
& omnia fere Regni negotia pro libitu disposuit. Tandem
vero regis favore omnino excidit, delituitque
ad mortem in monasterio, & qui prius à clericatu ad
militiam per arrogantiam confugerat, ad clericatus offi-
cium reversus coronam quam reliquerat, inconsulto Episco-
po revocavit. Parum hinc Leighton abest, ubi splen-
dida ædificia Gervasius Clifton Eques auratus in-
choavit, & Spaldwicke adjacet, quod Lincolnien-
si Ecclesiæ ad damnum refarciendum donavit Rex
Henricus Primus, cum Eliensem Episcopatum
ex Lincolnien-
si diocesi abstractum institueret.

Vbi vero fl. Nen hunc agrum subintrat, Elton
alluit sedem celebris & antiquæ familiæ Sapcotto-
rum, ubi privata Capella singularis elegantia cum
vitreis fenestris artificiosissime depictis extructa
ab Elizabetha Dinhamia vidua Baronis Fitz-warin,
in hanc familiam enupta. Sed paulo superius his
omnibus vetustior urbecula erat. prope VValm-
ford, quam Henricus Huntingdonensis Caer Dorm,
& Dormecaster vocat ad Nene fl. & ante sua tempo-
ra penitus excisam memorat. Durobri-
væ, proculdubio hæc fuit Antonino, id est, fluminis

trajectus, & nunc eodem sensu Dornford dicitur
juxta Chesterton, manifesta que urbis prostrata in-
dicia præter antiquos nummos exhibet. Ad hanc
enim via militaris Romanorum ab Huntingdonia
recta ducit, pauloque super Stilton, quod olim
Stichilton dictum, cello aggere conspicitur, & Er-
minstreat antiqua Charta Saxonica vocatur. Hic
vero per medium valli quadrati transit, cujus la-
tus boreale mœnibus munitum videtur, reliquis
lateribus tantum aggesta terra. Iuxta quod plu-
res capuli è saxo sive sepulchra jam pridem effos-
sa fuerunt, in fundo R. Beuill ex veteri & clara in
hoc agro familia. Vtramque ripam hanc urbem
occupasse credunt nonnulli, viculumque Caster
in altera ripa, ejus partem fuisse sunt qui opi-
nantur, & opinioni sane fidem adjicit antiqua hi-
storia, quæ docet ad Nene locum fuisse Dormund-
caster, in quo cum Kinneburga monasteriolum
ædificasset, primum Kinneburge-caster, & postea
contracte Caster vocari cœpit, Kinneburga illa
Christianissima Pendæ pagani Regis filia, & Al-
fredi Nordanhumborum Regis uxor, mutavit
imperium in Christi ancillatum (ut ex antiquo loquar
autore) & huic suo Monasterio tanquam mater sacra-
rum virginum præfuit. Quod postea circa annum
Salutis c10x, Danico furore solo erat adæqua-
tum. Vbi vero fl. jam relicturus est hunc Comi-
tatum Bottle-bridge (ita contracte nunc vocatur
pro Borolph-bridge) antiquas ædes allabitur, quas à
R. Gimels, Draïtoni & Lovetti ad Shirleiorum fami-
liam hæreditaria serie transtulerunt. Illis que ad-
junctum est Overton, corrupte nunc Orton, quod
fisco propter Feloniam additum redemit à Rege
Ioanne Nigellus Lovetost, cujus soror & cohæres
enupta Huberto vel Roberto de Brounford illi li-
beros suscepit qui Lovetost sibi nomen assump-
serunt.

Huntingdonensis hæc provincia inclinato jam
Anglo-Saxonum imperio Comitem habuit offi-
ciarium Siwardum, (nec dum hæreditarii erant
in Anglia Comites) verum provinciarum præfe-
cti pro usu ejus seculi Comites dicebantur, adje-
ctione Comitatus provinciae cui præerant, uti
hic Siwardus dum huic agro præeslet, Huntingdo-
niæ, cum paulo post præficeretur Northumbriæ,
Northumbriæ Comes dictus erat. Huic filius erat Wal-
deofus, qui titulo Comitis huic præfuit provin-
ciæ gratia Guilielmi Conquestoris, cujus è sorore
uterina neptem Iuditham duxerat. Primogenitam
autem VValdeofi (ut habet Guilielmus Gemiticen-
sis) accepit Simon Silvanestensis, sive de S. Lizio cum
Comitatu Huntingdoniæ, genuitque filium Simonem. Mor-
tuo autem Simone Comite, David frater sanctæ Matildis
Reginæ Angliæ, (qui postea Rex Scotorum) duxit
uxorem ejus, ex qua suscepit filium Henricum. Variante
vero deinde fortuna, & Regum favore, nunc Sco-
ti, nunc S. Lizii, hunc certatim gesserunt hono-
rem, scilicet Henricus Davidis filius, tum Simon
S. Lizii Simonis primi filius, post hunc Malcol-
mus Rex Scotorum Henrici Comitis filius, eo
defuncto, Simon S. Lizii tertius, qui cum sine
prole obiisset, Guilielmus Rex Scotorum Mal-
colmi frater successit. Sic enim qui tunc floruit
scripsit Radulphus de Diceto, Anno c10 clxxxv,
cum Simon Comes filius Simonis Comitis sine liberis dece-
isset, Rex reddidit Comitatum Huntingdoniæ cum pertinen-
tiis

Stilton,
Erming-
streat.

Caster in
Com.
Northam-
pton.

Bottle-
bridge.

Hunting-
doniæ
Comites.

Vide Co-
mites
Northan-
toniæ.

Lib. ulti-
mo cap.
16.

Ioannes
Forden in
Scoto-
chronico
lib. 8, c. 3.
6. & 39.

Matth.
Paris.
1243.

Vide Du-
ces Exo-
nia pag.
117.
Cap. 50.

tiis *Guilielmo Regi Scotorum*. Inde David ejus frater, Davidis filius Ioannes cognomento *Scotus* Cestrie Comes, qui cum sine sobole satis concessisset, & Alexander Secundus qui Regis nostri Henrici III filiam duxisset, aliquantisper hoc titulo usus esset, Scoti ingruentibus bellis eo honore & lautissimo in Anglia patrimonio exciderunt. Edwardus Tertius satis longo post tempore *Guilielmum Clinton* Huntingdonie Comitem creavit: illi successus à Richardo Secundo *Guiscardus Angolismius*, & eo mortuo, Ioannes *Holand*, cui Ioannes filius, & Henricus ejus filius successerunt, qui singuli fuerunt Exoniae etiam Duces. Et hic ille Henricus Exoniae Dux est, quem nudis pedibus mendicantem vidit (ut ipse testatur) *Philippus Cominæus*, dum constanter, à Lanca-

strensi familia staret, etsi sororem Regis *Edwardi Quarti* in uxorem duxerat. Inde *Thomas Grey*, qui postea Marchio Dorsettie, eo honore paulisper fuit auctus. Certum etiam est ex Archivis, quod *Guilielmus Herbert* Comes Penbrochie re-
stituit Chartam creationis qua Penbrochie Comes pater factus erat in *Cancellariam cancellandam*, quod-
que *Edwardus Quartus* anno regni sui xvii, ip-
sum in *Huntingdonia* Comitem creavit. Patrum vero memoria illum honorem *Georgio Hastings* contulit *Henricus Octavus*, cui successit *Franciscus*, illi itidem *Henricus* filius veræ nobilitatis, & pietatis laudibus vir longe honoratissimus, illi-
que sine prole defuncto *Georgius* ejus frater, *Georgio* ejus è filio nepos *Henricus*, qui eodem titulo hodie lætatur.

Numerantur in hac regiuncula Paræcia 78.



C O R I T A N I.

CORITANI nunc adeundi, qui interius ab ICENIS longissime per mediterraneam Insula partem diffusi, ad Germanicum usque Oceanum egerunt, in illis utpote regionibus, quæ nunc Northamptonshire, Leicestershire, Rutlandshire, Lincolnshire, Nottinghamshire, & Derbyshire vulgo vocantur. Ab horum Etymologia, ne incognita pro cognitis habere videar, manum abstinere. Licet enim longe lateque diffusus fuerit hic populus, quod Gur Tani Britannis denotat, CORITANOS tamen hos si inde dictos assererem, nonne aleam luderem? Qui feliciter hac poterint, tutius conjectent. Ego interea singulos, quos dixi, Comitatus, pro meo instituto, suo ordine perlustrabo.

NORTHAMPTON-SHIRE.



AGer Northantonensis, Saxo-nice Nonparenon-rcyne7 & Northanton-shire, vulgo Northampton-shire, in ipso quasi Angliæ medietate positus, ab Occasu brumali qua latior est, sensim se contrahendo in Ortum æstivalem protenditur. Ab Ortu Bedfordienses, & Huntingdonenses, ab Austro Buckinghamienses & Oxonienses, ab Occasu Warwicienses, à Septentrione autem Leicestrenses, Rotelandenses, & Lincolnien-ses *Avona* minori, & Wellando fluminibus discriminati sedent. Orientalem partem ab *Vsa* ad *Dowbridge* militaris Romanorum via, quam *VVatling streat* vocant, percurrit, mediam & Orientalem *Nen fl.* qui à scriptoribus etiam *Aufona* dictus placide interfecat. Campestris, habitatissima, & nobilium villis excoltissima est regio, oppidis & ecclesiis refertissima, adeo ut nonnullis in locis xx, nonnullis xxx, plus minus sacre pyramides vel turres simul aspectui se offerant. Soli admodum ditis, sive arva, sive pascua respicias: sylvis tamen nisi in ulteriori & citeriori parte minus læta. Ubique vero, ut etiam alibi in Anglia, ovibus oppleta & quasi obfessa, quæ, ut Hythodæus ille dixit, *tam mites esse, tamque exiguo ali solebant, nunc, uti fertur, tam edaces, atque indomita esse cœperunt, ut homines devorent, ipsos agros, domos, oppida vastent, ac depopulentur.*

In Australi limite, ubi *Vsa fl.* sæpe jam dictus exoritur, molliter surgente loco, quo fontes as-fatim scaturiunt, *Brakley*, id est, *Filicetum*, insigne olim lanarum emporium, quantum & quam opulentum fuerit, advenis ex ruinis & *Majore*, quem pro summo magistratu habet tantummodo ostentat. *Zouchæi*, qui loci Domini collegium ibi posuerunt, à quibus ad *Hollandos* & *Lovellos* quasi dotalis possessio successione pervenit, sed *Lovello* tempore Henrici Septimi proscripto, beneficio Regis acceperunt *Stanlei*. Collegium autem hodie lacerum ad Magdalenenses Oxoniæ spectat, qui pro secessu habent. Nec minima huic loco apud majores fuit celebritas ex *Rumbaldi* infantuli memoria, qui (ut in ejus vita legitur) regis filius ubi primum in lucem hic editus, nescio quæ sancta loquutus, & se Christianum professus, statimque baptisatus expiravit.

hinc ad Aquilonem vii mill. pass. nemorosa via emensi primum *Astwell*, ubi *T. Billing* Primarius olim in *Banco Regio* *Iustitarius* celebris habitavit, à quo ad antiquam *Lovellorum* familiam hæreditario devenit: & inde *V Vedon*, & *V Vapibam* vidimus quas familia de *Pinkeney* per *Baroniam* tenuerunt, donec *H. de Pinkeny* Regem *Edwardum* Primum hæredem scripsisset. Quem optimum Principem multi mali hæredem scripserunt, cum (ut inquit *Tacitus*) à bono patre non scribitur hæres nisi malus Princeps. Hinc statim *TRIPONTIVM*, quod memorat sed non suo loco Antoninus, pervenimus: nam hoc illud fuisse quod nunc *Torcester* vocamus, opinor; nec languidæ fidei restant argumenta. Si *Trimontium* Thraciæ à tribus montibus: *Triturrita* Tusciæ à tribus turribus: *Tripolis* à tribus urbibus nomina traxerint: à tribus pontibus hoc nostrum *TRIPONTIVM* denominatum fuisse, non est cur dubitem. Ecce tibi in hac *Torcestria*, via Prætoris sive militaris Romanorum, quæ planissime inter hanc & *Stonystratford*, plurimis in locis se ostendit, tribus præcipuis fluvii divisi alveis interfunditur, quos olim, uti hodie, pontibus conjunctos fuisse necessitas persuadet. Si vero Britannum consulas quomodo tres pontes Britanni vocant, statim *Tair* ponte audies, & viri boni, à quibus hic nummos Romanos accepi, constanter asserunt *Torcester* verum esse loci nomen, & à turribus dictum putant. *Toucester* tamen *Marianus* vocat, si liber non mendosus, apud quem legimus, hoc anno Salutis DCCCXVII, adeo munitum fuisse, ut Dani nullo modo expugnare potuerint, *Edwardum*que seniore lapideo muro postea incinxisse: nos tamen quærendo mœnium vestigia vidimus nulla. Sola moles aggesta superest, *Beribill* vocant, in hortis privatis undique cerasis confita: & ipsum ita evicit tempus, ut situi, nomini, & antiquis nummis, qui subinde hic reperiuntur, debeat, quod vetustum censeatur. Nihil enim in eo memorandum præter ecclesiam quam habet unicam, amplam tamen & pulchram, in qua *D. Sponde* ejus olim Rector, quem de ecclesia & oppido benemeritum ferunt, in sepulchro affabre extructo conditur. Sed in vicinia eminent apud *Elton* speciosa ædes Equestris familiæ *Farmerorum*.

Fluvius, quo *Torcestria* irrigatur, dum *Vsam* Grafton. hinc

Ores.

Vtopia
Th. Mori.

Brakeley.

Baronia
Pinkenei-
orum.Tripon-
tium.Fl. præter-
labentem
Tone di-
ctum ali-
qui vo-
lunt.Widewill.
sive Wod-
vill.Parl. 27.
H. 6.Comites
Rivers.7. Edw. 4.
Constab.
larius An-
glie.Sacy F.
rest.
Forre-
de Sal-
to.Inq.
Ed 3.

Ward.

Lati
Bar.

Widdevill,
five Wod-
vill.

Parl. 27.
H. 6.

Comites
Rivers.

7. Edw. 4.
Constabu-
larius An-
glia.

hinc petit, *Graftonam*, quæ nunc *Regis Honor* cense-
tur, præterfluit, olim vero sedes fuit familiæ de
Widdevill, è qua Richardus vir notissimæ virtutis,
qui quod Iaquetam viduam Ioannis Ducis Bed-
fordiæ, filiam Petri Luxenburgici Comitis S.
Pauli, sine Regis licentia duxerit, multatus fuit
mille libris monetæ nostræ, ab Henr. VI. Qui
postea tamen eundem honore Baronis *Widdevil*
de *Rivers* extulit. Cum huius filia Elizabetha
clandestinas nuptias contraxit Edwardus Quar-
tus, & sane primus regum nostrorum à *Conqua-*
stu, qui cum subdita matrimonium iniit. Sed in-
de sibi, & uxoris cognatis Iliadem malorum at-
traxit, ut in historiis nostris videre licet. Rich.
ille *Widdevil* Dominus de *Rivers*, *Grafton* & *De La*
Mote, ab Ed. III, jam genero erectus erat (ex ip-
sa Creationis charta loquar) in Comitum de *Rivers*
per cincturam gladii, habendum sibi & heredibus mascu-
lis cum feodo viginti librarum per manus Vicecomitis Nor-
thampton. Statimque Constabularius Angliæ cum
summo honore constitutus ad illud officium (ex au-
tographo loquar) per se vel sufficientes Deputatos pro
termino vitæ occupandum, gerendum & exercendum, per-
cipiendo annis singulis CC libras è Scaccario cum plena
potestate & autoritate ad cognoscendum & procedendum
in causis de & super crimine læsæ maiestatis, seu ipsius oc-
casione, causisque & negotia prædicta cum omnibus &
singulis suis emergentibus incidentibus, & connexis audien-
dum, examinandum, sine debito terminandum, etiam sum-
marie & de plano sine strepitu, & figura iudicii sola facti
veritate inspecta, ac etiam manu regia si opportunum vi-
sum fuerit vices nostras, appellatione remota. Verum
ille his honoribus paulisper usus in prælio ad
Edgcote pro genero victus & mox interceptus,
fuit obruncatus.

Quamvis autem in huius filiis stirps quasi in-
termortua desit cum Antoninus Comes *Rivers*
capite à Richardo Tertio truncaretur, & Ri-
chardus, alique ejus fratres sine sobole obirent:
filia tamen pulcherrimas ex se propagines diffu-
derunt. Ex his enim stirps Regia Angliæ, Mar-
chiones Dorsettiæ, Comites Essexiæ, Comites Ar-
undeliæ, Comites Wigornia, Comites Derbiæ,
& Barones Staffordiæ quasi progerminarunt.

Grafton à tergo objacet *Sacy Forresta* venationi
dicata, magis ad Ortum viculis omnia sunt asper-
sa, inter quos nominatissimi sunt *Blisworth* sedes
Wakorum, qui ex illustri illa prosapia Baronum de
Wake & *Estotville* enati, *Pateshull*, quæ clarissimæ
quondam familiæ nomen fecit, *Greenes-Norton* à
Greenis viris superiori seculo ob opes clarissimis
denominata, antea, nisi me fallo, *Norton Dany*,
quod tenebatur in capite à Rege per servitium levandi
manum dextram erga regem annuatim in die Natalis Do-
mini, ubicunque fuit in Angliæ, *Vardon* Centuria, quæ
suos habuit Dominos Guidone de *Reinbudcourt*
Normanno prognatos, quorum hæreditas per
Folliottos ad Guiscardum *Leddet* devenit, cujus filia
Christiana peperit plures liberos Henrico de
Braaibrook marito, maximus vero natu Guiscar-
dus *Ledetti* nomen maternum assumpsit; sed bre-
vi per foeminas inter Guilielmum & Ioannem *La-*
timeros de *Corby* fratres divisa sunt ampla latifun-
dia. Ab hoc *Griphini* in hoc Comitatu, ab illo
Latimeri illi Barones antiquiores in agro Eborac-
censi genus traxerunt.

Britannia.

Sacy For-
rest.
Forresta
de Salce-
to.

Inq. 44.
Ed 3.
Wardon.

Latimeri
Barones.

Superius ad Boream fontes aperit *Aufona* fl.
(Avon enim generali vocabulo omnia flumina
Britannice appellantur) quod *Nen* accolis & ab
Occiduo latere sæpius recurrentibus ripis per
mediam quodammodo huius provinciæ partem
iter habet, perpetuoque beat officio. Flumen sa-
ne nobilissimum, & si quid video, à Romanis
olim præfidiis munitum. Cum enim jam citerior
Britanniæ pars sub Claudio imperatore in Ro-
manorum potestatem ita cessisset, ut quicam in-
colerent Romanorum socii dicerentur, & ulte-
riores Britanni sæpius in horum agrum effusi om-
nia violentius raperent: ipsique socii facilius
Romanorum imperia, quam vitia ferentes, sub-
inde cum ulterioribus illis conspirarent. P. Osto-
rius (inquit Tacitus) cinctos castris (*Antonam*, *Aufo-*
nas si ausim, legerim) & *Sabrinam* cohibere parat.
Hoc est, ni male capio, munimentis ad fluvios di-
spostis statuit coercere Britannos ultiores, &
provinciales, ne mutuas operas in Romanos tra-
derent. Quis fluvius hic sit *ANTONA*, dixerit
nemo. Lipsius nostræ ætatis Phœbus aut hanc
nebulam dispulit, aut nubes me sane obduxit. Ad
Northampton digitum intendit ille, & ego *Antonam*
pro *Aufona* ad quem sita *Northamptona*, in Tacitum
subrepsisse, opinor. Iuxta enim Angliæ umbi-
licus, five meditullium habetur, ubi ex uno colle
tria enascuntur flumina in diversum abeuntia,
Cherwell in Austrum, *Leame*, quem statim alter *Au-*
fona *Sabrinam* petens suscipit, in Occasum, & hic
in Ortum. E quibus, hi duo *Aufona* ita insulâ trans-
versam secant, ut ex Borealibus insulæ partibus
venientibus alter ex his sit necessario transeun-
dus. Quare cum Ostorius *Sabrinam*, & hos *Aufonas*
communivisset, non erat cur è Wallia, vel Se-
ptentrionali Britannia plaga suis Romanis, & so-
ciis timeret, qui eo tempore proximam insulæ
partem solummodo in provinciæ formam rede-
gerant, ut alibi ipse testatur Tacitus.

Ex his Ostorii castris magna illa munimenta &
sepimenta militaria quæ hic cernuntur ad *Gilds-*
borough, & *Dantrey* inter duorum *Aufonarum* fon-
tes, qui in diversa feruntur, & qua solum transi-
tus in citeriorem Britannia partem sine flumi-
num objectu patet, videantur. Illud ad *Gildsbo-*
rough magnum & amplum, sed hoc ad *Dantrey*
majus & amplius, forma enim quadrata in excel-
so colle unde subiecta regio longe lateque despi-
ci potest, & ad Ortum molem habens (*Spelwell*
vocant) ducenta plus minus jugera aggesto val-
lo includit. Inter quod Romanorum Cæsarum
nummos in vetustatis indicia subinde reperiunt
rustici. Falsi igitur sunt qui Danorum opus, & in-
de subiectum oppidum *Dantrey* denominatum
contendunt, quod hodie diversis notissimum
fratrum Augustinensium ædem habuit, quam (ut
perhibent) H. de *Farwesley* olim posuit.

Ad *Aufona* fontes, ut eo regrediamur, adidet
Catesby, quod nomen fecit vetustæ familiæ, ve-
rum damnatæ jam memoriæ, ob atrocissimum,
teterrimum & omnibus seculis inauditum sce-
lus, quod Robertus *Catesby* de *Ashby S. Leger* dede-
cus gentis, audacia nefarie furens, crudelitatem
immaniter anhelans, perniciem patriæ & prin-
cipi impie moliens specioso religionis obtentu
nuperrime machinatus. De quo mutescant tem-
pora,


Nen fl.

Antona
Taciti.

Cherwell.
fl.

Gildesbo-
rough.
Dantrey.

Catesby.



pora, ne ejus commemoratione, seculi nostri labes posteris appareat, quam nos cum horrore non possumus non ingemiscere, cum & ipsa muta & inanimata tanta & tam indigna concepti sceleris atrocitate commoveri videantur. Iuxta est *Fawesley*, ubi diu incolere *Knightlei* equestri dignitate clari, à *Knightleis* illis antiquioribus de *Knowshall* in Comitatu Staffordienfi oriundi. Magisque ad Ortum ad *Aufonam* jam pertenuem *VWedon* secundum viam Prætoriam, quæ Merciorum Regis Wolpheri erat Regia, in Monasterium ab ejus filia Werburga sanctissima virgine conversa, cujus miracula in fugandis hinc anseribus scriptores creduli decantant. Hanc vero esse quod in Antonini Itinerario BANAVENNA, BENNAVENNA, & BENNAVENTA dicitur, & semel corrupte ISANNAVENTA, etsi nulla supersint expressa nominis vestigia (vetustate longa omnia obruente, & immutante) nisi existimarem, veritati sane vereor ne illud rem; etiam si antea contra senserim. Distantiæ enim ratio à proximis stationibus & mansionibus antiquis exacte convenit, & in ipso BANNAVENNÆ nomine nomen fluminis *Aufon*, cujus prope sunt fontes, se quodammodo non obscure subindicat. Via item militaris hinc recta in Septentriones interrupto & extrito sæpe agger, sed maxime ex adverso viculi *Creke*, ubi necessario pontibus conjungeretur, alibi autem eminenti aggeri usque ad *Dowbridge* juxta *Lilborne*.

Paulo magis ad Septentriones vidimus *Althorp* habitationem claræ & Equestris familiæ *Spensero*, quæ plurimis iisdemque clarissimis familiis cognatione conjuncta, & è qua nuperrime quintum non interrupta serie Equitem, Robertum virtutis & bonarum literarum cultorem eximium titulo & honore Baronis *Spenser* de *VVormleighton* Rex noster serenissimus Iacobus exornavit. In proximo unicum magnificæ structuræ exemplum *Holdenby* ædes elucet, quas in hæredio proavia, quæ hæres antiquæ familiæ *Holdenbeiorum* (maximum & ultimum monumentum juventutis suæ, ut ipse postea solitus dicere) construxit *Christophorus Hatton* Elizabethæ Reginae à consiliis sanctioribus, magnus Angliæ Cancellarius, & Georgiani ordinis Eques auratus, vir (nec aliquid dicam quod veritati negari possit) pietate in Deum singulari, fide in Rempub. spectata, æquitate incorrupta, eleemosynis vero erogandis longe omnium munificentissimus. Quique, quod non minime cedit laudi, dextram salutarem bonis literis libentissime porrexit. Verum ille ut pie vixit, pie in Christo obdormivit; laus tamen literarum lumine illustrata clarius elucebit, quam splendidissimo illo monumento tantoque viro dignissimo, quod ejus memoriæ maximis impensis in Templo Paulino Londini, *Guilielmus Hatton* Equestris ordinis filius adoptivus consecravimus.

Tenui lapsu infra hæc se promovet *Aufona*, statimque à Septentrione amniculo conflente augeatur, ubi ad ipsos confluentes ita sedet urbs à flumine *Northafandon*, contracte *Northampton* dicta, ut hoc ab Occidente, illo à Meridie subluatur. Quam BANAVENTAM illam antiquam fuisse

nuper facile conjectavi, sed erranti conjecturæ sit medicina confessio. Nomen vero factum videatur à situ ad Septentrionalem *Aufona* fl. ripam. Urbs ipsa quæ tota è saxo constructa fuisse videtur, ædificiis sane est elegans, satis ampla, & mœnibus inclusa, è quibus spatiosa planities circumquaque oculis subjicitur. Ad Occasum castrum habet vetustum, cui & decori est ipsa vetustas, à Simone de S. Licio, qui vulgo *Senliz*, ejus nominis primo Northantoniæ Comite constructum, qui etiam speciosum templum Divo Andrea sacrum sibi in sepulturam adjunxit, & oppidum (ut ferunt) instauravit, Simonque Junior ejus filius monasterium de *Pratis* vulgo *De la Prey* Monialibus extra urbem posuit. Saxonica Heptarchia jacuisse videtur, nec ejus in Danicis depredationibus uspiam meminerunt scriptores, nisi cum *Swanus Danus* impotenti, & efferato animo per Angliam immanissime sæviret. Tunc enim (ut prodit *Henricus Huntingdonensis*) injecto igne deflagavit. Edwardo Sancto regnante in hac urbe fuerunt, ut est in Angliæ Notitia, LX *Burgenfes in Dominio Regis, habentes totidem mansiones: ex his Guilielmi primi tempore, quatuordecim vasta, residua erant XLVII. præter hos fuerunt in novo Burgo XL Burgenfes in Dominio Regis Guilielmi*. A Normannico imperio Baronum obsidionem fortiter elusit, cum illi omnia injuriis, & cædibus infestarent Ioanni Regi privatis de causis infensiores, quas tamen religionis & boni publici obtentu ita velabant, ut se *Exercitum Dei & Ecclesiæ Sanctæ* appellaverint: quo tempore vallum illud in proximo, quod *Hunshill* dicunt, ductum ferunt, sed non pari successu Regi legitimo Henrico Tertio, quo seditionis obsistebat. Cum enim Barones illi seditionibus innutriti, hinc classicum in illum canerent, perrupto muro facile expugnavit. Deinceps, ut etiam antea, Comititia Parlamentaria, quod in Angliæ quasi medietullo sedeat, hic subinde Reges habuerunt, & anno à Virginis partu MCCC LX, luctuosum vidit prælium, in quo, divulsa per seditionem Anglia, *Richardus Nevill* Warwicensis Comes plurimis proceribus cæsis miserrimum Regem Henricum Sextum jam secundo captum miserando spectaculo abduxit. Cæterum Longitudinem Northamptoniæ xxxi gradibus, xxxi scrupulis, Latitudinem lxx grad. xlii scrup. Mathematici nostri descriperunt.

Hinc festinat *Aufona* juxta *Castle Ashby*, ubi splendidas ædes inchoavit *Henricus Baro Compton*, quibus adjacet *Tardley Hastings*, ab *Hastings* olim *Penbrochiæ* Comitibus, ad quos spectavit, denominatum, ad *VVellingborough* forum, olim *VWedlingborough*, ubi ab Ortum invehitur fluvius delapsus per *Rushton* & *Neuton* Treshamorum, *Geddington*, ubi castrum fuit Regium, & superest crux in honorem *Æleonoræ* consortis Regis Edwardi Primi, *Boughton* familiæ Equestris de *Monte-acuto*, *Kettering* forum non infrequens, juxta quod *Rouwelleguorum* nundinis celebre, per *Burton*, etiam Baroniam (si nomen non me fallit) *Alani de Dinant*. Baroniam enim illi eo nomine dedit Rex *Henricus Primus* in hoc Comitatu, quod in monomachia pugilem Regis Galliarum ad *Gisors* occiderat, & *Harronden*, cujus Dominum Nicolaum

Vaulx

Fawesley.

Wedon
on the
street.Bannaven-
na, quæ
perperam
Iannaven-
ta, & Is-
navatia.

Althorp.

Baro
Spenser.Holden-
by.
Christo-
ph.
Hatton.
Obiit.
1591.Northam-
ton.1075.
Regist. S.
Andree.Exercitus
Dei.

Tardley.

Kettering.
Lib. in-
quis. in
Scacca-
rio.Baro.
Vaulx.High-
Ferry.Mat. I.
ker.

Ondra.

Barnw.

Fother-
ghay.Cec-
Ebo-
cent-
ciffa.

Baro.
Vaulx.

Vaulx præfectum Guinarum in Picardia Baronem creavit Rex Henricus Octavus.

Higham
Ferrers.

Aufona hinc adit *Higham Ferrariorum* quondam oppidum, à quibus *Higham Ferrers* est denominatum, qui & suum hic habuere castrum, cujus rudera prope ecclesiam cernuntur. Verum eximium hujus loci ornamentum erat Henricus *Chicheley* Archiepiscopus Cantuariensis, qui hic pulchrum Collegium, in quo clericos seculares, & Præbendarios collocavit, & simul hospitalem pauperibus domum extruxit. Inde *Addington* olim Verorum, & *Thorpston*, vulgo *Thrapston* alluit, huicque oppositum *Draiton* ædes superiori seculo H. *Green*, postea per filiam ejus Ioannis & Edwardi *Stafford* Comitum Wiltoniæ, nunc vero Baronis *Mordaunt*, ad quem à *Greenis* maximi nominis in hoc agro nobilibus hæreditario devenit. Inde oppidulum elegans fere circumluit, &

Oundale.

denominat, *Oundale*, corrupte pro *Avondale* vocitant, ubi nihil visendum præter templum perpulchrum, & scholam pueritiæ informandæ, cum ptochotrophio à *VV. Laxton* Prætorum quondam Londinensi positam. Huic vicinum est *Barnwell* castellulum, quod nunc novis ædificiis reconcinnavit Edward. de *Monteacuto* Eques clarissimus, qui ex antiqua *Monteacutorum*, ut ex insignibus apparet, genus repetit. Possessio olim erat *Berengarii Le Moigne*, id est *Monachi*, non ut aliqui autumant *Berengarii Turonensis*, cujus sententia de Eucharistia olim à P. R. Synodo convocata damnata. Postea *Fotheringhay* castrum amœnissimis pratis circumsitum salutat, quod Henrico Tertio regnante, cum munitissima loca nobiles ad defectionem invitarent, Guilielmus Comes Albemarlæ ex improviso occupavit, & agrum vicinum late devastavit, ut habet *Matthæus Paris*. Quo tempore ad Huntingdoniæ Comites spectasse videtur. Satis longopost intervallo Edwardus Tertius Edmundo de *Langley* filio Duci Eboracensi quasi in hæreditatem, sive Appennagium (ut vocant) assignavit, qui castrum reædificavit & editissimum munimentum quod vulgo *The KEEPE* in castris vocant, ad instar pedicæ equestris, quæ erat symbolum familiæ Eboracensis, efformavit, Edwardus Dux Eboracensis ejus filius anno secundo Henrici Quinti & Christi MCCCCXV, ut ex barbaris versiculis ibi inscriptis apparet, perpulchram Ecclesiam Collegiatam fundavit, in qua ipse prælio Agincortensi cæsus, uti etiam Richardus Dux Eboracensis ejus è fratre nepos, qui apud *VVakefeld* occubuit, ejusque uxor *Cecilia Nevill* magnifica sepulchra habuerunt, quæ simul cum superiori parte ecclesiæ fuere subversa. In eorum tamen memoriam duo monumenta in inferiori parte ecclesiæ quæ superest R. Elizabetha erigi jussit. Quæ tamen (ea erat curatorum avaritia) tantis principibus qui Regibus nati, & à quibus Angliæ Reges prognati, parum digna censentur. *Cecilia* illa paucis annis quales ludos impotens fortuna (si ita loqui fas sit) ex potentium malis sibi facit, plane perspexit. Vidit enim Richardum maritum regnum jam spe devorantem, cum filio Rutlandiæ Comite, cruento prælio interfectum, paucosque post annos filium natu maximum Edwardum Quartum ad regiam dignitatem evectum, immaturaque morte abre-

Fotheringhay.

Cecilia
Eboracensis
Ducissa.

Britannia.

ptum, cum fratrem suum Georgium Clarentiæ Ducem prius sustulisset. Deinde alterum filium Richardum luctuosa nepotum cæde matrisque probro (matrem enim læsæ pudicitia publice infimulavit) ad rerum summam grassantem, sceptroque jam potitum, statim prælio trucidatum vidit: miseriæque ita erant concatenatæ, ut posterior dies semper priore acerbior illuxerit. Quod alteri potentissimæ Principi Mariæ Scottorum Reginæ hic accidit, malim silentio involvi, quam memorari: auferat oblivio, si potest, si non, utcunque silentium tegat. Sub optimis Principibus sunt qui semel authoritate armati privatis suis consiliis sacrosanctam religionem occultis artibus speciose obtendere norunt; sunt etiam qui religioni, Principis securitati, populi que salutis (quæ lex suprema) vere & ex animo consulunt. Nec diffitendum est, ipsos optimos principes, ut navium gubernatores, turbida tempestate quo nolint, aliquando abripi invitos. Quæ autem illi quoad Reges, faciunt, Deo relinquenda, cujus solius in Reges imperium.

Iam Huntingdonenses *Aufona* attingens pontem pulcherrimum ad *VValmesford* subterfluens DUBROBRIVAS urbem antiquissimam prætervehitur, quæ Anglo-Saxonice *Dormancester* appellata, ut antea diximus, utramque fluminis ripam in utroque Comitatu late occupavit. *Caster* enim viculus qui mill. pass. à flu. abest, ejus pars videtur ex tessellatis pavementis ibi repertis, etsi ecclesiæ parieti hæc legitur recentior inscriptio,

XV. KL. MAII DEDICATIO HV.
IV SECCLESIAE MCXXIIII.

Et celebrioris proculdubio fuit notæ, tot enim in arvis adjunctis (quos *Normanton* pro *Dormanton fields* vocant) Romanorum nummuli eruuntur, ut eorum sementem ibi factam facile quis existimet, duæque hinc militares viæ conspicuis adhuc aggeribus duxerunt, altera *Fortyfoote-way* à quadraginta pedum latitudine, ad *Stanfordiam*; altera *Longdich*, & *Highstreet* dicta per *Lollham-bridges* vetustos sane pontes, quorum undecim arcus ævo jam fatiscentes cernuntur, per *VWest-Depinge* in Comitatum Lincolnensem. In primo harum viarum divortio interfidet editiori situ *Vpton*, unde & nomen, ubi ædes nitidas cum amœnissimis ambulacris habet Robertus *VVingfeld* Eques auratus ex antiqua *VVingfeldorum* familia clarissimorum Equitum feracissima. A DUBROBRIVIS *Aufona*, sive *Nen*, urbeculam *Petribungum* in hujus agri angulo adit, ubi in flumine immensæ profunditatis fuisse voraginem *Medeswell* dictam, appositumque oppidum, inde *Medeswell-bamsted*, & *Medes-bamsted* appellatum tradunt scriptores. Quod, ut apud Rob. de *Swapham* legitur, in optimo loco erat constructum, qui una ex parte, palude & aquis optimis, in alia sylvis, pratis, & pascuis plurimis bonaratur, ex omni parte formosum, & per terram accessibile, præterquam ad Orientalem plagam. *Nen* fluvius ex Australi parte Burgi præterfluit. In hujus amnis medio locus est quasi vorago tam profundus & frigidus, ut in estate nullus natantium ejus ima adire possit; nec tamen in hyeme unquam congelatur. Est enim ibi fons unde ebullit aqua. Hunc locum *Meddeswell* antiqui appellaverunt, donec *Wolpherus* Rex Merciorum monasterium

Rex Richardus
Tertius.Durobri-
væ.

Caster.

Lollham
bridges.
Vpton.Petrebor-
rough.

liii

ibidem

ibidem S. Petro consecravat. Cumque locus esset palustris, *immanissimos lapides* (ut scribit Robertus ille) *in fundamentis jecit, quales octo boum paria vix unum traherent, quod nos vidimus cum monasterium esset destructum.* Deinceps PETRIBURGVS, PETROPOLIS, *Peterborow*, & *Burgh* dici cœpit, monasteriumque fuit longe celebratissimum. Verum quibus initiis ac fundamentis extructum fuerit, operæ pretium existimavi è Roberto illo de *Swapham* authore satis vetusto paucis perstringere. Peada filius Pendæ, qui primus Christianus Merciorum Rex, anno Salutis DC LVI, ad propagandam Christianam religionem fundamenta monasterii ad *Medeshamsted* in Girviorum regione jecit, quod malis uxoris artibus sublatus perficere non poterat. Peadæ successit Wolpherus ejus frater, qui cum à Christiana religione averissimus esset, Wolphaldum & Rufinum filios barbarâ immanitate trucidavit, eo quod Christo se addixissent, ipse autem paucis post annis Christianam religionem amplexus, ut hanc suam impietatem pio aliquo opere elueret, monasterio à fratre incepto manum admovit, quod ope Etheldredi fratris, Kineburgæ & Kineswithæ sororum perfectum an. DC XXXIII S. Petro consecravat, (unde locus *Petriburgus* dici cœpit) amplissimis proventibus ditavit, Sexvulfumque virum admodum pium (qui præcipuus operis suasor erat) primum Abbatem instituit. Floruit deinceps hoc monasterium magna sanctitatis opinione annos plus minus CCXIII ad gravissimam illa Danicæ devastationis tempora, tunc enim monachi interfecti, & monasterium funditus eversum suis ruderibus annos CIX quasi inhumatum jacuit. Tandem circa annum DCCCCXLX, Ethelwoldus Episcopus Wintoniensis, qui in re monastica promovenda totus erat, restaurare cœpit, auxilio inprimis Eadgari regis, & Adulphi regis Cancellarii, qui poenitentia ductus, quod filiulus, quem unicum habuit, ab eo, & uxore in somno suffocatus esset, universas opes ad instaurationem hujus monasterii effudit, mundo valedixit, & instaurati monasterii factus est Abbas. Iam inde multis opibus, & magnis privilegiis celeberrimum fuit, licet regnante Guilielmo Normanno, Herwardus Anglus proscripserit ex Eliensi insula congestas opes deprædatus fuerit, contra quem *Mont-Tuold* castrum, Tuoldus Cœnobiararcha posuit: opulentissimum tamen usque ad patrum memoriam censebatur. Tunc enim ubique monachos exturbavit Henricus Octavus (causatus quod à sanctorum illorum, & veterum monachorum curriculo, & spatio deflecentes, bona ecclesiæ quæ pauperum patrimonium erat, luxu absumerent (& episcopum qui huic agro, & vicinæ Rutlandiæ præfesset, Decanumque & Præbendarios hic constituit. Ita ut è monasterio facta sit ecclesia Cathedralis, quæ, si structuram spectes, est ipsa antiquitate pulchra, frontispicium majestate plenum, claustra satis magna, in quorum vitreis fenestris historia Wolpheri fundatoris cum Abbatum successione exhibetur: Sacellum B. Mariæ amplum & operosum, chorusque speciosus, in quo duæ, si quæ aliæ, infelicissimæ Reginæ Catharina Hispana, & Maria Scota sepultæ ærumnarum requiem invenerunt.

Mont-Tuold.

Sub Petriburgo *Aufona* sive *Nen*, qui à fontibus jam quadraginta quinque plus minus milliaribus dilapsus, & secum omnes rivulos & advenas ex imbribus aquas in suum alveum admittas devenit, varie distrahitur. Cumque viam non inveniat, plana regionis longe lateque superinfusis aquis hiberno tempore, & aliquando majorem anni partem ita supernatat, ut vasta æquorum planities cum pauculis extantibus insulis videatur. Causam autem referunt accolæ, quod ex tribus alveis quibus tanta vis aquarum derivari solet, primus qui duxit in Oceanum per monasterium de *Thorney*, & inde seorsim per *Clovescrosse*, & *Crowland*, & alter per incile Mortoni Episcopi Eliensis *The New-leame* dictum, & *Wvisbich*, jam diu fuerint neglecti, quodque tertius, qui per *Horsey-bridge*, *Wittlesmer*, *Ramsen-mere* & *Salterflood* descendit, tantarum aquarum sit minime capax, unde in adjacentia gravius erumpunt. Peccatumque æque ab illis conqueruntur qui alveos non purgarunt, & qui in privatos usus divertunt, utque Reatini apud Tacitum, asserunt optime rebus mortalium consuluisse naturam quæ sua ora fluminibus, suos cursus, utque originem, ita finem dederit. Sed de his satis, superque.

Hoc in loco angustissima est regio, inter *Aufonam* enim & *WVellandum* fl. qui terminus est alter ad Septentrionem, vix quinque interjacent millaria. Ad *WVellandum*, qui *WVeolod* Æthelwardo veteri scriptori dicitur, prope fontes *Braybrok* est castellum à Roberto *May* alias de *Braybrok*, qui Regi Ioanni intimus fuit, extructum, cujus filius Henricus cum Christianam *Ledet* magnarum opum hæredem duxisset, ejus filius natu major in *Ledetorum* nomen se adoptavit, à cujus è filio nepti altera, ut modo dixi, ad *Latimeros* & per illos ad *Griphinos*, quorum nunc est patrimonium, devenit. Iuxta inter nemora reliquias pauculas Monasterii olim *De Divis* dicti, nunc *Pippwell* vidimus, quod Guilielmus *Buttevillein* Cistertienibus regnante Henrico Secundo construxit. Inde *Rockingham* quondam Comitum Albemariæ castrum visitur, à Rege Guilielmo *Conquestore*, quo tempore fuit *Vasta*, ut in ipsius Commentario legitur, conditum; vallis, propugnaculis, duplicique pinnarum ordine munitum, collique affixo in nemoroso saltu, qui hinc *Rockingham Forrest* denominatur. Postea *Heringworth*, olim *Canteluporum*, nunc Baronum *Zouch* sedem præterfluit, qui ab Eudone filio minore Alani de la *Zouch* de *Ashbye* prognati in amplissimam Baronum familiam succreverunt, quibus plurimum honoris accessit ex nuptiis cum una hæredum de *Cantelupo*, & altera Baronis de *Sancto Mauro*, qui etiam ab hærede Domini *Zouchæi* de *Ashbye*, *Lupellisque* Dominis de *Castel-Cary* in Comitatu *Somerfetten* stemma deduxit.

In hoc etiam saltu *Deane* vidimus, quondam *Deanorum*, postea *Tindalorum*, quæ vel eo nomine memoranda, quod *Brudenellorum* modo sit elegans habitatio, è quibus Edmundus *Brudenell* Eques auratus non ita pridem defunctus, venerandæ antiquitatis summus fuit cultor, & admirator. Familia etiam de *Engayne*, qui antiquæ & honoratæ nobilitatis, hic ad *Blatherwic* (ubi nunc *Staffordi* Equestris dignitatis incolunt, qui genus à Radul-

Te Fhen-
nes.

Apthorpe.

Thorn-
haugh.

Thorn-
haugh.
Welledon
Baffetti
de Welle-
don.

Braybroo-
ke.
Domini
de Bray-
brooke.

Lapides
regulares.

Burghley.

Pippwell.

Baro Bur-
ghley.

Latomia
Berneck.

Liber Do-
mesday.
Barones
de Zouch.

Forty-
footway.

Deane.

Barones
de En-
gayne.

Maxey.
Peag-kir-
Ingulphu.

Radulpho primo Staffordiæ Comite deducunt) sedem habuit, Castrumque, quod *Hymell* vocabatur, in monasterium *Finsbeved* dictum commutaverunt. Stirps eorum mascula ante ducentos annos defecit, filiarum vero prima Ioanni *Goldington*, altera *Laurentio Pabenham*, & tertia *Guilielmo Bernak* viris ex Equestri ordine clarissimis fuit elocata.

Apthorpe.

Apthorpe hic etiam cernitur sedes *Antonii Mildemay* Equitis clarissimi, cuius pater *Walterus Mildemay* nuper *Elizabethæ* Reginae à consiliis ob virtutem, prudentiam, pietatem, & in Rempub. literariam benignitatem extruendo Collegium *Emmanuelis Cantabrigiæ* vere promeruit, ut inter optimos hujus seculi connumeretur. *Thornhaugh* in proximo adjacet, olim familiæ de *Sancto Medardo*, nunc honoratissimi viri *Guilielmi Russellii* filii *Francisci* Comitis *Bedfordiæ* ex eadem familia oriundi, quem *Rex Iacobus* ob virtutes, & fidelem operam in *Hibernia* cui *Prorex* præfuerat, ad dignitatem *Baronis Russell de Thornhaugh* evexit. Nec *Wellendon* silendum est oppidulum, cum olim habita fuerit *Baronia*, quæ per *Matildem* filiam & hæredem *Galfredi de Ridell*, qui submersus erat cum filio *Regis Henrici Primi*, ad *Richardum Basset* filium *Radulphi Basset* Iusticiarii Angliæ descendit, in cuius stirpe ad *Henrici* usque *Quarti* tempora permansit, tunc enim per foeminas, (masculis deficientibus) *Knevetti* & *Alesbury* hæreditatem adierunt.

Thornhaugh.

Thornhaugh. Wellendon. Bassetti de Wellendon.

Ab *Heringworth Wellandus Collingeston* invisit, ubi *Margareta* *Richmondia* *Regis Henrici Septimi* mater ædes decore & elegantia conspicuas extruxit. Sub quo lapides tegulares ab omnibus vicinis in ædificiorum usum magna copia effodiuntur. *Wittering heath* planities hinc longe in Ortum procurrit, in qua memorabili prælio olim fusos fuisse *Danos* memorant incolæ. Iam *Wellandus Burghley* accedit, ædes speciosissimas, quæ consultissimum & honoratissimum virum *Guiljelmum Cæcilium* magnum *Britanniæ* column, summum Angliæ *Quæstorem*, *Elizabethæ* Reginae gratia *Baronis* titulo honoraverunt, & quas ille suis virtutibus ornavit, magnificentissimis ædificiis nuper condecoravit, & *Parcum* (hoc enim verbo utitur *Varro*) feris includendis muro è saxo magno ambitu circumdedit. *Latomia* hic subsunt antiquæ ad *Berneck*, è quibus & *Petroburgense*, & *Ramsiense*, monasterium extructum, *Operosa enim* (*Ramsiensis* historiae verba legis) *latomorum vires hic frequenter exercentur, semperque superest, in quo alterna requie reparata exerceantur.* Legiturque in *Charta Edwardi Confessoris*, *Pro quatuor millibus anguillarum in Quadragesima fratres de Ramsey habebunt, de territorio S. Petri, quantum sibi opus fuerit de lapidibus quadratilibus apud Berneck, & de petris muralibus apud Burch.* Sub *Berneck* publica illa *Romanorum* via quam *Forty footway* à latitudine vicini vocant, à *Caster* ad *Stanford* hunc Comitatum interfecat, & alto aggerè eminet, præcipue per sylvam de *Berneck*, ubi speculam ipso aggerè impositam habet, & per murum *Parci de Burghley* longe procurrit.

Burghley.

Baro Burghley.

Latomia, Berneck.

Forty-footway.

Maxey. Peag-kirk. Ingulphus.

Post pauca hinc millia *Wellandus* defluens per *Maxey*, castrum quondam *Baronum de Vwake*, & *Peag-kirke*, ubi in primitiva Anglorum ecclesia *Pega* foemina sancta, quæ nomen loco reli-

quit, *S. Guthlaci* soror cum sacris virginibus pietatis & castitatis documenta vita & exemplo præbuit, paludes quas sæpe dixi, accedit. Cumque agger ad australem ejus ripam negligatur, adjunctis campis magno cum dispendio incumbit, & suo canali emotus, qui per *Spalding* prius duxit, *Nen* sive *Aufonam* subintrat & admodum onerat.

Avona vero minor, qui alter est, ut dixi, è limitibus hujus Comitatus ad Septentriones, sed limitis vice tantum per quinque millia fungitur, proxime *Wellandi* fontes effusus in Occasum defertur per *Stanford*, super *Avonam* dictum, habitationem familiæ *Cavorum*, è qua clara & numerosa propagata est in adjacenti tractu soboles: & *Lilborne*, quondam *Canvillorum*. Quam mansionem olim fuisse *Romanorum* persuadent situs ad viam Militarem, antiqua valla, & monticulus in conum aggestus, in quem, cum spe antiquarum opum quidam nuper suffossione penetrarunt, pro auro carbones invenerunt. Cumque jam hic fluviolus *Dowbridge* pontum subierit, *Northantonenses* deserit *Warwicenses* invisurus.

Stanford. Cave.

Ex suffossis illis carbonibus, quid si opinor hunc collem pro termino aggestum fuisse? Cum *Siculus Flaccus* memoret aut cineres, aut carbones, aut testas, aut vitrea fracta, aut ossa subcensa, aut calcem, aut gypsum terminis subdi sole, & *S. Augustinus* scribat de carbonibus, *Nomen miranda res est, & tanta infirmitas, ut ictu levissimo frangantur, pressu facillimo conterantur, nulla ætate vincantur, adeo ut eos substernere soleant, qui limites figunt, ad convincendum litigatorem, quisquis post quantalibet tempora extiterit, fixumque limitem non esse contenderit.* Eoque magis in hanc opinionem propendeo quod qui de limitibus scripserunt, monticellos de terra, quos *Botontinos* vocarunt, in limitibus collocatos scribunt, adeo ut existimem plurimos ex tumulis & rotundis monticellis, quos passim videmus, in hunc usum fuisse erectos, & cineres, carbones, testas, &c. sub iis inveniri posse, si terra altius effoderetur.

Termini veterum.

Lib. de Civ. Dei 21, c. 4.

Hinc Burtons forte apud nos

Comitem habuit hic ager primum, quod sciam, *Waldeofum Siwardi* bellicosi filium, qui etiam *Huntingdoniæ* Comes, perfidiæ in *Guilielmo Conquæstore* pœnas capite persolvit duabus tantum filiabus relictis, quas illi *Iuditha Conquæstoris* neptis ex sorore uterina peperit. *Matildem* filiam primogenitam *Simon de S. Lizio*, sive *Sylvaneensis* à *Iuditha* matre, cuius nuptias ambivit, quia pedibus captus, ludibrio rejectus in uxorem accepit, qui *Ecclesiam S. Andreae*, & castellum *Northantonæ* construxit. Huic successit filius *Simon Secundus*, qui de maternis possessionibus cum *Davide Scotorum Rege*, cui mater secundo nupserat, diu litigavit, & *Stephani* *Regis* partes sequutus de vita anno *CIO CLII* decessit, cum hoc elogio: *Invenis plenus omnium quæ non licebant, omnium quæ non decebant.* Filius ejus *Simon Tertius* jus suum de Comitatu *Huntingdoniæ* lite & iudicio contra *Scotos* persequutus rem familiarem exhaustit, *Regis*que *Henrici Secundi* beneficio filiam & hæredem *Gilberti de Gaut* Comitis *Lincolniæ* duxit, demumque recepto *Huntingdoniæ* Comitatu, *Scotis* ejectis, diem suum sine liberis obiit anno *CIO CLXXXV*.

Northantonæ Comites.

Vita Waldeofi.

Multis post annis Guilielmum de *Bohun* virum spectatæ fortitudinis Northantoniæ Comitem creavit Edwardus Tertius, cumque frater ejus major natu Humfredus de *Bohun* Herefordiæ & Essexiæ Comes Angliæque Constabularius bellicoso illo ævo Constabularii oneri ferendo impar esset, Angliæ etiam Constabularium instituit. Huic in Comitatu Northantoniæ filius Humfredus, uti in Comitatus Herefordiæ & Essexiæ patruo sine prole demortuo succedens duas progeniuit filias, alteram Thomæ de *Woodstocke* filio Edwardi Tertii minimo natu, alteram Henrico Lancastrensi Duci Herefordiæ, qui postea Regnum obtinuit, elocata. Thomæ autem de *Woodstocke* filia hunc avitum Northantoniæ titulum cum aliis in *Staffordorum* familiam suis nuptiis

intulit. Cum autem illi honoribus postea spoliati, Edwardus VI Guilielmum *Par* Essexiæ Comitem, aulicum omnibus numeris absolutum titulo Marchionis Northantoniæ honoravit, qui nostram memoria nulla suscepta prole diem supremum obiit. Dum autem hæc recognoscimus Sereniss. Rex Iacobus Henricum *Howard* postremi Ducis Norfolciæ fratrem, virum ingenio splendidissimo, eloquentia profluenti, optimis artibus ornatissimum, ad consilia prudentem, & in posterum providum ad *statum & stilum* Baronis *Howard de Marnehill*, & honorem Comitis Northantoniæ uno eodemque tempore Anno Salutis *CIO DC III* evexit.

Pertinet ad hunc agrum Parochia 326.



LEICESTERSHIRE.



Orthantonensis ad Septentrionem finitima est provincia Leicestrensis, in eo libro quo Angliæ lustrum condidit Guilielmus Normanus *Ledecesterscyre* dicta, vulgo *Leicestershire*, tota itidem campestris, frugibus opima, sed syl-

vis maximam partem indiga. Ab Ortu Rutlandia, & agro Lincolnienſi, à Septentrione Nottinghamienſi & Derbienſi, ab Occaſu Warwicenſi præcingitur, Occiduam enim partem via militaris Romanorum *Wallingſtreat* appellata perstringit, & à Warwicenſibus ſejungit, & ab Austro, ut modo innui, Northantonenſis adjacet Comitatus. Mediam *Soarus* flumen Trentam petens alluit, Orientalem vero *Wrekus* fluviolus, qui *Soaro* demum commiſcetur, placide pererrat.

Ad Austrum, qua hinc *Avona* minori, inde *WVellando* fluminibus diſterminatur, nihil quod relatione dignum ſe offert, niſi ad *WVellandum* dum adhuc recens à fonte & tenuis, *Harverburg*, vulgo *Harborrow*, pecuariis nundinis celeberrimum, & quod hinc parum abeſt *Carleton*, id eſt, *Colonorum* oppidum, neſcio an dignum ſit relatu, in quo nati plerique omnes peculiari vel ſoli, vel aquæ, vel alia quapiam abdita naturæ vi abſone & impeditè loquuntur, verbaque aſperime ex imo guttore extrahentes, Rhotaciſmo quodam laborant. Via illa Romana, cujus agger alicubi exſtitit, alibi planiſſime hic ſe exhibet, recta quaſi linea in Septentriones per Occiduam hujus provinciæ latus tendit. cujus tractum ego à Tamifi in Walliam ad priſcæ memoriæ oppida inveſtiganda (rideas fortasſe hanc diligentiam vel impendioſam, vel certe impendio curioſam) ſedulo ſequutus ſum; nec enim Ducem alterum ad ea invenienda fideliorem ſperare potui. A *Dowbridge*, ubi relinquit Northantonenſes, primum *Swiſto* flumine hæc interrumpitur, lento quidem illo, etſi nomine veloci, cui tantum hibernis menſibus reſpondet. Pons, *Bransfordbridge*, & *Bensford* vocant, quo olim conjunctus hic fuit, longo tempore interſciſſus in cauſſa fuit, cur tam celebris via diu minus frequentaretur, nunc autem publico ſumptu reſtauratur. Huic adjacent hinc ad Occaſum *Ceſterouer*, ſed in Comitatu Warwicenſi, vel nomine domini ſui Fulconis *Grevill* Equitis cum primis clariſſimi memoranda, etſi loci vetuſtati ipſum nomen atteſtetur (*Ceſter* enim non niſi vetuſtis urbibus aut caſtris majores noſtri addiderunt) inde ad Occaſum juxta *Swiftum*, hinc *Miſterton* inſignis & antiquæ familiæ *Poulteniorum*, inde *Lutterworth* cernitur emporium, poſſeſſio quondam, ut ferunt, *Verdonorum*, juxta quod fons eſt ea frigidityte ut ſtipulas & ligna brevi tempore in ſaxa convertat. Hujus eccleſiam rexit ille celeberrimus Ioannes *WVickliff*, vir ingenio ſubactò, & ſacris literis verſatiſſimus, qui cum calamum in Pontificiam authoritatem, &

Britannia.

Romanam eccleſiam ſtrinxiſſet, non ſolum graviſſime exagitatus erat dum viveret; Sed etiam anno poſt mortem quadreſimo primo in corpus ſævitum fuit, quod Senenſis Concilii mandato exhumatum erat & exuſtum.

A ponte illo *Bensford* aſcendit via antiqua ad *Higbroſſe*, ſic dictum, quod eo loci Crux in edito quondam extitit, pro qua nunc poſtis cellior cum ſuis ſuſtentaculis erigitur. Retulerunt nobis vicini duas præcipuas Angliæ vias hic ſe tranſverſim interſecaſſe, urbemque ibi florentiſſimam extitiſſe nomine *Cley-ceſter*, quæ ſuum Senatum habuit, cujuſque pars *Cley-brook* ad mille fere paſſus fuerit, & utrinque ad viam magna è ſaxo quadrato fundamenta fulcis ſubeſſe, Romanorumque numiſmata ſæpius aratriſ eruta, quamvis ſupra terram, ut ait Poëta, *Etiam ipſa periſſe ruina*. Hæc cum diſtantiâ à *Banaventæ*, ſive *WVedon*, quæ ad amuſſim reſpondet, & pons ille *Bensford* dictus inducunt, ut hic *BENNONES* ſive *VENONES*, manſionem quam proximam poſt *BANNAVENTAM* locat Antoninus, fuiſſe credam, maxime cum Antoninus viam hic in duas partes ſe diſſidiſſe doceat, quod vulgo etiam perhibetur. Ad Ortum enim æſtivum qua *Lincolniam* itur, *Foſſeway* ad *RATAS* & *VERNOMETVM*, de quibus ſtatim, & ad Occaſum æſtivum *WVallingſtreat* in Walliam per *MANVEſſEDVM* recta ducit, de quo in Comitatu Warwicenſi ſuo loco dicemus.

Hinckley, ſuperius ad eandem adſidet viam, quæ ſuum habuit Dominum Hugonem *Grantmaiſnill* magnum Angliæ Oeconomum, ſive Senefchalum, cum Guilielmus Rufus & Henricus Primus rerum potirentur. Ille autem duas ſuſcepit filias, Petronillam Roberto *Blanchemaines* à manu candore dicto Comiti Leiceſtriæ cum *Senefchallia* Angliæ, & Aliciam Rogero Bigotto datam. Ad Orientalem ſane partem templi, foſſæ, & moles in eminentem altitudinem egeſta cernuntur, quod Hugonis fuiſſe caſtrum ferunt incolæ. Ad tertium hinc milliare ſedet *Bosworth* antiquus mercatus, utpote cui hoc jus una cum nundinis obtinuit à Rege Edwardo Primo Richardus *Harrecourt*. Sub quo in extremam belli aleam avorum memoria cecidit regnum Anglicum. Henricus enim *Richmondia* Comes parva manu Richardum Tertium, qui per ſummum ſcelus regnum occuparat, ibi prælio excepit, & dum pro patriæ libertate fortius cum ſuis mori voluiſſet; ſclicius tyrannum vicit, & confecit, fauſtisque acclamationibus inter medias ſtrages Rex ſalutatus Angliam tyranni dominatione ſua fortitudine vindicavit, & diſcordiis civilibus irrequietam ſua prudentia recreavit. Vnde Bernardus Andreas *Tholoſas* Poëta qui tunc vixit, in Oda ad Henricum VII de Roſis quæ Henrici inſignia erant, ludens,

*Ecce nunc omnes poſuere venti
Murmuris, præter Zephyrum tepentem,
Hic roſas nutrit, nitidoſque flores
Veris amæni.*

K k k k

Alia

Cleyceſter.
Claybrook.

Bennones.

Hinckley.

Bosworth.

1485.
Richard.
III occiſus.

Carleton
Curlew.
Wharling.
Wallingſtreat.

Ceſterouer.

Fons li-
gnum in
ſaxa ver-
tens.
Ioan.
Wickliff
obiit
1387.



Ashby.
Barones
Zouch de
Ashby.

Hollandi.

Colorton.
Carbones
fossiles.

Leicester.

Alia ad viam memoria digna non occurrunt, nisi remotius *Ashbye de la Zouche*, nunc Huntingdoniæ Comitum villa amœnissima, quondam Alani de la-Zouch Baronis, cujus clypeus ruber decem globulis aureis respersus erat. Hic cum alteram hæredum Rogeri de Quincy Comitum Wintoniæ duxisset, opimam hæreditatem uxorio jure hoc in agro crevit. Verum cum Ioannem Comitem Warrenniæ in jus vocasset, qui rem ferro, non legibus decernere voluit, ab eo in aula regia Westmonasterii anno MCC LXXIX fuit trucidatus, & post paucos annos nepotis ejus filia & hæredes hanc hæreditatem suis nuptiis in familias de Sancto Mauro, & Holindorum transtulerunt. Hoc vero oppidum postea ad Hastings devenit, qui suas ibi ædes satis splendidas habent, & è quibus Guilielmus jus Nundinarum ab Henrico Sexto impetravit. Nec silentio hic prætereundum Cole-overton sedes H. de Bellomonte ex celebri illa qua Vicecom. de Bellomonte familia. Prænomen vero locus invenit à carbonibus lapideis bituminis indurati natura, qui hic in domini emolumentum tanta copia effodiuntur, ut vicinis longe lateque ad extruendos focos abunde sufficiant.

Soarus flu. medium agrum secare diximus, qui non procul ab hac via conceptus, & crebris perennium aquarum rivulis adauctus, leni tractu in Aquilonem lapsus primariam totius agri urbem ab Occasu & Septentrione subluit, quæ *Legecestria*, *Leogora*, *Legecester*, & *Leicester*, apud authores vocatur. Hæc magnam vetustatem, nec minorem venustatem præ se fert. Anno Salutis DCLXXX, cum Sexwulphus Merciorum regnum in Episcopatus jussu Ethelredi Regis describeret, in hoc Episcopalem sedem statuit, ipseque primus sedit Episcopus: sed paucos post annos, sede alio translata, hæc desuit dignitas, sensimque imminuta oppidi amplitudo, donec Edelfleda optima mulier, anno post Servatorem natum, DCCCCXIII reparaverit, & novis mœnibus firmaverit, adeo ut Matthæus Parisiensis in Historia Minori scripserit, *Legecestria urbs opulentissima, ac munitissimo muro indissolubili, qui si fundamento roboraretur, nulli urbium secunda fuisset.* Sub Normannorum ingressum satis frequens erat, plurimosque habuit *Burgenses*, è quibus duodecim (ut in Guil. primi libro legimus) cum Rege mittere veteri instituto tenebantur, quoties ad bellum iret. Si vero per mare in hostes ibat, mittebant quatuor equos usque Londoniam ad arma comportanda, vel alia quæ opus essent. Reddebat hæc civitas Regi per annum xxx libras ad numerum, & xx in ora, & xxv sextarios mellis. Sed Henrici Secundi temporibus magna miseriarum mole depressa fuit, mœniaque diruta, cum Robertus cognomento Bossu, id est, Gibbosus, Leicestriæ Comes res novas in principem affectaret. Quod his verbis docet Matthæus Parisiensis, *Propter contumaciam Comitum Roberti contra regem recalcitrantis obfessa est, & per regem Henricum subversa nobilis civitas Leicestria, & murus qui videbatur indissolubilis, funditus in circuitu dirutus. Urbs enim (ut hoc è minori illa historia adjungam) muris fundamento carentibus subfossis, & fulciminibus tandem combustis, mœnium fragmenta ceciderunt, quæ usque in hodiernum diem propter cœmenti indissolubilem tenacita-*

tem scopulorum retinent cum integritate magnitudinem. Misera etiam eo tempore civium mulctatio, & miserum exilium, qui cum data pecunia abeundi licentiam redemissent, in S. Albani, & S. Edmundi asyla trepidi convolarunt. Castrum quoque propugnaculis nudatum erat, quod sane amplum & firmum fuit. Sub quo pulcherrimum est Hospitale Collegiatum, sive Ptochodochium, in cujus Ecclesia Henricus Comes Lancastriæ, & Henricus Lancastrensis ejus filius, qui primus Lancastriæ dux fuerat, sepeliuntur. Dux enim ille cum jam annorum plenus esset, hoc pio studio alendis pauperibus construxit, & consecravat, de quo, in sua historia Henricus Knightonus Leicestrensis qui eo seculo vixit, *Henricus Dux Lancastriæ, primus Ecclesiam Collegiatam, & Hospitalem extra portam Australem Leicestriæ construxit, in qua constituit Decanum cum xii Canonicis Præbendariis, totidem vicariis, & aliis ministris, centum pauperibus debilibus, & decem fortibus mulieribus, quæ debilibus inservirent, dictamque Hospitalem sufficienter dotavit.* Ad alteram urbis partem inter lætissima prata, quæ Soarus irrigat, monasterium fuit, inde de Pratis dictum, de quo sic scripsit Knightonus ille, *Robertus le Bossu Leicestriæ Comes fundavit monasterium B. Mariæ de Pratis Leicestriæ, terris, possessionibus & redditibus luculenter dotavit; & ipse in eodem monasterio consensu Amiciæ uxoris Canonicus Regularis factus, quindecim annos in habitu Regulari Deo ibidem militavit, & Canonicus in Domino obdormivit.* Scilicet ut Canonicali habitu pœnitendo corrigeret, quod in principem hostili animo insurgendo deliquerat. Quod nomen Romanis temporibus gesserit Leicestria, minime compertum est. *Caer Lerion* in Ninnii Catalogo vocari existimo, sed Leirum fabulosum Regem construxisse, per me, credat qui velit. Antonini vero descriptioni ita exacte congruit situs, à BENNONIS, & VEROMETO, ad militarem viam *Foss* dictam, ut non possim non RATAS, quæ Ptolemæo RAGÆ vocantur, existimare, quamvis nec vola nec vestigium nominis RATARVM jam superfit, nisi forte in vallo militari quod *Rawdikes* vocant, passibus ab Australi Leicestriæ porta vix quingentis.

Hic hæreo, & quam viam ut ducem ad antiqua oppida in vestiganda sequar, circumspectio. Ranulphus Cestrensis Monachus *stratam antiquam* hinc per vastam Lincolniam duxisse prodit, sed per quæ *vasta* non docet, vulgus perhibet in Septentriones per Nottinghamiensem agrum, Anton. Aug. si quid ego video, in Aquilonem per hunc agrum in Lincolnensem transisse innuere videtur. Et hac sane nonnulla antiquæ memoriæ loca suis se vestigiis ostendunt, quæ suo ordine dicemus, illac vero plane nulla mihi investiganti, nescio an aliis, hæcenus occurrerunt.

Huic vicinum est Grooby, opimum & amplum hæredium, sive ut nostri vocant *Manerium*, quod ab Hugone *Grantnai* mill, quem magnis proventibus ditaverat Guilielmus Primus, per Leicestrenses Comites, & Quincios ad Ferrariorum familiam devenit, è qua Domini Ferrarii de Grooby Baronum honore diu floruerunt, demumque relicta unica filia Isabella in Greiorum nomen matrimonio intulit, à quo rursus proscriptione in patrimonium regium tandem recidit. Sed dum hæc

revi-

1330.

1143.

Ratæ.

Groby.

Ferrarii
& Greii
de Groby.

1173.

revissimus, Iacobus Dominus & Rex noster potentissimus in hunc avitum honorem clarissimum Equitem Henricum Grey restituit, cum ante inaugurationem illum Baronem Grey de Groby creaverit.

Iam ad Soarum flumen regrediamur, qui Leicestriam præterlapsus primum *Montforell* sive potius *Mont-Soare-hill*, ex Normanica & Anglica compositione, nomen præbet, quod nunc tantum mercatu celebre est, olim vero celeberrimum castro in prærupto & confragoso colle flumini impendenti, quod prius Comitum Leicestriæ, postea ad Saherum de *Quincy* Wintoniæ Comitum bello Baronico spectavit, hodieque nihil est nisi rudetum. Anno enim ciro ccxvii post gravem obsidionem captum, *incola tanquam nidum diaboli, speluncam latronum & prædonum solo tenuis* diruerunt. Superius ad alteram ripam est *Barrow*, ubi calx laudatissimæ firmitatis effoditur. Inde *Soarus* post pauca milliaria in *Trentam* flu. definit, parum infra *Loughborough* mercatorium oppidum, quod unum regnante Maria Baronem Edwardum *Hastings* suo nomine exornavit. Verum cum illa, cui fuerat charissimus, in vivis esse desit, ille rerum humanarum pertæsus mundo vivere noluit, sed ut totus Deo vacaret, in Ptochotrophium, quod apud *Stoke Pogeis* in Buckinghamiensi Comitatu exererat, secessit, ubi cum pauperibus Deo vixit, & inter eos vitæ cursum pie in Christo confecit. Hanc *Loughborough* Regiam villam Saxonice *Liezanburge* dictam, quam Marianus Cuthulfum Britannis anno Christi dLxxii ademisse tradit, nominis affinitas quodammodo probet. Nunc vero secundum locum à Leicestria inter omnia hujus Comitatus oppida sibi suo jure vendicat, sive amplitudinem, sive structuram, sive etiam sylvarum amœnitatem spectes: sub ipso enim Saltus de *Charnwood*, sive *Charley* longe expanditur, in quo *Beaumannour* vivarium cernitur, quod Domini de *Bellomonte*, ut accepi, lapideo muro circumsepserunt. Hi ex familia Francica, (ut vulgo creditur) certe Ioanne Brennenfi Rege Hierosolymitano orti, circa Edwardi Primi tempora in Angliam venerunt, & ex nuptiis cum filia Alexandri Comyn Comititis *Boghanie* in Scotia, cujus marer una erat hæredum Rogeri de *Quincy* Comititis Wintoniæ, amplissimam hæreditatem adierunt, & in magnam familiam sunt propagati. E qua regnante Edwardo Tertio Henricus per aliquot annos evocatus fuit ad Comititia Parlamentaria nomine Comititis *Boghanie*, & Ioannes regnante Henrico Sexto fuit Angliæ Constabularius ad tempus, & primus in Anglia (quod scio) qui Vicecomitis honorem à Rege accepit. Verum cum Guilielmus Vicecomes ultimus sine sobole obiisset, ejus soror Domino *Lowell* nupta est, & patrimonium postea copiosum ob læsam majestatem in fiscum redactum.

In hac Septentrionale parte nihil aliud memoratu dignum occurrit, nisi monasteriolum quod virginibus sacris Roisia de *Verdon* posuit, & *Grace-Dieu*, id est *Gratiam Dei*, nuncupavit, & qua *Trenta* allabitur, *Dunnington* castellum antiquum à primis Leicestriæ Comitibus extructum conspicitur, quod postea fuit Ioannis *Lacy* Comititis Lincolnæ, qui jus fori mercatoriis, & nundina-

Britannia.

rum ab Edwardo Primo huic obtinuit. Verum cum in Baronum proscriptione sub Edwardo Secundo possessiones proscriptæ varie distraherentur, Hugoni *le Despenfer* juniori Rex hoc *Manerium* elargitus est.

Orientalem agri partem, quæ collina est, & numerosos pascit ovium greges, exornarunt celebrioris notæ duo præcipua loca, *VERNOMETVM*, sive *VEROMETVM*, cujus meminit Antoninus, & *Burton Lazars* superioribus sæculis admodum celebre.

VERNOMETVM, nomine nunc deperdito, eo loci sedisse videtur, quem hodie *Burrowhill* & *Erd-burrow* vocitant. Inter *VEROMETVM* enim & *RATAS XII* interjacent apud Antoninum milliaria, totidemque fere inter *Leicestriam*, & hunc locum. Hodiernum etiam nomen *Burrow* à *Burgh* promanavit, quod Saxonibus loca munita denotavit. Sed quod maximum est, eo ipso loco collis undique præceps nisi ad Euroautrum attollitur, in cujus summo, oppidi diruti manifesta sunt vestigia, duplex fossa & ipsorum mœnium tractus, quæ octodecim plus minus jugera incluserunt. Nunc autem ager est restibilis, & re nulla æque celebris, quam quod hic gymnica quotannis exerceat juvenus circumvicina. Magnum aliquod Gentilium Deorum fanum extitisse eo loci ex nomine quis conjectet. *VERNOMETVM* enim antiqua Gallorum lingua, quæ eadem fuit cum antiqua Britannorum sonat *Fanum ingens*, ut plane docet de Vernometo Galliæ oppido his versibus Venantius Fortunatus Libro Carminum primo.

Nomine Vernometum voluit vocitare vetustas,

Quod quasi fanum ingens Gallica lingua sonat.

Burton autem cognominatum *Lazars*, à *Lazar* retis (sic Elephantiacos, sive leprosos vocarunt) Nosocomium erat, sive Hospitium opulentum, cujus præfecto omnes Lazaretorum in Anglia ædiculæ quodammodo suberant, ut ille præposito Lazaretorum Hierosolymis. Primis Normannorum temporibus collecta per Angliam stipe (*Mowbrays* præcipuam opem ferentibus) constructum ferunt. Quo tempore lepra, quæ nonnullis Elephantiasis, gravissime vi contagionis per Angliam serpsit. Tunc enim creditum est morbum illum primum ex Ægypto in hanc insulam demigrasse, qui subinde se in Europam profudit, primum Pompeji Magni ætate, postea sub Heraclio, & alias, ut ex historiis videre liceat, sed nunquam, quod legerim, ante illa tempora, in hanc insulam irrepsit. Verum præter hæc celebriora loca, omittenda non est prope hanc *Burton*, *Melton*, *Mowbray* forum à *Mowbrays* olim Dominiis denominatum, ubi nihil magis conspiciendum quam templum speciosum, & remotius ad Austum *Skeffington*, quæ ut claræ familiæ nomen impertiit, ita vicissim ab illa claritatem accepit.

Comitibus suis viris longe clarissimis insignis semper erat hæc Leicestrensis provincia. Cumque hæreditarios habuerit Saxonico tempore Comites, eos sua serie primum enumerabo, ut *Thomas Talbot* rei antiquariæ peritissimus è regis archivis mihi descripsit. Æthelbaldi Merciorum Regis tempore anno nostræ Salutis re-

L111

stau-

Vernometum, sive Verometum.

Vernometum, antiqua Gallorum lingua quid.

Lepra in Anglia.

Melton.

Skeffington.

Comites Leicestriæ.

Mont-Sorehill.

Histor. Minor.

Loughborough.

Charnwood Forrest.

Vicounts Beaumont.

Primus Vicecomes honorarius in Anglia.

Dunnington.

1330.

1143.

Ratae.

Groby.

Ferrarii & Greii de Groby.

staurata DCCXVI Leofricus Leicestria Comes erat, cui recta linea successerunt Algarus primus, Algarus secundus, Leofricus secundus, Leofitanus, Leofricus tertius, qui Conventria sepultus, Algarus tertius, cujus filii fuerunt Eadwinus Comes Marchia, Morkarus Comes Northumbria, & Lucia filia, quæ primo Iuoni Talboys Andegavensi enupta, postea Rogero de Romara, unde Guilielmus de Romara Lincolnensis Comes enatus est. Tunc deficiente hujus Saxonica familia stirpe mascula, Saxonicoque nomine quasi conculcato, Robertus de Bellomonte Normannus, Dominus de Ponte Audomari, & Comes Mellenti mortuo Simone Comite Leicestria, ejus Comitatum adeptus est anno Christi MCII, beneficio Regis Henrici Primi, vir scientia clarus, eloquio blandus, astutia perspicax, prudentia sagax, ingenio versipellis, qui cum in summo statu gloria degeret, alius quispiam Comes ei conjugem abripuit. Unde in senectute mente turbatus in tenebras mæroris incidit. Huic successerunt filius cognomento Bossu, nepos cognomento Blanchemaines, & pronepos Fitz-Parnell, omnes prænomine Roberti. Quorum postremus iste Fitz-Parnell à Petronilla sive Parnella matre, ultimi Hugonis Grantmaismill filia, & cohærede cognominatus, sine prole obiit. Paucis post interjectis annis Simon de Monteforti ex notho Roberti Regis Francorum oriundus, qui Roberti Fitz-Parnell sororem duxerat, hunc honorem gessit. Verum illo cum suis expulso anno MCC hunc honorem consequutus est Ranulphus Comes Cestria, non jure hæreditario, sed Principis gratia. Postea tamen Simon de Monteforti filius Simonis prædicti hanc dignitatem adeptus est, cum Almaricus frater ejus primogenitus jure suo coram Henrico Tertio cessisset. In hunc tanta,

& tam secunda erat Regis Henrici Tertii voluntas, ut illum exulantem è Galliis vocarit, opibus cumularit, Comitatu Leicestria, & sororis nuptiis honorarit; ille autem cum beneficiis obrutus, nullam referendæ gratiæ facultatem haberet (quæ hominum improbitas est) odisse cœpit, Regem optime meritum pessime divexavit, cumque seditiosis Baronibus horrendas intestini belli tempestates excitavit, in quibus ipse tandem cecidit. Honores vero & possessiones Edmundus dictus Gibbosus Lancastria Comes Henrici Tertii filius minor à patre victore accepit. Deinceps vero inter Lancastrensis familiae titulos diu quasi delituit hic honor, Matildisque Henrici Ducis Lancastria filia Guilielmo Bavaro Hannonia, Hollandia, Zelandia, &c. Comiti enupta, Leicestria etiam titulum adjunxit, diserte enim in Charta anni xxxv Edwardi Tertii vocatur Guil. Comes de Henhaud & Leicester, & ut est in Inquisitione xxxvi Edwardii Tertii illa nomine Ducissa Bavaria tenuit Castrum, Manerium, & honorem Leicestria. Qua postea sine prole defuncta, reversus ille Honor ad Ioannem Gandavensem Lancastria Ducem, qui Blanchiam alteram Matildis sororem duxerat. Iam inde Lancastrensi familia coaluit, donec nostra memoria, in illo Roberto Dudley resplenduit, quem Leicestrensis Comitatus gladio, anno sui regni sexto cinxit Regina ELIZABETHA, Belgica diuturna bellorum tempestate jactata ad gubernacula tractanda communibus votis vocavit, pauloque post neglexit, quique MD LXXXVIII vitam cum morte commutavit.

Vide Evesham in Worcester-shire.

In Registro magno Ducatus Lancastria.

Henrici Huntingdon. in Epist. de contemptu mundi verba.

Rorul. in Thef. Scaccarii.

Matt. Paris.

Intra hunc agrum sunt Parochiales Ecclesie 200.



RUTLAND-SHIRE.



Roteland, Saxonice Rotelano, Leicestrensi agro quasi includitur, nisi à Meridie qua *VVeland* flu. incumbit, & ab Ortu qua Lincolnenses attingit: non minori soli ubertate, & amœnitate, licet spatio sit multo minori, utpote totius Angliæ provinciola minima. Forma enim fere circulari circumscripta tantum circuitu colligit, quantum expeditus eques uno die conficere possit. Vnde fabulantur incolæ, Regem nescio quem Rutto cuidam tantum terræ donasse, quantum uno die circumequitare posset: illum autem equitem hunc agrum præfinito tempore circumequitasse, & inde dono accepisse, suumque ipsius nomen imposuisse. Sed facestant huiusmodi fabulæ, nolumus fabulæ licentia veritatem vulnerari. Quum vero passim rubeat hæc terra, usque adeo ut etiam ovium vellera rubedine inficiantur, rubrumque Saxonibus *Roet*, &

Rutlandiæ unde nomen.

Rud dictum fuerit, nonne *Rutland* quasi terra rubra, nominatam suspicemur? *Conveniunt* rebus, ut inquit Poëta, nomina sepe suis. Nomina autem locis ubique gentium à rubedine facta fuisse *Rutland* castrum Walliæ in rufescente littore extructum, *Rubrum* promontorium, *Mare Rubrum* inter Ægyptum & Arabiam, *Erythreia* Ioniæ, & sexcenta alia satis superque probent: ut non sit cur deinceps fabulis hac in re fidem adhibeamus. Cæterum hæc provinciola serius in Comitatum instituta videatur. Nam Edwardi Confessoris tempore Northantonensis agri pars censebatur, & historici nostri qui ante trecentos annos scripserunt, in Comitatum numero non reposuerunt.

Vppingham.

VVash, sive *Gwasb* fluviolus, qui hunc agrum ab Occasu in Ortum quasi medium intermeat, in duas dispescit partes. In citeriori sive Australi *Vppingham* acclivi loco sedet, unde & nomen inditum, non ob aliud memorandum, quam quod frequens habeatur mercatus, & scholam elegantem ostendat, quam, uti etiam aliam *Okehamia*, ad puerorum ingenia bonis literis excolenda laudabili instituto R. *Ihonsen* verbi divini Minister ex collatitia stipe nuper posuit. Sub hoc vero *Dry Stoke* subsidet, quod non reticendum, cum claræ, & antiquæ sanè prosapiæ *Digbeiorum* habitatio antiqua fuerit. Sed cui sempiternam infamiæ maculam jam inussit *Everardus Digby*, qui cum nefandissimis illis incendiariis ad principem, & patriam uno Tartarei fulminis ictu tollendum horrenda consilia scelerate sociavit.

Digby. 1605.

Okeham.

In ulteriori parte trans fluvium inter colles amœna admodum & fecunda vallis substernitur, *The Vale of Catmose* hodie dicunt, à *Coet maes* forsitan, quod Britannice *Campum nemorosum* sonat. In huius medio *Okeham* cernitur, quod pari etiam ratione à quercubus nomen assumpsisse videatur, ubi juxta templum fatiscientia mœnia vetusti castri supersunt, quod *Walkelinum* de *Ferrariis* primis Normannorum temporibus extruxisse fama obtinet. *Ferrariorum* autem fuisse habitatio-

Britannia.

nem præter famam, ferreæ equorum soleæ quibus pro insignibus olim usæ erat illa familia, portæ, & in aula affixæ satis aperte comprobent. Postea ad Dominos de *Tattehall* spectavit, sed cum Rex *Richardus Secundus* Edwardum Ducis *Eboracensis* filium in Rutlandiæ Comitem evexerat, hoc etiam castrum eidem donavit. Patrum vero memoria obtigit *Thomæ Cromwell* in sedem, ut legi, Baroniæ, quem ad altissimam dignitatem *Henricus Octavus* extulit, & statim cum in invidiarum procellas multa moliendo se conjecisset, ex improvise & vita, & honore spoliavit.

Cromwelli Barones.

Et regione ad Ortum valli bellissimo situ impendent *Burly* nunc *Harringtoniorum* ædes magnificæ, qui ex nuptiis cum filia & hærede *Colpeperi*, hæreditatem adeo opulentam adierunt, ut his in locis jam inde fuerint florentissimi, quemadmodum antea *Colpeperi*, ad quos *Bruscorum* opimum per N. *Green* patrimonium partim descenderat. *Brusci* vero è præcipua Angliæ nobilitate nuptiis in familiam regiam Scotiæ inserti fuerunt, è quibus per *Robertum* fratrem natu maximum stirps regia Scotorum, per *Bernardum* autem fratrem minorem *Cottoni* de *Comington* in Comitatu *Huntingdoniæ*, de quibus egimus, & hi *Harringtonii* descenderunt. Quo nomine *Ioannem Harrington* Equitem clarissimum titulo Baronis *Harrington* de *Exton* *Iacobus* Rex exornavit.

Burly.

Baro Harrington.

In Orientali autem parte ad *Gwasb* flu. sunt *Brigcasterton*, de quo postea, & *Ribhall*, ubi cum majores nostros ita fascinaisset superstitio, ut Deorum multitudine Deum verum propemodum sustulisset, *Tibba* minorum gentium Sancta, quasi *Diana* ab aucupibus, utique rei accipitrariæ præses, colebatur. Atque in proximo *Essenden*, cujus dominum *Robertum Cecilium* optimi patris qui Reip. nostræ firmamentum fuit, optimum filium Baronem *Cecill de Essenden* Rex *Iacobus* nuper creavit.

Aucupii Diva.

Baro Cecill de Essenden.


Hanc provinciolum *Eadithæ* uxori testamento legavit *Edwardus Confessor*, ea tamen lege, ut post ejus mortem S. *Petro Westmonast.* cederet. Hæc enim testamenti sunt verba, *Volo quod post mortem Eadithæ reginæ conjugis meæ, Roteland cum omnibus ad se pertine ntibus detur monasterio meo beatisimi Petri, & reddatur sine tardatione Abbati & monachis ibidem Deo servantibus in perpetuum.* Hoc tamen ejus testamentum induxit *Guilielmus Normannus*, qui magna parte sibi reservata, reliquam inter *Iuditham* Comitissam, cujus filia *Davidi* Scotorum Regi nupsit, *Robertum Mallet*, *Ogerium*, *Gislebertum* de *Gant*, *Hugonem* Comitem, *Albericum Clericum*, aliosque divisit. *Westmonasterio* vero primum decimas, postea solam Ecclesiam de *Okeham* cum appendicibus reliquit.

Comites numerat non multos hic Comitatus. Primus Rotelandiæ Comes erat *Edw.* filius primogenitus *Edm.* de *Langley* Ducis *Eboracensis* propensa Regis *Richardi Secundi* gratia ad vitam patris creatus, & ab eodem postea Rege *Dux Albemariæ* declaratus. Ille scilicet qui

Rutlandiæ Comites.

M m m m

consilia



consilia nefaria de tollendo Rege Henrico Quarto non sine scelere decoxit, & illico pari cum levitate aperuit. Post patris autem obitum Dux Eboraci, inter densissimas hostium turmas in prælio Agincortensi animose occubuit. In hoc honore satis longo post tempore successit Edwardus Richardi Ducis Eboracensis filiulus, qui in prælio ad Wakefield bello intestino funestissime exardente, cum patre interemptus. Multis post annis Henricus Octavus Thomam Mammours in Rutlandiæ Comitem extulit, qui amplissimam Baronum Roos hæreditatem in circum-

vicinis regionibus jure Æleonoræ aviæ creaverat. Huic successit Henricus, & illi itidem Edwardus filius, in quem, ut nihil aliud dicam, illud Poëtæ verissime & optime convenit,

Nomen virtutibus aequat,

Nec finit ingenium nobilitate premi.

Verum ille præpropere morte in cœlestem regionem receptus Ioanni fratri honorem reliquit, qui etiam statim fato evocatus successorem habet filium Rogerum, qui aviæ nobilitatis jam specimen insigne præbet.

Ecclesiis Parochialibus 48 ornatur hæc Provinciola.



L I N C O L N E - S H I R E .



Utlandiæ ad Ortum adnectitur Comitatus Lincolnienfis, Saxonice Lincolncype, Normannis sub primum ingressum literis transpositis. *Nicolshire*, vulgo *Lincolnshire*. Regio amplissima, per sexaginta fere milliaria in longitudine jacet, Latitudinem alicubi super triginta extendit, alendis frugibus, pascendis pecoribus mitissima, frequentibus oppidis exulta, & crebris fluminibus rigata. Qua solem Orientem spectat, supercilio longe circumducto inflexa Oceano Germanico pulsatur, à Septentrione ad ABVM, sive *Humber* æstuarium pertinet, ab Occasu Nottinghamienses spectat, & à Meridie *VVellando* flumine à Northantonienfibus discluditur. Hæc omnis in tres dividitur partes, quarum unam *Holland*, alteram *Kesteven*, tertiam nostra lingua appellamus *Lindsey*.

Hollandia.

METARIS æstuarium. The Washes.

Hollandia, Ingulpho *Hoilandia*, ad mare est, & perinde ut *Hollandia* Germaniæ, aquis ita plurimis in locis permadet, ut pressa hauriat vestigium, & pedum pulsu tentata quatitur; unde nomen inditum videatur, nisi quis malit cum Ingulpho *Hoilandiam* verum esse nomen, & illud à fœno impositum. Hæc tota Æstuario illi incumbit, quod Ptolemæo METARIS, pro *Maltraith*, dicitur, hodie *The VVashes*. Æstuarium hoc est amplissimum & notissimum, intumescente æstu aquis offertum; defervescente, iter sed admodum periculosum præbet, quod Ioannes Rex suo damno didicit. Dum enim bello Baronico hac iter faceret, subito irruentibus undis, ad *Fossedyle* & *VVelftreame* omnia impedimenta, & regium apparatus amisit, ut author est Matthæus Westmonasteriensis. Cæterum hæc regio quam ex aggestis arenis (*Silt* vocant) Oceanum donasse ferunt incolæ, hinc Oceano, illinc magna confluentium aquarum mole ex superioribus regionibus ita oppugnatur, ut hibernis mensibus perpetuas agant excubias, & contra hos infestissimos hostes se objectis aggeribus ægre tueantur. Terra frugum parum ferax, gramine læta, piscibus & aquaticis volatilibus uberrima; solum vero adeo molle, ut equis sine ferreis soleis utantur, nec lapillum nisi aliunde advectum invenias, cum tamen pulcherrimas è saxo quadrato habeat ecclesias. Mare longius penetrasse ex aggeribus contra irruentes fluctus jam duob. mill. pass. à littore distantibus, & falsis, quos vocant collibus prope *Sutterton* constat. Dulcium vero aquarum maximus ubique defectus, nec nisi ex pluvia in puteis habent, qui si fuerint profundiores statim falsescunt, si minus profundi, statim exarescunt. Nec arenæ Syrticæ defunt, quas attrahendi & constringendi vim admirandam habere & pastores & oviculæ subinde suo cum periculo sentiunt.

Salt-hills.

Quick-sands.

Bifariam dividitur hæc *Hoilandia*, in Inferiorem, & Superiorem: Inferior, quæ lutulentas voragine, & impeditissimas paludes, ne ipsis quidem incolis cum suis grallis pervias, habet. Et cum

Britannia.

situ sit depressior, hinc tam contra Oceanum, illinc contra aquas, quæ superiorem Eliensis insulæ partem opprimunt, oppositis aggerum molibus defenditur. E quibus celeberrimus est *Southybanke*, qui ne interrumpatur immensa illa vi aquarum quæ ab australi parte cum flumina intumescant, & immisso diluvio obruantur, sollicito timore curant. Ad quas tamen exonerandas publico sumptu alveum ad *Clows-crosse* novum vicini anno CIO D X C I X incœperunt. Iuxta hunc aggerem vidimus *Crowland*, quæ etiam *Croylandia* dicta, oppidum inter paludicolas celebre, cujus nomen sonat, interprete Ingulpho hujus Abbate, *Cruda* & *cænosa terra*. Locus (ut scribunt) obversantium nescio quarum umbrarum terriculentis olim infestus, priusquam Guthlacus vir summa sanctitate heremiticam vitam illuc duxisset, in cujus memoriam ad honorem Dei anno Salutis D C C X V I maximis impensis monasterium fundavit Rex Merciorum Æthelbaldus, religione & opibus admodum illustre. De quo Fœlicis Monachi satis antiqui versiculos è Guthlaci vita, si placet habe.

Southy-dike, aliis. Crowland.

*Nunc exercet ibi se munificentia regis,
Et magnum templum magno molimine condit.
At cum tam mollis, tam lubrica, tam male constans
Fundamenta palus non ferret saxea, palos
Præcipit infigi quercino robore cæfos,
Leucarumque novem spatia rate fertur arena;
Inque solum mutatur humus, suffultaque tali
Cella basi, multo stat consummata labore.*

Si dæmonas Crowlandicos labiis pendentibus, ore ignivomo, vultu squamoso, vertice grosso, dente fero, mento peracuto, gutture rauco, pelle nigra, scapulis contractis, ventre capaci, lumbis ardentibus, uncis cruribus, clunibus caudatis, &c. qui his locis antea oberrabant, & plurimum molestiæ Guthlaco, & Monachis faceiebant, ex illo tibi describerem, tu certe suaviter rideres, ast ego certe multo suavius insanire viderer. Veruntamen pro admirando hujus loci situ & ingenio à cæteris Angliæ omnino diverso, & pro celebritate monasterii, libet his describendis paulisper immorari. Inter altissimas paludes & restagnantes ex cænosa humo aquas ab omni aditu ita interclusa & circumcisa *Crowlandia* jacet, ut inaccessa sit nisi à Septentrione, & Ortu, idque per angustos aggeres. Venetiarum, si parva magnis conferre liceat, situm assimilem habet, tribus constat plateis, quæ aquis intercurrentibus divisæ, salicibus consitæ, palisque in profundum stagnum demissis extractæ, & conjunctæ ponte triangulari, admirando artificio, sub quo ad confluentes aquas suscipiendas puteum in magnam altitudinem adactum retulerunt incolæ. Vbi ultra pontem in solum, ut inquit ille, *mutatur humus*, sedit olim Monasterium illud celebre spatio sane angustiori, circa quod nisi qua oppidum jacet, ita paludescit, ut contus ad tricesimum pedem adigatur, & nihil plane sit circumquaque, nisi harundinetum; proximeque ecclesiam alnetum. Incolis tamen satis frequens,

Dæmones Crowlandici.

N n n

qui

qui sua habent pecora remotius ab oppido, ad quæ emulgenda cymbulis, quæ tantum duobus ferendis pares (*Skerries* vocant) devehuntur, sed quæstum maximum faciunt ex piscium & avium aquatiliū captura, quæ tanta est, ut mense Augusto in unum rete expansum semel simulque tria millia anatum cogant, & lacunas suas suos agros vocitent. Fruges enim intra quintum milliare non vident. Nomine autem hujus capturæ piscium & volatiliū CCC libras singulis annis monetæ nostræ, ut nunc Regi, ita olim Abbati perfolverunt.

Privatam hujus Monasterii historiā rete- xere non libet, cum ex Ingulpho jam edito vulgo proftet. Iuvat tamen pauculis memorare quod Petrus Blefensis Regis Henrici Secundi Vicecancellarius olim pluribus de nova hujus monasterii constructione anno reparatæ Salut. MCXI retulit, ut ex uno discamus exemplo quibus rationibus & subsidiis tantæ & tam splendide sacrorum ædificiorum moles passim consurrexerint. Ioffridus Abbas ab Archiepiscopis & Episcopis Angliæ *Indulgentiam tertie partis pœnitentie pro commissis injuncta cuilibet tam sancti operis adjutori impetravit.* Cum hac Monachos circumquaque dimisit qui pecuniam colligerent, à qua cum satis esset instructus, ut auspiciato à faustis nominibus opus inchoaret, diem SS. Perpetuæ & Felicitatis, quo fundamenta locaret, indixit. Ad quem procures, & præfules cum plebeiis maximo numero confluxerunt. Re vero sacra peracta & antiphonis modulatis, primum lapidem angularem ad Orientem ipse posuit, deinde singuli procures suo ordine lapides posuerunt, & super lapides alii pecuniam, alii Syngrapha imposuerunt, quibus prædia, titulos patronatus Ecclesiarum, decimas ovium suarum, decimas Ecclesiarum suarum, mensuras tritici, operarios sive lapidas certo numero, Plebeiorum alii vero pecuniam, alii uno die singulis mensibus operas suas donec opus perficeretur, alii columnas integras, alii columnarum bases, alii murorum partes construere certatim alacri devotione offerebant. Laudataque pro concione eorum in tam sacrum opus propensa benignitate, Abbas singulis Monasterii sui fraternitatem, & *omnium spiritualium bonorum* in illa ecclesia communionem concessit, lautissimoque convivio exceptis benedixit, & hilares ad suos demisit. Sed non diutius his immorandum.

A Crowlandia agger salicibus convestitus inter *Wellandum* fl. & profundos mariscos in Septentriones ducit, in quo ad secundum à *Crowlandia* milliare fragmentum pyramidis vidimus cum hac inscriptione.

A I O h A N C
P E T R A M
G V T h L A C V S
h A B E T S I
B I M E T A M.

Spalding.

Superius ad eundem fluvium *Spalding* sedet rivulis & incilibus undique conclusum, oppidum sane elegantius quam hoc tractu inter aquosas restagnationes expectares, ubi Ivo *Talbois*, quem Comitem Andegavensem alibi vocat Ingulphus, cellam antiquam monachis Andegavensibus dedit. Hinc usque ad *Deping*, quæ decem

milliaribus abest, Egelricus *Crowlandiæ* Abbas, qui postea Episcopus *Dunelmensis*, per medium *vastissimæ Forrestæ*, & *profundissimorum mariscorum*, ut inquit Ingulphus, de lignis, & sabulo calcetum solidum viatoribus fecit, quod ex ejus nomine *Ehrich-road* nominatum erat. Quod tamen hodie non apparet.

In superiori *Hoilandia*, quæ magis ad Arctum vergit, primum *Kirk-ton* ab ecclesia quæ sane perpulchra ita nominata visitur, & deinde ubi *VVithama* fl. aggeribus utrinque conclusus pleno alveo in Oceanum exit, floret *Boston*, rectius *Botolphs town*. A Botolpho enim Saxone sanctissimo, qui ad *Icanhoe*, teste Beda, monasterium habuit, nomen deportavit. Oppidum celebre utraque *VVithama* ripa positum, qui ligneo ponte, eoque sublimi sternitur, portus non incommodi beneficio satis frequens, forum amplum, & ecclesia sua venustate & magnitudine speciosa, cujus turris sacra in eximiam altitudinem edita itinerantes longe quasi salutatur, & navigantes dirigit. In miserandam, regnante Edwardo Primo, hoc concidit ruinam. Serpentes enim eo tempore per universam Angliam perditis moribus, militares quidam viri, nundinis frequentibus hastiludium hic indicentes, ementito monachorum, & Canoniorum habitu acceperunt, ignem oppido plurimis in locis subjecerunt, præcipiti impetu in mercatores irruerunt, multa rapuerunt, plura crenaverunt, adeo ut nostri historici, auri argentique venas (quod de Corintho deleta scribunt antiqui) in commune tunc fluxisse scripserint. Horum antesignanus Robertus *Chamberlan* cum facinus commissum, & dedecus admissum confessus esset, suspendio periit: nec tamen, ut criminis consortes deferret, ullo modo adduci potuit. Sed meliora tempora Botolphi oppidum ex cineribus denuo excitavit, & mercatus ille lanarum, &c. quem *VVollestaple* vocant, hic constitutus plurimum ditavit, Hanseaticæque societatis mercatores attraxit, qui hic suam *Gildam*, sive domum constituerunt. Hodie & ædificiis elegans, & commerciis dives est, incolæ enim tum mercaturæ, tum rei saginariæ strenue incumbunt. Huic vicina erat *Baronia de Croeun*, sive *Credonio*, è qua familia Alanus de *Croeun* Prioratus de *Freston* posuit, tandemque familiæ hæres Petronilla, quæ bis nupta, primum ad *Longocampus*, à quo *Pedwardini*, secundo ad I. de *Vallibus* à quo Barones de *Roos* sunt procreati, hæreditatem non exiguam transtulit. Ultra vix ad sex miliaria extenditur *Hoilandia* nostra, quam universam Guilielmi Primi largitione accepit Yvo *Talbois* Andegavensis, cujus insolentiam non ferens Herwardus Anglus vir spei bonæ, atque acris animi plenus, filius Leofrici Domini de *Brane*, sive *Burne*, cum sua, & suorum salus jam ageretur, baltheo militari à Branno Petroburgensi Abbate, cujus stomachus in Normannos etiam eruperat, cinctus, bellum in illum movit, sæpius fudit; demumque captivum abduxit, & ita redimi passus est, ut ipse in regis gratiam receptus in ejus fide, & clientela diem obierit. Hoc enim meruit virtus, quæ & in hoste laudatur. Filia autem ejus Hugoni *Enemius* Domino *Depingi* enupta ejus hæreditatem adiit, quæ postea, ut accepimus, ad Barones de *VWake* devoluta erat. *VWake* enim familia ditata

Boston.

Prædones
monachorum
habitu.

Registr.
de Freston.
Barones
de Burton
Croeune.
Herwardus
Anglus.

Ingulphus
Crowlandensis.

Barones
de Wake.
tata

tata possessionibus *Estovervillorum* hoc in tractu usque ad Edwardi Secundi tempora inprimis illustris erat: tunc etenim per fœminei sexus hæredem nuptiarum jure ad Cantii Comitem Edmundum de *Woodstocke* filium Regis Edwardi Primi natu minimum eorum hæreditas devoluta est. E filiis autem junioribus antiqua & præclara familia *Vvavorum* de *Blisworth* in Comitatu Northantonensi, quæ adhuc superstes, est propagata.

Kesteven. Altera pars hujus regionis vulgo *Kesteven*, Æthelwardo antiquo authori *Ceostefne sylva* vocatur, *Hoilandia* ab Occasu adjacens cælo multo salubriori, & solo non minus pingui. Major hæc est, & pluribus undique enitet oppidis. In limine ad

Stanford. *VVellandum* fluvium *Stanford* sedet, Saxonice *Stean-ropo*, è saxo structili, unde & nomen, ædificatum. Oppidum frequens & variis immunitatibus ornatum, muroque firmatum, *Geldum*, ut est in libro Censuali, pro duodecim *Hundredis*, & dimidio dedit in exercitu, navigio, & *Danegeld*, ibique fuerunt sex custodie. Cum Edwardus Senior australes fluminum ripas contra Danos ex Aquilone irruentes communiret, è regione etiam hujus in australi ripa (quæ nunc *Stanford Baron* vocatur) firmissimam arcem construxisse, author est Marianus. Nusquam tamen hodie apparet, nam quod intestino bello Stephanus contra Henricum Andegavensem firmavit, in ipso oppido fuisse, & fama obtinet, & ipsius area etiamnum ostendit. Statim vero Henricus ille cum jam Rex esset Angliæ, dedit *totam villatam de Stanford* quæ erat in dominio suo, exceptis feodis Baronum & Militum ejusdem ville, *Richardo de Humez* sive *Humetz*, qui *Constabularius* erat D. Regis, pro homagio & servicio suo. Eandemque postea tenuit *Gulielmus Comes Warrenæ* per voluntatem Regis *Joannis*. Regnante Edwardo Tertio cepta hic Academia, & bonarum literarum professio, quod suæ gloriæ inprimis ducunt cives. Cum enim Oxoniæ inter studiosos Boreales & Australes omnia litibus ferverent, magnus studiosorum numerus huc concessit, paulo tamen post Oxoniam reversi Academia huic orienti, ut initium, ita finem cito posuerunt: cautumque deinceps jurjurando, ne quis Oxoniensis publice Stanfordiæ profiteretur. Nihilominus illa mercimoniis floruit, donec ardente inter familiam Lancastrensem & Eboracensem civili bello, Boreales milites irrumpentes cædibus, & incendiis omnia miscuerint. Nec inde vero dignitatem pristinam plene recuperare potuit. Satisque tamen jam floruit, Politia vero constat ex *Aldermano* & *xxiii Comburchensibus*, ecclesiis parochialibus plus minus septem ornatur, & *Hospitale* ostendit vetus, idque pulcherrimum à Guil. *Brown* cive fundatum, præter illud novum cis pontem à Nestore Britanniae Guil. Cecilio Barone *Burghleio* nuper extructum, cum magnificas illas ædes ad *Burghley*, de quibus jam dixi in Comitatu Northantonensi, poneret. Qui hic splendido sepulchro in Parochiali S. Georgii ecclesia conditur. Vir, ut nihil aliud dicam, qui satis naturæ, satis gloriæ, patriæ autem haud satis vixit.

* *High dik*, vulgo *dika*. *Gausennæ*.

Licet nonnulla antiquitatis indicia hic supersint, trajetumque olim fuisse * via militaris Romanorum, quæ statim te ex oppido in Boream Britannia.

proficiscentem excipit, satis declaret: *GAVSENNAS* tamen, quas non procul hinc statuit Antoninus, fuisse, fidem non faciunt. Sed quum ad unum hinc milliare sit viculus *Brigcasterton*, quo vel nomine vetustatis nomen apparet, quæ *Gwasb*, sive *VVasb* fl. militarem viam transversam secut, affinitas nominis *Gwasb* cum *Gausennis*, distantia non refragante, jussit ut illas *Brigcasterton* dici existimem, donec tempus veritatem in lucem extrahat. Si opiner *Stanfordiam* ex hujus ruinis emeruisse, & hanc agri partem à *GAVSENNIS* *Kesteven* dici, ut altera pars *Lindsey* à *Lindocivitate*, sit quæso opinio mea, judicium vestrum. Hæc *Gausennas* corruisse creditur, cum (ut habet Henricus Archidiaconus *Huntingdonensis*) *Picti* & *Scoti* omnem regionem ad *Stanfordiam* usque diripuissent, ubi *Hengistus* noster cum suis Anglo-Saxonibus inde fessa vi, & eximia fortitudine furentibus barbaris ita iter occlusit, ut plurimis peremptis, pluribus captis, reliqui fugam undique capefferent. Sed ad reliqua pergamus.

In Orientali *Kestevenæ* parte quæ ad *Hoilandiam* vergit, tendentibus in Boream ordine succedunt, primum *Deping*, id est, ut author est *Ingulphus*, Profundum pratum, ubi *Richardus de Ruolos* *Gulielmi* Conquæstoris *Camerarius* *VVeilondum* flumen fossato excludens, quod sepe inundavit, & adificans super fossatum plurima tenementa, magnam villam fecit. Hoc *Deping*, sive profundum pratum apposite sane dictum, planities enim quæ subjacet, & plura milliaria ambitu colligit, totius palustris hujus regionis est profundissima, & conceptaculum plurimarum aquarum. Quodque mireris multo inferior alveo *Gleni* fl. qui suis aggeribus incinctus ab Occasu præterlabitur. Deinde *Burne* *Edmundi* Regis inauguratione & *Vvavorum* castro notum, qui ab Edwardo Primo mercatus jura huic oppido obtinuerunt. Magis ad Ortum est *Irnham* Baronia olim *Andræ Lutterell*. Postea *Sempringham*, nunc perpulchris ædibus, quas Edwardus, Baro *Clinton*, qui postea Comes *Lincolniæ*, extruxit, olim religioso ordine *Gilbertinorum* à *Gilberto* loci Domino instituto celebre, ille enim vir plane mirabilis, ut scribunt, & in custodia mulierum gratia singularis, anno à Christo nato *MCXLVIII*, contra *Iustiniani* constitutiones, quæ duplicia monasteria, id est, virorum simul & mulierum vetabant, verum *Eugenii* tertii Pontificis Romani autoritate munitus, ex viris & mulieribus sectam instituit, quæ ita excrevit, ut ipse tredecim cœnobiis hujus ordinis fundamenta jecerit, & *Gilbertinos* fratres *CCC*, sorores *MC* in suis cœnobiis vivus habuerit, verum pudicitia dubia, si *Nigello* ejus ævi *Satyrico* credamus, qui de iis cecinit,

Harum sunt quedam steriles, quadam parientes,
Virgineoque tamen nomine cuncta tegunt.
Quæ pastoralis baculi dotatur honore,
Illa quidem melius, fertilisque parit.
Vix etiam quævis sterilis reperitur in illis,
Donec eis ætas talia posse neget.

Inde *Folkingham*, quod nunc etiam *Clintonorum*, olim Baronia *Gauntorum*, qui à *Gilberto* de *Gaundavo* *Gaunt*, nepote *Baldwini* Comitis *Flandriæ* sunt prognati, cui magni redditus munificentia

O o o o

Guil-

Bridgecasterton.

Deping, *Deping*, *senne*.

Burne.

Lutterell, *Sempringham*.

Gilbertini fratres & sorores. *Scropus*.

Domini de *Folkingham*.

Guilielmi Conquestoris obtigerunt. Memorandum, sic enim legitur in veteri libro manuscripto, quod cum Guilielmo Conquestore venit quidam Gilbertus de Gaunt, cui dictus Guilielmus dedit Manerium de Folkingham cum suis pertinentiis & honore eidem pertinenti, & expulerunt quandam mulierem nomine Dunmoch. De dicto Gilberto venit quidam VValterus de Gaunt filius & heres, & de dicto VValtero venit Gilbertus de Gaunt filius & heres, & Robertus de Gaunt filius junior. Et de dicto Gilberto filio & herede venit Alicia filia & heres, quæ fuit desponsata Simoni Comiti, quæ dedit plura tenementa viris religiosi, & obiit sine herede de se. Et hereditas descendit Roberto de Gaunt prædicto avunculo suo, & de prædicto Roberto venit Gilbertus filius & heres, & de prædicto venit alius Gilbertus filius & heres, & de prædicto venit alius Gilbertus filius & heres, qui dedit Manerium de Folkingham cum suis pertinentiis Edwardo filio Henrici Regis Angliæ. Hic Gilbertus, ut est in Placitis, è quibus hæc Genealogia probatur, petiit servitium versus VWill. de Scremby. Demumque ex dono principis accepit Henricus de Bellomonte, illum enim regnante Edwardo Secundo tenuisse certissimum. Huic vicinum est Skrekingham Alfrici secundi Leicestrensis Comitis fato signatum, quem Hubba Danus interfecit. De quo loco videtur Ingulphus loqui, cum scribit, In Kesteven casisunt tres reguli Danorum quos sepeliverunt in villa quæ ante Laundon, nunc vero pro trium regum sepultura Tre-kingham appellatur. Magisque ad Ortum Hather, hoc solum nomine memorandum quod Bussæi, sive Buslei hic habitant, qui à Rogero de Busley tempore Conquestoris genus deducunt. Deinde Sleford Lincolnensium Episcoporum castellum ab Alexandro Episc. extructum, ubi sibi etiam ades extruxit I. Hussy primus & ultimus ejus nominis Baro, qui cum imprudens populari tumultui in primo Angliæ dissidio religionis causa, MDXXXVII se immiscuisset, capite luit. Paucis hinc milliariibus abest Kime, quæ nomen fecit nobili familiæ dictæ de Kime, loci vero possessio devenit tandem ad Vnfravillos, è quibus tres evocati fuerunt ad Comitatus Parlamentaria nomine Comitum Angusiæ in Scotia. Illorum autem primum prudentia juris nostri Municipalis Comitum agnoscere noluit, quod Angusia intra Regni Angliæ limites non contineretur, donec ille Regis rescriptum quo ad Parlamentaria Comitatus titulo Comitatus Angusiæ à Rege evocatus fuerat, in medium pro tribunali protulisset. Ab Vmfravillis devenit hæc ad familiam Talbois, è quibus Gilbertus creatus est ab Henrico Octavo Baro Talbois, cujus duobus filiis sine prole defunctis, per foeminas ad Dimockos, Inglebeios, & alios translata fuit hæreditas. Magis ad Occasum Temple Bruer vidimus, id est, ut ego interpretor, Temple in the heath. Templariorum enim Præceptoria fuisse videtur, dirutæ enim Ecclesiæ ad formam Novi Templi Londini parietes semirutæ ibi conspiciuntur. Blankeney huic adjacet, quondam Baroniam D'eincourt, qui longa serie à Normannorum ingressu ad Henrici Sexti tempora floruerunt; tunc enim horum mascula linea defecit in Guilielmo, qui sorores habuit duas sibi hæredes, alteram Guilielmo Lovell, alteram Rodulpho Cromwell enuptam. Hujus familiæ libentius meminimus, ut aliqua in parte desiderio Edmundi Ba-

ronis D'eincourt satisfacere, qui olim anxie sollicitus de memoria nominis sui conservanda, cum prolem masculam non haberet, apud Regem Edwardum Secundum suppliciter egit, quia conjecturabat ut cognomen suum & Arma post mortem suam è memoria deleberentur, & corditer affectabat ut post mortem ejus in memoria haberentur, ut de Maneriis & Armis suis scioffaret, quemcumque voluerit. Quod impetravit, & regio diplomate concessum, nihilominus cognomen hoc jam penitus, quod scio, desit, & nisi lux literarum affulisset, è memoria excidisset.

In Occidentali parte Kestevenæ, in hujus, & Leicestrensis agri collimitio castrum Belvior sive Beauvoir, sic dictum à bello prospectu (quodcumque olim fuerit nomen) colli satis acclivi, & hominum opere, ut videtur, aggestæ imponitur. Todeneium Normannum hujus conditorem, ut etiam monasterioli adjuncti ferunt, à quo per Albionios Britones, & Barones Roos ad Mannoros Rutlandiæ Comites hæreditario devenit. Quorum primus Thomas, ut accepi, novis ædificiis excitavit, cum plures annos quasi ruinis suis sepultum jacuisset. In invidiam enim Thomæ Domini Roos, qui Henrici Sexti partes sequebatur, à Guilielmo Domino Hastings, cui (proscripto Barone Roos) Edwardus IIII cum amplissimis prædiis donaverat, quodammodo dirutum erat. Sed Edmundus Baro Roos Thomæ filius avitam hanc hæreditatem denuo beneficio Henrici Septimi recuperavit. Sub hoc inveniuntur Astroites lapides, qui stellulas invicem connexas repræsentant, in quibus radii eminent singulis angulis quini, & singulis radiis cavitas media subsidet. A Victoria hic lapis apud Germanos nomen invenit, quod, ut est apud Georgium Agricolum libro sexto Fossilium, putant illum qui gestaverit, causam obtinere, & hostes vincere. An tamen hic noster, ut ille Germanicus, in aceto positus, se loco moveat, & in orbem nonnihil torqueat, mihi nondum experiri licuit. Vallis autem quæ huic castro subjacet, The Vale of Belver, inde vulgo vocatur, satis ampla est, & longe amoenissima frumentariis campis, & pascuis admodum læta, & in tribus Comitatus Leicestrensi, Nottinghamensi, & Lincolnensi expansa.

Si non hoc ipso in loco, certe juxta MARGIDUNVM olim fuisse, quod proxime post VERNOMETVM memorat Antoninus, & nomen & distantia à VERNOMETO & PONTE oppido, sive Paumton, quibus apud Antoninum interponitur, satis dilucide doceant. A Marga & situ nomen illud antiquum mutuatum videatur. Marga enim Britannis genus est terræ qua agros aluerunt, & DVNVM quod collem denotavit, editioribus solummodo locis convenit. In hac tamen nominis notatione hæsit, cum Marga hoc in loco sit rarior (fortasse quia non quæritur) nisi Margæ nomine Gypsum vocarint Britanni, quod in vicinia effodi accepimus, cujus usum in albariis, sigillisque Romanis longe gratissimum fuisse in Naturali historia testatur Plinius.

Hanc agri partem VVithama fl. lucis fecundus, sed exilis perfundit, & à Septentrione circumscribit. Ad sui cognominis viculum ortum habet, non procul à ruinis castri Bitham, quod (ut in antiqua Genealogia habetur) Guilielmus Primus

Patent.
10. Edw.

Belvior si-
ve Bever
Castell.

Astroites
lapides.

The Vale of
Belver.

Margidu-
num.

Marga.
Dunum.

Wisham fl.

Bitham.

Pl. 27. H.
3. Rot. 13.
Linc.

Inq. 4. F. 2.
Shrek-
ingham.

Bussy-
Sleford.

Hussy Ba-
ro.

Kime.

Angusiæ
Comites.

Temple
Bruer.

Barones
D'ein-
court.

Inq. 21.
H. 6.

Matth.
Paris.

Colvill.

Paumton

Pontes.

Croco-
lana.
Ancaste

Granth

Cassia
rea.

Somer-
ton L
Dunel
Domi
de Bel
monte

Primus Stephano Comiti *Albemarle & Holderneſſi* donavit, ut inde haberet, quo filium infantulum filigineo pane nutriret (cum *Holderneſſus* avenaceo tunc tantum veſceretur) qui nunc tamen vix ibi in uſu. Verum regnante Henrico Tertio, cum Guilielmus de *Fortibus Albemarle* Comes hoc ſeditioſe propugnaret, & vicinum agrum depopularetur, ſolo fere adæquatum fuit. Poſtea ſedes hæc erat, & quaſi caput Baronie *Cobvillorum*, qui diu ſummo honore floruerunt, deſecerunt vero ſub Edwardo Tertio, & hæreditatem uxorio jure adierunt *Gernonii*, & *Baſſetti* illi de *Sapcot*.

Matth.
Paris.

Colvill.

Paunton.

Pontes.

Croco-ca-
lana.
Ancaſter.

VVithama fl. ſtatim à fontibus *Paunton* oppidum habet appoſitum, quod vetuſtatis nomine ſe venditat, & teſſellata Romanorum pavimenta ſæpe effodit, ponteque hic fluvius olim conſtratus erat; nam AD PONTEM hoc eſſe, quem ſeptem milliariis à *MARGIDVNO* ſejunxit Antoninus, nomen *Paunton* cum diſtancia non ſolum à *Margiduno*, verum etiam à *Croco-calana* facile convincit. *CROCO-CALANA* enim Antonino dicebatur illud oppidum quod nobis *Ancaſter*, & hodie nihil niſi platea longior eſt ad viam militarem, cujus una pars non ita pridem *Veſcios*, altera *Cromwelloſ* Dominos agnovit. In ejus ab Auſtro ingreſſu, vallum vidimus, Caſtrumque ſuperius fuiſſe conſtat, uti ex alia parte ad Occaſum æſtiva quædam Romanorum caſtra cernuntur. Britannicum illud nomen à ſitu aſſumpſiſſe videatur, ſub colle enim ſubſidet: & *Cruc maur* Britannis *Coltem magnum*, & *Cruc occidient*, tumulum Occidentalem ſignificaffe apud Giraldum Cambrenſem, & Ninnium legimus, ſed quid velit illud *Colana*, viderint alii. Antiquitatis memoriam in hoc oppido propagant numiſmata Romanorum, hypogæa ſæpius aperta, ſitus ad viam militarem & quatuordecim illa milliaria quæ inter hoc & *Lincolniam* interjacent per planitiem herbida, quam *Ancaſter-beath* vocamus, tot enim inter *Crococalanam*, & *Lindum* numerat Antoninus. Sed ad flumen.

Grantham.

Caffis au-
rea.

Somer-
ton Lib.
Dunelm.
Domini
de Bello-
monte.

Post *Paunton* viſitur *Grantham*, oppidum non infrequens, ſchola à *Richardo Fox* Wintonienſi Epifcopo, & templo ſpecioſo exornatum, cujus ſacra pyramis magnam in altitudinem ſurgit, & fabulis eſt famigerata. Sub hoc juxta *Herlaxton* viculum, æneum vaſculum patrum memoria, aratro erutum fuit, in quo caſſis aurea antiquiſſimæ formæ gemmis diſtincta reperta, quæ dono data Catharinæ Hiſpanæ Henrici Octavi dotariæ. Hinc longo curſu *Withama* in Septentriones fertur, non procul à *Somerton* caſtro, quod Antonius *Beccus* Epifcopus Dunelmienſis conſtruxit, Edwardoque Primo donavit, & paulo poſt dono accepit Guilielmus de *Bellomonte*, qui circa illa tempora in Angliam venit, & familiam *Viccomitum* de *Bellomonte* propagavit, quæ ſuperiori ſeculo quodammodo deſiit, cum *Viccomitum* ultimi ſoror & hæres nuberet Ioanni Domino *Lovell* de *Tichmerſh*. Sed de hac familia antea in *Leiceſtrenſi* Comitatu diximus. Paulatimque inde in Euroauſtrum vergens fluvius per paluſtrem regionem infra *Boston*, in mare Germanicum ſe exonerat, cum *Keſtevenam*, à Septentrione circumſcripſerit. Qui licet proum habeat in mare deſcenſum & amplum alveum, ex accre-

ſcentibus tamen hiberno tempore aquis, paluſtrem ad utramque ripam tractum non ſine domino opprimit, quibus tamen verno tempore per emiſſaria (*Gotes* vocant) liberatur.

Ad alteram *VVithama* ripam jacet pars hujus agri tertia *Lindſey*, Bedæ *Lindiſi* ab urbe primaria nominata, quæ *Hoilandia*, & *Keſtevena* major vaſta fronte in Oceanum procumbit, quo ad Ortum, & Aquilonem diverberatur, ad Occaſum *Trenta* flumine, ad meridiem à *Keſtevena VVithama* illo & * foſſa incili ſe jungitur, quam Henricus Primus per ſeptem milliaria à *VVithama* in *Trentam* perduxit, ut *Lincolnienſibus* ad ſubvehenda neceſſaria uſui eſſet. Qua *Trentam* attingit hæc foſſa, *Torkſey* Saxonice Turcepiz ſedet, oppidulum nunc obſcurius, olim admodum celebre. Ante Normannica enim tempora (ut in libro quo Angliæ cenſum deſcripſit Guilielmus Primus, habetur ducenti *Burgenſes*) in hac numerabantur, qui immunitatibus gaudebant non paucis; ea lege, ut legatos Regios ſi quando hac iter haberent, navigioliſ ſuis per *Trentam* deveherent, & *EBORACVM* uſque deducerent. Qua vero hæc foſſa *VVithama* conjungitur, prima & præcipua hujus Comitatus civitas locum habet, quam *Ptolemæus* & Antoninus *LINDVM*, Britanni *Lincoit*, à ſylvis (pro quo perperam alicubi ſcribitur *Luitcoit*) Beda *LINDECOLLINVM*, & *LINDECOLLINAM* civitatem, an à collino ſiru, vel quod Colonia fuerit, non ego dixerim. Saxones *Linco-collyne*, *Lind-cyllancearæn*, Normanni *Nichol*, nos *Lincolne*, Latini *Lincolniam* vocarunt. Vnde Alexander Nechamus in Divina ſua ſapientia,

*Lindiſia columen Lincolnia, ſive columna,
Munifica ſælix gente, repleta bonis.*

Denominatum credunt alii à flumine *VVithama*, quem vetuſtiori nomine *Lindim* dictum, ſed nulla tamen autoritate ſuffulti, volunt. Nec ego illis aſſentior, refragatur enim Nechamus, qui fluvium ante cccc annos *VVithamam* hoc carmine dixit,

*Trenta tibi piſces mittit Lincolnia, ſed te,
Nec dedignaris, VVithama parvus adit.*

Malim ego à Britannica diſtione *Lhin*, quæ lacum illis notat, deducere. *VVithamam* enim ad *Swanpole* ſub urbem diffuſiorem fuiſſe, qui etiam jam ſatis diffuſus, à civibus accepi, & ut *Lindæ* Germaniæ ad *Acronium* lacum, *Linternumque* Italiæ, ad lacum taceam: in Britannia noſtra video *Tall-bin*, *Glan-lhin*, *Linlithquo*, oppida ad lacus. Vrbs ipſa ampla & celebris collis dorſo inſidet, ubi *VVithama* in Ortum ſe deſleçtit, & tribus modicis alveis diviſus inferiorē urbis partem alluit. Antiquum Britannorum *LINDVM* in ipſo collis cacumine, in quod difficili aſcenſu ſcanditur, fuiſſe, & in Boream ultra portam *Newport* procurriſſe, expreſſiſſima valli & foſſarum profundarum indicia etiamnum demonſtrant. In hoc *Vortimerus* bellicoſus ille Britannus, qui ſæpius Saxones profligarat, diem obiit, & contra quam jufferat hic ſepultus. Ille enim ſpe plenus ſibi perſuaſerat ſi in littore ſepeliretur, ipſius manes Britanniam à Saxonibus deſenſuros, ut habet *Ninius Evoldugi* diſcipulus. Verum Saxones antiquo hoc *Lindo* diruto, primum Auſtralem collis partem occupant

Lindſey.

* Foſſedi-
ke.
Hovede-
nus.

Torkſey.
Domeſ-
day boo-
ke.

Lindum.

Lincolne.

parunt, & ex antiquioris illius ruinis communierunt, postea ad fluvium descenderunt, in loco qui *Vickanforde* dicebatur, ædificarunt, & qua flumine non defenditur mœnibus obseperunt. Quo tempore, ut inquit Beda, *Paulinus prædicabat verbum provincie Lindisfi, præfectumque Lindocollina civitatis, cui nomen erat Blecca, primum cum domo sua convertit ad Dominum. In qua videlicet civitate, & ecclesiam operis egregii de lapide fecit, cujus tecto, vel longa incuria, vel hostili manu dejecto, parietes hætenus stare videntur.* Dani deinceps semel atque iterum expugnarunt, primum prædatoriæ illæ turmæ, à quibus Edmundus *Ferreum latus* extorsit, deinde Canutus, à quo Ætheldredus recepit, cum è Normannia redux Canutum fortiter hinc exturbaret, Angliamque amissam præter spem recuperaret. Edwardo Confessore regnante erant, ex Censuali Angliæ libro loquor, *cio LXX mansiones hospitata, & duodecim Lageman habentes sacam & jocam.* Normannorum vero tempore, ut inquit Malmesburienfis, *una ex populosisioribus Angliæ urbs erat, emporium terra marique venientium, & ut libro illo Censuali videre est, eo tempore DCCCC Burgenses in hac censebantur, plurimæque mansiones vastatae erant, CLXVI propter Castellum. Reliquæ LXXIV vastatae sunt extra metam Castelli, non propter oppressionem Vicecomitis & ministrorum, sed propter infortunium & paupertatem, & ignium exustionem.* Guilielmus Primus ad ejus firmamentum & civium terrorem in collis supercilio castrum peramplum munitissimum excitavit, & eodem fere tempore Remigius Episcopus Dorcestrensis ad ornamentum sedem suam Episcopalem Dorcestria, quæ in remotissimo erat diœceseos angulo, & tenue oppidum, huc transtulit. Cumque jam Ecclesia illa concidisset, quam Paulinus posuerat, Remigius ille mercatis prædiis in ipso urbis vertice, juxta Castellum (ut habet Henricus Huntingdonensis) turribus fortissimis eminens, in loco forti fortem, pulchro pulchram Virgini virginum, fremente Eboracensi Præsule, qui loci jus sibi vendicavit, construxit Ecclesiam, & in ea Præbendarios XLIV locavit. Quam postea (ut ait ille) combustionem deturpatam subtili artificio reparavit Alexander ille Lincolnienfis munificentissimus Episcopus, de quo Guilielmus ille Malmesburienfis, *Quia ipse pro exiguitate corporis pene portentum hominis videbatur, luctabatur excellere & foris eminere animus.* Et inter alia cecinit ejus temporis Poëta;

*Qui dare festinans gratis, ne danda rogentur,
Quod nondum dederat, nondum se credit habere.*

Nec sane hi duo, sed etiam Robertus Bloet, qui ante Alexandrum sedit, R. de Beaumeis, Hugo Burgundus, & successores hoc opus quod non unius Episcopi esse potuit, ad eam magnificentiam quæ nunc cernitur, paulatim perduxerunt. Certe ut maximo sumptu, ita insigni venustate & artificio raro tota surgit, præcipue vero propylæum illud ad partem Occidentalem, quod adventantium oculos ad se quasi rapit, & allicit. In hac Ecclesia etfi plura sunt sepulchra Episcoporum, & aliorum, memoranda tamen solummodo videntur illud æreum in quo optimæ Reginæ Eleonoræ consortis Regis Edwardi Primi viscera conduntur, & illa Nicolai de Cantelupo, uniusque & alterius è familia de *Burghersh*, Catharinæ item *Swinford*, quæ fuit uxor tertia Io. Gandaven-

sis Ducis Lancastriæ, materque familiæ Somersetensis, cui consepelitur Ioanna ejus filia, uxor secunda Radulphi *Nevill* Primi Westmorlandiæ Comitis, quæ maritum prole beavit numerosa.

Lincolnienfium Episcoporum diœcesis non contenta angustis illis finibus, quibus in primitiva Saxonum Ecclesia contenti erant Episcopi Sidnacestrenses, qui huic agro præfuerunt, tot regiones complexa est, ut sua magnitudine laboraret, & licet Henricus Secundus Eliensem provinciam, & Henricus VIII Petroburgensem & Oxoniensem detraxerit; jurisdictione tamen, & Comitatum numero, totius Angliæ longe maxima etiamnum censetur, & parochiales Ecclesias *cio CCXLVII* Episcopus in sua diœcesi habet. Episcopi huic sedi, & multi & magni post Remigium præfuerunt, sed instituti non est mei enumerare. Nec enim Roberti Bloet, quem Rex Guilielmus Rufus magna pecunia, sc. 5000 libris multavit, causatus quod non optimo jure ipsam urbem Lincolniam tenuerit: nec munifici illius Alexandri, qui insanis substructionibus ad insaniam delectatus pluribus meminerò, nec Hugonis Burgundi, in Sanctos relati, cujus corpus Rex Ioannes cum suis Comitibus, ut obsequium, inquit autor meus, Deo & Sancto præfili præstaret, humeris suis tumulandum portavit. Duorum tamen memoria mihi recolenda, quorum alter est Robertus *Grotest*, vir & literis & linguis supra quam credi possit, in illa ætate eruditus, *terrificus Papæ redargutor, regis sui monitor, & veritatis amator, Prælatorum corrector, Presbyterorum director, clericorum instructor, scholarium sustentator, populi prædicator, scripturarum sedulus perscrutator, Romanorum malleus, &c.* Alter est præceptor mihi semper observandus reverendissimus pater Thomas Cooperus, de Repub. literaria, & Ecclesia meritissimus, è cujus schola me prodiisse & fateor, & gratulor. Urbs etiam ipsa diu floruit, ab Edwardo Tertio in *Stapulam*, quam vocant, id est, in lanarum, coriorum, plumbi, &c. emporium constituta. Quæ quanquam gravioribus malis non sit conflictata, semel incensa, semelque frustra obsessa à Stephano Rege, qui ibi oppressus, & captus, & expugnata ab Henrico Tertio, cum Barones seditiosi, qui evocassent Lodovicum Francum ad Regnum Angliæ capeffendum contra illum propugnarent, non magnum damnum fecit. Incredibile tamen est, quantum quasi vetustate victa paulatim decreverit; & ex quinquaginta templis quæ avorum memoria habuit, vix octodecim jam supersunt. Distat, ut hoc etiam adnotem, ab Æquatore *LIII* part. scrup. *XII*, ab ultimo Occidente part. *XXII*, scrup. *LII*.

Ut à *Stanfordia* ad *Lincolniam* via illa militaris Romanorum recta ducit, ita hinc in Septentrionem, sublimi & recto tramite, subinde tamen interrupto, per x plus minus milliaria procurrit ad viculum dictum *The Spittle in the street*, & ulterius. Ad tertium autem à *Lincolnia* alteram etiam viam militarem *Ouldstreet* dictam, ex hac aggere etiam conspicuo in Occasum divergere observavi, quam ad *AGELOCVM* proximam à *LINDO* stationem duxisse opinor. Sed ego cursum quem incepi persequar.

VVit-

R. Hoveden.

Obiit 1233.

Matt. Paris, & Anonymus Chronographus.

The Staple.

High-dike.

Barones
Trusbutt,
Bardney.
Oswaldi
vexillum.

Withama jam Lindum prætergressus defluit
haud procul à *Wragby*, membro Baronie *Trus-*
butt dictæ, cujus per Barones *Roos* titulus ad *Ma-*
nours, qui nunc sunt Comites Rutlandiæ, est de-
latus. Inde nobilis olim cœnobii *Beapœna* sive
Peartaneu, vulgo *Bardney*, parietinas vidit, ubi Re-
gem *Oswaldum* tumulatum, vexillumque ex au-
ro & purpura tumulo superimpositum prodit *Be-*
da. Non satis habuerunt superioris ævi scripto-
res Christianissimum hunc Heroem *Oswaldum*
celebrare, nisi rebus clarissimis ab eo gestis mira-
cula affuerent ridicula, quæ sciens prætermitto.
Manum vero ejus hic incorruptam superfuisset
multis seculis crediderunt majores, scripsitque
Poëta satis antiquus,

Nulla verme perit, nulla putredine tabet
Dextra vini, nullo constringi frigore, nullo
Dissolvi fervore potest, sed semper eodem
Immutata statu persistit, mortua vivit.

In Appen-
dice In-
gulphi.

Hoc Monasterium, ut scribit *Petrus Bleffensis*,
Danorum vesania quondam concrematum & multis an-
norum cursibus omnino desertum, inclutus & devotus Co-
mes Lincolnia Gilbertus de Gaunt restauravit, & cui cum
multis possessionibus decimas omnium Maneriorum suorum
ubicunque per Angliam gratissime assignavit. Bano flu-
violo deinde Withama augetur, qui è media Lind-
seia primum per Hornecastle defluit, quod olim
erat Adelizæ de Condia & solo æquatum Stepha-
no regnante, postea Baronia Gerardi de Rodes,
nunc, ut accepi, Carleolensis Episcopi. Inde per
Scrivelby Manerium Dimockorum, qui illud tenent
hæreditario à Marmionis per I. Ludlow devolutum,
per servitium magnæ Serientie (Iuriconsultorum ver-
bis nunc utor) videlicet, quod quandocunque Rex ali-
quis Angliæ coronari debeat, tunc Dominus hujus Manerii
qui pro tempore fuerit, vel aliquis nomine suo si idem impo-
tens fuerit, veniet bene armatus pro guerra super uno bono
dextrario, in præsentia Domini Regis die Coronationis sue;
& proclamari faciet, si aliquis dicere voluerit, quod dictus
Dominus Rex non habet jus ad regnum suum & coronam
suam, promptus erit & paratus ad defendendum jus Re-
gis, & regni sui & dignitatis corone sue per corpus suum
versus ipsum & alios quoscunque. Inferius Banus ad Tat-
teshall oppidulum regione palustri satis commo-
de positum, castro de cocto latere, magna ex
parte extructum, & Baronibus suis notum, Wit-
hamam influit. Produunt Eudonem & Pinsonem
Normannos nobiles quasi fraterna necessitudine
inter se conjunctos Guilielmi Primi munificentia
possessiones in hoc tractu accepisse plurimas,
quas ita inter se diviserunt, ut Tatteshall Eudoni
cederet, quam per Baroniam teneret, à cujus po-
steris per Dryby & Bernakos ad Radulphum de
Cromswell devenit, cujus filius eodem nomine qui
sub Henrico VI magnus Angliæ Thesaurarius,
sine prole è vita migravit. Pinsoni autem obve-
nit Eresby, quæ non longe abest, è cujus prole
per Bekos hæreditas ad Willoughbæos transmigravit,
ad quos etiam dotalia patrimonialia per ampla ac-
cesserunt per uxores non solum ab Wffordis Suffol-
ciæ Comitibus: sed etiam à Dominis de VVelles,
qui una secum attulerunt magna hæredia fami-
liæ de Engain antiquæ nobilitatis, & jam inde à
Normannorum ingressu, magnæ hoc in tractu
potentiæ. Inter hos WWilloughbæos emicuit regnan-
te Henrico Quinto Robertus Willoughby, qui bel-
Britannia.

Horne-
castle.

Dimocke.
Inq. 23.
E. 3. The
Kings
Champion.
Fines
Mich. An-
no 1. H. 6.

Tatteshall.

Crom-
well.

Eresby D.
Willough-
bæi.

Domini
Welles.
Domini
de Engain.

licæ fortitudinis ergo Vindocini in Gallia Co-
mes creatus; & ab his ex matre prognatus est
Peregrinus *Berty* Baro *Willoughby de Eresby*, vir ani-
mi magnitudine, & militari virtute longe clarif-
simus. Iam mari proximus *Withama* alterum ano-
nymum è Septentrione rivulum recipit, cujus ad
fontes *Bollinbroke* castrum humiliori situ è saxo
friabili à *Guilielmo de Romara* Lincolnienfi Co-
mite extructum, *Alicia* *Laceia* ab *Edwardo* Se-
cundo ereptum, quod illo invito sibi maritum
acceperat, & Regis *Henrici Quarti* natalibus il-
lustratum, qui inde *Henricus de Bollingbroke* cog-
nominatus. Quo tempore inter prædia illa hono-
raria quæ *Honores* vocantur, censeret cœpit. Hoc
vero recepto *Withama* infra *Boston*, ut diximus,
mari se tandem confundit.

Lib. Sran-
low.

Bollingbro-
ke.

A *Withamæ* ostio magno flexu protuberat lit-
tus in mare Germanicum usque ad *Humber* æstua-
rium, frequentioribus ubique æstuariolis lanci-
natum: rariores autem habet urbes, quia rari
sunt portus, & arenosi pulvini passim objacent.
Ex oppidis tamen quæ hoc littus occupant, me-
moranda sunt nonnulla, inprimis vero *WVainfleet*
te, vel hoc nomine, quod *Guilielmum WVainfleet*
Wintoniensem Episcopum Collegii *Magdale-*
nenfis Oxoniæ fundatorem, de literis virum o-
ptime meritum produxerit. Deinde *Alford*, quod
mercaturam debet *Leoni Domino WVelles*, qui hoc
jus ab *Henrico Sexto* Rege obtinuit. Familia
vero illa de *WVelles* admodum antiqua erat &
illustris; ultimus autem Regis *Edwardi Quarti*
filiam uxorem habuit, & *Vicecomes WVellensis*
ab *Henrico Septimo* creatus sine prole obiit.
Hæreditas vero per fœminas *WVilloughbæis*, *Dimo-*
cis, *Delalaundis*, *Hois*, &c. obvenit. Postea *Louth*
frequentatum emporium, cui *Lud* fluviolus
nomen impertiit, qui *Cokerington* subluit, caput
olim Baronie de *Scoteney*. Et inde *Grimby*, quod
Sabini nostri, qui quod volunt somniant, à
Grimo mercatore sic dictum volunt, qui quod
Havelocum regium *Danorum* puellulum exposi-
tum educaverat, fabellis decantatur cum *Have-*
loco illo pupillo, qui in regis coquina primo lixa,
& postea Regis filia nuptiis ob heroicam forti-
tudinem honoratus, nescio quæ facinora gessit,
illis dignissima qui anilibus fabulis noctem gau-
dent protrudere.

Wainfleet.

Alford.
Barones
Welles.

Grimby.
Eulogium.

Vix sexto hinc milliari interius antiquum ap-
paret castrum, quod hodie *Castor*, Saxonice
ðuanz-cazær, & *Tong-caster*, Britannice *Caer Egar-*
ry, utraque in lingua è re nomen habet, à corio
scilicet dissecto, quemadmodum *Byrsa* notissima
illa arx *Carthaginienfium*. Perhibent enim *An-*
nales nostri, *Hengistum* Saxonem, *Pictis* &
Scotis devictis, quum amplissimas alibi possessio-
nes accepisset, hoc etiam loco tantum terræ à
Vortigerno impetrasse, quantum bubulo corio
in tenuissimas corrigias (*Thongs* nos vocamus) se-
cto circumdare possit, in quo hoc castrum po-
suit. Vnde quidam qui Britannicæ historiæ *Epi-*
tomen carmine scripsit, *Virgilianos* versus sic
convertit:

Castor.
Thong-ca-
stor.

Byrsa.

Accepitque solum facti de nomine *Thongum*,
Taurino quantum poterat circumdare tergo.

Thornton
Colledge.
Barton
upon
Humber.

A *Grimesby* retrahit se littus magno flexu, ut
Abum æstuarium sive *Humber* admittat per *Thorn-*
ton,
P p p p

ton, olim Collegium in divinum cultum à Guiljelmo *Crasso* Albemarlæ Comite institutum, & *Barton*, ubi trajectus est in provinciam Eboracensem celeberrimus. Iuxta *Ankam* fluviolus faculentus, & ideo anguillarum ferax, in *Humber* exoneratur, prope cujus fontes est *Merket-Rasin*, à foro quod ibi non infrequens sic dictum. Superius adfident *Angothy*, nunc corrupte *Osgodby*, olim familiæ de *S. Medardo*, à quibus ad *Airminos* hæreditario descendit, & *Kelfay*, quondam *Hansfordorum*, qui magni fuerunt nominis in hoc Comitatu, à quibus ad equestrem stirpem de *Ashcough* jure conjugali devenit. Deinde vero *Ankam* ponte conjungitur ad *Glanford* tenuem mercatum, quem vulgus, à ponte, *Brigg* vocat, vero nomine pene oblitterato. Proxime hunc intra roborarium *Kettleby*, cernitur familiæ *Tirwhittorum* equestri dignitate præclaræ sedes, olim vero ut ex nomine colligas, ketelli cujusdam (quod nomen erat usitatum Saxonico & Danico seculo) habitatio. *Bye* enim habitatio & *Byan*, habitare Saxonice significat, unde tot loci & alibi in Anglia, & præcipue in hoc Comitatu in *Bye* terminantur.

Toto hoc tractu statis temporibus, (ut pisces taceam) Deus bone, quanta copia abundant aves, non illæ vulgares quæ summo sunt alibi pretio querquedula, coturnices, gallinagines, phasiani, perdices, &c. sed quas non eloqui est ore Latino, ipsissimæ mensarum delicias, & heroum dapes gulæ proceribus expetitur, *Puittes*, *Godwits*, *Knotts*, id est *Canuti aves*, ut opinor, è Dania enim advolare creduntur, *Dotterells* ob delirantem stultitiam dictæ, quæ imitatrices aves ad lumen candelæ pro aucupis gestu capiuntur, si is brachium extendit, expandunt & illæ alam, si is tibiam, & illæ iridem; breviter, quicquid agit auceps, idem facit & avicula, donec reti obvelatur. Sed hæc illis observanda relinquo qui vel naturam sedulo venari, vel qui abdomini nati censum gulæ demergere gaudent.

Magis ad Occasum in *Humbrum* etiam *Trenta* flumen longo confecto cursu suscipitur quum à *Fossedike* sabulosa ripa hunc agrum terminaverit, delapsus primum haud procul à *Stow*, ubi Godiva uxor Leofrici Comitis Monasterium construxit, quod ob inferiorem situm sub colibus, sub promontorio *Lincolniæ* positum dicit H. Huntingdonensis. Inde prope *Knat* habitationem nunc Baronis *Villoughby* de *Parrham*, olim familiæ Baronum de *Darcy*, quibus plurimum cum honoris, tum possessionis per filiam & hæredem de *Meinill* accessit. Profluxit hæc Darciorum familia ab antiquiori, à quodam scilicet cui nomen *Normannus* de *Adrecy* sive *Darcy de Nocton*, qui summa æstimatione floruit sub Henrico Tertio, cujus posterius monasteriolum sacrarum virginum ad *Alvingham* in hoc Comitatu dotarunt. Sed dignitas hæc quasi extincta, cum *Normannus* ultimus in recta linea antiquiori, duas tantum reliquerit sorores, quarum altera *Rogero Pedwardino*, altera *P. de Limbergho* in uxorem data fuit.

Inde *Trenta* ad *Gainesborough* decurrit, Danicarum navium statione, & *Sueni Tiugskege* Danici tyranni fato nobile oppidulum, qui illic postquam regionem diripisset (authore *Matthæo*

Westmonasterienfi) ab incerto quopiam confusus meritas sceleris pœnas demum persolvit. Multis post sæculis possessio erat *Guilielmi de Valentia* Comitis *Penbrochiæ* qui jus feriæ ab *Edwardo Primo* obtinuit, à quo Comite per *Atholiæ* Comites *Scotos*, & *Percios*, profluxerunt *Barones* de *Bourough*, qui hic habitaverunt, de quibus antea in *Surreia*. In hac Comitatus parte olim fuit urbs *Sidnacester*, quæ sedem episcopis hujus tractus præbuit, qui *Lindiffarorum* dicti fuerunt Episcopi, verum ita jam disparuit, ut cum nomine ipsæ etiam ruinæ periisse videantur. Nec prætereundum, quod in hoc tractu apud *Mellwood*, floret clara & equestris familia de *S. Paulo*, *Sampoll* corrupte vocant, quam semper existimavi fuisse ex antiqua *Castilionea* stirpe Comitum de *S. Paulo* in *Gallia*: sed *Lucenburgica* quæ gestant insignia aliud innuunt, nimirum è *Gallia* devenisse, ex quo stirps illa *Castilionea* de *S. Paulo* (quod ante ducentesium plus minus annum accidit) per nuptias *Luxenburgicæ* fuerit insita.

Super hoc *Trenta*, *Idell*, & *Danus* flumina ita suis aquarum divergiis (Fontini verbo utor) ludunt, ut *Insulam* amnicam *Axelholme*, Saxonice *axalholme*, quæ *Lincolniensis* agri pars est, amplectantur. Longitudine x mil. ab Austro in Septentrionem, latitudine dimidio minor patet. Quæ humilior ad flumina palustris est, & fruticem odoriferum (*Gall* vocant) profundit: in media, quæ leviter surgit, ferax est, & fertilis, limumque magna copia præbet, nec non *Alabastritem*, qui tamen minus solidus albariis & emplatris magis, quam aliis usibus convenit. *Præmarium* oppidum olim *Axel*, nunc *Axey* vocatur, unde adjectione Saxonice dictionis *Holme*, qua pro insula amnica usi sunt, nomen proculdubio conflatum. Sed oppidum vix dici meruit, ita sparsim habitatur: castri tamen aream ostendit, *Baronum* bello demoliti, quod ad *Mowbraios*, qui tunc magnam insulæ partem possederunt, spectavit. Anno *MCLXXIII*, scribit vetus *Chronographus*, *Rogerus de Mowbraio* à fidelitate *Regis Senioris* recedens, in insula *Axelholme* ad *Kinard ferry* castellum ab antiquo dirutum reparavit. Ad quem multitudo *Lincolniensium* navigio transvecta, castellum obsedit, *Constabularium* & milites omnes ad deditionem coegit, & castellum subvertit. Superius est *Botterwic*, cujus dominum *Edmundum Sheffield*, primum ex hac familia *Baronem Sheffield* de *Botterwic*, creavit *Rex Edwardus Sextus*, qui vitam patriæ contra rebelles *Norfolcianos* profudit, cum ex *Anna Vera* Comitis *Oxonie* filia suscepisset *Joannem* *Baronem* secundum, patrem *Edmundi*, qui nunc floret *Georgiani* ordinis *Eques* honoratissimus. Magisque ad *Boream* est *Burton Stather* ad alteram *Trentæ* ripam, de quo nihil memorandum hæcenus legi.

Comites suos *Lincolniensis* hic ager jactat post *Eggam*, qui anno *DCCX* floruit, & *Morcarum* *Saxones*, qui tantum officarii erant Comites, *Guilielmum de Romara* *Normannum*, cui defuncto (nec enim filius qui ante partem obiit, nec nepos hoc titulo usi sunt) *Gilbertum* de *Gant* substituit *Stephanus*. Eo mortuo *Simon* de *S. Licio Juvenis*, filius Comitis *Simonis* (verba *Roberti Montensis*, qui sub id tempus vixit, legis)

Barones
de Bor-
rough.
Sidnace-
ster.

S. Paulo.

Axelhol-
me.

Gall fru-
tex.

Alabastr-
ites.

Lincolniæ
Comites.

2. H. 2.

Lib.
naft.
Stanl

legis) cum careret terra, dono Regis Henrici Secundi accepit filiam ejus unicam cum honore ejus. Deinde Ludovicus Francus, qui à feditiosis Baronibus evocatus in Angliam, alterum Gilbertum è familia de Gant gladio Comitatus Lincolnæ cinxit; sed ejecto statim Lodovico, hunc pro Comite nemo agnovit, & ipse ultro titulum abiecit. Tunc Radulphus sextus Cestriæ Comes hunc honorem ab Henrico Tertio Rege consecutus est, qui paulo ante mortem Hawisæ sorori suæ; uxori Roberti de Quincy per Chartam Lincolnæ Comitatum dedit quantum ad se pertinet, ut inde Comitissa existat. Sic se habent verba Chartæ. Illa itidem contulit Ioanni de Lacy Cestriæ Constabulario & hæredibus, quos è Margareta filia sua susciperet. Ille vero Edmundum suscepit, qui ante matrem defunctus hunc honorem filio suo Henrico fruendum reliquit, qui ultimus ex ea stirpe Comes fuit. Cum enim filii ejus immatura morte prærepti essent, & tantum filiola Alicia superesset, illam novennem Thomæ filio Edmundi Lancastriæ Comitis desponsavit ea lege, ut si ipse sine hæredibus de corpore suo decederet,

aut si illi sine hæredibus de corporibus suis immorerentur, ejus Castra, Dominia, &c. remanerent Edmundo Comiti Lancastriæ & ejus hæredibus in perpetuum. Alicia vero ex Thoma marito prolem suscepit nullam. Sed cum Thomas maritus capite plecteretur, illa quæ impudicis moribus labeculam sibi non minimam aspersit, Eubulonem *Le Strange* quo cum familiarius vixerat, in maritum sine * Principis assensu * Edw. 2. assumpsit, qui hinc irritatus in ejus possessiones involavit. Quas omnes, cum Alicia jam grandæva diem obiisset sine sobole, Henricus Comes Lancastriæ nepos Edmundi ex filio secundo amplissimum hoc patrimonium ex forma transcriptionis, quam modo dixi, accepit, quod jam inde Lancastrensi familiæ accrevit. Nomine tamen Lincolnienfium Comitum honoraverunt Reges Angliæ, Edwardus Quartus, Ioannem *De-la-pole*, & Henricus Octavus Henricum *Brandon Suffolciensium Ducum* filios, qui ambo sine sobole è vita discesserunt: & Elizabetha Regina Edwardum Baronem *Clinton*, magnum Angliæ Thallasarcham eodem honore adauxit, quo ejus filius honoratiss. Henricus hodie gaudet.

Vide Duce
ces Suffolciæ.

In hoc Comitatu Paræcie sunt plus minus 630.



NOTTINGHAM-SHIRE.



Incolniensi Comitatu ab Occasu confinis est qui multo minor, Comitatus Nottinghamiensis Saxonibus *ðnot-tenzāham-ſcýne*, nobis Nottingham-shire, à Septentrione Eboracensi, ab Occasu Derbiensi, & alicubi Eboracensi, à

Meridie Leicestrensi terminatus. Partem Meridionalem, & Orientalem Trent flumen nobilissimū, influentesque rivuli fecundant: Occiduam partem saltus de Shirewood, longe se porri The Sand: gens totam occupat. Hanc, quod arena sit, illam, quod argillacea, The Clay vocant incolæ, & in has duas partes regionem suam distribuerunt.

Trenta, Saxonice Tpeonta (quam Triginta Latine quidam minoris notæ antiquarii, ob affinitatem Gallici verbi, quo ille numerus designatur, appellarunt) longe itinere emenso, ubi primum se in hunc agrum intulerit, & primum Steanford, ubi multa prisca vetustatis vestigia superesse, & Romanos nummos inveniri accepi, & deinde Clifton, quæ familiæ antiquæ Cliftonorum & sedem & nomen dedit, præterfluxerit, Linum amniculum ab Occasu suscipit, qui exoriens juxta Newsted, id est; Novus locus, ubi olim Monasteriolum posuit Rex Henricus Secundus, nunc vetustæ familiæ Buronorum sunt ædes, qui à Radulpho de Buron primis Normannorum temporibus, hoc in agro, & Lancastrensi florentissimo sunt oriundi, fertur proxime Wollaton, ubi ædes prospectu lætissimo, & summo artificio sane magnificas maximis impensis Fr. Villoughby Eques auratus inani opum ostentatione, nostra memoria extruxit. Deinde Lenton alluit, quondam cœnobio quod S. Trinitati posuit Guilielmus Peuerell filius Nothus Regis Guilielmi Conquestoris, nunc tantum nundinis frequentibus celebratum. Vbi altera in ripa ad ipsos fere Lini, & Trenta confluentes, declivi situ locum habet, quæ nomen Comitatus præbuit, urbs præcipua Nottingham, emollito verbo pro ðnottenzāham. Sic enim Saxones dixerunt à subterraneis speluncis, & meatibus quæ in receptacula, & habitationem excavavit antiquitas sub præruptis illis saxis in Australi parte qua Linum fluviolum despectat. Vnde Saxonice hoc ðnottenzāham interpretatur Asferius Latini Speluncarum domum, & Britannice Tui ogo hauc. quod idem plane denotat. Urbs est loci ingenio amœna, hinc ad flumina spatiosa procumbunt prata, illinc faciles confurgunt colles; omnibus etiam quæ ad vitam pertinent copiosa. Hinc Shirewood lignum in ignis alimentum (licet fossili carbone male olenti multi utantur) illinc pisces Trenta large suppeditat. Vnde barbarum usurpat versiculum:

* Trent. Limpida sylva focum, * Triginta dat mihi piscem.

Amplitudine denique structuræ, tribus elegantibus templis, foro longe pulcherrimo, & munitissimo castro est sane speciosa. Castrum illud prærupta petra ad Occidentale urbis latus attollitur, quo loci arcem quondam fuisse credi-

tur, qua Dani freti Ætheredi, & Ælfredi obsidionem pertulerunt, donec illi rebus infectis, obsidionem solverint, & vasa conclamarint. Cum enim Dani hanc occupassent, Burthredus Merciorum Rex, (ut author est Asferius) & Mercii nuncios ad Ætheredum Occidentalium Saxonum Regem, & Ælfredum fratrem dirigunt suppliciter obsecrantes, ut illis auxiliarentur, quo possent contra præfatum pugnare exercitum. Quod & facile impetraverunt. Mam illi fratres non segnius promissione congregato ex omni parte immenso exercitu, Merciam adeunt, & usque ad Snottengaham bellum unanimiter quærentes perveniunt. Cumque Pagani tuitione arcis muniti bellum dare negarent, & Christianis frangere murum non suppetebat, pace inter Mercios & Paganos facta, duo illi fratres cum cohortibus domum reversi sunt. Postea vero Edwardus Senior villam Bridgesford è regione posuit, & mœnibus, quæ jam corruerunt, ipsam urbem includit; quorum tantum reliquias ad Occiduam partem vidimus. Paucisque interjectis annis Edwardi scilicet Confessoris tempore, ut est in Censuali illo Angliæ libro, CLXXIII Burgenses numerabantur, & de duobus monetariis XL Solidi Regi solvebantur. Aqua etiam Trenta, & Fossa, & via Eboracum versus custodiebantur, ut si quis impediret transitum navium, emendare habuit per quatuor libras.

Castrum autem, quod nunc cernitur, & author, & operis magnitudo nobilitant. Guilielmus enim Normannus ad Anglos frangendos extruxit; naturaque & manu ita munitum erat (authore Guilielmo Neubrigenensi) ut sola inedia, si defensores idoneos habeat, expugnabile videatur. Posteaque Edwardus III magnis impensis instauravit, & splendidis ædificiis adornavit, quibus & manum Richardus Tertius admovit. Nec temporum inclinationibus communem magnis castris fortem subiit, nunquam expugnatum. Frustra semel obsessum ab Henrico Andegavensi, quo tempore ædificia adjuncta succenderunt præsidarii. Semel etiam ex improvviso captum à Roberto Comite de Ferrariis in bello Baronico, qui cives omnibus fortunis spoliavit. Castellani multa referunt de Davide Scotorum Rege in hoc captivo, & Rogero de Mortuomari, Marchiæ Comite per subterraneum meatum hic deprehenso, qui, quod fidem in patriam præ Scotis nummis vilem habuerit, & alia scelera vasto animo designarit, postea suspendio periit. Certe in prima castri area per multos gradus descendimus lumine accenso in cryptam subterraneam, & concamerationes ex ipso saxo excisas, in quarum parietibus scalpuntur historiæ passionis Christi, & alia, manu, ut ferunt, Davidis Secundi, Regis Scotorum, qui ibi in carcerem conditus. In superiori vero castri parte quæ sublime in rupe surgit, per plures gradus in aliam etiam subterraneam cavernam devenimus, quam Mortimers hole vocant, quod in ea delituit Rogerus ille de Mortuomari, cum jam mali conscius sibi male metueret. Cæterum hæc urbs Polum Borealem LIII grad. sublimem aspicit, ab ultimo vero Occidente XXII partes, XIV scrup. numerat.

Hinc

868.

1175.
Reg. Howeden
pag. 307.

Mortimers
hole.
Mortimers
latebra.

Pier-
pount.
Baronia
de Shel-
ford.

Battaile
of Stoke
1487.

Suthwell.

Tio-vul-
Fingace-
ster.

Tiptofti.

Chawor-
thi, five
De Ca-
durcis,
Cahorfin
Quercy.

Vid. Pag.
141.

1216.

Littlebor-
rough.

Hinc clementi alveo præterit *Trenta* per *Holme* à dominis *Holme Pierpount* dictam, quorum vetus & nobilis est familia, & ex qua Robertus de *Petra Ponte*, five *Pierpount* inter regni Barones ad Comitiam Parlamentaria ad Edw. III evocatus erat: ad *Shelford* præclaræ equestris stirpis *Stanboporum* sedem, quorum splendor in hoc tractu est magnus & nomen celebre. Baronia vero olim erat *Ranulphi Hanselini*, per cujus filias ad *Bardolphos* & *Eve- ringhamos* descendit. Vnde aquas suas devolvit ad *Stoke* viculum exiguum, sed non exigua strage signatum, ubi *Ioannes Delapole* Comes *Lincolniæ*, qui regni hæres à *Rich. III* destinatus, cum sibi viam ad regnum, *Henrici VII* inter- ventu præclusam videret, pro ementito prin- cipe hic se contra verum Regem seditiose oppo- suit, & cum suis fortiter occubuit. Haud procul *Suthwell* Collegiata Præbendariorum ecclesia B. Mariæ sacra, non splendida illa quidem, sed fir- ma, antiqua, & celebris surgit. Quam Paulinum primum Archiepiscopum Eboracensem fundasse scribunt, cum hujus agri incolas in *Trenta* flumi- ne sacro baptismo Christo regeneraret. Ex quo tempore Archiepiscopi Eboracenses suum hic palatium per amplum, & tria adjuncta vivaria feris referta habuerunt. Hanc civitatem esse quam *Beda Tio-vul-Fingacester* vocat, firmitus cre- do, quod quæ ille de Paulino baptizante in *Tren- tam* juxta *Tio-vul Fingacester* retulerit, hoc in loco facta fuisse privata hujus ecclesiæ historia con- stanter affirmavit. Inde ab Ortus *Snite* fluviolus *Trenta* illabatur, qui cum tenuis sit irrigat *Langer* Dominis suis *Tibetotis*, five *Tiptoftis*, qui postea *Wigornia* Comites, celebrem, & *Viverton*, quæ ab *Heriz* viro hoc in tractu quondam claro per *Brettos* & *Caltostos* ad *Chaworthos* devenit, qui è *Cadurcis* in Gallia nomen, & à Domino de *VVal- chervill* stemma deducunt.

Iam *Trenta* se dispescit, & oppidum satis am- plum subluit *Newarke*, quasi *Novum opus*, dictum, à novo castro, quod vernantissimum florida constru- ctione castellum, ut vocat *Henricus Huntingdo- nensis*, construxit *Alexander* munificus ille *Lin- colniensis* Episcopus. Qui, ut antiqui historici verbis utar, Cum esset cordis lautissimi, hoc, & aliud ex- pensis profusissimis castellum extruxit. Et quoniam hu- jusmodi constructio Episcopalem honestatem minus decere vi- debatur: ad tollendam illius extructionis invidiam, & quasi expiandam maculam totidem monasteria construens, collegis religiosus implevit. Nihilominus hanc vanam in militari Episcopo opum profusionem sua pœ- na subsequuta est. *Stephanus* enim Rex, cui nihil prius erat ad nutantem regni statum confirman- dum, quam munitiora loca in suam redigere po- testatem, eo præfulem istum carcere, & inedia adegit, ut hoc, & alterum ad *Sleford* castrum, ve- lit, nolit, sibi tandem in manus traderet. Nec aliud quippiam hic memorabile accedit, nisi quod Rex *Ioannes* impeditissimum turbulentæ vitæ cursum in hoc confecit. Hinc fluviis se colli- gens recta in Septentriones, viculis confusus de- fertur, nec memorandum quicquam habet pri- usquam ad *Littleborough* pervenerit, exiguum quidem oppidum & quod nomini vere respon- det; ubi ut hodie frequentissimus est trajectus, ita olim celebris fuit illa *Statio*, five *Mansio*, cu- *Britannia*.

jus *Antoninus* semel atque iterum meminit, & pro exemplarium varietate & *AGELOCVM*, & *SEGELOCVM* appellatur. Hoc in vicinia fru- stra jam prius indagavi, sed nunc invenisse prona fide credo, tum quod ad militarem viam sedeat, tum quod adjacens ager mœnium expressa ve- stigia ostendit, quam plurimosque Romanorum Imperatorum nummos aratoribus indies exhi- bet, quos quia porci eruncando sæpius detegunt, *Swines penies*, id est *Porcorum denarios* vocant rustici. Qui etiam pro suo captu majores suos agrum il- lum lapideo muro contra *Trenta* aquas hiberno tempore inundantes incinxisse opinantur.

In Occidua hujus agri parte (*The Sand* vocant) qua *Erwasb* fluviolus *Trentam* petit, *Sterley* olim *Strellegh* se ostendit, quæ familiæ *Strelliorum* Eque- stri (vulgus *Sturly* vocant) inter hujus Comitatus antiquissimas, & clarissimas cognomen sedem- que præbuit. Introrsum *Shirewood*, quam alii *Limpidam sylvam*, alii *Præclaram sylvam* interpretan- tur, omnia olim frondibus adoperuit, arborum- que rami complicati ita sylvas commiserunt, ut calles vix singulis pervii essent, nunc vero rarior est, infinitas tamen damas, & surgentes in cornua cervos alit, oppidaque habet nonnulla, in quibus *Mansfeld* præluet, copiosum admodum forum, cujus nomen in argumenti partem arripuerunt aliqui, qui familiæ *Mansfeldiæ* in Germania suam antiquitatem asserunt, primumque *Mansfeldiæ* Comitem cum *Arthuro* nostro mensam rotun- dam celebrasse volunt, & hinc accersunt. Reges vero nostri huc quondam venandi studio allekti se recipere solebant, & ut ex Inquisitione anti- qua ipsa verba habeas, *Henricus Fauconberge* tene- bat Manerium de *Cukeney* in hoc Comitatu in Sergientia per servitium ferrandi palfredum Regis quando Rex veni- ret ad *Mansfeld*. Ex hac sylva scatent multi rivuli qui *Trentam* petunt, præcipuus vero *Idle* censetur, Idel fl.

ad quem prope *Idleton* anno Salutis DCXVI *Ethere- di* potentissimi *Nordanhumborum* regis felicità- tas deprehensa plusquam hæsitavit. Cum enim antea foelicissime semper pugnasset, hic versa for- tuna cecidit, à *Redwaldo* Orientalium Anglo- rum rege debellatus, qui in ejus locum *Edwinum* avito regno exulantem *Nordanhumbri* præfecit. Defertur hic fluviolus haud procul à *Markham*, viculo quidem tenui, sed qui nomen indidit *Markhamorum* familiæ & vetustate, & virtute quondam admodum insigni, cui maximum decus erat *I. Markham*, qui in summo Angliæ Tri- bunalis tanta æquitate justitiæ clavum tenuit (quod in historiis Anglicis velim legas) ut gloria nullis seculis intermoriatur. Ab hoc sex ad Oc- casum milliariis abest *VVorkensop*, lætissimo Gly- cyrizæ proventu notum & Comitatus *Salopiæ* ædi- bus præclarum, quas extruxit nostra memoria *Georgius Talbot* Comes *Salopiæ* ea magnificen- tia quæ Comite tanto digna, & non invidenda. Ad *Talbottos* vero à *Lovetostis* primus hujus domi- nis sub Normannis, per *Furnivallos* & *Nevillum* cum lauta hæreditate devolutum est. E quibus *G. Lo- vetost* tempore *Henrici Primi* Monasterium hic posuit, cujus ruinas ad Orientalem oppidi par- tem inter lætissima pascua vidimus; pars vero Ecclesiæ Occidentalis adhuc superest duabus sacris turribus admodum conspicua. Paulo supe- rius


Agelo- cum, five Segelo- cum.

Shirewood.

Mansfeld.

Markham.

Workefop. Glycyri- zæ.



Blith.

rius ad eundem fluvium *Blithe* mercatum celebrem conspeximus, quem *Bulleium*, vel *Busly* Normannici generis nobilem castro munivisse accepimus, sed vix rudera ejus jam comparent, ita omnia delet temporis vetustas. Monasterium vero posuerunt Rogerus *Busley* & Fulco de *Lisours*, & hoc ultimum fere est Nottinghamiensis agri ad Septentriones oppidum, præter *Stroby* Archiepiscopi Eboracensis oppidulum in ipso confinio locatum.

Nottin-
ghamiae
Domini,
& Comites.
Lib.
M. Linton
Matth. Paris.
p. 126.
Vide Comites
Derbiae.
M. Paris
pag. 204.
Hoveden
pag. 373.
b. Inq. 6.
Rich. 2.

Guilielmus cognomento *Conquestor* huic agro Guilielmum *Peuerell* filium suum nothum non Comitum, sed Domini de *Nottingham* titulo præfecit, cui natus est filius qui ante patrem obiit, & illi itidem filius ejusdem cognominis, quem Henricus Secundus hæreditate exturbavit, quod Ranulpho Cestriae Comiti venenum miscuerit. Sub id tempus Robertus de *Ferrariis*, qui Nottinghamiam diripuit, in Donatione quam fecit Ecclesiae de *Tuttesbury*, hoc usus est titulo, *Robertus Comes junior de Nottingham*. Sed postea Comitatum & Castellum de Nottingham cum omni honore de *Peuerell* Ioanni fratri donavit & confirmavit Rex Richardus Primus. Longo post tempore hoc titulo Richardus Secundus Ioannem de *Vowbray* insignivit, qui cum juvenis sine prole diem obiisset, successit Thomas frater, qui à

Richardo Secundo Comes *Mareschallus*, & Dux Norfolciae creatus, statimque in exilium eiectus, genuit Thomam Comitem *Mareschallum* capite ab Henrico Quarto obtruncatum, & Ioannem *Mowbray*, qui, uti filius, & nepos fuerunt itidem Duces Norfolciae, & Nottinghamiae Comites. Sed cum eorum proles mascula defecisset, & Richardus tenellus Edwardi Quarti filiolus Dux Eboraci Nottinghamiae titulum cum aliis paulisper gessisset, Richardus Tertius Guilielmum Marchionem de *Barkley*, & Henricus Octavus filium suum illegitimum Henricum *Fitzroy*, quorum uterque nullis susceptis liberis ex hac vita migrarunt, hoc Nottinghamiae Comitum titulo honorarunt. Nuperque MDLXXXVII Elizabetha eodem honore Carolum Howardum summum Angliae Thalassiarum, qui à *Mowbrayis* genus ducit, ob operam (ut est in *Charta Creationis*) fortiter fideliterque bello navali contra Hispanos MDLXXXVIII, & Gadium expugnatione CIOCLXXXVI navatam (qui hic rei navali, ut Essexiae Comes terrestri, summo cum imperio præfuit) solemniter investitura exornavit.

Visuntur in hoc agro Ecclesiae Parochiales 168.



D A R B Y - S H I R E .



Ociduum Nottinghamien-
sum latus claudit Provincia
Darbiensis, Anglo-Saxonice
Deonbircype, vulgo *Darbyshire*,
quæ & ipsa clauditur ad me-
dium Solem agro Leicestren-
si, ad Occidentem Staffordi-
ensi, ad Aquilonem Eborac-
ensi, forma quasi triangulari, sed non æquila-
tera. Ab apice enim qui ad Austrum, vix sex
pass. mil. patet, ita utrinque exspatiatur, ut qua
Septentriones spectat, triginta plus minus mill.
pass. in latitudine occupet. In duas partes *Der-*
ventione flumine intercurrente dividitur, qui è
Septentrionali limite profusus, nigrantibus è ter-
ra aquis in Austrum devolutus *Trentam* petit.
Trenta enim, quem dixi, apicem Australem in-
tersecat. Pars Orientalis & Meridionalis culta,
non infœcunda, & vivariis frequens est. Pars
Occidentalis ultra *Derventionem*, *Peake* vocamus,
tota petrosa, montibus, & aspretis sterilecit,
plumbi tamen, ferri, & carbonum proventu opu-
lenta, & ovibus pascendis satis commoda.

Greifly
castle.
Greiffleio-
rum fami-
lia.

Shirleio-
rum fami-
lia.

In Australi angulo primum quod memoran-
dum est, se conspectui offert *Greiffely* castrum plus-
quam dirutum, quod una cum monasteriolo in
honorem S. Georgii posuerunt olim *Greifflei* Do-
mini, qui à Guilhelmo filio Nigelli de *Graiffeley*
dicto genus repetentes ab ipsa Normannica An-
glia expugnatione ad hæc usque tempora ma-
gna dignitate floruerunt, quam conjugio cum
filia & hærede antiquæ familiæ de *Gasteneys* non
parum jam olim auxerunt. Ad *Dove* fl. qui à Staf-
fordiensibus hunc agrum, donec *Trentam* invehit-
tur, separat, præter viculos rusticanos & *Asbbur-*
ne mercatum, ubi *Cokainorum* familia diu effloruit
& *Norbury*, ubi diu incoluit *Fitz-Herbertorum* nobi-
lis & vetusta inprimis familia, è qua Antonius
Fitz-Herbert, qui de municipalis juris nostri scien-
tia optime est meritis, nihil occurrit: à quo pa-
rum abest *Schirley* vetusta possessio celebris fami-
liæ *Shirleiorum*, qui à Fulchero quodam stemma
ducunt, quibus præter vetustatem familiæ pluri-
mum honoris, & latifundia accreverunt ex con-
nubiis cum hæredibus *Breosorum*, *Bassettorum* de
Brailesford, *Stantonorum*, *Lovettorum*, &c. Circumsita
autem hic sunt plurima loca quæ nomen & sedem
claris familiis fecerunt, *Longford* scilicet, *Bradburne*,
Kniveton, unde *Kniveton* illi de *Mercaston*, & *Brad-*
ley, è quibus est S. Lous *Kniveton*, cujus studiosæ
diligentiæ multum debeo, *Keidelfton*, ubi *Cursoni*,
uti etiam ad *Croxton*, *Radbourn*, ubi Ioannes *Chandos*
Eques auratus loci dominus magna jecit amplæ
domus fundamenta, à quo per filiam ad *Polos*,
qui hic hodie habitant, hæreditaria successione
descendit. Sed hæc illi relinquo qui hunc Co-
mitatum plene describendum suscepit.

Repton.

Ad *Trentam* vero ubi primum *Dovum* admi-
serit, *Repandum* cernitur, sic historici nostri
vocitant, Saxones *hpepanbun*, & nos hodie *Rep-*
ton vocamus, quod in tenuem viculum ex amplo
oppido decrevit: olim enim admodum erat ce-
Britannia.

lebre, cum sepultura *Æthelbaldi* boni illius
Merciorum regis, qui suorum fraude occu-
buit, & reliquorum Mercia regum; tum *Bur-*
thredi ultimi Merciorum Regis fortuna, qui
cum prece & pretio regnum viginti annos te-
nuisset, hic à Danis imperio exutus, vel potius
splendida regnandi miseria exemptus, docu-
mento est quam lubrico stant loco quæcunque
pecunia suffulciuntur. Deinde haud procul à
Trenta Melborn castrum Regium jam ruinas agit,
in quo Ioannes Dux Borbonia in prælio Agin-
courtenfi captus annos novendecim sub custo-
dia Nicolai *Montgomerii* junioris fuit deten-
tus. Vix quinque hinc milliarius interstitio ad
Arctum *Derventio* fl. volvitur, qui, ut dixi, in ex-
tremo agri ad Septentriones limite fontem è
montibus *Peak* derivans, nunc inter saxa collisus,
nunc prata viridantia fovens per triginta plus
minus milliaria iter quasi recta in meridiem ur-
get. In tam longo tamen decursu nihil quod
suspiciat habet præter *Chattsworth* ædes sane am-
plas, elegantes, & suspiciendas, quas Guilhelmus
Candish live *Cavendish* Eques auratus è nobili, &
antiqua familia de *Gernon*, in Suffolcia oriundus
inchoavit, & clarissima ejus uxor *Elizabetha*,
quæ nunc *Salopia* Comitissa, maximis impensis
nuper absolvit.

Burthre-
dus Rex.

Melborn.

Chatt-
sworth.


Qua vero *Derventio* in Ortum se convertit &
Little Chester, id est *Parva Vrbs*, præterierit, ubi ve-
teres Romanorum nummi sæpe eruuntur, *Darby*
cernitur, Saxonice *Northworthig*, & juxta *Dani-*
cam linguam, ut habet *Athelwerdus* ille vetustus,
Deoraby, universi agri caput, quod nomen à *Der-*
ventione flumine cui imponitur desumptum
universo agro communicavit. Oppidum est ele-
gans, nec exiguum, nec infrequens, ad Orienta-
lem partem *Derventio* fl. visu perpulchrum tu-
mido & elato defluit alveo sub ponte saxeo pul-
cherrimo, cui elegans sacellum, quod jam negle-
ctum, majorum pietas imposuit. Australem par-
tem intersecat limpidus rivulus quem *Mertenbroke*
vocant. Ecclesias numerat quinque, quarum ma-
xima omnium Sanctorum memoriæ dicata Cam-
panile habet & altitudine & singulari artificio
eximium. In qua Comitissa *Salopia*, quam dixi,
diffidens hæredum amorì provide sibi sepul-
chrum, & in proximo Hospitale alendis xii pau-
perculis, octo sc. viris & quatuor mulieribus, pie
posuit. Memorabilis olim hic locus, quod graf-
santibus Danis latibulum fuerit, donec *Ethel-*
fleda illa victrix Merciorum Domina inopinato
impetu trucidatis Danis potita fuisset. *Edwardi*
Confessoris tempore, ut est in libro *Censuali*,
143 Burgenfes habebat, qui tamen ita diminuti
erant, ut regnante Guilhelmo Primo, solummo-
do centum superfuerint. Hi autem ad festum S. Mar-
tini reddebant Regi duodecim * *trabes Annona*. Nunc
vero celebritas è juridicis conventibus pro uni-
verso agro, & cervisia, quam coquit, optima, nos
Ale dicimus, detorta à Danica voce *Oela*, non ab
Alica, ut *Ruellius* deducit. Britanni antiquo ver-
bo *Kwry* dixerunt, pro quo perperam *Curmi* le-
gitur

* *Thraues*
of *Corne*
ut videtur.
Cervisia
quæ *Cur-*
mi Dio-
scoridi,
Anglis
Ale, ab
Oel, voce
Danica.

R r r r



NOTTINGHAM
HALL
PARS.



DARBIENSIS
COMITATVS.
DERBY SHIRE.

Millaria Anglica quorum quatuor unum
Germanicum aequivalent.

gitur apud Dioscoridem, cum dicat Britannos & Hiberos (fortasse Hibernos) pro vino, *Curmi* potu ex hordeo confecto uti. Hoc enim est vinum nostrum hordeaceum, quod Iulianus Augustus, Apostata ille lepide in Epigrammate vocat *Πυροζυννῆ, καὶ Βρώμιον ἢ Βρώμιον*. id est, *Spicigenam Bromon, haud Bromium*. Priscus hic est, & peculiaris Anglorum & Britannorum potus, idemque saluberrimus, quamvis Henr. Abrincensis Normannus Regis Henrici III Poëta falsè his versiculis irriserit,

*Nescio quod Stygiæ monstrum conforme paludi,
Cervisiam plerique vocant, nil spissius illa,
Dum bibitur, nil clarius est dum mingitur, unde
Constat quod multas faeces in ventre relinquit.*

Turnebus
de Vino.

Veruntamen Gallorum doctissimus non dubitat quin homines hoc potu utentes si crapulas evitarent, diuturniore vitæ usura, quam qui vinum bibunt, fruerentur, & inde esse, quod apud nos nonnulli cervisiam potantes ad annum centesimum pervenerint. Quod tamen Asclepiades apud Plutarchum refert ad rigorem cœli qui calorem in corporibus conservat, cum Britannos cxx annos vixisse prodiderit.

Cæterum hujus oppidi opulentia fere omnis est ex propolia, scilicet ex frumento emendo, & montanis revendendo, sunt enim incolæ omnes quasi propolæ.

Barones
Montioye.

Non longe hinc suas agit aquas *Derventio*, ubi terras habuit Radulphus de *Montioye* regnante Edwardo Primo, & per *Elwaston*, unde fuit Gualterus *Blunt*, quem ad Baronis de *Montioy* dignitatem Rex Edwardus Quartus evexit, cujus posteriliterarum ornamentis generis claritatem adæquarunt, & inter illos præcipue Carolus nunc Comes Devonix, Baro de *Montioy*, Hibernix Prorex, & Georgiani ordinis sôdalis virtute & eruditione ita emicuit, ut neminem anteponas, paucos conferas. Sub hoc *Derventio* Trentæ confluit, qui mox *Erewash* admittit limitem in hac parte à Nottinghamiensi Comitatu. Huic adfidet *Riseley* Willoughbæorum, è quibus Hugo *Villoughby* ille Equestris ordinis (ut accepi) fuit, qui dum Glaciale mare juxta *VVardhous* Scandiæ exploraret, vi frigoris cum suis periit. Prope etiam est *Sandiacre*, vel ut alii volunt, *Saint Diacre*, sedes nobilis familiæ Greiorum de *Sandiacre*, quorum hæreditatem adiit jure uxorio Edwardus *Hilary*, cujus filius in Greiorum nomen transivit, & post paucos annos ejus altera hæres Ioannem *Leake* Militem, altera I. *VVelsin* maritum assumpsit.

1553.

Greii de
Sandiacre.

Codenor
castle.
Barones
Grey
de Cod-
ner.

In Orientali latere ordine succedunt ad *Boream* *Codenor* olim *Coutenoure*, castrum quod ad Greios Barones spectavit, qui Domini *Grey* de *Codenor* dicti fuerunt, quorum hæreditas superiori sæculo devenit ad *Zouchæos* ex matrimonio, quod Ioan. *de la Zouch* filius secundus Guilielmi Domini *de la Zouch* de *Haringworth* contraxit cum Elizabetha hærede Henrici Greii postremi Domini de *Codenor*. *VVinfield* lautissimum Manerium, ubi ædes Radulphus Dominus *Cromwell* pro illo seculo magnificas regnante Henrico Sexto construxit. *Alfreton* deinde cernitur, quod ab Alfredo rege constructum denominatumq; credunt, quod suos etiam Dominos habuit hinc de *Alfreton* cognominatos, quorum secundus Rober-

Alfreton.

tus filius Ranulphi monasterium de *Bello-Capite*, vulgo *Beauchief* in remotissimo hujus Comitatus angulo construxit; sed paucis post annis, deficientibus masculis, per duas filias eorum hæreditatem adierunt familia de *Cadurcis*, sive *Chaworth*, & *Latham* in agro Lancastrensi. Pro insignibus erant his gemini, ut vocitant, *Cheverni* aurei in parma cærulea. Quæ eadem insignia *Musardi* Barones de *Staveley* in hoc agro coloribus commutatis gestarunt, qui deserunt *Edwar*. Primo regnante in *N. Musard*, ejusque soror natu maxima *T. de Frechevill* enupta, cujus posteritatem etiam hic florent. Superius in ipso Comitatu Orientali limite solo aspero est *Hardwic*, quæ claræ in hoc agro familiæ nomen impertiit, è qua Elizabetha Comitissa *Salopiæ* nunc ibi duo splendida inchoavit ædificia fere conjuncta, quæ à longe intuentibus se sublimi situ, amœnissimo offerunt prospectu. Hæc nunc Baronis titulum Guilielmo *Cavendish* ejus filio secundo-genito præbet, quem nuper Iacobus Rex honore Baronis *Cavendish* de *Hardwic* honoravit.

Insignia
Baronum
de Alfre-
ton.
Stavely.

Hardwic.

Baro Ca-
vendish,
sive Can-
dish.
1605.

Interius cernitur *Chesterfield* in *Scardale*, id est, in *Valle cautibus conclusa*; cautes enim *Skarres* Angli dixerunt. Huic antiquitatem, & ipsum novum nomen, murorumque ruinæ astruunt, sed nomen pristinum tempore antiquatum & extinctum jacet; prælioque tantum apud authores celebratur inter Henricum III & Barones, in quo Robertus de *Ferrarius* ultimus ex ea familia *Darbiæ* Comes captus, honore suo ex Parlamenti autoritate multatus, privatus deinceps vixit, posterique solo Baronum nomine floruerunt. *Chesterfeldiæ* huic adjacet ad Occasum *VWalton*, quod à *Bretonis* per *Loudham* ad *Foliambo* magni in hoc tractu nominis hæreditario devenit; ad Ortum *Sutton*, ubi *Leaki* equestri dignitate diu inclaruerunt.

Chester-
field.

Walton.

Sutton

Parumque hinc abest *Bolsover* castrum antiquum paulo editius positum quod ad *Hastings* *Abergevenne* Dominos spectavit ex jure commutationis cum Rege Henrico Tertio, qui cum noluerit Comitatum *Cestriæ*, ad quem spectaverat, inter colos distrahi, sororibus Ioannis Scoti Comititis ultimi alias possessiones hinc inde assignavit.

Pars Occidentalis ultra *Dervationem*, quæ tota collibus & montibus eminet, unde olim Saxonice *Peac-lono*, hodie *Peake*, fortasse dicitur, id enim apud nos eminere sonat, Dovo citissimo, & limpidissimo flumine (de quo suo loco) à *Staffordiensibus* secluditur. Hæc licet cautes asperas & glabras alicubi habet, plures tamen sunt colles & convalles herbidæ quæ armenta & numerosos ovium greges secure pascunt. Nec enim à lupis jam periculum, qui olim hic infesti fuerunt, ad quos fugandos & capiendos quidam hic terras tenuerunt ad *VVormhill*, & inde *VVohpe-hunt* dicti, ut ex Archivis regni plane constat. Plumbi autem est adeo ferax, ut *Chymistæ*, qui Planetas tanquam criminis reos ad metalla damnant, Saturnum quem plumbo præficiunt, nobis animo esse benigno, quod plumbum concesserit, Gallis infenso, quibus denegavit, ridiculo errore tradiderint. Verumenimvero de hac regione *Plinium* locutum arbitror, cum dixerit, *In Britannia summo terra corio plumbum adeo large eruitur*,

The Peake.

Lupi.

Inq. 2.
E 2.
Plumbum.
Brodaus.

tur, ut lex ultro dicatur, ne plus certo modo fiat. In his enim montibus lapides plumbarii feraces, ut vocant Metallici, quotidie magna copia effodiuntur, quos in collibus Favonio obversis juxta *Creak*, & *Vorkeſworth* (quod hinc nomen à plumbariis operibus invenit) observatis temporibus cum Favonius flare cœperit, quem omnium ventorum pertinacissimum esse usu deprehenderunt, magna lignorum vi accensa excoquunt, & effosis canalibus quibus defluat, in massas, *Sowes* vocantur, conflant. Nec plumbum solum, sed etiam Stibium (in officinis *Antimonium* vocatur) hic in propriis venis reperitur; quo in tingendis ciliis Græcæ mulieres usæ sunt, unde Poëta Ion *ἰππιδίεγετον* nominat. Lapidēs etiam molares hic excinduntur; cotes item ad ferramenta exacuenda, & nonnunquam Fluor quidam candidus in fodinis reperitur (Lapides enim è fodinis qui gemmis sunt similes, *Fluores* metallicis dicuntur) qui per omnia Cryſtallo est simillimus. Præter illud *Vorkeſworth*, quod relatu dignum, non aliud occurrit nisi *Haddon* ad *Vvie* fl. sedes *Vernonrum* annis quam plurimis, qui ut antiqui ita perillustres hoc in tractu fuerunt, adeo ut Georgius *Vernon* Eques auratus qui nostro tempore vixit, ob magnificentiam, domum bonis apertissimam & laudatam hospitalitatem nomen *Reguli* in *Peak* apud multitudinem retulerit. Per ejus autem filias & hæredes lauta hæreditas ad Ioannem *Manours* ex familia Comitum *Rutlandiæ*, & *Thomam Stanley* è stirpe Comitum *Derbiæ* translata fuit. Huic adjacet *Bakewell* ad eundem fluvium, qui inter hos colles sibi iter in *Derventionem* aperit. *Bakewell* hoc Saxonibus dictum fuit, Burgumque ibi Edwardum Seniores constituisse author est *Marianus*. Nescio an à thermis hoc nomen mutuatum fuerit, quas *Bade* & *Baden* antiqui Angli, ut Germani sua lingua nominarunt, unde *Baden* Germaniæ, & *Buda* Hungariæ. Sane ad *Vvie* scaturiginem non procul hinc novem fontes calidis aquis ebulliunt, *Buxtonwell* hodie indigitant, quas cum stomacho, nervis, & universo corpori salubres esse jam usus docuerit: honoratissimus Comes *Salopienſis* Georgius ædificiis nuper illustravit, & denuo nobilissimorum virorum concursu celebrari cœperunt. Quo tempore infelicitissima illa heroina *Maria Scotorum Regina Buxtonæ*, Cæsaris de *Feltria* versiculos immutans, hoc disticho valedixit,

*Buxtona quæ calidæ celebrare nomine lymphæ,
Forte mihi posthac non adeunda, Vale.*

Sed hæc extra curriculum. Antiquitus tamen thermas has innotuisse Actus, sive Via Romana lapidibus constrata *Bathgate* dicta, per septem hinc milliaria ad *Burgh* viculum ostendit. Iuxta quem colli adfigitur vetustum castrum, quondam *Peuerellorum*, *The castle in the Peake* vocatum, Latine de *Alto Pecco* dictum, quod Rex *Edwardus Tertius* cum *Manerio*, & *Honore* Ioanni Duci *Lancastriæ* filio suo, cum restitueret Comitatum

Richmondæ in manus Regis, donavit. Sub hoc specus, sive subterraneus meatus (honorem præfabor) *Diaboli Podex* dictus, magno hiatu patet, multiplicesque recessus habet, in quibus pastorem vidisse latissimam regionem rivulis interfusam, & vastos inertium aquarum conceptus, sive veri ignorantia, sive mentiendi libidine prodidit *Gervasius Tilburienſis*. Ex hujusmodi tamen fabulis inter Angliæ miracula censetur hæc specus, nec desunt hujusmodi fabellæ de altera in vicinia specu *Eldenhole*, in qua nihil mirandum, nisi quod sit immanis, præceps, & profunda. Sed quod ventorum sint hic spiracula, frustra sunt qui scripserunt, nec alterutri harum conveniunt illi *Nechami* versiculi de Angliæ miraculis,

*Est specus Aëolis ventis obnoxia semper,
Impetus è gemino maximus ore venit.
Cogitur injectum velamen adire supernas
Partes, descensumque impedit aura potens.*

Sed quæ memoranda in hac edita & aspera regiuncula, quidam hoc *Tetrasticho* completi voluit,

*Mira alto Pecco tria sunt, barathrum, specus, antrum;
Commoda tot, plumbum, gramen, ovile pecus.
Tot speciosa simul sunt, Castrum, Balnea, Chatsworth:
Plura sed occurrunt quæ speciosa minus.*

Darbiæ Domini è *Peuerellorum* stirpe illi perhibentur quos *Nottinghamiæ* *Dominos* jam ante diximus. Postea Rex *Richardus Primus* *Ioanni* fratri *Comitatus* & *Castella de Nottingham, Lancastriæ, Derbiæ, &c.* cum honoribus ad ea pertinentibus cum honore etiam de *Peuerell* dedit & consumavit. Deinde *Comites* fuerunt è *Ferrariorum* familia, (quantum ego è *Registris* *Monasteriorum de Tutbury, Merivall, & Burton* colligere possum) *Guilielmus de Ferrariis* ex *Peuerelli* filia & hærede natus, quem *Ioannes Rex* propria manu (ut in *Charta* est antiqua) in *Comitem Derbiæ* cinxit, *Guilielmus* ejus filius, & ab hoc *Guilielmo* genitus *Robertus*, qui bello civili ita hac dignitate excidit, ut ex posteris nulli, quamvis summo splendore vixerint, in integrum honorem restituti fuerint. Plurimas vero hujus *Roberti* possessiones in *Edmundum* filium suum juniorem transcripsit Rex *Henricus Tertius*, & Rex *Edwardus Tertius* (ex autographo scribo) consilio *Parlamenti* constituit *Henricum de Lancastria* filium *Henrici* *Comitis Lancastriæ, Derbiæ* *Comitem sibi, & hæredibus*, simulque assignavit 1000 *Marcas annuatim in vitam* *Henrici* *Comitis Lancastriæ* patris sui. Inde titulus *Lancastrenſis* stemmati coaluit, donec *Henricus Septimus* eundem *Thomæ Stanley* contulerit, qui *Margaretam* Regis matrem jam ante duxerat, & ex hac familia jam sextus *Derbiæ* Comes *Guilielmus* vir longe honoratissimus eo honore lætatur.

Hæc de *Comitatibus Nottinghamiæ, & Derbiæ*, quorum partem incoluerunt illi qui *Bedæ* ætate *Mercii Aquilonares* vocabantur, quod ultra *Trentam* ad *Aquilonem* confederunt, terramque, ut inquit, *familiarum septem milium* habuerunt.

Paræcias includit hic *Comitatus* 106.

C O R N A V I I.



*Er*agratis jam ordine CORITANORVM regionibus, qui proximi ad Occiduam Solis plagam fuerunt, CORNABII sive CORNAVII sunt perlustrandi: quorum ^{ἑρπον} excutiant alii; vim verbi in aliud, atque aliud ducere possum, sed cum ex illis nullum loci natura, populiue ingenio respondeat, fucillis malim ejicere, quam his nostris commentariolis intexere. Quod igitur instituti est, provincias quas CORNAVII ex Ptolemai descriptione tenuisse videntur, seorsim percurram; videlicet Warwicke-shire, Worcester-shire, Stafford-shire, Shrop-shire, & Che-shire. In quibus nullum Cornavorum nominis vestigium hodie superest, licet hoc nomen ad inclinatum usque Romanorum imperium permansisse videatur. Sub posterioribus enim Imperatoribus CORNAVIORVM Numeri & turma meruerunt, ut videre est in libro notitiarum.

W A R W I C K - S H I R E.



*P*agus Warwicensis, qui Anglo-Saxonibus, uti nobis Warwicke-shire, ab Ortivo cardine Northantonensibus, Leicestrensis, & via militari, quam dixi; ab Australi Oxo-niensibus, & Glocestrensis; ab Occiduo maxima ex parte Wigorniensibus, & à Septentrione Staffordiensibus finitus, in duas distinguitur partes, in Feldon scilicet, & VVoodland, id est, in regionem campestrem, & sylvestrem. Quas Avona flumen oblique per mediam regionem ab Ortuo æstivo in Occasum Brumalem defluens quodammodo sejungit.

Feldon.

Feldon cis Avonam ad Austrum campestri jacet planitie, frugibusque & virenti gramine læta prospectum amœnitate plenissimum despectantibus è colle, quem Edg-hill vocant, præbet. Qua vero hic collis juxta VVarmington definit vallum militare rotundum satis magnum vidimus, quod ut id genus alia opinemur in usum non longi temporis ingruentibus olim hostibus factum fuisse. Ex rubente autem hic terra Rodway, Rodley, & pars magna vallis ipsius The valle of Redhorse nuncupatur, à forma equi in colle rufescente juxta Pillerton à rusticis excisa. In hac parte memoranda sunt Shipston, & Kinton, alterum ovium, alterum vaccarum forum jam olim, unde & nomina invenerunt, Compton in the hole ita appellatum quod sub collibus in convalle lateat: suas tamen habet amœnitates, & unde inclyta familia nomen traxit, è qua Henricum Compton ad Baronis dignitatem anno reparatæ Salutis CIO DLXXII, augustissima Reg. Elizabetha provexit. VVormleighton ovium pastura nobile, sed nobilius ex quo clarissimum virum Ioannem Spencer, de quo jam diximus, Baronem Spencer de VVormleighton Rex Iacobus creaverit. Shugbury, ubi Astroites lapides reperiuntur, quos loci domini de Shugbury dicti, in suum digma gentilitium transtulerunt, Southam mercatus haud ignotus, & frequens, nec non Leamington, à Leamo fluviolo qui hanc partem pererrat sic dictum, ubi fons falsus ebullit, Vebindon, nunc Long Ichingdon, & Harbury. Nec alio sane nomine hæc duo memoranda sunt, quam quod inter ea Fremundus Offæ regis filius ex inidiis nefariè olim occisus fuerit; vir magni no-

The vale of Redhorse.

Shipston in Com. Wigor. Kinton. Compton.

Wormleighton.

Shugbury. Astroites lapides.

Leamington.

minis & singularis in Deum pietatis, cui nihil aliud invidiam conflavit, quam quod infœlici tempore, fœlicibus auspiciis hostium audaciam contudisset. Quod tamen ejus fatum in majorem illi gloriam cessit. Nam sepultus ad Offæ patris palatium (Off-Church nunc dicitur) posteritati adhuc ^{Off-church.} superstes est, utpote qui inter indigites relatus divinos honores apud multitudinem meruit, vitæque ejus carmine satis eleganti ab antiquo scriptore descripta, è qua non sit piaculum, hos pauculos versus subungere de homicida qui regnandi libidine percitus illum sustulit,

Non sperans viro Fremundo, regis honore

Optato se posse frui, molitur in ejus

Immeritam tacito mortem, gladioque profanus

Irruit exerto servus, Dominiq; jacentis

Tale nihil veritum sævo caput amputat ictu.

*Talis apud * Wydford Fremundum palma coronat,*

Dum simul & fontes occidit & occidit insons.

* Alibi Radford.

Hæc in Feldon sive campestri parte, quam (nec omittere decet) via illa antiqua Fosse transverse ^{Fosseway.} interfecat, cujus agger in pascuis jam deviis cernitur prope Chesterton, habitationem pervetustæ familiæ Peitorum, è qua fuit Guilielmus ille Peito ^{Peito} Franciscani ordinis, quem Cardinalem & Angliæ Legatum in invidiam Cardinalis Poli Paulus Quartus P. R. (tantæ inerant animis cœlestibus iræ) frustra creavit, cum Polum Romam accersisset tanquam depravatæ religionis reum. Verum Maria Regina, quanquam Romanæ Ecclesiæ devotissima, ita se interposuit, imo opposuit, ut Peito Angliam ingredi prohiberetur, & Legativa autoritas integra Polo relinquere-tur. Nescio an hic memorare intersit quod regnante Edwardo Quarto, quidam scriptis libris conquesti sint Avaritiam in hoc tractu ovium gregibus tanquam copiis contractis villas frequentes obsedisse, agricolis abactis expugnasse, & tanta cum clade excidisse, ut ex illis vir eo ævo doctus cum Poëta exclamarit:

Quid facerent hostes capta crudelius urbe?

Ad Avonam vero flumen, ubi adhuc exilis hunc Comitatum subintrat, Rugby se primo offert laniis forum frequentissimum, deinde Newenham ^{Newenham.} Regis ad alteram fluminis ripam, ubi tres fontes alumine, ut videtur, percolati erumpunt, quorum aqua lacteo colore & sapore, calculo mederi per-

Roffus, & T. B. contra villarum destructores.

Newenham. Fontes salubres;

Bagginton.

Stoneley.
Regi-
strum
Mon. de
Stoneley.

Warwicke.

Præsi-
dium.Milites
externi in
provin-
ciis.
Florus
lib. 4.
cap. ult.

perhibetur: urinam certe copiose ciet, vulnera statim consolidat & sanat, cumque sale hausta laxat, cum saccharo astringit. Tunc *Bagginton*, quod suum castrum habuit, & ad *Bagottos* nobilem in primis familiam quondam spectavit. A quo parvo abest intervallo *Stoneley*, ubi monasteriolum fundavit Rex Henricus Secundus; & ex opposito castellum olim fuit ad *Avonam*, *Stoneley-holme* dictum, in *Holme-bull* constructum, quod dirutum, dum Danica bellorum flamma Angliam sub Canuto involveret.

Præcipuum deinde totius Comitatus oppidum allabitur *Avona*, quod nos *Warwicke* vocamus, Saxones *Wappýng-wýc*, Ninnius & Britanni *Caer Guarvic*, & *Caer Leon*. Quæ omnia nomina, quum à *Guarth* Britannica dictione, quæ præsidium significat, vel à Legionibus, quæ locorum defensionem imponebantur, profluxisse videantur; quodammodo persuaserunt (quamvis ego potius Scepticus, quam Criticus in Etymologiis esse malim) hoc illud oppidum esse quod PRÆSIDIVM Romanis in Britannia dicebatur, ubi, ut est in Provinciarum Notitia, Præfectus Equitum Dalmatarum sub dispositione Ducis Britanniarum egit. Hæc cohors ex Dalmatia scripta fuit, & ut obiter notem, ea erat provida Romanorum prudentia, ut in provinciis externos milites per præsidia disponent, quibus, cum indigenis ob morum & linguæ diversitatem nulla potuit esse conspiratio. Nam (ut scribit ille) *Gentes servitutis frangis non assuetæ facile alias ab imposito iugo resiliunt*. Hinc militarunt in Britannia ex Africa Mauri, ex Hispania Astures & Vettones, è Germania Batavi, Nervii, Tungri, Turnacenses, è Gallia Lingones, Morini, & aliunde Dalmatæ, Thraces, Alani, &c. ut suis locis dicemus. Sed ad rem. Ne quis existimet Britannos *Guarth* illud à Francis hausisse, cum origine Hebraica sit (si Lazio credatur) & in ea plurimæ nationes consenserint. Sed hoc Præsidium fuisse, & annalium nostrorum auctoritas docet, qui Romanas legiones hic confedisse memorant, & ipse etiam situs in provinciæ pene umbilico innuit; æquali enim spatio hinc ab Orientali *Norfolcia*, illinc ab Occidentali *Cambriæ* littore disjungitur, cujusmodi situm PRÆSIDIVM Corsicæ oppidum in ipsa media insula positum obtinuit. Nec mirum, si præsidium, & militum stationem hic Romani habuerint, cum *Avona* flumini rupe satis prærupta imminet, & omnes aditus ex ipso saxo sint effossi. Mœnibus & fossis munitum fuisse apparet, castrum vero & natura & opere firmissimum Warwicense Comitum olim sedem ad Africum prætendit; oppidumque ipsum ædificiis speciosis est exornatum, plurimumque debet *Ethelfledæ* Merciorum Dominæ, quæ labefactatum anno Christi DCCCCXI restauravit. Sub Normannorum etiam ingressum statu erat satis florenti, pluresque (ut vocant) *Burgenses* habuit, è quibus duodecim Angliæ Reges in bellum comitari (sic in Regis Guilielmi Primi libro scribitur) tenebantur. *Qui monitus non ibat, centum solidis Regi emendabat, si vero per mare ibat Rex contra hostes, vel quatuor Botelvenas, vel quatuor libras denariorum mittebant*. In hoc Burgo Rex habet in dominio suo CXIII *Burgenses*, & Barones Regis habent CXII. Rogerus secundus è Normannico sanguine

Britannia.

ne Warwici Comes pulcherrimum Beata Mariæ templum in ipso oppidi sinu postea construxit, quod *Beauchampi* sive *de Bello-campo*, qui successerunt, suis sepulchris condecorarunt, præcipue vero *Bellocamporum* ultimus Comes Warwicensis Richardus, & Normanniæ Præfectus, qui Rothomagi CIO CCCC XXXIX fatis concessit, & magnifico funere elatus in hoc conditur.

Iuxta *V Warwicum* ad Aquilonem *Blacklow* collis cernitur, in quo Petrus de *Gaveston*, quem Rex Edwardus Secundus ex humili loco in Cornubiæ Comitem exexerat, à regni proceribus capite obtruncatus fuit. Principis enim gratia, & fortunæ indulgentia, tantam sibi licentiam usurpavit, ut cum Regis animum corrupisset, optimum quemque contemneret, & in omnium fortunas insolenter involare, & homo vafer & veterator Principis & procerum animos dissociaret.

Sub hoc ad *Avonam* fl. *Guy-cliffe* aliis *Gib-cliffe* sedet, nunc Thomæ de *Bello-fago*, sive *Beau-foe* ex veteri Normannica prosapia habitatio; & quæ ipsa sedes est amœnitatis. Nemusculum ibi est opacum, fontes limpidi, & gemmei, antra muscosa, prata semper verna, rivi levis & susurrans per saxa discursus, nec non solitudo, & quies Musis amicissima. Hic Guidonem Warwicensem decantatum illum heroem post multos exantlato labores sacellum construxisse, heremiticam vitam duxisse, & tandem sepultum fuisse ferunt. Prudentiores tamen locum illum à Guidone de *Bello-campo* memoria multo recentiori nomen adsumpsisse existimant, & certum est, Richardum de *Bello-campo* Warwicensem Comitem sacellum S. Margaretae hic instaurasse, statumque Giganteam Guidonis illius erexisse.

Plenior hinc *Avona* deferitur per *Charlcott* nobilis & equestris familiæ *Luciorum* habitationem, quæ à *Charlcottis* jam olim ad illos hæreditario quasi transmigravit, qui ad pauperes & peregrinos suscipiendos domum religiosam pio instituto ad *Thellisford* posuerunt, *Thelley* enim fluviolus dictus erat, qui per *Compton Murdac* olim *Murdacorum*, nunc equestris familiæ *Vernajorum*, & hanc *Thellisford* *Avonam* petit, qui *Stratford* mox allabitur emporiolum non inelegans, quod duobus suis alumni omnem dignitatem debet, Ioanni de *Stratford* Archiepiscopo Cantuariensi, qui templum posuit, & Hugoni *Clopton* Prætori Londinensi, qui *Avonæ* pontem saxum quatuordecim fornicibus subnixum, non sine maximis impensis induxit. Hic frater natu minor erat ex antiqua familia quæ à *Clopton* Manerio adjacenti hoc cognomen mutuata, ex quo Walterus de *Coksfield* dictus *Marescallus Miles*, ad *Clopton* sibi & suis certam sedem defixerat. Horum hæreditas nostro tempore ad duas sorores cohæredes descendit, quarum altera enupta Georgio *Carew* Equiti clarissimo Serenissimæ Reginae Annæ Procamerario, quem titulo Baronis *Carew* de *Clopton* Rex Iacobus ornavit, & ego vel hoc nomine memoro, quod venerandæ antiquitatis sit summus admirator. Nec aliud ad suas ripas præter *Bitford*, Mercatum, & rusticanos viculos videt *Avona* jamjam Wigornienfes aditurus.

Sylvestrem regionem nunc perlustramus, quæ trans *Avonam* fl. ad Septentriones expanditur spatio


T t t t

rio

Blacklow
hill.
aliis Gib
verden.

Guy-cliffe.

I. Rossus
Warwi-
centis.Guy of
Warwicke.Charle-
cott.Stratford
upon
Avon.Baro Ca-
rew de
Clopton.



Wood-land. tio multo majori, maximam partem nemoribus infesta, nec tamen sine pascuis, arvis, & variis ferri venis. Hæc ut hodie *Woodland*, id est, *Regio Sylvestris*, ita etiam *Arden* antiquiori nomine olim dicebatur, verum eadem plane, ut ego existimo, significatione; *Arden* enim priscis Britannis & Gallis sylvam significasse videtur, cum in Gallia sylvam maximam *ARDEN*, oppidum in Flandria juxta alteram sylvam *Ardenburg*, & celebratam illam Angliæ sylvam truncato vocabulo *Den* nominari videamus, ut *DIANAM* illam taceam, quæ in antiquis Gallia Inscriptionibus *ARDWENA* & *ARDOINA*, id est, si quid ego video, *Sylvestris*, & eadem fuit, quæ Italiae Inscriptionibus *NEMORENSIS* nominata. Ex hac *Turkilus* de *Arden* qui hic floruit, magno honore sub *Henrico Primo* nomen assumpsit, & propago ejus admodum clara longe per Angliam succedentibus annis est diffusa. Occiduum hujus latus *Arrow* fluvius, ut se socium *Avone* jungat, per *Studly* castrum quondam *I. filii Corbutionis* properat. An vero à velocitate sic dictus fuerit, ut *Tigris* Mesopotamiæ (*Arrow* enim nobis sagittam, ut *Tigris* Persis denotat) vel contra à lento cursu, quod *Ara* priscis Gallis & Britannis significavit, viderint alii. Huic adsidet *Coughton*, *Throckmortonorum* Equestris familiæ præcipua sedes, quæ numerosa, admodum clara, & splendidis ingeniis fecunda in hoc tractu præcipue floruit, ex quo nuptias cum hærede de *Spene* contraxit. Haud multum hinc abest *Ousley*, quæ suis etiam Dominis quondam insignis, *Butleris* scilicet, Baronibus de *Wem*, à quibus hæreditario ad *Ferrarios* de *Ousley* dictos, est devoluta. Quorum hæreditas brevi inter *I. Dominum de Greystocke* & *Radulphum Nevill* dispartita fuit. Inferius ad *Arrow* posita est *Beauchamps-court* à Barone de *Bello-campo* de *Powik* denominata, à quo per filiam unicam *Edwardi Willoughbey*, filii *Roberti Willoughbey* Baronis *Broke* ad *Fulconem Grevill* virum & equestri dignitate, & naturæ facilitate clarissimum devenit, cujus unicus filius eodem itidem nomine, ita veræ virtuti, & germanæ nobilitati se consecravit, ut animi nobilitate genus longe exuperet, cujusque in maximis meritis etiam dignas gratias nec animus meus aperire nec illustrare possit; loquens tacensque tamen gratias & agam, & habebō.

Henley. Sub hac in *Arrow* influit *Alne*, sive *Alenus*, qui inter sylvas cursum agens, *Henley* mercatorum oppidulum subluit, cui castrum adjunctum habuit familia de *Monte-forti*, qui magni nominis Nobiles, quod ab amœno in mediis sylvis situ *Bell-desert* Gallico nomine dixerunt, sed hoc nunc suis ruderibus inhumatum disparuit. Genus his erat non ab *Almaria Monte-fortiorum* familia, sed à *Turftano de Bastanberg* Normanno, hæreditas vero tandem per filias demigravit ad Barones de *Sudley*, & *Frevillos*. Ad *Arrow* vero & *Aleni* hujus confluentes vidimus *Aulcester*, *Matthæo Parisiensi Alencester*, & rectius, quod celebratissimum & antiquissimum esse contendunt incolæ, unde *Ouldcester* dictum volunt. Hic (ut in veteri *Inquisitione* legitur) erat *Burgus Francus Domini Henrici Primi*, & idem Rex dedit illum *Burgum Roberto Corbet* pro servitio suo, & cum idem *Robertus* obiit, descendit per descensum Domino *VVillielmo de Botereux*, & Domino *Petro*

filio *Herberti*, & cum *VVillielmus de Botereux* obiit, descendit illa medietas villata in manum *D. Reginaldi de Botereux* per descensum, sicut hæredi qui nunc tenet, & cum *Petrus* filius *Herberti* obiit, descendit illa medietas in manum *Herberti filii Petri*. Qui *Robertus* dedit illam *Roberto de Chaundoy*. Nunc autem è maximo oppido in exiguum rerum venalium mercatum decrevit, sed frumentariis nundinis celebratissimum. Superius inter nemora quæ jam rarescunt, sunt *VVroxhall*, ubi monasteriolum sive Prioratum posuit *Hugo de Hatton*, *Badesley* olim *Clintoniorum*, nunc *Ferrariorum*, & *Balsball* quondam *Templariorum Præceptorum*, quam illis *Rogerus de Mowbray* donavit, cujus tanta fuit in *Templariorum* ordinem munificentia, ut communi consilio decreverint, quod ipse cuicumque fratrum si quid in ordinis instituta peccasset, & coram ipso crimen agnosceret, remitteret, & condonaret. Militæque ordinis *S. Ioannis Hierosolymitani*, quibus *Templariorum* possessiones in Anglia fuerint assignatæ (Deo enim sacrata prophanare majores nostri tunc temporis piaculum existimarunt) concesserunt gratitudinis ergo *Ioanni Mowbray* de *Axeholme* successori illius *Rogeri*, ut ipse & successores sui in singulis ipsorum conventibus honore à Regibus secundo semper exciperentur.

Magis ad Ortum æstivum, ubi rivuli coeuntes lacum inter vivaria diffundunt, qui statim ripis coercitus canalem agit *Kenelworth*, olim *Koneworth* vulgo, sed corrupte *Killingworth* apponitur, & inde denominatur castrum amplissimum, pulcherrimum, munitissimum, vivariis circumseptum, quod nec *Kenulphus*, nec *Kenelmus*, nec *Kineglisus* construxit, ut somniant nonnulli, sed *Galfridus Clinton* *Henrico Primo* à cubiculis, & ejus filius (ut prolatis tabellis ostendi possit) cum ecclesiam *Canonicis Regularibus* ibi prius fundasset. Verum hujus pronepos *Henricus* cum prole careret, *Henrico Tertio Regi* divendidit, qui cum *Æleonora* sorore *Simoni de Monteforti* *Leicestriæ Comiti* in dotem assignavit. Statimque inter eos facta animorum alienatione & disjunctione, *Simone Comite* in bello *Baronico* post funestissimas turbas sublato, sex mensium obsidionem pertulit, demumque se in deditione *Henrico Tertio* commisit, qui hoc castrum in hæreditatem familiæ *Lancastrensis* adscripsit. Qua tempestate promulgatum hinc edictum quod nostri *Iurisperiti* dictum de *Kenelworth* vocitant, quo sancitum fuit, ut singuli qui contra Regem arma tulissent, solverent quantum terra eorum valuerint per quinque annos, &c. salutari severitate sine sanguine contra seditiosos qui in publicum exitiosi nihil spei nisi per discordias tunc temporis habuerunt. Nuper vero ex *Reginæ Elizabethæ* munificentia sedes erat *Roberti Dudlei Comitis Leicestrensis*, qui ad illud instaurandum & ornandum nihil non fecit, adeo ut sive ædificiorum splendorem, sive vivariorum amplitudinem spectes, inter Angliæ castra in tertiis consistere quasi dedignetur.

Hinc, ut ordinem quo iter ipse habui persequar, *Solyhill* vidi, sed in eo præter ecclesiam nihil visu dignum, deinde *Bremicham*, incolis infertum, & incudibus resonans, sunt enim plurimi fabri ferrarii. Pars ejus inferior aquis permadet, superior

Liber in
Scacca-
rio.

Wroxhall.
Baddef-
ley.
Balsball.

Regi-
strum
Templa-
riorum &
Ordinis
S. Ioannis
Hierusa-
lem.

Vide Stat.
de Tem-
plariis.

Kenel-
worth, vul-
go Kil-
lingworth.

1266.

Bremi-
cham.

rior pulchris ædificiis surgit; in cujus non ultima laude posuerim, quod nobilis & bellicosa Bre-michamorum in Hibernia familia hinc suam originem & nomen duxerit. Inde in extremo hujus agri ad Boream margine *Sutton Colfeild*, loco sal-tuoso & ingrato Ioannem *Voisy*, Episcopum Exo-niensem alumnū suum prædicat, qui oppidulum jam diu intermortuum (regnante Henrico III,) ædificiis, privilegiis, & ludo litterario excitavit. Hinc descendendo in austrum veni ad *Coleshull*, olim *Clintonorum*, & huic vicinum *Maxstock*, ca-strum, quod *Limseios*, qui Domini de *VVolverley*, *Odingellos*, è Flandria oriundos, & *Clintonos*, qui cla-rissimi fuerunt in hoc agro, perpetua quasi serie hæreditariæ successionis Dominos agnovit.

Honorius
3. cap. 14.
Decret.

Inferius in medio Sylvestris hujus regionis *Coventrey* sedet, à conventu dicta, ut credimus, cum ejusmodi Conventum nos nostra lingua *Covent* & *Coven* appellemus, & sæpius in historiis nostris, & Pontificum decretis *Conventria* dicatur; ut in illo, *Vel non est compos sui Episcopus Coventrensis, vel nimis videtur à se scientiam repulisse*. Sunt tamen qui à fluviolo illo interfluente & hodie *Shirburn* dicto, & in antiqua *Prioratus* Charta *Cuentford* concipitur, nomen desumptum volunt. Vndecun-que appellatio sit facta, superiori seculo laneis, & pileis conficiendis ditata, unicum fuit harum regionum Emporium, & plusquam mediterræ-neæ, frequens: utpote urbs percommodo situ, ampla, nitida, mœnibus munita firmis, & ædifi-ciis exculta pulcherrimis, inter quæ duo rari operis contigua, & quasi æmula exsurgunt tem-pla, alterum sanctæ Trinitati, alterum Michaëli sacrum. Ex intima tamen antiquitate nihil habet, omnium vero antiquissimum videtur fuisse monasterium sive *Prioratus*, cujus parietinas juxta illa templa vidimus quod Sanctimonialibus Ca-nutus rex fundavit, quibus paulo post ejectis an-no CIO XL ampliavit, & quasi de novo construxit *Leofricus* Merciorum Comes, *tanto auri & ar-genti spectaculo* (Malm. verbis utor) *ut angusti vide-rentur ipsi parietes Ecclesiæ thesaurorum receptaculis, mira-culo porro visentium oculis, ex una enim trabe 50 argenti marca fuerunt erasa*. Tantoque ditavit patrimo-nio, ut *Robertus de Limseio* *Lichfeldensis*, & *Cestrensis* Episcopus huc sedem quasi ad *Lydiam* arenam transferret: ut, (sic enim scribit Mal-mesburienfis ille) *ex ipsis Ecclesiæ gazis surriperet, un-de Regis manum impleveret, unde Papæ occupationes falleret, unde Romanorum aviditati arriperet*. Verum sedes hæc post paucos annos *Lichfeldiam* remigravit. Ita tamen, ut unus idemque Episcopus *Coventren-sis* & *Lichfeldensis* diceretur. Primus hujus urbis Dominus (quod novimus) fuit *Leofricus* ille, qui in cives commotior gravissimis illos tributis op-pressit, quæ nulla alia lege laxari voluit, *Godiva* uxore obnixæ intercedente, nisi ipsa nuda fre-quentissimam urbis partem obequitaret, quod promississimis suis capillis obtecta, à nemine, si fides sit vulgo, visa præstitit, & *Coventrenses* suos multis pensitationibus in perpetuum exsol-vit. A *Leofrico* per *Luciam* ejus ex *Algaro* filio neptim, in *Cestrensi* Comitum possessionem pervenit, nupserat enim illa *Ranulpho* ejus no-minis primo, & tertio ex hac stirpe *Comiti* *Cest-riæ*, qui easdem, quas habuit *Lincolnia* liberta-

Britannia.

tes, *Conventriæ* indulgit, magnamque urbis par-tem monachis donavit, reliquam, & *Chilmore*, quod prædium est *Dominicum* sub urbe, sibi & suis refer-vavit. Quibus defunctis, cum nulla mascula pro-le superstiti, hæreditas inter sorores in partes diduceretur, *Conventria* ad *Rogerum de Mon-te-alto*, sive *Mont-hault*, mediate per *Arundeliæ* Comites descendit. Cujus è filio nepos *Robe-rtus* omne jus suum concessit *pro defectu masculo-rum de corpore*, *Isabelle* Regine matri Regis (Edwardi sc. Tertii) *tenenda tota vita ipsius Regine, & post ejus decessum remanere Ioanni de Eltham fratri Regis & hæ-redibus de corpore suo procreatis, pro defectu remanere Ed-wardo Regi Angliæ, &c.* Sic enim habetur in *Fine* an-no secundo Edwardi Tertii, *Ioannes* autem de *Eltham* postea *Cornubiæ* Comes creatus, & hic locus *Cornubiæ* Comitatus adjunctus. Iam in-de inprimis floruit, Reges varias immunitates dederunt, præcipue *Edwardus Tertius*, qui *Præ-torem* duosque *Ballivos* eligere permisit, & *Hen-ricus Sextus*, qui, aliquot vicinis oppidulis ad-junctis concessit, ut *Integer Comitatus per se corpora-tus* (ipsius Chartæ verbis loquor) *in re & nomine esset, distinctusque à Comitatu de VVarwick*. Quo tem-pore pro *Ballivis* duos instituit *Vicecomites*, firmissi-misque mœnibus cives urbem obvallare cœpe-runt: in quibus sunt portæ pulcherrimæ, & ad illam quæ *Gofford* dicta, ingens os spatulare Apri-immanis spectatur, quem vel *Guidonem* *Warwi-censem*, vel *Dianam* *Nemorensē* inter venan-dum peremisse putes, cum puteum illum sive sta-gnum eruncasset, quod hodie *Swanefwell Poole*, sed olim *Swinefwell* appellatum fuisse antiquarum *Chartarum* probat autoritas.

Quod ad longitudinem attinet, xxv parti-bus, LII scrupulis, quod ad latitudinem, LII gradibus, xxv scrupulis definitur. Hactenus de *Conventria*, quæ tamen non à me, (ut libens agno-sciam per quem profeci) sed ab *Henrico Ferrario* de *Baddesley* viro cum generis splendore, tum an-tiquitatis cognitione laudatissimo, & vere ami-cissimo, qui mihi hic & alibi erranti semper viam comiter monstravit, & quasi lumen de suo lumi-ne accendit.

Iuxta *Conventriam* ad Boream *Ausley* castrum quondam *Hastingorum*, qui Domini *Abergeven-næ* fuerunt, & *Brand*, olim *Verdoniorum* habitatio locantur: ad Ortum *Caloughdon*, vulgo *Caledon* lo-cum habet, antiqua sedes Baronum *Segrave*, à quibus ad *Barones de Berkley* per alteram filiam *Th. Mowbraii* *Norfolciæ* Ducis descendit. *Segra-vii* hi, ex quo *Stephanus* *Iustitarius* Angliæ fuit, Baronum honore claruerunt, *Chaucumborum* hæ-reditatem adierunt, quorum etiam insignia jam inde usurparunt, Leonem scilicet argenteum in-surgentem & auro coronatum in clypeo nigro. Ultimus vero *Ioannes* *Margaretam* *Ducissam* *Norfolciæ*, *Thomæ de Brotherton* filiam duxit, filiamque progenit *Elizabetham*, quæ Mare-scalli Angliæ dignitatem, & Ducis *Norfolciæ* titulum in *Mowbraiorum* familiam intulit. *Brinklo* etiam non multum hinc abest, ubi castrum erat antiquum *Mowbraiorum*, ad quod multa circumvi-cina prædia spectarunt, sed hujus etiam rudera temporis vetustas prorsus erasit, ut etiam *Mo-nasterii* *Combe*, quod *Camvilli* & *Mowbraii* posses-sionibus

De Mona-te-alto.

Ausley.

Brand.

Caledon.
Barones
Segrave.

Insignia
Segravio-rum.

Brinklo
Castle.

Combe
Abbey.

V u u u

fionibus

Coven-
triæ Do-
mini.

1050.
Florile-
gus.

fionibus dotarunt, & è cujus cineribus pulchræ *Harringtoniorum* ædes hoc in loco surrexerunt. In Ortum tendenti statim se *Cester-Over*, Grevilliorum, de quo ante obiter egi, juxta quam via militaris Romanorum *Vatlingstreet*, in Septentriones hunc Comitatum à Leicestrensi interdividens procurrit per *Higbross*, de qua jam diximus, prope *Nann-Eaton*, quæ olim *Eaton* dicebatur, sed cum *Amicia Roberti Bossu* Leicestrensis Comitis uxor, ut scribit *Henricus Knighton*, *Sanctimonialium monasterium fundasset, in quo ipsa facta Sanctimonialis*, à Sanctimonialibus *Nonn-Eaton* appellari cœpit. Magnaque erat superioribus seculis celebritate ob sanctimoniam sacrarum virginum, quæ ibi precibus assidue, bene vivendi exemplum præbuerunt.

Asteley.
Baro *Asteley*.

Sub hoc *Asteley* Castrum quondam floruit, familiæ de *Asteley* sedes primaria, cujus tandem hæres fuit data in uxorem secundam *Reginaldo Grey Domino de Ruthin*, è qua prognati sunt *Grey Dorsettiæ* Marchiones, quorum nonnulli in nitidissimo Collegio hic inhumati fuerunt.

Manduesedum.

Mancester.

Paulo supra ad *Vatlingstreet*, sic militarem Romanorum viam cum vulgo vocamus, ubi ponte saxeo *Anker* fluvius conjungitur, *MANDVESSEDUM* oppidum longe vetustissimum ab Antonio memoratum locum habuit, quod suo nomine non omnino viduatum, nunc *Mancester* dicitur, *Ninnii Catalogo* *Caer Mancegued*. Quod nomen, cum lapidicina adjaceat, è qua structiles lapides effodiuntur, à lapidibus effossis, & excisis impositum suspicari liceat. E Britannicæ enim linguæ Glossariis *Main* lapidis & *Foffwad* provinciali lingua effodiendi significationem habere docemur, quæ conjuncta antiquum illud nomen *MANDVESSEDUM* satis expresse referre videatur. Quantum autem & qualecunque olim fuerit, viculus hodie perexiguus vix quatuordecim ædículas numerat, & nihil antiquum præter molem antiquam ostendit, quam *Oldbury*, id est, antiquus *Burgus*, dicunt. Hinc enim *Atherstone* mercatus frequens, ubi fraterculorum ædes in Capellam conversæ, quæ tamen Ecclesiam de *Mancester*, ut matrem agnoscit, illinc *Nonn-Eaton* sua vicinitate exhauserunt. *Atherstone* contiguum *Merivall*, id est, *vallis hilaris*, ubi Deo & Beatæ Virgini Monasterium erexit *Robertus de Ferrariis*, in quo ipse corio bubalino interfectus sepulturæ traditus. Ultra hæc ad Boream est *Pollesworth*, ubi sacris virginibus *Modwena* virgo *Hibernica* insigni sanctitatis opinione cœnobium construxit quod *R. Marmion* vir nobilis instauravit, qui suum habuit castrum in vicinia ad *Stripperf-hull*. Iuxta etiam Saxonico seculo floruit, quod nunc fere evanuit, *SECANDVNVM* hodie *Seckington*, ubi *Æthelbaldus Merciorum Rex* intestino bello anno Salutis *DCCCXLIX*, à Bearedo transfossus occubuit; & mox Bearedus ab Offa peremptus, eo scelere quo regnum invasit subito amisit.

Merivall.

Pollesworth.

Seckington.

Comites Warwici.

Warwicenses Comites jam sunt recensendi, ut enim omittam *Guarum*, *Morindum*, *Guidonem Angliæ tympanum*, & ejus notæ alios, quos fecunda ingenia uno partu nobis enixa sunt, *Henricus Rogeri de Bello-monte* filius, *Roberti Comitis Mellenty* frater, primus fuit è Normannico ge-

nere Comes, qui *Margaretam* filiam *Ærnulfi de Hesdin* Comitis *Perticensis* potentissimi viri sibi in uxorem junxerat. Ex hac familia hunc honorem gesserunt *Rogerus* filius *Henrici*, *Guilielmus* filius *Rogeri*, qui obiit tricesimo Regis *Henrici Secundi*; *Walleranus* frater ejus, *Henricus* filius *Wallerani*, *Thomas* filius ejus, qui vicesimo sexto Regis *Henrici III* mortuus sine sobole, *Margeria* sorore superstite, quæ *Warwici* Comitissa obiit sterilis, cujus tamen duo mariti, primum *Ioannes Marescallus*, deinde *Ioannes de Placetis* uxorio jure, & principis gratia in Comitum *Warwicensium* honorem ascenderunt. His autem sine prole ex illa *Margeria* defunctis, *Wallerandus Margeriæ* patruus surrogatus est. Illo sine sobole mortuo soror ejus *Alicia* hæreditatem adiit. Postea *Guilielmus* ejus filius, *Maledoctus*, *Malduit*, & *Manduit* dictus de *Hanslap*, qui sine liberis è vita decessit. *Isabella* autem *Guilielmi Male-docti* soror *Guilielmo de Bello-campo*, sive *Beauchamp* Baroni de *Elmesley* collocata *Warwicensem* titulum in *Beauchamporum* familiam intulit. Qui (si me non fallo) quod ex *Vrft d' Abbot* filia fuerunt prognati, *Vrsum* pro Symbolo usurparunt, & posteris reliquerunt. Ex hac stirpe sex floruerunt Comites, & Dux unus, *Guilielmus Isbellæ* filius, *Ioannes Guido*, *Thomas*, *Thomas junior*, *Richardus*, & *Henricus*, cui novo exemplo concessit *Rex Henricus Sextus* ut primus & præcipuus esset *Angliæ Comes*, & hoc titulo uteretur, *Henricus Præcomes totius Angliæ*, & Comes *VWarwici*, *Vectæ* insulæ *Regulum* dixit, posteaque in Ducem *Warwici* creavit, & expressis *Diplomatis* verbis concessit, ut haberet sedem in *Parlamentis* & alibi proximam *Duci Norfolciæ*, & ante *Ducem Buckinghamiæ*. Huic nata est unica filia *Anna*, quæ in *Inquisitionibus Warwici Comitissa* dicitur, & teneris annis obiit. Successoremque habuit *Richardum Nevill* (qui sororem *Ducis* illius *Warwici* duxerat) virum invicto animo sed fluitante fide, fortunæ quodammodo pilam. Qui non *Rex* Regibus fuit superior, utique qui *Henricum Sextum* benignissimum sibi Principem regno spoliavit, *Edwardum Quartum* in solio regio collocavit, deinde deturbavit, *Henricum Sextum* ad arbitria rerum denuo revocavit, *Angliamque* luctuosissimo civilis belli incendio involvit, quod ipse suo sanguine tandem vix restinxit. *Edwardus* hujus è filia altera, & *Georgio Duce Clarentiæ* nepos successit, quem puerulum & infontem, in suam & suorum securitatem, capite plexit *Henricus Septimus*. Iacuit deinde ille titulus qui *Henrico Octavo* formidolosus fuit ob turbas quas *Richardus* ille *Nevill* regum flagellum dederat; donec *Edwardus Sextus* *Ioanni Dudleio* genus à *Beauchampis* repetenti detulerit, qui (ut jam dictus *Richardus*) vertere sceptrum molitus sub *Maria Regina* profundam ambitionem capite luit. Filii autem ejus primum *Ioannes* cum jam pater esset *Dux Northumbriæ*, recepta consuetudine hoc titulo paulisper est usus: & postea *Ambrosius* bellica virtute, & naturæ facilitate ornatissimus *Reginæ Elizabethæ* benignitate illam patris dignitatem nostra memoria recepit, cum magna laude gessit, & sine liberis diem obiit.

In hoc Comitatu sunt Ecclesiæ Parochiales 158.

W O R-

Placita
E. 3.
Rotulo
234.

Wicci.

Salina.

Rot. Parl.
23. H. 6.

24. H. 6.

Fyrry
potus è
pyris.

Kiader-
minster.
Beauval.

WORCESTER-SHIRE.



ORNAVIORVM regio altera mutato nunc nomine, *VVigornienfis Comitatus* Latine, *Wipe-Cearcepcýne* Anglo-Saxonice à primario oppido *VVorcester-shire* vulgo dicitur, cujus incolæ cum circumvicinis, Bedæ ætate priusquam

Wiccii. Anglia in Comitatus describeretur, Wiccii vocabantur. Quod nomen si à sinuoso flumine, quod accolunt, non sit inditum (fluminis enim finus *Wic*, ut jam diximus, vocarunt Saxones) à salinis factum videatur, quas *Wiches* prisca Angli sua lingua nominarunt. Salinæ enim hic sunt nobilissimæ, pluresque salis fontes sæpius reperi, qui tamen obstructi, eo quod cautum (ut antiquis schydis legitur) uno solummodo loco falem excoqui, ut sylvis sit prospectum. Nec mirum utique sit à salinis loca denominari, cum plurima passim in singulis regionibus occurrant, & majores nostri Germani, ut author est Tacitus, hujusmodi loca proxime propinquare cælo, precesque mortalium à Diis nusquam propius exaudiri religiose crediderint.

Hæc regio, cui collimitant ab Ortu Warwicensēs, à Meridie Glocestrenses, ab Occasu Herefordenses, & Salopienſes, atque ab Aquilone Staffordienſes, ut uno verbo dicam, cœlum & solum adeo propitium habet, ut salubritate & ubertate vicinis non concedat: pyrorumque, siqua alia, inprimis ferax, quæ licet delicatulis minus sunt grata, & fugaciora, ex eorum tamen vinoſo fucco fictitium vinum *Pyrry* dictum conficiunt, quo plurimum utuntur, quamvis sit, ut id genus alia, & frigidum & flatulentum. Nec ab aqua sane minus est foelix, gratissima enim ubique sunt flumina, quæ pisces delicatiorēs affatim suppeditant. Vt enim quæ obscurioris sunt notæ omittam, per mediam regionem à Septentrione in Meridiem fecundantem alveum intendit *Sabrina* flumen nobilissimus, & partem Australem perfundit *Avona*, qui à Warwicensibus descendit, ut *Sabrinam* adeat.

Sabrina primum in ipso ingressu inter *Kidderminster* & *Beawdley* interlabitur. Hoc à bello situ merito sic dictum, amœnissime in declivi colle flumini ad Occasum impendet, nuper suspicienda arborum proceritate in *VVye* saltu adjuncto, quæ jam fere evanuerunt, notum. Vnde Poëta noster antiquarius Lelandus.

*Delicium rerum Bellus locus undique floret,
Fronde coronatus Virianæ tempora sylva.*

Nunc vero sua tantum amœnitate & elegancia, nec non regiis ædibus *Tickenhall*, quas in *Arthuri* Principis secessum construxit *Henricus Septimus*, celebratum oppidulum. Illud autem *Kidderminster* è regione ad Ortum sed à ripa remotius, quod etiam *Kidelminster* dictum, oppidum fane nitidum, & rerum venalium forum inprimis frequens, *Stoure* fluviolo interfuso divisum, cui nunc maximo sunt ornamento Ecclesia perpulchra, in qua ex insigni *Cockfeiorum* stirpe non-

Baro
Beauchamp
de Kid-
dermin-
ster.

Hertlebury.
Holt
priscis
Anglis
sylvas vel
saltus.

Murenæ
Lam-
preyes.

Grafton.

Durwich.
Montes
alli.

Fekenham
Forrest.Richar-
dus de la
Wich.

candidissimus sex quotannis mensibus, ab æstivo solstitio ad brumale fornicibus multis circumpositis excoquitur. Quo opere quanta lignorum vis absimitur, *Fekenham Forrest* densissimus quondam saltus, & circumvicinæ sylvæ, si homines taceant, sua raritate magis magisque indies eloquentur. Si vero Richardum *De la Wich* Episcopum Cicestrensem, qui hinc oriundus, hos fontes suis precibus eduxisse scriberem, vereor ne quibusdam in divinam providentiam iniquior, & ad aniles fabulas propensior viderer. Eo usque tamen provecta est majorum pia credulitas, ut hoc non solum firmiter crediderint, literisque prodiderint; verum etiam illi divinos quodammodo honores eo nomine detulerint: cum illum ob juris Pontificii scientiam, & vitæ integritatem in Divorum numerum Urbanus IIII solenni Apotheosi retulisset. Verum ante hunc Richardum natum, de his fontibus sic scripsit Gervasius Tilburienfis, licet non omnino vere: In Episcopatu *VVigornienfi* est villa suburbana Wichum nomine, in qua sub monticuli cujusdam radice, aqua profluit dulcissima. In hujus ripa putei numero pauci cernuntur, quorum profunditas modica, & aqua salissima. Cum in cacabis aqua bullitur, densescit in salem albidissimum, ferturque ab universa provincia, quod à Nativitate Domini, usque ad nativitatem Sancti Joannis Baptiste, salissima scaturit aqua: per alteram anni partem subdulcis prorumpit & ad salem inutilis, & quod mirabilius arbitror, cum ad usum salis aqua prorumpit oportuni * partem, vix superexcrecit, & cum tempus advenit saluginis nulla vicinitate frangitur aqua fluvialis, nec in aliqua propinquitate maris invenitur. Quinetiam in ipsis Regiis tabulis quas *Domesday* dicimus, in Wich sunt octo saline Regis & Comitum quæ in ipsa hebdomada qua bulliebant, & exercebant, in die Veneris reddebant 16 bulliones, &c.

* Locus
corru-
ptus.

Worcester.

Branogen-
nium.

Non quatuor hinc miliaria delatus est Sabrina, quin præcipuam provincie urbem *Worcester* sibi appositam lentior quasi demirans præterfluit, & admiratione sane non indigna est, sive vetustatem, sive venustatem spectes. Ejus utique meminerunt Antoninus sub *BRANONII* nomine, & Ptolemæus (apud quem librariorum incuria suo loco exulat) sub *BRANOGENII*, quo nomine etiamnum *Caer Wrangon* Britannis vocatur, Ninnii Catalogo *Caer Guoragon*, & *Caer Guorcon*, Saxonibus postea *Weogane-cearceþ*, *Wegeopna-cearceþ*, & *Wipe-cearceþ*, nescio an à *VVire* nemoroso saltu adjuncto, Latinis *VVigornia*, quo nomine inter primos, ni male memini, usus est Iosephus Exoniensis elegantissimus illius ævi Poëta (qui Cornelii Nepotis nomine circumfertur) in his ad Baldwinum Cantuariensem Archipræsulem verbis:

*In numerum jam crescit honor, te tertia possit
Insula, jam meminit VVigornia, Cantia discit,
Romanus meditat apex, & naufraga Petri
Ductorem in mediis expectat cymba procellis.*

A Romanis, ut probabile est, condita fuit, cum ad Trans-Sabrinis Britannos cohibendos secundum Orientalem Sabrinæ ripam, uti ad Rheni meridionalem, urbes per intervalla disponent. Posita est in loco modice acclivi ad flumen; quod turrigero ponte conjungitur, olim Romanorum, ut habet antiqua membranula, super-

ba mœnibus, nunc etiam muro satis firmo munita. Sed decus est ab incolis, qui sunt numerosi, humani, & lanificio opulenti, ab ædificiorum nitore, à templorum numero, & maxime à sede Episcopali, quam Sexvulfus Merciorum Episcopus, anno Christi *DCLXXX* constituit, constructa ad Australem urbis partem Ecclesia Cathedrali, quæ sæpius reparata, & ab Episcopis & Monachis paulatim producta ad Occasum, fere usque ad *Sabrinæ ripam*. Speciosum sane & magnificum est ædificium, monumentis Ioannis Regis, Arthuri Principis Walliæ, quorundam *Beauchamporum* nobile; doctissimisque viris (Præbendarios vocant) Collegium non minus inclytum, quam olim fuerat Monachorum Monasterium, aut presbyterorum cœnobium. In hoc enim statim à fundatione collocati erant, ut in reliquis Angliæ cœnobiis, presbyteri conjugati, diuque magna cum sanctitatis opinione Ecclesiis præfuerunt; donec Dunstanus Archiepiscopus Cantuariensis in Synodo decrevisset, ut deinceps religiosi in Anglia cœlibem vitam traducerent. Tunc enim Oswaldus hujus urbis Episcopus, quo nemo unquam rem monasticam magis enixe promovit, presbyteros submovit, monachosque induxit. Quod Rex Eadgarus his verbis testatur: *Monasteria tam Monachorum, quam virginum destructa, & penitus neglecta in tota Anglia erant, quæ ego ad Dei laudem pro remedio animæ meæ reparare, & servorum & ancillarum Dei numerum multiplicare decrevi, & jam quadraginta & septem Monasteria cum Monachis, & Sanctimonialibus constitui, & si Christus mihi concesserit vitam tamdiu usque ad quinquagesimum remissionis numerum, meæ devotæ Deo munificentie oblatione procedere decrevi. Vnde nunc in præfenti Monasterium quod reverendus Episcopus Oswaldus in sede Episcopali Wipe-cearceþ in honorem Sanctæ Dei genetricis Mariæ amplificavit & eliminatis clericorum neniis, &c. religiosi Dei servis monachis meo assensu, & favore suffultus locavit; Ego ipsis monastice religionis viris regali autoritate confirmo, & consilio & astipulatione Principum & Optimatum meorum corroboro, & consigno, &c.* Satisque longo post tempore, cum Danorum incurfionibus, & intestinis dissidiis res Ecclesiastica proclinata ita succubisset, ut pro numero religioso grege quem hic Oswaldus instituerat, vix duodecim superfuissent: sublevavit, & ad numerum quinquaginta adauxit, novamque Ecclesiam ædificavit Wulstanus, qui huic Ecclesiæ præsidebat Episcopus circa annum mundi redempti *CIXLXXX*, vir, ut ea ferebant tempora, minus literatus, sed tam simplici sine fuce sinceritate, & tam severa vitæ austeritate, ut pravis terrori, bonisque amoris fuerit, & post mortem in Sanctorum numerum Ecclesia retulerit. Sed hos Monachos, cum in omni rerum affluentia, amplius quingentos annos, quasi rerum potiti fuissent, Henricus Octavus ejecit, & pro illis Decanum, & Præbendarios substituit, ludumque literarium ad erudiendam juventutem erexit. Proxime hanc Ecclesiam, nudum Castelli nomen, & area manet, quod (ut in Guilielmo Malmesburiensi in libro de Pontificibus legitur) *Vitus Vicecomes VVigornia à Guilielmo Primo constitutus in ipsis pene faucibus monachorum construxit, adeo ut fossarum cœmeterii partem decideret.* Verum hoc castellum temporis iniquitate, & fortuito incen-

Presbyte-
ri conju-
gati.Regist
Ecclesiæ
Wigornien-
sis.
Anno.
964.S. Wulsta-
nus.

Marianus.
Huscarles.

incendio plurimos ante annos concidit. Vrbs etiam non semel conflagravit, anno Christi cixli ab Hardi-Canuto succensa, qui civibus infensissimus, quod *Huscarles* suos (sic domesticos Danici tributii exactores vocarunt) peremissent, non modo ignem iniecit, sed cives omnes occisione occidit, nisi qui in Bevepleg insula amica suæ salutis consuluerant. Nihilominus, ut in Guilielmi Primi libro legimus, Edwardi Confessoris tempore, *Burgenses plures habuit*, & pro xv *Hidis se defendit*, quando moneta vertebatur, quisque monetarius dabat viginti solidos ad Londinum pro cuneis monetæ accipiendis. Anno cixcxi fortuitum incendium, quod castrum absumpsit, etiam summum templum suis flammis involvit: Stephano item regnante, intestinis bellis semel atque iterum deflagravit, gravissime autem, cum Stephanus Rex, qui hanc urbem Wallerano Comiti Melenti malo suo dederat, occupasset, quo tamen tempore castellum expugnare non poterat. Nihilominus è favillis semper se pulchriori forma resuscitavit, Politiaque floruit optima, quam duo *Ballivi*, è viginti quatuor civibus electi, duo Seniores, sive *Aldermanni*, duoque *Camerarii* administrant, cum communi Consilio, quod ex quadraginta octo civibus constat. Quod ad Geographicam rationem attinet; Ab Occidua linea xxi temporibus lxxi scrupulis distat; Polus vero Arcticus lxxi gradibus xxi scrupulis attollitur.

Anno xv
Stephani
Regis.

Barones
de Po-
wicke.

Hanley.
Vpton.
Malvern
hills.

Bredon
hills.
Elmeley
castle.

Bredon.
Liber Wi-
gor.

Eoves-
ham.
Walsh-
born.
Particulæ
Comita-
tum à re-
liquo cor-
pore dif-
junctæ.

A Wigornia flumen in Austrum prouens *Powicke* præterfluit, sedem olim Ioannis *Beauchamp*, quem ad Baronis dignitatem extulit Rex Henricus Sextus, brevique fœmellæ ad *VViloughbæos* de *Broke*, *Reados*, & *Lygonos* hæreditatem detulerunt. Inde *Hanley* quondam castrum Comitum Glocestriæ, & *Vpton* mercatum notissimum, ubi Romanorum numismata sæpenumero eruuntur, inter latissima & redolentia prata præterlabitur. Non procul hinc à dextra ripa *Malverne hills* suscipit *Sabrina*, colles sane, sive potius montes magnos & editos, qui per septem plus minus mill. pass. ut gradus subinde consurgunt, hunc agrum ab Herefordensibus dirimentes; quorum supercilio Gilbertus de *Clare* Comes Glocestrensis fossam olim duxit ad determinandas suas & Ecclesiæ Wigorniensis possessiones, quæ etiamnum non sine admiratione cernitur. Ex opposito fere eadem distantia ab altera ripa *Bredon hills*, colles multo minores, quasi æmuli tamen se attollunt, inter quos emicat *Elmeley* castrum quondam *Vrsonis d' Abbot*, per cujus filiam & hæredem *Emelinam* ad *Beauchampos* hæreditario devenit. Ad eorum radices *Bredon* villa subidet, de cujus monasterio Offa Rex Merciorum, Ego Offa Rex Merciorum dabo terram septies quinos tributiorum jugera continentem ad monasterium quod nominatur *Breodun*, in provincia *VVicciorum*, & ad Ecclesiam *Beati Petri principis Apostolorum* quæ ibidem in loco sita est, quam *Eanwlfus* avus meus erexit ad laudem & gloriam Dei viventis in secula.

Sub his *Bredoniis* collibus ad Austrum *VVashborn* viculus unus & alter cernitur (unde cognomen familiæ in hoc tractu perverit & insigni) in particula hujus provincie à reliquo corpore quasi divulsa, cujusmodi aliæ circumcirca particule *Britannia*.

disperguntur. Sed quænam fuerit causa, non dixerim, nisi forte qui olim præfecti fuerunt, sua patrimonialia vicina regioni cui præfuerant, adjunxerint. *Avona* fl. supra *Sabrinam* petens delabitur, qui in hoc agro *Eovesham* irrigat, quod ab *Eoves* subulco *Egwini* Episcopi Wigorniensis sic dictum scribunt monachi, cum prius *Eath-home*, & *Heat-field* nomen esset. Oppidum satis elegans surgenti à flu. colli impositum, in cujus quasi suburbio *Bengeworth* castrum olim erat, ad caput pontis quod *Guilielmus de Audevilla Abbas* contra *Guilielmum de Bello campo* obtinuit, funditus destruxit, & in cæmeterium consecrari fecit. Notum est hoc Monasterio, quod *Edwinus* ille ope Regis *Kenredi* filii *Wolpheri* Regis Merciorum, circa annum Salutis dccc construxit, notum item valle subiecta *The Vale of Ejustham* inde denominata, quæ sua fœcunditate harum regionum cella penuria dici meruit, ea terræ benignitas in optimis frugibus uberrime profundendis. Sed quondam notissimum clade Baronum, & *Catilinæ* nostri *Simonis de Monteforti* Comititis *Leicestriæ*. Ille enim vir pravo ingenio, & profunda perfidia illud nos docuit, quod alter vere dixit, *Beneficia eo usque grata esse, dum compensari possint*. Cum enim in illum omnia quæ potuisset beneficia plena manu conferuisset, & sororem in uxorem dedisset Rex *Henricus Tertius*, non alium fructum, quam acerrimum odium messuit. Difficillimum enim bellum concitavit, magnam Angliæ partem effuse vastavit, sub prætextu Reipub. restituendæ, & libertatis asserendæ, ut regem in ordinem redigeret Reipub. statum immutaret, & ex Monarchia Oligarchiam efficeret, nihil non fecit. Sed demum cum rebus secundioribus aliquandiu usus fuisset, Edwardi Principis virtute hoc in loco cum multis aliis iusto prælio cecidit, statimque quasi malorum sentina è Reipub. exhausta, læta pax, quam ille excluferat, undique affulsit. Ad eundem fluvium *Charleton* juxta sedet, olim claræ Equestris familiæ *Hansacre*, nunc autem *Dingleiorum* sive *Dingleiorum*, qui ex antiqua *Dingleiorum* in agro *Lancastrensi* stirpe oriundi hanc hæreditario adierunt. Inferius in primitiva Anglorum Ecclesia alius etiam locus fuit religiosus cultus, tunc *Fleobanbyrig*, nunc *Flatbury*, & huic vicina *Perfor*, Saxonice *Pepircopan*, à *Pyr*is nomine facto, quod ut apud Historicum illum optimum *Guilielmum Malmesburiensem* legitur, *Fundavit*, & perfecit tempore Regis *Eadgari Egeþwardus Dux Dorsetensis* minime parcus animo, sed effuso in largitatem studio. Verum illud quanto succubuit detrimento? Partem divitum occupavit ambitio, partem sepelivit obliquo, majusculam portionem Reges *Edwardus*, & *Guilielmus* contulere *Westmonasterio*. Inde *Avona* placide delatus per *Strensham* equestris & antiquæ prosapiæ *Rufsellorum* habitationem in *Sabrinam* demum aquas infundit suas.

Iuxta hæc ad partem hanc Australem Centuria est *Oswaldslaw*, ab *Oswaldo* Wigornienfi Episcopo qui ab *Edgaro* Rege sibi impetravit, sic dicta, cujus immunitas, dum Angliæ lustrum *Guilielmus Conquestor*, his verbis in acta publica est relata. Ecclesia *S. Mariæ de Wircester* habet *Hundredam*, quæ vocatur *Oswaldslaw*, in qua jacent 300 *Hidas*, de quibus Episcopus ipsius Ecclesiæ à constitutione antiquorum

Liber
Mon.
Evesham.
Circa annum
1157.

The vale
of Eves-
ham.

Simon de
Monte
Forti.

1265.
Charle-
ton.

Flatbury.
Perfor.

Oswal-
flow
Hundred.

quorum temporum habet omnes redditiones Socharum, & omnes consuetudines inibi pertinentes ad dominicum vicum, & Regis servitium, & suum: ita ut nullus Vicecomes ullam ibi habere possit querelam, nec in aliquo Placito, nec in alia qualibet causa. Hoc attestatur totus Comitatus.

Augusti-
nes oke.
Anno
Christi
603.

Locus est sed incertæ positionis circa hunc agrum, qui Augurcyner-ace, id est Augustini quer-
cus, dicitur, ad quam Augustinus Anglorum Apostolus, & Britanni Episcopi convenerunt: & de Paschate celebrando, verbo Dei Anglis annuntiando, & Baptismo secundum ritum Romanum celebrando, rationibus aliquandiu digladiati, discordibus utrinque animis tandem discesserunt.

Comites
Wigor-
niæ.
* Aliis
D'abrot.

Hæc provincia à Normannicis temporibus, primum Vicecomitem habuit Vrsu sive Vrsone-
nem * de Abrot, cui & hæredibus latifundia cum illa dignitate Rex Guilielmus Primus donavit. Illique successit Rogerus filius, qui (ut habet Guilielmus Historicus Malmesburiensis) Paternarum possessionum compos gravi Regis Henrici Primi indignatione pulsus est, quod quendam ex ministris Regis præcipiti furore jussisset interim. Verum hæc Vicecomitum dignitas per Emelinam Rogeri hujus sororem in familiam Bellocamporum hæreditario translata fuit. Illa enim enupta fuit Waltero de Bellocampo, quem Constabularium Angliæ, Milone de Glocestria abdicato, Rex Stephanus constituit. Paucis interjectis annis Stephanus Rex Walleranum Mellenti Comitem, fratrem Roberti Bossu Comitis Leicestrensis, primum Wigornia instituit Comitem, urbem Wigorniam illi elargitus, qui postea Monachus factus Pratellis in Normannia obiit c10 clxvi. Ejus filius Robertus, qui Reginaldi Comitis Cornwalliæ filiam duxerat, & signum seditionis contra Henr. II sustulit, Robertique filius Petrus anno c10 cciii

Robertus
de Monte.

rebellis ad Gallum defecit, usque sunt tantum titulo Comitis Mellenti, non Wigornia, quod hæcenus legi. Non enim facile permisit Rex Henricus Secundus Stephani successor, ut quisquam sub eo honoribus ab hoste acceptis frueretur. Deposuit enim ille (ut habetur in Annalibus Monasterii VVaverley) imaginarios & Pseudo-Comites, quibus Rex Stephanus omnia ad Fiscum pertinentia minus caute distribuerat. Nec usque ad Regis Richardi II tempora quisquam quod sciam Wigornia Comitatus titulum gessit. Ille enim Thomæ Percy contulit, quem cum bello intestino Henricus IV interemisset, Richardus de Bellocampo ab Abrotis oriundus hunc honorem à Rege Henrico Quinto postea accepit. Post illum sine prole mascula defunctum, Ioannem Tiptoft Hibernia Proregem Wigornia Comitem creavit Henricus Sextus. Verum cum ille statim Edwardi Quarti partes sequutus præpostero obsequio ad Edwardi IV principis voluntatem in suppliciis quasi carnifex se accommodasset, ipse capite truncatus sub Henrico Sexto jam restituto carnificinam subiit. Filium tamen ejus Edwardum, in integrum restituit Rex Edwardus, cum ipse denuo regnum recepisset. Illo autem sine prole mortuo, & hæreditate inter sorores Ioannis illius Tiptoft Comitis Wigornia divisa, quæ maritos habuerunt Baronem de Roos, Baronem Dudley, & Edmundum Ingoldesthorp; Carolus Somerssettensis, Henrici Ducis Somerssettensis filius naturalis ab Henrico Octavo hoc titulo ornatus erat, cui recta serie successerunt Henricus, Guilielmus & Edwardus, qui jam floret, atque inter cæteras virtutis & nobilitatis laudes bonarum literarum studiis impense favet.

Orig. r.H.
7. R. 36.

Hic ager Paræcias 152 numerat.



STAFFORDSHIRE.



Angli mediterranei.

Mertia Cornavorum regio nunc *Staffordshire*, Saxonice *ḡtafrop-ŋcype*, cujus incolæ Bedæ, quia Angliam mediam inhabitant, *Angli Mediterranei* vocantur, ab Ortiva plaga Warwicensibus & Derbientibus, à Meridiana Wigornien-

sibus, ab Occidua Salopienſibus præcinctâ, quasi rhombi forma ab Austro in Septentriones procedit, medio latior, & extremis se angustantibus. Pars Septentrionalis montana & minus læta, media *Trenta* flumine perfusa lætior, sylvis amicta, arvis & pratis variata; uti & meridionalis, quæ etiam carbonēs fossiles habet, & ferri venas, suo vero commodo an incommodo norint incolæ, & ipsi dixerint.

Ferrum.

Dudley castell.

In hac australi parte *Dudley* Castrum Wigornienſibus proximum primum caput exerit, à *Dudone* sive *Dodone* Anglo-Saxone circa annum Salutis DCC, positum & denominatum. *Guilielmi Primi* tempore, in ipsius Censuali libro habetur, *Guilielmus Filius Ausculphi* possedit, postea illis de *Somerey* obvenit, quod tandem *Richardus Sutton* Eques auratus cum uxore *Someriorum* hærede accepit, cujus posterī jam inde Barones de *Dudley* dicti in honoratissimam familiam succreverunt. Post hoc memoratu digna in hoc tractu occurrunt *Chellington* perpulchræ ædes & *Manerium* antiquæ & celebris familiæ *Giffardorum*, quod regnante *Henrico Secundo* *Petrus Corbuchi* dedit *Petro Giffard*, cui etiam *Richardus Strongbow* ille Hiberniæ expugnator *Tachmelin* & alia in Hibernia donavit. *Vulfrunes-hampton* à *Vulfruna* pientissima fœmina, quæ oppidum *Hampton* prius dictum monasterio auxit, unde pro *Vulfrunes-hampton* corrupte *VVolver-hampton* dicitur; cujus maxima celebritas est ex Collegio adnexo *Custodi*, sive *Decano*, & *Præbendariis* *Windesoræ*. *Theoten-hall*, id est, si interpretaris, *Gentium* sive *Paganorum ædes*, hodie *Tetnall*, *Danico* cruore anno DCCCXI, ab *Edwardo Seniore* intinctum. *Weadeſburg* hodie *VVeddsborrow* ab *Æthelfleda* Merciorum *Domina* olim firmatum, & *VValsall*, non infimæ fortis mercatus. Iuxta quem *Tama* fl. aquas agit suas, qui haud procul exortus per aliquot milliaria Orientalem hujus agri partem *Trentam* quærens, pererrat prope *Draiton Bassett* sedem *Bassettorum*, qui à *Turftino* quodam hujus loci *Domino* regnante *Henrico Primo* efflorescentes in numerosam & insignem familiam sunt propagati. Hinc enim *Bassetti* de *Welleden*, de *Wiccomb*, de *Sapcott*, de *Chedle*, & alii tanquam à stirpe proveniunt. Horum autem de *Draiton* *Radulphus* erat postremus, qui *Baro* celeberrimus sororem *Ioannis Montisfortensis Ducis Britannia* duxerat, & sine sobole, regnante *Richardo Secundo*, diem obiit.

Chelling-ton Giffardi.

Wolver-Hampton.

Tetnall.

Weddsborrow.

Tama fl.

Draiton Bassett.

Bassett.

Tamworth.

Inde *Tama* pontem ad *Falkeſley* (per quem antiqua Romanorum via transit) penetrans, *Tamworth*, Anglo-Saxonice *Tamaworþ* subluit, *Tamawordinam* *Marianus* vocat, ita agrorum confinio locatum, ut pars altera quæ olim ad *Marmio-*
Britannia.

nos *Warwicensis*, altera quæ ad *Hastings* spectavit, hujus agricenſeatur. Nomen vero factum est à *Tama* præterfluente, & Saxonica dictione *Weorþ*, quæ *Cortim* & *Prædium* significat, & etiam insulam amnicam, vel locum aquis circumfusum denotat, cum *Keyserf-wert*, & *Bomelf-weort* in Germania *Cæsaris insulam*, & *Bomeli insulam*. Merciorum florente regno, villa hæc erat regia, & ut est in libro Wigornienſi, *locus celeberrimus*. Postea *Danicis* bellis collapsam in integrum restituit *Æthelfleda* Mercia, & *Editha* *Edgari Regis* filia, quæ nuptias averſata caſtitatis opinione in Sanctarum catalogum inſcripta, ædiculam virginibus velatis hic constituit, quam post paucos annos *Marmioni* *Normanni*, quibus hoc oppidum largitus est *Guilielmus Primus*, ad *Polleſworth* tranſtulerunt, cum Collegiatam hic erigerent eccleſiam, in qua nonnulla eorum cernuntur ſepulchra; & caſtrum elegans conſtruerent, quod ab illis per *Frevillos* ad *Ferravium* familiam devenit, quæ à juniore fratre Baronum *Ferravium* de *Grobby* deſcenderunt. *Marmioni* illi, ut ſcribitur, honorarii milites hæreditario Regibus Angliæ erant. Quoties enim novus Angliæ Rex inauguratur, familiæ hujus hæres tenebatur *Cataphractarius* eques aulam Regiam intrare, & conceptis verbis ad duellum provocare, ſi quis Regis juri ſe opponere auſit. Et certe *Alexandrum Frevill* ſub *Edwardo Tertio*, per huiusmodi ſervitium, ut vocant, hoc caſtrum tenuiſſe ex actis publicis conſtat. Hoc tamen honore in coronatione *Richardi Secundi* exciderunt *Frevilli*, & per nuptias *Dimocorum* familia in agro *Lincolnienſi* eundem accepit.

Ad *Falkeſley* pontem quem dixi, ut pedem referam, via illa militaris Romanorum ſæpius jam dicta & dicenda hunc Comitatum ſubintrat, & recta quodammodo linea interſecans in Occiſum ad *Salopienſes* tendit. Quam curioſo quidem oculo perluſtravi, ut *ETOCETVM*, quod *Antoninus* proximam ponit à *MANVESSEDO*, ſtationem invenirem, & bonis certe avibus jam inveni, meque antea tota via aberraviſſe ingenue fateor. Ad eam enim diſtantiam quam inter *MANVESSEDO* & *ETOCETVM* interponit *Antoninus*, in cadaver vetuſtæ urbeculæ incidi juxta viam vix mille paſſus ad Auſtrum à *Lichfeldia* *Episcopali* ſede notiſſima. Loci nomen hodie vulgari lingua *Wall* à mœnium reliquiis quæ ibidem ſuperſunt & duo plus minus jugera includunt, quæ *Caſtle-croft* appellant, quaſi *Caſtri campum*. Cui antiquam urbeculam ad alteram viæ partem adjunctam fuiſſe, & ante *Guilielmi Conqueſtoris* tempora deletam ex fama à majoribus tradita referunt incolæ: locumque ubi templum poſitum è magnis fundamentis conjicientes oſtendunt, ſimulque certiſſimos vetuſtatis teſtes Romanorum *Cæſarum* numiſmata produciunt. Sed quod in primis præſtat probationem, hinc ducit militaris via pulchro, conſpicio, & continuo fere aggere, donec *Penck* flumine interrumpitur, & ſaxeo ponte conjungitur ad *PENNOCRVCIVM* à fluminis nomine facto, ea
Y y y quam

The Kings
Campton.
Vide in
Com. Lin-
coln. pag.
406.
Inqui. 2.
E. 3.

Watling-
ſtreat.

Etoce-
tum.

Wall.

Pennocr-
cium.

Penck-
ridg.

quam statuit Antoninus intercapedine. Quod nec nomen adhuc depofuit, pro PENNOCRVICIO enim Penck-ridg vocatur. Sed nunc tantum viculus equorum nundinis celebris, quas loci Dominus Hugo Blunt five Flarus à Rege Edwardo Secundo obtinuit. Hinc nihil in hoc Comitatu dignum memoratu via illa habet, nifi prope *Weflon*, lacum limpidum fatis diffufum, fed recto tramite ad *Oken-yate* in agro Salopiensi perducit. Nunc ad mediam partem quam *Trenta* perfundit accedendum, in qua describenda fluminis ductum & flexus à fontibus perfequi conftituo.

Trent. fl.

Trenta, qui fuo quali jure tertium fibi locum inter Angliæ flumina vendicat, in fuperiori hujus Comitatus parte, qua Occafum fpectat, è duobus vicinis fontibus effluit. Quidam imperiti & male feriat homines à Gallica dictione *Trente* dictum fomniarunt, unde etiam finxerunt triginta fluvios in illum influere, totidemque pifcium genera in ea natæ, quorū nomina rhythmo Anglico decantant accolæ: nec dubitant huic afcribere quod Tibifco fuo tribuunt Hungari, duas fcilicet partes aquam effe, tertiam pifces. A fontibus in Meridiem primum multis ambagibus descendit non procul à *Novo caftro fubter Lymam*, refpectu antiquioris quod juxta ad *Chefterton fubter Lymam* olim floruit, cognominatum, ubi antiqui caftri plusquam femiruta mœnia vidimus, quod primum ex dono Regis Ioannis fuit Ranulphi Comitæ Ceftrienfis, poftea beneficio Henrici Tertii familiæ Lancafterienfis. Inde per

New Caftle
under Lir-
me.Trent-
ham.
Stone.Hiftoria
Petrobur-
genfis.Erdef-
wick.
Nomina
fecundum
habitationem
variata.Cank-
wood.Barones de
Audley.

Trent-ham, quondam *Tricing-ham*, fanctæ illius, & regiæ virginis Werburgæ cœnobium ad *Stone* mercatorium oppidum properat, quod Saxonico fæculo enatum, nomen à faxis invenit, quæ folenni ritu majores congefserant ad designandum locum, ubi Wolpherus Rex Merciorum paganiffimus filios Vulfaldum & Rufinum, quod Chrifto nomina dediffent, immani scelere trucidavit. Quo loci cum pofteritas in eorum memoriam Ecclefiolam facraffet, oppidum ftatim fuccrevit, cui ab illis faxis *Stone* nomen inditum fuiſſe memorat Hiftoria Petroburgenfis. Poft *Stone* defertur placide *Trenta* per *Sandon*, quæ quondam fedes *Staffordorum* Equitum clariffimorum, nuper vero hæreditario Sampfonis *Erdefwick* viri clariff. qui venerandæ antiquitatis cultor maximus, & hoc nomine non minus memorandus, quam quod ab Hugone de *Ver-non* Barone de *Schip-broc*, variato pro habitationis ratione nomine primum in *Holgrave*, & poftea in *Erdef-wick* recta linea mafcula defcenderit.

Ad hoc in Ortum *Trenta* curſu defleſcit, & ab Austro *Canoc* ſylvam, vulgo *Cank-wood* longe lateque diffuſam habet, demumque *Sow* flu. ſiniſtra ripa fuſcipit, qui emergit juxta *Healey* caſtrum à Baronibus de *Aldelegh*, five *Awdley* extructum, quibus *Hervæus* de *Stafford* locum donavit, ut *Theobaldus* de *Verdon* ipſum *Aldelegh*, & à quibus familia *Stanleiorum* Comitum *Derbiæ*; ſed hæreditas & nomen ad *Touchettos* defcendit, in quorum ſobole & nomine illa dignitas adhuc elucet. Nec ſilentio hic prætereundæ ſunt ædes *Gerards Bromley* dictæ, tum ob magnificentiam, tum quod fit ſedes præcipua *Thomæ Gerard*, quem Baronem *Gerard* de *Gerards Bromly* primo regni ſui anno Rex *Iacobus* creavit.

Sow iſte *Trenta* quali parallelus æquali diſtancia fluit per *Chebsſey*, quæ ſuos olim Dominos *Haftingos* habuit, nec procul ab *Eccleſhall* habitatione *Epifcopi Lichfeldenſis*, & *Ellenhall*; quæ olim *Noëlorum* claræ familiæ ſedes erat, qui Monafterium hic ad *Raunton* poſuerunt; & à quibus hæreditario ad *Harcourt* devenit, qui ex veteri Normannica nobilitate diu magna dignitate floruerunt. E *Noëlorum* tamen mafculis *Andreas Noël* de *Dalby* Miles clariff. & *Noël* de *VVelleſborow* in Comitatu *Leiceſtrenſi*, alique adhuc ſuperſunt. *Sow* de *Stafford*, ſubluit olim *Stafford*, & prius *Betheney*, ubi *Bertelinus* magna ſanctitatis opinione heremiticam vitam quondam egit. Et *Edwardus Senior* ad Septentrionalem fluminis ripam, anno *Chriſti DCCCCXIII*, arcem extruxit. Cum Angliæ luſtrum conderet *Guilielmus Primus* (ut in ejus libro legitur) *Rex in hac habuit tantum xvi i i Burgenſes in Dominio ſuo, & xx manſiones de honore Comitæ, reddebat de omnibus conſuetudinibus novem libras denariorum.* Et in eodem libro, *Rex præcepit fieri Caſtellum, quod modo deſtructum eſt.* Tunc autem, uti etiam nunc, totius agri caput erat, cui maximum tamen decus à *Stafford* caſtro adjuncto, quod *Barones* de *Stafford* ſibi in ſedem conſtruxerunt. Sub quo *Penkus* fluvioſus *Sow* illi commiſcetur, qui *Pennocrucio* vetuſto oppido, de quo diximus, nomen fecit. Prope autem *Sow* & *Trenta* confluentes interfidet *Ticks-hall* habitatio familiæ *Aſtonorum*, quæ ſua antiquitate, & cognatione hoc tractu in primis celebris.

Harcourt.

Stafford.
Capgravius.

Marianns.

Tricks-
hall.

His ſuſceptis aquis *Trenta* medium jam agrum in Ortum placide ſecat, *Chartley* caſtrum duorum milliarium diverticulo à ſiniſtra ripa ſejunctum proſpiciens, quod à *Ranulpho Ceftriæ Comite*, qui extruxerat, ad *Ferrarios* per *Agnetem* ejus ſorem, quam *Guil. de Ferrariis* Comes *Derbiæ* ſibi in matrimonium conjunxerat, devenit, è cuius proſapia Domini *Ferrarii* de *Chartley* floruerunt, & *Anna* ultimi filia hunc honorem quali dotale patrimonium *Gualtero D' eueux* marito ſuo attulit, à quo genus *Roberto D' eueux* Comiti *Effexiæ*, & *Domino Ferrers* de *Chartley*. A dextra ripa eadem fere diſtancia inter ſylvas amœniſſime ſedet *Beaufeſert*, quondam *Lichfeldenſium* *Epifcoporum*, poſtea *Baronum Pagettorum* ædes. *Guilielmus* enim *Paget*, qui ob magnam rerum prudentiam domi forifque ſpectatam, magnam apud *Henricum Octavum*, & *Edwardum Sextum* collegit gratiam, & ampliffimas poſſeſſiones conſequutus, ab *Edwardo VI*, *Baro Paget* de *Beaufeſert* creatus erat. Ejusque nepos *Thomas* quartus *Baro* jam floret, qui ſua virtute & artium optimarum ſtudiis familiæ eſt ornamento, & ipſe hoc nomine verborum honore merito exornandus.

Chartley.

Barones
Ferrers de
Chartley.
Beaufeſert.
Barones
Paget.

Lichfeldia inde viſitur vix quatuor mill. paſſ. ab hac dextra *Trenta* ripa ſemota, *Lichfeld* *Beda* vocat, quod *Roffus* *Warwicensis* *Cadaverum campus* interpretatur, & plurimos *Chriſtianos* martyrio ibi ſub *Diocleſiano* affectos refert. Vrbs eſt humili ſitu, ſatis ampla & nitida, in duas partes palude five aqua limpida minus profunda diviſa, quæ tamen duobus aggeribus, quibus ſubſunt ſua emiſſaria, conjunguntur. Australis pars five

Lichfield.

cite-

citerior multo major est, & in varias descripta plateas scholam ostendit, & Hospitale S. Ioanni satis amplum pauperibus sublevandis positum. Vltior, minor est, templo autem spectatissimo insignis, quod pulcherrimo mœnium ambitu instar castelli, & elegantissimis Præbendariorum ædibus, Episcopique palatio redimitum, præcellenti specie tribus è saxo pyramidibus excelsum surgit, multisque retro ante sæculis Episcoporum sedes fuit. Anno enim mundi redempti sexcentesimo sexto Oswius Nordanhumbrore Rex, paganis Mercii devictis, ad veram Christi religionem propagandam hoc in loco templum condidit, & Duinam primum Episcopum ordinavit, cuius successores eam gratiam à principibus inierunt, ut non modo primas tulerint inter omnes Merciorum Episcopos, amplissimæque possessiones in suos usus acceperint, *Cankwood* sive *Canoc* sylva maxima, uberrimisque prædiis donatis; verum etiam Archiepiscopum habuit Eadulphum, cui Adrianus PP. pallium donarat, omnesque Merciorum & Orientalium Anglorum Episcopos subjecerat, aureis rationibus ab Offa Merciorum rege permotus in invdiam Ieamberti sive Lamberti Cantuariensis Archiepiscopi, qui suam operam Carolo Magno detulit si Angliam invaderet. Sed cum Offa, & Eadulpho evanuit hæc dignitas Archiepiscopalis. Inter Episcopos autem celeberrimus fuit Ceadæ ob sanctitatem Divis adscriptus, qui, ut inquit Beda, cum nondum lux Episcoporum animos pervasisset, fecerat sibi mansionem non longe ab Ecclesia remotiorem, in qua secretius cum paucis, id est, septem sive octo fratribus, quoties à labore, & ministerio verbi vacabat, orare ac legere solebat. Eo sæculo Lichfield villa erat exigua, longe à frequentia urbium. Nemorosa circa regio, rivulus prope fluit. Ecclesia angusto situ erat, antiquorum mediocritatem, & abstinentiam præ se ferens. Cum Synodo CIO LXXV, prohiberetur Episcopales sedes in villis obscuris delitescere, Petrus Episcopus Licedfeldensis Cestriam suam sedem transtulit. Robertus vero de Limseio ejus successor eandem ad *Conventriam* removit. Paulo post Rogerus Clinton Lichfeldiam reduxit, & elegantissimum templum anno Christi CIO CXLVIII, in B. Mariæ, & S. Ceadæ honorem inchoavit, castrumque, quod jam funditus deletum non apparet, restauravit. Oppidum vero patrum memoria à Rege Edwardo VI, nomine *Bellivorum* & *Burgenium* primum fuit incorporatum. Polum Borealem LII gradib. XLII scrup. sublimem videt, & ab ultimo Occidente XXI grad. xx scrup. numerat.

Paulus ista Lichfeldensis intra ripas statim coercita, iterumque diffusior, sed se in alveum rursus colligens cito in *Trentam* immergitur, qui in Ortum cursum continuat, donec *Tamæ* flumini ab Austro obviat, cum quo *Trenta* consociatus per loca Alabastrite fecunda cursum in Septentriones deflectit, ut citius *Dorum* excipiat, & *Burton* Alabastrinis operibus, *Ferrariorum* castro, antiquo monasterio ab Ulfrico Spot Comite Merciorum fundato, & * *Modwenæ* Hibernicæ mulieris secessu quondam insigne oppidum fere circumlambit. De quo Monasterio liber Abingdonensis, *Quidam minister Æthelredi Regis dictus Ulfricus Britannia.*

Spot construxit Abbatiam de Burton, deditque ei omnem hereditatem paternam appreciatam 700 libris & ut hæc donatio rata haberetur, dedit Æthelredo Regi 300 Mancas auri pro ejus confirmatione, & unicuique Episcopo quinque Mancas, insuper Alfrico Archiepiscopo Cantuariæ villam *Dumbletonam*. Ut vel hinc intelligamus aurea tunc fuisse secula, aurumque etiam in rebus sacris valuisse. In hoc Monasterio *Modwenna*, cuius sanctitas hoc tractu celeberrima, sepulta, tumuloque hi inscripti fuerunt pro Epitaphio versiculi;

Ortum *Modwenna* dat Hibernia, Scotia finem,
Anglia dat tumulum, dat Deus astra poli.

Prima dedit vitam, sed mortem terra secunda,
Et terram terræ tertia terra dedit.

Auffert Lanfortin quam * terra *Conallea* profert,
Felix *Burtonium* virginis ossa tenet.

* Tir-
Conell.

Iuxta hoc inter flumina *Dorum*, *Trentam*, & *Blithum* (qui *Blithfield* speciosas ædes antiquæ & claræ familiæ *Bagottorum* irrigat, & denominat) *Needwood* sylva spatiosa, vivariisque repleta diffunditur, in qua circumvicina nobilitas hilares venandi labores gnaviter assidueque exercet. Hæc in parte hujus agri media.

Blith fl.
Need-
wood
forrest.

Pars Septentrionalis montibus non magnis leviter intumescit, qui hinc exorfi, ut per Italiam Apenninus, per Angliam mediam perpetuum dorsum perpetuis jugis magis magisque elatum ad Scotiam usque nomine sæpe mutato, agunt. Hic enim *Mooreland*, inde *Peake*, deinceps *Stanmore*, & demum *Mooreland*, in cornua scissi *Cheviot* vocantur. Hæc *Mooreland*, sic dicta quod in montes & colles celsior surgat, & sit infrugifera, cujusmodi loca *Moore* nostra lingua vocamus, regiuncula sane adeo aspera, squalida, & frigida est, ut nives diu tueatur, & de rusticano hic viculo nomine *VVotton* colli *VVebero* subjuncto circumferatur apud vicinos hic versiculus, quasi Deus locum illum nunquam inviseret,

VVotton under VVeber,
VVhere God came never.

Observant hic incolæ, Zephyrum ab Occasu spirantem semper esse pluviosum, Eurum vero, & Austrum, qui pluviarum alibi pincerna, serenare, nisi ab Occasu convertat se ventus in Austrum, & hoc ad maris Hibernici vicinitatem referunt. Ex his montibus plura in hoc agro emanant flumina, præcipua vero sunt *Dove*, *Hanse Churnet*, *Teyn*, *Blith*, & qui singula capit & ad mare defert *Trenta*. *Dorus* sive *Dove*, cuius ripæ extructæ sunt è solida calce, qua adusta ad stercorendos agros utuntur, Orientalem hujus partem magna ex parte citus perstringit, & à Derbientibus separat argilloso alveo, sine ullo cœnoso pulvino, cursum per solum quod è calce illa (quam *Limestone* vocant) unde eam fertilitatem exfugit, ut vel media hyeme prata ex utraque ripalæ tiffime vireant, & si ripas excedat, & pratis supernatet mense Aprili, ita quasi alter Nilus fecundat, ut vulgo accolæ lætanter dicant:

Dove fl.

In Aprill Doves flood

Is worth a Kings good.

Hic fluvius spatio duodecim horarum ita intumescit, ut oves & armenta secum rapiat & ferat cum magno accolarum terrore, sed spatio

Zzzz

rursus

Circa annum.
779.

Hist. Ros-
fen.
S. Ceadæ.

Guil. Mal-
mesburi-
ensis. A.

Alaba-
strum.

Burton
upon
Trent.
* Quæ &
Mowen-
na.

1004.

rursus eodem detumescit, & se in suas ripas revocat; cum *Trenta* semel exurgens & ripas superans agris totos quatuor vel quinque dies incumbit. Sed ad flumina influentia. Primus est *Hans*, qui terra absorptus ad tertium milliare erumpit. Inde *Churnettum* fl. socium admittit, qui aquas agit per *De-la-Cres* Monasterium à Ranulpho ejus nominis tertio Cestriæ Comite constructum, *Leike* mercatu notum, & *Aulton* Baronum de *Verdon* olim castrum, à quibus per *Furnivallos* ad *Talbotos* Salopiæ Comites descendit. *Tein* amniculus paulo inferius in *Dovum* allabitur, qui haud procul à *Cheddle* exortus antiqua *Bassettorum* sede, qui à *Bassettis* de *Draiton* stemma deducunt, meatu adeo tortuoso serpit, ut intra mille passus quater transierim. Prope hunc in cœmiterio de *Checkly* tria saxa instar pyramidum sunt erecta, quorum duo imagunculis inculpantur, medium vero altissimum. Incolæ tradunt prælium ibi initum inter duos exercitus, quorum alter armatus, alter inermis: & in eo tres cecidisse episcopos, in quorum memoriam hæc fuerunt posita. Quæ historica veritas sub hoc involvitur, nondum video.

Iam *Dovus* ponte è saxo solidissimo constratus *Vtcester*, Saxonice *Vtōk-cestep*, colle molliter acclivi, pratis floridis & re pecuaria magis dives quam structura elegans, subterfluit; quod frustra nomine conjecturæ adblandienti, *ETOCERTVM*, priusquam viderim, opinatus sum. Sed jam dies certiora edocuit. Postea cum jam *Trentam* propius *Dovus* accedit, *Tutbury* castrum olim peramplum, quod & *Stutesbury* dicitur, ex alabastrino colle subjectæ regioni quasi minitans invisit, ab Henrico de *Ferrariis* Normanno nobili una cum monasteriolo constructum, cui latifundia amplissima in hoc agro donaverat Guilielmus Primus, quibus omnibus tandem excidit Robertus de *Ferrariis*, Comes Derbiæ, cum iterum ab Henrico Tertio defecisset. Ille enim cū post multas quas Baronico bello turbas concitasset, in gratiam cum Rege rediisset, & fidem conceptissimis verbis in officio se permansurum obstrinxisset; brevi tamen homo ingenio irrequieto,

ut fortunam quam flectere non potuit, plane frangeret, arma in principem induit, demumque captus, ut ex Actis publicis loquar, secundum formam obligationis suæ, hanc fortunarum & dignitatum jacturam longe maximam fecit. Lacus est alicubi in hac regione (si nos non fallit *Nechamus*) in quam nulla fera ullo modo intrabit, sed cum locus sit incertus & res incertior, solum ipsius *Nechami* versiculos adjungam, quibus pro titulo præfigitur:

De Lacu in Staffordia.

Rugitu lacus est eventus præco futuri,
Cujus aquis fera se credere nulla solet.
Instet odora canum virtus, mors instet acerba,
Non tamen intrabit exagitata lacum.

In libro
de laudi-
bus divinæ
sapientiæ.

De alio etiam lacu hac in regione sic scribit Gervasius Tilburienfis in Otiis Imperialibus ad Othonem Quartum, In Episcopatu Conventrensi, & Comitatu de Stafford, ad radicem montis cui Mahull nomen indigena indiderunt: est aqua in modum paludis ample diffusa: in territorio villa quam Magdaleam dicunt. In hac palude aqua est limpidissima, & sylvæ infinita continua, quæ tantam habet in refovendis corporibus efficaciam, quod quoties venatores cervos aliasque feras insecuti fuerint usque ad equorum lassitudinem, si in extremo aestuantis solis ardore aquam gustaverint, ac equis exposuerint hauriendam, amissas currendi vires reparant, ut non currisse arbitreris.

Cæterum Staffordienfis titulus à Roberto de Stafford, quem Guilielmus Normannus magnis possessionibus accumulavit, ad nostra usque tempora in ejus progenie permanet. Familia si qua alia, clara, & antiqua: sed alternantis fortunæ vices subinde experta, primum enim Barones erant de Stafford, inde Comites, postea Duces Buckinghamiæ, & Comites Staffordiæ. Nunc vero suo fato ad pristinum Baronum titulum reciderunt, & amplissimæ hæreditates, quas honoratissimis conjugiiis adierant, quasi diffugerunt, lætiorque successit securitas, quæ cum fortuna in potentium ædibus cohabitare nescit.

Gervasius
Tilburi-
ensis.

Staffordiæ
Comites
& Baro-
nes.

Habentur in hoc Comitatu Paræcia 130.

SHROPP-SHIRE.



The Mar-
ches.
Lord Mar-
chers.
Marchio-
nes.

The Ca-
nopy.

27. Hen-
ric. 8.

Clune flu.
Bishop
Castle.
Clune
Castle.

Varta ex illis regionibus quas CORNAVIOs olim infedisse videtur, & scipyp-rcyne, & dhnobbe-rcyne Anglo-Saxonibus, nobis Shoppshire, & Latinis Comitatus Salopiensis dicta, cæteris spatio multo major, nec ubertate, aut amœnitate minor, ad Orientem solem Staffordienses, ad Occidentem Montgomerienses, & Denbighienses, ad Meridiem Wigornenses, Herefordenses, & Radnorenses, & ad Septentriones Cestrenses attingit. Oppidis & castris undique stipata est frequentissimis, utpote quæ limitanea fuerit, vel Ager arcifinius (ut Siculi Flacci verbo utar) arcendis finitimis Wallis, unde majores nostri Anglo-Saxonico vocabulo confinia hujus Comitatus Walliam versus The Marches dixerunt, quod limites essent inter Wallos. & Anglos: nobilesque nonnulli in hoc tractu, Barones Marchie, quasi Domini Limitanei dicti, qui Palatinam quandam jurisdictionem in suo quisque territorio habuerunt, jusque incolis in suis curiis administrarunt, cum variis privilegiis & immunitatibus: interque alia, ut Brevia è Regis Curii locum in quibusdam causis inter illos non habuerint. Nihilominus si de ipsa Baronia, vel de limitibus Baroniarum controverteretur, Regia Iustitiæ fora erant adeunda. Hi etiam olim Marchiones de Marchia Vallie Latine nominati erant, ut constat ex Rubeo libro in Scaccario Reg. ubi legitur, quod in Coronatione Æleonoræ Reginæ uxoris Henrici III, Marchiones de Marchia, Vallie videlicet, Ioannes filius Alani, Radulphus de Mortuomari, Ioannes de Monmouth, & Walterus de Clifford nomine Marchie, jus Marchie esse dicebant hastas argentatas invenienti & illas deferendi ad sustentandum pannum sericum quadratum purpureum in coronatione Regum, & Reginarum Angliæ. Sed privata illa Dominorum Marchie jura pacis tranquillitas, & Regum autoritas paulatim antiquavit.

Nec tamen (hoc præfari libet) universam hanc regionem ad CORNAVIOs spectasse existimarim, sed solum Cis-Sabrinam; Trans-Sabrina vero ORDOVICVM fuit, qui late hic coluerunt, cujus pars aliqua, ut etiam in Cis-Sabrina, territoriola nonnulla, quæ ad Dominos limitaneos spectarunt, non ita pridem autoritate Parliamentaria huic agro adjuncta. In has enim duas partes universa commode distribui potest, Sabrina fl. ab Occasu Æquinoctiali in Ortum Hibernum interfecante.

In Trans-Sabrina limitem Australem Temdus fl. Britannice Tefidiauc stringit, cui demum confluit Colunus Britannice Colunwy & contracte Clun. Hic interius scaturiens, non procul à frequenti oppidulo Bishops Castle dicto, quia ad Episcopos Herefordenses spectavit, quorum diocesis in hac Provincia late patet Coluno castrum, vulgo Clune castle, nomen impertit, quod Fitz-Allani ab Alano Flaoldi Normanni filio oriundi, qui postea Arundeliæ Comites, construxerunt, cum limitanei es-

Britannia.

sent contra Wallos duces, & illos assiduis incursionibus agitant. Vbi vero cum Temdo coit, inter vada incerta intereminet antiquæ admodum memoriæ collis, quem Cæsar Caradoc vocant, eo quod circa annum Salutis LIII, Caratacus Britannus Rex clarissimus saxorum vallo præstruxerit, & obfirmato animo cum suis contra Ostorium, & Romanorum legionarios defenderit, donec Romanus distracta rudi illa saxorum compage, cujus reliquæ etiamnum supersunt, irrumpens, Britannos inermes in juga montium decedere coegerit. Ipse tamen, uxore, filia, & fratribus captis, fuga evasit, sed postea (ut res adversa nusquam tutæ) à Cartimandua Regina, cujus fidei se commiserat, Ostorio traditus, Romamque deportatus, cum Romanos longo & difficili bello exercuisset, veniam à Claudio Cæsare sibi & suis, non degenerare prece, sed generosa loquendi libertate impetravit. Ob hunc collem expugnatum & Regem captum triumphus insignia Ostorio decreta, nec minus claram Carataci captivitatem censuit Senatus, quam cum Syphacem P. Scipio, & Persen L. Paulus victos Reges populo Romano ostenderint. Licet vero nec hujus belli, nec hujus viri nostræ historiæ sarcinator meminerit, nondum tamen memoria apud vulgum prorsus intercidit. Regem enim in hoc colle debellatum fuisse prædicant, & Triadum libro inter tres nominatissimos in re militari Britannos Caradauc * Vrichfras primus nominatur, * cum for-

Cæsar Caradoc.
Caratacus Rex.
Tacitus.
Humphr.
Lhuid.

Vide pag. 31.

* cum forti brachio.

Ludlow inde, Britannice Dinan, & Lys-tywysoc, Ludlow. id est, Principis Palatium, ad ejusdem Temdi cum Corvo confluentes colle attollitur, majore elegantia, quam vetustate oppidum. Rogerus de Monte Gomerico primum castrum pulcherrimum, & munitissimum, quod Corvo impendit, & inde mœnia, quæ plus minus mill. pass. circuitu colligunt, adjecit. Verum filio ejus Roberto proscripto Henricus Primus sibi retinuit, obsessumque postea fortiter Stephani Regis insultus pertulit, qui cum gravissima obsidione premeret, Henricus Scotorum Regis filius unco ferro equo abstractus, parum absuit quin intra mœnia abreptus esset. Sed præsto illi adfuit ipse Stephanus & singulari animi magnitudine à tanto periculo exemit. Deinde Rex Henricus II hoc castrum cum subjecta valle ad Corvum, quæ vulgo Corvesdale dicitur, Fulconi de Dinan elargitus est. Postea Lacciorum ex Hibernia fuit, & per filiam ad Galfridum de Ienepile Piétavensem, vel ut alii volunt, è familia Lótharingica, descendit, à cujus posteris rursus per filiam ad Mortuomarios, & inde in sacrum principis patrimonium hæreditario devenit. Ipsique postea incolæ in ipso oppidi sinu, editissimo loco, templum, quod unicum habet, perelegans posuerunt. Tunc in honore esse cœpit, vicinisque præluere, & quamvis Stephanus Rex, Simon de Monteforti, & Henricus Sextus domesticis bellis affligerint, semper tamen reffloruit, & nunc in primis ex quo Concilium Limitaneum,




Vinci ferri.

1139.
Matt. Paris.

Inevile.

A a a a

taneum,



The Council in the Marches.
 raneum, non dissimile Parlamentis illis Gallicis, instituit Henricus Octavus, cujus Præses hic plerumque forum agit, quod vix unquam refriguisse videres, five ex amplissima quam exercuit auctoritate, five ex mira Wallorum ad litigandum alacritate. Constat hoc concilium ex D. Præsidente, tot Consiliariis quot principi placuerit, Secretario, Attornato, Sollicitatore, & quatuor Comitatum Walliæ Iusticiariis.

Burford. Cornuaille.

Inq. 40. E. 3.

Baro & Baronia conjugata.

Cleebill.

Blunt Normanice Flavii capilli. Bridgmorse.

Lib. Inq.

Willeley, five Willeley. Lacon.

Lib. Inq.

Inferius ad *Tendrum* conspicitur *Burford*, quæ à Theodorici *Saii* posteris ad Robertum de *Mortuo-mari*, ab ejus itidem posteris ad Galfredum de *Cornubia*, five *Cornuaille*, qui genus ad Richardum *Cornubiæ* Comitem, & Regem *Alemanorum* retulit, ejusque prosapia ad hæc usque tempora Baronum nomine, sed non Baronum Parlamentariorum dignitate floruit. Tenetur vero *Bedford*, ut in Inquisitione legitur, de Rege ad *inveniendos quinque homines pro exercitu Valliæ*, & per *servitium Baroniæ*. Qui vero, ut obiter notem, integram *Baroniam* tenebant, vulgo Barones olim censebantur, & ut nonnullis doctis in jure nostro municipali placet, Baro & Baronia (ut Comes & Comitatus, Dux & Ducatus, Rex & Regnum) conjugata fuerunt.

Tendo nunc *Salopienfes* relinquentes, ad ejus fere ripas *Septentrionem* versus protuberant colles faciles, *Cleebill* vocant, hordei optimi proventu laudati, nec sine ferri venis, ad quorum ramentum in *Cleybury* viculo, Hugo de *Mortuomari* castrum ædificavit, quod statim ita delevit Henricus Secundus, quia seditionis fuerat nutricula, ut vix hodie supersint vestigia: & *Kinlet*, ubi *Blunti* floruerunt, *Bluntorum* certe nomen quod à flavo capillo factum, hoc tractu celebre, familia nobilis, vetusta, & cujus rami longe diffusi. *Brugmorse*, vulgo *Bridgnorth*, inde vidimus ad dextram *Sabrina* ripam à Burgo & *Morse* saltu adjuncto denominatum, cum antea *Burgh* simpliciter diceretur, muris, fossa, amplo castro, & *Sabrina*, qui in eximiam altitudinem depressus inter rupes defluit, tutum, rupeque situm, è qua via in superiorem oppidi partem ducentes sunt excisæ. *Edelfleda* Merciorum Domina primum construxit, & Robertus de *Belismo* *Salopiæ* Comes muro circumdedit, locique ingenio fretus ab Henrico Primo defecit, uti postea Rogerus de *Mortuomari* ab Henrico Secundo, sed infelici uterque successu, ad deditiorem utroque adaptato, & ad ordinem redacto. In hujus obsidione (ut in annalibus nostris legitur) Henricus Secundus sagitta petitus, confixus fuisset, nisi Hubertus de *Sancta Clara* vir nobilis, & Regi devotus se se interponens, & sagittam & mortem pro Rege excepisset. Antea etiam Radulphus de *Pichford* ita fortiter hic se gessit, ut Henricus I parvum *Brug* in vicinia illi dederit per *servitium inveniendi sicca ligna ad Cameram castri de Brug in adventu Domini Regis*. *Villeley* parum hinc abest, sedes olim *Warnerii* de *Villeley*, à cujus posteris per *Harleios* & *Peshall* ad claram familiam de *Lacon* devenit, quæ aucta per nuptias olim cum hærede de *Passelew*, & nuper possessionibus *I. Blunt Militis de Kinlet*.

Alia sunt itidem hoc tractu oppida & castella sparsim, nimirum *Newcastle*, *Hoptoncastel*, *Shipton*, & ad *Corvum* fl. *Corvesham*, quod *Walterus de Cliford*

habuit ex dono Regis Henrici Secundi, *Brancroft*, & *Hulgot*, vulgo *Howgate*, quod olim ad *Mandutos*, inde ad Robertum *Burnell* Episcopum *Bathoniensem* spectavit, & postea ad *Lovellos*. Superius sunt *Venlocke*, nunc *Calce*, sub Richardo Secundo æris fodina notum. Sed multo notius Saxónico seculo antiquissima *Sanctimonialium* habitatione, ubi *Milburga* sanctissima virgo vitam egit, & tumultum accepit: quod restauravit & monachis implevit Comes Rogerus de *Montegomerico*. *Aston Burnell*, *Burnellorum*, & postea *Lovellorum* castellum, Comitibus Parlamentariis sub Edwardo Primo nobilitatum. *Burnellorum* hæc familia celebris olim fuit & antiqua, plurimumque ab Episcopo illo quem dixi locupletata. Desiit autem regnante Edwardo Secundo, cum *Matildis* hæres enupta fuit *Ioanni Lovell*, & secundo *Ioanni Haudlow*, cujus filius *Nicol*. nomen *Burnelli* sibi assumpsit, à quo *Ratcliffi* *Suffexiæ* Comites & alii genus deducunt. Vix mille passibus hinc abest *Langley* depressiori situ in vivario nemoroso, habitatio familiæ de *Lea*, quæ inter clariores & vetustiores in hoc tractu locum sibi vendicet. His proximum est *Condever*, *Manerium* quondam *Lovellorum*, nuper vero *Thomæ Owen*, *Communium Placitorum* Iusticiarii, & bonarum literarum cultoris summi, sed ille placida morte jam in Christo obdormivit, filiumque reliquit Rogero Equitem auratum multiplici doctrina tanto patre dignissimum. De Rege vero tenetur, (ut in archivis legitur) in capite, ad inveniendum duos pedites per unum diem in exercitu *Valliæ* tempore *Guerræ*. Hoc verò eo nomine semel adnoto, ut intelligatur nobiles hoc tractu *seoda* à Regibus Angliæ tenuisse, ut præsto essent cum militibus ad limites defendendos, quandocunque bellum inter Anglos & Wallos exarderet. Iuxta hoc est viculus *Pitchford* (quæ olim familiæ vetustæ de *Pitchford* nomen communicavit, *R. Oteley* nunc possessio) quem sic à picis fonte dixerunt majores nostri, qui bitumen à pice non internoscebant. Fons enim illic est in privati cujusdam area, cui liquidum bitumen indies, quamvis diligentissime despumet, innatat, perinde ac in *Asphaltite* *Iudææ* lacu, in *Samosatæ* stagno, & *Agrigentino* *Siciliæ* fonte; sed non alio quam picis vice utuntur incolæ. An vero contra Comitalem morbum valeat & vim habeat attrahendi, consolidandi vulnera, &c. ut illud *Iudaicum*, nemo quod sciam hæcenus expertus est. Magis ad Occasum cernuntur *Pouderbache* castrum jam ruinofum, olim *Punlebach* dictum, sedes *Radulphi Butleri*, filii minoris *Radulphi Butleri* de *Vem*, à quo genus ducunt *Butleri* de *VWoodhall* in Comitatu *Hertfordiæ*. Sub hoc saltus *Huckstow forrest* dictus late inter montes patet, ubi ad *Stiperstons* collem magni lapidum tumuli, & quasi rupellæ confertim surgunt, *Britanni Carneddau tewion* vocant. Hos tamen ex illis fuisse cum aliis ne ariolari quidem ausim, quos *Giraldus Cambrensis* his verbis innuit: *Haraldus ultimus ipse pedes, cumque pedestri turba, & levibus armis, victuque patriæ conformi tam valide totam Valliam circumivit, & transpenetravit, ut vix paucos vivos reliquerit. In cujus victoriæ signum & perpetuam memoriam lapides in Vallia more antiquo in tumulum erectos locis, in quibus victor extiterat, literas*

Wenlocke.

Guil. Malmes.

Aston Burnell. Barones Burnell.

Langley. Condever.

Pitchford. Fons Bituminis.

Pouderbache.

Stiperstons.

litteras hujusmodi insculptas habentes; plurimos invenias.

HIC FVIT VICTOR HARALDVS.

Cause. Magis ad Septentriones *Cause* castrum sedet, quod Petri *Corbett* Baronia fuit, à quo ad Staffor-
Routon. diae Barones devenit: & antiquissimum *Routon* huic vicinum ad Occiduum agri terminum non procul à Sabrina, quod olim ad *Corbetos*, nunc ad antiquam *Listerorum* familiam spectat. Antea vero fuit Ioannis *Le Strange* de *Knocking*, in cujus invidiam *Leolinus* Walliae princeps solo æquavit, ut legitur in vita *Fulconis Fitz-Guarini* Romano etiam sæculo eodem nomine floruit Antonino *RVTVNIVM* dictum, nec in hoc falsi esse possumus, quandoquidem & nomen & distantia, quam ille à *Vriconio* notissimo oppido ponit, exactissime conveniant. Huic vicina sunt *Abberbury* castrum, & *VVatlesbury*, quod à *Corbettis* ad nobilem & Equestrem familiam *Leightonorum* devenit. Nomen vero accepisse videtur à Consulari illa, & Regia via *VVatlingstreat*, quæ hac in extremam Walliam duxit, ut author est *Ranulphus Cestrensis*, per duo oppidula, quæ à strata illa publica *Strettons* nuncupata, inter quæ in convalle rudera etiamnum extant castri vetusti, quod *Brocardi castrum* dictum, & viridantibus pratis, quæ olim fuere piscinæ, circumsitum. Verum hæc castra, & alia, quæ enumerare vix possum, non belli furore, sed secunda pace & labentibus annis jam tandem evicta, magna ex parte collabascunt.

Nunc flumine transmissio Cis-Sabrinam partem adeamus, quam *CORNAVIVM* propriam fuisse diximus. Hanc rursus in duas quodammodo partes à Septentrione in Meridiem defluens dividit *Terna* fluvius, sic dictus, quod è lacu diffusiore (cujusmodi nostra lingua *Tearnes* vocamus) inter Staffordiensis promanat. In harum citeriori sive Orientali parte, ubi Sabrinæ *Terna* confociatur, *VRICONIVM* fuit, sic Antonino vocatur, quæ *Ptolemæo VIROCONIVM*, *Ninnio Caer Vruach*, Anglo-Saxonibus *Wreken-cearce*, nobis *VVreckceter*, & *VVroxeter* dicitur. Urbs *CORNAVIVM* præcipua, à Romanis, ut videtur, condita, cum hanc *Sabrina* ripam munirent ubi fl. vadum, ut non alibi inferius, ostium versus. Sed hoc Saxonico bello laceratum, Danico prorsus concidit, jamque rusticorum viculus est pertenuis, & Romanos nummos vetustatis suæ quasi testes sæpe aratoribus exhibet. Præter paucula mœnium fragmenta (*The old worke of VVroxeter* vulgo indigitant) nihil hic vidimus, quæ è saxo structili, septemplex Britannicorum ordine exterius distincta, interius arcuato opere extructa fuerunt. Eo loci ubi hæc extant, castrum fuisse ex soli inæqualitate, aggeribus, & hinc inde mœnium rudibus suspicamus. Vbi urbis fuit area & ea satis quidem ampla, solum magis quam alibi nigrescit, & laudatissimum hoc tractu hordeum affatim profundit. Sub hanc via illorum Romanorum militaris nota nomine *VVatlingstreat*, vel per vadum, vel per pontem, cujus fundamina paulo superius nuper detecta cum sepimentum piscatorium (*a weare* vocant) in fl. locarent, ad *Strattons* id est oppida ad *stratam*, de quibus modo diximus, recta duxisse accepimus, verum *Britannia*.

aggere minime apparente. Hujus *VIROCONII* nomen antiquum expressius se in monte proximo ostendit *VVrekenhill* dicto, *Gilberti montem* alii vocant, è cujus vertice, qui in amænissimam procumbit planitiem, gratissimus in subjectam regionem undiquaque patet prospectus. Longe hic collis procurrit arboribus convestitus, sub eo vero qua Sabrina volvitur apud *Buldeyas*, vulgo *Bildas*, monasterium celebre floruit sepultura olim inclytæ familiæ *Burnellorum*, qui patroni fuerunt. Superius mansio est à situ ad publicam *Stratam*, sive militarem viam, *VVatlingstreat* dominata. Iuxtaque videntur reliquiæ Castri *Dalaley*, quod proscripto *Richardo* Comite *Arundeliæ*, Principatui *Cestriæ* quem erexerat, adjunxit *Parlamentaria* autoritate *Rex Richardus Secundus*. Nec procul à radicibus hujus montis in convalle devexa, ad Militarem illam Romanorum viam *Okenyate* viculus copiosa carbonum fossilium vena bene cognitus subsidet, eadem distantia qua *VSOCNAM* cum à *VRICONIO*, tum à *PENNOCRVCIO* sejungit *Antoninus*, ut hanc *Okenyate* illam fuisse *VSOCNAM*, non est cuiuspiam dubiter. Nec abnuit ipsum nomen, hæc enim dictio *Ys*, quæ *Britannis* inferius sonat, ad inferiorem ejus situm designandum adjuncta videatur. Ex altera parte sub hoc colle *Charleton* castrum cernitur, olim *Charletonorum*, qui *Powis* erant Domini, & magis ad Ortum proxime *Staffordiensis Tongcastle*, olim *Toang*, quod *Vernonii* non ita pridem instaurarunt, uti etiam collegium in oppido, quod *Penbrigii* primi, ut legi, fundarunt. Nec quicquam hic magis ostentant incolæ quam campanam ob magnitudinem tota viciniæ celeberrimam. Huic adjacet *Albrighton*, regnante *Edwardo Primo Radulphi de Pichford*, nunc vero *Talbottorum* sedes, qui è familia Comitum *Salopia* sunt oriundi.

Vltra *Ternam* fl. in ipsius ripa *Draiton* jacet, ubi in æstu civilium bellorum inter familiam *Lancastrensem* & *Eboracensem*, prælium nobilibus agri *Cestrensis* admodum funestum commissum erat. Illi enim, quamvis æquo fere Marte discessum fuerit, cum discordibus animis ab utraque parte starent, confertissime ceciderunt. Infra *Terna* satis vicinum *Hodnet*, quod olim incolas ejusdem nominis nobiles habuit à quibus hæreditario per *Ludleios* ad *Vernonos* pervenit. Tenebatur olim de *Honore de Mont-gomery*, per servitium esse *Se-neschallus* Honoris ejusdem. *Terna* deinde paucis affusus rusticanis viculis *Rodenam* fluviolum in se admittit, & pauca emensus milliaria prope *VRICONIVM*, quod modo dixi, in Sabrinam immergitur. Ad hunc *Rodan*, dum adhuc recens à fontibus, *VVem* sedet, ubi inchoati olim castri ostenduntur indicia. Baronia hæc fuit primis *Normannorum* temporibus *Guilielmi Pantulphi*, à cujus posteris ad *Butleros* tandem devenit, ab illis vero per *Ferrers* de *Ousley*, & Barones de *Greystoke*, ad Barones *Dacre de Gillefland*. Hinc parum abest nemoroso in colle seu potius rupe quæ *Radcliffe* quondam appellata, situ suspiciendo castellum à rufescente saxo *Redcastle* & *Normannis Castle* *Rous* dictum, olim *Audleiorum* sedes ex *Matildis Extraneæ*, sive *Le-strange* beneficentia. Sed jam nihil nisi desolata supersunt mœnia. Vix mille B b b b hinc

Wrekenhill.

Bildas.

Dalaley.

Vf ocona. Okenyate.

Charleton.

Tong.

Pichford.

Draiton.

1459.

Inq. a. 10. E. 2.

Wem.

Red-Castle.

hinc passibus demortuæ urbiculæ jacet cadaver jam fere absumptum. Vetustatem autem & conditores Romanorum numismata, & lateres illi quibus usi erant Romani contestantur. Bery quasi *Burgum* vocitant vicini & Arthurianis temporibus celeberrimam fuisse prædicant.

Morton
Corbet.

Inde ad eundem flu. *Morton Corbet* castrum *Corbettorum* conspicitur, ubi nostra memoria Rob. *Corbet* Architecturæ studio abreptus splendida magnificentia ædes inchoavit, ut latius & cultius habitaret, cum statim mors hinc demigrare, & opere imperfectum relinquere jussit. *Corbeti* hi antiquæ sunt in hoc agro nobilitatis & latifundia multa jure clientelari à Rogero *Montegomerico* hujus agri Comite sub ingressum *Normannorum* tenuerunt, *Rogerus*, sc. filius *Corbet* tenuit *Huelebec*, *Hundeslit*, *Actun*, *Fernleg*, &c. *Robertus* filius *Corbet* in *Vlestanston*, *Rotlinghop*, *Branten*, *Vdecot*. Magis ad Austrum jacet *Arroll*, equestris familiæ *Newportorum* habitatio, & huic vicinum *Hagmond* monasterium, quod *Fitz-Alani* si non fundarunt, maxime tamen dotarunt. Haud multo inferius ad *Sabrinam* amœnissime affidet hujus agri urbs longe clarissima ex antiqui *Vriconii* casu exorta, quam nos *Shrewsbury*, & *Shrewsbury* hodie emollito vocabulo dicimus, cum majores & probè byrig vocaverint, quod collis fuerat arboribus condensus. Quo sensu & Græci suam *Bessam*, & Britanni hanc urbem etiam *Pengwerne*, id est, *Caput alneti*, quo nomine hic etiam fuit nobile Palatium ejusdem nominis. Sed unde nunc illis *Ymwithig*, & *Normannis* *Scropesbery*, *Sloppesbury*, & *Salop*, Latinoque nomine *Salopia*, vocatur, plane me latet, nisi ab antiquo nomine *Scrobberig* varie luxato. *Ymwithig* tamen nonnulli Britannicæ linguæ periti dictam credunt quasi *Placentiam*, à Britannica dictione *Mwithau*, Bardosque ita nominasse, quod præ cæteris olim Walliæ Principibus placeret. Collem occupat subrufescentem, Sabrinaque duobus pontibus pulcherrimis pervius, se fere in circulum ducens ita incingit, ut Isthmo per exiguo debeat, quod non sit insula. Vnde Poëta noster Antiquarius *Lelandus*:

Lelandus.

*Edita Penguerni late fastigia splendent,
Urbs sita lunato veluti mediamnis in orbe,
Colle tumet modico, duplici quoque ponte superbit,
Accipiens patria sibi lingua nomen ab alnis.*

Nec natura solum munita, sed etiam arte. *Rogerus* enim de *Montegomerico*, cui *Conquastoris* dono obtigerat, surgenti rupi, qua *Boream* spectat, dirutis quinquaginta plus minus ædibus castrum inædificavit, & *Robertus* ejus filius cum ab *Henrico* Primo descisceret, mœnibus obvallavit, qua flumine non defenditur, quæ tamen vim hostilem nunquam, quod sciam, nisi bello Baronico contra Regem *Ioannem* pertulerunt. Primis *Normannorum* temporibus satis culta, & frequens erat, ut enim in libro *Angliæ Censuali* legimus, reddebat per annum *VI* libras, & *XVI* solidos de *Gablo*, *CCLII* cives censebantur, è quibus duodecim apud *Angliæ* reges excubare, cum in hac urbe agerent, totidemque concomitari cum venatum prodirent, tenebantur. Quod institutum crediderim, quia non multos ante annos *Edricus Streona*, Dux *Merciorum*, vir omnibus sceleribus notatissimus *Afhelmum* Princi-

pem hic inter venandum ex insidiis sustulisset. Quo tempore (ut innuit ille liber) consuetudo invaluit hac in urbe, ut mulier accipiens quocunque modo maritum, si vidua erat, dabat Regi *xx* solidos, si puella decem solidos, quolibet modo acciperet virum. Cæterum, ut ad rem revertar, non tantum munitis Comes ille *Rogerus*, verum etiam aliis ædificiis cum publicis, tum privatis instauravit, Monasteriumque *S. Petro*, & *Paulo* posuit pulcherrimum, cui plures possessiones concessit; & una cum illis Ecclesiam *S. Gregorii*, eo scilicet tenore (ex privata Monasterii historia loquor) ut cum *Canonici*, qui in ea Præbendas habebant, morte deficerent, Præbende in dominium monachorum devenirent. Vnde controversia orta est non parva, *Canonicorum* enim filii litem monachis intenderunt, ut in paternis Præbendis succederent. Eo enim tempore *Canonici*, & *Sacerdotes* in *Anglia* cœlibem vitam non egerunt, & inoleverat usus, ut beneficia Ecclesiastica cognationis jure hæreditario descenderent. Sed hæc controversia sub *Henrico* Primo composita, in beneficiis Ecclesiasticis hæredem non debere succedere, & leges de *Sacerdotum* cœlibatu sub id tempus rogata. Subsequente tempore alia etiam hic surrexerunt templa, nam ut *Dominicanorum*, *Franciscanorum*, *Augustinensium* fratrum cœnobia omittam, quæ *Chartloni*, *Ienevilli*, & *Staffordi* posuerunt; duæ collegiata Ecclesiæ, altera *S. Ceadæ* cum *Decano* & *x* Præbendariis, altera *Beatæ Mariæ* cum *Decano* itidem & *ix* Præbendariolis, erectæ erant. Hodie vero urbs est eximia, frequens, mercium copiosa, civium diligentia, pannis conficiendis, & *Wallo-*rum commerciis opulenta. Huc enim omnes fere *Walliæ* commoditates, quasi ad commune utriusque gentis emporium confluant: à *Wallis* enim & *Anglis* incolitur, quibus utraque lingua in usu, & quibus inter alia, hoc in maximam laudem cessit, quod scholam erudiendis pueris totius *Angliæ* numerosissimam instituerint, cui *Minerval* honestissimum *Thomas Aston* primus Scholarcha vir optimus, & integerrimus sua opera comparavit. Ad hanc urbem, quum *Henricus Percius* junior seditiosum animum in *Henricum Quartum* induisset, & jam mœnia oppugnaturus esset, quæ ille omni ratione constituerat, potentior fortuna subito discussit. Rex enim ex improvviso à tergo cum exercitu instabat, in quem juvenis animose invecus post longam & difficilem pugnam, desperata victoria, in destinatam mortem ruit. Locum vero adhuc *Battlefield* à prælio vocant, in quo sacellum, & unum alterumque sacerdotem Rex victor instituit, ad impetrandam illo prælio occisis peccatorum remissionem. Ab *Aloriis* insulis gradibus *xx*, minutis *xxxvi*; ab *Æquatore* partibus *LII*, scrupulis *LIII* distat hæc *Salopia*.

Ex hac urbe (nescio an operæ pretium & ad nostrum institutum videatur meminisse) postremo erupit anno *Salutis* *MDLI* lætifer ille morbus, sudor *Anglicus*, qui statim toto regno grassatus magnam stragem, hominum præcipue consistente ætate edidit; sudore enim correpti die naturali vertenti aut perierunt, aut convalescunt. Remedium autem præsens inventum, ut qui sudore interdum correpti, in vestibus protinus cubitum irent, sin noctu, & in lecto, quiesce-

Præbendæ
hæredita-
rio clata.

1401.
Prælium
apud
Shrews-
bury.

Battle-
field.

Sudor Bri-
tannicus.
Sweating
sickness.

rent nec loco ad viginti quatuor horas se moverent, quas & insomnes omnino ducerent. Vnde hujus origo nec medicorum doctissimis constat. Sunt qui ad gypseum Angliæ solum (cum tamen nisi paucis locis gypseum sit) referunt. Certis (inquiunt) constitutionibus humidis, vapores è solo illo accidunt elevari, subtilissimos quidem, corruptos tamen, qui & subtilem etiam inferunt contagionem, cujus analogia est, vel ad spiritus, vel ad tenuem spumam, quæ sanguini supernatant. Quæcumque autem causa sit, constat analogiam ejus contagionis esse ad subtile sanguinis: propter quod die una aut finitur ægrotudo aut æger. Hæc alii exquirant, observavi ego hunc morbum Angliam superiori seculo ter pervasisse (nec tamen dubito quin olim etiam pervaserit, etsi memoriæ non sit proditum) primum anno CIO CCCCLXXXV, quo Henricus Septimus regnum auspicatus, paulo post magnam superiorum Planetarum conjunctionem in Scorpione. Iterum sed mitius, cum peste tamen comitatus tricesimo tertio post anno, Salutis scilicet CIO DXVIII, post Oppositionem magnam eorundem in Scorpione & Tauro, quo tempore etiam Belgicam & superiorem Germaniam afflixit. Postremo anno illo CIO DLI, tricesimo tertio recurrente, cum alia illorum planetarum coitio in Scorpione vires suas exerceret. Sed de his plus satis, levicula enim videantur illis qui eruditæ experientiæ nihil tribuunt.

Juxta hanc urbem multiplices gyros trahit *Sabrina*, & maxime ad *Rossall*, ubi circumductus in se fere redit, antiquissimumque illud navigii genus, quod vetustas dixit rates, hic est usitatissimum, scilicet, ex rudibus asseribus, & tignis connexæ trabes, quæ secundo flumine onera subvehunt, quarum usum & nomen à Germaniæ Rheno nostrates deportarunt, eodemque cum Germanis nomine *Flotes* vocitant. Flumini vero adjacent *Shrawerden* olim Arundeliorum Comitum castrum, postea vero longe honoratissimi viri Thomæ Bromley, jam pridem Cancellarii Angliæ: *Knocking*, à Dominis *Le-Strange* constructum, à quibus ad *Stanleas*, Derbiæ Comites hæreditario descendit, & huic vicinum *Nesse* (cui rupes confragosa cum antro non incelebri imminet) quod cum *Chefswarden*, Rex Henricus Secundus dedit Ioanni Extraneo, sive *Le-Strange*, à quo propagatæ sunt amplissimæ familiæ *Le-Strangorum* de *Knocking*, *Avindeleghe*, *Ellesmer*, *Blakmere*, *Lutchem* & *Hunstanton* in Norfolcia. Ab illis vero de *Knocking*, cum postremus nulla mascula prole suscepta obiisset, per Ioannam unicam filiam Georgii *Stanlei* uxorem ad Derbiæ Comites devenit hæreditas. A flumine remotius ad Occiduum agri limitem jacet *Ofwestre* sive *Oswaldstre*, Britannice *Croix Ofwalde*, urbecula fossa & muro inclusa, exiguoque castello munita, mercatu vero foelix, pannorum præsertim Wallicorum raro tenuique textu (Levidensæ si placet voces) quorum magna vis singulis septimanis hic distrahitur. Nomen habet ab Oswaldo Nordanhumborum Rege (cum antea *Maserfield* vocaretur) quem penda paganus Merciorum princeps hic gravi prælio & occidit, & occisum summa cum immanitate discerpfit. Vnde de illo poeta Christianus satis antiquus:

Cujus & abscissum caput, abscissosque lacertos
Et tribus affixos palis pendere cruentus

Penda jubet; per quod reliquis exempla relinquat
Terroris manifesta sui, regemque beatum
Esse probet miserum; sed causam fallit utramque:
Vltor enim fratris minime timet Oswius illum,
Imo timere facit, nec Rex miser, imo beatus
Est, qui fonte boni fruitur semel, & sine fine.

Primam autem originem ex religione habuisse videtur, sanctissimum enim locum habuerunt ejus ætatis Christiani, & Beda miracula hic claruisse ubi Oswaldus cecidit, prodidit. Madoocus frater Mereduci (ut est apud Carodocum Lancabernensem) instauravit, mœnibus *Fitz-Allani* Normanni postea ejusdem Domini, & Arundeliæ Comites circumvallarunt. Solaria vero in Ariete deliquia sibi admodum infesta sensit, anno enim CIO DXXXXII, & anno CIO DLXVII, cum Solis in Ariete eclipses vires suas exercerent, incendia passa est gravissima. Post recentiore enim hanc eclipsim, adeo late se fudit incendium, ut ædes plus minus ducentæ in urbe, & suburbiis conflagrarent. Sub hac ad Circium collis est triplici fossa circumdatus, quem *Hen-dinas*, id est, *Vetus Palatium* vocant. Urbem fuisse contendunt vicini, alii tamen sunt qui Pendæ, vel Oswaldi castra existimant. Vix tribus hinc millibus passuum *VWhittington* abest *Fitz-Guarinorum* non ita pridem castrum, qui à Guarino de Metz Lotharingo stemma duxerunt, ille vero hæredem Guilielmi *Peverell* qui *VWhittingtoniam* construxisse fertur, in uxorem accepit, & Fulconem genuit, patrem Fulconis illius *Fitz-Gaurini* celeberrimi, cujus ancipites varique in bellis casus magnam apud majores habuerunt admirationem. Et regnante Henrico Tertio facta erat Fulconi *Fitz-VVarin* licentia firmandi competenter Castrum de *VWhittington*, ut apparet ex Claus. quinto Henrici Tertii. Desiit horum Baronum dignitas tandem in femina, & per *Hancfordum* ad *Bourchieros*, qui nunc ad Bathoniæ Comites seculo superiori transivit. Sub hoc quædam prædia tenuit quidam *Wrenocus* filius *Meurici*, qui pro servitio debuit esse *Latimerus* inter Anglos & Wallos, id est, *Interpres*. Quod adnoto (ex Inquisitione veteri) ut intelligatur, quid sibi velit nomen illud *Latimer*, quod fere nemo cognovit, cum tamen in hoc regno sit celeberrimum. Ad Borealem agri limitem primum *Shenton* sedes claræ familiæ *Needhamorum*, & inde *VWhitechurch* sive *Album Monasterium* cernitur, tumulis aliquot *Talbottorum* clarum, sed præcipue illius Achillis Anglici Ioannis *Talbott* primi Salopiæ ex hac familia Comitris, cujus Epitaphium, ut formam Sepulchralium inscriptionum pro quolibet ævo videat lector, subjungam, licet tanto heroë minime dignum.

ORATE PRO ANIMA PRÆNOBILIS DOMINI, DOMINI IOANNIS TALBOTT, QVONDAM COMITIS SALOPIÆ, DOMINI TALBOTT, DOMINI FVRNIVALL, DOMINI VERDON, DOMINI STRANGE DE BLACK-MERE, ET MARESCALLI FRANCIAE, QVI OBIIT IN BELLO APVD BURDEWS VII IVLII MCCCCLIII.

Hi Talbotti ante multos annos hæreditatem Baronum de Extraneo, sive *Le-Strange* de *Black-mere*
Bbbbb 2 hoc

Vide in Northumbria.

Eclipses in Ariete.

Whittington.

Vita Fulconis Gallice scripta.

Barones Fitz-Warin.

Latimer quid significat.

Whitechurch.

Barones Le-Strange de Black-mere.

hoc in loco, uxorio jure creverunt. Illi enim limitanei erant in hoc agro Domini, ædesque eorum *Black-mere*, à nigro lacu dictæ plusquam semirutæ in proximo visuntur. Ad quos plurimum tum honoris, tum opum accessit ex nuptiis cum filia & altera hærede Ioannis *Giffard de Brimsfeild*, qui antiquæ nobilitatis in agro Glocestrensi fuit, & Matildem unicam filiam Walteri *Clifford* tertii sibi in uxorem acceperat.

Ellesmer.
1205.

Magis ad Occasum *Ellesmer* regiuncula jacet opima & fertilis, quam, ut *Chronologia Cestrensis* habet, Ioannes Rex Angliæ una cum castello *Lewelino* North-walliæ Principi in dotem constituit, quum illi filiam suam notham in matrimonium collocasset. Postea ad familiam *Extraneorum* sive *Le-Strange* devenit. Nunc autem Baronem suum habet Thomam *Egerton*, quem virum egregie prudentem, & integre æquum R. Eliz. Magni Sigilli Custodem sibi delegit, & Rex Iacobus Cancellarium constituendo ad summum togatæ dignitatis fastigium evexit, simulque titulo, & honore Baronis de *Ellesmer* exornavit.

Baro de
Ellesmer.

Comites
Salopiæ.
H. Hun-
tind. in
libello de
vitæ mi-
seriis.

Nunc compendio de Salopiæ Comitibus, *Rogerus de Belesmo*, sive *Montgomery*, primum Salopiæ Comitem instituit Guilielmus Primus, cui & longe maximam hujus regni partem assignavit. Huic successit primum Hugo filius natu maximus sine prole in Wallia occisus, deinde Robertus è filiis alter, vir efferata immanitate in suos

ipsius filios, & obsides, quibus suis manibus & oculos eruit, & testiculos execut; sed tandem læsæ majestatis reus in carcerem perpetuum ab Henrico Primo conditus, pœnas nefariis sceleribus dignas persolvit, & ejus Comitatus in *Adelizæ* reginæ dotem transcriptus. Post multa tandem secula Henricus VI, anno regni sui vicesimo, Ioannem Dominum *Talbott*, quem ad bellicam virtutem & natura peperisse, & voluntas exercuisse videatur, hoc honore amplificavit. Annoque regni sui vicesimo quarto eundem quem *Salopiæ & VVeisfordiæ* Comitem vocat, etiam titulo Comitatus *Waterfordiæ*, Baronia de *Dongaruan*, & *Seneschalfia* Hibernia adauxit. Cum autem ille in prælio ad *Castilionem* in Aquitania cecidisset una cum Ioanne filio minore Vicecomite *L'isle*, postquam quator & viginti annos magnam Galliarum partem victricibus armis peragrasset; Ioannes filius ex filia & una hæredum Thomæ *Nevill* Domini *Furnivall* natus successit, qui *Lancastrensis* familiæ signa sequutus, in prælio ad *Northanton* occubuit. Ab hoc prognatus est Ioannes tertius *Salopiæ* Comes, & Gilbertus, à quo *Talbotti de Grafton* sunt oriundi. Ioanni tertio successit Georgius, Georgio autem Franciscus ejus itidem filius, qui pater erat Georgii *Talbotti* Comitatus *Salopiæ*, viri honoratissimi, & in magnis Reipublicæ negotiis spectatissimi: cujus filius Gilbertus locum à majoribus traditum summo splendore, & summa virtute hodie tuetur.

Sunt in hac Regione paræciæ plus minus 170.



C H E S S H I R E .

283



Comita-
tus Palati-
nus.

Petrus Pi-
thæus in
Campania
deser.
I. Tilius.

Casæi lau-
datissimi.

* Wirrall.

Lucianus
Monachus
de laude
Cestrie.

Quinta & ultima ex illis Pro-
vinciis quas antiquitus tenuerunt CORNAVII, est Comitatus Cestrensis, Saxonice Cestre-rcyne, vulgo Cheshire, & The County Palatine of Chester, (quod ejus Comites jura Palatina habuerint, omnesque incolæ illis solis in Feudo, id est, in fide fuerint) ut illi Regi. Palatinus, ut quod de hoc nomine prius dixi repetam, commune olim erat omnibus qui in Regis Palatio officiisungebantur, atque eo seculo Comes Palatinus titulus erat dignitatis delatus illi qui antea fuit Palatinus, cum auctoritate judicandi in sua regione, ejusque tum primores quos Barones dixerunt, tum vassalli tenebantur Comitis Palatium accedere ad consulendum ipsi, & ipsius aulam cohonestandam.

Hæc regio (ut habet Malmesburiensis) farris, & maxime tritici jejuna, & inops, pecorum & piscium ferax. At contra Ranulphus, Cestrensis, Quicquid Malmesburiensis ad aliorum relatum somniavit, omni genere victualium abundat, farris, carnis, piscis, potissime salmonis optimi copiosa, mercimonia varia recipit, & refundit, quippe in suis confinibus salinas habet, mineras, & metalla. Insuper & ego hoc addam, ea inest virtus pabulis, ut casei gratissimi saporis & laudatissimi magno numero hic premantur, cujusmodi reliqua Anglia non exhibet, etiamsi hinc hujus rei casearum peritissimæ feminæ adhibeantur. Dumque hæc scribo, non possum non obiter mirari quod Strabo olim scripsit suo tempore quosdam Britannorum casei conficiendi esse ignaros, & quod Plinius postea miratus est barbaras gentes quæ lacte vixerunt, ignorare aut spernere tot seculis casei dotem, densantes id alioquin in acorem jucundum & pingue butyrum. Vnde colligatur, rationem casei conficiendi à Romanis devenisse. Vtunque vero soli ubertate pluribus Angliæ regionibus cedit hæc regio, præ cæteris tamen eximia semper fuit nobilitatis alitrix, nec enim alia est in Anglia provincia quæ olim plures nobiles in aciem eduxerit, & plures equestres familias numerarit. Ab Austro agro Salopiensi, ab Ortu Staffordiensi & Derbienti, à Septentrione Lancastrensi, ab Occasu Denbighensi & Flintensi circumscribitur, ad Circium vero * Chersoneso longius in altum abit, quæ inter duos sinus conclusa utrinque insinuante Oceanum admittit, in quos etiam sinus omnia hujus agri flumina conveniunt. In horum Occidentaliorem DEVA, qui à Denbighensibus dirimit, in Orientalem, tum VVeaver, qui mediam regionem intermeat, tum Mersey, qui à Lancastrensisbus secludit. Nec commodiorem hujus describendi video rationem, quam si horum fluminum tractus persequar. Loca enim quæ sunt præcipui nominis his impendent omnia. Verum prius hæc de Comitatu Cestrie præmittam ex Luciano Monacho. Ne quis me subtercere quæ ad laudem incolarum hujus regionis faciant, postea coarguat. Author enim ille rarus, & vixit primis Normannorum temporibus, Si quis autem petit vel in pleno vel in proximo secundum habitationem mo-
Britannia.

rum Provinciales tangere, instar reliquorum viventium pro locis terrarum cæteris Anglis in parte dissimiles, in parte meliores, in parte inveniuntur aquales. Videntur autem in primis, quod est optimum secundum generale specimen morum, convivio communes, cibo alacres, hospitio liberales, iræ faciles, lingua labiles, subjectionis ac servitutis impatientes, afflictis clementes, pauperibus compassibiles, cognatum sanguinem foventes, labori parcentes, felle dupliciter immunes, edacitate nil graves, molimina nescientes, per usurpationem sepe licentiam aliena mutuantes, sylvis ac pascuis abundantes, carne ac pecore divites, Britonibus ex uno latere confines & per longam transfusionem morum maxima parte consimiles. Illud etiam intueudum, qualiter Cestria Provincia Limæ nemoris limite lateraliter clausa à cæteris Anglis privilegii distinctione sit libera & per Indulgentias regum atque excellentias Comitum magis in cætu populi gladium Principis, quam coronam regum consuevit attendere, & in suis finibus etiam maximas negotiorum discussiones licenter ac libere explicare. Cestria igitur ipsa Hiernis receptoria, Britannis vicina, Anglorum subministrantium annona repleta: situ eleganti, portarum positione antiqua, duris experimentis exercitata: amne pariter & oculis secundum nomen suum, civitatis vocabulo digna, sacrorum vigili cincta custodia, & per misericordiam Salvatoris divinitatis semper auxilio communita.

DEVA Anglice Dee, Britannice Dyffyr-dwy, id est, aqua Dwy, salmonibus admodum ferax è duobus in Wallia fontibus enascitur, & inde denominatum credunt. Dwy enim Duo illorum idiomate denotat. Alii vero vim etiam verbi sequentes aquam nigram, alii Dei aquam, & divinam interpretantur. Quamvis autem fontem diis sacrum Divonam antiqua Gallorum lingua, quæ eadem erat cum Britannica, Aufonius dixerit, & omnes fluvios Διωνίης, & divinos judicavit antiquitas, Britannique nostri divinos honores fluminibus derulerint (ut est apud Gildam) unde tamen huic nostro Dwy præ aliis divinitatem tribuerint non video. Thessali, ut legimus, Pæneum amnem ob amœnitatem, Istrum Scythæ ob amplitudinem, Rhenum Germani, quod conjugalis fidei iudex haberetur, honore divino affecerunt; verum nihil video, ut dixi, cur huic flumini nomen divinum indiderint, nisi forte quod alveum subinde mutavit, & certo victoriam accolis demonstravit, cum invicem infesti essent, prout his vel illis, relicto alveo, magis incubuit. Hoc enim prodidit qui quodammodo credidit Giraldus Cambrensis. Vel quod observavit, pluvis contra quam flumina solent, parum incrementum, & quoties crebriori verberatur Austro, vicinis agris effusius innatare. Christianis etiam Britannis sancta hujus fortasse aqua videbatur. Scribitur enim quod cum in procinctu contra Saxones starent terram osculantes, ex hoc in memoriam sacratissimi Christi sanguinis devotissime bibisse. Cæterum DEVA, qui è Wallia potius ruere quam fluere videtur, cum Cestrenses attigerit, lentior BONIVM interluit, quod nonnullis Antonini exemplaribus BOVIVM dicitur, quæ urbs eo sæculo fuerat insignis, postea monasterium præclarum, à cujus choro Bonchor & Banchor Britannis, Anglis Bancorna-býrige, & Banchor vocabatur,
Ccccc

Flumina
sacra.

Bonium.

Banchor.

Pelagius
Hæc fia-
cha.



tur, alumnusque habuit (ut aliqui scribunt) inter multos optimos viros, hæresiarcham illum pessimum Pelagium, qui in gratiam Dei iniquissimus pestifera doctrina Occidentalem Ecclesiam diu exercuit. Vnde Prospero Aquitano Coluber Britannus illo versu dicitur,

Pestifero vomuit coluber sermone Britannus.

Nec alio nomine hujus memini, quam quod vitia & venena nosse interfuit omnium. In hoc monasterio (ut inquit Beda) tantus fuit monachorum numerus, cum in septem portiones, cum propositis sibi rectoribus divisum esset; nulla harum minus quam trecentos homines haberet, qui omnes de labore manum suarum vivere solebant. Quorum mille ducentos Edilfredus Rex Nordanhumbrius à medio sustulit, quod piis precibus Christi opem pro Britannis Christianis contra Paganos Anglo-Saxones implorassent. Monastica vitæ institutum (ut paululum digrediar) incœpit, cum persecutiones crebræ detonerent, tunc enim viri boni, ut securius Deo vacarent, in vastas Ægypti solitudines se subduxerunt, non ut pagani clamitarunt, ut miseris se sponte involverent, ne miseri essent. Vbi per montes, & saltus in speluncis & cellulis sparsim primum habitarent solitarii, unde Græce Monachi dicti, postea tamen consultum videbatur, ut in iisdem ædibus (sicut humanitatis ferebat ratio) habitarent, potius quam ut feræ in eremis delitescerent: illorumque erat ut orarent, & labore manuum victum sibi, aliisque egenis pararent, & paupertatis, obedientiæ, & castitatis votis obstringerentur. Hunc Monachismum in Occiduum Ecclesiam primus intulit Athanasius, quem postquam cum clericatu in Africa S. Augustinus, in Gallia S. Martinus, & in Britannia & Hibernia ut fertur, Congellus conjunxissent: incredibile est quam longe lateque fuerit propagatus, quot & quanta illis extructa cœnobîa, quæ à communione vitæ sic dicta, ut etiam Monasteria, quod solitudinis speciem aliquam retinuerint, nihilque tunc temporis sacratius habebatur; cum non tantum sibi, sed universo generi humano precibus suis apud Deum, exemplo, doctrina, labore, & industria plurimum prodesse. Verum rebus in deteriora divergentibus sancti illi mores, ut inquit ille, rebus cessere secundis. Iam se recipiat oratio.

Post hæc tempora omnino concidit hoc Monasterium, Guilielmi enim Malmesburiensis ætate, qui statim à Normannorum ingressu vixit, Tot (ut inquit ipse) hic superfuerant antiquitatis indicia, tot semirutæ parietes Ecclesiarum, tot anfractus portarum, tanta turba ruderum, quantum vix alibi cernas. Nunc vero intermortuæ urbis, vel Monasterii vix facies remanet, duarumque portarum nomina, Port Haghan, & Port Cleis, quæ mille passus disjunctæ sunt, remanent, inter quas Romanorum numismata sæpius reperiuntur. Sed ut hoc moneam, non hujus agri censetur BONIVM, sed Flintensis, cujus portio quasi à reliqua divulsa inter Cestrenses & Salopenses hic interjacet.

Deva vero ubi hunc Comitatum subintrat, Malpas five Malo-passum in edito colle non procul à ripa suspicit, quod suum castrum habuit, & ob malam, arctam, præruptam, & impeditam viam, quæ Mala platea dicta, hoc recentius nomen à Normannis accepit, cum olim eadem fere signi-

ficatione Depenbache Anglis diceretur. Hujus Baroniam dedit Hugo Comes Cestrensis Roberto filio Hugonis, regnante Henrico Secundo Guilielmus Patricius filius Guilielmi Patricii eandem tenuit, è cujus posteris Robertus Patric proscriptus eadem excidit. Paucis elapsis annis David de Malopassu adeptus est per Breve recognitionis medietatem ejusdem villæ quæ fuit Gilberti Clerici. Baroniam autem hujus magna pars postea hæreditario ad Suttones illos qui Barones de Dudley, pars etiam ad Vrianum de S. Petro, vulgo Sampier, devenit. A Philippo autem juniore filio D. de Malopassu genus ducit clarissima equestris familia Egertonorum, qui hoc nomen à loco habitationis desumserunt, uti etiam ab aliis ex hac stirpe illi qui de Cotgrave, Overton, Codington, Golborn, nomina sumplerunt. De nomine hujus loci antequam discedam, liceat in hoc serio & gravi opere hunc ex Giraldo Cambrensi interponere jocum, Contigit nostris, inquit, diebus, Iudæo quodam cum Archidiacono loci hujus cui cognomen Peché, id est, Peccatum, & Decano cui nomen Deuill, id est, Diabolus, versus Slopesburiam iter agente, cum Archidiacono forte referente audiret, Archidiaconatum suum à loco qui Ill-streat, id est, Mala platea dicitur, incipere, & usque ad Malum passum, id est, Mal-pas versus Cestriam durare: considerans & intelligens quoque tam Archidiaconi cognomen, quam & Decani agnomen, lepide satis & facete subjecit: Mirum, inquit, si ab hac unquam patria me mea fors reducat incolumem, cujus quippe Peccatum est Archidiaconus, Diabolus Decanus, Archidiaconatus vero Mala platea sit introitus, & Malus passus exitus.

Hinc devolvitur Deva per Shoclach, ubi quondam fuit castrum, Aldford, olim Ardernorum, Pouleford, ubi suum castrum habuit regnante Henrico Tertio Radulphus de Ormesby, & Eaton, sedem celebris familiæ Grosvenour, id est, Grandis venator, cujus posteris nunc corrupte Gravenor dicuntur.

Paulo superius ad idem flumen prope æstuarium, quod SETEIA pro Deia, Ptolemæo dicitur, urbs clara sedet, quam Ptolemæus ille DEVNANAM, Antoninus DEVAM à flumine, Britanni Caer-Legion, Caer-Leon Vaur, Caer-Leon ar Dufyr Dwy, & Caer per excellentiam, ut majores nostri Legea-cerces dixerunt, à castris legionis, & nos contraetius West-Chester ab Occidentali situ, & Chester, juxta versiculum,

Cestria de castris nomen quasi Castria sumpsit.

Nomina enim hæc proculdubio à Legione Vicefima Victrice sunt deducta. Hæc enim Galba Imperatore iterum, & Tito Vinio Coss. in Britanniam transmissa fuit, quæ cum nimia & formidolosa legatis tam Consularibus, quam Prætoris extitisset, Iulium Agricola à Vespasiano præfectum habuit, & tandem sedem hac in urbe accepit, quam nec multos ante annos constructam, & ORDOVICVM cervicibus impositam opinor: quamvis non desint qui vel ipsa Luna hanc vetustiore esse contendunt, à Leone nempe Vaur Gigante infinitis ante sæculis positam. Sed plebeios hos antiquarios vel ipsum nomen ab errore tam crasso averteret. Leon Vaur enim Legionem magnam Britannis sonare diffiteri non possunt, utrum vero æquius melius fuerit urbem à Legione magna, vel à Leone Gigante denominari viderint docti; cum in Hispania Tar-

Ex rotulo
Domesday
Comita-
tus Cestriæ,
Barones
de Malpas.

Egertoni.

Itiner.
lib. 2.
cap. 13.

Shoclach.

Grosvenour.

Deunana.
Deva.

Chester.

Vita Monastica.

Rutilius Claudius in Itinerario.

Banchor, de quo S. Bernardus agit in vita Malachie, fuit in Hibernia.

Bonium ad Flintenses spectat.

Malpas.

Chester
Colonia
Romanorum.

The Ro-
wes.

Circiter
an. 960.

Ecclesiæ
restaura-
tæ.
Glaber
Rodol-
phus.

raconensi à Legione VII Germanica regnum nunc Leon dicatur, & Legionem XX, quam Britannicam, Valentem Victricem, atque Valeriam Victricem alii falso dicunt, hac in urbe egisse Ptolemæus, Antoninus, & Septimii Getæ nummus antiquus comprobent, è quo hanc etiam Coloniam fuisse constat: inscribitur enim in parte averfa COL. DIVANA LEG. XX VICTRIX. Romanæ autem magnificentiae argumenta nunc supersunt paucula præter pavimenta tessellata, superiori ætate plurima exhibuit, quod suis verbis Ranulphus hujus urbis monachus è suo Polychronico tibi dicet, *Via sunt hic subterranea lapideo opere mirabiliter testudineata, triclinia concamerata, insculpti lapides prægrandes antiquorum nomina præferentes, hic & numismata Iulii Caesaris, aliorumque illustrium inscriptione insignita quandoque sunt effossa.* & Rogerus Cestrensis in Policratice, *Intuenti fundamenta lapidum in viis enormium videretur potius Romano, sive giganteo labore quam Britannico sudore fundata.* Urbs hæc quadrata forma, mœnibus, quæ duo plus mill. pass. ambitu colligunt, includitur; XI parochiales Ecclesias numerat, castrum eminet prope flumen à Comitibus constructum, ubi fora Palatinatus, & *Afise*, (quas vocant) bis quotannis habentur. Edificia sunt nitida, & projectis mœnibus porticus utrinque per primarias plateas ducunt. Sed rebus secundis non perpetuo tenore usa est, primum ab Egfrido Nordanhumbrio, inde à Danis excisa, restaurata tamen ab Ædelfleda Merciorum Domina, statimque Eadgarum Regem de Britannicis principibus pompa magnifica triumphantem vidit. Ipsum enim triumphali navicula ad proram sedentem Kinnadius Rex Scotorum, Malcolinus Cimbrorum, Maconus Manniæ & Insularum, omnesque Walliæ principes in fidem adacti, quasi remiges remis incumbentes per *Devam* fluvium læto spectaculo duxerunt. Insequente tempore, circa annum reparationis Salutis CIO LXXXVIII, cum pia æmulatione, ut inquit ille, *Ecclesiarum basilica decentiore forma exurgerent, & orbis Christianus quasi excutiendo semet, rejecta vetustate passim candidam Ecclesiarum vestem indueret,* Ecclesiam quam Leofricus Comes in honorem Werburgæ virginis posuerat, Hugo primus è Normannico genere Cestriæ Comes restauravit, & auctore Anselmo, quem è Normannia evocarat, monachis concessit. Nunc vero Henrici III Germaniæ Imper. sepultura, quem abdicato imperio heremiticam hic vitam duxisse ajunt, & Episcopali sede celeberrimum. Quam statim à Normannica victoria Lichfeldensis Episc. Petrus à Lichfeldia huc transtulit, sed ea ad *Conventriam*, & postea ad sedem suam pristinam reducta, *Deva* diu hac dignitate viduata jacuit, donec patrum memoria Henr. VIII exturbatis monachis Præbendarios instituerit, & denuo Episcopum restituerit, cui hunc agrum, Lancastrensem, Richmondiam &c. subjecit, & in jurisdictione Archiepiscopi Eboracensis esse iussit. Verum ad vetustiora gradum referamus. Cum jam templum conditum esset, Normannici Comites mœnia, & castra adjecerunt. *Vti enim Episcopus tenuit de Rege quod ad suum pertinet Episcopatum* (sic enim legitur in libro, quo Angliam censuit Guilielmus Magnus) *ita totam reliquam civitatis partem Comites cum suis hominibus de Rege tenuerunt.* *Geldabat autem pro L bidis, erant domus CCCCXXXI, quæ geldabant, Monetarii autem septem. Quando Rex ipse ibi veniebat reddebat ei unaquaque Carrucata CC Hesthas, & unam cumam plenam cervisia, & unam butyri ruscam.* Et ibidem, *Ad murum civitatis & pontem readificandum de unaquaque hida Comitatus unum hominem venire præpositus edicebat. Cujus homo non veniens Dominus ejus XL solidos emendabat Regi & Comiti.* Si velitationes inter Wallos & Anglos primis Normannorum temporibus, incurfiones, excursiones, suburbii de *Hanbrid*, ultra pontem iterata incendia, unde *Treboeth Wallis*, id est, *Oppidum incensum* dicitur, & murum è Wallorum craniis longe ibi ductum sigillatim persequeretur, mei oblitus in Historicorum messem falcem immittere viderer. Iam inde vero inprimis floruit *Cestria*, Comitatumque per se incorporatum Rex Henricus VII instituit. Nec quicquid abest, quod in florentissima civitate desideretur, nisi quod Oceanus molendinis quibusdam in *Deva* alveo quasi succensens se sensim subduxerit, nec civibus, ut pridem, portus opportunitatem præbeat. Longitudinem gradibus XX, scrup. XXIII, Latitudinem gradibus LIII, scrup. XI, definitam habet. Si plura de hac urbe desideres hæc habe ex Luciano illo Monacho qui ante annos fere quingentos vixit, *Primo videndum quod Cestria, quæ edificatur ut civitas, cujus positio invitat aspectum, quæ in Occiduis Britanniae posita legionibus ex longinquo venientibus receptoria quondam ad repausandum fuit: & Romanis ut servent limitem imperii, claves, ut ita dixerim, Hibernorum custodire suffecit; nam contra aquilonare cornu Hiberniæ opposita non tam crebro quam continue ob causas meantium & commoda mercium diversarum, velis aptatis viam aperit cursibus navium atque nautarum. Dumque in Orientem protendit intuitum, non solum Romanam ante se cathedram & imperium, verum & orbem prospicere universum: ut tanquam spectaculum proposita sit obrutibus oculorum. Fortia facta, series longissima rerum, & quicquid in orbe, quibusque personis, locis, temporibus bene gestum etiam cognoscantur, quod male actum etiam caveatur. Quæ à ventis quatuor portas quatuor habens ab Oriente prospectat Indiam, ab Occidente Hiberniam, ab Aquilone majorem Norveiciam, à Meridie eam quam divina severitas ob civiles & naturales discordias Britannis reliquit angularem angustiam. Quæ olim disidiis & odiis amaris Britanniam in Angliam mutare, & quibus adhuc moribus fulgeant qui vicinantur eis cum lachrymis legunt. Habet præterea nostra Cestria ex Dei munere ditantem atque exornantem anmem, secus urbis muros pulchrum atque piscosum & à Meridiano latere receptorium navium ab Aquitania, Hispania, Hibernia, Germania venientium, quæ (remige Christo) per laborem & prudentiam mercatorum bonis pluribus reparant & rescium urbis sinum, ut modis omnibus consolati per gratiam Dei nostri etiam frequenter, uberius & profusius bibamus vinum: quoniam illa regionum loca gaudent proventibus vinearum. Præterea reumate quotidiano non cessat eam revifere maris patentissima plenitudo, quæ apertis & opertis latissimis arenarum campis indesinenter grate vel ingratis aliquid mittere vel mutare consuevit, & suo accessu vel recessu afferre quippiam vel auferre.*

Ab urbe in Circium procurrat laxior Cheroneffus hinc Deio æstuario, illinc Merseio conclusa, nos *Virall*, Britanni, quod angulus sit, *Kill-gury* vocant: olim tota saltuosa & inculta fuit, ut perhibent incolæ, sed Defforestavit Edwardus Tertius.

Wirall.

tius. Nunc vero oppidis undique confita, salo tamen quam solo felicius habetur, hoc enim frugibus est minus benignum, illud piscibus imprimis fecundum. Hujus ingressu ad Austrum *Shotwick* castrum Regium æstuario incumbit, ad Boream est *Hooton*, Manerium quod tempore *Richardi Secundi* ad *Stanleios* devenit, qui à quodam Alano *Sylvestre* genus repetunt, cui *Ranulphus* ejus nominis primus Cestriæ Comes *Ballivam Forrestæ de VVirall* cornu tradito contulit. Huic contiguum est *Poole*, unde loci Domini qui diu dignitate floruerunt, nomen assumpserunt, & in proximo *Stanlaw*, id est, ut interpretantur religiosi ejusdem loci, *Saxeus collis*, ubi monasterium posuit *Ioannes Lacy* Constabularius Cestriæ, quod postea propter inundationes translatum ad *VVhaley* in Comitatu Lancastrensi. In extremitate autem hujus *Chersonessi*, insula modica, jejuna, & arenosa, *Il-bre* vocant, adjacet; quæ suam olim Monachorum cellulam habuit. Interius ad Ortum ab hac *Chersonesso* saltus objacet celebris, *The Forrest of Delamere* cujus hæreditarii *Forrestarii* sunt *Darvni de Vvinton*, præclaro genere prognati, utique à *Ranulpho de Kingleigh*, cui *Ranulphus* primus Cestriæ Comes illam *Forrestariam* hæreditario jure tenendam donavit. In hoc suam urbem *Eadepburg*, id est, si interpreteris, *Felix oppidum*, posuit *Ædelfleda* Mercia, quæ exoletum jam nomine, rudetum effectum, *The chamber in the forrest* vocatur, & ad unum & alterum hinc milliæ alterius oppidi *Finborow* ab eadem extructi parietinæ visuntur.

Per superiorem hujus saltus partem *VVevers* fluvius defertur, qui è lacu effunditur in Australi parte Comitatus, ad *Ridly*, claræ & vetustæ familiæ *Egertonorum* ædes, qui à Baronibus de *Malpas*, ut dixi, prognati, non procul à *Bunbury*, ubi collegium extruxerunt, & à *Beeston* castro, magno mœnium ambitu, crebris turribus, monte, præcipitioque defenso, quod ultimus *Ranulphus* Cestriæ Comes construxit. De quo *Lelandus* noster:

*Affyrus rediens victor Ranulphus ab orbe,
Hoc posuit Castrum terrorem gentibus olim
Vicinis, patriæque sua memorabile vallum.
Nunc licet indignas patiatur fracta ruinas,
Tempus erit quando rursus caput exeret altum,
Vatibus antiquis si fas mihi credere vati.*

Hinc *VVevers* primo Austrum petit haud procul à *VWoodhay*, ubi celebris illa equestris familia de *VWilburham* magno splendore diu incoluit, per *Bulkeley* & *Cholmondley*, quæ clarissimis Equitum familiis nomina impertierunt, nec longe hinc à *Baddely* habitatione olim antiquæ familiæ de *Praeris*, illinc à *Cumbermer*, ubi monasterium posuit *Guiliel. Malbedeng*. Vbi hic fluvius Australem agri limitem attingit inter ericeta & jacentia loca, in quibus, uti etiam alibi, arbores ab inundato mundo, ut credunt, defossas sæpe eruunt. Postea fertiles irrigans agros fluviolum ab Ortu admittit, ad quem *VVibbenbury*, à *Wibba* Merciorum Rege ita dicta. Cui adjacent *Hatherton* sedes olim *Orbeiorum*, deinde *Corbettorum*, nunc vero *Th. Smith* filii *Laurentii Smith* Equitis aurati, *Dodinton* *Delvesiorum*, *Batherton* *Griphiorum*, *Shavinton* *Wodenothorum* (qui ex nomine genus ab Anglo-Saxonibus traxisse videantur) & aliarum insignium

familiarum, quibus hic Comitatus ubique abundat. Inde *VVevers* per *Nantwich*, non procul à *Midlewich*, ad *Norwich* decurrit. Hæ sunt salinæ nobiles, quinque vel sex mill. pass. invicem distantes, ubi è puteis muria, five aquæ salis hauriuntur, quas non lignis ardentibus infundunt, ut veteres Galli & Germani solebant: sed subiecto igne decoquunt, ut sal conficiatur. Nec addubito, quin hæ Romanis cognitæ fuerint, & quod Salarium vectigal hinc pensitatum. A *Midlewich* enim ad *Northwich* via nobilis duxit, quæ è glarea in eam altitudinemeducta fuerat, ut Romanorum opus facile agnoscas, cum glarea tota hac regione sit admodum rara, & inde ad privatorum ædificia hodie devehatur. Scribit *Matth Parisiensis*, *Henricum Tertium* has Salinas obstruxisse, cum hunc agrum hostilem in modum devastasset, ne inde tumultuantibus ea tempestate Wallis commeatu suppeditaretur. Sed cum placidi pacis radii illucere, denuo apertæ fuerunt. *Nantwich*, quod primum *VVevers* fluvius invisit, maximum hujus Comitatus & structura elegantissimum censetur oppidum, *Britannis Hellath VVen*, id est, *Salina candida*, quod candidissimus sal ibi coquitur, Latinis *Vicus Malbanus*, fortasse à *Guilielmo*, qui *Malbedeng*, & *Malbanc* dictus, cui in *Normannica* Angliæ expugnatione obtigit. Vnicam habet Salinam (*Brine pit* vocant) quatuordecim plus minus pedes à flumine, è qua aquam salinam in domos per alveos ligneos subvehunt, in quibus doliola sunt terra defixa, quæ illa aqua complent, & signo campana dato cacabis plumbeis, quarum sex sunt singulis domibus, ignem subjiciunt, aquam coquunt, & mulierculæ (*VVallres* vocant) rastellis ligneis è fundo salem educunt, & corbis imponunt, è quibus liquor defluit, & sal subsidet. Ecclesia, quam habet unicum, perpulchra est, & spectavit, ut accepi, ad monasterium de *Cumbermer*. Hinc *VVevers* cursu satis obliquo tendens ab Ortu fluviolo augetur, qui à *Crew*, quod celebris eodem cognomine familia olim incoluit, delabatur. Longiusque ab Occidentali ripa cernitur *Calveley*, quæ sedem & nomen præbuit nobili *Calveliorum* familiæ, è qua regnante *Richardo Secundo* *Hugo de Calvely* Miles, arte militari ita in Gallia inclaruit, ut vividæ ejus virtuti nihil fuerit impervium. Inde per *Minshull*, *Minshullorum* domum, & per *Vallem Regalem* monasterium ab *Edwardo Primo* amœnissima valle locatum, ubi nunc incolit clara familia *Holcroftorum*, *VVevers* iter accelerat ad *Northwich*, quod *Britannice Hellath Du*, id est, *Salina nigra* vocatur, ubi etiam fons salis est uberrimus, & profundus, gradibus circumpositis, per quos qui aquam utribus pelliceis extrahunt, seminudi ad alveos five canales ascendunt, & infundunt, quibus in ædes Salinarias defertur, juxta quas plurimæ sunt lignorum strues. Hic *VVevers* confluentem *Danum* in se admittit, cujus ductum jam sequamur.

Dan vel *Daven* è montibus qui ad Ortum *Staffordienfes* & *Cestrenfes* interdividunt effluens, solitarius fertur ad *CONDAT* ab *Antonino* memoratum, nunc corrupte *Congleton* dictum, cujus medium *Howty* rivulus, ab Ortu *Daningschow*, & à Septentrione ipse *Danus* irrigant. Licet vero

Lau quid.
1173.

Il-bre.

Finborow.

Ridly.

Beeston.

Woodhay.
Bulkeley.

1134.
Arbores
subterra-
neæ.
Salinæ.

Nantwich.

Calvely.

Vale royall.

North-
wich.

Lib. 2
de Falc
no.

Angeli.

Diaboli.

Midle-
wich.

Bostok.

vero hoc sua amplitudine & frequentia Prætorum & sex Senatores habere meruit, capellam tamen solum habet, eamque ligneam, præter chorum & turriculam, quæ Astburiensem Ecclesiam ad unum & alterum milliare distantem matrem agnoscit. Hæc enim perpulchra est, cujus porticus Occidentalis ipsam Ecclesiam, quæ sane alta, sua altitudine adæquat, & pyramidem adjunctam habet. In cœmeterio duæ jacent sepulchrales Militum effigies, in quorum scutis sunt duæ directæ areolæ sive *Barræ*. Verum cum coloribus suis destituantur non facile quis dixerit fuerintne ex *Breretonis*, *Manswaringis*, vel de *Venables*, quæ clarissima sunt in vicinia familiæ, & ejusmodi *Baras* variantibus coloribus gentilitiis in clypeis gestant.

Deinde *Davenport* vulgo *Danport* accedit, quod in suum nomen insignem familiam de *Davenport* adoptavit, & *Holmes Chapell*, itinerantibus notum, ubi pontem construxit avorum memoria *I. Needham*. Iuxta quod ad *Rudbeath* perfugium olim erat & quasi asylum cum incolis hujus agri tum peregrinis, qui in leges peccarant, ut ibi annum & diem secure agerent. Inde *Kinderton* subluvit antiquam sedem antiquæ prosapiæ de *Venables*, qui ab ipso primo Normannorum adventu hic claruerunt & vulgo Barones de *Kinderton* appellantur. Sub hoc ad Austrum etiam in Danum *Croco* fluvius influit, qui è lacu *Bagmere* effusus præterfluit *Brereton*, quod ut nomen fecit claræ, antiquæ & numerosæ *Breretonorum* equestri familiæ, ita *Guil. Brereton* eques auratus magnificis ædificiis loco plurimum splendoris nuper adjecit. Mirum est, quod plurimorum tamen fide contestatum audiui, & vulgo creditum: priusquam aliquis hæres hujus *Breretonorum* familiæ diem clausierit extremum, arborum, trunci in lacu adjuncto per aliquot dies innatare cernuntur. Cujusmodi *Leonardus Vairus* refert ex fide *Cardinalis Granvelani*, scilicet prope Monasterium *S. Mauricii* in *Burgundia* esse vivarium, in quo juxta numerum monachorum pisces ponuntur, illorum si quis ægrotet, pisciculus quoque semivivus cernitur supernatare, quod si monachus è vita migraturus est, paucis ante diebus piscis moritur. De his, si modo vera sint, nihil habeo quod dicam (nec enim sum ego *Teratoscopus*) sed hæc & hujusmodi vel Angeli sancti custodes nostrorum corporum, vel Diaboli, qui Dei permisso potenter in hoc mundo inferiore potentiam suam exerunt, conficiunt. Illi cum utrique sint naturæ intelligentes, certo deliberatoque consilio & fine, non temere nova moliuntur: Salutem & incolumitatem quærunt ac spectant generis humani Angeli, perniciem contra aut excruciationem, vel ludificationem Diaboli. Sed hæc præter propositum.

Croco prætervectus *Brereton* paulo post *Midlewich* invisit, prope confluentes cum *Dano*, ubi duo sunt falsi fontes exili fluvio discreti, *Sheathes* illi vocant, quorum alter nisi statis temporibus non pareret, quia libenter ejus aquam ut majoris efficaciam suffurantur. Hinc fertur *Danus* ad *Bostocke* olim *Botestoc*, vetustam sedem claræ & equestris familiæ *Bostokiorum*, quæ per nuptias *Annæ* unicæ filiæ *Radulphi* filii & hæredis *Adami* de *Bostok* Equitis

aurati ad *Iohannem Savage* cum amplissimo patrimonio demigravit. Ex antiqua hac *Bostokorum* familia tanquam ex stirpe numerosa ejusdem nominis progenies in Comitatibus *Cestriæ*, *Salopiæ*, *Bercheriæ*, & alibi orta est. Cum jam *Danus* sub *Northwich*, de qua dixi, cum *Wevero* aquas consociaverit, in Occasum recta prolabitur *Wever*, *Peverumque* recipit ab *Ortu*, qui præterfluit, & nomen facit *Pevero*, ubi habet sedem vetusta illa nobilis familia de *Meinilwarin* vulgo *Manswaring*, è qua *Radulphus* duxit filiam *Hugonis Kevelioc* Comitum *Cestriæ*, ut constat ex charta antiqua penes *Ranulphum* ejusdem familiæ nunc hæredem. Cursum inde agit *Weverus* per *Winington*, quod sedem & nomen claræ & antiquæ *Winingtonorum* familiæ dedit, nec procul à *Merbury*, quæ à stagno subjecto sic dicta itidem celebri illi familiæ de *Merbury* nomen contulit. Hinc pergit fluvius juxta *Dutton*, hæredium insignis familiæ *Duttonorum*, qui ab *Hudardo* quodam *Cestrensi* Comitum affine genus deducunt, & quorum magna est autoritas veteri instituto in omnes tibicinas, fidicinas, & citharædos hujus provinciæ, ex quo *R. Dutton* adolescens animo, & manu promptus collecta id genus hominum tumultuaria manu *Ranulp.* ultimum *Cestriæ* Comitem *Wallicis* hostibus circumfusus obsidionis periculo fortiter liberasset. Nec tacendum est *Nether V Whitley* hoc in tractu, unde prodierunt *Tuschetti* sive *Towchetti*, qui Barones *Audley* de *Healye*. Iam *Weverus* ille interlabens inter *Frodesham* antiquioris notæ Castrum, & *Clifton*, nunc *Rock-Savage*, *Savagiorum* recens extructas ædes, qui hic per nuptias opimos proventus consequuti sunt, demum *Merses* æstuarium subintrat. Hoc vero sic nominatur à *Merses* flumine, quod *Cestrenses* & *Lancastrenses* interluens ibi tandem exoneratur, cum inter alia minus nota oppidula *Stockport*, quæ Baronem suum olim habuit, alluerit; & *Bollin* fl. admiserit ex ampla illa Foresta de *Maclesfeld*. Huic quod Forestæ illi nomen fecit imponitur *Maclesfeld*, ubi collegium construxit *T. Savage* primum Episcopus *Londinensis*, & postea *Eboracensis* Archiepiscopus, in quo nonnulli ex inclyta illa *Savagiorum* stirpe contumulantur, & *Dunham*, quod ab *Hamone* de *Masey*, per *Fittones*, & *Venables* ad claram familiam de *Booth* hæreditario descendit. Inde *Merses* *Thellwall* accedit cum non longe reliquerit *Knotsford*, id est, *Canuti Vadum*, quod duplex est, superius & inferius; & *Lee*, unde ejusdem cognominis ut generosa & eximia, ita numerosa propagata est familia. *Thellwall* autem nunc viculus est obscurus, olim urbs satis magna ab *Edwardo Seniore* constructa, & sic dicta, teste *Florilego*, ab arborum truncis, ramis accisis, & in terram defixis, quibus murum circumduxit. Saxones enim truncos *Dell*, & murum *Wall*, sua lingua nominarunt. Et ad ipsum fluminis ostium *Runchorne* sedet eodem sæculo ab *Edelfleda* conditum, & eodem fato nunc in pauculas casas redactum. *Edelfleda* illa, ut semel dicam, cujus sæpe memini, Regis *Edwardi Senioris* soror, & *Ethelredi Merciorum* subreguli uxor, *Mercii* (defuncto marito) difficillimis temporibus magna laude octo annos præfuit, de qua in *Henrici Huntingdonensis* historia hæc *Encomiastica* carmina leguntur,

D d d d d 2 O Elflæda

Lib. 2
de Falsi-
no.

Angeli.

Diaboli.

Midle-
wich.

Bostok.

Dutton.

Chroni-
con Wal-
liæ.

Thow-
chett.

Rock-Sa-
vage.

Macles-
feld.

Thellwall.

Runkhor-
ne.
Elflæda,
five Ethel-
flæda.

*O Elſeda potens, ô terror virgo virorum,
Victrix natura, nomine digna viri.
Te quo ſplendidior fieres natura puellam,
Te probitas fecit nomen habere viri.
Te mutare decet, ſed ſolam, nomina ſexus,
Tu regina potens, Rexque trophæa parans,
Iam nec Cæſarei tantum meruere triumphî,
Cæſare ſplendidior virgo virago, Vale.*

Sub Runckborne paulo interius cernitur *Haulton* oppidum cum ſuo caſtro, quod Nigello cuidam Normanno donavit Hugo Lupus Comes Ceſtriæ, ea lege, ut eſſet Ceſtriæ Conſtabularius, per cujus poſteros temporum viciffitudine ad familiam Lancaſtrenſem devenit. Nec tacendum, quod Guil. filius Nigelli illius monaſterium ad *Norton* adjunctum fundavit, quod nunc ad *Brokos* ex antiqua ſtirpe ſpectat. CANGOS veteres Britannia populos diu multumque quæſitos an hoc in agro collocarem, diu multumque ſubdu- bitavi. Ita enim ſuis velis obtendit vetuſtas, ut nullis hæte- nus veſtigiiſ indagari potuerint. Quamvis autem ſlos ille hominum politiorum Iuſtus Lipſius me hic iudicem capit, ego ingenue fateor, nihil habeo quod iudicem, & malim illam iudicandi provinciam cuiſvis rogare, quam mihi aſſu- mere. Nihilominus ſi C E A N G I, & C A N G I iidem fuerint, & quid ni? ſatis probabile fit, eos hoc in tractu in- fediffe. Dum enim hæc recognovi, à fide dignis accepi vi- ginti maſſas plumbeas hic in ipſo littore erutas fuiſſe, forma oblongiori ſed quadrata, in quarum ſuperiori parte, in con- cavo hæc legitur inſcriptio:

IMP. DOMIT. AVG. GER. DE
CEANG.

In aliis vero,

IMP. VESP. VII. T. IMP. V.
COSS.

Anno
Chriſti
78.

Anno
Chriſti 51.

Concan-
gii.

Comites
Ceſtriæ.

Barones
Comitis
Ceſtriæ.

Quod monumentum videatur erectum fuiſſe ob victo- riam in Cangos. Huc etiam facit ipſe ſitus ad mare Hiber- nicum, ſcribit enim Annalium xxi Tacitus, Imperante Nerone ab Oſtorio ductus in Cangos exercitus, vaſtati agri, præda paſſim acta, non auſis aciem hoſtibus, vel ſi ex occulto carpere agmen tentarent, punito dolo. Iam ventum haud pro- cul mari quod Hiberniam ſpectat, cum orta apud Brigantes di- ſcordia retraxere ducem. Sed ex ſuperiori inſcriptione ante Domitiani tempora non ſubjugati videantur, & ex temporum ſane ratione, cum Proprætor in Britannia eſſet bellicoſiſſimus ille Iulius Agricola. Ptolemæus etiam K A R K A N O N promontorium hoc in littore collocavit. Nec ego alibi quæſere auſim quam in hoc tractu ſtationem illam C O N G A N I O S, ubi ſeneſcente Romano impe- rio, numerus vigilum cum ſuo Præfecto ſub Britanniarum Duce, vigilas egit. Sed ſuum cuique per me liberum eſto iudicium.

Quod ad Comites ſpectat, Saxonibus omiſſis, qui tan- tum Comites officiales, non hæreditarii erant, Guilielmus primus Hugonem cognomine *Lupum* Vicecomitis Abrin- cenſis in Normannia filium, primum hæreditarium, & Pa- latinum Ceſtriæ Comitem creavit, totumque hunc Comita- tum tenendum ſibi, & hæredibus ita libere ad gladium: ſicut ipſe Rex tenebat Angliam ad coronam, dedit, (hæc enim ſunt verba donationis) qui ſtatim ſibi Barones ſubſtituit, Nigel- lum Baronem de *Haulton*, cujus poſteri Lacciorum nomen, eo quod *Lacciorum* hæreditas illis obtigerat, acceperunt, Comiteſque fuerunt Lincolnia: Robertum Baronem de *Monte-alto* Comitatus Ceſtriæ Senefchallum, quorum ulti- mus ſine ſobole Iſabellam Angliæ Reginam & Ioannem de *Eltham* Cornubiæ Comitem hæredes ſcripſit: Guilielmum de *Malbedenge* Baronem de *Malbanc*, cujus nepotis filia ad *Vernonos* & *Baſſettos* ſuis nuptiis hæreditatem tranſtule- runt: Richardum *Vernon* Baronem de *Sipbroke*, cujus hæ- reditas deficientibus tandem maſculis ad *Wilburhamos*, Staſ-

fordos, & *Litleburios* per ſorores devenit: Robertum *Filium* Hugonis Baronem de *Malpas*, qui, ut videtur, ſine ſobole obiit, ut prius diximus: Hammonem de *Maſcy*, cujus poſ- ſeſſiones ad *Fittonos* de *Bolin* deſcenderunt: Gilbertum *Venables* Baronem de *Kindreton*, cujus poſteri recta ſerie ad noſtra uſque tempora floruerunt, N. Baronem de *Stockport*, cui tandem *Warrenni* de *Poynton* è familia illuſtri Comitum *Warrenniæ* & *Surriæ* conjugii jure ſucceſſerunt. Hi ſunt quos hætenus inveſtigare potui Barones Comitum Ceſtriæ. Qui, ut eſt in antiquo libello, ſuas *Curias habuerunt liberas de omnibus Placitis & querelis, exceptis Placitis ad gla- dium Comitum pertinentibus*. Eorumque fuit, Comiti in con- ſilio aſeſſe, eundem obſervare, & aulam ejus ſæpius hono- ris gratia accedere, atque ut in Membranis eſt vetuſtis, *Tem- pore guerra in Wallia tenebantur invenire pro quolibet feodo Militis unum equum coopertum, vel duos diſcopertos infra di- viſas Ceſtriſciriæ. Et eorum Milites, & liberi tenentes lori- cas & haubergella habeant, & Feoda ſua per corpora ſua de- fendant*.

Hugoni Comiti primo, de quo modo dixi, ſucceſſit Ri- chardus ejus filius, qui ſine prole naufragio periit cum Guil- jermo Regis Henrici Primi unico filio, & aliis nobilibus inter Normanniam & Angliam anno M C X X. Richardo ſucceſſit Ranulphus de *Meſchines*, Comes tertius Hugonis Comitis è ſore ſore nepos, filiumque reliquit Ranulphum di- ctum de *Gernoniis* quartum Ceſtriæ Comitem, virum bel- licoſum & qui Stephanum Regem in obſidione Lincolnia cepit. Hugo cognominatus *Kevelioc* ejus filius fuit Comes quintus, qui obiit anno M C L X X X I, filiumque reliquit Ranulphum Comitem ſextum, nominatum de *Blundevill*, qui cum *Chartley* & *Beeſton* caſtra, & monaſterium *De la Creſſe* conſtruxiſſet, ſine liberis deſunctus hæredes reliquit quatuor ſorores, Matildem uxorem Davidis Comitis Hun- tingdonia, Mabiliam Guilielmi de *Albineio* Comitis Arun- delia, Agnetem Guilielmi de *Ferrariis* Comitis Derbia, & Hawiſiam Roberti de *Quincy*. In Comitatu autem ſucceſ- ſit Ioannes cognomine *Scotus* filius Davidis Comitis ex Matilde illa primogenita. Qui cum itidem nulla ſuſcepta prole diem obiiſſet, Rex Henricus Tertius tam lauto pa- trimonio oculum adiciens *Domanio* Regio adſcripſit, Ioan- niſque ſororibus alios alibi redditus aſſignavit. Ne (ut ipſe Io. Tilius Rex dixit) tanta hæreditas inter colos diduceretur, ipſique Reges poſtquam ad eos pervenit hic Comitatus, antiqua *Palatina Iura* & conventus hic tenuerunt (quod Gallia Reges in Campaniæ Comitatu fecerunt) ut *Palatinatus* ho- norem conſervarent. Honor ille deinceps Regum primo- genitis ceſſit, & primum Edwardo Henrici Tertii filio, qui cum à Baronibus captus, detineretur, Simoni de *Monte- forti* Leiceſtrenſi Comiti, ut redimeretur, tradidit: ſed Si- mone ſtatim interfecto, ad regiam familiam cito rediit, Edwardusque Secundus filium ſuum primogenitum Comi- tem Ceſtriæ & *Flint* inſtituit, tituliſque illis puerulum ad Comitata Parlamentaria evocavit. E Comitatu poſtea in Principatum erexit Parlamentaria autoritate Richardus Secuudus, eidemque Principatui adjunxit *Caſtrum Leonis* cum territoriis *Bromſeid* & *Tale*, caſtrum *Chirke*, cum *Chirke-land*, Caſtrum *Oſwaldes-ſtreet*, Centuriam & unde- cim oppida ad illud caſtrum ſpectantia cum Caſtris *Iſabel- læ*, & *Delaley*, & aliis latifundiis, quæ Richardo Comite Arundelia tunc proſcripto, regio Fiſco acceſſerant; ipſe- que Richardus *Ceſtria Princeps* dictus fuit: verum pau- cos poſt annos evanuit illa appellatio, cum illius Parlamen- ti leges reſixiſſet Henricus Quartus, & recidit in Comita- tum Palatinum, hodieque juridiſtionem Palatinam retinet, quam adminiſtrant *Camerarius, Index ſpecialis, Barones Scac- carii duo, Servientes ad legem tres, Vicecomes, Attornatus, Eſcaetor*, &c.

Ceſtriæ
Comites.

Io. Tilius

Paracias plus minus 68 habet hic Comitatus.

Regnum
Mercio-
rum.

Nunc CORNAVIOREVM regiones perambulavimus, quæ una cum CORITANIS, DO- BYNIS, & CATVELLANIS regnum in Heptarchia Saxonica conſtituerunt, quod illi Wýpna-pic, & Weapc-lond, Latini *Merciam* dixerunt, à Weapc Anglica dictione, quæ limitem ſignificavit, reli- qua enim regna huic collimitarunt. Longe ampliſſimum erat hoc regnum inchoatum à Crida Saxone circa annum DLXXXVI, à Penda prolatis undique finibus adauctum Chriſtiana religione ſub Penda Rege paulo poſt imbutum. Verum hujus periodo annis C C I conſecta, in *Weſt-Saxonum* poteſtatem ſero concidit, cum omni bellorum injuria à Danis non paucis annis fuiſſet dilaniatum.

S I L V.

S I L V R E S .



Onfultiffimum nunc videtur priusquam reliquas Anglia partes aggrediamur, ad VValliam, five Cambriam antiquorum Britannorum etiamnum sedem paulisper digredi, nec hoc erit in mea opinione digredi, sed natura ordinem recta sequi. Cornaviis enim proxima obtenditur, & quasi suo jure postulare videtur, ut suo loco & ordine dicatur: maxime cum Britanni, five VValli ejus incolae eodem sint nobiscum jure, & nostra Reipublica nobiscum jam diu fuerint quasi insiti.

Wallia.

Silures.
Dimetæ.
Ordovices.

Tacitus.

Lib. An-
nal. xiiii.

WALLIAM igitur, cujus nomen universam quondam Trans-Sabrinam regionem complectebatur, nunc vero minus late patet, tres olim populi infederunt: SILVRES, DIMETÆ, & ORDOVICES. Hi enim non solum duodecim, quos vocant, VVallia Comitatus, sed duos illos Trans-Sabrinos Herefordshire, & Monmouthshire, qui Anglia Comitatus annumerantur, tenuerunt. Et ut à primis primum exordiar. SILVRES eas regiones ex Ptolemai descriptione incoluerunt qua VVallis sua lingua uno nomine Deheubarth, id est, Pars Australis, & novis hodie nominibus, Herefordshire, Radnorshire, Brecknockshire, Monmouthshire, & Glamorganshire appellantur, in quibus & nominis Silurum nonnulla supersunt reliquia. Quod tamen ad nominis notionem attinet, nihil habeo quod cum gentis natura consonat. Quod ad originem vero spectat, ex coloratis vultibus, crinibus tortis, & positis contra Hispaniam, origine Iberos fuisse conjectavit Tacitus, affirmat vero Florianus del Campo Hispanus, qui mirum in modum se torquet, ut Siluras in Hispania inveniat, & nescio quid de Soloria, & Soloria in Asturi- bus nobis obtrudit. Caterum gens hac magna fuit (è Plinio enim & Tacito, omnem South-VValliam occupasse videntur) aspera, valida, pugnax, servitutis impatiens, audacia prompta, pervicaciam vocant Romani, nec atrocitate, nec clementia mutabilis: in quibus singulis nec adhuc degenerarunt posterii. Cum Romani imperitandi libidine eos adorirentur, Carataci Regis virtute viribusque confisi, & Claudii Caesaris voce proritati, qui hos ita extinguendos dixerat, ut olim Sugambri excisi fuerant; adeo difficili bello Romanos divexarunt, cohortibus auxiliaribus interceptis; Legione, cui Marius Valens praeerat, fusa, & vastatis sociorum agris; ut P. Ostorius Britannia Proprator his arumnis fessus & confectus diem obierit. Veranius etiam qui sub Nerone praefuit, hos frustra aggressus est, nam quod habet Tacitus illum modicis excursibus sylvas populatum esse, lege Siluras cum nostro eruditissimo Lipsio, & verissime leges. Nec tamen consopitum fuit hoc bellum usque ad Vespasiani tempora. Tunc enim Iulius Frontinus armis eos subegit, & legionario milite cohibuit. Quod vero quidam è nostratibus illum in Crispinum Juvenalis versiculum ad nostros SILVRES detorserit.

magna qui voce solebat,

Vendere municipes fracta de merce Siluros.

Quasi nostri Silures capti vanum Roma fuerint expositi; mea fide germanum Poëta sensum non expiscatus est. De piscibus illum, non de hominibus loqui, qui pensculatius legerit, facillime videbit.

Britannia.

Ecccc

HERE-

HEREFORD-SHIRE.



Herefordiensis Comitatus, five *Herefordshire*, Britannis *Ereinnuc*, forma quasi circulari, ab Ortu Wigorniensibus, & Glocestrensisibus, à Meridie Monumethensibus, ab Occasu Radnor & Brechinia, à Septentrione Salopia definita, regio

est præter amœnitatem, aut pascendis pecoribus, aut alendis frugibus nusquam non mitissima, & ab omnibus ad vitam necessariis instructissima; adeo ut secunda fertilitatis laude inter Angliæ provincias acquiescere haud facile sit contenta. Ad quas etiam commoditates flumina accedunt eximia. *Vaga* five *Wye*, *Lugus*, & *Munow*, quæ cum floridissima prata, & lætissima arva placide irrigaverint, demum confluent & uno alveo Sabrinæ æstuarium adeunt.

Munow fl. *Munow* vero ex *Hatterell* montibus, qui satis confurgentes instar cathedræ ad Libonotum hunc agrum obvallant, descendens, primum in **Blestium.** Austrum per eorum radices elucatur ad **BLESTIVM**, oppidum ab Antonino eo situ & distantia locatum, ut non possit non esse illud, quod huic flumini appositum Britannis *Castle bean* id est, *Castrum vetus*, nobis *The old towne* vocitatur; viculus tenuis, sed cujus vetustati novum hoc nomen patrocinator, utraque enim in lingua oppidum five castrum vetustum sonat. Proxime hoc *Alteryannis* aquis, quasi insula amica circumfunditur, quæ antiqua sedes veteris & Equestris familiæ *Sisitorum*, five *Ceciliorum*, unde honoratissimus mihi Patronus, omnibus virtutis, prudentiæ, & nobilitatis ornamentis instructissimus D. Guiliel. *Cecilus* Baro *Burghleus*, & summus Angliæ Thesaurarius stemma duxit.

Ab hoc *Munow*, in Ortum conversus aliquandiu hanc regionem à Monumethensibus dirimit, & ad *Map-harald*, five *Harold-Ewias*, castrum *Doro* flumine augetur. Hoc castrum de *Ewias* dictum, ut ex Regis Guilielmi Primi Commentariis loquar, *Aluredus de Marleberg* refirmavit. Postea Haraldus fuit viri nobilis qui in argenteo clypeo areolam rubram inter tres stellulas nigras interpositam gestavit, à quo *Harold Ewias*, dici cœpit, sed Sibylla ejus proneptis, & altera hæres, conjugio ad Dominos *Tregoz* transtulit, à quibus demum ad Dominos de *Grandifono* è Burgundia natos devenit, de quibus alibi.

Tregoz, & Grandifon. *Dorus* autem ille qui à Septentrione defluens per *Snothill* castrum, & Baroniam olim Roberti *Chandos*, ubi nobile marmor exciditur, convallem mediam secatur, quam à flumine *Diffrin Dore* vocant Britanni, Angli vero, ut vim verbi exprimere viderentur, *The gilden vale*, id est, *Vallem auream*, five auratam nominarunt, quo nomine ob auream, opulentam, & amœnam hubertatem neutiquam indigna censeatur. Colles enim quibus includitur utrinque sunt sylvis amicti, sylvis subsunt utrinque arva, arvis floridissima prata, & in medio fluvius limpidissimus interlabitur, cui monasterium elegans à Roberto Domino de *Ewias*

impositum, quod nobilium hujus agri quasi commune fuit sepulchrum.

Ab hac valle pars hujus agri quæ ad Ortum divergit nunc *Irchenfeld*, in Censuali Guil. primi libro *Archenfeld* dicitur, quam à Danis anno DCCXV ferro flammaque vastatam capto Camalaco Episcopo Britanno produnt nostri historici. In hac *Kilpec* castrum floruit, sedesque fuit nobilis familiæ *Kilpecorum*, quos primis Normannorum temporibus honorarios fuisse regum Angliæ milites perhibent nonnulli. Quibus etiam ego facile credam. Edwardo primo regnante hic habitavit Robertus *Wallerond*, cujus nepos Alanus *Pluget* Baronis dignitate claruit. In hac etiam *Archenfeld* (ut in libro Censuali legimus) quidam proventus uni & alteri Presbytero, veteri instituto assignati erant, ea lege, ut pro Angliæ Regibus Legationes in Wallia obirent, atque ut ex eodem libro loquar, *Viri de Archenfeld*, cum exercitus in hostem pergit, per consuetudinem faciunt *Avantward*, & in reversione *Rereward*.

Vt *Munow* inferiorem hujus agri partem perstringit, sic mediam *Vaga* five *Wy* cursu admodum arcuato interfecat, ad quem in ipso limite Occiduo *Clivus fortis*, vulgo *Clifford* castrum addidet, quod Guilielmus *Fitz-Osborne* Herefordiæ Comes in *VVasta sua* (ex Guilielmi Normanni Censuali libro loquor) edificavit, sed *Radulphus de Tota-naio* tenuit. Postea ad Walterum filium Richardi *Pumii* Normanni devenisse existimatur, ille enim de *Cliffordia* cognominatus erat, & ad eum illustrissima *Cliffordorum* Cumbriæ Comitum familia ortum suum vere retulit. Edwardi vero Primi temporibus I. *Giffard* tenuit, qui Walteri *Cliffordi* duxit hæredem. Inde *Vaga* tortuosus volvitur per *VWhitney*, quæ suo nomine familiam claram insignivit, & *Bradwardin* castrum, unde ortum & nomen Thomas ille *Bradwardinus* Archiepiscopus Cantuariensis habuit, qui ob multiplicem & abstrusam eruditionem eo ævo *Doctor profundus* appellatus: demumque Herefordiam hujus Comitatus caput accedit.

Quousque pertigerit illa regiuncula *Archenfeld* nescio, verum affinitas inter hæc nomina *Ereinnuc*, *Archenfeld*, **ARICONIVM** oppidum, cujus hoc tractu meminit Antoninus, & *Hareford* five *Hereford*, quæ nunc urbs est Comitatus prima, in eam me sententiam paulatim perduxerunt, ut existimem hæc singula ab **ARICONIO** deducta. Nec tamen unum idemque *Ariconium*, & *Herefordiam* existimo, sed uti *Basilea* Germaniæ, Augustæ Rauracorum, & *Baldach* Assyriæ, Babyloniam nomen sibi vindicavit, quod hæc ex Babyloniam, illa ex Augustæ rudibus originem duxit: sic *Hariford* nostra (ita enim vulgus appellat) & nomen, & ortum à vicino **ARICONIO**, ut mea fert opinio, reperit, quæ nullam hodie integram oppidi faciem habet, terræ motu, ut ferunt, conquassata. Nominis tantum umbram retinet, *Kenchester* nuncupata, & mœnium minas aliquas ostendit, quas *Kenchester walles* dicunt, ad quæ lapides tessellati, lateres Britannici, Romanorum numi-

Irchenfeld.

Kilpec.

Vaga fl. Wye. Clifford castle.

Cliffordi.

Inq. 26. Ed. 1.

Doctor Profundus.

Hereford.

Kenchester.

numismata, &c. saepe eruuntur. *Herefordia* vero proles, quæ expressius ejus nomen gerit, ad Ortum vix tribus milliariis Italicis abest, pratis gratissimis, & arvis uberrimis intersita, fluminibus fere incincta, ad Septentrionem & Occasum anonymo, ab Austro *Vaga*, qui è Wallia huc accelerat. Adulta Saxonum Heptarchia primum emicuisse creditur, ab Edwardo Seniore, ut scribunt aliqui, constructa, nec sane antiquior de ea facta est mentio. Britanni etenim priusquam Herefordiæ nomen innotuit, locum *Trefawith* à fagis, & *Henford*, à via antiqua, ipsique Saxones *Fennle* à filicibus dixerunt. Incrementa, ni fallor, maxima religioni, & Ethelberti Orientalium Anglorum Regis martyrio accepta ferat. Qui cum nuptias filiae Offæ Regis Merciorum ambiret, à Quendreda Offæ uxore, quæ potius Orientalium Anglorum imperium, quam honestam filiae conditionem captavit, ex insidiis nefarie sublatus, Martyrumque catalogo insertus, templum hic sibi habuit à Milfrido regulo extructum, quod Episcopali statim condecoratum dignitate, in summam crevit opulentiam, munificentia primum Merciorum, inde Westsaxonum Regum. Hos enim demum hac urbe potitos è Malmesburienfi colligitur, ubi scribit Athelstanum Visitationem Walliæ Regulos hac in urbe eo adegisse, ut sibi vectigalis nomine (præter canes venaticos & accipitres) singulis annis xx libras auri, ccc argenti pensitarent. Integra, quod legi, semper usque est hæc fortuna, præterquam anno Domini M L V, quo Gruffinus Sout-Walliæ Princeps, & Algarus Anglus seditionem in Edwardum Sanctum, sive Confessorem concitantes, cum Radulphum Comitem fugassent, urbem diripuerunt, templum deleverunt, & Leofgarum Episcopum captivum abstraxerunt. Sed Haraldus statim compressa eorum audacia, vallo, ut habet Floriacensis, lato & alto munivit. Hinc in Pontificibus scripsit Malmesburienfis, *Herefordia non grandis civitas, quæ tamen fossatorum præruptorum minis ostendit se aliquid magnum fuisse*, & ut in Censuali Regis Guilielmi Primi libro habetur, *erant tantum ciii homines intra & extra murum*. Normanni postea ad Orientalem templi partem, secundum *Vagam*, castrum erexerunt maximum, & munitissimum: opus ut ferunt nonnulli, Comitis Milonis, quod nunc vetustate victum ruinam agit. Mœnibus deinceps urbem obseperunt. Reinelmus Episcopus, regnante Henrico Primo, speciosum hoc, quod nunc cernitur, templum posuit, successorumque adauxerunt, adjuncto Collegio nitido, & pulchris Præbendariorum ædibus. Nam præter Episcopum, qui CCCII Ecclesiis præest, sunt in hac Ecclesia Decanus, Archidiaconi duo, Præcentor, Cancellarius, Thesaurarius & Præbendarii xxviii. In templo præter Episcoporum nulla fere monumenta vidimus, Thomam vero Cantelupum Episcopum nobili loco natum Mausolæum habuisse accepimus, qui ob sanctitatem inter Divos relatus, parum absuit, quin pietatis opinione Regio Martyri Ethelberto præluxerit. Hujus situm Longitudine xx grad. xxi i i i scrup. Latitudine lii grad. vi scrup. dimetiuntur Geographi.

Vix tertium hinc milliare confecit *Vaga*, quum
Britannia.

Lugi fluminis aquas intercipit, qui è *Radnorie* montibus præcipitatus hanc regionem ab Occasu solstitiali, ad Ortum brumalem filens interlabitur. In primo ingressu longius aspicit *Brampton* Brian castrum, quod familia insignis hinc dicta de *Brampton*, in qua usitatissimè erat prænomen *Brianus*, perpetua successione ad Edwardi Primi tempora tenuit, tunc vero per hæredes scemellas ad R. *Harleium* devenit. propius vero *V Wigmore* vidit, Saxonice Wýnzingamepe, olim ab Edwardo Seniore restauratum, postea à Guilielmo Comite Herefordiæ castro munitum in *Vasta terra* (sic legitur in Censuali Angliæ libro) quæ vocabatur *Mareston*, quod Ranulphus de *Mortimer* tenuit à quo illi de *Mortimer*, qui postea Comites Marchiæ progerminarunt, de quibus plura in *Radnorshire*. Ad tertium milliare alterum vicinum est castrum, *Richards Castle* dictum, primum *Sayorum*, inde *Mortuamiorum*, & postea *Talbotorum* possessio. Per I. Talbotti filias tandem divisa est hæreditas inter Guarinum *Archdecon*, & Matth. *Gurnay*. Sub hoc, natura, quæ nusquam magis quam in aqua miraculis ludit, fonticulum eduxit pisciculorum (vel ut alii putant ranularum) officulis semper scatentem, quamvis subinde exhauriantur, unde *Bone Well* vocatur. Nec procul *Croft Castle* locatur claræ & perantiquæ Equestris stirpis *Croftorum* possessio. Inde *Vaga Lemster* adit, quod etiam *Leonminster*, & *Leonis monasterium* dictum à Leone per quietem viso somniarunt nonnulli, Britanni autem *Lhan-lieni* vocant, quod cum *Monialium sanum* denotet, & monialibus hic templum *Merewal* cum Regem Mercium posuisse constet, (quod postea cella Monasterii *Readingi*) aliam originem indagare, quid aliud esset quam ventos venari? Nec desunt tamen qui à lino deducunt, quod hic nascitur laudatissimum: sed præcipua hodie gloria est à lana in circumvicinis agris (*Lemster Ore* vocant) cui (excepta *Apula* & *Tarentina*) palmam deferunt Europæi omnes. Frumento item adeo est felix, & pane è purissimo polline, ut hujus panis, & *VVeableia* potus (oppidum hoc familiæ nobilissimæ *D'eureux*) in proverbium cesserint. Has *Lemsteræ* dotes, & inde forum frequentissimum Herefordia, & Wigornia nimis intendo eo invidiæ processerunt, ut Regia autoritate intercedente, statum mercatus diem mutare coegerint, suam infrequentiam ex hujus frequentia subinde causantes. Nec de *Lemster* aliud jam memoriæ occurrit, nisi quod Guilielmus *Breosa Brechinia* Dominus cum à Ioanne Rege defecisset, injecto igne deformaverit. *VVebleia* vero illa interius situm habet, & Baronia fuit *Verdonorum*, quorum primus Angliam cum Normannis ingressus est *Bertramus de Verdon*, cujus posterius ex nuptiis cum altera hærede *Lacyorum de Trim* in Hibernia, Constabularii Hiberniæ aliquandiu fuerunt hæreditarii, possessiones autem per filias devolutæ sunt tandem ad *Furnivallos*, *Burghers*, *Ferrarios de Groby*, *Crophull*, & à *Crophullis* per *Ferrarios de Chartly* ad *D'eureux* Comites *Essexiæ*. *VVebleia* magis ad Occasum vicina sunt *Huntindon*, castrum olim *Bobunorum* Herefordiæ & *Essexiæ* Comitum, *Kimmerley* antiquæ familiæ *De-la-Bere*, & *Erdley*, ubi diu habitavit clara & vetusta familia *Baskervillorum*, clarorum virorum & Equitum au-

Brampton
Brian.

Wigmore.

Mortimer
Barones.

Richards
Castle.

Domini
de Castro
Richardi.
Fons officulorum.

Lemster.

Lemster
Ore.
Lana optima.
Lemster
bread, &
Webleyale.

Webley.
Verdoni
Barones.

Baskerville.
Vide
Gemit. Lib.
ultimo.

FFFFF rato-



Fin. Hila-
rii 20.
Ed. 3.

ratorum olim admodum fecunda, qui è nepti Gunore celeberrimè illius heroinæ Normannicæ genus repetunt, & olim in hoc Comitatu & vicino Salopiensi floruerunt, tenueruntque, ut obiter adnotem, *Hamelettum de Lanton in capite, ut de honore de Monte Gomeri per servitium dandi Regi unam sagittam barbatam, quoties Rex venerit in partes illas ad fugandum in Chacea de Cornedon.*

Marden.
Sutton.

Lugus jam ad *Vagam* primum per *Hampton*, ubi ædes posuit perpulchras (quas nunc *Coningsbeii* clari in hoc tractu nominis jam aliquandiu incoluerunt) *Roulandus* ille *Lentball*, qui Regi *Henrico Quarto* à *Synthesi* vestiaria, unam hæredum *Th. Comitis Arundellie* duxerat; inde per *Marden & Southon*, sive *Sutton* properat, quorum hoc tenues reliquias palatii Offiæ ostendit, quod *Ethelberti* cæde infame fuit, istud *Ethelberti* tumulo, qui diu inglorius hic jacuerat, priusquam *Herefordiam* transferretur, celebre habetur. Prope autem confluentes *Lugi*, & *Vaga* ad ortum collis quem *Marcleyhill* vocant, anno Salutis septuagesimo quinto supra millesimum quingentesimum, quasi somno solutus consurrexit, & tri-
dum se immanissimam molem propellens horrendo reboans mugitu, & obvia quæque prosterrens in superiorem locum magna cum admiratione se promovit, eo terræmotus genere, ut judico, quod *Physici* *Brasmatiam* vocant. Nec ab hoc longe distat etiam ad Ortum sub *Malvernici* collibus, qui Orientalem agri partem hoc in loco terminant, *Ledbury* notum oppidum *Leddene* fl. adpositum, quod * *Edwinus Saxo* vir potens Ecclesiæ *Herefordensi* donavit, eo quod *S. Ethelberti* precibus se paralyti liberatum sibi persuaserit. De vallo militari in colle proximo non est cur loquar, cum in hoc tractu qui limitaneus erat, & belli area primum inter Romanos, & Britannos, postea inter eosdem & Anglos, ejusmodi plurimis in locis occurrant. Sed *Vaga* Lugo jam recepto plenus obliquior devolvitur primum per *Holme Lacy*, habitationem antiquæ & celebris familiæ de *Scudamore*, cui multum dignitatis accessit per nuptias cum hærede è profapia de *Exias* in hoc agro, & *Huntercombe*, &c. alibi. Hinc decurrit *Vaga* inter *Rosse*, fabris ferrariis notum, & *Wilton* è regione, castrum antiquissimum familiæ *Gregorum*, unde ejus cognominis tot Heroës originem traxerunt. Conditum hoc fuisse ferunt ab *Hugone* de *Longo Campo* sive *Long-champ*. Ioannem Regem *Wilton* cum castello *Henrico* de *Longo campo* dedisse è tabulis publicis constat, & per nuptias *Guilielmo Fitz-Hugh*, & itidem non longo post tempore *Reginaldo Grejo* (Regis *Edwardi Primi* temporibus) obvenisse. Iam cum paulo inferius *Goderici* castrum, à *Ioanne Rege* *Guilielmo Comiti Marescallo* donatum, postea *Talbotorum* sedem primariam *Vaga* salutarit, Monumethenses petit, & *Herefordensibus* valedicit.

Ledbury.
* Alvo dum
vocat Gual.
Map. &
Edrici Syl-
vestris fi-
lium fuisse
asserit. Lib.
de nugis
Curial. 2.
Cap. 11.

Scudamore,
sive
Escudamor.
Wilton.
Baro Grey
de Wilton.

Goderich
Castle.

Comites
Herefordiæ.

Elanguente jam Anglorum imperio præfuit huic agro Comitatus officialis titulo *Radulphus Gualteri Medantini* filius ex *Goda Edwardi Confessoris* sorore, quem *Normanni* hoc honore exuerunt, cui suffecerunt *Guilielmum* filium *Of-*

berni de *Crepon*, sive ut *Normanni* vocarunt *Fitz-Osbern*, *Normanniæ* Ducibus arctissima propinquitate conjunctum. Huic in bello *Flandrico* perempto successit *Rogerus* ejus filius, de *Britolio* dictus, qui sine prole legitima proscriptus obiit. *Stephanus*que Rex *Roberto le Bossu* Comiti *Leicestrie* ex *Emma* hærede *Britolii* nato reddidit hæreditarie (ex ipso autographo loquor) *Burgum Hereford*, & castellum & totum Comitatum de *Herefordshire*, verum frustra. *Matildis* etenim *Augusta* sive Imperatrix, quæ cum *Stephano* de hoc regno contendit, *Milonem* *Gualteri Constabularii Glocestrie* filium eo honore auxit, Angliæque Constabularium fecit: illum tamen acceptis his honoribus postea exuit *Stephanus*. Huic *Miloni* quinque nati sunt filii, *Rogerus* scil. *Walterus*, *Henricus*, *Guiliel.* & *Mahel*, viri egregii, qui intempestiva morte singuli extincti, cum præter *Guilielmum* invicem sine prole in paternam successissent hæreditatem. *Rogero* Rex *Henricus* inter alia dedit *Motam de Hereford cum toto Castello*, & tertium denarium redditus *Placitorum* totius Comitatus *Hereford*, unde fecit eum Comitem. Verum *Rogero* defuncto, si fides *Roberto de Monte* adhibeatur: Rex idem Comitatum *Herefordiæ* sibi retinuit. Horum sororem natu maximam *Margaretam* *Humfredus Bobun* tertius ejus nominis uxorem accepit, ejusque posterii Angliæ fuerunt Constabularii, scilicet, *Humfredus de Bobun* quartus, *Henricus* ejus filius, cui *Ioannes* Rex concessit viginti libras de tertio denario Comitatus *Hereford* annuatim percipientes, unde eum fecit Comitem. Hic duxit sororem & hæredem *Guilielmi de Magnavilla* Comitis *Essexiæ*, obiitque anno quarto Regis *Henrici Ter-
tii*. *Humfredus* quintus ejus filius, qui etiam *Comes Essexiæ*, cui natus *Humfredus sextus*, qui ante patrem obiit, cum prius tamen genuisset *Humfredum septimum* ex filia & una hæredum *Guilielmi Breos Domini Brechiniæ*, *Humfredus Octavus* ejus filius occisus fuit ad *Burrowbrig*, cum uxor ejus *Elizabetha* filia Regis *Edwardi primi*, vidua Comitis *Hollandiæ* illi peperisset prolem numerosam, *Ioannem* scilicet *Bobun*, *Humfredum* nonum utrumque Comitem *Herefordiæ* & *Essexiæ* sine prole defunctum, & *Guilielmum* Comitem *Northantoniæ*, cui *Elizabetha* soror & una hæredum *Ægidii Domini Badlesmer* peperit *Humfredum Bobun* decimum, & *Bobunorum* ultimum Comitem *Herefordiæ*, *Essexiæ*, *Northantoniæ*; & Angliæ Constabularium, qui duas filias reliquit *Æleonoram* conjugem *Thomæ Woodstockii* Ducis *Glocestriæ*, & *Mariam* nuptam *Henrico Lancastrio* Comiti *Derbiæ*, qui *Herefordiæ* Dux creatus, & postea Rex Angliæ inauguratus. Deinde vero Comitis *Herefordiæ* titulo usi sunt *Staffordi* *Buchinghamiæ* Duces, qui nati ex *Thomæ Woodstockii* filia, quæ postea rehupta *Guilielmo Bourchier*, dicto Comiti de *Ex*. Nostra vero memoria *Edwardus Sextus* *Gualterum D'Eureux*, qui à *Bobunis* per *Bourgcheros* ortus, Vicecomitis *Herefordiæ* titulo insignivit, ejusque è filio nepotem, postea etiam *Essexiæ* Comitem *Serenissima* Regina *Elizabetha* creavit.

Constabularii Angliæ.

Giraldus Cambriæ Itiner. l. i. cap. 2.

1156.

2. par. Chart. an. 1. Reg. Ioan. Mat. Paris. Liber Walden. Liber Monasterii Lanthony.

Henricus 4 Rex Angliæ.

Vide pag. 327.

Continetur in hoc Comitatu paræcia 176.

R A D N O R.

RADNOR-SHIRE.



Herefordensibus annectitur ad Occasum æstivalem Radnor-shire, Britannice Sire Maissebeth, forma triquetra, quanto magis in Occasum protenditur, in angustum magis magisque contracta. Ad Austrum Vaga fluvius Brechnochienfes discludit, ad Septentrionem adjacent Montgomerienfes. Pars ejus Orientalis & Australis cultior, reliqua montibus asperior vix ullo cultu mitescat, sylvis tamen satis vestita, profluentibus irrigua, & stagnis alicubi aspersa.

Illustrant Orientale latus, præter alia limitaneorum ducum castra suis jam ruinis fere involuta, *Castle Paine* à Pagano Normanno extructum denominatumque, & *Castle Colwen*, quod, nisi me fallo, olim *Castrum Matildis* in *Colowent* dictum. Illud enim admodum celebre, jurisque Roberti de *Todencio* viri prænobilis regnante Edwardo Secundo. Creditur ante ad *Breosfos* Brechinie Dominos spectasse, & à Matilde de *S. Valerico* foemina procacissima uxore Guilielmi Breosa, qui rebellem animum in Regem Ioannem induit, nomen sumpsisse. Quod à Wallis dirutum, Rex Henricus Tertius de lapide & cæmento eleganter anno *MDCCXXI* reedificavit. Sed præcipui nominis est *Radnor*, præcipuum totius pagi oppidum, Britannice *Maissebeth*, pro regionis more culmeis tectis satis elegans. Mœnibus autem & castro quodam tutum fuit, sed postquam Oënus ille *Glendowerdwy* seditiosus succendisset, sensim extenuatum elanguit, eodem fato quo mater sua *Old Radnor*, id est, *Vetus Radnor*, Britannice *Maissebeth hean*, & ab edito situ *Pencrag*, quam, regnante Ioanne, Rhesus Gruffini filius igni dederat. Si hanc *Maissebeth* fuisse MAGOS urbem dixero, quam Antoninus MAGNOS vocare videtur, ubi (ut est in *Notitiarum* libro) Præfectus militum Pacensium sub Britanniarum Duce, Theodosii Iunioris temporibus egit, à veritate, opinione certe mea, fortasse etiam aliorum, non descivero. Hujus enim tractus incolæ MAGESETAS vocatos, Comitesque *Masegetenses*, & *Masegetenses* apud mediæ ætatis scriptores legimus, distantiaque ratio cum à *Gobannio*, sive *Abergeuenny*, tum à *Brangonio*, sive *Vigornia*, vix tantillum ab Antonini dimensione discrepat. Vix tribus hinc ad Ortum milliaribus *Prestaine*, Britannice *Lhan Andre*, id est, *Andree fanum* cernitur, quod è minimo viculo avorum memoria, opera Martini Episcopi Menevensis, in forum adeo celebratum, & in eam elegantiam emicuit, ut Radnoriam hodie quodammodo obscuret. A quo etiam vix quatuor mill. pass. abest *Knighton* Præstaniæ æmulum, Britannis, ut accepi, *Trebuclo*, pro *Trefyclaudh*, à fossa subjecta, quam mirando opere ad disjungendos Britannos à suis Anglis Offa Mercius per hanc à Devæ ostio usque ad Vagæ per *Lxxxx* plus minus mille passus duxit, Vnde *Claudh Offa*, id est, *Offa fossa* Britannice vocatur. De qua in Polycratice suo Ioannes Saris-Britannia.

burienfis, *Haraldus* legem statuit, ut quicumque Wallorum circa terminum, quem eis præscripsit, fossam scilicet *Offa*, cum telo inveniretur, ei ab officialibus Regis manus dextra præcideretur.

Post hoc quicquid ad Occasum, & Septentrionalem limitem adjacet, magna ex parte efœctum & jejunum, incolis *Melienith* vocatur, eo quod montes flavescant. Castrorum tamen plurima vestigia ostendit, præcipue vero *Kevenles*, & *Timbod*, quod acuminato colli affixum *Leolinus* Walliæ princeps anno *MCCLX* evertit. Hæc *Melienith* ad *Vagam* usque pertingit, qui Occiduum agri angulum transversum secat, & occurrentibus faxis fractus, subito solo destitutus præcipitatur. Vnde loco *Raihader Gowy* nomen, id est, *Vagæ Cataractæ*, & nescio, an inde hoc nomen *Radnor* primum universo agro, deinde primario oppido excuderint Angli. Castrum erat ad has *Cataractas*, quod Rhesus *Suthwalliæ* Principem sub *Richardo Primo* restaurasse legimus. Iuxta vasta est quodammodo solitudo itinerum anfractibus, & montium horrore pene formidolosa, in quam, utpote tutissimum perfugium se subduxit pestis ille patriæ *Vortigernus*, cujus damnatam Britanni velint memoriam, cum invocatis in hanc insulam Anglo-Saxonibus, & sua ipsius filia horrendo incestu sibi in uxorem accepta, nefariorum scelerum magnitudinem fera æstimatione perspexissent. Sed numinis telo volante, vindice igne cœlitus demisso cum urbe sua *Caer Gourtigern*, quam in præsidium sibi construxerat, deflagavit. Nec procul hinc, quasi hoc facti fuisset, non solum iste *Vortigernus* ultimus è Britannico sanguine Britannia monarcha, sed etiam ultimus è Britannico genere Walliæ Princeps *Leolinus* ex insidiis interceptus, anno reparatæ Salutis *MCCLXXXII* fatum complevit. Cæterum à *Vortigerno* regiuncula illa *Guortigernaur* Ninnio dicitur, necdum nomen intercidit: urbis vero ne memoria quidem nisi ex scriptoribus superest. Sunt qui existimant *Guthrenion* castrum ex ejus rudibus extitisse, quod anno *MCCI* Walli in invidiam *Rogeri de Mortuomari* solo complanarunt. *Guarthenion* etiam hæc regionis pars olim vocabatur, ut author est *Ninnius*, qui scripsit *Vortigernum* illum cum aperte & acriter à Germano illo Sancto admoneretur, non modo animum ad Dei cultum à vitæ pravitate non contorfisse, sed etiam calumnias in sanctissimum virum conterfisse. Quapropter *Vortimerus Vortigerni filius* (ut inquit *Ninnius*) pro illata à patre suo *S. Germano* calumnia, terram ipsam in qua Episcopus opprobrium tale sustinuit, in æternum suam fieri sanxit, unde & in memoriam *S. Germani* *Guarthenian* nomen accepit, quod Latine sonat calumnia iuste retorta.

Mortuomarii sive de *Mortuomari*, qui Anglis *Mortimers* dicti, à nepti *Gonoræ* uxoris *Richardi Primi Ducis* Normanniæ oriundi, primi Normannorum magnam hujus regiunculæ partem fuso *Edrico* Sylvatico Saxone sibi devicerunt. Cumque longo jam tempore inter omnes in hac regione emicuisent, tandem Rex *Edwardus*, Tertius

Castle
Colwen
Castrum
Matildis.

Matth.
Paris.

Radnor.

Owen
Glendower
vulgo.
Old Rad-
nor.

Magi.

Mage-
setæ.

Prestaine.

Knighton.

Fossa Of-
fæ.
Offadike.

Melienith.

Raihader
Gowy.

Vortiger-
nus.

Leolinus.

Guarthe-
nion.

Guarh
Britanni-
æe calum-
nia, & E-
mawm ju-
sta.

Comites
Marchiæ.
G. Gemit.
lib. ult.
cap. 16.
Weald,
five Wild,

Ggggg Tertius



Lib. Mo-
naft. Lan-
thony 29.
Edw. 3.

Tertius circa annum Salutis MCCCXXVIII, Rogerum de *Mortuo-mari* Dominum de *Wigmore* hujus limitis Wallici, vel (ut vulgo loquuntur) *Marchia* Comitem creavit, qui statim morte multatus, sententia in eum lata, quod in Rempubicam insultaverat, Scotis in Anglici regni fraudem faverat, aqud Regis matrem familiaris egerat, & Edwardo Secundo Regis patri exitium comparaverat. Huic natus erat è Ioanna de *Ienevill*, quæ opimos redditus attulit cum in Hibernia tum Anglia, Edmundus, qui paterni sceleris pœnas luit, & p atrimonio & Comitis titulo exutus, Rogerus tamen ejus filius in integrum restitutus, titulum Comitis *Marchia* recepit, & ordinis *Garterii* in prima institutione socius electus. Hic ex Philippa de *Monte-acuto* Edmundum *Marchia* Comitem progenuit, ille vero Philippam Leonelli Ducis *Clarentia* Regis Edwardi Terti filii tertio-geniti unicam filiam in uxorem duxit, unde Vltonia in Hibernia Comitatus, & *Dominium* de *Clare* accessit. Huic in Hibernia, cui magna

cum laude præfuit, defuncto successit filius Rogerus *Marchia* & Vltonia Comes, quem Rex Richardus Secundus Regni successorem designavit, utique materno jure hæredem proximum. Verum ille Rege Richardo superstiti, morte sublatus, Edmundum & Annam liberos reliquit. Edmundus, cujus potentia, & regii sanguinis claritas suspectior erat Henrico Quarto, qui regnum occuparat, ab eo periculis objectus, captusque ab Oweno *Glendowr* rebelle, animi ægritudine confectus expiravit, Anna sorore hærede relicta. Annam vero matrimonio Richardus *Plantagenet* Cantabrigia Comes sibi junxit; cujus jure ejus posterius *Marchia* fuere Comites, regnumque vendicarunt, quod tandem etiam consecuti sunt (ut alibi dicimus) Edwardusque Quartus filium suum primogenitum Wallia Principem, & Cornwallia Ducem, &c. etiam Comitem *Marchia* in honoris accessionem creavit. Radnoriam autem titulum nullus, quod sciam, seorsim gessit.

Vide in
agro Ebo-
racensi sub
finem.

Paræcia in hac sunt 52.



BRECH.

BRECHNOCK-SHIRE.



Radnoræ subjungitur ad Austrum *Brechinia*, Britannice *Brechineauc*, Anglice *Brecknock-shire*, à Brechanio Principe sic dicta, ut existimant Walli, quem numerosam, & sanctam prolem, viginti quatuor scilicet filias omnes Sanctas suscepisse ferunt. Hæc multo est Radnoriam amplior, sed in montes densius confurgit, convallibus tamen passim fecundis. Ab Ortum Herefordia, ab Austro Monumuthia, & Glamorgania, ab Occasu Caermardinia terminatur. Verumenimvero cum ad hanc provinciolam describendam nihil inveniri potest, quod non diligentia Giraldi Cambrensis, qui hic ante quadringentos annos Archidiaconum egit, præripuerit; mihi aliquantisper tacere, & illum cum suo stilo in partem vocare operæpretium videatur.

Brechiniauc (inquit ille in Cambriæ Itinerario) terra est satis abundans grano, & si quis est defectus, ex Anglicana vicinitatis copia affatim suppletur, pascuis & sylvis, feris & armentis terra fecunda, fluvialibus quoque piscibus abundat, quos hinc *Osca*, inde *Vaga* ministrat, salmonibus enim, & trutis utraque, sed plus egregiis, quos *Vmbras* vocant, *Vaga* fecundus est. Montibus excelsis, præterquam à Borea, undique concluditur, à Zephyro montana de Canterbochan, ab Austro montes habens meridionales, quorum principalis Cadier Arthur dictus, id est, Cathedra Arthuri, propter gemina promontorii cacumina (est enim *δυσώφου*) cathedra modum præ se ferentia. Et cum in alto cathedra, & in arduo sita est, summo & maximo Britonum Regi Arthuro vulgari nuncupatione est assignata. In excelsis huius montis vertice fortis ebullit scaturigo. Est autem fons in putei modum altus, sed quadratus, nullum ex se rivulum faciens, in quo tamen truta inveniuntur. His igitur obstaculis ad meridiem oppositis, à Phœbeio patriam fervore frigidior aura defendit, & insita quadam aëris salubritate temperatissimam reddit. Ab Euro vero Talgar & Ewias montana prætendit.

A Boreali autem parte, ut dixit ille, apertior est & planior, quæ à Radnoriam *Vaga* flumine clauditur, cui duo incumbunt oppida, sua antiquitate nota, *Buelth* scilicet, & *Hay*: *Buelth* sylvis & situ amœnum, castro etiam munitum, sed recentiori, à Breofis scilicet, & Mortuomariis, cum vetustius dejecisset Rhesus Gruffini filius. Nunc fori frequentia, olim sua dignitate celebre fuisse videtur, quod ejus situm è celestibus observavit Ptolemæus, cui eodem nomine *BVLLEVM* Silurum dicitur. Ab hoc regio circumvicina aspera & montana, *Buelth* dicitur, in qua cum Saxones jam insulam perfultarent, & Vortigernus in has partes secederet, Pascensius ejus filius rerum potitus est, permittente Aurelio Ambrosio, ut author est Ninnius, qui in mirabilibus suis, nescio quid hic admiratione suspiciendum prodit, de cumulo lapidum, in quo vestigium canis Arthuri extaret. *Hay* autem Britannice *Trekethle*, id est, Oppidum in coryleto, ipsa agri extremitate proxime Herefordiam *Vagæ* affidet, Romanis, ut videtur, nota, quorum numismata sæpius effodit, Britannia.

moeniumque ruinas ostendit. Nunc vero quasi confecta, profligatissimi rebellis Oëni *Glendowry* furores conqueritur, qui cum per has regiones grassaretur, scelerate succendit.

Ut iste *Vaga* Borealem agri partem alluit, ita *Isca*, sive *Osca* eximius item fluvius mediam percurrit, qui è Nigro monte proruens, pressio in solum alveo præterit *Brecknock* primarium agri in oppidum ejus fere umbilico positum, quod Britanni *Aber-Hodney* vocant, quia *Hodnejus*, & *Isca* eo loci aquas commisceant. Hoc Romano seculo fuisse habitatum è Romanorum Cæsarum nummis subinde erutis apparet. Bernardus de *Newmarch*, qui hanc regiunculam devicit, castrum amplum posuit, quod *Breofi*, & *Bobuni* instaurarunt, Patrumque memoria rex Henricus Octavus collegiatam Ecclesiam *XIIII* Præbendariorum (in Dominicanorum cœnobio) constituit, quam ab *Aberguilly* in Maredunensi agro huc transtulit.

Duobus hinc ad Orrum miliaribus, lacus diffunditur, quem Britanni *Linsavethan*, & *Linsavathen*, id est, Lacus stagnans, Giraldus *Clamosum* vocat, quod horrendo strepitu tonitrua ementitur, quoties in eo glacies resolvitur, Angli *Brecknockmere* appellant, duobus mill. pass. longitudine, nec minus latitudine patet, lutris, perchiis, tincis & anguillis, quas naviculis vitilibus piscantes capiunt, feracissimus. *Levenus* fluvius hunc invectus, inconfusus faciem suam servat, & quasi odio mixturam refugiens, quod colore ostendit, hospites suas aquas, non largiores, quam intulerit, evehere creditur. Fama inter accolæ longo jam tempore obtinuit, ubi nunc lacus est, urbem olim fuisse, quæ terræ motu absorpta, locum aquis fecerit. Et in argumentum, præter alia, vocant, quod omnes publicæ huius agri viæ, ad hunc undiquaque ducant. Quod si verum sit, quam aliam urbem ad *Leveney* flumen existimes, quam *LOVENTIVM*, quam hoc tractu collocat Ptolemæus, & nusquam nunc mihi sedulo indaganti, vel è nomine, vel situ, vel ruderibus comparere potest. *Bricenaumere* (quod mihi fere exciderat) hunc lacum Marianus vocare videtur, qui prodit Edelfledam Merciam anno 913 Britonum terram intrasse ad expugnandum arcem apud *Bricenaumere*, ibique uxorem Regis Britonum cepisse. An hæc arx fuerit ipsa *Brecknocke*, aut castrum *Dinas*, quod huic impendit in rupe, quæ quo magis excelsa surgit, exilior evadit, non liquido constat. *Blean-Leveney* vero castrum vicinum caput Baronie fuisse, quam tenuit Petrus filius Herberti filii Herberti Domini de *Deane-Forrest* ex Lucia filia Milonis Comitis Herefordiæ, ex Archivis Regiis in confesso est.

Regnante Guilielmo Rufo, Bernardus de *Novo mercatu*, sive *Newmarch* Normannus, vir animi, consiliique plenus, conscripta non parva Anglorum & Normannorum manu, primus hunc agrum aggressus difficili bello à Cambris extorsit, munimenta construxit, commilitonibus, inter quos præcipui erant *Aubrai*, *Gunteri*, *Haverdi*, *Walde-*

Brecknock.

Linsavathen lacus.

Brecknockmere.

Loven-tium.

Bricenaumere.

Brecknocke.

Blean-Leveney.

Breachiniaz Domini.

Buelth.

Bulleum.

Hay.



Waldebeof, & *Prichardi*, agros, & prædia assignavit, utque gradu certo, & confirmato inter infensos Cambros confisteret, *Nestam* Gruffini Principis filiam in uxorem accepit. Quæ mulier projectæ, & vindicis audaciæ tam se exultatione, quam filium patrimonio spoliavit. Cum enim *Mahel* filius *Bernardi* unicus nobilem adolescentulum, quocum illa stupri consuetudinem haberet, duriuscule exagitaret, illa, ut inquit Poëta, *iram, atque animos à crimine sumens*, jurejurando conceptis verbis coram Rege *Henrico Secundo* contestata est, *Mahelem* filium ab ipsa ex adultero susceptum, & non à *Bernardo* natum, unde *Mahele* excluso, *Sibylla* ejus soror patrimonium illud lautissimum adiit, virumque suum *Milonem* *Herefordiæ* Comitem eodem locupletavit. Postquam autem quinque *Milonis* filii improles obissent, hæc *Brechinia Berthæ* ejus filiæ in hæreditate partienda cessit, quæ ex *Philippo* de * *Breos* suscepit *Guilielmum* de *Breos* Dominum *Brechiniæ*, cui seditiosum ingenium & procax † uxoris lingua miseriarum molem attraxit. Cum illa intemperantior linguæ fræna in contumeliam Regis *Ioannis* laxasset, Rex à *Guilielmo* marito, qui sibi in ære erat maximo, acerbius æs illud exegit. Ille autem non solvendo, sæpius prævaricatus, tandem tria Castra, *Hajam* scilicet, *Brecknock*, &

Radnor, Regi in pignora tradidit. Quæ mox tumultuaria conscripta manu ex improvise invasit & cæsis præfidiariis extorsit, *Lemster* oppidum incendit, cæde, sanguine, & agrorum deprædationibus, grassatus, nihil non fecit quod rebelles assolent. Sed Regiis insequentibus se cum suis in *Hiberniam* subduxit, cum Regis hostibus consilia sociavit, simulate tamen, quasi se submissurus, fide data Regem profecturum in *Hiberniam* accessit, multaque pollicitus, novas denuo turbas in *Wallia* dedit, sed solum vertere tandem coactus in *Gallia* exul obiit, uxor vero capta, fame malorum extrema in carcere confecta gravissimas procacis linguæ pœnas persolvit. *Ægidius* hujus filius Episcopus *Herefordensis* annuente Rege *Ioanne* paternam hæreditatem, (nepote recto hærede neglecto) consequutus, fratri *Reginaldo* reliquit, cujus filium *Guilielmum* in adulterio cum uxore sua deprehensum *Leolinus* Princeps *Walliæ* suspendio sustulit. Per *Guilielmi* autem filias *Mortuomari*, *Cantelupi*, & *Bohuni* Comites *Herefordiæ* amplam creverunt hæreditatem. Hæc vero *Brechinia Bohunis* obtigit, & tandem per illos *Staffordis*, *Edwardo*que *Stafford* *Buckinghamiæ* Duce proscripto, ad Regem reditus in hoc agro amplissimi devenerunt.

* *Braus* & *Breus* etiam vocatus.
† *Matildis* de *Haja* dicta.

Numerat paræcias 61.



MON.

MONMOUTHSHIRE.



Brechinia & Herefordia ad Meridianam plagam subjacet Comitatus Monumethensis, vulgo Monmouth-shire Anglis, olim VVentset, & VVents-land, Britannisque Guent, ab urbe antiqua appellatus. Incluitur à Septentrione Munow fluvio, qui Herefordienfes, ab Ortu Vaga five Wye, qui Glocestrenfes, ab Occasu Remneio, qui Glamorganfes sejungit, & ab Austro Sabriniano æstuario, in quod illa flumina una cum Ifca, qui mediam intersecat regionem, evolvuntur. Rebus ad victum necessariis non solum sibi sufficit, sed etiam vicinis affatim suppeditat. Pars Orientalis herbida, & nemorosa, Occidentalis nonnihil montana & lapidosa, non tamen colono ingrata. Gens (ut inquit Giraldus de sua ætate loquens) Martiis conflictibus usitatissima, strenuitatis opera laudatissima, & arte sagittifera præ ceteris Wallia finibus instructissima.

Ewias
Lacy.
Lanthony.

Lacy Ba-
rones.

Hodney.

In extremo ad Circium angulo, qui Ewias dicitur, non procul à Munow fluvio inter Hatterell montes, quos, quod instar Cathedræ confurgunt, Munith Cader dicunt, Lanthony sedit vetus cœnobium, quod Walterus Lacy, cui latifundia hic dedit Guilielmus Comes Herefordiæ fundavit, & à quo Lacy illi qui inter primos Hiberniæ expugnatores clarissimi, profluxerunt. Cœnobii ejus situm pro me describat, qui plenius novit Giraldus Cambrensis, Stat (inquit) in valle de Ewias profundissima, quantum est jactus sagittæ arcu transmissæ, montibus ætheriis orbiculariter undique conclusa Ecclesia S. Joannis Baptista, plumbeis laminis operta, lapideoque tabulatu pro loci natura non indecenter extructa, in loco videlicet ubi paupercula prius S. Davidis Archiepiscopi capella steterat musco sylvestri solum, & hederæ nexibus adornata. Veræ religioni locus idoneus, & discipline Canonica præ cunctis Insule Britannicæ cœnobiis competentissimus, à duobus heremitis in honorem heremita primo fundatus, ab omni populari strepitu in solitudine quadam longe remotus, super flumen Hodney, per vallis imā labentis situs, unde & ab Hodney Lanthodeny dictus, Lhan enim locus Ecclesiasticus sonat. Exquisitius tamen dici potest, quod propria loci illius nuncupatio Cambrice est Nanthodeny: usque hodie enim ab accolis Lhan Devi Nanthodeny vocatur, hoc est, Ecclesia David super rivum Hodney. Pluvia vero quas montana creant, hic creberrime, venti prævalidi, nebule sub bruma fere continuæ. Et tamen aëris quanto obtusioris, tanto benignioris, & clementioris salubri temperantia, morbi rarissimi. Hic claustrales in claustro sedentes, cum respirandi gratia forte suspiciunt, ad quaslibet partes trans alta rectorum culmina, montium vertices quasi cælum tangent, ipsasque plerumque feras, quarum hic copia, in summo pascentes, tanquam in ultimo visus Horizonte prospiciunt. Hora vero dici quasi inter primam, & tertiam, supra montium cacumina vix emergens, etiam sereno tempore, corpus hic solare primo conspicitur. Et paulo post, Rogerum Salisburiensem Episcopum, principalem regni tunc sub rege rectorem huc fama attraxit, qui cum aliquandiu loci naturam, heremiticam solitudinem, fratrum Britannia.

ibidem Deo servientium sine querela statum, & sine murmure conversationem in singulis admirans considerasset; reversus ad Regem, relatisque quæ ibi repererat, relatione dignis, cum maximam diei partem in loci præscripti titulos expendisset, tandem in hoc verbo laudis præconia consummavit. Quid, inquit, plura? Totus tam Regis, quam Regni thesaurus soli claustro erigendo non sufficeret. Cum itaque tam Regis, quam curia totius animum in hujus verbi stuporem diutius suspendisset: tandem de montium claustris, quibus undique vallatur, ænigma sermonis exposuit. Sed de hoc satis superque.

Ad Munow flumen visuntur Grossmont, & Skinfrith, olim Breosorum ex concessione Regis Joannis, postea Huberti de Burgo castra, qui ut aulicam invidiæ tempestatem in tranquillum conferret, hæc, & alia duo castella, Blancum scilicet castrum, & Hanfeldiam Regi Henrico Tertio, ut habetur in Minori Matth. Parisiensis historia, pro bona pace, & pristina charitate reformanda in manum resignavit.

Grossmont.
Skinfrith.

In altero ad Aquilonem angulo, Munow & Vaga, five Wye confluentes; primum regionis oppidum fere circumfluunt, & nomen imponunt, Mongwy enim Britannis dicitur, & nobis Monmouth. Ad Septentriones qua fluminibus defenditur, muro & fossa præcinctum erat, in medio proxime forum castellum præterendit, quod Guilielmi Conquestoris tempore floruit, ut in Tabulis Reg. videre est, Joannem tamen Baronem Monmouth excitasse creditur, à quo ad Lancastrensem familiam devenit, cum illum patrimonio exuisset Rex Henricus Tertius, eo quod à Baronibus pertinaciter contra ipsum steteret; vel potius, ut in Regis Prærogativa legimus, quod hæredes illius fidem Comiti Britannicæ Aremoricæ præstitissent. Iam inde suis immunitatibus, quas Lancastrenses concesserunt, oppidum celebre floruit. Sed nulla re æque insigne habetur, quam quod Henricum Quintum Gallicæ triumphatorem, & alterum Lancastrensis stemmatis decus Anglis in lucem eduxerit. Illum inquam Henricum, qui Galliam Gallis militari virtute extorsit, & Carolus VI Gallicæ Regem eo adigit, ut regno quodammodo renunciaret. Ob cuius secundos in bellis cursus, Ioannes Sewardus non infimi subfellii illis temporibus Poëta ita exultanti versu Anglos affatur:

Monmouth.



Ite per extremum Tanain, pigrosque Triones,
Ite per arentem Lybiam, superate calores
Solis, & arcanos Nili deprendite fontes.
Herculeum finem, Bacchi transcurrite metas;
Angli juris erit quicquid complectitur orbis.
Anglis rubra dabunt pretiosas æquora conchas,
Indus ebur, ramos Panchaia, velleræ Seres:
Dum viget Henricus, dum noster vivit Achilles,
Est etenim laudes longe transgressus avitas.

Galfridum etiam Arthurium Episcopum Asaphensem Britannicæ historiæ consarcinatorem alumnum suum jactat Monmouthia, virum sane antiquitatis bene peritum, sed fidem, ut videtur, non antiqua, tot Milesias nugas passim ex suo ingenio interfudit. Adeo ut jam inter prohibitos ab Ecclesia Romana scriptores habeatur.

Galfridus
de Monmouth live
Ap Arthur.

Iiiii

Hinc



BRECHINIAE

PARS. Anglice

BRECKNOCK

SHIRE.

Occidens



MONMETHENSIS
COMITATUS.
Vernacule
MONMOUTH SHIRE.

Meridies.

I. Blau Exc.

Quatuor Anglica Millaria sive unum
Milliare Germanicum.

Hinc flexuoso volumine descendit in Austrum *Vaga*, in quo copiosa est salmonum piscatura à Septembri ad Aprilem. Limes hodie inter Glocestrenses, & Monumethenses, olim inter Wallos, & Anglos, juxta illum Nechami versiculum:

Inde vagos Vaga Cambrenses, hinc respicit Anglos.

Chepstow.

Qui cum jam ad ostium fere devenerit, *Chepstow* præterfluit, id est, si è Saxonico interpreteris, *Forum*, *Negotiorum locus*, Britannis *Castle Went*. Oppidum hoc est celebre, clivo à flumine surgenti impositum, mœnibus circumvallatur magno ambitu, quæ agros, & hortos in se includunt, Castrum habet satis spatiosum flumini impendens, & è regione stetit Prioratus, cujus parte meliori demolita, quod reliquum est in Ecclesiam Parochialem convertitur. Pons vero quo *Vaga* jungitur publicus est, & admodum excelsus, quia accedente æstu in magnam altitudinem fluvius exsurgit. Hujus Domini fuerunt è Clarensum familia Penbrochiæ Comites, qui à *Strigbull* castro vicino quod incoluerunt, *Strigbull* & *Penbrochia* Comites vulgo dicti, quorum ultimus Richardus vir infracto animo, projectissimis brachiis *Strongbow* cognominatus, quod arcu intentissimo uteretur, & nihil levi brachio ageret, Hiberniam Anglis primus sua virtute aperuit. Per hujus filiam descendit ad *Bigottos*, &c. nunc vero ad Comites Wigornia spectat. Cæterum non admodum prisca est hujus vetustas, asseverant enim plurimi, nec sine ratione è *VENTA* vetustissima urbe, non ante multa sæcula exortum fuisse, quæ quatuor hinc ad Occasum milliaribus Antonini ætate floruit, cui *VENTA*

Comites Strigulæ.

Venta. Caer-Went.

Lib. Ecclesiæ Landaf-fensis.

Strigbull Castle.

Portskeweth.

Caldecot. Inq. 3. Ed. 1.

SILVRVM, quasi eorum urbs præcipua, appellatur, quod nomen nec furor hostilis, nec dies adhuc interpolavit, *Caer Went* enim hodie dicitur, id est, *Urbis Venta*. Urbem autem ipsam vel hæc vel ille ita abstulit, ut tantum jam è semirutis mœnibus, tessellatis pavementis, Romanorumque nummis extitisse appareat. Ambitu mille plus minus passus collegit, ab Australi parte magna pars mœnium superest, & trium propugnaculorum plusquam rudera. Quanti tamen fuerit olim nominis, vel hinc colligatur, quod ante Monmuthia nomen auditum, universa hæc regio ab illa *Guent*, *VVent-set*, & *VWents-land* dicta fuerit. Ad hæc, ut in vita Tathai Britannici Sancti legimus, Academia fuit, locus scilicet bonarum literarum studiis dicatus, cui Tathaius ille à Caradoco Rege Inirii filio è solitudine evocatus magna cum laude præfuit, & Ecclesiam fundavit.

Ad quintum hinc milliare in Occidentem *Strigulia* castrum ad montium radices sedet, nos hodie *Strugle*, Normanni *Esstrighill* vocarunt, quod (ut est in Guilielmi Primi libro Censuali) Guilielmus *Fitz-Osbern* Herefordia Comes construxit, posteaque Comitum Penbrochiæ è Clarensum familia sedes. Vnde illi usitate *Strigulia Comites* appellati fuerunt.

Sub hæc ad æstuarium juxta *Vagæ* ostium *Portskeweth* adfidet, Mariano *Portscith*, qui prodidit Haraldum anno Salutis *M L X V*, munitionem eo loci contra Wallos objecisse, quam illi statim, duce Caradoco, everterunt. Deinde *Throgoy* fluvius prope *Caldecot* Sabrinae æstuarium subit,

ubi castri mœnia, quod ad Angliæ Constabularios spectavit, tenebaturque per servitium *Constabularitatis Angliæ*. Iuxta cernuntur *VWondy* & *Penbow*, olim sedes clara familiae de *Sancto Mauro*, nunc corrupte *Seimor*. Ad *VWondy* enim à Wallis extorquendum G. Mareschallus Comes Penbrochiæ circa annum *M CC XL*, tenebatur opem ferre Guilielmo de *Sancto Mauro*. A quo descendit Rogerus de *Sancto Mauro* Miles, qui alteram hæredem I. de *Bello-Campo* de *Hach* Baronis nobilissimi in uxorem habuit, qui genus deduxit à *Sibylla* cohærede Guilielmi illius *Marescalli* potentissimi Penbrochiæ Comititis, Guilielmo de *Ferrariis* Comite *Derbiæ*, Hugone de *Vivonia*, Guilielmo *Mallet*, viris olim clarissimis. Quorum omnium & aliorum nobilitas (ut certo ostendi potest) confluit in honoratissimo Edwardo de *Sancto Mauro*, sive *Seimor*, nunc Comite *Herefordia*, virtutis & bonarum literarum fautore singulari, & eo nomine merito dignus qui celebretur.

Wondye.

S. Maur. vel Seimor familia.

Regio palustris per plura milliaria infra extenditur, *The Moore* vocamus, quæ (dum hæc recognoscimus) luctuosam cladem magno cum damno pertulit. Mare enim *Sabrinianum* cum accederet in interlunio, & assiduo *Libonoto* per tres ante dies retroactum fuisset, vehementiori *Altano* irritatum, tanto æstu incanduit, ut humiliori huic tractui, & in agro *Somersetten*si è regione glomeratis fluctibus incubuerit, ædes subruerit, & numerosa animalium capita, nec non homines oppresserit. Qua palustris hic tractus sensim prominendo procurrit in ipsa prominentia *Gold-cliffe* extollitur, id est, ut inquit *Giraldus*, *Rupes aurea*, eo quod aurei coloris saxa sole reperiuntur fulgore sunt rutulantia, nec mihi de facili, ait ille, persuasio fieri posset, quod frustratum dederit natura nitorem saxi, quodque suo fuerit flos hic sine fructu, si foret qui venas ibidem, & penultima terra viscera arte prævia transpertraret. Quo in loco supersunt reliquæ Prioratus, qui illos de *Chandos* patronos agnovit.

The Moore. Inundatio Januarii 1607.

Gold-cliffe.

Post hanc, per palustrem regionem, ad *Isca* ostium pervenimus, quem Britanni *Vsk* & *VWysk*, alii *Oscam* nominant. Hic medium agrum, ut dixi, intermeans tribus primæ vetustatis urbiculis affunditur.

Isca fl.

Prima in ipso agri limite ad *Circium*, Antonino *GOBANNIVM* dicitur, ad *Isca* & *Gevenny* confluens, unde nomen inditum, hodie vero integra antiqua appellatione *Aber-Gevenny*, & contracte *Abergenny* vocatum, quod *Gevenni*, sive *Gobannii* confluentes significat. Muris & castro munitur, quod, ut inquit *Giraldus*, prodicionis infamia, ex omnibus Walliæ castris, frequentius maculatum fuit; primum à Guilielmo Comititis Milonis filio, postea à Guilielmo *Breoso*, quorum uterque nonnullos Walliæ procures fide publica huc advocatos per amicitia simulationem nefarie obruncavit. Sed non sine divina vindicta; hic enim omnibus bonis exutus, conjuge & filio fame enectis, profugus obiit, ille saxo in caput impacto, dum *Breulais* castrum deflagraret, scelerum tandem poenas dependit meritas. *Abergenny*, sive *GOBANNII* primus, quod sciam, Dominus erat *Hamelinus* quidam *Balun*, qui *Briennum* *Wallengfordensem*, sive *Brientium* de *Infula*, *Filium Comititis* dictum, hæredem scripsit. Ille

Gobannium.

Aber-Gevenny.

Abergenny Domini.

itidem

itidem duobus suis liberis qui leprosi erant, constructo hic Nosocomio, Gualterum filium Milonis Herefordiæ Comitis in partem hæreditatis suæ longe maximam vocavit. Illi successit Henricus frater à Wallis interfectus, qui in ejus terras involarunt, quas præfecti Regis non sine magnis periculis defenderunt. Per Henrici vero sororem ad Breos, & ab illis connubii jure per Cantelupos & Hastings ad Reginaldum Grey Ruthniensem descendit: Guilielmi tamen de Bello-campo à Greio virtute cujusdam transcriptionis & conventionione recuperavit, & ille itidem, si proles ejus mascula deficeret, transcripsit in Thomam fratrem Warwici Comitem, & ejus hæredes masculos. Guilielmo de Bello-Campo Domino Abergevenne natus erat Richardus, qui ob virtutem militarem Wigornia Comes creatus, & Gallico bello occisus unicum reliquit filium, quam Edwardus Nevill in uxorem accepit. Iam inde titulo Baronum Abergevenna claruerunt Nevilli (Castrum tamen diu ex illa quam dixi transcriptione detentum erat) Horum quartus nostra memoria defunctus unicum tantum reliquit filiam Mariam, Thomæ Fane Equiti aurato enuptam, inter quam & Edwardum Nevill Equitem auratum hæredem proximum masculum, cui ex testamento, eoque autoritate Parliamentaria constabillito Castrum Abergevenna, & pars hæreditatis longe maxima obtigerat, de titulo Baronis Abergevenna in Comitibus Parliamentariis anno Iacobi Regis secundo septem seorsim diebus ab utriusque partis advocatis coram Regni proceribus acerrime & doctissime disceptatum erat. Cum tamen juris quæstio non satis esset explicata, sed honorario titulo uterque dignissimus pro familia splendore singulis videretur, & certissimis constaret indiciis cum titulum Baronis Abergevenna, tum Baronis Le Despenser ad hanc stirpem hæreditario spectare: efflagitarunt à Rege proceres, ut utriusque Baronis dignitas restitueretur, qui libenter adnuit. Hinc propositum erat à Cancellario proceribus primum, an hæres masculus titulum Abergevenna haberet, vel hæres fœmella: plurimis placuit ut masculo titulus Baronis Abergevenna restitueretur. Cumque iterum propositum esset, an fœmellæ & suis hæredibus titulus Baronis Le Despenser restitueretur, consenserunt universi. Quod cum Regi declaratum, ille suo assensu regio confirmavit. Edwardusque Nevill regis scripto statim ad Parlamentum nomine Baronis Abergevenna evocatus, atque in trabea Parliamentaria inter duos Barones, ut moris est, introductus, & sede supra Baronem de Audeley locatus. Eodemque tempore coram regni proceribus perlectæ literæ Patentes, quibus Rex Mariam Fane ad statum, gradum, titulum, stilum, nomen, honorem, & dignitatem Baronissæ Le-Despenser restituit; erexit, præfecit, &c. habendum & tenendum prædictum statum, &c. præfata Maria & hæredibus; quodque ejus hæredes sint successive Barones Le-Despenser, &c. Nova autem suborta quæstione, cui prior locus deberetur, an Baronis Abergevenna, vel Le-Despenser; proceres hoc ad designatos pro officio Comitis Marecalli Angliæ examinandum retulerunt, qui re mature perpensa pro Baronia Le-Despenser sententiam suis chirographis & sigillis consignarunt, quæ lecta coram proceribus, & in Diarium Parliamentarium eorum jussu relata, ex quo hæc compendio

Baronissa
Le-Despenser.

Britannia.

descripti. Hoc castrum (nec est cur tacitus præterirem) tenuit I. Hastings per homagium, Wardam, & maritagium, cum acciderit (ut in Inquisitione legitur) & si guerra fuerit inter Regem Angliæ, & Principem Walliæ, deberet custodire patriam de Over-went sumptibus propriis, meliori modo quo poterit pro commodo suo, & utilitate Regis, & defensione Regni Angliæ.

Secunda urbecula, quam BVRRIUM Antoninus dixit, & ad duodecimum à Gobannio milliare ponit, sedet ubi Birtbin profluens Isca commiscetur, Britannis hodie transpositis literis, Brunebegie pro Burenbegie, & Caer Vske, Giraldo Castrum Osca, & Anglis Vske, nunc solum castrum ampli & muniti ruinas ostendit, quod amœnissime intersidet inter Iscam flumen & Oiswy rivulum, qui per Ragland elegantes Comitibus Wigornia ædes instar castelli cursum ab Oriente sub hoc agit.

Vrbs tertia Antonino ISCA, LEGIO II dicta, ad Isca alteram ripam duodecim exacte milliariibus Italicis à BVRRIO, ut ille notavit, distans, Britannis Caer-Leon, & Caer Leon ar Vsk appellatur, id est, Vrbs Legionis ad Iscam fl. à Legione Secunda Augusta, quæ etiam Britannica Secunda nominatur. Hæc legio ab Augusto instituta, à Claudio à Germania in Britanniam sub Vespasiani auspiciis translata, cui imperium affectanti præsto fuit, Britannicasque legiones sibi adjunxit, hic demum à Iulio Frontino, ut videtur, in præsidio contra Silures locata. Quanta hæc Isca tunc temporis fuerit, audi Giraldu nostrum è suo Cambria Itinerario, Erat hæc urbs antiqua & autentica, à Romanis olim coctilibus muris egregie constructa. Videas hic multa pristina nobilitatis vestigia, palatia immensa aureis olim tectorum fastigiis Romanos fastus imitantia, eo quod à Romanis principibus primo constructa, & adificiis egregiis illustrata fuisset. Turrim giganteam, thermas insignes, temporum reliquias, & loca theatralia muris egregiis, partim adhuc extantibus omnia clausa. Reperias ubique tam intra murorum ambitum, quam extra, adificia subterranea, aquarum ductus, hypogæosque meatus, & quod inter alia notabile censeas, stupas undique videas artificio miro confectas, lateralibus quibusdam, & præangustis spiraculis occulte calorem exhalantibus. Iacent hic duo nobiles, & post Albanum & Amphibalum, præcipui Britannia majoris protomartyres, & ibidem martyrio coronati, Iulius scilicet & Aaron, quorum uterque Ecclesiam in urbe insignem habebat. Tres enim egregie in hac urbe antiquis temporibus fuerant Ecclesie. Vna Iulii Martyris, virginum Deo dicatarum choro venustata, altera vero B. Aaron socii ejusdem nomine fundata, & Canonicorum ordine præclaro nobilitata. Amphibalus etiam B. Albani doctor, & fidelis ad fidem informator hic oriundus erat. Situs urbis egregius super Oske flumen navigio mari influente idoneum, sylvis & pratis urbs illustrata. Hic magni illius Arthuri famosam curiam legati adiere Romani. Vbi & Dubritius Archiepiscopus Davidi Menevensi cessit honorem, abhinc Meneviam Metropolitana sede translata. Hæc Giraldu. Sed ad hujus antiquitatem asserendam antiquas inscriptiones quas hic nuper effossas Reverendissimus pater Franciscus Godwinus Episcopus Landavenis venerandæ antiquitatis, & optimarum literarum cultor eximius, mihi pro sua humanitate impertivit subjungendas curavi. Anno MDCII, in prato adjuncto reperta à fossoribus fuit effigies succincta & pharetrata, capite, manibus, & pedibus truncata super pavementum tessellatum, & fragmentum aræ cum hac inscriptione literis triunciali-

K k k k

bus,

6. Edw. 2.

Burrium.

Vsk.

Stupha.

bus, ab Hateriano Legato Augusti, & Pro-Præ-
tore Provinciæ Ciliciæ posita.


Hæc etiam fragmenta:

* 7. VECILIANA.

* Centu-
rio.

VIII.

7. VALER.
MAXSIMI.



Extant hæ
inscriptio-
nes ad Ma-
thern in
edibus E-
piscopi
Landaven-
sis.

Anno insequenti juxta hæc etiam eruta, quæ
dictam effigiem Dianæ fuisse templumque à Tito
Flavio Postumio Varo veterano fortasse cohortis
Legionis secundæ restitutum fuisse comprobatur.


T. FL. POSTVMIVS VARVS.
V. C. LEG. TEMPL. DIANÆ
RESTITVIT.

Et hæc etiam votiva Ara, è qua GETA Cæsa-
ris nomen erasum tunc videatur, cum ille à fra-
tre Antonino Bassiano sublatus, & hostis decla-
ratus, ita tamen ut ex literarum ductu quodam-
modo appareat.

In libris
Impressis
Claudius
Pompeja-
nus &
Lollianus
Avitus
Coss. anno
Christi
210.

PRO SALVTE
AVGG. NN.
SEVERI ET ANTON-
NI ET GETÆ CAES.
P. SALTIVS P. F. MAE-
CIA THALAMVS HADRI.
PRÆF. LEG. II. AVG.
C. VAMPEIANO, ET
LVCILIAN.

Hæc etiam mutilata ibidem reperta Ara pul-
cherrima, quam sic supplendam existimo.



Hic etiam sub ingressum Saxonum fuit gymna-
sium ducentorum Philosophorum, qui Astronomia, cæteris-
que artibus eruditi cursus stellarum diligenter observabant,
ut scripsit Alexander Elsebiensis author rarus, è
quo mihi plurima descripsit Thomas Iames Oxo-
niensis vir eruditus, & vere φιλέτης, qui se to-
tum literis, & libris involvit, & jam publici boni
studio in Angliæ Bibliothecis excutiendis (Deus
opus secundet) id molitur, quod Reipublicæ lite-
rariæ inprimis erit usui. Regnante Henr. Secun-
do quo tempore scripsit Giraldus, hanc satis va-
lidam fuisse videtur. *Trwith* enim de *Caerleon* ani-
mosus Britannus diu eam contra Anglos tutatus
erat, donec à Rege devictus, ejus possessione ex-
turbaretur. Nunc vero, ut documento sit, ur-
bium, non minus quam hominum fata volvi, in
exiguam oppidulum decrevit, quæ tantæ olim
amplitudinis erat, & ita utraque ripa porrecta, ut
S. Iuliani ædes clarissimi Equitis aurati *Guil. Her-
bert*, qui non minus ingenii judicii que dotibus,
quam generis claritate fuit celebris, in ipsa urbe
fuisse, & Iulii Martyris ecclesiam eo loci extitisse
ferant, quæ mille plus minus passus jam ab oppi-
do abest. Ex ejus etiam ruinis paulo inferius ad
Isca ostium accrevit *Novus portus*, Giraldo *Novus*
Burgus, nobis *Newport*, recentius oppidum, castro
& portus oportunitate non ignotum, quo loci
olim aliqua via militaris erat, cujus his versibus
meminit Nechamus:

Tho. Ia-
mes.

Newport.

Intrat, & auget aquas Sabrini fluminis Oska

Præcepit, testis erit Iulia Strata mihi.

Hanc *Iuliam Stratam* viam fuisse non est cur du-
bitemus, & si rem ad conjecturam revocare li-
ceat, à Iulio Frontino Silurum debellatore du-
ctam fuisse non omnino absurdum videatur. Ser-
pit, inquit Giraldus, in hujus Novi Burgi sinibus ri-
vulus, cui nomen Nantpencarn, non tam aquarum pro-
funditate, quam atvei concavitate, palustrique limositate,
non nisi per certa vada transmeabilis; habueratque antiqui-
tus vadum, cui nomen Rydpencarn, id est, vadum sub
rupis capite. Quod cum jam fere incognitum Hen-
ricus Secundus Angliæ Rex forte fortuna trans-
measset, Walli (qui se nimis credulos vaticiniis
præbent) quasi conclamatum esset, omnem me-
liorem spem abjecerunt, eo quod Merlinus Syl-
vester Wallorum Apollo vaticinatus fuisset, tunc
Wallorum vires fore proterendas, cum fortis &
lentiginosus princeps (cujusmodi Henricus ille
erat) vadum illud transiret.

Saxonica Heptarchia paruit hæc regio Wallis
montanis, quos illi *Dun-settan* vocarunt, qui ta-
men, ut in legibus antiquis videre est, sub occi-
duorum Saxonum imperio erant. Normanno-
rum vero primis temporibus limitanei duces
gravissime affixerunt, præcipue Hamelinus *Ba-
lun*, quem dixi, Hugo Lacy, Gualterus, & Gilbertus
de *Clare* dicti, & Brienus Wallingfordensis,
quibus cum donassent Reges, quicquid hoc tra-
ctu, devictis Wallis, occupare potuissent, alii su-
periore agri partem, quam *Over-Went*, alii infe-
riorem, quam *Nether-Went* dixerunt, in suam pau-
latim potestatem redegerunt.

Dun-set-
tan.

Continet Ecclesias parociales 127.

GLAMOR-

GLAMORGAN-SHIRE.

Glamor-
ganiae un-
de nomen.

Vltimam Silurum regionem
eam fuisse existimo, quæ nunc
nobis *Glamorgan-shire*, Britan-
nis *Morganuc*, *Gloth-morgan*, &
Glad Vorganuc, id est, Regio
Morganuc vocatur, à Morgano
Principe, ut plurimi suspican-
tur, à *Morgan* cœnobio, ut alii.

Si vero ego à *Mor*, quod Britannis mare signifi-
cat, deducere, nescio sane an veritati illude-
rem. Maritimum tamen Armoricæ oppidum,
quod nunc *Morlais*, Ptolemæo, & priscis Gallis
Vorganium, sive *Morganium*, (M enim & V conso-
nantes sæpius hac in lingua transmutantur) dici
observavi, & unde quæso, nisi à mari? Et hæc
etiam nostra *Morganuc* tota est maritima, minus
enim latitudine, quam recta regione porrecta,
Sabriniano mari à meridie pulsatur. Qua terram
vero spectat, ab Ortu Monumethenses, à Borea
Brechnochiensis, ab Occasu Maridunenses ad-
jacent.

Pars Septentrionalis montibus est aspera, qui
in austrum descendentes paulatim mitescunt,
quorum ad radices planities in meridianum so-
lem extenditur, ea positione, quam optimam ju-
dicavit Cato, & ob quam Italiam tantopere com-
mendat Plinius. Hæc enim pars gratissima fœ-
cunditate, & crebris oppidis undiquaque nitet.

Iustinus hujus regulus, regnante Guilhelmo Ru-
fo, cum à Rhese Principe suo defecisset, viribus
que minime par fuisset, præcipitato consilio,
quod sera pœnitentia subsequuta est, Robertum
Fitz-Haimon Normannum filium *Haimonis Dentati*
Comitis Corbulensis, ex Anglia per * Ivonem
nobilem, cui filiam desponderat, in auxilium ac-
cessit. Qui habito statim delectu, adscitisque
in belli societatem duodecim equestris dignita-
tis viris, primum infesto agmine Rheseum inter-
fecit, deinde vero fertilitate regionis inescatus,
quam certa spe jam ante devoraverat, in Iusti-
num ipsum conversus, quod Ivoni fidem non li-
berasset, illum avira possessione facile exuit, re-
gionemque inter suos partitus est, Montium in-
cultu Ivoni concessit, uberiores agros sibi, &
duodecim illis, quos *Pares* vocavit, ea lege divi-
sit, ut clientelari jure à se, quasi Domino tene-
rent, sociis & auxiliariis armis se invicem tue-
rentur, stationem quisque suam in castro ejus de
Caerdiff defenderent, & sibi, cum jus diceretur,
præsto adessent. Illorum nomina attexere non
pigebit ex libello quem hac de re, nescio an
Edwardus *Stradling*, an Edwardus *Mauvell*, qui
ambo Equites aurati, veteris prosapiæ, & anti-
quitatis peritissimi (utriusque enim nomine cir-
cumfertur) scripsit. Ea vero sic se habent:

Guilielmus Londinensis, sive de *Londres*.

Richardus Granvill.

Paganus Turbervill.

Olivarius S. Iohn.

Robertus de S. Quintino.

Rogerus Bekeroul.

Guilielmus Easterling, quod è Germania esset
Britannia.

oriundus, cujus posterii *Stradlings* nunc
vocantur.

Gilbertus Humfravill.

Richardus Seward.

Ioannes Fleming.

Petrus Soore.

Reginaldus Sully.

Remmius fluvius è montibus demissus, Orienta-
lis est limes, quo hæc provincia à Monumethen-
sibus dividitur, & *Remmi* dividere Britannis signi-
ficat. In hujus vicinia, ubi per invia agitur, inter
montes palustri loco nutantia mœnia *Caer-Philli* Caer-
Philli.
castri cernuntur, quod adeo vastæ magnitudinis
& admirandi operis fuit, ut Romanorum præsi-
dium fuisse asserant fere omnes; nec ego inficias
ibo, licet quo nomine illis cognitum fuerit non-
dum perspicio: restauratum tamen videatur,
cum sacellum habeat Christiano more constru-
ctum, (ut me docuit qui sedulo contemplatus est
I. Sanford, vir singulari doctrina & limato judi-
cio) jurisque fuit *Clarorum* Glocestriæ Comitum.
Nec enim in nostris annalibus memoratur ante
Edwardi Secundi tempora. Tunc enim cum *Spens-
eri* conjunctionem inter Regem, Reginam, &
proceres malis artibus diffuissent, Hugolinum
Spenserum diu irrito conatu in hoc castro obsede-
runt. Ad hunc etiam fluvium, sed loco incerto,
Faustus Vortigerni, ut author est Ninnius, pessi-
mi patris optimus filius magnum locum constru-
xit, ubi cum aliis sanctis viris assiduis precibus à
Deo contendit, ut ipse (quem pater sceleratissi-
mo in cœstu ex sua ipsius filia suscepit) parentis
culpas non male lueret, ut pater tandem serio
respiraret, & patria à Saxonico bello respi-
raret.

Paulo inferius *RATOSTABII* sive *RATO-
STIBII* ostium posuit Ptolemæus, mutilato vo-
cabulo pro *Traith Taff*, id est, *Taffi* fluminis sabu-
losum æstuarium. *Taffus* enim fluvius montibus
dejectus ibi mare petit per *Landaff*, id est, *Fanum* Landaff.
ad *Taff*, tenuem urbem humiliori situ, episco-
pali tamen dignitate, cui subsunt parochiæ C. LIV,
cathedralique ecclesia *Teleano* ejusdem præfati
sacra insignem, quam Germanus & Lupus Galli-
ci Episcopi tunc instituerunt, cum Pelagianam
hæresim late per Britanniam grassantem com-
pressissent, Dubriciumque virum sanctissimum
primum episcopum præfecerunt, cui Meuricus
Regulus Britannicus universum agrum inter
Taff, & *Elei* flumina elargitus erat. Hinc *Taff* adit
Caerdiff, Britannis *Caerdid*, nitidam, ut in hac re-
gione, urbem, portumque satis commodum,
quam *Fitz-Haimon* ille, sive *Filius Haimonis* victor
in belli sedem, justitiæque forum mœnibus &
castro communivit, in quo præter delectam co-
hortem, duodecim illi milites suas stationes tue-
ri tenebantur. Nihilominus paucis interjectis
annis *Yvor Bach* Britannus montanus, erecto ani-
mo homunculus, silenti agmine castrum noctu
occupavit, Guilielmumque Glocestriæ Comi-
tem, *Fitz-Haimonis* è filia nepotem cum uxore &
filiolo captivum abduxit, secumque retinuit,
L1111 quoad

Glamor-
ganiae de-
bellatio.Rob. Fitz-
Haimon.
* Aliis
Inon.
12. Knights.

Caerdiff.

Ratosta-
bii ostium.

Landaff.

Historia
Landaven-
sis.

Caerdiff.



Rob. Cur-
thofe Dux
Norman-
niæ.

quoad ei de injuriis cumulate satisfaceret. Quo-
modo vero Robertus *Curthofe* Guilielmi Con-
quæstoris filius natu maximus, vir bellica virtute
stolide ferox, spe Anglici imperii à minoribus
fratribus excussus, oculisque orbatus in hoc ca-
stro consenuerit, ex nostris, si placet, historicis
quæras, simulque discas ex Regia familia nasci,
nec tranquillum nec tutum esse.

Sully, forte
à Siluri-
bus.
Barry.

Vix tribus à *Taffi* ostio milliaribus, in ipso lit-
toris flexu insulæ sternuntur duæ exiguæ, sed
amœnæ, tenui freto tum à se, tum à continente
discretæ, ceterior *Sully* dicitur, ex oppido objecto,
cui Robertus de *Sully* (illi enim in divisione obti-
gerat) nomen fecisse creditur, si non illum inde
denominatum mavis. Vltior *Burry* vocatur à
Barucho viro sancto ibi sepulto, qui ut loco no-
men, sic locus cognomen fecit suis postea Domi-
nis. Clara enim Vicecomitum *Barorum* familia
in Hibernia inde originem duxit. In hujus rupe
marina, inquit *Giraldus*, apparet rima permodica, ad
quam si aurem apponas, audies strepitum quasi opera fa-
brilis, nunc folium flatus, nunc martellorum ictus, nunc
cotis, & ferri sonora fricamina, stridentesque cavernis stri-
cturas chalybum, & anhelum fornacibus ignem. Ceterum
haud difficile crediderim, ex aquis marinis occulte subin-
trantibus sonum hujusmodi provenire posse, nisi quod non
minus refluxus fluctibus, vacuato prorsus littore, continua-
tur, quam repleto. Nec dissimilis erat locus ille, cu-
jus in *Stromatum VII*, his verbis meminit *Cle-*

Spelunca
mira.

mens Alexandrinus, Dicunt qui conscripserunt histo-
rias, in *Britannia* insula esse quandam speluncam monti
subjectam, in fastigio autem biatum, cum autem ventus
incidit in speluncam & in ejus sinu alliditur, audiri sonum
cymbalorum, quæ numero pulsantur. Rejunctus enim spi-
ritus sonat vehementius. Ab his insulis recta in Occi-
dentem Solem littus agitur, fluminique uni se

Cowbridge.

patefacit, cui interius superimponitur *Cowbridge*,
Britannis à saxeo ponte *Pont-van*, mercatorum
oppidum, & ex tribus illis secundum, quod vi-
ctor *Fitz-Haimo* sibi retinuit. Quod autem hoc
in tractu, & ad hanc ab *ISCA* distantiam *BO-*

Bovium.

VIVM, quod etiam corrupte *BOIVM* conci-
pitur, collocarit *Antoninus*, hoc *Bovium* fuisse
blandiente conjectura opinatus sum: verum
cum ad tertium hinc milliæ sit *Boverton*, quod
cum *Bovio* apposite consonet, ita me veritas
amet, non alibi *BOIVM* indagare ausim. Nec
à bobus nomina locis accommodari novum esse,
loquuntur *Bosphorus Thracius*, *Bovianum Sam-*
nitum, & *Bauli Italiæ*, quasi *Boalia*, si *Symacho*
credas. Sed hoc sit instar omnium, quindecim
mill. à *BOVIO* *NIDVM* oppidum Latino etiam
nomine posuit *Antoninus*, quod licet *Antiquarii*
nostri frustra jam diu venati sint, ad eandem ta-

Neath.

tamen ipsam distantiam *Neath* notissimum oppi-
dum nomine vetusto quasi incolumi sese offert,
& hic ad *Lantwith*, id est, *Fanum Iluti*, quod con-
tiguum est, complurium ædificiorum fundamen-
ta cernuntur, & vicos habuit antiquitus diver-
sos. Parum hinc distat in ipso fere littoris flexu

S. Donets.
Nummi
antiqui.

Castrium *S. Donati*, antiquæ & claræ *Stadlingorum*
familie habitatio, juxta quod nuperrime effossi
fuerunt nummi antiqui Romanorum, præcipue
vero triginta tyrannorum, & nonnulli *Emiliani*,

Ogmore. A.

& *Marii*, qui rarius reperiuntur. *Ogmore* fluvius
paulo superius viam sibi in mare aperit delapsus

à montibus per *Coitie*, quondam *Turbevillorum*,
postea *Gamageorum*, nunc uxorio jure *Rob. Sidney*
Vicecomitis Insulæ, & *Ogmore* Castrum, quod à
Londinensi familia ad *Lancastrenses* devenit.


Fons abhinc abest paucis milliaribus ad *Novam-Villam*
(ut ad me scribit vir doctissimus *I. Stradling*) op-
pidulam ab Occidua ripa *Ogmore* fluvii, à *Sabriniano* lit-
tore centum fere passus, in planitie arenosa. *Lympha* ni-
tidissima non est, sed satis pura & usui apta: nunquam
scaturit, sed descenditur in puteum nonnullis gradibus. In
refluxu maris (æstivo tempore) vix disco aquam colligas,
cum mox defluente freto eandem haustro capaci bene hau-
rias. Instabilitas itidem hyeme manet, sed longe minus
apparet, propter adventitias desuper ab imbribus & aliun-
de aquarum venas. Hac mihi ex indigenis complures fide
digni confidenter asseverant. At enim dum famam sepe
garrulam male metuerem, ad sacras aquas semel atque ite-
rum me nuper contuli. Modo enim animum invaserat de-
siderium hæc ad te scribendi. Vbi primum ventum est ad lo-
cum, omnia perlustrans tertiam hora partem commoratus
(æstuante *Sabrina*, nec quoquam ad hauriendum acceden-
te) aqua defecit circa tres pollices. Discedo. Non ita multo
post reversus, crevisse uno pede altius deprehendo. Fontis
autem orbis inferior intra parietes propemodum sex pedes
latus est. De quo etiam hoc succinit nostra Musa:

Te *Nova-Villa* fremens, odioso murmure *Nympha*
Inclamat *Sabrina*: soloque inimica propinquo,
Evomit infestas ructu violenter arenas.
Damna pari sentit vicina sorte: sed illa
Fonticulum causata tuum. Quem virgo, legendo
Littus, ad amplexus vocitat: latet ille vocatus
Ant'o, & luctatur contra. Namque æstus utriusque est
Continuo motu refluxus, tamen ordine dispar.
Nympha fluit propius. Fons defluit. Illa recedit.
Iste redit. Sic livor inest & pugna perennis.

Hujusmodi fontem in *Gadibus* refert *Poly-*
bios, causamque hanc reddit, spiritum, cum suis
exitibus solitis privetur, introrsum reverti, ob-
structisque fontis meatibus aquas includere, rur-
sumque denudata aquis superficie venas fontis
liberari ob-

structione, at-
que ita tum
aquam co-
piose ebulli-
re. Hinc littus
legenti oc-
currunt *Kin-*
seage, ipsius
Fitz-Haimonis
olim castrum,
& *Margan* ad
mare, quon-
dam cæno-
bium à *Gui-*
lielmo Comi-
te Glocestriæ
fundatum,
nunc sedes
claræ, & E-
questris fa-
milie *Maun-*
sellorum. Prope
hoc *Margan*

in cacumine montis, qui dictus *Mynydd Margan*,
ex saxo durissimo cippus erigitur IIII pedes
lon-



Boduoc.

Fons
fluens &
refluens.
Sandfords
Well.

Domus
eternalis

Nidum
Neath.

Logho
Gower.

Th. W.
sing.

Liben
Mon
Neth
g. Ro
Ioan.

longus, & unum pedem latus, cum inscriptione quam quicumque legerit, paulo post moriturum imperitum vulgus circumvicinum credulo errore dictitat; viderit ergo lector, si hoc audeat, nam certo sciat se moriturum.

Domus æternalis.

Dictiones illas posteriores *Æternali in domo* lego, sepulchra enim eo seculo *ÆTERNALES DOMVS* dictæ erant. Inter *Margan* autem & *Kinseage* juxta viam jacet saxum IIII pedes longum, cum hac inscriptione:

P V N P E I V S
C A R A N T O P I V S .

Quam ut mihi reverendissimus Episcopus Landavenfis, qui has mihi describendas curavit, Cambro-Britanni addendo & immutando ita legunt & interpretantur. *PIM BIS AN CAR ANTOPIVS*, id est, *Quinque digiti amicorum, vel proximorum nos interemerunt*. Credunt esse sepulchrum Morgani Principis, à quo regio sit denominata, qui occisus, ut volunt, anno octingentesimo ante Christum natum, sed has literarum formulas recentioris esse ævi norunt Antiquarii.

Nidum. Neath.

A *Margan* procurrit littus in Circium per *Aber-avon* tenuem mercatum ad *Avonam* fl. ostium unde nomen, ad *Nidum* fl. vivo fabulo infame, cui ejusdem nominis vetustæque memoriæ oppidum Antonini Itinerario *NIDVM* dictum adsidet. Quod cum *Fitz-Haimo* hanc regionem sui juris fecit, in fortitione Richardo *Granvillo* obtigit, qui cœnobio sub ipso oppido fundato, & Deo, monachisque portione sua consecrata, ad suum ipsius in Anglia patrimonium, quod amplissimum habuit, reversus est.

Loghor.

Gower.

Post *Nidum* fl. quicquid ad *Loghor* flumen, qui ab Occasu hujus agri limes est, jacet, nobis *Gower* dicitur, Britannis & *Ninnio Guthir*, in qua, ut inquit ille, *fili Keiani Scoti se dilataverunt*, donec à *Cuneda Britanno* regulo fuerint exturbati. Regnante Henrico Primo Henricus Comes Warwicensis hanc in suam potestatem redegit, sed transactione postea inter Thomam Comittem Warwici & Regem Henricum Secundum in regium patrimonium devenit. Rex autem Ioannes donavit Guilielmo de *Breos* per *servitium unius Militis pro omni servitio*, ejusque posterii tenuerunt ad Edwardi Secundi tempora. Tunc enim Gui-

Th. Walsing.

Liber Monast. Neth. s. Regis Ioan.

lielmus de *Breos* cum multis hanc hæreditatem addixisset, & demum cæteris illudens in Regis gratiam Hugoni *Spenser* in manus tradidisset, in causa fuit (inter alia) cur proceres in *Spenseros* exitiali odio exarserint, & Regis auctoritatem temere projecerint. Hæc nunc in Orientalem & Occidentalem dividitur. In Orientali *Sweinsey* præcellit, oppidum à porcis marinis ita Anglis dictum, Britannis *Aber-taw*, à *Taw* præfluente, quod Henricus ille Warwicensis Comes munivit. Verum hoc multo vetustius est ad *Loghor* fluvium, quod Antoninus *LEVCARVM*, & nos integro nomine *Loghor* appellamus. Vbi sub mortem Henrici Primi, *Howell Ap Meredic* ex improviso cum suis montanis, Anglis superfusus melioris notæ plures oppressit. *Gower* Occidentalis huic subjacet, & insinuante utrinque freto fit Chersonesus, frugibus magis quam oppidis prædicanda, & *Kinedo* in divos relato quondam celebris, qui solitariam hic vitam egit, de quo si plura velis, Capgravium nostrum consulas, qui ejus miracula pleno ore celebravit.

Sinsey.

Leucarum. Loghor.

Glamorganæ Domini.

Ab ipsa hujus provinciæ expugnatione Domini fuerunt à *Fitz-Haimone* recta linea descendentes Glocestriæ Comites, Clari, & *Spenseri*, inde *Bellocampi* & *Nevillus* unus & alter, & per *Nevilli* filiam è *Spenseri* oriundam Richardus Tertius Angliæ Rex, quo interfecto, Henricus VII hujus agri hæreditatem crevit, Gasparique Bedfordiæ Duci patruo suo concessit, quo sine prole defuncto, ad se universum jus Rex revocavit, & filio Henrico Octavo reliquit, cujus filius Edwardus Sextus maximam ejus partem Guilielmo *Herbert*, quem *Penbrochiæ* Comitem, & Baronem de *Caerdiff* crearat, venundedit. Ex equitum autem XII sobole solummodo supersunt in hoc agro *Stradlingi* multis imaginibus clari, *Tubervilli*, *Flemingorumque* nonnulli, quorum præcipuus habitat ad *Flemingston*, nunc corrupte *Flemston*, quod ab illis, quasi *Flemingorum* oppidum, nomen accepit. In Anglia vero supersunt Baro *S. Iohn de Bletso*, *Granvilli* in agro Devonienfi, & *Sivardi*, ut audio, in agro Somersettenfi, Reliquorum mascula proles jam olim defecit, hæreditasque eorum varie per fœminas est distracta.

Paræcia 118.

Britannia.

Mmmmm

DIME-


D I M E T Æ.

West-Wa-
les.

*Eligam hujus regionis partem quæ longius in Occasum projecta, Anglis West-Wales dicitur, agrumque Maridunensem, sive Caermarden-shire, Penbrochien-
sem, & Cereticam, sive Cardigan-shire, complectitur, Plinius Siluras etiam te-
nuisse existimavit: sed Ptolemæus, qui exploratius Britanniam novit, alium hic
populum constituit, quos DEMITAS & DEMETAS dixit, DEMETIÆ-
QUE nomine pro hoc tractu usi sunt cum Gildas, tum Ninnius, unde Difed Bri-
tanni incolæ mutata pro lingua Idiotismo M. in F. hodie vocitant.*

*Si non sinistra curiositatis videretur, hanc Demetarum appellationem à Deheu Meath dedu-
cerem, id est, planities ad Austrum; uti omnem hanc Suthwalliam, sive Australem Valliam
Deheubarth, id est, partem Australem; & sane qui aliam in Britannia campestrum regionem
coluerunt, Meatas Britanni ipsi nominarunt. Nec ab hac certe significatione aliena est hujus re-
gionis positio, quæ cum huc perveneris, molli devexitate confidentibus jugis in planitiem pau-
latim expanditur.*

CAERMARDEN-SHIRE.

Caermar-
den-shire.

*Ger Maridunensis, qui Anglis
Caermarden-shire, frugibus satis
fertilis, gregibus abundans,
fossiliumque carbonum ali-
cubi ferax, continetur ab Or-
tu Glamorgania & Brechi-
nia, ab Occasu Penbrochia,
à Septentrione Ceretica, inter-
currente Tyrio flu. & à Meridie Oceano, qui sinu
adeo magno hic terras excavat, ut hac regio in-
terius quasi perterrita se subduxisse videatur.*

Kidwelly.

*Ad hunc sinum Kidwelly se primum offert, cu-
jus territorium filii Keiani Scoti aliquandiu occu-
parunt, donec à Cuneda Britanno expelleren-
tur. Nunc vero patrimonii Lancastrensis cense-
tur per hæredes Mauritiæ Londinensis sive de Lon-
dres, qui è Glamorgania movens hoc difficili bel-
lo sui juris fecit, oppidumque Kidwelly vetus ad-
jecto castro mœnibus obsepfit, quod nunc vetu-
state quasi desertum fatiscit. Incolæ enim Ven-
draeth Vehan fluviolum transgressi, novum Kidwelly
substruxerunt, portus commoditate eo allecti,
quæ jam tamen tenis objectis fere nulla est.
Dum Mauritius hæc loca invaderet, Guenliana
Gruffini Principis uxor, ultimæ audaciæ mulier,
ut rem mariti proclinatam adjuvaret, in Mauri-
tium infestis lignis acriter irruit, sed cum filio
Morgano, & aliis nobilibus (ut author est Gir-
aldus) in acie cecidit. Per Hawisiam vero filiam &
hæredem Thomæ Londinensis devenit per amplum
hoc patrimonium, cum titulo Domini de Ogmor
& Kidwelly, ad Patricium de Cadurcis sive Cha-
worth, & per ejus è filio Patricio neptim ad Hen-
ricum Lancaltriæ Comitem: hæredes autem
Mauritiæ de London, ut vetusta docet Inquisitio,
Pro hac hereditate tenebantur, si Dominus Rex, vel Ca-
pitalis ejus Iusticiarius venerit in partibus de Kidwelly
cum exercitu, deberent conducere prædictum exercitum
cum vexillis suis, & tota gente sua per mediam terram de
Neth usque ad Loghor. Paucis infra Kidwelly mil-
liaribus, Tovy fluvijs, qui Ptolemæo TOBIVS,
Oceano tandem excipitur, cum agrum hunc ab
Aquilone in Austrum permensus fuerit, primum
per Lanandiffry, à fluvijs confluentibus ita, ut opi-*

Guenliana
virago.Domini
de Ogmor
& Kid-
welly.Tovy.
Tobius fl.

*nantur, denominatum, quod Hoelus filius Rhefi
jam olim in Anglorum invdiam prostravit. In-
de per Dinevor principum Suthwalliæ, dum illi
florerent, castrum Regium in montis vertice sub-
lime elatum, demum per Caer-Marden, quod ipsi
Britanni Caer-Firdhin, Ptolemæus MARIDVNVM,
Antoninus MVRIDVNVM dixit, qui non ulte-
rius sua itinera persequitur, & librariorum incu-
ria hoc in loco male habitus. Duo enim itinera
à Galena Iscam, & à Mariduno Viroconium te-
mere confuderunt. Urbs hæc est totius conven-
tus primaria, pratis & sylvis amœna, antiquitate
suspicienda, costilibus muris, ut inquit Giraldus,
partim adhuc extantibus egregie clausa supra nobilem
Tovium fluviolum, qui navigiis subvehendis par
est, licet arenarum pulvis jam ostio obten-
datur. In hac natus est Britannorum Tages,
Merlinus scilicet noster, ut enim ille Genii fi-
lius Aruspiciam suis Hetruscis, ita hic incubi
filius, vaticinia, imo mera Orestis somnia no-
stris Britannis effinxit. Vnde in hac insula apud
credulam & imperitam plebem vates celeberrimus
auduit. Statim à Normannorum in Wal-
liam ingressu hæc urbs in eorum potestatem,
auspicijs vero nescio cujus, concessit, multisque
diu conflictata est difficultatibus, sæpius oppu-
gnata, semel atque iterum succensa, primum à
Gruffino filio Rhefi, inde à Rhefo ejusdem Gruf-
fini fratre: quo tempore Henricus Turbervill An-
gulus castro subvenit, & pontem interseidit. Po-
stea vero opera Gilberti de Clare, qui hujus mœ-
nia & castra vicina firmavit, has miseras exuit,
curisque laxata facilius bellorum tempestates
deinceps pertulit. Walliæ Principes Regum An-
gliæ primo geniti hic suam pro Australi Wallia
Cancellariam, & scaccarium constituerunt.*

Dinevor.

Maredu-
num.
Caermer-
din.

Merlinus.

*Adjacet huic urbi ab Ortum Cantred-Bichan, id
est, Centuria minor, (Cantredum enim vocant Bri-
tanni terræ portionem, quæ centum villas com-
plectitur) in qua præter ruinas castri Careg, quod
præcipiti undique, & abruptæ rupi infixum: &
suffossa plura, sive specus spatiosissimas virenti
cespite nunc obtectas, quibus furente Marte,
imbellem multitudinem habitasse creditur,
etiam*

Specus
subterra-
nei.

etiam fons est, ut scribit Giraldus, qui naturali die, bis undis deficiens, & toties exuberans, marinas imitatur instabilitates.

Cantred
maur.

Talcham.
Lhanste-
phan.
Taf. fl.

* Hælius.

White land.

Ab Aquilone autem longe patet *Cantred-Maur*, id est, *Centuria Magna*, tutissimum olim Britannis perfugium, utpote quæ sylvis densa, confragosa, & collium flexibus viæ implicata. Ad Austrum *Talcham* & *Lhan-stephan* castra marinis scopulis inhaerent, quæ bellicæ virtutis, cum in Anglis, tum Britannis testes sunt locupletissimi. Sub *Talcham* in mare effunditur *Taf*, ad cuius ripas olim celebris erat *Twi Gwinar Taf*, id est, *Domus alba ad Taf* flumen, quod ex corylis albis pro æstivo domicilio constructa fuit, ubi anno reparata Salutis DCCCCXIII, * Hoël cognomento *Bonus*, Walliæ princeps, frequentibus Comitibus (conveniant enim, præter alios, Ecclesiastici Ordinis centum quadraginta) antiquatis majorum institutis, novas leges suo populo tulit, ut testatur ipsarum legum præmium. In quo postea loco monasterium extructum, quod *White Land* dixerunt. Vnde parum distat *Kilmayn Lhoyd*, ubi nuper rustici inciderunt in vas figulinum, quo latuit magna vis Romanorum numismatum ex argento minus puro. A Commodi scilicet tempo-

re, qui argentum primus Romanorum Imperatorum adulteravit, usque ad V Tribunitiam potestatem Gordiani tertii, quæ coincidit cum anno Christi CCXLIII. Inter hæc fuerunt Helvii Pertinacis, M. Opellii Antonini Diadumeniani, Iulii Veri Maximi filii Maximini, Cælii Balbini, Clodii Pupieni, Aquiliæ Severæ uxoris Elagabali, & Sall. Barbiæ Orbianæ, quæ maximi pretii, utique rarissima, inter Antiquarios. Superest jam, ut memorem, ad *Tivy* fluvium, qui hunc agrum à Comitatu *Cardigan* determinat, situm esse *Novum castrum*, sic hodie vocant, quod Rhesus *Ap Thomas* vir bellicosus, qui Henrico Septimo in regno adipiscendo præsto adfuit, & ab eodem merito in Georgiani Ordinis societatem adscriptus renovavit, prius enim *Elmelin* dicebatur. Quod nomen si Angli ab ulmis fecerint, non aspernanda est eorum conjectura qui illud *Dimetarum LOVENTIVM*, cuius meminit *Prolemæus*, volunt: ulmos enim *Lhwiffen* vocant Britanni. Quum vero qui Normannorum primi hanc regionem Wallorum Principibus extorserunt ex historiis eruere non possim, ut ad Penbrochienses nunc me conferam, ordo postulat.


Numi-
smata Ro-
mana.

Novum
castrum.

Loven-
tium.

Paræcias habet 87.





M A R J S
H B E R N I C J
D A R S.

THE IRISH SEA.

Milliaria Anglica quorum quatuor unum
Milliaria Germanicum constituunt.

Meridies.

PENBROCHIA
Comitatus et Comitatus
CAERMARIDVNVM.

P E N B R O K - S H I R E.



Am in Austrum mare se reflectens, & ingenti ambitu, variisque recessibus littora incurvans, Comitatum Penbrochensem, vulgo Penbrokshire, qui in antiquis tabulis *Legalis Comitatus Penbrochia*, & nonnullis *VVest-VVales* nominatur, undique urget, nisi ab Ortu, qua ager Maridunensis, & ab Aquilone, qua pars Ceretica obtenditur. Regio frugibus ferax, pecudibus inprimis repleta, & ad fecunditatem marga, & id genus terræ adipe, ut etiam carbone fossili abundans. Terra hac, ut inquit Giraldus, *triticea est, marinis piscibus, vinoque venali copiose referta, & quod omnibus præstat, ex Hibernia confinio aeris salubritate temperata.*

Primum in littore ad Austrum descendente Tenby elegans oppidum mœnibus firmum è fictiente rupe mare despicit, navium statione, & piscium copia admodum celebre, unde Britannice Tenby-y piscoïd denominatur, & pro Magistratu Majorem habet & Ballivum. Inde in Occasum reducto littore tenues apparent reliquæ castri Manober, quod Pyrrhi mansionem vocat Giraldus, cujus tempore, ut ipse prodit, turribus & propugnaculis erat eximium, ab Occidente portum extensum, à Circio & Borea, sub ipsis muralibus vivarium habens egregium, tam sui venustate, quam aquarum profunditate conspicuum.

Continuum non multis hinc procurrit milliaribus littus, tandemque submovens utrinque terram longe invehitur mare, & portum efficit, quem *Milford haven* Angli vocant, quo non alter est in Europa aut nobilior, aut tutior, tot angulos recessibus, tot portuosus stationibus distinguitur, quibus, ut fibris, ripæ undique sunt incisæ, & ut Poëtæ verbis utar:

*His exarmatum terris cingentibus aquor
Clauditur, & placidam discit servare quietem.*

Numerat enim (ut nauticis verbis & distinctionibus utar) *Crekas XVI, Bajas V, & Rodas XIII*, suis seorsim nominibus cognitæ. Nec hac securitate magis celebris hic portus, quam quod felicissimæ memoriæ Henricus Septimus in eodem appulsus, Angliæ jam intestinis malis elanguescenti signum ad bene sperandum hinc sustulerit. Ad interiorem Orientalemque hujus portus sinum, in agro totius *VVallie amœnissimo*, principale provinciæ municipium, Dimetizque caput (Giraldum legis) in saxosa quadam & oblonga rupis eminentia situm, lingua marina de Milverdico portu profluens in capite bifurco complectitur, unde Britannis Penbro dicitur, quod caput marinum sonat, & nobis Penbroke. Primus hoc castrum Arnulphus de Montgomery, frater Roberti Comitis Salopie, sub Anglorum Rege Henrico Primo, ex virgis & cespite tenue satis, & exile construxit, quod postmodo in Angliam revertens viro prudenti Girardo de Windefora Constabulario suo primipiloque cum paucis custodiendum exposuit, nec mora, totius *VVallie Australis Cambrenses* castrum obsidione cinxerunt. Sed ita animis, magis quam viribus, Giraldus cum suis resistebat, ut illi irritò incepto regre-

derentur. Castrum postea, ut etiam oppidum, munivit Giraldus ille, unde circumvicinas regiones late persultabat, demumque, ut res sua, & suorum commodius his regionibus adolesceret, Nestam Gruffini Principis sororem sibi in matrimonium adjunxit, ex qua egregiam suscepit prolem, per quam (ut inquit Giraldus ille ex eo oriundus) *Anglis & Australis Cambria maritima sunt retenta, & Hibernia mœnia sunt expugnata.* Omnes enim illæ nobiles *Giraldorum*, sive *Giraldinorum*, quos *Fitz-Gerald* vocant, in Hibernia familiæ, ab hoc Girardo genus deducunt suum. Ratione tenuerit hujus castri & villa, castri & villa *Tinbigh Grangie de Kingeswood, Commoti de Croytarath, & Manerii de Castle-Martin & Tregiore*, Reginaldus Grey in coronatione Henrici Quarti petivit portare secundum gladium; sed frustra, cum responsum fuisset, quod eo tempore castra illa & prædia in Regis essent manu, ut adhuc Penbrochia oppidum est, quæ incorporata suum habet Majorem, & Ballivos.

Ad alterum etiam hujus portus sinum *Carew Castle* cernitur, quod & nomen & originem inclinatæ familiæ de *Carew* dedit, qui se prius de *Montgomery* dictos asserunt, & ab Arnulpho illo de *Montgomery*, quem modo dixi, prognatos credunt.

Influunt hunc portum conjunctis fere ostiis flumina duo, quæ *Gledawh* Britanni vocant, id est, si interpreteris, gladii, unde *Aberdugledhau*, id est, *Duorum gladiatorum portum*, ipsi appellant. Ad quorum Orientaliorem *Slebach* sedet. * *Præceptorum* quondam Militum S. Ioannis Hierosolymis, quam sacro illi ordini Wizo & Walterus ejus filius, ut Deo militarent ad terram sanctam recuperandam, olim cum aliis prædiis elargiti erant. Partem illam hujus regionis quæ ultra portum jacet, & his solis fluminibus perfunditur, *Rossiam* sive *Ros* dicunt Britanni, factò è re nomine, quod viridante procumbat planitie.

Flandri è Belgio hanc incolunt, qui Henrici Primi permisso huc commigrarunt, cum Oceanus ruptis aggeribus magnam Belgii partem obruisset. Lingua & moribus etiamnum à Wallis dignoscuntur, & ita ejusdem linguæ societate cum Anglis conjuncti sunt, qui ad Belgicam linguam proxime accedunt, ut hæc eorum regioncula à Britannis *Anglia Transwallina* nuncupetur. Gens hæc, ut inquit Giraldus, fortis & robusta; continuoque belli conflictu gens *Cambrensis* inimicissima, gens lanificiis, gens mercimoniis usitatissima, quocunque labore sive periculo, terra marique lucrum quærere. Gens prævalida vicissim loco & tempore, nunc ad aratra, nunc ad arma gens promptissima. Et ut hoc addam, Gens Anglorum regibus devotissima, Anglisque fidiissima, & quæ Girardi tempore, Extispicinam ad miraculum usque calluit, eorumque opus, ut gens est gnaviter industria, hic conspicitur via Flandrica longo tractu perducta. Walli collatis sæpe in unum omnibus viribus, dum hanc vetustæ eorum ditionis regionem repeterent, in hos Flandrenses irruerunt, effusisque populationibus eorum fines peragrarunt, paratissimo tamen animo illi fortunas,

Origo familiæ Giraldorum in Hibernia.

Rotulus Servitorium.

Carew Castle.

Gledawh.

Slebach. * A Commandery.

Little England beyond Wales.

Manober Castle.

Milford haven.

Penbroke.

nas, nomen, & salutem semper defensitarunt. Vnde de his & Guilielmo Rufo Malmesburien-
sis historicus. Multoties Regi Guilielmo Rufo parva in
Wallenses fortuna fuit, quod cuius mirum videatur, cum
ei alias semper alea bellorum felicissime arriserit. Sed ego
intelligo pro soli inaequalitate, & cœli inclementia, sicut
rebellionem eorum adjutam, ita ejus virtutem impeditam.
Porro Rex Henricus excellentis ingenii vir, qui modo re-
gnat, invenit, qua commenta illorum labefactaret arte,
Flandricis in patria illorum collocatis, qui eis pro claustris
sint, & eos perpetuo coerceant. Et libro quinto, Wallen-
ses Rex Henricus semper in rebellionem surgentes crebris
expeditionibus in deditionem premebat, consilioque salubri-
mox, ut eorum tumorem extenuaret: Flandrenses om-
nes Angliæ accolæ eo traduxit. Plures enim qui illo tem-
pore pro matris paternæ cognatione confluerunt, occultaba-
bat Angliam, adeo, ut ipsi regno pro multitudine onerosi
viderentur. Quapropter omnes cum substantiis & necessi-
tudinibus apud Ros provinciam Valliarum, velut in
sentinam congesti, ut & regnum defæceret, & hostium
temeritatem retunderet.

Harford
West.

Ad duorum gladiatorum Occidentaliorem situ
admodum inæquali locum habet Harford, west,
Anglis olim Haverford, Britannis Hulphord, sua ele-
gantia & frequentia in primis celebre, & quod
per se Comitatus habet Majorem, Vicecomitem, & duos
Ballivos, pro Magistratibus. Clarense Comitatus
munitione & mœnibus ad Septentriones vallaf-
se fama tenet, & nos legimus Clarensem Comi-
tem Richardum, R. * Tancredi filium huic ca-
stro Castell'anum præfuisse.

* Fitz-
Tancred.

Otopita-
rum.
S. Davids
land.

Post Rossum, spatiosum grandi fronte in Oce-
anum Vergivium longe procedit promontori-
um, OCTOPITARVM Ptolemæus dixit, Bri-
tanni Pebidiauc, & Cantred Devi, nos S. Davids land.
Terra, ut author est Giraldus, saxosa, sterilis, &
infœcunda, nec sylvis vestita, nec fluminibus distincta, nec
pratis ornata, ventis solum & procellis semper exposita.

S. Patri-
cius.

S. Davids.

Virorum tamen sanctissimorum secessus, & al-
trix, Calphurnius enim presbyter Britannus, (ut
aliqui, nescio an vere, scripserunt) hic in valle
Rosina ex Concha conjugæ Martini Turonensis
sorore Patricium Hiberniæ Apostolum suscepit,
& Devi Episcopus religiosissimus Archiepiscopa-
lem sedem ab Isca Legionum in remotissimum
hujus angulum ad Meneu sive Meneviam trans-
tulit, quam deinde ab illo Britanni Tuy Dewy, id
est, Domus Devi, Saxones Davyð-mŷnrcen, Angli
hodie S. Davids vocant, diuque suos habuit Archi-
episcopos. Sed cum pestis hac in regione atroci-
ter grassaretur, pallio in Britanniam Armoricam
Dolam translato, desit hæc dignitas. Superiori-
bus tamen sæculis litem contra Archiepiscopum
Cantuariensem Angliæ & Walliæ Metropolita-
num hac de re intenderunt Wallenses, sed causa
ceciderunt. Quæ & qualis hæc olim fuerit, cum
toties à piratis excisa sit, non facile quis dixerit;
nunc vero urbecula est pertenuis, solumque
præterdit templum spetiosum S. Andreæ, & Da-
vidi sacrum: quod sæpius eversum, ea qua nunc
cernitur forma, Petrus, regnante Ioanne, Epi-
scopus & successores erexerunt in Valle, ut vo-
vant, Rosina sub oppido; & juxta Palatium est Epi-
scopi, ædesque perpulchræ Præcentoris (qui sum-
mus post Episcopum, nam Decanus hic nullus)
Cancellarii, Thesaurarii, & quatuor Archidia-
Britannia.

conorum, qui sunt à Canonicis (quorum hic sunt
xxi,) quæ firmo & pulchro mœnium ambitu in-
cinguntur.

Adeo vero in Occasum hoc se immittit pro-
montorium, ut fudo cœlo Hiberniam ostendat,
& hinc brevissimus sit in Hiberniam trajectus,
quem Plinius à Silurum gente (Silures enim huc
pertigisse existimavit) xxx mill. pass. falso men-
suravit. Sed longius hanc terram procurrisse,
formamque promontorii fuisse immutatam ex
his Giraldi verbis intelligi potest, Quot tempore in
Hibernia egit Henricus Secundus, ex nimia præter solitum
procella vehementia, sabulosis hujus oræ littoribus solo te-
nus sabulo nudatis, longis operata retro sæculis terræ facies
apparuit. Arborum quoque in ipso mari stantium stipites
undique præcisarum, ictusque securium tanquam hesterni,
terraque nigerrima, lignaque truncorum hebeno similissima,
ut non littus jam, sed lucus esse videretur, mirandis rerum
mutationibus, aut forte à diluvii tempore, aut longe post,
sed antiquitus tamen, tam præcisus, quam maris violentia
semper excrescentis, & terram eluentis paulatim absumptus
& absorptus. Nec magno divisas hic pelago terras
Guillemi Rufi verbum ostendit, qui cum Hi-
berniam ex hujus rupibus prospiceret, dixit (ut
habet Giraldus) se facile Angliæ navibus pon-
tem constraturum, quo ex Angliam in Hiberniam
pedes mare transiret.

Arborum
stipites in
mari.

Falcones egregii, & generosi hic in scopulis Falcones,
nidificant, quibus Henricus noster Secundus,
ut author est Giraldus ille, primas deferre sole-
bat. Ex illo enim sunt genere, si accolæ mihi
non imponunt, quos Peregrinos rei accipitrariæ
periti vocant, sunt etenim illis, ut non aliis ver-
bis, quam longe nobilissimi nostræ ætatis Poëtæ
Augusti Thuani Esmeri ex aureo illo HIERA-
COSOPHIO Y libro, versibus utar,

Depressus capitis vertex, oblongaque toto
Corpore pennarum series, pallentia crura,
Et graciles digiti, ac sparsi, naresque rotundæ.

Cæterum ab hoc promontorio recedentes
terras magno aquarum insultu Keimes Regiuncu-
lam mare diverberat, quæ Baronia censetur. In
hac primum Fisgard à piscium captura Anglis
dictum, Britannis Aber-gwain, id est, ostium flu-
minis Gwain, asperæ rupi affixum, ubi satis com-
moda navibus statio: inde Novus portus ad Ne-
vern fluvium, Britannice Tref-drach, id est, Oppi-
dum ad Sabulum: quod Martinus de Turonibus con-
struxit, ejus posterius incorporarunt, privilegiis
ornarunt, præfeceruntque Portgrevium & Balli-
vum & sibi castrum supra oppidum statuerunt,
quod primaria fuit ipsorum sedes. Qui etiam
Monasterium S. Dogmaelis fundarunt ad Tivium S. Do-
mael.
flumen in valle collibus circumcincta, cui Bur-
gus adjacens (ut plura alia oppida Monasteriis)
debet originem. Hanc Baroniam Martinus de
Turonibus primus à Cambris vi & armis extorsit,
à cujus posteris, qui Martini dicti, per nuptias ad
Barones de Audley devenit, qui diu tenuerunt,
donec regnante Henrico Octavo Guilielmus
Owen, qui genus deduxit à filia Nicolai Martin Mi-
litis jus suum longa lite persecutus, tandem ob-
tinuit, filioque Georgio reliquit, qui venerandæ
antiquitatis cultor eximius me docuit esse in hac
Baronia præter tres Burgos Newport sc. Fisgard, &
S. Dogmaelis, Feoda Militaria xx, & parccias xxvi.

Keimes
Baronia.

Fisgard.

Newport.

S. Do-
mael.

Domini
de Keimes.

Martini.

O o o o o

Ad

Kilgarran.

Salmonum saltas.

Penbrochia Comites.

Ad *Tivium* quem dixi interius est *Kilgarran*, quod castrum à Giraldo conditi monstrat reliquias, sed hodie in unam plateam redactam, copiosissima Salmonum piscatura solummodo celebratur. Ibi enim celebris est *Saltus Salmonum*, ubi fluvius ex alto præceps defluit, & Salmones interiora fluvii ex Oceano petentes, cum obstaculum hoc occurrit, caudam ad os replicant, interdum etiam ad majorem saltus efficaciam caudam ipsam ore comprimunt, dumque à circulo hujusmodi se resolvunt, cum impetu quodam tanquam virgæ circulatæ explicatione, se ab imis ad alta cum intuentium admiratione transmittunt, ut scitissime scripserit Ausonius,

*Nec te puniceo rutilantem viscere Salma
Transferim, latæ cujus vaga verbera cauda
Gurgite de medio summas referuntur in undas.*

Penbrochia Comites è variis familiis varii fuerunt. Arnulphum Montgomeriensem, qui primus expugnavit, & postea proscriptus fuerat, ejusque Castellani Giraldu, quem postea universæ regioni præfecit Henricus Primus, Comites fuisse vix ausim affirmare. Stephanus Rex Gilberto *Strongbow* filio Gisleberti de *Clara Penbrochia* Comitum titulum primus contulit. Ille Richardo *Strangbow* filio Hiberniæ domitori reliquit, qui, ut inquit Giraldu, è *Clara Clarensum familia oriundus*. Hujus unica filia Isabella Guilielmum dictum *Marescallum* (eo quod ejus majores fuissent hæreditarii Marescalli palatii Regii) maritum eodem adauxit, virum belli pacisque artibus florentissimum. De quo extat in Rudburni Annalibus hoc Epitaphium:

*Sum quem Saturnum sibi sensit Hibernia, Solem
Anglia, Mercurium Normannia, Gallia Martem.*

Filiique ejus quinque sua serie Penbrochia Comites fuerunt, Guilielmus scilicet *Junior* dictus, Richardus, qui cum à Rege Henrico Tertio defecisset, in Hiberniam se contulit, ubi in prælio occubuit. Gilbertus, qui in hastiludio ad *VVare* equo excussus periit, Gualterus, & Anselmus. Quibus omnibus sine prole inter breve tempus sublati, Comitatus hujus gladio Henricus Tertius Guilielmum de *Valentia* à *Lusigniana* in *Pictonibus* familia fratrem sibi uterinum cinxit, qui uxorem habuit Ioannam filiam Gwarini de *Monte Canisio* sive *Mont-Chenfy*, ex Guilielmi Marescalli filia natam. Guilielmo de *Valentia* successit filius Audomarus, qui sub Edwardo Primo erat Scotiæ Gubernator, cujus altera soror & co-hæres Elizabetha Ioanni Domino *Hastings* enupta, in novam familiam hunc honorem intulit. Laurentius enim *Hastings* ejus è filio nepos, qui *Abergevenna* Dominus erat, Penbrochia Comes Regis Edwardi Tertii rescripto fuit confirmatus, quod subicere libet, ut videamus, quod jus fuerit per feminas in titulis honorariis. Rex omnibus ad quos &c. *Salutem*. Sciatis quod circumspeditionis & elegantia prælagium, quod ex aptis consanguinei nostri charissimi Laurentii de *Hastings* juventutis auspiciis concepimus, merito nos inducunt, ut ipsum in his quæ honoris sui debitam conservationem respiciunt, prout favoribus prosequamur. Cum itaque hæreditas bone me-

morie Audomari de *Valentia* Comitum Penbrochie (ut dicitur) jampridem sine hærede de corpore suo procreato decedentis, ad sorores suas fuerit devoluta, inter ipsas & earum hæredes proportionaliter dividenda, quia constat nobis, quod præfatus Laurentius, qui dicto Audomaro in partem hæreditatis succedit, est ex ipsius Audomari sorore seniori descendens, & sic peritorum assertione, quos super hoc consulimus, sibi debeat prærogativa nominis & honoris, justum & debitum reputamus, ut idem Laurentius ex seniori sorore causam habens, assumat & habeat nomen Comitum Penbrochie, quod dictus Audomarus habuit dum vivebat: quod quidem (quantum in nobis est) sibi confirmamus, ratificamus, & etiam approbamus: volentes & concedentes ut dictus Laurentius prærogativam & honorem Comitum Palatini in terris quas tenet de hæreditate dicti Audomari adeo pleno & eodem modo habeat & teneat sicut idem Audomarus illas habuit & tenuit tempore quo deceffit. In cujus, &c. Teste Rege apud Montem Martini, *xiii die Octobris, Anno Regni decimo tertio*. Successit filius Ioannes, qui ab Hispanis prælio navali captus, & demum redemptus in Gallia *mccccxxv* obiit. Hunc sequutus est Ioannes filius ejus, qui in hastiludio *Woodstochia* anno *mccc xci* interfectus; observatumque est, nescio quo fato, per quinque generationes in hac familia patrem nunquam filium vidisse. Cum illi defecisset proles, plurimi & opimi reditus in Regis manus (ut Iurisperiti nostri loquuntur) devenerunt, Castrumque Penbrochie *Francisco Att Court* aulico gratioso fuit concessum, qui inde vulgo *Penbrochie Dominus* appellatus. Nec longo post tempore Ioannes Dux *Bedfordiæ*, & post illum *Humfredus Dux Glocestriæ*, ejus fratres, Regis Henrici filii, eundem titulum sunt consequuti. Deinde Guilielmus *De la Pole* factus est Penbrochie Marchio, eoque sublato Henricus Sextus fratrem suum uterinum Gasparem de *Hatfield* Penbrochie Comitem creavit, cui omnibus honoribus exuto Edwardus Quartus successorem dedit Guilielmum *Herbert*, qui in prælio ad *Banbury* occubuit. Illi eodem nomine demum successit filius, quem Edwardus Quartus, cum denuo regnum recuperasset, *Huntingdoniæ* Comitem creavit, & Penbrochie titulum filio suo primogenito Edwardo Walliæ Principi detulit. Satis longo post tempore Henricus Octavus Annam *Bolleniam*, quam sibi desponderat, Penbrochie Marchionissam dixit. Demum memoria nostra Edwardus Sextus Guilielmum *Herbert* Dominum de *Caerdiff* eodem honore ornavit. Illi successit Henricus ejus filius, qui Walliæ sub Elizabetha Regina Præses fuit, & nunc Henrici filius Guilielmus egregiis corporis & animi dotibus ornatissimus eodem honore latatur. Hæc autem *Herbertorum* familia in his Walliæ partibus longe est amplissima, & antiqua sane. Originem enim repetit ab Henrico, Filio *Herberti*, qui Regis Henrici Primi fuit Camerarius, & in uxorem accepit Regis ejus amasiam, matrem Reginaldi Comitum *Cornwalliæ*, ut mihi author est Robertus Gloverus in studio Genealogico longe perspicacissimus, cujus immatura morte Genealogica antiquitas jacturam fecit longe gravissimam.

Herbertorum familia.

Habentur in hoc Comitatu parocia 145.

CARDI-

CARDIGAN-SHIRE.



Cardigan-shire.

Caratacus Rex.

Zonaras.

Tuero-bius fl.

Ross. Stratfleur.

Kilgarran. Salmonis saltum.

Castores Bevers.

Cardigan.

Fitz-Stephens.

B OCTOPITARO, five S. Davidis promontorio retroacta oblique in Ortum littora vasto & lunato sinu mare admittunt, cui tertia Dimetarum regio incumbit, quæ Anglis *Cardigan-shire* appellatur, Britannis *Sire Aber-*

tivy, vetustis scriptoribus *Ceretica*, à Carataco Rege, si quis existimet, è suo sensu, non antiquorum autoritate hæc ejus deprompta videatur conjectura: & tamen celeberrimum illum Caratacum hic rerum potitum fuisse legimus. Campestris est hæc regio ad Occasum, qua mare prospicit, uti ad Meridiem, qua Tivius flu. Maridunenses secludit: ab Ortum autem & Aquilone, qua Brechinenses & Montgomerienses spectat, continui montes pabulo fecundi perpetua latera trahunt, sub quibus passim diffunduntur lacus. Non urbibus, sed tuguriolis, hanc olim, ut reliqua Wallia, fuisse distinctam ex illo principis sui Carataci dicto colligatur, qui cum Romæ splendorem & amplitudinem captivus perlustrasset, Itane, inquit, cum hæc & hujusmodi habeatis, nostra tuguriola concupiscitis? Quæ sunt tamen vetustioris notæ paucis percurramus.

Tivius flu. Ptolemæo TVEROBIVS, corrupte pro *Dwr Tivius*, id est, *Tivius* flu. è lacu *Lintivy*, sub montibus, quos dixi, primum saxis impeditus, & fremens sine alveo devolvitur, per lapidosum admodum tractum, juxta quem ad *Ross* nundinæ pecuriæ montanorum frequentissimæ celebrantur, donec *Stratfleur*, cœnobium jampridem Cluniacensium, montibus circumdatum accesserit. Inde alveo recepto per *Tregaron*, & *Landeri brevi*, in Davidis Menevensis Episcopi memoriam constructum, & nominatum desluit, ubi ille frequenti Synodo Pelagianam heresim in Britannia renascentem, & sacris Scripturis, & miraculo labefactavit, excrecente, ut ferunt, sub eo in tumultum terra, qua ille concionatus. Huc usque, & etiam ulterius in Meridiem se agit Tivius ad *Lan Beder* mercatorium oppidulum. Hinc converso in Occasum cursu *Tivius* latior fertur, propeque *Kilgarran* lapsus, ruit ex alto præceps, & *Salmonis saltum* facit, de quo modo dixi. Salmonibus enim est feracissimus, olimque solus Britannicorum fluviorum, ut credidit Giraldu Cambrænsis, Castores habuit. Animal hoc est amphibium, pedibus prioribus caninis, posterioribus anserinis, pelle cinerea subnigra, cauda oblonga, lata, & cartilaginea, qua fluitans gubernaculi vice utitur. De quorum solertia multa observavit Giraldu ille, sed hodie hic comparent plane nulli.

Vix duobus hinc miliaribus *Cardigan* abest, Britannii *Aber-Tivy*, id est, *Tivii ostium* nominant, præcipuum hujus regionis oppidum, à Gilberto filio Richardi Clarenfis munitionibus firmatum, quod postea proditione deditum diruit Rhesus filius Gruffini, capto Castellano Roberto *Fitz-Stephens*, *Stephanidem* nonnulli vocant, qui (cum diu

precario animam inter infensos Wallos traxisset, demum ea lege liberatus, ut possessionibus in Wallia renunciaret) primus è Normannico genere Hiberniam auspiciato cum exigua militum manu intravit, & Anglis aditum sua virtute aperuit.

A *Tivii* ostio molliter recedit littus plurimis rivulis pervium, inter quos, superiori agri parte memorandus est, quem Ptolemæus memorat, *STVCCIA*, cujus nomen etiam hodie integrum in ore vulgi versatur, *T-stwith* scilicet; qui ad fontes, plumbi habet venas, & ad ostium *Aber-y-stwith* oppidum totius conventus copiosissimum, quod Gilbertus etiam ille Clarenfis muris armavit, & Gualterus *Bec* Anglus diu contra Wallos tutatus fuit. Huic adjacet *Lhan Badern* vaur id est *Fanum Paterni magni*, qui ex Armorica oriundus *Cereticorum* (ut habet ejus vita) *ecclesiam & pascendo rexit, & regendo pavit*. Cujus memoriæ templum sedemque Episcopalem hic consecravat posteritas. Verum Episcopatus, ut scribit Rogerus Hoveden, quia *Parochiani pastorem suum interfecerant, olim obsolevit*.

Eodem quoque ostio in Oceanum etiam se ejicit *Ridol* fluvius, è *Plinlimon* monte prærupte altissimo descendens, qui Aquilonarem agri partem claudit, & è suo gremio *Sabrinam* & *Vagam* nobilissima, quæ dixi, flumina, effundit. Nec multum supra *Stuccia* ostium *Devi* fluvius, qui inter hanc & *Merionith* regionis limitis vice fungitur, in mare se condit.

Vix confirmarant suum in Britannia imperium Normanni, cum statim hanc oram classe tentarint, & feliciter quidem res successit. Maritima enim paulatim, regnante Guilielmo Rufo, Wallis extorserunt, sed maximam ejus partem concesserunt Cadugano filio Blethini, Britanno prudentissimo, cujus gratia plurimum in universa Wallia poterat, & quo amicissimo utebantur Angli. Sed cum ejus filius Oënus juvenis amenitia præceps, pacis odio Anglos, & advenas Flandros assiduis excursionibus infestaret, infelix pater patrimonio mulctatus, filii commissæ luit, qui & ipse solum vertere coactus, in Hiberniam se subduxit. *Cereticam* vero Rex Henricus Primus Gilberto Clarenfi donavit, qui præsidia disposuit, & castella munivit. Sed Caduganus cum Oëno filio in gratiam postea ab Anglis receptus, quæ sui erant patrimonii etiam recepit. Oënus vero ad ingenium reversus, iterumque res novas molitus, à Giraldo Penbrochiesi, cujus uxorem Nestam rapuerat, occiditur. Pater autem in Angliam abductus mitiores fortunæ vices diu expectavit, tandemque suis senex redditus, à Madoco nepote ex improvviso transfoditur. Rogerus de *Clare* postea *Cereticam* Henrici II munificentia accepit, sed Richardo Comite de *Clare*, ejus, ni fallor, filio, à Wallis, dum terrestri itinere huc contendit, interempto, Rhesus Suthwalliæ Princeps, Anglis magna strage profligatis, victore exercitu sui demum juris fecit: nihilominus in Anglorum potestatem sine cruore sensim denuo recedit.

Stuccia fl. Itwith.

Ridol fl.

Domini Ceretice.

Ecclesiæ paræciales in hoc sunt 64.

Britannia.

P P P P P

ORDE-

O R D O V I C E S.

Ordovi-
ces.

Illurum, & Dimetarum, quas hactenus peragravimus regiones, posteritas, cum tribus Principibus pareret Vallia, sua lingua Deheu-barth, id est, dextram partem, Angli South-Wales (ut dictum est) vocaverunt. Reliquos duos principatus (quos illi Guineth & Powis, nos North-Wales & Powisland dicimus) insederunt olim ORDOVICES, qui & ORDEVICES, ORDOVICÆ, & alicubi, sed corruptissime, Ordolucæ. Gens valida & animosa, utpote quæ montibus inhaeret, & solo animatur suo, quæque diutissime cum Romani, tum Anglici imperii immunis agitavit: nec ante Domitiani tempora à Romanis devicta: tunc enim Iulius Agricola universam prope gentem debellavit, nec ante Edwardi Primi tempora ab Anglis in Provinciam redacta. Libertate enim diu luxuriarunt, sua fortitudine, locorumque difficultate freti, quæ insidiis & protrahendo bello quodammodo nata videantur.

Horum fines determinare non adeo difficile, nominis autem veram rationem reddere quam difficillimum existimo. Opinionem tamen concepi, cum supra duo flumina Devi, quæ vicinis fontibus orta in diversa feruntur, confederint, & Oar-devi supra Devi flumina lingua Britannica significet, inde illos Ordevices dictos fuisse, perinde ac Arverni, quod supra Garumnæ, Armorici quod super mare, Horesci quod supra Escam flu. habitarent, fuerint denominati. Nec sine vestigiis intercidit Ordevicum in hoc tractu nomen, magna enim ejus pars, quæ mari adjacet, Ardudwy etiamnum incolis vocitatur, ex quo Ordovic, & Ordevices molliori sono conflasse videantur Romani. Sed una universa regio recentiori nomine Latinis (præter unam regiunculam) Guinethia & Venedotia, Britannis Guineth nuncupatur, à Venetis Armorica, qui, ut habet Cæsar, in Britanniam creberrime navigare soliti, ut quidam suspicantur. Sin fas mihi sit unicam literulam immutare, arbitrarer hoc nomen Græcis, & Pausania innotuisse, qui in Arcadicis prodit, Antoninum Pium male mulcasse Brigantes nostros, eo quod GENOVNIAM Romanorum in Britannia provinciam incurfasset. Certe si Genouthiam pro Genounia legere fas fuerit, ita illa voce ad Guinthiam accedit, & Guinethia hac situ adeo Brigantibus contermina jacet, ut nisi hanc regionem intellexerit Pausanias, quam illa fuerit, Sibylla ipsa viderit. Caterum ad Ordevices spectant regiones illæ, quæ nunc Anglice novis nominibus, Montgomery-shire, Merioneth-shire, Caernarvon-shire, Denbigh-shire, & Flint-shire appellantur.

Veneti.
Guineth.

Genounia.

M O N T G O M E R Y - S H I R E.



Montgomeryshire, Britannice Sire Tre-faldwin, à primario oppido ad medium Solem Ceretica & Radnor, ad Orientem Salopia, ad Boream Denbighia, & ad Occasum Merionethia circumscripta, licet montibus plurimum emineat, convallibus tamen grata fecunditate, cum pascuis, tum arvis utique felix est regio; laudatissimorumque equorum fecunda olim genitrix, qui, ut habet Giraldus, nobilem picturæ formam protrahente natura, tam membroso sua majestate, quam incomparabili velocitate valde commendabiles fuerunt. In extremo hujus agri ad Occasum, ubi quasi in conum definit, Machleneth sedet, forsitan Romanis MAGLONA, in qua sub duce Britanniarum præsidium egit Honorii Augusti tempore Præfectus Numeri Solentium ad montanos cohibendos, & ad secundum hinc milliæ juxta Penall ostenditur locus Keren Caer, id est, Dorsum urbis dictus, ubi Romanorum numismata subinde effodiuntur, & orbicularis mœnium forma non parvo ambitu cernitur.

Equi lau-
datissimi.Machle-
neth.
Maglona.

Plinlimon.

Quinque hinc mille passus Plinlimon mons, quem dixi, in eximiam exurgit altitudinem, & ea parte, qua hujus agri latus claudit, SABRI-

NAM secundum à Tamisi Britannicæ flumen effundit. Hæffren Britanni, Severne Angli indigitant. Quæ nominis origo, non legerim, fabellæ affine videtur quod de Sabrina virgine in eo demersa commentus est Galfridus, & Poëta nuperus, qui illum sequutus cecinit:

In flumen præcipitatur Abren,
Nomen Abren fluxio de virgine, nomen eidem
Nomine corrupto, deinde Sabrina datur.

Hic statim à fonte ita crebris incurvus flexibus agitur, ut sæpe reverti credatur, procurrit tamen, seu potius lentus pervagatur hunc agrum, Salopiensem, Wigorniensem, & postremo Glocestrensem, vitalemque humorem glebæ ubique suppedians in Sabrinianum fretum se tandem placide exonerat. Hoc vero agro sylvis obumbratus per Lanidlos, Trenewith sive Newtowne & Caer-fuse, quod & antiquum, & antiquis privilegiis firmatum prædicant, in Boream eluctatur, & non procul ab Orientali ripa relinquit Montgomery, primarium conventus oppidum, surgenti saxo, cui amœna planities subjacet, à Baldwino limitis Wallici præfecto, regnante Guilielmo Primo, constructum, unde Tre-faldwin, id est, Baldwini oppidum Britannis vocatur. Sed Angli à Rogero Montgomerico Salopiæ Comite, cujus patrimonii erat, Montgomery & Montem Gomerium dixerunt, qui,

Sabrinæ
fons.
Severne.New-
towne.
Caer-fuse.Montgo-
mer.Trefald-
win.

Anno XI
Corndon
hill.
* Magif-
vulgo v-
cant.
Welchpo-
Red-
Castle.

Matra

Lan-v-
lin.

qui, ut est in libro Angliæ Censuali, castrum construxit: veruntamen cum Henricus Tertius hoc è cineribus excitaret, (subverterant enim Walli anno Salutis CIOXCV interfectis præfidiariis, jacuitque permultos annos) illum à loci situ *Montem Gomericum* nominasse fabulatur Florilegus. Certum autem est, Henricum illum Tertium per diploma concessisse, ut *Burgus de Montgomery sit liber Burgus cum aliis libertatibus*.

Anno XI
Corndon
hill.
* Magisfold
vulgo vo-
cant.
Welchpoole.
Red-
Castle.

Iuxta hoc *Corndon* collis in cacumen satis excelsum adfurgit, in cujus summitate saxa quædam in coronam, unde nomen habet, in alicujus victoriæ, ut videtur, memoriam, collocantur. Superius *Sabrina Trellin* allabatur, id est *Oppidum ad lacum*, unde *Welchpoole* Anglis nuncupatur, castrum ab Austro adjunctum habet à subrufo saxo quo construitur *Castle Coch* appellatum, quod uno mœnium ambitu duo castella complectitur, alterum Domini Powisiæ erat, Baronis *Dudley* alterum. Caduganus filius Blerhini celebratissimus, quem dixi, Britannus, dum hujus constructioni intenderet, à nepote *Madoco* (ut est in *Lancarbanensis epitome*) fuit interfectus. Huic è regione altera fluminis ripa objicitur *Buttington*, Danorum Hybernis notum, è quo *Adheredus Merciorum* Comes illos anno Christi DCCCXCIII exturbasse author est *Marianus*. His relictis in Ortum paulatim se flectit *Sabrina*, ut *Tanet* fluviolum citius excipiat, quo consociato, *Salopienses* adit.

Hoc in agro Ordevicum *MEDIOLANVM* fuisse, quod & *Antoninus*, & *Ptolemæus* celebrant, est mihi persuasissimum, quia verissimum videtur. Cujus vestigia sagaciter odoratus sum, sed indagine parum felici, ita urbium etiam cadavera absunt ætas. E situ tamen si conjecturæ sit locus, cum compertissima sunt oppida, quæ utrinque ponit *Antoninus*, scilicet hinc *BONIVM*, nunc *Bangor* ad *Devam*, inde *RVTVNIVM*, nunc *Roxton Castle*, ab hoc enim XII, ab illo XX Italicis milliariis separat; Positionum, si ita dicere liceat, vel potius distantia lineæ se mutuo inter *Matrafal*, & *Lan-Vethlin*, quæ vix tribus distant mill. pass. intersecant, & quasi *Mediolani nostri* situm demonstrant. Hæc enim ratio eliciendi tertii loci situm è duobus cognititis incerta esse non potest, cum neque montes interjaceant, nec itinerum flexus sit impeditus. *Matrafal* hæc, quæ quinis à *Sabrina* ad Occasum abest milliariis, & quod vetustati ex parte suffragetur, licet nunc nudum sit nomen, Principum Powisiæ Regia sedes erat, & ea quidem à scriptoribus celebrata, qui memorant in ea à principibus jam relictâ, Robertum de *Veteri ponte*, sive *Vipont* Anglum castrum condidisse. *Lan-vethlin* vero, id est fanum *Vethlin*, oppidulum mercatorium, etsi à linearum intersectione sit paulo remotius, nominis tamen cognatione, cum *Mediolano* multo est conjunctius, *Vethlin* enim ex *Methlin* linguæ Britannicæ Idiotismo factum est, ut ex *Caer Verden*, ex *Caer Merden*, *Arvon* ex *Ar-mon*.

Matrafal.

Lan-vethlin.

Nec *Methlin* magis à *Mediolano* abludit, & dissonat, quam vel *Millano* in Italia, *le Million* in *Xantonibus*, vel *Methlen* in Belgis, quæ omnes urbes *Mediolani* nomine olim insignes fuisse nemo dubitat. Quæ vero conjectura ad veritatem sit propensior, tuum erit judicare, mihi satis est conjectare. Si hoc nostrum *Mediolanum*, & illas ejusdem cognominis in Gallia urbes, vel *Medum Ducum*, vel *Olanum* principem construxisse, aut dum construerentur, suam mediatim lanatam effosam dixerim, nonne nubes & nugas captare viderer? & hæc singula tamen de suo *Mediolano* scriptitant Itali. Sed cum hæc ab ejusdem linguæ populis constructa fuisse sit certo certius: (Gallis & Britannis communem linguam fuisse docuimus) eandem ob causam eandem habuisse denominationem satis probabile. In nullo tamen, quod sciam, *Mediolanum* nostrum cum illa Italia convenit, nisi quod planitie inter rivulos interfideat utraque, Italusque non indoctus ex eo *Mediolani* sui nomen duxit, quod sit urbs media inter *Lanas*, id est, inter fluviolos, ut interpretatur ille.

Suo nomine, titulo, & honore hic ager Comitum insignivit nullum, donec nuperrime Anno CIOCCV Rex *Iacobus Philippum Herbert* filium natu minorem *Henrici* Comitum *Pembrochiæ* ex *Maria Sidneia*, pro singulari & propensa in illum voluntate, & spe quam de illius virtutibus concepit maxima, uno eodemque tempore Baronem *Herbert de Shurland & Montis Gomerici* Comitem apud *Greenwicum* creavit.

Powisiæ autem Principes à tertio filio *Rothe-rici Magni* prognati hunc agrum cum aliis (licet *Rogerus* & *Hugo* *Montgomerienses* partem nonnullam abrasissent) perpetua serie ad *Edwardi Secundi* tempora tenuerunt. Tunc enim *Oë-nus* filius *Gruffini ap Guenwinwyn* è Britannico sanguine ultimus Powisiæ Dominus (Principis enim nomen jam pridem exoleverat) *Hawisiam* unicam filiam reliquit, quam *Ioannes Charleton* Anglus Regis *Valectus* duxit, & uxorio jure Dominus Powisiæ ab *Edwardo II* factus erat, qui (ut plurimum locis vidimus) Leonem rubrum insurgentem aureo in clypeo gerebat. Hujus posterius masculi quatuor hoc honore claruerunt, donec in *Edwardo* mascula successio abolita fuisset. Ille enim ex *Æleonora Thomæ Holand* Comitum *Cantii* filia, & una hæredum suscepit Ianam uxorem *Ioannis Grey* Equitis, & locosam conjugem *Io. Domini Tiptoft*, unde Barones *Dudley* & alii genus duxerunt. *Ioannes* ille *Grey* militari virtute, & beneficio *R. Henrici Quinti* Comitatum *Tanquer-villa* in Normannia accepit habendum sibi & hæredibus masculis, reddendo unum *Bassinet* ad castrum *Rothomagi*, in festo *S. Georgii* singulis annis. Huic natus erat *Henricus* Dominus Powisiæ, in cujus prosapia Powisiæ titulus ad *Edwardum Grey*, qui nostro ferre tempore sine sobole legitima diem obiit supremum, cum honore permanfit.

Comes
Montis-
gomerici.

Principes
Powisiæ.

Powisiæ
Domini.

David
Powel.

Dupli.
Norm.
6. Hen. 5.
Tanquer-
villæ Co-
mes.

Paræciales Ecclesias ostendit 47.

Britannia.

Q9999

M E R I O-



MERIONETH-SHIRE.



Montgomerici Comitatus tergo Merioneth-shire, Britan-
nice *Sir Verioneth*, Latine
Mervinia, Giraldo *Terra filio-
rum Canani*, ad finem usque
lunatum quem dixi, & O-
ceanum pertingit, quo ab
Occasu ita pulsatur, ut non

nullam ejus partem abripuisse credatur. Ad Me-
ridiem *Dowy* flumine à *Ceretica* per aliquot millia-
ria dirimitur, ad Septentriones *Caernarvoniam*,
& *Denbighiam* attingit. Ipsa vero inter montium
conglomeraciones omnium totius *VWallie* terrarum
(ut inquit Giraldo) *hispida magis & horribilis*. Ha-
bet enim montes altissimos, arctos tamen & in modum
acus acutissimos, nec raros quidem, sed creberrimos, &
tanta aequalitate confertos, ut in summis eorum verticibus
pastores confabulantes, vel convivantes, si concurrere for-
te statuerint, à mane ad vespertum vix convenirent. Nu-
merosi ovium greges in his montibus errant, nec
ullum est à lupis periculum, qui tunc per univer-
sam Angliam deleti creduntur, cum Eadgarus
Rex Ludvallo harum regionum principi trice-
nos lupos in singulos annos vestigialis nomine
imperaret. Quando enim (ut Malmesburienfis
habet) tribus annis hoc praestisset, quarto destitit, nul-
lum se ulterius invenire professus. Longo tamen post
tempore nonnullos superfuisset ex testimoniis
omni exceptione majoribus certo constat.

Incolæ qui rei pecuariae omnino sunt attenti,
& lacticiis vescuntur, butyro videlicet, caseo,
&c. (quamvis Strabo Britannos nostros quasi
casei conficiendi ignaros olim irriferit) statura,
colore nitido, habitu visendo, & corporis linea-
mentis vix alteri in Britannia genti concedunt,
sed ob præproperam Venerem, & otia male
apud vicinos audiunt. Oppida habet rara, ad Or-
tum qua *Dowy* labitur, *Mouthwy* Commotus est no-
tissimus, qui Willielmo alias Wilcock de *Mouth-
wy*, filio Gruffini *Ap Gwynwyn* Domini Powi-
sæ juniori pro hæreditaria portione obtigit, per
ejus autem è filio neptim ad Hugonem Burgh, &
per ejus itidem neptes ad claras familias de
Newport, *Leighton*, *Lingein* & *Mitton*.

Qua *Avon* flumen magis ad Occasum defluit,
Dolegethle est viculus mercatorius à valle in qua
conditur, sic dictus. Proxime mare in regiun-
cula *Ardudwy*, *Arlech*, olim *Caer Colun* abruptissima
rupe castrum in mare præterdit, quod ab Ed-
wardo Primo (ut ferunt incolæ) extructum, à fi-
tu nomen accepit. *Arlech* enim super saxum Bri-
tannis denotat. Sunt tamen qui *Harlech* vocant,
& *Pulchram rupem* interpretantur. Cum dome-
stico bello Anglia convulsa esset, *David Ap Ienkin*
Ap Enion Britannis nobilis, qui à Lancastrensi
familia stetit, pertinaciter contra Edwardum
Quartum defendit, donec Gulielmus Herbert

Penbrochiæ Comes per medias Walliæ Alpes
difficilimo itinere perrumpens, valido fragore
in castra ita detinuerit, ut deditione receperit.
Incredibile fere est, quantas viæ impeditissimæ
difficultates ille eluctatus est, cum hic ascenden-
do reperire, illic descendendo se cum suis quasi
provolvere cogeretur. Vnde *Le Herbert*, via illa
vicinis hodie vocatur. Superius in ipso agrorum
confinio æstuarium inrepunt duo celeberrima,
Traith maur, & *Traith bochan*, id est, *Æstuarium ma-
jus & minus*.

Nec procul hinc juxta *Fastineog* viculum via
publica, sive militaris, quæ saxis constrata per
montes hos præpeditos, & quodammodo invios
ducit. Quam cum Britanni *Sarn Helen*, id est, *He-
lena strata*, nominant, Helenam Constantini ma-
lenæ, cujus multa, & egregia erant per Roma-
num imperium opera, constravisse par est ut ex-
istimemus. Nec procul abest *Caer-Gai*, id est, *Ca-
strum Gai*, à Cajo Romano aliquo extructum, de
quo magna & mira vulgus vicinum prædicat.

In Orientali agri parte *Deva* flumen è duobus
fontibus exortum (unde nomen gestare cre-
dunt, *Dwy* enim illi vocant, quo nomine & bi-
narium numerum denotant, licet alii à divinita-
te, alii à nigro colore dictum contendunt) & sta-
tim *Lhin-tegid*, Anglis *Pimble-meare*, & *Plenlin-meare*
lacum longe lateque diffusum integer transmeat,
& exit tantus, quantus venit. Nec enim *Guiniad*
peculiares lacui pisces in *Deva* videas, nec Sal-
mones in lacu, qui tamen in flumine passim ca-
piuntur. Sed vide, si placet, lacum Poëtæ An-
tiquarii versibus accurate depictum,

*Hispida qua tellus Mervinia respicit Eurum,
Est locus antiquo Penlinum nomine dictus,
Hic lacus illimeis in valle Tegeius alta
Late expandit aquas, & vastum conficit orbem.
Excipiens gremio latitans, qui fonte perenni
Vicinis recidunt de montibus, atque sonoris
Illecebris captas demulcent suaviter aures:
Illud habet certe lacus admirabile dictu,
Quantumvis magna pluviae non æstuat: atqui
Aere turbato, si ventus murmura tollat,
Excrecit subito rapidis violentior undis,
Et tumido superat contemptas flumine ripas.*

Hujus supercilio infidet *Bala* oppidulum im-
munitatibus dotatum, sed raris incolis, ædifi-
ciisque incultissimis, nihilominus præcipuum fo-
rum montanorum.

Hugo Comes Cestrensis primus Norman-
norum hanc regionem dispositis præsidiis oc-
cupavit, cum Gruffinum filium Conani cap-
tivum teneret, sed postea ille hanc cum re-
liquo principatu recuperavit, posterisque re-
liquit, donec fatali periodo confecta, in Leo-
lino defuit.

CAERNARVON-SHIRE.



Vpra Merionithiam jacet, quæ Britannis *Sir Caer-ar-von*, Anglisque *Caernarvon-shire*, ab oppido præcipuo, & priusquam Wallia in Comitatus describeretur *Snowden Forrest*, historicis Latinis *Snaudonia*, ab illo saltu, & *Arvon*, quod Monam è regione oppositam habet. Latus Septentrionale & Occiduum mari objacet, Australe claudit Merionithia, & Orientale Denbighiensis ager *Conovio* flu. interlabente. Qua mare prospicit, potissimum qua promontorio longius in Occasum Hibernum evehitur, incurva littora contra OCTOPITARVM five *S. Davids Land* obtendit, gleba est satis fertili, & oppidulis redimita.

Conway
fl.

Snowdon
hills.

Alpes Bri-
tannicæ.

Nivicol-
lini.

Interiora autem Natura longe lateque montibus, quasi hic compages hujus Insulæ visceribus terræ densaret, confertim extulit, receptaculumque Britannis tutissimum ingruente bello fecit, tot enim aspreta, rupesque, tot convalles saltuosæ, stagnisque impeditæ interjectæ sunt, ut non modo exercitus, sed ne expediti quidem calles inveniant. Alpes, si placet, Britannicas merito hos montes appelles, nam præterquam quod totius Insulæ maximi sunt, etiam incisus undique rupibus, non minus quam Alpes, præcipientes, omnesque unum ambiunt, qui in medio vaste supereminens, ita caput effert, ut non cælo minari, sed inserere juga videatur; quæ tamen nivibus sunt fida, toto enim anno, nive, seu potius nivium senio canescunt. Vnde uno nomine omnes Britannis *Craig Eriry*, Anglis *Snowdon*, id est, utraque lingua *Niviferi montes* vocantur: uti etiam *Niphates* Armeniæ, & *Imaus* Scythiæ à nive nomen (testante Plinio) assumerunt. Nihilominus adeo sunt pabulosi, ut tritissimum sit inter Wallos, *Eriry* montes omnibus Walliæ armentis in unum coactis sufficere posse. De duobus in horum verticibus lacubus, quorum altero enatat Insula erratica, altero plurimi pisces, sed monoculi omnes reperiuntur, nihil dicam, ne fabulis indulgere videar, etsi Giraldi autoritate hoc nonnulli crediderint. Lacus vero & stagnantes aquas esse in summitate horum montium certum est, unde Gervasius Tilburienfis in Otiis Imperialibus, *In terra VVallensium intra terminos Britannia majoris montes excelsi fundamenta sua in saxis durissimis statuerunt, & in cacumine tanta aquositate terra crustatur, quod ubi vix pedem fixeris terram ad jactum lapidis moveri senties, unde supervientibus hostibus VVallenses terram illam glutinosam sua transilientes agilitate impetus hostiles aut elidunt, aut damno hostium constanter expectant.* Horum incolas *Nivicollinos* novo verbo vocavit Ioannes Sarisburiensis in Polycratice, de quibus Henrici Secundi tempore sic scripsit, *Nivicollini Britones irruunt, & jam protendunt terminos suos egressi de cavernis, latebrisque sylvarum plana occupant procerum nobilium; videntibus ipsis, impugnant & expugnant, & diruunt, aut sibi retinent, eo quod juvenis Britannia*

nostra, quæ tecto & umbra gaudet, nata fruges consumere in lucem dormit, &c.

Sed à montibus in campestria descendamus, quæ cum sola sint secundum mare, satis sit si tantum littus legamus. Promontorium quod in Occasum brumalem projectum diximus, Ptolemæo pro exemplarium varietate, CANGA-
NVM, IANGANVM, LANGANVM dicitur, quod verissimum, nescio, sed LANGANVM videatur, cum hodie incolis *Lhein* vocetur, quod angusto & æquali Chersonesso procurrit, magis quam cætera regio patentibus campis, & hordeo feracissimis. Duo tantum memoranda prætendit oppidula, interius ad sinum *Pullbely*, id est, *Palus salsa*, exterius ad mare Hibernicum (quod alteram Chersonessi partem diverberat) *Nevin* villam mercatoriam, in qua anno Christi MCC LXXXIII Angli proceres de Wallis triumphantes militari decursione & festiva pompa (ut author est Florilegus) memoriam Arthuri magni celebrarunt. Si qua alia floruerunt hic oppida, tunc deleta fuerunt cum Hugo Comes Cestriæ, Robertus de *Rudland*, & Guarius è *Salopia* primi Normannorum huc penetrantes, hoc promontorium ita popularentur, ut totum septennium desolatum jacuerit.

Canga-
num.

Lhein.

Pullbely.

Nevin.

Vita Gruf-
fini.

A *Nevin* littus semel, iterumque prominentiis distinctum in Septentriones se agit. Deinde obversa in Circium fronte, coarctato in angustias freto (*Menai* vocant) Monam Insulam à Continente discindit. Huic freto SEGONTIVM urbs, cujus meminit Antoninus, superimposita erat, cujus murorum reliquias nonnullas vidimus juxta * Ecclesiolam in S. Publicii honorem constructam. Nomen à præterfluente fluvio sumpsit, qui etiamnum *Sejont* appellatur, & è *Lin-Peris* lacu profluit, in quo piscis est peculiaris non alibi visus, quem à rufescente ventre *Tor-coch* accola vocitant. Cum autem SETANTIORVM PORTVM hoc in situ collocarit vetustus Ptolemæi codex, quem alia exemplaria longius remonent, si ego SEGONTIORVM PORTVM legerim, & ad hujus ostium fuisse dixerim, veritatem fortasse limarem, sin minus, conjecturæ veniam ab æquo lectore impetrem. Hanc urbem Ninnius *Caer Cystennith*, & qui scripsit vitam Gruffini filii Conani, prodit Hugonem Cestriæ Comitem castrum construxisse in *Hean Caer Cystenni*, id est, ut vertit Latinus interpres, in antiqua urbe Constantini Imperatoris. Authorque est Matthæus Westmonasteriensis (sed ipse fidem suam liberet) corpus Constantii, patris Constantini Maximi, hic inventum fuisse anno M C C L X X X I I I, & in Ecclesia novæ urbis honorifice locatum jussu Edwardi Primi, qui ex hujus ruinis eo tempore *Caernarvon* urbem paulo superius ita ad fluminis ostium eduxit, ut ab Occidente & Septentrione aquis alluatur. Quæ ut ipsa nomen sumpsit, quod è regione *Monæ* Insulæ objicitur, hoc enim vocabulum denotat: ita universo agro suum nomen communicavit, hinc

Menai.
Segontium.

* Lhan
Beblin.

Tor-coch
piscis.

Caer-
narvon.

R r r r

etenim



etenim Anglis *Caernarvon-shire* dicitur. Angusto admodum & fere orbiculari mœnium ambitu continetur hæc urbecula, sed firmo; castrumque ostendit pulcherrimum, quod totum Occidentale latus occupat. Privatis ædificiis pro more regionis satis pulchra, & civium humanitate prædicanda. Edwardum Primum conditorem, & Edwardum Secundum ejus filium hic natum, & de *Caernarvon* cognominatum, qui primus erat ex Anglico sanguine Walliæ Princeps, summæ sibi gloriæ incolæ existimant. Habueruntque in hac Principes Walliæ suam Cancellariam, Scaccarium, nec non Iustitiarium pro Wallia Boreali. Ad septimum hinc miliare ad idem fretum, ab Austro monte satis edito, à Septentrione colle inclusum subsidet *Bangor*, sive *Banchor*, à Choro pulchro, vel, ut aliis placet, quasi *Locus Chori*, sic appellata. Quæ sedes Episcopalis Parœciis LXXXVI præfidet. Danieli ejusdem olim præfuli sacrata est Ecclesia, non illa admodum speciosa structura. Ab Oëno enim *Glendoverduy* perditissimo rebelle, qui Walliæ urbes excidio destinarat, incendio deformata, postea Henrici Denæi Episcopi opera, regnante Henrico Septimo, restaurata vix pristinam dignitatem recuperavit. Oppidum est nunc exiguum, olim adeo amplum, ut *Banchor vaur* ob magnitudinem diceretur, castroque munivit Hugo Comes Cestriæ, cujus ne vestigia invenire sedulo percunctando potui: & ad ipsas freti fauces situm. Quas Edwardus Primus, ut in Monam sive *Anglesey*, (de qua mox suo ordine dicendum) exercitum transmitteret, ponte obnix, sed frustra, continere conabatur. Quo etiam loco Paulinus Suetonius Romanos milites ante in Monam transmisit, equites vado, & pedites pandis naviculis, ut author est Tacitus.

Banchor.
Aliis quasi
Pen chor,
id est, præ
cipuus
Chorus.

Vita Gruf-
fini.

Penmaen-
maur.

Conovius
fl. Cono-
vium.

Declivi hinc ascensu pergit littus per *Penmaen-maur* præcellam & abruptam rupem, quæ mari eminens, angustum callem itinerantibus præbet, hinc impendentibus saxis quasi ruinam minarentur; illinc fremente Oceano in immensam profunditatem depresso. Sed hac una cum *Pen-maen-bychan*, id est, *Monte saxeo minori*, superata, planities se pandit usque ad *Conovium* fl. vulgo *Conwey*, qui ab oriente hunc agrum determinat. Hic fluvius apud Ptolemæum compendiaria Græce scribendi ratione *TOISOVIVS* pro *CONOVIVS* concipitur. E palude ejusdem cognomi-

nis in meridiano Provinciæ limite emanans angustiori alveo usque ad ostium fere collisus properat, conchas alens, quæ cœlesti rore gravidæ margaritas parturiunt; *CONOVIO*que oppido, quod memorat Antoninus, nomen impertit. Quod licet nunc prostratum, nomenque illud eo loci extinctum, novo tamen nomine vetustatem suam subindicat. Tenuissimus enim inter ejus rudera viculus *Caer bean*, id est, *Vrbs antiqua* vocatur. E cujus spoliis novum oppidum Edwardus Primus ad ipsum fluminis ostium excitavit, quod inde *Aber-Conwey* vocant, id est, *Conovii ostium*, quem locum Hugo Cestrensis prius communierat. Ipsum vero Conovium recens munitum situ, munitumque opere, & pereleganti ad flumen caastro, urbeculæ, potius quam oppidi nomen mereatur, nisi quod rarius habitetur.

Margari-
tæ.
Conwey.

Ex hujus opposito cis flumen prominet inflectente cubito, quasi stationem moliretur natura, promontorium vastum, quod hujus etiam agri censetur, *Gogarth* dictum. In quo, *Conovio* mare subeunti *Diganwy* antiqua urbs impendebat, quæ multa ante secula ictu fulminis deflagavit. *DICTVM* autem urbem esse credimus, ubi sub posterioribus imperatoribus Præpositus Numeri Nerviorum *Dictensium* excubias egit. Quod autem *Diganwy* postea appellatum fuerit, quis non videt *Ganwey* illud ex *Conwey* profluxisse, & inde Anglicum nomen *Ganoc*? sic enim nominatum erat castellum, quod postea eo loci Henricus Tertius construxit.

Gogarts.

Diganwy.

Dictum.

Ganoc.

Præfuit huic regioni statim à Normannorum in hanc Insulam ingressu *Gruffinus* filius *Conani*, qui cum influentes Anglorum in Walliam copias reprimere non potuisset, tempestati subinde cessit; demumque cum sua integritate Regis *Henrici Primi* gratiam redemisset, facile etiam ab Anglis sua recuperavit, posteritatisque reliquit ad *Leolinum* usque. Qui cum fratres injuriis, & vicinos Anglos incursionibus irritasset, eo adductus fuit, ut hanc montanam regionem cum *Monna*, sive *Anglesea* insula, ab Edwardo Primo clientelari jure teneret, eoque nomine mille *Marcas* quotannis persolveret. Quibus conditionibus cum postea non staret, sed suam perfidie fratris pertinaciam, potius, quam spem sequutus, aleam belli denuo tentaret, interfectus, & sibi, & *Britannorum* in Wallia imperio finem attulit.

Ecclesias habet parœciales 68.

M O N A I N S V L A

five

A N G L E S E Y.



Vam proxime percurri regionem *Caernarvon*, nomen à primario ejus oppido, oppidumque illud à *MONA* insula, quæ è regione objacet, accepisse modo dixi. Nunc vero ut eam in suum locum restituam, quam antea imprudens fateor, inter Insulas relegarum, & suo ordine perlu-

strem quasi suo jure postulat, cum inter Comitatus merito locum habeat. Hæc quæ Romanis *MONA*, Britannis *Mon*, & *Tir-mon*, id est, *Terra Mona*, & *Ynis Dwyll*, id est, *Insula opaca*, Anglo Saxonibus priscis *Moneg*, & tandem cum Angli juris sui fecissent, *Engler-ea* & *Anglesey*, quasi *Anglorum Insula* dicta, tenui freto *Menai* à *Britanniæ* continente divisa, à reliquis partibus turbido illo

illo Hibernico mari undique pulsata, forma jacet inæquali, qua longior, ab Ortu in Occasum xx milliariis, qua latior, vix xvii porrecta. Licet autem, ut habet Giraldus, tellus arida & saxosa videatur, deformis aspectu & inamœna, terra Pebidion, quæ Menevia adjacet, exteriori qualitate similima, verum tamen interiori natura dote longe dissimilis. Est enim præcunctis Vallie finibus triticeo germine incomparabiliter fecunda, adeo ut proverbialiter lingua Cambrica dici soleat, Mon mam Cymbry, quod Latine sonat, Mon mater Cambriæ. Quoniam aliis undique terris deficientibus, hæc sola gleba præpingui, uberique frugum proventu Cambriam totam sustentare consuevit. Re etiam pecuaria hodie admodum est opulenta, lapidesque habet molares, & alicubi terram aluminosam, è qua alumen & calchanthum quidam non ita pridem conficere cœperunt. Verum cum res minus succederet, spe deposita ab incepto destiterunt.

Mona.
Anglesey.

Druidæ.

Hæc est MONA illa Insula nobilissima, sedes Druidum antiqua, à Paulino Suetonio adorta & Iulio Agricola in Romanum imperium redacta. Imperante Nerone Paulinus Suetonius (ut scribit Tacitus) Monam Insulam incolis validam, & receptaculum perfugarum aggredi parat, navesque fabricatur plano alveo, adversus breve litus & incertum. Sic pedes, equi: es vado secuti, aut altiores inter undas, adnantes equis transmissere. Stabat pro litore diversa acies, densa armis virisque, intercurrentibus sceminis: in modum furiarum, veste ferali, criminibus dejectis, faces præferbant. Druidæque circum preces diras sublati ad Cælum manibus fundentes, novitate aspectus perculere militem, ut quasi hærentibus membris, immobile corpus vulneribus præberent. Denique cohortationibus ducis, & se ipsi stimulant, ne muliebri & fanaticum agmen padescerent, inferunt signa sternuntque obvios, & igni suo involvunt. Præsidium post hac impositum vicis, excisique luci sevis superstitionibus sacri. Nam cruore captivo adolere aras, & hominum fibris consulere Deos fas habebant. Sed hæc agentem repentina totius provinciæ defectio ab incepto revocavit. Postea, ut scribit idem Tacitus: Iulius Agricola Monam insulam, cujus possessione revocatum Paulinum rebellionem totius Britannia supra memoravi, redigere in potestatem animo intendit. Sed ut in dubiis consiliis, naves deerant, ratio & constantia ducis transpexit: depositis omnibus sarcinis, lectissimos auxiliarios, quibus nota vada, & patrius nandi usus, quo simul seque & arma & equos regunt, ita repente immisit, ut obstupescere hostes, qui classem, qui naves, qui mare expectabant, nihil arduum aut invictum crediderint sic ad bellum venientibus. Ita petita pace, ac dedita insula, clarus ac magnus haberi Agricola.

Multis post sæculis ab Anglis devicta in eorum nomen concessit, Engles-æa olim Saxonice, nunc vulgo Anglesey, quasi Anglorum Insula dicta. Sed cum hanc insulam suo nomini & dignitati asseruerit Humfr. Lhuidus in doctissima ad eruditissimum Ortellum Epistola, non est cur hic aliquis operam nostram desideret. Hoc tamen at-

Britannia.

Numerantur in hoc Comitatu Paræciæ 74.

texam: Romanorum in Britannia jam divergente imperio, quidam ex Hibernia in hanc etiam irrepsit. Nam præter tumulos fossa circumdatos, quos Hibernicorum casulas vocant, etiam locus est Ynbericy Gwidil ab Hibernicis denominatus, qui duce Sirigi, Britannos eo loci fuderunt, ut Triadum libro memoratur. Nec ab Anglis solum, verumetiam à Norwegis graviter divexata fuit. Anno etiam reparata Salutis millesimo Æthelredi Regis classis totam insulam circumvecta hostilem in modum devastavit. Postea Hugones duo Normannici, alter Cestriæ, alter Salopiæ Comes gravissime afflixerunt, castrumque Aber-Llenioc ad coercendos incolas extruxerunt, verum Magnus Norwegus eo tempore ad hanc appulsus Hugonem illum Cestrensem sagitta transfixit, & insulam deprædatus discessit. Deinceps etiam Angli sæpius adorti sunt, donec Edwardus Primus in suam potestatem redegerit. Villas numeravit olim cccclxiii, hodieque incolis frequens est. Primarium hodie oppidum censetur Bellus Mariscus, vulgo Beaumarish, quod in Orientali parte Edwardus Primus in loco palustri construxit, & ob situm bello hoc nomine insignivit, cum prius locus Bonover diceretur, castroque munivit, quod tamen nequaquam absolutum fuisse videatur, cui præest clarissimus vir Richardus Bulkley Eques auratus, cujus in me humanitatem cum hæc loca inviserem, non possum non gratissimo animo semper agnoscere.

Marianus.

Beaumarish.

Huic adjacet Lhan-vays, ædes quondam fratrum Minorum admodum celebris, quibus per benignos patronos Reges Angliæ se præbuerunt, tum ob fratrum qui ibidem egerunt sanctimoniam, tum quod (ut ex publicis regni actis loquar) ibidem sepulti fuerunt filia Regis Ioannis, filius Regis Danorum, nec non corpora Domini Clifford, & aliorum Dominorum, Militum, & Armigerorum, qui in guerris Valliæ, temporibus illustrium Regum Angliæ, occisi fuerunt.

2. pars
Pat. anno
2. H. 5.

Secundum à Bello-marisco oppidum Newburg censetur, Britannice Rossur, quod decem mille passus ad Occasum abest, & ingestis arenis diu conflictatum pristini splendoris multum se amisisse conqueritur. Aber-fraw parum hinc distitum, quod nunc notæ obscurioris, reliquis olim plurimum dignitate præluxit, utpote olim Regum Venodotiæ sive Northwalliæ sedes Regia, quique hinc Reges de Aber-fraw appellati. In extremo vero ad Occasum promontorio, quod nos Holyhead, id est, Caput sacrum vocamus, adfidet tenuis viculus, Britannice Caer-Guby, cui Kibius vir sanctissimus Sancti Hilarii Pictavenfis discipulus, qui ibidem Deo vacavit, nomen fecit, unde frequens est in Hiberniam trajectus. Reliqua hujus insulæ vicis passim sunt aspersa, qui cum nihil memorandum præ se ferant, hinc in continentem transmittam, & Denbighiensem agrum invisam.

Holyhead.
S. Kibius.

De insulis
Monæ
adjunctis,
vide inter
insulas
Britannicas.

D E N B I G H - S H I R E.



Is *Canovium* flumen Denbighensis ager, Anglis *Denbighshire*, Britannis *Sire Denbigh*, interius à mari recedit, & in Ortum usque ad *Devam* flu. procurrat. A Borea aliquandiu mare, inde *Flintensis* regiuncula, ab Occasu Merionithia & *Montgomeria*, ab Ortu ager *Cestrensis* & *Salopien* circumcingunt. Pars Occidua sterilis, media qua in vallem succumbit, fecundissima, Orientalis statim à valle naturam sibi iniquiorem, ad *Devam* vero multo æquiores sentit.

Occidua pars, nisi quod lætior sit, qua Oceano pulsatur, sparsim habitata, glabris & macilentis montibus plusquam protuberat, quorum tamen maciem in montium pronis ut alibi in *Wallia* cultorum diligentia, & solertia jampridem vincere cepit. Terræ enim corium latiore vomere in cespites, sive bractæas abradentes, eos artificiose congestos injecto igne in cineres redigunt, quibus in agros illos excoarctatos inspersis, eorum jejunam sterilitatem ita lætificant, ut arincam, supra quam credi possit, profundant. Nec hæc glebas comburendi ratio nova est, sed admodum antiqua, ut è *Virgilio* & *Horatio* videre est. Inter hos montes locus est vulgo dictus *Cerigy Druidion*, id est, *Lapides Druidarum*, nonnullæque cernuntur columnulæ ad *T-roellas* peregrinis characteribus inscriptæ, quas *Druidum* fuisse nonnulli suspicantur, & haud multum à *Clocainog* hæc in saxo legitur Inscripção:

A M I L L I N
T O V I S A T O C.

Ad vallem, ubi hi montes jam rarefcere incipiunt, pendenti rupi affigitur *Denbighia*, vetustiore nomine Britannis *Cled Fryn yn Ros*, id est, *Confragosus collis in Rosia*, (sic enim illam regionis partem vocant) quam *Edwardus Primus* cum aliis amplissimis latifundiis *Davidi Leolini* fratri donavit; verum cum ille statim læsæ majestatis reus capite plecteretur, eam ex *Edwardi* dono accepit *Henricus Lacius Lincolnien* Comes, qui non magno, sed valido mœnium circuitu, & ad Australem partem turrito castello munivit, in cujus puteo cum filius ejus unicus forte demersus fuisset, mœstissimus pater, nondum imposito fastigio, ab opere destitit. Eoque postea defuncto, oppidum cum reliqua possessione ad *Lancastrensem* familiam per superstitem ejus filiam *Aliciam* descendit, à qua tamen primum *Edwardi Secundi* liberalitate, cum illa familia jaceret, ad *Hugonem Spenser*, inde ad *R. de Mortuomari* ex pactione cum *Edwardo Tertio* devenit; ejus enim insignia ad portam primariam conspiciuntur. Sed eo morte mulato, ad *Guil. Monteacutum* *Sarisburien* Comitem, statimque rursus ad *Mortuomarios*, & per eos ad *Eboracensem* familiam demum devenit. Scriptum enim est, in *Edwardi IV* ex *Eboracensi* familia invidiam magno damno à *Lancastrensibus* affectum fuisse. Ex quo

tempore, sive quod situs præruptus non incolis placuerit, nec enim subvectio erat commoda, sive quod aquis indigum erat, paulatim ita demigrarunt, ut vetus hoc oppidum sit jam exhaustum, & novum longe majus sub ipsa rupe surrexerit, Quod adeo frequens est, ut templo multitudinis non capace, jam in antiqui oppidi area novum, tum Domini sui *Roberti Comitis Leicester*ensis, tum collatitia plurimorum per *Angliam* pecunia condere incœperint. *Robertum* enim illum anno *MDLXVI* *Regina Elizabetha* Baronem *Denbighiæ* creavit. Nec inter *Angliæ* Baronias alia est, quæ plures nobiles clientelari jure sibi devinctos habet.

Iam venimus in regionis medietullum, ubi submotis utrinque montibus, Natura, ut quid in aspera regione posset, ostenderet, vallem longe pulcherrimam substravit, ab Austro in Septentrionem *xvi* mill. pass. porrectam, v plus minus latitudinem expansam, quæ Oceano & serenanti Boreæ solummodo patet, alias undique montibus continetur altis, & ab Ortu quasi pinnatis, (mira enim naturæ solertia montium horum juga mœnium pinnae mentiuntur.) Inter quos editissimus est *Moil-enlli* in cujus cacumine vallum militare, & fonticulum limpidum vidimus. Vallis hæc à salubritate, fertilitate, & amœnitate vere felix. Incolarum color est sanus, capitis firma sinceritas, inoffensum oculorum lumen, & annosa admodum senectus. Ipsa vero virentibus pratis, flaventibus arvis, creberrimis villis, & templis spectantium oculis mirum in modum arridet. Cluida flu. labentibus undique profluentibus auctus eam mediam ab ipso fonte intersecat, unde olim *Strad Cluid*. (*Marianus* enim *Strat-Clud-wallanorum* Regem nominat) & hodie *Diffryn Cluid*, id est, *Vallis Cluidæ* denominatur, in qua Britannos è *Scotia* advenas, pulsos *Anglis*, regnum constituisse prodiderunt nonnulli. Ad *Cluidæ* Orient. ripam in Australi vallis parte *Ruthunia*, Britannis *Ruthun*, Anglis *Ruthin* adidet, maximum vallis emporium, viris & ædificiis frequens, celebrequæ non ita pridem castro amplo, pereleganti, & familiæ quantumvis numerosæ capacissimo. Quod simul cum oppido construxit *Rogerus Grey*, cum licentiam obtinuisset à rege, Episcopo *Asaphensi*, & Rectore *Ecclesiæ Lhan Ruth*, in cujus parochia locus situs. Huic proportionem navatæ in Wallos operæ *Edwardus Primus* totam fere vallem elargitus erat: posterisque ejus, qui titulo Comitum *Cantii* illustres, sedes erat, donec *Richardus Grey* Comes *Cantii*, & *Ruthunia* Dominus, quum nullam suscepisset prolem, non habita aliqua fratris *Henrici* ratione, *Henrico Septimo* hoc avitum patrimonium pretio addiderit. Ex quo tempore castrum tecto nudatum fatiscere cepit. Nuper autem ad *Ambrosium Warwicensen* Comitem, cum opimis in valle redditibus, ex *Reginæ Elizabethæ* munificentia spectavit.

E valle ad Ortum ascendentem excipit *Yale* regiuncula montana, & si ad regiones subjectas, & circum-

Cluida fl.

Ruthin.

circumvicinas conferatur editissima, adeo ut nullum aliunde fluvium accipiat, sed plures ex se emittat. Ex hoc editiori situ aspera est, algida, & ventis undique perflata. An ab *Alen* fluviolo, qui in hac exortus semel atque iterum se recondit cuniculum agens, nomen accepit, nescio. Montes bobus, ovibus, capris sunt referti, convalles alicubi frumenti satis feraces, maxime ad Orientalem partem cis *Alenum*: Occidentior autem pars minus est fertilis & nonnullis in locis plane ericetum, & infrugifera. Memorandum vero nihil habet præter monasteriolum dirutum, lætissime, & amœnissime in valle situm, quæ inter nemorosos colles se in crucis figuram decussat, unde *Vallis Crucis*, Britannice *Lhane Gwest* appellatur.

Valle-Crucis.

Ab hac magis in Ortum territorium, Britannice *Mailor Gymraig*, id est, *Mailoria VVallica*, Anglis *Bromfield*, usque ad *Deyam* fl. pertingit, læta admodum regiuncula & plumbi ferax, præcipue juxta *Moinglath* viculum, qui à fodinis nomen assumpsit. *WVrexham* hic cernitur, Saxonice *Writtletham*, sacra turre elegantissima conspicuum, Musicisque in Ecclesia organis celebratum: & huic vicinum est *Leonis castrum*, à Legione xx Victrice, quæ paulo superius ad alteram *Deyam* ripam egit, forte sic dictum, nunc *Holt* vulgo vocatur, instauratumque creditur nuper à Guilielmo Stanleio, & olim à Ioanne Comite Warrenniæ, qui tutor fiduciarius hanc provinciolum à pupillo Madoco Britannico regulo una cum *Tule* sibi intervertit. A Warrenniæ vero Comitibus ad *Fitz-Alanos* Arundeliæ Comites, & ab illis ad Guiliel. *Beauchamp* Baronem *Abergevenna* devenit, posteaque ad Guilielmum *Stanley*, qui cum capite plexus esset,

Plumbum. Wrexham.

Holt.

D. Powell.

hæc & aliæ ejus possessiones fisco fuerunt adjudicatæ.

Bromfeldia ad Austrum *Chirke* subjacet, Britannice *Gwyn*, satis etiam illa montosa, sed duobus castris nobilitata, *Chirke* scilicet, quod nomen dedit, à Rogero de *Mortuomari* posito, & *Castle Dinas Bran* in editissimo fastigiati montis jugo suspensum, cujus nunc nihil nisi parietinæ supersunt. Hoc vulgus Brennum Gallorum ducem inædificasse, & denominasse affirmat, alii *Castrum Palatii Regis* interpretantur, *Brenn* enim Regem Britannice significat, unde fortasse ille Rex potentissimus Gallorum & Britannorum per excellentiam dictus Brennus: sed à situ excelso in colle, quem *Bryn* vocant Britanni, alii nomen esse contendunt, & quidem mea opinione, multo probabilius. Henrici Tertii tempore sedes erat Gruffini filii Madoci, qui cum ab Anglis contra Wallos staret, in hoc se continere solebat, sed illo defuncto Rogerus de *Mortuo-mari*, qui ejus filio Leolino curator datus, perinde ut Ioannes (quem dixi) Warrenniæ Comes Bromfeldiam, ita hanc *Chirke* sibi occupavit.

Chirke.

Castle Dinas Bran. Brennus.

Cum res Wallorum inter se seditionibus, & Anglorum incursionibus in lapsum prona jam fisti non poterat, Comites Cestriæ, Warrenniæ, Mortuomarii, Lacius & Greji, quos dixi, primi Normannorum hanc Provinciolum paulatim in suam potestatem redegerunt, & suis possidendam reliquerunt. Nec ante Henrici Octavi tempora in Comitatum instituta, quo tempore etiam *Radnor*, *Brechinia*, & *Montgomeria* autoritate Parliamentaria facti fuere Comitatus.

Quatuor novi Comitatus Walliæ. 27. Henr. 8.

In hoc agro Paræciæ sunt 57.

F L I N T - S H I R E .



Denbighienfi agro ad Septentrionem longior, quam latior præjacet Flintensis provinciolum, Anglis *Flint-shire*, Hibernico mari, sive potius *Deyam* æstuario ab Arcto pulsata, ab Ortum Cestrensi Comitatu, ab aliis plagis Denbighienfi finita. Non illa quidem montana, sed collium prominentia aliquantulum surgens, quæ leniter in fertilissimos agros resupinatur, qui, præsertim qua mare prospiciunt, primo quoque anno nonnullis in locis hordeum, aliis triticum, in universum secale vicissim & supra scœnore, & postea avenam in quatuor aut quinque annos profundunt. Occidua vero ejus pars vallem Cluidanam, qua illa mari proxima descendit, & superiorem ejus partem occupat.

Varis. Bod-Vari.

In hujus & Denbighienfi agri confinio, qua molliori devexitate montes se subducunt, & faciliorem in vallem descensum, & transitum præbent, in ipsis faucibus urbeculam VARIM posuerunt Romani, quam à CONOVIO ad XIX milliare locat Antoninus. Hæc nulla sui nominis parte truncata, *Bod-Vari*, id est, *Manfio Vari* hodie vocatur, ostenditque dirutæ urbis vestigia in proximo monticulo, quem illi *Moyly Gaer*, Britannia

id est, *Mons urbis*, appellant. Quæ vero sit nominis significatio, non liquet, nos *Variam* transitum Britannis priscis significasse alibi opinati, & *Durnovariam*, *Isanna Variamque*, Aquæ & Isannæ transitum interpretati sumus, & à nostra opinione facit hæc VARIS eo loci sita, ubi solum patet facilis inter montes transitus. Nec tribus hinc abest miliaribus *Caer-wisk*, cujus nomen licet antiquitatem præ se ferat, nihil tamen ibi antiquum vel observatione dignumprehendimus.

Caer-wisk.

Infra hanc VARIAM in valle prolabitur *Cluida*, statimque *Elwy* fluviolus una confluit, ubi Episcopalis est sedes. Hæc à flumine *Llan-Elwy* Britannis, à patrono *Asapho*, S. *Asaph* Anglis & *Asaphen* historicis nominatur. Nec oppidum, sua elegantia, nec templum, vel structura, vel ornatu prædicandum, vetustatis tamen nomine nequam tacendum est. Circa annum enim reparatæ Salutis DLX, Kentigernus Episcopus Glasgovenfis à Scotia profugus Episcopalem sedem, cœnobiumque hic constituit, congregatis sexcentis sexaginta tribus fratribus, quorum trecenti illiterati agriculturæ, totidem alii operibus intra monasterium exercendis, reliqui divinis rebus peragendis vacarent; quos ita per conventus dis-

S. Asaph.

Capgravius.

T t t t



tus distribuit, ut jugiter aliqui in templo Deo inservirent. Cum autem in Scotiam rediret, Asaphum virum integerrimum huic cœnobio præfecit, à quo hodiernum nomen impositum. Episcopus hujus sedis parœcias sibi plus minus CXXVIII subjectas habet, quarum beneficia, ut vocant, Ecclesiastica, sede vacante, Archiepiscopus Cantuariensis libere ad Henrici usque Octavi tempore, Archiepiscopali jure, quod nunc regale censetur, conferre solebat. Hoc enim in historia Cantuariensi legitur.

Ruthlan.

Superius *Ruthlan*, à subrufo *Cluida* ripa, cui adjacet, appellationem sortita, castello nitet egregio sed fere vetustate confecto. Leolinus Sifilii filius Walliæ Princeps primo condidit, Robertus autem, quem de *Ruthlan* vocant, Hugonis Cestrensis nepos primus à Wallis extorsit, præfectusque erat Hugonis, qui illud novis operibus munivit, postea, ut Abbas de *Monte* scripsit, Henricus Secundus hoc castrum restauratum Hugoni de *Bello-campo* dedit. Sub quo statim *Cluida* mari immiscetur, & licet vallis ad ipsum ostium inferiore libra quam mare depressa videatur, nunquam tamen superlabitur, sed obstaculo naturali, non sine summa divini consilii admiratione, in ipsis marginibus hæret aqua. Hinc littus in Ortum paulatim descendendo procedit primum per *Disart* castrum, sic dictum, quod fuerit situ acclive, vel, ut alii volunt, quasi *Desert*, inde per *Bafingwerk*, quod etiam Henricus Secundus Hugoni de *Bello-campo* concessit. Sub hoc *Halywel*, id est, *Fons sacer*, oppidulum vidimus, ubi fons Winefridæ virginis Christianæ memoria, quæ stuprum per vim oblatum ibi morte luit, à tyranno occisa, & musco gratissimi odoris longe est celeberrimus, ex quo emanat fluviolus sive potius proruit inter saxa, quibus nescio quid sanguineum innascitur, tantoque impetu fertur ut statim par sit molæ agendæ. Ipsi autem fonti impositum est pereleganti opere è saxo vivo sacellum, cui adjuncta est Ecclesiola, in cujus fenestra Winefredæ illius historia & cædes describitur. Prope hunc locum Giraldi ætate, ut ipse scribit, *dives vena, fructuosumque argenti scrutinium, ubi pecuniam scrutando itum est in viscera terræ.*

Harden.

Hanc regionis partem, quod formoso situ inuentibus arridet, & in Anglorum potestatem jam olim cesserat, Britanni *Teg-Angle*, id est, *Formosa Anglia*, dixerunt. Quod vero *Tegeniam* quidam appellavit, Igenosque ibi consedisse existimavit, tua sit cautio ne facile credas. Corruptum Icenorum nomen optimo viro imposuit. Inde in littore *Flint* castrum conspicitur ab Henrico Secundo inceptum, & ab Edwardo Primo perfectum, quod huic agro nomen fecit. Postea d Orientalem agri limitem proxime Cestrenses *Hawarden* castrum, vulgo *Harden*, haud multum à littore sedet, è quo cum Rogerum *Clifford* Walliæ Iustitiarium David Leolini frater captivum abduxisset, funestissimum bellum sibi & suis excitavit, quo Wallorum imperium funditus eversum. Castrum autem hoc quod tenebatur per *Seneschalliam* Comitum Castriæ, sedes erat Baronum de *Monte-alto*, vulgo *Mount-hault*, qui in honoratissimam familiam succreverunt, parma cyanea, in quo argenteus Leo erectus, insignes; dignitatemque auxerunt nuptiis Cecilie unius co-

hæredum Hugonis de *Albeny* Comitum Arundellæ. Verum deficientibus tandem liberis masculis, Robertus ex hac stirpe ultimus Baro Isabelam Angliæ Reginam, Edwardi Secundi uxorem hæredem, ut jam ante dixi, scripsit. Castri vero possessio postea ad *Stanleios*, qui nunc Derbiæ sunt Comites, translata fuit.

Austrolem sub his regionis partem pererrat *Alen* fluviolus, prope quem in monte ad *Kilken* viculum, fons est qui maris æmulus statis temporibus, suas & revomit, & resorbet aquas. *Hope* Castrum Britannice *Caer-gulre*, in quod Edwardus Primus se recepit, cum suos incompósitos Walli subito adorti essent, ubi lapides molares è rupe exciduntur, & *Mold*, Britannice *Guidcruc*, castrum olim Baronum de *Mont-hault*, sive *Monte-alto*, huic *Aleno* superimponuntur, quæ antiquitatis indicia præ se ferunt plurima. Iuxta *Hope*, cum hæc scriberemus, hortulanus dum altius terram moliretur, in opus pervetustum incidit, de quo plurimæ plurimorum enatæ opiniones, sed qui M. Vitruvium Pollionem diligentius legerit, perspicit nihil aliud fuisse quam Hypocaustum, vel Hypocaustum, à Romanis inceptum, qui crescente cum divitiis luxuria, balneis plurimum sunt usi. Longum erat ulnas V, latum IIII, altum plus minus dimidium ulnæ. Includebatur parietibus ex vivo saxo, pavementum ex testa cum calce trullifata, columellis lateritiis innitebatur concameratio, quæ ex tegulis erat tectorio opere politis & hinc inde perforatis, quibus fictiles impositi erant, quasi tubuli, per quos caloris vis deferebatur, & ut inquit ille, *volvebant hypocausta vaporem.* Et quis non ex his fuisse existimet quæ Ilicæ præcipue suscipiebat Giraldus? cum hæc scriberet de Romanorum operibus, *Quod inter alia notabile censeas, stuphas undique videas miro artificio confectas, lateralibus quibusdam, & angustis spiraculis occulte calorem exhalantibus.* Quorum vero hoc opus fuerit, LEGIO XX tegulis impressa loquitur, quam vix sex hinc milliarium diverticulo Cestriæ egisse jam antea docuimus.

Iuxta hunc *Alenum* fl. in angustis sylvestribus *Coles-hul* est, *Carbonarium collem* vocat Giraldus, ubi cum Henricus II bellum, si unquam alias, magna cura in Wallos apparavisset, Angli incondita multitudo laxius tendentes ceciderunt, & ipsum regium vexillum ab Henrico de *Essex* hæreditario Regum Angliæ signifero desertum fuit. Quo nomine ille postea læsæ majestatis delatus, & à delatore singulari certamine devictus, bonis in fiscum relatis, ignaviam suam pertæsus cuculum inter monachos induit.

Alia est hujus regionis portiuncula cis *Devam* fl. ab hac quasi avulsa, quam Angli *English Mailor* vocant. De hac, cum de Bonio loqueremur, in Cestrensi Comitatu egimus, nec est quod jam dictum denuo dicamus. Nec quicquam in hac occurrit quod memoretur nisi *Han-mere*, ad lacum, unde vetusta sane & clara, quæ ibi habitat fam-

lia, cognomen assumpsit. Cestrenses Comites levia prælia ex occasione, & opportunitate cum Wallis conferentes, hunc agrum primi Normannorum sibi subjecerunt, unde in antiquis membranis legitur, *Comitatus Flint*

Hope
Castle.
Lapides
molares.

Mold.

Balnea si-
ve Ther-
ma.Vide pag.
346.Coles-
hull.English
mailor.
Bonium.
Vide pro
Banchor.Han-me-
re.Vide Co-
mites Ce-
striæ.

Prudens.
Edwardi
Primi
consilium.

Flint pertinet ad dignitatem gladii *Cestrie*, & primogeniti Regis Angliæ olim appellati fuerunt *Comites Cestrie & Flint*. Sed cum ad Regium patrimonium accessisset, Edwardus Primus, quod ad suas opes tuendas, & VVallos coercendos commodissimum ratus erat, hanc, & omnem VVallia oram maritimam sibi tenuit. Interiora proceribus suis,

ut visum erat, assignavit, consilium Augusti sequutus, qui validiores, & exteriores provincias ipse suscepit, cæteras proconsulibus sortito permisit. Factum id autem specie quidem ut imperium defenderet, sed reipsa, ut exercitus omnes in sua haberet potestate.

In hoc Flintensi Comitatu habentur paræcia tantum 28.

P R I N C I P E S W A L L I Æ.



Rincipes Walliæ antiquioris è stirpe Britannica ex Annalibus Walliæ editis petantur, mihi autem recentiores è regio Anglorum sanguine pro suscepti operis ratione hic compendio enumerare operæpretium videtur. Edwardus Primus, cui juveni Henricus Tertius pater Principatum Walliæ concesserat, cum Leolino *Ap Gryffith* postremo ex Britannico stemmate Principe occiso, Wallici Principatus quasi nervos incidisset, anno regni sui duodecimo, eundem Angliæ regno adunavit, filioque ejus Edwardo de *Caernarvon*, quem Walliæ Principem designavit, fidem & obsequium universa Provincia præstitit. Sed Principis Walliæ titulum Edwardus ille Secundus filio Edwardo non contulit, sed tantum nomen Comititis *Cestrie & Flint*, quantum ego hæcenus è Regni Regestis comperi. Edwardus autem Tertius primum filium Edwardum cognomine *Nigrum* hoc titulo solemniter investitura ornavit, quem bellica gloria circumfluentem mors immature præripuit, posteaque ejus filium Richardum de *Burdigala* regni hæredem eodem insignivit, qui regno ab Henrico Quarto spoliatus nulla suscepta sobole misere periit. Henricus ille Quartus filio primogenito, qui Henrici Quinti nomine splendide inclaruit, Walliæ Principatum detulit. Filius autem ejus Henricus Sextus, qui patre moriente in cunis vagiit, hunc, quem ipse nunquam accepit honorem, Edwardo filiolo contulit, cui in prælio *Tewkesburien* capto cerebrum ab Eboracensi factione crudeliter dispersum. Non longo interjecto tempore Rex Edwardus Quartus regni compos filiolum Edwardum, qui Quintus postea Edwardus in Regum serie, Walliæ Principem creavit: & mox patruus, qui eum è medio sustulit, Richardus Tertius Edwardum filium suum, quem Edwardus Quartus *Sarisbury* Comitem fecerat (quod dudum didici) in ejus locum surrogavit, qui statim obiit. Postea Henricus Septimus primum Arthurum, eoque defuncto, Henricum, qui postea Henrici Octavi nomine notissimus, Walliæ Principes constituit. His singulis Principatus Walliæ investitura & diplomate tradito delatus hisce verbis, *Tenendus sibi & hæredibus Regibus Angliæ*. Reges enim tam præclara de filiis primogenitis bene merendi occasione se spoliare noluerunt, sed tanto beneficio cum visum fuerat sibi obstringere consultissimum judicarunt. Maria, Elizabetha & Edwardus Henrici Octavi liberi, licet investituram & diploma non acceperint, vulgo appellati fuerunt suo ordine *Principes VVallia*. Eo etenim tempore Wallia autoritate Parlamentaria regno Angliæ ita conjuncta fuit, & adunata, ut eodem jure uteretur. Iam è VVallia in Angliam pedem referam, & ad Brigantes accedendum.

29 Edw. I

26 Henr.

8.



Britannia.

V u u u u

B R I G A N.

B R I G A N T E S.

BRITANNIA, quæ hucusque enormibus erecta promontoriis; hinc Germaniam, illinc Hiberniam propius intuen- do, nunc quasi irruentem expaveret Oceanum, introrsum se revocat, & latiora terrarum divortia faciendo recedit, in multo minorem latitudinem contracta. Nec enim plus centum mille passus inter littora patet, quæ utrinque rectis fere littoribus in Septentrionem ad Scotiam usque pertinent. Hanc partem fere omnem integris Britannorum rebus, insederunt BRIGANTES. Ab Orientali enim mari, usque ad Occidentale eos habitasse scribit Ptolemæus. Gens hac erat validissima, numerosissima, & apud meliores authores inprimis celebrata, apud quos omnes BRIGANTES vocantur, præter unum Sthephanum in Urbibus, qui BRIGAS dixit, quo in loco, quod de illis scripserit, abrupta sententia, hodie in libris desideratur. Si hos Brigantes dictos existimarem à Briga, quod præscis Hispanis urbem denotavit, mihi neutiquam satisfacerem, quum dictionem esse Hispanicam è Strabone constet. Si cum Goropio è lingua Belgica, Brigantes quasi Freehands, id est, liberi manibus, denominatos sentirem, nonne ejus somnia vigilantibus objicerem? Vt ut res habet, Britannii nostri, si quos prævo ingenio, & audacius grassantes viderint, per vulgato dicterio Wharret Brigans, id est, Brigantem agere dicunt. Gallique hodie ex præscis (ut videtur) Gallorum lingua ejusdem farina homines Brigand, & prædatorias naves Brigantin vocitant. An vero ea vis fuerit verbi olim in Gallica, vel Britannica lingua, vel nostri Brigantes ejusmodi fuerint, affirmare non ausim. Si tamen non male memini, Brigantes Alpinum populum grassatores vocat Strabo, & Iulius Belga juvenis projectæ audaciæ, cui vis, authoritas & virtus nomen videbantur, Briganticus apud Tacitum cognominatur. Cujusmodi vitio Brigantes nostri affines videantur fuisse, cum ita in vicinos grassarentur, ut illis ea de causa magnam agri partem ademereit Antoninus Pius, uti author est Pausanias, qui sic scribit, Ἀπὸ τῆς μὲν τοῦ Ἰωνίου τοῦ ὁδοῦ τοῦ ἐν Βελγίᾳ τῆς Βελγίων τὴν πολλὰν, ὅτι ἐπὶ τοῖς αἰῶσι τοῖς ὅλοις ἦσαν τὴν Γενετῖαν μοῖραν ὑπερῆκος Ρωμαίων. Nec aliquos ignominie loci hoc laturos spero, me sane mei dissimilem præberem, si privatum quempiam, nedum gentem ignominia notarem. Neque hoc ignominiam habuit bellicosa illa atate, cum jus in viribus omnes gentes haberent. Latrocinia (inquit Cæsar) apud Germanos nullam habent infamiam, quæ extra fines cujusque civitatis fiunt, atque ea juventutis exercendæ, & desidiæ minuendæ causa fieri prædicant. Nec à dissimili ratione Pæones apud Græcos, quia percursor- es. Quadi apud Germanos, & Chaldæi, quod grassatores nomen invenisse memorantur.

Quod vero Florianus Del Campo Hispanus nostros Brigantes ab Hispania in Hiberniam, & inde in Britanniam ambitiose nimis deduxerit, nulla alia conjectura suffultus, nisi quod Brigantiam urbem in Hispania sua invenerit, à veritate male metuo ne se abduxerit. Si enim non eadem caussa idem & nostris, & Hibernia Brigantibus nomen fecerit, malim cum eruditissimo meo Thoma Savilo judicare Brigantes nonnullos, & alias Britannia gentes, jam inde à Romanorum adventu in Hiberniam secessisse, alios quietis, & otii cupidine adductos, alios, ut oculos à contagione dominationis Romanæ inviolatos haberent, alios denique, ne quam libertatem à natura pueri acceperant, senes voluntate amitterent. Caterum Claudium Imp. primum Romanorum hos nostros Brigantes aggressum fuisse, & sub imperium ditionemque suam subdidisse his versibus in suo Ludo innuit Seneca,

Ille Britannos
 Ultra noti littora Ponti, & cæruleos
 Scuta Brigantes, dare Romuleis colla catenis
 Iussit, & ipsum nova Romanæ jura securis
 Tremere Oceanum.

Ego tamen non illos tunc devictos, sed potius in Romanorum fidem se permisisse existimavi. Nam quod ille Poëtice lussit, historici non memorant. Tacitus enim prodit eo tempore discordias apud Brigantes exortas Ostorium nova bella destinantem retraxisse, quas ille paucis interfectis facile consopivit. Quo tempore, Brigantes suam Reginam Cartismanduam nobilitate pollentem habuerunt, qua Caratacum captum Romanis tradidit. Hinc opes, & rerum secundarum luxus, maritoque suo Venutio spreto, Vellocatum ejus armigerum, in matrimonium regnumque accepit, unde concussa statim flagitio domo, funestum exarsit bellum. Pro marito studia civitatis, pro adultero libido Regina, & sævitia. Illa callidis artibus, fratrem, & propinquos Venutii incipit. Venutius stimulante ignominia, accitis auxiliis, simul ipsorum Brigantum defectione, in extremum discrimen Cartismanduam adduxit. Tum petita à Romanis præsidia, ala, & cohortes illam variis præliis exemerunt. Ita tamen ut regnum Venutio, bellum Romanis relictum fuerit; qui non ante Vespasiani tempora Brigantes sub jugum redigere potuerunt. Tunc enim Peti-

Brigæ.
Brigantes
unde di-
cti.

Vide Pas-
quierum
in *Les Re-
cherches de
France*,
lib. 6.
cap. 20.

Reinerus
Reineccius.
Gigantes
tamen illi
in Hyber-
nia, in
nonnullis
exempla-
ribus vo-
cantur.

Cartif-
mandua.
Tacitus.

lius Cerealis hanc regionem aggressus; multa praelia, & aliquando non incruenta gessit, magnamque Brigantum partem, aut bello, aut victoria amplexus est. Quod vero Tacitus habet, Brigantum hanc Reginam Caratacum captum Claudio tradidisse, eoque Claudii triumphum instruxisse, manifestus est in optimo illo authore *ἀντιγονίου*, & a Lipsio, qui antiquorum authorum genios possedit, jam pridem notatus. Nec enim Caratacus hic Silurum in illo Claudii triumpho ductus, nec Caratacus Cunobeli filius (sic enim in Fastis dicitur, quem Catacratum Dio vocat) de quo Aulus Plautius, si non eodem anno certe sequenti ovans triumphavit. Sed hæc alii excutiant & nos jam diximus. Hadriani tempore, cum, inquit Aelius Spartianus, Britanni sub Romana ditione teneri non poterant, Brigantes nostri a Romanis etiam descivisse, & turbulentam aliquam seditionem commovisse videantur, id ni esset, non erat cur caneret Juvenalis, qui tunc vixit,

Dirue Maurorum attegias, & castra Brigantum.

Nec postea Antonini Pii tempore se animo admodum demisisse videntur, cum ille eos agri parte mularet, quod Genuniam, sive Guinethiam sociam Romanorum provinciam, ut diximus, incurassent.

Si per Criticos nostros qui hodie audacia sunt admodum ingeniosa mihi liceat, unam & alteram mendam, quæ Tacito de Brigantibus inhaeret, me hic tollere posse videor. Altera est in Annalium libro 12, ubi Venutium, quem modo diximus, è Lugantum civitate fuisse scribit, è Brigantum civitate, ego legerim, quod in historiis 3 ipse Tacitus innuere videtur. Altera est in Agricola vita. Brigantes, inquit, fœmina duce, exurere Coloniam, &c. Trinobantes ut legas veritas jubet, de Boodicia enim Regina loquitur, cui cum Brigantibus nihil erat, Trinobantes autem illa in seditionem concitavit, & * Camalodunum Coloniam exussit.

Ceterum amplissima horum regio, quæ angustior quam cœperat procedit, in medio, ut Italia Appennino, perpetuis montium jugis attollitur, qui Comitatus, in quos nunc describitur, interdividunt. Sub illis enim montibus, ad Ortum & mare Germanicum subjacent Comitatus Eboracensis, & Episcopatus Dunelmensis: & ad Occasum Lancastrensis, Westmorlandia, & Cumberlandia, quæ omnes Provincia in prima Saxonici Imperii infantia Deirorum regno continebantur. Saxones enim has regiones Nordanhumborum regnum dixerunt, & in duas partes diviserunt Deiram, Deir-land illa ætate vocarunt, scilicet, quæ nobis proximior cis Tinam fl. & Berniciam, quæ ulterior, à Tina ad Fretum usque Scoticum pertinuit, quæ partes quanquam suos Reges aliquandiu habuerint: tandem in unum tamen regnum coaluerunt. Utque obiter adnotem, ubi in vita Caroli Magni legitur, Eardulphus Rex Nordanhumborum, id est, De Irland patria pulsum ad Carolum Magnum venisse; legendum est conjunctim Deirland, & de hac regione, non de Hibernia sive Irlandia intelligendum.

Temporis
pro tem-
pore po-
nitio.

Tacitus
emenda-
tus.

* Maldon.

Deiri.
Bernicii.
Pag. 272
Annalium
Franco-
tum in 8.

Y O R K E - S H I R E .



Ger Eboracensis, Saxonice Euepic-rcýpe, Eppoc-rcýpe, & Ebona-rcýpe, vulgo Yorkshire, qui totius Angliæ provincia est longe maxima, temperatæ censetur ubertatis. Si hic saxosa, vel arenosa sit sterilitas, illic lætissima arborum fecunditas, si hic sylvis sit nuda, illic densissimis nemoribus obumbrata, ita provide temperante natura, ut ipsa regio etiam sua varietate gratior & lætior videatur. Qua declinat in vespertinum, montibus quos dixi, Lancastrensi agro, & Westmorlandia terminatur; unde Arcum suspicit, Dunelmensem Episcopatum habet continuato Tesis flu. cursu divisum. Qua Sol exoritur, Oceano Germanico urgetur. Latus Austrinum primum ager Cestrensis & Derbiensis, inde Nottinghamiensis, & postea Lincolnienis claudunt, ubi loci nobile illud æstuarium Humber interfunditur, in quod fere omnia flumina, quæ hanc regionem perfundunt, tanquam in conceptaculum se evolvunt.

Provincia hæc omnis in tres partes dividitur, Britannia.

quæ à tribus cœli plagis West-riding, East-riding & North-riding, vocantur. West-riding, sive pars Occidua, aliquandiu * Ousa flu. Lancastrensi limite, & Australibus regionis finibus continetur, vergitque ad Occalum, & Meridiem. East-riding, sive pars Orientalis ad orientem solem, & Oceanum spectat, quo una cum Derventione flu. comprehenditur. North-riding, sive pars Septentrionalis ad Septentriones pertinet, Tesis flu. Derventione, & longo Ousa decursu, quasi conclusa. In Occidua parte, occidui, sive limitanei montes multa emittunt flumina, quæ singula unus Ousa hospitio accipit, & in Humbrum secum deducit. Nec alia mihi commodior videtur ratio hanc partem describendi, quam si Dani, Calderi, Ari, Vherfi, Nidi, & Ouse fluenta persequar, qui ex his montibus exorti, potiora sunt flumina, & locis potioribus affunduntur.

Danus, vulgo Don, & Dune, ita, uti videtur, nominatus quod pressiori & inferiori in solum labitur alveo, id enim Dan Britannis significat, postquam Vortley salutarit quæ insigni familiæ cognomen contulit, uti quod in proximo est Wentworth, unde præter alios tum in hoc Comitatu

* Qui pri-
mum Vre
& Tour
dictus.

West-ri-
ding.

Don fl.

Went-
worth.

X x x x x

tum



tum alibi nobiles, & Barones de *Vventworth* & originem & nomen una traxerunt: primum *Sheafield* oppidum præterit ferrariis fabris, uti & alia oppidula adjacentia, celebre (cum sint in vicina ferrariæ plures) & castro firmo vetustoque munitum, quod recta serie à *Lovetostis*, Dominis *Furnivall*, & *Nevillo* Domino de *Furnivall* ad *Talbottos* honoratissimos Salopiæ Comites descendit. Inde *Danus* alnis, taxis, aliisque arboribus amictus *Rotheram* adit, quod Eboracensem Archiepiscopum T. *Rotheram* virum prudentem suo nomine insignitum, optimumque sibi patronum, alumnum suum ostentat, qui ibidem Collegium cum schola triplici ad pueros scribendi ratione, Grammatica & Musica instituendos laudabili proposito fundavit & dotavit, quod avara nostrorum temporum iniquitas subvertit. Deinde castellum antiquum *Connisborow*, Britannice *Caer Conan* rupi affixum suspicit, in quod, cum Saxones Aur. Ambro. ad *Maisbelly* ita dissipasset, ut illi, quæ cuique proximum fuit, in fugam effunderentur, Hengistus eorum dux se recepit: paucosque post dies pro castris suos in aciem produxit contra insequentes Britannos, & prælium sibi, & suis funestum conferuit: magna enim vis hominum concisa est, ipsumque interceptum capite obruncarunt Britanni, si fidem potiore mereatur historia Britannica, quam Anglo-Saxonum Annales, qui ipsum laboribus confectum placide diem obiisse memorant. Postea *Sprocburg* subluit antiquam sedem vetustæ equestris familiæ *Guilielmia-dum*, sive *Fitz-VWilliams*, qui amplissima cognatione nobilissimos Angliæ attingunt, & è quibus procreati sunt *Guilielmus Fitz-VWilliams* patrum memoria Southantoniæ Comes, & *Guil. Fitz-VWilliams* nuper Hiberniæ Prorex. Verum decursu temporis hoc ad *Copleios*, ut *Elmesley* & alia eorum in hoc tractu possessiones ad *Savillos* hæreditario jure devenerunt.

Dispartito hinc alveo *Danus* vetusto oppido allabens nomen impertit suum, quod nos hodie, *Dan-caster*, Scoti *Don-castle*, Saxones *Donacester*, *Ninnius Caer Daum*, sed Antoninus *DANVM* vocat, uti & Notitiarum liber, qui prodidit Præfectum equitum Crispinianorum ibi sub Duce Britanniæ stationem habuisse. Igne cœlitus demisso, circa annum Domini *DCCCLIX*, ita deflagavit, suisque ruinis depressum jacuit, ut vix denuo respirarit. Magnam arcis aream ostendit, quam tunc incendio absumptam credunt, quo loci nunc templum elegans S. Georgio sacrum, quod unicum est hoc oppido, vidimus. Sub hoc vix quinque ad Austrum milliaribus abest *Tickhill* (quod omittere non libet) vetustum oppidum vetusto castro satis magno, sed simplici mœnium ambitu, & mole edita cui arx rotunda imponitur, munitum. Ea olim dignitate fuit, ut prædia quæ ad hoc spectarunt *Honor de Tickhill* sint nominata. Regnante Henrico Primo hoc tenuit *Rogerus Busly*, postea Comites Aucenses sive de *Ewe* in Normannia olim Dominos agnovit beneficio R. Stephani. Deinde Rex Richardus Primus Ioanni fratri donavit. Bello Baronico Robertus de *Veteri ponte* sibi detinuit, quod ut redderet Comiti Aucensi, Rex Henricus Tertius illi commisit Castrum de *Carleolo*, & Comitatum.

Sed cum Rex Galliæ non restitueret Anglis suas in Galliæ possessiones, ideo Rex Angliæ retinuit, cum ab Edwardo Primo restitutionem Ioannes Comes Aucensis, jure Aliciæ proavia postularet. Richardus Secundus Rex Angliæ tandem Ioanni de *Gaunt* Lancastriæ Duci munifice est elargitus. Cæterum jam *Danus*, qui sæpius hic insurgit, & campis innatat, divisas recolligens aquas, cum aliquantisper solidus fluxerit, per *Hatfield Chace*, ubi cervorum admodum copiosa est venatio, iterum distractus, hinc *Idelum* Nottinghamiensium flumen, illinc *Arum* petit, ut una cum illis *Humbrum* æstuarium subeat. Quo in loco circumfunduntur his fluminibus *Diche-March*, & *Marshland* palustres regiunculæ, seu potius insulæ amnicæ, quæ xv plus minus mille passuum in circuitu colligunt, luxuriante viriditate lætissimæ, pascendis pecoribus admodum aptæ, & undique viculis quasi redimitæ. Terram tamen pendere, & incrementibus aquis attolli incolarum nonnulli existimant, quod de *Antro* Galliæ insula Pomponius Mela scripsit. Inter rivulos vero qui huc aquas convehunt, non omittendus de *Vvent*, qui è stagno profluit juxta *Nosthill*, ubi olim fuit monasterium Oswaldo Regi & Sancto sacrum, quod A. Confessor Regis Henrici Primi restauravit; verum hodie habitatio est claræ, & equestris familiæ *Gargravium*.

Calderus in ipso Lancastrensi confinio scattens ignobilibus prætexitur oppidis, inter quæ ad *Gretland*, in cacumine montis, in quem nullus nisi una parte accessus, effossa fuit hæc ara votiva Deo civitatis Brigantum Topico, ut videtur, posita. Quæ nunc cernitur Bradleia in ædibus clarissimi Equitis Aurati Ioannis *Savil* Baronis Scaccarii.

D V I C I B R I G .
E T N V M . G G .
T . A V R . A V R E L I A N
V S * D D P R O S E
E T S V I S . S . M . A . G . S .

In altero latere.

A N T O N I N O
I I I . E T . G E T . C O S S .

Anno
Christi
209.

Id est, *DVI* Civitatis Brigantum & numinibus Augustorum Titus Aurelius Aurelianus dedicavit pro se & suis. Extremæ notæ mihi prorsus ignotæ. Antonino tertium, & Getæ Consulibus.

An vero *DVI* illud sit Deus, quem *Dix* nunc *DVI* vocant Britanni, an peculiaris Brigantum Genius Topicus, disquirant doctiores. Vti animæ nascentibus, ita populis fatales genii, sic scribit Symmachus, dividuntur. Variosque custodes cunctis regionibus mens divina distribuit. Hæc enim erat prisorum Theologica persuasio. Vt enim exteros taceam quorum historia ejusmodi Diis Topicis est plenissima: habuerunt Britanni in ea parte quæ Essexia nunc dicitur * *ANDATEM*, in Cumberlandia *BELLO-TV CADRVM*, in Northumbria *VITERINVM*, & *MOGONTVM*, ut ex inscriptionibus quas suis locis dabo, clarius constabit. Recteque observavit Servius Honoratus Topicos Deos ad alias regiones nunquam transire. Sed ad *Calder* flumen qui cum jam advenis aquis est plenior ponte

Genii locorum.
Lib. 1.
Ep. 40.

* Dio.

ponte pulchro ad *Eland* conjungitur, prope quem ad *Grimscarre* lateres fuerunt reperti sic inscripti:

C O H I I I I B R E .

Romani enim militari laude florentes & Legionibus & Cohortes in pace & otio contra otium, fossis perducendis, viis muniendis, lateribus coquendis, pontibus extruendis, &c. prudentissime exercuerunt.

Vopiscus
in Probo.
Halifax.
Alqui
volunt
The Cha-
pell in the
grove,
prius di-
ctum fuisse.

Inter ipsos montes *Calder* postea à sinistra *Halifax* relinquit oppidum celebratissimum in declivi collis ab Occasu in Ortum positum. Nec multis ante seculis hoc nomen assumpsit, *Horton* enim antea dicebatur, ut ex incolis perhibent nonnulli, qui & hanc historiolum de nominis immutatione habent. Clericus quidam, ut vocant, virginem impotenter deperibat, cujus pudicitiam cum nullis lenociniis expugnare potuisset, amore in amentiam verso, caput virginis sceleratus abscidit, quod postea taxo appensum, vulgus ad putredinem usque sacrosanctum habuit, & invisit, arborisque ramusculos quisque sibi decerpfit. Sed arbore jam denudata, honoris & religionis opinionem conservavit credulitas. Populus enim credidit venulas, quæ tanquam comæ, vel stamina inter corticem & truncum taxi extenduntur, ipsissimos fuisse virginis capillos. Vnde peregrinatio à vicinis huc instituta, & ita frequentata fuit, ut *Horton* viculus in amplum oppidum accreverit, nomenque novum *Halifax* five *Hali-fax*, id est, *Sacri capilli* acceperit. *Fax* etenim Transrentanis Anglis capillum significat. Vnde etiam nobilium familia in hoc agro *Fairefax* à pulchro capillitio nominatur. Qui ergo ex nominis similitudine hoc Ptolemæi *Olicanam* statuunt, frustra sunt. Celebritas vero hujus magna est apud vulgus ex ea lege qua furto deprehensos statim capite obtruncant, nec non apud doctos quod Ioannem de *Sacro Bosco* authorem de Sphæra hinc oriundum perhibent. Sed celebritas major ex Parochiæ amplitudine, Capellas enim XI, è quibus duæ sunt Capellæ parochiales, & hominum plus minus duodecim millia numerat. Adeo ut incolæ subinde dicere soleant, hanc suam parochiam plures alere homines, quam alia cujuscunque generis animalia: cum alibi in Anglia in locis fertilissimis plurima ovium millia & pauculos homines conspicias quasi ovibus & bobus homines cesserint, vel ab ipsis devorati fuerint. Admiranda etiam inprimis hic incolarum industria, qui solo sterili, in quo non modo commode vivi, sed vix vivi possit, ita re pannaria floruerunt, quam primum ante septuaginta annos exercere cœperunt, ut & opes sibi magnas congerant, & vicinis omnibus laudem præripiant; verumque illud probarunt, quod dicitur, hominum industriam loci sterilitate sæpe exacui, & hinc Norimbergam Germaniæ, Venetias & Genuam Italiæ, Limogeamque Galliæ urbes infœcundis locis sitas extitisse florentissimas. Ad sextum hinc milliare non ita procul à dextra *Calderi* ripa, prope *Almondbury* viculum, in colle satis prærupte edito, qui una tantum parte ex æquo adiri possit, valli, murorum aliquæ ruinæ, & castelli quod triplici munitionum, quasi coro-

Fax, quid.
Halifax
Law.

*Almond-
bury.*
Cambo-
dunum.

Britannia

na præcingebatur, manifesta indicia cernuntur. Hunc etiam *OLICANVM* fuisse volunt nonnulli, sed aliud vult veritas, nimirum esse *CAMBODVNVM*, quod perperam Ptolemæo *CAMBVLVDVNVM*, & Bedæ diviso vocabulo *CAMPODVNVM*. Hoc probat hinc à *MANCVNIO*, illinc à *CALCARIA*, ipsa quam statuit Antoninus, distantia. Primis etiam Saxonum temporibus summo honore floruisse videtur. Villa enim erat Regia, basilicamque habuit à Paulino hujus gentis Apostolo constructam, & Albano sacram, unde pro *Albonbury*, *Almonbury*, nunc dicitur. Sed cum *Ceadwalla* Britannus, & *Penda* Mercius Edwinum harum regionum principem acerrimo bello persequerentur, hostili igne (ut à Beda scribitur) deflagavit, quod quidem adustus in saxis color etiamnum testatur. Castellum tamen postea eo loci surrexit, quod Henrico *Lacy* Regem Stephanum confirmasse legi. Huic adjacent *Whitley* habitatio vetustæ sane & celebris familiæ de *Bello-monte*, quæ tamen alia est ab illa Baronum & Vicecomitum de *Bello-monte* & ante eorum in Angliam adventum inclaruit.

His relictis, *Kirkley* quondam virginum sacram sedem, & Roberti *Hoodi* prædonis honestissimi, & igitur decantatissimi, tumultum præterlapsus *Calderus* petit *Dewsborough* sub colle excelso positum. An nomen habuerit à *DVI* illo quem modo dixi, Deo Topico non dixerim, nomen sane non abludit, sonat enim *Duis Burgum*, & floruit sane in prima enascentis Ecclesiæ infantia inter Anglos in hac Provincia. Accepimus enim crucem hic extitisse in qua inscriptum fuit.

Whitley.

Kirkley.

Dewsborough.

PAVLINVS HIC PRÆDICAVIT ET CELEBRAVIT.

Paulinum vero hunc primum fuisse Archiepiscopum Eboracensem, circa annum salutis DCXXVI, Annales consentiunt omnes. Hinc per *Thornhill*, quod ab ejusdem cognominis Equitibus auratis ad *Savillos* descendit, *Wakefeldiam* alluit *Calderus* re pannaria, sua magnitudine, ædificiorum elegantia, foro frequenti, & ponte inclutam, cui sacellum pulcherrimum impositum fuit ab Edwardo Quarto in memoriam eorum qui ibi prælio ceciderunt. Comitum Warreniæ & Surriæ hæc olim possessio erat, uti etiam *Sandall* castrum adjunctum, quod Ioannes Comes Warreniæ, qui libidini mentem nunquam clausam habuit, condidit, cum Thomæ Comitis Lancastriæ uxorem familiaris quam pudicitia postularet tractasset, ut in hoc ipsam à marito secure detineret. Sub hac cum Anglia intestino, & ipsis visceribus inhærente bello ureretur, inter plurimos alios, Eboracensis Dux *Richardus* Edwardi Quarti pater, qui fortunam potius movere, quam expectare elegit, à Lancastrensis interfectus occubuit. Tractus hic circumvicinus satis longe lateque *Dominium de Wakefeld* dicitur, Seneschallumque suum habet semper aliquem ex nobilioribus vicinis, quod munus sæpius gesserunt *Savilli*, quorum familia hic est numerosissima, hodieque eodem fungitur *I. Savill* Eques auratus, cujus ædes elegantissimæ haud procul ad *Howley* conspiciuntur. Vix quintum à *Wakefeldia* milliare *Calderus* emensus est, cum

Wakefeld.

1460.

Savilli.

Howley.

Y y y y

Medley.

cum & aquas & nomen in *Aro* deponit suum. Vbi ad confluentes interfidet *Medley*, olim *Medley*, id est, *Interamna*, vel *media inter amnes* ob situm dicta: sedes superiori sæculo Roberti *Waterton* Hippocomi Regis Henrici Quarti, nunc vero clarissimi Militis Ioannis *Savilli* dignissimi Baronis Regii Scaccarii, quem & mihi pro humanitate fuisse, & hoc opus pro doctrina promovisse libens lubensque agnosco.

Are fl.

Arus ex Pennigenti montis radicibus, qui inter Occiduos montes altius se effert, ortus, statim ita mæandris ludit, quasi dubius fontes an mare petat, ut septies semihoræ spatio recto itinere mihi trajiciendus esset. Tranquillus, compositus, & vix fluens leniter fluit, unde sortitum nomen credimus. Lenem enim & lentum *Ara* Britannis denotare diximus, unde lentus ille Gallia Araris nomen habet. Regionem ad hujus fontes *Craven* vocamus, forte à Britannica *Crage*, id est, *Saxum*. Saxis enim, atque pendentibus rupibus, & aspretis omnia inhorrescunt, quibus media, suis quasi latebris, non procul ab *Aro* subsidit *Skipton*, interque præcipitia quodammodo inclusa latet, perinde ac Italia Latium, quod sic dictum autumat Varro,

Araris Gallia Craven.

Skipton.

Latium.

quia sub Apennino, & Alpibus lateat. Oppidum pro ratione ædificiorum inter hos montes satis est nitidum, castrumque habet ornatum sane, & munitum, à Roberto de *Rumeley* constructum, per cuius posteros hæreditario ad Albemarlæ Comites devenit. Cum autem horum caduca hæreditas, ut ajunt, Regibus obtigisset, Robertus de *Clifford* (cujus posterii nunc sunt Cumbria Comites) commutationis jure, & hoc castrum & amplissima circumquaque latifundia ab Rege Edwardo Secundo consequutus est, traditis Regi in manum possessionibus quas in *Marchia VVallæ* ille habebat.

Kigheley.

Libera Warrena.

Leedes.

Winwidfield.

Cum *Craven* superaverit *Arus*, diffusior latiores agros circumjectos, & inter eos *Kigheley* præterit, quod nomen fecit claræ familiæ de *Kigheley* inde dictæ. E qua Henricus *Kigheley* obtinuit ab Edwardo Primo huic suo Manerio jus mercatus, ferie, & liberam *VVarrennam*, ita quod nullus intret terras illas ad fugandum in iis, vel ad aliquid capiendum quod ad *VVarrennam* pertineat, sine licentia & voluntate ipsius Henrici & successorum ejus. Quod magni instar beneficii eo seculo habitum, & ego adnoto, ut videamus quid fuerit *Libera VVarrena*. Verum recta linea mascula hujus familiæ nostra memoria desit in Henrico *Kigheley* de *Inskip*, filia autem & hæredes enuptæ Willielmo *Cavendish* nunc Baroni *Cavendish* de *Hardwick*, & Thomæ *VVorsey* de *Boothes*. Hinc *Arus Kirkstall* non obscurum olim monasterium ab Henrico *Lacy* anno MCXLVII fundatum præterlabitur, demumque *Leedes*, Saxonice *Loyber* invisit, quod *villa Regia* factum fuit cum *CAMBODVNUM* hostili igne succensum jacuit, nunc oppidum lanificio opulentum, ubi *Oswius* Northumbrius *Pendam* Mercium fudit. Et magna cum utriusque populi utilitate, ut inquit *Beda*, nam & suam gentem ab hostili Paganorum depopulatione liberavit, & ipsam Merciorum gentem ad fidei Christianæ gratiam convertit. Locus vero ipse in quo pugnatum est, *VWinwidfield* à scriptoribus vocatur, quod nomen à victoria impo-

situm suspicor, uti locus in Westphalia, ubi *Quintilius Varus* cum suis legionibus cæsus erat, Germanice *VWinfield*, id est, *Victoria campus*, appellatur, ut annotavit doctissimus, & mihi summe amicus *Abrahamus Ortelius*. Regiuncula circumvicina vetusto nomine olim *Elmet* appellata fuit, quam *Eadwinus* filius *Ællæ* Rex Northumbriae expulso Ceretico Rege Britanno sui juris circa annum Christi DCXX fecit. In hac calx viva passim effoditur, quæ ad *Brotherton*, & *Knottingley* excoquitur, statisque temporibus quasi nundinis ad *VWakefeldiam Sandall*, & *Stanbridge* magna vis ejus convehitur: & in Occiduam hinc regionem, quæ montana & frigidior, ad agros lætificandos & fecundandos divenditur. Sed hæc agricolis relinquamus, ego quo cæpi pede pergam.

Limestone.

Elmet. Ninius.

Castleford.

Legeolium.

Calderum quem dixi, hospitem cum suis aquis tandem recipit *Arus*, ubi juxta ipsos confluentes, *Castleford* est viculus, *Casterford* *Marianus* vocat, qui prodit, cives Eboracenses plurimos ex *Edelredi* Regis exercitu ibi cecidisse, quos insequentes carptim lacefferant, cum ille ob fidem violatam hanc regionem incursaret. Sed vetustiore nomine hic locus Antonino *LEGEOLIVM*, & *LAGETIVM* dicitur, in quo præter vetustatis expressa atque illustria indicia, magna vis Rom. nummorum, *Sarasinus* *head* vulgus ibi vocat, in loco *Beanfield*, à fabis nunc dicto, juxta Ecclesiam inventa: etiam distantia à *DANO* & *EBORACO*, quibus interposuit, planissime docet: ut situm ad ipsam militarem Romanorum viam, & quod *Rogerus Hovedenus* diferte Civitatem vocat, taceam.

Hinc *Calderi* incurfu *Arus* grandior à sinistra *Brotherton* oppidulum relinquit, in quo **Margareta* Regina è venatione divertens, partu levata marito suo Edwardo Primo Thomam de *Brotherton* inde nominatum, qui postea Comes *Norfolciæ* & *Angliæ* *Marescallus*, peperit. Nec longe inferius *Arus* recepto *Dano* in *Ousam* se immergit. A dextra, ubi *marga* flavior reperitur, quæ agris inperfa ad fertilitatem plures annos valet, haud procul à ripa *Pontfract*, sive *Pontem fractum*, vulgo *Pontfreit* præterit, quod è *Legeoli* occasu quasi in vitam prodiit. Saxonice temporibus *Kirkby* vocabatur, sed Normanni à fracto ponte Gallice *Pontfract* nominarunt. Ex eo, ut vulgo creditur, quod pons ligneus super *Arum* in proximo fractus erat, cum *Guilielmum* *Archiepiscopum* *Eboracensem* (qui natus ex *Stephani* Regis sorore) Roma reducem maxima hominum multitudo comitaretur, plurimique in flumen deciderent, sed *Archiepiscopo* uberior flente, & numen divinum invocante, ne unus periret. Agro sedet peramœno, *glycyrizæ*, & *fiseris* feraci, ædificiis excultum nitidis, castrumque rupi affixum ostendit, si quod aliud magnificum, crebrisque propugnaculis non minus speciosum, quam tutum. *Hilbertus Lacy* Normannus, cui hoc oppidum cum vicino agro (*Alrico* Saxone exturbato) *Guilielmus Primus* dederat, castrum hoc primus condidit. *Henricus* vero *Lacy* ejus nepos fuit in bello (ex *Placitis* loquor) ad *Trenchbrey* contra *R. Henricum Primum*, quare decessit fuit de *Baronia de Pontfract*, & Rex de-

Brotherton. * Vxor secunda.

Marga flava. Pontfreit.

S. Guilielmus Eboracensis.

Lacy.

Placita H. 3. dit

Liber Monast. de Stanlow. dit Honorem *Vidoni de Laxall*, qui tenuit ad tempora Regis Stephani, quo tempore intravit Henricus ille in Baroniā, & intercedente rege, pro 150 libr. composuit cum *Vidone*. Henrico huic natus est filius Robertus, qui nulla suscepta prole reliquit Albredam *Lifours* sororem, ex parte matris non ex parte patris heredem, quia non alium tam propinquum habuit, unde illa post Roberti mortem utramque hereditatem fraternam de *Lacy*, & paternam de *Lifours* occupavit. Hæc sunt ipsa verba libri *Monast. de Stanlow*. Hanc duxit *Rich. Fitz-Eustach*, id est, Filius *Eustachii*, *Constabularius Cestrie*, cujus posterii *Laciorum* nomen sibi adsciverunt, & Comites *Lincolniæ* floruerunt. Per *Laciorum* vero ultimi filiam formula transcriptionis ornatissima hæc hereditas tandem devoluta est ad Comites *Lancastrenses*, qui castrum plurimum adauxerunt, uti etiam Regina *Elizabetha* magnis impensis instauravit, sacellumque pulchrum inchoavit. Locus principum cæde & sanguine infamis, suo enim sanguine cruentavit *Thomas Comes Lancastrie*, qui *Lancastrensi* primus uxorio jure possedit. Illum enim Rex *Edwardus Secundus*, ut se à rebellione & contemptu vindicaret, salutari severitate hic capite truncavit, quem tamen in Sanctorum numerum retulit vulgus. Hic *Richardus Secundus* Rex Angliæ, quem *Henricus II* Regno spoliavit, fame, frigore & inauditis tormentis scelerate sublatu est. Hic etiam *Antonium Comitem Rivers* Regis *Edwardi Quinti* avunculum, & *Richardum Grey Equitem* auratum ejusdem Regis fratrem uterinum *Richardus III* innocentes capitali supplicio affecit. Metuebat etenim tyrannus, ne illi viri erecto animo, sibi ad tyrannidem grandisanti via intercluderent. *Abbatiam* quam hic religiosi *Lacii*, & *Hospitale* quod pauperibus *R. Knolles* posuerunt, sciens omitto, cum vix rudera jam ostendantur.

Aberford A L E G E O L I O relicta *Shirborna* oppidulo frequentiori, quod à limpido fluviolo nomen accepit, & *Arhelstanus* Rex Archiepiscopis *Eboracensibus* concessit, militari Romanorum via alta eminentia aggesta ad *Aberford* pervenimus: qui viculus est situs ad viam illam militarem, & aciculis conficiendis, quibus primas mulieres deferunt, celebris. *Coc* fluviolus (*Cokarus* in libris concipitur) hic subterlabitur, & in descensu ad fluviolum vetusti castris radices, quod *Castle Cary* vocant, cernuntur. Vix duum hinc milliarium intervallo ad *Cocari* fontes *Barwic in Elmet* sedet, *Northumbriæ* regum olim, ut ferunt, villa regia, quam muris circumseptam fuisse vel rudera loquentur. Ex altera parte *Hesseltwood* locatur primaria sedes claræ & inprimis antiquæ familiæ *Vasaforum*, qui ex munere (regii enim olim *Valvasores* erant) hoc nomen assumpserunt, & postremis *Edwardi Primi* temporibus *Guilielmus Vasafor* ad Comitum Parlamentaria cum reliquis regni Baronibus evocatus erat, ut in ipsis quas vocant *Summonitionibus* videre licet. Subest huic clarissima illa *Lapicædina*, quæ *Petres Post* dicta, eo quod saxi inde excisis liberalitate *Valvasorum* templū illud magnificum *S. Petri* *Eboraci* fuerit substructū.

Prælium ad Towton. Ab *Aberfordia* *Cokarus* fluviolus statim *VVherf* fl. quasi moestior petit, civilia detestatus bella, ex quo Anglorum sanguine cruentus fluxerit. Ad ejus enim ripam juxta *Towton* viculum rusti-

Britannia.

canum, vere fuit *Pharsalia* nostra. Nullo unquam in loco tantum virium, tantum nobilitatis Angliæ nostra vidit, centum scilicet hinc illinc millia, nunquam aciores, nunquam alacriores partium duces, qui *Dominico Palmarum* *MCCCCLXI*, instructis agminibus, collatis signis concurrerunt. Cumque anceps pugna in multum diei varium certamen extraxisset; *Lancastrenses* impetum non sustinentes, quibus res nulla magis exitio fuit, quam ipsius exercitus incomposita magnitudo, datis tergis effuse fugerunt: adeoque concitato cursu cædi instantes *Eboracenses* insequuti sunt, ut nobilibus plurimis occisis, xxx quinque Anglorum millia eo die fuerint desiderata. Pauloque inferius est juxta *Shirburn* ad *Hudle-*

Latomia.

ston viculum *Latomia* nobilissima, è qua lapides cum primum excisi, sunt molliores, cum tamen vento & aëre indurantur, sua duritie solidissimi. Ex *Cravena* montibus descendit etiam *VVherf*, five *VVharf*, Saxonice *Guery*, & *Aro* æquidistans diu defertur. Si quis nomen detortum existimat ex *Guer* dictione, quæ *Britannis* *Rapidum* sonat, nã illius opinioni fluminis natura suffragatur, prærapida enim celeritate fremens, quasi contumax, & iratus devehitur, saxisque crebris exasperatur, quæ non sine admiratione provolvit, præsertim cum hybernis aquis intumuerit. Ipsa etiam æstate perinfestus est, quod ipse nec sine meo periculo sensi, cum primum has regiones perlustrarem. Saxa enim habet adeo lubrica, ut equi vestigia fallant, aut unda rapidior subducatur. Cursu satis longo, quem quinquaginta fere pass. mill. à fontibus ad *Ousam* conficit, obscura tantum perstringit oppidula, delapsus per *Kilnsey* *Cragge* caute omnium quas vidi editissimam & præruptissimam *Burnfall*, ubi pontem è saxo jam construxit *Guilielmus Craven* Equestri dignitate & Senator *Londinensis* hinc oriundus, qui etiam in proximo pio studio & in patriam beneficio nuper posuit, & *Barden-Toure* Comitum *Cumberlandiæ* turriculam, ubi circumquaque est optima venatio, *Bolton* ubi olim *Monasteriolum*, *Bethmesley* sedem celebris familiæ *Claphamorum*, è qua fuit *I. Clapham* bello civili inter *Lancastrenses* & *Eboracenses* vir admodum bellicosus. Inde *Ilekely* accedit, quam ex ratione situs ad *Eboracum* ex *Ptol.* & nominis affinitate *OLICANAM* judicamus. Certe vetustum esse oppidum (præter columnas Romano opere exsculptas in cœmeterio jacentes & alibi) Severi ætate restitutum opera * à *Virii Lupi Legati* & *Proprætoris* *Britanniæ* edocet hæc nuper juxta *Ecclesiam* effossa inscriptio:

Wherf fl.

Kilnsey Crag.

Olicana. Ilekely.

* Hujus meminit *Vlpianus* lib. 2 de vulgari & pupillari substitutione.

* Legato. * Proprætor.

I M. SEVERVS.
AVG. ET ANTONINVS
CAES. DESTINATVS
RESTITVERVNT, C V.
RANTE VIRIO LVPO * LEG.
EORVM * P R - P R.

Cohortem secundam Legionum hic egisse testatur hæc etiam Ara, quam ibi vidimus sub gradibus domicilii positam & sic à Præfecto Cohortis Secundæ *Lingonum* inscriptam *VERBEIÆ*, *Nymphæ* fortasse, vel *Deæ VVherfi*, præterlabentis fluminis, quod illi *VERBEIAM* ex arcta nominum affinitate dixisse auspicor.

Zzzzz

VER-

Verbeia fl.
vel Nym-
pha.

V E R B E I Æ
S A C R V M
C L O D I V S
F R O N T O
P R Æ F. C O H.
I I L I N G O N.

Flumina enim, ut scribit Gildas, eo seculo Divi-
nis honoribus à cæco Britannia populo cumulabantur. Araf-
que illis olim erectas fuisse docet Seneca: Flumina,
inquit, magnorum capita veneramur, subita ex abdito va-
fii amnis eruptio aras habet. Et, Omnibus aquis, ut inquit
Epist. 41. Servius, sua præsidebant Nympha. In Ecclesiæ etiam
pariete infixæ est hæc mutilata inscriptio:

R V M C Æ S.
A V G. -----
A N T O N I N I
E T V E R I
I O V I D I L E C T I
C Æ C I L I V S
P R Æ F. C O H.

In ipsa autem Ecclesia dum diligenter monu-
menta antiquitatis Romanæ perquirerem, nihil
occurrit nisi Adami Middletoni Militis armata è
saxo effigies, qui floruisse videtur sub Edwardo
Primo, cujus posteritas etiamnum hic in vicinia
ad Stubbham superest.

Orley.

Chevin.
Chevin
quid.

Gevenna.

Harewood.

Placita r.
Ioan. Rot.
10. in D.
Monstr. le
droit 35.
E. 1.Domini
de Lisle,
live Lisle.Gasco-
igni.

Werberby.

Tudcaster.

Inferius Orley adsidet Archiepiscopi Eboracensis oppidum, sed nihil memorandum habet præter arduam & rigentem caudem, Chevin vocant, cui subjacet. Montis enim dorsum Chevin dicitur Britannis, unde dorsum illud montium perpetuum in Gallia, quæ olim illa eadem qua Britannii usi sunt lingua, Gevenna & Gebenna fuit dicta. Postea ripis utrinque calce illa fecunda quam Limestone vocant extructis Harewood præterfuit, ubi castrum vidimus nec inelegans, nec invalidum, quod pro temporum vicissitudine subinde Dominos mutavit. Curciorum olim fuit, sed per Aliciam hæredem devenit ad Warinum Fitz-Gerold, qui ipsam in uxorem duxerat, cujus filia & hæredum altera Margeria cum amplissimas fortunas haberet primum elocata est Baldwino de Ripariis Comitis Devonix filio, qui ante patrem obiit, postea Falcasio de Brent Regis Ioannis beneficio ob egregiam in direptionibus operam. Cum autem tandem Isabella de Ripariis Comitissa Devonix sine sobole diem obiit, obigit hoc castrum Roberto de Lisle filio Warini, ut consanguineo & alteri hæredum: demum per illos de Aldborough ad Ritheros devenit, ut author est mihi Fr. Thim, qui antiquitates Angliæ summa diligentia, magnoque iudicio jam diu est venatus. Nec tacendum quod huic vicinum Gascothorpe, unde effloruit Gascoignorum è Gasconia Galliæ, ut videtur, familia, quam sua vetustas & virtus plurimum in hoc tractu illustravit.

Hinc Werberby alluit Werberfus oppidum mercatu satis insignis, quod nihil antiqui omnino ostendit, præter locum sub ipso, Divæ Helene vadum nunc vocitant, ubi militaris Romanorum via flumen transivit. Inde per Tudcaster exiguum quidem

oppidulum defluit, quod tamen CALCARIAM Calcaria. fuisse ex distantia, soli natura, & nominis notatione non possum non sentire, & cum Roberto Marshall de Bickerton politi iudicii viro una consentire. Ad nonum enim milliæ Italicum ab Eboraco abest, uti CALCARIAM statuit Antoninus. Calx etiam quæ est cæmentorum ferrumen, & vix alibi in hoc tractu reperitur, hic copiose effoditur, & in ædificiorum usum Eboracum usque & in omnem regionem circumvicinam distrahitur. Cum autem calx illa Britannis, Saxonibusque olim, & Septentrionalibus Anglis Calc Romano nomine dicatur, (Imperiosa enim illa civitas non solum jugum, sed etiam linguam suam domitis gentibus imposuit) & Calcarienses in Codice Theodosii dicantur, qui sunt calcis excoctores, non absurdum videatur, si nominis ratio à calce petatur, uti Chalcis ab ære, Ammon à fabulo, Pteleon ab ulmis, & Calcaria urbs Clivix fortasse à calce nomina acceperunt: maxime cum etiam Calca-cester Bedæ dicatur, ubi meminit Heinam mulierem, quæ prima in hac regione Sanctimonialis vestem suscepit, ad hanc civitatem secessisse, & mansionem sibi instituisse. Præterea collis ad oppidum Kalbar dicitur, in quo antiqui nominis nonnihil subest. Nec desunt alia vetustatis argumenta, ut enim situm ad viam Consularem omittam, Romanorum Cæsarium nummi sæpe effodiuntur, fossarum quibus ambiebat vestigia, & vetusti castris area supersunt, è cujus reliquiis non ante multos annos pons erat constructus, quem cum Werberfus subierit, jam sedatior aquas suas Ouse confundit. Et sane mihi nequitiam admiratione indignum videtur, quod Werber tot aquis adauctus æstivo tempore tam tenuis sub hoc defluat, ut quidam adulta jam ætate cum huc venisset lepide cecinerit.

Nil Tadcaster habet Musis vel carmine dignum,
Præter magnifice structum sine flumine pontem.

Itinera-
rium T.
Edes.

Hiberno autem tempore si venisset, tantum pontem tot aquis vix capacem vidisset. Sed norunt Physici pro calore vel frigore extra vel intra grassante, fontes & fluvios vel decrescere vel augeri.

Superius Nidus fluvius sæculentior è radicibus Nid fl. Craveniorum montium primum per Nidberdale vallem à se denominatam, sylvis coronatus descendit, inde per Rippley mercatum aquas ducit, ubi Inglebejorum familia, ut magna antiquitate, ita multo splendore floruit. Postea Gnaresburg, vulgo Knarborough castrum rupi asperrimæ impositum, unde & nomen inditum, profundo suo alveo communit, quod Serlonem de Burgo patrum Eustacii Vesci condidisse ferunt, postea Estotevilli sedes erat, nunc vero patrimonii Lancastrensis censetur. Sub quo fons est, in quem non è terræ venis aquæ scaturiunt, sed ex impen-
dentibus rupibus guttatim distillant, unde Dropping Well vocant, in quem quicquid ligni immit-
titur, lapideo cortice brevi obduci, & lapide-
scere observatum est. In agro vero vicino gly-
cyrrhiza late provenit, & marga illa flavior &
mollior reperitur, quæ ad terræ fertilitatem plu-
rimum juvat. Forrester autem adjacenti præfuit olim Custos Gamellus quidam, cujus posterius ab habitatione ad Screven nomen de Screven assumpserunt,

Dropping
Well.
Fons li-
gnum in
saxa con-
vertens.

Singesbei.

Vre.

Rippon.

Wake-
man.S. Wilfrids
needle.Foun-
tains.Burrow-
bridge.

Slingesbei. pferunt, à quibus orti sunt *Slingesbei*, qui hanc *Forrestariam* ab Edwardo Tertio acceperunt, & ad hunc usque diem hic clarent. Hæc *Nidus* prætervectus, non procul ab *Allerton*, sede Equestri familia antiquæ sane, & celebris *Malliverorum*, qui in antiquis scriptis *Mali Leporarii* dicuntur, post breve iter *Ousam* obvium undis suis adauger.

Vre. *Vre* autem ex his Occiduis item montibus, sed in altera regionis parte, scilicet in *Northbridging* emanans, cum hoc nomine Septentrionalem agri partem irrigarit, paulo antequam ad *Rippon* pervenit, fit limes inter Septentrionalem & Occidentalem hujus provinciae partem. *Rippon* vero

Rippon. illud, Saxonice *hrippun*, inter *Vrum* & *Skell* fluvium locatum, religioni suam dignitatem debet, in primis monasterio à Wilfrido Eboracensi Archiepiscopo, in primitiva Anglorum ecclesia constructo, *miro*, ut inquit Malmesburiensis, *for-nicum inflexu, lapidum tabulatu, porticumque anfractu*, quod postea Dani, cum nec divinis, nec humanis præ impotenti rabie parcerent, una cum oppido exciderunt. Denuo tamen instauratum floruit opera Odonis Archiepiscopi Cantuariensis, qui maximus mystagogus Wilfridi reliquias hinc Cantuariam transtulit. Sed à Normannico imperio potissimum vixit, cum, ut inquit ille, monachorum castra copiosius extrui cœpissent, tunc enim & oppidum sub suo magistratu, quem antiquo Saxonico vocabulo *Wakeman*, quasi *Excubitorem* vocant, & lanificii industria, quæ hodie valde remissa est, inclaruit; & monasterium sub Eboracensium Præfulum tutela mirum in modum florere cœpit. Templumque sane perelegans nobilium vicinorum, & sui Thesaurarii impensis positum, quod tribus excelsis pyramidibus, & advenientibus quasi gratulatur, atque *Fontibus* opulento cœnobio à Thurstino Eboracensi Archipræsule in conspectu fundato æmularatur. Ad alteram hujus Templi partem Cantorum Collegiolum ab Henrico *Both* Archiepiscopo Eboracensi constructum vidimus: ab altera parte tumulum terreum satis grandem *Hilshow* dicunt, quem à Danis aggestum perhibent. In ipso templo avorum memoria Wilfridi acus celeberrima fuit, id erat angustum in cryptoportu foramen quo mulierum pudicitia explorabatur, quæ enim castæ erant, facile transibant, quæ dubia fama, nescio quo miraculo contractæ detinebantur. *Fontium* illi monasterio (*Fountains* nos vocamus, quod uberrimo agro amœnissime positum, & plumbi venas in proximo habet) originem dederunt duodecim monachi Eboracenses, qui cum astrictiore vitæ genere Deo inservire arderent, sua claustra deseruerunt. Quibus post multas molestiarum messes hoc monasterium Thurstinus Archiepiscopus Eboracensis construxit. Horum non meminisse, nisi D. Bernardus eorum institutum tantopere in suis epistolis approbasset.

S. Wilfridi needle. *Vro* non multo inferius ad fidet exiguum oppidulum *Burrowbridge* appellatum, à ponte quo flumen jungitur, qui nunc pons è vivo saxo sublimis & eximius est; sublicium autem Edwardi Secundi tempore videtur fuisse. Legimus enim, cum Anglorum proceres Regem illum & Rempublicam agitent, Humfredum de *Bobun* Herefor-

Burrow-bridge. *Britannia.*

diæ Comitem, dum per hunc transiret, ex rima à milite sub ponte latente, per inguina transfossum fuisse. Iuxta hunc pontem ad Occasum in tribus diversis agellis, quatuor vastos lapides pyramidaliforma, sed rudi admodum opera recta quasi lineam positos vidimus. Duæ mediæ pyramides, quarum alteram sacra illa auri fames frustra nuper subvertit, fere contiguæ erant, exteriores non magno, sed pari fere interstitio ab his utrinque distant. De his nihil aliud habeo quod dicam, nisi quod cum nonnullis existimem Romanorum fuisse trophæa ad ipsam militarem viam erecta quæ hac duxit. Vulgi enim fabellas, qui has *Cacodæmonum sagittas* vocat, quibus antiquas urbes confixerunt, libens omitto. Non tamen hoc omitto, quod plurimi, & illi quidem docti has non è vivo saxo, sed arena pura, calce, Chalcanto, cujus & granula iis inesse dicunt, & unctuofo aliquo compositas esse existimarint. Cujusmodi cisternas Romæ fuisse ex arena fossitia & vehementissima calce ita constructas meminit Plinius, ut lapides viderentur.

Magis ad Orientem ab hoc ponte *IS-VRIVM* *Is-urium.* *BRIGANTVM* urbs vetusta à præterfluente *Vro* nomine accepto olim floruit, sed multis retro sæculis à fundamentis excisa. Viculus autem qui ejus loco emicuit, ad testandam vetustatem, *Ealdburg*, & *Aldborow*, id est, *Antiquus Burgus*, dicitur. Nam in ipsa urbis area restibiles sunt agri & pascua, vix quidem, ut vestigia ejus notari possint. Laboraret certe ipsa Annalium fides, ut hoc *IS-VRIVM* fuisse crederemus, nisi *Vrus* fluminis nomen, Romani nummi assidue eruti, & distantia, quam inter hoc & Eboracum interposuit Antoninus, fidem facerent. Ad *xvi* enim milliæ Italicum hinc defluens *Vrus*, quem Saxones jam *Ouse* dixerunt, quod *Ousburne* amniculum recepit, *EBORACVM* sive *EBVRACVM* urbem interluit, quam Ptolemæus in libro *Magnæ Constructionis* secundo *BRIGANTIVM* vocat, si liber non sit corruptus, quod Brigantium caput esset. Ninnius *Caer Ebrauc*, Britanni *Caer Effroc*, Saxones *Euon-pic* & *Eoron-pic*, nos hodie *Yorke* dicimus. Historia Britannica à Rege Ebrauco conditore nominatum prodit; liceat tamen mihi opinari, sine aliorum præjudicio, non aliunde *EBVRACVM* deductum quam ab *Vro* flumine, ita ut sonet *Ad vel Secundum Vrum*: sic *EBVROVICS* Galliae ad *Eure* flumen, juxta *Eureux* in Normannia confederunt, sic *EBVRO-NES* Belgici prope *Ourt* flumen in diœcesi Leodiensi, & *EBLANA* Hiberniæ *Lifny* flumen attingit. Urbs hæc totius Angliæ secunda, hujus regionis pulcherrima, universæque Septentrionali parti, & præsidio, & ornamento est singulari. Amœna, ampla, munita, ædificiis tam privatis, quam publicis exculta, opibus, civibusque referta, & Archiepiscopali sede præclara. *Vrus*, qui nunc *Ouse*, à Septentrionali parte in Meridiem placide delabens, ut dixi, intersectat, & quasi in duas urbes dividit, quæ lapideo ponte, qui inter alios vastissimum omnium quos vidi, fornicem habet, conjunguntur. Pars Occidentalis, quæ minus frequens est, mœnibus pulcherrimis, cum flu. quadrata facie concluditur, portaque una *Mikell-barre*, id est, *Porta*

Zzzzz 2 magna,

magna, advenientes admittit. A qua longa & spatiosa protenditur ad pontem platea elegantibus obfessa ædibus, quibus à tergo subjacent utrinque horti confiti, & post eos ad mœnia usque campi exercitiis dicati. In quorum australi quem faciunt cum flumine angulo, molem editiorem futuro castro, ut videtur, jactam, *Old bale* nominant, eminere vidimus, quam Guilielmus *Melton* Archiepiscopus (ut in Archiepiscoporum vitis legitur) *primum spissis, & longis 18 pedum tabulis, postea lapideo muro fortiter inclusit*, quæ jam tamen disparuerunt.

Foss. flu.

Pars Orientalis, quæ tota est ædificiis condensa, & angustioribus plateis conclusa, formam habet quasi lenticularem, firmissimis item mœnibus armatur, & ad Ortum brumalem *Fossi* profuentis satis limosi profundo alveo munitur, qui in ipsam urbem cæca via penetrans, ponte continetur ita ædificiis continuo, ut non pontem, sed perpetuum vicum nemo non judicet: pauloque inferius *Ouse* confluit, ubi ad ipsos confluentes è regione molis quam dixi, ad reprimendos cives firmissimum castrum loco oportuno excitavit Guilielmus Normannus. In quod vetustas libere jam diu sævit, ex quo Angli munita loca tanquam ad detractandam militiam receptacula neglexerunt. In hac etiam parte ad Ortum æstivum Cathedralis templum Divo Petro sacrum, magnificum sane & perelegans confurgit, juxtaquod extra mœnia, sed suis mœnibus & flumine inclusum nobilissimum Divæ Mariæ floruit monasterium, quod Alanus tertius Britannia Armoricanæ, & Richmondia Comes opulenta cum dote condidit; nunc autem in ædes regias conversum, vulgo *The Manour* appellatur.

The Manour.

Vnde Eboraci primordia repetam nisi à Romanis non habeo, cum Britanni ante Romanorum adventum non alia habuerint oppida quam sylvas fossa & vallo munitas, ut Cæsar & Strabo omni exceptione majores testantur. Vt igitur Ebraucum Regem, quem curiosa credulitas ex Eboraci nomine conditorem affinxisse videatur, taceam. Certissimum est, Legionem Sextam Victtricem, quam Hadrianus è Germania in Britanniam traduxit, hic stationem egisse, Romanorumque Coloniam fuisse, cum ex Ptolemæi & Antonini autoritate, tum ex vetusta inscriptione quam in ædibus cujusdam Senatoris vidimus in hæc verba:

M. VEREC. DIOGENES IIIII. VIR
COL. EBOR. IDEMQ. MORT. CIVES
BITVRIX. HÆC SIBI VIVVS
FECIT.

Nec non ex Severi Imperatoris nummo in cuius parte aversa legitur,

COL. EBORACVM LEG. VICTRIX.

Victor ille quem Andr. Schottus nuper edidit. Municipium. Colonia.

Vnde vero Victor in Cæsarum historia Eboracum Britannia Municipium dixerit, cum Colonia fuerit, peto ut deliberem; nisi maluerint Eboracenses ut olim Prænestini ex Colonia in Municipii statum redigi. Colonia enim cum, ut Agellius habet, instituta, juraque omnia populi Romani, non sui arbitrii haberent, magis obnoxia, & minus libera conditione videbantur. Municipi-

autem suo jure ac legibus utebantur, Municipalesque tantum muneris cum populo Romano honorarii participes erant, nullis aliis necessitatibus astricti, unde Colonias in Municipia immutari neutiquam mirandum. Sed quorsum ista? Hæc nominum differentia in Imperatorum historia non ita ad amissim observata est, quin unus idemque locus & Colonia, & Municipium dicatur. Severum tamen ex illo nummo Coloniam hanc duxisse non asseverare ausim, cum Antoninorum tempore Legionis VI sedem fuisse docuerit Ptolemæus. Severum autem hac in urbe suum palatium habuisse legimus, animamque in hæc verba hic exhalasse, *Turbatam Rempublicam ubique accepi, pacatam etiam Britannis relinquo*. Corpus ejus hic militari more à militibus elatum, impositumque in rogum, honestatum militum & filiorum ipsius decursione, in loco, sub hac urbe, ad Occalum juxta *Ackham*, ubi magna moles aggregata conspicitur, quam sua ætate Radulphus Nigger *Sivers* à Severo dictum tradidit. Cineres in Severus. urnulam auream sive vasculum Porphyriticum repositi, Romæ in Antoninorum monumentum illati erant. Nec silentio involvendum, quod hac in urbe Bellonæ templum extiterit. Inquit enim Spartianus de hac ipsa loquens, *In civitatem veniens cum rem divinam vellet facere, primum ad Bellonæ templum ductus est errore aruspici rustici*. Quo tempore Bellonæ templum. hujus urbis prætorium sive Tribunal fuit vel hoc nomine longe felicissimum, quod Æmilius Paulum Papinianum juris, & jurisprudentiæ oraculum audiverit, ut testatur Forcatulus. Et hinc certe Severus & Antoninus Augusti de Iure consulti, rescriptum dederunt de rei vindicatione. Anno post Severi obitum plus minus centesimo Fla. Val. Constantius cognomento Chlorus, Imperator omnibus virtutibus & Christiana pietate insignis, qui huc (ut inquit Panegyristes) diis jam ad intimum terrarum limen vocantibus, accessit: hac etiam in urbe diem obiit, & Apotheosi in Divos est relatus, ut è nummis antiquis videre est. Quamvis Florilegus prodat ejus tumulum in Wallia repertum fuisse (ut jam diximus) fide digni tamen nobis retulerunt cum patrum memoria Monachorum ædes diruerentur, in cryptoporticu ædicule, in qua Constantium situm fuisse opinio erat, lampadem ardentem repertam fuisse. Veteres enim auro in pinguedinis liquorem arte soluto, diutissime, & per multa sæcula arsurum ignem in sepulchris fovisse scribit Lazius. Hic ex priore conjugē Helena CONSTANTINVM MAXIMVM ROMANÆ VRBIS, ut est in antiquis Epigraphis, LIBERATOREM, QVIETIS FVNDATOREM, REIPVBLICÆ INSTAVRATOREM, suscepit. Qui Eboraci patris spiritum excepit, statimque in Imperatorem levatus. *Purpuram* (ut habet Panegyricus) *militēs utilitati publicæ, potius quam affectibus servientes illi injecere lachrymanti, equumque calcaribus incitanti, ut deposcentis exercitus fugeret conatum: sed modestiam ejus vicit Reipub. felicitas*. Vnde Panegyristes exclamat, *O fortunata, & nunc omnibus beatior terris Britannia, quæ Constantinum Cæsarem prima vidit*. Et alibi, *Liberavit ille Britannias servitute, tu etiam nobiles illic oriendo fecisti*. Quæ verba ad natale solum Constantini judicio eruditissimi Baronii & aliorum referenda sunt. Sed

L. I. C. Constantius Chlorus.

Constantinus Magnus.

Sed quæ jam ante diximus, nolo hic retexere.

Vincentii
speculum
historiale.

Hinc colligi potest, quanta illis temporibus dignitate præluxerit Eboracum nostrum, cum Imperatorum fuerit sedes. Memorant etiam patrum scriptores à Constantio Episcopali sede hanc urbem exornatam fuisse: Taurinum autem Martirem, Eburovicum sive D' Eux Episcopum hic præfulem egisse, non ego tamen cum aliis dicam, nam Vincentius è quo illi hunc errorem hauserunt, me falsi suis ipsius verbis convinceret. Cum vero Romani cessissent, & Britanniam prædæ barbaris reliquissent, suas etiam miseras hæc multis malis conflictata pertulit, & vix aliud erat, cum Scotica & Saxonica bella fenescerent, quam magni nominis umbra. Cum enim Paulinus Saxonibus, qui hanc regionem occuparant, Christianam religionem annuntiaret, in eam solitudinem redacta jacuit, ut non superfuisset Ecclesiola in qua Edwinus Rex baptismum acciperet. Qui anno à Virginis partu DCXXVI, Oratorium ex ligno posuit, cumque majorem jam Ecclesiam è saxo moliretur, vix jactis fundamentis, morte præreptus successori suo Oswaldo perficiendam reliquit. Iam inde Ecclesiastica dignitas in hac urbe convaluit, pallioque ab Honorio PP. misso facta est Civitas Metropolitana, quæ præter duodecim in Anglia Episcopatus, in omnes Scotiæ Episcopos Primatis jureungeretur: sed multos ante annos recessit à sua Metropoli Scotia, & ipsa Metropolis alios vicinos Episcopatus, tenues illos quidem, & fere umbratiles ita devoravit, ut jam quatuor solum in sua diæcesi habeat, Dunelmensem scilicet, Cestrensem, Carlolsensem, & Mannensem sive Sodorensensem in Mannia insula. Egbertusque Archiepiscopus (qui circa annum Salutis DCXLI floruit) omnium Liberalium artium (sic habet Malmesburienfis) armarium, ut ita dicam, & sacrarium, nobilissimam Bibliothecam Eboraci constituit. De qua Alwinus Eboracensis Caroli Magni Præceptor, Parisiensis Academiae primus institutor, atque unicum hujus urbis decus, in Epistola ad Carolum illum, Date mihi exquisitoris eruditionis scholastica libellos, quales in patria habui, per bonam & devotissimam Egberti Archiepiscopi industriam. Et si placet sapientiæ vestra, remittam aliquot ex pueris vestris, qui excipiant inde quæque necessaria, & revehant in Franciam flores Britannia, ut non sit tantummodo in Eboraco hortus conclusus, sed etiam in Turonica emissiones Paradisi. Tunc etiam multis & magnis beneficiis Ecclesiam Eboracensem principes cumulaverunt, præcipue Vlphus Toraldi filius (ex veteri libro adnoto, ut rara quædam consuetudo in dotandis ecclesiis elucescat) Dominabatur Vlphus ille in Occidentali parte Deiræ & propter alterationem fratrum suorum senioris & junioris super Dominiis post mortem, mox omnes fecit aequales. Nam indilato Eboracum divertit, & cornu quo bibere consuevit, vino replevit, & coram altari Deo, & Beato Petro Apostolorum principi omnes terras & redditus flexis genibus propinavit. Quod cornu ad patrum usque memoriam reservatum fuisse accepimus.

Scotia
Archiepi-
scopo E-
boracensi
olim sub-
jecta.
Vide in
Scotia.

Biblio-
theca.

Flacc.
Alwinus
sive Albi-
nus floruit
780.

Ecclesiasticæ hominum nationi derogare videar, si similitates imo apertas inimicitias quas humana ambitio concitavit inter Eboracenses & Cantuarienses Archiepiscopos memorarem, dum magno opum & majori existimationis dis-

Britannia.

pendio de primatu acerrime concertarent. Eboracensis enim ecclesia, ut ille scribit, licet Cantuariensi divitiis impar, pari tamen dignitate, quamvis posteriori tempore fundata; & eadem potestate qua & Cantuariensis sublimata, Apostolicorumque privilegiorum consimili auctoritate confirmata ægre tulit Cantuariensi subijci ex decreto Alexandri PP. Romani, qui constituit, ut Eboracensis Ecclesia Cantuariensi debeat subjacere, ejusque Archiepiscopi ut Primatis totius Britannia dispositionibus in his quæ ad Christianam religionem pertinent, in omnibus obedire. De Archiepiscopis aliquid hic attexere instituti certe non est mei, licet ex illis plurimi virtutis & pietatis merito celebrandi. Satis sit verbo innuisse à Paulino, qui anno reparatae Salutis DCXXV primus Archiepiscopus consecratus, sedisse sexaginta quinque Archiepiscopos ad annum MDCVI, quo Tobias Mathæus virtutum & pietatis ornamentis, erudita facundia, & docendi assiduitate reverendissimus huc ab Episcopatu Dunelmensi fuit translatus.

Th. Stob-
bes.

Archiepi-
scopus se-
xagesimus
sextus.

Hæc urbs Saxonico imperio aliquandiu florantissima fuit, donec Danica tempestas ab Aquilone proruens eam ruinis ingentibus rursus deformavit, & funestis cædibus cruentavit. Id quod Alcuinus ille in epistola ad Egelredum Northumbriæ Regem præfagiisse videri possit. Quid significat, inquit, pluvia sanguinis, quam Quadragesimali tempore, in Eboracæ civitate, quæ totius regni caput est, in Ecclesia B. Petri vidimus de borealibus domus sereno aëre de summo tecto minaciter cadere. Nonne potest putari de Borealibus partibus venire sanguinem super terram. Maximis enim, & miserrimis sequenti sæculo calamitatibus in Danica vastatione intubuit. Anno certe Salutis DCCCXLV II bellis continuis ita quassata erant mœnia, ut Osbrighus, & Ella Nordanhumborum reges, dum Danos persequerentur, nullo negotio in urbem iruperint. Qui ambo cruentissimo prælio in media urbe interfecti, Danis qui in urbem se receperant, victoriam reliquerunt. Vnde Guilielmus Malmesburienfis, Eboracum furori Aquilonarium gentium prima semper obnoxia, barbaricos Danorum motus excepit, & ingemuit, multis ruinis conquassata. Verum, ut ipse idem testatur author, Athelstanus noster Danis extorsit, & castellum, quod hic firmaverant, funditus subvertit. Nec succedentibus tamen annis se omnino bellis explicuit, cum seculum illud urbium subversionibus fatale decurreret.

Verum ut his malis finem, ita etiam Eboraco fere excidium intulerunt Normanni, cum enim Suenonis filii Danica classe CCXI navium in proximo terram conscendissent, præfidiarii Normanni, qui in urbe duo castella tenebant, veriti ne domus suburbanæ hostibus ad implendas fossas usui forent, eas succenderunt: sed agitantibus ventis, ita diffusum est in universam urbem incendium, ut jam tota arderet, cum Dani irruentes miseranda ubique cæde grassarentur, Normannis trucidatis, Guilielmo Mallet, & Gilberto Gant, viris primariis reservatis, ut cum militibus decimarentur. Decimum enim quemque è Normannis forte ad supplicium elegerunt. Vnde ita in ultionem excanduit Guilielmus Primus, ut in cives, quasi à Danis stetitissent, internecione, in ipsam vero urbem redintegratis flammis sæviret;

Alfredus
Beverla-
centis in
Bibliotheca
D. Bur-
ghlei
Thes.
Ang.

Decima-
tio.

A a a a a

&

& (ut refert Malmesburiensis) ita vicos adjacentes corrupti, ita fertilis provincia nervi præda succisi erant, humusque per sexaginta milliaria penitus inculta jacuit, ut urbes olim præclaras, turres proceritate cælo minantes, agros pascuis lætos si quis tum vidisset peregrinus, ingemisceret: si quis vetus incola, non agnosceret. Quanta autem antea fuisset ex Censuali Angliæ libro habe, Tempore Edwardi Confessoris fuerunt in civitate Eboracæ sex scyra, præter scyram Archiepiscopi. Una vastata est in Castellis. In quinque scyris fuerunt 1428 mansiones hospitales. In scyra Archiep. 200 mansiones hospitales. Post funestas has everfiones de hac Nechamus noster sic cecinit:

Visto quam felix Ebraucus condidit urbem
Petro se debet pontificalis apex.
Civibus hæc toties viduata, novisque repleta,
Diruta prospexit mœnia sæpe sua.
Quid manus hostilis queat, est experta frequenter,
Sed quid? nunc pacis otia longa fovent.

Ejus enim tempore, cum placidissima pacis tranquillitas has turbulentas tempestates excepisset, redivivis opibus resurrexit, licet sæpius à Scotis, & seditionis excidio destinata. Regnante autem Stephano, damnum fecit longe maximum ex fortuito incendio, quo hausta fuerunt Cathedralis Ecclesia, Mariæ monasterium, aliæque religiosæ ædes; & etiam (uti creditur) instructissima illa Bibliotheca, quam Alcuinus Egredum Archiepiscopum præceptorem suum instituisse prodidit. Mariæ vero monasterium cito pristina dignitatem nova structura recuperavit, Ecclesia autem Cathedralis serius, nec ante Edwardi Primi tempora, tunc enim novi operis fundamenta jecit Ioannes Romanus Ecclesiæ Thesaurarius, quod Ioannes ejus filius, Guilielmus Menton, & Ioannes Thoresby omnes Archiepiscopi paulatim ad summam, qua nunc cernitur, elegantiam perduxerunt, non sine vicinæ nobilitatis ope, præcipue Perciorum, & Vavasorum, quod eorum insignia gentilitia in ipso templo, & pro foribus effigies ostendunt, Percii cum trunco, Vavasori cum saxo in manibus, quod hic saxa, ille ligna ad novam hanc fabricam suppeditaverit. Templum hoc (ut habet, qui Aeneæ Silvii, Pii II PP. vitam scripsit, ex ipsius Pii relatione) & opere & magnitudine toto orbe memorandum, & sacellum lucidissimum, cuius parietes vitrei inter columnas ad medium tenuissimas colligati tenentur. Hæc est illa domus Capitularis speciosissima, in qua aureis literis hic versiculus depingitur:

Vt Rosa flos florum, sic est Domus ista Domorum.

Sub idem tempus etiam cives novis mœnibus, & crebris dispositis turribus urbem circummunierunt, optimis legibus instituerunt. Rex Richardus II, ut Comitatus per se incorporatus esset, concessit, Richardusque Tertius castrum ex integro construere cœpit. Et ne quid deesset, Henricus Octavus patrum memoria Concilium sive Senatum hic constituit, non dissimile Parlamentis Gallicis, ad Septentrionalis hujus plagæ causas ex æquo & bono judicandas, quod constat ex

Præside, Consiliariis pro Principis arbitrio nunc pluribus, nunc paucioribus; Secretario, & Subadjuvis. Quod ad Eboraci longitudinem attinet, xxxi partibus, xxv scrup. latitudinem lxxxxi partibus, x scrup. Mathematici nostri descripserunt. Hactenus de Occidentali Comitatus parte, & urbe Eboraco, quæ nec illius, nec cuiusquam alterius partis censetur, sed suis gaudet immunitatibus, jurisdictionemque in vicino ad Occasum agro habet, quam libertatem de Ansty, alii The Ancienty, ab antiquitate vocant, alii vero à Germanica dictione Anstossen, quæ limites denotant, conjectura satis probabili deduxerunt. Nunc habe pro coronide quæ de Eboraco I. Ionstons Aberdonensis jampridem cecinit:

Præsidet extremis Arctos finibus ora
Urbs vetus, in veteri facta subinde nova.
Romanis Aquilis quondam Ducibusque superba.
Quam post barbarica diripere manus.
Pictus atrox, Scotus, Danus, Normannus, & Anglus
Fulmina in hanc Martis detonare sui.
Post diras rerum clades, totque aspera fata,
Blandius aspirans aura serena subit.
LONDINVM caput est, & regni urbs prima Britanni:
EBORACVM à prima jure secunda venit.

Ousa Eboracum jam relinquens vertigine illa aquarum quam Higram dicimus, subinde exagitatatus defluit per Bishops Thorpe, id est, Episcopi villam, & S. Andrews Thorp dictam, antequam Gualterus Grejus Archiepiscopus Eboracensis numerata pecunia acquisivit, & ut procuratoribus regis qui in Episcoporum bona, cum sedes vacant, sævire solent, occurreret, Decano & Capitulo Eboracensi dedit, ea lege, ut successoribus suis semper concederent. E quibus Richardus Le Scrope Archiepiscopus Eboracensis vir igneo ingenio, & rebus novandis apto læsæ majestatis hoc ipso in loco à Rege Henrico III damnatus erat, contra quem seditionis signa sustulerat. Postea Cawood Archiepiscoporum castrum eidem flumini adsidet, quod Athelstanus Rex, ut accepi, ecclesiæ donavit. Cui ad alteram ripam Rical objacet, ubi Haraldus Haardread cum numerosa Danorum classe applicuit. Inde Ousa irrigat Selby oppidulum non infrequens, natalibus Regis Henrici Primi celebre, ubi Rex Guilielmus Primus pater ejus templum in S. Germani memoriam posuit, qui Pelagianam hydram sæpius in Britannia renascentem feliciter confixit. Hujus Abbas, & S. Mariæ Eboraci, ex omnibus Septentrionalis plagæ Abbatibus, sedem in Comitibus Parlamentariis habuere. Demum Humbrum petit per Drax viculum monasterio jampridem celebrem, ubi (authore Guil. Neubrigensi) Philippus de Tollerilla castrum habuit objectu amnium, sylvarum atque paludum munitissimum, quod ille ingentibus commilitonum animis & ciborum armorumque apparatu fretus contra Stephanum Regem propugnavit, sed brevi expugnatum in Regis potestatem concessit.

Commentarii Pii PP. lib. primo.

The Council established in the North.

Ansty.

Bishops Thorp.

1405.

Cawood.

Drax.

E A S T - R I D I N G .

Eastriding.

Parisi.



Eastriding, sive pars Orientalis, secunda hujus regionis portio, in qua PARISOS locavit Ptolemæus, ab Eboraco ad Ortum jacet. A Septentrione, & Occasu *Derventionis* fluminis arcuato decursu, à Meridie Humbro æstuario,

& ab Ortum Oceano Germanico circumclusa. Ad mare, & *Derventionem* utcumque est gleba fœlici, media vero nihil aliud est, quam surgentium montium congeries, *Torkes-wold*, id est, Montes *Eboracenses* vocant. *Derventio*, Anglis *Derwent*, non procul ab ipso littore effusus primum in Occasum, inde in Meridiem se flectit per *Aiton* & *Malton*, de quibus cum ad Septentrionalem regionis partem spectent, suo loco dicemus. Quam primum vero hanc partem subintravit, defertur

Montferrant. Historia Meauxensis.

haud procul à ruinis veteris castris *Montferrant*, cujus olim domini erant *Fossardi* viri nobiles juxta ac opulenti: verum cum Guilielmus *Fossard* pupillus regius Guilielmo Crasso Comiti Albemariæ in tutelam datus, jam adolescens vim ejus sorori obtulisset, Comes in facti invidiam castrum solo æquavit, & nobilem adolescentem solum vertere coegit. Post Comitis tamen mortem hæreditatem denuo recuperavit, filiamque unicam reliquit, quæ nupta R. de *Tornham* peperit uxorem Petri de *Malo-lacu*, cujus posteris hac *Fossardorum* hæreditate aucti, Barones erant longe clarissimi. Parum hinc abest ripæ impositum *Kirkham*, id est, *Ecclesiæ* locus, Canonicoz enim collegium ibi fundavit *Gualterus Espec*, vir summo loco, per cujus filiam per amplum patrimonium dotale *Rofforum* familiæ accrevit. Inde, sed inferius *Derventio* sui cognominis urbem habuit, quam *DERVENTIONEM* vocat Antoninus, & ad *VIRI* ab *EBORACO* lapidem statuit. Notitiarum liber præfectum Numeri *Derventionis* sub Britanniarum Duce in hac egisse memorat, Saxonicoque imperio villa illa regia fuisse videtur, quam juxta amnem *Dorventionem* sitam tradit Beda, in qua, ut ille author est, Eumerus ficiarius Eadwinum Regem *Nordanhumbro*z gladio petiit, & transverberasset, nisi famulus se interponens principis vitam sua morte redemisset. Locum nunquam signare potuissem, nisi mihi lucem prætulisset vir ille politissimus *Robertus Marshall*. Is enim me docuit, ad eandem quam dixi ab Eboraco distantiam *Derventioni* flumini adpositum esse oppidulum *Auldby*, id est, si è Saxonico convertas, *Antiqua habitatio*, ubi nonnulla vetustatis indicia, & in editiori ad flumen colle antiqui castris extant adhuc rudera, ut non possit non *Derventio* fuisse. Hinc flumen *Stanford-bridge* subluit, qui etiam à bello ibi commisso *Battle-bridge* vocatur. Ad pontem enim illum *Haraldus Rex Angliæ Haraldum Haardread Norwegum*, qui ducentis navibus Britanniam infestabat, & jam ad *Richal* populabundus terram conscenderat, magna Danorum edita strage justo

Britannia.

prælio interfecit, tantumque auri pondus victori Anglo inter spolia obvenit, quantum duodecim juvenes cervicibus vix sustinere poterant, ut author est *Adamus Bremenensis*. Hoc prælium vix novem dies ante *Guilielmi Normanni* adventum confectum est, quo tempore solutior Anglorum luxus excidium prædixisse videbatur, sed de hoc jam ante diximus.

Derventio, qui imbris auctus & quasi irritatus sæpius ripas contemnit, & vicinis pratis superinfunditur, hinc *Wresbill* castrum nitidum & munitum præteriens, quod *Thomas Percy Wigornia* Comes construxerat, velocior sub *Babthorpe*, quæ claræ Equitum familiæ nomen & mansionem præbet, in *Ousam* profilit. Ex hac stirpe, nec pigeat, qui principi, & patriæ fideliter inservierunt, memorare, pater & filius *Henrico Sexto* una militantes in prælio ad *S. Albanum* occubuerunt, & simul cum hoc epitapho ibi sunt confepulti;

*Cum patre Radulpho Babthorp jacet ecce Radulphu
Filius, hoc duro marmore pressus homo,
Henrici Sexti dapifer, pater Armiger ejus,
Mors satis id docuit, fidus uterque fuit.*

Iam *Derventio* auctiores undas trahens delabitur prope *Howden* oppidum mercatorium, cujus celebritas non est ab elegantia, aut frequentia, sed quod nomen territoriolo adjuncto fecerit (quod *Howdenshire* inde dicitur) & Collegiatam jampridem quinque Præbendariorum ecclesiola ostenderit, cui adjunctæ sunt *Dunelmensis* Episcoporum ædes, qui amplissimas possessiones eo loci habent. E quibus *Walterus Skirlaw*, qui floruit circa annum *MCCCXC*, ut in libro *Dunelmensi* legitur, *Campanile hujus ecclesiæ summæ magnitudinis construxit, ut si fortuita aquarum eveniret inundatio, incolis esset perfugium*. Parumque hinc abest *Metham*, quod ut cognomen, ita sedem familiæ veteri & inclytæ *Methamorum* impertiit.

Iam *Ousa* spatiosior, celer, fremensque in *ABVM* æstuarium aquas invehit suas, sic enim *Ptolemæo* vocatur, quod Saxonibus & nobis *Humber*, unde regionem ultra hoc generali nomine *Nordan-Humbriam* dixerunt. Vtrumque nomen ex *Aber* Britannico deflexum videatur, quod fluminis ostium illis denotat, & huic *uari* *ἑρκεῖα* impositum existimem, quod *Vrus*, sive *Ousa* plurimos fluvios suo hospitio exceptos in hoc deducit, aliaque maximi nominis flumina in illud evolvuntur. Et certo totius Britanniaæ æstuarium est amplissimum, & piscosissimum. Ex æstuantis Oceani accessibus adauctum, & iisdem retro remeantibus suas illiusque aquas vehementissime vasto cum murmure, non sine magno navigantium periculo agit. Vnde *Nechamus*,

*Fluctibus aqoreis nautis suspectior Humber
Dedignans urbes visere, rura colit.*

Historiamque nostram sequutus, quasi ab *Hunnorum* Rege nomen inditum fuerit, subjungit:

Bbbbbb Hun-

*Hunnorum princeps ostendens terga Locrino,
Submersus nomen contulit Humbris aqua.
De quo etiam alius Poëta,
Dum fugit, obstat ei flumen, submergitur illic,
Deque suo tribuit nomine nomen aqua.*

Neque Nechami quidem tempore urbes ad hoc æstuarium visabantur, sed superiori & inferiori ætate his locis urbs una & altera. Romano seculo non procul à ripa ad *Foulness* minorum gentium flumen, ubi *Wighton* nunc cernitur, frequens agricolarum oppidulum, olim ut opinari lubet, fuit *DELGOVITIA*, quod (ut distantiam à *DERVENTIONE* in argumentum non arripiam) nominis tum similitudo, tum significatio docet. *Delgwe* enim Britannis Deorum gentium statuas significat, & in viculo huic oppidulo adjuncto, Saxonice etiam temporibus idolorum fanum maxima in gloria erat, quod à diis gentilibus tunc *God-mundingham*, nunc *Godmanham* eodem sensu vocant. Nec dubito, quin ipsis Britannicis temporibus celebre fuerit aliquod oraculum, cum superstitio fusa per omnes gentes hominum occupasset imbecillitatem. Cum autem Paulinus Nordanhumbri Christum prædicaret, *Coy-fi*, qui sacrorum gentium Pontifex erat, Christianam religionem amplexus, hoc fanum impietatis domicilium injecta lancea *primus profanavit, destruxit, & cum omnibus*, ut inquit *Beda, septis suis succendit*. Hinc magis ad Ortum *Hull* flumen *Humbrum* petit, qui fontes habet juxta *Driffeild* vicum, *Alfredi* eruditissimi Nordanhumbriorum Regis monumento & aggestis hinc inde tumulis notum. Properat ille haud procul à *Leckenfeld* Perciorum Northumbriæ Comitum ædibus, cui vicina est habitatio celebris sane & vetustæ stirpis *Hotamorum* ad *Schorburg*, & rudera antiqui castrî P. de *Malolacu* five *Mauley* ad *Garthum*. Iam *Hull* fl. propius ad *Beverley* accedit, Saxonice *Beve-lega*, quod *Monasterium in Deirvaud*, id est, in *sylva Deirorum*, vocare videtur *Beda*, oppidum amplum & perfrequens. *PETVARIAM PARISIORVM* è nomine & situ conjectes, licet nihil vetustius prætendat, quam quod *Ioannes* cognomento de *Beverley* Archiepiscopus Eboracensis, vir, teste *Beda*, & pius, & doctus, cum episcopatu se abdicasset terrena averfatus, huc se contulerit, & diem circa annum Salutis *DCCXXI* obierit. Hujus memoriam adeo sanctam habuerunt Reges, & præcipue *Athelstanus*, qui illum ut Sanctum tutelarem ita coluit, postquam *Danos* fudisset: ut multis & magnis immunitatibus locum dotaverint, & asyli jus concesserint, quod obæ-ratis, & rerum capitalium suspectis liberum, & tutum erat perfugium. In quo statuebatur cathedra è saxo cum hac inscriptione,

HÆC SEDES LAPIDEA Freedstooll
DICITVR, id est PACIS CATHE-
DRA, AD QVAM REVS FVGIEN-
DO PERVENIENS OMNIMODAM
HABET SECVRITATEM.

Vnde in justam magnitudinem crevit oppidum, inquilinorum magna indies confluit multitudo, civesque ex *Hull* flumine ad maritima commoda incile duxerunt, quod naviculis sub-

vehendis par est. Habuit vero pro summo magistratu duodecim Custodes, inde Gubernatores cum Custodibus. Nunc vero beneficio Regina Elizabethæ Prætores & Gubernatores. Magis ad Ortum *Meaux* monasterium floruit, ita denominatum à *Gamello* quodam ex *Meldis* Gallia, vulgo *Meaux*, oriundo, qui à *Guilielmo Conquestore* in sedem suæ habitationis affectus, monasteriumque hic *Cluniacensis* posuit *Guilielmus Le Gros* Comes *Albemarla* in redemptionem voti quod fecerat *Hierosolymam* visitandi. Paulo inferius *Cottingham* oppidum rusticum satis longum procurrit, ubi castrum in ruinas jam dissipatum extruxit (licentiam permittente *Rege Ioanne*) *Robertus Estotevill*, à *Roberto Gran-debeose* Normanno Barone ortus, vir maximi nominis, cujus hæreditas Dom. de *Wake* per nuptias obvenit, & per filiam *Ioannis de Wake* ad *Edmundum Cantii Comitem*, ex quo nata est *Ioanna* uxor bellicosissimi illius *Edwardi Walliæ Principis*, qui toties de *Gallis* victoriam reportavit. *Hull* fl. cum jam sex mille passus hinc emensus fuerit, in *Humbrum* effunditur, juxtaque ostium sui nominis oppidum habet *Kingston upon Hull*, sed vulgo *Hull*. Hoc non admodum vetustam accersit originem, *Edwardus* enim *Primus*, qui ob regias virtutes inter primos & optimos Reges suo merito reponendus, spectata loci opportunitate qui *WVik* prius dictus, permutatione jure ab Abbate de *Meaux* accepit, atque pro *Vaccariis* & *Bercariis*, id est, ut ego capio, *Boalibus* & *Ovilibus*, quæ ibi invenit, oppidum extruxit, quod *Kingston*, id est, *Regium oppidum* nominavit, *ibidem* (è sacris regni scriniis loquor) portum, liberumque Burgum fecit, homines ejusdem liberis *Burgenses*, & eis diversas libertates concessit. Paulatimque in eam dignitatem emerfit, ut magnificis ædificiis, firmis propugnaculis, navibus instructissimis, mercatorum copia, & rerum omnium affluentia sit nunc emporium hujus tractus longe celeberrimum. Quæ omnia accepta ferunt cives partim *Michaëli De-La Pole*, qui privilegia huic impetravit, cum illum ad Comitatus *Suffolciensis* dignitatem *Richardus Secuudus* evexisset, partim quæstuosæ mercaturæ ex *Islandiæ* piscibus induratis, (*Stockfish* vocant) è quibus divitias congeslerunt maximas. Vnde brevi admodum spatio muro lateritio, crebrisque turribus urbem suam sepserunt, qua flumine non defenditur: tantamque vim lapidum in navium saburam detulerunt, ut inde omnes urbis regiones pulcherrime constraverint. Pro Magistratu (ut à civibus accepi) primum *Custodem* habuit, inde *Ballivos*, postea Majorem cum *Ballivis*, ab *Henrico* autem *Sexto* demum impetrarunt, ut Majorem & *Vicecomitem* haberent, & ipsa urbs Comitatus esset (ut nostri *Iurisconsulti* loquuntur) per se incorporatus. Nec pigebit ex libro *Monasterii de Melfa*, five *Meaux*, de primo hujus urbis Majore (verbis licet barbaris) adnotare. *Guilielmus de la Pole Miles*, prius mercator fuit apud *Ravenfrod*, mercandizandi scientia instructus, nulli *Angligenæ* mercatori secundus fuit. Ipse postea apud *Kingstone* super *Hull* commorans primus omnium fuit Major in eadem villa, monasteriumque *Sancti Michaëlis* juxta dictum *Kingston*, quod modo est *Cartbusiensium*, inchoavit & fun-

Registr.
M.
Meaux.

Cottingham.

Estotevill.

Wake.

Kingston
upon
Hull.

Placita
Anno 44
Edw. 3.
Ebor. 24.

Stocke-
fish.

Coble-
stones.

De la Po-
le.

fundavit; filiumque habuit suum primogenitum Dominum Michaëlem de la Pole Comitem Suffolcie, qui dictum monasterium per Carthusienses fecit inhabitari. Ipse quidem Willielmus de la Pole multa millia librarum auri Regi Edwardo accommodavit dum apud Andewerp in Brabantia moraretur. Quapropter Rex in recompensationem dicti auri præfecit eum Baronibus Scaecarii sui, totumque Dominium de Holdernes una cum aliis terris dignitati Regie spectantibus per Cartam Regiam ei contulit, & præcepit, ut pro Baneretto haberetur. Si tamen quis hæc dubitet, persuadeant, uti spero, archiva Regia, in quibus diserte Guilielmus De la Pole dilectus, valectus, & mercator noster vocatur. Valectus, ut semel doceam, eo seculo tam in Gallia, quam Anglia honorifica fuit appellatio, sed postea aptata servis, unde cum repudiaret nobilitas, mutato nomine Nobiles à cubiculo dici ceperunt.

Cl. 5. E. R.
3 M. 28.
Valectus
qui &
Valectus.
I. Tilius.

Ocellum
Holder-
neffe.

Headon.

* Lincol-
nia.

Præto-
rium.
Patrin-
gton.

* Pictis
Wall.

Winsted.
Barones
de Rosse.
Raven-
spur &
Raven-
burg.

Ab hac urbe promontorium avido procurfu in mare se emittit, quod OCELLVM Ptolemæus, nos Holdernes, & Monachus quidam Cavam Deiram, quasi Cavam Deirorum regionem vocat, eadem significatione qua Cælosyria, id est, Syria cava, nominatur. In hoc primum occurrit sinuoso in littore Headon, olim, si famæ veri amplificatrici credere libet, (nec fidem ego abnuam) mercatorum & rei nauticæ industria ad summam dignitatem evecta, à qua, ut locorum non minus quam hominum incerta est conditio, ita decedit Hulli vicinitate, & portus obstructione exhausta, ut vix tantillum pristini splendoris præ se ferat. Et si Ioannes Rex concessit Baldwino Comiti Albemarle, & Holdernesie, atque Howisia ejus uxori liberum hic Burgagium, ita ut Burgenses tenerent in libro Burgagio illis consuetudinibus quibus Eboracum & * Nichol. Nunc tamen ad pristinae dignitatis spem paulatim reviviscere incipit. Deinde promontorio adfidet antiquum oppidum, quod Antoninus PRÆTORIVM dixit, sed nostra ætas Patrington, ut Itali ex Prætorio oppido etiam Petrovina fecerunt. Hic me falsum non esse & distantia à DELGOVITIA & ipsum superstes nomen probat, quod etiam quodammodo innuit, hoc idem esse quod in Ptolemæi exemplaribus PETVARIA pro Prætorium corrupte concipitur. An vero hoc nomen acceperit, vel ex Prætorio ubi jus diceretur, vel ex laxo aliquo, & magnifico ædificio, cujusmodi Prætoria etiam à Romanis vocabantur, non constat. De vetustate autem sui & portus olim opportunitate gloriantur incolæ, nec de amœnitate minus gloriantur, amœnissimo enim fruitur prospectu, hinc Oceanum apertissimum, illinc suis littoribus nobile æstuarium conclusum, & viridantes Lincolnienfis agri oras è regione prospicit. Militaris Romanorum via * à Vallo, quam primum Antoninus persequutus est, hic terminatur. Ad mare enim, flumina, aut urbes ejusmodi publicas vias terminari scripsit Vlpianus. Inferius sedet Winsted habitatio Equestris familiaris de Hildeard, superius Rosse, unde nomen assumpsit, & sedem olim habuit, illustis prosapia Baronum de Rosse, & ad mare Grimstongarth, ubi Grimstoni diu claruerunt: parumque hinc distat Rife, domus quondam nobilium qui de Faulconberg appellati. Inde in ipsa promontorii lingua, qua maxime in conum contrahitur, & Spurnhead

Britannia.

dicatur, KELLNSEY visitur viculus, qui plane loquitur hoc ipsissimum esse OCELLVM Ptolemæi, nam uti ex OCELLO Kellnsy deducitur, ita Ocellum proculdubio ab T-kill factum est, quod Britannis Promontorium, sive angustum terræ tractum significare jam ante diximus.

Kellnsy.

Ab OCELLO littus sensim se retrahit, & moliter incurvum ad Septentriones pergit per Overthorne & VVithersy ecclesiolas, à sororibus quæ construxerunt, Sisters-kirks appellatas, nec procul à Constable-Burton à Dominis sic dicta, qui honoratissimis familiis per nuptias conjuncti summa dignitate hodie florent, & è quibus Robertus, ut in libro Monasterii de Meaux legitur, unus de militibus Comitis Albemarie, qui cum Rege Richardo versus terram Sanctam profectus senex & plenus dierum cruce signatus. Inde per Skipsey, quod Drugo primus Holderneſti Dominus castro firmavit. Vbi littus iterum in altum provehi incipit, sinumque admittit, Ptolemæo

Sisters-
kerkes.
Consta-
ble.

EVAIMENON GABRANTOVICORVM, quem Latinorum interpretes alii PORTVOSVM SINVM, alii SALVTAREM verterunt. Quorum neutrum vim Græci verbi melius exprimit, quam viculi nomen in ejus recessu, quem Suerby vocamus. Quod enim tutum, & periculo vacuum, id Britanni & Galli Seur dicunt, uti nos etiam Angli, qui forsitan à Britannis illum hausimus. Non est ergo cur ambigamus hunc ipsum fuisse EVAIMENON GABRANTOVICORVM, qui in vicinia habitarunt.

Sinus salu-
taris.
Suerby.

Gabran-
tovici.

Iuxta est Bridlington oppidum, notissimum Ioanne de Bridlington vate monastico, in cujus vaticinales rhythmos omnino ridiculos incidimus. Nec procul hinc longo tractu versus Driffield fossa ab Holdernesie Comitibus ad terras determinandas producta fuit, quam Earles dike vocarunt. Vnde autem hic popellus GABRANTOVICI nominati fuerint, rimari non ausim, nisi forsitan à capris, quas Gaffran Britanni vocant, & quarum non alibi in Britannia major copia inveniatur. Nec hæc absurda nominis notatio videatur, cum Egita Achajæ à capris, Nebrodes Sicilia à Damis, & Boetia Græciæ à bobus nomina mutuentur. Promontoriolum quod suo flexu hunc sinum effecit, Flamborough

Flambo-
rough
head.
Ida.

head vulgo, Saxonice Fleam-burgh ab authoribus dicitur, qui Idam Saxonem harum regionum primum domitorem ad hoc appulisse memorant. A Pharo nomen sumplisse credunt nonnulli, quæ noctu ad portum illum indicandum flammæ prætenderit. Flam enim è lingua provinciali Britanni etiamnum retinent, & hoc flammato capite in chartis suis Hydrographicis depingunt nautæ. Sunt tamen qui existimant hoc nomen ex Angloen Daniæ, avita Anglorum sede, in hanc insulam devenisse (ibi enim est Flemsburg oppidum) Anglofque inde sic nominasse; quemadmodum Galli, authore Livio, Mediolanum Italiae appellarunt à nomine relictæ ab eis in Gallia Mediolani. Flamborough enim viculus in hoc promontorio dicitur, unde originem habet altera nobilis familia Constabulorum, ut vocant, quam à Lacis Cestriæ Constabulariis deducunt nonnulli. Nihil certe hoc in loco percunctando accepi de rivis illis (Vipsis vocant) quos cæsis fontibus emanare alternis annis, magnoque & torrenti impetu mare petere juxta hoc promontoriolum scripsit Gualterus Heminburgensis. Habe tamen quod de illis

Flambo-
rough.
Constable
de Flamborough.
Vipsis
aquæ.

Ccccc scribit

scribit Guilielmus Newbrigenſis, qui eo loci natus. *Famoſa ille aqua, quas vulgo Vipleys vocant, numeroſa ſcaturigine e terra proſiliunt, non quidem jugiter, ſed annis interpoſitis, & facta torrente non modico, per loca humiliora in mare labuntur, qua quidem cum ſiccantur ſignum bonum eſt. Nam earum fluxus futura ſamis incommodum non fallaciter portendere dicitur.* Reducto deinde littore pulvinus in mare tanquam lingua exerta procurrat, cuiuſmodi veteres Angli *File* dixerunt, unde viculo nomen *Filey*: interiuſque *Fliſton* cernitur, ubi Athelſtani tempore Hoſpitale conditum erat *ad deſenſionem* (hæc ſunt verba ex Regiis Archivis) *populi tranſeuntis à lupis, ne devorarentur.* Vnde conſtat illa ætate lupos in hoc tractu graſtatos fuiſſe, qui jam in Anglia nuſquam comparent, ne in ipsis verſus Scotiam limitibus, cum ſint tamen in Scotia frequentiffimi.

Lupi.

Comites
Albamar-
liæ & Hol-
derneſſiæ.
Genealo-
giæ anti-
qua.

Hanc *Holderneſſiam* regiunculam Guilielmus Primus Drugoni de Buerer Flandro dedit, cui etiam neptem in uxorem dederat, quam cum ille veneno ſuſtuliffet, fugaque ſaluti conſuluiſſet, ſucceſſorem habuit Stephanum Odonis filium, *Albamarle* in Normannia Dominum, ex Campaniæ Co-

mitum familia oriundum, quem Guilielmus Primus, quia ſibi e ſore nepos erat, ut ſcribunt, Comitem *Albamarle* dixit, ejuſque poſteri in Anglia (licet *Albamarlia* fuerit locus in Normannia) titulum retinuerunt. Huic ſucceſſit filius Guilielmus cognomento * *Craffus*. Ejuſ unica filia *Hawifia* tribus maritis ordine enupta fuit, Guilielmo ſcilicet de *Magna villa Eſſexiæ* Comiti, *Baldwino Betonio*, & Guilielmo *Fortio*, ſive de *Fortibus*, e quo ſolo prolem ſuſcepit Guilielmum, quem ſequutus eſt Guilielmus filius. Cuius unica filia *Avelina* Edmundo * *Gibboſo* *Lancaltrenſi* Comiti in matrimonium data, ſine prole obiit. Atque ut in libro *Monafterii de Meaux* habetur, *Sic ob defectum hereditum Comitatus Albamarlæ, & Honor de Holderneſſe ſeiſiti fuerunt in manus Regis.* Inſequentibus tamen ſæculis *Edwardum Plantagenet* Eboraci Ducis filium in *Albamarlæ* Ducem, patre ejus ſuperſtite, creavit Rex *Richardus Secundus*, *Henricus* item *Quartus* *Thomam* filium, *Clarentiæ* Ducem, & *Albamarlæ* Comitem fecit, quem titulum *Richardo de Bello-campo* *Warwici* Comiti in honoris acceſſionem *Henricus Sextus* poſtea adjunxit.

* Le Gros.

* Crovoh-
backe.

NORTH-

N O R T H - R I D I N G .

North-
riding.

IX duobus pass. millibus supra *Flamburgi* Promontorium pars Borealis hujus regionis, live *North-riding* incipit, quæ cæteris partibus prætenta, à mari auspiciata longissimo tractu, sed minus lato per LX mill. pass. ad *Westmorlandiam*

in Occasum protenditur, hinc *Derventione*, & aliquandiu *Vro fl.* illinc continuo *Tesis* decursu, quo à *Dunelmensi* Episcopatu ad Boream se jungitur, comprehensa. Nec incommode hæc regio in has partes distribui possit, *Blackamore*, *Clive-land*, *North-baltvorton-shire*, & *Richmond-shire*.

Scarbo-
rough
castle

Quæ ad Ortum & mare vergit *Blackamore*, hoc est, terra nigra & montana dicitur, cautibus enim, montibus, & sylvis passim exasperatur. Oram maritimam *Scarborough* castrum celeberrimum illustrat, *Sceap-burg*, id est *Burgus in prærupta rupe*, olim dictum. Cujus descriptionem habet tibi ex *Guilielmi Newbrigenensis* historia. *Rupes stupenda altitudinis, & amplitudinis præruptis fere ex omni parte scopulis inaccessa mare irrupit, quo tota ambitur, exceptis tantquam faucium quarundam angustis, quas aperit ad Occidentem, habens in summo planitiem speciosam, herbidam, & spatiosam, tanquam sexaginta jugerum, vel eo amplius, fonticulum quoque aqua viva ex saxo profluentem. In ipsis autem faucibus, ad quas sine labore non ascenditur, turris regia sita est, & sub iisdem faucibus urbis initium est in Austrum & Aquilonem utrumque latus spargentis, frontem vero ad Occidentem habentis, & à fronte quidem proprio muro, ab Oriente vero rupe castelli munitur, porro utrumque ejus latus mari alluitur. Hunc locum *Guilielmus* (*Crassus ille Albemarle & Holderneſie Comes*) castro construendo idoneum contemplatus, sumptuoso opere naturam juvans, totam rupis planitiem muro complexus est, & turrem in faucium angustis fabricavit, qua processu temporis collapsa, arcem magnam & præclaram *Henricus Secundus* ibidem edificari præcepit, cum ille jam Angliæ proceres, qui in soluto illo *Stephani* imperio Regium patrimonium acciderant, in primis vero *Guilielmum* illum *Albæmarlium*, qui in hoc tractu solus regnaverat, & hunc locum quasi sui juris occuparat, in ordinem redegiſſet. De projectissima *Thomæ Stafford* audacia, qui cum pauculis Gallis, ut magnis excideret ausis, hoc castrum, regnante *Maria*, ex improvſo cœpit, biduumque tenuit, nihil attinet dicere, nec de *Sherleis* nobili Gallo, qui illum comitatus, reus læsæ majestatis pro *Tribunali* peractus erat, licet exterius, quod contra *Legeantia* sua debitum fecerit, pace inter Angliæ & Franciæ regna tunc vigente. Notiora hæc sunt quam ut meis scriptis possint innotescere. Operæpretium tamen videatur annotare uberriam, & quætuosissimam hic in subiecto mari *Halecum* (live *Leucomenidarum*, aut *Chalcidum*, si ita mavis) piscaturam, *Hollandos*, & *Zelandios* exercere, cum veniam prius veteri instituto ex hoc castro impetraverint. Veniam enim piscandi semper concesserunt Angli, honore sibi reservato, utilitate vero exteris quasi per desidi- am resignata. Incredibile enim fere est, quantam*

Britannia.

Vide
Dier.
144.
Halecum
quætuosa
piscatura.

pecuniæ vim ex hac in nostro littore piscatura *Hollandi* sibi corrogant. *Haleces* hæc (ignosce quæso si paucis divini erga nos beneficii extra ordinem meminero) tempore quo proavorum seculo tantum ad *Norwegiam* sua quasi stativa habuerunt, nostro *Britanniam* nostram non sine divino consilio, numerosis examinibus quotannis circumnatant. Circa solstitium æstivum ex alto littora *Scotiæ* petunt, quo tempore quia pingui- ores sunt statim divenduntur. Inde *Anglica* littora adeunt, & ab Augusto medio ad Novem- brem optima & uberrima eorum est captura à *Scarborough* usque ad *Tamisis* ostium. Postea aliqua vehementiori procella in *Britannicum* mare deferuntur, & in eo ad *Christi* usque natalitia se piscantibus offerunt, hinc *Hiberniam* utrinque pernatantes in *Septentr. Oceanum*, circumnavigata *Britannia*, se transferunt, & ad *Iunium* quasi subsistunt, & postquam ibi fortificave- re, immenso agmine regrediuntur. Hæc autem dum scribo subit mihi in mentem quod apud *S. Ambrosium* quondam legi, *Pisces ex plurimis locis à diverso sinu maris innumeri, velut communi consilio convenientes, conjuncto agmine flatus Aquilonis petunt, & ad illud Septentrionalium mare partium quadam natura lege contendunt. Dicas si ascendentes videas, Rheuma quoddam esse, ita prorunt fluctusque perſecant per Propontidem in Euxinum Pontum violento impetu profluentes. Sed ad rem jam se recipiat oratio.*

Inſectitur inde littus cautibus præcisum usque ad *Teise* fluvium, sinusque circumducto littore efficitur plus minus mille pass. patens, quem à nominatissimo exlege *Roberto Hood*, *Robbin Hoods Bay* vocamus. Illum enim (*Richardo Primo* regnante) floruisse author est *Ioan. Major Scotus*, à quo prædonum principis & prædonis mitissimi elogio honestatur. Inde *DVNVS SINVS*, à *Ptolemæo* memoratus, statim refugiente utrinque littore ostenditur, cui *Dunesley* viculus adſidet, & huic contiguum *VWhirby*, Saxonice *bepeaner-heale*, quod *Beda Sinus Phari* interpretatur. Nec illam interpretationem in quæſtionem vocare libet, quamvis nostra lingua adeo referat *Sinum salutis*, ut hunc ipsum fuisse *Salutarem sinum* dixerim, nisi apud *Geographum* situs aliud perſuaderet. Lapi- des hic inveniuntur, serpentium in spiram revo- lutorum effigie, naturæ ludentis miracula, quæ, ut inquit ille, Natura cum veris & seriis negotiis quasi fatigata, ludendo efformat. Serpentes olim fuisse crederes, quos lapideus cortex intexisset. *Hildæ* autem precibus adſcribit fama, tanquam illa commutasset, quæ primitiva *Saxonum Eccleſia*, sacerdotum tonsuræ, & Paschatis juxta *Romanum* ritum celebrationi pro viribus obſiste- bat, Synodo his de rebus anno *DC LXXXIII* habita in *Monasterio* suo, quod hoc in loco posuerat, & cui ipsa prima præfuit. Cujus etiam sanctitati ad- ſcribitur, quod anſeres illi immanſueti qui hiber- no tempore se conferunt gregatim ad lacus, & fluvios in *Australibus* partibus non congelatos, dum super quosdam adjacentes hic agros trans- volant in terram non sine summa omnium admi- ratione

Hexame-
ron lib. 5.
cap. 10.

Teise. fl.

Robbin
Hoods
Bay.

Dunum.

Dunesley.

Whitby.

Serpentes
lapidei.

Hildæ.

Anſeres
deciden-
tes.

ratione subito decidunt. Quod non retuliffem nisi à plurimis fide dignis accepiffem. Qui autem à fuperftitiofa credulitate alieni, hoc ad vim hujus foli abditam & diffenfum latentem inter hoc folum, & illos anferes, ut inter lupos & bulbos scyllæ referunt. Hujusmodi enim confenfus & diffenfus latentes, quos Sympathias & Antipathias dicunt, propter confervationem, providam naturam rebus quamplurimis indidiffe nemo non agnofcit. Edelſteda Oſwini regis filia ampliffimis redditibus hoc poſtea adauxit, ubi & patri juſta ſolvit. Sed demum Danicæ deprædationis tempeſtas omnino evertit, & quamvis Serlo Percius inſtauravit, cum ſtatim à Normannorum adventu eidem præficeretur: nunc tamen antiquæ dignitatis vix tenuæ præ ſe fert veſtigium. In proximo, prærupto in colle, inter duos tamen colles editiores ad mare, Wadæ Ducis Saxonici caſtrum fuiſſe ferunt, qui in illa confuſa Nordan-humbrorum anarchia, & regulorum laniena, inita cum Ethelredi regis percufforibus ſocietate, Ardulphum regem aperto Marte ad *Whalley* in agro Lancaſtrenſi laceſſivit, ſed fortuna adeo adverſa, ut ſuis proſtigatis, ipſe ſibi fuga conſuleret, poſtea que morbo abſumptus vitæ fabulam peregit, & hic in colle inter duo ſaxa ſolida ſeptem plus minus pedes alta tumulatur, quæ cum undecim pedibus diſtarent, illum gigantea fuiſſe mole non dubitant affirmare. Iuxta longo poſt tempore caſtrum poſuit Petrus de *Malo-lacu*, quod quaſi gratia, venuſtateque plenum eſſet, *Moult-grace* Gallice nominavit (ut in hiſtoria Mealcenſi legimus) ſed cum circumvicinis graviſſimum eſſet jugum; populus penes quem uſus loquendi, mutata litterula *Moultgrave* dixerunt, quo nomine, licet nominis ratio minus ſit nota, omnibus innotefcit. Petrus hic de *Malo-lacu* vulgo *Mauley* dictus, ut in hoc curioſis ſatisfaciam, è *Piſtonibus* Galliæ oriundus Roberti de *Turnham* unicam filiam regnante Richardo Primo in matrimonium duxit, cujus jure offerriſſimam hic adiit hæreditatem, cui ſeptem Petri Domini de *Malo-lacu* ſuo ordine ſucceſſerunt, qui pro inſignibus areola nigra tranſverſa, ſive *Benda*, in aureo clypeo uſi ſunt, verum cum ſeptimus ſine ſobole ſatis conceſſiſſet, per ejus ſorores hæreditas inter equeſtres familias *Salvainorum* & *Bigotorum* partita erat.

Sympa-
thia &
Antipa-
thia.

Wada
Dux ad
quem Wa-
dorum fa-
milia or-
tum re-
fert.
798.
Wades-
grave.

Moulgra-
ve caſtle.
Barones
de Malo-
lacu.

Geate.
Gagates.

Alii ſunt,
qui carbo-
nem no-
ſtrum ſo-
ſilem Ga-
gatem eſſe
credunt.

Prope hunc locum, & alibi in hoc littore reper-
tum eſt Succinum nigrum, ſive *Geate*, Gagatem a-
liqui eſſe exiſtimant, quem inter rariores lapides,
gemmasque habuerunt veteres. Enaſcitur vero in-
ter cautes ubi rimis dehifcunt, & priuſquam ex-
poliatur, colore eſt ſubruſo, & æruſinoſo, expoli-
tum autem vere eſt, ut inquit Solinus, nigro-gem-
meus. De quo Rhemnius Palemon è Dionyſio,

Præfulget nigro ſplendore Gagates.

Hic lapis ardeſcens aſtro perſuſus aquarum,

Aſt oleo perdens flammas, mirabile viſu

Attritus rapit hic teneras ſeu ſuccina frondes.

Et Marbodæus in ſuo de Gemmis libello,

Næſcitur in Lycia lapis, & prope gemma Gagates,

Sed genus eximium ſæcunda Britannia mittit,

Lucidus & niger eſt, levis & leviſſimus idem:

Vicinas paleas trahit attritu calefactus,

Ardet aqua lotus, reſtinguitur unctus oliſvo.

Audi etiam Solinum: *Gagates in Britannia pluri-
mus, optimusque lapis, ſi colorem requiras, nigro-gem-
meus, ſi qualitatem, nullius fere ponderis, ſi naturam, aqua
ardet, oleo reſtinguitur, ſi poteſtatem, attritu calefactus
applicata detinet.*

A *Whitby* recedunt in Occaſum littora, quibus
adjacet *Cliveland*, à clivis, ut videtur, nomine ac-
cepto, (quos *Cliffes* noſtra lingua vocamus) Mon-
tes enim clivoſi paſſim per hanc latera trahunt,
ad quorum radices regio in fertiles campos æ-
quatur.

In littore *Sken-grave* viculus multiplici piſcium
captura lætatur, ubi & hominem marinum ante
ſeptuaginta annos captum per aliquot dies cru-
dis piſcibus veſcentem ferunt, ſed qui captata
oportunitate ad ſuum evaſit elementum. Cum
ſopitis ventis placidiſſima ſit maris malacia & a-
qua quaſi in planitiem ſtrata ſilet, ſæpenumero
ſubito longe hic exauditur horrendus quaſi ge-
mitus, quo tempore piſcatores non audent in al-
tum provehi, qui pro ſuo captu credunt Ocea-
num immanem eſſe belluam, & tunc famelicam
importunius corpora humana quæ devoret, eſſa-
gitare. Sub *Sken-grave* ſedet *Kilton*, caſtrum vivario
incluſum, olim inclytæ familiæ *Thwengorum*, quo-
rum patrimoniū ad Barones de *Lumley*, *Hiltonium*,
& *Daubeneium* deſcendit: huicque fere contiguum
Skelton caſtrum adſidet antiquæ familiæ Baronum
de *Brus*, qui originem trahunt à Roberto *Brus*
Normanno. Ille duos habuit filios, Adam Domi-
num de *Skelton*, & Robertum Dominum *Vallis A-
nandæ* in Scotia, à quo ſtirps regia Scotorum, Pe-
trus vero *Brus* quintus Dominus de *Skelton* ſine ſo-
bole obiit, & ſorores hæredes reliquit. Agne-
tem nuptam Waltero de *Falconberg*, Luciam Mar-
maduco de *Thweng*, à quo Baro de *Lumley*, Mar-
garetam Roberto de *Roos*, & Laderinam Ioanni
de *Bella-aqua*, viris eo ſeculo magni honoris &
exiſtimationis: poſteri Walteri de *Falconberg* diu
floruerunt, tandem vero per ſceminam poſſeſſi-
ones ad Guilielmum *Nevil* deſcenderunt, quem
bellica virtus illuſtravit & Rex Edwardus Quar-
tus Comitibus Cantii titulo ornavit. Filia autem
ejus I. *Coigniers*, N. *Bedhorwing*, & R. *Strangways* da-
tæ fuerunt in matrimonium.

Prope *Hunt-cliffe* autem in littore, recedente
æſtu, ſcopuli eminent, ad quos Phocæ, quas nos
Seales contractius (ut aliqui volunt) pro *Seaveale*,
id eſt, *vituli marini*, agminatim ſe conferunt, ut dor-
miant & apricentur, in quo ſcopulo littori pro-
ximo unus quaſi procubitor excubat, cumque ali-
quis accedat, vel ſaxo deſecto, vel ſe cum ſonitu
in aquis devoluto, cæteris ſignum dat, ut ſibi
conſulant, & undis ſe committant. A viris ſibi
maxime metuunt, quos inſequentes cum aqua
ſint deſtituti reſecto poſterioribus pedibus quaſi
arenæ & grumorum turbine ſæpe repellunt, à
ſceminis minus timent, adeo ut qui eos capere
velint, muliebri veſte ſe induant. Eadem ora in-
veniuntur lapides flaveſcentes, rubefcentes, &
nonnulli falſa quadam materia incruſtati, qui ex
odore & guſtu calchanthum, nitrum, & ſulphur
promittunt, nec non plurimus pyrites ærei co-
loris.

Iuxta ad *Huntly Nabb* littus, quod longo tractu
jacuit apertum, in cautes celſius ſurgit, & ſpar-
ſim

Cliveland.

Homo
Marinus.

Kilton.

Skelton.
Brus de
Skelton.

Barones
Falcon-
berg.

sim ad earum radices jacent saxa, varia magnitudine tam affabre Sphærica figura à natura efformati, ut globi artificis manu in majorum tormentorum usum tornati videantur. In quibus effractis inveniuntur serpentes saxei suis spiribus revoluti, sed qui plerique capitibus destituti. *Wilton* castrum quondam *Bulmerorum* inde conspicitur, & supra ad *Dobham* in Oceanum *Tesis* fl. se evolvit, cum plures rivos hospitio susceperit & novissime anonymum juxta *Yarum* mercatu suo notum, qui *Stokesley* irrigat emporium, quod ad inclytam familiam de *Eure* jam diu spectavit. Sub quibus *Wharleton* castrum quondam Baronum *Meinill* & *Harlsey* familiæ *Hothom*, nec non postea *Strangwaies*, cum vetustate jam colluctantur.

Tesis quod dixi ostium, navigantibus olim spectum, jam tuta statio deprehenditur, & ad tutum accessum indicandum utraque in ripa Phari nostra memoria sunt constitutæ. Ad quartum ab hoc ostio milliæ *Gisburgh* editius sedet, nunc exiguum oppidum, sed cui dum stetit, magnæ gloriæ fuit Monasterium perpulchrum & opulentum, quod à Roberto de *Brus* loci Domino circa annum Salutis M C X I X constructum fuit, commune sepulchrum nobilibus in hoc tractu, & Gualterum de *Hemingford* historicum non ineruditum produxit. Locus sane hic eximius & qui cum Puteolis Italiæ amœnitate, grata varietate, & raris naturæ dotibus contendat, quos tamen salubritate longe superat. Aer interjectu montium, qua mare hybernatur, mollitur, solum fecundum, gramine lætum magnam anni partem blandos flores effundit, venisque metallicis & terra aluminosa colore vario, sed præcipue ochræ & ferruginis, è qua alumen optimum & calchanthum excoquere jam incœperunt, opulente abundat. Quod singulari solertia primus deprehendit ante paucos annos eruditus naturæ venator Cl. Eques auratus Tho. *Chaloner* (cujus curæ Britannicæ delicias Henricum Principem filium suum Rex noster maximus commisit) cum observasset folia arborum hic magis quam alibi subvirere, quercus late diffusas non altas radices agere, quibus plurimum roboris & parum succi, solum argillaceum, variisque coloribus, albicans scilicet, subflavum, & cæruleum nunquam gelu constringi, & nocte sublustri in semitis vitri instar emicare.

Ounsbery *Topping* mons præceps & totus virens haud procul assurgit præalta specula longe spectabilis, qui & navigantibus pro indicio, & vicinis est pro prognostico: quoties enim culmen nube circumfunditur, plerumque pluvia subsequitur, è vasto saxo prope verticem fons oculis affectis salutaris effluit; & hinc gratissimo spectaculo vales reductæ, colles herbidi, prata virentia, pascua læta, arva frugifera, rivuli piscosi, portuosum *Tesis* fluminis ostium, littora aperta sine inundationis periculo, mareque velivolum despectantur. *Kildale* huic subest, Perciorum Comitum Northumbriæ castrum. Magisque ad Ortum *Danby*, quod à *Brus* etiam per *Thwengos* ad Barones *Latimeros* devenit, à quorum hærede nati fuerunt *Wiltoughbai* Barones *Broke*. Verum hoc *Danby* cum aliis possessionibus *Nevillis* divenditum, è quibus Georgius *Nevill* ab Henrico Sexto ad Parlamenta nomine Domini *Latimer* inter Barones evocatus

Britannia.

fuit, in cujus sobole ad nostra usque tempora permanfit hæc dignitas. Nihil aliud est quod hic adnotem, nisi Baronem de *Meinill* nonnulla prædia hoc in agro de Archiepiscopis Cantuariensibus tenuisse, pro iisdem *Coignieros*, & *Strangwaies*, & alios, qui ab iis prognati sunt, ad obsequia, & servitia militaria Archiepiscopis præstanda astrictos esse. Cumque ex Prærogativa, *Rex Angliæ* (Prærogativa verbis utor) *habebit custodiam omnium terrarum eorum, qui de ipso tenent in capite per servitium militare, de quibus ipsi tenentes fuerint seisciti in dominico suo ut de feodo, die quo obierunt, de quocunque tenuerint per hujusmodi servitium, dum tamen ipsi tenuerint de Rege aliquod tenementum ab antiquo de Corona, ad legitimam ætatem hæredis.* Excipiuntur tamen hæc feoda, & alia Archiepiscopi Cantuariensis, & Episcopi *Dunelmensis*, ita ut habeant hujusmodi terrarum custodiam, licet alibi tenuerint de Rege.

Interius ad montes de *Blackamore*, præter vagos rivulos & rapidos torrentes, qui passim convalles sibi vendicant, memorandum nihil occurrit, nisi *Pickering* Lancastrensis patrimonii oppidum non parvum, colli adfixum & veteri castello munitum, ad quod plurimi circumfusi viculi spectant, unde vulgo *Pickering Lith*, *Libertas de Pickering*, & *Forresta de Pickering* (quam Edmundo filio juniore Lancastriæ Comiti Rex Henricus III elargitus est) regio adjacens denominatur. In qua ad Derwentionem *Atton* sita est, quæ nomen fecit præclaræ Equitum familiæ de *Atton* à Dominis de *Vesey* oriundæ, cujus hæreditas per filias inter Edwardum de S. *John Everos*, & *Coignieros* partita. Ab Edwardo autem S. *John* per filiam ad Henr. *Bromflet* magna portio devenit. Qui quidem Henricus vocatus est ad Comitum Parlamentaria his conceptis verbis, quæ non alibi in Parlamentariis submonitionibus occurrunt, *Volumus & vos & hæredes vestros masculos de corpore vestro legitime exeuntes Barones de Vesey existere.* Postea per filiam titulus ille ad *Cliffordos* transivit. Ex altera parte ad quartum à *Pickering* milliæ, juxta *Dow* rapidum fluvium, *Kirkby-Morside* non postremæ sortis mercatus quondam *Estotevillorum* possessio collibus adjacet, unde nomen impositum.

Post hæc ad solem Occidentem *Rhidall* substernitur, vallis læta, amœna, fecunda, viginti tribus parochialibus ecclesiis ornata, quam *Rhie* fluvius interfecat; Locus, ut inquit *Newbrigen* sis, *vastæ solitudinis, & horroris*, priusquam Gualterus *Espec* Cluniacensibus monachis concesserat, & cœnobium fundarat. In hac *Elmesley* sedet, quod *Vlmetum* (si non mihi impono) *Beda* vocat, ubi Robertus ille de *Ross* dictus *Fursan* castrum construxit, juxta quod *Recall* fl. se sub terram condit. Inferius ipsi flumini *Riton* adidet, antiquæ familiæ *Percibajorum*, qui *Percyes* vulgo vocantur, antiqua possessio. Inde *Rhies* multorum torrentum aquas secum in Derwentionem evolvit, qui irrigat hac in valle *Malton* forum frumento, equis, piscibus, & instrumentis rusticis celebratum, ubi veteris castri radices visuntur, quod olim (ut accipi) ad *Vescios*, amplissimos in his partibus Barones, spectavit. Horum stemma (ut ex Archivis regis constat) à *Guilielmo Tyson* deducitur, qui Dominus *Maltonæ* & *Alnewici*, in Northumbria in prælio apud *Hastings* contra Normannos cecidit.

Eeeeeee Vnica

Historia Cantuariensis.

Prærogativa Reg. 17. Et. 2.

Wardship.

Blackamore.

Pickering.

Atton.

27. H. 6. Bromflet Dominus Vesey.

Kirkby-Morside.

Rhidale.

Elmesley quæ etiam Hamlak.

Malton.

Barones
Vesey

Vnica ejus filia data fuit in matrimonium Ivoni de *Vesey* Normanno, qui filiam item unicam reliquit Beatricem, quacum Eustachius filius Ioannis Monoculi nuptias contraxit, qui religiosas ædes regnante Stephano apud *Malton & Watton* posuit. Ejus enim uxor secunda Domina fuit de *Watton*, filia Guilielmi Constabularii Cestriæ. Eustachii ex Beatrice filius Guilielmus è materno utero cæsus *Vesey* nomen sibi assumpsit & insignia, videlicet Crucem argenteam in rubeo scuto. Hic è B. filia Roberti *Esfotevil* de *Knareburg* duos progeniuit filios, Eustachium de *Vesey*, qui Margaretam filiam Guilielmi Regis Scotorum in uxorem accepit, & Guarinum de *Vesey* Dominum de *Knapton*. Eustachius pater erat Guilielmi, qui Ioannem sine prole defunctum, & Guilielmum rebus in Hibernia gestis clarum progeniuit, qui insignia familiæ in auream parmam cum nigra Cruce commutarunt. Guilielmus vero, cum legitimus filius Ioannes in bello Wallico obiisset, Regi Edwardo nonnullas in Hibernia concessit terras, ut filius illegitimus, Guilielmus de *Kildare* dictus, paternam hæreditatem adiret, hæredemque instituit fiduciarium in usum filii Antonium *Bec E-piscopum* Dunelmensem, sed parum fidum de *Alnewick, Eltham* in Cantio, & aliis terris, quas sibi intervertisse perhibetur. Filius autem hic illegitimus prælio Sterlingensi in Scotia occubuit. Re-diditque titulus tandem ad *Attonorum* prosapiam, cum Guarini *Vesey* unica filia Margareta enupta esset Gilberto de *Atton*. Sed de his satis superque, & paulo ante jam dictum.

Lib. Du-
nelm.Newbor-
row.

Biland.

Mowbra-
jorum fa-
milia.* Alibi De
Fronte
bovis vo-
catur.Reg. Mo-
nast. de
Fontibus.Gilling-
castle.Fair-fax.
Fax.Faxed
starre.The For-
est of Gal-
tres.

Prope hanc vallem *Neuburgus*, cui Guilielmum *Neubrigensem* rerum Anglicarum scriptorem doctum & diligentem debemus, nunc habitatio est familiæ claræ de *Bellafise* ex Episcopatu Dunelmensi oriundæ, & *Bellelanda* vulgo *Biland*, duo celeberrima monasteria floruerunt, quæ Rogerus *Mowbray* posuit, & dotavit. *Mowbrayorum* horum familia, si qua alia, potens, nobilis, & opulenta fuit, & latifundia amplissima cum castellis *Slingesby, Thresk*, aliisque in hoc tractu possedit. Originem hujus prosapiæ si quæris, uno verbo expediam. Cum Rogerus de *Mowbray* Northumbriæ Comes, & R. * *Grande-beofe*, ob perfidiam omnibus possessionibus exuti essent, Rex Henricus Primus Nigello de *Albenie* ex eadem familia, qua *Albenie* Arondellæ Comites, viro summo loco inter Normannos nato, qui Guilielmo *Ruso* ab arcu erat, maximam earum partem contulit, adeoque ditavit, ut in Anglia CXL in Normannia CXX, *feoda militaria* teneret. Insuper etiam, ut Rogerus ejus filius *Mowbray* nomen assumeret, à quo *Mowbray* illi Nottinghamiæ Comites, & Northfolciæ Duces sunt procreati. Ad hos etiam *Mowbray* Gilling castrum adjacens olim spectavit, nunc vero ad familiam illam antiquam & claram, quæ à pulchro capillitio *Fairfax*, id est, *Pulchricoma*, nomen accepit, *Fax* enim priscis Anglis crines vel capillos denotat, unde illi Cometam, sive stellam crinitam *Faxed starre*, ut locum, de quo ante dixi, *Haly-fax*, à sacris crinibus vocarunt.

Deinde ad Austrum *Calatierum nemus*, vulgo *The Forest of Galtres*, subjacet, arboribus alicubi opacum, alicubi uliginosa planitie madescens: hodie equorum solenni cursu, in quo victori

equo campanula aurea præmio proponitur, celeberrimum. Vix enim credibile, quanta hominum multitudo ad hæc certamina undique confluat, & quantis depositis pignoribus de equorum velocitate concertetur. In hoc nemore *Creac* cernitur, quod Egfridus Nordanhumbro- rum Rex anno DCLXXXIII, cum tribus in circuitu milliariibus S. Cuthberto elargitus est, per quem ad Dunelmensem ecclesiam devenit. Vix quarto hinc milliari *Sherry-button* summæ elegantie castrum à Bertramo de *Bulmer* extructum, & à Radulpho *Nevill* primo Westmorlandiæ Comite restauratum, inter nemuscula amœnissime sedet, cui vicinum est *Hinderskell* castellum constructum à Baronibus de *Greystocke*, aliis à fontium ebullientium multitudine * *Hunderd-skell* dictum.

Post montes ad Occasum, ubi in planitiem, & lætiores campos regio denuo se explicat, *Alverton-shire*, vulgo *North-Alerton*, regiuncula *Wisko* fluvio irrigata jacet, nomine à *North-Alverton* oppido sumpto, olim *Calpeptun*, quod nihil est nisi platea longior: sed nundinis boariis festo S. Bartholomæi, omnium quæ hæcenus vidi, frequentissimum. Guilielmus Rufus Rex hoc ecclesiæ Dunelmensi cum agro adjacenti donavit, cujus Episcopis plurimum debet. Castrum enim Guilielmus *Comin*, qui Dunelmensem sedem vi occupavit, construxit, nepotique suo concessit, quod nunc quodammodo disparuit, & qui subsequenti sunt episcopi, immunitates quasdam indulserunt. Libro enim Dunelmensi legitur, *Hugo de Puteaco*, *Dunelmensis episcopus*, oppidum firmavit, impetrato à rege ut inter castra adulterina, quæ tunc *sparsim* per Angliam destrui jubebantur, hoc solum privilegium integritatis obtineret; quod Rex tamen postea mandavit everti, & solo funditus equari. Iuxta hoc, prælium, quod vulgo de *Standardo* dicunt, factum, in quo David Scotorum Rex, qui his regionibus fere solitudinem inaudita crudelitate fecerat, tanta suorum strage in fugam conjectus erat, ut tum demum justæ iræ parentatum existimarint nostri. Vere enim hoc in bello effectum, quod Radulphus Episcopus, dum Anglos oratione ante prælium acueret, dixit, *Multitudo disciplina insolens ipsa sibi est impedimento, in prosperis ad injuriam, in adversis ad fugam*. De *Standardo* hoc prælium dictum est, eo quod Angli circa vexillum, sive *Standardum* conglobati primum Scotorum impetum exceperint, sustinuerint, eosque demum profligaverint. *Standardum* autem hoc erat, ut in antiquis libris depictum vidimus, currus ingens rotis suffultus, in quo malus eximie altitudinis infixus, in cujus summo crux eminebat, & infra crucem vexillum appendebat. Signum autem erat summæ expeditionis, & quasi sacra ara existimabatur, planeque idem quod *Carrociolum* erat Italis, quod nunquam nisi cum de summa reum ageretur, educi licuit.

In hac etiam regiuncula, *Thresk*, vulgo *Thrusk*, memorandum est, quo olim munitissimum habuit castrum, è quo Rogerus *Mowbray* seditio- nis signum sustulit, & Scotorum regem ad patriæ incendium evocavit, cum Henricus II, consilio parum sano, sibi quodammodo sepulchrum effodisset, filium æquata potestate regem designando. Sed hæc seditio sanguine demum erat restincta, & hoc castrum funditus eversum, adeo

Equorum
decursus
solennis.

Creac.

Sherry-
button.Hinderf-
kell.
* Centum
fontes.North-
Alverton-
shire.

Cap. 126.

1137.

Bellum de
Standard.
Hovede-
nus.Standar-
dum.Carro-
cium.

Thresk.

Comes
Northum-
briæ à se-
ditiosis in-
terfectus.

Lafcelles.

Eboracer-
ses Com-
tes & Du-
ces.
Anno r.
Rich. I.
Hovede-
nus.Duces
Brunf-
wici.Parlam.
10. H. 6.Ex Rot-
lis Parl-
menti 3.
H. 6.

ut præter vallum nihil castri ibi viderim. Alia etiam seditionis fax, Henrico Septimo regnante, hic exarsit; cum enim vulgus indomitum leve tributum gravissime ferrent, quod à regni ordinibus imperatum, & Rationales, sive Collectores abegissent, protinus, ut scilicet temeritas nunquam invenit modum, in Henricum *Percium* Northumbriæ Comitem qui provinciæ præfuit, hoc in loco irruunt, interficiunt, & Ioanne *Egremond* Duce, arma in patriam, & principem arripiunt; verum paucos post dies poenas Reipublicæ graves, & iustas perolverunt. Hic in proximo sunt *Sourby*, & *Brakenbak*, vetustæ sane & præclaræ familiæ de *Lascelles*, & magis ad Austrum *Sezay*, quondam *Davellorum*, postea *Dawniorum*, quæ equestri dignitate diu floruerunt.

Eboracensis provinciæ (post Guilielmum *Malles*, & *Estotevillum* unum & alterum è stirpe Normannica, quos hæreditarios Vicecomites fuisse volunt) primus & unicus Comes erat Otho filius Henrici *Leonis* Ducis Bavarix & Saxonix è Matilde filia Henrici Secundi regis Angliæ, qui postea Imperator Augustus salutatus & Otho Quartus appellatus. A cuius fratre Guilielmo altero Matildis filio oriundi sunt Duces Brunswicenses & Lunæburgenses in Germania, qui in hujus cum Angliæ regibus cognationis argumentum, iisdem insignibus, quibus primi reges Angliæ è sanguine Normannico, duobus scilicet leopardis sive leonibus aureis in clypeo rubro utuntur. Longo post tempore Edmundum de *Langley* Regis Edwardi Terti filium, quintum Eboraci Ducem instituit Richardus Secundus, cui ex altera filia Petri Regis Castiliæ, & Legionis nati sunt duo filii. Edwardus primogenitus patre superstite fuit primum Comes Cantabrigiæ, postea Dux Albemariæ, & demum Dux Eboracensis, qui fortiter in prælio ad *Agincourt* in Galliis, nulla suscepta prole vitam profudit. Richardus Secundo-genitus Comes erat Cantabrigiæ, qui ducta in uxorem Anna sorore Edmundi de *Mortuomari* Comitis *Marchie*, cui avia itidem erat filia unica & hæres Leonelli Ducis Clarentiæ, Edmundum uxoris fratrem ad regiam dignitatē evehere molitus, statim interceptus capite luit, quasi à Gallis corruptus Henrici Quinti vitæ insidiatus fuisset. Richardus ejus filius decimo sexto post anno summa sed improvida Henrici Sexti benignitate in integrum restitutus fuit, ut filius *Richardi fratris Edwardi Ducis Eboracensis*, & consanguineus *Edmundi Comitis Marchie*. Iamque Dux Eboraci, Comes *Marchie*, & *Vltonia*, Dominus de *VVigmore*, *Clare*, *Trim*, & *Conaght*, tantos spiritus assumpsit, ut regnum, quod clandestino malis artibus, de Republica male administrata quiritando, seditiosos rumores & libellos famulos disseminando, fœdera occulta ineundo, tumultus imo & bella excitando, aliquandiu affectaverat; tandem contra Henricum Sextum in Ordinum conventu publice suo jure postularet; utique qui filius Annæ *Mortuomariæ* sororis & hæredis Edmundi Comitis *Marchie*, cui genus recta linea à Philippa filia & unica hærede Leonelli Ducis Clarentiæ filii

Duces
Brunswici.

Parlam.
10. H. 6.

Ex Rotulis
Parlamentis
39. H. 6.

terti Regis Edwardi Terti; & igitur liberis Ioannis Gandavenfis, qui quartus erat Edwardi Terti filius jure optimo in regni successione præferendus. Cui cum responsum esset, regni proceres, ipsumque Ducem in regis fidem jurasse, regnum Parlamentaria autoritate Henrico Quarto & ejus hæredibus delatum & confirmatum fuisse, Ducem autem ipsum, qui jus à Duce Clarentiæ vendicat, Dignam sive *Arma* Ducis Clarentiæ nunquam sibi assumpsisse, & Henricum Quartum regnum jure ab Henrico Tertio repetito occupasse. Hæc ille facile elusit. Iusjurandum scilicet illud Regi ex jure humano factum neutiquam præstandum, cum contra veritatem & justitiam fuerit, quæ sunt ex jure divino, haud opus fuisse autoritate Parlamentaria ad regnum Lancastrensis deferendum, neque ipsos hoc voluisse, si quo jure niterentur; ab *Armis* Ducis Clarentiæ, quæ sibi jure competere, perinde ac à regno vendicando consulto eo usque abstinuisset: Jus autem illud ab Henrico III repetitum commentum esse ridiculum ad injuriam velandam, & nulli non exploratum. Hæc licet pro Eboracensi Duce exploratissimi erant juris, prudenti tamen consilio ad imminendum periculorum remedium ita temperata res est, ut Henricus Sextus ad vitam regno uteretur frueretur, Richardus Dux Eboracensis regni hæres & successor designaretur, interposita cautione, ut neuter in alterius perniciem quicquam moliretur. Sed eo usque ambitio Ducem statim præcipitem egit, ut dum spes suas anteire pararet, exitiabile illud bellum inter Lancastrensem & Eboracensem familiam Albæ & rubræ rosæ symbolis distinctum concitavit. Quo ipse mox ad *Wakefeldiam* occubuit; Henricus Sextus quater captus, tandem regno & vita spoliatus fuit: Edwardus Comes *Marchie* Richardi filius regnum obtinuit, eodemque deturbatus, denuo recuperavit (sic fortuna inconstans & ludibunda attollendo & premendo sibi ludos facit) regii sanguinis Principes plurimi, & proceres splendidissimi è medio sublatis, hæreditariæ illæ & opulentæ Regum Angliæ in Gallia provinciæ amissæ, Hibernia neglecta & efferata, opes regni omnino accisæ, & misellus populus nullo non calamitatum genere obrutus. Edwardus autem folio confirmatus & ejus nominis in Regum serie Quartus Richardo filio secundo Ducatus Eboracensis titulum contulit, qui cum Rege fratre à Richardo tyranno patruo tenella ætate fuit extinctus. Dein Henricus Septimus filio suo juniore, qui postea Henrici Octavi nomine in Angliæ Regem inauguratus, eundem concessit. Et nuperrime 1604. Rex Jacobus Carolum filium secundo-genitum, quem antea in Scotia Ducem *Albanie*, Marchionem *Ormondie*, Comitem *Rossie*, & Baronem de *Ardmanoch*, creaverat, Ducem Eboracensem, ut ad formulam loquar, *per gladii cincturam, cappæ & circuli aurei impositionem in capite, & traditionem virgæ aureæ investivit*, cum ipsum & undecim ex splendidissimis familiis pridie in Equestrem, quam *Balnei* vocant, dignitatem rite cooptasset.

Bellum
inter Lancastrenses
& Eboracenses sive
Rosam
Rubram
& Albam.

Numerantur in hoc Comitatu paræcia 459, quibus subsunt plurima capella etiam magnis paræciis incolarum multitudine adæquandæ.

RICHMOND-SHIRE.



Vjus agri pars reliqua, quæ So-
stitiale Occasum spectat, & la-
te patet, *Richmond-shire*, sive
Richmount-shire vocatur, nomi-
ne facto à castro quod Alanus
Britanniæ Armoricæ Comes ex-
struxerat, cui Guilielmus Normannus victor,
hunc agrum qui prius Edwini Angli erat, hoc
brevi diplomate donavit, Ego Guilielmus cognomine
Bastardus, Rex Angliæ, do & concedo tibi nepoti meo
Alano Britannia Comiti, & heredibus tuis in perpetuum
omnes villas, & terras quæ nuper fuerunt Comitis Eadwi-
ni in Eborashira, cum feodis Militum, & aliis libertati-
bus, & consuetudinibus, ita libere, & honorifice, sicut
idem Eadwinus eadem tenuit. Data obsidione coram civi-
tate Eboraci.

Incisis rupibus, & montosa collium eminentia
hæc regio fere tota eminet, quorum convexa
sunt alicubi satis herbida, radices, convallesque
non omnino infrugiferæ. Montes vero ipsi plumb-
bo, carbone fossili, nec non ære gravidati. In Ed-
wardi enim Quarti Charta mentio habetur de *Min-
nera* sive fodina *Cupri*, juxta ipsam Richmondiam
urbem. Sed avaritia, quæ mortales etiam ad in-
feros agit, in hos montes, nescio an difficiliori
evectione deterrita, minus penetravit.

Quod in montium autem summitatibus, ut
etiam alibi, lapides nonnunquam fuerint reper-
ti cochleas marinas, & alia aquatilia referentes,
si non sint naturæ miracula: refusi in omnem ter-
ram sub Noe diluvii certa esse indicia, cum Oro-
sio Christiano historico judicabo. *Refuso* (inquit
ille) *sub Noe in omnem terram mari, immissoque diluvio,*
cum toto orbe coniecto, unum spatium cæli esset ac pelagi:
deletum fuisse universum genus humanum paucis in Arca
fidei sue merito ad substituendam originem reservatis, evi-
dentissime veracissimi scriptores docent. Fuisse tamen et-
iam illi contestati sunt, qui præterita quidem tempora, ip-
sumque auctorem temporum nescientes, tamen ex indicio
& conjectura lapidum, quos in remotis montibus, conchis
& ostreis scabros, etiam sæpe cavatos aquis visere solemus,
conjiciendo didicerunt.

Qua Lancastrenses attingit hæc regio, inter
montes adeo vasta, solitaria, squalentia, & mu-
ta sunt omnia, ut quosdam rivulos hac reptan-
tes, *Hell-becks*, quasi rivulos infernales sive Stygi-
os dixerint finitimi, præcipue ille ad fontes *Vri*
fluminis, qui uno saxo pro ponte conjunctus tam
profunde defluit, ut despectantibus horrorem
incutiat. Securaque sunt hoc tractu cubilia ca-
pris, damis, & cervis, qui hic visuntur magnitu-
dine sua, & ramosis cornibus spectatissimi.

Vrus flu. jam sæpe dictus hic ex montibus Oc-
ciduis decidit, primumque vallem *VWentfedale*
gregibus satis repletam plumbique alicubi fera-
cem, mediam stringens, dum adhuc fontis vici-
nia exiguus est, ab Austro fluviolo *Baint* augetur,
qui è stagno *Semar* magno cum murmure evolvi-
tur. Ad ipsos vero confluentes, ubi tuguriola
sunt pauca, quæ à ponte quo primum *Vrus* calca-
tur, *Baintbrig* vocant, olim præsidium fuit Roma-
norum, cujus & reliquiæ hodie supersunt. In col-

le enim, quem à Burgo *Burgh* nunc dicunt, radi-
ces antiqui munimenti, quod quinque plus mi-
nus jugera complexum, & sub eo ad Ortum plu-
rima habitationis vestigia extant. Vbi inter alia
multa Romanæ vetustatis argumenta, nuper hoc
fragmentum antiquæ inscriptionis pulcherrimo
charactere, cum Victoria alata eandem susten-
tante, vidimus.

IMP. CÆS. L. SEPTIMIO
PIO PERTINACI AVGV.--
IMP CÆSARI. M. AVRELIO A-
PIO FELICI AVGVSTO----

Getæ no-
men era-
sum.

BRACCHIO CÆMENTICIVM-
VI NERVIO SVB CVRALA
SENECION AMPLISSIMI--
OPERI L. VISPIVS PRÆ--
-----LEGIO.-----

Hinc conjicere licet, munimentum illud ad
Burgh BRACCHIVM olim fuisse dictum, quod antea
cespitiū fuerat, tunc cæmentitio opere fuisse
constructum, & Cohortem Sextam Nerviorum
ibi in præsidio egisse, qui sua etiam æstiva habui-
se videantur in edito illo colle vallato proximo,
quem nunc *Ethel-bury* vocant. Nec ita pridem
eruta fuit Aurelii Commodi Imp. statua, qui (uti
habet Lampridius) ab adulatoribus BRITANNICVS
cognominabatur, cum Britanni Imperatorem
etiam contra eum eligere voluissent. Tunc posi-
ta hæc statua videatur, cum ille immodicus sui
æstimator eo vesaniæ processerit, ut Hercu-
lem Romanum Iovis filium se dici jufferit. Est e-
nim Herculis habitu efformata, & dextra clava
armata, cui suberat, ut accepi, hujusmodi muti-
la, & lacunis interrupta descriptio, quæ male de-
scripta, & priusquam huc accessi, perierat.

Brac-
chium.

Commo-
di Imp.
statua.

-----CÆSARI AVGVSTO
MARCI AVRELII FILIO

SENIIONIS AMPLISSIMI
VENTS PIVS.

Extabat hæc in *Nappa* ædibus turritis, & præ-
cipua sede *Medcalforum*, quæ numerosissima to-
tius Angliæ familia his temporibus censetur.
Christophorum etenim *Medcalfe* virum equestris
dignitatis, & familiæ hujus primum, trecentis
equitibus ejusdem familiæ, & cognominis, eo-
dem amictu stipatum, cum Comitatus Viceco-
mes nuper esset, Iusticiarios *Asissarum* excepisse,
Eboracumque deduxisse accepimus. Hinc citus
defertur *Vrus*, cammaris fluviatilibus abundans
ex quo C. *Medcalfe* nostra memoria id genus pi-
scium ex Australi Angliæ parte huc detulerit: &
inter duas rupes, unde *Att-scarre* loco nomen,
præceps volvendo devehitur, non longe *Bolton*,
Baronum de *Scrope* antiqua sede, & castro magni-
fico, le *Scrope*.

Nappa.
Medcal-
forum nu-
merosa
familia.

Crey
fishes.

Bolton
castle.
Barones
fico, le Scrope.

Æs, plum-
bum, &
carbo
fossilis.

Cochleæ
lapideæ.

Hel-
becks.

Went-
fedale.

Brac-
chium.

Midle-
ham.
*Ribaldus
aliis.
Domini
de Midle-
ham.
Genealo-
gia anti-
qua.
Cover-
ham.
Mas-
ham.
Snath.
Barones
Latimer.
Tanfeld.
Marmion.
Inq. 6.
H. 6.
Swale fl.
Sacer.
Marricke.

fico, quod Richardus Dominus *Le Scrope* & Angliæ Cancellarius sub Richardo Secundo maximis impensis construxit. Iamque in Orientem Solem se agens, *Midelham* oppidum adit, cujus honorem, ut in *Nevillorum* Genealogia legimus, Alanus *Richmondia* Comes fratri juniori **Rinebaldo* contulit, cum omnibus terris, quæ ante eorum adventum ad *Gilpatrick* Danum spectarunt. Hujus è filio *Radulpho* nepos, *Robertus Fitz-Ralph* dictus, *Wentfedale* etiam omnem à *Conano* Britannia, & *Richmondia* Comite dono accepit, & ad *Midleham* castrum firmissimum excitavit, *Ranulphus* ejus filius monasterium Canonicis ad *Coverham*, *Corham* nunc contracte dicunt, in *Coverdale* posuit, ejusque filius *Ranulphus* suscepit *Mariam* filiam, quæ *Roberto* Domino *Nevill* enupta, in *Nevillorum* familiam hanc hæreditatem amplissimam quasi dotale patrimonium suis nuptiis transtulit. Qui quidem *Robertus Nevill* cum numerosam prolem ex uxore suscepisset, ignotus in adulterio deprehensus, & ab adulteræ marito in vindictam genitalibus mutilatus, brevi vi doloris expiravit.

Vrus deinde, postquam paucula permenfus fuerit milliaria, *Iervis* sive *Iorvallenfe*, monasterium nunc in ruinas redactum, postea *Masbam* respergit, quæ fuit *Scroporum* de *Masbam*, qui ut è stirpe *Scroporum* de *Bolton* progerminarunt, ita denuo in eandem conjugio insiti fuerunt. Ad alteram autem fl. ripam, sed magis introrsum, *Snath* sedet Baronum de *Latimer* primaria habitatio, qui clarorum natalium ortum duxerunt à *G. Nevill* filio minori *Rad. Nevill* primi Comitis *Westmorlandia*, qui hunc titulum honorarium ab *Hen. Rege* ejus nominis Sexto accepit, cum antiquior *Latimerorum* familia in fœmina defuisset, perpetuaque successione ad nostra usque tempora floruerunt. Cum mascula prole postremi Baronis deficiente, lautissima hæreditas inter ejus filias erat divisa, quæ in *Perciorum*, *Ceciliorum*, *D' anversorum*, & *Cornwallis* familias enuptæ fuerunt. Nec alios locos hac in parte memoratu dignos prætervehitur *Vrus*, nisi *Tanfeld*, habitationem olim *Gernegavorum* equitum auratorum, à quibus ad *Marmionos* descendit, quorum ultimus *Amiciam* hæredem reliquit, uxorem secundam *Ioannis Domini Grey* de *Rotherfeld*, cujus duo liberi adsumpto cognomine *Marmion*, matri successerunt, alterque unicam filiam & hæredem reliquit *Elisabetham*, conjugem *Henrici Fitz-Hugh* Baronis inclyti.

Swalam deinde à celeritate (ut author est *Th. Sportus*) sic dictum magno aquarum affultu influentem accipit *Vrus*, qui etiam ex Occiduis montibus vix quinq; mille passus supra *Vri* fontes in Ortum defluit: admodum sacer antiquis Anglis, quod in eo, uno die cum Angli primum Christo initiarentur, plusquam decem millia virorum præter fœminas, & parvulos à *Paulino* Archiepiscopo *Eboracensi* vitali baptismo festiva læticia fuerunt regenerati. Devehitur hic *Swala* valle utcunque patenti, quæ inde *Swaldale* nominatur, satis illa quidem graminosa, sed sylvis indiga, primum per *Marricke*, ubi cœnobium ab *Askis*, qui magni olim fuerunt nominis, extructum, & *Mask*, plumbi feracem. Inde *Rich-*

Britannia.

mondiam, vulgo *Richmond*, primariam regionis urbem exiguo mœnium circuitu inclusam, sed perductis ad tres portas suburbiis satis frequentem profundit, quam Alanus primus Comes, cum *Gilling* villæ, sive *Manerio* suo proximo minus confideret, contra Anglorum & Danorum impetus, quos Normanni hæreditate spoliarent, condidit, hoc nomine quasi *Divitem Montem* ornavit, mœnibus & castro firmissimo præmuniavit, quod rupi impositum ex alto *Swalam* vasto cum murmure inter saxa ruentem potius quam fluentem despicit. Erat enim villa illa *Gilling* religione magis sancta, quam munitione firma, ex quo, in hac (quam *Beda Gethling* vocavit) *Oswius* *Nordanhumborum* Rex hospitis infidiis infectus fuerat, cujus ad cædem expiandam ædificatum erat monasterium, quod in summo honore est à majoribus nostris habitum. Magis ad Septentrionem *Ravenswath* castrum satis magno, sed ruentum mœnium ambitu se ostendit, quod Barones suos *Fitz-Hugh* dictos ex antiqua Anglorum stirpe habuit, qui loci Domini fuerunt ante Normannorum victoriam, & claruerunt usque ad *Henrici V* tempora, magnis possessionibus ex nuptiis cum hæredibus familiarum illustrium de *Furieux*, & *Marmion* locupletati, quæ ad *Fienes* Dominos *Dacre* in Austro, & *Parros* per fœminas tandem devenerunt.

Tribus infra *Richmondiam* mill. pass. *Swala* vetustam illam urbem præterfluit, quam *Ptolemæus* & *Antoninus* CATVRACTONIVM & CATARRACTON dicunt, *Beda* autem *Catarracton*, & alibi *Vicum juxta Catarractam*, unde à *Catarractis* nomen illud inditum existimo, cum *Catarracta* juxta sit, sed propius *Richmondia*, ubi occurrantibus scopulis per dirupta aquis fractis ruit, ut dixi, potius quam fluit *Swala*. Et cur ille *Vicum juxta Catarractam* diceret, si ibi non esset fluminis *Catarracta*? Urbem illis temporibus celeberrimam fuisse, ex *Ptolemæo* colligatur, quod ibi cœlestis observatio facta fuerit: nam & *Magnæ Constructionis* lib. I cap. V I Parallelum quartum & vigesimum per Britannia *Catarractonium* describit, distareque ab *Æquatore* partibus LVII facit, at in *Geographicis* longissimum diem horis XVIII *Æquinoctialibus* definit, ut juxta suum ipsius *Πολοσμον* LVIII partib. distet. Hodie vero, ut inquit ille, magnum nil nisi nomen habet. Viculus enim est pertenuis, *Catarricke*, & *Catarrick-bridge* dictus, notus tamen & suo ad militarem illam Romanorum viam situ, quæ hic flumen tranfit, & rudetis inde dispersis, quæ nonnullam vetustatis faciem præ se ferunt, præsertim ad *Ketter-cikswart*, & *Burghale*, quæ sunt à ponte paulo remotiora, & magis ad Ortum proxime flumen, ubi magnam molem quatuor quasi propugnaculis in magnam altitudinem maximo labore aggestam contemplati sumus. Quid olim à *Pictis* & *Saxonibus* pertulerit, cum illi Britannia urbes ferro & flamma fœdarent, nihil certi habemus, confirmato autem *Saxonico* imperio, floruisse videtur, (licet *Beda* vicum ubique vocet, donec anno Salutis DCCCLIX ab *Eanredo*, sive *Beanredo* tyranno, qui *Nordanhumborum* regnum convulsit, incensa deflagravit. Sed & ille statim misere incendio periit, &

F f f f f C A -

Richmond.

Gilling.

Ravenswath.
Barones
Fitz-Hugh.

Catarractonium.
Catarricke.

Catarrick-bridge.

CATARRAC TONIVM ē cineribus emicuit. Septuagesimo enim septimo post anno, Etheldredus Rex nuptias cum Offæ Regis Merciorum filia hic celebravit. Nec diu tamen rebus integris stetit, Danica etenim vastitate, quæ subsecuta est, prorsus corruit.

Hornby. Longo inde tractu, nec inoffensus Swala suas ducit aquas non ita procul ab Hornby familiæ de S. Qui ntinoastro, quod ad Cognieros postea devenit, præterque læta pascua, & rusticanas villas nihil vidit, nisi Bedall ad alium rivulum influentem, quæ Regis Edwardi Primi temporibus suum Baronem Brianum Fitz-Alan antiqua nobilitate florentem jaçtat, utique à Ducibus Britannia & Richmondia Comitibus ortum, verum deficientibus masculis hæreditas ad Stapletonos, & Greios de Rotherfeld per filias delata fuit.

Topcliffe. Iam Swala Richmondia agro relicto, propius ad Vrum accedit, ubi Topcliffe Perciorum primariam sedem invisit, Taben-clire Marianus vocat, qui Northumbria ordines ad parendum Eldredo Vifi-Saxoni Edmundi fratri, anno reparatae Salutis DCCCCXLIX jurejurando interposito se illic obstrinxisse scribit. Ad ipsos vero fluminum confluentes Mitton sedet, villula parva, sed non parva cæde signata. Scoti enim anno CIOCCXIX, cum pestis Angliam fere exhausisset, huc usque populabundi progressi, non exiguum sacrificulorum nostrorum & rusticorum manum, quam Eboracensis Archiepiscopus sub signis eduxerat, facile profligarunt. Sed ut pedem referamus. A

Mitton. CATARACTONIO via militaris se diffindit, qua in Septentriones ducit per Caldwell & Aldburgh, quod vetustum Burgum patria lingua denotat. Quo nomine olim innotuit non facile conjectarim; urbs magna ex magnis ruinis videatur; juxtaque per Stanwig viculum fossa per VIII plus minus milliaria inter Tesim & Swalam perducta conspicitur. Qua Circium versus ducit, Bowes nunc viculus, qui & Bough scribitur, ad XII milliare occurrit, ubi superioribus seculis Richmondia Comites suum castellulum, vectigal Thorough-toll dictum, & furcas habuerunt. Olim vero in Antonini Itinerario LAVATRAS & LEVATRAS nuncupatas fuisse, & distantia ratio, & situs ad viam militarem, quæ hic suo aggere conspicua, facile evincunt. Ad antiquitatem autem adstruendam facit saxum antiquum in Ecclesia, quo non ita pridem pro altari usi sunt, cum hac inscriptione in honorem Hadriani Imperatoris,

IMP. CÆSAR I DIVI TRAIANI PARTHICI. Max filio
DIVI NERVÆ NEPOTI TRAIANO. Hadria
NO AV G. PONT. MAXM. -----
CO. S. I. ----- P. P. COH. IIII. F. -----
IO. SEV.

Hoc etiam fragmentum ibidem effossum;

N O L. C A E
F R O N T I N V S
C O H. I. T H R A C.

Imperante Severo, cum Virius Lupus Lega-

tus & Proprætor esset Britannia, Cohors prima Thracum præsidium hic egit, cui Balneum (quod etiam Balineum dicitur) restituit, ut patet ex hac Inscriptione quæ hinc Cunningtoniam ad ædes clarissimi & eruditissimi viri Roberti Cottoni ordinis equestris translata,

DAE. . FORTUNÆ
VIRIVS LVPVS
LEG. AVG. PR. PR.
BALINEVM VI
IGNIS EXVSTVM.
COH. I. THRACVM
RESTITVIT. CV-
RANTE VAL.
FRONTONE
PRÆF. EQ. ALÆ
VETTO.

Pro Dec.
Fortunæ

Hic error illis detrahendus, qui ex hac inscriptione falso descripta dum legeretur BALINGIVM perperam pro BALINEVM; locum BALINGIVM appellatum fuisse opinantur, sed propius spectanti BALINEVM planissime se in saxo exhibet, qua dictione pro BALNEO veteres usos fuisse eruditi norunt, qui minime ignorant, militibus non minus quam aliis Balnea & munditiarum & sanitatis gratia in usu fuisse, qui quotidie priusquam comederunt, eo seculo lavare soliti: nec non balnea publica & privata ubique fuisse tanto luxu instituta, ut pauper ac sordidus sibi videretur, nisi parietes balnei magnis & pretiosis orbibus refulserint: in quibus viri sceminaeque mixtim lavarunt, licet cum Imperatorum legibus, tum Decretis Synodalibus hoc sæpius prohibitum.

Seneca.
Vide pa.
370.

Inclinante Romano Imperio Numerus Exploratorum cum suo Præfecto sub dispositione Ducis Britannia stationem hic egit, ut ex Provinciarum Notitia constat, ubi LAVATRES nominatur. Quod vero hujusmodi balinea sive balnea, Lavacra etiam dicta fuerunt, Criticorum aliquis hunc locum LAVACRA pro LAVATRIS nuncupatum pronunciarit; malim tamen ego à rivulo in proximo præterfluente, quem Laver nominari audio. Recentius vero nomen Bowes, cum oppidum antiquum hic deflagrasse fama inter incolas obtinet, inde factum existimem. Quod enim igni exustum Britanni etiamnum Boeth dicunt, & eodem verbo suburbium Cestriae ultra Dee fl. quod Anglis Hanbridge, Wallis sive Britannis, quod tumultu Wallico incendio absumptum fuit, Treboth, id est Exustum oppidulum appellatur.

Hic montana & illa vasta regio ventis aut pluviis semper exposita surgit, quæ quia asperum est saxetum, Stanemore patria lingua dicitur, omnia enim circumquaque sunt solitaria, nisi quod sit ad excipiendos itinerantes diversorium in ipso saxeti medio, & ad ipsum fragmentum crucis, nos Rericrosse, Scoti Reicrosse, id est, Regiam crucem vocant. Quam quasi lapidem Anglia & Scotia terminalem positam fuisse prodit Hector Boetius Scotus, cum Guilielmus Primus Cumbriam ea lege Scotis permisisset, ut clientelari jure à se tenerent, & nihil quod Anglorum imperio fraudi esset, molirentur. Pauloque inferius ad ipsam

Stane-
more.

Spittle on
Stanemo-
re.
Rericros-
se.

Maiden
castle.

Comite
Richmo-
dia.

Overus
S. Marti-
circa hæ-
tempora
nominat
Comes
Richmo-
dia.
Norman-
nia à R-
gibus A-
glia ab-
dicata.

Maiden-
castle.Comites
Richmon-
diæ.Overus de
S. Martino
circa hæc
tempora
nominatur
Comes
Richmon-
diæ.
Norman-
nia à Re-
gibus An-
glie abju-
dicata.

ipsam militarem Romanorum viam, exiguum munimentum fuit Romanum quadrata forma, quod *Maiden castle* hodie vocant. Vnde militarem Romanorum viam per anfractus ad *Caer Vorran* duxisse limitanei mihi retulerunt.

Comites Richmondie fuerunt multi pro Principum favore, & ex variis familiis, quos sua tamen serie, quam possum accurate & perspicue subjiciam. Alanus *Rufus* Comes Britannie Armorice. Alanus *Niger*, cui Guilielmus *Conquestor* hunc agrum donavit; Stephanus Comes Britannie frater ejus. Alanus Comes Britannie, filius Stephani. Conanus Comes Britannie filius ejus, qui ope Henrici Secundi Regis Anglie Britanniam à vitrico Vicecomite *Porhoet* occupatam recuperavit. Galfridus *Plantagenet* filius Henrici Secundi Regis Anglie, qui Constantiam filiam unicam Conani primo duxit. Arthurus filius ejus, quem à Rege Ioanne sublatum scribunt. Hoc sane nomine Ioannem ut Ducem Normannie Galli in quæstionem vocarunt, absentem, inauditum, minime confessum, & non convictum sententia lata condemnarunt, Normanniam & hæreditarias in Gallia possessiones abjudicarunt. Cum tamen ille se iudicio Lutetie sistere publica data fide promississet, responsurum de morte Arthuri, qui sibi subjectionis fidem iurejurando ut *ligius* obligarat, ab eadem resiliat, rebellionem excitarat, & bello captus erat. Quo tempore agitata quæstio erat, an Patres Francie poterant judicare Regem inunctum, & ita superiorem, quum *major dignitas quodammodo absorbet minorem*; & jam Rex Anglie & Dux Normannie una eademque erat persona. Sed quo digredior? Post Arthurum hi in Richmondie Comitatu successerunt, Guido Vicecomes Thoarenfis sive de *Thovars*, cui Constantia illa secundo enupfit. Ranulphus tertius, Comes Cestrie, cui Constantia tertio nupta. Petrus de *Dreux*, sive Druidensis, regio Francorum sanguine oriundus, qui Aliciam unicam Constantie filiam è Guidone Thoarenfi susceptam duxit. Petrus de *Sabaudia* avunculus Eleonoræ uxoris Regis Henrici Tertii, qui Anglie proceres & plebem contra externos frementes veritus, ultro hoc honore cessit. Ioannes Comes Britannie filius Petri de *Dreux*. Ioannes Dux primus Britannie, filius ejus qui duxit Beatricem filiam Henrici III

Regis Anglie, cui natus Arthurus Dux Britannie, quem aliqui produnt Comitem etiam fuisse Richmondie. Certe Ioannes frater ejus junior statim à morte patris hunc gessit honorem, qui avito digmati Druidensi cum *Cantone* Britannie, Leones Anglie in limbo adjecit, Custos fuit Scotie sub Edwardo II, ubi tres annos captivus detentus, & demum sine prole, Edwardo III regnante, obiit, Ioannesque Dux Britannie nepos ejus, Arthuri filius in hoc Comitatu successit. Quo sine sobole defuncto, cum de Britannie Ducatu acriter decertaretur, Edwardus Tertius ad suas in Gallia partes firmandas Ioanni Comiti *Montisfortis*, qui illi de Ducatu Britannie fidem fecerat, cumque vir esset, & gradu propior, jure potior, & fratris mortui filie præponendus videbatur, hunc Comitatum, donec suas in Gallia possessiones recuperaret, concessit. Quibus mox Anglorum ope recuperatis, idem Rex Ioanni Gandavenfi filio contulit, illeque Regi patri pro aliis terris in manus tandem reddidit. Rex autem illico Ioannem de *Monteforti* secundum Britannie Ducem, cognomento *Le Vailant*, quem generum si b adsciverat, ut arctiori nexu virum bellicosum, & Gallis insensum sibi obstringeret, Richmondie Comitem creavit: Verum autoritate Parlamentaria, anno xiiii Regis Richardi Secundi, ille hoc Comitatu abdicatus erat, quia Gallis contra Anglos adhæserat; titulum tamen retinuit posterisque reliquit. Possessionem vero Rex concessit Ioannæ Britannicæ sorori ejus, viduæ Radulphi *Basset de Draiton*. Illa mortua Radulphus *Nevill* Comes West-morlandie primum Castrum & Comitatum Richmondie *ad terminum vite* beneficio Henrici III accepit, & post eum Ioannes Dux Bedfordie. Deinde Edmundo de *Hadham* fratri suo uterino Henricus Sextus Richmondie Comitis titulum contulit peculiari jure, ut *sedem in Parlamentis Ducibus proximam haberet*. Huic successit Henricus filius ejus, qui postea Rex Anglie ejus nominis Septimus. Dum ille autem exularet, Georgius Dux Clarentie, & Richardus Dux Glocestrie ab Edwardo IIII fratre hunc Comitatum acceperunt. Postremo Henricus filius nothus Henrici VIII Dux Richmondie à patre investitus erat, qui sine liberis ex hac vita anno MDXXXV demigravit.

Rob. de
Arthois
non fuit
Comes
Richmon-
tis ut ha-
bet Frof-
sardus,
sed Bello-
montis.
Liber
Feodorum
Richmon-
diæ.
* Inter
Ioannem
de Mon-
teforti, &
Ioannam
Claudam
Caroli
Blesensis
uxorem.

Dux Rich-
mondie.

Numerantur in hoc agro Parœcie magnæ præter Sacella 104.

Britannia.

FFFFF 2

E P I S C O .

E P I S C O P A T V S D V N E L M E N S I S.



Epis copatus Dunelmensis, vulgo *The Bishopricke of Durham*, sive *Duresme*, Eboracensis ad Septentrionem confinis, in trianguli speciem efformatur, cujus apex ad Occasum coeuntibus ibi Septentrionali limite & *Tesis* fontibus figuratur. Laterum alterum quod Meridiem spectat, continuo *Tesis* decursu terminatur: alterum quod Boream intuetur, primum brevi ab apice linea ad *Dervento* flumen, inde *Dervento* ipso, donec *Chopwell* amniculum admiserit, & deinde *Tina* flumine describitur. Basim vero trianguli, quæ Ortum respicit, ora maritima affingit, quam magno fremitu Oceanus Germanicus gravissime diverberat.

Qua in apicem coarctatur, campi sunt nudi, sylvæ satis raræ, colles glabri, sed non sine ferri venis, convalles autem satis graminosæ, Angliæ enim Appenninus, quem dixi, hunc angulum interfecat. Ad Orientalem autem partem, sive trianguli basim, uti etiam ad latera, culturæ terra est perquam grata, redditusque cum agricolarum labore contendunt, pratis, pascuis, arvis distincta, oppidis passim confita, & carbone fossili, quo pro ignis alimento plurimis in locis utimur, copiosa. Carbonem hunc aliqui bitumen terrenum nigrum, alii Gagatem, alii Thracium lapidem esse volunt, quæ omnia eandem rem esse probavit magnus ille in rebus Fossilibus philosophus Georgius Agricola. Certe hic noster nihil aliud est quam bitumen calore sub terra induratum, & excoctum, bituminis enim odorem reddit, & si aqua aspergatur, acius & luculentius ardet, an vero oleo extinguitur non sum expertus. Si vero obsidianus lapis apud nos sit, illum esse credam qui aliis Angliæ locis reperitur, & *Canole Cole* vulgo appellatur: est enim durus, splendidus, levis, & assulatim subscissilis, accensusque cito ardet. Sed hæc illis, qui naturæ penetralia penitus rimantur, relinquamus.

Totam hanc regionem cum aliis etiam vicinis *S. Cuthberti Terram*, sive *Patrimonium* vocant in suis scriptis Monachi. Sic enim vocarunt illi, quicquid ad Dunelmensem spectavit Ecclesiam, cujus Cuthbertus quasi patronus habetur, qui in prima Saxonica ecclesiæ infantia Lindefarnensis Episcopus vitam tanta sanctitate, & integritate transegit, ut inter Divos relatus fuerit. Regesque nostri, & procures, quod tutelarem illum fuisse Divum contra Scotos crediderint, non solum ejus corpus devoti sæpenumero inviserint, quod integrum incorruptumque durasse persuaferunt scriptores; sed etiam amplissima latifundia donarint, & plurimas immunitates irrogarint. Egfridus Rex magnos redditus in ipsa urbe Eboraco, *Crecam*, quam dixi, & *Luguballiam* civitatem ipsi Cuthberto vivo dedit, ut est in hi-

storia Dunelmensi. Alfredus Rex, & Guthrunus Danus, quem ille Nordanhumbris præfecit, postea totam terram inter Were fl. & Tinam (libri antiqui verbis utar) Cuthberto, & in ejus ecclesiâ ministrantibus perpetuo possessionis jure largiti sunt, ex qua illis, ne inopia laborarent, vitæ subsidia procurentur; præterea ejus ecclesiâ tutum profugis locum refugii constituerunt, ut quicumque, qualibet de causa ad ejus corpus confugerit, pacem per triginta septem dies nulla unquam occasione infringendam habeat. Edwardus, Athelstanus, Reges, & Cnuto, sive Canutus Danus, qui nudis pedibus ad Cuthberti tumulum accessit, has leges & libertates non modo confirmarunt, sed statim auxerunt: nec minus Guilielmus Normannus, à cujus statim tempore Comitatus Palatinus judicatus est, & Episcopi nonnulli tanquam Comites Palatini sigillo insculperunt militem cataphractarium phalerato equo infidentem altera manu gladium vibrantem, altera insignia Episcopatus prætendentem. Iuraque sua regalia habuerunt Episcopi, adeo ut proscriptorum bona illis, non regi cederent, & ipsa plebs immunitatibus elata militare in Scotia sub rege recusavit. Dicebant enim (historia Dunelmensis pro me loquitur) se esse *Haliwerke Folkes*, id est, sacro operi ascriptos, & terras suas tenere ad defensionem corporis S. Cuthberti, nec debere se exire terminos Episcopatus, scilicet ultra Tinam & Teisam, pro rege, vel episcopo. Verum Edwardus Primus has libertates primus præcidit. Cum enim ille se tanquam arbitrum honorarium inter Antonium Beccum Episcopum & Priorem, de possessionibus inter se acriter digladiantes interponeret, nec illi ex ejus arbitrio facerent, sequevit (inquit author meus) libertatem Episcopatus in manum suam, & ibi rimata sunt multa, & libertas in multis lesa. Iura tamen sua postea recuperavit ecclesiâ, illasque tenuit usque ad Edwardum Sextum, cui, dissoluto Episcopatu, omnes ejus redditus, & libertates, ordines in Parlamento concesserunt. Sed statim Maria Regina eadem authoritate hanc constitutionem refixit, & omnia facta testâ ecclesiæ restituit, quibus hodie gaudet. Nuper enim Iacobus Pilkintonus Episcopus REGINAM ELIZABETHAM de possessionibus & bonis Caroli Nevill Comitissæ Westmorlandiæ, & aliorum in hoc agro proscriptorum, qui in patriam bellum nefarie moverant, in jus vocavit, causamque persequutus esset, nisi authoritas Parliamentaria intercessisset, & pro eo tempore (sic se habent verba) Reginæ adjudicasset, quod impensis suis maximis cum episcopum tum episcopatum è seditionum faucibus eripuisset. Sed his omisso ad locorum descriptionem jam stilum promoveamus.

Flumen quod Meridionalem hujus agri partem vallat, Latinis *Teisis* & *Teiso*, vulgo *Tees*, Ptolero Italo, cui suæ Italiæ *Atthesis* animo obversabatur, sine ulla ratione *Atthesis* dicitur, Ptolemæo

TOT-

Sea Cole.
Carbo
fossilis.

Obsidia-
nus lapis.

Canole
Cole.

S. Cuth-
berti pa-
trimoni.

Comita-
tus Palati-
nus.

Tees fl.

Twefis.

TOTAZIS & TVESIS appellari videtur, apud quem tamen Librariorum incuria suo loco exulare existimo. Cum enim TVESIN & TINAM in remotiori Britanniae parte, ubi Scoti nunc agunt, ille statuerit: & hæc regio Tefi & Tina includitur, si in veterem Geographum Criticus esse ausim, postliminio huc in sua loca revocarem, & cum bona, uti spero, Scotorum venia, qui nulla habent flumina quibus hæc nomina vere asserant. TVESIS è saxeto illo Stanemore erumpit, raptisque secum multis undique torrentibus, per rupes fluens, è quibus ad Egleston, ubi monasterium C. Britanniae & Richmondiae Comes posuit, marmora caduntur, primum Bernardcastle, id est, Barnardic astrum pulsatur, à Bernardo Balliolo Ioannis Ballioli Scotorum Regis abavo constructum, & denominatum. Verum Ioannes iste Balliolus, quem Edwardus Primus Scotorum Regem declaverat, illud amisit cum aliis in Anglia possessionibus, quod fidem Edwardo datam prodidisset. Quo tempore Rex Antonio Dunelmensi Episcopo infensor hoc castrum (ut habet liber Dunelmensis) cum pertinentiis ab eo abstulit, & Comiti de VVarwicke contulit, Herks & Hertnes Roberto Clifford, Kewerston Galfredo de Hertpole, quæ Episcopus habuit ex foris-factura I. de Balliolo, R. de Brus, & Christophorus de Seton. Sed paucis post annis Lodovicus de Bellemonte Episcopus regio Francorum sanguine natus, qui literarum, ut scribitur, omnino expers, de hoc castro, & ceteris possessionibus litem intendit, causamque obtinuit, lata in hæc verba sententia, Episcopus Dunelmensis debet habere foris-facturam guerrarum infra libertates Episcopatus, ut Rex habet extra. Iuxta Stretlham cernitur, ubi diu habitavit præclara & equestris familia de Arcubus sive Bowes, quæ subinde difficillimis temporibus egregiam principi & patriæ navavit operam. Genus vero repetit à W. de Arcubus, cui, ut legi, Alanus Niger Britanniae & Richmondiae Comes concessit his verbis, ut gestaret pro Armis Scutum Britannia cum tribus arcubus desuper.

Barnard castle.

Stretlham.

Bowes.

Raby castle.

Nevillorum familia.

Selaby.

Non quinque hinc mille passus abest paulo remotius à Tefi Standrope, quod & Stainthorpe, id est, Vicus Saxius dicitur, oppidulum mercatorium, ubi Collegiata erat ecclesia Nevillorum & opus, & tumulus. Huic contiguum est Raby, quem Cnuto sive Canutus Rex Danicus ecclesiae Dunelmensi, una cum circumvicino agro & Standrope libere in perpetuum possidenda donavit. A quo tempore (ut habet author meus) familia Nevillorum, sive de Nova villa, Raby de ecclesia tenuit reddendo quatuor libras, & ceruum quotannis. Stemma enim illi à Walthofo Northumbriae Comite, è cuius progenie cum Robertus filius Maldredi Dominus de Raby filiam Galfredi Nevill Normanni duxisset, (cujus avus Gilbertus Regis Guilielmi Primi Admiralus perhibetur) posterius Nevillorum nomen asci-verunt, & in familiam longe numerosissimam & potentem succreverunt, qui castrum admodum spatiosum hic erexerunt, quod eorum prima & præcipua erat sedes. Hæc duo Stainthorpe & Raby tantum fluvio separantur, qui post pauca miliaria in Tefim defertur prope Selaby, ubi nunc sedes familiae Brakenburiorum, & sua verustate, & congiis cum hæredibus Dentoni & Wicliffi insignis.

Britannia.

Tefis inde lapsus per Sockburne, antiquæ & nobilis familiae de Cogniers domicilium, è qua fuerunt Barones Coigniers de Hornby (quorum hæreditas multum adaucta nuptiis hæredum Darcy de Menill, & Guilielmi Nevill Comitis Cantii & Domini Fauconberg, patrum memoria ad Athberstonos, & Darcios demigravit) prope Derlington frequens forum agitur, quod Seir filios Ulphi Saxo, impetrata ab Etheldredo Rege venia, ecclesiae Dunelmensi donavit, Hugoque de Puteaco, sive Pudsey, templo, & ædificiis exornavit. In hujus agro tres sunt miræ profunditatis putei, Hellkettels vocat vulgus, id est, inferni caldaria, quia per antiperistatim calefcant in illis aqua. Prudentiores hausta terræ motu tellure subsedisse credunt, & probabiliter quidem. Legimus enim in Chronicis de Timmouth, Anno Domini 1179, in Natali Domini, apud Oxenhall in territorio de Derlington, in Episcopatu Dunelmensi, elevavit se terra in altum ad similitudinem proceræ turris, & mansit ab illa die quasi immobilis usque ad vesperam, & tunc cecidit tam horribili strepitu, ut vicinos terruit omnes, & absorbit eam tellus, & fecit ibidem puteum profundum, qui est ibi in testimonium usque in hodiernum diem. Illos autem subterraneos habere meatus, & exitus Cuthbertus Tunstallus Episcopus primus deprehendit, reperto in Tefi ansere, quem signatum in horum majorem experiundi gratia demiserat. Post Derlington nulla quæ melioris nothæ oppida adposita habet Tefis, sed viridantium camporum margines, & rusticanas villas flexuoso meatu lambens, tandem amplo ostio in Oceanum se ejicit, unde Trianguli basis ad oram maritimam inchoatur.

Coignier Barones.

Derlington.

Hellkettels.

Putei profundum.

Nobiles Sur-Teis dicti, id est, super Tefim ad hunc olim floruerunt.

Gretham.

Hartle-pole.

Promontorium in nostra lingua Nesse dicitur.

Vedra fl.

Were.

Witton. Barones Evers, sive de Eure.

Gggggg

clari,



clari, quod Scotia testetur. *Kettnes* enim oppidulum in Scotia ulteriori Edwardus Primus illis operam egregie navatam dedit, & Henricus VIII patrum memoria Baronum titulo illustravit. Inde *Vedra* post pauca milliaria *Gaunlesse* fluvium ab Austro admittit, ubi ad ipsos confluentes editiori tumulo imponitur *Aukland*, à quercubus (ut Græciæ *Sarron*) denominatum, quod turritas Episcopi ædes ab Antonio Becco magnifice restauratas, pulcherrimumque pontem præterendit, quem Gualterus *Skirlaw* Episcopus, circa annum CIOCCCC construxit, qui has ædes etiam adauxit, & ad *Tarum* Tefim ponte conjunxit. Hinc in Septentriones *Vedra* iter flectit, ut diutius hunc agrum irriget, statimque in collis supercilio, antiquæ urbis non morientis, sed plusquam mortuæ reliquias suspicit, quam Antoninus VINOVIVM, Ptolemæus BINOVIVM dixit, apud quem ita suo loco exturbatur, & alio quasi sub axe locatur, ut semper delituisse, nisi digitum intendisset Antoninus. *Binchester* nobis hodie vocatur, unoque tantum & altero domicilio constat; vicinis tamen tum rudetis, mœniumque reliquiis extantibus, tum Romanorum nummis sæpius effossis notissimum, *Binchester* penes illi vocant, Romanorumque inscriptionibus, è quibus in aram ibi nuper incidi, sic inscriptam?

Vino-
vium.

Binche-
ster.

De Dea-
bus Matri-
bus vide
in Com.
Lancaster.
Anno
Christi
236.
Votum
solvit li-
bens me-
rito.

DE AB.
MATRIB. Q. LO--
—CL. QVIN
TIANVS—COS
V. S. L. M.

Aliud etiam saxum hic nuper erutum lacunis deformatum, quod hanc tamen penitus intuenti subostendit Epigraphen:

TRIB. COHOR. I.
CARTOV---
MARTI VICTORI
GENIO LOCI.
ET BONO
EVENTVI.

Nec aliud de illa legi, quam quod liber vetus memorat Northumbriæ Comites ab ecclesiæ possessione, hanc cum aliis villis abripuisse, cum sacra illa auri etiam sacras ecclesiæ facultates deglutiret.

Branpeth
castle.

Branpeth castrum inter confurgentes colles in altera *Vedra* ripa apparet, quod à *Bulmeris* constructum, filia Bernardi *Bulmer* Galfrido *Nevill* nuptiis conjuncta, *Nevillorum* familiæ cum aliis magnis possessionibus adjunxit. Mox *Vedra* crebris saxis eminentibus interpolatus defertur, quæ nisi vi imbrium flumen intumuerit, nunquam aqua integuntur, quibusque, quod non alibi accidit, si aqua infundatur, parumque misceatur, falsam imbibit qualitatem. Imo ad *Butterby* viculum, cum flumen æstivo tempore subsederit, è saxis illis aqua falsa subrufa exilit, quæ solis calore ita albescit, & concrefcit, ut accolæ hinc salem sibi colligant.

Saxa falsa.

Iam flumen quasi insulam moliturum primariam regionis urbem colli impositam undique fere circumluit, unde nomen *Dunholm* à Saxonibus inditum. Collem enim, ut ex Beda colligas, *Dun*, & insulam amnicam *holme* dixerunt. Ex hoc DVNELMVM fecerunt Latini, sed vulgus *Durham*, corruptissime vocat. Situ quidem editiori & sane munitissimo, spatio tamen non magno, ovali quodammodo forma flumine ab omni parte nisi à Septentrione circumfunditur, & mœnibus firmatur. Ad Australem partem fere qua flumen se reducit, Cathedralis ecclesia surgit pyramidibus & sacra turre conspicua, in medio imponitur castrum quodammodo intermedium inter duos pontes è saxo, quibus flumen hinc ad Ortum, illinc ad Occasum conjungitur; à castro ad Septentriones patet forum & S. Nicolai cernitur Ecclesia, unde in Aquilonem protenditur suburbium longius inter flumen circumductum, uti alia utrinque ultra flumen quæ ad pontes ducunt, & in singulis sua est scorsim ecclesia. Originem autem non admodum antiquam habet. Cum enim *Lindisfarnenses* monachi bellorum calamitate à Danis exagitati, incertis sedibus, cum S. Cuthberti reliquiis vagarentur: hic tandem oraculo, si credere libet, admoniti, circa annum salutis DCCCCXCV confederunt. Sed rem accipe ex authore meo *Dunelmensi*, *Comitans sanctissimi patris Cuthberti corpus universus populus in Dunholmum*, locum quidem natura munitum, & non facile habitabilem venit, quem densissima undique sylva totum occupaverat, tantum in medio erat planities non grandis, quam arando, & seminando excolere consueverant, ubi Episcopus *Aldwinus* non parvam de lapide ecclesiam postea construxit. Igitur prefatus Antistes totius populi auxilio, & Comitum *Nordanhumbro- rum* *Vthredi* adjutorio totam extirpans sylvam succidit, ipsumque locum brevi habitabilem fecit. Denique a flumine *Coquedo* usque *Tefiam*, universa populorum multitudo tam ad hoc opus, quam ad construendam postmodo ecclesiam prompto animo accessit, & donec perficeretur, devote insistere non cessavit. Eradicata itaque sylva, & unicuique mansionibus sorte distributis: Præsul antedictus amore Christi, & S. Cuthberti fervens, honesto, nec parvo opere inchoavit ecclesiam, & ad perficiendam omni studio intendit. Hæc ille.

Dunel-
mum.
Durham,
five Du-
resine.

Non multis post annis Angli illi, qui Normanicum imperium æquis oculis intueri non poterant, loci ingenio freti, in belli sedem elegerunt, negotiumque non parvum *Guilielmo* Normanno facefferunt. Scribit enim *Guilielmus* *Gemiticensis*, Concesserunt in partem Comitatus aquis, & sylvis inaccessible, firmissimo vallo erigentes castrum, quod *Dunholmum* nuncuparunt, ex quo diversos crebrius exagitantibus excursus, aliquandiu ibi delituerunt, *Sveni* *Danorum* Regis adventum præstolantes. Sed cum res ex sententia non cecidisset, fuga illi sibi consuluerunt; *Dunelmum*que adiens Rex *Guilielmus* multis ad Ecclesiasticæ libertatis firmamentum indultis privilegiis, castrum, de quo diximus, in eminentiori collis parte extruxit, quod postea in Episcoporum habitationem cessit, ejusque claves, cum Episcopatus vacaret, veteri instituto *Cuthberti* sepulchro appendi solebant.

Cum hoc castrum jam extructum esset, *Guilielmus* *Malmesburienensis*, qui sub id tempus vixit, his

his verbis hanc urbem describit, *Dunelmum est collis ab una vallis planitie paulatim, & molli clivo turgescentis in cumulum, & licet situ aspero, & prærupto rupium omnem aditum excludat hostium: tamen moderni collibus imposituerunt castellum. Ad radices pedis Castellum defluit amnis piscosus, præsertim Istitio. Eodem fere tempore, ut habet vetustus ille liber, Guilielmus de Carelepho Episcopus, qui monachos hic denuo congregavit (eorum enim claustra Danus ubique subvertarat) demolita illa ecclesia, quam Aldwinus ædificarat, aliam meliori opere incœpit, quam Radulphus successor perfecit, novamque postea fabricam Nicolaus Fernham Episcopus, & Thomas Melfcomb Prior anno Christi ccccxlvi adjece-
runt. Satisque longo post intervallo ad Occidua Ecclesiæ partem W. Skirlaw Episcopus elegans opus substruxit, quod *Galileam* vocant, & in quod venerabilis Bedæ tumulum marmoreum transtulit. Quo in loco Hugo de Puteaco olim ædificium inchoavit, in quo, ex antiquo libro loquor, muliebri licite fieret introitus, & quæ non habebant ad secretiora Sanctorum locorum corporalem accessum, aliquod haberent ex sanctorum contemplatione solatium. Radulphus autem ille Episcopus (ut tradit historicus noster) locum inter ecclesiam, & castellum, quem multa occupaverant habitacula, in patentis campi redegit planitiem, ne vel ex sordibus contaminatio, vel ex ignibus ecclesiam attingerent pericula. Urbem etiam licet natura muniret, muro reddidit munitiorem, & augustiorem, à cancello ecclesiæ ad arcem usque castelli perducta murum construxit longitudine, qui jam vetustati sensim cedit, ne hostilem unquam, quod acceperim, vim sensit. Cum enim David Brus Rex Scotorum ad *Beauparke* usque sive *Bereparke*, (vivarium est illud suburbannum) ferro & flamma sævisset, (Edwardo Tertio Caletum Galliæ obsidente) Henricus Percy & Guilielmus Zouch Archiepiscopus Eboracensis cum tumultuariis suorum cohortibus, se Scotis objecerunt, & ita animose aggressi sunt, ut primam & secundam aciem capto rege ad internecionem fere ceciderint, tertiamque in eum timorem conjecerint, ut citatissimo, quam potuerant, agmine fugerint, nec præruptissima loca pavori, donec in sua se recepissent, obstiterint. Nobilis hæc illa pugna est, & inter multas memoranda Scotorum strages (quam prælium ad *Nevilli Crucem* nostri vocitant) Nobilissimis enim Scotorum in hoc cæsis, & Rege capto, multos agros in confinio nostris cedere, & plurimas arces dedere coacti fuerunt. Sed hæc de Dunelmo satis, cui si placet, cum *Nechami Disticho*, & *Ionstoni He-
xasticho* valedicam,*

Arte, situque loci munita Dunelmia salve,
Qua floret sanctæ religionis apex.

VEDRA ruens rapidis modo cursibus, agmine leni,
Seque minor celebres suspicit urbe viros,
Quos dedit ipsa olim, quorum & regit ossa sepulta;
Magnus ubi sacro marmore BEDA cubat.
Se jactant alia vel religione, vel armis;
Hæc armis cluit, hæc religione potens.

De Monachis ejectis, Præbendariis xii, Archidiaconisque duobus substitutis, & de Prioris nomine in Decani dignitatem mutato, nihil est quod scribam, cuius enim sunt notissima. *Lond-
Britannia.*

itudinem grad. xxii, scrup. o., Latitudinem vero grad. lvi, scrup. lvi definitam habet.

Sub *Dunelmo*, ne hoc omitram, ad Orientem *Shirburn* *Hospitale.* egregium admodum cernitur *Xenodochium*, quod Hugo ille de *Puteaco* Episcopus opulentissimus, & momentaneus Northumbriæ Comes *Le-
prosis* (ut habet *Neubrigensis*) indulgentior, profusa quidem, sed tamen ex parte minus honesta largitione construxit. Alieni quippe juris non modicum huic devotioni per potentiam applicans, dum propria sufficienter impendere gravaretur. Attamen ad sexaginta quinque lepro-
sos (præter sacrificos) alendos proventus satis opimos assignavit.

Rectiori hinc lapsu in Septentriones *Vedra* suas aquas ducit per *Finchale*, ubi, Henrico Secundo regnante, Godricus vir antiqua, & Christiana simplicitate, totus Deo defixus solitariam vitam egit, & peregit, eodem loco sepultus, quo (ut habet Guilielmus ille *Neubrigensis*) vel orans procumbere, vel egrotus decumbere consueverat. Qui tantam sui admirationem hac sancta simplicitate excitavit, ut ejus memoriam ecclesiola R. frater opulenti illius Episcopi Hugonis de *Puteaco* honorarit. Inde *Vedra* defertur per *Lumley* castrum *Lumley.* *Barones* *Lumley.* vivario inclusum, sedem *Lumleyorum* vetustam, quibus genus est à *Liulpho* viro in hoc tractu summæ nobilitatis sub Rege *Edwardo Confessore*, qui *Aldgitham* filiam *Aldredi* Comitis Northumbriæ duxit. Horum *Marmaducus* matris insignia sibi ascivit, (cujus jure opimam *Thwengorum* hæreditatem adierat,) scilicet baltheum, vel fasciam rubram inter tres virides *Psittacos* in clypeo argenteo, cum ante *Lumlei* gestassent *Psittacos* sex argenteos in parma rubra. Filia enim illa primogenita *Marmaduci Thweng* Domini de *Kilton* & una hæredum *Thomæ Thweng* fratris sui. Radulphus vero *Marmaduci* illius filius primus Baro de *Lumley* à *Richardo Secundo* creatus erat. Quo honore *Ioannes* ab eo nonus hodie gaudet, vir absoluta animi virtute, vitæ innocentia, omnibusque veræ nobilitatis ornamentis senex honoratissimus.

E regione non procul ab altera fluminis ripa, sedet *Chester upon the street*, id est, *Castrum*, vel *Vrbecula* ad viam publicam, *Conceper* Saxonibus dicta, unde *CONDERCVM* ego judicari, in quo *Alam* primam *Asturum* Romanis temporibus stationem ad lineam (ut inquit) valli habuisse memorat liber *Notitiarum*. Pauculis enim milliariibus à *Vallo*, de quo postea dicendum, abest. *Lindisfarnenses* Episcopi cum *Cuthberti* sui corpore, *Danica* intonante tempestate, in hoc annis c xlii deliruerunt. In cujus memoriam cum *Egelricus* Episcopus *Dunelmensis* novæ ecclesiæ eo loci fundamenta jaceret, tantam pecuniæ vim defossam reperit, ut abunde jam dives episcopatu se abdicaret, & *Petroburgum* reversus, cujus prius *Cœnobiarcha* erat, vias per paludes munierit, & alia opera non sine maximis impensis excitavit. Et longo post tempore *Antonius Beccus* Episcopus *Dunelmensis* ecclesiam Collegiatam, Decanum, septemque *Præbendas* hic instituit. In qua monumenta majorum suorum à *Liulpho* continua successionis serie ad nostra usque tempora è dirutis monasteriis conquesta, vel de novo facta pulchro
H h h h h or-

Gallilæa.

Berepar-
ke.
1346.
Prælium
ad Nevils
croffe.

Finch-
dale.

Lumley.
Barones
Lumley.

Chester
upon the
street.
Conder-
cum.

ordine disposuit, quem modo dixi, Baro *Lumlejus*. Interiusque ad ipsius fere Trianguli medium alius etiam exiguus est vicus Collegio Decani & Præbendariorum ab illo Antonino fundato, nuper notus, *Lanchester* dicunt, quem *LONGOVICVM* fuisse semel existimavi.

Hilton-
castle.

Benedi-
ctus Bi-
scop.
Vitrarii
primum
in Anglia.

Ebche-
ster.
S. Ebba.

S. Tabbs.

Gatefhe-
ad.

Gabrofen-
tum.

1080.

Sed ad *Vedram* revertamur, qui jam tandem in Orientem se convertit, & *Hilton* Hiltoniorum castrum præterfluens in mare se condit ad *Wiran-muth*, ut *Beda* vocat, nunc *Monks Were-mouth*, id est, *Vedra ostium quod ad Monachos spectavit*. De quo ostio sic scribit *Guilielmus Malmesburienfis*, *Hic Vedra Pelago influus naves serena invecitas aura placido ostii excipit gremio. Cujus utraque ripas Benedi-ctus Biscop ecclesiis insignivit, & monasteria ibidem construxit, alterum Petri, alterum Pauli nomine. Hujus industriam mirabitur, qui ejus vitam leget, quod copiam librorum advexerit, quod artifices lapidearum adium, & vitrearum fenestrarum primus omnium in Angliam adscivit.*

Quinque mill. pass. superius, *Tina* etiam ostium aperitur, quem per aliquod spatium cum *Derwent*o latus Septentrionale nostri Trianguli delineare diximus. Ad *Derwentum*, qui prope Trianguli apicem fontes habet, nihil insigne adjacet, nisi *Ebchester* quem nunc vocant, viculus, ab *Ebba* virgine regio *Northumbrorum* sanguine nata, quæ tanta sanctitatis opinione circiter annum salutis DCXXX claruit, ut solemnem Apotheosi in Divas relata, plura in hac insula templa sibi dicata habeat, quæ *S. Tabbs*, pro *S. Ebba*, vulgus vocitat.

Ad *Tinam* autem memorandum est *Gatefhead*, Saxonice *Gætreheved*, & historicis, quod idem sonat, *Capra caput*, quasi Novi castrum, quod alteram *Tina* ripam occupat, suburbium, cui ab *Edwardo Sexto* adjunctum erat, cum Episcopatum dissolvisset, sed *Maria* statim Ecclesiæ restituit. Hoc vulgus ipso Novo castro multo vetustius esse existimat. Si ego etiam hoc & *Novum castrum* (nam unum olim fuisse oppidum flumine tantum divisum videatur) limitaneam illam stationem fuisse dixero, quam *GABROSENTVM* sub posterioribus Imperatoribus vocarunt, & Cohors secunda Thracum defendit, nomenque antiquum sensu & significatione retinuisse, cum Novum illud castrum, novum nomen semel atque iterum assumpserit, nihil uti spero veritati absonum dixero, *Gaffr* enim pro *capra* & *Hen* in sermonis contextu pro *Pen*, quod caput est, usurpant *Britanni*, & eadem plane significatione *Capra caput*, antiquis nostris historicis Latine dicitur, ut *Brundisium* Messapiorum lingua à Cervi capite nomen accepit. A diversorio aliquo cui *Capra caput* inter signum erat hoc nomen huic loco inditum existimem, non minus quam *Gallus Gallinaceus* Africæ, *Tresforores* Hispaniæ, *Pirum* Italiæ loca apud *Antoninum*, quæ ab hujusmodi insignibus, ut docti non nulli credunt, sua nomina acceperunt. Historici autem nostri, uno quasi ore, hoc *Capra caput* nominant, dum memorant *Walcherum Dunelmensem* Episcopum, quem *Nordanhumbris* Comitum auctoritate præfecerat *Guilielmus Primus*, hoc

in loco à furenti multitudine ob provinciam male habitam interfectum fuisse.

Infra hunc vicum fere ad ipsum *Tina* ostium *Girwy* nunc *Iarrow* cernitur, Venerabilis *Beda* natale solum, ubi etiam monasterium olim floruit, cujus fundatorem & foundationis tempus docet hæc Inscriptio, quæ legitur adhuc in pariete Ecclesiæ:

Iarrow.
Girwy
Beda.

DEDICATIO BASILICÆ
S. PAULI VIII. KL. MAL. I
ANNO XVI. E. C. FRIDI REG.
CEOLFRIDI ABB. EIVSDEMQ.
ECCLES. DEO AVCTORE,
CONDITORIS ANNO IIII.

Ecclesiæ majores, cum Christi salutare lumen mundum irradiaret (nec alienum sit adnotare) *BASILICÆ* fuerunt appellatæ, quod Gentilium Basilicæ, scilicet spatiola illa ædificia, in quibus magistratus jus dixerunt, in Christianorum ecclesiis fuerint conversæ. Vnde *Ausonius*, *Basilica olim negotiis plena, nunc votis: vel quod forma oblongiori instar Basilicarum construerentur.*

Hic *Beda* noster Angliæ splendor singularis, pietate & eruditione VENERABILIS cognomen adeptus, meditandis scripturis, ut inquit ipse, operam dedit, plurimæque volumina inter decumanos barbariæ fluctus doctissime conscripsit. Quo mortuo, ut inquit *Guil. Malmesb.* sepulta est cum eo rerum gestarum omnis pene notitia usque ad nostra tempora. Cum enim pigro semper succederet pigrior, multo tempore in tota insula studiorum detepuit fervor. Dani autem sacrum hunc locum ita affixerunt, ut primis Normannorum temporibus, cum monasticum ordinem quidam his regionibus instaurarent, & *Walcherus* Episcopus hunc locum illis assignaret, *Stabant* (ut inquit author meus) soli sine culmine parietes, vixque ullum signum antiquæ nobilitatis servabant, quibus tamen culmen de lignis informibus, & fæno illi superponentes, divini cultus officia celebrare cœperunt.

Dunelmenses Episcopos, qui Comites Palatini censentur, non est cur hic enumerando persequar. Satis sit innuere, ex quo cathedra hic constituta fuerit, anno salutis DCCCXCXV, triginta quinque Episcopos usque ad nostram ætatem sedisse. Quorum celeberrimi sunt quatuor, *Hugo de Puteaco* five *Pudsey*, qui præfenti pecunia, mille scilicet tredecim libris Comitatum *Northumbriæ* dum ipse viveret, *Sathbregiamque* jure perpetuo successoribus possidendam à Rege *Richar.* Primo emit, & *Xenodochium* pulcherrimum, de quo dixi, construxit, & cui cum Archiepiscopo lis intercessit acerrima, dum (ut habet ille) hic præfesse, ille non subesse, & neuter prodesse contenderet. *Antonius Bec* Patriarcha Hierosolymitanus, qui in substructiones infanas, splendidumque apparatus, infinitam pecuniam effudit. *Thomas Wolsley* Cardinalis, cujus felicitati nisi moderatio nihil deerat, sed pervulgata est ejus historia. Et qui nobis pueris obiit, *Cuthbertus Tunstall*, summarum artium scientia & vitæ sanctitate (absit invidia verbo) illorum omnium instar, & magnum Britannicæ nostræ ornamentum.

Basilicæ.

Beda.

Episcopi
Dunel-
menses.

Vide Co-
mites
North-
umbriæ.

Numerantur in hoc agro, & *Northumbria*, Ecclesiæ Parochiales
118, præter sacella plurima.

L A N-

LANCASHIRE.



Ter alio versus jam confere-
rendum est meum, ad reli-
quos scilicet illos BRIGAN-
TES, qui trans montes ad
Occiduum Oceanum conse-
derunt, & primo ad Lanca-
strenses, quos subinvitus (quæ
res mihi bene vertat) quo-
dammodo adeo. Vereor enim ne mihi satisfacere,
nedum lectori. Ex voto enim paucula ad-
modum successerunt, cum partem ejus longe
maximam perlustrarem, ita vetustas prisca no-
mina ubique abrasisse videbatur. Sed ne Lanca-
strensis deesse videar, audendum est, nec di-
vinum numen, quod hactenus mihi affulsi-
t, de futurum confido.

Sub montibus, qui, ut jam sæpius dixi, per
Angliam mediam procurunt, & quasi arbitri
inter regiones five Comitatus se interponunt,
jacet ad Occasum Lancastrensis ager, Saxonice
Loncastre-rycpe 7 vulgo Lonka-shire, Lanka-shire,
& The County Palatine of Lan-caster, quod sit Comi-
tatus Palatini titulo insignis. Inter Eboracenses
ab Ortu, & Hibernicum Oceanum ab Occasu
ita includitur, ut ab Austro, qua Cestrenses aspi-
cit, sit latior, sensimque in Boream procedens, qua
Westmorlandia confinit, coarctetur. Ibiq; irruen-
te maris sinu abrumpitur, sui que partem non
exiguam ultra sinum habet, quæ Cumberlandia
adjacet.

Vbi in campos æquatur, hordei & tritici satis
est fertilis, ad montium radices avenæ fertilior,
ubique solo tolerabili, nisi uliginosis quibusdam,
& minus salubribus locis, Mosses vocant, qui ta-
men hæc sua incommoda commodis resarciunt
uberius. Abraza enim superficie unctuosos
cespites (Turffs dicunt) ad ignis formitem, & non-
nunquam arbores subterraneas, vel quæ diu de-
fossæ jacuerunt, præbent. Inferius vero margam
ad stercorandos agros affatim alicubi suppedi-
tant, qua tellus hominum opinione, frugum im-
patientissima ita mitescere incipit, ut majorem
olim hominum fuisse inertiam, quam terræ in-
gratitudinem existimare liceat. Sed regionis bo-
nitatem ex incolarum habitudine, qui ab aspectu
sunt in primis decori, dijudices; & etiam si pla-
ceat, ex armentis. In bobus enim, qui sunt pro-
ceris cornibus, & composito corpore, nihil quod
Mago Carthaginensis apud Columellam requi-
rit, facile desideres.

Ad partem Austrinam à Cestrensis Merseio
flumine dirimitur, qui in medijs montibus exur-
gens, parum jam à fonte digressus, fit limes, fer-
turque in Occasum lento fluxu, quasi alia flumi-
na, ut cum Poëta loquar, in ceruleum sinum suum vo-
cans, statimque à Borea Irwellum, qui omnes hu-
jus Orientalis plagæ fluvios secum defert, gra-
tanter excipit. Inter quos notissimus est Roch fl.
qui appositum habet in valle Rochdale mercatum
non infrequentem, ut ipse Irwell habet sibi im-
positum Buri mercatum itidem nihilo inferior-
Britannia.

rem, & juxta, dum COCCIVM ab Antonino me-
moratum anxie quæsi, Cockley capellam ligne-
am arboribus circumsitam, Turton capellam inter
præcipitia & squalentia loca, Turton turrem, &
Entweissell ædes elegantes vidi: quarum hæc sui
nominis viros nobiles olim habuit, & illa sedem
familie præclaræ de Orell hodie præbet. Vbi ve-
ro Irwello confluit Irkus, ripa sinistra, quæ è sub-
rufo saxo surgit, vix tribus à Merseio mill. pass.
pervetus illud oppidum floret, quod MANCV-
NIVM, & MANVCIVM variante lectione Anto-
nino nominatur, nec dum vetusto nomine pro-
fus deletum, Manchester nobis dicitur. Hoc circum-
vicinis oppidis præcellit suo ornatu, frequentia,
lanificio, foro, templo, & collegio, quod Tho-
mas Dominus Laware, qui sacris initiatus erat &
sue familie postremus hæres masculus, regnante
Henrico Quinto, fundavit. Ille enim à Greleis
prognatus erat, qui antiqui erant hujus oppidi
(ut ferunt) Domini. Superiori vero ætate multo
præcellentius fuit tum laneorum pannorum ho-
nore (Manchester Cottons vocant) tum asyli jure,
quod Parlamentaria autoritas sub Henrico O-
ctavo Cestriam transtulit. In adjuncto Comitatus
Derbiensis vivario, Alparc dicto, antiqui propu-
gnaculi radices quadrata forma, ubi Medlocus
amnis Irwellum subintrat, vidimus, Mancastle ap-
pellant. Quod ipsum antiquum MANCVNIVM
fuisse non dixerò, spatium adeo angustum in-
cludit, sed potius stationem aliquam Romano-
rum, ad quam vidi in antiquo saxo hanc inscrip-
tionem,

* C A N D I D I
F I D E S. X X.
I I I I.

* Centu-
rionis.

Hanc alteram mihi descripsit qui vidit Cl.
Mathematicus I. Dee Collegii Mancestrensis
Custos.

C O H O. I. F R I S I N
O M A S S A V O N I S
P. X X I I I.

Posita videantur Centurionibus illis ob fidem
& probitatem tot annos spectatam.

Anno Salutis DCCCCXX Edwardus Senior, ut
habet Marianus, exercitum Merciorum misit in
Northumbriam (tunc enim pertinuit ad North-
umbriæ Reges) ut urbem Manchester restauraret,
& ibi præsidium locaret. Danico enim bello corruis-
se videtur, contra quos quia se fortitur viros
præstitissent incolæ, oppidum suum Manchester
appellatum volunt, id illi interpretanter urbs vi-
rorum, & huic opinioni, quæ cum sua laude con-
juncta videatur, mirum in modum adblandiun-
tur. Sed nesciunt boni illi viri Mancunium Bri-
tannicis temporibus fuisse nomen, ut etymolo-
gia è nostra Anglica lingua petita evanescat. Ma-
lim igitur ego à Main Britannica deducere, quæ
Iiiiiii saxum

County
Palatine.
Vide Pag.
327.

Mosses.

Turfes.

Boves
Lanca-
strenses.

Rochdale.




M A R E

H I B E R N I C V M ;

Anglis

T H E I R I S H S E A .



LANCASTRIA
PALATINATVS
Anglia
LANCASTER
shire.

E B O R A C E N S I S
C O M I T A T V S

P A R S ;

Vernacule

T H E P A R T

O F

Y O R K E

S H I R E

C O M I T A T V S

D A R B I E N S I S



Milia Angli quorum 4 uni Germanico agunt.

Coly-
hurst.

saxum sonat. Saxeo enim tumulo insidet, & sub ipsum oppidum ad *Colyhurst* latomix sunt nobiles & notissimæ.

Trafford
Chatmof-
se.Mosses
unde
sunt.Arbores.
sub terra.Abies in
Britannia
Cæsaris
tempore
non pro-
venit.Holcroft.
Liber Inq.
in Scacca-
rio.Nomi-
num va-
rietates.

Cæterum ut regrediamur, *Irwelli* aquis *Merseius* jam plenior iter Oceanum versus suscipit, per *Trafford*, ex qua & nomen & habitatio insigni *Traffordorum* familiæ, & *Chatmossæ* uliginosum agrum longe lateque patentem, cujus partem non exiguum inflati amnes patrum memoria non sine magno periculo abripuerunt, unde flumina corrupta, & magna periit fluvialium piscium multitudo. Quo in loco subsidet jam valis amniculo irrigata, arboresque prostrata reperta fuerunt. Vt suspicari liceat, cum terra neglecta jaceret, & rivulorum procurfus in patentibus vallibus non deducerentur, meatusque vel incuria vel vastitate intercluderentur, quicquid humiliter erat, in hujusmodi uliginosos tractus (*Mosses* vocamus) vel stagna fuisse conversum. Quod verum si sit, non est cur miremur tot arbores hujusmodi locis passim per Angliam, sed præcipue hoc in agro obrutas & quasi sepultas jacere. Cum enim nimia uligine radices solverentur, ut deciderent, & tam molli solo haurirentur & immergerentur, necesse est. Vicini contis & veribus tentando ubi latent explorant, loco notato effodiunt, & pro ignis alimento utuntur, sunt enim flammis & lumini, æque ac tæda, gratæ: quod fortasse fit è bituminosa terra, qua sunt circumfusæ, unde vulgus abietes fuisse credunt, quas tamen in Britannia provenisse negat Cæsar. Scio receptissimam esse opinionem, ab inundato mundo has vi undarum prostratas jacuisse, eoque magis quod editioribus in locis alicubi effodiantur: locos tamen illis editiores quos dicunt uligine permadere non diffitentur. Eiusmodi etiam arbores ingentes in Hollandia Germaniæ sæpe reperiuntur, quas eruditi in illa regione alibi fluctibus in littore suffossas vel flatibus propulsas in illa humiliora loca uliginosa advectas fuisse, & subsedisse opinantur. Sed curiosa philosophorum natio hæc plenius indagabit.

Post *Chatmossæ* se ostendit *Holcroft*, quæ ut sedem, ita & nomen præclaræ *Holcroftorum* familiæ præbuit, quæ olim aucta ex nuptiis cum altera hærede de *Culchit*. Illud enim in proximo sedet, quod *Gilbertus de Culchit* de feodo *Almarici Pincernæ*; ut ipse de feodo Comitatu de *Ferrariis*, tempore *Henrici Tertii* tenuit. Cujus primogenitam filiam & hæredem cum *Richardus* filius *Hugonis de Hindley* duxisset, ille *Culchith* nomen sibi assumpsit, ut *Thomas* ejus frater, qui secundam duxit, à possessione dictus est de *Holcroft*; alter eadem ratione de *Peasalong*, & quartus de *Riseley*. Quod adnoto, ut intelligat lector, quanta fuerit apud majores, ut firmata gravitas in aliis, ita desultoria levitas in nominibus deponendis & assumendis è possessionibus. Atqui in aliis etiam Angliæ partibus hoc olim factitatum. Adjacent hic circumquaque oppidula (ut etiam per totum hunc Comitatum & *Cestrensem* & alias *Septentrionis* partes) quæ ut nomen claris familiis communicarunt, ita ejusdem sui nominis possessoribus ad hæc usque tempora gaudent. Vt *Aston de Aston*, *Atherton de Atherton*, *Tille-*

sley de Tillesley, *Standish de Standish*, *Bold de Bold*, *Hesket de Hesket*, *VVorthington de VVorthington*, *Torbec de Torbec*, &c. Infinitum esset sigillatim nominare, nec instituti nostri est insignes enumerare familias, sed loca perlustrare antiquiora. Has tamen & hujusmodi familias in *Septentrionalibus* his regionibus (ut semel dicam) uti virtus fundavit, provida moderatio & antiqua suis bonis contenta simplicitas auxit, ita in *Australibus* Angliæ provinciis luxus, usura, corruptelarum illecebræ, & dolus malus brevi tempore florentissimas prorsus subruerunt, adeo ut veteris nobilitatis germina jam exarescere multi conquerantur.

Interim nos *Mersey* decursum persequemur, qui jam per *VVarrington* notum suis Dominis cognomine *Pincernis* sive *Butleris*, qui *Mercatus* jus ab *Edwardo Primo* obtinuerunt, defertur; à quo ad *Septentrionem* non multum abest *Winwick*, inter opima Angliæ sacerdotia nominatissimum, in cujus ecclesiæ summa parte leguntur hi versus barbari veteri caractere, de *Oswaldo Rege*,

Hic locus *Oswalde* quondam placuit tibi valde
Northanumbriorum fueras Rex, nuncque *Polorum*
Regna tenes, loco passus *Marcelde* vocato.

A *VVarrington* *Merseius* se diffundens statimque contrahens, patenti gremio, commercii-que percommodo Oceanum ingreditur, ubi *Litherpoole* patet, Saxonice *Lipen-pole*, vulgo *Lirpoole*, à diffusa paludis in modum aqua, ut opinio est, nominatus, qui commodissimus & usitatissimus est in *Hyberniam* trajectus, elegantia & frequentia, quam antiquitate celebrior. Nec enim ejus nomen apud antiquiores scriptores uspiam occurrit, nisi quod *Rogerus Pictavenfis*, qui Dominus erat (ut eo tempore loquebantur) de honore *Lancastriæ* castrum, hic construxerit, cujus custodiam jam longo sane tempore habuit nobilis illa, & equestris familia de *Molineaux*, cujus primaria sedes est in proximo ad *Seston*, quam *Rogerus* ille *Pictavenfis* *Viviano de Molineaux* primis *Normannici* imperii temporibus elargitus erat. Vniversam enim terram inter *Ribell* & *Mersey* flumina *Rogerus* ille tenuit, ut *Censualis Angliæ* liber testatur.

Prope *Seston*, *Alt* fluvius viam in mare quaerit, & ubi invenit viculum aditum *Altmouth* inde nominat, vicinumque habet *Ferneby*, in cujus uliginoso solo cespites effodiuntur, qui incolis pro ignis fomite, & lucernarum vice. Sub cespitibus autem aqua subest pigra & nigricans, cui nescio quid unctuosum superfluit, & in qua pisciculi innatant, qui à fossoribus capiuntur: ut fossiles hic esse pisces dicamus, non minus quam circa *Heracleam*, & *Tium Ponti*. Nec mirum, cum in hujusmodi locis aquosis pisces subinde humorem sectando terram subeant, & ligonibus homines piscatum eant. Quod in *Paphlagonia* in locis minime aquosis multi & boni pisces effodiantur, abditam aliquam & peculiarem habet rationem. Et lepide sane *Seneca*. Quid est quare pisces in terram non transeant, si nos mare transimus?

Evehitur hinc magno fluxu littus apertum, interiorque à mari cernitur *Ormeskirke* mercatorium

Warrin-
gton.Winwic-
ke.Litherpo-
le.Molineux.
Seston.Pisces.
fossiles.Ormes-
kirke.

rium oppidum, sepultura Stanleiorum Derbien-
fium Comitum insigne, quorum primaria sedes
Latham in vicinia est, ædes magnæ & magnifi-
cæ, quas illi continenter auxerunt ab Henrici
Quarti tempore. Quo Ioannes *Stanley* vir eque-
stri dignitate, pater Ioannis Proregis Hiberniæ
ex eadem stirpe qua Barones de *Audley* oriundus,
filiam & hæredem Thomæ *Latham* Equitis cla-
rissimi duxit, cui hoc amplum hæredium cum
multis aliis possessionibus dotale fuit. Iam inde
vero *Stanley* sedem hic fixerunt, è quibus Tho-
mas filius Th. Domini *Stanley* ab Henrico VII
Derbiæ Comes creatus, ex *Aleonora* Nevilla
filia Comitis Sarisburii genuit Georgium Do-
minum *Le-Strange*; duxerat enim ille Ioannam u-
nicam filiam & hæredem Ioannis Baronis *Le-
Strange* de *Knockin*, qui patre superstitie defunctus
filium habuit Thomam Derbiæ Comitem se-
cundum, cui Anna filia Edwardi D. *Hastings* pe-
perit Edwardum Tertium Derbiæ Comitem, qui
ex Dorothea filia Th. Howardi Ducis Norfolciæ
suscepit Henricum Comitem quartum, qui Mar-
garetam filiam Henrici Cliffordi Comitis Cum-
briæ duxit, matrem Ferdinandi Comitis quinti,
qui modo diem obiit, & Guilielmi jam Comitis
sexti, qui fratri successit.

Stanley
Comites
Derbiæ.

Dugless fluviolus hic tacite serpit, ad quem Ar-
thurus noster (ut author est Ninnius) Saxones
memorabili prælio fudit. Ad hujus fontes *Wig-
gin* est oppidum, *Wibiggin* olim dictum affir-
mant, de quo nomine nihil habeo quod dicam,
nisi Lancastrenses ædificia *Biggin* vocare, uti nec
de oppido, nisi quod sit & cultum & copiosum,
incorporatum ex Majore & Burgensibus; Rectorque ec-
clesiæ, oppidi, ut accepi, est Dominus. In pro-
ximo *Holand* cernitur, è qua clarissima illa Ho-
landorum familia, qui Cantii Comites & Surriæ,
Exoniæque Duces erant, & originem & nomen
traxerunt. Filia autem & hæres primogeniti
fratris, qui equestri ordine hic floruit, tandem
Lovellis enupta eos & possessionibus, & armis
adauxit, scilicet scuto cyaneo liliis argenteis in-
terstincto, inter quæ argenteus itidem leo ore
obverso insurgit.

Dugless
flu.

Wiggin.

Biggin
quid.

Holando-
rum fami-
lia.

Insignia
Holando-
rum.

Bellisama.

Penigent.

Pendle
hill.
Clowd-
bery.

Prope *Duglessi* ostium *Merton* palus satis diffusa
alitur, quæ suo emissario in hunc se exonerat,
statimque *Ribello* flumini in suo æstuario obviam
se offert. Hic enim proximus est post *Merseium*
fluvius qui Oceanum accedit, nomine suo vetu-
stiori non prorsus exolet. *BELLISAMA* enim
æstuarium Ptolemæo, & nobis *Ribell* appella-
tum, fortasse ex adjectione Saxonici verbi *Rhe*,
quod flumen denotat. Ex Eboracensis agri colli-
bus properantibus aquis primum in meridiem
defertur hic fluvius per tres præcellas montes,
Ingleborrow hill ad fontes, quem vasto dorso in Oc-
cidentem solem gradatim quasi adscendentem,
& in sui extremo alio quasi imposito colle eve-
ctum demirati sumus. *Penigent*, fortasse ab albi-
cante, & nivoso capite, hoc enim Britannis *Peng-
win* denotat, qui vasta mole, sed non perinde
excelsa attollitur. Vbi vero Lancastrenses adit
Ribellus (nam hi sunt inter Eboracenses) *Pendle
hill* sublimi admodum fastigio erigitur, & in ipso
fastigio peculiarem profundit plantam, quam
quasi à nubibus productam *Clowdesbery* vocant.
Britannia.

Verum hic mons damno, quod subjecto agro
jampridem intulit, maximam aquarum vim
eructans, & certissimo pluviae indicio, quoties
ejus vertex nebula vestitur, maxime est insignis.
Horum libentius meminerim, tum quod in Ap-
pennino nostro sunt eminentissimi, unde vulgo
usurpatur,

Ingleborrow, Pendle, and Penigent:

Are the highest hills between Scotland and Trent.

Tum ut intelligatur quod ante dixi, cur Al-
pes summæ *Pennina*, & ipsa montium summities
Pennum, & *Apennini* ita priscis Gallis dicta fuerint.
Pen enim montium summities Britannis deno-
tat. Ad ramentum vero montis *Pendle*, *Clithero*
castrum à *Lacis* extructum prope *Rhibell* adsidet,
Et huic vicinum *Whaley*, Saxonice *Walaleg*, mo-
nasterio à *Lacis* condito celebre, quod à *Stan-
ley* in Comitatu Cestrensi CIOCCXCVI trans-
latum. Vbi anno DCCXCVIII Wada Dux in-
felicia signa contra Arduolphum Nordanhum-
brorum Regem sustulit ad *Billangho*, quod nunc
Langho contractius appellatur. Hic *Ribellus* pro-
tinus in Occasum conversus nomen suum imper-
tit vico quem nostra ætas *Riblechester* appellat, u-
bi tot Romanæ vetustatis vestigia, statuæ, numi-
smata, columnæ, columnarum bases, epistylia,
aræ, marmora, inscriptiones subinde effodiun-
tur, ut non abs re fuisse videatur, quod incolæ
claudicante rhythmo dictitant,

Alpes
Pennina.
Pen quid
Britannia.

Clithero.
Whalley.

Ribleche-
ster.

It is written upon a wall in Rome:

Ribchester was as rich as any town in Christendome.

Vixque militares ad hanc duxerunt eminen-
ti aggere, altera ab Eboraco, altera è Septen-
trione per *Borland Forrest* saltum spatiosum, quæ
adhuc per plura milliaria planissime conspici-
tur. Inscriptiones autem ita deformarunt ru-
stici, ut quamvis in plures inciderim, vix ta-
men unam & alteram legere potuerim. Ad *Sal-
isbury hall*, quæ sunt vicinæ ædes nobilis & anti-
quæ familiæ *Talbotorum*, columnæ basim inscri-
ptam vidimus:

D E O
MARTI, ET
VICTORIÆ
DD. AVGG.
ET CC—NN

In proximo pariete huic adjunctus est alter la-
pis, Cupidinem, & alteram imagunculam præ-
se ferens, ex cujus parte averfa hæc mihi descri-
pta fuit, sed nullo sensu inscriptio. quam quia
me diu sollicitum habuit, ut aliorum opinionem
eliciam, hic subjungam:

S E O E S A M
R O L N A S O N
O S A L V E D N
A L Q Q S A R.
B R E V E N M
B E D I A N I S
A N T O N I
V S M E G V I
I C D O M V
E L I T E R

Ego autem nihil aliud suspicari possum quam
ex his pleraque esse Britannica locorum adja-
centium nomina. Anno CIOCCII cum iterum

Kkkkkk huic

hunc locum inviserim, in aram omnium quas vidi maximam & pulcherrimam incidi cum hac Inscriptione:

DEIS MATRIBVS
M. INGENVI-
VS ASIATICVS
DEC. AL. AST.
SS. LL. M.

In adib.
Th. Rhod-
des.

* Forte
Decurio
Ala Astu-
rum fuce-
ptum sol-
vit scil.
vorum li-
bens lu-
bens me-
rito.
Dez Ma-
tres.
Vide B. of
Durham.
Plut. in M.
Marcello.

De his DEABVS sive DEIS MATRIBVS, scrutando nihil eruere possum (nam in orbis terrarum inscriptionibus præterque in altera apud nos reperta non memorantur) nisi, quod Enguium oppidulum in Sicilia fuit DEARVM MATRVM præsentia nobile, ubi ostendebantur hæc aliquot, & aræ galeæ à Metione & Vlysse Deabus illis consecratae.

Arulam etiam alteram ibidem vidi inter rude-
ra ejectam sic inscriptam:

PACIFE
ROMARTI
ELEGAVR
BAPOS
VITEXVO
TO.

Hæc tam exigua erat ut tenuioris alicujus arula gestatilis fuisse videatur, & thuri aut molæ sal-
sæ tantum adolendo, cum illa altera multo ma-
jor, & ad majorum animalium sacrificia peragen-
da. In his Noam proculdubio imitati sunt poste-
ri, etiam postquam à vero Dei cultu desciverant.
Nec Diis solum, sed etiam Imperatoribus servili
adulatione cum impio titulo NVMINI MAIE-
STATIQVE EORVM posuerunt. Ad has ge-
nibus advoluti supplicabant, has amplexi preca-
bantur, ad has jurabant, utque semel dicam, in
his & sacrificiis, totius religionis summa erat po-
sita; usque adeo ut quibus nulla erat ara, iis nul-
la religio, nullus Deus esse crederetur.

Nuperrime etiam saxum hic effossum fuit, in
quo exsculpta nuda effigies equestris sine sella &
freno ambabus manibus hæstile contorquens, &
insultans homini nudo procumbenti, qui nescio
quid quadratum prætendit. Inter equum & pro-
cumbentem sunt D.M. sub procumbente legun-
tur GAL. SARMATA. Reliquæ literæ quæ plu-
res erant, ita evanuerunt, ut legi nequeant, nec
mihi conjectura persequi libet. ALAM SAR-
MATARVM hoc in loco egisse ex illa superiori
inscriptione, & hac quæ ante plures annos jux-
ta reperta, videatur.

HIS. TERRIS. TEGITVR
AEL. MATRONA QV—
VIX. AN. XXVIII. M. II. D. VIII.
ET M. IVLIVS MAXIMVS. FIL.
VIX. AN. VI. M. III. D. XX. ET CAM
PANIA. DVBBA. MATER
VIX. AN. L. IVLIVS MAXIMVS
— ALAE. SAR. CONIVX
CONIVGI. INCOMPARABILI
ET. FILIO. PATRI PIENTIS
SIMO. ET SOCERÆ. TENA
CISSIMÆ. MEMORIÆ. P.

Ex Guil.
Lambardi
schedis.

Cæterum ex his nihil plane luminis ad pri-
scum hujus loci nomen eruendum, de quo am-
bigitur, nisi subinde nomen mutarit, quod non-
nunquam usu venit. Hoc enim situ Ptolemæus
RIGODVNVM, si pro RIBODVNVM, à Ri-
blechester, non omnino abludit, & ad hanc à
Mancunio distantiam, videlicet XVII mil-
liarium, COCCIVM, quod & GOCCIVM in
nonnullis legitur exemplaribus, locat Antoni-
nus.

Cæterum cum hujus fortuna, confecta perio-
do, sive bello, sive terræ motu, quod vulgus su-
spicatur, succubisset, inferius qua regurgitan-
tis Oceani vim patitur Ribellus, & BELLISAMA
ÆSTVARIVM Geographo vocatur, prope Pe-
neworthum, ubi regnante Conquæstore erat Castel-
lum, ut ex Regis ejus tabulis constat, ex Riblce-
striae occasu succedanea proles Preston surrexit,
amplam, & ut in his regionibus, elegans, &
frequens oppidum, à religiosis viris sic dictum,
nomen nostra enim lingua Sacerdotum oppidum so-
nat, sub hoc Ribello aquas infundit suas Derwen
fluviolus, qui primum oppidum mercatu notum
Blacke-borne à nigra aqua sic dictum irrigat, quod
olim Laciorum, regiunculæ adjacenti Blackburne-
shire nomen indidit, inde præterfluit Houghton
Tower, quod celebri familiæ quæ diu incoluit,
nomen impertiit, & VValeton, quod Guilielmus
Lancastriæ Dominus, Regis Stephani filius,
Waltero VValeton dedit, postea vero erat claræ
familiæ Langtonorum, qui à VValetonis genus ducunt.
Sed pedem referamus.

Preston illud de quo modo dixi, Preston in Ande-
resse vocat vulgus hominum, pro Acmundes-
fic enim hanc agri partem dixerunt Anglo-Saxo-
nes, quod inter Ribellum & Cocarum fluvios longius
circumactio littore prominet, & promontorio
quasi naso extenditur, quod etiam postea Agmon-
der-nes dictum. In qua Guilielmi Primi tempori-
bus tantum sedecim ville incolebantur, reliqua vasta ja-
cebant, ut in Censuali libro legimus, Rogerusque
Pictavenfis habebat. Postea vero fuit Theobaldi
VValteri, à quo Botteleri sive Pincernæ Hiberniæ
originem repetunt, sic enim legimus in Charta
Richardi Primi, Sciatis nos dedisse, & præsentem charta
confirmasse Theobaldo Waltero, pro homagio & servitio
suo totam Agmondernes, cum omnibus pertinentiis
suis, &c. Avena hæc est feracior, hordei impa-
tientior, sed pascuis lætior, præsertim ad mare,
qua partim est campestris, unde pars ejus magna
The File, pro Feild appellari videtur, (in Archivis
tamen regiis Lima Latino nomine appellatur,
quod * instrumentum illud fabrilis denotat quo
ferrum, aliudve politur.) Quia tamen alibi pa-
lustris, minus salubris censetur. VVyr fluviolus
hanc citus perstringit, qui è VVierdale loco pleno
solitudinis devolutus Grenhaugh castrum præter-
labitur, quod Thomas Stanley primus ex hac fa-
milia Derbiæ Comes extruxit, cum immineret
illi periculum, à quibusdam hujus agri proscris-
ptis nobilibus, quorum possessiones ab Hen-
rico Septimo dono acceperat. Multos enim
in illum impetus dederunt, & subinde infesti
in agros ejus irruerunt, donec viri optimi
moderatio has inimicitias prudenter extinxe-
rit.

In

Salis con-
ficiendi
nova ra-
tio.

Quick-
sands.
Syrticus
ager.

Lune fl.

Salmon

Over B.
row.

Breme-
nacum

Kerne-
quid.
Horn-
castle.
Baron
Mont-
Aquil

Prod-
Pyric
verea

In ora hic maritima multis in locis sabuli cumulos videas, quibus aquam subinde infundunt, donec falsuginem contraxerit, quam postea, subditis glebis in candidum salem excoquunt. Nonnullæ sunt hic etiam infidæ arenæ & rapaces (sabulum vivum dicunt) itinerantibus adeo periculosæ dum compendia recedente æstu sestantur, ut maxime caveant ne terreno itinere, cum Sidonio loquor, pedestre naufragium faciant; præcipue vero circa *Cocari* ostium, ubi Sirtico quasi agro *Cockersand Abby* Cluniacensium jampridem monasteriolum, à Ranulpho de *Meschnes* fundatum, sed ventorum violentiæ expositum inter *Cockari* & *Luni*, sive *Loni* ostia interjacet, & mare Hibernicum longe lateque diffusum prospectat.

Quick-sands. Syrticus ager.

Lune fl.

Salmones.

Over Burrow.

Bremetonacum.

Kernellare quid. Hornby castle. Barones Montis Aquile.

Proditio Pyriopulverea.

Lonus ille, vulgo *Lune*, ex Westmorlandiæ montibus scatens, in Austrum ripis impeditioribus, & inæquali alveo delapsus, accolæ æstivis mensibus opima Salmonum piscatione ditat, qui cum aqua limpida, & arenosis vadis præcipue lætentur, in hunc & alios hujus oræ fluvios confertim penetrant. Quam primum Lancastrenses inviserit, *Laccus* amniculus ab Ortu aquas illi committit suas. Quo in loco nunc *Over Burrow* est, pertenuis sane rusticorum viculus, quem urbem magnam fuisse, amplosque campos inter *Laccum* & *Lonium* occupasse, & ad extrema deditionis, fame nihil non experta, compulsam nobis memorarunt incolæ, quod à majoribus quasi per manus traditum acceperunt. Et variis certe prisca vetustatis monumentis, insculptis lapidibus, tessellatis pavementis, Romanorum nummis, & nomine hoc novo quod nobis *Burgum* denotat, locus iste antiquitatem suam asserit. Nomen vero antiquum si recuperet aliis, non mihi debeat, etsi ut formicæ semitas anxia sedulitate quæsi, nec est cur quis putet singulorum in Britannia oppidorum nomina sigillatim in Ptolemæo, Antonino, Provinciarum Notitia, & classicis authoribus adnotari. Si tamen conjecturæ sit locus, BREMETONACVM, (quod aliud fuisse à BREMENTVRACO vere judicat Hieronymus Surita Hispanus in suis ad Antoninum Notis) ex distantia ratione à COCCIO vel Ribble-chester, libens opinarer.

Ab hoc Burgo *Lonus* flu. *Thurland Tunstallorum* propugnaculum, à Thoma *Tunstall* Equite aurato tempore Regis Henrici Quarti extructum, cum Rex licentiam dedisset firmandi & Kernallandi mansum, id est, lorici incingendi, & Hornby egregium castellum prætervehitur, quod N. de Monte Begonis conditorem, Dominosque suos Harringtonos & Stanleios Barones de Monte Aquile sive Mont Eagle à Th. Stanley primo Derbiæ Comite oriundos venditat. Quorum tertius & postremus Guilielmus Stanley reliquit Elizabetham filiam unicam & hæredem uxorem Edwardi Parker Baronis Morley, matrem Guilielmi Parker, quem Rex Iacobus avito honore Baronis de Mont-Eagle denuo exornavit, & nos, nostrique posterum universæ Britannia bono natum agnoscamus. Ex literulis enim subobscuris ad eum clandestino transmissis, & ab eo in medium tempestive prolatis, proditio, quam efferata impietas machinari poterat Britannia.

longe nefandissima, in ipso fere extremo Reipublicæ fato est deprehensa. Cum scelerati nonnulli sub execranda religionis larva, vi magna pulveris fulminalis conclavi Parlamentario supposita, ad Principem & patriam uno momento distandum jamjam ignem admoturi starent.

Lonus hinc paucula permenfus milliaria *Lancaster* ad Australem ripam videt, præcipuum regionis oppidum, quod incolæ verius *Lancaster*, uti & Scoti, qui *Lancastell* vocant à *Lono* flu. LONGOVICVM & nomen superstes, & flumen subterlabens quodammodo argumentantur, ubi sub Britanniarum Duce, ut est in notitia Provinciarum, numerus Longovicariorum, qui à loco nomen sunt mutuati, stationem habuit. Quamvis hodie oppidum sit minus frequens, & incolæ omnes rei rusticæ vacent, (circumvicinus enim ager cultus est, apertus, florens, nec sylvis nudus) in Romanæ tamen vetustatis argumentum Cæsarum nummos nonnumquam inveniunt, maxime ubi fraterculi suum claustrum habuerunt. Aream enim ibi antiquæ urbis fuisse prædicant, quam Scoti cuncta obvia excursionem repentina populati, anno Salutis CIOCCCLXXII, succenderunt. Ex quo tempore ædificare cœperunt propius collem viridantem ad flumen cui imponitur castrum, non magnum quidem, nec vetustum, sed elegans & firmum: adsidetque, ipso colle unicum quod habent templum, ubi Monachi exteri olim suum habuerunt cœnobiolum. Sub quo ad pontem pulcherrimum, quo *Lonus* consternitur, in ipsa præcipiti collis declivitate, parietis antiquissimi, & Romani operis pendet fragmentum præceps, *Wery wall* vocitant illi, recentiori Britannico hujus oppidi, ut videtur, nomine. Hoc enim oppidum illi *Caer Werid*, id est, Urbem viridem dixerunt, à viridanti forsitan illo colle, sed hæc viderint alii. Ioannes Moritonii & Lancastriæ Dominus, qui postea Rex Angliæ, Burgensibus suis Lancastriæ charta confirmavit libertates omnes quas Burgensibus Bristolie concesserat. Edwardusque Tertius, anno regni sui xxxvi, concessit Majori & Ballivis villa Lancastriæ, quod Placita & Sessiones non alibi tenerentur. Polum Arcticum, ut hoc non omitam, grad. LI I I I, scrup. v, elevatum aspicit, ab ultimo vero Occidente part. xx, scrup. XLVI I I, removetur.

Dum ex hoc colle circumspicerem, ut *Loni* ostium viderem, quod non multo inferius effunditur, *Forneß* altera pars hujus regionis ad Occasum oculis occurrit, quam mare quodammodo avulsit. Cum enim littus hinc se vastius in Occasum projiceret, Oceanus quasi infensior obstinatus illud lancinavit, imo incrudescente æstu littus devoravit, sinusque tres laxiores efficit, sc. *Kentsand*, quo *Ken* fl. emittitur, *Levensand*, & *Duddensand*, inter quos ita prominet terra, ut inde sit nomen sortita. *Forneß* enim, & *Foreland*, idem est nobis, quod Promontorium antequam Latinis. Tota, nisi ad mare, excelsis montium cacuminibus, & crebris rupium molibus assurgit, (*Forneß-fils* indigitant) inter quos Britanni diu secure agitare, his defendentis naturæ munimentis freti, licet

Lancaster.

Four-nesse.

Fourneß-fils.

licet nihil invium Saxoni victori. Anno enim vicesimo octavo super ducentessimum ab adventu Saxonum, Britannos hic sedisse colligimus, quod eo tempore Egfridus Nordanhumbro-
 rum Rex Cuthberto illi sancto terram, quæ vocatur *Carthmell*, & omnes Britannos in ea (sic enim in ejus vita scribitur) elargitus est. *Carthmell* enim partem hujus agri esse ad *Kentsand*, notissimum est, idemque nomen oppidulum in ea etiamnum servat, in quo Guilielmus *Marescallus* senior Comes Penbrochiæ Prioratum extruxit, & dotavit. Si apud Ptolemæum *SETANTIORVM* *λίμνη*, id est, *Lacus*, ut aliqui concipiunt libri, & non *Setantiorum* *λίμνη*, id est, *Portus*, legas, *SETANTIOS* dictos fuisse hos Britannos ausim affirmare. Inter hos enim montes lacus totius Angliæ maximus, nunc *Vinander-mere*, Saxonice *Winabpe-mep*, à tortuoso forsitan meatu, per decem plus minus milliaria fundo quasi continuo saxo con-
 strato, ripas incurvat, immensæ alicubi, ut ferunt accolæ, profunditatis, pisce sibi peculiari (quem accolæ *Chare* vocant) fecundus. Suique nominis adpositum habet viculum, in quo anno Christi *DCXCII*, Eathredus Nordanhumbro-
 rum Rex Elfwoldi Regis filios Eboraco abstractos interemit, ut suo scelere, & illorum sanguine sibi regnum confirmaret.

Inter hunc lacum, & *Dudden flu.* promontorium, quod vulgo *Fornesse* dicimus, se projicit, insulamque *VValney* quasi antemurale longo tractu prætentam habet, tenui freto divisam, cujus fauces munimentum *Pile of Fouldrey* dictum ab Abbate de *Fornesse*, anno primo Regis Edwardi Tertii, scopulo in mediis fluctibus impositum tuetur.

In ipso vero promontorio nihil visendum est præter parietinas monasterii de *Fornesse* dicti, quod Stephanus Comes *Boloniæ*, qui postea Rex Angliæ, anno Salutis *MCXXVI* extruxit in loco olim *Bekensgill* dicto, vel potius transtulit à *Tulket* in *Anderneffe*. E cujus monachis, & non aliunde (ut ipsi retulerunt) Manniæ Insulæ, quæ objacet, Episcopi veteri instituto eligi solebant: nimirum cum fuerit quasi mater plurimorum monasteriorum in Mannia & Hibernia. Magis ad Ortum *Aldingham* antiquum hæredium familiæ de *Harrington*, ad quos à *Flemmingis* per *Cancesfeldos* devenerat, & quorum hæreditas per filiam ad Guilielmum *Bonvill* in agro Devonienfi, & tandem per eum ad *Gregios* Dorsettiæ Marchiones descendit. Pauloque superius *Vlverston*, ideo non tacendum, quod ejus medietatem Edwardus III, Joanni *Coupland*, viro inprimis bellicoso dedit, quemque in Baneretti dignitatem extulit, quod in prælio apud *Dunelmum* Davidem Secundum Scotorum Regem captivum abduxerit. Verum post ejus mortem Ingelramo Domino *Coucy* è Gallia idem Rex cum aliis hoc tractu latifundiis, & titulo Comitis *Bedfordiæ* concessit, utique qui ejus filiam *Isabellam* in uxorem acceperat, & cujus majores jure Christianæ de *Lindesej* magnos in Anglia habuere proventus.

Quod ad nobiles qui *Lancastriæ* titulo usi sunt, prima Normannici imperii infantia tres fuerunt qui *Domini de honore Lancastriæ* dicebantur, Rogerus scilicet *Pictavenfis*, filius Rogeri de *Mon-*

te-gomerico, qui *Pictavenfis* cognominatus (authore Guilielmo Malmesburienfi) quod uxorem è *Pictonibus* Galliæ accepisset. Verum cum ille hoc honore sua perfidia excidisset, eundem accepit à patre Guilielmus filius Regis Stephani, Comes *Moritonii*, & *Warreniæ*. Eo autem defuncto, Rex *Richardus Primus* Joanni fratri, qui postea Rex Angliæ, eundem contulit. Sic enim legitur in antiqua historia, *Rex Richardus egregium in fratrem Ioannem declaravit amorem. Nam præter Hiberniam & Comitatum Moritonii in Normannia, in Anglia tanta ad-*
jecit, ut quasi Terrarcha esset. Denique Cornubiam, Lan-
castriam, Nottinghamiam, Derbiam cum adjacenti pa-
tria, & alia contulit multa. Satis longo post intervallo Rex *Henricus Tertius* Joannis filius *Edmundum Gibbosum* filium suum natu minorem, in quem hæreditates & honores *Simonis Montisforti* Comitit *Leicestriæ*, *R. de Ferrariis* Comitit *Der-*
biæ, & Joannis *Monumethensis*, quod seditionis vexilla in illum sustulissent, transcripsit, Comitit *Lancastriæ* titulo primus exornavit, & his ver-

bis dedit *Honorem, Comitatum, Castrum & villam de Lancastre, cum vaccariis & Forrestis de VViresdale, Lownsdale, Novum Castrum subtus Limam, Manerium, Forrestam, & Castrum de Pickering, Manerium de Scalleby, villam de Gomecestre, redditumque villate de Huntendon, &c.* cum excidisset ille regno *Siciliæ*, in quod Pontifex Romanus per annulum ipsum frustra investierat, & non sine ludibrio Anglici nominis in ejus honorem aureos signari jussisset cum titulo *AIMVNDVS REX SICILIAE*, postquam credulum Regem hoc nomine plurima pecunia emunxisset. Hic *Edmundus* (prima uxore filia & hærede Comitit *Albemarliæ*, quæ ipsum hæredem scripserat, sterili defuncta) è *Blanchia Artesiana* ex domo *Francica* uxore secunda *Thomam, Henricum, & Ioannem*, qui in infantia obiit, progeniit. *Thomas* Comes erat *Lancastriæ* secundus, qui accepit in uxorem *Aliciam* unicam filiam & hæredem *Henrici Lacy* Comitit *Lincolniæ*, quæ suam & maternam hæreditatem, scilicet familiæ de *Longa-spata*, qui *Sarisbury* fuerunt *Comites*, uti pater ejus *Henricus* ille *Lacy* antea terras suas, si modo *Alicia* sine sobole diem obiret, quod evenit, in familiam *Lancastrensem* transcripsit. Verum hic *Thomas* cum Principem suum *Edwardum Secundum* minus reverenter haberet, civilisque belli incendia foveret, prælio captus & capite truncatus sine prole diem obiit. Sententia tamen in eum lata postea *Parlamentaria* autoritate refixa, quod per *Pares suos* judicatus non fuerit, *Henricus* frater & possessionibus & honoribus successit. Hunc etiam uxor *Matildis* filia & ex asse hæres *Patricii* de *Cadurcis*, sive *Chaworth*, non solum suo, sed etiam magnis in *Wallia* patrimoniis, *Mauritii* scilicet *Londinensis*, & *Siwardi*, à quibus stemma illa duxerat, adauxit. Vnicum hic reliquit filium *Henricum*, quem *Edwardus Tertius* è *Comite* in *Ducis* honorem extulit, secundusque fuit è nostris proceribus *Ducis* nomine insignis. Verum nulla prole mascula suscepta obiit ille, duabus relictis filiabus, *Matilde* & *Blanchia*, inter quas dispertita hæreditas. *Matildem* duxit *Guilielmus Bavarus* *Hollandiæ, Zelandiæ, Frisiæ, Hannoniæ*, & jure uxorio *Leicestriæ* Comes. Illa au-

Gualterus Hemingford. Ro. Hoveden pag. 373. b.

Comites Lancastriæ.

Comes Lancastriæ Rex Siciliæ.

Duces Lancastriæ.

tem

rem sine liberis defuncta, Ioannes Gandavensis, five de Gaunt dictus, quia Gandavi Flandriæ natus, Edwardi Tertii filius natus 1111, qui Blanchiam alteram Henrici filiam in uxorem acceperat universam hereditatem adiit; jamque opibus par multis Regibus, Dux Lancastriæ à patre creatus, jura etiam regalia ab eo impetravit, qui Comitatum Lancastrensem in Palatinatus dignitatem hujusmodi rescripto evexit, cum memorasset quam egregiam operam patriæ, domi belique navasset. Concessimus (inquit) pro nobis & heredibus nostris prefato filio nostro, quod ipse ad totam vitam suam habeat infra Comitatum Lancastriæ Cancellariam suam, ac Brevia sua sub sigillo suo pro officio Cancellarii deputando, consignanda, Iustitios suos tam ad placita coronæ, quam ad quæcunque alia placita communem legem tangentia, tenenda, ac cognitiones eorundem, & quæcunque executiones per Brevia sua, & ministros suos ibidem faciendas. Et quæcunque alia libertates & jura regalia ad Comitatum Palatinum pertinentia, adeo libere & integre sicut Comes Castriæ infra eundem Comitatum Cestriæ dignoscitur obtinere, &c. Nec solum Dux erat ille Lancastriæ, verum etiam ex nuptiis cum Constantia Petri Castellæ Regis filia, aliquandiu usus est nomine Regis Legionis, & Castellæ. Sed hoc ex pacto cessit, & anno Richardi Secundi XIII, consensu Parlamenti Dux Aquitaniæ (Aquitania fremente) fuit creatus. Quo tempore hos præ se tulit titulos, Ioannes filius Regis Angliæ, Dux Aquitaniæ, & Lancastriæ, Comes Derbia, Lincolnæ, & Leicestriæ, Seneschallus Angliæ.

Io. de Gaunt Rex Castellæ

Rex Henricus III.


Post hunc Ioannem, Henricus de Bollingbroke ejus filius, in Ducatu Lancastriæ successit, qui cum exturbato Richardo Secundo, Angliæ regnum obtinisset, Henricum filium, qui etiam postea erat Rex Angliæ, hoc honore ornavit, & ut sibi suisque in his hereditatibus caveret, ita ex autoritate Parlamentaria his verbis censuit,

Nos nolentes dictam hereditatem nostram, aut libertates ejusdem, occasione instantis assumptionis regalis status, & dignitatis nostræ in aliquo mutari, transferri, diminui, seu derogari; sed eandem hereditatem nostram cum juribus & libertatibus suis predictis, eisdem modo & forma, conditione & statu quibus nobis descenderunt, & evenerunt, ac etiam cum omnibus, & singulis talibus libertatibus & franchis, ac aliis privilegiis, commoditatibus & proficuis quibuscunque, quibus dominus, & pater noster dum vixit, eam ad terminum vite sue ex concessione Richardi nuper Regis habuit, & tenuit; nobis & dictis heredibus nostris in dictis chartis specificatis plenarie & integre conservari, continuari, & haberi volumus. Ac tenore presentium ex certa scientia nostra, de assensu presentis Parlamenti nostri concedimus, declaramus, discernimus, & ordinamus pro nobis & heredibus nostris, quod tam Ducatus noster Lancastriæ, quam universa & singula alia, Comitatus, Honores, castra, maneria, feoda, advocaciones, possessiones, annuitates & dominia quæcunque nobis ante adeptionem dignitatis nostræ regia qualitercunque, & ubicunque jure hereditario in Dominico servitio, vel in reversione, seu alias qualitercunque descensa nobis, & dictis heredibus nostris in chartis predictis specificatis in forma predicta remaneant in perpetuum. Henricus deinde Quintus Parlamenti autoritate amplissimam hereditatem, quæ ipsi obtigerat jure matris, quæ filia & altera hæres fuit Humfredi Bohun Comititis Herefordiæ, huic Ducatui adjunxit. Hac forma & conditione jam inde mansit, nisi quod Edwardus Quartus anno regni primo cum Henricum Sextum in Parlamento læsæ majestatis proscripisset, Coronæ (ut loquuntur) appropriaverit, sibi scilicet & heredibus suis Angliæ Regibus: à qua tamen Henricus VII statim sejunxit. Suosque nunc habet seorsim Officiarios, Cancellarium scilicet, Attornatum, Receptorem, Clericum Curia, Assessores sex, Tabellarium, Auditores duos, Receptores viginti tres, & tres Supervisores.

Recensentur in hoc agro, præter plurimas Capellas, Paræciæ tantum 36, sed illæ valde populosæ, & quæ maximas alibi paræcias incolarum multitudine longe superant.



WESTMORELAND.



AD extremos Lancastrenses succedit magis in Septentrionem altera Brigantum regiuncula, Latinis *Westmorlandia*, nobis *West-more-land*, & scriptoribus nonnullis recentioribus *Westmaria*, ab Occasu, & Borea *Cumberlandia*, ab Ortu Eboracensi & Dunelmensi agro terminata. Quæ quia tota inter montes alte perringentes sita, (Appenninus enim noster hic magis magisque in latitudinem excurrit) & magna ex parte inculta jaceat, hoc nomen in nostra lingua invenit. Loca etenim inculta, & quæ non facile agricultura sublevare possint, *Mores Angli* Septentrionales vocant, & *West-more-land* nihil aliud est nobis, quam *inculta ad Occasum regio*. Ex venerandæ igitur antiquitatis schola illud de Mario Rege ejiciatur somnium, quem *Pictos* contudisse, & de suo nomine hanc regionem denominasse resupini nostri historici per quietem viderunt.

Pars hujus Australior, quæ angustiori spatio inter *Lonum fl.* & *Winander-mere* nonnulla ex parte concluditur, satis ferax in vallibus habetur, licet & suas asperas, glabrasque cautes ostendat, unoque nomine, *The Baronia of Kendale*, id est, *Baronia de Kendale*, sive *Candalia*, id est, *Vallis ad Canum* nominatur, *Can* enim flu. qui saxis asperatus hanc vallem perstringit, nomen indidit, ad cujus occiduam ripam frequentissimum oppidum *Candale*, sive *Kirke by Kandale*, id est, *Ecclesia in valle ad Canum*, duabus productis plateis se interfecantibus sedet, lanificii gloria, & industria ita præcellens, ut eo nomine sit celeberrimum. Incolæ enim copiosam per universam Angliam laneorum pannorum exercent mercaturam. Suoque honori impemis esse existimant, quod suos Barones, & Comites habuerint. Barones ex stirpe Ivonis *Taleboys*, è cujus posteris *Guilielmus*, annuente Rege *Henrico Secundo* vocavit se *Guilielmum de Lancaster*, cujus neptis & hæres *Gilbertum* filium *Rogeri filii Reinfridi* maritum assumpsit, per cujus filias (filio *Guiliel. defuncto*) migravit hæreditas ad *Petrum Brus D. de Skelton* ejus prænominis secundum & *Guil. Lindefay*, ad quem materna origine *Ingelramum Dominum de Coucy* in Gallia genus retulisse ex historia *Monasterii Fomefii* accepimus. Per hujus *Petri Brus* filiam sororem & hæredem *Petri Brus Tertii* devenit hæc Baronia ad *Rossos de Verke*, & ab illis ad *Parros* jure hæreditario hic honos devolutus est, quorum castrum è regione oppidi vetustate jam consenescit. Comites vero tres, *Ioannem Ducem Bedfordiæ* à fratre Rege *Henrico Quinto* eo honore auctum, *Ioannem Ducem Sommerfetti*, & *Ioannem de Foix* ex illustrissima *Fuxensium* in Gallia familia, quem *Henr. Sextus* ob fidelem in Gallico bello operam eo dignitatis extulerat. Vnde fortassis est quod aliqui ex hac *Fuxensi* familia in Gallia etiamnum de *Candalia* denominentur. Nec aliam, quod scio, vetustatis gloriam vendicat *Candalia*.

CONCANGIOS tamen olim Romanorum stationem fuisse opinatus sum, sed jam rectius docuit dies. Inferius in *Can* flumine duæ sunt *Catadupa*, ubi vasto cum murmure aquæ præcipitantur, altera est ad *Levens* viculum, altera magis ad Austrum prope *Betham*, quæ quasi certa prognostica sunt vicinis: cum enim borealis clarius insonare auditur, serenitatem, cum australis, imbres & nebulas certo expectant. Hæc in Australi & angustiori parte hujus regionis, quæ ad Occasum *Winster* amne, & spatioso quem modo dixi *Lacu Vinander-mer*, ad Ortum *Lono* sive *Luno* flumine terminantur.

Ad superiorem angulum lacus *Vinander-mer* quasi projectum antiquæ urbis cadaver jacet, magnis mœnium, & extra mœnia ædificiorum multis divulsis ruderibus adhuc extantibus. Propugnaculum ejus fuit oblongum fossa & vallo munitum, in longitudine enim cxxx i ulnas, latitudine lxxx occupavit. Romanorum opus fuisse lateres Britannici, cæmentum lateritiis frustulis intritum, urnulæ, vitrea vascula, Romanorum numismata sæpius inventa, lapides rotundi instar molarium, è quibus coagmentatis columnæ olim extructæ, & strata viæ ad hanc ducentes clare loquuntur. Nomen autem antiquum disperiit, nisi cum hodie *Amblefide* vocetur, quis *AMBOGLANAM* esse, cujus meminit *Notitiarum Liber*, conjectando suspicetur.

Ad Ortum *Lonus* limitis vice fungitur, tractumque adjacentem suo ex nomine *Lonf-dale* insignit, id est, *Vallis ad Lonum*, cujus primarium oppidum est *Kirkby Lonf-dale*, quo ad sacra & ad mercatum populus circumvicinus confluit. Supra *Loni* sive *Luni* fontes latius se explicat regio, multisque gyris, & flexibus montes excurrunt, quibus interjacent alicubi convalles prærupta altitudine, crebris locis speluncarum in modum subruptis. *Eden* flumen nobile, qui *Ptolemæo* *ITVNA*, caput in Eboracensi agro tollens, primum languida aqua, sed sensim confluentibus rivulis increscens, inter hos montes iter quærit in Occasum æstivum, per *Pendragon* castrum, cui præter nomen & saxorum struem nihil reliquit ævi vetustas. Inde per *VWharton hall* sedem *Baronum de VWharton*, quorum primus erat *Thomas* ab *Henrico VIII*, ad eam dignitatem evectus, cui successit ejusdem nominis filius, & illi qui nunc floret tertius *Baro Philippus*, vir honoratissimus. Postea per *Fanum Stephani*, vulgo *Kirkby Stephen*, forum notum defluit, & *Musgrave* viculum unum & alterum, qui bellicosæ *Musgravorum* familiæ nomen dederunt, è qua *Edwardo Tertio* regnante *Th. Musgrave* ad *Parlamenta* solenni rescripto inter Barones vocatus floruit, & *Heartly* castrum vicinum incoluerunt.

Hic aquas *Ituna* quasi remoratur, ut aliis rivulis consocietur, quorum uni, vix duobus mill. pass. ab ipso *Ituna* *VERTERÆ* incubuerunt, præterea memoratæ oppidum ab *Antonino*, & *Notitiarum* libro memoratum, qui innuit Romano imperio jam declinante Romanum Præfectum ibi cum

The Baronia of Kendale.

Domini Candalia. Historia Fomefensis.

Familia de Lancafter.

Comites Candalia.

Catadupa.

The Fomes.

Amblefide.

Ambo-glana.

Eden flu. Ituna.

Wharton hall. Barones Wharton.

Musgrave.

Heartly castle.

Verteræ.

Burgh under Stanemore.
Burgus.
Vegetius lib. 4. cap. 10.

Orosius.

Aballaba.
Apelby.

cum Directorum Numero egisse. Nunc vero ipsum oppidum in tenuem vicum exiguo propugnaculo munitum, & nomen in *Burgh* abiit, notitates enim *Burgh under Stanemore*, id est, *Burgus sub Saxeto*, nuncupant. Sub posterioribus Imperatoribus, & notasse semel lubet, Castella parva oportuna bello, & annonæ copia munita *Burgi* dici coeperunt, nomine novo quod post translatum in Orientem imperium à Græcorum *πύργος* Germani & alii mutuo sumpsisse videantur. Unde & Burgundiones nomen, quia *Burgos* incoluerunt, sic enim illa ætas crebra per limitem disposita habitacula vocavit. Nec aliud de illo legi, quam quod inchoato Normannorum imperio conjurationem in Guilielmum Normannum hic Angli habuerint. *Burgum* hunc *VERTERAS* fuisse vel affirmare ausim, quod distantia hinc à *Levatis*, illinc à *Brovonaco* in Italica resoluta milliaria exacte Antonini numeris respondeat, quodque via militaris Romanorum suo agere etiamnum conspicienda hac ducit ad *Brovonacum*, per *Aballabam*, cujus meminit liber Notitiarum, quæ adeo incorrupto hactenus mansit nomine, ut ipsa se clarissime ostendat, & omnem quodammodo scrupulum eximat. Pro *Aballaba* enim nos *Apelby* contrahe vocamus. Sola hujus vetustas & positio est suspicienda, nimirum Romano sæculo statio erat Maurorum Aurelianorum, & agro non inamœno *Ituna* flumine fere circumfusa: sed ita infrequens est, & tenui structura, ut nisi vetustate meruisset primarium regionis censei oppidum, & juridicos conventus, sive *Asis* in suo castro habere, quod publicum est maleficis ergastulum, parum admodum à vico abesset. Tota enim pulchritudo in una latiori consistit platea, quæ à Septentrione in Austrum facili colle ascendit, in cujus parte superiori castrum flumine fere totum circumdatum eminet. In inferiori templum, sita est & schola, quam Robertus *Langton*, & Milo *Spencer* Legum Doctores fundarunt, cuique merita cum laude præest Reginaldus *Bambrigg* vir doctissimus, qui plurimas antiquas inscriptiones nobis pro candore suo descripsit, & nonnullas in hortos suos huc transtulit. Nec immerito sane hanc, uti & *Burgum*, quem dixi, *Regias munitiones* vocat Guilielmus Neubrigensis, ubi memorat Guilielmum Scotorum Regem illas ex improvise cepisse, paulo antequam ipse apud *Alnewick* caperetur. Quæ Rex Ioannes postea recepta Ioanni de *Veteriponte*, sive *Vipont*, ob operam egregie præstitam, liberaliter donavit.

Intento hinc cursu in Occasum æstivum fertur fluvius per *Buley*, castrum Episcopi Carleolensis, & *Kirkby Thore*, sub quo magna rudera vetusti oppidi visuntur, Romanique nummi subinde eruntur, & hæc non ita pridem inscriptio:

DEO BELATVCA D.
RO LIBVOTV
M. FFCIT
IOLVS.

Nomen autem vetustum penitus obliteravit ipsa vetustas, *Whelley-castle* hodie nuncupant. Si per Antiquitatis prætorem liceat, dicerem esse Gallatum. *GALLAGVM* Ptolemæi, quod Antonino *GALL-Britannia*.

LATVM, suffragante itineraria distantia, nec prorsus reclamante nomine. Quæ enim à Gall Britanni incepterunt, in *Vall* converterunt Angli. sic *GALENAM Vallingford*, & *Gall-Sever*, *Vall of Sever*, &c. dixerunt. Melioris olim notæ proculdubio fuit cum hinc ad *Caer-Vorran* iuxta murum Picticum via lapidibus constrata, *Maiden way* vocant, qua uliginosi magno gradu excurrunt montes per xx plus minus milliaria, quasi recta ducit. Ad quam stationes & Mansiones ab Antonino in nono Britanniarum itinere sitas fuisse libens existimam, etsi loca nemo signaverit; nec mirum, cum Temporis omnia conficientis & confumentis tot jam seculis fuerint pabula.

Iuxta ad *Crowdendale-waith* fossæ, valla, & aggestæ moles apparent: & inter ea hæc Romana inscriptio (quam mihi descripsit, quem dixi Reginaldus *Bambrigg* Gymnasiarcha Applebeia) in aspera rupe excisa fuit, cujus pars prior vetustate omnino exesa.

-----VARRONIVS
----ECTVS LEG. XX. V. V.
---AEL. LVCANVS
--PLEG. II. AVG. C.

Id est, ut ego lego, ----*Varronius Præfectus legionis vicesimæ Valentis Victoris* ---- *Aelius Lucanus Præfectus legionis secundæ Augustæ, castra metati sunt*, vel aliquid tale. Legio enim vicesima Valens Victorix, quæ suam sedem *DEVÆ*, id est, *Vestchester*, & Legio Secunda Augusta, quæ suam *ISCÆ*, id est, *Caer-Leon* in Wallia sedem habuit, evocatæ contra hostes in hac parte, hic substitisse, & sua stativa castra aliquandiu habuisse videantur, Præfectosque ad rei memoriam hoc in rupe insculpsisse. Tempus non facile dixerim. Ad tempus ramen designandum in vicina rupe hæc literæ grandiusculæ insculptæ supersunt *CN. OCT. COT. COS S.* sed inter Consulium paria in Fastis nihil tale occurrit. Observavi tamen à Severi ætate ad Gordianum, & postea, literam *A* ubique in hac insula in omnibus ejus seculi inscriptionibus transversam lineolam non habere, sed sic *A* notari.

Fertur hinc *ITVNA* non procul ab *Howgill* castro *Sandfordorum*, via vero militaris recta in Occasum Æquinoctialem ducit per *Whinfield*, vivarium amplum, arboribus opacum, ad *Brovoniacum*, xx milliariibus Italicis, xvi i Anglicis à *VERTERIS*, ut posuit Antoninus, locatum, cui etiam *Broconium*, uti *Broconiacum* in Notitiarum libro nominatur, qui Numerum Defensorum hic sua habuisse stativa docet. Hujus ædificia & dignitatem licet absumpserit vetustas, nomen tamen fere inviolatum superest, *Brougham* enim vocamus. Hic *Eimotus* fluvius ex amplo lacu effusus, & aliquandiu hanc regionem à Cumbria dividens, *Loderum* flumen recipit, prope cujus scaturiginem ad *Shape*, quondam *Hepe*, monasteriolum, à Thoma filio Gospatricii filii Ormi constructum, fons est qui instar Euripi sæpius in die reciprocantibus undis fluit & refluit, & ingentia forma pyramidalis saxa, quorum nonnulla novem pedes altitudine, & crassitudine x i i i i, recta quasi serie per mille passus æquali fere distantia disponuntur, quæ

M m m m m ad

A pro A.

Brovoniacum.
Whin Septentrionalibus, quod Australibus
A Burr.
Brougham.



ad alicujus rei ibi gestæ memoriam propagandam erecta videantur, illa tamen temporis injuria omnino intercidit. Ad *Loder* ejusdem est cognominis locus, qui, ut *Stricland* in vicinia, antiquæ claritatis familiis nomina fecerunt. Supra ad *Loderi* & *Eimoti* confluentes anno 910 DCII, erutum fuit saxum his verbis Constantino Magno positum,

I M P.
C. V A L.
C O N S T A -
N T I N O
P I E N T.
A V G.

Pientiffi-
mo Au-
gusto.

Isan-Par-
les.

Hanging
Walls of
Marcato-
niby.
Fines

Cum *Eimotus* limes aliquandiu fuerit inter hanc regionem & Cumbriam, juxta *Isanparles* rupem vicinis notissimam, quam natura difficilimo aditu variis cavernis, & anfractuosis, quasi per-fugium miseris, afflictis temporibus molita est, se cum suis & alienis aquis in *Itunam* sive *Eden* post paucula mill. immergit, quando in se admi-ferit *Blencarne* amnem, qua hac in parte Cumbri-am spectat, terminalem; ad quem informes esse ruinas Castri accepi, quas pendentia mœnia *Mar-cantoniby* vocant, id est, pendentia mœnia (ut illi volunt) *Marci Antonii*.

Westmorlandiæ Dominus primus (quod sciam) præfuit Robertus de *Veteri Ponte*, sive *Vipont*, qui in clypeo rubro sex aureos anellos gestavit. Illi enim donavit Rex Ioannes *Ballivam* & redditus de *Westmorland*, per servitium quatuor Militum, unde *Cliffordi* ejus successores ad nostra usque tempora tenuerunt officium *Vicecomitatus de Westmorland*. Robertus enim de *Veteri Ponte* ultimus, duas so-lummodo filias reliquit, Sibyllam Rogeri Domi-ni *Cliffordi* uxorem, & Idoneam Rogero de *Ley-bourne* enuptam. Longo post tempore Rex Ri-chardus Secundus Radulphum de *Nevill*, sive *Nova villa*, Do minum de *Raby*, virum summæ & vetutissimæ nobilitatis Anglicæ ab *Vethredo* Northumbriæ Comite oriundum primum West-morlandiæ Comitem creavit, cujus posterii ex priore uxore M. filia Comitissæ *Staffordiæ* eo ho-nore floruerunt, donec Carolus impotenti ani-mo, & scelerata conspiratione fidem in Regi-nam Elizabetham & patriam exuendo clarissimæ familiæ maximum dedecus impressisset, suumque ipsius splendorem nefarie maculasset, unde pa-tria profugus vitam in Belgio misere egit, & pe-regit. Ex altera uxore Catharina filia Ioannis Gandavenfis Ducis Lancastriæ adeo eximia fuit & numerosa propagatio nominis, ut uno eodem-que fere tempore ex ea enati effloruerint Co-mes Sarisburie, Comes Warwic. Comes Can-tii, Marchio Montis-acuti, Baro *Latimer*, & Baro *Abergevenny*.

Term.
Mich. R.
6. H. 8.
Insignia
Viponto-
rum.

Comites
Westmor-
landiæ.

In hoc Comitatu 26 numerosa paræciæ habentur.



CUMBER-

C V M B E R - L A N D.



Vmbria, ad Occasum præjacet *Westmorlandia*, vulgo *Cumberland*, ultima in hac parte Angliæ provincia, utpote quæ ipsam Scotiam ab Arcto attingit, ab Austro & Occidente Hibernico Oceano pulsata, ab Ortu vero super

Westmorlandiam *Northumbriæ* contigua. Nomen ab incolis traxit, qui veri & germani Britanni fuerunt, & se sua lingua *Kumbri* & *Kambri* indigitarunt. Britannos enim diu hic insedisse, fremente Anglo-Saxone, historiæ testantur, ipseque Marianus, qui hanc regionem *Cumbrorum* terram dixit; ut taceam Britannica passim locorum nomina, cujusmodi sunt *Caer-luel*, *Caer-dronoc*, *Pen-rith*, *Pen-rodod*, &c. quæ hoc planissime loquuntur & assertioni meæ probationem præstant vel apertissimam.

Terra autem quamvis ob Septentrionalem situm frigidior, & ob montes asperior videatur, sua tamen varietate perlustrantibus arridet. Post verrucosas enim rupes, & confertos montes metallis gravidos, quibus lacus omni volatilium genere abundantes interjacent, succedunt pabulosi colles gregibus referti, quibus rursus substernuntur porrectæ planities frugibus satis fecundæ. Ad hæc Oceanus, qui ad littus alliditur, piscium optimorum innumera examina alit, & negligentiam accolis quasi exprobrat, quod minus gnaviter piscaturam exercent.

Pars hujus meridionalis *Copeland* & *Coupland* dicitur, eo quod acuminatis montibus, quos *Kopa* Britanni vocant, caput suum exerit, vel, ut aliis placet, *Copeland* quasi *Copperland* ab opulenta æris vena. In hac ad fabulosum *Duden* ostium, quo à *Lancastrensis* determinatur, *Millum* est, antiquæ familiæ *Hodlestonorum* castrum, unde circumducto in Boream littore, *Ravenglas* stationem, ubi & Romanæ extiterunt, ut accepi, inscriptiones, duo rivi commodè circumcingunt. *Aven-glas* nonnulli olim vocatum volunt, id est, *Amnis Caruleus*, multaque fabulantur de Rege *Eueling*, qui hic Regiam habuit. Alter ex his rivis *Esk* dictus, exoritur ad radices montis alte prærupti *Hard-knot*, in cujus vertice ingentia saxa & fundamenta castrum non sine admiratione nuper detecta fuerunt, cum adeo sit præceps, ut non facile quis ascendat. Superius *Irt* amniculus mare petit, in quo conchæ, cum rorem, quem veluti maritum appetunt, oscitatione quadam hauserint, fiunt gravidæ, margaritæque sive, ut cum Poëta loquar, baccas concheas pariunt, quas accolæ cum recesserit aqua venantur, gemmariique nostri minimo ab egenis emunt, & maximo revendunt. De his & hujusmodi *Marbodæus* in isto versu loqui videtur:

Gignit & insignes antiqua Britannia baccas.

Jam littus in Occasum pedetentim se provehit, promontoriolumque efficit, quod *S. Bees*, pro *S. Bega* vulgo vocatur. *Bega* enim virgo *Hibernia*.

bernica pia & religiosa vitam illic solitariam egit, cujus sanctitati miracula adscribuntur de tauro cicurato, copiosissima nive, quæ Solstitiali die, illa precante, valles & montium summitates alte intexerat. Vix mille hinc passus *Egremont* castrum colli imponitur, sedes olim *Guilielmi de Mescines*, cui Rex *Henricus Primus* donavit; per servitium unius Militis, utque iret ad præceptum Regis in exercitu *Vallia* & *Scotia*. Qui reliquit filiam uxorem *Guilielmi Fitz-Duncani* è Regio sanguine Scotorum, per cujus etiam filiam hæreditas devenit in familiam *Luciorum*, ab illis itidem per *Moltonos*, & *Fitz-Walteros* titulus *Egremontis* ad *Radcliffos* *Suffexiæ* Comites descendit. Eo tamen *Thomas Percy* ex Regis *Henrici VI.* gratia aliquandiu fruebatur, ad Parlamenta nomine *Th. Percy* de *Egremont* evocatus.

Procedit hinc littus paulatim se subtrahendo, & ut ex rudetis apparet, ubicunque facilis ascensus erat, à Romanis permunitum fuit. Ultimus enim erat, Romani imperii limes, & hanc oram Scoti imprimis infestam habuerunt, cum ex Hibernia in hanc insulam quasi belli diluvio inundarent. *Moresby* viculum, ubi navium statio ex his munimentis fuisse par est existimare. Multa ibi antiquitatis vestigia in hypogæis & fundamentis, multæ cavernæ, quas *Picts holes*, id est, *Pictorum cavernæ* vocitant, multa inscriptorum lapidum fragmenta ibi eruuntur, quorum unus *LVCIVM SEVERINVM ORDINATVM*, alter *COH. VII* præ se fert. Et hanc aram, cum cornuta Silvani imaguncula nuper effossam ibi vidimus:

DEO SILVAN---
COH. II. LING
CUI PRÆES---
G. POMPEIUS M---
SATURNIN---

Deo Silvano Cohors secundæ Lingonum cui præest G. Pompejus M. Saturninus.

Nec non hoc fragmentum, quod *I. Fletcherus* loci Dominus mihi descripsit & transmisit:

OB PROSPE-
RITATEM
CULMINIS
INSTITUTI.

Sed nullus adhuc repertus *MORBIVM* fuisse docet, ubi Equites *Cataphractarii* meruerunt, quod nomen tamen quodammodo subindicat. Nec tacendum, quod hic in proximo vidimus *Hay-castle*, sua sane antiquitate suspiciendum, quod ad nobiles de *Moresby*, & *Disinton* dictos olim spectasse retulerunt incolæ.

Morbium. Hay-castle.

Post hoc *Derwentio* flumen Oceano se occulit, qui in *Borrodale* valle curvis montibus incincta exortus, inter montes *Derwentfels* vocatos serpit, in quibus ad *Newlands* & alibi, æris venæ opulentæ non sine auro & argento nostro tempore à

Nnnnn Thom.

Copeland.

Millum Castle. Ravensglas.

Hard-knot. Prope Wrinsfe.

Irt. fl.

Vide Plinium Margaritæ.

S. Bees.



Occidens

Oriens

Æris fodi-
na.Auri &
argenti
vena.Black
Lead.

Kefwike.

Siddaw
mons ex-

Thom. Thurlando, Daniele Hotchstetter Germano Augustano, denuo sunt repertæ, cum jam olim innotuerint, ut ex *Claus.* Regis Henr. III, n. 18. constat. De his memorabilis disceptatio inter Sereniss. D. ELIZABETHAM Reginam, & Thomam Percium Northumbriæ Comitem, cujus hæredium terra fuit, intercessit, sed ratione regiæ prærogativæ & quod auri & argenti in illis venæ, lis secundum Reginam data. Tantum abest ut verum sit hoc Ciceronis in Epistolis ad Atticum, *Illud cognitum est, neque argenti scrupulum esse ullum in insula Britannia.* Nec Cæsar, si has fodinas nosset, Britannos importato ære uti scripsisset, cum hæ & aliæ ærariæ non solum universæ Angliæ sufficiant, verumetiam magna vis quotannis exportetur. Hic etiam passim reperitur terra illa metallica, sive saxum induratum & micans, nobis *Black lead* dictum, quo ad duendas lineas, & monochromata pictores utuntur. Quod an sit Dioscoridis Pnigitis, vel Melantheria, vel ochra terra calore in nigrum adusta, aut veteribus incognitum, non facile dixerim, & perquirant alii. Per hos montes lapsus *Derventio* in lacum spatiosum diffunditur, *prægrande stagnum* vocat Beda, in quo tres eminent insulæ, una domicilium habet equestris familiæ Ratclifforum, altera à Metallicis Germanis habitabatur, tertia illa existimatur in qua S. Herbertum heremiticam vitam duxisse scribit Beda. In hujus margine, agro satis læto, quem roscidi montes circumvallant, & *Skiddaw* mons editus ab Aquilone defendit, *Kefwike* oppidulum mercatorium jacet, æraria sectura ante multos annos notum, ut in Charta quadam Regis Edwardi Quarti videre est, & hodie Metallicorum habitatio. Ius vero mercatus ab Edwardo primo Thomas de *Derventwater* loci Dominus impetravit, à quo hæreditario ad Ratcliffos devenit. *Skiddaw* vero mons ille, de quo dixi, sublime in nubes bi-

ceps quasi Parnassus adeo surgit, & *Scruffell* montem in * *Anandia* Scotiæ quasi æmulus prospicit, cellus. Anandall.
è quibus, prout nubes vel ascendunt, vel descendunt, præfagia de aëris mutatione captant accolæ, & vulgo cantitant,


— If *Skiddaw* bath a cap
Scruffell wots full well of that.

Uti etiam de hujus, & aliorum duorum in tractu montium altitudine dictitant,
Skiddaw, Lawvelling, and Casticand,
Are the highest hills in all England.

Hinc *Derventio* modo ripis arcatus, modo alveo laxatus rapidissime in Septentriones provolvitur, ut *Cokarum* recipiat. Qui confluentes *Cokarmouth* forum copiosum, castrumque Comitum Northumbriæ fere circumluunt. Oppidum elegantis fatis structura, sed humiliori situ inter duos colles subsidet, quorum alteri Ecclesia, alteri è regione castrum imponitur firmissimum, cujus porta præterdit arma gentilitia *Moltonorum, Humfravillorum, Luciorum, & Perciorum.* Huic ultra flumen ad alterum milliare objacet antiqui castris cadaver, *Papcastle* vocant, cui Romanam vetustatem monumenta non pauca adstruunt. An hoc fuerit *Guasmoic*, quod Ninnius author est *Guasmo-ric.*
Guortigernum Regem prope *Lugaballiam* ædificasse, & veteres Anglos *Palmecastle* vocasse, non facile dixerim. Ubi inter plura vetustatis monumenta inventum fuit vas patens è saxo subviridi, imagunculis affabre exsculptum, quod sive labrum fuerit ad lavandum, sive Baptisterium, vel (ut ille vocat) Regenerationis Sacrarium, cui usui hodie servit ad *Bridkirke*, id est, *Brigidæ* fanum, quod adsitum, non dixerò. Picturis virorum Sanctorum Baptisteria fuisse exornata, ut emergentibus è sacro fonte eorum facta imitanda proponerentur, legimus. Certe præter picturas hæ peregrinæ literæ ad hoc visuntur.

Cokar-
mouth.Guasmo-
ric.S. Ambro-
sius Bapti-
sterium.

Paulinus.



Quid autem illæ velint, & cujus gentis characteres, ego minime video, statuant eruditi. Primus autem & octavus non multum abludit ab eo, quo à Constantini Magni tempore Christiani usi sunt pro nomine Christi. Figura autem, non potestate reliqui proxime accedunt ad illos qui cernuntur in tumulo Gormonis Regis Danorum apud *Ielling* in Dania, quem Petrus Lindbergius in lucem anno *MDCCXI* edidit.

Hæc quæ modo dixi, una cum quarta parte Baronis de *Egremond, Wigton, Leuswater, Aspatric, Vldal, &c.* luculentissimo patrimonio Matildis

Lucy, (quæ hæres Antonii Melton sive de *Lucy* fratris sui) Henrico Percio Northumbriæ Comiti conjugi dedit, & quamvis ex illo nullam suscepit prolem, Perciorum tamen familiam sibi hæredem scripsit, ea lege ut *Luciorum* insignia, tres scilicet *Lucios* pisces in rubro cum ipsorum clypeo gentilitio variarent, vel ut ex Autographo loquar, *Sub conditione deferendi arma sua de rubro cum tribus Lucis, una cum Armis de Percy, aureis scilicet, & Leone Azureo quateriatim, per finem levata.* Adunatis postea aquis *Derventio* Oceano se submittit, ad *Wirkinton*, Salmonum piscatura nobile. Nunc

Arma Lu-
ciorum &
Percio-
rum.Wirkin-
ton.

Culwen,
vulgo Cul-
wen.

Sub Ho-
norio &
Arcadio.

Nunc sedes est antiquæ equestris familiæ *Culwen-
norum*, qui genus à Gospatricio Northumbriæ
Comite repetunt, cognomen à *Culwen* Gallovi-
diæ familia, cujus hæredem duxerant, ex con-
ventionem acceperunt, suasque hic instar castri
ædes habent magnificas, & à quibus nobis, absit
verbo invidia, genus maternum.


Hinc murum ad defendendum littus quatuor
plus minus mill. pass. commodis locis ductum
fuisse credunt nonnulli, à Stilicone, cum ex Hi-
bernia Scoti hæc littora infestarent. Sic enim
de se Britannia apud Claudianum.

*Me quoque vicinis pereuntem gentibus, inquit,
Munivit Stilico, totam cum Scotus Hibernem
Movit, & infesto spumavit remige Thetis.*

Ierby.
Arbeia.
Elenbor-
rough.

Adeo etiam continuæ sunt parietinæ ad *Eleni*
ostium, *Elen* nunc nominant, qui non longum
permenfusiter ad fontes *Ierby* habet, forum non
minimum. ARBEIAM fuisse judicamus, ubi Bar-
carii Tigrienses stationem egerunt, & ad ostium
Elenborough, id est, *Burgus ad Elenum*, ubi cohors
prima Dalmatarum cum suo præfecto olim sta-
tionem habuit. Situm habuit in collē satis edi-
to, longe in mare Hibernicum prospectat, sed

jam seges est eo loci quo oppidum fuit, ejusque
vestigia plane se exhibent, cryptæ antiquæ sunt
apertæ, multæ hic aræ, inscripta saxa, & statuæ
cernuntur. Quæ vir optimus I. *Sinhous*, in cujus
agris effodiuntur, diligenter custodit, & per
ædes disposuit. In media area erigitur pulcher-
rima ex rufescente saxo forma quadrata ara af-
fabre artificio antiquo exsculpta, pedes plus mi-
nus quinque alta, & optimo caractere inscri-
pta, sed ecce ipsam & singula ejus latera graphi-
ce descripta, manu Roberti Cottoni de *Conning-
ton*, viri Equestri dignitate, antiquitatis cultoris
summi, cum nos unà studio patriæ illustrandæ
has regiones non sine dulcissimo animi pabulo
anno Salutis MDCCXCIX perlustravimus. Nec
enim possumus non grata memoria prosequi
optimum illum quem dixi virum, non solum
quod nos hospitio benignissime singulari cum
humanitate excepit, sed etiam quod ipsæ non in-
doctus antiquarum literarum sit admirator, &
has inscriptiones, quæ ab aliis imperitis per hanc
regionem statim comminuuntur, & in alios usus
summo cum antiquitatis detrimento transfe-
runtur, diligentissime conservat.



Decurio-
nes.

Isidorus
lib. 9. c. 4.

In inscriptione planissima sunt omnia, in pe-
nultima linea tantum (ET & ADES) implicatione
literarum leguntur: ultima pars mutila, fortasse
integritati suæ sic restituenda, DECVRIONVM
ORDINEM RESTITVIT, &c. Decuriones ve-
ro erant in Municipiis, qui Romæ, & in Co-
loniis Senatores. Sic dicti quia officium curiæ
administrarunt, unde etiam Curiales nominati,
quia civilia munera procurarunt.

In parte hujus Aræ aversa superiori margine,
ut vides, leguntur, VOLANTII VIVAS. Quæ
duo verba me anxium habent, nec interpreta-
ri possum, nisi Decuriones, Equites, & Plebs
(ex his enim constabat Municipium) G. Corne-
lio Peregrino (qui domus, ædes & Decuriones
restituit) votiva fuerit inscriptio: ut vir tam be-




neficus VOLANTII viveret. Hinc si conjectu-
ræ sit locus VOLANTIVM olim huic loco fuisse
nomen arbitror. Subtus exsculpuntur victima-
ria instrumenta, dolabra & secespita. In sinistro
latere Malleus, & Præfericulum. In dextro la-
tere Patera, Discus & Pyrum, si quid video, vel
ut aliis placet, Aquiminiarum. Hæc enim erant
vasa sacrificiis destinata, & præterea alia, ut Sim-
pulum, Thuribulum, Futile, Apex sacerdotalis,
&c. quæ in aliarum ararum lateribus hoc tractu
expressa vidimus. Secunda Ara quam hic ad-
jecimus, fuit effossa apud *Old Carlisle*, & nunc
extat in ædibus *Barhousiorum* ad *Ilkirk*, inscripta
fuit eo literarum implexu quem sculptor hic
satis graphicè expressit, & sic legenda viden-
tur.

Volan-
tium.

Aræ Pa-
ganorum.

Sub Com-
modo,
Anno
Christi
193.

Iovi optimo Maximo. Ala Augusta ob virtutem appellata, cui praest Publius Aelius, Publii filius Sergia Magnus de Murfa ex Pannonia inferiore Praefectus. Aproniano (& fortasse) Bradua Consulibus.



Tertia Ara Deo Topico Belatucadro inscripta sic legenda;

Belatucadro Iulius Civilis Optio, id est, Excubiis Praefectus, votum solvit libens merito.

In quarta Ara, quae pulcherrima, nihil subest difficultatis, & sic se habet;

Dis, Deabusque Publius Posthumius Acilianus Praefectus Cohortis primae Delmatarum.

Huiusmodi aras (nec notasse veteres ritus pigeat quos jam olim sacratissima Christi religio profligavit) uti & victimas, atque seipso frondibus coronare solebant, ad eas thure & vino supplicare, hostias immolare, ipsasque aras inungere. De quarum demolitione, invalescente Christi religione, Prudentius:

Exercere manum non poenitet, & lapis illic
Si stetit antiquus, quem cingere fuerat error
Fasciis, aut gallinae pulmone rigare,
Frangitur ---

Lapis hic etiam cernitur affabrè exculptus in quo duo Genii alati sustinent corollam, ut hic exhibetur.



Id est, Victoriae Augustorum Dominorum nostrorum.

Cum paulisper littus hinc recta perrexerit, sinuato & incurvato aestuario ita reflectitur, ut videatur esse MORICAMBE illud, quod apud Ptolemæum hoc in loco statuitur. Ita loci ingenium, & nomen quadrant, Aestuarium enim est incurvum, & Moricambe mare incurvum Britannie significat. Ad hoc Caenobium de Vmo, vulgo Holme Cultrain posuit David Primus Rex Scotorum, & Caenobiarchæ Vulfsey progynaculum vicinum in gazophylacium, & librorum diplomatumque receptaculum contra repentinas Scotorum incursiones excitarunt, in quo occulta opera Michaelis Scoti cum blattis rixari ajunt, qui religiosam vitam hic professus & Mathematicis studiis artibusque abstrusis ita immerfus cir-

Has etiam subjectas inscriptiones ibi vidimus:

PRO SA-----
ANTONINI AV - PII F---
P. AVLVS *P.F. PALATINA
POSTHVMIVS ACILIANVS
PRÆF. COH. I. DELMATAR.

*Publii
Filius.

*D. M
INGENVI. AN. X.
IVL. SIMPLEX PATER
*F C.

D M
MORI REGIS
FILIIS HEREDES
EIVS VBSTITVE
RVNT VIX. A. LXX.

*Diis ma-
nibus.

*Facien-
dum cu-
ravit.

HIC EXSEGERE FATA D M D M
-ENVS SC GERMA- LVCA. VIX IVLIA MARTIM
-S REG VIX. AN-- ANN A. VIX. AN
S VIX AN ---- IS XX. XIII III D. XX. H.
----- IX -----

ca annum CIO CCXC, ut Necromantici opinionem apud vulgus consequutus admiranda confecisse vana credulitate perhibetur. Sub hoc monasterium illi aestuario illabatur VVaver amniculus, qui recipit fluviolum VViza, ad cuius scaturiginem miseræ antiquæ urbis reliquæ nihil extra humanitatis aleam in terris esse docent. Old Carlile hæc à vicinis hodie nominatur, quo nomine olim innotuit me latet, nisi CASTRA EXPLORATORVM fuerit. Distantia apud Antoninum, qui non compendia viarum sectatur, sed loca clariora enumerat, tam à Bulgio, quam Lugu-vallo apposite respondet. Situs ad explorandam commodissimus, colle enim satis edito sedit unde circumvicina regio facile circumspici possit. Certissimum vero tamen est Alam quæ ob virtutem AVGVSTA, & AVGVSTA GORDIANA dicta hic Gordiani tempore egisse, ut ex his inscriptionibus constat quas in proximo vidi.

Castra ex-
plorato-
rum.
Vide de
Areanis
postea in
Muro
Pictico.

Ala Augu-
sta Gordi-
ana. Apud
Ilkirk.

*I O M
ALA AVG. OB
---RTVT. APPEL. CVI
PRÆST TIB. CL. TIB. F. P. VNDVS
IN- G. N IVSTINVS *EQVIS
PRAEF. *FVSCIANO ALE AVG
II SILANO II COS. STE STIP

*Iovi
Optimo
Maximo.

*I O M.

Anno
Christi
243.
Wigton.

Thores-
bey.

*Pro
aram ex
Voto.

Solway
Frith
Scotis.
Blatum.
Bulgium

Bulnesse

* I O M
 PRO SALVTE IMPERATORIS
 M. ANTONI GORDIANI. P. F.
 INVICTI AVG ET SABINIAE TR
 IAE TRANQVILE CONIVGI EIVS TO
 TAQVE DOMV DIVIN. EORVM A-
 LA AVG. GORDIA. OB VIRTVTEM
 APPELLATA POSVIT: CVI PRÆEST
 AEMILIVS CRISPINVS PRAEF.
 EQQ. NATVS IN PRO AFRICA DE
 TVIDRO SVB CVR. NONNII PH
 LIPPI LEG- AVG- PROPRETO-----
 ATTICO ET PRETEXTATO
 COSS.

Anno
 Christi
 243.
 Wigton.

Thores-
 bey.

Aræque hinc allatæ fuerunt quæ apud *Wigton*
 in via eriguntur, in quarum lateribus visuntur
 simpulum, futil, malleus, patera, &c. sacrifi-
 catoria: literæ vero vetustate victæ omnino dif-
 fugerunt. Nec procul hinc ad viam militarem
 effossa fuit columna è rudi saxo, quæ *Theresbeia*
 nunc cernitur, sic inscripta:

IMP CAES
 M. IVL.
 PHILIPPO
 PIO FELI
 CI
 AVG
 ET M. IVL. PHI
 LIPPO NOBILIS
 SIMO CAES
 TR. P. COS..

Hanc etiam ut alia descripsit mihi *Oswaldus*
Dikes verbi divini minister eruditissimus, jamque
 extat in ædibus fratris ejus viri clariss. *T. Dikes*
 apud *Wardal*.

DEO
 SANCTO BELA
 TVCADRO
 AVRELIVS
 DIATOVA *ARAE
 X VOTO POSVIT
 LL. MM.

* Pro
 aram ex
 Voto.

Alteri etiam Deo indigeti hujusmodi reperta
 est inscriptio,

DEO
 CEAI IO AVR
 M R T I. ET M S
 ERVRACIO PRO
 SE ET SVIS. V. S.
 LL. M.

Solway
 Frith.
 Scotis.
 Blatum.
 Bulgium.

Bulneffe.

Præter infinitas imagunculas, statuas equè-
 stres, aquilas, leones, Ganymedes, & alia veru-
 statis testimonia plurima, quæ quotidie occur-
 runt. Paulo superius promittitur promontorio-
 lum, magnumque subest æstuarium modo An-
 glia & Scotia, olim Romanæ Provinciæ, & Pi-
 ctorum divortia aperiens. Promontoriolo huic
 incumbit antiquum illud oppidum *BLATVM-*
BVLGIVM (fortasse à *Bulch* Britanniorum quæ
 interstitium sive divortium sonat) à quo Antoni-
 nus tanquam à remotissimo loco, & provinciæ
 limite Britanniarum itinera incipit. *Bulneffe* hodie
 incolis dicitur, & viculus est admodum exilis, qui
 suum tamen munimentum habet, & in vetustatis
 indicia præter platearum tractus, & parietinas,
Britannia.

portum jam oblimatum, & viam hinc per littora
 ad *Elenborrow* usque stratam fuisse ferunt. Ultra
 hoc ad mille passus, ut mari statis dimensionibus
 recedente ex fundamentis videre est, Vallum il-
 lud & Murus celeberrima Romanorum opera
 incipiunt, Romanæ Provinciæ olim Limes, ad
 secludendos barbaros excitata, qui hoc in tractu
 Romanum imperium (ut inquit ille) circumla-
 traverunt. Mirabor primum cur hic tanta mu-
 nimenta posuerint, cum admodum magnum
 per *Viri* plus minus milliaria objaceat æstua-
 rium, sed jam intelligo recedente æstu ita aquam
 decrescere, ut facile prædones & abactores so-
 leant transvadare. Formam littorum horum im-
 mutatam fuisse radices arborum satis procul à
 littore sabulo intectæ, & sæpius ventis æstu re-
 cedente detectæ, sunt argumento. Nescio an
 hic memorem quod de subterraneis arboribus
 sine ramis sæpius erutis ferunt, quas è roris indi-
 cio deprehendunt; solum enim cui subjacent,
 nunquam rore aspergi observarunt.

Ad idem æstuarium interius est *Drumbough* ca-
 strum jam pridem Dominorum de *Dacre*, olim
 Romanorum statio. *EXPLORATORVM CA-*
STRA fuisse, reclamante omnino distantia, ali-
 qui volunt. Alia etiam ibi fuit Romanorum sta-
 tio quæ nunc in novum nomen mutata *Burgh u-*
pon sands, id est, *Burgus ad sabulum* nominatur,
 unde vicinus ager *Baronia de Burgo* appellatur,
 quam *Meschinus* Dominus *Cumberlandiæ* *Roberto*
 de *Trivers* dedit, ab illo vero ad * *Morvillo* de-
 venit, quorum postremus *Hugo* reliquit filiam
 quæ ex secundo marito *Thoma de Molton*, *Tho-*
mam Molton procreavit Dominum hujus loci,
 ejus filius *Thomas* nuptiis cum hærede *Huber-*
ti de Vallibus possessionibus *Gilleslandiam* adjun-
 xit, quæ omnes demum ad *Ranulphum de Dacre*
 cum *Matilde Molton* sunt devolutæ. Sed nulla re
 magis innotuit hoc oppidulum, quam quod *Ed-*
wardus Primus hostium undique triumphator
 hic immatura morte diem obierit, Princeps
 longe clarissimus, in ejus fortissimo animo ho-
 spitium metatus est Deus dignissimum, ut Regiæ
 majestatis apicem, non solum fortitudine, & sa-
 pientia, sed decore etiam, & corporis dignitate
 adæquavit. Quemque fortuna primo ætatis flore
 plurimis bellis & difficilimis Reipublicæ tempo-
 ribus exercuit, dum Britannico imperio aptavit:
 quod cum Rex inauguraretur, ita administravit,
 devictis Wallis, & superatis Scotis; ut alterum
 Britannia ornamentum optimo jure habeatur.
 Sub hoc *Burgo*, in ipso æstuario Scotos & Anglos,
 & classe, & reverso æstu, equitatu decertasse fe-
 runt incolæ, quæ res perinde mira videatur,
 quam quod *Plinius* non sine admiratione de si-
 mili in *Caramania* loco retulit. *Solway frith*, id
 est, *Fretum Solway*, utrique genti dicitur hoc æ-
 stuarium à *Solway* Scotorum oppido apposito.
 Sed rectius *Ptolemæo* *ITVNA* dicitur. *Eiden*
 etenim egregium flumen, qui *Westmorlandiam*
 & interiora hujus regionis pererrat, maximam
 aquarum molem in illud effundit, nondum obli-
 tus quam agro nixu inter congesta Scotorum
 cadavera, anno salutis *CDCCXVI* eluctaretur,
 cum illos præda ex Angliâ onustos hauriret, &
 suis

Valli Prio-
 cipium.

Solway
 Frith.
 Arbores
 subterra-
 neæ.

Burgh
 upon
 sands.

* 1307.
 * Morvilli
 dicti de
 Burgo su-
 per sabu-
 lones, Li-
 ber Inq.
 * Vauxl.

Edward
 Primus.

Solway
 Frith.
 I una.
 Eiden fl.
 Hist. Mal-
 rof.

fuis fluctibus prædatoriam illam manum submergeret.

Ituna vero hic sive *Eiden*, ubi hanc regionem adierit, ab Occasu *Eimor* flu. admittit è lacu illo *Vlse*, quem dixi, promanantem, cujus prope ripam ad *Dacor* rivulum *Dacre* castrum adlidet, nobis notum, quod familiæ Baronum de *Dacre* nomen fecerit, à Beda memoratum, quod monasterium eo tempore habuerit, uti etiam à *Malmesburienfi*, quod *Constantinus Rex Scotorum*, & *Eugenius Rex Cumborum*, se cum suis regnis *Athelstano Anglo* ibi in tutelam dediderint.

Haud multo superius, parum etiam ab *Eimoti* & *Loderi* confluentibus, ubi rotundum vallum, quod *Arthuri Tabulam* vocant incolæ, abest *Perith*, id est, si è Britannica lingua interpretaris, *Caput*, vel *collis ruber*. Rubet enim terra & saxa è quibus construitur, vulgo autem *Perith* dicitur. Emporiolum celebre, ad occiduam plagam *Castro* Regio firmatum quod regnante *Henrico Sexto* è ruinis Romani munimenti *Maburg* in vicina fuit restauratum, templo satis pulchro ornatum, forumque est amplum & ligneum in eo ædificium in usum confluentium ad mercatum, urfis ad nodosum stipitem, quæ fuerunt insignia Comitum *Warwicensium* exornatum. Olim ad Episcopos *Dunelmenses* spectavit, sed cum *Antonius Beccus* Episcopus nimia opum affluentia inflatus inolefceret, abstulit ei *Edwardus Primus* (ut in *Dunelmensi* libro legimus) *Werk in Tivdalia*, *Perith*, & ecclesiam de *Simondburne*. In ejus tamen usum *W. Stricland* Episcopus *Carliolensis* è clara hoc in tractu stirpe suo sumptu incile duxit è *Pete-rill*, id est, è *Petero fluvio*, qui ad suam ripam *Plompton parke* habuit, vivarium amplum quod olim Reges Angliæ ferarum, sed *Henricus VI*, hominum habitationi prudenter dicavit, cum in regnorum *Scotiæ* & *Angliæ* sit fere collimitio. Ad hoc dirutæ urbis reliquas multas vidimus, quam illi ob vicinitatem *Antiquum Perith* nunc vocant, *PETRIANAS* ego judicari. Alam enim *Petrianam* hic egisse evincit Inscriptionis antiquæ fragmentum, quam *Vlpus Trajanus Emeritus* Alæ *Petrianæ* posuit. Sed ecce illam, & alias quas hic descripsimus.

Dacre.
Barones
Dacre.

Perith.

Haja de
Plompton
olim dicta.

Petrian.

D M

G A D V N O V I X I T * A X X X X V
* Annos. V L P T R A I E T L A T T I O F I L - V I X
E M . A L . P E T A . X I I . L I M I S I V S
M A R T I V S C O N I V . E T F I L I Æ
* F . P . C . P I E N T I S S I M I S
P O S V I T

* Forte
Facien-
dum pro-
curavit

* Forte in
Cohorte.

* Dum.

* Fratri
& filiæ
titulum
posuit.

D M
F L M A R T I O S E N
I N * C C A R V E T I O R
Q V E S T O R I O
V I X I T A N X X X X V
M A R T I O L A F I F I A E T
H E R E S P O N E N
*-----C V R A V I T
D M C R O T I L O G E R M A N V S V I X
A N I S X X V I . G R E C A V I X A N I S I I I
V I N D I C I A N V S * F R A . E T F I L . T I T . P O .

Cum *Eimotum* influentem *Ituna* jam receperit, obscurioribus viculis, & propugnaculis affusus in *Septentriones* contendit per utramque *Salkeld*. Ad minorem autem, in modum coronæ eriguntur septuaginta septem saxa, singula decem pedes alta, & ante ea in ingressu singulare, xv pedes in altitudinem surgit. Hoc vulgus vicinum *Long Megg* ut reliquas ejus filias vocitant, duoque sunt intra circulum lapidum cumuli, sub quibus occisorum cadavera tegi perhibent. Et sane par est existimemus hoc victoriæ alicujus fuisse monumentum.

Inde transit *Ituna* per *Kirk-Oswald* S. *Oswaldo* sacrum, possessionem olim *Hugonis* illius *Morvill* qui cum sociis *Thomam Archiepiscopum Cantuariensem* occidit, & in facti memoriam diu ensis quo tunc usus erat hic asservabatur, per *Armanthwayte* castrum *Skeltonorum*, *Corby* castrum nobilis & antiquæ familiæ *Salkeldorum* quæ plurimum aucta nuptiis cum hærede de *Rosgill*, *Wetherall* olim monasteriolum quod *Abbatiam S. Mariæ Eboraci* matrem agnovit, ubi in rupe habitacula quædam in perfugii locum excavata cernuntur. Inde per *Warwic* (VIROSIDVM judico,) ubi *Cohors VI Nervorum* olim in statione per limitem Valli contra *Pictos* & *Scotos* egit, & superiori sæculo pons ibi firmissimus è saxo impenis *Salkeldorum* & *Richmondorum* constructus, *Linstock* castrum Episcopi *Carleolensis* in Baronia de *Crosby*, quam *Waldevus* filius *Comitis Gospatricii* Dominus *Allerdallie* Ecclesiæ *Carliolensi* concessit, truncatoque nomine pro *Olenaco* dictum suspicor: *O L E N A C V M* enim ad lineam valli, ubi *Ala prima Herculea* militavit contra barbaros, fuisse videatur. Iam *Ituna* se in suum æstuarium immerfurus simul fluvios accipit, *Peterillum* scilicet & *Caudam*, qui pari spatio discreti, ab Austro quasi gradus conferunt. Ad *Peterillum* præter *PETRIANAS* quas diximus, *Greystocke* est illustris jam pridem familiæ castrum, quæ à *Ranulpho* quodam filio *VValteri* originem traxit, ex cujus posteris *Guilielmus de Greystock* duxit *Mariam* filiam & alteram hæredem *Rogeri de Merley Domini de Morpath*, illi natus filius *Ioannes*, qui cum prole careret, licentia ab *Edwardo Primo* impetrata, hæreditatem transcripsit in *Radulphum de Granthorpe* filium *Guilielmi* ex ejus amita natum, cujus progenies diu summo in honore floruit, circa *Henrici* vero *Septimi* tempora desit, & ad *Barones de Dacre* per nuptias venit hæreditas, ultimi vero *Baronis de Dacre* hæredes generales duobus *Thomæ Howard* nuper *Ducis Norfolciæ* filiis fuere enuptæ.

Ad *Caudam* præter æris fodinas ad *Candebeck*, *Highgate* *Richmondorum* castrum, & nitidum *Carliolensis* Episcopi castrum, *The Rose castle* dictum, *CONGAVATA* etiam fuisse videtur, ubi *Cohors Secunda Lergorum* stipendium meruit. *Congavata* enim vallis ad *Gavatam*, quam in *Caudam* nunc contraxerunt, *Britannis* significat. Sed hujus locum digito designare nondum potui. Inter horum confluentes optima & longe amœnissima positione urbs vetustissima *Carlile* interponitur, à *Septentrione* * *Ituna* alveo, ab Ortu *Peterillo*, ab Occasu *Cauda* munita, & præter hæc defendentis naturæ munimenta, firmis mœnibus

Kirk-Os-
wald.

Armanth-
ware.
Corby
castle.
Wethe-
rall.

Virofi-
dum.

Linstock.
Crosby.

Olena-
cum.

Grey-
stock.
Genealo-
gia anti-
qua.
Barones
de Grey-
stock.

Æris fo-
dinæ.

Congava-
ta.

Carlile.
* Eden.

Lugd-
Vallum.Lucus &
Lugus
quid Bri-
tannis &
Gallis pri-
scis.Lugdunum, Lu-
cotecia, si-
ve Lute-
tia Galliae.
Vetus Ite-
nerarium
nuper im-
pressum,
Lugdunum, Desi-
deratum
montem si-
gnificare
docet.

bus è saxo, castello, & *Citadella*, quam vocant, armata. Forma jacet oblongior ab Occasu in Ortum procurrens, ad Occidentem est castrum satis magno ambitu, quod Regem Richardum Tertium instaurasse ex insignibus apparet. In media fere urbe exurgit templum cathedrale, cujus superior pars recentior artificio est admodum elegante, inferior tamen multo vetustior. Ad ortum vero *Citadella*, quam propugnaculis variis firmo opere posuit Rex Henricus Octavus, defenditur. Romani & Britanni hanc LVGV-VALLVM, & LVGV-BALLVM, sive LVGV-BALIAM, Saxones, teste Beda, *Luell*; Ptolomæus (ut nonnullis visum) *LEVCOPIBIAM*, Nennius *Caer Lualid*, ridicula Britannorum vaticinia *Vrbem Duballi*, nos *Carlile*, & Latini *Carleolum*, recentiori vocabulo dixerunt. Luguballiam enim & Carleolum eandem fuisse uno ore consentiunt historici nostri. Sed in Etymologia rimanda, Deus bone, quam obnixe sudavit Lelandus noster, eo tandem adactus, ut crederet Itunam *Lugum* dictum fuisse, & *Ballum* à valle descendisse, ut *Lugu-vallum* sonet *vallis ad Lugum*. Ego autem, liceat & mihi meam proferre conjecturam, *Vallum* illud & *Vallia*, à nominatissimo illo Romanorum Vallo militari quod sub urbe cernitur deductum asseverarim, LVGV-VALLVM enim AD VALLVM Antonino dicitur. Murus enim ille Picticus, qui Severi vallo postea impositus erat, parum ultra Itunam sive Eden flumen, qui jam ponte ligneo conjungitur, ad *Stann-wiks* viculum cernitur, & ipsum flumen è regione castris transit, ubi in fluminis alveo ipsius vestigia, saxa scilicet ingentia adhuc extant. *Lugum* etiam sive *Lucum*, priscis Celtis qui cum Britannis ejusdem linguae erant, *Turrim* significasse docet Pomponius Mela. Quod enim Antonino LVGO AVGVSTI dicitur, TVRRIM AVGVSTI vocat ille; ita ut *Lugu-vallum* sit, & sonet *Turris, vel munimentum ad vallum*. Ab hoc fonte si *Lugdunum* quasi *turrim in colle*, & *Lucoteciam* (sic enim quam nos Lutetiam, prisci vocarunt) quasi *turrim pulchram* derivassent Galli (ea enim verborum vis est in lingua Britannica) rectius fortasse collimassent, quam cum hanc à Luto, illam à *Lugdo* fictitio Rege deducerent. Romanis temporibus hanc floruisse varia antiquitatis indicia subinde eruta, & celebris ejus tunc temporis memoria satis affirmate loquuntur. Post Picticos etiam, & Scoticos furores pristini splendoris nonnihil retinuit, & civitas habebatur. Anno enim Christi DCXX, Egfridus Rex Northumborum Cuthberto illi sancto in hæc verba dedit, *Donavi etiam civitatem, quæ vocatur Luguballia, & in circuitu ejus xv milliaria*. Quo tempore mœnibus etiam firma erat. Cuthbertum, inquit Beda, *duxerunt cives ut civitatis mœnia videret, fontemque in ea miro quondam Romanorum opere constructum*. Qui tunc, ut inquit liber Dunelmensis, *Congregationem Sanctimonialium, & Abbatissam ordinavit, scholasque ibi constituit*. Postea à Danis ingentibus ruinis deformata, annos plus minus ducentos suis cineribus sepulta jacuit; donec Regis Guilielmi Rufi auspiciis denuo reflorescere cœpit, qui novis ædificiis instauravit, castrum construxit, & Coloniam primum ex Belgis (quos meliore consilio

ductus in Walliam statim transtulit) postea ex Australibus Anglis eo deduxit. Tunc, ut habet Malmesburiensis, *visum erat triclinium Romanum ex lapidibus, fornicibus concameratum quod nulla unquam tempestatum contumelia, aut ignium flamma labefactari potuit, in cujus fronte inscriptum erat, MARIi VICTORIÆ*. Hunc MARIVM aliqui Arviragum Britannum esse voluerunt, alii Marium illum fuisse contendunt, qui Imperator contra Gallienum salutatus, tanti roboris fuisse perhibetur, ut in digitis non venas sed nervos habuisse scriptores tradiderint. Accepi tamen in nonnullis exemplaribus concipi non MARIi VICTORIÆ, sed MARTI VICTORI, quod fortasse nonnullis magis arrideat & ad veritatem propius accedere videatur. Frequentior jam *Luguballia* suum, ut scribunt, Comitem seu verius Dominum habuit Radulphum *Meschines* sive de *Micenis*, à quo Cestriæ Comites prognati, & eodem tempore ab Henrico Primo in Episcopalem dignitatem evecta Athulphum primum Episcopum habuit. Quod suæ Ecclesiæ fraudi fuisse scripserunt Monachi Dunelmenses. Cum *Ranulphus*, inquit, *Dunelmensis Episcopus exularet, & Ecclesia defensorem non haberet, Episcopi quidam Carleil, & Tividale ad suas dioceses applicaverunt*. Quomodo vero Scotus regnante Stephano hanc urbem cepit, & Henricus Secundus recuperavit, quomodo Rex Henricus Tertius Castrum de *Carleolo*, & Comitatum Roberto de *Veteri Ponte*, sive *Vipont* commisit, quomodo cccccii, cum Cathedrali Ecclesia, & suburbis deflagavit, quomodo Robertus Brus Scotus anno cccccxv, frustra obsedit, &c. in Annalibus satis fuscè explicatur. Operæpretium tamen videtur adjicere duas quas hic vidimus Inscriptiones, alteram in ædibus Thomæ Aglionby prope *Citadellam*, sed deterioris seculi.

DIIS MANIBV
S MARCI TROIANI
AVGVSTINANI *TVM FA
CIENDVM CVRAVIT
AFEL. AMMILLVSIMA
CONIVX KARISS.

* Tur-
lum.* Carissi-
ma.

Cui adjungitur effigies Equitis armati cum lancea. Altera vero extat in hortis Thomæ Middleton majusculo & eleganti caractere.

L E G. VI
V I C. P. F.
G. P. R. F.

Id est, ut conjicio, *Legio sexta, Victrix, Pia, Felix*, cætera alius explicarit.

Comitem autem habuit unicum Carleolum Andream scilicet de *Harcla* quem Rex Edwardus Secundus, ut ex ipso Creationis autographo loquar, *pro laudabili & bono servitio impenso contra Thomam Comitem Lancastria & alios ipsius fautores, Regis inimicos & subditos debellando & devictos Regi reddendo, sub honore & nomine Comitis Carleol gladio cinxit in Comitem*. Qui tamen perditæ & perfide ingratus fidem patriæ & Principi datam fefellit, & postea interceptus summo cum dedecore ingram

Andreas
Harcla
Comes
Carleoli.

P p p p p

Th. A-
venbury.

tam luit perfidiam degradatus amputatis securi calcaribus, post discinctus baltheo militari, inde calceis & chirothecis exutus, demum tractus, suspensus, decapitatus, & membratim divisus.

Ego Luguballæ quæ Meridianum grad. XXI, scrup. XXXI, ab ultimo Occidente distantem, & Polum Borealem grad. LIIII, scrup. LV, sublimem habet, cum I. Ionsloni versu Encomiastico nunc valedicam.

C A R L E O L V M.

Romanis quondam statio tutissima signis,
Ultimaque Ausonidum meta, labosque Ducum
E specula late vicinos prospicit agros,
Hinc ciet & pugnas, arcet & inde metus.
Gens acri ingenio, studiis asperima belli,
Doctaque bellaci figere tela manu.
Scotorum Reges quondam tenuere beati;
Nunc iterum prisca additur imperiis.
Quid? Romane putas extrema hic limina mundi?
Mundum retro alium surgere nonne vides?
Sit vidisse satis, docuit nam Scotica virtus
Immensis animis hic posuisse modum.

Iam Itunam si transmittas, Rowcliffe cernas pro-
xime ripam Castellulum à Dominis Dacre non ita
pridem ad tutelam suorum erectum. Super hoc
consociatis undis uno quasi ostio Ituna æstuarium
subeunt duo flumina Esca & Leven, Esca è Scotia
descendit, qui per aliquot milliaria Anglici se ju-
ris fateretur & Kirfop fluvium in se recipit, ubi non
aquis sed mutuo metu Angli & Scoti nuper se-
parati, uterque magnarum virtutum utrique
genti testis locupletissimus. Ad hunc ubi Ne-
therby viculus ex una & altera casula jam cerni-
tur, adeo mira & magna sunt prisca urbis ruda-
ra & perfluentis Esca nomen ita consonat, ut
ÆSICAM ibi fuisse suspicemur, in qua Tribunus
Primæ Cohortis Asturum excubias olim contra
Barbaros egit. Hic vero nunc princeps fami-
liæ Grayhamorum, quæ militari virtute inter limi-
taneos admodum celebris, habitat, atque in
ædium pariete hæc Romana legitur inscriptio in
memoriam Hadriani Augusti à Legione Secun-
da Augusta posita:

IMP. CÆS. TRA.
HADRIANO
AVG.
LEG. II. AVG. F.

Baronia
de Liddell.
Lides dall.Anno r.
Ri. 2. Præ-
lium ad
Sollom-
moffe.
1542

Vbi vero Liddus flumen Esca confluit, Liddel
olim erat castrum, ut accepi, & Baronia Estote-
villorum qui terras tenuerunt in Cornagio, quas Ranul-
phus Comes Turgissio Brundus, ut legitur in veteri In-
quisitione, donavit, ab Estotevillo vero ad Wakos
hæreditario, & per eos ad Cantii Comites, Ioan-
nes autem Comes Cantii Regi Edwardo III, &
Rex Richardus Secundus Ioanni Gandavenfi
Lancastriæ Duci concessit. Ultra hunc Escam
etiam ager per aliquot milliaria Anglici censetur
imperii, in quo Sollom-moffe captivitate quam-
plurimum è Scotica nobilitate innotuit anno
CIO IO XLIII, cum Scoti Th. VVhartonum hu-
jus Anglici limitis Præfectum adorturi, ubi pri-
mum senserint Olivero Sincler, quem nihili æsti-

marunt, Regis vices, ipsis posthabitis, commif-
sas; adeo illis stomachus erupit ut acceptam
quam interpretabantur injuriam suo dedecore
& damno persequerentur, ordinibus confusis tu-
multuando omnia miscuerunt. Quod Angli è
superiori loco prospicientes illico irruunt, in fu-
gam conjiciunt; plures capiunt qui armis abje-
ctis in Anglorum, & limitaneorum prædonum
manus se pauculis militibus hinc illinc desidera-
tis dederunt: unde statim animum despondit
Iacobus V, Rex Scotorum, & vi mœoris ani-
mam exhalavit. Agri circumvicini Batable ground,
id est, Terra luviosa dicitur, quia de ea inter An-
glos & Scotos contenditur. Accolæ enim utrin-
que ut limitanei, velox, infidiosum, & expeditif-
simum militum genus, & velitationibus exerci-
tatissimum. Leven alterum de quo dixi flumen
in ipso regnorum limite scatens nihil memoran-
dum præterfluit præter Beucaastle (ut vulgo vo-
cant.) Regis castrum, quod in solitaria regione
militum manus tuetur. Bueth-castle autem in pu-
blicis Actis scribitur, ut nomen factum videatur
à Bueth illo qui hoc tractu circa Henrici Primi
tempora rerum quodammodo potitus erat. Cer-
to constat quod Edwardo Tertio regnante Ioan-
nis de Strivelin Baronis qui filiam & alteram hæ-
redum Adami de Swinborn duxit, fuerit patrimo-
nium. In Ecclesia quæ quodammodo collapsa
vice saxi sepulchralis jacet hæc vetusta inscriptio
aliunde translata,

Batable
ground.
Limita-
nei.

Leven.

Beucaastle.

Strivelin
Baro.LEG II AVG
FECIT

In cœmeterio Crux in viginti plus minus pe-
des ex uno quadrato saxo graphice excisa surgit,
& inscripta, sed literis ita fugientibus ut legi ne-
quaquam possint. Quod autem ipsa Crux ita in-
terfusa sit, ut clypeus gentilitius familiæ de
Vaulx, eorum opus fuisse existimare licet.

Magis ad Austrum & Occasum, interius jacet
Gilleslandia Baronia, regiuncula ita impedita tor-
rentibus, quas Gilles vocant, ut inde nomen fa-
ctum judicari, si non legissem in libro Ecclesiæ
de Lanercost Gillum quendam filium Bueth, qui e-
tiam Gilbertus in Charta Henrici Secundi dictus
fuit, hanc olim tenuisse, à quo probabile est no-
men hoc inditum fuisse. Per hanc à Carleolo Val-
lum Severi sive Murus quod celeberrimum Bri-
tanniæ monumentum recta fere linea in Ortum
procurrit per Stannicks viculum, Scalby castrum
olim Tilliolorum, qui olim clari hoc tractu fuerunt
cognominis, à quibus ad Pickeringos devenit, &
inde Cambec rivulus Murum subit ad quem Asker-
ton castellum Barones Dacre construxerunt, ubi
Præfectus Gilleslandiæ, Land-Sergeant vocant,
præsidium habuit. Infra Murum Irthingo flumini
confluit, ubi Irthington Capitale, ut vocant, Mane-
rium hujus Baroniæ de Gillesland, magnæque hic
ruinæ ad Castle-steed visuntur. Iuxta Brampton te-
nuis est mercatus quem BREMETVRACVM su-
spicamur ad lineam valli, vix enim mille passus à
vallo abest ubi olim egit Cohors prima Tungro-
rum è Germania & divergente Romano imperio
sub Duce Britanniarum Cuneus Armaturarum.
Hi equites erant toti armis tecti, Duplares vero
vel simplares hæc Armaturæ fuerint in dubio reli-
quit.

Scalby
castle.

Askerton.

Bram-
pton.
Bremetu-
racum.
Cohors r.
Tungro-
rum.
Armaturæ.
Veget.
Lib. 2.
cap. 7.

quit. An-
binas con-
singulas
collis sur-
The More
longe la-
Castle-steed
adjunctu


Forte
Propri-
tore.

Gelt
fremen
Guilie
per B
puer a
dus ej
quam
confli
cohon
Hunsd
gna c
nardu
ad Mu
bus Gil
Burd-C
rthingu


quit. Armaturas duplices illa vocavit ætas, quæ binas consequebantur annonas. Simples qui singulas. Nec sane tacendum quod ad *Brampton* collis surgit editior in summitate fossa munitus, *The Mote* vocant, unde in subjectam regionem longe lateque patet prospectus. Sub hoc & *Castle-Steeds*, id est, *Castri locus*; uti ad *Trederman* adjunctum repertæ fuerunt hæ Inscriptiones

quas mihi sua manu descripsit honoratissimus Dominus Guilielmus *Howard de Naworth*, illustrissimi Thomæ Ducis *Norfolciæ* filius tertio-genitus venerandæ vetustatis cultor eximius & eruditus qui hoc in tractu jure uxoris, sororis & alterius hæredum postremi Baronis *Dacre* possidet latifundia.

Hoc etiam ibidem in Hypocausto veteri in quo malo fato nomen Legati Augusti & Proprætoris male periit.



Prope *Brampton Gelt* fluviolus defluit, ad cujus ripam in caute *Helbeck* dicta hæc hiulca leguntur à vexillatione Legionis 11 Augustæ, Optione fortasse, sub Agricola Propræatore posita, & cætera quæ temporis injuria nobis invidit.



Recentiori caractere in eadem caute etiam hæc leguntur:
O F I C I V M R O M A N O R V M

Gelt hic in *Irthing* fl. se exonerat, qui citatus, fremensque fertur per *Naworth* castrum, nunc Guilielmi *Howard* (quem dixi) qui restaurat, nuper Baronum de *Dacre*, quorum ultimus cum puer ante aliquot annos diem obiisset, *Leonardus* ejus patruus, qui maluit bello cum Principe, quam judicio cum neptibus de hæreditatibus conflictari, hoc castrum occupavit, & seditiosam cohortem in principem conscripsit, quam *Baro Hunsdon* cum Præfidiario *Berwicensi* milite magna cæde, & fuga effusione, qua ipse etiam *Leonardus* sibi consuluit, facile dissipavit. Propius ad Murum *Lanercost* Prioratus fuit à R. de *Vallibus Gilleslandia* Domino fundatum, & ad Murum *Burd-Oswald*. Sub quo, ubi arcuato ponte *Irthingum* fl. transit Murus ille *Picticus*, fuit statio *Britannia*.

Cohortis primæ *Æliæ Dacorum* (*VVilloford* nunc loci nomen) quod *Notitia Provinciarum* & inscriptæ aræ plures Iovi Optimo Maximo ab illa cohorte positæ testantur, è quibus has libet adjicere, licet vetustate fere sint oblitteratæ.

* I. O. M.	I. O. M.
COH. I. AEL	OH. I. AEL. DA
DAC. CVI---	C.---C.---A. GETA
PRAE IIIIII	IRELSA VRNES
IG IIIIIIIII	-----
IIIIIIIIII	-----
IIIIIIIIII	-----
I. O. M.	PRO SALVTE
COH. I. AEL	D, NMAXIMANO
DAC. C. P.	*FOR---CAE
STATV LON	VA-----
GINVS, TRIB.	-----O AED
Pppppp 2	LEG.

* Iovi
Optimo
Maximo.

* Fortissi-
mo Cæ-
sari.

LEG. VI VIC. P. F. F.

I. O. M.
COHIAEL. DAC
TETRICIANO RO
---C. P. P. LVTIC
---VS. DESIG
NATVS
TRIB.

I. O. M.

COH. I. AEL.
DAC. GORD.
ANA. C. P. --- EST.

I. O. M.

---H. I. AEL. DAC.
---C. PRAEESI.
---FLIVS FA
---S TRIB.
---PETVO.
---COS.

Gillefland
dia Do-
mini.
Ex veteri
Miffali.
Radul-
phum et-
iam vocat
R. Cooke
Claren-
ceux.
sic libri M.
de Fonti-
bus &
Holme.

Primus, quem legi hujus Gilleflandiae Domini habitus erat Guilielmus *Mesbines*, frater Radulphi Domini Cumbriae (non dico Guilielmum illum fratrem Ranulphi Comitis Cestriae à quo Ranulphus de *Ruelent*, sed fratrem Radulphi) qui tamen Scotis extorquere non poterat. *Gill* enim filius *Bueth* maximam ejus partem vi & armis tenuit. Post ejus mortem Rex Henricus Secundus Huberto de *Vallibus* sive *Vaulx* elargitus est, cuius clypeus gentilitius argento & rubro interstinctus depingebatur. Hujus filius Robertus Prioratum *Lanercost* fundavit & dotavit. Sed hereditas post paucos annos nuptiis translata fuit ad *Moltonos*, & ab iis per filiam ad Ranulphum Dominum *Dacre*, cuius posterius ad nostra usque tempora summo honore floruerunt.

Cum jam maritima & interiora Cumbriae quodammodo perlustraverim, pars Orientalior, macra licet illa, jejuna, & solitaria invisenda superest, quae tamen nihil exhibet præter *Tine australis* fontes in solo subuvido, & viam antiquam Romanam octo ulnas latitudine faxis constrictam. *Virginum* viam vocitant, quae ex *Westmorlandia* ducit, & ubi *Alon* rivulus, & *Tina* ille confluent, per latus collis molliter inclinatum veteris oppidi permagni vestigia adhuc sunt reliqua, quod ad Septentriones vallo quadruplici, ad Occasum fescuplo fuit incinctum: *Whitley castle* nunc loco nomen, in cuius vetustatis testimonium hæc superest compendiosa scribendi ratione implexis literis imperfecta inscriptio, qua docemur cohortem Tertiam Nerviorum ædem Imperatori Antonino Severi filio ibidem posuisse:

I M P. C A E S. Lucii Septimi Severi ARABICI, ADIABENICI, PARTHICI, MAX. FIL. DIVI ANTONINI Pii Germanici SARMA. NEP. DIVI ANTONINI Pii PRON. DIVI HADRIANI ABN. DIVI TRAIANI PARTH. ET DIVI NERVAE ADNEPOTI. M. A V R E L I O ANTONINO PIO FEL. AVG. GERMANICO PONT. MAX. TR. POT. ---X---IMP. ---COS. IIII. P. P. ---PRO PIETATE AEDE---VOTO---COMMUNI CVRANTE---LEGATO AVG. P R ---COH. III. NERVIO ---RVM---G. R. POS.

Mayden
way.

Quod vero Cohors Tertia Nerviorum hoc in loco stipendia fecerit, quam ad ALIONEM Liber Notitiarum locat, Antoninus ALONE dixit, & rivulus hic subterlabens *Alne* nomen habet, si hoc ALONEM existimarim, verisimile, potius quam verum videatur, cum injuria temporis edacis, & furor hostilis hæc ex hominum memoria jam olim expulerint.

Labente Romanorum in Britannia imperio, quamvis hæc regio à Scotis, & Pictis gravissime dilacerata fuerit, Britannos tamen primævos incolas diutissime servavit, & sero in Saxonum potestatem devenit. Cum autem Saxonum res Danicis bellis accisa præceps iret, suos Regulos, qui Cumbriorum Reges dicebantur, ad annum Domini DCCCCXLVI, habuit, quo tempore (ut inquit Florilegus Westmonasteriensis) Rex Edmundus adjutorio Leolini Regis Demetiae fretus, Cumbriam totam cunctis opibus spoliavit, ac duobus filiis *Dummaili* ejusdem provinciae regis oculorum luce privatis, regnum illud *Malcolmo* Scotorum Regi de se tenendum concessit, ut *Aquilonares Angliae* partes terra marique ab hostium adventantium incursione tueretur. Ex quo tempore filii Regum Scotiae natu maximi Cumbriae præfecti aliquandiu tam sub Saxonibus, quam Danis dicti erant. Cum autem Normanis Anglia se dedidisset, hæc etiam pars in illorum manus concessit, Radulphoque de *Mesbines* obrigit, cuius filius natu maximus Ranulphus fuit Cumbriae Dominus, & materno jure, principisque gratia etiam Cestriae Comes. Sed Stephanus Rex, ut Scotorum gratiam iniret, illis denuo reddidit, ut clientelari jure à se, & regibus Angliae tenerent, Henricus autem Secundus, qui successit, cum hanc profusam Stephani liberalitatem sibi, & suo regno fraudi fuisse sensisset, Northumbriam, Cumbriam, & Westmorlandiam à Scoto repetiit. Scotus enim, ut habet Neubrigenses, prudenter considerans Regem Angliae in hac parte cum potentia virium, tum merito causae præstare, quamvis posset obtendere juramentum, quod avo suo *Davidi* præstitisse dicebatur, cum ab eo cingulum acciperet militare: prænominatos fines repetenti cum integritate restituit, & ab eo vicissim Comitatum *Huntedunensem* prisco sibi jure competentem recepit.

Comites Cumbriae ante Henrici Octavi tempora non erant, ille enim Henricum *Clifford*, qui à Dominis de *Veteri ponte*, sive *Vipont* genus duxit primum Cumbriae Comitem creavit, qui ex *Margareta* filia Henrici *Percy* Comitis Northumbriae genuit Henricum Comitem secundum, cui ex prima uxore filia *Caroli Brandon* Ducis Suffolciae nata erat *Margareta* Comitissa *Derbiae*, ex uxore secunda filia *Baronis Dacre de Gillefland* duo filii, *Georgius*, & *Franciscus*. *Georgius* tertius Comes navali gloria clarus, ad labores impiger, ad pericula fortis, obiit CCCCXV, Anna unica filia relicta. Illi autem successit *Franciscus* frater, Comes Quartus, in quo ardor mentis ad virtutem tantis majoribus dignus clarissime elucet.

Hic ager 58 Parociales Ecclesias præter capellas numerat.

V A L.

V A L L V M.

five

M V R V S P I C T I C V S.

Muni-
menta li-
mitibus
Provin-
ciarum
Clusuras,
quia ho-
stes exclu-
derent, &
Prætentu-
ras, quia
hostibus
præten-
derentur
scriptores
vocarunt.
vide P.
Pithæum
in Adver-
sariis, Lib.
I. cap. 14.

Limites
sive Ter-
mini im-
perii.

Tit. 43.

Hinc sta-
tiones
agrarie
apud Ve-
gerium.

Prætentu-
ra prima.

* Eden-
borrow
Frith. &
Dunbrit-
ten Frith.
Prætentu-
ra secun-
da.

* militaris
ut aliqui
legunt.



Vperiolem Cumberlandiæ par-
tem interfecat, qui nullo modo
tacendus est, Murus ille celebra-
rimus, Romanæ provinciæ limes,
Vallum barbaricum, Prætentu-
ra, & Clusura, (sic enim antiqui
vocarunt.) Dionysio *Ἀλεξάνδρῳ*, Herodiano *ἑρῳδῳ*, An-
tonino, Cassiodoro, & aliis VALLVM, Bedæ
MVRVS, Britannis *Gual Sever*, *Gal-Sever* & *Mur*
Sever, Scotis *Sottiswaith*, Anglis, & accolis *The*
Picts Wall, sive *Pehits VVall*, id est, *Murus Picticus*,
The Keepe VVall, id est, *Custodia Murus*, & per ex-
cellentiam *The VVall*.

Cum Deo duce, virtute comite, ambitiosa
Romanorum fortitudo rebus supra vota fluenti-
bus, imperium ita undique prolataisset, ut sua
ipsius magnitudo jam sibi suspectior esset, Impe-
ratoribus visum est consultissimum limitibus qui-
busdam circumscribere: viderunt enim pro pru-
dentia magnitudini modum esse debere, ut *calum non ul-
tra sua spatia procedit, & maria intra suos terminos agi-
tantur*. Hi autem limites pro locorum ratione,
aut à natura erant, ut mare, flumina majora,
montes, terræ desertæ, aut ab arte, ut Præten-
turæ, scilicet fossæ, castra, arces, concædes, val-
la, & muri, per quæ militaria contra Barbaros
disposita erant præsidia. Vnde in Theodosio
Novellis, *Majorum dispositione vallo limitis ab incurso-
ne Barbarica defensatur, quicquid intra Romani nominis
concluditur potestatem*. Ad hos limites in limitaneis
castris & urbibus tempore pacis limitanei mili-
tes egerunt; at cum finitimorum depopulationes
timerentur, pars eorum ad agrorum tutelam in
solo Barbarico per agros stationes habuerunt,
pars in hostiles fines excurrerunt ut hostium motus
perscrutarentur, & occasione oblata pugna-
rent.

In hac Insula Romani cum ultiores Britan-
niæ regiones cælo & solo utique aspero & à bar-
baris Britannis Caledoniis inhabitari viderent,
in quibus perdomandis laboris plurimum, emo-
lumentum parum admodum erat, varias variis tem-
poribus Prætenturas ad provinciam limitandam
& defensandam instituerunt. Primam posuisse
videtur Iulius Agricola cum angustum terra-
rum spatium inter * *Bodotriam*, & *Glottam* præsi-
diis firmiter, quod postea subinde communi-
tum.

Hadrianus, cui Deus TERMINVS retro ces-
sit, cum ille, incertum an ob invidiam, in Traja-
ni gloriam, sub quo amplissime patuit Imperium,
vel metum, in has insulas octoginta plus minus
milliaribus recessisset, Prætenturam fecit secun-
dam. Ille, inquit Spartianus, *Murum per LXXX
mill. pass. duxit, qui Barbaros Romanosque divideret.*
Quem ex stipitibus magnis in modum * *muralis sepi-
funditus jactis, & connexis fuisse ex subsequenti Spar-
tiani*
Britannia.

tiani narratione colligi possit. Hic autem est de
quo nunc agitur, per LXXX enim mill. pass. pro-
currit, ad eum PONS ÆLIA, CLASSIS ÆLIA,
COHORS ÆLIA, ALA SABINIANA, quæ ab
Ælio Hadriano & Sabina ejus uxore nomina
sumpserunt. Scotusque ille historicus qui *Rotam*
temporum scripsit, Hadrianus, inquit, *vallum por-
tento se molis ex cespitibus è terra excisis montis instar al-
tissima fossa ante adjecta à Tina ostiis ad Escam flu. à ma-
ri Germanico ad Hibernicum usque Oceanum primus omni-
um duxit. Quod iisdem verbis habet Hector Boe-
tius.*

Lollius Urbicus Britannia sub Antonino Pio
Legatus secundus præliis terminos iterum pro-
movit usque ad primam illam quam instituit Iu-
lius Agricola Prætenturam, & ibidem tertiam
Prætenturam muro excitavit. Ille, inquit Capi-
tolinus, *Britannos vicit, alio muro cespitio submotis
barbaris ducto, alius scilicet ab illo Hadriani. Cu-
jus belli in Britannia confecti laudem Fronto
(ut habet Panegyricus) Antonino principi dabat, &
quamvis ille in ipso urbis palatio residens gerendi ejus man-
dasset auspicium, veluti longæ navis gubernaculis præsi-
dentem totius velificationis, & cursus gloriam meruisse testa-
tus est. Verum hunc Antonini Pii, ejusque legati
Lollii Urbici murum in Scotia fuisse infra doce-
bitur.*

Cum autem Caledonii Britanni imperante
Commodo hunc perripissent, Severus postha-
bita ulteriori illa, & ingenti regione, munimen-
tum per transversam insulam ab *Ituna* æstuario,
sive *Solwey frith* ad *Tina* ostium, sive *Tinmouth* duxit
eo sane, si quid ego judico, loco, ubi suum ex sti-
pitibus murum duxit Hadrianus, & juxta mecum
sentit Hector Boetius. Severus, inquit, *jubet Ha-
driani vallum restitui, propugnacula superaddi lapidea, &
turres ea intercapedine ut tuba sonus vel adverso vento
editus ex una, in alteram audiretur. Et alibi, Vallum
ab Hadriano inchoatum, à Severo fuisse completum nostris
Annalibus traditur. Doctissimus etiam Hispanus
Hieronymus Surita, qui scribit Munimen Hadriani
magna munitionum mole à Sept. Severo longius VALLI
nomine productum fuisse. Guidus item Pancirolus,
qui Severum murum Hadriani collapsum tan-
tum restituisse affirmat. Ille, inquit Spartianus,
Britanniam, quod maximum ejus imperii decus est, muro
per transversam insulam ducto, utrinque ad finem Oceani
muniuit: unde & BRITANNICI nomen accepit. Bri-
tanniam quoad ei utilis erat, ut habet Aurelius Vi-
ctor, pulsus hostibus muro muniuit, &c. quæ Spartia-
nus. Eutropius, *Vt receptas provincias omni securi-
tate muniret, vallum per XXXV, (emenda per LXXX,) millia
passuum à mari ad mare deduxit. Receptam scri-
bit Orosius, partem insule à cæteris indomitis gentibus
Vallo distinguendam putavit. Itaque magnam fossam,
firmissimumque Vallum crebris turribus communitum per
cXXII mill. pass. à mari ad mare duxit. Cum quo*
*Qggggg Beda**

Rota tem-
porum.

Prætentu-
ra tertia.

Prætentu-
ra quarta.

Murus
Vallum.

Guil. Mal-
mesburi-
ensis.

Beda consentit, qui non libenter audit Severum Murum duxisse, quod murum ex lapidibus, Vallum è palis, qui dicti valli, & cespitibus factum fuisse contendit, (cum tamen Vallum, & Murus promiscue usurpantur.) Murum tamen vocavit Spartianus, & tam murum, quam vallum Severum posuisse his verbis innuit ille, *Post murum apud Vallum in Britannia missum.* Ex Beda tamen colligitur, vallum illud nihil aliud fuisse, quam è cespitibus murum, & nemo vere dixerit Severi murum è saxis fuisse constructum, sed habe ipsius Bedæ verba: *Severus Victor civilium bellorum, quæ & gravissima occurrerant, in Britannias defectu pene omnium sociorum trahitur: ubi magnis, gravibusque preliis sepe gestis receptam partem insule, à cæteris indomitis gentibus non muro, ut quidam æstimant, sed vallo distinguendam putavit.* Murus etenim de lapidibus: vallum enim quo ad repellendam vim hostium castra muniuntur, fit de cespitibus quidem circumcisis è terra & velut murus extruitur altus super terram: ita ut in ante sit fossa de qua levati sunt cespites: supra quam fudes de lignis fortissimis præfiguntur. Itaque Severus magnam fossam firmissimumque vallum crebris desuper turribus communitum à mari ad mare duxit. Nec alio quam VALLI nomine apud Antoninum, & Notitiam Provinciarum designatur, Britanniceque Gual-Sever dicitur. Accedat etiam Ethelwerdus scriptor post Bedam antiquissimus de Severo, *Ipse fossam extendit in insula præfata per transversa à mari usque ad mare, murum etiam cum turribus & propugnaculis construxit intrinsecus.* Quam postea Fossam Severiam vocat, uti annales vetustissimi Anglo-Saxonum. *Severus Brytenlano mio sic forgyro fram ræ op sæ, id est, Severus Britanniam fossa præcinxit à mari ad mare.* Et alii recentiores, *Severus on Brytene geporht peal of tuppum fram sæ to sæ, id est, Severus in Britannia perfecit murum ex cespitibus vel vallum à mari ad mare.* Malmesburiensis item celebrem & vulgatissimam fossam nominat. Quo in loco murus è saxo ducentesimo plus minus post anno constructus fuit, de quo mox dicendum.

Agri cur
limitaneis
ducibus
concessi.

Feudorum
origo.

Quod Eutropius in xxxv, Victor in xxxi, alii authores in cxxxii mill. pass. hujus longitudinem extenderint, mendas in numeros subrepsisse existimo. Non enim tanta est insulæ eo loci latitudo, etiam si ipsum anfractuosum muri ductum ascendentem, & descendentem persequaris, quod si etiam in Italica milliaria resolves, paulo plus quam lxxx, ut recte numeravit Spartianus, colligas. Pauculos post annos hæc neglecta, ut videtur, munitio fuit. Cum tamen Alexander Severus Imper. (ut est apud Lampridium) *sola quæ de hostibus capta erant limitaneis ducibus, & militibus donasset, ita ut eorum essent, si heredes illorum militarent, nec unquam ad privatos pertinerent, existimans attentius eos militaturos, si etiam sua rura defenderent:* (verba hæc velim notes, nam hinc vel species feudi, vel origo feudorum deducatur) Romani tunc ultra murum progressi, & barbarico solo stationes extruentes, & instruentes, ad Bodotriam usque imperii fines denuo propagarunt, quos tamen barbari, continenter bellum ex bello serentes subinde ad Severi Vallum repulerunt. Diocletianus his limitibus provide prospexit, sub quo cum imperium permissum fuit in Britannia Ca-

rausio, quod contra bellicosas gentes habitus fuerit opportunior, ille Prætenturam inter Glotam & Bodotriam restituit, ut suo loco dicemus. Hos limites primum neglexisse arguitur Constantinus Maximus. Scribit enim Zosimus, *Quum imperium Romanum extremis in limitibus ubique Diocletiani providentia, oppidis & castellis, atque burgis munitum esset, omnesque copie militares in iis domicilium haberent: fieri non potuit, ut barbari transirent, ubique copiis hostium repellendorum causa occurrentibus.* Hanc præsidiorum munitioem Constantinus abolens, majorem militum partem, de limitibus submotam in oppidis præsidii nullius egentibus collocavit: limites à barbaris vexatos præsidio nudavit, tranquillæ & quietas urbes militum peste gravavit, qua jam complures ad solitudinem redactæ sunt, milites ipsos theatris, & voluptatibus addictos emollivit: denique, simpliciter ut dicam, rerum hæcenus pereuntium internecioni principium, & semina ille præbuit.

Interjectam hanc inter Clusuras five Prætenturas regionem Theodosius Theodosii Augusti pater ita recuperavit, urbes instauravit, præsidia castra, limitesque vigiliis tutatus est, & prætenturis, recuperatamque provinciam ita pristino statui reddidit, ut rectorem legitimum haberet, & VALENTIA in honorem Valentiani deinde vocaretur. Theodosius etiam filius cum jam imperii fastigium sua virtute nactus esset, providam limitis curam habuit, jussitque ut Magister officiorum, quemadmodum se res militum haberet, castrorum, clusurarumque cura procederet, quotannis Imperatori significaret. Cum autem res Romana plusquam aperte jam labi cœpisset, & Picti Scotique cespitium ad Bodotriam murum perumpentes, has partes immaniter depopularentur: Romana Legio, sub Gallione Ravennate in auxilium missa, submotis barbaris, cum ad Galliam tuendam revocaretur, Britannos hortata est, Gildæ & Bedæ verbis uttor, *instruere inter duo maria trans insulam murum, qui arcendis hostibus posset esse præsidio, sicque domum cum magno triumpho reversa est.* At insulani murum quem jussi fuerant non tam lapidibus, quam cespitibus constructos, utpote nullum tanti operis artificem habentes, & ad nihil utilem statuunt. Qui, ut habet Gildas, à vulgo irrationabili absque rectore factus non tam lapidibus quam cespitibus non profuit. De loco ubi hic murus constructus pergit Beda, *Fecerunt autem eum inter duo freta vel sinus maris per millia passuum plurima, ut ubi aquarum munitio deerat, ibi præsidio valli fines ab hostium irruptione defenderent.* (Cujusmodi etiam murum in spatia longa prætentum Assyriam ab externis incursum munivisse author est Marcellinus. Et hodie Seres, ut in Osorio legimus, valles, & camporum planities muris muniunt, ut Scytharum impetum à se facile propulsent. (Cujus operis ibidem facti, id est, Valli latissimi, & altissimi usque hodie certissima vestigia cernere licet. Incipit autem duorum ferme millium spatium à monasterio Abercurvinnig ad Orientem, in loco qui sermone Pictorum Penvahel, lingua autem Anglorum Penveltun appellatur, & tendens contra Occidentem terminatur juxta urbem Alcluith. Verum priores inimici ut Romanum militem abesse conspexerant; mox ad prædicti navibus irrumpunt terminos, caduntque omnia & quasi maturam segetem obvia

Romanæ
Reipub.
occasus.

Marcellinus lib. 38.
Circa annum 367.

Valentia.
Codex
Theodosii.

Blondus.
Prætentura quinta.

Murus inter Edenborough Frith, & Dunbritton Frith.

quæ-

quaque metunt, calcant, transeunt. Vnde rursum mittuntur Romam legati flebili voce auxilium implorantes, ne penitus misera patria deleatur, ne nomen Romanae provinciae, quod apud eos tam diu claruerat, exterarum gentium improbitate obrutum vilesceret. Rursum mittitur legio, quae inopinato tempore autumnus adveniens magnas hostium strages dedit, eosque qui evadere poterant omnes trans maria fugavit, qui prius anniverfarias praedas trans maria, milite nullo obfistente, cogere solebant. Iam ad vallum Severi se retulerunt Romani & per Lineam valli (ut habet liber notitiarum qui sub finem principatus Theodosii Iunioris scriptus,) id est, per Valli longitudinem utrinque & interius & exterius suis stationibus excubant Alae equitum cum suis Praefectis 5, Cohortes cum suis Tribunis 15, Numerus 1, Cuneus item 1. Quae suis locis diximus, & dicemus. His verbis, de subsequente tempore, pergit deinceps Beda, Tum Romani denuntiavere Britonibus non se ultro ob eorum defensionem tam laboriosis expeditionibus posse fatigari, ipsos potius monent arma corripere, & certandi cum hostibus studium subire, qui non ob aliam causam, quam si ipsi inertia solverentur, eis possent esse fortiores. Quinetiam Romani, qui hoc sociis quos relinquere cogebantur, aliquid commodi allaturum putabant, murum a mari ad mare recto tramite inter urbes quae ibidem ob metum hostium factae fuerant (ubi & Severus quondam Vallum fecerat) firmo de lapide locarunt. Apponam hic & Gildae verba à quo Beda haec haurit: Murum non ut alterum sumptu publico privatoque Romani adjunctis secum miserabilibus indigenis solito structura more à mari usque ad mare inter urbes quae ibidem forte ob metum hostium collocatae fuerant directo librant. Nunc iterum audi Bedam, Quem videlicet murum hactenus famosum, atque conspicuum sumptu publico privatoque, adjuncta secum Britannorum manu, construebant octo pedes latum, & duodecim altum recta ab Oriente in Occasum lineae, ut hodie intuentibus clarum est. Ex quibus Bedae verbis videas optimum illum suos sibi oculos confixisse, dum se cornicibus oculos configere putat, & valde vehementerque contra Boetium & ceteros Scotos asserit, Severi vallum in Scotia fuisse. Nonne Beda postquam de vallo ad Abercurving in Scotia egerit, Murum è firmo lapide, ubi Severus vallum fecerat, excitatum explicite scribit, & ubi quæso Murus ille è saxo nisi hoc loco inter Tine ostium, & Itunæ æstuarium? Vbi igitur & Severi Vallum? Muri vero etiamnum hic adeo expressa habentur vestigia, ut ipsius tractum sequaris, & in *Vastis, quæ vocant, magna ejus fragmenta in longa spatia porrecta, & tantum pinnis nudata hinc inde ipsis meis oculis sum contemplatus.

Circa annum Christi 420. Theodosii Breviarium vocat Alciantus. Milites per Vallum dispositi.

* The wastes.

Castle-Steeds. Chesters.

Arcani

Vidi enim tractum ejus per montium ardua, & prona mirabiliter ascendere & descendere, quæ patentiores sunt campi, fossam latam & altam exterius præjacere, quæ nunc multis locis coæquatur, interius aggerem, sive viam militarem, sed valde interruptam. Turres sive Castella habuit crebriora millenis passibus disparata, quæ Castle-Steeds vocant, & interius oppidula munita quæ Chesters hodie vocant, quorum radices quadrata forma alicubi visuntur, & his turres interpositas, in quibus dispositus miles barbaris immineret, & stationes Arcani haberent, quos Britannia.

Theodosius ille, de quo modo dixi, malæ fidei convictos stationibus suis removit, Genus id hominum erat à veteribus institutum, quorum (ut inquit Marcellinus) officium erat, ut ultro citroque per longa spatia discurrentes vicinarum gentium strepitus nostris Ducibus intimarent. Adeo ut conditores ejus consilium sequuti videantur, qui de Rebus bellicis ad Theodosium & ejus filios scripsit. Sic enim ille, Est inter commoda reipublicæ utilis limitum cura, ambientium ubique latus imperii, quorum tutela assidua melius castella prospiciunt. Ita ut millenis interjecta passibus stabili muro & firmissimis turribus erigantur, quas quidem munitiones possessorem distributa sollicitudo sine publico sumptu constituat, vigiliis in his & agrariis exercendis, ut provinciarum quies circumdata quodam præsidii cingulo inlesa requiescat. Tubulum etiam æreum eo artificio muro insertum inter singula castella, & turres intercurrisse ferunt accolæ (cujus fragmenta subinde repperunt) ut si quis vocem in eum, quancunque turri immisisset, statim sonus in proximam, inde ad tertiam, & omnes deinceps non interruptus perferretur, ad significandum ubi loci hostium insultus timeretur. Cujusmodi miraculum de Byzantii turribus in Severi historia è Dione refert Xiphilinus. Sed cum Murus nunc jaceat, & tubulus sit nullus, multi hic circumquaque prædia & fundos in Cornage (ut juridici nostri loquuntur) à regibus nostris tenent, videlicet ut cornu irruptiones hostium vicinis significant, quod à veteri Romanorum instituto deductum nonnulli existimant. Quique tenebantur ire ad præceptum Regis in exercitu Scotiæ (ex Chartis publicis loquar) in cundo in Antegardum, in redeundo in Retrogardum.

Sed ut signatius Muri ductum sequar, ad BLATVM BVLGIVM sive Bulnesse ad Oceanum Hibernicum incipit, & secundum Itunæ æstuarium per Burg upon sands, ad LVGVALLVM sive Caril pergit, ubi Itunam sive Eden transit. Inde procurrat, Irthingumque flumen subiectum habet, Cambecke rivulum meandris se curvantem transmittens, ubi castelli magna indicia. Irthingo & Poltroffe fl. postea trajectis, Northumbriam intrat, & inter montium conglomerationes secundum flumen quod Tinam Australem vocant, continuus (solummodo Tina Boreali interfluente divisus, ubi olim ponte conjunctus erat) ad ipsum usque Oceanum Germanicum progreditur, ut suo loco cum in Northumbriam pervenero, ostendam.

Admiranda tamen hæc substructio hostilem tempestatem nequitiam avertere potuit. Sed ubi Romani è Britannia solvissent, Picti & Scoti inopinato impetu murum adorti, præfidiarios uncinatis telis distrahunt, munitionem perfringunt, Britanniamque intestinis tum seditionibus convulsam, fameque confectam gravissima longe lateque persultant. Verum deplorandam horum difficiliorum temporum miseriam depingit tibi qui non multo post vixit Gildas Britannus, Romanis ad sua remeantibus, emergunt certatim de curucis quibus sunt trans * Stricam vallem erecti, quasi in alto Titane, incalescenteque caumate de arctissimis foraminum caverniculis fuscæ vermiculorum cunei, tetrici Scotorum Pictorumque greges, moribus ex parte dissidentes,

exploratores. Lib. 28.

Tubulus ad voces deferendas.

Cornago.

Muri tractus.

Scoti sylvestres naviculus suas hodie Caroches dicunt.

* Scythiam vallem legit Parisiensis editio, innuit fortasse mare Scoticum.

tes, & una eademque sanguinis fundendi aviditate concordes, &c. Cognitaque condebitorum reversione, & reditus denegatione solito confidentiores omnem Aquilonalem, extremamque terræ partem indigenis muro tenus capessunt. Statuitur ad hæc in edito arcis acies segnis & inhabilis ad pugnam, tremantibus præcordiis inepta, quæ diebus ac noctibus seipso sedili marcebat. Interea non cessant uncinata undorum tela quibus miserrimi cives de muris tracti solo allidebantur. Hoc scilicet eis proficiebat immatura mortis supplicium, qui tali funere rapiebantur, quo fratrum pignorumque suorum miserandas imminentes pænas cito exitu devitabant. Quid plura? Relictis civitatibus muroque cello iterum illis fugæ antrum dispersiones solito desperabiliores. Item ab hoste infestationes, item strages accelerantur crudeliores, & sicut agni à lamionibus, ita desendi cives ab inimicis diserpuntur, ut commoratio eorum ferarum assimilaretur agrestium. Nam & ipsos mutuo nec perexigui victus brevi sustentaculo miserorum civium latrocinando temperantur, & augebantur externæ clades domesticis motibus, quod hujuscemodi tam crebris direptionibus vacuaretur omnis regio totius cibi baculo, excepto venatorie artis solatio.

Hoc vero observatione dignum, uti Romanorum prudentia hunc murum ita duxit, ut alterius quasi munimenti loco ad interiorem partem duo maxima flumina subjecta haberet, Tinam scilicet & Irthing quæ angustissimo terrarum spatio dirimuntur: ita barbarorum solertia eo præcipue loci primum aditum sibi aperuit inter hæc flu. quo liberum, nullo flumine occurrente, in Provinciæ sinum ingressum haberent, ut in Northumbria statim monstrabimus. Vulgi de hoc Muro fabellas sciens prætermitto, hoc unum tamen quod à fide dignis accepi lectori subducere nolo. Durat tradita persuasio in magna parte populi circumvicini, limitaneos Romanorum milites plantas vulneribus salutes olim in suum usum hic passim plantasse. Vnde Empirici Scottorum Chirurghi quotannis ineunte æstate huc ad plantas colligendas confluunt, quarum utilitatem longo temporis usu edocti, mirifice laudant, & efficacissimas esse asseveranter affirmant.

Romano-
rum in
muro du-
cendo
prudentia.

Plantæ
salutares.



OTTADINI.

367



*Post Brigantes statuuntur apud Ptolemaum, qui pro exemplarium variante lectio-
ne OTTALINI, OTTADENI, & OTTADINI nominantur, pro
quibus omnibus ego, si auderem, OTTATINI facili admodum mutatione
substituerem; ut significaret Trans, vel Supra Tinam flumen. Sic sane incolarum
nomen cum regionis positione undique conveniret. Ultra Tinam enim hi confede-
runt, & regionem in Vallia trans Conovium fluvium Vch Conwey, ultra
montes, Vch-mynyth, ultra sylvam Vch-coed, ultra Girway flu. Vch Gwyrway vocant
hodie Britanni. Nec certe omnino absurdum esse possit, si eadem ratione hanc regionem ultra
Tinam, Vch Tin dixerunt, unde hoc nomen OTTADINI paululum luxata dictione, sed
gratiori sono Romani efformasse videantur. Cum autem (ut è Dione Nicæo habet Xiphilinus)
Britanni omnes qui juxta Murum, quem modo diximus, habitarent, Μαύται, sive MÆTÆ di-
cerentur Ottadinos nostros ad Murum incolentes inter hos Maatas fuisse æquum est ut credamus,
qui memorabili illa Britannorum defectione, ad-vocatis in belli societatem Caledoniis, arma sum-
pserunt. Quo tempore Severus Imperator militibus ut Britannos omnes occiderent, his Homeri
versibus præcepit:*

Maatas.


Iliados 3.

Μή τις ἑταίρου φεύγειν αἰπὸν ὄλεθρον
κείρας δ' ἡμετέρης, μηδ' ὄνειαράς τε μήτηρ
κέρων ἰόντα φέροι, μηδ' ὅς φύγοι αἰπὸν ὄλεθρον.
Nemo manus fugiat vestras, cædemque cruentam,
Non fœtus, gravida mater quem gestat in alvo,
Horrendam effugiat cædem.

Valentia.

*Sed hujus defectionis tempestas Severi morte qui in ipso belli apparatu Eboraci obiit, sedata fuit.
Longo post tempore hac regio VALENTIÆ pars fuisse videtur. Sic enim in Valentini Imperatoris honorem Theodosius nuncupavit, cum barbaros contudisset, & amissam hanc provin-
ciam recuperasset. Verum Saxonico bello antiqua hac nomina exoleverant, & regiones omnes
quæ trans Humbrum æstuarium ad Septentriones jacent, Saxonico nomine Nonnan-humbra-
pic, id est, Nordanhumbroregnum, vocari cæperunt. Quod tamen nomen in reliquis a-
gris nunc oblitteratum, in una Northumbria, quam jam adibimus, quasi superstes remanet.*

NORTH-HUMB-ER-LAND.



*Northumbria, Saxonice Nonnan-
humber-land, & vulgo North-um-
ber-land, Trianguli sed non æqui-
lateri figura quodammodo inclu-
sa jacet. Meridionale latius Der-
went in Tinam influens, & ipsa Ti-
na claudit, qua Dunelmenses spectat. Orientale
latius mari Germanico pulsatur. Occidentale ve-
ro quod ab Occasu brumali in Ortum æstivum,
primum concatenatis montibus, inde Tweda flu.
protrahitur, Scotiæ obvertitur, limesque erat
regnum, cui in hoc Comitatu duo præerant
præfecti, quorum alter medii limitis, alter occi-
dui præfectus vocabatur. Terra ipsa magna ex
parte aspera est, cultu dura, cultorumque corpo-
ra durasse videtur, quos ferocios faciant vicini
Scoti, nunc bello exercentes, nunc pace suos
ritus miscentes, unde bellicosissimi sunt, & ve-
lites optimi. Cumque omnino Marti se quasi
consecrarint, non est inter eos quispiam melioris
notæ, qui suam turriculam, aut munimentum
non habeat, & in quam plurimas Baronias divisa
fuit, quarum Domini olim ante Edwardi Primi
tempora Barones vulgo dicti, etsi tenuioris fortu-
næ ex illis nonnulli, sed hoc prudenter factum à
majoribus, ut virtutem militarem vel honore &
titulo, inter eos in regni limite foverent, & con-
servarent. Sed evanuit hic inter illos titulus, cum*

Limitum
præfecti.

Ranke
Riders.

Baroniae
plurimæ
in Nor-
thumbria.

Vid. p.
107.

*sub Edwardo Primo Baronum nomine illi so-
lummodo gaudere inceperunt quos ad Parla-
mentaria Comitata Reges evocaverint. Ad mare,
& Tinam adhibita mediocri cultura colono per-
quam grata est, alibi vero multo ingrator, &
quasi horridior. Plurimisque in locis lapides illi
Litbanthracæ, quos Sea-coales vocamus, magna co-
pia magno cum incolarum commodo effodiun-
tur.*

Sea-Coa-
les.

*Pars citerior quæ ad Occasum brumalem ver-
git Hexamshire dicta, Archiepiscopum Eboracen-
sem diu Dominum agnovit, & Comitatus Palati-
ni jura nescio an jure sibi arrogavit. Sed nuper
cum sacro, sive Regio patrimonio coaluisset ex
commutatione cum Roberto Archiepiscopo fa-
cta, Parlamentaria autoritate Northumbriæ
Comitatui connexa fuit, ut eodem esset jure, &
Northumbriæ Vicecomitem in causis spectaret.*

Hexam-
shire.

*Tina Australis (qui sic dictus si Britannis creda-
mus quod in arctum coeuntibus ripis constringi-
tur, hoc enim Tin Britannica lingua significare
affirmant nonnulli) ex Cumbria editus, prope
Alfenmore ubi antiqua est fodina æraria; per Lam-
bley quondam virginum sacrarum cœnobium à
Luciis conditum, nunc eluvione magna ex parte
subrutum, & Fetherston-haugh quæ veteris & ge-
nerosæ familiæ de Fetherston sedes, delatus, cum
ad Bellister castellum pervenerit, in Ortum con-*

South
Tine fl.

R r r r r

ver-

versus rectā cum muro procurrit, qui nusquam tribus mill. pass. ab eo distat.

Murus si-
ve the
Pitts wall
Poltrofs.
Thirle-
wall.

Murus enim Cumbria relicta, & Irthingo rivu-
lo superato, Poltrofs rapidum rivulum arcuato
opere transivit, ubi magnas moles intra murum
tanquam ad speculandam regionem aggestas vi-
dimus. Proximum huic Thirlwale est castrum quod
non quidem magnum, antiquæ & claræ familiæ
quæ prius Wade dicta, ut sedem, ita cognomen
fecit, ubi aditum in provinciam Scoti sibi refe-
rarunt inter Irthingum & Tinam, & provide sane
eo loci, ubi liber aditus, nullo interjecto flumi-
ne, in interiores Angliæ partes patet. Sed hoc
& loci nomen melius intelliges ex Ioanne For-
dono Scotorum historico, cujus verba, quia non
ubique prostat liber, subtexere operæpretium
videtur. Obtinentes (inquit) Scoti quæ cis citraque mu-
rum sunt regiones inhabitare ceperunt victores, ac citato
repente rurali vulgo cum suis sarpis, quilibus, id est, li-
gonibus, rastris, tridentibus, & fossoriis, patulas in eo
rimas, foraminaque crebra perfodiunt, quibus utique prom-
ptum habeant aditum, & recessum. Ab illis ergo forami-
nibus, hæc deinde maceria hoc in loco nomen hodiernum
cepit, Anglica enim lingua locus dicitur Thirlwal, Lati-
ne Murus perforatus. Hinc Blenkinsop, quod familiæ
celebri nomen dedit, uti etiam sedem, parsque
olim fuit Baronia Nicolai de Bolteby, regione non
inamœna ad Austrum prospeximus.

Scoto
chroni-
con l.
Fordon.

Caer Vor-
ran.

A Thirlwall murus insaniēti flumini Tippall se
patefacit, ubi in collis descensu paulo intra Mu-
rum, pedamentum castrorum Romanorum forma qua-
drata cernitur, cujus unumquodque latus passus
CXL colligit. Ipsaque ædificiorum fundamen-
ta, & viarum tractus adhuc intuentibus planissi-
me apparent. Ferunt limitanei equites viam mi-
litarem filice, & saxo constratam per edita loca
ad Maiden-Castle in Stanemore hinc duxisse, certe ad
Kirkby-Thor, de quo dixi, recta duxit. Anicula
vero, quæ casulam proximam incoluit, Arulam
votivam antiquam nobis ostendit, sic Deo indi-
geti VITIRINEO inscriptam.

D E O
V I T I
R I N E ---
--- L I M E O
R O V
* P. L. M.

* Posuit
libens
merito.

Caer Vorrā jam loco nomen est, quodnam o-
lim fuerit, eruere ingenii non est mei, cum inter
stationes per lineam valli memoratas nulla no-
mine adludat, & ex inscriptionibus lux nulla
affulgeat. Quodcunque fuit, murus juxta
longe erat firmissimus, & altissimus: vix
uno enim & altero hinc stadio in colle sa-
tis excelso superest xv pedes altus & ix la-
tus, utrinque quadrato lapide extructus, et si
Beda xxi tantum pedes in altitudinem surrexif-
se prodat.

Chestre
vocat.

Hinc obliquior progreditur murus per Tuerton,
Forsten, & Chester in the Wall, prope Busy-gapp præ-
dationibus infamem, ubi castella fuisse accepi-
mus, (per prædones vero limitaneos perlustrare

tuto non licuit) Chester autem illud valde ma-
gnum fuisse retulerunt, adeo ut stationem illam
II Dalmatarum existimemus quæ MAGNA in
Notitia dicitur, ubi hæc legitur inscriptio,

PRO SALVTE
DESIDIENI Æ
.... LIANI PR Æ
ET SVA. S.
POSVIT VOT
... AO SOLVIT LIBE
NS. TVSCO ET BAS
SO COSS.

Anno
Christi
259.

Hanc etiam mutilatam aram inde allatam ad
Melkrig Viculum legimus.

DEAE SVRI
AE SVB CALP
VRNIO AG-----
ICOLA LEG. AVG
PR. PR. A LICINIUS
--- LEMENS PRAEF
--- III. A. IOR-----

Hæ duæ
incri-
ptiones
nunc ex-
tant in
ædibus D.
Rob. Cor-
toni Con-
ningto-
niæ.

Quod si legere possem, sic libenter legam, &
literarum ductus favet. Deæ Surie, sub Calphurnio
Agricola Legato Augusti. Propatore Licinius Clemens
Præfectus. Calphurnium vero Agricolam, cum
bellum Britannicum immineret, adversus Bri-
tannos misit M. Antoninus Philosophus circa
annum Christi CLXX. Quo tempore Cohors a-
liqua sub eo hanc Aram posuit SVRIÆ DEÆ,
quam leones gestarunt capite turratam, cum
tympano in manu, ut prolixè in narratione de
Dea Syria ostendit Lucianus. Quamque Nero,
licet usquequaque religionum contemptor, uni-
ce aliquandiu coluit, & mox ita sprexit, ut urina
contaminaret.

Dea Su-
ria.
Capitoli-
nus.

Alii Inno-
nem, alii
Venerem
volunt.
Suetonius
Nerone
ca. 56.

Hinc VVilymotef-wicke claræ familiæ Ridleiorum
sedem vidimus, juxtaque Alon flu. magno aqua-
rum insultu in Tinam influentem, cum uterque
Alon undas consociarint suas. Ad East-Alon vicus
nunc Ould Towne, id est vetus oppidum cernitur. Sed
ad Murum. Proxima in muro statio post Busy-
gap, Seavenshale dicitur, cujus nomen si mecum à
Saviniana vel potius Sabiniana Ala profluxisse
quis credat, ego confidentius dicam illud HVN-
NVM fuisse, ubi Sabinianam Alam exucubasse
meminit Provinciarum Notitia. Inde post Car-
raw, & VValton, est VWatwicke, GALLANAM An-
tonini aliqui esse volunt, in quibus omnibus ve-
terum munitionum sunt manifesta vestigia.

Alon fl.

Seaven-
shale.

Gallana.

North
Tine.

Tindale.

True pla-
ce.

Rhedesda-
le.

Hic Tina Borealis Murum interlabitur qui è li-
mitaneis jam Angliæ & Scotiæ montibus effu-
sus primum Orientem solem petens Tindale à se
denominatum irrigat, demumque Rheadum flu-
men in sinum admittit suum, qui è Readsqwire
monte prærupto scatens, ubi sæpe est True place,
id est, conferendi locus, pro Orientalibus limitibus
(Præfecti enim limitis Orientalis utriusque regni
causas hic inter limitaneos cognoscere soliti)
vallem ob deprædationes incolis nimis vacuum
suo nomini adoptat.

Vtra-

Vtraque vallis laudatissimorum velitum altrix, utraque suos habet montes in summitate, adeo uliginosos, ut equitibus sint omnino impervia; in quibus quod mireris, plures sunt lapidum strues admodum magnæ, *Laves* vocant, quas in memoriam occisorum olim aggestas credunt vicini. In utraque etiam plures sunt veterum castrorum ruinæ. In *Tindale* sunt *VWhitchester*, *Delaley*, *Tarfet*, olim *Comminiorum*. In altera *Rheadesdale* sunt

Rochester, *Greencheſter*, *Rutcheſter*, & alia nonnulla quorum antiqua nomina longi temporis injuria absorpta latent. Verum cum ad *Rochester*, qui propius *Readi* fontes in caulis eminentia, quæ subſtratam regionem longe deſpectat (unde & novum hoc nomen deſumptum videatur) ara antiqua inter rudera vetuſti caſtri cum hac inſcriptione fuerit reperta :

Id eſt, Duplares Numeri exploratorum Bremenii Aram inſtituerunt Numini ejus Cæpione Charitimo Tribuno votum ſolverunt libentes merito.

D. R. S.
DVPL. N. EXPLOR.
BREMEN. ARAM.
INSTITVERVNT
NEIVS CCAEP
CHARITINO TRIB
V S L M

Bremenium.

Nonne hinc conjectemus BREMENIVM tanta indagine tam diu investigatum hic fuiſſe, cujus Ptolemæus in hoc ſitu meminit, & à quo Antoninus primum Britanniarum iter tanquam à limite exorditur? Limites autem Imperii erant maria, flumina majora, montes, terræ deſertæ & impervia, quales hoc in tractu; foſſæ etiam, muri, concædes, & imprimis caſtra ſuſpectioribus locis conſtructa, quorum hic fere continua extant veſtigia. Sane cum muro Antonini Pii in Scotia perrupto Barbari late vaſtarent, Muruſque Hadriani neglectus jaceret ad Severi tempora, hic Romani imperii limitem conſtitutum exiſtimare liceat: & hinc Itinerarii vetus quod Antonini nomine circumfertur, exordium duxiſſe, utiq; *A Limite*. Quod autem adjicitur, id eſt *A Vallo*, à librariis eſt Gloſſema, cum BREMENIVM CXIII mill. paſſ. abſit à Vallo ad Septentriones; niſi ex agrariis videatur fuiſſe ſtationibus, quas modo dixi poſitas eſſe in ſolo barbarico ultra Valli.

ad Meridiem milliaribus *Otterburn*, ubi inter Scotos & Anglos fortiffime pugnatum victoria huc illuc ter quaterve alternante & poſtremo ad Scotos: Henricus enim *Percy* ob præcipitatum juvenilis ardoris impetum agnomine *VWhotſpur*, qui Anglos duxit, captivus erat abductus, mille quingentis è ſuis occiſis, & Guilielmus *Douglas* Dux Scotorum cum ſuorum plurimis deſideratus, ut nuſquam major utriuſque gentis bellica virtus emicuerit.

Aliud antiquæ etiam memoriæ oppidum inferius alluit, imo fere jam eluit *Rheadus*, *Reſingham* hodie vocant, id eſt antiqua Anglorum & Germanorum lingua, *Gigantum habitatio*, ut *Riſingberg* in Germania *Mons Gigantum*. Magna & multa ibi vetuſtatis indicia. Ferunt incolæ contra Soldanum *Magon* hoc diu propugnâſſe; nec omnino vane. Ejuſmodi enim Deum hic cultum fuiſſe comprobant hæ duæ ibidem è flumine nuper extractæ aræ ſic inſcriptæ :

Pælium

Deo Mogonti Gadenorum & numini Domini noſtri Auguſti M. G. Secundinus Beneficiarius Conſulis Habitanci Primas tam pro ſe & ſuis poſuit. Primas.

D E O
M O G O N T I C A D.
E T N. D N A V G.
M. G. S E C V N D I N V S
B E C O S. H A B I T A
N C I P R I M A S T A
P R O S E E T S V I S P O S V I T

Ex harum priore quodammodo colligatur HABITANCVM loco fuiſſe nomen, & illum qui poſuit Beneficiarium fuiſſe Conſulis, locique Primatem. Præcipuos urbium, vicorum, & caſtelloꝝ magiſtratus *Primates* fuiſſe dictos è Theodoſii Codice ſatis ſuperque conſtat. An Deus

D E O
M O V N O C A D.
I N V E N T V S D O
V. S.

iſte fuerit Genius Topicus Gadenorum quos Otadinis proxime vicinos ſtatuit Ptolemæus nondum perſpicio, viderint alii. Repertæ etiam hic fuere hæ inſcriptiones quas ut alias C. L. V. Roberto Cottono de *Conington* Equiti aurato debemus, qui nuperime vidit & deſcripſit.

D. M.
B L E S C I V S
D I O V I C V S
F I L I Æ
S V Æ
V I X S I T
A N. I. E T
D I E S X X I.

C V I P R Æ E S T. M
P E R E G R I N I V S
S V P E R T R I B.

C O H. I. V A N G
F E C I T C V R A N T E
I V L. P A V L O T R I B.
S S S S S

D E

DE AETER
TIAN AESSA
CRVM AEL.
TIMOTHEA---P.
V. S. L. L. M.

HERCV
L I I V L
P A V L L V S
T R I B.
V. S.

AVR. ANTONI
NI. PII AVG. M
MESSORIVS
DILIGENSTRI
BVNVS SACRVM.

DEO IN VICTO
HERCVLI SACR
LAEMI SALVANVS
TRB CH IVANGI
V S P M

ICOSCIPRE
NAVERL CAST
VETVS TAECNABS

Quæque reliquas operis elegantia longe præcellit tabula longa hac forma affabre inculpta à Cohorte quarta Equitum Gallorum Augustorum Numinibus posita:



Sed his omiffis. *Rheadus* paulo inferius suas, pluresque torrentes quas accepit aquas in *Tinam* invehit & eousque *Rhedesdale* pertingit. Quam, ut est in Regii Scaccarii libro, *Vmfranvilli* tenuerunt de antiquo feofamento per regalem potestatem, & servitium, ut custodirent vallem à latronibus.

Hic circumquaque in vastis quas vocant terris, ut etiam in *Gilleslandia* quasi Nomadas antiquos videas, militare genus hominum qui à mense Aprili usque ad Augustum in tuguriolis hinc inde dispersis, *Sheales* & *Shealing* vocant, passim cum suis pecoribus excubant. *Tina* ille borealis deinde per *Chipches* turriculam olim *Vmfranvillorum*, postea *Heronorum* defertur, (nec procul à *Swinborn* castellulo quod claræ familiæ nomen dedit, & olim fuit pars Baronie Guilielmi *Heron*, postea sedes *Woderingtonorum*) Murum accedit, & intersecat sub *Collerford*, ubi ponte fornicato conjunctus erat, & ubi jam *VValthwick* ampli castri visuntur

ruinæ. Quod si *CILVRNVM* non fuit in quo *Cilurnum*, Ala secunda Asturum sua stativa habuit, in proximo fuit ad *Scilicester* in Muro, ubi postquam *Scilicester*, *Hovedenus*, *S. Oswalde*, *Sigga* Patricius *Elfwaldum* Nordanhumbro-
rum Regem perfide trucidasset, Ecclesia à fidelibus extructa fuit in honorem Cuthberti, & Oswaldi, cujus nomen ita cæteris offecit, ut pristino nomine oblitterato, *S. Oswaldes* nunc dicatur. *Oswaldus* hic Nordanhumbro-
rum rex signa moturus in *Cedwallam* Britannum (sic *Beda* vocat quem ipsi Britanni *Caswallon* dixerunt) *Cumbria*, ut videtur, regem, Crucem erexit & flexis genibus Christum supplex precatus est ut suis cultoribus cœlesti succurreret auxilio, statimque elata in altum voce ad exercitum proclamavit, *Flectamus omnes genua & Deum omnipotentem virum & verum deprecemur ut ab hoste superbo & feroce* *Beda li. 2. c. 2.*
nos sua miseratione defendat. Nullum, inquit Beda, nullum ut comperimus, fidei Christiane signum, nulla Ec-
clesia,

Wastes.
Nomades.
Sheales.
Chipches.
Swinborn.
ne.

Collerford.

Cedwalla
five Caswallon.

Circa an-
num 634.
Christiana
religio
prima in
Nor-
thumbria.
Heafon
field nunc
Haledon.

clesia, nullum altare in tota gente erectum est, priusquam hoc sacra crucis vexillum novus militia eductor dictante fidei devotione contra hostem immanissimum pugnaturus statueret. Cum enim opem Christi, quam implorarat, hoc in praelio praesentem sensisset Oswaldus, protinus Christo nomen dedit, Aidanum Scotum ad suos Christiana religione imbuendos evocavit, & ipsum victoriae locum heafenfielo, id est, Campus caelestis, vocarunt posteri, qui hodie eodem sensu (ut aliqui volunt) Haledon appellatur. De quo ecce tibi qualescunque ex Oswaldi Vita versiculos:

Tunc primum scivit causam cur nomen haberet
Heafenfeld, hoc est caelestis Campus, & illi
Nomen ab antiquo dedit appellatio gentis
Præterite, tanquam belli praesaga futuri:
Nominis & causam mox assignavit ibidem
Caëlitus expugnans caelestis turba scelestam.
Neve senectutis ignavia possit honorem
Tam celebris delere loci, tantique triumphi,
Ecclesiae fratres Hangustaldensis adesse
Devoti, Christumque solent celebrare quot annis.
Quoque loci persistat honos in honore beati
Oswaldi Regis, ibi construxere Capellam.

Alterque in ejus laudem indocto seculo non indocte scripsit,

Quis fuit Alcides? quis Caesar Iulius? aut quis
Magnus Alexander? Alcides se superasse
Fertur. Alexander mundum, sed Iulius hostem:
Se simul Oswaldus, & mundum vicit, & hostem.

Testa
Nevilli.

Hexham.
Axelodu-
num.

Dunum.

Infra S. Oswaldae uterque Tina confluit, cum Australis Tina (qui gradum quasi cum Muro unius, & alterius milliaris intervallo confert) Langley castrum præterierit ubi olim sub Rege Ioanne Adam de Tindale suam habuit Baroniam, quæ postea devenit ad Nicolaum de Bolteby, nuperque fuit Perciorum, & ad Aidon pontem ligneum nunc male firmum, & nutantem subierit. Iam Tina auctus, subindeque auctior, uno alveo urget ad Oceanum iter, per Hexham, Bedæ Hangustald, Saxonice hextolberham, quod Romano saeculo AXELODVNUM fuisse, ubi Cohors prima Hispanorum stationem habuit, nomen persuadet, & situs editior in colle (collem enim Dunum dixerunt Britanni.) Verum de hoc audi qui ante quingentos annos floruit Richardum Priorem hujus loci, Haud procul à flumine Tina, ad Austrum sita est villa nunc quidem modica & raro cultore habitata, sed ut antiquitatis vestigia testantur, quondam ampla & magnifica. Hæc ex rivulo decurrente & quandoque ad modum torrentis exuberante Hextold nomine, Hextoldesham, nominatur. Quam Etheldreda Egfridi Regis uxor dedit S. Wilfrido anno DCLXXV, ut episcopali cathedra sublimaret, qui ibi construxit Ecclesiam quæ artificiosa compositione & eximia pulchritudine inter omnia Angliæ monasteria præcellat. Hæc etiam quæ scripsit Malmesburiensis. Hæc fisco regio famulabatur quum Wilfridus Episcopus ab Etheldreda regina pro aliis possessionibus commutavit. Ibi adificia minaci altitudine murorum erecta, & diversis anfractibus per cochleas mirabile quantum expolivit cementariorum opera, quos Roma spes munificentie attraxerat, adeo ut ambitionem Romanam præ se ferrent, diuque vetustate luctata confisterent. Quo tempore Episcopalem sedem hac in urbecula constituit rex Egfridus. Sed dignitas illa post octavum Episcopum, intonanti-

bus Danicis bellis, tota evanuit. Deinceps vero tantum Archiepiscoporum Eboracensium villa habebatur ante commutationem cum Henrico Octavo factam, quo suo jure cesserunt, celebraturque praelio illo funesto quo Ioannes Nevill Dominus Montis - acuti Lancastrenses duces magno animo aggressus, majori successu fudit, & ideo ab Edwardo Quarto Comitis Northumbriae titulo decoratus. Nunc vero tota ejus gloria est in monasterio illo antiquo, cujus pars in pulchras I. Fosteri Militis ædes est conversa. Ecclesia vero occidentali parte tantum demolita, stat integra, & magnifica sane est structura, in cujus choro cernitur tumulus antiquus nobilis ex familia illa bellicosa Vmfranvillorum, ut ex clypeo apparet, tibiis in crucem decussatis. Quæ forma eo seculo tantum sepulti erant illi (ut obiter notem) qui Crucem susceperunt, & cruce signati fuerunt in bellum sacrum ad terram sanctam à Mahometanis recuperandam. Ad Orientalem etiam Ecclesiae partem in collis supercilio duo eriguntur è saxo solido & quadrato firmissima propugnacula, quæ ad Archiepiscopum Eboracensem, ut accepi, spectant.

Hinc ad Orientem Solem Dilston sedem Ratclifforum pervenimus, Dilston in antiquis libris dicitur, à rivulo Tinam influente, quem Beda Devilesburnam dixit, ubi (ut scribit ille) Oswaldus fide Christi munitus Cedwallam Britannum infandum tyrannum, qui jam duos Nordanhumborum Reges occidisset, regionemque effuse vastasset, iusto praelio peremit. Ad alteram Tinæ ripam CVRIA Ottadinorum jacet, cujus meminit Ptolemæus, CORSTOPTVM Antonini ex distantiae ratione videatur, hodie à ponte Corbridge, Hovedeno Corobridge, Huntingdonensi Curie. Ecclesiam nunc tantum ostendit, & juxta turriculam ab Ecclesiae vicariis constructam & habitatam. Antiqui tamen operis supersunt reliquiae non paucae, inter quas defossam antiquorum thesaurum quæsit Rex Ioannes: sed illi illi fortuna per sui ipsius vanitatem, non minus quam olim Neroni illuserat, cum abditas Didonis opes Carthagini investigaret. Præter lapides etenim ære, ferro, & plumbo signatos nihil invenit. Rudetum vero quod adjacet & Colecester dicitur, Romanorum militum fuisse praesidium, qui viderit, facile dixerit. Eadem deinde ripa Biwell castrum elegans vidimus, quæ fuit regnante Ioanne Baronia Hugonis Balliol, pro qua debuit ad VVardam Novi Castelli super Tinam Milites triginta. Sub hoc * moles est pulcherrima ad Salmonum capturam, & duæ ex saxo firmissimo solidæ publicæ positæ, quæ pontem olim supportarunt, in flumine medio eminent. Hinc Prodhon castrum, quod antiquis etiam libris Prodhon scribitur, collis dorso amœno situ impositum Tina subterlabens suspicit. Hanc PROTOLITIAM, (quæ & PROCOLITIA) Cohortis primæ Batavorum stationem fuisse tantisper suspicabor, donec dies certiora doceat. Celebre vero est, quod Henrici Secundi tempore Guilielmi Scotorum Regis obsidionem fortiter elusit, cum casto & suis noxio labore (ut habet Nubrigenensis) succasset. Postea ad Vmfranvillos magni nominis viros spectavit, è quibus Gilbertus, regnante Edwardo

Sepulti
cum tibiis
in crucem
dispositis.

Dilston.

Beda l. 3.
c. 1.
Cassivallon
Ninius
vocat.
Curia.

Corbridge.

Thesau-
rus frustra
quæsitus.
Hoveden.
Tacitus.

Colece-
ster.

Biwell.
Liber
Inquis.
A Weare.

Prodhon.

Protolitia.

Vmfran-
villi.

S s s s s 2

wardo

Cilurnum.
Scilcester.
Hovede-
nus.
S. Oswal-
de.

Cedwalla
five Caf-
wallo.

Beda li. 2.
c. 2.

wardo Primo, militari laude florens titulum Comitatus Angulæ in Scotia uxorio jure consequutus. Hæres vero de sanguine (ut loquuntur iuridici nostri) tandem in familia de Taleboys elocata fuit: posteaque ad Bedfordiæ Ducem Principis munificentia hoc castrum devenit.

Sed ut ad Murum pedem referamus. A S. Oswaldes, duarum munitionum, quas *Castlefeedes* appellant, fundamenta in muro cernuntur, deinde locus *Portgate* dictus, ubi portam fuisse in muro vis verbi in utraque lingua ostendit. Sub hoc interius est *Halton-hall*, ubi floret & vetustatis, & virtutis militaris gloria *Carnabiorum* familia, & juxta sedet *Aidon-castle*, quæ fuit pars Baronie Hugonis illius *Balliol* quem dixi. Cur vero hoc nomine *Aidon* plura loca ad murum insigniantur, eodemque Ala militaris sive Equitum ordo Britannice significetur, cujusmodi plures per Muri longitudinem sua (ut ex Notitiarum libro constat) olim habuerint stativa; perpendat lector, si non inde hoc nomen locis istis fuerit impositum, perinde ac *Leon* oppidis, ubi legiones sua castra tenuerunt. Cæterum juxta effossum fuit fragmentum antiqui lapidis, in quo exprimitur effigies decumbentis in lecto, sinistra innixi, dextra dexterum genu tangente, & hæc leguntur:

NORICI AN. XXX.
--ESSOIRVS MAGNVS
FRATER EIVS
DVPL. ALÆ
SABINIANÆ.

M. MARI
VS VELLI
A LONG
VS AQVI
S HANC
POSVIT
V. S. L. M.

Exterius *Pont* fluvius scatens, & defluens juxta *Fenwick-hall* habitationem claræ & militaris *Fenwickorum* familie per aliquot milliaria muro prærenditur, & in suis ripis pro præsidio habuit cohortem primam Cornavorum ad PONTEM ÆLII, ab Ælio Hadriano extructum, nunc *Ponteland* dictum, ad quem Henricus Tertius & Rex Scotorum anno CIOCCXLIIII pacem sunt pacti; & juxta hunc Cohors prima Tungrorum ad *Borwick* egit, qui in Notitia Provinciarum BORCOVICVS dicitur. A *Portgate* procurrit murus ad *VValkowne*, quam, cum nomini significatio consonet, & XII mill. pass. ab Orientali Oceano abfit, eandem credimus esse Villam Regiam, quam AD MVRVM vocat Beda, in qua Segbertus Orientalium Saxonum Rex baptismo in Christi Ecclesiam à Paulino insitus. Huic vicinum est propugnaculum Vetus, *VVincester* nominatum, VINDOLANAM libenter credo, quam Cohortis IIII Gallorum olim limitaneam fuisse stationem docet liber ille Notitiarum. Et inde *Rouche*, ubi præfidiarii castri, quod Muro adjunctum fuit, expressa quadrata forma vestigia planissime conspeximus. Juxta *Headon* cernitur, quæ fuit pars Baronie Hugonis de *Bolebec*, qui maternum genus à Baronibus clarissimis de *Monte-fix*

deduxit, filiasque solummodo procreavit, quæ cum Radulpho Domino *Greistocke*, I. *Lovello*, *Huntercombo*, & *Corbetto* matrimonia contraxerunt.

Iam ubi Murus & *Tina* fere coeunt, *Newcastle* urbium in hac plaga ocellus præluet, portu nobilis, quem *Tina* efficit, sua profunditate naves valde magnas admittens, & ita defendens, ut nec tempestatibus facile jactari, nec vadis afflicti possint. Situ acclivi, & admodum inæquali sedet ad borealem ripam fluminis, quod pulcherrimo ponte conjungitur, cui ingredienti ad sinistram impendit castrum, postea clivus præceps, ad dextram forum, & ædificiis pars urbis potior, unde haud facile ascenditur in partem superiorem, quæ multo est amplior. Ecclesiis quatuor ornatur, Mœnibus armatur firmissimis, quæ septem portis patent, crebris turribus interjectis. Quodnam olim fuerit, in comperto non est. GABROSENTVM, facile judicari, cum ejus quasi suburbium *Gates-head* illud Britannicum nomen à capris deductum, sua significatione exprimit, ut ante dictum. Gabrosentum etiam & in eo Cohortem secundam Thracum statuit Notitia Provinciarum ad lineam Valli. Vallum autem & Murum per hanc urbem duxisse certo est certius, ad *Pandon* portam superest una, ut creditur, è turriculis illius Muri, certe & opere & forma ab aliis diversa magnam præ se fert vetustatem, nomenque *Monk-chester* præfidiarium fuisse castrum mihi persuadet. Sic enim à Monachis vocabatur, cum Normannicum imperium inciperet, statimque à Novo castro, quod Robertus Guilielmi Normanni filius extruxit, hoc novum nomen *Newcastle* induit, magnaue paulatim incrementa cum maritimis Germanis contrahendo, & fossiles carbonēs, quibus regio abundat, in alias Angliæ partes subvehendo cepit. Edwardo Primo rerum potiente, civis quidam opulentissimus è media urbe à Scotis captivus abreptus, cum se magna pecuniæ vi redemisset, urbem primo quoque tempore præmunire cepit. Reliqui vero cives ejus exemplo commoti opus peregerunt, & mœnibus munitissimis undique obsepserunt. Ex quo tempore adeo secure & hostium & prædonum, quibus vicinia scatebat, minas eluit, & mercaturam exercuit, ut commerciorum frequentia, & opibus sit jam florentissimum, quo nomine in Comitatum per se incorporatum Henricus Sextus instituit. Distat à primo meridiano XXI part. xxx scrup. ab Equatore Arcticum versus LIV grad. LVI scrup. De suburbio *Gates-head*, quod ponte conjungitur, & ad Dunelmensem pertinet Episcopum, superius diximus. Hanc ob situm & carbonum fossilium copiam, quorum magnus est usus, & quibus luculentos focos magna pars Angliæ & Belgii debet, ita in suis Britannia Urbibus dilaudat Ionstonus:

NOVUM CASTRUM.

Rupe sedens celsa, rerum aut miracula spectat
Nature, aut solers distrabit illa aliis.
Sedibus æthereis quid frustra queritis ignem?
Hunc alit, hunc terra suscitât ista sinu.
Non illum torvo terras qui turbine terret;
Sed qui animam terris, detque animos animis.

Eliguar

Newcastle upon
Tine.

Gabrosentum.

*Eligat hic ferrum, as, hic aurum ductile fundit,
Quis non auri illex conciet umbra animos?
Quin (ajunt) auro permutat bruta metalla.
Alchimus hunc igitur prædicat esse Deum.
Si Deus est, ceu tu dictas divine Magister,
Hæc quot alit? quot alit Scotia nostra Deos?*

Barones
Sur-Teis.
Wallfend.

Vindoba-
la.
Vindomo-
ra.

Tin-
mouth.

Tunno-
cellum.

Luforia
naves.

Seton.
Segedu-
num.

Seghill.

Barones
Ogle.

Vix tribus hinc miliaribus abest (Goffesford enim, quæ Baronia fuit olim Richardi Sur-Teis, id est, *super Teisam*, qui magno honore sub Henrico Primo effloruit, prætermitto) viculus *Wallfend* nominatus, id est, *Finis muri*. Hunc significatio ipsa stationem fuisse Cohortis secundæ Thracum docet, quæ Notitiarum libro VINDOBALA, Antonino VINDOMORA appellatur: hoc enim *Finem muri*, illud *Finem Valli* in Provinciali Britannorum lingua significasse videatur, cum Murum *Mur*, & Vallum *Gual* jam olim dixerint.

Nec credibile est, Vallum, vel Murum ulterius perductum fuisse, cum nulla ulterius sint ejus indicia, & *Tina* jam proximus Oceano alveo suo altissimo pro munimento est firmissimo. Sunt tamen qui ad ipsum *Tina* ostium, quod *Tinmouth* nuncupatur, Vallum, non Murum pertigisse volunt, illudque *Pen-ball-crag*, id est *Caput valli in rupe*, dictum contendunt, quibus nec ego refragabor. Sed hoc Romanorum sæculo TVNNOCELLVM fuisse fere asseverabo, cum *Tunnocellum Promontorium Tunna*, vel *Tina* sonat, ubi Cohors prima Ælia Classica (ab Ælio Hadriano, ut ex nomine probabile est, instituta) navalibus operis meruit. Naves enim Luforias dictas in fluminibus limitaneis habuerunt Romani, tam ut vicinorum excursus cohiberent, quam incursum vicissim facerent, ut videre est in Codicis Theodosiani libris, sub titulo *De luforiis Danubii*. Saxonica Heptarchia *Tunnaceter* vocabatur, non à *Tunna* Abbate, ut Beda tradit, sed à flumine, monasteriolumque à Danis sæpe direptum habuit. Nunc autem *Tinmouth-Castle* appellatur, castrumque magnifico & munito superbit. Quod, ut vetustus scriptor inquit, *ab Orientis plaga*, & *Septentrionis altissima supra Oceanum rupe se inaccessibile præbet*, alibi vero situ altiori facili defensione indiget. Vnde Robertus Mowbray Northumbriæ Comes sibi in belli sedem delegit, cum res novas contra R. Guiliel. Rufum moliretur. Sed res ut assolet, parum foeliciter rebelles cecidit, qui statim acriter obsessus in monasterium adjunctum se subduxit, quod asyli jure sacrosanctum habebatur, sed inde extractus diuturno carceris squalore proditionis poenas fero persolvit.

Nunc littus mihi legendum est. A tergo promontorii, cui TVNNOCELLVM infidet, proxime Seton, quæ sub Henrico Tertio pars fuit Baroniæ *De-la-vall*, *Seghill* cernitur, olim SEGEDVNVM, Cohortis Tertiæ Lergorum statio ad Vallum, & certe Britannis *Segedunum* idem quod *Seghill* Anglis denotat. Hinc littus post paucula miliaria *Blitho* fl. viam in mare aperit, qui *Belfey* quondam *Middletoniorum*, & *Ogle* castrum Baronum de *Ogle* alluens, hic cum *Ponto* fl. exoneratur. Hi Baronum dignitate à primis Regis Edwardi Quarti annis floruerunt, locupletati nuptiis cum hæredibus *Berthramy* de *Bothall*, *Alani Heton*, & *Alexandri Kirkby*. Stirps macula Baronum nuda Britannia.

per defecit in Cuthberto Barone Septimo, qui duas progeniuit filias, Ioannam enuptam Edwardo Talbot filio juniori Georgii Comitis Salopiæ, & Catharinam Carolo Cavendish ex ordine Eque-

Wents-
becke
Baronia
de Mit-
ford.
Rutarii
live Rup-
arii.

Paulo superius *Wents-beck* flumen ab Oceano absorbetur, qui præterlabitur *Mitfordiam*, quam succendit Rex Ioannes & ejus *Rutarii*, cum hæc ætas externos illos & prædatorios milites quos è Belgio & aliunde in subsidium Regis Ioannis Falcasius * de *Brent*, & *Walterus Buc* adduxerunt, *Brent* homo efferatus tandem regno ejectus, *Buc* vero sedatior, cum strenuam operam regi navasset, possessiones in agro Eboracensi & Northantonensi à Rege accepit, ejusque posterii ibidem floruerunt usque ad Ioannem *Buc* proscriptum sub Henrico Septimo. Cujus propnepos est *Georgius Buc*, vir literate doctus, Eques auratus & à regis spectaculis, qui (juvat enim profiteri per quos profeci) multa in historiis observavit, & candide impertiit. Baronia hæc quondam fuit *Guilielmi Berthrami*, cujus stirps statim defecit in Rogero è filio nepote, hæredesque tres datæ fuerunt in matrimonium, *Normanno Darcy*, *T. Penbury*, & *Guilielmo de Elmeley*.

* Alias de
Brent.

Deinde *Wents-beck* interlabitur *Morpeth* celebratum oppidulum: ad Borealem enim fluminis ripam oppidum, ad australem templum, castrumque umbroso in colle adsidet, quod una cum oppido à Rogero de *Merlaco* five *Merley*, cujus Baronia erat, ad Dominos de *Greistock*, & inde ad Barones de *Dacre* de *Gillesland* devenit. Nihil ex antiqua memoria de hoc habeo, nisi quod anno Christi MCCXV ab ipsis incolis in invdiam Ioannis Regis succensum fuerit. Hinc *Wents-beck* flu. allabitur *Bothall* castrum, & Baroniæ olim *Rich. Berthram*, à cujus posteris ad Barones de *Ogle* devoluta est. Ad cujus ripam jam diu existimavi, ex veritate, an opinione nescio, GLANOVENTA olim extitisse, quæ præsidio Cohortis primæ Morinorum ad limites defendendos à Romanis firmata erat. Quod ipsa situs ratio mihi quasi persuadet, jubetque nomen fluminis, & ipsa nominis significatio. Ad lineam enim Valli vel Muri sedet, ubi statuit liber Notitiarum, flumen *Wents-becke* dicitur, & GLANOVENTA Britannis *Littus* vel *Ripam Venta* significat. Vnde littoralis Galliæ urbs *Glanon*, cujus *Mela* meminit, nomen traxisse videatur.

Morpeth.

Hist.
Malros.

Gland-
venta.

Non procul, ut minoris famæ turriculas omit- tam, *Wubrington*, five *Woderington*, Saxonibus *Withrington*, olim *Wispington* antiquum castrum prope littus cernitur, quod nomen fecit nobili & Equestri familiæ de *Wubrington*, cujus virtus in Scotico bello subinde emicuit. *Coqueda*, five *Coquet* fl. inde mari immiscetur, qui inter montis *Cheviota* aspreta emanans, haud procul à fontibus *Billeston* habet, unde clara familia *Selbierum*, & inferius ad Austrum *Harbottle*, Saxonice *hepbottle*, id est, *Exercitus statio*, unde *Harbottellorum* familia superiori ætate floruit. Castrum olim habuit, sed quod à Scotis an. salut. MCCXIII subversum. Huic contiguum est *Halyston*, id est, *Saxum*

Withrin-
gon.

Coqueda
flu.

Harbottle.

Halyston.
Saxum

T t t t t

Saxum jacrum, ubi in primitiva Anglorum ecclesia Paulinum multa millia hominum baptisasse fama obtinet. Ad ipsum vero *Coquedæ* ostium *Warkworth*, castrum *Perciorum* non inelegans locum habet & littus tuetur, ubi miro opere facellum è rupe excavata sine trabibus & lignis efformatum. Hoc Rex Edwardus III Henrico

Percy cum *Manerio de Rochbury* donavit. Prius Baronia erat Rogerii filii *Richardi* ex dono Henrici II Regis Angliæ, qui etiam *Clavering* in Effexia illius filio dedit, unde jubente Rege Edwardo Primo, *Clavering* nomen sibi assumerunt, relicto veteri illo more desumendi nomina ex prænomine sive Christiano nomine patris, antea enim secundum paternum nomen Robertus * *Fitz-Roger*, *Rogerus Fitz-Iohn*, &c. nominabantur. Partem hæreditatis per *Finem* & conventionem adierunt *Nevilli*, qui postea Comites Westmorlandiæ, partem Eva filia nupta Th. *Vfford*, à cuius posteris ad *Fienos* Barones *Dacres* hæreditario devenit. A junioribus autem filiis Barones de *Evers*, *Everi de Axholme*, *Claveringi de Kalaly* in hoc Comitatu, & alii genus deducunt. *Morwicetiam* huic adjacet, quæ suos etiam Dominos jactet, quorum stirps mascula circa annum M C C L V I I I defuit. Hæreditas per filias ad *Lumleios*, de *S. Mauro*, *Bulmeros*, & *Roscellos* transivit.

Littus deinde *ALAVNO* flumini se patefacit, qui necdum illo nomine viduatus, quo *Ptolemæo* innotuit, *Alne* contracte dicitur, ad cuius ripam præter *Twifford*, id est, *Duplex Vadum*, ubi Synodus sub *Egfrido* rege celebrata fuit, & *Estington* habitatio *Collingswoodorum*, qui laude militari claruerunt, etiam *Alan-wick*, Saxonice *ealnpic*, vulgo *Arwick* cernitur, victoria Anglorum nobilitatum oppidum, qua majorum virtus *Guilielmum* Scotorum regem *Henrico* Secundo captivum tradidit; & castro firmatum egregio. Quod cum *Malcolmus Tertius* Rex Scotorum obsidione eo adegisset, ut jam dederetur, occisus erat à milite qui castri claves lanceæ cuspidi appensas traditurum se simulavit, lancea in eum adacta. Simulque *Edw.* filius patris mortem ulturus, dum incautius in hostem irruit, accepto vulnere brevi periit. Baronia hæc quondam fuit *Vesciorum*, *Eustachio* enim filio *Ioannis*, patri *Guilielmi Vesci* *Henricus* Secundus dedit tenendum per servitium XII *Militum*. *Ioannes* autem *Vesci* è bello sacro rediens *Carmelitas* secum primus in Angliam adduxit, illisque hic in *Holme* solitudine non dissimili *Carmelo* monti in Syria Conventum extruxit. *Vesciorum* ultimus *Guilielmus*, cum *Antoninum Bec* Episcopum *Dunelmensem* hæredem fiduciarium instituisset, ut hoc castrum cum latifundiis filio notho, quem solum reliquerat, traderet; hæreditatem dolo malo intervertit Episcopus, & *Guilielmo Percio* præfenti pecunia divendit, ex quo ad *Percios* jam inde spectavit.

In diversos hinc angulos littus se cuneans tendit per *Dunstaburge* patrimonii *Lancastrensis* castrum, quod *Bebbam* aliqui falso suspicati sunt, quæ superius sedet, & pro *Bebbanburg* nunc *Bamborow* vocatur. Beda noster, ubi hoc castrum à *Penda Mercio* obsessum, & incensum fuisse memorat, *Bebbam* *Reginam* sic cognov-

minasse scribit. *Florilegus* vero, *Idam* primum *Nordanhumbro*rum regem construxisse refert, quod prius ligneis palis, postea muro firmavit. Sed hujus descriptionem ex *Rogero Hovedeno* habe. *Bebba*, inquit, est civitas munitissima, non admodum magna, sed quæ duorum, vel trium agrorum spatium complectitur, habens unum introitum cavatum, & gradibus miro modo exaltatum, inque summitate montis Ecclesiam perpulchre factam, & in occidente in summitate ipsius fons est miro ornatus opere, dulcis ad potandum, & purissimus ad videndum. Nostra vero ætate castrum potius quam civitas habetur, sed adeo amplum, ut civitatis sit æmulum. Nec aliud quam castrum habebatur, cum Rex *Guilielmus Rufus* excitata è regione turre *Male-vicina* dicta, *Male-vicina* *Turris*. *Moubraium* rebellantem & in illo delitescentem continenti labore oppugnaret, qui furtiva fuga se tandem subduxit. Decoris maximam partem longo post tempore, intestino bello amisit, cum *Bressius* *Normannus* vir militaris, qui *Lancastrensi* familiæ studuit, inclementius in illud sæviret. Iam inde vero cum tempore, & ventis conflictatum est, qui incredibilem vim sabuli ex Oceano in ejus munitiones per fenestras patentes converrerunt. Huic adjunctum est *Emildon*, quæ olim Baronia *Ioannis Le Viscont*, sed *Rametta* hæres familiæ possessiones divendit *Simoni de Monteforti* Comiti *Leicestriæ*. In hac natus est *Ioannes Duns*, *Scotus* dictus, quia è *Scotico* genere, qui in *Mertonensi* Collegio *Oxoniæ* educatus, in *Dialectica*, & spinosa illa *Theologia* ad miraculum doctissimus, dubitabundus tamen sacramentorum rerum fidem caligine circumfudit & tam profunda & admiranda subtilitate, licet obscuro incultoque dicendi genere plurima scripsit, ut *Doctores* *Subtilis* nomen promeruerit, & novam *Scotistarum* sectam nomine suo condiderit. Misere autem periit apoplexia correptus & nimis festinato funere pro mortuo tumultatus, quum redeunte vita, sero morbi impetum natura discuteret, frustra ad petendam opem miserabili mugitu, pulsatoque diu sepulchri lapide, eliso tandem capite animam ediderit. Vnde in illum *Italus* quidam:

Quacunque humani fuerant, jurisque sacrati,
In dubium veniunt cuncta vocante Scoto.
Quid? quod & in dubium illius sit vita vocata,
Morte illum simili ludificante strophæ.
Quum non ante virum vita jugularit adempta,
Quam virum tumulo conditus ille foret.

Quod vero hic in Anglia natus fuerit, ex manuscriptis ejus operibus in Bibliotheca *Mertonensi* *Oxoniæ*, eorumque fide dico, quæ sic terminantur, *Explicit Lectura Subtilis in Universitate Parisiensi Doctoris Ioannis Duns*, nati in quadam villula parochiæ de *Emildon*, vocata *Dunston*, in Comitatu *Northumbriæ*, pertinente domui *Scholarium* de *Mertonhall* in *Oxonia*.

Hoc littore deinceps nihil memoratu dignum occurrit præter *Insulam Sacram*, de qua suo loco, donec ad *Twedæ* ostium ventum sit, qui Angliam à *Scotia* longo spatio discludit, limesque *Orientalis* dicitur, unde *Nechamus* noster,

Anglos

Warkworth.

Rot. Parl. 5. Edw. 3.

Clavering.

* Filius.

Morwick.

Alaunus flu. Alne.

Alnewick.

1174.

1097.

Testa. Nevilli. Carmelitas.

Historia Dunelmensis.

Dunstaburg. Bebbam.

Bamborow.

Ioannes Scotus Doctor Subtilis floruit 1300. Paulus Iovius in Elogiis Doctorum.

Viscontes.

Woll. Infig. Musc. poru. M. it. Paris.

Fin. H. 3.

Glenc. Lib. cap.

Yevc.

Melf. Præli. ad B. ford.

Vide. Hunt. non. Maln. & In. gulph. Ford. Etall.

Tweda. fl.

Anglos à Pictis sejungit limite certo

Flumen, quod Tuedam pristina lingua vocat.

Hic fluvius copiosa scaturigine è Scotiæ montibus erumpens inter limitaneos equites, & abactores, ne gravius quid dicam, quibus, ut ait ille, jus sibi vendicat ensis, diu tortuosus errat. Vbi vero proxime *Carram* vicum accesserit, multis aquis convalescens regnorum collimitia discriminare incipit. Cumque *Werke* olim *Rossorum*, nunc *Grejorum*, qui militari laude diu floruerunt, castrum alluerit, in quod Scoti non raro detonnerunt, *Tilli* fluvii binominis aqua augefcit. Ad fontes enim qui sunt in parte hujus regionis interiori *Bramish* appellatur, viculusque *Bramton* admodum obscurus & nullius fere numeri illi incumbit, unde Septentrionem petit per *Bengely*, quæ cum ipsa *Brampton*, *Bromdum*, *Rodam*, quæ stirpi hoc tractu insigni nomen fecit, *Edelingham*, &c. Baronia fuit Patricii Comitis de *Dunbar* regnante Henrico Tertio. Qui etiam, ut est in libro *Inquisitionum*, in Archivis Regiis erat *Inborow*, & *Outborow* inter Angliam & Scotiam, id est, si ego intelligo, ut præstaret & observaret hac in parte ingressum & egressum comitantium inter utrumque regnum. Veteres enim Angli ingressum & atrium sua lingua *Inbopou* dixerunt. Superius flumini apponitur *Chevelingham* nunc *Chillingham*, quod, ut *Horton* non multum hinc distans, ambo castra *Grejorum*, ex quo duæ illæ *Grejorum* familiæ conjugio coaluerunt.

Wollover Baronia inde prope jacet, quam Rex Henricus Primus dedit Roberto de *Muscocampo*, sive *Muschamb*, qui in parma cærulea tres gessit albos papilliones, è cujus posteris Robertus potentissimus Borealis hujus plagæ Baro regnante Henrico Tertio censebatur. Hæreditas vero statim inter scæminas dissipata, quarum una Comiti *Strathernia* in Scotia, altera Guilielmo de *Huntercumbe*, tertia Odonello de *Ford* fuit enupta. *Gleni* fl. inde ab Occasu *Tillum* suis aquis infusus adauget & *Glendal* vallem quam intermeat denominat. De hoc fluviolo Beda, *Paulinus* veniens cum Regina in villam regiam, quæ vocatur *Ad-Gebrin* (hodie *Yeverin*) triginta sex diebus ibidem cum eis *Catechizandi*, & *Baptizandi* officio deditus morabatur: quibus diebus cunctis à mane usque ad vespæram nihil aliud agebat, quam confluentem eò de cunctis viculis ac locis plebem, Christi verbo salutis instruere, atque instruatam in fluvio *Gleni*, qui proximus erat, lavacro remissionis ablueret. Hæc villa tempore sequentium regum deserta, & alia pro illa est facta in loco qui vocatur *Melfeld*, hodie vero *Melfeld*.

Hic prope *Brum-ridg* ad *Brumeford* *Athelstanus* Rex collatis signis cum *Aulafo* Dano, Constantino Scotorum, *Eugenio* Cumbriorum Regulo adeo foeliciter dimicavit, ut prælium hoc fuerit celeberrimum, & grandiloquis verbis & versibus ab historicis, & Poëtis ejus seculi decantatissimum. Hic *Bramish* in *Tilli* nomen abit, & primum *Ford* castrum bellicosæ familiæ *Heronorum* quondam, nunc *Carrorum*, inde *Etall*, ubi *Manerii* qui *Manours* & de *Maneriis* dicti habitaverunt equestri splendore olim clari, & quorum posterii *Rutlandiæ* Comites nunc sunt honoratissimi. Multa castella in hoc tractu sciens omit-

Britannia.

to, infinitum enim esset sigillatim enumerando persequi, cum certum sit Regis Henrici Secundi temporibus castella *MCXV*, in Anglia extitisse.

Ex adverso hujus *Fordi* ad Occasum mons surgit præaltus, *Floddon* dicunt, *Iacobi Quarti* regis Scotorum cæde, & suorum strage signatus, qui, dum *Henricus Octavus* *Tornacum* in Gallia obsideret, magno animo, & majore spe (nostras enim urbes in antecessum diviserant) signa in Angliam intulerunt. Sed *Thomas Howard* *Surriæ* Comes instructus agminibus hoc in loco animose excepit, pugnatumque acriter est utrinque, donec nox incertis, qua data victoria esset, intervenit. Lux autem insequens victorem, victumque ostendit, & ipse Scotorum rex non paucis vulneribus confectus, inter confertas cadaverum strues repertus. Vnde nova accessio facta *Howardorum* insignibus.

Tweda, *Tillo* jam recepto, plenior decurrit per *Norham* sive *Northam*, quondam *Vbbanford*, *Dunelmensis* Episcoporum oppidum. *Egfridus* enim Episcopus construxit, & *Ranulphus* successor castrum in excelso præruptæ rupis posuit, & fossa communivit, in cujus exteriori muro, qui majoris est ambitus, variæ interjiciuntur turriculæ in angulo ad flumen, interiorius ambitus est alter munitior, in cujus medio arx surgit editior, sed secuta pax nostri seculi, hæc licet in limite, jam diu neglexit. Oppidum subjacet in planitie ad Occidentem, templumque habet, in quo conditus erat *Ceolwulphus* Rex *Northumbriorum*, cui *Venerabilis Beda* libros Ecclesiasticæ historiæ Anglorum inscripsit, qui postea abrenuntians seculo in *Lindsferensi* Ecclesia monachus effectus cælesti regno militavit, corpus postea delatum in Ecclesiam *Northam*. Cum etiam *Dani* *Insulam Sacram*, ubi *Cuthbertus* ille Sanctus (quem *Beda* tantopere celebrat) & sedit episcopus & fuit sepultus, depopularentur, atque nonnulli religioso furto ejus corpus transvehere ambirent, resstantibus ventis cum honore debito sacrum corpus ad *Vbbanford*, incertum an episcopatus sedem, deposuere, juxta annum *Twedam*, jacuitque ibi multis annis usque ad adventum *Ethelredi* Regis. Hæc & alia me docuit (nec enim reticebo per quem profecerim) *Georgius Carletonus* hinc oriundus, filius utique Castellani hujus loci, quem cum propter singularem in Theologia quam profitetur, & amœnioribus literis eruditionem amaverim, & ab ipso redamer, amore plane indignus essem, si non agnoscam. Sub *Norham* ad *Killey* viculum vicinum, avorum memoria ornamenta balthei militaris, & ensis manubrium è solido auro recepta fuisse à grandævis accepimus, quæ *T. Ruthallo* Episcopo *Dunelmensi* donata erant.

Paulo inferius *Tueda* ostium cernitur, cui in ulteriori ripa impendit ultimum Angliæ, & munitissimum totius Britannię oppidum *Berwick*. Quod nomen à *Berengario* Duce, quem somniantur, deducunt aliqui. *Lelandus* ab *Aber*, quod ostium Britannis sonat, ut *Aberwic* vicum ad ostium significaret. Sed qui novit quid *Berwic* sonet in Regum nostrorum Chartis, in quibus nihil frequentius, quam *Dono oppida C. & D. oppida cum suis Berwicis*, næ ille viderit veram hujus

T t t t t 2

Ber-

Castella
1115, in
Anglia.

1513.

Prælium
ad Flod-
don.

Northam.

Rog. Ho-
ved.
Ceolwul-
phus
Rex.

Guil. Mal-
meslib. i.
de gestis
Pontif.

* Bulbe-
ford in
impreffis
corrupte
legitur.

Killey.

Manu-
brium
aureum.

Berwick.

Ingulphus
Berwicum
Manerium
interpre-
tatur.

Berwici etymologiam. Ego quid velit, conjicere non possum nisi vicum, quasi appendicem loco cuiusdam celebriori annexam denotet. Donationibus enim Edwardi Confessoris, *Tortbill Berwicus* Westmonasterii, & *Wandleworth Berwicus* Patricie dicuntur, & id genus sexcenta. At quorsum hæc? operam sane ludimus, si (ut aliqui volunt) Beopnica-pic Saxonice olim dixerint, id est, *Berniciorum vicus*. *Bernicia* autem nomine has regiones insignitas fuisse notius est quam dici possit, & jam antea diximus. Undecunque vero nomen habet, situ longius in mare porrigitur, ita ut mari & *Tueda* fere circumvalletur. Et inter duo potentissima regna posita, quod de Palmyra Syria Plinius dixit, prima semper in discordia utrique genti fuit cura, adeo ut ab eo tempore quo Edwardus Primus Scotis primum extorserit, sæpius à Scotis occupatam Anglus recuperaverit. Sed ejus historiolum summam hic si placet contexamus. De Berwico hoc nihil antiquius legi, quam quod Guilielmus Scotorum Rex ab Anglis bello captus Henrico nostro Secundo, ut se carcere liberaret, ea lege tradiderit, ut in perpetuum Anglicæ ditionis esset, nisi ad certum diem redemptionis pretium persolveret, protinusque, ut est in Polychronico Dunelmensi, Henricus castre munivit. Verum numerata pecunia Richardus Primus Scoto restituit. Postea Ioannes Rex (ut est in historia Melrossensi) *et villam et castellum de Berwick cepit, cum Werk, Roxburgh, Miford, & Morpath incendit, Northumbriamque totam pervastavit cum suis Rutariis, quia Barones Northumbrie homagium Alexandro Scotorum Regi apud Felton præstiterant*. Multis post annis cum Ioannes Balliolus Rex Scotorum iussurandum violasset, Edwardus Primus Berwicum, anno humanæ salutis CIOCCXCII, in suam potestatem redegit, brevi tamen cum Mars Scotis arridere cœpit, desertum occuparunt illi; statimque per deditionem nostri receperunt. Postea in soluto illo Edwardi Secundi regno, Roberto Brus Scotorum regi acriter oppugnantem Petrus Spalding tradidit, nostrique frustra obfederunt, donec Hector ille noster Edwardus Tertius anno Christi CIOCCXCXIII fortiter adortus, feliciter potitus sit. Regnante tamen Richardo Secundo abactores quidam Scotici ex improviso castellum ceperunt; sed ante novem dies Henricus Percius Northumbriæ Comes recuperavit. Vix septimus agebatur annus, cum Scoti iterum non viribus, sed pecunia expugnarent, qua de causa Henricus ille Percius, qui loci præfectus erat, in læsæ majestatis crimen vocatus, verum ille Scotorum fidem & fortitudinem itidem pecunia labefactavit, statimque recepit. Satis longo post tempore cum intestino bello Anglia plusquam intabesceret, Henricus Sextus jam in Scotia profugus, Scoto, ut sibi securitatem in Scotia præstaret, in manus tradidit. Sed post annum vicefimum secundum Thomas Stanlejus non sine suorum cæde in Edwardi Quarti potestatem reduxit. Ex quo tempore Angliæ reges operibus subinde firmarunt & communierunt, maxime vero Regina Elizabetha, quæ nuper hostium terrori, civiumque præsidio, astrictiore ambitu intra vetera mœnia,

excelsio muro firmissimo lapidum connexu compacto circumclusit, quem rursus fossa profunda, continuo aggere, aggestitiis molibus, & hypothræis ita præmunivit, ut oppugnantibus omnem spem munitionum forma, vel firmitas facile præcidat. Ut interim præfidiarii militis virtutem, & bellicum apparatus omnium opinione majorem prætermittam. Qui huic oppido cum autoritate præfuit (ut hoc etiam adnotem) semper aliquis erat ex prudentissimis & spectatissimis Angliæ proceribus, simulque Orientali huic ad Scotiam limiti præfectus. Longitudine part. XXI, scrupulis XLIII, Latitudine LV, grad. XLVIII, scrup. definitur, uti observarunt Mathematici. Vnde hac cœli inclinatione dies longissimus sit horarum XVII, scrup. XXII, & nox tantum VI horarum, scrup. XXXVII, ut non falso ille Servius Honoratus scripserit, *Britannia lucis dives vix quoddam spatium concedit noctibus*, nec mirum, si milites nullo adhibito lumine tota nocte alea hic ludant, si noctium *ἡμέρας* consideres, & Juvenalis dixerit *minima contentos nocte Britannos*.

Britannia
lucis di-
ves.

De Berwico in corollarium habe jam I. Ionstoni versus,

Scotorum extremo sub limbo, meta furoris
Saxonidum: gentis par utriusque labor.
Mille vices rerum, quæ mille est passa ruinas,
Mirum, qui potuit tot superesse malis!
Quin superest, quin extremis exhausta ruinis,
Funere sic crevit firmior usque suo:
Oppida ut exæquet jam munitissima. Civis
Militis et censum, et munia Martis obit.
Postquam servitio durisque est functa periclis,
Effert letitia signa serena sua:
Et nunc antiquo felix se jactat honore,
Cum reddit Domino debita jura suo:
Cujus ab auspiciis unita Britannia tandem
Excelsum tollit libera in astra caput.

Quod de limitaneis qui circumhabitant quondam prodidit in vita sua à se descripta, & alterius nomine edita Aeneas Sylvius five P. P. Pius Secundus, qui in Scotiam legatus erat circa annum CIOCCXCXIII, juvat apponere cum necdum degeneraverint.

* Fluvius est, qui ex alto monte diffusus utramque terram determinat: hunc cum navigio transisset Aeneas, atque in villam magnam circa solis Occasum declinasset, in domum rusticam descendit, atque ibi cenam cum sacerdote loci et hospite fecit. Multa ibi pulmentaria, et gallina, et anseres afferebantur in esum, sed neque vini, neque panis quicquam aderat, et omnes tum scæminæ virique villæ, quasi ad rem novam accurrerant; atque ut nostri vel Æthiopes vel Indos mirari solent, sic Aeneam stupentes intuebantur, quærentes ex sacerdote cujas esset, quidnam facturus venisset, Christianamne fidem sciret. Edoctus autem Aeneas itineris defectum, apud monasterium quoddam panes aliquot et vini rubei metretam receperat, quibus expositis major admiratio illos tenuit, qui neque vinum, neque panem album viderant. Appropinquabant autem mense prægnantes scæminæ, earumque viri attrahentes panem et vinum odorantes portionem petebant, inter quos totum erogare necesse fuit. Cumque in secundam noctis horam cæna protraheretur, sacerdotes et hospes

Commen-
tarii Pii
Secundi
Ioan. Ge-
bellini no-
mine edi-
ti.
* Tweda.

Limita-
neorum
mores.

hospes cum liberis virisque omnibus Aenea dimisso abiire festinantes; dixerunt se ad turrim quandam longo spatio remotam metu Scotorum fugere, qui fluxio maris refluxu decrescente noctu transire, pradarique soleant, neque secum Aeneam multis orantem precibus quoquo pacto adducere voluerunt, neque foeminarum quampiam, quamvis adolescentula & matrona formosae complures essent: nihil enim his mali facturos hostes credunt, qui stuprum inter mala non ducunt. Mansit ergo illic solus Aeneas cum duobus famulis, & uno itineris duce inter centum foeminas, quae corona facta medium claudentes ignem, cannabumque mundantes, noctem insomnem ducebant, plurimaeque cum interprete fabulabantur. Postquam autem multum noctis transierat, latrantibus canibus, & anseribus strepentibus, ingens clamor factus est, tumque omnes foemina in diversum prolapsae, dux quoque itineris diffugit, & quasi hostes adessent omnia tumultu completa. At Aeneas potior sententia visa est in cubiculo (id enim stabulum fuit) rei eventum expectare, ne si foras curreret ignarus itineris, cui primum obviasset, ei se pradam daret, nec mora, reversae mulieres cum interprete nihil mali esse nuntiant, atque amicos, non hostes venisse.

Fuerunt in hac regione popelli quidam Seovenburgenses, & Fisburyngi dicti, quorum locum designare in obscuritate tanta, iudicii non est mei. Nec definire an Dani vel Angli fuerint.

Scribit vero Florentius Wigorniensis editus opera honoratissimi Dom. Guilielmi Howardi, cum comitia Oxenfordiae haberentur, digniores & potentiores ministros ex Seovenburgensibus Sigefrithum, & Morcarum clanculum sublatos fuisse ab Edrico Streona, Edmundumque Clitonem contra voluntatem patris Alfritham Sigefrithi uxorem duxisse, & profectum ad Fisburyngos terram Sigefrithi invasisse, & illorum populum sibi subjugasse. Sed alii hac disquirant.

Hac provincia ab Osca Hengisti fratre, & filio ejus Iebusa in Saxonum potestatem redacta, primum suos Duces clientelari jure Cantii regibus obstrictos habuit. Inde cum regnum Berniciorum, quos Britanni Guir à Brinaich, id est, quasi Montanos dicunt, constitutum esset, quod à Tefi ad Scoticum fretum pertigit, pars ejus optima fuit, parvitque Nordanhumbriorum regibus, qui cum suam periodum confecerant, quicquid ultra Tuedam erat, in Scoticum nomen cessit; hunc autem agrum Egbertus Orientalium Saxonum rex suo imperio per deditionem adjecit. Alfredus postea Danis permisit, quos Athelstanus pauculos post annos exturbavit, Eilricum tamen Danum populus postea in regem extulit, quem Ealdredus rex statim expulit. Deinceps vero regum nomen in hac provincia desuit, Comitescque vocabantur qui praefuerunt. E quibus hi ordine in historiis nostris memorantur, Osulfus, Osacus, Edulphus, Waldeofus senior, Vchtredus, Adulphus, Alredus, Siwardus, Tostius, Edwinus, Morcarus, Osculphus, Siwardus ille vir fortissimus, qui ut in armis vixit, armatus etiam mori voluit. Comitatus autem ejus Ebo-

matas etiam mori voluit. Comitatus autem ejus Eboracae Tostio fratri Comitis Haroldi datus est; Northamptonia vero ac Huntingdon Comitatus cum ceteris terris suis inclito Comiti Waldeoso filio & heredi suo sunt donati. Hac Ingulphi verba subjeci, quod sunt qui negant hunc Huntingdoniae Comitem fuisse Britannia.

Ingulphus
pag. 511. b
Anno
1056.

* Principem
Fisburyngi.
1015.

Reges,
Duces &
Comites
Northum-
briae.
Bernicii.

Nunc subtexam quod in antiqua membrana hac de re in Bibliotheca Ioannis Stowæi honestissimi civis, & seduli civitatis Londinensis antiquarii legi. Copli factus Northumbriae Comes dono Guilielmi Conquestoris expulit Osculphum, à quo tamen paucos post dies interfectus erat. Osculphus deinde lancea à latrone trajectus diem obiit. Tum Gospatricus emit Comitatum à Conquestore, à quo non multo post eo honore deturbatus, successorem habuit Waldeofum Siwardi filium. Huic capite truncato subrogatus est Walcherus Episcopus Dunelmensis, qui, uti Robertus Comin successor, populari tumultu occubuit. Robertus Mowbray postea eundem titulum consequutus est, quem sua ipsius scelerata perfidia statim perdidit. Deinde Stephanus Rex Henricum filium Davidis Regis Scotiae, ut in Dunelmensi Polychronico legitur, Northumbriae Comitem instituit, cujus filius etiam Guilielmus, qui postea Rex Scotorum se scripsit, Guilielmum de Warrenna Comitem Northumbriae, ejus enim mater è familia fuit Comitum Warrennae, ut constat ex libro Monasterii de Brinkburn. Post paucos annos Rich. Primus hunc Comitatum Hugoni de Puteaco Episcopo Dunelmensi dum viveret, pretio addixit. Sed cum Rex ille ab imperatore in reditu è terra sancta incarcerationetur, & Hugo ad ejus liberationem tantum 2000 libras argenti contulisset, quas Rex minus grater accepit, eo quod censeretur modicum praestitisse, quem sub obtentu liberationis ejus, immanes copias didicerat adunasse, ille officio Comitatus privatus est.

Hodie vero Perciorum familia illo honore gaudet, quae à Brabantiae Comitibus oriunda Percii cognomen cum Percy possessionibus accepit, ex quo Ioscelinus filius junior Godfredi Ducis Brabantiae vera proles Caroli Magni per Gerbergam filiam Caroli fratris minoris Lotharii Regis Francorum postremi ex stirpe Carolea, Agnetem Guilielmi Percy filiam, & ex asse heredem in uxorem duxerat, cujus Guilielmi proavus Guilielmus Percy Angliam cum Guilielmo victore ingressus, dono ab illo accepit latifundia in Tat-caster, Linton, Normanby, & aliis locis. Convenit vero inter hanc Agnetem & Ioscelinum, ut ille Perciorum nomen assumeret, & sibi sua Brabantiae antiqua insignia retineret, videlicet leonem caeruleum (quem Brabantii postea mutarunt) in clypeo aureo. Primus ex hac familia Northumbriae Comes fuit Henricus Percy ex Maria filia Henrici Comitis Lancastriae natus, qui antiqua nobilitate & bellica gloria clarus ab Edwardo Tertio amplis praediis in Scotia muneratus, ab uxore secunda Matilde Lucy, licet ex ea nullam prolem susceperit, stipulatione facta ut Insignia Perciorum gestaret, admodum locupletatus, à Richardo Secundo Comitis Northumbriae fuit honore exornatus. Cui tamen optime merito malam reposuit gratiam, rebus enim afflictis deseruit, & Henrico Quarto viam ad regnum praemunivit ab eo Insula Mania donatus, contra quem mox tacito conscientiae verbera exulceratus ob Richard. injuste sua opera abdicatum, & exacerbatus ob certum & verum regni heredem Edmundum de Mortuo-mari Comitem Marchiae sibi affinem

Lib. Dunelm.

Percii è stirpe Caroli Magni.

Vide pag. 417.

Vvvvvv

in

in carcere neglectum, hostilem induit animum, primum fratre Thoma Comite Wigornia & animoso filio Henrico cognomine *Whotspurre*, cum copiis in ipsum clam submissis, qui ambo in praelio ad Salopiam periere. Vnde proscriptus, verum breviter Rege, cui terrori erat, quadam coniventia in gratiam receptus, & bonis restitutis omnibus, nisi Insula *Mannia*, quam Rex sibi retraxit. Paulo tamen post in novas cupiditates popularis & praeceps ipse adscitis in belli societatem Scotis signa in Regem quasi usurpatorem sustulit, & ex improvise apud *Barham-moore*, à Th. *Rokesby* Vicecomite Eboracensi qui se objecit, tumultuaria pugna, anno MCCCXVIII, fusus & occisus. Post annum undecimum Henricus *Percy* hujus ex filio Henrico *Whotspurre* nepos, (cui mater Elizabetha filia Edmundi de *Mortuomari* sen. Comitis Marchia ex Philippa filia Leonelli Ducis Clarentia) avitum honorem Parliamentaria autoritate ab Henrico Quinto recepit, qui dum Henrici Sexti partes contra Eboracenses obfirmate tueretur, in praelio apud *S. Albani Fanum* cecidit, uti filius ejus Henricus Tertius Northumbria Comes, qui duxit Æleonoram filiam Richardi Baronis *Poynings*, *Brian*, & *Fitz-Paine*, eadem causa in praelio ad *Towton* anno CIOCCCLXI. Iam Lancastrensi familia quasi depressa, & *Perciorum* nomine simul conculcato, Rex Edwardus Quartus Ioannem *Nevill* Dominum *Montis-Acuti* Comitem Northumbria constituit, sed ille post breve tempus hunc titulum regi in manus reddidit, & Marchionis *Montis-Acuti* accepit. Postea Henricus *Percy* Henrici illius, quem modo dixi, filius gratia Edwardi Quarti paternum adeptus est honorem, qui, Henrico Septimo regnante, à rusticis de pecunia Ordinum decreto imperata contra exactores tumultuantibus occisus. Huic successit Henricus *Percy* Comes quintus, cui è filia & cohærede Roberti *Spenser* & Æleonora filia & cohæredis iti-

dem Edmundi de *Beaufort* Ducis Somerssetti Henricus Comes sextus natus, qui cum liberos haberet nullos, & Thomas frater ejus morte esset mulctatus, quod contra Regem Henricum Octavum in primo religionis discidio arma moverat; quasi jam de familia actum esset, magnam partem lautissimi patrimonii largitionibus in Regem & alios effudit. Paucis elapsis annis Ioannes *Dudley* Comes Warwici titulum Ducis Northumbria occupavit, cum in tenella Edwardi Sexti ætate, pro partium studiis, honorum titulos partium duces inter se sortirentur. Hic ille dux erat Northumbria qui aliquandiu patriæ turbo pacem publicam inturbavit, dum Mariam atque Elizabetham Henrici Octavi filias legitimo successionis jure excludere, Ianæque *Grey*, cui filium nuptiis conjunxerat, regnum aucupari prono juridicorum in rerum potitos favore, machinaretur. Vnde læsa Majestatis reus peractus capitis poenam subiit, ad funestam securim, Pontificiam religionem, quam in rem suam diu antea serio, vel simulate projecerat, amplexus & publice professus. Eo sublato Thomam *Percy* Henrici Comitis Sexti è fratre Thoma nepotem Maria Regina natalibus restituit, primumque Baronem de *Percy*, & mox Comitem Northumbria sibi & heredibus masculis de corpore & pro defectu Henrico fratri & heredibus ejus masculis novo Diplomate creavit. Verum hic Thomas Comes Septimus sua in Principem & patriam perfidia restaurandæ Romanæ religionis velo obtecta vitam cum dignitate anno MDLXXII amisit. Singulari tamen Regina Elizabethæ benignitate ex illo Maria Diplomate Henricus ejus frater Comes Octavus successit, qui in carcere anno MDLXXXV vitam terminavit, filiumque Henricum è Katharina filia primogenita & una hæredum I. *Nevill* Baronis *Latimer* natum, nonum ex hac stirpe Northumbria Comitem successorrem habuit.

Dux Northumbria.

3. & 4. Ph. & Maria.

F I N I S.

Flatholme.
Stepholme.
Holmes
quid Anglis.

Barry.
Giraldus

Vide pag.
340.

IN SVLÆ MINORES ANGLIÆ ADIACENTES.



Ram jam tandem ex Anglia solvam, & in altum provectus insulas circa eam sparsas perlustrabo. Si mihi confiderem, aut qua in me esset facultas, adirem singulas: verum cum antiquitatem eruere nostri sit instituti, quæ

obscurioris sunt notæ perstringam, quæ antiquioris sunt nominis invisam, & tantisper illis immorabor: ut nunc demum bonis auspiciis in suam afferantur antiquitatem.

Vt verò ordine, & recta quasi nave hæc instituat navigatio, primum in Sabrinianum fretum vela faciam, & Hibernia Scotiaque relictis in Oceanum Germanicum descendam, inde per mare Britannicum, quod ad Hispaniam usque pertinuit, cursum quam possum secundissimè tenebo. Male tamen metuo, ne hæc antiquitatis navis, cum me parum perito utatur naviculatore, vel ad errorum scopulos allidatur, vel ignorantia fluctibus opprimatur: sed audendum est; *τέλμα*, inquit Antiphilus, *νέον ἀρχηγός*, & qui secundò naviget, fortasse multo felicius cursum conficiat.

Primum autem cum à re minimè alienum videatur, proponam quod Plutarchus ex fabulosa Demetrii relatione qui Hadriani temporibus vixisse videtur, refert generatim de insulis Britannia adjacentibus: Demetrius narravit earum Insularum, quæ sunt prope Britanniam, plerasque desertas esse & sparsas, quarum nonnullas Demonibus & heroibus esse dicatas: sese autem cognoscendi visendique causa, Imperatore mittente, navigasse ad unam desertis proximam, paucis habitata cultoribus, quos Britannis sacrosanctos & inviolatos omnes esse accepit. Non multo autem post quam eò venisset, fœdam celi perturbationem, & prodigiosam tempestatem eò coortam, procellas in abruptum lapsas cecidisse, ardentium fulminum jactus fuisse, quibus sedatis, Insulanos dixisse, aliquem e præstantioribus interuisse. Et paulò post: Iam verò illic Insulam quandam esse dixit in qua Saturnus carcere clausus à Briareo custodiatur sopitus, somnum illi pro vinculo esse, multos autem ei Demonas esse circumpedes atque servos adstare. Sic libuit olim, ut etiam hodie, de locis remotissimis miranda & fabulosa quadam mentiendi securitate audacter confingere.

Flatholme.
Stepholme.
Holmes
quid Anglis.

Barry.
Giraldus.

In Sabriniano freto primum eminent duæ insulæ exiguæ, quarum nobis altera, quod plana sit, & projecta, *Flat holme* ea significatione, qua *Planaria* Italiæ: altera *Stepholme*, quod acclivis, Britannicè *Reoric*: ambæ Britannico sæculo *Echni*, uti nostro *Holmes* appellatæ. Sic enim planities herbidas aqua circumfusæ vocarunt Anglo-Saxones; nec alia re olim celebres fuerunt quam Danorum stationibus, & Gualchi eximie pietatis Britannii sepultura, cujus discipulus Barruchus, Barry insulæ in Wallia nomen reliquit (ut Landavensis ecclesiæ antiquum testatur monumentum) quæ itidem *Barrorum* familiæ nobili in Hibernia Britannia.

nomen fecit. Adjacentem habet *Silly* insulam Silly. exiguam in littore Silurum quorum nominis plusquam umbram retinere videtur, ut oppidulum è regione in agro *Glamorgan*, Siluram tamen vel Silurum insulam, cujus meminit Solinus, non ausim affirmare, cum ejusdem nominis sint aliæ, sed à Siluribus longius distat insulæ.

Inde *Caldey* est, Britannice *Inis pir*, littori satis vicina, & huic è regione magis in alto *Londey* ad Devoniensem agrum spectans, à cujus promontorio *Hert-neß* *xiiii* abest milliaribus. Hæc amplior habetur, nec tamen multo plus duobus mille passuum longa & mill. pass. lata perhibetur, cautibus ita præcincta ut non sit nisi unus & alter aditus. Munimentum habuit, cujus ruinæ, ut etiam Sacelli S. Helenæ sacri etiamnum conspiciuntur. Quod olim aratro proscissa fuerit sulci loquuntur, nunc totus fructus est è volatilibus marinis quibus abundat. Arbores habet nullas præter sambucos malè olentes quas sturni tanta multitudine frequentant, ut vix præ eorum fimo ad eas pateat accessus. Sed quid ego hæc? cum sic olim descripsit Thomas *De-la-Mere* ex ordine Equestri, dum enarrat quomodo misellus Rex Edwardus II, cum importuna uxor, & tumultuantes Proceres minas jactarent, & terrores denuntiarent, huc se tanquam in perfugium subducere cogitavit: *Londay* (inquit ille) est insula in Sabrina ostio duobus mill. undique longa, abundans pascuis amœnis, cuniculos producit copiose, columbas, & struconas (quos vocat Alexander *Nechamus Ganymedis aves*) in dies habet prægnantes, aquas insuper recentes de fontibus scaturientes incolis ministrat, ipsa licet undique mari sit circumcincta: unum duntaxat aditum habet, quo vix duo viri poterint conjuncti pedites incedere: ex omni alia parte rupis horrendæ alta præminentia prohibens ingressum. Vix autem apud historicos nostros memoratur, nisi quod Guilielmus de *Marisco* pirata perditissimus has oras regnante Henrico Tertio, hinc olim infestas reddiderit, & regnante Edwardo Tertio, pars erat hæreditatis *Luterellorum*.

Inde in Penbrochienfis agri flexu *Gresholme*, *Gresholme*, & *Scalmey* occurrunt satis graminosæ, & thymo agresti admodum lætæ. *Scalmey* Plinii fuisse *SILIMNVM* olim existimavimus, sed hanc nobis veritas jam immutavit sententiam. *Silimnum* enim illum Plinii, *LIMNI* Ptolemæi ex verbi cognatione verisimile est; hanc esse Britannorum *Lymen* ipsum pro me vocabulum edocet, cui Anglus hodie novum nomen, *Ramsay* scilicet, inscripsit. Hæc S. Davidis Episcopali sedi objacet, ad quam spectat, & Iustiniani cujusdam viri sanctissimo fato, superiori sæculo imprimis celebris erat, qui cum ex Britannia *Aremorica* in feracissimo Sanctorum sæculo huc se recepisset, & totus Deo defixus diu solitarius vixisset, tandem à servulo peremptus, in Martyrum catalogum fuit relatus. In cujus vita hæc

VVVVVV 2

Leme-

Lemeneia Insula sæpius vocatur. Quæ quidem appellatio cum Britannico nomine *Limen*, quo hic locus ipsis Britannis innotescit, ejus oscitantiam notat, qui proximè superiorem insulam *Limnon* Ptolemæi facit, quam Britanni nunc *Ephly*, Angli *Berdsey* nominant, id est, *Insula avium*. Hanc autem esse quæ Ptolemæo EDRI, & Plinio ANDROS & ADROS alibi legitur, audacius ex vi verbi conjectare possim. Ader enim avem Britannis significat, & eodem sensu Anglis *Berdsey* postea appellata est. *Ephly* enim recentius est nomen, & à viro quodam sancto enatum, qui hic hereticam vitam egit. Insulam enim hanc (quæ ad Orientem eminenti est promontorio ad Occasum plana, & fertili gleba) tot sancti viri olim coluerunt, ut præter Dubricium, & Merlinum Caledonium, 20000 sanctos hic conditos antiquæ referant historiae. Proxima huic MONA, Britannis etiam *Mon*, *Tir-Mon*, & *Ynis Dowyll*, id est, *Insula opaca*, Saxonibus *Monege* de qua jam ante egi.

Edri.

Berdsey.

Mona.
Anglesey.
Vide pag.
365.

Mona sive *Anglesea* tres insulæ minores adjacent, *Moyl Rhoniad*, id est, *Insula Phocarum* ad Circium, quam ab Episcopis Bangorensibus, ad quos spectavit, ab injustis occupatoribus retentam Henricus Deneus Episcopus Bangorensis, ut in Cantuariensi historia legimus, classe & militibus, Henrici VII tempore recuperavit. Ad Ortum est *Ynis Ligod* .i. *Insula Murium*, inferius *Prestholme* .i. *Insula sacerdotum*, nihilque in ea vidimus nisi sacram turrim sacelli S. Cyriaci quæ longè se spectantibus exhibet: fidem superat quod vicini de infinita multitudine marinarum avium quæ hic pariunt, referunt; quodque etiam perhibent de aggere qui per mare hinc duxit ad radicem vasti illius montis *Pen-Maen-Maur*, in usum eorum qui religionis ergo hunc locum olim prisca religione sacrum inviserunt. *Lambey* exiguam insulam huic oppositam ad Hiberniæ littus omitto, licet Metallici alumen ibi nuper magnis impendiis quæsi-

Lambey.

M A N N I A.

The Ile of
Man.

Agis ad Arctum *Mona* illa jacet, cujus meminit Cæsar, in medio, ut inquit ille, inter Britanniam & Hiberniam cursu. *MONOEDA* Ptolemæo, quasi *Mon-eirha* .i. (si conjectare fas sit) *Mona* remotior, ad alterius *Monæ* diffe-

Mona sive
Menavia.
Lib. 2. c. 9.
Manas
Guotodin
in quodam
Ninnii ex-
emplari
dicitur.

rentiam. *MONABIA* Plinio, *MENAVIA* Orofio, & Bedæ *Menavia* secunda, ubi *Monam* sive *Anglesey* *Menaviam* priorem vocat, & utramque *Britannorum insulas*; apud quos tamen *Mevania* perperam legitur, *Eubonia* & *Manax* Ninio, qui & Gildæ nomine circumfertur, *Menax* Britannis, incolis *Maning*, nobis Anglis *The Ile of Man*. Medio *libramine* (ut inquit Giraldus Cambr.) inter *Boreales* *Hiberniæ* & *Britanniæ* partes porrecta, de qua utri terrarum applicari de jure debuerat, ab antiquis non mediocriter ambigebatur. Demum in hunc modum lis ista quievit. Quoniam adfectos periculi causa venenosos hæc terra vermes admittit, eam Britannis applicandam censura communis dictavit. Incolæ tamen, & lingua & moribus ad *Hibernicos* proximè accedunt; ita autem ut *Norwagicum* quiddam admisceatur.

A Septentrione in meridem xxx plus minus Italica mill. projecta, Latitudinem verò qua maxime patet, vix ultra xv mill. qua minime viii extendit. Bedæ ætate trecentas familias, ut *Mona* nongentas, & sexaginta habuit: nunc autem vii Curias, sive parochiales Ecclesias numerat. Linum & Cannabim abunde profert, pascua & arva habet satis læta. Hordei, tritici, sed præcipue avenæ ferax est, unde avenaceo pane maxime vescitur, pecorum ubique multitudo, & numerosi ovium greges, sed cum oves, tum pecora minora, uti etiam in vicina *Hibernia* sunt, quàm in *Anglia*, nec eadem frontis dignitas. Cum autem sylvis sit indiga, bituminoso cespite ad ignem utuntur, quem dum effodiunt, sæpe numero in suffossas arbores incidunt. In medio montibus densius attollitur, è quibus editissimus *Sceafell*, unde sudo cælo *Scotia*, *Anglia*, & *Hi-*

bernica prospici possit. Inter oppida præcipuum censetur *Ruslin*, ad Australe latus situm, quod à castro ubi præsidium habetur vulgo *Castletowne* appellatur, ubi in insula sedes Episcopalis à Gregorio Quarto Pontifice Romano fuit instituta, cujus Episcopus *Sodorensis* dictus ab hac ipsa insula (ut creditur) jurisdictionem in omnes *Hebriadas* insulas olim habuit, nunc tantum in ipsam insulam exercet, & Archiepiscopo Eboracensi subest. Locum tamen & suffragium in Ordinum *Angliæ* conventu Parlamentario non habet. Oppidum autem frequentissimum est *Duglas*, quod portus sit optimus, aditusque facilissimus, ad quem Galli, & alii exteri cum sale suo marino commenant, coria, lanam rudem, & carnem bubulam salitam ab insularis emergentes. In Occiduo autem insulæ latere sunt *Bala-Curi*, ubi Episcopus plerumque agit, & *The Pyle* munimentum exigua in insula positum, ubi etiam non pauci sunt milites præfidiarii. Ipsi vero Australi promontorio modica etiam insula (*The Calfe of Man* vocant) præ-tenditur, marinis avibus, quas *Puffins*, & anatibus illis è ligno putrefacto, ut ferunt, enatis, quas Angli *Bernacles*, Scoti *Clakes*, & *Soland-Geese* vocant, abundantissima.

Episcopus
Sodorensis.

Duglas.

Bernacles.

Quod reliquum est, subjungam ex epistola quam doctissimus, & in Christo reverendus Iohannes Meryk hujus insulæ Episcopus ad me scripsit. Pecore, piscibus, frumento etiam, sed magis industria hominum, quam terræ bonitate hæc insula & sibi sufficit, & quotannis plurimum transmittit. Administratione tamen felicior erat illustrissimi Comitum Derbienfis sumptibus, in quos maximam annui proventus partem impendit, præsentem paratoque milite à vicinis hostibus defensa. Controversias omnes Iudices, quos è suis eligunt, & *Deemsters* vocant, sine scriptis & impensis dirimunt. Lapidem enim tollit magistratus, signatumque querenti tradit, illo adversarium & testes citat. Si quid ambiguum, & majoris momenti, ad duodecim quos *Claves* insule appellant,

Deemsters.

Claves in-
fulæ.
Annos.

pellant, refertur. Coronatores quos vocant *An-
nos*, qui Vice-Comitum officio funguntur, habet.
Ita Iudex Ecclesiasticus citat, definit, infra octo
dies parent, aut carceri intruduntur. Vt lin-
guam propriam, ita & leges, & nummum etiam
habuisse accepi, quæ peculiaris dominii signa
sunt. Ecclesiasticæ ab hoc canonico ad civile
plurimum accedunt. Iudici & Formulariis nun-
quam hic ne denarius à populo impenditur.
Quod de Maleficiis referunt scriptores Anglici,
falsum est. Qui ditiores sunt, & ampliora præ-
dia possident, victu splendidiore, & morum pro-
bitate ad Lancastrenses sese accommodant. Mu-
lieres quocunque se ex ædibus conferunt mor-
talis conditionis memores, linteo quo mortuæ
involvendæ sunt, se circumcingunt. Quæ verò
mortis sententiam ex lege subierunt, culeo insu-
tæ in mare è rupe projiciuntur. Omnes à furan-
di & mendicandi ostiatim consuetudine sunt a-
lienissimi, mire religiosi, & ad Ecclesiæ Anglica-
næ formam ad unum usque paratissimi accedunt.
Gentium vicinarum tam civilem quam Ecclesia-
sticam Ataxiam detestantur, & cum in duas Au-
stralem & Borealem partes insula sit divisa, hæc
sermone communi ad Scotos, illa ad Hibernos
accedit.

Operæ pretium videtur, si hujus insulæ histo-
riolam, quam veritas suo jure quasi postulat,
hic intexam; ut res gestas, si non sepultas, ta-
men senescentes ab oblivione hominum, & si-
lentio vindicem. Britannos verò hanc insulam
uti Britanniam tenuisse in confesso est, sed cum
à Septentrione gentes tanquam infusi nimbi,
has Australes plagas inundarint, in Scotorum
potestatem devenit. Sub Honorio enim, & Ar-
cadio Augg. à Scotorum gentibus (ut est apud
Orosium) æque ac Hibernia ipsa culta fuit, &
* Binle Scotum quendam hanc tenuisse scripsit
Ninnius. Sed Scotos, ut idem prodit, ex om-
nibus regionibus Britannicis & insulis expulit
Cunedæ avus Maglocuni, qui quod in his insu-
lis grassaretur, *Insularis Draco* Gildæ appellatur.
Posteà Edwinus Nordanhumborum Rex, hanc
insulam (ut prædictam Monam) Anglorum
imperio subjugavit, si utramque *Menaviarum*
nomine (ut volunt scriptores) intelligamus,
quo tempore Britannorum insula habita fuit.
Verum cum secundo suos foetus emisisset Aquil-
lo, Normannos, Danos, & Norwegos dico,
Norwegi, quorum latrocinii frequentioribus
mare Septentrionale infestissimum fuit, in hanc
insulam & Hebridæ involaverunt & Regulos
constituerunt, quorum historiolum ex antiquo
manuscripto libro ne omnino interciderat, ad
verbum subjungam. *Chronicon* vero Manniæ in-
scribitur, & à Monachis monasterii de *Rußen*,
quod præcipuum in hac insula erat, conscriptum
videtur.

CHRONICON REGVM MANNIÆ.

Anno Domini MLXV obiit pia memoria Edwar-
dus Rex Angliæ, cui successit in regnum Haral-
dus filius Godwini, contra quem Haraldus Har-

fager Rex Norwegia prælium commisit apud Stainford-
bridge, & Angli victores existentes, omnes fugarunt,
de qua fuga quidem Godredus, cognomento Crouan, fi-
lius Haraldi Nigri de Islandia fugiens, venit ad Godre-
dum filium Syrric, qui tunc regnabat in Mannia, & hono-
rifice susceptus est ab eo.

Eodem anno Guilielmus Bastardus debellavit An-
gliam, & Godredus filius Syrric, Rex Manniæ obiit, cui
successit filius Fingal.

MLXVI Godredus Crouan collegit multitudinem
navium, & venit ad Manniam, prælium cum populo ter-
re commisit, sed superatus & fugatus erat. Iterum exerci-
tum, & naves coadunavit, venit ad Manniam, pugna-
vit cum Mannensibus, victus & fugatus est. Tertio con-
gregavit multitudinem copiosam, & venit noctu ad por-
tum qui vocatus est Ramfa, & trecentos viros occul-
tavit in sylva, quæ erat in devexo montis supercilio,
qui vocatur Scacafel. Orto lucis sydere, Mannen-
ses construxerunt aciem suam, & magno impetu fa-
cto, congressi sunt cum Godredo. Cumque pugna vehe-
mens esset, trecenti viri surgentes de insidiarum loco à ter-
go, Mannenses debilitare cœperunt, & in fugam compul-
lere. Cum autem vidissent se superatos, nec aliquem
diffugii sibi locum patere, nam rheuma maris Ramfa
amnis alveum impleverat, & hostes ex altera parte con-
stanter persequentes, qui tunc remanserant, clamore mi-
serabili, postulabant à Godredo vitam sibi donari. Ille
autem flexus misericordia, & miserans calamitatem eo-
rum, qui apud ipsos per aliquod tempus nutritus fuerat,
revocavit exercitum, & prohibuit ne eos diutius persequerentur.
Godredus sequente die optionem exercitui suo de-
dit, ut si mallent Manniam inter se dividere, & in ea ha-
bitare, vel tantum substantiam terræ accipere, & ad pro-
pria remeare. Illis autem magis placuit totam insulam
vastare, & de bonis illius ditari, & sic ad propria reverti.
Godredus autem cum paucis qui secum remanserunt de in-
sulanis, Australem partem insule, & reliquiis Mannen-
sium Aquilonarem tali pacto concessit, ut nemo eorum ali-
quando auderet jure hereditario sibi aliquam partem ter-
ræ usurpare. Vnde accidit ut usque in hodiernum diem
tota insula solius Regis sit, & omnis redditus ejus ad ipsum
pertineat. Igitur Godredus subjugavit sibi Dubliniam,
& magnam partem de Laynestir. Scotos vero ita per-
domuit, ut nullus qui fabricaret navem vel scapham, au-
sus esset plusquam tres clavos inferere. Regnavit autem
sexdecim annis, & mortuus est in insula quæ vocatur Yle.
Reliquit sanè tres filios; Lagmannum, Haraldum, & Ola-
vum. Lagmannus major natu, regnum arripiens septem
annos regnavit. Rebelleavit autem contra eum Haraldus
frater ejus multo tempore. Sed tandem captus à Lagman-
no, genitalibus, & oculis privatus est. Post hæc, Lagman-
nus pœnitens quod fratris sui oculos eruisset, sponte regnum
suum dimisit, & signo Crucis Dominica insignitus, iter Ie-
rosolymitanum arripuit, in quo & mortuus est.

MLXXXIX. Omnes procures insularum audientes mor-
tem Lagmanni, miserunt legatos ad Murecardum O-Brien
Regem Hiberniæ, postulantes ut aliquem virum indu-
strium de regali stirpe in regem eis mitteret; donec Olavus
filius Godredi cresceret. Annuit eis Rex libentissimè, &
quendam Dopnaldum filium Tade ad eos misit, monens &
præcipiens ei, ut cum omni benignitate & modestia regnum
quod sibi non debebatur, gubernaret. Sed ille postquam ad
regnum pervenit, parvipendens præcepta sui Domini, cum
magna tyrannide abusus est regno, & multis sceleribus per-
petratis, III ann. enormiter regnavit. Tunc omnes princi-
pes insularum una conspiratione commoti, adversus eum

con-

* *Buile*
aliis.

Monia
pro An-
glesey, vi-
de Gi-
raldum
Cambre-
sem in I-
nerario
Cam-
briæ.

congregati sunt, & expulerunt à finibus suis. Ille autem fugiens ad Hiberniam, non est ultra reversus ad eos.

MLXXVII. Quidam Ingemundus missus est à Rege Norwegie, ut regnum Insularum arriperet. Cumque ad Insulam Leodus pervenisset, misit nuntios ad omnes principes Insularum precipiens in unum convenirent, & constituerent eum regem. Interim verò ipse cum sociis suis rapinis, & comestationibus vacabat, mulierum & puel- larum pudicitiam violabat, & fœdis voluptatibus, & carnis illecebris operam dabat. Cumque hæc nuntiata fuisset principibus insularum, jam in unum ad constituendum eum regem congregatis nimio succensi furore, propera- verunt ad eum, & super venientes nocte, domum in qua erat, combusserunt, & eum cum omnibus suis partim ferro, partim flammis extinxerunt.

MCXVIII. Fundata est Abbatia S. Marie Cister- tii: Antiochia à Christianis capta est, & Cometa appa- ruit.

Eodem anno commissum est prælium inter Mannenses apud Santwat, & Aquilonares victoriam obtinuerunt. In quo bello occisi sunt Othor Comes, & Macmaras Principes ambarum partium.

Eodem anno Magnus Rex Norwegi filius Olavi filii Haraldi Harfagre, volens explorare incorruptionem S. Olavi Regis & Martyris, præcepit ut ejus Mausoleum aperiretur. Episcopo autem & Clero resistente, ipse Rex audacter accessit, & vi regia aperiri scrinium fecit. Cum- que & oculis vidisset, & manibus attrectasset incorrup- tum corpus, subito timor magnus irruit in eum, & cum magna festinatione discessit. Sequenti nocte, Olavus Rex & Martyr ei per visum apparuit, dicens: Elige tu, inquam, unum è duobus, vel vitam cum regno infra triginta dies amittere, vel à Norwegia discedere, & eam amplius nun- quam videre. Expergefactus Rex à somno vocavit ad se principes, & majores natu, & exposuit eis visionem. Illi autem contreriti, hoc consilium dederunt ei, ut cum omni festinatione de Norwegia exiret. Ille sine mora coadunari fecit classem centum sexaginta navium, & ad Orcadas insulas transfretat, quas sibi statim subjugavit, & trans- itum faciens per universas insulas, easque sibi subiciens, pervenit usque ad Manniam, cumque applicuisset, ad in- sulam S. Patricii venit videre locum pugne quam Mannen- ses paulo ante inter se commiserant: quia multa adhuc cor- pora occisorum inhumata erant. Videns autem insulam pulcherrimam, placuit in oculis ejus, eamque sibi inhabi- tationem elegit, munitiones in ea construxit, quæ usque hodie ex ejus nomine nuncupantur. Galwedienfes ita con- strinxit, ut cogeret eos materias lignorum cadere, & ad littus portare, ad munitiones construendas. Ad Moniam insulam Wallia navigavit, & duos Hugones Comites inde- nit in ea, unum occidit, alterum fugavit, & insulam subjugavit. Vallenses vero multa munera ei præbuerunt, & valedicens eis ad Manniam remeavit. Murecardo Re- gi Hibernie misit calceamenta sua, præcipiens ei ut ea su- per humeros suos in die natalis Domini per medium domus sue portaret, in conspectu nuntiorum ejus, ut inde intelli- geret se subiectum esse Magno Regi. Quod audientes Hi- bernienfes, agrè ferebant, & indignati sunt nimis. Sed Rex saniori consilio usus, non solum, inquit, calceamenta ejus portare, verumque manducare mallet, quam Ma- gnus Rex unam Provinciam in Hibernia destrueret. Itaque complexit præceptum, & nuncios honoravit. Multa quo- que munera per eos Magno Regi transmisit, & fœdus com- posuit. Nuntii verò redeuntes ad dominum suum, narra- verunt ei de situ Hibernie, & amœnitate, de frugum fer- tilitate, & aëris salubritate. Magnus verò hæc audiens,

nihil cogitabat quam totam Hiberniam sibi subjugare. Ita- que præcepit classem congregare. Ipse verò cum sedecim navibus procedens, explorare volens terram, cum incautè à navibus discessisset, subito ab Hibernensibus circumval- latus, interiit cum omnibus fere qui secum erant. Sepul- tus est autem juxta Ecclesiam S. Patricii in Duno. Reg- navit VI annis. Quo mortuo, Principes insularum accer- serunt Olavum filium Godredi Crouan, qui degebat in Curia Henrici Regis Anglie, filii Guilielmi.

MCII. Olavus filius Godredi Crouan regnare cœpit, & XL annos regnavit, vir pacificus, habuit omnes reges Hibernie & Scotie sibi confederatos. Accepit in uxorem Affricam filiam Fergusii de Galewedie, de qua genuit Godredum. Ex concubinis suscepit Regnaldum, Lagma- num, Haraldum, & filias multas, quarum una nupsit Sumerledo regulo * Herergaidel, quæ fuit causa ruine * Argile. totius regni insularum. Genuit ex ea filios IIII, Dulgal- lum, Raignaldum, Engus, & Olavum.

MCXXXII. Eclipsis solis tanta IIII Nonas Au- gusti, ut dies in noctem verteretur.

MCXXXIII. Olavus dedit Yroni Abbati de Fur- nes partem terre suæ in Mannia ad Abbatiam constru- dam in loco qui dicitur Ruffin. Et rem ecclesiasticam in insulis & redditibus ditavit, & libertatibus dotavit.

MCXLII. Godredus filius Olavi transfretat ad Re- gem Norwegie, cui nomen erat Hinge, & hominum suum ei fecit, & moratus est apud eum, honorificè susceptus ab eo. Eodem anno tres filii Haraldi fratris Olavi, qui nutriti fuerant apud Dubliniam congregantes magnam turbam hominum, & omnes profugos Regis, venerunt ad Manniam, postulantes ab eodem Rege medietatem totius regni Insula- rum sibi dari. Rex autem cum audisset, placare eos vo- lens, respondet super hoc consilium se habiturum. Cumque diem & locum constituisset, ubi consilium haberi debuisset, interim illi nequissimi de morte Regis inter se tractabant. Constituta autem die convenerunt utraque partes in portu, qui vocatur Ramfa, sederuntque seriatim, Rex cum suis ex una parte, illi una cum suis ex altera. Regnaldus au- tem medius fuerat, qui eum percussurus erat, stabat scor- sim loquens cum quodam viro de Principibus terra. Cum- que vocatus venisset ad Regem, vertens se ad eum, quasi salutans eum, securim fulgentem in altum levavit, & ca- put Regis uno ictu amputavit. Perpetrato autem tanto scelere, statim insulam dividerant inter se paucis diebus transactis, congregata classe transfretaverunt ad Galwe- diam volentes sibi subjugare; Galwedienfes autem conglo- bati, & magno impetu facto, congressi sunt cum eis. Illi statim terga vertentes, fugerunt cum magna confusione ad Manniam, omnesque Galwedienfes qui in ea habitabant, quosdam jugulaverunt, alios expulerunt.

MCXLIII. Godredus filius Olavi ex Norwegia redi- ens fit Rex Mannie, & in ultionem patris duobus Haraldi filiis oculos eruit, & tertium occidit.

MCXLIII. Godredus cœpit regnare, & xxx annis regnavit. Tertio regni anno Dublinenses eum accerferunt, & Regem Dublinie illum constituerunt, in quem Mure- cardus Rex Hibernie bellum movit, & fixis tentoriis a- pud civitatem quæ dicitur Coridelis, fratrem uterinum Osibelem cum 3000 equitum ad Dubliniam misit, qui à Godredo & Dublinensibus interfectus erat, ceteris omni- bus fugatis. His actis Godredus ad Manniam revertitur, & tyrannidem exercere cœpit, & nobiles exhereditavit, quorum unus Thorfinus filius Oter, ceteris potentior ac- cessit ad Sumerledum, & Dubgallum Sumerledi filium Regem insularum dixit, subjugans illi multas insulas; cum hæc à Paulo quodam Godredus intellexisset, parata classe

Monia
pro An-
glesey, vi-
de Gi-
raldum
Cambren-
sem in Iti-
nerario
Cam-
briae.

classe procedit obviam Sumerledo venienti cum 80 navibus.

Et anno MCLVI commissum est bellum navale in nocte Epiphania, & multis utrinque casis, proximo die pacificati sunt, & dividerunt inter se regnum insularum, factumque est regnum bipartitum à die illa usque in presens tempus, & hæc fuit causa ruinae regni insularum, ex quo filii Sumerledi occupaverunt illud.

MCLVIII. Sumerledus venit ad Manniam cum LIII navibus, & Godredum fugavit, insulam vastavit: Godredus vero transfretavit ad Norwegiam quæsitum auxilium adversus Sumerledum.

MCLXIII. Sumerledus collegit classem centum sexaginta navium, & applicuit apud Rhinfrin, volens totam Scotiam sibi subjungere: sed ultione divina a paucis superatus, cum filio suo & innumerabili populo ibidem occisus est.

Eodem anno bellum fuit apud Ramfa inter Reginaldum fratrem Godredi & Mannenses, & per dolum cujusdam Comitis Mannenses in fugam conversi sunt.

Et Reginaldus cepit regnare. Quarto autem die superavit Godredus de Norwegia cum magna multitudine armatorum, & fratrem suum Reginaldum comprehendit, & oculis & genitalibus privavit. Eodem anno obiit Malcolmus Rex Scotiæ, & frater ejus Willelmus ei successit in regno.

MCLXVI. Duo Cometa apparuerunt ante solis ortum mense Augusti, unus ad Austrum, alter ad Aquilonem.

MCLXXI. Richardus Comes Penbrochia transfretavit in Hiberniam, & Dubliniam cum magna parte Hibernia subjugavit.

MCLXXVI. Iohannes de Curcy sibi subjugavit Vltonium, & Vivianus Apostolica sedis Legatus venit in Manniam, Godredumque Regem legitime desponsari fecit cum uxore sua Phingola filia Macloren, filii Murkartac Regis Hiberniæ, matre videlicet Olavi qui tunc triennis erat. Desponsavit eos Silvanus Abbas, cui ipsa die Godredus dedit partem terræ apud Mirefcoge ubi monasterium construxit, sed tandem concessa est terra cum monachis Abbatia de Russin.

MCLXXII. Reginaldus filius Eacmarcat, vir de regali genere in Manniam veniens cum magna turba hominum, absente Rege, primo congressu quosdam qui littora custodiebant, fugavit, & circiter 30 occidit. Postea eadem die congregati Mannenses ipsum cum omnibus pene suis occiderunt.

MCLXXXIII. O Fogolt Vicecomes de Mannia.

MCLXXXV. Eclipsis solis die Philippi & Iacobi.

MCLXXXVII. Obiit Godredus Rex Insularum quarto Idus Novembris, proxima verò estate translatus est corpus ad insulam Hy. Reliquit tres filios, Reginaldum, Olavum, & Yvarum; dum vixit, Olavum filium heredem constituit, quod solus ille legitime natus esset, sed Mannenses quum Olavus esset jam vix decennis, Reginaldum ex Insulis accersunt, & Regem constituunt.

MCLXXXVIII. Reginaldus filius Godredi incepit regnare super Insulas, & occisus est Marchardus vir potens in omni regno insularum.

MCXCII. Commissum est bellum inter filios Sumerledi Reginaldum & Engus, sed Engus victoriam obtinuit.

Eodem anno Abbatia de Russin translata est ad Dufglas, at post quatuor annos monachi ad Russin reversi sunt.

MCCI. Michael Episcopus Insularum obiit ad Fontanas, cui successit Nicholaus.

MCCIII. Hugo de Lacy venit cum exercitu in Vltonium, & commisit bellum cum Iohanne de Curcy, eumque comprehendit, & Vltonium sibi subjugavit. Postea Iohannem liberum ire permisit, qui venit ad Regem Reginaldum, à quo honorifice susceptus est, quia ejus gener erat, Iohannes siquidem de Curcy habuit in uxorem Africam filiam Godredi, quæ fundavit Abbatiam S. Mariæ de Iugo Domini, & ibidem sepulta est.

MCCV. Iohannes de Curcy, & Reginaldus Rex Insularum cum C navibus Vltonium ingressi in portu qui vocatur Stranfeord, segniter obsederunt castellum de Rath, sed WALTERUS de Lacy superveniens cum exercitu, eos fugavit; dehinc Curcy terram suam nunquam recuperavit.

MCCX. Engus filius Sumerledi cum tribus filiis suis occisus est.

Iohannes Rex Angliæ tum classem 500 navium ad Hiberniam adduxit, eamque sibi subjugavit, & mittens Comitem quendam, qui nomine Fulco, ad Manniam, eam in una quindena ferè omnino devastaverunt, & suscipientes obsides ex ea in patriam reversi sunt. Reginaldus Rex, & optimates non erant in Mannia.

MCCXVII. Obiit Nicholaus Episcopus Insularum, & sepultus est in Vltonia in domo de Benchor, cui successit Reginaldus.

Libet aliqua de Olavo & Reginaldo fratribus retexere.

Reginaldus dedit fratri suo Olavo insulam quæ vocatur Lodhus, quæ ceteris insulis latior esse dicitur, sed raris colitur incolis, quod montuosa & saxosa sit, & ferè tota inarabilis. Incole verò illius plerumque venatione, & piscatura vivunt; ad hanc ergo insulam possidendam Olavus profectus est, & habitavit in ea pauperem ducens vitam: cumque vidisset eam ad sustentationem suam, & sui exercitus minimè sufficere, accessit fiducialiter ad Reginaldum fratrem suum qui tunc morabatur in Insulis, & sic alloquutus est eum. Frater (inquit) Domine mi, Rex, nosti tu quod regnum Insularum ad me jure hereditario pertinet: sed quia dominus ad hoc gubernandum te elegerat, non invideo tibi, nec molestè fero te esse in regali culmine sublimatum. Nunc ego te deprecor ut provideas mihi aliquam portionem terræ in Insulis, in qua honestè vivam. Nam insula Lodhus quam mihi dedisti, me sustentare non valet. Quo audito, Reginaldus frater habiturum se consilium dixit, & die crastina, quum Olavus vocatus venisset ad colloquium, comprehendit eum jubet Reginaldus, & duci ad Guilielmum Scotiæ Regem, ut penes eum in carcere servaretur, fuitque Olavus catenatus in carcere septem ferè annos. Anno verò septimo obiit Guilielmus Rex Scotiæ, cui successit Alexander filius. Qui antequam moreretur, jussit ut incarcerati omnes liberarentur. Olavus igitur liberatus venit ad Manniam, moxque cum non modico comitatu nobilium profectus est ad Sanctum Iacobum, & jam reversum Reginaldus frater fecit Olavum in uxorem ducere filiam nobilis de Kentyre, germanam uxoris suæ Lavon nomine, deditque illi in possessionem Lodhus. Post paucos dies Reginaldus Episcopus Insularum Olavum, & Godredum filium & Lavon uxorem congregata Synodo canonicè separavit, utpote consobrinam prioris uxoris. Posthac Olavus duxit Scristinam filiam Ferkari Comitis de Rosse.

Hac de re uxor Reginaldi, Regina insularum concitata misit literas nomine Reginaldi regis in Insulam Sky ad Godredum filium suum, ut Olavum occideret: Godredo hoc

hoc machinante, & Lodhus intrante, Olavus scapha modica fugit ad socerum suum Comitem de Rosse, Godredus Lodhus depopulatur. Eo tempore Vicecomes de Sky Pol filius Boke, vir potens in omnibus insulis, quod Godredo consentire noluit, fugit, & cum Olavo apud Comitem de Rosse una habitavit, & inito fœdere cum Olavo, venerunt ambo in una navi ad Sky. Denique missis exploratoribus, didicerunt quod Godredus in quadam Insula que vocabatur insula Sancti Columba secum cum paucis hominibus moraretur. Et coadunantes sibi omnes amicos, & notos suos, & eos qui se sponte sibi jungere voluerunt, intempeste noctis silentio, tractis quinque navibus de proximo maris littore, quod ad duorum stadiorum spatium distabat à prædicta insula, & insulam circumdederunt. Godredus autem & qui cum ipso fuerant surgentes primo diluculo, & videntes se undique circumseptos ab hostibus, obstupuerunt. Sed armis indutis bellicis, viriliter resistere conati sunt, sed frustra. Nam circa horam diei nonam Olavus, & Pol prædictus Vicecomes cum omni suo exercitu insulam ingressi sunt, & occisis omnibus quos extra septa Ecclesie reppererunt, Godredum comprehensum oculis, & genitalibus privaverunt. Quod tamen factum Olavus non concessit, nec resistere potuit, propter filium Boke prædictum Vicecomitem. Factum enim hoc anno Christi MCCXXII. In proxima estate acceptis obfidibus ab universis magnatibus insularum Olavus cum classe triginta duarum navium venit ad Manniam, applicuitque apud Rognolfwaht. Ipso tempore Reginaldus & Olavus dividerunt inter se regnum Insularum, data Mannia Reginaldo super portione sua cum reguli nomine. Olavus II acceptis cibariis à populo Mannie cum comitatu suo ad portionem suam Insularum rediit. Sequenti anno Reginaldus assumpto secum Alano Domino Galwedie cum Mannensibus ad insulas partes profectus est, ut partem terre, quam dederat Olavo fratri suo auferret ab eo, & eam suo dominio subjugaret. Sed quia Mannensibus contra Olavum vel insulas pugnare non libuit eo quod diligenter eos, Reginaldus & Alanus Dominus Galwedie, nihil proficientes ad propria reversi sunt. Post modicum temporis Reginaldus sub occasione eundi ad Curiam domini Regis Anglie accepit à populo Mannie centum Marcas, & profectus est ad Curiam Alani Domini Galwedie. Eodem tempore dedit filiam suam filio Alani in matrimonium. Quod audientes Mannenses indignati sunt valde, & mittentes propter Olavum constituerunt eum sibi regem.

MCCXXVI. Recuperavit Olavus hereditatem suam, regnum videlicet Mannie, & insularum quod Reginaldus frater ejus gubernaverat XXXVIII annos, & regnavit secure duobus annis.

MCCXXVII. Olavus cum omnibus optimatibus Mannie & fortiori parte populi transfretavit ad insulas. Paulo post Alanus Dominus Galwedie, & Thomas Comes Atholia, & Reginaldus Rex venerunt ad Manniam cum magno exercitu, totam australem partem Mannie vastaverunt, & ecclesias spoliaverunt, & viros quotquot capere poterant occiderunt, & redacta est australis pars Mannie ferè in solitudinem. Et post hæc reversus est Alanus cum exercitu suo in terram suam, & reliquis Ballivos suos in Mannia qui redderent ei tributa patriæ. Super venit autem Olavus Rex & fugavit eos & recepit regnum suum. Et ceperunt Mannenses qui antea circumquaque dispersi fuerant, congregari, & confidenter habitare.

Eodem anno inopinato intempesta nocte, hyemali tempore venit Reginaldus Rex à Galwedie cum quinque navibus, & combussit omnes naves Olavi fratris, & optimatum Mannie apud Insulam S. Patricii, pacemque petens à fratre suo, mansit apud portum Ragnollwath quadraginta diebus; interim attraxit sibi omnes Insulanos in Australi parte Mannie, qui juraverunt se animas in mortem posituros donec dimidium regni sortiretur: contra Olavus Aquilonares sibi adjunxit, & XIIII Februarii apud locum qui dicitur Tingualla, commissum est inter fratres prælium, in quo Olavus vicit, & Reginaldus Rex à quibusdam interfectus est ibidem, nesciente fratre. Et venientes prædones ad Australem partem Mannie, vastaverunt eam. Monachi de Ruffin translulerunt corpus Reginaldi Regis ad Abbatiam S. Marie de Fournes, ibique sepultum est in loco quem ipse sibi elegerat. Post hæc Olavus adiit Regem Norwegie, sed antequam illuc perveniret, Haco Rex Norwegie quendam nobilem nomine Husbac filium Owmundi Regem insularum Soderensium constituit, vocavitque nomen ejus Haconem. Venit autem idem Haco cum Olavo, & Godredo Don filio Reginaldi, & multis Norwegiensibus ad insulas, & dum expugnarent castellum in insula Both, Haco lapide percussus interiit, & in Iona sepelitur.

MCCXXX. Venit Olavus cum Godredo Don, & Norwegiensibus ad Manniam, divideruntque inter se regnum, Olavus Manniam obtinuit, Godredus ad insulas profectus in Lodhus insula occisus est, & Olavus regnum insularum obtinuit.

MCCXXXVII. XII Calend. Junii obiit Olavus Godredi filius Rex Mannie in insula S. Patricii, & sepultus est in Abbatia de Ruffin: regnavit XI annos, duos vivente fratre, & novem post mortem ejus.

Haraldus filius successit, ætatis XIIII annorum, & regnavit XII annis. Anno regni primo profectus ad insulas, & Loglennum consanguineum custodem Mannie constituit, sequenti Autumno misit Haraldus tres filios Nel, nimirum Dufgaldum, Thorquellum, Molmore, & amicum suum Ioseph ad Manniam, ut consilium inirent. Igitur vicesima quinta die conveniunt apud Tingualla, & oborta invidia inter filios Nel, & Loglennum pugnatum est utrinque acriter, interfectis ibidem Dufgaldo, Molmore, & prædicto Iosepho. Vere sequenti Haraldus Rex venit ad insulam Manniam, & Loglennus in Walliam fugiens, cum Godredo Olavi filio alumno suo, & XL aliis naufragio perierunt.

MCCXXXVIII. Gospatricius, & Gillecrift filius Mac-Kerthac venerunt à rege Norwegie in Manniam, qui Haraldum ex Mannia excluderunt, & tributa ad opus regis Norwegie capientes, quod Curiam Regis Norwegie adire recusavit.

MCCXL. Gospatricius obiit, & in Abbatia de Ruffin sepelitur.

MCCXXXIX. Haraldus Regem Norwegie adiit, qui post biennium confirmavit illi, & successoribus suis hereditibus sub sigillo omnes insulas quas antecessores possederant.

MCCXLII. Haraldus rediit ex Norwegia ad Manniam, & ab incolis honorifice susceptus, pacem habuit cum Regibus Anglie & Scotie.

MCCXLVII. Haraldus, uti etiam & pater, factus est Miles à Rege Anglie, & multis muneribus donatus venit ad propria. Eodem anno accersitus fuit à Rege Norwegie, & duxit ejus filiam. Et anno MCCXLI dum

Yyyyyy

rever-

reverteretur cum uxore, Laurentio Mannia electo, & multis nobilibus prope fines Radlandie orta tempestate submersus est.

MCCXLIX. Reginaldus Olavi filius, frater Haraldus cepit regnare pridie Nonas Maji, & tricesima die ejusdem occisus est ab Yvaro milite, & à suis, in prato prope ecclesiam S. Trinitatis ad Australem partem; sepultusque est in ecclesia S. Mariae de Russin.

Eo tempore Alexander Rex Scotorum coadunavit multas naves, ut sibi subjiceret insulas, & in insula Kerwaray febre correptus moritur.

Haraldus filius Godredi Don Regis nomen in insulis usurpavit, omnes principes Haraldus Regis Olavi filii exules fecit, & profugos ejus principes, & optimates pro eis constituit.

MCCCL. Haraldus filius Godredi Don vocatus per literas adiit Regem Norwegiae, qui detinuit illum in carcere, quod regnum injustè occupasset.

Eodem anno applicuerunt apud Roghalwaht Magnus Olavi filius, & Ioannes filius Dugaldi, qui regem se nominabat, sed Mannenses agrè ferentes quod Magnus non nominaretur, repulerunt eos à littore suo, quorum multi naufragio perierunt.

MCCCLII. Venit Magnus Olavi filius ad Manniam, & constitutus est Rex, sequenti anno profectus est ad regem Norwegiae & mansit ibi per annum.

MCCCLIII. Haco rex Norwegiae constituit Magnum filium Olavi regem insularum, & confirmavit eas sibi, heredibus suis, & nominatim Haraldus fratri ejus.

MCCCLVI. Magnus rex Mannie profectus in Angliam, fit Miles à rege Angliae.

MCCCLVII. Ecclesia S. Mariae de Russin dedicata est à Richardo Sodorensi.

MCCCLX. Haco Rex Norwegiae venit ad partes Scotiae, & nihil expediens, versus ad Orcades ibi apud Kirwas moritur, & sepultus est Bergæ.

MCCCLXV. Obiit Magnus filius Olavi Rex Mannie & insularum apud castellum de Russin, & sepultus in ecclesia S. Mariae de Russin.

MCCCLXVI. Translatum est regnum insularum propter Alexandrum Regem Scotorum.

Quæ sequuntur alio charactere, & recentiore descripta sunt.

MCCCLXX. Die septimo Octobris classis Alexandri Regis Scotorum applicuit apud Roghalwath, & sequenti die ante solis ortum commissum est praelium inter Mannenses & Scotos, & ceciderunt 535 Mannensium, Vnde quidam versificator,

L. decies, X ter, & pente semel cecidere,
Mannica gens de te, damna futura cave.

MCCCXIII. Robertus Rex Scotorum obsedit Castrum de Russin, quod Dingway Dowyl tenuit contra eum, sed tandem Rex Castrum cepit.

MCCCXVI. Die Ascensionis, Richardus le Mandevile, & fratres ejus cum magnatibus aliis Hibernie applicuerunt apud Ramaldwath, petentes sibi victualia, & argentum ministrari, quod depradati erant per hostes super eos continuè debellantes. Cum Communitas respondisset se nihil velle dare, processerunt contra Mannenses cum duabus turmis, quousque venerunt sub latere mon-

tis Warthfell, in campo ubi manebat Iohannes Mandevile, & ibi commissio praelio devicerunt Hibernici Mannenses, spoliaverunt insulam, & Abbatiam de Russin, & cum per mensem in insula perendinaissent, impletis navibus ad propria sunt reversi.

Hactenus è libro illo antiquo.

Finis Chronici Regum Manniae.

Sequentis historiae seriem nunc ex aliis attexam.

Cum Alexander Tertius Rex Scotorum occiduis insulis partim victoria, partim pecunia Norwegorum Regi numerata potitus esset, Manniam etiam quasi ex earum numero aggressus est, virtuteque Alexandri Steward sub suam redegit ditionem; Regulamque imposuit ea lege ut sibi navali bello cum decem navibus, quandocunque juberet præsto adesset. Maria tamen filia Reginaldi Regis Manniae (qui devenerat ligius homo Iohannis Regis Angliae) litem de insula intendit coram Rege Angliae, sed responsum tulit ut à Scoto peteret, quod ille tunc temporis Insulam tenuerit. Ejus autem ex filio nepos Ioannes VValdebeof (nupta enim fuit Maria in familiam de VValdebeof) jus avitum persequutus est in Parlamento anno Edw. Primi tricesimo tertio, coram Angliae Rege tanquam Superiore Domino regni Scotiae. Nihil aliud tamen responsi tulit, quam (ut ex ipsis sacris scriptis loquar) Sequatur coram Iustitiariis de Banco Regis, audiat, & fiat justitia. Sed quod ille jure non potuit, Guilielmus de Monteacuto affinis ejus (erat enim è Mannensium Regum familia oriundus) armis obtinuit. Tumultuaria enim Anglorum manu Scotos omnes Insula exturbavit, sed cum ille ad hoc bellum magnum æs alienum conflasset, nec unde nomina dissolveret, haberet; Antonio Bec Episcopo Dunelmensi, & Patriarchæ Hierosolymitano in septem annos oppignoravit & usumfructum legavit, eidemque Antonio mox Rex ad vitam concessit. Postea deliciis suis Petro de Gaveston concessit Rex Edwardus Secundus, quo tempore illum Cornubiæ Comitem creavit, illoque extincto dedit Henrico de Bellomonte cum omni dominio & justitia regali. Scoti autem mox sub Roberto Brus recuperarunt, & Thomas Randolphus bellicosus ille Scotus, ut longo post tempore Alexander Dux Albaniae se Manniae Dominos scriptitarunt, & recentioribus Regum Insularum insignibus usi sunt, videlicet tribus humanis tibiis armatis, conjunctis, & poplitibus inflexis, cujusmodi Sicilia nudis ad tria designanda promontoria olim numismatibus exhibuit. Antea tamen (ut è sigillis ipsorum Regum vidimus) navis velo complicato illis in usu erat, cum titulo Rex Manniae & Insularum. Scotis circa annum MCCCL Guilielmus de Monteacuto junior Comes Sarisburiae armata manu extorsit, qui Manniam cum corona Anno Domini MCCCXCIII, (ut habet Walsinghamus) Guilielmo Scrop grandi pecunia vendidit. Quo ob læsam majestatem capite mulctato & bonis publicatis, in Henrici Quar-

Domini Manniae.

Insignia Regum Manniae.

Insignia antiqua Siciliae.

Quarti Regis Angliæ jus devenit, qui hanc insulam Henrico Percio Northumbriæ Comiti concessit (quasi victor triumphato Guilielmo Scrop, quem ipse privatus interceperat & securi percusserat cum regnum affectaret) ea lege ut ipse posterique cum Reges Angliæ inaugurarentur, præferrent ensen quo Henricus ille cinctus esset, cum Angliam redux adiret, vulgo Lancaster Sword. Sed ipsius Regis verbis è Regiis Archivis hoc proponere lubet. De nostra gratia speciali dedimus & concessimus Henrico Comiti Northumbria Insulam, Castrum, Pelam, & Dominium de Man, ac omnia, insulas, & dominia eidem insule pertinentia, quæ fuerunt Guilielmi Le Scrop Chevalier defuncti quem in vita sua conquestati fuimus, & ipsum sic conquestatum decrevimus, & quæ ratione Conquestus illius tanquam conquestata cepimus in manum nostram. Quæ quidem Conquestum & decretum in presenti Parlamento nostro de assensu Dominorum Temporalium in eodem Parlamen-

to existentium, quoad personam præfati Guilielmi, ac omnia, terras, tenementa, bona & catalla sua tam infra regnum nostrum, quam extra ad supplicationem Communitatis regni nostri affirmata existunt, &c. Habenda & tenenda eidem Comiti & heredibus suis, &c. per servitium portandi diebus Coronationis nostræ & heredum nostrorum ad sinistrum humerum nostrum, & sinistros humeros heredum nostrorum per seipsum aut sufficientem & honorificum Deputatum suum, illum gladium nudum quo cincti eramus quando in parte de Holderness applicuimus, vocatum Lancaster-Sword, &c. Quarto autem post anno Henr. ille Percy proscriptus, & mox licet natalibus restitutus, Mannia tamen multatus erat, quæ collata fuit primo Guilielmo Stanley, postea Ioanni Stanley una cum patronatu Episcopatus, &c. cujus posterius Comitatus Derbiæ titulo insigniti, & Mannie Reguli vulgo appellati fuerunt.

Annales
Th. Or-
terbon.
Anno 7.
Henr. 4.



I N S V L A S A C R A E T F A R N E.



IN mari autem Germanico, qua Britanniam alluit, admodum raræ comparent insulæ, nisi quæ sunt in freto Edenburgensi, May scilicet, Basse, Keth, & Inche Colme. i. Columba Insula. In Northumbriæ litore, Lindi fluvio una objecta

In vita S. Cuthberti.

est Lindis-farne, Britannis Inis Medicante, quæ ut Bedam audias, accedente, & recedente rheumate, id est, astu, bis quotidie instar insula maris circumluitur undis, bis renudato littore contigua terra redditur. Vnde ille Semi-insulam appositè vocavit. Pars occidua angustior & cuniculis relicta, isthmo admodum tenui orientali connectitur, quæ multo latior, qua Meridiem spectat, oppidulum habet cum Ecclesia, & in eo castrum, ubi olim sedes fuerat Episcopalis quam Aidanus Scotus evocatus ad fidem Christianam Nordanhumbris annu- ciandam instituit, loci solitudine & recessu delectatus; sederuntque ibi undecim Episcopi. Postea autem irruentibus Danis sedes Dunelmum translata fuit. Sub oppido portus subest non incommodus, quem propugnaculum in colle ad Euro-astrum positum tuetur.

Holy Iland.

Hæc ob sanctorum monachorum habitationem Holy Iland Anglis vocatur. De qua Alcuinus in epistola ad Egelredum Northumbriæ Regem: *Locus omnibus in Britannia venerabilior, Paganis gentibus datur ad depradandum, & ubi primum post discessum S. Paulini ab Eboraco Christiana religio in nostra gente sumpsit exordium, ibi miseria & calamitatis sumpsit initium.* Ad septimum hinc milli- liare Euro-astrum versus Farn insula conspicitur, à Banborrow castro duobus fere milliariis distita, altissimo inclusa Oceano, & cautium corona incincta, quæ suum habet fere in medio munimentum. Eò loci (ut perhibent) ubi Episcopus Lindisfarnensis Cuthbertus ille Divus tutelaris Borealiū Anglorum, ut Deo vacaret, condidit (ut inquit in ejus vita Beda) civitatem suo aptam imperio, & domos in hac civitate congruas erexit. Erat enim ædificium situ penè rotundum, à muro usque ad murum mensura quatuor, vel quinque perticarum distentum. Murus ipse de foris altior longitudine stantis hominis: nam intrinsecus immanem cadendo rupem multo illum fecit altiore, quatenus ad cohibendam oculorum, siue cogitationum lasciviam sufficeret, ad erigendam in superna desideria totam mentis intentionem pius incolæ nihil de sua mansione præter cælum posset intueri. Quem videlicet murum non de secto lapide, vel latere, vel cemento; sed impolitis prorsus lapidibus, & cespite, quem de medio loci fodiendo tulerat, composuit. E quibus quidam tanta erant granditatis, ut vix à quatuor viris videantur potuisse levari. Duas in mansione habebat domos, Oratorium scilicet, & aliud ad communes

Beda in vita Cuthberti.

usus habitaculum. Quorum parietes de naturali terra multum intus forisque circumfodiendo, siue cadendo confecit. Culmina verò de lignis informibus & sæno superposuit. Porro ad portum insule major erat domus, in qua visitantes eum fratres suscipi & quiescere possent, nec longè ab ea fons eorundem usibus accommodus. Huic adjunguntur minores aliæ ad Septentriones insulæ, VVidopens, Staple Iland, quæ duobus abest milliariis, Bronsman, & his minores duæ quas VVambes nominant.

Post has, Coquedi insula vulgo Coquet, Coquedi fluminis ostio præjacet carbone fossili satis fecunda. Nec plures hoc tractu eminent insulæ, sed è regione, Saxonum insule, nunc Heilichlant, id est, Insula sacra, & multa perpetua quasi serie Frisiæ Orientali & Occidentali prætexuntur, inter quas Romanis armis notissima erat, quæ Straboni BIRCHANIS, Plinio BVRCHANA, & FABARIA Romanis, à frugis similitudine sponte provenientis, quam (ut obiter restitutam, quamvis ad institutum non spectet) Borkun esse Amesiæ ostio objectam, nomen ipsum loquitur.

Saxonum insulæ.

Birchanis. Lib. 7.

Borkun.

Inferius ad Hollandiæ littus qua Rhenus se olim exoneravit, fluctibus obteguntur Arma- mentarii antiquissimi fundamenta, quæ rarius Oceani inundatione nudata, admirandum venerandæ antiquitatis spectaculum, & nobilissimam substructionis formam exhibent, quam elegantissimis typis Abrah. Ortelius veteris Geographiæ instaurator, & amicus mihi conjunctissimus ex ipso Oceano vindicavit. Hujus libentius meminerim, quod Hollandi & Huys te Britten, id est, domum Britannicam indigitant, ut saltem nomine sit Britannica. Ut enim in confesso est C. Caligulam cum Britanniam cogita- ret in ludicra illa expeditione, pro pharo construxisse; ita Septimium Severum vetustate collapsam restituisse antiqua inscriptio ibi effosa testatur. Vnde tamen Britten dicta fuerit, in conjectura positum. A Britannis, ut nomen sortiatur, probabile est, Brettam enim Philip. Melancthonis patriam à Britannis denominari ipse credidit, & Montes in Hannonia Breten à Britannis dictos fuisse alibi legimus. Veruntamen, ut cum Plinio loquar, cum ille Britannica herba, quæ Bataviæ peculiaris, nomen miretur, nisi fortè confines Oceano Britannia propinquæ dicaverint: sic ego, cur hæc arx, Britannica dice- retur, demiror, nisi nostræ Britannia oppositæ Batavi consecrarint. Locum in Morinis Portum Morinorum Britannicum vocat Plinius, vel quod inde in Britanniam trajicerent, vel quod ex ad- verso prospiceret. Quid igitur impedit, quo- minus hæc arx eadem ratione Britannica ap- pellaretur? Huc enim Britannos sæpe appulsi- fe, nibus.

Arma- menta- rium Bri- tannicum in Hollan- diæ lit- tore.

Britten huys.

Portus Morino- rum Bri- tannicus. Chamavi juxta co- luerunt ex Eunapii legatio- nibus.

se, & hinc è Germania in Britanniam trajectum fuisse nemo diffiteri possit, cum Zosimus Oceanum inter Britanniam, & hoc Rhēni ostium interfusum, DCCC stadiis tanquam usitatum trajectum dimensus fuerit, scripseritque annonam è Britannia ad hunc locum subvehi solere, & inde fluvialibus navigiis adverso Rhēno ad Romanorum castra distrahi: cum Iulianus Aug. Horrea extrueret, ut inquit Marcellinus, ubi condi possit annona à Britannis sueta transferri. Quo tempore hoc armamentarium in horreum conversum, & ex Britannica annona, Britannicum appellatum videatur, eoque magis quod in Hollandiæ monumentis Britenburg concipitur. Illa enim ætas castra opportuna, & annonæ copia referta, Burgos, ut est in Burgundionum historia vocavit. Quid (ut hac in re, quæ tam multos incertat, conjecturam ex conjectura contexam) si Britanni hoc occupaverint, & suo nomini adoptaverint, quum Magnum Maximum, quem alii Clementem Maximum nominant, purpura contra Gratianum induerint? Ille enim ad hoc Rhēni ostium adpulit. Si nec dum hoc Britannicum nomen acceperit, quid si Saxones? *Huys te Britten*, vocarint, quod in Britanniam hinc solverint, cum nostra littora suis *Ciulis*, (sic myoparones vocarunt) infestarent. Saxones enim Bataviam, Saliis Francis expulsis, infedis docet Zosimus, & inde in Britanniam se infudisse satis clarè constat. Quod etiam, ut antea dixi, Dominus Ianus Douza vir verè nobilis & doctissime eruditus in sua Ode Lugdunensi innuit. Audi tamen, ne in Britannicam gloriam effusior videar, cum doctissimus Bataviæ alumnus Hadr. Iunius Britannicam herbam ad *Britten* suæ gentis vocabulum revocarit, quod copiose proveniat in cespitibus quos illi *Britten* dicunt, & è quibus contra Oceanum aggeres exstruunt: nequitiam absurdum erit, si quis hanc *Huys te Britten* ad eandem originem referat, scilicet ita nuncupatam fuisse, quod contra incurstantes undas oppositis aggeribus è cespite, sive *Britten* munita fuerit, quas cum Oceani violentia intercidisset, etiam ædificium depreffisse videatur. Sed hæc viderint illi qui vim verbi, & loci situm penitus perspiciunt, & mihi ignoscant si in alienam messem hic falcem immiserim.

In ea ora Zelandiæ etiam insulæ Scaldi, Mosa, & Oceano circumfusæ sunt, de quibus hoc solum attexam, quod *Valachria* nomen, (ea inter has prima est) à Wallis nostris enatum conjicit Levinus Lemnius. E regione Zelandiæ Tamisis nobilissimus Britannicæ flu. in Oceanum illabitur, quo loci duas insulas *TOLIAPIN* & *CAVNAM*, sive *CONVENNON* locat Ptolemæus. De altera Toliapi quam *Shepey* suspicor, vide in Cantio.

Magis ad Ortum extra Tamisis ostium *Tanato* insulæ locus vadofus, arenosus, & navigantibus insidiosus longè præjacet, quem *Goodwine sands* vocant, ubi insulam anno MDCVII absorptam, quæ Comitum Goodwini patrimonium erat, produnt Annales. De quo sic Ioannes

Twinnus: Fuit hæc terra valdè fertilis, & pascuis abundans, paulò humilior quam *Tanatos*, ex qua transitus per naviculam, tria aut quatuor millia passuum longus erat. Hæc insula, insolita tempestate ventorum, imbrium furore turbulento, & inaudita maris rabie immergitur, & eructata arena incredibiliter obducitur, & irreperabiliter in dubiam terræ & maris naturam convertitur: intelligo enim quid loquor, quia interdum tota fluitat, interdum verò patitur gradientes decedente mari. Forsan hæc *Toliapis*, ni malis pro *Toliapis*, *Thanatis* legere, & nonnullis exemplaribus *Toliatis* legitur, de qua in Cantio egimus.

Hoc in loco immensa aquarum vastitas ita coarctatur, ut Oceani fauces inter Europæ Continentem & Britanniam non amplius xxx mill. pass. pateant, quæ angustia *Fretum* aliis *Britannicum*, aliis *Gallicum* dicitur, & maris est Britannici limes, quod sensim littora, quæ quasi coierant, semovet, & terris vasta æqua portione cedentibus, Britanniam & Gallias ab Ortum ad Occasum interluit. Ab hoc Britannicum Mare incipit, in quo primum occurrit insula, seu potius peninsula *Selsy*, Saxonice *deolr-ea*, id est, juxta *Bedam*, *Insula vitulorum marinorum*, sive *Phocarum*, quas nostra lingua *Seales* vocamus. Sed de hac jam antea dixi pagina 174.

Superius *VECTA* insula jacet, *Guith* Britannis, *Wuit-lano*, & *Wicp-ea* Saxonibus (insulam enim ea vocarunt) nobis *The Isle of Wight*, & *WVight*. De qua jam prius dictum.

De *Portlandia*, quæ nunc non insula, sed continenti annectitur, jam antea in *Durotrigibus* egimus.

Hinc ad oppositum Galliæ littus trajiciam, ubi à *Beerfleet* Normanniæ, ad medium usque canalem mare scopulis, & cautibus quasi constratum esse affirmant nautæ, inter quas *Guilielmus Henrici Primi filius Angliæ*, & *Normanniæ hæres* dum è Normannia in Angliam transmitteret, anno Salutis *MDCCXX* luctuoso naufragio cum sorore, fratre notho, & aliis è flore nobilitatis submersus erat. Vnde ejus seculi Poëta:

Abstulit hunc terræ matri maris unda noverca,
Proh dolor! occubuit Sol Anglicus, Anglia plora:
Quæque prius fueras gemino radiata nitore,
Extincto nato vivas contenta parente.

Funus plangendum, privat lapis æquoris unus,
Et ratis una suo principe regna duo.

Aliusque eodem tempore hæc carmina de illo naufragio procudit:

Dum Normannigena Gallis clavis superatis,
Anglica regna petunt, obstitit ipse Deus:
Aspera nam fragili dum sulcant æquora cymba,
Intulit excito nubila densa mari.
Dumque vagi ceco rapiuntur tramite nautæ,
Ruperunt imas abdita saxa rates.
Sic mare dum superans tabulata per ultima serpit
Mersit rege satos, occidit orbis honos.

Z z z z z

Magis

Burgus
quid.

Saxones
in Hollan-
dia.

Zosimus
lib. 4.

Ianus
Douza.

In nomen-
clatore.

Britten
herba.

Zeland.

Toliapis.
Caunus.
Canuey.
Shepey.
Vide in
Essexia
pag. 239.

Goodwi-
ne sands.

Lomea
nonnullis.

Fretum
Britanni-
cum.

Vide pag.
195.
Mare Bri-
tannicum.

Seales.

Vecta.

The Isle
of Wight.
Pag. 156.
Portland-
dia.
Vide in
Comitatu
Dorset.



Magis ad Occasum nonnullæ insulæ Galliæ prætentæ, Anglici tamen juris in alto apparent: primùmque Normanniæ, sive Lexobiorum littori quos Britanni nostri *Lettau* quasi Alderney. *Littorales* vocant, Alderney adjacet quæ in Regiis Archivis *Aurney & Aurenay & Aurigney* dicta, Arica. ut *ARICA* illa videatur quæ apud Antoninum in Regis Hispaniarum exemplari inter Britannici maris insulas habetur. Ebodia. *EBODIAM* sive *EVODIAM* illam esse cujus solus meminit P. Diaconus hujus plagæ parum gnarus, alii opinantur, quam ad trigesimum à Sequanico litore mill. statuit, & *aquarum garrulitatem in Charybdim vergentium* longe exaudiri narrat. Cæterum

hæc Alderney quæ vix septem à Promontorio Normanniæ *Le Hague* abest milliaribus, octo plus minus mille passus ambitu colligit, solo uberi, pascuis & arvis læta, Ecclesiam habet, & ædes octoginta numerat. Nescio an memorem molarem gigantis dentem tantæ magnitudinis in hac insula fuisse inventum, ut pugnum æquaret, cum B. Augustinus se tam ingentem vidisse scribat, ut si in nostrorum dentium modulos minuatim concideretur, centum videretur facere potuisse. Hinc in Occasum scopulosa cautum eminentia procurrat, nautis metuenda, quibus *Quasquettes* appellantur.

Dens Gigantis.
De Civit.
Deil. 15.
c. 9.



IARSEY & GARNSEY.



Cæsarea.

Gearsey.

Castrum
Constantia.
Moritonium.Vraic.
Fucus
marinus.

S. Hilarius.

Mont Orgueil.
i.
Mons superbus.

Is subest ad Meridiem CAESAREA ab Antonino memorata, vix duodecim mille passus distans, quam Galli nunc ita contraxerunt, ut *Cæsaris Burgum* in Normannia, & Hispani *Cæsar-augustam* in Hispania, *Gearzey* enim illi indig-

tant, ut *Cherburgh* pro *Cæsaris burgo*, *Saragosa* pro *Cæsar augusta* dicunt. Gregorius Turonensis vocat *Insulam Maris quod Constantia civitati* adjacet, ubi narrat quomodo Prætextatus Episcopus Rothomagensis huc relegatus erat, ut Papirius Massonius *Insulam littoris Constantini* vocat, quod Constantia antiquæ urbi objacet, quæ Ammiano CASTRA CONSTANTIA dici videantur, & superioribus sæculis *Moritonium*. Scribit enim Robertus Montensis, *Comes Moritonii*, id est, *Constantiarum*, si illud non sit à librario, *Moritonium* enim, quod nunc *Mortaigne*, longius à mari abest.

Insula hæc triginta plus minus mill. pass. ambitu colligit, cautibus & brevibus (quæ vadosa sunt loca navigantibus insidiosâ) defensa. Terra satis fertilis, variis frugibus & gregibus abundat, oves habet multas, & ex iis plurimas quatuor cornibus conspicuas. Cælo admodum salubri, nec aliis morbis quam febribus mense Septembri (quas quidem *Settembers* vocant) obnoxio, adeo ut medicis hic nullus locus. Cum autem exiguum ignis alimentum ferat, pro lignis alga marina (*Vraic* vocant) utuntur. Quæ *Fucus marinus* Plinii esse judicatur, atque scopulosis circumquaque insulis & rupibus copiosissimè provenit. Hæc sole siccata pro igne est, & cujus cinere tanquam marga, & terræ adipe agros vervaetque lætificant, uberrimaque faciunt. Nec licet hanc nisi tempore verno & æstivo colligere, idque diebus à magistratu indictis. Quo tempore festiva quadam lætitia ad littora undique cum suis carris confluunt, & ad rupes vicinas suis lembis certatim confluunt. Sed quod hujus generis à mari ejicitur, pauperculis in suum usum colligere licet. Interiora insulæ leviter collibus intumescunt, sub quibus amœnæ valles rivulis rigatæ subternuntur, fructiferis arboribus & pyris è quibus potum conficiunt, confitæ. Villis frequens est, Paræciis duodecim distincta, & commodis undique stationibus sinuata, inter quas securissima est in Australi insulæ parte inter oppidula S. Hilarii, & S. Albani, quæ suam habet insulam præsidio munitam omni aditu circumcisam in qua S. Hilarius Pictavensem Episcopum huc relegatum sepulturæ traditum ferunt. Oppidum enim ejus nomini sacrum è regione hujus insulæ primarium censetur oppidum, tum ratione emporii, tum fori judicarii quod ibi statuitur. Ad Orientale latus qua Constantiam urbem ex adverso prospectat, præruptæ rupi castrum affigitur munissimum elato nomine *Mont-Orgueil*, quod plurimum Henr. V instauratori debet, cui cum præsidio præest qui universæ insulæ præficitur, qui olim *Custos Insulæ* dictus, & regnante Henrico III, c c libras singulis annis accepit. Ab Au-

stro, sed longiori intervallo cernitur *S. Malo*, à Maclovio viro summæ sanctitatis novo nomine adsumpto, cum prius Civitas *Diablintum* diceretur, & in Notitia antiqua *ALETVM*, in manuscripto enim Isidori Mercatoris expressè legitur, *Civitas Diablintum quæ alio nomine Aletum*. Incolæ piscationi, sed imprimis agriculturæ strenue incumbunt, mulierculæ autem tibialibus texendis quæ *Iarsey Stockes* vocamus, magnum sane quæstum faciunt.

Quod ad Politiam spectat, Gubernator à Rege Angliæ missus summus est magistratus, ille *Ballivum* constituit, qui cum duodecim *Juratis* assessoribus è singulis duodecim paræciis, Parochianorum suffragiis selectis, in civilibus jus dicit: in criminalibus cum septem ex juratis: in causis ex æquo & bono cum tribus.

Viginti hinc milliariibus ad occasum æstivum altera abest insula, quæ Antonino SARNIA, nobis hodie *Garnsey* appellata, cytharæ quasi forma ab Ortum in Occasum projecta, *Cæsarea* quam dixi, nec magnitudine nec fecunditate adæquanda, paræcias enim tantum decem habet. In hoc tamen præferenda, quod nihil venenosum, ut illa, alat. Naturæ munimentis tutior, utique prærupta cautium corona redimita, inter quas Smyris lapis durissimus, & asperimus reperitur (nos *Emeril* vocamus) quo gemmarii lapides expurgant, scinduntque, & vitriarii vitrum diffundunt. Portus etiam commoditate, mercatorumque comœatu multò est celebrior. In extrema enim ferè ad Ortum parte sed australi latere, lunato sinu portus admittitur magnarum navium capax, cui adfidet oppidulum *Sancti Petri* longa platea & angusta productum, bellico apparatu plenum; & mercatoribus cum bellum ingruit, frequentissimum. Veteri etenim Regum Angliæ privilegio perpetuæ hic sunt quasi induciæ & Gallis aliisque quamvis bellum exardescat, ultro citroque huc sine periculo venire, & commercia securè exercere licet. Portus aditus qui satis scopulosus utrinque castris munitur, ad sinistram vetus est castellum, ad dextram alterum (*Cornet* vocant) è regione eminet in rupe satis edita, & accedente æstu mari circumflua. Quod regnante Maria, Leonardus *Chamberlan* Eques auratus, & insulæ Præfectus, nuperque Thomas *Leighton* successor novis operibus firmari curarunt. In hoc enim plerumque agit insulæ Præfectus & milites præsidarii qui Gallos & fœminas nullo modo ingredi patiuntur. Ad Aquilonem peninsula adnectitur *La-val*, quæ suum habuit religiosorum conventum, sive Prioratum. In Occidua parte juxta mare lacus est qui ambitu mille quingentos passus colligit, piscium fecundus, sed imprimis carporum, qui sua magnitudine, & delicato sapore admodum laudati. Incolæ non adeo gnavi ut illi *Iarseia* in solo colendo, verum navigando & mercaturam exercendo incertiori lucro defudant. Terram autem suam ita quilibet seorsim colere gaudet, ut tota insula in portiunculas septis dividatur, quod illi non solum emolumento, sed etiam firmamento contra hostes habent.

A a a a a a

V tra-

Aletum.

Sarnia.

Garnsey.

Granona
fortè literis
transpositis
quam in
tractu Ar-
morica
memorat
Notitia.
Smyris la-
pis.Portus
S. Petri.Libertas
tempore
belli.Castellum
Cornet.

Vtraque insula multiplici hortorum viriditate, & pomariis ridet, unde vino è pyris factitio (*Siferam* aliqui vocant, nos *Sydre*) plerumque utuntur. Incolæ utrobique sunt origine vel Normannici, vel Britones, Galliceque loquuntur; Gallos tamen haberi aut nominari dedignantur, & se Anglos dici lubenter audiunt. Vtrobique *Vraic* illa pro ignis est fomento, vel fossiles ex Anglia carbonēs: piscium utrobique maxima multitudo, & eadem utrobique Politia.

Normannia amissa.

Spectarunt olim hæ Insulæ cum aliis circumvicinis ad Normanniam, sed cum Henricus Primus Rex Angliæ Robertum fratrem anno Christi cxcviii debellasset, Normanniam, & has insulas Angliæ regno adjunxit, ex quo tempore Angliæ firma fide adhæserunt, etiam cum Iohannes Rex Angliæ reus peractus de nepotis cæde sententiâ latâ omni Normanniæ jure excidisset, quam ut beneficiarius Regis Gallorum tenuit, universaque provincia ab illo defecisset; nec non cum Henricus Tertius Rex Angliæ suo in Normannia jure pacta pecuniæ summa postea cessisset. Iamque inde fidem Anglis datam summa constantiæ laude tenuerunt, solæque supersunt Regibus Angliæ ex avita hæreditate Guilielmi Conquestoris & Ducatus Normanniæ; licet Galli subinde adorti sint qui è vicino Galliæ littore has non Gallici, sed Anglici juris esse agris oculis diu despectarunt. *Garnseiam* sane ut ex Archivis regni videre est, regnante Edwardo Quarto occuparunt, sed fortitudine Richardi *Harleston* *Valecti de Corona* (ut eo tempore vocarunt) brevi exturbati fuerunt, & Rex ipsi in fortitudinis præmium Insulæ & castri Præfecturam detulit. Annoque cccccxlix cum Anglia intestinis malis sub Rege puerulo laboraret, Leo Strozzi trimerium Gallicarum præfectus invasit, sed multis suorum desideratis, repulsus incepto destitit.

Francica
16.
Edw. 4.

Quod ad rem Ecclesiasticam pertinet, Episcopo Constantiensi in Normannia paruerunt, donec ille nostra memoria Pontificis Romani in Anglia auctoritatem (quod Episcopi nostri faciunt) abjurare recusat. Iam inde à Diœcesi Constantiensi à Regina Elizabetha fuerunt separata, & in Perpetuum Diœcesi Wintoniensi annexæ, ut Episcopus Wintoniensis & successores singula quæ ad Episcopalem jurisdictionem spectant, exequantur. Ad Genevensis tamen Ecclesiæ disciplinam quam Galli ministri induxerunt, res Ecclesiastica administratur.

Quod ad civiles harum insularum consuetudines, quasdam è Regiis Tabulariis adnotare jam possim, scilicet ut Iohannes Rex instituit duodecim Coronatores juratos ad Placita & jura ad Coronam spectantia custodienda, & concessit pro securitate insularium quod Balivus de cætero per visum Coronatorum poterat placitare absque Brevis, de nova de seipso facta infra annum, de morte antecessorum infra annum, de dote similiter infra annum, &c. Quod Iuratores illi non protrahant judicia sua ultra unius anni spatium. Quod in cunctis & aliis rebus tanquam indigenæ, non alienigenæ tractentur. Sed hæc aliis qui singularia curiosius indagant, relinquenda censeo. In universum Consuetudines Normanniæ in plerisque hîc locum habent.

Serk.

De Serke insula modica, quæ illis interjacet, ru-

pium præcipitiis circumvallata, in quam R. Elizabethæ auspiciis, & suo, ut ferunt, commodo Coloniam cum prius inculta jaceret, deduxit I. de S. Owen de *Iarsey*, cui generis antiquitatem ultra S. Oweni tempora quidam, nescio quâ fide, asserunt. De *Iethow* quæ in usum Præfecti *Garnseie* ad pascenda pecora, & damas, cuniculos, atque phasianos alendos est instar vivarii, necnon de *Arne* quæ illa amplior, Franciscanis fratribus sedes erat solitaria, cum scriptoribus antiquis non memorentur, non est cur ego pluribus loquar.

Iethow.

Arne.

Eodem inde littore LIGA Antonini eminet, quæ superstiti nomine etiamnum nunc *Ligon* dicitur. Tum septem insulæ sternuntur SIADÆ Antonino, à numero, *Saith* enim septem Britannicâ linguâ sonat, Gallis hodie *Le set Isles*. Has *Siades* enim existimo *Hiadatas* corruptè apud Strabonem appellari, ab his enim, ut inquit ille, minor est quàm diurnus in Britanniam insulam cursus. A Siadis ad BARSAM, cujus etiam meminit Antoninus, VII inter sunt stadia, Gallis *Isle de Bas*, Anglis *Basepole*. Bas enim quod minus profundum Britanni vocant, & ex bolide demissa in minorem altitudinem mare hoc loci subsidere nautæ deprehendunt. Vix enim septem vel octo cubitis depressum est, cum per reliquum littus XII, XVII, XX cubitis mare altum sit, ut in Chartis Hydrographicis videre est. Inter has tamen insulas & Foy, Cornwalliæ mare hoc nostrum Britannicum in maximam deprimi altitudinem observarunt nautæ, quam CXVI plus minus ulnis in canali commensurant. Hinc ad Britanniam nostræ oras jam transmittam, & oram legens, *Ideston*, *Moufhole*, *Longshippes* scopulos potius infames quàm insulas prætervectus, ad extremum Cornwalliæ promontorium LISIAM Antonini conspicio, nunc *Lethowfow* vicinis, aliis verò *The gulfe*, id est, si interpreteris, vorago, quæ tantum recedente æstu nudata apparet. Hanc Lissiam antiquorum existimo, quod *Lis* idem significat, ut accepi, apud nostros Britannos. *Liso* enim vasto cum murmure sonum edere, cujusmodi in vorticosis locis audiuntur, & eo loci Oceani fluxus & in Boream, & Orientem magno cum fremitu eluctatur inter Cornwalliam & insulas coarctatus, quas SIGDELES Antoninus, SILLINAS Sulpitius, SILVRAS Solinus, *Silly* Angli, *Sorlings* nautæ Belgici, HESPERIDAS & CASSITERIDES antiqui Græci vocarunt. *Hesperidas* enim dixit Dionysius Alexandrinus à situ Occidentali his versibus.

Liga.

Siadæ.

Setiles.

Barfa.

Basepole.

Speculum
Oceani.

Mare Brit-
tanicum
ubi altissi-
mum.

Lissia.

The gulfe.
Lissa, in-
versis lite-
ris Silia.

Silly.
Cassiteri-
des, Silli-
næ & He-
speridæ.

ἀντὶς τῶν ἀγγέλων
Ἰπὸ τῶν ἐνέτακται καὶ ἐν τῇ Εὐρωπαϊκῇ
κῆρας δ' ἑσπερίδας, τὸ δὲ κασσίτεριον γενέθλην,
ἀφνειοὶ ναύταισιν ἀγαθὸν παῖδες ἰσθίων.

Quos ita convertit Priscianus:

Sed * summam contra Sacram, cognomine dicunt
Quam caput Europe, sunt stanni pondere plena
Hesperides, populus tenuit quas fortis Iberi.

* Sacrum
promon-
torium.

Has etiam Ostrymnides, dixit Festus Avienus in *Oris Maritimis*, de quibus hæc carmina intexit, ut in *Pariensi* habentur editione, & Notis ad eodem.

In

In quo Insula sese exerunt Oestrymides
Laxe jacentes, & metallo divites
Stanni atque plumbi: multa vis hic gentis est,
Superbus animus, efficax solertia,
Negotandi cura jugis omnibus
* Nolisque cumbis turbidum late fretum
Et belluosi gurgitem Oceani secant;
Non hi carinas quippe pinu texere
* Facere morem non abiete, ut usus est,
Curvant * phaselo: sed rei ad miraculum
Navigia junctis semper aptant pellibus;
Corioque vastum sepe percurrunt salum.

* Non us-
que navi-
bus in No-
tis Pari-
sienibus.
Lodovi-
cus Non-
nius legit
Nullisque
cymbis.
* Fecere re-
mos. Notæ
Parisi.
Nonnius.
Acereve
norunt.
* Phaselos.
Marianus
Scotus.

Cujusmodi etiam in usu erant hoc in pelago
anno Salutis DCCCCXIII. Legimus enim
quosdam viros pios ex Hibernia in carabo (alibi
Caruca) qui ex duobus tantum coriis & dimidio
factus erat in Cornwalliam fuisse delatos. Post-
ea etiam de iisdem insulis idem Avienus:

Tartesisque in terminos Oestrymidum
Negotandi mos erat, Carthaginis
Etiam colonis.

Has verò Cassiteridas cæteri Græci à stanno, di-
xerunt, ut & apud Drangos Asiæ, à Stanno lo-
cum quendam CASSITERON vocat Strabo, &
insulam in mari Indico CASSITERAM etiam à
stanno dictam fuisse à Dionysio memorat in Vr-
bibus Stephanus. MICTIN autem illam quam
sex dierum navigatione introrsum à Britannia
abesse, & candidum plumbum proferre à Timæo
scribit Plinius, inter has fuisse vix ausim affir-
mare. Non me tamen latet eruditissimum Her-
molaum Barbarum pro Mictim, Mitterim, in ma-
nuscriptis codicibus legisse, & pro Mitterim, Car-
titerim legere. Quod autem has esse CASSITE-
RIDAS toties quæsitæ dixerim, facit antiquo-
rum autoritas, ipsarumque situs, & Stanni ve-
næ. Artabris (inquit Strabo) quibus Britannia Occi-
dentales partes à regione adjacent, ad Aquilonem opponun-
tur insule, quas Cassiteridas appellant, quodammodo in
Britannico climate constitutæ. Et alibi: Amplius est
mare inter Hispaniam, & Cassiteridas, quam à Cassiteri-
dis ad Britanniam interjectum. Adversus Celtiberiæ latus
spectant Cassiterides, inquit Solinus. Diodorus Si-
culus: In insulis Oceano Ibero proximis, quæ à Stanno
Cassiterides nominantur. Eustathius, Cassiterides insule
decem sunt contigua ad Arctum. Cum verò hæc Sillina
Artabris, id est, Gallitiæ in Hispania oppositæ sint;
cum ab illis in Aquilonem ad amussim vergant,
cum in Britannico climate constituentur, cum
Celtiberiæ latus spectent, cum longè ampliori
mari ab Hispania, quam à Britannia disjungan-
tur, cum sint Oceano Ibero proximæ, cum con-
tiguæ sint ad Arctum, & melioris notæ tantum-
modo decem numerentur, scilicet, Sancta Maria,
Annoth, Agnes, Sampson, Silly, Brefar, Rusco, five Tre-
scaw, S. Helena, S. Martini, Arthur, & quod caput
est, cum stanni venas habeant, ut nullæ aliæ hoc
tractu insulæ: & à fodinis duæ minores Minan-
witham, & Minuissand, nomen duxisse videantur:
malim ego has CASSITERIDAS existimare,
quam vel Afores quæ nimis in Occasum prove-
ctæ sunt, aut Cisargam Hispaniæ proximè quasi
contiguam, cum Olivario, aut ipsam nostram
Britanniam, cum Ortelio, cum Cassiterides
plures erant, & Dionysius Alexandrinus post-
quam de Cassiteridibus egerit, de Britannia seor-
sim agat.

Si quis è numero has esse CASSITERIDAS
inficiatur, cum plures sint quam decem, idem et-
iam Habudas, & Orcadas numeret, & si rationibus
subductis, nec plures, nec pauciores, quam quin-
que Habudas, & triginta Orcadas cum Ptole-
mæo invenerit, alio loco quam quo nunc extant,
indaget, & indagando è numerorum ratione
certo scio, haud facile invenerit. Verum priscis
scriptoribus de his eo ævo sejunctissimis orbis
terrarum partibus, & insulis, ut hodie de Freti
Magellanici insulis, & Novæ Guineæ tractu, nihil
nobis explore est cognitum.

Quod vero Herodotus has non noverit, neu-
tquam mirandum est; fatetur enim ipse se pro
comperito nihil habere, quod de Europæ extre-
mis referat. Primum tamen plumbum in Græci-
am hinc delatum erat. Plumbum (inquit Plinius
lib. VII, cap. de rerum inventoribus) è Cassite-
ride insula primus apportavit Midacritus. Sed de
his audi Strabonem libro Geographiæ I I I sub
finem. Cassiterides insule decem sunt numero, vicina in-
vicem, ab Artabrorum porta versus Septentrionem in alto
sita mari. Una earum deserta est, reliquæ ab hominibus
incoluntur atras vestes gerentibus, tunicas indutis ad ta-
los usque demissas, cinctis circum pectus, cum baculis am-
bulantibus. Tragicis qui similes furis. Vident ii ex pecore,
vagantes incertis sedibus. Metalla habent stanni & plum-
bi, quorum, & pellium loco fictilia, salem & ærea opera à
mercatoribus recipiunt. Primis temporibus soli Phænices
à Gadibus eò negotiatum iverunt, celantes alios istam na-
vigationem. Cum autem Romani quendam navis magi-
strum sequerentur, ut & ipsi emporia ista addiscerent, is
invidia ductus dedita opera navem suam in vadum
compulit, in eandemque perniciem iis qui insequerentur
conjectis, ipse è naufragio servatus ex arario publico
pretium amissarum mercium recepit. Tamen Romani re-
sepis tentata, navigationem addidicerunt. Deinde
Publius Crassus cum eò navigasset, videretque metalla
non altè effodi, hominesque eos pacis studiosos otio ab-
undante, mari quoque navigando studere, id volenti-
bus commonstravit: quanquam amplius mare navigandum
esset eò quod inde ad Britanniam pertinet. Sed ad Silly.
Insulæ vero hoc nomine insigniuntur, plus minus
centum quadraginta quinque, gramine vestitæ,
aut musco subviridi tectæ, præter horrentes rup-
pes, & saxa eminentia innumera, in orbem qua-
si sitæ octo leucis ab extremo Cornwalliæ Pro-
montorio. Frumento nonnullæ satis feracès, cæ-
terum omnes cuniculis, gruibus, cygnis, ardeis,
& marinis avibus abundant. Omnium maxima
est quæ à S. Maria nomen cepit, castrum habet &
præsidium militare. Hæ sunt insule illæ quas Fretum
turbidum duarum aut trium horarum navigatione distin-
guit à Danmoniorum ora, & quarum incolæ custodiunt
morem vetustum. Nundinas & nummum refutant, dant
res & accipiunt, mutationibus potius quam pretiis neceffa-
ria parant, Deos percolunt, scientiam futurorum pariter
viri, ac femina ostentant, ut habet Solinus Polyhi-
stor. Melanchlanos vocat incolas Eustathius ex Stra-
bone, quod nigris vestibus ad talos usque demis-
sis induerentur. Vitaque cedunt (ut credidit Sar-
dus) plerumque vita satiati. E rupe enim se proji-
ciunt in mare foelicioris vitæ spe, quod procul-
dubio Britannicorum Druidum fuit persuasio.
Huc etiam damnatos ad metalla relegare sole-
bant Romani Imperatores. Maximus enim Au-
gustus cum Priscillanum ob hæreticam pravita-

Sulpitius
Severus.

B b b b b b tem

tem capitis damnaſſet, ſectarios ejus Inſtantium Hiſpanum Epiſcopum, & Tiberianum publica- tiſ bonis in *Syllinas inſulas* deportari juſſit. Eum- que qui in motu Caſſiano vaticinatus erat, & multa quaſi inſtinctu Deorum dixerat, in hanc inſulam (ut credunt quidam) relegavit Marcus Imperator, qui pro *Syria inſula* Siliam Inſulam li- benter legunt, cum *Syria inſula* nondum ſit Geo- graphis nota. Relegatio ſive deportatio in inſu- las eo ævo exilii genus erat, Provinciaeque præſi- des ita relegare poterant, ſi ſub ſe inſulas habe- rent, ſin minus, Imperatori ſcribebant, ut ipſe inſulam reo assignaret, nec ejus corpus qui in in- ſulam relegatus abierat, non licebat Principe in- conſulto, alibi transferre, & ſepelire.

Vlpianus
lib. 7. de
Mathe-
maticis.
Relegatio
in inſulas.

Vide pag.
136.

Axantos.
Vihant.

Siambis.

The Seame
nautis.

Veneti.
Inſulae Ve-
neticae.
Nefidæ.
Vannes.
Venna Ca-
roli i.
pſcatio Ca-
roli Hel-
gardo.

* Samni-
tum.

In medii temporis ſcriptoribus harum Sillina- rum inſularum ne nomen quidem uſquam oc- currit, niſi quod Rex Athelſtanus ſubjugaverit, & reverſus Eccleſiam S. Berianæ, vel *Buriens* ex- ſtruxerit in ultimo Britanniae ad Occidentem promontorio, ubi terram conſcendit.

Contra has ad Gallicum littus Oſiſſimis, ſive Britanniae Armoricae præjacet *AXANTOS* Plin- nii, quæ nomine integro etiamnum *Vſbant* voca- tur, Antonino *VXANTISSENA*, qua una di- ctione, duæ coaluerunt, *VXANTIS* ſcilicet, & *SENA*. Hæc enim inſula inferius eſt nunc *Sayn*, quæ *Breſta* objecta *SIAMBIS* nonnullis exempla- ribus, & *Sounos* corrupte Plinio dicitur, circa quam ab Ortu in Occaſum plus minus ſeptem milliaria procurrunt conſertiſſimi ſcopuli, potius quam inſula. De hac accipe quod Pomponius Mela refert. *Sena in Britannico mari Oſiſſimis adverſa* littoribus Gallici numinis oraculo inſignis eſt, cujus anti- ſtites perpetua virginitate ſancta numero novem eſſe tra- duntur, Galli *Zenas*, vel *Lenas*, vocant (ſic potius cum Turnebo lego, quàm Gallicenas) putantque inge- niis ſingularibus præditas maria ac ventos concitare carmi- nibus, ſequæ in quæ velint animalia vertere, ſanare quæ apud alios inſanabilia ſunt, ſcire ventura, & prædicere, &c. Huic aliæ ſubtenduntur inſulae, *Iſles aux Mor- ton* juxta *Penmarc* .i. Caput Equi, *Gleran* è regione antiquæ *Blavia* (quæ hodie *Blavet*) *Grois* & *Belliſle*, quas *VENETICAS* vocat Plinius. Venetis enim Britanniae Minoris adverſæ ſunt, qui nescio an ita nominati quaſi piſcatores. *Venna* enim priſca Gal- lorum lingua hoc ſignificare videtur. Hos Vene- tis Italiae authores fuiſſe exiſtimat Strabo, qui etiam prodiſt navali pugna eos cum Caſare con- greſſuros fuiſſe cum Britanniam cogitaret. *VENETICAS* has inſulas *NESIDAS* ex Dionyſio Afro nonnulli vocant, cum tamen Græco codi- ce *Νησιδων νῆσοι* .i. Inſularum tractus legitur. De quibus ex illo Priſcianus.

Nec ſpatio diſtant *Nefidum* littora longè,
In quibus uxoꝛes * *Amnitum* Bacchica ſacra
Concelebrant hederæ foliis, rectæque corymbis.
Non ſic *Biftonides* *Abſynthi* ad flumina *Thraces*,
Exertis celebrant clamoribus *εὐφροῦντι*.

Quod etiam Feſtus Avienus ſic expreſſit.

Hinc ſpumofus item ponti liquor explicat æſtum,
Et brevis è pelago vortere ſubit: hic chorus ingens
Fæminei cætus pulchri colit Orgia Bacchi,
Producit noctem ludus ſacer: æra pulſant

Vocibus & crebris latè ſola calcibus urgent.
Non ſic *Abſynthi* propè flumina *Thraces*, & alma
Biftonides, non qua celeri ruit agmine *Ganges*,
Indorum populi ſtata curant feſta *Lyæo*.

Belliſle vero inter has prædictas *Nefidas* eſſe Strabonis ex aliorum fide authoritas convincit. Ligeris enim oſtio præjacet, & in oppoſita Gal- liae regione *SAMNITAS* poſuit Ptolemæus. Sic enim Strabo: *In Oceano autem Inſulam eſſe ajunt par- vam, non plane in alto ſitam, objectam oſtio Ligeris: in ea habitare Samnitarum mulieres, Bacchico inſtinctu corre- ptas, quæ Bacchum ceremoniis & ſacrificiis demereantur: nullum eò virum venire, ſed ipſas navigiis appetas cum vi- ris ſuis coire, atque inde in inſulam reverti: moris quoque eſſe, ut templi rectum quotannis auferatur, eademque ruſum die ante Solis occaſum integatur, una qualibet mu- lierum onus apportante: cui onus excidat, eam ab aliis diſcerpi: & eas fruſtra inter euandum ad templum conge- rentes non ante finem facere quam furore ſolvantur: ſem- per autem uſu venire, ut una de iis onere elapſo ita lanie- tur.* Sic priſcos ſcriptores de Orbis terrarum ex- tremis mendaciuncula, & fabellas contexere juvit. Quæ autem de *Cerere* & *Proſerpina* magis ſunt, inquit ille, *probabilia*. Perhibent enim inſulam eſſe Bri- tanniae propinquam in qua Deabus his ſacrificetur eodem ritu quo in *Samothrace*.

Cum autem Britannicum Mare uſque ad Hi- ſpaniae littus, & excuſum Pyrenæi protendi ſcri- bat Mela, qui ipſe natione Hiſpanus, poſſem & Lib. 2.
hic memorare *Normonſtier*, *Liſle de Dieu*, *Liſle de Rey* ſalis marini proventu inſulas notiſſimas; ve- rum cum antiquis Geographis ne nominentur quidem, mihi ſatis ſit nominare. Proxima au- tem inſula quæ hodie *Oleron* à Plinio *VLIARI* nomine celebratur, quæ in ſinu, ut inquit ille, Aquitanico, ad oſtium *Charontionis* fl. nunc *Cha- rente*, multas habuit immunitates à Regibus An- gliae tunc Ducibus Aquitaniae conceſſas. Quo tempore navali diſciplina & gloria adeo floruit, ut hæc maria legibus in hac inſula latis anno *CIOCCXXVI* non minus ac olim Mare Mediter- raneum legibus Rhodiis, regerentur.

Nihil aliud nunc reſtat, cum è tot cæcis Ocea- ni vadis, & aſperis Antiquitatis cautibus eluctata tandem enavigarit oratio, quam ut nautæ olim Neptuno vela lacera, aut tabulam votivam; ſic ego etiam aliquod, *DEO OPT. MAX. & VE- NERANDÆ ANTIQVITATI* Anathema con- ſecrarem, quod libens merito nunc voveo, & ſuo tempore Deo volente vota ſolvam. Interea meminerit lector, me cum invido, & edaci illo hoſte *TEMPORE*, hoc in opere colluſtatum fuiſſe, de quo Græcus optimè cecinit:

Ἀρχαίως Φέρεται πολὺς χρόνος, ἀλλὰ παρέργων.
καὶ Φωνὰς κλέπτει Φθιγγομήνων μερόπων.
καὶ μὴ Φαινόμεναι τὰς Φαινομένης ἀφανίζῃ.
καὶ μὴ Φαινόμενος, εἰς Φανερὸν προφέρεῃ.

Ego verò illo *Mimnermi* diſticho, quod veriſ- ſimum eſſe novi, me identidem affari, & con- ſolari ſoleo:

Τὴν αὐτὴν Φέρει πέρας, δυσηλεγέων δὲ πολλῶν
Ἄλλος τίς σε κακῶς, ἀλλὰ ὅς ἀμεινον ἔργει.

Obleſtes animum, plebs eſt moroſa legendo,
Ille benè de te dicet, at ille malè.

F I N I S.


Soli Deo Gloria.

INDEX TABVLARVM

TOMI IV ATLANTIS,

Sive

REGNI ANGLIÆ.



Anglia Regnum.	Pag. 73	Huntingdonensis Comitatus, <i>Huntingtonshire.</i>	
Bedfordienſis Comitatus,			233
Anglis <i>Bedfordshire.</i>	181	Infula ſacra, vulgo <i>Holy Iland</i> , & <i>Farne.</i>	389
Bercheria, vernacule <i>Bark-</i>		Lancaſtria Palatinatus, Anglis <i>Lancaſter & Lan-</i>	
<i>ſhire.</i>	133	<i>cas-ſhire.</i>	349
Brechinia Comitatus, vul-		Leiceſtrenſis Comitatus, <i>Leiceſterſhire.</i>	243
go <i>Breknoke.</i>	295	Lincolnia Comitatus, Anglis <i>Lincolnſhire.</i>	249
Britannia prout diſiſa fuit		Magna Britannia.	1
tempore Anglo-Saxonum, præſertim durante		Mervinia Comitatus, & Comitatus Montgo-	
illorum Heptarchia.	59	meria.	311
Buckinghamienſis Comitatus, Anglis <i>Bucking-</i>		Middleſexia.	193
<i>hamſhire.</i>	181	Mona Infula, vulgo <i>Angleſey</i> ; & Caernarvonien-	
Caernarvonum Comitatus, & Comitatus Pen-		ſis Comitatus, vernacule <i>Caernarvonſhire.</i>	313
brochia.	305	Mona.	380
Caernarvonienſis Comitatus, vernacule <i>Caer-</i>		Montgomeria Comitatus, & Comitatus Mervi-	
<i>narvonſhire</i> ; & Mona Infula, vulgo <i>Angleſey.</i>	313	nia.	311
Cantabrigienſis Comitatus, <i>Cambridgeſhire.</i>	227	Monumethenſis Comitatus, vernacule <i>Mon-</i>	
Cantium, vernacule <i>Kent.</i>	153	<i>mouthſhire.</i>	297
Ceretica ſive Cardiganenſis Comitatus, Anglis		Norfolkia, <i>Norfolke.</i>	219
<i>Cardiganſhire.</i>	309	Northantonienſis Comitatus, vernacule <i>North-</i>	
Ceſtria Comitatus Palatinus.	283	<i>hamtonſhire.</i>	237
Cornubia, ſive <i>Cornwallia.</i>	87	Northumbria Comitatus, vernacule <i>Northum-</i>	
Cumbria, vulgo <i>Cumberland.</i>	359	<i>berland.</i>	367
Darbienſis Comitatus, vernacule <i>Darbyſhire.</i>	261	Nottinghamienſis Comitatus, <i>Nottinghamſhire.</i>	259
Denbigienſis Comitatus, & Comitatus Flinten-		Oxonium Comitatus, vulgo <i>Oxfordſhire.</i>	173
ſis; <i>Denbigh & Flintſhire.</i>	317	Penbrochia Comitatus, & Comitatus Caerma-	
Devonia, vulgo <i>Devonſhire.</i>	95	ridunum.	305
Dorceſtria ſive Dorſetia Comitatus, vulgo An-		Radnorſia Comitatus, <i>Radnorſhire.</i>	293
glice <i>Dorſetſhire.</i>	101	Rutlandia Comitatus, <i>Rutlandſhire.</i>	247
Dunelmenſis Episcopatus, vulgo <i>The Biſhoprike of</i>		Regiones inundatæ in finibus Comitatus Nor-	
<i>Durham.</i>	345	folciæ, Suffolciæ, Cantabrigiæ, Huntingto-	
Eboracenſis Ducatus, Anglice <i>Yorkſhire.</i>	321	niæ, Northamtoniæ & Lincolnæ.	221
Eboracenſis Ducatus pars Borealis; <i>The North-</i>		Salopienſis Comitatus, Anglice <i>Shropſhire.</i>	277
<i>riding of Yorkſhire.</i>	335	Sarnia Infula, vulgo <i>Garnſey</i> ; & Infula Cæſarea,	
Eboracenſis Ducatus pars Occidentalis; <i>The</i>		vernacule <i>Iarſey.</i>	391
<i>Weſtring of Yorkſhire.</i>	323	Somerſettenſis Comitatus, <i>Somerſetſhire.</i>	107
Eboracenſis Ducatus pars Orientalis; <i>The Eaſt-</i>		Staffordienſis Comitatus, vulgo <i>Staffordſhire.</i>	
<i>riding of Yorkſhire.</i>	331		273
Efflexia Comitatus.	203	Suffolcia, vernacule <i>Suffolke.</i>	211
Flintenſis Comitatus, & Comitatus Denbigien-		Surria, vernacule <i>Surrey.</i>	141
ſis; <i>Flint & Denbighſhire.</i>	317	Suthſexia, vernacule <i>Suſſex.</i>	145
Glamorganenſis Comitatus, vulgo <i>Glamorgan-</i>		Veſtis Infula, Anglice <i>The Iſle of Wight.</i>	131
<i>ſhire.</i>	301	Wallia Principatus, vulgo <i>Wales.</i>	289
Gloceſtria Ducatus, vulgo <i>Gloceſterſhire.</i>	167	Westmorſia Comitatus, Anglice <i>WVeſtmoreland.</i>	
Hantonia ſive Southantonienſis Comitatus, vul-			357
go <i>Hantſhire.</i>	123	Wigornienſis Comitatus, & Comitatus Warwi-	
Herefordia Comitatus; <i>Herefordſhire.</i>	291	cenſis, nec non Coventræ Libertas. <i>Worce-</i>	
Hertfordia Comitatus, vernacule <i>Hertfordſhire.</i>	187	<i>ſter, WVarwickſhire, and the Liberty of Coventre.</i>	
			265
		Wiltonia Comitatus, Anglice <i>WViſhire.</i>	117

